

DOCTORIS ECSTATICI
DIONYSII CARTUSIANI
OPERA OMNIA



Digitized by the Internet Archive
in 2011 with funding from
University of Toronto



ZACH. I. IRA MAGNA EGO IRASCOR SVPER GETES. ET SAGITAS MEAS COMPLEBO IN EIS DEV 32.



DOCTORIS ECSTATICI
D. DIONYSII
CARTUSIANI
OPERA OMNIA

IN UNUM CORPUS DIGESTA

AD FIDEM EDITIONUM COLONIENSII

CURA ET LABORE

MONACHORUM SACRI ORDINIS CARTUSIENSIS

FAVENTE PONT. MAX. LEONE XIII

IN VII EPISTOLAS CANONICAS (B. JOANNIS I, II, III, B. JUDÆ),

ACTUS APOSTOLORUM, ET APOCALYPSIM

IN VII PSALMOS PŒNITENTIALES. MONOPANTON. EPITOME

MONSTROLII

TYPIS CARTUSIÆ S. M. DE PRATIS

MDCCCCI



CONVERTE NOS DEVS SALVTARIS NR: ET AVERTE IRA TVAM A NOBIS PSAL 84

THE INSTITUTE OF MEDIAEVAL STUDIES
10 ELINGSLEY PLACE
TORONTO 5, CANADA.

JAN 16 1962

3924

ENARRATIO
IN EPISTOLAS BEATI JOANNIS

ENARRATIO IN EPISTOLAM PRIMAM BEATI JOANNIS

ARTICULUS PRIMUS

ENARRATIO PRIMI CAPITULI : QUOD FUT AB INITIO, ETC.

SUBLIMIS Evangelista Joannes, multis et magnis a Christo privilegiis decoratus, atque per aquilam volentem designatus, præ ceteris de Christi divinitate scripsit profundius. Et sicut in principio evangelii sui destruit Ebionis ac Cerinthi, Christum purum hominem esse dicentium, hæresim, Marcionis quoque, Christum verum corpus assumpsisse negantis, perfidiam; sic et in hujus suæ epistolæ primæ initio, eorumdem perditissimorum hæresiarcharum prosternit vesanias, dicens :

1 *Quod fuit ab initio*, id est Verbum æternum, increatum ac genitum, de quo alibi habetur : In principio erat Verbum. Pater enim æternus, cujus sapientiæ non est finis, se ipsum intuendo ac intelligendo, quod de se et in se videt atque intelligit, hoc intra se intellectualiter profert ac gignit, utpote sui ipsius conceptum ac verbum, quod est unigenitus Filius ejus, in quo quidquid Patris est, plenissime splendet. Estque Verbum hoc Patri æquale, quum sit naturalis et perfecta ejus imago. Ex quo consequens est, C quod tota Deitatis plenitudo in ipso consistit : idcirco consubstantiale est Patri.

Joann. i, 1.
Ps. cxlvi, 5.

Hoc Verbum est æterna ac genita sapientia Patris, quæ in Proverbiis de sua intellectuali et æternali generatione aper-
tissime protestatur : Dominus possedit me *Prov. viii, 22, 23.*
initio viarum suarum, antequam quidquam faceret a principio; ab æterno ordinata sum.

Quod audivimus. Dupliciter audierunt homines Verbum hoc Dei æternum : Primo, percipiendo auribus sermocinationem loquentem de Verbo ipso. Et ita qui non viderunt Christum in carne, audierunt eum. De quibus loquitur Paulus : Numquid non audierunt? Et rursus : Fides, *Rom. x, 18.*
inquit, est ex auditu. Secundo, audiendo *Ibid. 17.*
verba immediate ex ore Christi. Sicque Joannes iste, ceteri quoque Apostoli cum Christo in terris conversati, audierunt hoc Verbum, non in deitatis suæ natura, sed in humanitate assumpta. Ex cujus ore verba cœlestia audiendo, Verbum æternum audierunt, propter unitatem personæ in Christo, quæ in duabus subsistit naturis, divina scilicet et humana.

Quod vidimus oculis nostris corporalibus per assumptam naturam. Siquidem Verbum hoc caro factum, inter Aposto- *Joann. i, 14.*

los visibiliter habitavit et conversatum A
Baruch III, 38. est, juxta illud *Baruch* : In terris visus
 est, et cum hominibus conversatus est.
Is. LII, 6. Unde per *Isaiam* testatur : Propter hoc
 sciet populus meus nomen meum in die
 illa, quia ego ipse qui loquebar, ecce ad-
Zach. II, 10. sum. Apud *Zachariam* quoque ait : Lau-
 da et lætare, filia Sion, quia ecce ego
 venio, et habitabo in medio tui. *Quod per-*
Joann. I, 14. *speximus*, id est, clare inspeximus : quia
 vidimus gloriam ejus, gloriam quasi Uni-
 geniti a Patre. *Et manus nostræ contrec-*
Ibid. XIV, 6. *taverunt de Verbo vitæ*, id est ipsum
 Verbum æternum, quod est Verbum vitæ,
 a quo omnis vita naturæ et gratiæ ac
 gloriæ profluit. Est etiam Verbum vitæ, id
 est Patris viventis ; vel, Verbum vitæ, id
 est Verbum quod est vita. Nam ait : Ego
 sum via, veritas et vita. Hoc Verbum in-
 carnatum Apostoli tractaverunt, quia sen-
 sibiliter ipsum tetigerunt, palpaverunt, et
 osculati sunt. Quibus et post passionem
 suam ac resurrectionem locutum est : Pal-
Luc. XXIV, 39. pate et videte, quia spiritus carnem et
 ossa non habet, sicut me videtis habere,
 ut scriptum est apud *Lucam*. *Joannes* quo-
Joann. XIII, 25; XXI, 20. que in Cœna recubuit in sinu Jesu, et
 super pectus ipsius.

Ex quibus verbis vera divinitas Chri-
 sti et vera incarnatio ejus evidentissime
 comprobantur, atque hæreticæ pravitates
 Ebionis, Cerinthi, Photini, Nestorii, Mar-
 cionis, Manichæi, Valentini, Apellis, at-
 que similibus hæreticorum, penitus con-
 futantur.

2 *Et vita manifestata est*, id est, Verbum
 istud æternum, quod est vera vita, quæ D
 secundum suam deitatem incomprehensi-
 bilis fuit, et latuit homines, et non nisi
 perpauca per explicitam fidem innotuit :
 hæc vita per naturam (quam assumpsit)
 humanam manifestavit se ipsam, docen-
 do, miracula faciendo, suos discipulos per
 totum mundum ad prædicandum mittendo.
Ibid. I, 4, 5. De qua scriptum habetur : Vita erat
 lux hominum, et lux in tenebris lucet. De
Ibid. II, 11. qua etiam alio loco asseritur : Hoc fecit
 initium signorum Jesus, et manifestavit

gloriam suam. De quo ab *Isaia* prædictum
 est : Simul laudabunt, quia oculo ad oculum videbunt ; itemque, Paravit Dominus
Is. I, 8. brachium sanctum suum in oculis omni-
Ibid. 10. um gentium, et videbunt omnes fines ter-
 ræ salutare Dei nostri. Et rursus loquitur
Isaia : Revelabitur gloria Domini. Atque
Ibid. XL, 5. Psalmista : Notum fecit Dominus salutare
Ps. XCIII, 2. suum ; et denuo, In sole (inquit) posuit ta-
Ps. XVIII, 6. bernaculum suum, et ipse tanquam spon-
 sus procedens de thalamo suo.

Et vidimus Verbum hoc interiori exte-
 riorique oculo, et testamur de eo ea quæ
 vidimus et cognoscimus. Unde, passione
 instante, disseruit nobis : Vos testimoni-
Joann. XV, 27. um perhibebitis, quia ab initio mecum
 estis. *Et annuntiamus vobis vitam æter-*
Ibid. XI, 25. *nam*, id est, Christum vobis prædicamus,
 qui ait : Ego sum resurrectio et vita. Est
 enim essentialiter vivens et vita, utpote
 sapientia ipsa increata, immensa. Propter
 quod ipsemet ait : Sicut habet Pater vi-
Ibid. V, 26. tam in semetipso, sic dedit et Filio vitam
 habere in semetipso. *Quæ erat apud Pa-*
Ibid. I, 1, 18. *trēm*, id est, secundum divinitatem suam
 fuit æternaliter in Patre et cum ipso, quia
 personaliter a Patre distinguitur, imma-
 nenter ab ipso egreditur, substantialiter
 idem cum ipso censetur. De quo in *Joan-*
Ibid. I, 1, 18. *ne* habetur : Verbum erat apud Deum ;
 unigenitus Filius qui est in sinu Patris,
 ipse enarravit. Et in *Psalmo* : Apud te
Ps. XXXV, 10. est fons vitæ. *Et apparuit nobis visibi-*
Act. I, 3. *liter* per corpus assumptum. Post resur-
 rectionem quoque Apostolis frequenter
 apparuit.

3 *Quod vidimus et audivimus, annuntia-*
mus vobis : sicut expositum est. Frequen-
 ter autem et evidenter hæc repetit, ut
 nullum hæreticis locum latendi aut effu-
 giendi relinquat. *Ut et vos societatem ha-*
beat nobiscum, id est communionem in
 fide, spe et caritate, et sacramentis Ec-
 clesiæ, et *societas vestra sit cum Patre*
 et Filio ejus *Jesu Christo*, id est, etiam
 cum Patre et Filio unionem et assimilati-
 onem supernaturalem habeatis per carita-
 tem et gratiam, ceteraque charismata Spi-

ritus Sancti, qui nominato Patre et Filio, A datur intelligi, quum sit amor et nexus amborum, inseparabilis ab eisdem, et vere Patri ac Filio consubstantialis, æqualis et consempternus. Pro qua societate Chri-

Joann. xvii,
11.

stus post Cœnam oravit, juxta illud : Pater sancte, serva eos in nomine tuo quos dedisti mihi, ut sint unum, sicut et nos ; et rursus : Non pro his (puta Apostolis) rogo tantum, sed et pro eis qui credituri sunt per verbum eorum in me, ut omnes unum sint, sicut tu, Pater, in me, et ego in te, ut et ipsi in nobis unum sint.

Ibid. 20, 21.

Ex præinductis patet certitudo veritatis fidei christianæ, de qua hoc loco scribit Albertus : Una cognitio redditur certior alia, ex quatuor : Primo, ex parte sensus per quem accipitur. Quum enim cognitio intellectiva ex notitia sensitiva dependeat, illa cognitio fit certior, quæ evidentius ex sensu aut ex pluribus sensibus habetur. Ea autem quæ Apostoli prædicaverunt de Christo, per visum, auditum et tactum noverunt. Secundo, ex parte objecti. Quum enim (teste Philosopho, secundo Primæ philosophiæ) unumquodque se habeat ad veritatem sicut et entitatem, constat quod sicut Deus est purissima essentia, et perfectissimum esse, sic est purissima veritas, et ex natura rei de ipso veritas habetur certissima. Tertio, ex parte luminis cui innititur. Quumque veritas fidei increato, infallibili et supernaturali lumini innitatur, certior est omni scientia alia quæ creato innititur lumini. Quarto, ex parte docentis. Quum ergo Apostoli cum Christo sint conversati, tanta sanctitate et sapientia perornati, tam supernaturaliter a Spiritu Sancto edocti, tam præclara miracula, soli omnipotenti Deo possible, in attestationem fidei operati, palam quod eorum doctrinæ credendum sit. Propter quod in fine evangelii sui sanctus

Ibid. xxi,
24.

ait Joannes de semetipso : Hic est discipulus qui testimonium perhibet de his, et scripsit hæc, et scimus quia verum est testimonium ejus. Paulus quoque ad Galatas fatetur : Licet angelus de cœlo evange-

Galat. 1, 8.

lizet vobis, præterquam quod evangelizavimus, anathema sit. Porro quod de fidei certitudine dixi, intelligendum est de certitudine adhærentiæ magis quam de certitudine evidentiae.

Et quia societas viæ, inchoatio ac præparatio est ad societatem felicitatis et gloriæ, rite subjungitur : *Et hæc scribi-*

4

mus vobis, ut gaudeatis in Domino gaudio spirituali. De quo loquitur Paulus : Gaudete in Domino semper ; et, Qui gloriatur, in Domino gloriatur. Unde et apud

Philipp. iv,

1 Cor. i, 31,

11 Cor. x, 17.

Jer. ix, 24.

B Jeremiam Dominus ait : De hoc gloriatur qui gloriatur, scire et nosse me. Est autem et gaudium inordinatum, carnale et sæculare, quo quis gloriatur in actu illicito, et de re prohibita aut non licita eo modo quo de ea gaudetur. De quo in Ecclesiaste fertur : Cor stultorum, ubi lætitia.

Eccle. vii,

5.

Porro, homo naturaliter appetit gaudium, sed ne gaudeat inordinate, diligentia magna est adhibenda. Omnis autem delectatio actui annexa illicito, est inordinata : similiter, si quis de actu in se bono vanam concipiat gloriam, in se ipso, non in Domino gloriando, aut de tali actu gaudento in quantum est aut esse putatur seu potest causa sive occasio propriæ laudis, proprii commodi, seu honoris. Denique omne gaudium ordinatum, utpote actui virtuoso annexum, dici potest spirituale et haberi in Domino : quia, aut est de Deo et in Deo, tanquam de immediato objecto, aut est de objecto creato ad Deum finaliter relato. Sicque dupliciter gaudemus in Deo : primo, tanquam in objecto immediato, ut quando in ejus contemplatione seu dilectione gaudemus ; secundo, tanquam in fine omnis boni actus, et mediato objecto, hoc est, quando gaudemus in actu virtutis circa creatum objectum versante, secundum beneplacitum Dei, et per relationem ad ipsum : sicut qui gloriatur eleemosynam dando, aut caste et sobrie se habendo, in quantum Deo hoc placet, seu ab ipso præceptum est.

Ut ergo sic gaudeamus in vita præsentī, hæc scripsit Joannes, hoc est, ut virtuose

vivamus, et virtuose vivendo spiritualiter A
jucundemur. Sed quoniam vitæ præsentis
gaudium nec plenum esse potest neque
continuum, imo multis tribulationibus,
mœroribus, interpolationibusque misce-
tur et obfuscatur, ideo subjungitur : *et*
gaudium vestrum sit plenum, id est, ad
cœlestem jucunditatem æternamque glo-
riam, plenarie contentantem et quietan-
tem omnis creatæ mentis desiderium, per-
tingatis : juxta illud Psalmistæ, Adimplebis
me lætitia cum vultu tuo : et, Satiabor
quum apparuerit gloria tua. Sic et Chri-
stus fatetur : Petite, et accipietis, ut gau-
dium vestrum sit plenum.

Ps. xv, 11.

Ps. xvi, 15.

Joann. xvi,
24.

Sed quum omnia ad beatitudinem sint
ordinanda, et beatitudo essentialiter sita
sit, non in gaudio, sed in actu perfecto
cui adjungitur gaudium (puta in contem-
platione, sicut ait Salvator : Hæc est vita
æterna, ut cognoscant te verum Deum) :
cur Christus et ejus Apostolus hortantur
nos ad opera bona, ut plenarie gaudea-
mus, et non potius ut beatifice contem-
plemur, seu plene fruamur? — Et respon-
dendum, quod loquuntur de gaudio pleno
secundum quod optimam operationem cui
unitur, includit. Sicque loquuntur, qua-
tenus ab inordinatis delectationibus nos
avertant, ad bene agendum accendant, at-
que ut in vitæ præsentis afflictionibus
consolemur, audiendo quod ad plenum
gaudium perducemur. Præterea, quum
gaudium sit diffusio animi in conceptu
boni, et oriatur ex unionem potentiæ cum
objecto convenienti; tunc gaudium intel-
lectualis creaturæ est plenum, dum sum-
mo bono clare et immediate unitur, et eo
ad libitum fruitur, ipsumque secure et
inamissibiliter possidet. Et ita gaudium
civium supernorum est plenum, quoniam
Deum in se ipso clare per speciem con-
templantur, eo ad libitum perfruuntur,
ac tute possident ipsum. Sicque eorum
capacitas est repleta, aviditas satiata, af-
fectio contentata, et potentialitas ad actum
reducta : quod totum in sanctis animabus
post resurrectionem glorificatis resumptis

Ibid. xvii, 3.

corporibus perfecte erit impletum, quan-
do non solum in essentiali, sed in acci-
dentali quoque præmio erunt perfectæ.
Ideo erit in eis tunc omnis potentialitas
ad actum perfecte reducta.

Et hæc est annuntiatio, id est prædica-
tio, *quam audivimus ab eo*, puta a Christo
[et annuntiamus vobis] : Quoniam Deus
Trinitas et unaquæque divina ac increata
Persona, *lux est*, lux utique spiritualis, et
pulchritudo immensa. Deus namque est
ipsa sapientia, ipsa veritas, ipsa puritas
simplicissima, sanctitas infinita. Sapientia
autem et veritas lux est mentis. Et sicut
solus Deus est essentialiter sapiens, et
ipsa sapientia sua; sic ipse solus substan-
tialiter lucens est et lux sua. Denique in
corporalibus lux vocatur, quod alia im-
mediate manifestat atque clarificat : quan-
to magis Deus lux est, qui cuncta illumi-
nat, et abscondita manifestat? Hinc alio
loco ait idem Joannes de Christo : Erat
lux vera quæ illuminat omnem hominem
venientem in hunc mundum. Hanc autem
prædicationem Apostoli audierunt a Chri-
sto frequenter, qui ait : Ego sum lux mun-
di; et rursus, Quamdiu in mundo sum, lux
sum mundi. Deus ergo est lux superessen-
tialis, pura et infinita, viva, sapientialis,
munificentissima et superpulcherrima. Id-
eo subditur :

B

C

D

Et tenebræ in eo non sunt ullæ. Si per
tenebras, errores et ignorantiae ac vitia in-
telligantur, quis nesciat nullas in Deo te-
nebras esse? De quo ait Psalmista : Quo-
niam rectus Dominus Deus noster, et non
est iniquitas in eo. De quo et Job tricesi-
mo quarto Eliu contestatur : Absit a Deo
impietas, et ab Omnipotente iniquitas. Imo
hoc modo in Beatis tenebræ non sunt ul-
læ : nisi quis quamdam nescientiam in eis
esse affirmet, quia non omnia sciunt quæ
Deus, cujus sapientiæ non est numerus,
loquendo de scientia intelligentiæ simpli-
cis, qua Deus scit penitus infinita quæ
nunquam fuerunt nec sunt nec erunt. —
Verumtamen potest istud subtilius expla-
nari, ut per tenebras intelligatur quæcum-

5

Joann. 1, 9.

Ibid. viii,
12.
Ibid. ix, 5.

Ps. xci, 16.

Job xxxiv,
10.

Ps. cxlvi, 5.

que defectuositas seu defectibilitas, aut A imperfectio, a qua nulla creatura invenitur immunis. Propter quod in Ecclesiaste
Eccle. i, 2. asseritur : Vanitas vanitatum, et omnia vanitas. In omni etenim creatura est dependentia, qua indesinenter dependet a Creatore, ejusque conservatione tam incessabiliter eget, quod nec ad momentum sine illius manutenzione queat subsistere aut durare, sed protinus redigeretur in nihilum si relinqueretur a Deo altissimo per momentum. Hæc itaque dependentia est defectuositas quædam. Est item in omni creatura imperfectio aliqua, quia quum
Sap. xi, 21. sit finita, utpote in numero, pondere et mensura constituta, ibi incipit ejus imperfectio, ubi finitur ejus perfectio. Hinc quoque in ea est vanitas, id est quædam commutabilitas et defectibilitas, atque distantia a vero, pleno et incommutabili esse, quod Deo est proprium. Juxta hanc expositionem, Deo proprium perhibetur tenebras in se nullas habere.

6 *Si dixerimus quoniam societatem habemus cum illo, puta cum Deo, et in tenebris ambulamus, id est, in peccato quocumque mortali, et ignorantia juris quod scire tenemur, conversamur, et ad inferos gradimur; mentimur : qui enim societatem habet cum Deo, caritatem habet et gratiam, quibus caret qui in præfatis ambulat tenebris; et non facimus veritatem vitæ, et divina præcepta non adimplemus. De qua veritate loquitur Dominus per Isaiam : Dabo opus eorum in veritate; et*
Is. lxi, 8. *I Tim. vi, 17-19.* *Apostolus : Divitibus hujus sæculi præcipe non sublime sapere, divites fieri in operibus bonis, ut apprehendant veram vitam.*

7 *Si autem in luce ambulamus, id est, virtuose sapienterque vivimus, perseverando in fide et gratia virtuosaque vita, sicut et ipse est in luce, id est, in sui ipsius supersplendidissima veritate atque justitia invariabiliter manet. Ei etenim competit in luce incommutabiliter esse ac permanere, qui in se ipso immobiliter est consistens, et in se ipso prorsus perfe-*

ctus existens, non potest, imo potius non eget, proficere. De quo ait Propheta : Tu *Ps. ci, 28.* autem idem ipse es. Et Apostolus ad Timotheum contestatur : Qui solus habet immortalitatem, et lucem habitat inaccessibilem. Boni vero fideles in luce ambulant, quibus incumbit de virtute in virtutem procedere, in gratiarum donis proficere, meliora et viciniora salutis exquirere : quibus ait et Paulus, Ut filii lucis ambulate. *I Tim. vi, 16.* *Hebr. vi, 9.* *Ephes. v, 8.* Societatem habemus ad invicem, id est, caritate connectimur, atque per fidem et caritatem concorditer conversamur, in sacramentis Ecclesiæ et virtutum operibus communicamus. Sicque per hæc socialiter invicem vivimus, et Deo uniformiter assimilamur, sumusque cives civitatis Dei, utpote militantis Ecclesiæ.

Quamvis autem hæc de qualibet divina intelligi possint Persona, tamen hoc loco de persona Patris æterni introducuntur. Nam subditur : *Et sanguis Jesu Christi Filii ejus emundat nos ab omni peccato,* id est, dominicæ passionis fructum consequimur, ita quod virtus et meritum passionis Christi operatur in nobis. Siquidem virtute et merito passionis Christi dantur hominibus charismata gratiæ per sacramenta Ecclesiæ, realiter aut affectualiter, seu in voto accepta, per quæ meritum passionis Christi applicatur hominibus tanquam per medicinalia vasa. Unde in Apocalypsi habetur : Qui dilexit nos, et lavit nos a peccatis nostris in sanguine suo. Et in Actibus Judæis loquitur Paulus : Per Jesum remissio peccatorum vobis annuntiatur ab omnibus, a quibus non potuistis in lege Moysis justificari. Ad Hebræos quoque habetur : Si sanguis hircorum et vitulorum inquinatos sanctificat ad emundationem carnis, quanto magis sanguis Christi, qui per Spiritum Sanctum obtulit semetipsum immaculatum Deo, emundabit conscientiam nostram ab operibus mortuis ad serviendum Deo viventi?

At vero qualiter fidelibus virtuosis conveniat societatem habere cum Deo, atque

consortes esse divinæ naturæ, diligenter et diffuse expositum est in elucidatione secundæ Canonice beatissimi Petri, super illud : Maxima et pretiosa nobis promissa donavit, ut per hæc efficiamini divinæ consortes naturæ, etc. Nihilo minus de hac ipsa materia, quia subtilis est ac devota, nunc aliqua addam. Et quia ex creaturis ad Creatoris cognitionem ascendimus, saltem in multis, pensemus quid ad societatem pertineat in rationalibus creaturis, ut sic clarius innotescat qualiter cum Deo societatem habeat Christianus devotus.

Socii appellantur, qui libenter sunt simul et familiariter colloquuntur, separationis quoque sunt impatientes, atque ad specialem unionem adspirant, qui et secreta sua sibi invicem pandunt, fidelitatem simul conservant, de mutua jucundantur præsentia, et in actibus suis communicant, quoniam eadem libenter efficiunt, imo sibi invicem cooperantur, et mutuo opem impendunt, et unus prosperitatem cupit alterius.

Ita revera verus et devotus Christianus libentissime est cum Deo, cum Psalmista protestans : Mihi adhærere Deo bonum est; et item, Adhæsit anima mea post te. Et inter Deum ac talem Christifidelem est familiare assiduumque colloquium. Ipse siquidem ubertim affatur Deum, orando ac meditando salubria, sciens Christum dixisse : Oportet semper orare, et non deficere : atque apostolum Paulum, Sine intermissione orate. Deus quoque alloquitur eum, per divinos instinctus, per illuminationes et unctiones internas, per sacras Scripturas, et per inspirationes angelicas. Talis demum Christifidelis, separationis a Deo est impatiens. Mallet namque totum mundum amittere et occidi, quam per peccatum a Domino separari, quia incomparabiliter super omnia toto corde diligit Deum. Imo dum gratiosam Dei præsentiam, dum allocutionem internam, et divinæ familiaritatis signa non experitur, ingemiscit, et animo consternatur, ne forte

A Deum offenderit, et ab ipso relictus sit. Idcirco ad unionem cum Deo adspirat, et ei semper vicinius uniri molitur. Deus quoque multis modis allicit eum sibi. Insuper benignissimus Deus et devotus Christifidelis secretissima sua sibi invicem manifestant. Christianus namque, juxta Jeremiæ oraculum, effundit sicut aquam cor suum in conspectu Domini Dei sui; et Deus per unctionem suam de omnibus edocet eum, ac sæpe incerta et occulta sapientiæ suæ ei revelat, quum et Christus discipulis dixerit : Omnia quaecumque audivi a Patre meo, nota feci vobis.

Talis quoque Christifidelis Deo fidelitatem conservat, cum apostolo Paulo exclamans : Quis me separabit a caritate Dei? Vitat enim carnales et mundanas affectiones, et animam suam custodit, ne per mortale peccatum prostituatur diabolo, et ejus fiat adultera, sed cœlestis Sponsi permaneat sponsa ac socia. Deus vero eum nequaquam relinquit, nisi prius relinquatur ab eo. Deus item et talis Christifidelis

C de mutua gloriantur præsentia. Siquidem deliciæ Dei sunt esse cum tali hominis filio, qui et ipse delectatur in Domino, et renuit consolari anima ejus nisi in illo. Insuper, agendo communicant, id est, libenter eadem agunt. Quemadmodum enim Deus se ipsum incessabiliter intuetur ac diligit, justitiam amat, pietatem exercet, bonitatem suam communicat aliis, universos ad salutem hortatur, inimicis beneficia multa largitur; sic talis Christifidelis summæ et increatæ veritatis contemplationi, et infinitæ bonitatis dilectioni libenter intentus est, justitiamque zelatur, pius ac liberalis consistit, dona gratiæ sibi collata aliis munificenter impertit, omnium cupit salutem, adversarios diligit, et bona rependit pro malis. Amplius, Deus et talis Christifidelis sibi invicem cooperantur. Nam Deus operatur per eum, opem ei impendit, et eum tuetur. Ipse quoque est Deo cooperans dupliciter : primo, in se ipso, quia divinæ inspirationi acquiescens, juxta ejus vivit directionem; secundo in

Thren. II, 19.

I Joann. II, 27.
Ps. I, 8.

Joann. XV, 15.

Rom. VIII, 35.

Prov. VIII, 31.
Ps. LXXVI, 4, 3.

Ps. LXXII, 28.
Ps. LXII, 9.

Luc. XVIII, 1.
I Thess. V, 17.

aliis, eos ad consentiendum obediendum-que Deo exhortans. Propter quod asserit
 I Cor. III, 9. Paulus : Dei cooperatores sumus. Postremo, Deus homini christifideli cupit veram prosperitatem, beatitudinemque perpetuam. Ipse etiam Deum ab omnibus honorari atque glorificari totis optat præcordiis.

Ecce quanta est dignitas caritatis infusæ, quam admirabiles excellentissimosque effectus causat in anima ! Nec mirum, quum ipsa sit supernaturalis similitudo increati amoris, videlicet Spiritus Sancti. O quanta est rationalis creaturæ ista nobilitas, habere cum divina natura consortium, atque cum proprio Creatore societatem sortiri ac possidere ! Sed heu, homo quum in honore esset, non intellexit, comparatus est jumentis insipientibus, et per spiritualia atque carnalia vitia plurimi se dæmonibus bestiisque associant et conformant. Quorum vanitatem, vilitatem et peruersitatem vitantes, studeamus modis præcunctis societatem habere cum Deo : qui sicut in Genesi legitur, dixit ad Jacob, Ero socius itineris tui.

Ceterum, ne quis incaute præsumat se societatem habere cum Deo, subjungitur :
 8 *Si dixerimus quoniam peccatum non habemus, ipsi nos seducimus, et veritas in nobis non est.* Hoc communiter de venialibus culpis exponitur, sine quibus præsens vita non agitur, quum in Proverbiis dicatur : Justus septies in die cadit. Et iterum Salomon contestatur : Non est homo super terram qui faciat bonum, et non peccet. Unde et Jacobus ait apostolus : In multis offendimus omnes. Augustinus quoque de venialibus exponit hunc locum.

Aliqui vero exponunt de mortali peccato : quia et si quis justus existat, tamen sine revelatione divina non valet certitudinaliter scire se esse absque mortali. Idcirco si asserat se illo carere, peccatum incurrit superbiæ atque jactantiæ, imo et falsitatis, si se asserat scire mortale se vitium non habere. Sed huic expositioni contrariari videtur quod loquitur Augu-

stinus : Excepta Virgine gloriosa, si omnes Sancti et Sanctæ essent collecti, et quærentur an peccatum haberent, quid responderent, nisi quod ait Joannes, Si dixerimus quia peccatum non habemus, etc. ? Hoc autem de mortali non videtur posse intelligi, quum multi Sanctorum ex revelatione agnoverint se mortali non subjacere. Insuper, S. Joannes apostolus per hæc verba intendit insinuare quod omnes habemus peccatum. Propter quod post verba hæc protinus subdit : Si confiteamur peccata nostra, etc. Non autem omnes habent mortale peccatum, quum in Ecclesia Dei semper sint aliqui virtuosi. Item S. Joannes tam generaliter loquitur, secundum sanctos doctores, ut se ipsum quoque sub ista comprehendat sententia : et tamen ipse se noverat esse in caritate. Postremo, si is qui in caritate est, dicat simpliciter absque temeraria assertione, cum probabili confidentia, se esse sine mortali, non mentitur.

Itaque, qui dicit se esse sine peccato omnimode, fallit se, nec veritas est in eo quantum ad hoc quod id dicit, quamvis quoad alia multa in eo sit veritas, quia adhuc potest esse in vera fide informi, et multa veraciter noscere.

Deinde inducitur contra quotidiana, imo et contra universa peccata remedium. *Si confiteamur peccata nostra.* In novo enim Testamento necesse est, si adsit facultas, confiteri peccata confessione sacramentali sacerdoti jurisdictionem habenti. Nec sufficit contritio aut confessio Deo facta, nisi cum desiderio atque proposito sacramentaliter confitendi, si possibilitas suppetat. Porro, in lege naturæ et lege scripta sufficiebat contritio et confessio Deo facta. Si ergo peccata nostra rite confessi fuerimus Deo, et ejus vicario sacerdoti, *fidelis et justus est Deus, ut remittat nobis peccata nostra*, id est, in hoc se ostendet fidelem et justum, quod peccatis nostris ignoscet. Hoc enim prædixit atque promisit, quod confitentibus indulgebit : idcirco sic faciet, juxta illud in Psalmo, Fidelis Domi-

nus in omnibus verbis suis. Et justum est A ut sic agat, quum promissum aliquo modo cadat in debitum. *Et emundet nos ab omni iniquitate* per sacramentum Pœnitentiæ, quod est secunda post naufragium tabula. Omnia enim in confessione lavantur, nec unum mortale dimittitur sine aliis, si adsint. Non enim dimittitur mortale, nec ab illo quis emundatur, nisi per caritatis et gratiæ infusionem, sine qua nullus fit Deo acceptus. Caritas autem cum mortali non potest stare peccato. Ideo dicitur :

Larga Dei pietas veniam non dimidiabit :

Aut nihil, aut totum, te lacrimante, dabit.

Hæc itaque Christus denuntiavit, dicen-
do : Pœnitentiam agite, appropinquabit
enim regnum cœlorum. Pœnitentia autem
sacramentalis tres partes habet, quæ sunt :
contritio cordis, confessio oris, satisfactio
operis. — Unusquisque ergo coram Deo
quotidie humiliter se accuset, castiget, de-
spiciat, opportunoque tempore confitea-
tur. Et dum quis a proximo suo fraterne
corripitur, aut a superiori suo caritative
inrepat, nequaquam ægre, sed gratan-
ter accipiat, et coram Deo se culpabilem
fateatur, ut misericordiam consequatur,
juxta illud in Psalmo : Dixi, Confitebor
adversum me injustitiam meam Domino,
et tu remisisti iniquitatem peccati mei.
Propter quod in Proverbiis asseritur : Qui
abcondit scelera sua, non dirigetur ; qui
autem confessus fuerit, et reliquerit ea,
misericordiam consequetur. Hinc sanctus
Job : Vias meas in conspectu ejus arguam,
et ipse erit salvator meus.

Denique, quam periculosum, superbum,
et stultum sit se indebite excusare, con-
stat ex eo quod subditur : *Si dixerimus
quoniam non peccavimus, mendacem fa-
cimus eum*, id est, contradicimus Deo,
qui in Scripturis testatur oppositum, et
sic, quantum in nobis est, facimus Deum
in verbis suis mendosum. Unde, quum
Propheta dixisset : Dixi, Confitebor adver-
sum me injustitiam meam Domino, ad-
didit : Pro hac orabit ad te omnis sanctus

in tempore opportuno. Et in Job habe-
tur : Si voluerit homo cum Deo conten-
dere, non poterit respondere unum pro
mille. Isaias quoque inducit : Facti sumus
ut immundi omnes nos, et quasi pannus
menstruatæ universæ justitiæ nostræ ; et
rursus, Omnes nos quasi oves erravimus,
unusquisque in viam suam declinavit ;
itemque, Dominus posuit in eo iniquita-
tem omnium nostrum. Ergo omnes pec-
cato sumus obnoxii. Quod etiam Esdras
in sua oratione et confessione testatur.

B Quidam vero allegant ad istud Job quin-
todecimo : Quid est homo ut immaculatus
sit, et justus appareat natus de mulie-
re? Ubi antiqua translatio habet : Nemo
mundus a sorde, neque infans cujus est
unius diei vita super terram. Sed hanc
allegationem reprobatur quidam, eo quod
verbum illud non est verbum Dei, nec
verbum beati Job, sed Eliphaz Themani-
tis, qui falsam conclusionem intendit, id-
circo verbum ejus non videtur Deo at-
tribuendum. Cui objectioni multa obijci
possunt : Primo, quoniam sancti docto-
res, Augustinus, Gregorius, et alii, verba
ista tanquam authentica et divina alle-
gant. Secundo, quoniam teste Ambrosio,
omne verum a quocumque proferatur, a
Deo est, et Deo attribuendum est. Ter-
tio, quoniam Eliu Buzites etiam falsam
contra Job conclusionem intendebat, ni-
hilo minus Deus verba ipsius Eliu sen-
tentiosa esse testabatur, dicendo : Quis
est iste qui involvit sententias sermoni-
bus imperitis? Simili ratione, in quibus

D Deus seu Scriptura aliorum trium cum
Job disputantium verba non reprobatur, ea
intelligitur approbasse. Quarto, quoniam
de philosophis ait apostolus Paulus : Deus
illis revelavit. Non minus ergo et Eliphaz
suo modo est revelatum a Deo, quidquid
veraciter protulit.

Itaque, Si dixerimus quoniam non pec-
cavimus, mendacem facimus Deum, *et ver-
bum ejus non est in nobis*, id est, sa-
cram Scripturam non vere intelligimus,
nec sermo Dei effectum salubrem sortitur

in nobis, nec increatum Dei Verbum per caritatem et gratiam corda nostra inhabitat. Necesse est ergo ut semper nos humiliemus, accusemus, discutiamus, et emendemus. Si tamen alicui culpa notabilis objiciatur de qua sibi conscius non est, potest se humiliter excusare, praesertim ne alii scandalizentur in eo.

Job xxvii, 6. Sed praëductis objici potest illud beati Job, Neque reprehendit me cor meum in omni vita mea; et quod in fine secundi Paralipomenon in Oratione Manassæ habetur: Tu, Domine, non posuisti in poenitentiam justis, Abraham, Isaac, et Jacob, his qui tibi non peccaverunt. Denique aliqui ita perfecti sunt, ut evolent, id est, a corpore sine poena post hanc vitam sequente beatitudinem intrent. Ad

A quod respondendum, quod sanctus Job non intendit se a venialibus penitus excusare, quum ipsemet Deo loquatur: Si- *Job xiv, 17.* gnasti quasi in sacco delicta mea; et rursus, Peccavi; itemque, Tu quidem gressus meos dinumerasti, sed parce peccatis *Ibid. vii, 20.* meis. Item dicendum ad verba illa Manassæ, quod scilicet non intendit Patriarchas a venialibus immunes asserere. Ad ultimum respondetur, quod licet viri sancti quotidie venialiter peccent, tamen pro eisdem quotidie satisfaciunt, et cum hoc, in virtutibus valde crescunt, in omni puritate et perfectione miro modo proficiunt, ita quod non solum non desinunt esse sancti, sed et sanctiores redduntur, atque ad horulam possunt omni culpa carere. *Ibid. xiv, 16.*

ARTICULUS II

EXPOSITIO CAPITULI SECUNDI: FILIOLI MEI, HÆC SCRIBO VOBIS.

QUAMVIS in hac vita fragili sine quotidianis et venialibus culpis esse non valeamus, saltem per tempus notabile; nihilo minus diligentiam omnem adhibere debemus, ut auxiliante Domino, peccata mortalia ac venialia, quantum fragilitati nostræ possibile est, evitemus. Nam etsi venialia omnia vitare nequimus, tamen singularia possumus. Ideo S. Joannes nunc ait:

1 Filioli mei, hæc scribo vobis, ut non peccetis, id est, peccata cum diligentia omni vitetis. Nam, ut asserit Isaias propheta, *Is. xxvii, 9.* Hic est omnis fructus, ut auferatur peccatum. Porro quod ait, Filioli, non ex sui ipsius magnificatione, et discipulorum parvipensione, sed ex caritatis magnitudine atque dulcissima affectione, processit. Ob quam causam etiam nos interdum diminutivis nominibus utimur. Hoc quoque sciendum, quod non pecca-

C re, non solum dicit cessationem ab actu illicito seu culpabili omissione, sed etiam executionem operum debitorum, seu observantiam præceptorum quæ sine peccato omitti non valent. Quid ergo est dicere, Hæc scribo vobis, ut non peccetis, nisi, Hæc scribo vobis, ut virtuose vivatis, quatenus nec omittenda committatis, nec committenda omittatis? Hoc est quod ait Psalmista: Declina a malo, et fac bonum. *Ps. xxxvi, 27.* Declinare quippe a malo, est omittenda seu illicita non committere; et facere bonum, est committenda non omittere. Sed et si quis peccaverit, non tamen desperet, *advocatum habemus,* id est patronum et oratorem, *apud Patrem,* id est æterni Patris personam; vel, Apud Patrem, id est Deum Trinitatem, seu Deum unum ac trinum, cui quotidie dicimus: Pater noster, qui es in cœlis. Christus *Matth. vi, 9.* secundum quod homo, advocatus et ora-

tor noster est, etiam apud se ipsum in A quantum est Deus : quoniam tota superbenedicta Trinitas, cujus indivisa sunt opera, est unus Deus qui invocatur, qui exaudit, indulget, confortat, et salvat. *Jesum Christum justum*, qui secundum utramque naturam suam justus est : quia ut Deus, essentialiter justus est ; secundum assumptam quoque humanitatem, antonomastice Justus vocatur. De quo apud Isaiam fertur : Peccatum non fecit, nec inventus est dolus in ore ejus. Imo tanta fuit in eo justitia, quod natura creata majoris justitiæ non est capax.

2 *Et ipse est propitiatio pro peccatis nostris.* Secundum Bedam, Christus, qui per

Rom. viii, 34 : *Hebr.* vii, 25.

humanitatem advocatus noster est, interpellans Patrem pro nobis, ipse secundum divinitatem propitiator est peccatorum nostrorum, quia propitiatur seu ignoscit nobis cum Patre. Et hoc dicit Beda Augustinum sequendo, qui utitur littera ista : Ipse est propitiator peccatorum nostrorum. Sed quoniam textus noster habet, Ipse est propitiatio pro peccatis nostris, non potest de Christo exponi secundum divinitatis naturam, sed secundum naturam humanam : secundum quam est propitiatio pro peccatis nostris in quantum obtulit semetipsum pro nostra expiatione, et genus humanum Deo reconciliavit suæ passionis virtute ac merito, juxta illud Isaïæ, Cujus livore sanati sumus. Est itaque propitiatio pro peccatis nostris, id est causa remissionis vitiorum nostrorum, causa utique meritoria et instrumentalis.

Is. lxi, 5.

1 Tim. ii, 5. in quantum homo redemptor, Dei ac hominum mediator. Juxta quem sensum lo-

1 Cor. i, 30. quitur Paulus ad Corinthios : Christus factus est nobis a Deo sapientia et justitia, sanctificatio et redemptio ; alibi quo-

II Cor. v, 19. que : Deus erat in Christo, mundum reconcilians sibi, in quantum videlicet per Christum hominem fecit hanc reconciliationem.

Non pro nostris autem tantum, id est, non solum Christus propitiatio est pro peccatis eorum quibus hæc primo scripsit

S. Joannes, *sed et pro totius mundi peccatis*, id est pro culpis totius Ecclesiæ, toto orbe terrarum diffusæ, imo pro vitiis universi generis humani sufficienter, quamvis pro solis electis efficienter. Humanitas etenim Christi, ex cuncta sibi deitate, habuit idoneitatem satisfaciendi quodammodo infinitam. Ex eminentia quoque virtutum quas habuit, ineffabilem habuit efficaciam promerendi ac reconciliandi.

Circa verbum illud præhabitum, *Jesum Christum justum*, ait quidam : Quasi diceret : Non interpellat pro quibuscumque peccatoribus, sed solum pro vere pœnitentibus. Quod stare non potest, quia pro cunctis electis, quamvis adhuc vitiosis et nondum pœnitentibus, Christus ut homo veraciter interpellat. Et tales merito Christi, suæ interpellationis virtute et efficacia, conversionis gratiam consequuntur. Albertus etiam dicit hic, quod Filius Dei est advocatus noster, interpellando pro perfectorum conservatione, et pro offenditum reconciliatione. — Aliqui quoque affirmant, quod Christus orat pro nobis miseratione, non voce, quum tamen ad Hebræos scriptum sit : Christus sempiternum habet sacerdotium : unde et salvare potest in perpetuum, accedens per semetipsum ad Deum, semper vivens ad interpellandum pro nobis. Vere igitur interpellat pro nobis, sive hoc facere asseratur voce mentali dumtaxat, sive etiam voce oris. Denique Christus electorum salutem desiderat, etiam præ omnibus Sanctis. Oratio autem est desiderii expressio, et voluntatis interpretis ac nuntius. Vere igitur orat pro eis, præsertim quum teste Bernardo, sicut Mater ostendit Filio pectus et ubera, sic Filius Patri latus et vulnera. Hinc etiam ad Romanos habetur, quod Christus interpellat pro nobis.

Hebr. vii, 24, 25.

Rom. viii, 34.

Quum ergo tot beneficia nobis largitus sit Christus, propter quod omnes Christiani gloriantur se Christum cognoscere, consequenter ostendit sanctus Apostolus, quis vere atque salubriter eum agnoscat.

3 Nam subditur : *Et in hoc scimus quoniam cognoscimus eum*; vel, ut aliqui textus habent; *Cognovimus eum*; *si mandata ejus observamus*. Duplex est cognitio Dei : Una informis et nuda, seu speculativa dumtaxat, quæ nec caritati, nec virtuosæ conversationi conjuncta est. Et ita iniqui Deum cognoscunt, quemadmodum ad Romanos de talibus dicitur : Quum cognovissent Deum, non sicut Deum glorificaverunt, sed evanuerunt in cogitationibus suis. Alia est cognitio Dei formata seu affectiva approbativaque boni, utpote caritate ornata, de qua nunc fatur Joannes. Et hæc Dei cognitio, actus est doni sapientiæ, de qua Sapiens ait : In malevolam animam non intrabit sapientia. Talis ergo cognitio malis non inest, quum apud Michæam scriptum sit : Numquid vestrum est scire judicium, qui odio habetis bonum ?

Rom. i, 21.

Sap. i, 4.

Mich. iii, 1, 2.

Marc. x, 20.

Matth. xix, 17.

Sed quum ista cognitio Dei et caritas sint connexæ, videtur quod aliquis scire possit se esse in caritate, quemadmodum scire potest se Deum cognoscere ista cognitione : quoniam scire potest se Dei præcepta servare, sicut in Evangelio adolescens loquitur Salvatori, Hæc omnia observavi a juventute mea. Ad hoc quidam respondent, quod B. Joannes hic loquitur de scientia probabilis conjecturæ, non de scientia certitudinis absolutæ.

Potest autem et aliter responderi. Solent enim doctores quæstionem movere, an homo possit præcepta Decalogi ex naturalibus suis implere, videlicet absque auxilio gratiæ gratificantis. Et videtur quod imo, quia præcepta Decalogi sunt de naturalis dictamine rationis, ergo per naturalem rationem possunt servari. Oppositum videtur ex eo quod Dominus loquitur : Si vis intrare ad vitam, serva mandata. Ergo mandatorum observantia sufficit ad salutem. Si ergo ex naturalibus queunt viribus observari mandata, consequens erit ut absque supernaturalibus donis gratiæ ac virtutum possit quis adipisci salutem : quod est hæresis con-

A demnati, sacrilegi, et præsumptuosi Pelagii. Ad hoc communiter respondetur, quod præcepta Decalogi, quantum ad substantiam facti seu operis, possunt ex naturalibus viribus adimpleri, non autem quantum ad intentionem legislatoris, id est non eo modo quo Deus summus præceptor ac legislator jussit ea adimpleri, et eorum observationem requirit. Intentio etenim Dei præcipientis fuit et est, ut præcepta Decalogi impleantur ex vera et spiritali dilectione, ad Dei honorem, et propter æternam salutem, quum nihil sit meritorium nisi taliter fiat. Certumque est, ea ita non posse absque caritate et gratia adimpleri. Idcirco dicendum, quod ex præinductis S. Joannis verbis probari non potest, scire nos posse absque revelatione quod simus in caritate, quum sine revelatione scire non valeamus quod Dei servemus præcepta eo modo quo Deus ea jussit servari.

Qui dicit se nosse Deum cognitione formata, ut tactum est, et mandata ejus non custodit memoria et effectum, juxta illud : Memores sunt mandatorum ipsius ad faciendum ea; mendax est, hoc ipsum dicendo, et non est in eo veritas vitæ, sed vanitas atque mendacium veritati vitæ contrarium, et in eo veritas non est, id est, quantum ad hoc quod sic loquitur, mentitur, nec increata veritas (quæ Deus est) per gratiam eum inhabitat : quamvis in eo sit veritas entis seu naturæ, veritas quoque sententiarum ac propositionum quantum ad alia multa quæ vere potest cognoscere, quamvis in isto sit mendax. De hac Dei formata notitia, ipse ait in Psalmo : Protegam eum, quoniam cognovit nomen meum.

Ps. cii, 18.

Ps. xc, 14.

Qui autem servat verbum ejus, id est, verba Dei custodit et implet, credendo et operando quæ præcipit Deus credi ac fieri, per se et suos vicarios, vere in hoc caritas Dei perfecta est, id est, talis Deum perfecte ac spiritaliter diligit.

Ex quo sequi videtur, quod quicumque implet præcepta, perfectam habeat

4

5

caritatem : ergo superfluum est evangelica observare consilia, quatenus per eorum observantiam ad caritatem pertingatur perfectam. — Et respondendum, quod Deum perfecte diligere, est eum toto corde amare : ad quod omnes tenentur secundum aliquem gradum. Idcirco secundum aliquem gradum, quicumque servat præcepta, perfecte diligit Deum. Sed advertendum, quod caritas Dei perhibetur perfecta, dupliciter : Uno modo, ex parte objecti, utpote Dei. Et sic perfectam habet caritatem, qui tantum diligit Deum quantum ex propria bonitate est amabilis. Sicque solus Deus perfecte se diligit, et unaquæque increata divina Persona perfectam seu infinitam habet caritatem ad aliam, et etiam ad se ipsam. Et ita universæ mentis creatæ caritas distat in infinitum a perfectione caritatis Dei, cuius amabilitas est prorsus immensa. Secundo, caritas appellatur perfecta ex parte subjecti, scilicet diligentis. Et hujus perfectionis triplex est gradus : Primus, dum quis tantum diligit Deum quantum tenetur. Et sic quicumque servat præcepta, perfectam habet ad Deum dilectionem, quia præ universis et singulis, seu super omnia incomparabiliter diligit eum, saltem appetitative, quamvis non intensive. Si enim infusa dilectione diligit Deum, oportet ut plus diligat eum quam totum mundum. Propter quod asserit Augustinus, quod caritas minima est major quam cupiditas maxima. Secundus gradus perfectionis caritatis est, dum in tantum diligitur Deus, quod etiam illa quæ solent dilectionem Dei minuere, relinquuntur ut in caritate proficiatur. Sicque evangelica consilia observantes, dicuntur in caritate perfecti, quanquam ex speciali auxilio gratiæ, aliqui non observantes consilia illa, possint perfectiones esse in caritate, quam eadem observantes. Tertius gradus est, dum quis totis præcordiis, secundum extremum virium suarum posse, actualiter et indesinenter fertur in Deum. Et ita Beati in patria caritatem

habent perfectam. — Verumtamen gradus caritatis aliter possunt distingui secundum tres status, utpote incipientium, proficientium, perfectorum, ut infra forsandicetur.

Et in hoc scimus quoniam in ipso sumus. Quibus verbis in aliquibus libris additur, Si in ipso perfecti fuerimus : quod tamen, ut dicitur, non est de textu. Verumtamen Augustinus utitur littera verbum hoc continente. Sed sive sit de textu, sive non, est tamen quasi expositio ejus quod ait, In hoc scimus quoniam in ipso sumus. Jam quippe præmisit : Qui servat verbum ejus, vere in hoc caritas Dei perfecta est. Protinusque subjunxit : Et in hoc scimus, id est, si caritas Dei in nobis perfecta est, quod non est aliud quam si in ipso, scilicet Deo, perfecti fuerimus, per hoc cognoscimus quod in Deo sumus, quia per caritatem in Deo esse asserimur, prout infra habetur : Qui manet in caritate, in Deo manet, et Deus in eo. — Sed ex isto rursus sequi videtur, quod habens caritatem præfato modo perfectam, sciat se esse in Deo, et per consequens in caritate. Ad quod communiter respondetur, quod S. Joannes nunc loquitur de scientia verisimilis atque probabilis conjecturæ, seu probabilitatis præcipuæ.

Insuper, contemplandum quod creatura multipliciter dicitur esse in Deo : Primo, sicut in causa prima efficiente. Secundo, sicut in causa exemplari ac ideali. Tertio, sicut in causa finali. Propter quod loquitur Paulus apostolus : Ex ipso et per ipsum et in ipso sunt omnia. Quarto, sicut in causa conservante, quemadmodum in libro Sapientiæ legitur : Quomodo posset aliquid permanere, nisi tu, Domine, voluisses? aut quod a te vocatum non esset, conservaretur? Quinto, sicut in objecto fidei, spei, et caritatis, seu contemplationis et dilectionis. Sicque boni fideles in Deo sunt, quia ad ipsum sunt mente conversi, et ei inhærent. Impii vero ab ipso aversi sunt. Unde juxta hunc

I Joann. iv,
16.

Rom. xi, 36.

Sap. xi, 26.

modum extra ipsum et longe ab eo esse dicuntur. Propter quod in Proverbiis fertur : Longe est Dominus ab impiis.

Prov. xv, 29.

6 Consequenter docet Apostolus quid ad omnem pertineat Christianum. *Qui dicit se in Christo manere*, id est christianum existere, et Christo per fidem adhærere, *debet, sicut ille ambulavit, et ipse ambulare*, id est Christi vestigia sequi, ejus virtutes sectari, ejus legem implere. Alioqui inaniter a Christo nomen sortitur, atque ad graviores suam damnationem christianus vocatur. Hinc ipse Salvator

Joann. xii, 26.
Luc. vi, 46.

Joann. xiii, 15.

Matth. xi, 29.

1 Cor. ix, 27.

Galat. v, 24.
Luc. xiv, 27;
Matth. x, 38.

Luc. xxi, 19.

7 *Carissimi, non mandatum novum scribo vobis*. Non est hoc intelligendum quasi in evangelica lege non sint a Christo et ab ejus Apostolis aliqua nova præcepta fidelibus tradita, quum præcepta de susceptione Baptismi, et de facienda confessione, ac Communione sacra, de multis quoque festis jejuniisque servandis, sint a Christo seu ejus discipulis noviter instituta. Sed S. Joannes jam loquitur de principali præcepto, in quo cetera virtualiter continentur, et ad quod finaliter ordinantur, utpote de præcepto caritatis.

A Ideo subditur : *sed mandatum vetus, quod habuistis ab initio*, id est ab exordio quo christiani estis effecti. Christus enim jussit : Diliges Dominum Deum tuum ex toto corde tuo, et proximum tuum sicut te ipsum; in his duobus præceptis tota lex pendet et Prophetæ. Præceptum autem dilectionis proximi, certum est ordinari ad dilectionem Dei. Istud quoque mandatum geminæ caritatis, est de naturalis dictamine rationis, et ita fuit a principio generis humani naturaliter cordibus insitum.

Matth. xxii, 37, 39, 40.

B Fuit etiam in lege scripta renovatum, utpote in Deuteronomio, ubi legitur : Diliges Dominum Deum tuum ex toto corde tuo, etc. [et in Levitico]. Naturalis quoque dictat ratio, ut homo proximum diligat, quum similitudo sit causa amoris, et omne animal diligat simile sibi. *Mandatum vetus est verbum quod audistis*, id est, antiquum præceptum caritatis est verbum quod evangelizavimus vobis : quia hoc verbum, Diliges Dominum Deum, etc., prædicavimus vobis primo ac maxime observandum.

Deut. vi, 5.

Lev. xix, 18.

Ecclesi. xiii, 19.

C *Iterum mandatum novum scribo vobis*. 8 Videtur in verbis his contradictio esse. Siquidem jam præmisit, Non mandatum novum scribo vobis; nunc vero, Mandatum, inquit, novum scribo vobis. Respondetur, quod idem mandatum est vetus, propter causam præhabitam; et novum, quia in lege evangelica renovatum, et clarius explanatum, spiritualisque innovationis introductivum, de qua etiam ad Ephesios præcipitur : Renovamini spiritu mentis vestræ, et induite novum hominem qui secundum Deum creatus est. Hinc loquitur et Christus : Mandatum novum do vobis, ut diligatis invicem sicut dilexi vos. Exposuit quoque Christus præceptum istud apud Matthæum, dicendo : Audistis quia dictum est antiquis : Diliges amicum tuum, et odio habebis inimicum tuum. Ego autem dico vobis : Diligite inimicos vestros, etc.

Ephes. iv, 23, 24.

Joann. xiii, 34.

Matth. v, 43, 44.

Itaque, Mandatum novum scribo vobis, *quod verum est*, id est, vere justum ve-

raciterque impletum est, *et in ipso* Christo, qui præceptum caritatis perfectissime adimplevit, quemadmodum protestatur :

Joann. xv. 13. Majorem hac dilectionem nemo habet, quam ut animam suam ponat quis pro

Ibid. xiv. 31. amicis suis ; et rursus, Sicut mandatum dedit mihi Pater, sic facio ; *et in vobis*, id

est, vos quoque præceptum hoc caritatis veraciter adimplestis, Deum totis amando præcordiis, et proximos ut vos ipsos.

Vel quod ait, Quod verum est, et in ipso, et in vobis, refertur ad illud quod præ-

misit, Mandatum novum, ut sit sensus : B Mandatum hoc novum est vere, tam in

Christo quam in vobis : quoniam Christus illud inaudita et incomparabili novitate,

ac recentissimo modo implevit, tam ex Dei Patris ardentissima dilectione, quam

ex humani generis admirabili atque præfervida caritate, amarissimam mortem ferendo, non solummodo pro amicis, imo

etiam pro inimicis, juxta illud ad Romanos : Commendat autem caritatem suam

Rom. v. 8, 9. in nobis Deus, quoniam quum adhuc ini-

mici essemus, Christus pro nobis mortuus est. Vos quoque insolita et nova perfectione implestis idem præceptum, multa

pro Deo et fide catholica sustinendo, aut etiam evangelica observando consilia ex

caritate, desiderio obtinendi caritatem perfectam. Sicque implestis illud : Ambulate

Ephes. v. 2. in dilectione, sicut et Christus dilexit nos. Hinc subditur :

Quoniam tenebræ transierunt, id est, infidelitatis ignorantia et vitiorum caligo in vobis multisque aliis sunt extinctæ :

quemadmodum quibusdam scripsit Paulus, Fuistis aliquando tenebræ, nunc autem lux in Domino ; *et verum lumen jam*

Ibid. 8. *lucet*, id est, Christus qui secundum divinitatem suam essentialiter lux est et

veritas ipsa, juxta illud Joannis, Erat lux vera : Christus, inquam, in mentibus vestris nunc fulget, corda vestra illuminat,

et per Apostolorum ac aliorum discipulorum prædicationem, homines hinc inde innumerabiles docet, convertit, illustrat,

Joann. i. 9. juxta illud Actuum : Tempora prioris igno-

Act. xvii. 30. rantiae despiciens Deus, nunc annuntiat hominibus ut ubique pœnitentiam agant.

Unde per Isaïam Pater loquitur Christo : Dedi te in fœdus populi, in lucem gentium, ut aperires oculos cæcorum. Et rursus ab Isaïa prædictum est : Populus qui

sedebat in tenebris, vidit lucem magnam ; atque in Psalmo, Exortum est in tenebris lumen rectis corde. — Vel sic : *Tenebræ transierunt*, id est, obscuritas figurarum veteris Testamenti, umbra legis, involutio prophetarum visionum, finem nunc

acceperunt, *et verum lumen jam lucet*, id est, evangelica veritas publice jam prædicatur, in qua omnia illa exponuntur, et esse impleta docentur. Propter quod fertur in Joanne : Lex per Moysen data est,

gratia et veritas per Jesum Christum facta est. Paulus quoque apostolus ad Romanos : Nox (inquit) præcessit, dies autem

appropinquavit. Hinc Christus in cruce morti jam proximus, dixit : Consummatum est. Quumque inclinato capite spiritum tradidisset, velum templi scissum

est. Ideo rursus Vas ait electionis : Quamdiu legitur Moyses, velum super cor eorum positum est (id est, obscuritas seu occultatio veritatis in mentibus perfidorum permanet Judæorum), quod non evacuatur, quia in Christo revelatur, id est elucidatur.

Qui dicit se in luce esse, id est in splendore gratiæ gratum facientis consistere, in fide formata et veritate evangelicæ legis manere ac vivere, *et fratrem suum*, id est proximum quemcumque, sive amicum sive inimicum, odit ; in tenebris est usque adhuc. Est enim in falsitatis caligine, quia mentitur et errat circa notitiam veritatis ; ac mortali subjacet culpæ, quum odium sit mortale peccatum, propter quod cum caritate et gratia stare non potest. Idcirco qui unum hominem odit, nec Deum, neque se ipsum, nec aliquem alium veraciter diligit. Sed impletur in eo quod scriptum est : Qui diligit iniquitatem, odit animam suam.

Qui diligit fratrem suum, id est pro-

9

10

Joann. xii, 36. ximum, spirituali caritatis affectu, *in lumine manet*, id est in Christo ac gratia ejus, secundum quod ipse monet : Dum lucem habetis, credite in lucem, ut filii lucis sitis; *et scandalum in eo non est* : id est, nec alios scandalizat, quantum ad hoc quod diligit lumineque inhæret, quum scandalum sit dictum aut factum minus rectum, alteri præbens occasionem ruinæ. Nec scandalizatur ab aliis secundum quod talis, sed constans manet in rectitudine
Ephes. iv, 3. et virtute, estque sollicitus servare unitatem spiritus in vinculo pacis, et imple-
Ps. cxviii, 165. tur in eo illud Psalmographi : Pax multa diligentibus legem tuam, et non est illis scandalum. Hinc asserit Paulus ad Romanos : Si propter cibum frater tuus contristatur, jam non secundum caritatem ambulas. Verumtamen non est sic intelligendum, quod omnis homo in caritate existens, sit tantæ perfectionis ut nec activum neque passivum scandalum in eo habeat locum, aut quod omnis in quo scandalum est, careat caritate, nisi agatur de scandalo illo quod est mortale peccatum : sed ideo dicta sunt hæc, ut sciamus quid competat homini, in quantum caritati virtutibusque adhæret; quid item, in quantum inde deficit, aut aliququaliter elongatur, quia secundum hoc, scandalizat et scandalizatur.

Quocirca tangendum, quia ut in secunda secundæ Thomas declarat, scandalum passivum interdum est veniale peccatum, ut dum quis ex alterius dicto vel facto ad venialis peccati motum impingitur; quandoque mortale, ut si inde ad culpam ruat mortalem. Similiter scandalum activum per accidens est veniale peccatum, quando quis actum venialis peccati, vel qui solum habet speciem mali, committit; quandoque vero est mortale peccatum, vel quia mortale peccatum committit, aut quoniam proximi salutem contemnit, nolens propter eam omittere quod complacet sibi, et sine periculo potest dimittere. Porro scandalum activum per se ex intentione agentis, tunc exstat mortale, quando

A quis alium ad peccandum mortaliter conatur inducere; si vero ad veniale velit inducere, erit veniale peccatum.

Qui autem odit fratrem suum, juxta sensum præhabitu, *in tenebris est*. Omne enim peccatum est tenebræ, similiter omnis error et ignorantia, quum sint recessus a lumine sapientiæ ac puritate virtutum. Denique, in Scripturis per tenebras designantur interdum errores et vitia : sicut hoc loco; et secunda ad Corinthios, Quæ societas luci ad tenebras? Atque in Psalmo, Fiat via illorum tenebræ et lubricum. Interdum, per tenebras significatur temporalis adversitas, seu corporalis afflictio, seu quævis tribulatio magna : ut quum Isaias loquitur de se ipso, Tenebræ obstupefecerunt me; et Sophonias, Dies iræ dies illa, dies tenebrarum et caliginis. Quandoque homines vitiosi : sicut in Joanne, Tenebræ eam non comprehendunt; et ad Ephesios, Non est nobis colluctatio adversus carnem et sanguinem, sed adversus rectores mundi tenebrarum harum. Aliquando dæmones : et sic accipi potest illud Lucæ, ubi ait Salvator, Hæc est hora vestra et potestas tenebrarum. Nonnunquam infernus : ut quum de impiis dicitur, Projicientur in tenebras exteriores. Interdum tenebræ accipiuntur in bono, puta pro superabundanti et invisibili abundantia lucis divinæ, juxta illud Psalmistæ : Posuit tenebras latibulum suum. Moyses quoque in Exodo legitur intrasse caliginem in qua erat Deus. Similiter secundo Paralipomenon locutus est Salomon : Dominus dixit ut habitaret in caligine. Frequentius autem tenebræ accipiuntur in malo, videlicet pro erroribus et peccatis. De quibus subjungitur :

Et in tenebris ambulat, id est, vitiose vivit, et per errores ac vitia pergit ad inferni supplicia. Nec tamen rite advertit hoc ipsum, secundum quod subditur : *et nescit quo eat*, id est, quantam damnationem mereatur non pensat, et quantum propinquet gehennæ non intuetur, *quoniam tenebræ obcæcaverunt oculos ejus*, id

est, intellectum ejus atque memoriam errores et vitia impleverunt, ita quod nihil salubriter videt : sicut de talibus loquitur Jeremias, Sapientes sunt ut faciant mala, bene autem facere nescierunt. De quibus et alibi asseritur : Excæcavit eos malitia eorum ; et ad Romanos, Obscuratum est insipiens cor eorum. Hinc in Proverbiis habetur : Via impiorum tenebrosa, nesciunt ubi corruunt. Et si objiçatur, quod quidam ex certa scientia peccant, qui peccando sciunt se cadere in foveam perditionis : respondetur, quod quamvis in generali atque informiter sciant hoc, non tamen cognitione formata. Propter quod, omnis peccans fertur ignorans. Et in Proverbiis inducitur : Omnis via viri recta sibi videtur. Non enim malum nisi sub specie boni expetitur, quum bonum sit appetitus objectum.

Consequenter tangit S. Joannes distinctionem eorum quibus scribit, et causas diversas propter quas scripsit diversis. **12** *Scribo vobis, filioli.* Filios suos specialiter nominat, quos personaliter convertit, instruxit seu baptizavit, quemadmodum talibus loquitur Paulus, Galatis scribens : *Filioli mei*, quos iterum parturio, donec formetur Christus in vobis. Corinthiis quoque : In Christo (inquit) Jesu per Evangelium ego vos genui. Vel filios vocat pueros ac tenellos, in fide recentes. Itaque, *Scribo vobis, filioli, quoniam remittuntur vobis peccata vestra propter nomen ejus*, id est, virtute et merito Christi, atque per invocationem ipsius consecuti estis remissionem plenariam peccatorum vestrorum, primitus in Baptismo, deinde (si opus fuit) in Pœnitentiæ sacramento. Etenim ecclesiastica sacramenta, ut sæpe dictum est, virtutem et gratiam suam sortiuntur a merito Salvatoris.

13 *Scribo vobis, patres*, qui estis aliorum prælati, magistri aut superiores, *quoniam cognovistis eum qui ab initio est*, id est, Deum verum æternum, unum ac trinum præ ceteris nostis, ita quod doctiores sa-

pietioresque estis. Propter quod debetis alios informare, dirigere, corripere, castigare, et tanto virtuosiores exemplarioresque esse, quanto ex hoc major consequitur honor Dei, ac copiosior proximorum utilitas, quanto etiam peccata vestra vobis ipsis ac aliis gravius nocent. — *Scribo vobis, adolescentes, quoniam vicistis malignum*, id est diabolum, specialiter fornicationis spiritum, qui malo igne, hoc est concupiscentiæ flamma, accendere vos conatur : contra quem adolescentibus specialior pugna instat. Ideo isti magna laude fuerant digni, qui jam carnem suam cum vitiis et concupiscentiis crucifixerunt.

Scribo vobis, infantes, quoniam cognovistis Patrem, id est, Deum creatorem jam per fidem aliququaliter cognovistis, cui quotidie dicitis : Pater noster, qui es in cœlis. Hoc de infantibus aliququaliter jam adultis, et aliquid rationis participantibus, est intelligendum. Unde per Jeremiam loquitur Deus : Omnes cognoscent me, a minimo eorum usque ad maximum. Vel per infantes intelligit humiles : de quibus ait Propheta, Testimonium Domini fidele, sapientiam præstans parvulis ; et Salvator, Confiteor tibi, Pater, quia abscondisti hæc a sapientibus et prudentibus, et revelasti ea parvulis. De quibus Christus ait per Isaiam : Ecce ego et pueri mei. De infantibus vero secundum primam expositionem, ait in Evangelio : Sinite parvulos venire ad me ; talium est enim regnum cœlorum.

Scribo vobis, juvenes, quoniam fortes estis, id est corpore validi, atque per hoc ad exercitia virtuosa magis dispositi, et *verbum Dei in vobis manet*, id est, præceptorum documentorumque Dei habetis memoriam et affectum. Increatum etiam Verbum Dei, Unigenitus Patris, per caritatem et gratiam corda vestra inhabitat. Et *vicistis malignum*, id est, diabolo efficaciter restitistis, ac prævaluistis, vitia illa vincendo ad quæ juvenilis ætas est pronior.

ARTICULUS III

PROSECUTIO ELUCIDATIONIS HUIUS CAPITULI SECUNDI, AB ILLO LOCO :
NOLITE DILIGERE MUNDUM.

POSTQUAM S. Joannes, distinctis per A gradus ætatum hominibus, propter distinctas rationes se scripsisse testatus est; nunc ponit documenta moralia, quæ universis et singulis communiter scribit ac præcipit, quia ad cunctos pertinent Christianos.

15 Itaque ait : *Nolite diligere mundum, neque ea quæ in mundo sunt. Si quis dilexerit mundum, non est caritas Patris in eo.* Quomodo intelligendum est hoc, quum non solum amicos ac virtuosos, sed

Matth. v, 44. etiam inimicos ac vitiosos jubemur diligere? Et teste Apostolo, Omnis creatura Dei bona est; imo teste Scriptura, Vidit Deus cuncta quæ fecit, et erant valde bona.

1 Tim. iv, 4. Diligit etiam Deus universa quæ condidit, et nihil odit eorum quæ fecit. Denique in mundo sunt multi justī, in mundo sunt animæ rationales, et nos omnes in mundo sumus, et omnia ista amare præcipimur. Quomodo igitur ait, Nolite diligere mundum, neque ea quæ in mundo sunt?

Est itaque advertendum, quod mundus in Scripturis, præsertim in evangelio S. Joannis, atque in ista ejus epistola variis modis accipitur : Primo, pro toto universo, sicut alibi idem Joannes : Mundus, inquit, per ipsum factus est. Et Christus loquitur Deo Patri : Dilexisti me ante constitutionem mundi. Sic et apud Matthæum effatur : Venite, benedicti Patris mei, possidete paratum vobis regnum a constitutione mundi. Secundo accipitur mundus pro cunctis hominibus in terra morantibus, tam bonis quam malis, ut dum ad Corinthios loquitur Paulus : Deus erat in Christo, mundum reconcilians sibi. Ter-

tio, pro electis et bonis, juxta illud : Sic Deus dilexit mundum, ut Filium suum unigenitum daret. Quarto pro vitiosis ac reprobis, ut quum ait Deo Patri Salvator : Non pro mundo rogo. Quinto, pro creatura corporali sub orbe lunæ contenta, hoc est pro regione elementorum atque mixtorum. Juxta quem modum ait Philosophus : Oportet hunc mundum contiguum esse lationibus superiorum, ut tota virtus ejus inde gubernetur. Et isto modo loquuntur theologi de conflagratione mundi per ignem. Et beatissimus princeps Apostolorum asserit mundum diluvio inundatum perisse : quamvis diluvium illud sphaeram ignis elementaris non attigit. Sed nec ignis conflagrationis eam attinget ; sed ignis ille, ut dictum est, attinget aquam, terram et aerem, elementaque omnia. Sexto, pro habitabili terra, ut quum ait Salvator : Prædicabitur hoc Evangelium regni in universo mundo. Sicque dicunt astronomi, quod minima stella visibilis, major est toto mundo. Septimo, pro vanitate et impietate mundana. Et ita nunc accipi potest.

Potest quoque nunc accipi pro carnalibus ac mundanis hominibus, de quibus fertur alio loco : Mundus eum non cognovit. Qui quamvis sint diligendi quantum ad id quod habent et sunt a Deo, secundum quod etiam diliguntur ab eo ; tamen in quantum vitiosi, odiendi sunt, non amandi, juxta illud : Iniquos odio habui ; et, Perfecto odio oderam eos. Sic quippe et Deus odit eos, secundum illud Psalmistæ : Odisti omnes qui operantur iniquitatem ; et illud Sapientiæ, Odio sunt Deo impius et impietas ejus. Odit (inquam) eos

Joann. iii, 16.

Ibid. xvii, 9.

II Petr. iii, 5, 6.

Ibid. 10.

Matth. xxiv, 14.

Joann. i, 10.

Ps. cxviii, 113.
Ps. cxxxviii, 22.

Ps. v, 7.

Sap. xiv, 9.

Joann. i, 10.

Ibid. xvii, 24.

Matth. xxv, 34.

II Cor. v, 19.

Deus, ut tales, secundum præsentem justitiam, quamvis multi hujusmodi sint electi et dilecti, secundum prædestinationem æternam.

Mundum ergo, id est mundanos et carnales homines, non diligamus ut tales, hoc est in quantum Deo ingrati sunt et rebelles, aliis quoque inexemplares, et nobis in via salutis contrarii, obstaculumque præbentes. Sic namque in Evangelio loquitur Christus : Si quis venit ad me, et non odit patrem suum et matrem et uxorem et filios, etc., non potest meus esse discipulus. Insuper, non diligamus ea quæ in mundo sunt, id est vanitates et vitiositates mundanas, de quibus paulo post subditur : Omne quod est in mundo, concupiscentia carnis est, etc. Certum est autem quod si quis præfacto modo dilexerit mundum, non est caritas Dei Patris in eo. Sic enim diligere mundum, est carnalis, sensualis, vitiosa dilectio : de qua ad Timotheum loquitur Paulus, Erunt homines amantes se ipsos, elati, cupidi; quæ cum spirituali dilectione simul stare non valet, sicut per Isaiam asserit Spiritus Sanctus : Coangustatum est stratum, ita ut alter decidat, et duos capere simul non possit. Hoc etenim stratum, est fundus cordis humani, in quo pariter quiescere nequeunt amor mundi et amor Dei, carnalis affectio et spiritualis dilectio, sed alter alterum pellit. Hinc, ut supra jam patuit, Jacobus dixit apostolus : Amicitia hujus mundi, inimica est Deo : quicumque ergo voluerit amicus hujus mundi fieri, inimicus Dei constituetur. Ideo cecinit Psalmista : Deus dissipavit ossa eorum qui hominibus placent; confusi sunt, quoniam Deus sprexit eos. Paulus quoque : Si hominibus (inquit) placerem, Christi servus non essem. Unusquisque siquidem ei quem amat, cupit placere.

Denique ratio et quasi expositio prædictorum subjungitur. *Quoniam omne quod est in mundo*, id est, tota vitiorum congeries, in carnalibus ac mundanis existens hominibus, *concupiscentia carnis est, et*

concupiscentia oculorum, et superbia vitæ, id est triplex hæc inordinata affectio essentialiter aut reductive : quia hæc tria sunt quædam generales vitiorum radices, ad quas universa peccata quodammodo reducuntur.

Unde Beda hic scribit : His vitiorum vocabulis omnia vitiorum genera comprehenduntur. Concupiscentia namque carnis, est omne quod ad corporis voluptatem atque delicias pertinet : in quibus præcipua sunt cibus, potus, concubitus. De quibus Salomon ait : Sanguisugæ duæ sunt filiæ, dicentes : Affer, affer. Concupiscentia oculorum est omnis curiositas quæ fit in discendis nefariis artibus, in inspicendis spectaculis turpibus, aut in accipiendis seu conservandis temporalibus rebus superfluis, aut observandis, cognoscendis seu accusandis vitiis proximorum. Superbia vitæ est, quum quis se jactat in honoribus. Per hæc tria homines tantum tentantur. Per hæc tria tentatus est Adam, et victus : per concupiscentiam scilicet carnis, quum hostis cibum ligni vetitum ei monstravit, eumque ad consentiendum persuasit ; per concupiscentiam oculorum, quum dixit, Scientes bonum et malum, et, Aperientur oculi vestri ; per superbiam vitæ, quum ait, Eritis sicut dii. Per hæc etiam tria Christus tentatus est, et vicit : per concupiscentiam carnis, quum Satanax dixit, Dic ut lapides isti panes fiant ; per concupiscentiam oculorum, id est curiositatem, quando hostis suggessit, Mitte te deorsum ; per superbiam vitæ, quum dicere ausus est, Hæc omnia (scilicet mundi regna) tibi dabo, si cadens adoraveris me. Nempe, ut asserit Augustinus, ex cujus verbis præinducta Bedæ verba sunt sumpta, curiositas aliquando Dei famulos tentat, ut velint miracula facere et experiri an Deus exaudiat eos.

Itaque, ad concupiscentiam carnis pertinent joci, ludi, risus, dissolutiones, oscula et amplexus, comessiones, potationes, lascivi contactus, et cetera vitia gustus ac

tactus. Ad concupiscentiam oculorum pertinent cupiditas, avaritia, curiositas. Ad superbiam vitæ, ambitio sæculi, desiderium prælationis, excellentiæ appetitus, famæ, laudis, honoris inordinata affectio. Ut autem Gregorius docet, quatuor sunt species superbiæ. Prima est, dum quis bona quæ habet, se a Deo accepisse non recognoscit; secunda, dum credit suis meritis ea sibi esse collata; tertia, dum se jactat habere quod non habet; quarta, quando despectis aliis, singulariter vult videri.

Insuper, circa hunc locum scribit Albertus : Peccata distingui possunt tripliciter : primo, ex parte subjectorum in quibus sunt; secundo, ex parte objectorum circa quæ versantur; tertio, ex parte actionum quæ in eis concurrunt. Peccatum namque nil aliud est quam privatio quædam, aut actio quædam deformis. Quælibet autem actio potest tripliciter considerari : primo, per respectum ad suum subjectum; secundo, per respectum ad suum objectum; tertio, secundum se, ut est actio habens deformitatem. — Ex parte igitur subjectorum, sunt tres prædictæ radices vitiorum. Nam concupiscentia oculorum videtur esse in appetitu rationali; concupiscentia carnis, in appetitu concupiscibili; superbia vitæ, in irascibili. — Secundo, peccata distinguuntur ex parte objectorum. Omnia enim peccata conveniunt in hoc, quod avertunt nos a summo et incommutabili bono, et convertunt nos ad bonum commutabile et caducum. Secundum hujusmodi autem aversionem et conversionem, possunt peccata distingui dupliciter, scilicet generaliter, et specialiter. Generaliter sic : quia (ut tactum est) omnia peccata conveniunt in hoc, quod a Deo avertunt, et faciunt nos eum contemnere. Et ut sic, accipitur unum vitium capitale, quod est superbia, quia initium omnis peccati superbia est, ut dicitur in Ecclesiastico. Prout vero omnia peccata conveniunt in hoc, quod convertunt nos ad temporalia et caduca, accipitur aliud

Eccli. x, 15.

A vitium capitale, quod est cupiditas, juxta illud primæ ad Timotheum : Radix omnium malorum est cupiditas. Sic superbia et avaritia accipiuntur ut sunt generalia peccata. Specialiter vero ex parte objectorum, distinguuntur peccata hoc modo : quia quicumque peccat, aut peccat commissione, aut omissione. Commissione potest quis peccare quatuor modis : primo, circa bonum honorabile, illud inordinate appetendo, et sic est inanis gloria; secundo, circa bonum utile, et sic est avaritia; tertio, circa bonum delectabile : et hoc dupliciter : quia vel delectabile spectat ad gustum, et sic est gula; vel ad tactum, et sic est luxuria. Omissione peccatur tripliciter. Nam quilibet Christianus tenetur ad tria, videlicet : ad gratiarum actionem pro beneficiis a Deo receptis, et contra hoc peccat acedia; secundo, ad proximi dilectionem, et contra hanc peccat invidia; tertio, ad injuriæ relaxationem, contra quam peccat ira. Sic ergo accipitur distinctio septem peccatorum mortalium, quæ et aliorum vitiorum radices vocantur. — Tertio, distinguuntur ex parte actionum, quæ in eis concurrunt. Quicumque etenim peccat, aut ideo peccat quoniam timet amittere aliquod bonum, et propterea inordinate se subjicit aliis, ne illud amittat; aut ideo peccat quia desiderat consequi aliquod bonum quo caret, et inflammatur ut illud obtineat. Hinc super illud in Psalmo, Incensa igne et suffossa, loquitur Augustinus, quod omnia nostra peccata procedunt vel ex timore male humiliante, vel ex amore male inflammante. Hæc Albertus.

1 Tim. vi, 10.

Ps. lxxix, 17.

Interdum etiam dicitur, quod omnium vitiorum origo et radix est improbus et privatus amor sui : et hoc ideo quoniam omnes affectiones ex amore originaliter profluunt. Sic itaque elucescit, qualiter secundum diversas considerationes sit una radix omnium vitiorum, videlicet amor improbus sui ipsius, et qualiter sint duæ vitiorum radices, puta superbia atque cupiditas; qualiter etiam sint aliæ duæ pec-

catorum radices, utpote amor male inflammans, et timor male humilians; et qualiter tres, videlicet concupiscentia carnis, concupiscentia oculorum, et ambitio sæculi, sive superbia vitæ; et qualiter septem. Itaque, omne quod est in mundo, concupiscentia carnis est, aut concupiscentia oculorum, aut superbia vitæ. — Quod etiam intelligi potest per modum hyperbolicæ locutionis, qua aliquid dicitur per excessum absque mendacio, ad insinuandum magnitudinem rei, sicut ad

Gen. xli, 44.

Joseph Pharaon dixit: Absque oris tui imperio nullus movebit manum aut pedem in omni terra Ægypti. Et ita S. Joannes nunc profert hæc verba, ad insinuandum quod hæc tria mala magis abundant in mundo. Et subdit:

Quæ triplex concupiscentia, vel, Quæ superbia vitæ, *non est ex Patre*, quantum ad suam deformitatem seu obliquitatem culpabilem, *sed ex mundo est*, id est ex inordinata voluntate, seu appetitu corrupto hominum mundanorum. Voluntas enim creata, in quantum ex nihilo est et defectiva in se, est prima peccati origo. Sic enim competit sibi ex se ipsa deficere et peccare. Si autem objiciatur quod omne esse et omnis actio sunt a Deo, ergo et vitiosæ actiones et pravæ concupiscentiæ, in quibus sunt reales et positivæ entitates, quæ a primo ente primordialiter manant: respondetur, quod talia sunt a Deo quantum ad entitatem existentem in eis, non quoad eorum deformitatem. Unde dici solet, quod sunt a Deo quantum ad substantiam actus, vel quantum ad suum materiale, non quantum ad suum formale, quæ est ipsa deordinatio actus, quæ non est aliquid positivum, sed privatio speciei, modi ac ordinis.

Si itaque cupimus in caritate proficere, et divino amore succendi, a prædicta triplici concupiscentia interiora nostra purgemus. Siquidem, quanto ab ea nos amplius emundamus, tanto in spirituali amore plenius crescimus, salubriusque proficimus. Idcirco ad nullam rem crea-

am tam, carnalem, sensibilem, aut caducam inordinate sive superflue afficiamur, sed ordinate dumtaxat et sapienter ac virtuose, utpote in quantum nobis necessaria utilisve consistit ad vitæ sustentaculum, ad Dei obsequium et honorem, ad spirituales profectum, ad incrementum scientiæ ac virtutum, ad divini inflammationem amoris.

Et mundus transibit, vel, ut alii textus

17

habent, *transit*. Hoc multipliciter potest intelligi: Primo, quod per ignem confla-

grationis purgabitur, atque ad meliorem dispositionem perducetur in die judicii,

prout hoc diffuse expositum est secunda

II Petr. iii, 10.

Petri. Secundo, quod mundus iste infe-

rior, scilicet regio elementorum et mixto-

rum, in variatione consistit continua, et

præterit in multis ejus figura, præsertim

in generabilibus et corruptibilibus quoad

se tota. Unde prima ad Corinthios dici-

tur: Qui utuntur hoc mundo, sint tan-

I Cor. vii, 31.

quam non utentes; præterit enim figura

hujus mundi. Tertio, quod mundus trans-

it, id est, mundani vitiosique homines in-

cessanter deficiunt, et ad mortem festi-

nant, non solum ad mortem naturæ, sed

etiam culpæ ac infernalis miseræ. Unde

et apud Sapientem fatentur: Umbræ trans-

Sap. ii, 5.

itus est tempus nostrum. De quibus ha-

betur in Psalmo: Tanquam fœnum ve-

Ps. xxxvi, 2.

lociter arescent, et quemadmodum olera

herbarum cito decident; itemque: Quo-

Ps. lxxii, 19.

modo facti sunt in desolationem? Subito

defecerunt, perierunt propter iniquitatem

suam. *Et concupiscentia ejus*, id est, præ-

fata triplex concupiscentia hominum mun-

danorum celeriter finem accipiet, quia

simul cum impiis peribit, juxta illud Psal-

Ps. cxlv, 4.

mistæ: Exhibit spiritus ejus, et revertetur

in terram suam; in illa die peribunt

omnes cogitationes eorum. Hinc primo

Machabæorum habetur: A verbis pecca-

I Mach. ii, 62, 63.

toris ne timueritis, quia gloria ejus ster-

cus et vermis; hodie extollitur, et cras

non invenitur: quia conversus est in ter-

ram suam, et cogitatio ejus periit. Hinc ait

Gregorius: Quia labenti mundo inhære-

mus, cum ipso cadimus, quem labentem A tenemus. Et sicut qui rebus labentibus innititur, eis cadentibus labitur; sic qui rebus cœlestibus et æternis inhæret, cum eis perpetuo permanebit. Propter quod subditur : *Qui autem facit voluntatem Dei*, id est, Deo in cunctis obedit, *manet in æternum*, id est, spiritualem vitam nunquam amittet, quamvis corporaliter morietur : quia de vita gratiæ perducetur ad vitam gloriæ, et Deo unietur beatifice sine fine.

Non ergo mente inhæreamus rebus carnalibus, fallacibus et caducis, sed summo et invariabili bono, illud super omnia diligentes, fervide cupientes, reverenter colentes, et semper sperantes in ipso, ut cum Propheta dicere valeamus : In Deo salutare meum et gloria mea, Deus auxilii mei, et spes mea in Deo est; et iterum, Mihi adhærere Deo bonum est, ponere in Domino Deo spem meam. Alioqui cum insensatis amatoribus sæculi hujus damnati, sero dicemus illud Sapientiæ : Quid nobis profuit superbia? aut quid divitiarum jactantia contulit nobis? Transierunt omnia illa tanquam umbra.

Consequenter armat ac roborat credentes contra perfidorum fallacias. *Filioli mei, novissima hora est*, id est ultima mundi ætas, durans a Christi adventu usque ad diem judicii. Quæ quamvis videatur diuturna, tamen comparatione durationis futuri sæculi, quasi brevissima hora est. Unde et Paulus fatetur : Nos sumus in quos fines sæculi devenerunt. Hinc in Scripturis veteris Testamenti tempus Christi et evangelicæ legis appellatur dies novissimus, ut quum Jacob patriarcha ait : Congregamini ut annuntiem vobis quæ ventura sunt vobis in novissimis diebus. Et quæ ibi prædicat, pro maxima parte ad primum Christi spectant adventum. Apud Joelem quoque, secundum antiquam translationem (qua in Actibus beatissimus utitur princeps Apostolorum), habetur : Et erit in novissimis diebus, dicit Dominus; effundam de Spiritu meo super om-

nem carnem. Quod in die Pentecostes sacratissimus Petrus impletum esse diseruit. Nec moveat quemquam, quod hæc ultima ætas mundi, præcedentibus mundi ætatibus est protractior, quum et ultima unius hominis ætas, frequenter diuturnior sit multis præcedentibus ætatibus ejus. Decentissimum quoque est, et ad præcipuam infinitæ misericordiæ Dei pertinet laudem, quod ætas ad tempus gratiæ legemque Christi pertinens consistat diffusior, ut plures in ea salventur, præsertim quum ætas ista sit præcedentium finis ætatum.

Insuper potest et ita exponi : Novissima hora est, id est, tempus quod circa mundi finem venturum est, persecutione Antichristi durante, nunc est per similitudinem seu conformitatem et æquivalentiam ac mysticam designationem. Juxta quem modum ait in Evangelio Christus : Si vultis scire, Joannes ipse est Elias. In Genesi quoque : Catulus leonis Juda. Tempore namque apostolicæ prædicationis, tanta fuit fidelium ab hæreticis et tyrannis afflictio, quod persecutionem Antichristi præfiguravit. Propter quod ad Thessalonicenses Paulus conscripsit : *Mysterium jam operatur iniquitatis*.

Et sicut audistis quia Antichristus venit. Hoc tripliciter potest intelligi. Primo sic : Sicut audistis a veris evangelicæ legis prædicatoribus, quod Antichristus suo tempore veniet. Habet namque S. Joannes frequenter talem modum loquendi, hoc est ponendi præsens pro futuro, ut quum in evangelio suo ait : Colligent eum, et in ignem mittent, et ardet. Secundo sic : Sicut audistis ab aliquibus, quantum ad hoc male opinantibus, quod Antichristus venit. Hoc namque ob causam præactam aliqui tunc putabant, sicut et interim hoc frequenter putatum est. Tertio sic : Audistis veraciter quia venit Antichristus, jam non in propria persona, sed in figura, hoc est in aliquo impio eum præfigurante. Ac si dicat : Vere sic est. Nam subditur :

Ps. LXI, 8.

Ps. LXXII, 28.

Sap. v, 8, 9.

I Cor. x, 11.

Gen. XLIX, 1.

Joel II, 28; Act. II, 17.

Matth. XI, 14.

Gen. XLIX, 9.

II Thess. II, 7.

Joann. xv, 6.

Nunc antichristi multi facti sunt, id est, propria libertate tam scelerati effecti sunt, ut rite antichristi, id est Christo valde contrarii, appellentur. Siquidem antichristus dicitur ab *anti*, quod est contra, et *Christus*. Tales fuerunt Ebion et Cerinthus ac Marcion impiissimi hæresiarchæ, qui adhuc-vivente S. Joanne evangelista, surrexerunt in Asia; sed et alii multi in diversis partibus mundi. Tales item fuerunt tyranni. Beda quoque hic ait: Qui catholicam fidem, quam verbis confitentur, perversis commaculant actibus, antichristi, id est Christo contrarii, nuncupantur. Et maxime qui alios scandalizant et trahunt ad vitia, atque salutem impediunt proximorum, antichristi merentur vocari. A quibus, teste Bernardo, graviolem Christus sustinet persecutionem, quam sustinuit a Judæis. *Unde scimus*, id est, ex isto cognoscimus, *quia novissima hora est*, id est, tempus Antichristi in fine mundi futurum, jam per similitudinem et æquivalentiam quamdam mysterialiter advenit, seu ultima mundi præsens est ætas. Unde prima ad Timotheum loquitur Paulus: In novissimis diebus discedent quidam a fide, attendentes spiritibus erroris.

1 Tim. iv, 1.

19 *Ex nobis*, id est ex nostra collectione, *prodierunt*, quia ad tempus fuerunt nobiscum, et fideles, ut videbatur, exstiterant; *sed non erant ex nobis*, id est, ad nostram societatem non pertinebant, secundum divinam prædestinationem, nec secundum fidei veræ constantiam. *Nam si fuissent ex nobis* modo præfato, utpote veri et constantes, ac prædestinati catholici, *permansissent utique nobiscum* in fide et ecclesiastica unitate. *Sed ut manifesti sint quia non sunt omnes ex nobis*: id est, ad hoc Deo disponente, eorum error innotuit, vel, idcirco ego Joannes hæc scribo, seu, ideo exierunt, ut manifestentur, et cognoscantur esse hæretici, non vere catholici, ne latendo diutius plures fallant Catholicos. In præsentī enim vita bonis mali miscentur: sicut

A in corpore animali, mali humores bonis miscentur humoribus. Et sicut corpus naturale purgatur ac relevatur dum mali ab eo expelluntur humores, sic mysticum corpus Ecclesiæ, dum vitiosi et reprobi separantur a veris et vivis membris ipsius. Hinc Christus comparat Ecclesiam sægenæ missæ in mare, et ex omni genere piscium congreganti. In Cœna quoque novissima, proditore egresso, et filiis lucis secum manentibus, dixit: Nunc clarificatus est Filius hominis.

Matth. xiii, 47.

Joan. xiii, 31.

B Introducto vituperio hæreticorum, tangit sanctus Apostolus præconium Catholicorum, quatenus opposita juxta se posita, clarius innotescant. *Sed vós*, Catholici et constantes, *unctionem habetis a Sancto*, id est, illuminationem, consolationem, inflammationem accepistis a Deo, seu specialiter a Spiritu paraclito essentialiter sancto: qui varios effectus internos ac secretissimos per fidem et caritatem ac sapientiæ donum, aliaque gratiæ suæ charismata, in suorum operatur cordibus electorum, per quæ eos in fidei veritate mirabiliter roborat, atque per gustum occultum, per supernaturales irradiationes, gratiosissimas visitationes, inflammationes cœlestes, admirabiles præventiones, per raptus et mysticas contemplationes, per exuberantissimas divinorum munerum adimplentiones, mentes electorum suorum in fidei sinceritate, in ecclesiastica unitate, immobiles ac certissimas reddit, ita ut per experientias supernaturales clarissime sciant, quod vera et sancta sit catholica militantis Ecclesiæ fides. Propter quod loquitur Christus: Spiritus Sanctus docebit vos omnia, et suggeret vobis omnia quæcumque dixero vobis. Hinc subditur:

20

Et nostis omnia, non omnifarie omnia, sed omnem articulorum fidei veritatem, et cuncta necessaria ad salutem: juxta illud Joannis, Quum venerit ille Spiritus veritatis, docebit vos omnem veritatem. Unde et rursus Christus dixit Apostolis: Omnia quæcumque audivi a Patre meo,

Ibid. xiv, 26.

Ibid. xvi, 13.

Ibid. xv, 15.

annuntiavi vobis. Porro unusquisque secundum exigentiam sui status seu gradus sive officii, debet esse instructus. Hinc II Tim. II, 7. Timotheo Paulus scripsit apostolus : Dabit tibi Dominus de omnibus intellectum. Et Jacob. I, 5. Jacobus ait : Si quis indiget sapientia, postulet a Deo, qui dat omnibus affluenter, et dabitur ei.

21 *Non scripsi vobis quasi ignorantibus veritatem Scripturæ et necessariorum salutis, sed quasi scientibus eam*, ut proficiatis in ea, et roboretur cor vestrum magis ac magis in fidei theoria : quia ut in Prov. I, 5. Proverbiis habetur, Audiens sapiens, sapientior erit. Et rursus Salomon ait : Da sapienti occasionem, et addetur ei sapientia. Sic et Paulus apostolus : Scientibus, inquit, legem loquor; et denuo, Tanquam in memoriam vos reducens. Hoc

* [et] quoque vobis scientibus,* *quoniam omne mendacium ex veritate non est*, id est, nulla falsitas a summa Veritate processit : ideo qui mentitur, quantum ad hoc, non est ex Deo. Et qui fidei ac Scripturis aut determinationi Ecclesiæ contradicit, a Deo C aversus est, et falsitati subjectus, ejusque filius de quo ait Salvator : Diabolus in veritate non stetit, quia veritas non est in eo; quum loquitur mendacium, ex proprio loquitur, quia mendax est, et pater ejus, id est pater mendacii. Diabolus ergo est origo mendacii : qui et angelis

Joann. VIII, 44. in cælo, et protoplastis hominibus in paradiso, impietatem et falsitatem suggestit. Quemadmodum autem voluntas creata, in quantum ex nihilo et defectiva, est peccati origo; sic intellectus creatus, in D quantum defectivus et ex nihilo procreatus, falsitatis origo censetur. Veritas autem seu verum, secundum quod tale, nequaquam mendacii causa seu fons est, quum agens simile sibi producat.

22 *Quis est mendax*, mendacio superstitionis et veræ religioni fideique contrario, nisi is qui negat, *quoniam Jesus non est Christus*, id est, propositionem hanc negativam, Jesus Nazareus non est Christus in lege et Prophetis prænuntiatus ac pro-

A missus, concedit, seu veram esse affirmat? Quod autem iste sit sensus, et quod ita hoc loco accipiat verbum hoc, Negat, sequentia verba testantur. *Hic est Antichristus*, id est infidelis Christo contrarius, *qui negat Patrem et Filium*, id est, qui negat in divinis esse personam Patris æterni, et personam unigeniti Filii ejus. Hoc autem negat, qui negat Jesum esse Christum. Nam Jesus in veritate est Christus Filius Dei Patris, prout ipse per Scripturas ac miracula demonstravit. Qui autem negat Filium Dei, negat et Patrem ipsius, quoniam Pater et Filius correlativa dicuntur. Relativa autem sunt simul natura. Nam uno posito, ponitur et alterum; et uno ablato, aufertur et alterum. Pater quoque et Filius substantialiter idem sunt. Idcirco uno negato, negatur et alter. Iterum, Christus dicitur quasi unctus : ita quod in nomine Christi intelligitur persona ungens, scilicet Pater; persona uncta, videlicet Filius; ipsa quoque unctio, quæ est Spiritus Sanctus. Qui itaque negat Christum unctum, negat et Patrem ungentem, qui nomine Christi datur intelligi. Hinc subditur :

Omnis qui negat Filium, nec Patrem habet, id est, Deum esse Patrem non admittit, nec vere Deum habet quem colat, id est, Deum non colit veraciter, sed maxime derogat ei, cujus æternam generationem non credit. Idcirco loquitur Christus : Qui non honorificat Filium, non Joann. V, 23. honorificat Patrem qui misit illum. Et iterum ait Judæis incredulis : Est Pater Ibid. VII, 54, 55. meus, quem vos dicitis quia Deus vester est, et non cognovistis eum. *Qui confitetur Filium, et Patrem habet*, id est, Patrem etiam confitetur, quum Filius referatur ad Patrem, et talis colit ac fide cognoscit Patrem.

Vos autem quod ab initio audistis, in vobis permaneat, id est, fides et evangelica doctrina, quam ab exordio vestræ conversionis a me aliisque Christi prædicatoribus didicistis, perseveret in cordibus vestris. Beati enim qui audiunt ver-

Luc. XI, 28.

bum Dei, et custodiunt illud. Unde Paulus *Galat. i. 6.* redarguit Galatas, eo quod non perseveraverunt in evangelica veritate, quam docuit eos. Et addit, quod licet angelus eis annuntiaret oppositum; tanquam anathema illud arbitrarentur. *Ibid. 8.* *Si in vobis permanserit quod ab initio audistis*, id est, evangelicam doctrinam memoria et effectu servaveritis, credendo ac conversando juxta Christi doctrinam et jussionem, *et vos in Filio et Patre manebitis*, id est, Patri et Filio per fidem et caritatem ac obedientiam stabiliter adhærebitis, et eritis Patri Filioque uniti, in via per gratiam, atque in patria per gloriam. Propter quod *Matth. xii. 24.* Filius protestatur: Omnis qui audit verba mea et facit ea, assimilabitur viro sapienti qui ædificavit domum suam supra petram. Porro, Patre et Filio nominatis, intelligitur superdulseissimus Paracletus, adorandus Spiritus Sanctus, qui est Patris ac Filii nexus, amor et osculum, communeque germen et coæternum profluvium, secundum Didymum in libro de Spiritu Sancto. Quicumque enim manet in una trium æternarum ac super-venerabilium Personarum, manet in omnibus tribus; et qui diligit colitque unam, amat et colit omnes.

Et quasi interrogaremus, quo fructu, quo præmio in Patre Filioque manebimus, *25* subdit: *Et hæc est repromissio*, id est res promissa, *quam ipse Filius pollicitus est nobis, vitam æternam*, id est, perpetuam felicitatem nobis pro mercede spondit, *Ibid. 21.* dicens: Qui facit voluntatem Patris mei, ipse intrabit in regnum cælorum; et rursum, *Joann. vi. 40.* Hæc est voluntas Patris mei qui misit me, ut omnis qui videt Filium et credit in eum, habeat vitam æternam. Sed *Ibid. xvii. 1-3.* et alibi clarius loquens ait: Pater, clarifica Filium tuum; sicut dedisti ei potestatem omnis carnis, ut omne quod dedisti ei, det eis vitam æternam. Hæc est autem vita æterna, ut cognoscant te verum Deum, etc.

26 Hæc quæ de antichristis jam natis dixi, scripsi vobis de his qui seducunt vos, ut

A eos vitetis, atque in fide et caritate ac conversatione integri maneatis. Seductores vero sunt, non solum hæretici, sed et omnes qui vitiosis exemplis, pravis suggestionibus, blandis promissionibus, aut comminationibus, seu alio quovis modo proximos suos decipiunt, sive ad perfidiam, sive ad quamcumque culpam, præsertim mortalem, eos trahendo. Quibus non sufficit damnatio propria, sed tanquam membra satellitesque diaboli, alios secum damnationi involvunt. De quibus *B* loquitur Paulus: Impii proficient in pejus, errantes et in errorem mittentes. Quibus timendum est quod ait Salvator: Væ homini per quem scandalum venit.

Et vos unctionem quam accepistis ab eo, id est præfata unctio Spiritus Sancti, gratia vobis ab eo infusa, caritas in cordibus vestris per Spiritum Sanctum diffusa, *maneant in vobis*: id est, animas vestras sollicite custodite, ne peccando excidatis a gratia. Propter quod Salomon cohortatur: Omni custodia custodi cor tuum. Et propheta Michæas nos admonet ut cum Deo sollicite ambulemus. Paulus quoque: Cum metu, inquit, et timore ac tremore vestram salutem operamini. Nempe si fecerit homo quod in se est, Deus gratiam ei infundit, infusam custodit, custoditamque perficit. Nec superpiissimus Deus quemquam relinquit, nisi relinquatur prius ab eo. Propter quod in libro Job asseritur: Si direxerit homo ad Deum cor suum, spiritum illius et flatum ad se trahet. Primoque Regum Samuel monet: Præparate corda vestra Domino. Salomon quoque: Hominis, inquit, est animum præparare.

Et non necesse habetis ut aliquis doceat vos: id est, tam gratiose Deus vos prævenit, tam copiose illuminat, ut non sit vobis necessaria instructio humana: quod fuit in istis privilegium speciale. Vel si istud intelligatur de cunctis bonis fidelibus dictum, sensus est, quod si fecerint quod in eis est, Deus eos sufficienter informabit, quamvis humana eis desit in-

II Tim. iii,

13.

Matth.

xviii, 7.

27

Rom. v, 5.

Prov. iv, 23.

Mich. vi, 8.

Philipp. ii,

12.

Job xxxiv,

14.

I Reg. vii, 3.

Prov. xvi,

1.

structio, quæ tamen si adsit, non est despicienda. Nam Deus per angelos sanctos ac homines instruit plebem. *Sed sicut unctio ejus docet vos de omnibus* pertinentibus ad salutem, *et verum est quod docet unctio illa*, quum sit directio optimi infallibilisque magistri, videlicet Spiritus Sancti, *et non est mendacium* in doctrina ipsius. Unde doctrinæ sacræ Scripturæ nequaquam miscetur mendacium, quemadmodum doctrinis philosophorum. *Et sicut docuit vos* per se ipsum, per angelicam inspirationem, et per nostram prædicationem, *manete in eo* per fidem, caritatem, et opera sancta. Propter quod ad Hebræos dicitur : Doctrinis variis et peregrinis nolite abduci. Hoc est quod in Proverbiis scriptum est : Habe fiduciam in Domino ex toto corde tuo, et ne innitaris prudentiæ tuæ ; in omnibus viis tuis cogita illum, et ipse diriget gressus tuos. Hinc apud Job inducitur : Acquiesce Deo, et habeto pacem, et per hoc habebis fructus optimos. Hoc est quod Tobias docet : Omnibus diebus vitæ tuæ Deum in mente habeto, et cave ne aliquando peccato consentias.

28

Et nunc, filioli, manete in eo constantes, ut nec prospera, nec adversa, nec mors, nec vita, nec dæmones, nec tyranni, neque carnales amici, sive propinqui aut socii, a Christo vos retrahant ; *ut quum apparuerit*, id est, suo tribunali fuerimus præsentati, sive in particulari, sive in generali judicio, *habeamus fiduciam*, id est conscientiam bonam et confidentiam ex ea nascentem. Conscientia etenim pura, salubrem gignit fiduciam, quemadmodum conscientia prava formidinem, juxta quod in libro Sapientiæ scribitur : Semper præsumit sæva perturbata conscientia. *Et non confundamur ab eo in adventu ejus*, id est, non reprobemur a Christo judice summo in suo ad nos adventu, per executionem judicii : sive in morte, quum particulariter judicet quosque, atque per hoc spiritualiter seu per effectum suæ justitiæ venit ad eos ; sive in die novissimo, quando dictu-

rus est reprobis, *Ite, maledicti, in ignem æternum*. Porro, qui deficit inter adversa, aut transgreditur Dei præcepta, qui adversarios odit, aut se ipsum ulciscitur, hunc Christus in judicio tam particulari quam universali confundet, quemadmodum in Evangelio protestatur : Qui me erubuerit et meos sermones, hunc Filius hominis erubescet quum venerit in majestate sua.

Si, pro Quia, scitis quia justus est, scitote quoniam et omnis qui facit justitiam, id est actus infusæ justitiæ. Et potest hic sumi justitia, prout est virtus communis, ut justitiam facere asseratur, qui condignos pœnitentiæ fructus exercet, qui Deum cum debita reverentia colit, totoque corde amat, et cetera Dei observat præcepta. *Talis ex ipso natus est*, id est per gratiam gratum facientem spiritualiter generatus, utpote in esse supernaturali ad promerendum vitam æternam idoneo constitutus. Quotiescumque etenim quis peccat mortaliter, spiritualiter moritur, si fuit in gratia, quoniam spirituale esse gratiæ gratum facientis amittit. Et quotiescumque per pœnitentiam ad statum salutis per gratiæ recuperationem reducit, toties ex Deo seu Christo renascitur. Verumtamen, quoniam quidam præsciti ad tempus per gratiam operantur justitiam, tales quamvis non sint ex Deo nati per prædestinationem, sunt tamen ex eo nati secundum præsentem justitiam. Postremo, justitia hominum quantumlibet perfectorum, in vita præsentis est plurimum imperfecta, et sæpe interrupta, multisque defectuositatibus mixta, variis culpis fuscata, et comparatione honorificentiae qua Deus superdignissimus est, tam modica, imo magis tam nulla, ut Isaias testetur : Quasi pannus menstruatus universæ justitiæ nostræ. In Beatis vero, qui indesinenter totis viribus Deo intenti sunt, honorificentiamque impendunt, nec ulla culpa tanguntur, est suo modo perfecta justitia. Deus vero in infinitum honorabilior est, quam ab universis valeat honorari.

Matth. xxv, 41.

Luc. ix, 26.

29

Hebr. xiii, 9.

Prov. iii, 5, 6.

Job xxii, 21.

Tob. iv, 6.

Sap. xvii, 10.

Is. lxiv, 6.

ARTICULUS IV

ELUCIDATIO CAPITULI TERTII : VIDETE QUALEM CARITATEM, ETC.

SANCTUS Joannes præsentī capitulo Dei A
beneficia ac promissa, atque moralia
documenta diffusius recitat, dicens : *Vi-*
1 *dete*, id est, fideliter advertite, acute pen-
sate, *qualem caritatem dedit nobis Pa-*
ter, ut filii Dei nominemur et simus. Hoc
dupliciter potest exponi. Primo sic : Qua-
lem caritatem dedit nobis Pater, id est,
quam magnam suam erga nos dilectionem
nobis ostendit, seu quantum se diligere
nos monstravit, per hoc quod contulit
nobis gratiam istam talem ac tantam, ut
adoptivi filii ejus vocemur et simus. Est B
enim consuetudo Scripturæ, ut aliquid di-
catur fieri seu donari, quando ejus factio
seu donatio innotescit seu manifestatur,
quemadmodum post resurrectionem Chri-
stus disseruit, Data est mihi omnis po-
testas in cœlo et in terra : quæ utique
potestas sibi ab incarnationis exordio fuit
collata. Sicque Deus Pater magnam ca-
ritatem nobis dedit, per hoc quod eximi-
am suam dilectionem nobis per Christum
monstravit, in tantum quod per Chri-
stum ejusque discipulos protestatus est C
nos esse adoptivos filios suos per fidem
et caritatem. Unde Salvator in Evangelio
sæpius loquitur : Sitis filii Patris vestri
qui in cœlis est. Atque ad Galatas fer-
tur : Omnes filii Dei estis per fidem in
Christo Jesu. Et alibi inducitur : Quo-
quot autem receperunt eum, dedit eis po-
testatem filios Dei fieri. Sicque per Deum
Patrem hoc loco rite intelligitur Trini-
tas Deus, cui assidue dicimus : Pater no-
ster, qui es in cœlis. Totius etenim su-
perdignissimæ Trinitatis una est erga nos D
dilectio, et una caritatis ad extra effu-
sio, quoniam operatio ejus ad extra, est
indivisa, quum trium superessentialium

Personarum sit una essentia, eademque
potestas.

Secundo exponitur sic : Videte qualem
caritatem dedit nobis Deus, id est, quam
sublimis, digna et efficax sit caritas ipsa
infusa, virtus theologica, quam Deus per
creationem nobis largitus est : ejus tanta
est virtus ac eminentia, quod per eam
potissime adoptivi filii Dei efficimur et
vocamur. Propter quod loquitur Paulus :
Caritas Dei diffusa est in cordibus no-
stris per Spiritum Sanctum qui datus est
nobis ; et rursus : Non accepistis, inquit,
spiritum servitutis iterum in timore, sed
accepistis spiritum adoptionis filiorum,
in quo clamamus : Abba (Pater). Hinc
rursus hortatur : Imitatores Dei estote,
sicut filii carissimi, et ambulate in dile-
ctione, sicut et Christus dilexit nos.

Propter hoc mundus non novit nos : id
est, quia adoptivi filii Dei sumus per ca-
ritatem, per quam contemptis carnalibus
ac terrenis, divina et æterna quærimus
et amamus : idcirco carnales mundanique
homines, per approbationem non noscunt
nos ; imo quam vere virtuosa Deoque pla-
cita sit conversatio nostra, prorsus igno-
rant. Nam Paulo teste : Animalis homo
non percipit ea quæ sunt Spiritus Dei ;
stultitia enim est illi, et non potest in-
telligere. Hinc tales, pravis et mundanis
excæcati affectibus, perverse judicant de
spiritualibus et devotis hominibus, eis
præsertim quos vident abjecte vestitos, et
eos derident, ac fatuos arbitrantur, quem-
admodum quarto Regum principes, viso
discipulo Elisei, dixerunt ad Jehu : Quid
venit insanus iste ad te ? Unde, ut Sa-
piens asserit, in fine dicturi sunt : Hi
sunt quos aliquando habuimus in deri-

Matth.
xxviii, 18.

Rom. viii,
15.

Matth. v,
45; Luc. vi,
35.

Galat. iii,
26.
Joann. i, 12.

Matth. vi,
9.

Rom. v, 5.

Ibid. viii,
15.

Ephes. v,
1, 2.

I Cor. ii, 14.

IV Reg. ix,
11.

Sap. v, 3, 4.

sum et in similitudinem improprietatis; nos insensati, vitam illorum aestimabamus insaniam. Idcirco autem mundus iste non novit nos, *quia non novit eum*, id est Deum Patrem, cujus filii sumus, quem formata cognitione non noscit, juxta quod Joann. xvii, 25. Christus contestatur: Pater juste, mundus te non cognovit; ego autem te cognovi. Tit. i, 16. De talibus fertur ad Titum: Confi- tentur se nosse Deum, factis autem negant, quum sint abominati et reprobi. Isti quoque non considerant Deum ut approbato- rem eorum qui mundo despecti sunt, neque ut datorem gratiæ ac virtutum in præsentem, cœlestisque gloriæ in futuro, sed carnalibus ac terrenis immersi sunt, et talia appetunt.

I Cor. i, 20. Unde, quemadmodum Deus stultam fecit sapientiam hujus mundi; ita et mundus stultam reputat sapientiam Dei, id est veram, infusam ac salutarem sapientiam, qua homini solus Deus dulcescit, cunctaque transitoria et mundana vilescent, sicut nunc allegatum est inde verbum Pauli ad Corinthios dicentis: Animalis homo non percipit ea quæ sunt Spiritus Dei; stultitia enim est illi, et non potest intelligere. Et iterum fatetur: Verbum crucis pereuntibus quidem stultitia est. Salomon quoque testatur: Non recipit stultus verba prudentiæ. Sed et in Ecclesiastico scriptum est: Cor fatui quasi vas confectum, omnem sapientiam non tenebit. Porro in Scripturis omnes iniqui vocantur indocti et stulti. Est namque in eis vitium puerilitatis, quod est stultitia, dono sapientiæ contraria: quoniam ista carnalia et caduca summo et invariabili bono donisque gratiæ ac virtutum præponunt, et veram sapientiam detestantur. De quibus in Ecclesiastico habetur: Quam aspera nimis est indoctis hominibus sapientia!

2 Carissimi, nunc filii Dei sumus per similitudinem caritatis et gratiæ. Filii utique adoptivi, juxta illud ad Ephesios: Deus prædestinavit nos in adoptionem filiorum per Jesum Christum. Et denuo ad

A Corinthios Paulus Scripturam allegat dicentem: Immundum ne tetigeritis, et ego recipiam vos, et ero vobis in patrem, et vos eritis mihi in filios et filias, dicit Dominus omnipotens. In Deuteronomio quoque dicitur: Filii estote Domini Dei vestri. Et nondum apparuit quod erimus: id est, excellentia quam in cœlesti beatitudine adipiscemur, nondum innotuit aut manifestata est, quia nec oculus vidit, nec auris audivit, nec in cor hominis ascenderunt, quæ præparavit Deus suis electis. II Cor. vi, 17, 18. Deut. xiv, 1. I Cor. ii, 9.

B Scimus quoniam quum apparuerit quod erimus, id est, quum Deus manifeste per effectum monstraverit illam beatitudinem, eam nobis coram Sanctis omnibus conferendo, nosque glorificatos monstrando; vel, Quum apparuerit, id est, Christus in secundo adventu se manifestaverit; similes ei erimus, id est, Deo perfecte conformabimur per dona gloriæ, cui et nunc aequaliter assimilamur per munera gratiæ. Tunc enim per plenum ardentissimumque amorem erimus in Deum ineffabiliter transformati, et quantum fieri potest, in ipsum absorpti. Tamen et per beatificam visionem assimilatio illa peragitur formaliter et directe. Propter quod subditur: *quia videbimus eum sicuti est*, id est clare per speciem, ita quod ipsam superadorandæ Deitatis supersubstantialem essentiam in se ipsa, per se ipsam, clare et immediate conspiciemus.

Cognitio autem, secundum philosophos, fit per assimilationem cognoscentis ad cognitum, in quantum similitudo seu species cogniti inest cognoscenti. Quumque omnis forma creata a clara et immediata repræsentatione divinæ essentiae deficiat infinite, constat quod divina essentia a mente creata clare et immediate videri non valeat per formam speciemve creatam. Ideo ipsamet divina essentia unitur mentibus Beatorum loco speciei et intelligibilis formæ, ita quod ipsa est quod, et quo, id est, quod videtur, et id quo fit visio, seu objectum et species, sicut et ipse Deus videt se per se, sic quod in ejus

aterna et increata sui ipsius intuitione idem sunt objectum et species. Per hanc ergo beatificam visionem, claram et penitus supernaturalem Beati Deo perfectissime assimilantur, quum ipsa divina essentia eis tam ineffabiliter ac intime uniatur.

1 Cor. xiii.
9, 10, 12.

Hinc ad Corinthios scriptum est : Ex parte cognoscimus; quum autem venerit quod perfectum est, evacuabitur quod ex parte est. Videmus nunc per speculum in ænigmate; tunc autem facie ad faciem. Nunc cognosco ex parte; tunc autem cognoscam sicut et cognitus sum.

Hæc est admiranda, superpiissima, liberalissima communicatio beatitudinis, qua superbonus Deus beatitudinem suam immensam electis suis communicat, et vitam eorum suæ vitæ conformat, eosque plenam societatem secum facit habere : quoniam, sicut Deus clare et incessabiliter, summe et ardentissime contemplatur et amat se ipsum, ita et ipsi indesinenter, clare, ferventissime contemplantur et diligunt eum. Hinc ad Colossenses loquitur Paulus : Vita vestra abscondita est cum Christo in Deo; quum autem apparuerit Christus vita vestra, tunc et vos apparebitis cum ipso in gloria. Nec his obstat illud in Psalmo : Quis in nubibus æquabitur Domino, similis erit Domino in filiis Dei? Hoc enim et quædam similia verba Scripturæ de similitudine æqualitatis intelliguntur, prout unigenitus naturalisque Filius Deo Patri similis perhibetur.

Coloss. iii,
3, 4.

Ps. lxxxviii,
7.

3

Et omnis qui habet hanc spem in eo, id est, qui auxilio gratiæ Dei confidit se ad præactam visionem Dei beatificam perventurum, *sanctificat se*, id est, a vitiis se expurgat, ac virtuosus actibus se perornat, sciens se absque interna puritate ad tantam beatitudinem non posse pertinere, quum dicat Salvator : Beati mundo corde, quoniam ipsi Deum videbunt. Propter quod ad Hebræos scribitur : Sanctimoniam sequimini, sine qua nemo Deum videbit. Itaque, Sanctificat se, *sicut et ille sanctus est*, id est, divinæ sanctitati se aliquo modo conformat, luci sapientiæ, et

Matth. v,
8.

Hebr. xii.
14.

A splendori virtutum, sanctisque actibus insistendo. Hinc in Levitico loquitur Deus : Nolite contaminare animas vestras : ego enim sum Dominus Deus vester. Sancti estote, quoniam ego sanctus sum. — Sed prædictis obviare videtur, quod multi æternam sperant felicitatem acquirere, et tamen vivunt inique. Respondetur, quod secundum Augustinum in Enchiridio, fides et spes possunt esse informes, non caritas. Idecirco S. Joannes nunc loquitur de spe formata. De qua etiam datur defi-

Lev. xi, 43,
44.

B nitio illa communis : Spes est certa expectatio futuræ felicitatis, ex gratia Dei et meritis propriis proveniens. In qua tamen definitione sumitur spes pro actu spei; non pro habitu. Unde et ipse interior actus spei formatæ est quædam sanctificatio hominis.

Omnis qui facit peccatum, et iniquitatem facit, id est, legem Dei transgreditur, quum peccatum sit transgressio legis divinæ et cælestium inobedientia mandatorum : quod de mortali peccato est accipiendum. Porro iniquitas, Beda attestante, Græce ἀνομία appellatur : quod designat quasi contra legem vel sine lege factum. Lex autem divina est æquitas ipsa. Sicque mortale peccatum est iniquitas, id est non æquitas, utpote violatio æquitatis. Propter quod ait Psalmista : Prævaricantes reputavi omnes peccatores terræ. Isaias quoque loquitur de injustis : Transgressi sunt pactum, violaverunt jus, corruperunt fœdus sempiternum. Hinc subditur : *Et peccatum est iniquitas*.

4

Ps. cxviii,
119.

Is. xxiv, 5.

D *Et scitis per fidem, quoniam ille*, utpote Christus, *apparuit*, id est, per assumptam humanitatem venit in mundum, *ut peccata tolleretur*, id est, suæ sanctissimæ passionis merito pro peccatis humani generis satisfaceret. Christus quoque docendo atque sanctissime conversando, tulit et tollit peccata, impediendo ne fiant, seu homines a vitiis retrahendo, et formam vivendi ministrando, ac gratiam vitandi peccata nobis largissime promerendo. Per ecclesiastica etiam sacramenta a se insti-

5

tuta quotidie nostra aufert peccata. Idcirco ait de eo beatissimus ejus Baptista :
Joann 1, 29. Ecce Agnus Dei, ecce qui tollit peccata mundi. De quo angelus dixit ad Joseph :
Matth. 1, 21. Vocabis nomen ejus Jesum : ipse enim salvum faciet populum suum a peccatis eorum. Unde apud Isaiam Deus Pater ait
Is. LIII, 11. de homine Christo : In scientia sua justificabit ipse justus servus meus multos, et iniquitates eorum ipse portabit. Dicit autem Beda hoc loco : Christus tollit peccata, dimittendo quæ facta sunt, et adjuvando ne fiant, ac perducendo ad vitam beatam, ubi peccata nequaquam fieri possunt. *Et peccatum in eo non est*, nec unquam fuit, nec potuit esse : quia secundum quod Deus, essentialiter sanctus est ; secundum naturam vero assumptam, ab exordio incarnationis fuit excellentissime confirmatus in gratia, imo et comprehensor perfectus, quantum ad superiorem suæ animæ portionem, ad increatum objectum relatum.

6 *Omnis qui in eo manet* per fidem formatam seu caritatem, *non peccat* : quia in eo manendo, non peccat ; et in quantum in eo manet, et quamdiu in eo manet, non peccat, sed recedendo ab ipso, utpote ab illo se libere avertendo. Peccatum enim mortale et caritas, simul stare non queunt. *Et omnis qui peccat, non vidit eum nec novit eum*, id est, eo tempore seu momento quo peccat per omissionem debiti, vel commissionem illiciti, non videt Deum per fidem formatam, nec eum per donum sapientiæ intuetur, nec nescit eum formata ac salutari notitia. Hæc et enim simul in eodem esse non valent, quia contraria sunt. Nihilo minus qui in caritate est, potest peccare, et peccando caritatem amittere. Similiter qui nunc peccat, potest fuisse in caritate et gratia. Et ita nil prohibet, eum qui jam peccat, antequam peccat, Deum præfato modo vidisse ac cognovisse, ut patet de David et aliis justis, qui post magnam perfectionem collapsi sunt. Moyses quoque, qui (Augustino testante) Deum vidit per spe-

ciem in hac vita, sicut et Paulus, postmodum ad aquas Contradictionis peccavit non modice. Num. xx, 8-13.

Filioli, nemo vos seducat suggestionem pestifera, argumentatione philosophica, pravo exemplo, blandis ac prosperis sive adversis, ut aliquid fidei contrarium sentiat, aut quidquam divinæ legi repugnans agatis : sicut et Paulus hortatur, Nemo vos seducat per inanem philosophiam ; et rursus, Nolite seduci, Deus non irridetur. *Qui facit justitiam*, id est, opera justa exercet, *justus est* : quia non sufficit ad salutem, solam fidem aut justitiæ habitum solum habere, sed oportet in actum virtutum procedere, si adsit facultas. In actu enim consistunt meritum atque demeritum, actuque virtutis correspondet et redditur præmium. Imo fides sine operibus mortua est in semetipsa. Propter quod sacratissimus Christi Præcursor testatur : Omnis arbor quæ non facit fructum bonum, excidetur, et in ignem mittetur. Talis itaque justus est, *sicut et ille*, videlicet Christus, *justus est*, id est, Christi justitiam in aliquo imitatur, et Christi exemplo obedit divinis præceptis. Et sumitur hic justitia, prout est virtus communis, seu omnis virtus, quia per unamquamque virtutem homo se habet sicut tenetur aut decet. Ephes. v, 6 ; Coloss. ii, 8. Galat. vi, 7. Jacob. ii, 17, 26. Matth. iii, 10.

Qui facit peccatum, ex diabolo est. Jam supra dixit : Si dixerimus quia peccatum non habemus, nos ipsos seducimus. Et Salomon loquitur : Non est homo qui faciat bonum et non peccet ; et rursus, Justus septies cadit. Omnes ergo ex diabolo sumus, quia omnes peccamus quotidie. Denique multi electi ad tempus vivunt inique, qui tamen non videntur esse ex diabolo, quum sint prædestinati a Deo. — Et respondendum, quod omnis qui peccat, loquendo de mortali peccato, ex diabolo est, non corpus aut animam ab illo habendo, sed ejus pravitatem sequendo, aut ejus tentationi consentiendo, pertinendo quoque ad eum tanquam membrum ipsius atque mancipium. Propter

Sap. ii, 24. quod Sapiens asserit : Invidia diaboli mors
25. introivit in orbem terrarum ; imitantur

Joann. viii,
44.

autem illum, qui sunt ex parte illius. Christus quoque obstinatis loquens Judæis : Vos, inquit, ex patre diabolo estis. Itaque, Qui facit peccatum, in quantum hujusmodi, ex diabolo est per imitationem illicitam : et nihilo minus, si de electorum est numero, ex Deo est per prædestinationem æternam. Omnes autem ex Deo sunt per creationem. Præsciti vero qui ad tempus sunt justi, quamdiu in gratia sunt, ex Deo sunt secundum præsentem justitiam.

Cur demum peccans ex diabolo sit, subditur : *quoniam ab initio diabolus peccat* : quia a primo instanti quo fuit diabolus, id est ex angelo in diabolum propria iniquitate sponte mutatus, non cessavit peccare : sed et a principio mundi, et a suæ creationis exordio, peccavit usque in præsens. Non quod creatus sit malus, aut in primo instanti suæ productionis effectus sit malus : non enim peccavit in illo primo suæ creationis instanti. Dicitur tamen ab initio peccasse, quia permodica fuit mora inter creationem ejus et lapsum seu culpam. Imo aliqui dicunt, eum statim post primum instans suæ creationis peccasse. Unde et Salvator apud Joannem ait : Diabolus homicida erat ab initio.

Ibidem.

Gen. iii, 1
et seq.

Quod exponitur, quoniam primos parentes seduxit, spiritualiterque occidit : quod tamen sexto factum est die. De hac materia multas utiles quæstiones movet ac solvit Thomas in prima parte Summæ, quæstione 63, utpote : An angelus in primo instanti suæ creationis potuit esse malus ; An aliqua mora fuit inter creationem ejus et lapsum, etc. Albertus quoque aliqua scribit inde hoc loco, et plenius super Sententias. Quæ, brevitati studens, dimitto.

In hoc apparuit Filius Dei, id est, ideo factus est homo, et venit in mundum, *ut dissolvat opera diaboli*, id est, vitia tollat, ab operibus tenebrarum homines revocet, tentamenta diaboli auferat, peccatores, se-

condendum quod tales, dissipet, id est, salubriter destruat, extinguendo in eis culpam, non naturam, ut jam de cetero non sint tales quales exstiterunt, juxta illud Proverbiorum : Verte impios, et non erunt. *Prov. xii, 7.*

Omnis qui natus est ex Deo, peccatum non facit. Alio quoque loco habetur :

Quotquot receperunt eum, dedit eis potestatem filios Dei fieri, his qui credunt in nomine ejus ; qui non ex sanguinibus, neque ex voluntate carnis, neque ex voluntate viri, sed ex Deo nati sunt. Omnes

Joann. i,
12, 13.

B ergo in Christum credentes, omnes regenerati ex aqua et Spiritu Sancto, ex Deo

Ibid. iii, 5.

sunt nati, quoniam esse gratiæ gratum facientis ab ipso sortiti sunt. Ergo nullus eorum peccat, et ita qui habet caritatem, non potest eam amittere : quod stultum est dicere. Quid est ergo quod ait, Omnis qui natus est ex Deo, peccatum non facit? Dicendum, juxta præhabita, quod sicut qui manet in Deo, non peccat, in quantum in Deo manet, ita qui ex Deo natus est, non facit peccatum, in quantum talis.

C Et quod ista sit mens S. Joannis, sequentia verba testantur. Nam subditur : *quoniam semen ipsius in eo manet.* Semen etenim Dei, est gratia ipsius seu caritas, ex qua tanquam ex semine omnis meritoria oritur actio. Caritas namque ceteris virtutibus præcipit, ita quod omnis meritoria actio est a caritate aut elicitive, aut imperative. Nam actus qui directe et immediate manant a caritate, dicuntur ab ea elicitive procedere, ceterarum vero actus virtutum, imperative. Iterum, sicut in semine tota moles fructus virtualiter continetur, ita in caritate ceteræ virtutes virtualiter sunt contentæ. Propter quod, Paulo testante, plenitudo legis est dilectio. Ex gratia quoque virtutes et dona, quantum ad actus suos, pullulare dicuntur. Quia ergo hoc semen manet in renato, idcirco non peccat ut talis, neque semine hoc in eo manente, quia hoc semen et mortale peccatum non compatiuntur se mutuo. Hinc subditur :

Rom. xiii,
10.

Et non potest peccare, juxta sensum

præhabitu. Propositio quippe de possibili, potest poni in esse, inconveniente nullo sequente. *Quoniam ex Deo natus est*, id est, caritatem et gratiam, per quam fit spiritualis regeneratio, habet in se. Juxta quem sensum ait Salvator : Non potest arbor bona fructus malos facere, neque arbor mala fructus bonos facere. Juxta hunc modum, currens non potest quiescere, nec econtra. Hinc dialectici propositiones hujusmodi distinguunt penes sensum compositum et divisum, secundum quod extrema propositionum accipi possunt materialiter atque formaliter. Imo, et juxta hanc distinctionem necesse est multa in Scripturis et in dictis Sanctorum exponi : sicut quum dicitur, Justus non potest damnari; et, Impius non potest salvari; Qui se humiliat, exaltabitur; qui se exaltat, humiliabitur.

Matth. vii,
18.

Luc. xiv.
11; xviii, 14

Verumtamen ea quæ dicta sunt, quidam ita exponunt : Qui natus est ex Deo, non peccat, id est, in peccatis non perseverat; et non potest peccare, id est in vitiis perseverare. Quæ utique expositio esset valde conveniens, si soli prædestinati dicerentur in Scripturis ex Deo renati : quod tamen omnino dici non posse, verba pandunt sequentia, quibus inter filios Dei et filios diaboli distinctio assignatur.

10

In hoc, id est, in eo quod sequitur, *manifesti sunt*, id est, evidenter inter se et ab invicem distinguuntur, *filius Dei, et filius diaboli*, id est homines virtuosus, qui sunt adoptivi filii Creatoris, et homines vitiosus, qui per imitationem pravitatis filii sunt diaboli. *Omnis qui non est justus, non est ex Deo, et qui non diligit fratrem suum* : id est, quicumque injustus est, et quicumque proximos suos universos spirituali amore non diligit, iste non est natus ex Deo. Ex quo innotescit, quod existentes in caritate, sunt nati ex Deo; qui autem in mortali est vitio, præsertim in odio, non est natus ex Deo, nec filius Dei, sed est ex diabolo natus, ejusque filius. Et hoc intelligendum est de distinctione inter hos data secundum præsentem ju-

stitiam, non secundum prædestinationem divinam, secundum quam multi reprobi justus sunt, et multi prædestinati injusti ad tempus.

Itaque, secundum præsentem justitiam, sola caritas inter filios Dei filiosque distinguit diaboli. Unde, secundum Augustinum, duo amores duas constituunt civitates : quoniam amor Dei, crescens usque ad contemptum sui, civitatem constituit Dei; amor vero sui, utpote amor ad se reflexus, reprobis et privatus, civitatem efficit Babylonis, et regnum diaboli. Verumtamen durante hac vita, fiunt quotidie de civibus Babylonis filiisque diaboli cives Dei et filii ejus, et econverso. Nullus vero civium filiorumque Dei secundum prædestinationem, fit aut invenitur finaliter civis Babylonis filiusve diaboli. Si enim prædestinatus est, ad tempus quidem errare potest, æternaliter vero perire non valet. Interim tamen ista non sunt ita intelligenda, quasi in vita præsentis possumus absque revelatione divina inter justos infusa justitia et injustos, hoc est inter existentes in caritate et alios, certitudinaliter in particulari discernere. Quum enim quisque de se ipso incertus sit an amore sit dignus an odio, quanto magis de aliis? præsertim quum dicat apostolus Paulus : Quid agatur in homine, nullus scit, nisi spiritus hominis. Sed in generali manifesta est ista distinctio. In speciali vero manifesta esse potest probabiliter sive conjecturaliter : tantoque probabilius, quanto verisimiliora caritatis ac virtutum opera sive indicia apparent in aliquo, et quanto probabiliora in aliquo apparent indicia vitiorum. Imo aliquem esse in mortali peccato, in multis casibus, tam ab eo quam ab aliis, certitudinaliter potest agnosci. Sed hoc manet sibi aliisque ignotum, an finaliter convertetur atque salvabitur, hoc est an prædestinatus existat.

Eccle. ix, 1.

I Cor. ii, 11.

Porro, quod caritas inter filios Dei filiosque secernat diaboli, docet S. Joannes, dicendo : *Quoniam hæc est annuntiatio*, id est prædicatio, *quam audistis ab initio*,

41

id est, quam a me et ab aliis prædicato- A
ribus evangelicæ legis ab exordio vestræ
conversionis sumpsistis et percepistis, *ut*
diligatis alterutrum, id est, invicem per
infusum diligatis amorem, utpote pure ac
spiritualiter, quatenus unus desideret sa-
lutem alterius, et cooperetur ei ad illam
pro posse, orando, hortando, corripiendo
et subveniando. Hinc enim jussit Salva-
tor : Hoc est præceptum meum, ut dili-
gatis invicem sicut dilexi vos. Hinc ad
Romanos dicitur : Nemini quidquam de-
beatis nisi ut invicem diligatis : qui enim B
diligat proximum, legem adimplevit. Nam,
Non adulterabis, non occides, non furtum
facies, non falsum testimonium dices ; et
si quod est aliud mandatum, in hoc ver-
bo instauratur, Diliges proximum tuum
sicut te ipsum. Dilectio proximi, malum
non operatur. Plenitudo ergo legis est di-
lectio.

Porro, ut verba hæc beatissimi Pauli
apostoli clarius intelligantur, pensandum
quod inter decem præcepta Decalogi, tria
prima pertineant ad caritatem cultumque
Dei, videlicet unum credere ac colere
Deum, nec vane aut inordinate jurare per
ipsum, et dies celebrare festivos. Et tria
hæc in præcepto dilectionis Dei speciali-
ter continebantur. Alia septem præcepta
pertinebant ad proximum, scilicet, hono-
rare parentes, non occidere, non furari,
etc. Et ita specialiter contenta erant et in-
cludebantur in præcepto dilectionis fra-
ternæ. Hinc Christus disseruit, quod in
duobus caritatis præceptis tota lex pendet
et Prophetæ. Sed quia caritas Dei et di-
lectio proximi inseparabiliter sunt con-
nexæ, sacra Scriptura nunc in dilectione
Dei, nunc in dilectione proximi, salutem
nostram et summam legis divinæ consti-
tuit. Nihilo minus dilectio proximi et cun-
cta præcepta ad eam spectantia, in Dei
dilectione virtualiter includuntur : nempe
qui diligit Deum, ejus obedit præceptis,
et per consequens diligit proximos, et
præcepta ad proximi caritatem pertinen-
tia implet, quia hoc Deus præcipit.

Ista ergo est præcipua annuntiatio seu
doctrina, quam ab exordio instructionis
ac conversionis vestræ audistis, ut diliga-
tis alterutrum ; *non sicut Cain*, id est, non
sitis, nec dolose diligatis, ut impius Cain,
qui ex maligno erat, id est ex diabolo,
quantum ad imitationem iniquitatis. Nam
sicut diabolus primos parentes spirituali-
ter interfecit ex invidia, sic Cain fratrem
suum justum Abel ex invidia trucidavit,
sicut subjungitur, *et occidit fratrem su-
um* : sicut in Genesi describitur. *Et propter*
B *quid occidit eum?* id est, quid movit Cain
ad fratricidium ? *Quoniam opera ejus ma-
ligna erant, fratris autem ejus justa* : id
est, opera Cain et opera sancti Abel erant
contraria, prout hoc in Genesi plenius re-
citatur, ubi inter cetera legitur : Factum
est ut offerret Cain munera Domino de
fructibus terræ, Abel quoque obtulit de
primogenitis gregis sui et adipibus eo-
rum, etc.

Circa quod dicunt expositores, quod Cain
obtulit de vilioribus suæ substantiæ, Abel
autem de melioribus. Idcirco Deus respe-
xit ad Abel et ad munera ejus, quia ejus
oblaciones habebat acceptas ; non autem
respexit ad Cain ejusque munera. Illum
vero respectum seu acceptionem Deus,
ut communiter dicitur, per signum visi-
bile demonstravit : quoniam ipso Abel of-
ferente, ignis de cælo descendens, incendit
atque consumpsit sacrificium ejus, sicut
in libro Judicum de sacrificiis Gedeonis
ac Manue legitur, et tertio Regum de sa-
crificio Eliæ, atque secundo Paralipome-
non de sacrificio Salomonis, in Levitico
quoque de sacrificiis Aaron. Unde in Ge-
nesi, ubi nostra habet translatio, Respexit
Deus ad Abel, etc., Theodotion transtulit,
Inflammavit Deus super Abel, super Cain
vero non inflammavit. Sacrificia demum
quæ in lege naturæ et lege scripta offere-
bantur, non erant ex se ipsis Deo accepta,
sed ex virtutibus ac devotione offerenti-
um. Idcirco præallegato Genesis loco asse-
ritur, quod primo Deus respexit ad Abel,
deinde ad munera ejus. Quod autem ita

Joann. xv,
12.

Rom. xiii,
8-10.

Exod. xx,
13-16.

Lev. xix, 18.

Matth. xxii,
40.

12

Gen. iv, 8.

Ibid. 3, 4.

Ibid. 4, 5.

Judic. vi,
21; xiii, 20;
III Reg.
xviii, 38; II
Par. vii, 1,
Lev. ix, 24.

non adspexit ad Cain ejusque munera, A signum fuit malitiæ Cain. Quod Cain perpendens, et prosperitati sui fratris infelicitèr invidens, ex rancore eum in agro peremit. Quemadmodum enim similitudo est, per se et directe loquendo, causa seu ratio unionis et complacentiæ ac amoris, sic dissimilitudo causa et ratio est aversionis, displicentiæ ac rancoris. Hinc sequitur :

13 *Nolite mirari, fratres, si odit vos mundus*, id est carnalium et mundanorum hominum multitudo : quia justorum et talium mundanorum hominum desideria B et opera ex diametro inter se pugnant ; et quæ carnales homines maxime cupiunt, spirituales homines aspernantur, mundanorum quoque hominum vitant consortia, et eorum studia reprehendunt. Non itaque mirum si odio habeantur a mundo. Hinc ait Salvator discipulis, et in eorum persona cunctis vere Christi fidelibus : Si mundus vos odit, scitote quia me priorem vobis odio habuit. Si de mundo essetis, mundus quod suum erat diligeret. Quia vero de mundo non estis, sed ego C elegi vos de mundo, propterea odit vos mundus. In Ecclesiastico quoque fertur : Sicut communicabit lupus cum agno aliquando, sic peccator justo. Quæ communicatio homini sancto ad canem ?

Joann. xv,
18, 19.

Eccli. xiii,
21, 22.

Verumtamen his objici potest, quod quidam valde mundani, videntur amare religiosos, humiles et abstractos : nam et vitam eorum extollunt, eos ad talis vitæ continuationem hortantur, atque eorum orationibus se commendant. Et respondendum, quod homines sæculares carnales, non sunt omnes æque in suis affectionibus judiciisque corrupti. Nunc autem de carnalibus ac mundanis hominibus secundum quod tales sunt, sermo est, non secundum quod aliquid spiritualitatis aut rectæ rationis participant. Quidam quoque mundani, quamvis propinquos suos religiosos aut virtuosos naturali aut sensuali ament affectu, vere tamen et spiritualiter odiunt eos, quoniam vellent eos non esse tales, et pro posse a tali con-

versatione ipsos avertunt. Porro nonnulli suis vitiis ita sunt involuti, cæcati et obstinati, ut religiosos ac virtuosos absolute odiant, persequantur, derideant, ac obloquendo dilanient ac diffament : quod prorsus diabolicum sceleratissimumque censetur.

Nos scimus quoniam translati sumus de morte ad vitam, id est, de statu damnationis traducti sumus ad statum salutis, de morte culpæ ad vitam gratiæ, de filiis iræ facti sumus filii caritatis et pacis ; *quoniam diligimus fratres*, id est proximos universos spirituali amore : de quo asserit Dominus, In hoc cognoscent omnes quia discipuli mei estis, si dilectionem habueritis ad invicem. Hæc namque dilectio cum mortali non potest esse peccato. *Qui non diligit Deum et proximos spirituali dilectione, manet in morte*, id est, mortali subjacet culpæ, quum careat caritate, quæ vita est animæ. De tali etenim morte ait Salvator in Evangelio : Dimitte mortuos sepelire mortuos suos ; in Apocalypsi quoque, Nomen habes quod vivis, sed mortuus es. — Ex his jam sequi videtur, quod virtuosi sciunt se translatos de morte ad vitam, et per consequens, quod in caritate existant. Respondetur, quod Apostoli certitudinaliter noverant se esse in caritate, ex divina revelatione : et quantum ad illos, verbum istud exponitur de certa scientia ; quantum vero ad alios, de conjecturali probabilique notitia.

Joann. xiii,
35.

Matth. viii,
22.
Apoc. iii, 1.

Omnis qui odit fratrem suum, homicida est, id est similis homicidæ. Vel homicida est voluntate, si cupit ejus mortem quem odit. Est etiam homicida dispositive, quoniam odium via est ad homicidium. Denique sanctus martyr, doctor et Pontifex summus, B. Clemens refert quemadmodum beatissimus Petrus dixit esse homicidium triplex : Unum corporale, quo esse naturæ aufertur. Aliud dixit esse de tractionem, quo esse bonæ famæ tollitur, et homo in corde aliorum quodammodo moritur, dum de eo male sentitur. Ter-

14

15

tium dixit odium esse. Rursus dicitur aliquis homicida quatuor modis : primo provocatione, ut qui alium ad iram rixasque concitat, et per hoc ad homicidium cadit ; secundo, voluntate, ut qui mortem cupit alterius contra ordinem juris ; tertio, procuratione, ut qui alterius machinatur occisionem ; quarto, opere, ut qui realiter perimit per se ipsum. Iterum : Qui odit fratrem suum, homicida est, se ipsum in primis spiritualiter occidendo. Nam pravitas primo omnium proprium

lædit perimitque subjectum. *Et scitis quoniam omnis homicida non habet vitam æternam in se manentem*, id est, nullus aliquo præfatorum modorum homicida, habet vitam in se beatam. Immo miser et impius est spiritualiter mortuus, vita gratiæ destitutus, et vita gloriæ prorsus indignus ; nec Deum, qui est vita æterna, increata et superessentialis, habet in se manentem per fidem formatam, sed diabolum habet cor suum excæcantem ac possidentem, atque in eo regnantem.

ARTICULUS V

PROSECUTIO EXPOSITIONIS HUIUS CAPITULI TERTII, AB ILLO LOCO : IN HOC COGNOVIMUS CARITATEM DEI.

16 **Q**UONIAM, sicut prædictum est, tanta est odii gravitas, inducit S. Joannes ad fraternam dilectionem per caritatis Christi commemorationem. *In hoc cognovimus caritatem Dei, quoniam ille, scilicet Dei Filius propter nos homo factus, pro nobis animam suam posuit*, id est, pro nostra salvatione vitam suam corporalem morti exposuit, juxta illud Isaïæ : Tradidit in mortem animam suam. Unde *Is. LIII, 12.* et ipse protestatur : Ego sum pastor bonus, et animam meam pono pro ovibus meis. Porro, quod istud sit præcipuum caritatis opus atque indicium, ipse Christus pandit : Majorem, inquit, hac dilectionem nemo habet, ut animam suam ponat quis pro amicis suis.

Joann. x, 14, 15.

Ibid. xv, 13.

Et nos debemus pro fratribus animas ponere, id est, pro salute proximi debet unusquisque suam corporalem vitam exponere morti. Et hoc est de necessitate præcepti in certo casu, præsertim in necessitatis articulo : ut si quis cernat proximum suum periclitari in anima, nec aliunde sibi impendi auxilium, tenetur eum pro posse a periculo peccati mor-

B talis eripere, quamvis sibi ex hoc mors corporalis certo immineat ; ut si quis videat quempiam ab infidelibus ad fidei denegationem compelli, et illum se ad iniquum consensum disponere, obligatur illum pro posse confortare in fide, martyriique constantia. Et ad hoc quilibet tenetur Christianus pro viribus suis ex ordine caritatis. Nam quilibet tenetur magis diligere proximum, quam proprium corpus : ideo pro proximi sui salute tenetur corpus suum dare in mortem in casu præfato. Qui vero animarum curam habent, ad istud sublimius obligantur, ut scilicet gregem suum custodiant, informant, ac tueantur usque ad mortem inclusive, quandocumque imminet credito eis gregi periculum culpæ mortalis, seu corruptionis in fide aut moribus. Sed extra hos casus hæc facere, supererogationis esse censetur. Porro, secundum Augustinum, quatuor sunt diligenda ex caritate : et hoc, ordine quodam, ita quod primo summe et incomparabiliter amandus est ex toto corde Deus ; deinde diligere debet homo se ipsum ; tertio, animam proxi-

mi; quarto, proprium corpus. Ideo pro salute animæ proximi, exponendum est proprium corpus in mortem. Deinde substantia communicanda est proximo, sicut subjungitur.

17 *Qui habuerit substantiam hujus mundi, et viderit fratrem suum necesse habere,* id est proximum suum notabilem

aut extremam indigentiam sustinere, *et clausurit viscera sua ab eo,* id est, caritatis et pietatis affectum non impendat ei, eleemosynam tribuendo.

Sunt enim spiritualia animæ viscera, quæ sunt caritatis et pietatis affectus : de quibus Philemoni

Philem. 20. scribens Paulus, Ego (inquit) te fruar in Domino, refice viscera mea in Christo.

Quæ viscera etiam incommutabili ac supersimplicissimo Deo attribuuntur, juxta

Luc. 1, 78. illud : Per viscera misericordiæ Dei nostri, in quibus visitavit nos oriens ex alto. *Quomodo caritas Dei manet in eo?*

quasi dicat : Non manet in homine tam immiseri cordi. Ex quo patet, quod in tali casu eleemosynam non conferre, sit peccatum mortale, et contra præceptum Christi, dicentis : Estote misericordes, sicut et

Ibid. vi, 36. Pater vester cœlestis misericors est; itemque, Quod superest, date eleemosynam.

Ibid. xi, 41.

Quocirca quæri potest, quomodo eleemosynam dare sit de necessitate præcepti, et quomodo de necessario sit eleemosyna facienda. Ad quod Thomas in secunda secundæ respondet : In præcepto largitionis eleemosynæ est aliquid considerandum ex parte dantis, et aliquid ex parte recipientis. Ex parte dantis considerandum est, ut id quod in eleemosynam dandum est, sit ei superfluum, non solum quoad suam personam, sed etiam quantum ad sibi commissos. Ex parte vero recipientis pensandum, ut necessitatem habeat. Verumtamen, quum unus subvenire non valeat omnibus necessitatem habentibus, non omnis necessitas obligat, sed extrema. Sic itaque dare eleemosynam de superfluo ita accepto, est sub præcepto, et dare ei qui est in extrema necessitate. Quamvis autem temporalia bona

A sint possidentis, quantum ad proprietatem, tamen quoad usum, esse debent eorum qui de eorum superfluo indigent sustentari. Propter quod ait Basilius : Si fateris ea tibi divinitus provenisse, an injustus est Deus, res inæqualiter nobis distribuens? Cur tu abundas, et ille mendicat, nisi ut tu bonæ dispensationis merita consequaris, ille autem patientiæ braviis decoretur? Famelici panis est, quem tu detines; nudi tunica, quam in conclavi conservas; discalceati calceus, qui apud te marcescit; indigentis pecunia, quam possides inhumatam. Quocirca tot injuriaris, quot dare valeres. — Est autem grande periculum his, qui quotidie variis ac pretiosis ciborum se replent generibus, et modica largiuntur pauperibus. Propter quod subditur :

Filioli mei, non diligamus verbo neque lingua, id est, non verbis dumtaxat pulchris, blandis, dolosis, ostendamus nos diligere proximos nostros : quemadmodum a Jeremia quoque dicitur de quibusdam,

C In ore suo pacem cum amico suo loquitur, et occulte ponit ei insidias; et in Psalmo, Qui loquuntur pacem cum proximo suo, mala autem in cordibus eorum.

Jer. ix, 8.

Sed opere, id est, per actus virtuosos, pios et caritativos, demonstramus nos diligere proximos nostros, ut opera misericordiæ, tam corporalia quam spiritualia, eis impendamus pro viribus; *et veritate,* id est, sincera et recta intentione hoc faciamus, non pro laude humana aut commodo temporali, sed ad Omnipotentis gloriam ac honorem. Propter quod ait Salvator :

Attendite, ne justitiam vestram faciatis coram hominibus, ut videamini ab eis; ^{1.}

Matth. vi,

alioqui mercedem non habebitis apud Patrem. Et rursus : Te, inquit, faciente eleemosynam, nesciat sinistra tua quid faciat dextera tua. — Sit ergo in corde pura et recta intentio, non fraus aut ulla nequitia, quum in Ecclesiastico scriptum sit : Anima nequam disperdit illum qui habet illam, et in gaudium inimici sui dat illum. Sit quoque in ore sincera, non

Ps. xxvii, 3.

Ibid. 3.

Eccli. vi, 4.

fallax aut simulata locutio, quum in Pro-
Prov. xxi. 20. verbiis scriptum sit : Qui perversi cor-
dis est, non inveniet bona ; et qui vertit
linguam suam, incidet in malum. Sit item
in opere fidelis subventio, quum ibidem
Ibid. 17. Salomon contestetur : Omni tempore di-
ligit qui amicus est, et frater in angustiis
comprobatur. Quod si quis non queat ope-
re subvenire, debet animo condolere, et
affectu supplere quod non potest in effe-
ctu peragere.

His itaque verbis hortatur S. Joannes
fideles ad opera pietatis : quia ut iterum
Ibid. xxi. 13. in Proverbiis habetur, Qui clausit aures
suas ad clamorem pauperum, clamabit et
non exaudietur. In Ecclesiastico quoque
Ecclesi. iv. 1, 3, 4. præcipitur : Eleemosynam pauperis ne de-
fraudes, et oculos tuos ne transvertas a
paupere ; cor inopis ne afflixeris, et ne
protrahas datum angustianti. Rogationem
contribulati ne abjicias, et ne avertas fa-
ciem tuam ab ullo egeno. Hinc Salomon
Prov. xi. 17. ait : Benefacit animæ suæ vir misericors ;
Ibid. xv. 27. et rursus, Per misericordiam et fidem pur-
gantur peccata. Sed et Dominus ait : Bea-
ti misericordes, quoniam ipsi misericor-
diam consequentur.

19 *In hoc cognoscimus*, id est, per præfa-
ta caritatis pietatisque opera probabiliter
scimus, *quoniam ex veritate sumus*, id
est, ex Deo essentialiter vero ac veritate
spiritualiter sumus renati, seu ejus gra-
tiam gratum facientem adepti. Operatio
namque arguit formam. Per eadem etiam
opera scimus, quod *et in conspectu ejus*
suademus corda nostra, id est, mentes
nostras rationabiliter secundum doctri-
nam Scripturæ instruimus, intentionem
dirigendo ad Deum, et ea cogitando ac
mente revolvendo quæ sunt placita Deo.
Sic enim debet unusquisque cor suum se-
cundum Scripturæ doctrinam coram Deo
suadere seu informare, ut universa quæ
agit, ex rectæ rationis procedant judicio,
et taliter fiant quod placeant Deo. De hac
salubri suasionem in Ecclesiastico induci-
tur : Fili, sine consilio nihil facias, et
post factum non pœnitebis ; et Timotheo

Ecclesi.
xxii, 24.

A dicitur, Sine præjudicio (id est prævio ju-
dicio) nihil facias. Sic cor suum suadet,
qui in summi Judicis præsentia se omnia
agere indesinenterque esse perpendit, cum
beatissimo dicens Elia : Vivit Dominus, *III Reg. xvii,*
in ejus conspectu sto hodie ; et cum Psal-
mista, Meditatio cordis mei in conspectu *Ps. xviii,* 15.
tuo semper. Quæ suasio quam fructuosa
est, pandit idem dicendo : Servavi man-
data tua et testimonia tua, quia omnes viæ
meæ in conspectu tuo. Hoc cordi suo sua-
sit sanctus Job dicens : Nonne Deus con-
siderat viam meam, et omnes gressus me-
os dinumerat ?

Cur autem debeamus corda nostra sic
suadere, subjungitur. *Quoniam si repre-* 20
henderit nos cor nostrum, id est, a pro-
pria conscientia redarguti fuerimus, eo
quod non recta intentione prout Deus re-
quirit, egerimus bona quæ egimus, *major*
est Deus corde nostro, id est sapientior,
potentior, atque in infinitum perfectior.
In spiritualibus quippe idem est, esse ma-
jorem et meliorem seu perfectiorem. Hinc
C Eliu loquitur : Deum homini non æqua-
bo ; et iterum : Respondebo tibi, quod
major sit Deus homine ; suspice æthera,
quod altior te sit. *Et novit omnia* : idcir-
co cordis nostri secreta eum non valent
latere. Propter quod debemus corda no-
stra coram eo sinceriter suadere, infor-
mare, dirigere, quum ipse per Jeremiam
loquatur : Ego sum testis et iudex. Cui
Job vir sanctus fatetur : Scio, Domine,
quia omnia potes, et nulla te latet cogi-
tatio.

D *Carissimi, si cor nostrum non repre-* 21
henderit nos, id est, de malo, præsertim
mortali peccato, sibi non fuerit consci-
um, post diligentem conscientiae suæ dis-
cussionem : ita quod nunquam peccavi-
mus mortaliter, vel de præteritis peccatis
per veram contritionem, confessionem et
satisfactionem sumus purgati, instar Pau-
li dicentis : Nihil mihi conscius sum ; et
denuo, Gloria nostra hæc est, testimoni-
um conscientiae nostræ ; *fiduciam habe-*
mus ad Deum, id est, digne et efficaciter

I Tim. v, 21.

III Reg. xvii,
1; *xviii,* 15.

Ps. cxviii,
168.

Job xxxi, 4.

Ibid. xxxii,
21.
Ibid. xxxiii,
12; *xxxv,* 5.

Jer. xxix,
23.
Job xlii, 2.

I Cor. iv, 4.
II Cor. i, 12.

in Deo confidere possumus ac debemus, A tanquam adoptivi filii ac fideles ministri ipsius. Talium namque Christianorum spes ad Deum et in Deo, est spes formata ac salutaris, ex gratia Dei et bonis operibus prodiens. De qua loquitur Isaias : Qui sperant in Domino, mutabunt fortitudinem, assument pennas ut aquilæ, volabunt et non deficient.

Is. xl, 31.

22

Et quidquid petierimus ab eo, accipiemus, id est, quidquid ad salutem pertinens perseveranter rogaverimus Deum, accipiemus ab eo tempore opportuno. Nempe,

Luc. xviii, 1.

Joann. xvi, 23.

ut loquitur Dominus : Oportet semper orare, et non deficere. Et rursus ait : Si quid petieritis Patrem in nomine meo, dabit vobis. In nomine etenim Salvatoris, videlicet Christi, precatur, qui pertinentia ad salutem desuper obtinere conatur. Verumtamen Deus interdum differt petitionis impletionem, ut interim ferventius diutiusque orando, exuberantius exaudiamur tempore suo, et ne ex facilitate exauditionis parvi pendamus divina charismata, eademque perdamus, et per ingratitudinem ac recidivationem damnabiliores reddamur. Si ergo cupimus exaudiri, studeamus in primis vitam Deo placentem habere, quia ut fertur in Joanne : Pec-

Ibid. ix, 31.

Prov. xxviii, 9.

catores Deus non audit ; sed si quis cultor est Dei, et voluntatem ejus facit, hunc exaudit. In Proverbiis quoque asseritur : Qui declinat aures suas ne audiat legem, oratio ejus erit execrabilis. Hinc subditur : *quoniam mandata ejus custodimus, et, pro id est, ea quæ sunt placita coram eo, id est opera Deo placentia, facimus*. D Ratio igitur exauditionis est virtuositas conversationis, seu observantia præceptorum. Ideo ait Propheta : Oculi Domini super justos, et aures ejus in preces eorum. Et Christus loquitur : Si manseritis in me, et verba mea in vobis manserint, quodcumque volueritis, petetis, et fiet vobis.

Ps. xxxiii, 16.

Joann. xv, 7.

23

Et quasi quæreremus quæ sint Dei mandata, adjecit : *Et hoc est mandatum ejus, videlicet Dei Patris : ut credamus in no-*

mine Filii ejus Jesu Christi, id est in Christum Unigenitum Patris. Unde Christus ait Judæis : Hoc est opus Dei, ut credatis in eum quem misit ille. Et rursus loquens discipulis : Creditis, inquit, in Deum, et in me credite. Consequens etenim est ut qui credit in Deum, credat in Christum, quoniam Christus est verus Deus. Imo tota superdignissima Trinitas, sicut est una summa et incommutabilis veritas, ita est unum fidei objectum. Hinc alibi legitur : Qui non credit, jam judicatus est, quia non credit in nomine unigeniti Filii Dei. *Et diligamus alterutrum, puro, spirituali et infuso amore, qui caritas nuncupatur, quo Deus proximusque meritorie ac sincere diligitur : Deus, propter propriam bonitatem ; et proximus, propter Deum, utpote quoniam Deus hoc jussit, et quia ad Dei imaginem est plasmatus, et propter adipiscendam beatitudinem, quæ objectaliter sumpta, Deus est, formaliter vero consistit in Deo, et quoniam Christi sanguine est redemptus ; sicut dedit mandatum nobis*, dicendo : Diliges proximum tuum sicut te ipsum. Et rursus Christus disseruit : Hoc est præceptum meum, ut diligatis invicem sicut dilexi vos.

Joann. vi, 29.

Ibid. xiv, 1.

Ibid. iii, 18.

Gen. i, 27.

Matth. xxii, 39.

Joann. xv, 12.

24

Qui servat mandata ejus, id est, caritatis impulsu omnia implet tempore congruo, quantum spectat ad ipsum et sibi possibile est : nempe, ut Jacobus dixit, Quicumque totam legem impleverit, offendat autem in uno, factus est omnium reus ; in illo manet, id est, Deo per caritatem unitus est, et in ipso tanquam in ultimo fine quiescit, atque per obedientiam ei adhæret ; et ipse in eo, id est, Deus etiam per fidem formatam et gratiam manet, habitat et quiescit in homine tali tanquam in throno ac templo, dicente apostolo Paulo : Templum Dei sanctum est, quod estis vos. Et iterum ait Scriptura : Anima justi sedes est sapientiæ. Justus igitur et obediens manet in Deo, tanquam in adjutore et protectore ; Deus vero manet in eo, sicut in adjuto

Jacob. ii, 10.

1Cor. iii, 17.

Sap. vii, 27.

et protecto, et velut in vase misericordiæ suæ. Deus ergo sit nobis domus, nosque simus domus Dei; maneamus in eo, et maneat ipse in nobis; maneamus in eo ne corruamus, maneat in nobis ut nos conservet. Turris namque fortissima nomen Domini, ad ipsum currit justus, et exaltabitur, prout in Proverbiis habetur. *Prov. xviii, 10.* Idcirco oravit Propheta : Esto mihi in Deum protectorem et in domum refugii, ut saluum me facias. *Ps. xxx, 3.*

Et in hoc scimus quoniam manet in nobis, de Spiritu quem dedit nobis : id est, per condonationem et infusionem Spiritus Sancti, quem Deus Pater nobis infudit ac dedit, et per liberalem elargitionem donorum Spiritus Sancti, agnoscimus Deum Patrem, imo et totam superaltissimam Trinitatem, habitare in nobis. Quod

A sancti Apostoli et alii multi in primitiva Ecclesia certitudinaliter cognoverunt, præsertim qui Spiritum Sanctum in signo visibili acceperunt, et simul cum illo genera linguarum et alia diversa ac copiosa sumpserunt charismata. Alii vero fideles virtuosus, per dilectionem spiritualem, et præceptorum observantiam efficacem, probabiliter cognoverunt et noscunt quod in ipsis maneat Deus : quia ut Paulus fateatur, Caritas Dei diffusa est in cordibus nostris per Spiritum Sanctum, qui datus est nobis. Qui rursus ad Titum loquitur : Apparuit benignitas Dei per renovationem Spiritus Sancti, quem effudit in nos abunde. Per hoc utique copiosissime et plenissime innotescit caritas increata Dei ad nos, caritasque creata infusa, per quam corda nostra inhabitat Deus. *Act. ii, 1-4.* *Rom. v, 5.* *Tit. iii, 4-6.*

ARTICULUS VI

EXPOSITIO CAPITULI QUARTI : CARISSIMI, NOLITE OMNI SPIRITUI CREDERE.

CONSEQUENTER hortatur sanctus apostolus Joannes fideles, ut fidei cognitione sint circumspecti, puri ac stabiles : quia in primitiva Ecclesia abundabant hæretici, Catholicorum fidem evertere multipliciter laborantes.

1 *Carissimi, nolite omni spiritui credere,* id est cunctis hominibus, seu universis spiritibus per eorum ora loquentibus, fidem præbere. Hoc enim periculosum, puerile et fatuum est, quum multi sint versipelles et callidi, majorque hominum pars sit iniqua, fallax ac reprobata, per quos etiam spiritus maligni frequenter loquuntur, inspirando et instigando illos ad verba pravissima. Hinc in Ecclesiastico fertur : Qui cito credit, levis est corde, et minorabitur; et rursus, A filiis tuis cave, et a domesticis tuis attende. In Proverbiis quoque legitur : Innocens credit

C omni verbo; astutus considerat gressus suos. *Sed probate spiritus si ex Deo sint,* id est, verba et facta eorum qui vobis loquuntur, sapienter discutite an rectæ fidei consonent, virtutibusque concordent, quatenus per hoc agnoscatis an ex Deo sint per imitationem veritatis atque virtutum; *quoniam multi pseudoprophetae,* id est hæretici et seductores, *exierunt in mundum,* id est, inter fideles se miscuerunt, et undique sunt diffusi, ac plurimos deceperunt. Propter quod Galatis scripsit Paulus : Miror quod tam cito transferimini in aliud evangelium; et iterum Corinthiis : Timeo ne sicut serpens seduxit Evam astutia sua, ita corrumpantur sensus vestri, et excidant a simplicitate quæ est in Christo Jesu. *Galat. i, 6.* *II Cor. xi, 3.*

In hoc quod subditur, cognoscitur spiritus Dei, id est, scitur quod spiritus lo-

quens per hominem, sit spiritus fidelis ac bonus, ex Deo existens modo prætecto. *Omnis spiritus qui confitetur confessione fidei formatæ, Jesum Christum in carne venisse*, id est Verbum Patris æternum esse veraciter incarnatum, et in carne assumpta inter homines visum ac

Joann. i. 14.

conversatum, juxta illud : Verbum caro factum est, et habitavit in nobis ; et Baruch, Post hæc in terris visus est, et cum hominibus conversatus ; *ex Deo est* per fidei veritatem ac gratiam, ita quod est vere fidelis, Deoque placitus, sicut et Pau-

Baruch. iii, 38.

Rom. x, 10.

lus testatur : Corde creditur ad justitiam, ore autem confessio fit ad salutem. Propter quod in Evangelio loquitur Christus : Qui me confessus fuerit coram hominibus, confitebor et ego eum coram Patre meo. Hæc quippe confessio includit caritatem, et alia necessaria ad salutem. Hujus autem oppositum docuit Marcion hæresiarcha, et postmodum Manichæus, dicentes Christum non esse veraciter, sed phantastice incarnatum.

Matth. x, 32; Luc. xii, 8.

3

Et omnis spiritus qui solvit Jesum Christum, id est, qui aliquid dicit contrarium veræ fidei quæ habetur de Christo, ut Ebion et Cerinthus, Nestorius et Photinus, qui Christi deitatem negabant, *ex Deo non est* per imitationem veritatis, nec placet Deo, nec ex inspiratione divina est loquens. Schismatici quoque et impii Christiani, quantum in ipsis est, Christum solvunt, quoniam ejus justitiæ unitati seu ecclesiasticæ integritati et divinis præceptis repugnant. *Et hic est Antichristus*, id est, talis hæreticus et perversus Christo contrarius, Antichristique typus, dicitur antichristus per similitudinem et typicam præfigurationem, et quantum ad nominis interpretationem ; *de quo Antichristo audistis quoniam venit, et nunc jam in mundo est*, id est, Antichristum venisse audistis, et aliquo modo sic est.

In I Joann. ii, 18.

Istud supra tertio articulo præhabitu est, pleniusque expositum.

4

Vos ex Deo estis per spiritualem regenerationem, et veritatis ac bonitatis imita-

tionem atque amorem (ut frequenter expositum est), *filioli, et vicistis eum*, videlicet Antichristum, seu mundum, id est, Antichristi erroribus mundique vitiis per veram fidem et sanctam dilectionem hucusque, Deo vos adjuvante, prævaluistis, *quoniam major est qui in vobis est, quam qui in mundo*, id est, Deus seu Spiritus Sanctus per dona gratiæ suæ in vestris cordibus habitans, sapientior est atque potentior spiritu maligno, qui in mundanis regnat hominibus, et hæreticorum possidet corda.

Ipsi de mundo sunt, id est, hæretici ac scelerati et reprobi, sunt de numero hominum mundanorum atque carnalium ; *ideo de mundo loquuntur*, id est de carnalibus deliciis, mundanis divitiis, temporalis honore, ac proprio commodo. Sed et sapientium sæculi hujus, videlicet philosophorum et hæresiarcharum, dicta et scripta revolvunt, allegant, et per ea suos probant errores. Delectabilia quoque mundi et carnis concesserunt discipulis suis, ut plures per hoc sibi allicerent. Hinc Augustinus libro de Utilitate credendi : Hæreticus (inquit) est, qui alicujus commodi temporalis intuitu, et maxime gloriæ principatus sui gratia, falsos, recentes, fideique contrarios errores gignit aut sequitur. *Et mundus eos audit*, id est, mundani homines libenter audiunt tales, quia loquuntur eis placentia. De quibus ad Timotheum loquitur Paulus, quod ad sua desideria coacervabunt sibi magistros prurientes auribus, et a veritate quidem auditum avertent, ad fabulas autem convertentur. Unumquodque enim applaudit simili sibi. Ideo, sicut qui ex Deo est, verba Dei audit ; ita qui ex diabolo et de mundo sunt, verba mundana atque vaniloquos hilariter audiunt. Imo et verba hujusmodi vana, erronea et lasciva libenter frequenterque proferunt : quia ut ait Salvator, Ex abundantia cordis os loquitur. Juxta hunc modum asserit Dominus : Ego dedi eis (puta discipulis meis) sermonem tuum, et mundus eos odio habuit, quia de

5

II Tim. iv, 3, 4.

Joann. viii, 47.

Matth. xii, 34. Joann. xvii, 14.

mundo non sunt, sicut et ego non sum de mundo.

6 *Nos ex Deo sumus*, id est, nos fide et opere Christiani, ex Deo sumus per caritatem gratiamque renati. De quibus prin-

1 Petr. ii, 9. ceptis Apostolorum locutus est : Vos genus electum, regale sacerdotium, gens sancta, populus acquisitionis. *Qui novit Deum* agnitione formata per fidem vivam et sapientiæ donum, *audit nos*, id est, evangelicæ prædicationi intentus est et obedit. Est autem et quædam informis cognitio Dei, quæ est actus fidei nudæ, seu naturalis vel acquisitæ scientiæ : de qua Ve-

Luc. xii, 47. ritas protestatur, Servus qui cognovit voluntatem domini sui, et non fecit, plagis

Tit. i, 16. vapulabit multis; et Paulus ad Titum, Dicunt se nosse Deum, factis autem negant. *Qui non est ex Deo*, id est, qui non est per gratiam regeneratus ab eo, nec prædestinatus, *non audit nos*, id est, prædicationi nostræ non acquiescit finaliter, quamvis forsitan acquiescere videatur ad tempus. Unde locutus est Christus ad Pa-

Joan. xvii, 9, 6. trem : Non pro mundo rogo, sed pro his quos dedisti mihi de mundo; et alibi :

Ibid. x, 2, 3, 5. Qui intrat per ostium, pastor est ovium, et oves vocem ejus audiunt; alienum autem non sequuntur, quia non noverunt vocem alienorum.

In hoc cognoscimus spiritum veritatis, et spiritum erroris, id est, per id quod dixi, scilicet, per audire nos, et per non audire nos, discernimus inter spiritum vera docentem, et inter spiritum falsa docentem; similiter inter discipulum seu auditorem veritatis, et inter discipulum seu auditores falsitatis : quia qui audit nos, bene docet, bene discit, et bene vivit; idcirco in ipso est spiritus veritatis, sive per spiritum veritatis intelligatur Spiritus Sanctus, sive anima rationalis veritati inhærens atque obtemperans. Qui autem non audit nos, nec bene docet, nec bene discit, nec bene vivit; ideoque in eo est spiritus erroris, puta diabolus ad errorem instigans, de quo ad Corinthios

II Cor. iv, 4. conscriptum est : Deus hujus sæculi ex-

A cæcavit mentes infidelium, ut non fulgeat eis illuminatio Evangelii gloriæ Christi. Spiritus quoque erroris accipi potest anima errori subjecta. Denique qui catholice credunt, nec tamen obediunt Christo jubenti ut diligant inimicos, et odientibus benefaciant, injuriantibusque ignoscant, imo dicunt se hæc implere non posse, isti non audiunt Christum nec ejus Apostolos, estque in eis spiritus erroris, et ex diabolo sunt atque de mundo, imo infidelibus deteriores probantur, quoniam Domini sui voluntatem scientes, eam non exsequuntur.

Carissimi, diligamus invicem. Frequenter repetit istud : quia qui proximum diligit, legem implevit; et *quia caritas ex Deo est* : est enim virtus theologica, virtutum dignissima, a Deo per creationem infusa, et supernaturalis similitudo increati amoris, qui per appropriationem dicitur Spiritus Sanctus. *Et omnis qui diligit Deum ac proximos, ex Deo natus est*, quia per gratiam gratum facientem, in esse spirituali, deiformi, supernaturali, ad promerendum condigno, est constitutus. Caritas quoque est spiritualis et supernaturalis vita animæ, ac participatio admiranda divinæ increatæque vitæ. *Et cognoscit Deum* per fidem formatam, et sapientiæ donum, quæ caritati in vita præsentī inseparabiliter sunt connexa. Imo quicumque habet caritatem, habet septem dona Spiritus Sancti secundum aliquem gradum; et quanto plus crescit in caritate, tanto plus crescit in eis.

Qui non diligit spirituali amore, *non novit Deum* agnitione formata, salutari, meritoria jam præfata, *quoniam Deus caritas est*. Non pro eodem accipitur caritas modo, et paulo ante quando dictum est, Caritas ex Deo est. Ibi enim accipitur pro caritate creata infusa, hic vero pro caritate increata, quæ Deus est, qui dicitur caritas, sicut et sapientia. Nec credendum quod caritas qua immediate Deum et proximum diligimus, sit caritas increata, seu Spiritus Sanctus, sicut Magister Sententia-

Matth. v, 44.

7
Rom. xii, 8.

8

rum putavit, in hoc ipso deceptus. Imo, sicut Deus perficit intellectum per habitum fidei, hoc est per fidem habitualement, sic perficit voluntatem per habitum caritatis, et per habitum illum movet eam ad meritorios actus.

9 *In hoc apparuit caritas Dei in nobis, id est, per beneficium istud inenarrabile Deus Pater manifestavit increatam dilectionem suam ad nos, seu quam vehementer dilexerit nos. Deinde exprimitur beneficium istud : quoniam Filium suum unigenitum misit in hunc mundum, id est, incarnari et inter homines conversari voluit, ut vivamus per eum, id est, merito sanctissimæ conversationis ac acerbissimæ passionis Christi mundemur a vitiis, virtutibus impleamur, sicque per gratiam in præsenti, et per gloriam in futuro, spiritaliter, feliciter, æternaliterque vivamus. Propter quod asserit Christus : Ego veni, ut vitam habeant, et abundantius habeant. Venit etiam Christus, ut per ejus salutarem doctrinam et exemplarissimam vitam vivamus, juxta eas jugiter conversando.*

Baruch iii, 38.

Joann. x, 10.

10 *In hoc est caritas, id est, per hoc amor Dei ad nos innotescit; non quasi nos dilexerimus Deum, antequam nos dilexit, quia tunc amor Dei ad homines non videretur pure gratuitus. Imo, quum amor Dei æternus sit, et causa omnis boni creati, non potuit amor hominis Dei prævenire amorem, aut causare eundem; sed econtra, æternus Dei amor prævenit nos. Propter quod subditur : sed quoniam ipse prior dilexit nos. Diligere siquidem est alicui bonum velle. Quum ergo omne bonum naturæ, omne donum gratiæ, omne munus gloriæ a divina fluat voluntate libere operante, constat quod amor Dei increatus sit causa effectiva totius boni creati. Et misit Filium suum propitiationem pro peccatis nostris, id est satisfactorem pro eis, et salvatorem humani generis. Hinc alibi fertur : Sic Deus dilexit mundum, ut Filium suum unigenitum daret, ut omnis qui credit in ipsum non pereat,*

Ibid. iii, 16.

A sed habeat vitam æternam. Et Paulus : Proprio, inquit, Filio non pepercit, sed pro omnibus nobis tradidit illum. Hæc est misericordissima ac gratiosissima præventio Dei, de qua ad Romanos inducitur : Commendat caritatem suam in nobis Deus, quoniam quum adhuc peccatores essemus, Christus pro nobis mortuus est.

Rom. viii, 32.

Ibid. v, 8, 9.

Carissimi, si, pro quia, sic Deus dilexit nos tam eminenter, ut dictum est, et nos debemus alterutrum diligere, id est mutuo caritative amare, conformando nos Deo in hoc ipso pro posse; et quoniam Deus id præcepit : cujus præcepto tanto promptius obedire debemus, quanto gratiosius nos prædilexit, et quo amplius non pro suo commodo, sed nostra salute id jussit. Si vero prædictis objiciatur, quod Salvator testatur, Ipse (inquiens) Pater amat vos, quia vos me amatis : respondetur, quod conjunctio illa, Quia, dicit ibi causam a posteriori, seu signum divini amoris ad nos.

11

Deum nemo vidit unquam. Hoc idem alio loco Joannes habet. Cui illud Job contrariari videtur : Omnes homines vident Deum. Christus quoque ait Philippo apostolo : Qui videt me, videt et Patrem. Sed Apostoli viderunt Christum, ergo et Patrem. Præterea, secundum Augustinum super Genesim et in libro de Videndo Deum, Moyses magister Judæorum et Paulus gentium doctor, viderunt Deum in hac vita per speciem.

12

Ibid. i, 18.

Job xxxvi, 25.

Joann. xiv, 9.

Erod. xxxiii, 11 et seq. *II Cor.* xii, 1-4.

Respondetur, quod multiplex est visio, utpote : corporalis, secundum quam Deus nequaquam visibilis est in suæ deitatis natura, quæ est superpurissima et simplicissima in infinitum præ omni mente creata. — Secunda est visio imaginaria, qua sancti Prophetæ Deum vidisse leguntur. Non utique in suæ deitatis essentia, quæ omnem imaginem interioremque sensum infinite transcendit, sed in subjecta creatura, forma seu specie intelligendi sunt Deum vidisse. Nam et Jacob patriarcha angelo viso dixit : Vidi Dominum facie ad faciem. — Tertia est visio

Gen. xxxii, 30.

intellectualis, et ista est multiplex. Nam A
quædam est a posteriori, et cognitio rei
quantum ad quia est. Sicque Deum in vi-
ta ista intellectu videmus, tam per fidem
quoad ea quæ naturalem rationem excee-
dunt, ut est trinitas Personarum, quam
per naturalem philosophicamque scientiam,
quantum ad ea quæ per naturalem
possunt rationem cognosci, ut quod unus
est verus et summus Deus, perfectus, æter-
nus, omnium causa, etc. Alia est visio in-
tellectualis a priori, seu cognitio ac in-
tuitio rei in se ipsa, et quantum ad quid B
est. Et hæc rursus est duplex :

Una, qua res tam perfecte cognoscitur
sicut ex sua natura cognoscibilis exsi-
stit, quæ cognitio proprie comprehensiva
vocatur. Sicque a nullo creato intellectu
Deus videri potest, etiam nec ab anima
Christi. Imo hoc modo sibi soli visibilis ac
comprehensibilis est Deus, quum ipse sit
infinitæ actualitatis et intelligibilitatis :
propter quod a solo intellectu infinitæ ca-
pacitatis et perspicacitatis hoc modo visi-
bilis comprehensibilisque consistit. Unde C
hoc modo unaquæque divina et increata
Persona, se ipsam et aliam quamlibet vi-
det et comprehendit. Infinitum autem, a
finito sic videri comprehendique nequit :
quia quod ita videtur, totum ac totaliter
intra videntis terminos continetur, nec
ejus capacitatem transcendit. — Porro alia
est visio intellectualis, quantum ad quid
est, qua licet res in se ipsa clare ac imme-
diate conspicitur, non tamen plene com-
prehenditur, quia non tam perfecte cogno-
scitur sicut ex sua natura cognoscibilis D
est. Sicque Beati in patria vident Deum :
quæ visio, extensive loquendo, compre-
hensio appellatur : unde Beati compre-
hensores dicuntur. Sic autem nullus po-
test in hac vita Deum videre, vivendo vita
sensitiva humana. Propter quod Deus ait
ad Moysen : Non videbit me homo, et vi-
vet. Idcirco, hi quibus in sæculo isto da-
tum est supernaturaliter per omnipoten-
tiam Creatoris Deum videre hoc modo per
speciem sive essentiam, pro illo tempore

seu momento non erant viventes vita sen-
sitiva humana, sed intellectuali dumtaxat
atque divina. Erant enim in maxima abs-
tractione ab omni virium inferiorum ac-
tu, penitus mente suspensi ad Deum. Nec
potest Deus ita videri per intelligibilem
formam creatam, quoniam omnis talis for-
ma seu species, a clara et immediata re-
præsentatione divinæ essentiæ deficit in-
finite. Propterea in tali visione, divina
essentia menti creatæ unitur loco intelli-
gibilis formæ; non tamen per inhæsionem,
sed cohæsionem et repræsentationem.

Sic igitur Deum nemo vidit unquam.
Nihilo minus *si diligamus invicem* spiri-
tuali, non carnali amore, *Deus in nobis*
manet, quia per fidem formatam, carita-
tem infusam, et gratiam gratum facien-
tem, animas nostras inhabitat, *et caritas*
ejus in nobis perfecta est, quantum ad ea
quæ sunt de necessitate salutis : prout
istud supra plenius fuit expositum.

In hoc intelligimus quoniam in eo ma-*
nemus, et ipse in nobis, quoniam de Spi-
ritu suo dedit nobis. Hoc est quod in fine
præcedentis capituli dictum est atque ex-
positum. Ibi etenim dictum est : In hoc
scimus quoniam manet in nobis, de Spiri-
tu quem dedit nobis. Dicitur autem Deus
Pater dedisse Apostolis ceterisque fide-
libus de Spiritu Sancto, non quod partem
Spiritus Sancti, qui simplex et indivisi-
bilis est, eis contulerit, sed quia diversa
charismata de Spiritu Sancto manantia,
eis largitus est. Juxta quem modum Deus
dixit ad Moysen : Auferam de spiritu qui
in te est, et dabo senioribus, etc. Præter-
ea, si probabiliter cognoscere cupimus an
Spiritus Sanctum per gratiam habeamus,
interiora nostra examinemus : an divina
impleamus præcepta, an universa vitemus
peccata mortalia, an inimicos quoque cor-
dialiter diligamus, an coram Deo timorate
nos jugiter habeamus, si caritatis accen-
damur affectibus, et zelo divini honoris
atque communis universorum salutis, car-
nalia et terrena despicientes.

Et nos vidimus et testificamur quoni-

In I Joann.
II. 5.

43

*cognosci-
mus

Ibid. III. 24.

Num. XI. 17.

am Pater misit Filium suum salvatorem mundi. Gloriosi namque Apostoli corporalibus oculis Christum Dei Filium inter homines conversantem viderunt, ejusque deitatem per fidem aliquo modo novērunt, sed et per miracula et varios supernaturales effectus. Quibus locutus est

Luc. x, 23. Christus : Beati oculi qui vident quæ vos videtis. Beatissimus quoque Joannes Christi interfuit passioni, idcirco de omnibus istis potuit testimonium ferre. Unde Christi

Joann. xix, 35.

Ibid. xv, 27. Apostolis loquens : Et vos, inquit, testimonium perhibebitis, quia ab initio mecum estis. Denique Christo secundum utramque naturam competit esse mundi salvatorem : quia secundum deitatem competit ei, tanquam efficienti et principali causæ salutis, qui solus efficienter et per creationem dona gratiæ in præsentī largitur, et dona gloriæ in patria impertitur.

Is. xlv, 21. Idcirco apud Isaiam testatur : Deus justus et salvans non est præter me. In Osee quo-

Osee xiii, 4. que : Ego Dominus Deus tuus, et salvator non est præter me. Secundum humanitatem vero assumptam convenit Christo esse humani generis salvatorem, tanquam mediatori et satisfactori, et tanquam instrumentali ac meritoria causæ : quoniam suæ sanctissimæ conversationis passionisque merito, pro peccatis omnium satisfacit, Deum placavit, ei genus reconciliavit humanum, et gratiam ac salutem promeruit nobis. Propter quod scriptum est : *Joann. iii, 17.* Non misit Deus Filium suum, ut judicet mundum, sed ut mundus salvetur per ipsum.

15 *Quisquis confessus fuerit quoniam Jesus est Filius Dei, Deus in eo manet, et ipse in Deo.* Simile huic est quod asserit

Marc. xvi, 16. Christus : Qui crediderit et baptizatus fuerit, salvus erit. Et sicut illud de fide formata, sic istud de actu hujusmodi fidei est intelligendum. Quemadmodum enim duplex est fides, informis scilicet et formata, sic duplex est confessio fidei. Insuper de triplici confessione fit mentio in Scripturis. Una est actus pœnitentiæ, et vocatur confessio propriæ culpæ : de qua

A Jacobus, Confitemini, inquit, alterutrum peccata vestra. Secunda est actus latriæ, et vocatur confessio laudis divinæ : de

qua Christus ait, Confiteor tibi, Pater, Domine cœli et terræ. Tertia est actus fidei : de qua agitur modo, et vocatur confessio credendorum. De qua Paulus ait apostolus : Corde creditur ad justitiam, ore autem confessio fit ad salutem. Qui itaque confessione fidei formata, seu per dilectionem operantis, confitetur quod Jesus est unigenitus, naturalis æternusque Filius Dei Patris, Patri consubstantialis et coæqualis, Deus Trinitas manet in eo per gratiam, et ipse in Deo per fidem et subjectionem salubrem. Unde ad insinuandum inenarrabilitatem et æqualitatem Filii Dei ac Patris sui æterni, Salomon ait : Quod nomen ejus, et quod nomen filii ejus, si nosti?

Jacob. v, 16.
Matth. xi, 25.
Rom. x, 10.

Prov. xxx, 4.

Et nos cognovimus quod Pater misit Filium suum salvatorem mundi. Ad quod præfigurandum, Joseph, qui fuit in multis evidens Christi figura, vocatus est a Pharaone Salvator mundi. *Et credimus caritati quam habet Deus in nobis*, id est, verum credimus, quod Deus Pater tantam ad nos habeat caritatem, quod Filium suum propter nos misit in mundum, et tanta nobis per eum beneficia est largitus, tamque copiose et multipliciter dilectionem suam nobis ostendit : per quem et adoptavit nos sibi in filios, juxta illud ad Ephesios, Deus prædestinavit nos in adoptionem filiorum per Jesum Christum ; voluitque unigenitum Filium suum pro adoptivorum filiorum mori salute, quemadmodum ad Hebræos habetur : Decebat eum propter quem omnia, et per quem omnia, qui multos filios in gloriam adduxerat, auctorem salutis eorum per passionem consummari.

Gen. xli, 45.
Ephes. i, 5.
Hebr. ii, 10.

Amplius, discipulus iste quem diligebat Jesus, caritatis visceribus totus perefusus et succensus, caritatem in ista epistola non cessat repetitis vicibus commendare, atque ad eam nos exhortari. Unde et consequenter eam in tantum collaudat,

Joann. xix, 26; xxi, 7.

ut dicat : *Deus caritas est* : quod paulo ante expositum est. Denique, teste Anselmo, quidquid absolute loquendo melius est inesse seu haberi quam deesse, hoc convenit Deo, et est ipsemet Deus, omnium tamen imperfectione, quam habet in rebus creatis, exclusa. Caritas autem, virtus, sanctitas, sapientia, scientia, pulchritudo, dulcedo, felicitas, et consimilia, sunt huiusmodi : ideo competunt Deo, et prædicantur de eo ; non autem fides, spes, opinio, etc., quia in sua ratione imperfectionem includunt. Deus ergo est caritas, id est pura et superessentialis dilectio. Diligit enim in primis se ipsum, deinde et alia, in quantum aliquid suæ bonitatis participant. Cui Sapiens dicit : Diligis omnia quæ sunt, et nihil odisti eorum quæ fecisti. Suntque idem in Deo diligens, dilectio et dilectum, et voluntas, cui dilectio competit. Caritas quoque secundum se, est nomen absolutum et essenziale, toti supergloriosissimæ Trinitati et unicuique increatæ Personæ conveniens, ita quod tota Trinitas adoranda, est una caritas, sicut et una sapientia. Nihilominus, sicut sapientia appropriatur Filio, quia est emanatio intellectus, id est verbum ab intellectu procedens : propter quod ea quæ ad intellectum pertinent, ei appropriantur aut propria sunt, utpote ars, sapientia, verbum, exemplar, idea, splendor, imago ; sic Spiritui Sancto appropriatur caritas, quoniam Spiritus Sanctus est emanatio voluntatis, id est amor spiratus, a voluntate Patris Filiique emanans : propter quod ad voluntatem spectantia, ei appropriantur, aut propria nuncupantur, ut caritas, nexus, pax, osculum, suavitas, donum, communio, gaudium.

Et qui manet in caritate, in Deo manet. Hoc verum est, sive de increata, sive de creata caritate intelligatur. Quum enim Deus sit substantialiter caritas, constat quod qui manet in caritate increata, ei finaliter adhærendo, manet in Deo, qui est caritas ipsa. Similiter, qui manet in caritate creata, quæ est admirabilis et super-

naturalis participatio increatæ caritatis, manet in Deo, quia per eam conjungitur et cohaeret ei, ut summo bono finique ultimato. *Et Deus manet in eo.* Deus enim est in omnibus, per essentiam, præsentiam et potentiam ; atque in Christo, per hypostaticam unionem quoad personam Filii ; in justis vero, per caritatem et gratiam.

Deinde ponit effectum et signum caritatis istius infusæ. *In hoc perfecta est caritas Dei nobiscum*, id est, caritas Dei existens in nobis, perfecta esse cognoscitur per hoc, *ut fiduciam habeamus in die judicii*, id est, diem judicii tam universalis, quam particularis quo statim post mortem judicandi sumus, fiducialiter seu bona conscientia expectemus, confidentes quod tunc beatitudinem consequamur. Caritas namque contra terrorem judicii confidentiam donat, quoniam amor adventum amati facit optare, et de ejus præsentia gloriari. Ideo loquens Salvator de signis terribilibus judicii præcessuris disseruit : His fieri incipientibus, levate capita vestra, quia appropinquabit redemptio vestra. Verumtamen nullus, quantumlibet justus et fervens, debet esse nimis securus, quum asserat Augustinus : Erunt tunc securi, qui modo non sunt securi ; et iterum tunc timebunt, qui modo timere nolunt. Caritas autem immoderatum et angustiantem timorem judicii tanto plus tollit, quanto ipsa plus crescit, sinceriorque efficitur.

Quia sicut ille est, et nos sumus in hoc mundo : id est, per caritatem in tantum Deo assimilamur, quod sicut ipse est in cœlo, ex sua caritate et pietate bonis et malis, gratis et ingratis, in sæculo isto bona multa impendens, videlicet necessaria victui, conservationem vitæ, angelorum custodiam, solis ac lunæ obsequium, elementorum servitutem et usum ; ita et nos in sæculo per caritatem amicos adversariosque diligimus, pro persequentibus deprecamur, et bona pro malis rependimus : quod quum nos experimur imple-

re, possumus horam judicii fiducialiter A
Luc. vi, 27, 35. præstolari. Hinc monet Salvator : Diligite
 inimicos vestros, benefacite his qui ode-
 runt vos, et eritis filii Altissimi, quia ipse
 benignus est super ingratos et malos.

18 *Timor non est in caritate*, id est, timor
 servilis, in quantum servilis, non est ca-
 ritati conjunctus. Non enim stant simul
 timor pure servilis, et caritas : quia qui
 solum serviliter Deum timet, non amat
 eum, nec habet justitiæ zelum, sed quan-
 tum in se est, habet voluntatem peccandi.
 Et si a peccato retrahitur, hoc non est B
 ex Dei intuitu et amore, nec zelo justi-
 tiæ, sed formidine pænæ : quæ formido
 causatur ex privato amore. Ideo subditur :

*Sed perfecta caritas foras mittit timo-
 rem*, id est, servilem pavorem excludit :
 quoniam vitat malum, non ut non puni-
 atur, sed ne Deum offendat aut inhono-
 ret. Quælibet autem caritas excludit illum
 servilem timorem, qui simul cum cari-
 tate stare non valet, et damnationem me-
 retur. Nihilo minus aliqui motus minuti
 illius servilis timoris, cum caritate im- C
 perfecta possunt misceri, sicut et alia-
 rum passionum mortaliumque culparum
 primi motus veniales existentes, merito-
 riis actibus sæpe miscentur. Caritas vero
 perfecta servilem timorem habet omnino
 excludere. Et tanto integrius eum exclu-
 dit, quanto est perfectior : imo in viris
 perfectis non raro sic crescit, fervet et in-
 valescit, ut malint sua peccata puniri,
 quam Dei offensam manere inultam. Id-
 circo subjungitur : *quoniam timor pœnam
 habet*, id est, timor servilis, secundum D
 quod talis, pœnam et condemnationem
 meretur, non in quantum malum culpæ
 devitat, sed quia non facit hoc ex Dei
 amore et zelo justitiæ, sed dumtaxat pu-
 nitionis horrore, ex infecta radice, quia
 videlicet amat malum culpæ. Omnia au-
 tem simili ordine divini amoris ponere
 obligamur, atque ad Dei referre honorem.
 Idcirco si quis ex solo servili timore pate-
 retur mortem pro fide, nihilo minus dam-
 naretur. Quod et Paulus apostolus aperte

insinuans : Si tradidero, inquit, corpus 1 Cor. xiii, 3.
 meum, ita ut ardeam, caritatem autem
 non habuero, nihil mihi prodest.

*Qui autem timet, non est perfectus in
 caritate*. Si hoc intelligatur de timore ser-
 vili, aut carnali, seu mundano, difficul-
 tatem non habet, quum illi sint timores
 culpabiles ; et si sint prædominantes, cum
 caritate non stant. Timor vero pure na-
 turalis, qui et passione instante fuit in Marc xiv, 33.
 Christo, est in se indifferens, sicut et ce-
 teræ affectiones pure naturales. Est au-
 tem adhuc duplex timor laudabilis, puta
 initialis et filialis. Timor initialis est, quo
 culpa vitatur partim timore pænæ, par-
 tim amore Dei et zelo justitiæ. Potestque
 timor ille esse cum caritate, non autem
 in caritate perfecta, ut tali : quia in quan-
 tum aliquid servilitatis sortitur, a per-
 fecta caritate ejicitur. Idcirco qui timet
 initiali timore, non est perfectus in ca-
 ritate, in quantum initialiter timens. Por-
 ro, timor filialis, castus et sanctus est,
 quo malum culpæ vitatur solum eo respec-
 tu, ne piissimus et amantissimus Pater
 cœlestis offendatur, inhonoretur, ejusque
 gratia amittatur, aut elongetur a metuen-
 te. Hunc sanctum timorem, reverentia-
 lem, pudicum, perfecta caritas non solum
 non ejicit, sed parit, nutrit, conservat :
 imo quanto quis purius atque ardentius
 diligit Deum, eo amplius hoc timore me-
 titur eum. De quo in libris Sapientialibus
 multa conscripta sunt, ut est illud : Ti- Ecclesi. xxv, 14; 22: xxv, 15; xxiii, 37; xviii, 27.
 mor Domini super omnia se posuit ; ti-
 mor Domini, corona justitiæ ; beatus cui
 datum est habere timorem Domini ; nihil
 dulcius quam timere Deum ; sapiens in
 omnibus metuit ; timor Domini, fons vi- Prov. xiv, 27.
 tæ, ut declinet a ruina mortis.

Nos ergo diligamus Deum, quoniam 49
ipse prior dilexit nos. Hoc paulo ante ex-
 positum est, et ostensum quod amor Dei
 ad nos, est causa omnis boni in nobis.
 Una itaque ratio diligendi Deum est, quo-
 niam ipse primo amavit nos. Quemadmo-
 dum enim arduum est odientem diligere,
 sic præamantem non reamare, prorsus im-

probum ingratisimumque consistit. Est quoque perfacile, cum diligere a quo quis scit se diligi, et in amore esse præventum. Idcirco, quanto hoc facilius adimpletur, tanto iniquius negligitur. Alia atque potissima ratio Deum amandi, est pura et infinita bonitas ejus. Tertia, est collatio beneficiorum ejus. Quarta, promissio ac præparatio futuræ felicitatis.

20 *Si quis dixerit quia diligo Deum, et fratrem suum, id est proximum quemcumque, sive amicum sive adversarium, oderit; mendax est in verbis et factis, quoniam contra veritatem doctrinæ loquitur, et contra veritatem justitiæ operatur. Jam enim frequenter præhabitum est, quod amor Dei et proximi inseparabiliter connectuntur, præsertim quum eadem sit caritas habitualis, qua Deus proximusque diligitur. Iterum, dictum est quod nemo diligat Deum nisi qui ejus observat mandata. Quum ergo Deus præcipiat proximos diligi, qui non diligit proximum, non implet Dei præceptum, ergo nec diligit eum. Rursus, proximus est via et medium diligendi Dominum Deum. Propter quod sequitur : Qui enim non diligit proximum* suum quem videt, Deum quem non videt, quomodo potest diligere?* quasi dicat, Nemo potest. Sed huic objici potest, quoniam Deus ex se ipso incomparabiliter amabilior est cunctis homini-

bus, ergo visio proximi non est necessaria ad Dei habendum amorem. Respondetur, quod multæ sunt causæ dilectionis, utpote : bonitas rei, quæ est ratio objectalis amandi ; item similitudo, quæ incitat ad amorem ; beneficentia quoque atque communio ; et item propinquitas. Sed cognitio est causa dilectionis, tanquam via ad eam deducens. Quum igitur proximus sit nobis notior, similior et propinquior quam Deus, et quantum ad hæc, prius ad diligendum nobis occurrat, idcirco S. Joannes præfacto utitur argumento ; et quoniam quantum ad ista, facilius est proximum amare quam Deum. Non autem vult dicere, quod proximus sit amabilior Deo.

Et hoc mandatum habemus a Deo, ut qui diligit Deum, diligat et proximum fratrem suum.* Unde quum Christus dixisset, Diliges Dominum Deum tuum ex toto corde tuo, etc., statim adjecit, Diliges proximum tuum sicut te ipsum, non quidem æqualiter, quia post Deum debet homo præcipue amare se ipsum, sed similiter, utpote spiritualiter et propter æternam obtinendam salutem. Ecce sæpissime repetit gloriosissimus iste Christi discipulus fraternæ dilectionis præceptum. Idcirco illud tanto diligentius observemus, tanto perfectius impleamus, quanto frequentius ab ipso repetitur, et quanto nobis ab ipso serius inculcatur.

21

* fratrem suum. *Matth. xxii, 37.**Ibid. 39.*

ARTICULUS VII

DECLARATIO QUINTI CAPITULI : OMNIS QUI CREDIT.

DUÆ sunt partes legis divinæ, videlicet testimonia et mandata. Testimonia pertinent ad credenda, mandata ad agenda. Postquam ergo jam ante beatus Apostolus disseruit de mandatis, nunc specialiter loquitur de testimoniis seu credendis : quamvis aliqua inserat de præ-

ceptis, sicut et ante quædam inseruit de credendis.

Omnis qui credit, fide formata, id est caritate bonisque actibus decorata, quoniam Jesus est Christus, id est, quod Jesus Nazarenus sit Christus in lege Moysis et Prophetis promissus; ex Deo natus est

4

per regenerationem baptismalem : ut quidam exponunt. Quæ expositio non habet universaliter veritatem, quoniam multi martyres sine Baptismate decesserunt : nisi per regenerationem baptismalem intelligatur Baptismus, non solum fluminis, sed etiam fluminis ac sanguinis. Est itaque taliter credens ex Deo natus, per caritatis et gratiæ infusionem, per veritatis imitationem, et virtutum amorem. Denique, Mahometus infelix in Alcorano suo frequenter fatetur, quod Jesus Nazareus sit Christus, seu Messias in lege promissus, B quod item Judæi dispersi et capti sunt eo quod Jesum pro Christo non acceperunt. Sed contra divinitatem Christi blasphemias evomit multas.

Et omnis qui diligit eum qui genuit, id est Deum Patrem, diligit eum qui natus est ex eo, id est unigenitum Filium ejus : quum Pater et Filius sint unum et idem summum et invariabile bonum, nec una Persona divina et increata sine alia infuso amore diligi possit, quum sint unus, verus, simplex et omnipotens Deus. C Vel sic : Omnis qui diligit eum qui genuit, id est Creatorem altissimum, qui homines spiritualiter regeneravit per sacramenta et verba cœlestia gratiarumque dona (juxta quod scriptum est : Voluntarie genuit nos verbo veritatis), diligit eum qui natus est ex eo, id est quemlibet Christifidelem. Qui enim veraciter diligit Deum, diligit et pertinentes ad eum, membra, ministros ac milites Christi. Huic expositioni sequentia consonant verba :

Jacob. i, 18.

- 2 *In hoc cognoscimus quoniam diligimus natos Dei, id est proximos nostros a Deo regeneratos, ejusque filios adoptivos, quum Deum diligamus, et mandata ejus faciamus : quia ut dictum est sæpe, amor Dei et proximorum dilectio invicem se includunt, inseparabilesque consistunt ; nec vere diligit Deum nisi qui ei et ejus obedit vicariis, de quibus ait : Qui vos audit, me audit ; et qui vos spernit, me spernit.* Hæc est enim caritas Dei, id est, in hoc consistit, hoc exigit, per hoc quasi

Luc. x, 16.

3

A per effectum et signum manifestatur et innotescit, *ut mandata ejus custodiamus.* Qui enim sincere diligit Deum, honorat eum, et voluntatem suam voluntati ipsius conformat ac subdit, quum amicorum sit eadem velle et nolle. Propter quod Christus loquitur : Si diligitis me, mandata mea servate ; itemque, Si quis diligit me, sermonem meum servabit.

Joann. xiv,

15. Ibid. 23.

Et mandata ejus gravia non sunt. Videtur quod imo, quum Christus protestetur : Quam angusta porta et arcta via est quæ ducit ad vitam, et pauci sunt qui inveniunt eam ! Denique valde difficile est, concupiscentias carnis, passiones et vitia superare. Difficillimum quoque videtur, intellectum in captivitatem redigere ad credendum incomprehensibilia illa quæ in evangelica lege credi jubentur.

Matth. vii,

14.

II Cor. x, 5.

Et respondendum, quod divina præcepta non sunt gravia quadruplici ratione : Primo, quia virtutes, de quarum actibus dantur præcepta, sunt ex sua natura suaves et convenientes, habentque delectationes sinceras actibus suis annexas. Secundo, ex adjutorio Dei, qui per dona gratiæ, præsertim per caritatem, hominem sic confortat, inflamat et consolatur, ut ei dulcescat via salutis, et observantia præceptorum, imo cum ingenti alacritate et gaudio illa adimpleat. Propter quod ait Propheta : In via testimoniorum tuorum delectatus sum, sicut in omnibus divitiis ; et, Viam mandatorum tuorum cucurri, quum dilatasti cor meum. Iterumque hortatur : Servite Domino in lætitia. Tertio, ex inæstimabili magnitudine præmii desuper repromissi, cujus respectu omnis labor, et omnis difficultas, et pœna vitæ præsentis, est tanquam momentum. Propter quod dicitur : Consideratio præmii minuit vim flagelli. Paulus quoque ad Corinthios : Id, inquit, quod in præsentis est momentaneum et leve tribulationis nostræ, supra modum in sublimitate æternum gloriæ pondus operatur in nobis. Hinc ait Salvator : Venite ad me, omnes qui laboratis et onerati

Ps. cxviii,

14.

Ibid. 32.

Ps. xcix, 2.

II Cor. iv,

17.

Matth. xi,

28, 30.

estis, et ego reficiam vos : jugum enim A
meum suave est, et onus meum leve. Quarto, mandata evangelicæ legis levia sunt ob suam paucitatem, comparatione præceptorum Mosaicæ legis : quæ multitudine sua erant onus tam grave, ut
Act. xv, 10. princeps dicat Apostolorum : Quid tentatis Deum, imponere jugum super cervices discipulorum, quod neque patres nostri, neque nos portare potuimus ? Nempe, ut Rabbi Moyses scribit, tot erant in lege præcepta, quot sunt dies in anno, et quot sunt ossa in homine, ita quod horum par B
exstitit multitudo. Porro difficultas implendi præcepta consurgit ex nostra infectione, et hostium impugnatione, ac obsectorum valida motione, aliisque causis diversis.

4 Consequenter subditur una causa cur præcepta sint levia. *Quoniam omne quod natum est ex Deo*, id est omnis fidelis ex Deo per caritatem et gratiam regeneratus, *vincit mundum*, id est, auxilio caritatis et gratiæ, imo et fidei christianæ (ut statim subjungitur), superat tentationes et impugnationes hominum mundanorum, tyrannorum et philosophorum, qui Christianos variis modis a fide avertere conati sunt. Mundum etiam vincit, qui divitias, delicias, vanitates, pravitates, honores mundi non affectat, sed omnia talia aspernatur, cum apostolo Paulo dicens :
Galat. vi, 14. Mihi absit gloriari, nisi in cruce Domini nostri Jesu Christi ; et, Omnia arbitror ut
Philipp. iii, 8. stercora, ut Christum lucrificiam. *Et hæc est victoria quæ vincit mundum, fides*

Galat. v, 6. *nostra*, id est, fides catholica per dilectionem operans, est virtus per quam vincimus mundum : juxta illud ad Hebræos, Sancti per fidem vicerunt regna. Per fidem namque cognoscimus imminetia nobis bella atque pericula, Dei quoque præsidia nobis parata, et atrocitatem et fortitudinem ac multitudinem hostium nostræ salutis. Sicque fides nos dirigit in pugnando, in orando ac resistendo. Nam et ipsa est fundamentum virtutum, et efficaciam tantæ, ut asserat Veritas : Om-

niaabilia sunt credenti. Ideo princeps Apostolorum locutus est : Diabolo resiste- 1 Petr. v, 9.
te fortes in fide. Et ad Ephesios habetur : Accipite armaturam Dei, ut possitis resistere in die malo, induti loriceam justitiæ ; in omnibus sumentes scutum fidei, in quo possitis omnia tela nequissimi ignea extinguere, et galeam spem salutis et gladium spiritus, quod est verbum Dei ; orantes omni tempore in spiritu.

Quis est autem qui vincit mundum, nisi qui credit, fide formata, *quoniam Jesus est Filius Dei*, id est naturalis, unicus, consubstantialisque Filius Patris æterni ? Talis enim nec philosophicis argumentis, nec tyrannicis infestationibus cedit aut vincitur, nec mundi blandimentis, nec adversis dejicitur, quamdiu sic credit. Ait hoc loco Albertus : Quemadmodum corporaliter pugnans indiget quatuor armorum generibus, scilicet gladio ad percutiendum, scuto ad se defendendum, forti societate ad præmuniendum, et veritate, id est justa causa, ad præliandum : sic C
Christianus contra mundum ac reliquos suæ salutis adversarios pugnans, indiget primo, pro ense habere caritatis fervorem ; secundo, pro scuto fidei confortationem ; tertio, pro societate divinum angelicumque auxilium ; quarto, pro veritate seu causa, Christi veram confessionem.

Hic est qui venit per aquam et sanguinem, Jesus Christus, id est, ad nostram redemptionem processit, et eam effecit per aquam Baptismatis, et sanguinem sui corporis, quem in cruce fudit pro nobis.

D Christus namque sacramentum Baptismi instituit, et Baptismum a Prækursore accipiens, tactu suæ sanctissimæ carnis vim regenerativam præstitit aquis ; atque a merito suæ passionis omnia sacramenta suas sortiuntur virtutes. Hinc loquitur Paulus : Christus per sanguinem crucis suæ pacificavit, sive quæ in cœlis sunt, sive quæ in terra ; et rursus : Christus dilexit Ecclesiam, et tradidit semetipsum pro ea, mundans illam lavacro aquæ in verbo vitæ. In Apocalypsi quoque habe-

Ephes vi, 13-18.

5

6

Matth. iii, 16.

Coloss 1, 20.

Ephes. v, 25, 26.

Marc. ix, 22.

Apoc. i, 5. tur : Christus dilexit nos, et lavit nos a peccatis nostris in sanguine suo. Denique, quum unus militum lancea latus Christi aperuisset, continuo inde exivit sanguis et aqua. Unde de latere Christi sacramenta Ecclesiæ dicuntur fluxisse, quia videlicet vim sanctificandi inde suscipiunt : et ita quoad hoc, venit in aqua et sanguine. *Non in aqua solum, sed in aqua et sanguine.* Hoc additur ad differentiam S. Joannis Baptistæ, qui venit in aqua solum : quia baptizavit corpora aquis, sed sanguinem suum pro mundi non fudit peccatis, nec animas lavit a vitiis. Vel ideo additur hoc, quoniam Christus non solum dignatus est propter nos baptizari, ut suæ carnis attactu aquis vim regenerativam præstaret, sed et sanguinem suum pro nostra fudit salute. Porro, secundum Bernardum in sermone, istud est additum ad differentiam Moysis, qui venit in aqua tantum : a qua nomen ei est impositum.

Et Spiritus est qui testificatur quoniam Christus est veritas. Hoc enim Spiritus Sanctus testatus est ante Christi passionem et post eam. Ante passionem, scilicet, quum baptizatus fuisset a beatissimo Joanne Baptista, juxta illud : Factum est, Jesu baptizato et orante, apertum est cœlum, et descendit Spiritus Sanctus corporali specie sicut columba in ipsum, et vox de cœlo facta est : Tu es Filius meus dilectus. Porro Christus secundum quod Deus, est vere substantialiter verus et veritas. Propter quod ait : Ego sum via, et veritas, et vita. Et quia per modum intellectualis emanationis procedit a Patre, veritas ei appropriatur, ut dictum est plenius paulo ante. Rursus, post passionem, in die Pentecostes et deinceps, Spiritus Sanctus per Apostolos testificabatur id ipsum, et per tam supernaturalem Apostolorum illuminationem, inflammationem, roborationem, aliaque mirabilia quæ apparebant in eis et fiebant per eos, luce clarius demonstravit quod Christus sit veritas, cujus universa promissa tam verissime et supernaturaliter implebantur.

A Hinc post Cœnam dixit in sermone Apostolis illud : Quum venerit Paracletus, quem ego mittam vobis a Patre, Spiritum veritatis, qui a Patre procedit, ille testimonium perhibebit de me.

Nec solum Spiritus Sanctus id protestatur : *Quoniam tres sunt qui testimonium dant in cœlo : Pater, Verbum, et Spiritus Sanctus* : id est, tota superessentialis et superdignissima Trinitas, in cœlo empyreo specialiter habitans, præstat coram omni cœlesti militia testimonium, quod Christus sit veritas : quia declarat Trinitas adoranda cunctis cœlestibus civibus semetipsam, et qualiter Verbum procedit a Patre, et Spiritus Sanctus ab utroque, juxta illud in Psalmo, In lumine tuo videbimus lumen. De quo testimonio loquitur Christus Patri : Clarifica me tu, Pater, apud te ipsum, claritate quam habui priusquam mundus esset ; et rursus, Pater, quos dedisti mihi, volo ut videant claritatem meam, quam dedisti mihi. *Et hi tres unum sunt* : quoniam tres superbenedictæ et supervenerandæ Personæ, sunt una essentia, unus Deus, unum universorum principium, et unus omnium ultimus finis, unum summum bonum, unum plenæ felicitatis objectum, quo solo fruendum est. Divinitatis quippe natura nequaquam potest multiplicari, sed est numero una in tribus ; et quidquid absolute competit Deo, toti Trinitati, singulisque Personis commune est, et unum in tribus. Propter quod loquitur Christus : Ego et Pater unum sumus. Superexcellētissimæ quoque Trinitatis personalem distinctionem essentialemque unitatem Christus pandit, dicens : Docete omnes gentes, baptizantes eos in nomine Patris et Filii et Spiritus Sancti.

Et tres sunt qui testimonium dant in terra : spiritus, aqua et sanguis : id est, in militanti Ecclesia, spiritus, utpote rationalis anima Christi, aqua quoque et sanguis, quæ de ejus latere profluxerunt in cruce, contestantur quod Christus sit verus ac veritas, in eo quod dixit se esse

Joann. xix, 34.

Joann. xv, 26.

7

Ps. xxxv, 10.

Joann. xvii, 5.

Ibid. 24.

Exod. ii, 10.

Luc iii, 21, 22.

Joann. xiv, 6.

Act. ii, 1 et seq.

Ibid. x, 30.

Matth. xxviii, 19.

8

Joann xix, 34.

non solum Dei unicum Filium, sed etiam hominem verum : Palpate, inquiens, et videte, quia spiritus carnem et ossa non habet, sicut me videtis habere. Vel, Tres testimonium dant in terra, quia in sacramento Baptismi est Spiritus vivificans, aqua abluens, et sanguis Christi virtualiter operans et emundans : per quæ patet veritas Christi, de quo Deus dixit Joanni Baptistæ : Super quem videris Spiritum descendentem et manentem super eum, hic est qui baptizat in Spiritu Sancto. *Et hi tres unum sunt*, id est, unum habent effectum, et in ejusdem veritatis manifestatione conveniunt.

9 Deinde ostenditur irrefragabilis certitudo fidei christianæ. *Si, pro Quia, testimonium hominum accipimus.* Hoc dupliciter potest intelligi : Primo, quod in rebus et causis humanis testimonium hominum efficax reputatur, quemadmodum scriptum est : In ore duorum vel trium testium stabit omne verbum. Secundo, quod testimonium sanctorum hominum, utpote Prophetarum, de Christo prænuntiatum, judicatur idoneum. *Testimonium Dei majus est*, id est, testimonium Dei Patris de Christo prolatum, præclarior est, sicut et Deus Pater omni homine consistit sublimior, cujus testimonio falsum subesse non potest ; *quoniam hoc est testimonium [Dei], quod majus est omni testimonio humano, quia testificatus est de Filio suo* : id est, testimonium quod Pater perhibuit Filio in baptismo et transfiguratione, dicens, Tu es Filius meus dilectus in quo mihi bene complacui, majus est testimonio hominum. De quo testimonio etiam dictum est a Petro : Accepit a Deo Patre honorem et gloriam, voce delapsa ad eum hujuscemodi a magnifica gloria : Hic est Filius meus dilectus.

10 *Qui credit in Filium Dei, habet testimonium Dei in se*, id est, testimonio Dei Patris assentit, et operatur in eo testimonium illud salubrem credulitatem, dummodo juxta fidei exigentiam conversetur. Credere autem in Filium Dei, est per

A fidem caritate formatam et actiones virtutum, in Christum Dei Unigenitum tendere. *Qui vero non credit in Filium, mendacem facit eum*, id est, Deum Patrem, quantum in se est, facit seu esse ostendit mendacem et testem fallacem ; *quoniam non credit in testimonio quod testificatus est Deus de Filio suo* dicens : Tu es Filius meus dilectus, etc. Nec possunt se excusare infideles, dicendo quod Pater non dixit hoc : quia per infinita miracula soli omnipotenti Deo possible, interim uberrime est ostensum quod evangelica lex, in qua hoc continetur, sit vere a Deo, et ipsum Evangelium recitans hoc, sit omni veritate plenissimum. Testatus est quoque Deus Pater de Filio suo per sanctos Prophetas, David, Isaiam, Jeremiam, Michæam, Danielelem, et alios ; deinde per sanctos Apostolos et Evangelistas, quorum doctrinam per copiosissima ac præclarissima confirmavit miracula ; similiter per martyres gloriosos, quos in suis passionibus et ante ac postea magnificis honoravit prodigiis ; deinde per alios innumerales sanctos confessores, doctores, prædicatores, prælatos, quorum doctrinam et sanctitatem per signa admiranda ac abundantissima declaravit et approbavit. Sed et per miracula ab ipsomet Christo peracta Pater testimonium præbuit ei. Propter quod loquitur Christus : Opera quæ dedit mihi Pater, quæ facio, testimonium perhibent de me. Et denuo : Si non facio opera Dei, nolite credere ; si autem facio, et si mihi non creditis, operibus D credite. Ad hæc, magnum, gloriosum et jucundum est, quod etiam istis diebus Deus sublimis et benedictus tot et tanta operatur miracula ad Sanctorum suorum promotionem, ad fidei roborationem, ad consolationem Ecclesiæ, ad confusionem omnis plebis incredulæ, imo ad sui ipsius gloriam et honorem.

Et hoc est testimonium, id est intentio, fructus et finis testimonii præinducti : quia ad hoc Deus Pater istud de Filio suo testatus est, quatenus hoc creden-

Luc. XVIII.
39.

Joann. I, 33.

Deut. XIX,
15; Matth.
XVIII, 16.

Matth. III,
17; XVII, 5;
Luc. III, 22;
IX, 35.

II Petr. I,
17.

Joann. V,
36.

Ibid. X, 37,
38.

do vitam obtineamus beatam. Ideo subditur : *quoniam vitam æternam dedit nobis Deus*, id est, vitam gloriæ præstitit nobis modo in spe, in causa, præmio et radice, in inchoatione, prælibatione, ac arrha seu pignore. Æternam enim beatitudinem nobis promisit ; vitam gratiæ, quæ pignus est vitæ gloriæ, communicavit ; caritatem, quæ nunquam excidit, infudit ; actus meritorios condonavit ; futuræ suavitatis concessit prægustum. Hinc etenim contestatur : Beati pauperes spiritu, quoniam ipsorum est regnum cælorum. Et Paulus : Dedit (inquit) nobis pignus Spiritus ; itemque, Gratia Dei, vita æterna. Et rursus loquitur Christus : Hæc est voluntas Patris mei qui misit me, ut omnis qui videt Filium et credit in eum, habeat vitam æternam. — Vel sic : Hoc est testimonium, quod scilicet nos Apostoli perhibemus de Christo, quoniam vitam æternam dedit nobis Deus per Christum, quia hanc Christus sua passione promeruit nobis.

Et hæc vita, id est æterna felicitas, *in Filio ejus est*, id est, per fidem et gratiam Filii Dei acquiritur, quemadmodum ipse fassus est : Ego sum via, veritas et vita ; nemo venit ad Patrem, nisi per me. Unde in Actibus princeps Apostolorum fatetur : Non est nomen aliud sub cælo datum hominibus, in quo oporteat nos salvos fieri. Et rursus asserit Filius Dei : Omnis qui credit in me, non morietur in æternum. Vel, Hæc vita in Filio ejus est, quia in visione divinitatis Filii Dei vera beatitudo objective consistit, prout ipse ait : Hæc est vita æterna, ut cognoscant te verum Deum, et quem misisti Jesum Christum. Hinc ipse Unigenitus cultori suo pro præmio pollicetur : Qui diligit me, manifestabo ei me ipsum. Et Pater in Psalmo : Longitudine, inquit, dierum replebo eum, et ostendam illi salutare meum. — Potest et ita exponi : Hæc vita in Filio ejus est, quia æterna beatitudo in Filio Dei est secundum plenitudinem infinitam, in quantum est Deus ; atque

A secundum naturam assumptam, fuit in eo participative præ omnibus Sanctis ab exordio incarnationis, quia ex tunc anima Christi fuit in plenissima fruitione Divinitatis. Hinc idem ait : Sicut Pater habet vitam in semetipso, sic dedit et Filio vitam habere in semetipso. Joann. v, 26.

Qui habet Filium Dei, id est, is in quo Filius Dei per fidem et gratiam habitat, ita quod habet Filium Dei unigenitum sui cordis habitatorem, juxta quod Paulus ait apostolus : Deus Pater det vobis secundum divitias gloriæ suæ Christum habitare per fidem in cordibus vestris ; *habet vitam æternam*, id est, beatitudinem sempiternam jam habet in spe, prout dictum est plenius. Unde Filius loquitur Patri : Sicut dedisti ei potestatem omnis carnis, ut omne quod dedisti ei, det eis vitam. Vel, Habet vitam æternam, quoniam ipsemet Filius est essentialiter, secundum quod Deus, vita æterna, sicut profitetur : Ego sum resurrectio et vita. *Qui non habet Filium* modo præfacto, *non habet vitam*, quia nec vitam gratiæ habet in presenti, nec vitam gloriæ habebit in futuro, nisi convertatur ad Christum. Ephes. iii, 16, 17. Joann. xvii, 2. Ibid. xi, 25.

Hæc scribo vobis, ut sciatis per fidem illuminatam certitudine adhærentiæ et experientia prælibationis futuræ jucunditatis, *quoniam vitam habetis æternam, qui creditis in nomine Filii Dei*, id est in Christum Unigenitum Patris æterni, qui ait : Qui credit in me, etiam si mortuus fuerit, vivet. Itaque nomen Filii Dei sumitur hic pro nomine nominato, puta pro ipso Dei unico Filio. Et de fide formata intelligenda sunt ista. Ex hac autem fide oritur confidentia magna ad Deum. Ideo subjungitur :

Et hæc est fiducia quam habemus ad eum : quia quodcumque petierimus ab eo, secundum voluntatem ejus, id est secundum beneplacitum Dei, utpote pie et salubriter ad ipsius honorem et nostram salutem, *audit nos*, si perseveranter petamus. *Et scimus quoniam audit nos, quid quid petierimus*, maxime si pro nobis 14 15

ipsis oremus, quia non semper exaudiuntur devoti pro aliis.

Hanc spem, imo certitudinem atque scientiam exauditionis divinæ, Christus in Evangelio nobis copiosissime inculcavit.

Marc. vi. 24. Ait namque : Omnia quaecumque orantes petitis, credite quia accipietis, et venient

Matth. vii. 7, 8. vobis. Alibi quoque : Petite, et dabitur vobis ; quærite, et invenietis ; pulsate, et

Ibid. 11. aperietur vobis. Omnis enim qui petit, accipit ; et qui quærit, invenit ; et pulsanti

Luc. xi. 13. aperietur. Et denuo ait : Si vos quum sitis mali, nostis bona data dare filiis vestris, B

et qualiter debeamus orare, Christus in Evangelio docuit, et inter cetera dixit : Sic ergo orabitis : Pater noster, qui es in cœlis, etc. Ideo loquitur Paulus : Quid oremus sicut oportet, nescimus ; sed ipse Spiritus orat pro nobis, id est, exorantes nos facit.

Matth. vi. 9. Quum enim ad supernaturalem beatitudinem creaverit nos, et præcepta cœlestia dederit nobis (quam beatitudinem sine donis gratiæ ejus promereri adipiscique non possumus, et quæ præcepta sine eisdem implere nequaquam valemus), nullum relinquitur dubium quin paratissimus sit, quantum in se est, gratiarum charismata nobis tam necessaria, distribuere nobis.

Dabitque ea si rite petamus. Præterea, C quum a nobis pater appellari dignetur, haud dubium quin paterna pietate subvenire et exaudire paratus sit. Insuper, ipse qui ad orandum nos hortatur, seque exauditurum promittit, utique libenter exaudiet, quum tam infinita sit pietas, liberalitas veritasque ipsius. Postremo, ipse superbenignissimus Deus, qui etiam non exoratus, tanta beneficia nobis largitus est, qui tam caritative prævenit nos, qui ingratis ac perfidis tot bona largitur, fidelibus ac devotis ipsum invocantibus ut D oportet, non deerit.

Sed tantum regem ac Dominum cum omni humilitate, subjectione et reverentia exorare necesse est. Propter quod Moses protestatur : Quum quæsieris Dominum Deum tuum, invenies eum, si tamen toto corde quæsieris eum, et tota tribulatione animæ tuæ. Et ipsemet Christus : Oportet, inquit, semper orare, et non deficere. Potissime vero exaudiri cupientes, advertant et impleant quod loquitur Do-

minus : Quum stabitis ad orandum, dimittite si quid habetis adversus aliquem ; quod si non dimiseritis, nec Pater vester dimittet vobis peccata vestra. *Marc. vi. 25, 26.*

Scimus quoniam habemus postulationes quas postulamus ab eo id est, certi sumus quod petitionum quas Deo offerimus, effectum seu exauditionem sortiemur ab eo, juxta sensum prædictum. Vel

sensus est, quod orationes quas Deo offerimus, non ex proprio sensu, sed ex divina instructione accipimus. Quid enim et qualiter debeamus orare, Christus in Evangelio docuit, et inter cetera dixit : Sic ergo orabitis : Pater noster, qui es in cœlis, etc. Ideo loquitur Paulus : Quid oremus sicut oportet, nescimus ; sed ipse Spiritus orat pro nobis, id est, exorantes nos facit.

Matth. vi. 9 et seq. Rom. viii. 26.

Consequenter sanctus Apostolus inter peccata distinguit, et qualiter circa diversos peccatores diversimode nos habere debeamus, exponit. *Qui scit fratrem suum peccare peccatum non ad mortem*, etc. Locus iste difficilis est. Qui primo sic potest intelligi : Qui scit proximum suum venialiter peccare, quod non inducit mortem animæ in præsentī, nec mortem æternæ miseriæ in futuro, *petat*, id est, pro illo oret ; *et dabitur ei vita*, id est, ad ejus instantiam dabitur remissio talis culpæ, *peccanti non ad mortem*, id est venialiter peccanti. Quemadmodum enim venialia difficulter vitantur, sic faciliter dimittuntur, utpote Oratione dominica, confessione mutua, correptione et correctione fraterna, pœnitentia assidua, adspersione aquæ benedictæ, ingressu ecclesiæ, pectoris tunctione, caritatis fervore, remissione illatæ injuriæ, exercitatione operum misericordiæ. — Secundo exponitur sic : Qui scit fratrem suum peccare peccatum non ad mortem, et non continuare peccata usque ad mortem inclusive, *petat* pro illo, et exaudietur. Nam talis vitam gratiæ obtinet, et vitam gloriæ consequitur : quia non manet in vitiis usque in finem vitæ præsentis, in qua est

tempus, locus ac status merendi ac de-
merendi. Non tamen potest de aliquo cer-
titudinaliter sciri absque revelatione, an
ante mortem vere pœniteat : alioqui sci-
retur esse in caritate. Sed ideo S. Joannes
hæc dicit, ut agnoscamus quod pro illo
frustra oramus qui in vita præsentī non
pœnitet, sed absque contritione decedit.
— Tertio exponitur sic : Qui scit fratrem
suum peccare peccatum non ad mortem,
id est non facere irremissibile peccatum
(ut sunt peccata in Spiritum Sanctum,
quæ irremissibilia asseruntur, quia diffi-
culter et vix dimittuntur, et finalis im-
pœnitentia nunquam dimittitur), petat pro
illo, et exaudietur : non quod semper ora-
tio fusa pro taliter peccante exaudiat,
sed quia spes exauditionis est, et quando-
que exauditio fit pro illo.

Sed *est peccatum usque ad mortem : non pro illo dico ut roget quis*. Si hoc de
finali impœnitentia, seu de quocumque
mortali usque ad mortem continuato et
per contritionem non deletō, intelligatur,
certum est quod pro defuncto in tali fa-
cinore non sit orandum. Si autem de quo-
libet peccato in Spiritum Sanctum intel-
ligatur, sensus est, quod valde difficulter
quis exaudiat pro ita peccante. Ideo di-
citur pro illo non esse rogandum, non ut
nequaquam oretur, quum de nullo sit pe-
nitentia desperandum, sed ad insinuandum
quam difficulter impetretur a Deo venia
talis peccati. Juxta quem sensum Christus
in Evangelio loquitur : Si quis blasphe-
maverit in Spiritum Sanctum, non habet
remissionem in præsentī sæculo neque in
futuro. Hinc subditur : *Omnis iniquitas,
peccatum est*, id est culpa mortalis, quum
sit transgressio legis divinæ ; *et est pec-
catum ad mortem* : quod tripliciter accipi
potest, sicut jam tactum est. Quasi dicat :
Non omnem culpam mortalem voco pec-
catum ad mortem. Vel sic : Omnis ini-
quitas, id est omnis non æquitas, seu
quantumlibet modicus ab æquitate reces-
sus, peccatum est ad minus veniale ; et
est peccatum ad mortem, id est mortale

A peccatum, ad infernalem trahens inter-
itum.

Scimus quia omnis qui natus est ex Deo, non peccat ; sed generatio Dei con-
servat eum. Hoc est quod supra, tertio hu-
jus epistolæ capitulo, dictum est : Omnis
qui natus est ex Deo, non peccat, quoni-
am semen ipsius in eo manet ; et non po-
test peccare, quoniam ex Deo natus est :
quod ibidem satis reor expositum. Et
quod ibi dicitur semen, hic generatio no-
minatur. Generatio enim Dei, id est spiritu-
B alis renovatio in Baptismate seu Pœniten-
tia facta, seu gratia ibi infusa, conservat
eum in bono, et præservat a vitio, quan-
tum ex se est : ipse tamen se potest a Deo
propria libertate avertere. *Et malignus
non tangit eum*, in quantum ex Deo na-
tus est et per gratiam confortatus : quia
ut talem, non potest eum ad peccatum
impellere ; sed ut defectibilem, fragilem
ac liberi arbitrii existentem, potest eum
tentare, superare seu tangere.

Scimus quoniam ex Deo sumus. Hoc
C supra expositum est. Apostoli quippe cer-
titudinaliter se esse in caritate noverunt ;
ceteri vero Catholici ac devoti probabiliter
sciunt hoc. *Et mundus totus in maligno
positus est*, id est, mundani carnalesque
homines diabolo sunt subjecti, vitiis in-
voluti, et malæ libidinis igne succensi,
quia in talibus abundant peccata. De qui-
bus ait Propheta : Omnes declinaverunt,
simul inutiles facti sunt. Unde in Osee
habetur : Non est veritas, et non est mise-
ricordia, et non est scientia Dei in terra ;
maledictum et homicidium, mendacium
et furtum et adulterium inundaverunt.

Et scimus quoniam Filius Dei venit,
id est, per incarnationis mysterium in in-
feriorem hunc mundum ingressus est, sic-
ut ipse ait : Exivi a Patre, et veni in
mundum ; *et dedit nobis sensum*, id est
sapientiam salutarem et evangelicæ legis
doctrinam, *ut cognoscamus verum Deum* :
per quem hoc loco intelligitur Pater æter-
nus. Nam subditur : *et simus per fidem
et caritatem in vero Filio ejus*, id est in

Marc. iii,
29; Matth.
xii, 32.

I Joann. iii,
9.

In I Joann.
iv, 6.

Ps. xiii, 3;
Lii, 4.

Osee iv, 1, 2.

Joann. xvi,
28.

unigenito, naturali et coæterno ipsius Filio Jesu Christo, qui in unitate personæ est Deus et homo. Venit itaque Filius Dei, ut cognoscamus verum Deum per fidem vivam et illuminatam et per sapientiæ donum in vita præsentī, deinde clare per speciem in regno cœlesti. *Hic* verus Filius Dei, *est verus Deus* veritate naturæ, ita quod vera divinitas est in eo, non participatio quædam, sicut in aliis qui in Scripturis dii vocantur; *et vita æterna*: est enim essentialiter vivens, et vita, veritas, sapientia ac divina essentia. Porro Patre Filioque expressis, intelligitur superbenedictus et adorandus Spiritus Sanctus, Patris ac Filii amor, osculum et amplexus. O quanta fuit infeliciū hæreticorum insania, qui contra hanc lucidissimam protestationem tanti Apostoli, divinitatem Christi negare impiissime præsumpserunt! Quanta etiam fuit vesania Mahometi, qui licet in Alcorano testetur Christum fuisse summum sapientissimumque prophetam, non tamen admittit

ut Filius Dei aut Deus dicatur, sed purum fuisse hominem reprobis ille mentitur.

Filioli, custodite vos a simulacris, id est idolis ac idololatriis, atque ab omni avaritia, quæ idolorum est servitus, ab hæreticorum quoque figmentis, qui de Deo Patre et Filio ejus ac Spiritu Sancto non id senserunt ac docuerunt quod Pater et Filius et Spiritus Sanctus sunt, sed quod ipsi maledicti eos esse finxerunt. Simulacra quoque sunt vana phantasmata, cogitationes inutiles, phantasticæ ac stolidæ apprehensiones, somniorumque observationes. A quibus omnibus nos custodire debemus, et sincere atque catholice de Deo uno ac trino sentire, salubria cogitare, sapientialibus meditationibus et considerationibus immorari, ac Dominum majestatis immensæ totis præcordiis jugiter venerari. *Amen*, id est, sic est, et ita fiat. Ad laudem et gloriam Creatoris omnipotentis, qui est super omnia Deus sublimis et benedictus.

Joann. xiv,
6; I Cor. i,
24.

21

Coloss. iii,
5.

ENARRATIO IN EPISTOLAM SECUNDAM BEATI JOANNIS

ARTICULUS UNICUS

EXPOSITIO UNICI CAPITULI : SENIOR ELECTÆ DOMINÆ.

IN præinducta epistola S. Joannes instruit fideles in generali, nunc instruit quasdam personas in speciali. Porro sensus hujus compendiosæ epistolæ in præhabita sententiosa epistola pro maxima parte est habitus : ideo immorari non congruit.

4 *Senior Electæ dominæ.* Ut recitat Beda, quidam dixerunt præsentem epistolam et sequentem non esse Joannis apostoli, sed alterius presbyteri, nomine Joannis, ut infra plenius referetur. Sed nunc Ecclesia communiter tenet, quod sit Joannis apostoli : quod etiam ex stilo ac sensu, et simili sermonis caractere satis videtur. Vocat autem B. Joannes se seniore, quia jam erat propectæ ætatis ; et ratione sui officii, quoniam nomen senioris, episcopis quoque propter gravitatem sapientiæ maturitatisque congruit. Unde tunc rectores Ecclesiarum propter discretionem et morum maturitatem senes appellabantur. Propter quod, ut ante jam patuit, princeps Apostolorum in prima sua Canonica pastoribus loquens : Seniores, inquit, qui in vobis sunt, obsecro.

Itaque, *Senior* iste Joannes apostolus,

A omnium qui in Asia præerant Christianis præcipuus, scribit *Electæ dominæ*. Hæc namque veneranda et sancta matrona, cui tam reverenter scripsit tantus Apostolus, vocabatur, secundum expositores, *Electa*. Quod nomen illi optime competebat, quoniam utique valde electa erat a Deo, quam in præsentī epistola S. Joannes de multis commendat, sicut patebit. *Et natis ejus*, id est filiis ejus non solum carnis propagatione, sed et virtutum imitatione. Nam et proles ejus atque familia erant ; et ita **B** etiam spiritualem matrem se eis exhibuit, et quod parentes suis tenentur impendere filiis, utpote educationem, instructionem, correptionem et castigationem, exhibuit eis. *Quos ego diligo in veritate*, id est vero et spirituali amore. Sciebat siquidem tantus Apostolus se esse in caritate, imo et in caritate perfecta. *Et non ego solus, sed et omnes qui cognoverunt veritatem*, id est, universi fideles, qui evangelicæ legis ac fidei veritatem, Christum quoque qui summa est veritas, agnoverunt, diligunt istos. Fuit namque domina ista nobilis ac famosa cum sobole sua, et hospitabat ac sustentabat credentes ac ministros

1 Petr. v, 1.

Joann. xiv,

6.

Ecclesiae. Ideo omnes boni fideles ad quos fama ejus pervenit, eam ac sobolem ejus amabant.

2 Cur autem amabant eam et natos ejus, subjungitur : *propter veritatem quæ permanet in vobis*, id est propter veram Dei notitiam atque justitiæ æquitatem et vitæ sinceritatem. Fuit enim in istis veritas triplex, videlicet veritas vitæ, veritas doctrinæ, veritasque justitiæ. *Et vobiscum erit in æternum* : quia post hanc vitam fuit in eis veritas ista, et in æternum manebit in eis multo perfectius quam fuit in vita præsentī : nempe quod hic novērunt per fidem, in cœlo contemplantur per speciem. In cœlo quoque est perfecta justitia, ac veritas vitæ falsitate impermixta, quoniam Sancti secundum extremum posse suum Deo intenti sunt, honorificentiamque impendunt, nec quidpiam culpæ eorum vitæ miscetur.

3 *Sit vobiscum gratia* gratificans : quæ est qualitas supernaturalis, essentiam rationalis creaturæ immediate perficiens, et eam in esse deiformi ad promerendum idoneo ponens, ut magni describunt doctores ; *misericordia*, id est pia adsistentia Dei in omnibus, et remissio culpæ, ac conservatio gratiæ ; *et pax* pectoris in præsentī, quæ pax est tranquillitas internæ ordinationis, et quies mentis in Deo ; pax quoque æternitatis in futuro, quæ est pax plena semper in actu, et gaudium prorsus imperturbatum. Pax etiam temporis est optanda, ut cum omnibus habeatur concordia bona, et quietam ac tranquillam vitam agamus in omni pietate. *A Deo*

1 Tim. II, 2.

Joann. v.
19.

Patre et Jesu Christo Filio Patris. Pater enim et Filius sunt unum effectivum principium gratiæ et omnis boni creati. Propter quod ait Filius : Quæcumque facit Pater, hæc et Filius similiter facit. Et ita per verba hæc divinitas Filii insinuat, eo quod dona ista dicuntur esse a Filio sicut a Patre : et idem intelligendum est de Spiritu Sancto. Totius etenim superpræstantissimæ Trinitatis est una essentia, una potestas, una indivisaque actio

A ad extra. Et tota Trinitas est unus Deus, unus creator et rector ac Dominus universorum. Sit itaque vobis pax a Patre et Filio *in veritate et caritate*, id est, per hoc quod estis et statis in veritate doctrinæ ac fidei christianæ, atque in caritate Dei ac proximorum, et ut proficiatis in istis.

Gavisus sum valde gaudio spirituali in Domino, quoniam inveni de filiis tuis, id est aliquos filiorum tuorum, *ambulantes in veritate*. Vel, Inveni de filiis tuis, id est, hoc de eis cognovi, quod sunt ambulantes in veritate, id est, in fide catholica, morum sinceritate atque justitia conversantes ac proficientes, non in tenebris ignorantiae ac peccatis, non in simulacra ac calliditate viventes. De hoc autem est bonis prælatis consolatio valde præcipua, quod eorum subditi virtuose fructuoseque vivunt, quum eos tam* spiritualiter ament. *Sicut mandatum accepimus a Patre*, id est Deo Trinitate omnium creatore.

* alias latamen

Et nunc rogo te, domina, non quasi mandatum novum scribens tibi, sed quod habuimus ab initio. Hoc, inquam, rogo, et hoc est mandatum quod ab initio nostræ conversionis ad Christum seu evangelicæ prædicationis a Deo accepimus, *ut diligamus alterutrum*, id est, spiritualiter invicem nos amemus. *Et hæc est caritas*, id est, in hoc consistit ac innotescit, idque requirit, *ut ambulemus secundum mandata ejus*, id est, secundum Dei præcepta vivamus, proficiamus, atque ad cœlestem patriam properemus. *Hoc est enim mandatum Dei, ut quemadmodum audistis ab initio* vestræ conversionis, *in eo ambuletis*, id est, secundum Dei beneplacitum in lege et fide Christi vivatis, perseveretis, et gratiose crescatis.

Quod vobis nunc scribo, ac necessarium dico, *quoniam multi seductores exierunt in mundum*, id est, diversi hæresiarchæ et falsi magistri proruperunt in medium, *qui non confitentur Jesum Christum venisse in carne*, id est, Dei Filium non credunt veraciter incarnatum, et in carne assumpta inter homines conversatum. Hoc

4

5

6

7

enim dixerunt Marcionitæ hæretici, asserentes Christum corpus habuisse phantasticum : quorum hæresim secutus est et auxit impius Manichæus. *Hic est seductor et antichristus*, id est, quicumque hoc asserit, fallit se ipsum et alios. Est quoque Christo contrarius, et Antichristi præcursor ac typus.

8 *Videte vosmetipsos*, id est, considerate et custodite vos, *ne perdati omnia quæ operati estis*, id est, ne cadendo a fide catholica justaque vita, privemini merito et præmio omnium actuum virtuosorum quos peregristis : quia dum justus mortaliter peccat, mortificantur præcedentia meritoria opera ejus, quæ tamen rursus vivificantur dum pœnitet et resurgit. *Sed ut mercedem plenam accipiat* : id est, idcirco vos custodite, ut perseverando in bonis, beatam in cœlo retributionem plenarie quietantem ac contentantem obtineatis. Qui enim perseveraverit usque in finem, hic salvus erit.

Matth. x, 22; xxiv, 13.

9 *Scientes quod omnis qui recedit*, vel, ut alii legunt, *præcedit* : id est, quicumque mente a veritate avertitur ; vel, Qui præcedit, id est, primo recte incessit et bene vivere cœpit ; *et non permanet in doctrina Christi*, juxta illam credendo ac conversando ; *Deum non habet* per caritatem et gratiam, nec est ejus servus, sed dæmonis. *Qui permanet in doctrina ejus*, id est, evangelicis Christi documentis obedit, *hic et Patrem et Filium habet*, id est, Pater et Filius, imo et Spiritus Sanctus, sunt inhabitator et Dominus ac possessor cordis illius, quemadmodum loquitur Christus : Si quis diligit me, sermonem meum servabit, et Pater meus diliget eum ; et ad eum veniemus, et mansionem apud eum faciemus.

Joann. xiv, 23.

10 *Si quis venit ad vos, et hanc doctrinam non affert*, id est, hæreticam falsitatem catholicæ veritati contrariam docet, *nolite recipere eum in domo*, id est, eum non hospitetis, nec habitatione jungamini ei, *nec Ave ei dixeritis*, id est, non communicetis ei in verbo salutationis, nec ullam

A cum eo societatem aut familiaritatem habeatis. *Qui enim dixerit ei Ave*, communicando secum in verbis, *communicat operibus ejus malis*, id est, periculum incidit, et quasi socium pravitatis illius se esse ostendit. Istud de hæreticis excommunicatis, præscitis præsertim, accipitur ; atque in primitiva Ecclesia servabatur tam stricte : ne credentes nondum satis roborati et exercitati in evangelica veritate, a talibus seducerentur ; ut etiam manifestarent quam vitandi sint adversarii veritatis fidei christianæ. Unde et Paulus : Hæreticum, inquit, hominem, post unam et secundam correptionem devita ; et rursus, Si quis non obedierit sermoni nostro per epistolam, hunc notate, et ne commisceamini cum illo. *Ecce prædixi vobis*, id est, de periculo isto præmonui vos, *ut in die Domini nostri Jesu Christi*, id est in die quo judicabimini a Christo, *non confundamini*, id est, ne interim peccando mereamini tunc ab eo confundi, reprobari, damnari.

11

Tit. iii, 10.

II Thess. iii, 14.

C *Plura habens vobis scribere*, id est, quamvis alia multa salubria vobis scribere possem, *nolui per chartam et atramentum*, id est, litteris scripto digestis nolui vobis ista insinuare. *Spero enim me venturum ad vos, et ore ad os loqui*, id est, spero quod os meum loquetur coram ad os vestrum. Præsentia namque doctoris et viva vox ejus, specialem habent vigorem, et frequenter plus operantur in subditis. *Ut gaudium vestrum sit plenum*, id est, spirituale gaudium vestrum ex mea præsentia et allocutione perficiatur, atque ad æternæ jucunditatis plenitudinem pertingat.

12

Joann. xvi, 24.

Salutant te filii sororis tuæ Electæ. Habuit ista sancta matrona sororem, quæ (ut asserit Glossa) etiam vocabatur Electa, sicut et ista ; et filii ejus erant christiani, ac S. Joannis discipuli, et forsitan apud eum quando hæc scripsit. Porro quod in aliquibus libris subjungitur, Gratia tecum, Amen, non est (ut dicitur) in libris correctis.

13

ENARRATIO

IN EPISTOLAM TERTIAM

BEATI JOANNIS

ARTICULUS UNICUS

EXPOSITIO UNICI CAPITULI : SENIOR CAIO CARISSIMO.

- 1 **S**ENIOR Caio carissimo, quem ego diligo in veritate. Sicut refert Hieronymus, libro de Viris illustribus, quidam dixerunt istam ac præcedentem epistolam non esse S. Joannis apostoli, sed Joannis presbyteri, quem Papias Hieropolitanus episcopus, discipulus Joannis apostoli, in suis opusculis subinde allegat, senioremq̃ vocat, cujus etiam sepulcrum in Epheso monstrabatur. Sed, quemadmodum tactum est, Ecclesia rationabiliter tenet, quod hæ duæ epistolæ sint Joannis apostoli, qui cur senior nuncupetur, in præcedentis expositione epistolæ est expressum. Porro Caius iste cui scribit, creditur fuisse vir ille Corinthius de quo ad Romanos loquitur Paulus : Salutat vos Caius hospes meus; et prima ad Corinthios, Neminem vestrum baptizavi nisi Crispum et Caium. Sustentavit siquidem et bene tractavit evangelicæ legis prædicatores, virtuosusque fuit : ideo fuit amabilis.
- 2 *Carissime, de omnibus*, id est pro cunctis ad salutem pertinentibus, *orationem facio*, ut scilicet in omnibus actibus meritoriis crescas. Ideo subditur : *prospere*
- A *te ingredi et valere*, id est, ut feliciter converseris, proficiendo semper in melius, et valeas mente ac corpore, quatenus opera misericordiæ copiosius et expeditius prosequaris, *sicut prospere agit anima tua*, id est, feliciter conversatur, in virtutibus crescens quotidie. Et ponitur hic pars pro toto.
- 3 *Gavisus sum valde in Domino gaudio spirituali, venientibus fratribus*, id est Christianis peregrinis et ceteris, *et testimonium perhibentibus veritati tuæ*, id est conversationi tuæ veraciter virtuosæ, quam nobis recitaverunt cum certitudine conjecturali, fiduciali, probabili, *sicut tu in veritate ambulas*, triplici veritate ornatus, utpote veritate vitæ, doctrinæ, justitiæ. Nec est in te hypocritica confectio, aut vulpina calliditas : quod sanctus Apostolus potuit, Deo revelante, certitudinaliter scire. *Majorem horum gratiam non habeo*, id est, nihil mihi commodius vel acceptius reputo inter hæc foris occurrentia, *quam ut audiam filios meos spirituales in veritate ambulare*, id est in vera et catholica fide, in virtutum sinceritate et justitiæ æqualitate Deo servi-
- 4

In II Joann.
1.

Rom. xvi,
23.

I Cor. i, 14.

re. Prælati enim zelo salutis proximorum potissime sibi commissorum debet esse omnino accensus, et de eorum spirituali profectu et conversione magis quam de omnibus mundi bonis gaudere. Propter quod Paulus suis scribens discipulis : Tune, inquit, vivimus, si vos statis in Domino.

1 Thess. iii, 8.

5 *Carissime, fideliter facis*, id est, juxta exigentiam fidei, quæ requirit ut opera ei correspondentia fiant, conversaris, quoniam sine operibus virtuosus mortua judicatur. Sic ergo fideliter facis, *quidquid operaris in fratres*, id est omne opus misericordiæ quod fidelibus proximis impendis, *et hoc in peregrinos*, quibus misericordiæ actus impertiri, magis acceptum est Creatori, de quo in Deuteronomio legitur : Dominus facit judicium pupillo et viduæ, amatque peregrinum. *Qui testimonium reddiderunt caritati tuæ in conspectu Ecclesiæ*, id est, coram fidelium multitudine fassi sunt et dixerunt quod circa eos caritative et pie te habuisti ; *quos benefaciens deduces digne Deo*, id est, quibus de viatico seu necessariis providens, deduces seu diriges tam caritative ac reverenter, ut Christi membra ac servos ad alia loca duci seu dirigi decet.

Deut. x, 18.

6 Quod agens, eris benefaciens seu meritorie operans, quia ut Salomon ait : Benefacit animæ suæ vir misericors. Christus quoque in Evangelio : Quod uni (inquit) ex minimis meis fecistis, mihi fecistis. Unde et Paulus scripsit ad Titum : Zenam legisperitum et Apollo sollicite præmitte, ut nihil illis desit.

Prov. xi, 17.

Matth. xxv, 40.

Tit. iii, 13.

7 *Pro nomine enim ejus profecti sunt*, id est, pro Dei honore iter peregrinationis assumpserunt, seu ad prædicandum egressi sunt ; vel, ut quidam exponunt, pro fide Christi a suis concivibus sunt expulsi ; *nihil accipientes a gentibus*, id est, ab infidelibus sustentaculum vitæ nec acceperunt, nec petierunt. Vel hoc ideo dicitur, quoniam infideles abstulerunt istis quæ possederunt, quatenus isti paupertate coacti ad idololatriam reverterentur.

A *Nos ergo debemus suscipere hujusmodi*, id est tales bene tractare, *ut cooperatores simus veritatis*, id est, eis cooperemur ad exercenda opera fidei ac virtutum, si-ve ad prædicandum evangelicæ legis doctrinam. Hoc dicit sanctus Apostolus in persona habentium facultatem faciendi talia opera misericordiæ. Et quamvis ipse propria non haberet, tamen ut summus Asiæ præsul, dispensavit bona Ecclesiæ pro pauperum sustentatione collata.

8

Scripsissem forsitan Ecclesiæ, id est congregationi fidelium in tua civitate moranti ; *sed is qui amat primatum gerere in eis, Diotrophes, non recipit nos*, id est, nostris verbis aut scriptis non acquiescit. Diotrophes iste fuit insolens et superbus, hæresiarcha quoque, ut aliqui dicunt, et ambitiosus. Et fuit ibi prælatus, vel ad fratrum præsentiam adspiravit.

9

Propter hoc si venero ad vos, commoneam (seu, ut aliqui legunt, *commonebo*) *ejus opera quæ facit*, id est, ea publice reprehendam, quoniam publice peccat, præsertim quia salutem impedit aliorum, *verbis malignis garriens in nos*, id est, impudenter detrahens nobis, et nostris contradicens doctrinis. Quocirca loquitur Beda : Linguas detrahentium sicut nostro vitio excitare non debemus, ne pereant : ita ex sua malitia excitatas debemus æquanimiter tolerare, ut nobis meritum crescat ; aliquando autem etiam compescere, ne dum de nobis mala disseminant, innocentium corda, qui bona de nobis audire poterant, corrumpant. Hinc S. Joannes ob-

10

D *tractatoris sui linguam redarguit*, ne alii a suæ prædicationis audientia impedirentur. Hæc Beda. Specialiter vero resistendum est detractori, quempiam de hæreticæ pravitate aut infidelitatis vitio mendaciter diffamanti. *Et quasi non ei ista sufficiant*, id est, in tantorum criminum commissione non contentatur : sicque quod ait, Quasi, dicit hic veritatem, non similitudinem tantum ; *nec ipse suscipit fratres*, id est, hospitalitatem non exhibet peregrinis, atque pauperibus ac prædica-

toribus; et eos qui suscipiunt illos, prohibet a tam caritativis ac piis operibus, et de Ecclesia ejicit, nisi sibi obediant in præceptis tam vitiosis. Ex quo sequi videtur quod fuit prælatus, et constat quod erat valde perversus.

11 *Carissime, noli imitari malum, id est prava hujus et consimilium sibi exempla, sed quod bonum est, id est aliorum opera virtuosa (juxta illud, Declina a malo, et fac bonum), ne cum perverso pervertaris. Qui bene facit, ex Deo est, quantum ad hoc quod bene et meritorie agit: quia per Dei gratiam, non propriis viribus, taliter operatur, quemadmodum per Osee Dominus loquitur: Perditio tua ex te; in me tantummodo auxilium tuum. Omnia autem ex Deo sunt, quantum ad id boni quod habent aut sunt, quemadmodum Paulus fatetur: Ex ipso, et per ipsum, et in ipso sunt omnia. Electi vero ex Deo sunt, secundum prædestinationem æternam, prout ista superius plenius sunt expressa. Qui male facit, non videt Deum, id est, Deum formata et caritativa cognitione non noscit, nec ejus præsentiam efficaciter pensat, neque justitiam ejus rite veretur, sed propria culpa cæcatur: quod de mortali potissime peccato accipitur.*

12 *Demetrio testimonium redditur ab omnibus bonis hominibus eum agnoscentibus, quod scilicet opera virtutum exerceat, et hospitalitati intentus sit, et ab ipsa veritate, id est a propria sua justitia, quæ materialiter testimonium perhibet ei, atque a veritate existente in aliis formaliter, quos veritas movet ad perhibendum testimonium ei, itemque a judice summo, qui est veritas ipsa. Sed et nos Joannes apostolus, ei testimonium perhibemus, qui Deo revelante certitudinaliter, aut aliunde probabiliter, scimus justum esse hunc ipsum Demetrium; et nosti quoniam testimonium nostrum verum est, quia a Spiritu Sancto movemur: et quidquid in scriptis redigimus atque asserimus, canonicam habet auctoritatem, et certam ac*

A infallibilem veritatem, quia in his a Spiritu Sancto infallibiliter regulamur.

Multa habui scribere tibi; sed nolui per atramentum et calamum. Spero autem protinus te videre, et ore ad os loqui. 13 14

Hoc totum in fine præcedentis epistolæ habitum est atque expositum. Siquidem, secundum unam considerationem, habuit S. Joannes scribere Caio isti, sed ex alia consideratione, dimisit hoc, quia speravit se in brevi ore tenus locuturum cum illo. *Pax tibi*, id est, tranquillitas mentis in Deo jugiter tibi insit, etiam in adversis, et tandem in cœlis, ubi nulla erit adversitas. *Salutant te amici tui et mei qui mecum consistunt. Saluta amicos nominatim tuos et meos qui tecum sunt.* 12. II Joann.

POSTREMO, quoniam in duabus istis compendiosis epistolis frequenter nominata, et variis modis accepta est veritas, pro eorumdem clariori intelligentia obtinenda, sciendum quod in scripturis theologicis ac philosophicis dictis, verum et veritas C multipliciter accipiuntur ac distinguuntur.

Primo itaque dividitur veritas in veritatem increatam, et veritatem creatam. — Veritas increata est ipsemet Deus, seu divina essentia, quæ dicitur vera et veritas. Dicitur enim vera, quoniam summe incommutabilis, uniformis, perfecta, divino intellectui se clarissime repræsentans, pura et omni alieno, omni vano et falso penitus impermixta, omnisque creatæ veritatis origo fontana, exemplaris, æterna, infallibilis regula, invariabilisque D mensura. Et quoniam simplicissima est, ideo est veritas sua, utpote proprietatis divini et omnino necessarij esse. Et quamvis veritas Filio approprietur, propter causam præhabitam, tamen absolute loquendo, cuilibet divinæ Personæ verissime competit, totaque Trinitas adoranda, est veritas una, quemadmodum et una essentia: præsertim quum ens et verum convertantur; atque ut ait Philosophus, unumquodque sicut se habet ad esse, ita ad veritatem.

Porro veritas creata est multiplex. Est enim in primis veritas rei, et veritas propositionis. Veritas rei, est veritas naturæ seu entis, non superaddens reale aliquid enti sive essentiæ rei, sed proprietatem quamdam : ita quod res creata dicitur vera duplici ratione. Primo, propter conformitatem suam ad rationem suam causalem ac idealem, quam habet in mente divina : sicque dicitur vera, quia sortita est esse prout Deus per rationem idealem ei dare instituit, seu in quantum imitatur suum esse exemplare, quod habet in animo Creatoris. Secundo, in quantum apta est facere veram sui apprehensionem in anima intelligentis, seu manifestare se secundum quod est. Veritas autem propositionis, est veritas complexa, quæ est in intellectu formaliter ac subjective, et dicitur adæquatio intellectus ad rem intellectam. Unde, secundum Philosophum, bonum et malum sunt in re, verum et falsum in intellectu. Communiter quoque fertur, quod res dicitur vera per comparisonem ad intellectum, et bona in ordine ad voluntatem ; in propositione autem est tanquam in signo.

Iterum, veritas creata ponitur triplex, videlicet veritas vitæ, veritas doctrinæ, et veritas justitiæ. Veritas vitæ est ipsa rationalis creaturæ conversatio vitalisve actio, secundum divinæ legis rectitudinem regulata, dum agit quæ Deo sunt placita, et ejus jussionibus consona. De qua lo-

A quitur Christus : Omnis qui facit veritatem, venit ad lucem, ut manifestentur opera ejus, quia in Deo sunt facta. Et Paulus ad Timotheum : Divitibus præcipe non sublime sapere, ut apprehendant veram vitam. Insuper, veritas doctrinæ est conformitas seu consonantia instructionis mentis creatæ cum sapientia mentis æternæ. Imo hæc veritas est ipsa doctrina, rei de qua agit concordans. De qua asserit Christus, loquens ad Patrem : Sermo tuus veritas est. Et Paulus ad Galatas : Licet angelus de cœlo evangelizet vobis præterquam quod evangelizavimus vobis, anathema sit. At vero veritas justitiæ dupliciter dicitur : primo, secundum quod ipsa justitia est quædam rectitudo ac veritas, increatæ justitiæ sinceritatem et continentiam imitans ; secundo, prout aliquis ex justitia veritatem fatetur, sicut in foro judiciali. De qua veritate fertur in Psalmo : Universæ viæ Domini misericordia et veritas. Denique, de hac triplici veritate dixerunt adversarii veritatis ad Veritatem æternam : Magister, scimus quia verax es (in quo tangitur veritas vitæ), et viam Dei in veritate doces (in quo tangitur veritas doctrinæ), et non est tibi cura de aliquo (in quo tangitur veritas justitiæ). Interdum quoque, sumitur veritas pro virtute morali per quam homo in verbis et factis correspondentem se habet : quod ad veritatem pertinet vitæ, et item aliquo modo ad veritatem justitiæ.

Joann. iii, 21.


1 Tim. vi, 17, 19.

Joann. xvii, 17.
Galat. i, 8.

Ps. xxiv, 10.

Matth. xxii, 16.

ENARRATIO
IN EPISTOLAM BEATI JUDÆ



ENARRATIO

IN EPISTOLAM BEATI JUDÆ

ARTICULUS PRIMUS

ENARRATIO PRIMI CAPITULI : JUDAS, JESU CHRISTI SERVUS.

1 **J**UDAS, *Jesu Christi servus, frater autem Jacobi*. Iste est Judas quem evangelistæ Matthæus et Marcus vocant Taddæum, qui Actuum primo Judas Jacobi appellatur; qui etiam, ut in libro de Viris illustribus refert Hieronymus, vocatus est Coreculus, id est proprii cordis custos, quia mentis suæ diligentissimus custos fuit, juxta illud Proverbiorum : Omni custodia custodi cor tuum. Et quamvis fuit etiam frater Simonis Zelotis apostoli, tamen fratrem Jacobi se appellat, quoniam Jacobus inter eos exstitit principalis, et magis famosus, ac primus Jerosolymitarum antistes. Ad distinctionem quoque Judæ traditoris, vocat se Jacobi fratrem. Cujus humilitas innotescit, quod quamvis fuerit Christi consanguineus tam propinquus atque apostolus, tamen servum se vocat Christi, non apostolum. Fuitque servus Christi servitute filialis timoris ac caritatis, non servilis formidinis.

Hic itaque S. Judas, de quo in Joanne scriptum est : Dixit ei (scilicet Christo) Judas, non ille Iscariotes : Domine, quid factum est quia manifestaturus es nobis te ipsum, et non mundo? Hic, inquam, B. Judas scribit *his qui sunt in Deo Patre dilectis*, id est fidelibus, qui per fidem et caritatem sunt in Patre æterno, et spiritualiter diliguntur a ceteris Christi-

anis in eo, et in Christo Jesu conservatis et vocatis, id est, qui a Christo sunt conservati in gratia, et vocati ad fidem ac gratiarum charismata, gaudiaque cœlestia. *Misericordia vobis et pax et caritas adimpleatur*, id est, gratiosa adsistentia Dei, pax spiritualis, caritasque infusa, perseverent et crescant in vobis in vita præsenti, perficianturque in vobis in patria. Quamvis gratiosa adsistentia Dei non ita habeat locum in Beatis sicut in viatoribus, nihilo minus Beati seu comprehensores indigent indesinenter conservari a Deo in esse, et in bono eis collato, quamvis sint confirmati in bono.

Carissimi, omnem sollicitudinem, id est magnam et perfectam curam seu diligentiam, *faciens scribendi vobis de communi vestra salute*, docendo qualiter impedimenta salutis debeatis vitare, et veram beatitudinem promereri ac obtinere, *necesse habui scribere vobis* : id est, ex parte mei fuit necessarium mihi scribere vobis, quatenus debitum officii mei apostolatus circa vos adimplerem, quia ex injuncto officio habeo vos docere. Fuit item necessarium ex parte vestri, ne ab hæreticis et perversis fallamini (ut infra dicetur). *Deprecans supercertari*, hoc est, rogans ut strenue certetis seu præliemini, *semel traditæ sanctis fidei*, id est pro

defensione ac virtuosa perornatione fidei catholicæ, quæ semel tradita est sanctis, id est a Deo infusa electis et virtuosis fidelibus, vel, vobis tradita est a sanctis Apostolis semel, utpote in vestra conversione ad Christum. Vult ergo Apostolus ut contra invisibiles atque visibiles hostes pugnent Christiani pro fidei defensione : pugnent, inquam, tentationibus resistendo, orando, lacrimando, sanctis operibus insistendo, martyrium sustinendo. Porro brachio sæculari in certis casibus licitum est, imo incumbit, materiali gladio pro fide pugnare, et perfidos expugnare. Hinc scriptum est in Ecclesiastico :

Ecclesi. iv, 33. Pro justitia agonizare pro anima tua, et usque ad mortem certa pro justitia, et Deus expugnabit pro te. Et Paulus Timotheum exhortans :

ITim. vi, 12. Certa, inquit, bonum certamen fidei. Iterumque de se ipso :

ITim. iv, 7. Bonum, ait, certamen certavi.

Consequenter tangit cur eis hæc scripsit, videlicet propter deceptores et hæresiarchas, ne eorum perversis dogmatibus deciperentur. *Subintroierunt enim*, id est, astute et sub specie religiositatis introierunt inter conversos, eis se callide admiscendo [*quidam homines*] qui olim præscripti sunt, id est denuntiati, et in Scripturis præfigurati, vel, ab æterno prævisi atque præsciti a Deo, *impii*, contra verum Dei cultum peccantes atque docentes : præscripti, inquam, *in hoc judicium*, id est ad condemnationem istam quam reprobis docet Scriptura infligendam. Prædixit enim et præfiguravit Scriptura eos esse venturos, et ad damnationem perpetuam ruituros. Loquitur itaque nunc de judicio reprobationis et condemnationis.

Joann. v, 24. De quo ait Salvator : Qui verbum meum audit, et credit ei qui misit me, habet vitam æternam, et in judicium non venit.

Ibid. 29. Et denuo : Procedent, qui bona fecerunt, in resurrectionem vitæ ; qui vero mala egerunt, in resurrectionem judicii.

Hi itaque subintroierunt, *Dei nostri gratiam transferentes in luxuriam*, id est, Christi pietate abutentes, et ejus oc-

casione ad vitia carnalia corruentes. Ex quo enim lex Christi est lex pietatis, sicut lex Moysis lex rigoris, quia Christus non præcepit transgressores suæ legis statim in hac vita ita puniri, lapidari, incendi aut jugulari, sicut lex Moysis ; ideo isti tanto intimorati atque liberius peccaverunt carnaliterque vixerunt, quanto minus metuebant se per hoc in hac vita taliter puniendos. Tales sunt omnes qui non intuitu et amore Dei, seu timore divini judicii, retrahuntur a vitiis. — Vel

B sic : Dei nostri gratiam transferentes in luxuriam, id est, fidei christianæ ac legi evangelicæ admiscentes carnalia oblectamenta. Nam ut plures allicerent sibi discipulos, carnalia opera, crapulosa, lubrica, eis tanquam licita concesserunt, et frequenter talia exercuerunt. De talibus ad Timotheum loquitur Paulus : Erunt homines amantes se ipsos, voluptatum amatores magis quam Dei, habentes quidem speciem pietatis, virtutem autem ejus abnegantes ; et hos devita. Alibi quoque : C Quæ in occulto (inquit) fiunt ab eis, turpe est et dicere.

ITim. iii, 2, 4, 5.

Ephes. v, 12.

Et solum Dominatorem et Dominum nostrum Jesum Christum negantes, id est, de Christo impie sentientes, vel veram ejus divinitatem, aut veram humanitatem negantes, aut ipsum per reprobam fidem abnuentes, juxta illud ad Titum : Confitentur se nosse Deum, factis autem negant, quum sint abominati et reprobii. Dicitur autem Christus solus Dominator et Dominus, in quantum Deus, non quod Pater, et consimiliter Spiritus Sanctus, non sint Dominator et Dominus, sed quoniam Pater et Filius et Spiritus Sanctus sunt unus Dominator et Dominus, sicut sunt unus Creator et unus Deus, propter unitatem et identitatem naturæ in tribus Personis. Unde in tali propositione ista vox, Solus, excludit aliud seu diversum, non alterum seu alium. Pater autem et Spiritus Sanctus non sunt diversum aut aliud a Filio, quamvis unusquisque eorum sit a Filio alter seu alius, alia scilicet persona. Præ-

Tit. i, 16.

terea, qualiter dictio exclusiva possit ad-
di in divinis ex parte subjecti, et quo-
modo ex parte prædicati, et qualiter trino
essentiali cum prædicamento personali,
qualiter etiam econverso, primo Senten-
tiarum, distinctione 21, discutitur. Per
verba vero hæc præinducta, sanctus apo-
stolus Judas Christi divinitatem clare fa-
tetur : quod item facit per verba textus
sequentia.

Hinc Christus est Dominator de quo
cantat Ecclesia : Ecce advenit Dominator
Dominus, et regnum in manu ejus, et po-
testas et imperium. De quo Daniel ait :
Adspiciebam in visione noctis, et ecce in
nubibus cœli quasi Filius hominis veni-
ebat, et usque ad Antiquum dierum per-
venit ; et dedit ei potestatem, et hono-
rem, et regnum ; et omnes populi, tribus
et linguæ servient ei ; potestas ejus pote-
stas æterna, quæ non auferetur, et re-
gnum ejus, quod non corrumpetur. In
quibus verbis personalis distinctio Patris
et Filii, et duplex Christi natura, divina
scilicet et humana, unitasque personæ,
evidenter tanguntur. De quo etiam ait
Psalmista : Dominabitur a mari usque ad
mare, et a flumine usque ad terminos or-
bis terrarum ; et adorabunt eum omnes
reges, omnes gentes servient ei ; sit no-
men ejus benedictum in sæcula, ante so-
lem permanet nomen ejus. In quibus uti-
que verbis idem ostenditur.

5 *Commonere autem vos volo, scientes
semel omnia* : id est, ad eorum quæ sci-
tis memoriam revocare, et ad eorum fru-
ctuosam attentionem incitare vos volo ; D
scientes semel omnia, id est, qui ex pri-
mordiali vestra informatione scitis omnia
quæ sunt fidei, atque necessaria sunt sa-
luti : idcirco non indigetis de hoc noviter
informari, sed plenius instrui, exhortari,
atque ad actualem recordationem eorum
quæ habitualiter scitis reduci : sicut et
Paulus ait, Tanquam in memoriam vos
reducens. *Quoniam Jesus populum suum
de terra Ægypti salvans*, id est, filios
Israel per Moysen de terra et servitute

A Ægyptiaca liberans : quod verificatur de
Jesu secundum suam divinam naturam ac
omnipotentiam, et prout supponit incre-
atam hypostasim seu personam, secun-
dum quam Jesus est Deus æternus ubi-
que præsens, et omnia implens. Qui ait :
Antequam Abraham fieret, ego sum. Qui
etiam Nicodemum corporaliter ac præsen-
tialiter alloquens, dixit : Nemo ascendit
in cœlum, nisi qui descendit de cœlo, Fi-
lius hominis qui est in cœlo. Quamvis er-
go tempore Moysis Jesus nondum fuerat
homo, tamen persona Jesu tunc et æter-
naliter fuit. Idcirco ad commendandam
unitatem personæ utriusque naturæ in
Christo, ista dicuntur. *Secundo eos qui
non crediderunt, perdidit*, id est, altera
vice post illam educationem, incredulos et
rebelles filios Israel in deserto prostravit,
et variis plagis peremit, ut patet in li-
bris Exodi et Numerorum. Eos quoque
qui in sua percussione non pœnituerunt,
in æternum damnavit. Nec obstat illud
Nahum, Non consurget duplex tribulatio :
ubi Septuaginta transtulerunt, Non vindi-
cabit Dominus bis in id ipsum. Hoc enim
intelligitur, quando una tribulatio est pœ-
na peccati sufficiens, et quando tribula-
tus suam recognoscit culpam ac pœnitet,
prout hoc in Decreto plene exponitur.

Porro de expositione verbi hujus Judæ
apostoli, dictum est plenius super illud
Petri : Novit Dominus pios de tentatione
eripere. Quemadmodum ergo Christus fi-
lios Israel, quos primo de Ægypto rede-
mit, et per mare Rubrum deduxit, quum
clamassent ad eum, postea incredulos et
rebelles perdidit ; ita et nunc eos quos
regeneravit Baptismate, si non permanse-
rint in fidei sinceritate et evangelicæ legis
observatione, debite puniet. Et hoc con-
sequenter probatur exemplo dejectionis
angelorum peccantium.

*Angelos vero qui non servaverunt su-
um principatum*, id est, in choro seu or-
dine suo quo conditi erant et constituti,
non manserunt stantes, sed dereliquerunt
suum domicilium, id est mansionem cœ-

Joann. viii,
58.

Ibid. iii, 13.

Exod.
xxxii, 28 ;
Num. xi, 33 ;
xiv, xvi, xxi,
xxv.

Nahum i,
9.

II Petr. ii, 9.

Exod. xiv.

6

Dan. vii, 13,
14.

Ps. lxxi, 8,
11, 17.

Rom. xv, 15.

Exod. xiii,
xiv.

lestem seu cœli empyrei locum, *in judi-*
cium magni Dei vinculis æternis sub cali-
gine reservavit. Ordo verborum est : Jesus
 angelos illos reservavit sub caligine, id
 est in aere caliginoso, in judicium magni
 Dei, id est usque ad diem generalis ju-
 dicii, in quo Deus Trinitas judicabit per
 principalem auctoritatem. Christus vero
 secundum naturam assumptam, faciet ju-
 dicii executionem per ministerialem po-
 testatem, quia per ipsum Deus altissimus
 judicabit, secundum illud Actuum : Deus
 judicaturus est orbem in æquitate, in viro
 quem statuit. Porro quod ait, Vinculis
 æternis, referri potest ad verbum, Reser-
 vavit, in habitudine ablativi casus : ut
 sit sensus, quod reservavit eos perpetua
 obligatione reatus vinctos et compeditos,
 juxta illud Proverbiorum, Iniquitates suæ
 capient impium, et funibus peccatorum
 suorum constringetur. Potest quoque re-
 ferri ad verbum, Reservavit, in habitu-
 dine casus dativi : eritque sensus, quod
 reservavit eos perpetuæ reclusioni, com-
 pedibusque inferni, de quibus Christus
 in Evangelio, Ligatis (inquit) manibus et
 pedibus, mittite eum in tenebras exte-
 riores. Unde in Isaia habetur : In illa die
 visitabit Dominus super militiam cœli ; et
 congregabuntur in congregatione unius fa-
 scis in lacum ; et cludentur ibi in car-
 cere. De hac re plenius dictum est super
 illud Petri, Si Deus angelis peccantibus
 non pepercit : ubi hæc eadem continetur
 sententia.

Deinde ponitur tertium exemplum ad
 idem probandum. *Sicut Sodoma et Go-*
morrha et finitimæ, id est eis propinquæ,
civitates, videlicet Adama, Seboim, Segor,
simili modo exfornicatæ, id est easdem
 luxurias cum Sodomitis exercentes, *et ab-*
euntes post carnem alteram, id est vitium
 contra naturam sequentes, quod agebant
 cum carne altera quam natura requirit et
 auctor naturæ instituit, masculis in ma-
 sculos, et feminis in feminas turpitudi-
 nem operantibus ; *facti sunt exemplum*
ignis æterni, pœnam sustinentes, id est,

prædicti Sodomitæ, etc., sustinentes pœ-
 nam ignis et sulfuris in Genesi descri-
 ptam, facti sunt exemplum ignis æterni, id
 est, figura seu typus facti sunt perpetuæ
 damnationis ac infernalis incendii, quæ
 per illorum punitionem sunt præsignata.
 Et istud in secunda Petri habetur, pleni-
 usque est elucidatum.

Similiter et hi carnem quidem macu-
lant, id est, præfati hæretici et seductores
 lascivi, corpora sua diversis luxuriæ fœ-
 ditatibus inquinant : per quod Sodomitis
 assimilantur ; *dominationem autem sper-*
nunt, id est, sanctis Apostolis, summis
 Ecclesiæ prælatis, obedire et consentire
 contemnunt : propter quod conformantur
 apostatis angelis, Deo subesse negligentibus,
 quales sunt subditi impii ac rebel-
 les, suis superioribus recalcitrantes ; *maje-*
statem autem blasphemant, id est, Christi
 deitatem ac omnipotentiam negant, seu
 aliis modis enormiter inhonorant : quod
 quam grave sit scelus, consequenter pro-
 batur.

Quum Michael archangelus cum dia-
bolo disputans, altercaretur de Moysis
corpore, non est ausus judicium inferre
blasphemiam, sed dixit : Imperet tibi Do-
minus. Circa hoc loquitur Beda : De qui-
 bus scripturis Judas hoc testimonium as-
 sumpserit, non facile patet ; et rursus,
 quando de Moysis corpore contentionem
 cum diabolo Michael habuerit, incertum
 est. Sed quidquid sit de hoc, ad creden-
 dum sic contigisse, sufficit sancti Apostoli
 hujus auctoritas, qui ex Spiritu Sancto
 hæc scripsit. Nec oportuit eum istud de
 Scripturis assumere, quia non omnia scri-
 pta sunt : sicut et Paulus in Actibus ait,
 Oportet meminisse verbi Domini Jesu, Bea-
 tius est dare quam accipere : quod a nullo
 Evangelistarum scriptum est. Probabili-
 ter ergo tenendum est, quod altercatio
 ista inter archangelum Michaellem et dia-
 bolum contigit Moyse sepulto : cujus se-
 pulcrum voluit Deus esse et manere igno-
 tum, ne filii Israel ad idololatriam proni,
 illud effoderent, et divinis honorarent

Act. xvii,
31.

Prov. x, 22

Matth. xxii,
13.

Is. xxiv, 21,
22.

II Petr. ii,
4.

Gen. xix,
24, 25; Deut.
xxix, 23.

II Petr. ii, 6.

8

9

Act. xx, 35.

honoribus, seu adorarent. Quod eos fa-
Nun. xxi, 9. cturos fuisse inde potest ostendi, quod
IV Reg. xviii, 4. serpenti æneo a Moyse facto adolebant in-
 censum usque ad tempus Ezechiae regis,
 qui serpentem illum confregit, ut quarto
 Regum habetur.

Est igitur sensus : *Quum Michael ar-*
changelus cum diabolo disputans, id est
 contra diabolum rationabiliter loquens, *al-*
tercaretur, id est, dissentiret a diabolo, *de*
Moyse corpore : quoniam tanquam prin-
 ceptus Synagogæ voluit corpus illud manere
 absconditum, ne plebs sibi commissa pec-
 caret, diabolus vero voluit illud manife-
 stare Judæis, quatenus superstitione ipsum
 venerarentur seu adorarent; *non est au-*
sus, id est, non voluit, *judicium inferre*
blasphemiae, id est, indecentem aut de-
 rogatoriam divino honori increpationem
 diabolo facere : et hoc, propter naturam
 diaboli bonam, in qua Dei similitudo re-
 splendet : propter quod secundum se con-
 temnenda non fuit; *sed dixit* diabolo, *Im-*
peret tibi Dominus, id est, modesto verbo
 coercuit dæmonem, dicens : Jubeat tibi
 Dominus, ut nec possis, nec audeas cor-
 pus Moysis manifestare. Sic et angelus
 apud Zachariam legitur dixisse diabolo
 adversanti Jesu sacerdoti filio Josedec :
Zach. iii, 2. Increpet Dominus in te, Satan, et increpet
 Dominus in te. Ex quibus patet, quod
 Christo inferre blasphemiam sit incom-
 parabiliter gravius, in quantum ipse est
 Deus.

Dicitur autem Michael archangelus, non
 quia de choro sit Archangelorum, qui cho-
 rus in infima hierarchia angelica est me-
 dius, quum sit de ordine Principatuum
Dan. xii, 1. (unde in Daniele vocatur princeps ma-
 gnus, et nunc præest militanti Ecclesiae,

A sicut tunc Synagogæ); sed archangelus
 appellatur, quantum ad nominis inter-
 pretationem communem, quasi princeps
 angelicus seu inter angelos plurimos prin-
 cipalis. Nam, sicut angeli uno modo di-
 cuntur omnes angelici spiritus, alio modo
 soli spiritus de infimo choro; ita archan-
 geli uno modo dicuntur omnes angeli or-
 dinum superiorum, alio modo soli spi-
 ritus de medio ordine infimæ angelicæ
 hierarchiæ.

Hi autem quæcumque quidem ignorant,
 B *blasphemant*, id est, præfati seductores hæ-
 retici incomprehensibilia fidei, quæ intel-
 ligere nequeunt, negant et inhonorant, ut
 quod Deus est unus et trinus, quod Chri-
 stus est Deus et homo. *Quæcumque autem*
naturaliter, tanquam bruta animalia, no-
runt, id est, quæ sensitiva cognitione bru-
 tis conveniente agnoscunt, et sibi quasi
 delectabilia apprehendunt, *in his corrup-*
puntur, id est, talibus male utuntur, et
 in eis damnabiliter delectantur, eisque in-
 ordinate, et magis quam summo bono, ad-
 hærent : quod totum est spiritualis cor-
 ruptio, læsio, divisio, imo interitio animæ,
 juxta illud in Psalmo, Corrupti sunt, et
 abominabiles facti sunt in iniquitatibus;
 et illud Osee, Divisum est cor eorum, nunc
 interibunt. Isti sunt bestiis similes, quo-
 niam instar brutorum, temporalia, sensi-
 bilia et terrena, ad spiritualia et divina
 non referunt, sed eis propter se inhærent,
 in quantum aliquid habent delectabilita-
 tis, utilitatis, sive decoris, per quæ fiunt
 amabilia istis carnalibus ac perversis ho-
 minibus. Unde Sapiens dicit : Creaturæ
 factæ sunt in tentationem animæ homi-
 num, et in muscipulam ac laqueum pedi-
 bus insipientium.

40

Ps. lxx, 2.

Osee x, 2.

Sap. xiv,
11.

ARTICULUS II

ELUCIDATIO CAPITULI SECUNDI : VÆ ILLIS QUI IN VIA CAIN ABIERUNT.

EODEM fervore quo beatissimi apostoli A Petrus et Joannes contra insurgentes hæresiarchas ac deceptores carnales et fictos scripserunt, etiam gloriosus iste apostolus Judas contra eosdem scripsit. Contra quos consequenter subjungit :

11 Væ æternæ damnationis debetur et im-
Gen. iv, 3 et seq. minet illis qui in via Cain abierunt, id est, invidiam Cain sequentes, recesserunt

Num. xxii-xxiii; xxxi, 16. mente a Deo, et errore Balaam mercede effusi sunt, id est, ex deceptione qua Balaam ariolus fuit deceptus, cupiditate ad vitia diversa sunt fusi, seu corde extenti; B

Thren. ii, 19. Effusi sunt, id est, gratiarum charismata perdiderunt, evacuati corde ab illis. Hæc est vitiosa effusio. Est autem et virtuosa effusio, qua homo cordis sui pia desideria offert Deo, et anxietates ac gemitus suos exponit et recitat coram eo, juxta illud Threnorum : Effunde sicut aquam cor tuum ante conspectum Domini Dei tui. Porro, omne peccatum voluntatis, venit ex errore aliquo intellectus, hoc est ex aliqua inconsideratione, inadvertentia, falsa opinione, hæretica pravitate, infidelitate, similive radice. Idcirco notanter ac subtiliter loquitur S. Judas : Errore Balaam mercede effusi sunt. Error vero intellectus Balaam, fuit inconsideratio distractionis divini judicii, et vitium superstitionis. Nam fuit ariolus auguriisque intentus, prout in Numeris habetur. Ex quibus erroribus ad vitiosum temporalium rerum amorem dilapsus est; voluitque maledicere populo Dei. Et inde a Deo prohibitus, dedit regi Balac consilium superpravissimum contra populum illum, D

Num. xxii, 5. ut scilicet per mulieres Madianitas traherentur ad idololatrias ac adulteria. — Væ etiam illis qui et in contradictione Core

perierunt, qui rebellionem ipsius sequentes, ad ambitionem dilapsi sunt, jamque perierunt in anima, et æterna damnatione meruerunt perire.

Omnium horum scelera præfati hæretici sunt secuti : quia ex invidia sanctos Apostolos et eorum coadjutores persequebantur; et propter carnalia commoda induxerunt dogmata nova, quibus plurimos deceperunt; desiderio quoque primatus se contra Apostolos erexerunt. Insuper viam Cain sequuntur invidi, viam Balaam avari, viam Core ambitiosi, inobedientes, superbi, præsumptuosi.

12 *Hi sunt in epulis suis maculæ*, id est, prædicti hæretici et perversi, in suis epulationibus tam immoderate se habent, ut non solum maculati, sed et maculæ merito nuncupentur, præsertim quia non solum se ipsos contaminant, sed et alios quos ad vitia trahunt, commaculant. Juxta quem modum Paulus scribit Ephesiis : Eratis aliquando tenebræ, nunc autem lux Ephes. v, 8. in Domino. *Convivantes sine timore*, id est, absque formidine offensionis divinæ crapulose viventes, ideoque comedendo graviter excedentes : quoniam timor Domini retrahit hominem a peccato, quemadmodum in Proverbiis legitur : Per timorem Prov. xv, 27. declinat omnis a malo; et in Ecclesiastico, Timor Domini expellit peccatum. Ecclesi. i, 27. Idcirco qui sine timore Dei manducat, aut aliud quidpiam agit, multas incidit culpas. Specialiter quoque indiget homo timore Dei in comedendo, quia in comestione sunt variæ occasiones peccandi, quas absque timore Domini homo non vitat. Ex quo duo eliciuntur. Primum est, ut cum Dei timore sumamus cibum et potum, quemadmodum in libro Tobiae asse-

Tob. ix, 12. ritur : Cum timore Domini celebraverunt A nuptiarum convivium. Secundum est, ut in omni quod agimus, Dei præsentiam atque judicium perpendamus, sicque universis actibus nostris timorem Domini
Eccli. i, 22. superponamus. Hinc timor Dei vocatur corona justitiæ. Et sanctus Job ait : Verebar omnia opera mea, sciens quod non parceres delinquenti. In Ecclesiastico quoque
Eccli. i, 28. conscriptum est : Qui sine timore est, justificari non potest; et, Sapiens in omnibus metuit. [*Semetipsos pascentes.*]

Nubes sine aqua : id est, quemadmodum B virtuosus prædicatores nubibus comparantur, quoniam verba sapientiæ pluunt, virtutibus fulgent, ad sublimia per contemplationem levantur, et conversationem habent in cœlis (de quibus per Isaiam loquitur Spiritus Sanctus : Qui sunt isti qui ut nubes volant? et rursus, Mandabo, inquit, nubibus meis ne pluant super eam imbrem; atque in Psalmo, Veritas tua usque ad nubes); sic isti hæretici et seductores, nubes sine aqua sapientiæ salutaris vocantur, quoniam audientium corda salubri doctrina non rigant; quæ a ventis circumferuntur, quoniam instar levium nubium, a malignis spiritibus et elationum vanitatumque motibus impelluntur. Contra quod Paulus hortatur : Non circumferamini omni vento doctrinæ.
Ephe. iv, 14.

Arbores autumnales : nam sicut arbores in autumnno folia habent, non fructus, præsertim in terra promissionis; sic isti apparentiam tantum habent, non existentiam, virtutum virtuosorumque actuum. Ideo subditur : *infructuosæ*, quoniam bona quæ exercere videntur, non sunt vere fructus virtutum; *bis mortuæ* : quia propter peccata omissionis sunt mortui uno modo, juxta illud, Omnis arbor quæ non facit fructum bonum, excidetur, et in ignem mittetur; et propter peccata commissionis sunt mortui alio modo, quum dicat Apostolus, Vidua quæ in deliciis vivit, vivens mortua est. Fuerunt etiam semel mortui vitiis ante Baptismum, et altera vice, recidivando atque in hæresim

ruendo post Baptismum. *Eradicatae* ab unitate Ecclesiæ, ac individua caritate. De quibus secundo Regum loquitur David : Prævaricatores quasi spinæ evellentur. Et Paulus ad Romanos : Propter infidelitatem excisi sunt. Econtra ait de justis : In caritate radicati et fundati.

II Reg.
xxiii, 6.
Rom. xi, 20.
Ephe. iii, 17.

Fluctus feri maris, id est similes fluctibus maris amari et ferocis seu turbulentis : quod dicitur ferum, non quasi mala sit ejus natura, sed propter suum effectum, quoniam multi in eo merguntur, aut tribulantur ac spoliuntur, suntque diversa ejus pericula. Hujusmodi maris fluctibus isti per suam inquietudinem amaritudinemque consimiles sunt, quoniam alios inquietant, et pacem turbant Ecclesiæ, plurimosque amaricant. Hinc in Isaia legitur : Impii quasi mare fervens, quod quiescere non potest. *Despumantes suas confusiones*, id est, confusibiles suos errores ad infernalem confusionem trahentes, per modum spumæ diffundentes et multiplicantes. Sicque B. Judas servat metaphoram, quia marini fluctus spumant.

13

Is. lvii, 20.

Sidera errantia. Sidera errantia dicuntur stellæ non fixæ, utpote septem planetæ, quæ præter motum orbium suorum proprios habent motus, atque quotidie in alio loco quam pridie oriuntur et occidunt, habentque motus varios et incertos. Quibus comparantur præfati hæretici et iniqui, quoniam per errores et vitia fluctuant, nec in uniformi stant regula veritatis, nec in Ecclesia quasi in orbe figuntur, sed proprios habent motus erroris intellectus ac impiæ voluntatis, irrefrenatæque sensualitatis. Quibus competit illud in Psalmo : In circuitu impii ambulant; et iterum : Deus meus, pone illos ut rotam. Quod item fertur in Isaia : Deus miscuit in medio ejus spiritum vertiginis. *Quibus procella tenebrarum*, id est tempestas infernalis caliginis, *conservata est in æternum* : quia ut ait Salvator, mittentur in tenebras exteriores. De quibus Psalmista : Ignis, inquit, sulfur et spiritus procellarum, pars calicis eorum.

Ps. xi, 9.
Ps. lxxxii, 14.
Is. xix, 14.
Matth viii, 12.
Ps. x, 7.

- Consequenter dicto prophetico probat A
 14 quod dixit. *Prophetavit autem de his septimus ab Adam Enoch*, qui septimus fuit ab Adam, eis pariter computatis, ut patet in Genesi. Unde in exordio primi Paralipomenon libri legitur : Adam, Seth, Enos, Cainan, Malaleel, Jared, Enoch. *Ecce venit Dominus in sanctis millibus suis*
 15 *facere judicium*, id est, Dei Filius, Deus veraciter incarnatus, in natura assumpta in fine mundi venturus est inter omnium angelorum supernorumque civium agmina facere judicium, juxta illud Isaïæ : B
Is. iii, 14. Dominus ad judicium veniet cum senibus populi sui, et principibus ejus ; *contra omnes* : non penitus contra omnes, sed contra reprobos universos. Propter quod expositorie subditur : *et arguere omnes impios* qui non pœnituerunt, nec decesserunt in gratia ab hac vita, *de omnibus operibus impietatis eorum, quibus impie egerunt*, videlicet contra Dei legem et cultum, *et de omnibus duris quæ locuti sunt contra Deum*, id est contra Dei præcepta seu monita, vel directe contra Deum, false loquendo de eo, aut irreverenter, *peccatores impii*. Imo de omni verbo otioso reddenda est in die judicii ratio, atque de omni cogitatione mala affectioneque prava, et omissione culpabili, quoniam immensa Dei justitia nil indiscussum, nil irremuneratum relinquet.
 Circa hunc locum scribit Beda : Scien-
 dum quod liber Enoch, de quo verba hæc Judas sumpsit, inter apocrypha ab Ecclesia reputatur, non quia dicta tanti Patriarchæ abjicienda sint, sed quoniam liber D
 ille, non ab Enoch, sed ab alio sub nomine ejus, scriptus videtur. Si enim scriptus esset ab Enoch, non contineret contraria fidei sanæ. Nunc autem quoniam multa incredibilia continet (ex quibus est illud, quod gigantes non habuerunt homines, sed angelos, patres), sapientibus constat librum illum non vere ab Enoch compositum. Propter quod ista Judæ epistola, quia de libro apocrypho testimonium sumpsit, primis temporibus a plerisque
 A rejiciebatur. Nunc tamen auctoritate, vetustate et usu meruit inter sanctas computari Scripturas, maxime quoniam tale testimonium de apocrypho Judas assumpsit, quod non apocryphum, sed vera est luce perspicuum. Hæc Beda. Verumtamen, si bene pensemus, non videtur sanctus iste Apostolus Spiritu Sancto repletus, librum Enoch apocryphum, sed verissima verba Enoch patriarchæ allegare. Quæ verba assumpsit, non quia in libro continentur apocrypho, sed quoniam Deo revelante, scivit ea ab Enoch esse prolata : sicut et Moyses aliqua verba Abrahæ recitat, quæ Deo revelante noverat ab Abraham esse pronuntiata.
 Hi, scilicet prædicti hæretici, seductores, carnales et ficti, sunt murmuratores contra divina judicia, et contra veros prædicatores, querulosi, id est impatientes : 16
 ideo quando non prospere eis successit, sed tangebantur adversis, murmurabant et conquerebantur, ac suas indigentias exposuerunt his quos decipiebant, ut ab eis temporalia extorquerent. *Secundum desideria sua ambulantes*, proprias affectiones sequendo, carnaliterque vivendo. De quibus loquitur Paulus : Multi ambulant
 quos sæpe dicebam vobis, nunc autem et flens dico, inimicos crucis Christi, quorum Deus venter est, etc. *Et os illorum loquitur superbiam*, quoniam jactant et laudant se ipsos, quum sint magni in oculis suis. Quibus Isaïas ait : Væ qui sapientes estis in oculis vestris. *Mirantes*, id est, magnifice extollentes seu commendantes, *personas*, potissime divites ac potentes, *quæstus causa*, id est desiderio seu intentione proprii lucri seu commodi : quia ob hoc divitibus blandiebantur, ut plura ab eis acquirerent. De quibus in Isaia scriptum est : Popule meus, qui te
 beatum dicunt, ipsi te decipiunt, et viam gressuum tuorum dissipant.
 Tales erant et pseudoprophetæ in veteri Testamento : contra quos in Jeremia, Michæa, aliisque Prophetis multa scribuntur. Contra quos Ezechiel vaticinatur : Væ
 Philipp. iii, 18, 19.
 Is. v, 21.
 Ibid. iii, 12.
 Ezech. xiii, 18.

qui consuunt pulvillos sub omni cubito, etc. Quorum impietatem nunc usque multi avari, carnales, injusti sacerdotes, prælati, prædicatores, ac alii imitantur, non Dei honorem, nec animarum salutem, sed propria commoda vitiosissime exquirentes : in quibus regnat affectio commodi, non honesti, amorque sui, non amor Dei.

Philipp. u.
21.

De quibus Paulus : Omnes, ait, quæ sua sunt quærunt, non quæ Jesu Christi. — Denique, tanto quis amplius murmurat atque conqueritur de præsentibus vitæ laboribus, quanto minus in se exstinxit desideria carnis. Qui vero spiritualibus desideriis sunt accensi, quanto diligentius sola superna desiderant, tanto libentius transitoria cuncta, adversa, paupertatemque tolerant. De prætactis vero quæstus causa personas mirantibus, loquitur Paulus ad Timotheum : Homines mente corrupti, qui veritate privati sunt, existimantes quæstum esse pietatem. Et sicut ibidem subjungitur, Quæstus magnus (id est spiritualis et verus) est pietas cum sufficientia.

1 Tim. vi. 5.

Ibid. 6.

17 *Vos autem, carissimi, memores estote verborum quæ prædicta sunt ab Apostolis Domini nostri Jesu Christi.* Ecce quam humiliter loquitur sanctus iste Apostolus, quasi unus Apostolorum non exstisset.

18 *Qui dicebant vobis, quoniam in novissimis diebus, præsertim tempore Antichristi, venient illusores,* id est deceptores simplicium, per fictam religiositatem ac aliis modis illudentes : de quibus in Proverbiis fertur, Illusores Deus deludet ; *secundum*

Prov. iii. 34.

desideria sua ambulantes in impietatibus, id est juxta propria vota viventes, quæ sunt affectiones impietatum, a vero Dei cultu impediētes, de quo juxta antiquam translationem in Job asseritur : Ecce cultus Dei ipsa est pietas. Tales vero ab initio primitivæ Ecclesiæ cœperunt venire. Ideo subditur :

Job xxviii.
28.

19 *Hi sunt qui segregant semetipsos ab ecclesiastica unitate, et devotorum fratrum communione.* Cui contrarium ad Hebræos scribitur : Consideremus invicem

Hebr. x. 24.
25.

A in provocationem caritatis et bonorum operum, non deserentes collectionem nostram, sicut est consuetudinis quibusdam. *Animales,* id est sensuales, carnalitatem sectantes, *spiritum non habentes,* id est caritatem et gratiam Spiritus Sancti, per quam fideles uniuntur in mystico corpore Ecclesiæ, et in Christo ejus capite : idcirco non sapiunt quæ Dei sunt. Tales sunt homines immansueti, pertinaces, indociles, in quibus vitium regnat singularitatis, qui plerumque se reputant aliis spiritualiores, et novitates inducunt. Contra quod ad Philippenses affectuosissime Vas electionis hortatur : Si qua consolatio in Christo, si quod solatium caritatis, implete gaudium meum, ut idem sapiatis, unanimes, id ipsum sentientes.

Philipp. u.
1, 2.

Vos autem, carissimi, superædificantes vosmetipsos sanctissimæ vestræ fidei, id est, vos ipsos in fide catholica per virtuosa exercitia stabilite, et fidei fundamento jugiter inhærete. Dicitur autem fides christiana sanctissima, quum sit supernaturalis radius increatæ veritatis, de supersanctissimo Deo uno ac trino, incarnationeque Verbi mentem illustrans. *In Spiritu Sancto orantes,* id est, vere salubria cum attentione fervida, prece assidua, postulantes secundum instinctum, directionem et inflammationem Spiritus Sancti : juxta illud ad Corinthios, Orabo spiritu, orabo et mente. Idcirco ait Salvator : Veri adoratores adorabunt Patrem in spiritu et veritate ; Spiritus est Deus, et eos qui adorant eum, in spiritu et veritate oportet adorare. Quo constat, quod qui absque attentione et diligentia orat, non proprie orat, quum oratio sit ascensus mentis in Deum, ut asserit Damascenus.

20

1 Cor. xiv.
15.

Joann. iv.
23, 24.

Vosmetipsos in dilectione Dei servate, id est, divina præcepta implete, opera caritatis continuate, corda vestra per ardentes affectus ad Deum frequenter erigite. Nempe per hæc caritas Dei conservatur, nutritur, perficitur. Si autem quis negligens sit, et loco ac tempore opportuno actus

21

caritatis non faciat, caritatem amittit; A multoque plus meretur ea privari, si aliquid caritati contrarium operetur. Hinc ad Colossenses dicitur: Super omnia caritatem habete. *Expectantes misericordiam Domini nostri Jesu Christi*, id est, gratiosum Christi auxilium, ejus piissimam conservationem indesinentem, et finem salubrem, incessabiliter præstolantes ac invocantes, *in vitam æternam*, id est, ut per hoc perpetuam obtineatis felicitatem.

22 *Et hos quidem arguite judicatos*, id est, hæreticos obstinatos, qui ob suam infidelitatem jam judicati dicuntur, secundum illud, Qui non credit, jam judicatus est: hos, inquam, arguite, id est redarguite, eorum ostendendo errorem, ne decipiant alios, vel eos præsentia liter increpando ac informando, si aliqua de eorum reductione spes habeatur; observando tamen quod loquitur Paulus: Hæreticum hominem post unam et secundam correctionem devita, sciens quia subversus est qui hujusmodi est, et delinquit, proprio judicio condemnatus. *Illos vero saluate*, C id est, peccatores non obstinatos hortando, exemplariter conversando, orando, ad viam salutis reducite, *de igne rapientes*, id est, de fervore libidinis, aliorumque vitiorum fervore eos avertentes, atque per hoc ab infernali incendio quod meruerunt, eos eripientes: quia ut dicit Jacobus, Qui converti fecerit peccatorem ab errore viæ suæ, salvabit animam ejus a morte. *Aliis autem miseremini*, id est, quos convertere non potestis, eis condolete, et orate pro illis. *In timore*: id est, D cum Dei timore hæc omnia agite, non præsumentes de viribus vestris, neque inaniter gloriantes, sed de proprio periculo formidolosi ac providi: juxta illud

ad Corinthios, Qui se existimat stare, videat ne cadat; atque ad Galatas: Si præoccupatus fuerit homo in aliquo delicto, vos qui spirituales estis, hujusmodi instruite in spiritu lenitatis, considerans te ipsum, ne et tu tenteris.

Odientes eam, quæ carnalis est, macu-

latam tunicam. Per maculatam tunicam et carnalem, intelligi potest conversatio prava, qua peccator se operit. De qua Sponsa ait in Canticis: Exui tunicam meam, quomodo induar illam? Hæc tunica absolute est odienda, quum sit malum culpæ, de quo loquitur Paulus: Odientes malum. Potest quoque per tunicam istam intelligi corpus istud mortale, variis culpis fœdatum, quum exhibitum fuit arma iniquitatis peccato: quod est quasi quoddam animæ indumentum. Estque odendum: Primo, quantum ad hoc quod est maculatum, ut malum culpæ odio habeatur, et exstinguatur in eo, secundum illud ad Romanos: Non regnet peccatum in vestro mortali corpore. Secundo, ut corpus salubriter castigetur ac edometur, quasi odio habeatur: quod tamen ex caritate procedit. Propter quod loquitur Paulus: Castigo corpus meum et in servitutem redigo; itemque, Mortificate membra vestra quæ sunt super terram. Sic quippe et animam nostram debemus odire, Christo protestante: Qui odit animam suam in hoc mundo, in vitam æternam custodit eam. Non est autem corpus odiendum simpliciter, sed spiritualiter diligendum, quatenus futuræ glorificationis sit particeps. Unde ad Ephesios inducitur: Nemo unquam carnem suam odio habuit.

Ei autem qui potens est vos conservare sine peccato: Deus enim omnipotens potest nos a vitiis præservare, nec sine ejus ope et gratia possumus ea evadere; et *constituere ante conspectum gloriæ suæ*: id est coram gloriosa et adoranda præsentia sua, seu coram se ipso, *immaculatos in exultatione in adventu Domini nostri Jesu Christi*, id est in die judicii: ita quod tunc appareamus puri, et jucunditate repleti, stantes inter Sanctos a dextris Judicis summi: *soli Deo salvatori nostro*.

Hoc potest exponi de Patre æterno: qui qualiter solus Deus dicatur, prætactum est; qui est salvator per principalem auctoritatem et efficientiam; qui gratiam in præsentia, et gloriam in futuro, creando

Coloss. iii, 14.

Joann. iii, 18.

Tit. iii, 10, 11.

Jacob. i, 20.

I Cor. x, 12.

Galat. vi, 1.

Cant. v, 3.

Rom. xii, 9.

Ibid. vi, 13.

Ibid. 12.

I Cor. ix, 27.

Coloss. iii, 5.

Joann. xii, 25.

Ephes. v, 29.

24

25

vers. 4.

largitur. Potest quoque exponi, et melius, ut videtur, de tota superbenedicta Trinitate, quæ est unus, solus verusque Deus, et principalis salvator.

Huic igitur soli Deo *per Jesum Christum Dominum nostrum* : qui licet sit una in Trinitate persona, tamen secundum naturam assumptam, per ipsum quasi per mediatorem ministerialemque causam, honor et gloria Deo attribuuntur : in quantum per Christum hominem Deus Trinitas, et ipsemet secundum quod Deus, tot bona nobis exhibuit seu concessit, et tot bona per eundem Christum peracta sunt. Idcirco subjungitur : *gloria*, id est clara cum laude notitia sublimisque fama, *magnificentia*, id est magna seu præclara efficientia (de qua in Deuteronomio fertur : Magnificentia ejus discurrunt nubes), *imperium*, id est dominatio omnium

Deut.
xxxiii, 26.

A rerum, *et potestas*, id est auctoritas ac omnipotentia. Omnia (inquam) hæc per Christum Deo attribuantur, seu convenire noscantur, qui per Christum nos illustravit et docuit, et per eum magnifice egit nobiscum. Per Christum ergo Deo convenire noscantur, quantum est ex parte virtutis Dei, *ante omnia sæcula, et nunc, et in omnia sæcula sæculorum, Amen*, id est æternaliter, præsentialiter, et infinibiliter. Non quod ante omnia sæcula Deus creaturis actualiter imperavit, aut noscebatur ab eis, vel magnificentiam in ipsis exercuit, sed quoniam inerat ei virtus atque auctoritas summa ad omnia ista. Unde et dicitur æternus creator, non quod ab æterno creavit. Invariabilis vero in se et prorsus omnipotens, ipse est in se ipso, qui est super omnia Deus sublimis et benedictus. Amen.

ENARRATIO
IN ACTUS APOSTOLORUM

PROŒMIUM

BEATUS homo qui invenit sapientiam; et qui affluit prudentia. Prov. III, 13.

Quadripartito existente genere librorum veteris Testamenti, quadripartitum quoque est genus librorum novi Testamenti seu evangelicæ legis. Librorum etenim veteris Testamenti alii sunt legales, in quibus lex Dei per Moysen tradita, est digesta, ut Moysis Pentateuchus; alii sunt historiales, ut liber Josue et Judicum, Regum et Paralipomenon; alii vero sunt prophetales, ut constat; alii autem sapientiales, sicut Proverbia. Pariformiter in novo Testamento, libri legales sunt quatuor Evangelia; sapientiales, Epistolæ Apostolorum; prophetalis est Apocalypsis; historialis vero est liber Actuum Apostolorum, nunc Deo agente elucidandus.

Porro evangelicam Christi doctrinam a sacratissimis Evangelistis descriptam, omni sapientia præfulgere certissimum est fidei. Quamvis autem hæc ipsa sapientia in Evangeliiis multum compendiose et clare inveniatur conscripta, nihilo minus per ceteras novi Testamenti Scripturas clarius elucidatur, et firma probatur. Et in Epistolis quidem Apostolorum, potissimum Pauli, fit hoc per allegationes Scripturarum veteris Testamenti, et per moralia documenta. In Actibus vero Apostolorum fit hoc per miraculorum recitationem, quibus christianæ fidei veritas divinitus data ostenditur, per allegationes quoque nonnunquam Scripturarum, ac documenta moralia. Denique intuitibus processum libri Apocalypsis clarissime liquet, eodem spiritu locutos veteris legis beatissimos vates, et evangelicæ legis prophetam sanctum evangelistam Joannem, qui in Apocalypsi sua, non sensibus tantum, sed et verbis quoque et modo loquendi et procedendi, veteris Testamenti Prophetis invenitur conformis, præsertim Isaïæ, Ezechieli, et Zachariæ, quemadmodum in expositione Apocalypsis propriis locis monstravi.

Insuper, sapientia libri hujus nunc explanandi, multipliciter commendatur: Primo ac generaliter, ratione objecti, quia de Deo. Secundo, ratione auctoris, quia a sacrosancto Luca evangelista est editus liber iste. Tertio, ratione materiæ, quoniam apostolicos actus describit, imo in primis capitulis cum materia evangelicorum librorum coincidit. Nam primo capitulo de Christi ascensione, in secundo de Spiritus Sancti missione loquitur. Quarto, ratione formæ procedendi, quoniam evidenter, distincte, compendiose, imo magistralissime est procedens: sed et stilus ipse venustus est, et

Græcam eloquentiam resonat. Itaque utilissima prorsus est præsentis theoria voluminis atque historia ejus : in quo exordium et processus primitivæ Ecclesiæ seriatim describitur, et item catholica fides non mediocriter roboratur. Sed et liber ipse sententiosus et jucundus est valde. Propter quod pro illuminatione adorandi paracleti Spiritus Sancti in ejus expositione, singulariter ejusdem almi Pneumatis immensam clementiam ac supermunificentissimam bonitatem exoro, dicens ex corde : Veni, Sancte Spiritus, Et emitte cœlitus Lucis tuæ radium.

ENARRATIO IN ACTUS APOSTOLORUM

ARTICULUS PRIMUS

ENARRATIO PRIMI CAPITULI : PRIMUM QUIDEM SERMONEM FECI DE OMNIBUS, O THEOPHILE.

IN exordio libri hujus pandit se beatus Lucas esse præsentis conscriptorem voluminis, dum ad finem Evangelii a se descripti, se ipsum continuat, atque eidem viro cui evangelium scripsit, hunc quoque codicem scribere manifestat, dicendo : *Primum quidem*, videlicet in evangelico libro a me descripto, *sermonem feci de omnibus, o Theophile, quæ cœpit Jesus facere et docere*, id est de factis documentisque Christi : non quod universa gesta et dogmata Salvatoris ipse aut alius aliquis Evangelista in particulari per singula sit complexus. Nam et quod in hoc ipso volumine S. Paulus Christum protulisse commemorat, Oportet, inquit, inquit, memorem esse verbi Domini Jesu, quia beatus est magis dare quam accipere, nullus in evangelio suo recitat Evangelista. In Joanne quoque legitur, quia alia multa signa fecit Jesus, quæ si scribantur per singula, nec ipsum (ait) arbitror mundum posse capere eos, qui scribendi sunt, libros. Denique, quod innumerabilia particulariterque indescriptibilia fuerint Christi miracula, ex Evangelio certissime constat. Scriptum est enim, quod omnes male habentes curavit. Itemque : Circuibat Jesus omnes civitates, curans omnem languorem et omnem infirmitatem. In Matthæo quoque scriptum est, quod quum venisset in terram Genesar, viri loci illius miserunt in universam regionem illam, et obtulerunt ei omnes male habentes, et rogabant eum ut vel fimbriam vestimenti ejus tangerent; et quicumque tetigerunt, salvi facti sunt. Similiter scriptum est in Marco : Quocumque introibat Jesus, in vicos, vel in villas, aut in civitates, in plateis ponebant infirmos; et quotquot tangebant eum, salvi fiebant.

Itaque distributio ista qua dicitur, Sermonem feci de omnibus, intelligenda est de generibus singulorum, non de singulis generum. Siquidem de omnibus aliqua recitavit. Propter quod asserit Beda : De omnibus elegit unde faceret sermonem, quæ judicavit apta et congrua sufficere officio dispensationis suæ.

Pensandus quoque est ordo verborum in eo quod scriptum est, Quæ cœpit Jesus facere et docere : ita quod primo exorsus est operari, deinde quod fecit, edocuit. Quo multorum præsumptio atque audacia increpantur, qui proniores sunt docere quam discere, loqui quam audire; vel qui

NOTA. — Secuti sumus Colonienses editiones : s. t. n. ann. 1532, Petri Quentel 1533, item 1536, item 1545, heredum Joannis Quentel cum Gervino Calenio 1565.

ea quæ prædicant, facto non exsequuntur. In hoc enim ipso suis ipsi doctrinis detrahunt. Neque, quum aliis prælati sint, erubescunt vitiose et inexemplariter conversari coram his quibus præsumt aut verbum Dei annuntiant. Quibus id intue-
Jacob. i, 19. dum quod legitur apud Jacobum : Sit omnis homo velox ad audiendum, tardus autem ad loquendum. Denique, cujus vita despicitur, restat ut ejus prædicatio contemnatur. Imo bona docere et impie agere, quid aliud est quam se voce propria condemnare ? juxta illud Ecclesiastici : *Ecclesi. xxi, 30.* Dum maledicit impius diabolus, maledicit ipse animam suam. Et ad Romanos : *Rom. ii, 1.* Inexcusabilis es, o homo qui judicas : in quo enim alium judicas, te ipsum condemnas ; eadem enim agis. Præterea peccatori dixit Deus : *Ps. xlix, 16.* Quare tu enarras justitias meas ? Doctor ergo, prædicator et pastor unicum istum sequens magistrum, primo faciat quæ alios docet, ne proprio ore damnetur.

Postremo, Theophilum istum, cui et evangelium et præsentem librum Lucas conseripsit, quidam affirmant fuisse virum potentem, Achaïæ principem ; alii, episcopum quemdam. Theophilus autem interpretatur, Dei amator, seu, a Deo amatus. Itaque non solum huic personæ, sed et cunctis Deum amantibus, atque ab eo secundum prædestinationem æternam amatis, scriptus est liber iste, evangelicumque volumen.

Itaque, Scripsi de omnibus quæ cœpit
 2 Jesus facere et docere, *usque in diem quæ præcipiens Apostolis per Spiritum Sanctum quos elegit*, id est usque ad diem
Marc. xvi, 15. ascensionis, quo jussit Apostolis : Euntes in mundum universum, prædicate Evangelium omni creaturæ ; et quod infra habetur, Eritis mihi testes in Jerusalem, et in omni Judæa, et Galilæa, et Samaria, et usque ad ultimum terræ. Quod autem in evangelio suo Lucas usque ad dicta factaque Christi in die ascensionis, narrationem protraxerit, atque ibidem finierit, ex fine evangelii sui ostenditur. Quod ita fi-

nitur : Eduxit autem eos foras in Bethaniam, et elevatis manibus suis, benedixit eis. Et factum est, dum benediceret illis, recessit ab eis, et ferebatur in cœlum. Et ipsi adorantes, regressi sunt in Jerusalem cum gaudio magno ; et erant semper in templo, laudantes et benedicentes Deum. Quod autem Christus Apostolos ad gratiam apostolatus et prædicationis officium elegerit, Marcus sic refert : Ascendens in montem vocavit ad se quos voluit ipse ; et fecit ut essent duodecim cum illo, et ut mitteret eos prædicare Evangelium. Quibus et in Joanne profatur : Nonne ego vos duodecim elegi, et unus ex vobis diabolus est ? scilicet Judas traditor, quem certum est in die ascensionis defuisse, et loco ejus adfuisse Matthiam. Porro Christus secundum quod homo, in omnibus dirigebatur a Spiritu Sancto, imo a se ipso ut Deus, seu a tota superbeatissima Trinitate. Hæc tamen directio Spiritui Sancto magis adscribitur, sicut et cetera opera benignitatis, quoniam Spiritui Sancto bonitas, benignitas, dilectio, liberalitas appropriatur. Propter quod per Isaiam loquitur Christus ut homo : Spiritus Domini super me, eo quod unxerit me, ad annuntiandum mansuetis misit me.

Assumptus est, ipse Christus secundum naturam assumptam, de terra in cœlum, juxta id Marci : Et Dominus quidem Jesus postquam locutus est eis, assumptus est in cœlum, et sedet a dextris Dei. Assumptus est autem, quia divina virtute assumpsit, seu de terra in cœlum levavit, se ipsum : quod et per dotem agilitatis facere potuit, ita quod corpus ejus sua agilitate potuit se levare. Assumptio quoque hæc toti superbenedictæ Trinitati potest adscribi, quæ in cunctis effectibus, potissime Christi, principaliter operatur, cujus et opera sunt indivisa. Præterea assumptus est a nube præstante Domino suo obsequium, non ferente auxilium. Ab universa quoque cœlestis aulæ frequentia cum ingenti susceptus est gaudio, quum diceretur ad eos : Attollite portas, 9.

Luc. xxiv, 50-53.

Marc. iii, 13, 14.

Joann. vi, 71.

Is. lxi, 1.

Marc. xvi, 19.

Ps. xxiii, 7.

principes, vestras; et elevamini, portæ æternales; et introibit Rex gloriæ. Quod autem secundum divinitatem illocalem, incommutabilem, incircumscripibilem, cuncta implentem, immensam, non competat Christo locum mutare, ascendere sive descendere, certum est, sed secundum formam servi dumtaxat, per quam terram corporali reliquit præsentia, quemadmodum passione instante prædixit: Exivi a Patre, et veni in mundum; iterum relinquo mundum, et vado ad Patrem.

3 *Quibus et præbuit*, id est, visibiliter, audibiliter, tangibiliter monstravit, *se ipsum vivum* vita corporali humana, *post passionem suam*, videlicet statim post resurrectionem: siquidem surgens Jesus mane prima sabbati, eodem die cœpit apparere et loqui Apostolis aliisque credentibus; *in multis argumentis*. Argumentum tripliciter sumitur: Primo, ut est ratio rei dubiæ faciens fidem, id est certitudinem: sic enim in hac definitione sumitur fides. Et hoc modo quæ cadunt sub fide, argumenta non habent, quoniam ex principiis per se notis probari non queunt. Secundo, accipitur argumentum pro quocumque signo sensibili, ad veritatis declarationem inducto. Tertio, pro effectu hujuscemodi argumentorum, puta pro adhæsione qua mens veritati assentit. Sicque ad Hebræos sumitur, dicente Apostolo: Fides est sperandarum substantia rerum, argumentum non apparentium. Nunc autem argumentum secundo modo accipitur: ut sit sensus, quod Jesus per multa sensibilia signa et gesta seu opera, probavit se vere resuscitatum et resurrexisse.

Per dies quadraginta apparens eis, etsi non quotidie, tamen frequenter, et multo frequentius quam aliquis Evangelistarum, imo quam omnes simul describunt, quum Paulus multas referat factas ejus ad discipulos veras atque sensibiles apparitiones, a nullo illorum descriptas. Quomodo autem et quoties, ubi et quo ordine apparuerit eis, in Evangeliiis et verbis Pauli apostoli continetur. *Et loquens de re-*

gno Dei, id est de statu Ecclesiæ militantis ac triumphantis. De utroque enim regno inter hos dies ita locutus est, quomodo scilicet divulgandum esset Evangelium per totum orbem terrarum, et de miraculis per Apostolos exhibendis, de felicitate etiam patriæ Beatorum, quemadmodum Evangelistæ scribunt.

Et convescens, id est, cum discipulis suis Salvator manducans, *præcepit eis ab Jerosolymis ne discederent*. Frequenter Christus post resurrectionem suam cum discipulis legitur manducasse: Primo, cum duobus in castello Emmaus, juxta illud Lucæ: Factum est, dum recumberet cum illis, accepit panem, etc. Secundo, cum undecim Apostolis et præfatis duobus in cœnaculo seu conclavi Jerusalem, sicut in dicto Lucæ capitulo scriptum est. Et utraque manducatio hæc facta est in die Paschæ. Tertio, cum septem discipulis juxta mare Tiberiadis, ut habetur in Joanne. Quarto, coram undecim in die ascensionis, prout super Marcum dicunt expositores. Si ergo manducatio de qua nunc sermo, referatur ad eam quæ fuit in die ascensionis, sensus erit, quod die illo jussit Apostolis ne gratia prædicandi quoquam ab Jerusalem proficiscerentur, donec Spiritum Sanctum juxta promissum reciperent. Unde apud Lucam ait eisdem: Vos autem sedete in civitate, quoadusque induamini virtute ex alto. Si vero manducatio ista ad secundam seu tertiam referatur (ad primam enim proprie non refertur), poterit esse sensus, quod tunc præcepit eis de Jerusalem timore Judæorum non discedere: alias, sicut verisimile est, discessissent, quia tam pavidi erant.

Sed exspectarent promissionem Patris, id est impletionem promissionis de missione Paracleti, quem Pater per os unigeniti Filii sui promisit. Ideo subditur: *Quam audistis, inquit, per os meum*. Nam passione instante, Christus dixit Apostolis illud Joannis: Paracletus autem Spiritus Sanctus, quem mittet Pater in nomine meo, ille vos docebit omnia.

- 5 *Quia Joannes quidem baptizavit aqua,* A istud intra decem dies, scilicet die Pen- Act. II, 1-4.
id est, corpora aquis abluebat, animas non
purgavit : ita quod ejus baptismus non
contulit gratiam : nec fuit unum septem
sacramentorum, sed quid sacramentale,
dispositivum ad Christi Baptisma. *Vos au-*
tem baptizabimini Spiritu Sancto non
post multos hos dies, id est intra paucos
dies.
- Joann. IV, 2. Quum apud Joannem dicatur, quod
discipuli (puta Apostoli) Christi baptiza-
bant de mandato ipsius, credendum est
quod ipsi a Christo fuerint baptizati Ba- B
ptismo evangelicæ legis, gratiam confe-
rente. Illo enim et ipsi baptizabant. Nec
mirum si ante passionem Apostolos pro-
priis manibus baptizavit, qui tempore Cœ-
næ pedes eorum lavare dignatus est, præ-
sertim quum jam diu ante hanc Cœnam
Ibid. III, 5. dixerit Nicodemo : Nisi quis renatus fue-
rit ex aqua et Spiritu Sancto, non potest
intrare in regnum Dei. Itaque quod ait,
Vos autem baptizabimini Spiritu Sancto,
sic intelligendum censetur : Spiritu San-
cto implebimini, qui et mentes vestras C
plus quam ante ab omni sorde lavabit.
Sicque copiosa illa Spiritus Sancti infusio
per signum visibile, baptizatio discipu-
lorum vocatur, quoniam instar gurgitum
inundantis aquæ, desuper fluxit in eos.
Unde et Spiritus Sanctus et gratia ejus,
per aquam exprimitur, quoniam mentem
purgat, refrigerat, reficit. Hinc in Joanne
Ibid. VII, 38. loquitur Christus : Qui credit in me, sicut
dicit Scriptura, flumina de ventre ejus
fluent aquæ vivæ. Quod Evangelista ex-
ponens, adjecit : Hoc autem dixit de Spi- D
ritu, quem accepturi erant credentes in
eum. In Apocalypsi quoque ait Joannes,
Apoc. XXII, 1. Ostendit mihi flumen aquæ splendidum
tanquam crystallum : quod de Spiritu San-
cto exponitur. Sicut ergo Spiritus Sancti
illustratio, unctio appellatur, juxta illud
I Joann. II, 27. Joannis, Uctio ejus docet vos de omni-
bus ; sic copiosa ejus susceptio, baptizatio
mentis vocatur. Propterea, secundum Ra-
banum, in quibusdam libris sic habetur :
Vos autem ungemini Spiritu Sancto. Et
- igitur qui convenerant, interrogabant 6
eum, dicentes. Non evidenter apparet in
quo loco fuerit ista discipulorum conven-
tio et interrogatio, an scilicet in conclavi,
vel in loco ascensionis. In die enim
ascensionis Christus bis eis apparuit : pri-
mo, in conclavi ; deinde, in monte Oli-
veti unde ascendit. Verumtamen ex verbis
sequentibus videtur fuisse conventio et
inquisitio ista circa locum ascensionis.
Nam paulo post, data sibi responsione,
subjungitur : Quum hæc dixisset, viden-
tibus illis elevatus est.
- Domine, si in tempore hoc restitues re-
gnum Israel ? id est, an statim misso no-
bis Spiritu Sancto, reparabis majestatem
et regiam potestatem Israelitici regni ac
populi Judæorum, dando fidelibus tuis
temporale regnum in sæculo isto, et tem-
poraliter regnando in eis ? Discipuli isti
nondum perfecte illustrati, putabant pro-
pheticas promissiones de regno Christi, in
plebe fidelium corporaliter temporaliter-
que complendas, quemadmodum excæca-
ti Judæi usque in præsens existimant. Sic
enim de matre filiorum Zebedæi dicit Hie-
ronymus, quod mulier illa, quia audivit
quod crucifigendus esset et resurrectu-
rus, putavit eum illico regnaturum. Et
Cleophas in Luca ait : Nos autem spera-
bamus quod ipse esset redempturus Is-
rael. Videbant enim discipuli quod po-
pulo Judæorum esset ablatum sceptrum,
alienigena eis dominante, et quod subditi
essent Romanis. Ideirco quærebant, an
Christus recuperaturus esset et sublima-
turus mox regnum Israel, prout verba
quædam Prophetarum superficie tenus so-
nare videntur ; an potius in futuro, et
diu post, regnum populi sui exaltaret. Et
quoniam quæstio ista ex ignorantia et er-
rore processit, Christus eam refellit, ut
subditur :
- Dixit autem eis : Non est vestrum nos-
se tempora vel momenta quæ Pater po-
suit in sua potestate : id est, restitutio

Israelitici regni spiritualiter intelligenda est, quantum ad bona gloriæ in futuro ; et quo tempore id continget, velle determinate prænoscere, non est vestræ parvitat-
Apoc. xxi, 5. tis. Plenarie enim non fiet nisi in die judicii, quando veri Israelitæ in anima et corpore glorificabuntur, et æternaliter regnabunt cum Christo. Particulariter autem et partim fit in mortibus singulorum, quando ad patriam regni cœlestis perveniunt. Sed nec tempus judicii, nec diem mortis vult Deus præsciri, quatenus mortales tanto sint de Judicis adventu mortisque hora sollicitiores, quanto sunt magis incerti ; sicque quotidie vivant, tanquam die eodem aut alio mox sequente sint judicandi. Itaque tempora et momenta mortis atque judicii universorum Pater posuit in sua potestate, quoniam suæ notitiæ ea servavit ; et quum ei placuerit, in eis quæ decrevit, perficiet. Ab hac tamen potestate atque scientia, nec Filius, nec Spiritus Sanctus excluditur, quum trium Personarum sit una potestas, eademque scientia : idcirco quod de una exprimitur, de aliis eadem ratione intelligi datur. Interdum vero ex certa causa aliquibus hora mortis prænuntiatur.

Verumtamen Augustinus in sermone quodam de Ascensione, verba ista aliter allegat, interpretatur et tractat sub hac forma : Domine, si hoc tempore præsentaberis ? et quando regnum Israel ? Et per præsentationem Christi, intelligit revelationem ejus apertam, qua in die judicii
Matth. xxv, 31. ab universis videbitur, veniens in maiestate et gloria. Per regnum vero Israel, intelligit regnum cœleste, quod quotidie nobis communicari precamur, dicentes :
Ibid. vi, 10. Adveniat regnum tuum, ut scilicet ad societatem in cœlis regnantium perducamur. Sicque juxta Augustini intensionem, Apostoli quæsierunt agnoscere tempus et horam judicii. Quorum curiositatem reprimens Christus, respondit : Non est vestrum scire tempora vel momenta, quæ Pater in sua posuit potestate, etc. Per quæ verba, sicut in libro de Civitate Dei as-

serit Augustinus, Christus redarguit omnes qui de Antichristi adventu et fine mundi tempus calculare præsumunt, quum omnium horum determinatum tempus ex Dei liberrima potestate dependeat. Idecirco nulli, nisi quantum revelaverit Deus, innotescere valet, quemadmodum determinatum tempus creationis seu exordii mundi ex sola Dei revelatione innotuit.

Quid vero ad discipulos illos, præsertim Apostolos, pertinuerit, subditur : *sed accipietis virtutem supervenientis Spiritus Sancti in vos*, id est ipsum omnipotentem Spiritum Sanctum vobis in sensibili signo donatum. Vel, Virtutem, id est fortem gratiam et præclara charismata Spiritus Sancti, qui cito desuper descendet in vos. Dicitur autem Spiritus Sanctus eis a Patre et Filio, imo et a se ipso, dari atque infundi, quibus dona ejus ad gratiam gratum facientem pertinentia dantur seu infunduntur. Unde Spiritus Sanctus donum Dei vocatur. Nam a Patre Filioque procedit tanquam donabilis, quum ipse sit amor, in quo prima ratio doni re-
B C D E F G H I J K L M N O P Q R S T U V W X Y Z aa ab ac ad ae af ag ah ai aj ak al am an ao ap aq ar as at au av aw ax ay az ba bb bc bd be bf bg bh bi bj bk bl bm bn bo bp bq br bs bt bu bv bw bx by bz ca cb cc cd ce cf cg ch ci cj ck cl cm cn co cp cq cr cs ct cu cv cw cx cy cz da db dc dd de df dg dh di dj dk dl dm dn do dp dq dr ds dt du dv dw dx dy dz ea eb ec ed ee ef eg eh ei ej ek el em en eo ep eq er es et eu ev ew ex ey ez fa fb fc fd fe ff fg fh fi fj fk fl fm fn fo fp fq fr fs ft fu fv fw fx fy fz ga gb gc gd ge gf gg gh gi gj gk gl gm gn go gp gq gr gs gt gu gv gw gx gy gz ha hb hc hd he hf hg hh hi hj hk hl hm hn ho hp hq hr hs ht hu hv hw hx hy hz ia ib ic id ie if ig ih ii ij ik il im in io ip iq ir is it iu iv iw ix iy iz ja jb jc jd je jf jj jk jl jm jn jo jp jq jr js jt ju jv jw jx ky kz la lb lc ld le lf lg lh li lj lk ll lm ln lo lp lq lr ls lt lu lv lw lx ly lz ma mb mc md me mf mg mh mi mj mk ml mn mo mp mq mr ms mt mu mv mw mx my mz na nb nc nd ne nf ng nh ni nj nk nl nm nn no np nq nr ns nt nu nv nw nx ny nz oa ob oc od oe of og oh oi oj ok ol om on oo op oq or os ot ou ov ow ox oy oz pa pb pc pd pe pf pg ph pi pj pk pl pm pn po pp pq pr ps pt pu pv pw px py pz qa qb qc qd qe qf qg qh qi qj qk ql qm qn qo qp qq qr qs qt qu qv qw qx qy qz ra rb rc rd re rf rg rh ri rj rk rl rm rn ro rp rq rr rs rt ru rv rw rx ry rz sa sb sc sd se sf sg sh si sj sk sl sm sn so sp sq sr ss st su sv sw sx sy sz ta tb tc td te tf tg th ti tj tk tl tm tn to tp tq tr ts tt tu tv tw tx ty tz ua ub uc ud ue uf ug uh ui uj uk ul um un uo up uq ur us ut uu uv uw ux uy uz va vb vc vd ve vf vg vh vi vj vk vl vm vn vo vp vq vr vs vt vu vv vw vx vy vz wa wb wc wd we wf wg wh wi wj wk wl wm wn wo wp wq wr ws wt wu wv ww wx wy wz xa xb xc xd xe xf fg xh xi xj xk xl xm xn xo xp xq xr xs xt xu xv xw xx xy xz ya yb yc yd ye yf yg yh yi yj yk yl ym yn yo yp yq yr ys yt yu yv yw yx yy yz za zb zc zd ze zf zg zh zi zj zk zl zm zn zo zp zq zr zs zt zu zv zw zx zy zz aa ab ac ad ae af ag ah ai aj ak al am an ao ap aq ar as at au av aw ax ay az ba bb bc bd be bf bg bh bi bj bk bl bm bn bo bp bq br bs bt bu bv bw bx by bz ca cb cc cd ce cf cg ch ci cj ck cl cm cn co cp cq cr cs ct cu cv cw cx cy cz da db dc dd de df dg dh di dj dk dl dm dn do dp dq dr ds dt du dv dw dx dy dz ea eb ec ed ee ef eg eh ei ej ek el em en eo ep eq er es et eu ev ew ex ey ez fa fb fc fd fe ff fg fh fi fj fk fl fm fn fo fp fq fr fs ft fu fv fw fx fy fz ga gb gc gd ge gf gg gh gi gj gk gl gm gn go gp gq gr gs gt gu gv gw gx gy gz ha hb hc hd he hf hg hh hi hj hk hl hm hn ho hp hq hr hs ht hu hv hw hx hy hz ia ib ic id ie if ig ih ii ij ik il im in io ip iq ir is it iu iv iw ix iy iz ja jb jc jd je jf jj jk jl jm jn jo jp jq jr js jt ju jv jw jx ky kz la lb lc ld le lf lg lh li lj lk ll lm ln lo lp lq lr ls lt lu lv lw lx ly lz ma mb mc md me mf mg mh mi mj mk ml mn mo mp mq mr ms mt mu mv mw mx my mz na nb nc nd ne nf ng nh ni nj nk nl nm nn no np nq nr ns nt nu nv nw nx ny nz oa ob oc od oe of og oh oi oj ok ol om on oo op oq or os ot ou ov ow ox oy oz pa pb pc pd pe pf pg ph pi pj pk pl pm pn po pp pq pr ps pt pu pv pw px py pz qa qb qc qd qe qf qg qh qi qj qk ql qm qn qo qp qq qr qs qt qu qv qw qx qy qz ra rb rc rd re rf rg rh ri rj rk rl rm rn ro rp rq rr rs rt ru rv rw rx ry rz sa sb sc sd se sf sg sh si sj sk sl sm sn so sp sq sr ss st su sv sw sx sy sz ta tb tc td te tf tg th ti tj tk tl tm tn to tp tq tr ts tt tu tv tw tx ty tz ua ub uc ud ue uf ug uh ui uj uk ul um un uo up uq ur us ut uu uv uw ux uy uz va vb vc vd ve vf vg vh vi vj vk vl vm vn vo vp vq vr vs vt vu vv vw vx vy vz wa wb wc wd we wf wg wh wi wj wk wl wm wn wo wp wq wr ws wt wu wv ww wx wy wz xa xb xc xd xe xf fg xh xi xj xk xl xm xn xo xp xq xr xs xt xu xv xw xx xy xz ya yb yc yd ye yf yg yh yi yj yk yl ym yn yo yp yq yr ys yt yu yv yw yx yy yz za zb zc zd ze zf zg zh zi zj zk zl zm zn zo zp zq zr zs zt zu zv zw zx zy zz

8

Et eritis mihi testes in Jerusalem, et in omni Judæa et Samaria, et usque ad ultimum terræ, id est, in locis his, seu ubique terrarum prædicabitis me esse Christum ; et verbis, signis, et sanguinis vestri effusione, incarnationi, passioni, resurrectioni, ascensioni, et ceteris mysteriis ad me spectantibus, testimonium perhibebitis. Quibus verbis Christus prædixit Evangelium ubique per Apostolos divulgandum, juxta illud Psalmistæ : In om-
Ps. xviii, 5. nem terram exivit sonus eorum ; et Isaïæ, A finibus terræ audivimus laudes, glori-
Is. xxiv, 16. am Justi. Rursusque apud Isaïam Christus de hac re apertissime prænuntiavit : Mit-
Ibid. lxvi, 19. tam ex eis qui salvati fuerint, in mare, in Africam et Lydiam, in Græciam et Ita-

liam, ad insulas longe; et annuntiabunt gloriam meam gentibus. Unde Thomas in India, Jacobus in Hispania, quæ sunt termini terræ habitabilis, prædicasse leguntur.

9 *Et quum hæc dixisset, non solum hæc*

Marc. xvi, 14-15. utique, sed et alia quædam quæ in Marco referuntur, *videntibus illis corporalibus oculis, elevatus est*, id est, in cælum a terra assumptus modo jam explanato, *et nubes suscepit eum ab oculis eorum*, ita quod nube circumcinctum, et in altiora conscendentem, eum amplius non viderunt. O quam intenta acie persecuti sunt ascendentem, et quam ingenti lætitia hoc conspexerunt! Id quoque intue-

Luc. ii, 9-11; Matth. ii, 1, 2; xxvii, 5; Marc. i, 13. dum, quemadmodum ubique creatura suo obediat Creatori. Nempe natum Dominum mox angeli Judæis, stella gentibus nuntiarunt; in transfiguratione quoque nubes eum lucida obumbravit; et quum esset in deserto cum bestiis; angeli ministraverunt eidem; denique patiente ipso, obsecratus est sol, et immutatus est cursus lunæ; ascendenti etiam nubes obsequium, non subsidium, præbuit.

Matth. xxvii, 45; Luc. xxiii, 45.

10 *Quumque intuerentur in cælum euntem illum*, id est, ad summum atque empyreum cælum scandentem, avidissima, devotissima ac jucundissima mente, corporeoque prosequerentur intuitu, *ecce duo viri*, id est angeli sancti in forma virili, *adstiterunt*, id est, subito compa-
11 *gotii monstravit. Qui et dixerunt: Viri Galilæi.* Quemadmodum enim Jesus, sic et Apostoli de Galilæa fuerunt, vel omnes, vel pene omnes. *Quid statis adspicientes in cælum?* Nam et quum Dominus nubem ingressus, atque in alta progressus, oculis illorum fuisset ablati, non cessaverunt sursum adspicere post dilectum, ut moris est amantium atque mirantium. Ideo ad declarandam Christi majestatem, et pro consolatione ac informatione discipulorum, angeli apparuerunt, dicentes: Quid statis adspicientes in cælum? tanquam

Luc. i, 26 et seq.; Matth. iv, 12-22; xxvi, 69-73; Joann. vii, 41, 52; etc.

A dicant: Cur eatenus miramini quod Dominus universorum, creator cælorum, Unigenitus Dei, ad cælestia tendit? Non inde miremini, sed de hoc potius, quod ad terras descendere, incarnari, inter vos conversari et crucifigi dignatus est. *Hic Jesus qui assumptus est a vobis in cælum, sic veniet quemadmodum vidistis eum euntem in cælum*: id est, sicut cum nube ascendit, et in vera humanitate glorificata, itemque cum multitudine angelorum ac Sanctorum quos de limbo eduxit; ita in nube veniet judicaturus mundum, in natura humana, cum multitudine civium supernorum: juxta illud Isaïæ, Dominus ad judicium veniet cum senibus populi sui et principibus ejus.

Is. iii, 14.

Tunc reversi sunt Jerosolymam, secundum quod Christus eis præcepit, ut dictum est, *a monte qui vocatur Oliveti*, de quo loco Christus ascendit, *qui est juxta Jerusalem*, utpote per unum milliare (quod est media leuca) distans ab ea. Ideo subditur, *sabbati habens iter*, id est, per tan-

12

Luc. xxiv, 49.

C tum spatium ab illa distans, quantum die sabbati licuit Judæis secundum legem ambulare, seu progredi a propria mansione, videlicet per mille passus: quæ ambulatio quum ad recreationem potius sit quam ad laborem, quieti sabbati non derogavit. Porro, juxta litteralem intelligentiam, mons iste dictus est Oliveti, quoniam olivarum arboribus consitus fuit. Per olivam vero pietas, misericordia, caritas, designantur. In hunc ergo montem Christus discipulos convenienter eduxit, et ab eo rite ascendit, ubi Spiritus Sancti unctionem et illustrationem eis spopondit, et benignitatem copiosam impendit. Insuper, qui cum Apostolis Spiritus Sancti donis cupit impleri, sabbati iter ingrediatur, id est, quieti intendat mentali, pacisque locum introeat, qui per Jerusalem figuratur, ut juxta Isaïam, sit ei sabbatum ex sabbato, scilicet quies patriæ merito quietis viæ: quia qui hic cessat ab inquietudine operum perversorum et vitiorum tumultu, illic in retributione et pace qui-

Is. lxvi, 23.

escit cœlesti. Quamvis autem, secundum A quosdam, discipuli de Christi ascensione contristabantur, in quantum eis auferebatur dilectus; potius tamen eos puto inde vehementer gavisos, præsertim quum scriptum sit in Luca: Factum est, dum benediceret eis, recessit ab eis, et ferebatur in cœlum; et ipsi adorantes, regressi sunt in Jerusalem cum gaudio magno.

Luc. xxiv, 51, 52.

13

Ibid. xxii, 12, 19, 20.

Galat. i, 19.

Matth. x, 4.

Joann. ii, 1-11.

Judæ 1.

I Joann. iv, 18.

14

I Cor. i, 10.

Rom. xv, 6.

Et quum introissent in cœnaculum, in quo Christus Cœnam celebravit novissimam, primamque Missam, ascenderunt, quia fuit in loco sublimi, puta in monte Sion prope templum, ubi manebant Petrus et Joannes, Jacobus et Andreas, Philippus et Thomas, Bartholomæus et Matthæus, Jacobus Alphæi, id est Jacobus Minor filius Alphæi: qui Jacobus dictus est frater Christi, tanquam forma, vultu, gestu et modo conversandi ei præcipue similis, et quia filius fuit sororis Virginis sanctæ genitricisque Christi; et Simon Zelotes, qui in Matthæo dicitur Simon Cananæus, quia de vico Galilææ nomine Cana (ubi Salvator aquam convertit in vinum) exstitit oriundus; et Judas Jacobi, scilicet frater Jacobi Minoris: qui Judas in sua Canonica fratrem Jacobi se appellat. Isti itaque, cum ceteris qui sequuntur, præfatum locum ingressi sunt, tum propter loci amorem et sanctitatem, quem Christus sua sanctificavit præsentia, Cœna et evangelicæ legis Sacramenti institutione, tum ut ibi in loco abstracto liberius orationi intenderent; et item ut ibi latentes Judæorum vitarent calumniam: nondum enim perfecta caritas exclusit ab eis D timorem. Convenienter quoque in altum conscenderant locum, qui terrena spernentes, ad Spiritus Sancti se præparabant adventum.

in omnibus honorantes. *Cum mulieribus, utique religiosis, videlicet Maria Magdalenæ et ceteris quæ in Evangelio Christo ministrasse leguntur, et Maria Matre Jesu: quæ etsi post viros hos nominetur, omnibus tamen præstantior fuit, et sanctior universis; et fratribus ejus, id est cognatis, quia non tantum quidam Apostolorum, sed et aliorum discipulorum quidam erant consanguinei Salvatoris. Est autem consuetudo Scripturæ, ut qui de eadem cognatione sunt, fratres vocentur.*

Matth. xxvii 55, 56; Luc. viii, 2, 3.

Matth. xiii, 55, 56.

B Consequenter describitur substitutio Matthiæ loco Judæ in apostolatam. *In diebus illis exsurgens Petrus in medio fratrum: ecce hic omnes Apostoli fratres vocantur; dixit. Jam enim et ante passionem designatus, et post passionem fuit a Christo princeps Apostolorum constitutus. Ideo tanquam major ac prior, præ ceteris loquitur quæ sequuntur. Denique propter tanti collegii dignitatem, potissimum propter Matris Christi præsentiam, humiliter surgit, reverenter stat, sapienterque loquitur. Unde et devotorum ac religiosorum conventus est honorandus. Erat autem turba hominum simul fere centum viginti: quorum quidam fuerunt viri, aliquæ feminæ. Sed quomodo quasi dubitans ait, Fere, quum per eum Spiritus Sanctus loquatur? Et respondendum, quod Fere, non ponitur hic dubitative, sed potius assertive, ad innuendum quod a prædicto numero multitudo illa parum distabat. In magno autem numero, quod parum deficit seu superfluit, non reputatur seu computatur aliquando in Scripturis, nec communi modo loquendi. Propter quod isti electissimi interdum asseruntur fuisse centum viginti.*

15

Ibid. xvi, 18, 19; Luc. xxii, 31, 32; Joann. xxi, 15-17.

Viri fratres, oportet impleri Scripturam quam prædixit Spiritus Sanctus per os David. Quæ autem sit ista Scriptura, paulo post subditur: de Juda qui fuit dux, id est ductor, eorum qui comprehenderunt Jesum: juxta illud Lucæ, Judas unus de duodecim antecedebat eos; qui connumeratus erat in nobis, id est a Chri-

16

Luc. xxii, 47.

17

Matth. x, 4. sto unus Apostolorum ordinatus, sicque A
Luc. vi, 13. ab aliis appellatus, *et sortitus est sortem*
10. *ministerii hujus*, id est, partem in officio
 et gratia apostolatus adeptus a Salvatore,
 ita quod fuit apostolus, et prædicavit, ac
 baptizavit. Imo, ut asserit Augustinus, ba-
 ptizavit Joannes Baptista, et baptizatum
 non fuit; baptizavit Judas, et baptizatum
 fuit. Quod ideo dicitur, quoniam in Jo-
 annis baptismo gratia non dabatur: id-
 circo taliter baptizati, post fidei Christi
 receptionem rebaptizabantur; non autem
 qui a Juda fuerant baptizati.

18 *Et hic quidem possedit agrum de mer-*
cede iniquitatis. Quod tripliciter expla-
 natur: Primo, quod per æternam sceleris
 ac nominis sui memoriam, agrum hunc
 possedit in mentibus recordantium ejus
 et criminis ejus. Ut enim in Matthæo le-
 gitur, videns Judas quod damnatus esset,
Matth. desperatione fractus, denarios pro quibus
xxvii, 3-7. vendidit Christum restituens, projecit in
 templum: pro quibus principes sacer-
 dotum agrum figuli emerunt, pro sepul-
 tura peregrinorum. Cujus rei non oblivi-
 scuntur fideles. Secundo, a quibusdam
 exponitur, quod Judas ibi sepultus sit,
 ideoque corporis sui immoratione agrum
 istum possideat. Sed hoc certum non est.
 Ideo tertio exponitur, quod juxta consue-
 tudinem sacri eloquii Judas hunc agrum
 possedit, id est, possideri fecit. Nam ar-
 genteos restituendo, causa fuit quod ager
 ille emptus fuit atque possessus ab em-
 ptoribus, seu in eo sepultis. Juxta quem
Job ix, 31. sensum sanctus Job: Abominabuntur me,
 inquit, vestimenta mea, id est, abomina-
 bilem intuentibus reddent. *Et suspensus,*

Matth. utique a se ipso: nam laqueo se suspen-
xxvii, 5. dit; *crepuit medius*, qui Dei et hominum
1 Tim. ii, 5. mediatorem tam vili pretio impiissime
 vendidit, *et diffusa sunt omnia viscera*
ejus: sic quod in horrenda illa intesti-
 norum ejus effusione turpissima, mon-
 straretur quam enorme piaculum commi-
 sisset. Ita et Arius superbissimus, quoniam
 Christi divinitatem ore blasphemavit sa-
 crilego, viscerum deprehensus dolore, ad

naturæ requisita declinans, intestina sua
 turpissime mox effudit. *Et notum factum*
est scelus seu genus mortis Judæ, omni-
bus habitantibus Jerusalem, ita ut ap-
pellaretur ager ille lingua eorum Achel-
demach, hoc est ager sanguinis, id est
 emptus pretio sanguinis Jesu.

Deinde ponitur scriptura David, Judam
 concernens. *Scriptum est enim in libro*
Psalmorum: Fiat commoratio ejus de-
serta, et non sit qui inhabitet in ea; et
episcopatum ejus accipiat alter. Scien-
 dum, quod Christus et Evangelistæ atque
 Apostoli, allegando Scripturas veteris Te-
 stamenti, interdum sensum magis quam
 verba allegant. Ita et Petrus jam agit. In-
 ducit autem testimonium ex psalmis duo-
 bus: cujus testimonii prima pars, quan-
 tum ad sensum, eo psalmo habetur cujus
 exordium est, *Salvum me fac, Deus: in*
quo Judæ eradicatio prophetatur. Verum
 quod ibi de Judæis Christi persecutoribus
 pluraliter dicitur, hic de Juda singulariter
 allegatur. Sic enim in psalmo illo nostra
 C habet translatio: *Fiat habitatio eorum*
deserta, et in tabernaculis eorum non sit
qui inhabitet. Horum etenim unus exstitit
 proditor: quorum omnium civitates et
 domus, in ultionem sanguinis Christi per
 Romanos destructæ noscuntur. Secunda
 vero pars testimonii hujus, de translatio-
 ne apostolatus Judæ loquens, scripta est
 psalmo qui incipit: *Deus, laudem meam*
ne tacueris. Ubi sic legimus: *Fiant dies*
ejus pauci, et episcopatum ejus accipiat
alter. Apostolatus autem episcopatus vo-
 D catur, et Apostolorum successores exstant
 episcopi.

Oportet ergo ex his viris qui nobiscum
sunt congregati, id est, qui inter nos con-
 versati sunt, nuncque nobiscum collecti:
 conversati, inquam, *in omni tempore quo*
intravit et exivit inter nos Dominus Je-
sus: juxta illud Psalmi, Viderunt ingres-
sus tuos, Deus, ingressus Dei mei, regis
mei qui est in sancto; Isaïæ quoque, Si-
mul laudabunt, quia oculo ad oculum vi-
debunt, quum converterit Dominus Sion;

49

20

Ps. lxxviii,
26; cxviii, 8.Ps. lxxviii,
26.Ps. cviii.
Ibid. 8.

21

Ps. lxxvii,
25.

Is. lii, 8.

22 *incipiens publice prædicare atque mira-* A
cula facere, a baptismo Joannis, id est
Marc. I, 9. post baptismum quo fuit a Joanne bapti-
Ibid. 7, 8. zatus seu lotus, vel post baptisma a Joanne
prædicatum et datum. Joannes enim
Ibid. 14 et baptizando denuntiavit quod Christus mox
seq. in Spiritu Sancto baptizaret, præsensque
esset in carne : per hoc præparans viam
Christo, qui ex tunc orsus est prædicare,
et suam excellentiam declarare usque ad
diem ascensionis. Secundum quod subdi-
tur : usque in diem qua assumptus est
a nobis, in ascensione. Testem resurre-
ctionis ejus nobiscum fieri, scilicet cum
undecim Apostolis, unum ex istis. Ideo
autem resurrectionem specialiter expri-
mit, quia amplius latuit, et de ea Apostoli
in die Pentecostes prædicationem suam
exorsi sunt.

23 *Et statuerunt duos : id est, Petrus et*
alii ei consentientes unanimiter, duos tan-
quam præ ceteris sanctitate conspicuos,
atque ad gratiam apostolatus magis (ut
videbatur) idoneos, elegerunt ac ordina-
verunt : Joseph qui vocabatur Barsabas,
qui cognominatus est Justus, quia tam
præclaræ et evidentis fuit justitiæ, quod
proprio nomine quasi amisso, Justus est
appellatus, et Matthiam. Prudenti autem
consilio Joseph iste laudatur, ne ex sua
culpa videatur ab apostolatu repulsus ;
non autem Matthias, nam ei pro omni
præconio potest sufficere, quod alio tam
justo in hac parte relicto, ipse ad aposto-
latus apicem est assumptus. In quo etiam
facto divinorum judiciorum altitudo mon-
stratur, quod non is qui hominum ore D
plus laudabatur, in Apostolum a Deo eli-
gitur.

24 *Et orantes dixerunt : Tu, Domine, qui*
nosti corda omnium, ostende quem elege-
 25 *ris ex his duobus unum, accipere locum,*
id est auctoritatem et gratiam, ministerii
hujus, id est prædicationis, et apostolatus,
qui est donum gratiæ gratis datæ, sicut et
prophetia, de quo prævaricatus est Judas,
id est, quem sua prævaricatione amisit,
ut abiret in locum suum, id est, ut unus

istorum in locum illius succederet seu
 succedat. Sicque dictio, Ut, tenetur hic
 concomitanter, non causaliter. Non enim
 idcirco transgressus est Judas, ut alter ei
 succederet, sed ad transgressionem ejus
 id consecutum est : quemadmodum fertur
 in Psalmo, Tibi soli peccavi, ut justifice-
 ris in sermonibus tuis. *Et dederunt sor-*
tes eis, et cecidit sors super Matthiam, et
annumeratus est cum undecim Aposto-
lis : ita quod duodecimus fuit.

Ps. L, 6.
 26

Circa hoc quæritur, quid hic nomine
 sortis intelligatur, et qualiter sortibus li-
 ceat uti. Quocirca sciendum, quod secun-
 dum doctrinam B. Dionysii, libro de Ec-
 clesiastica hierarchia, sors ista non erat
 talis qualis in veteri Testamento, sed qui-
 dam splendor divinus, seu radius divinitus
 missus super Matthiam, ad ostendendum
 quod ipse esset Apostolus assumendus.
 Communiis tamen fertur, quod sortes his
 datæ, fuerunt tales quales illæ quarum
 in lege Moysis usus fuit : de quibus in
 Proverbiis dicitur, Sortes mittuntur in si-
 num, sed a Domino temperantur. Quibus
 Josue usus est in deprehensione Achan.
 Verumtamen, secundum Hieronymum, hoc
 exemplo non est sortibus nunc utendum,
 quoniam paucorum privilegia communem
 legem non faciunt. Apostoli quoque ex
 occulto Spiritus Sancti instinctu, usi sunt
 eis : quod non est in consequentiam pas-
 sim trahendum. Insuper Beda hic ait, quod
 figuram observare licebat, quousque ve-
 ritas veniret ac panderetur, vera hostia in
 cruce immolata, sed in Pentecoste, veni-
 ente super Apostolos Spiritu Sancto, con-
 summata : idcirco in electione Matthiæ
 sortibus usi sunt, ne a lege discreparent.
 Post Pentecosten vero, veritate jam pro-
 palata, septem diaconi, non sorte, sed
 discipulorum electione, Apostolorumque
 oratione, et manuum eorum super illos
 impositione, sunt constituti.

Prov. xvi,
 33.

Josue vii,
 14-18.

Act. vi, 5, 6.

De hac autem materia loquitur Thomas
 in secunda secundæ, quæstione 95, inter
 cetera asserens, quod sortes dicuntur, dum
 aliqua fiunt ex quorum vario et incerto

eventu occultum aliquid innotescit, sicut A in tractione longioris aut brevioris festucae. Si ergo per sortes quærat quid sit alicui exhibendum de re possessa, vel honore, seu pœna, vocatur sors divisoria. Si autem quærat quid agendum, dicitur sors consultoria. Quod si quærat quid sit futurum, vocatur sors divinatoria. Quum itaque actus hominum qui requiruntur ad sortes, non subduntur influxui cœlestium corporum aut stellarum : si sortibus quis utatur quasi actus humani ex cœlestium corporum impressione de- B pendeant, ita quod dispositio eventusque sortium ex stellarum influentia expectatur, superstitiosum et vanum est, neque occulto caret cum dæmonibus pacto. Sed hac causa remota, oportet sortium dispositionem expectare, vel ex fortuna, vel ex aliqua causa spiritali ac directiva. Et si a fortuna (quod in sorte divisoria tantummodo locum habet), non est vitiosum, nisi ex causa procedat illicita, scilicet cupiditate aut simili : ut dum aliqui nequeunt rem concorditer dividere, sorte C utuntur, exponentes fortunæ quis quam partem accipiat. Porro si sortium eventus expectetur a causa spiritali mala, scilicet dæmone, impium est. Si autem a bona, puta immediate a Deo, vel ab eo per angelos sanctos, talis sors non est secundum se illicita, secundum Augustinum. Quadrupliciter tamen potest id esse illicitum : Primo, si absque necessitate recurratur ad sortes : tunc ad tentationem pertinet Dei. Secundo, si sine debita reverentia. Unde Beda hic ait : Si qui ne- D cessitate compulsi, Deum putant sortibus consulendum exemplo Apostolorum, vi-

deant ipsos Apostolos non nisi collecto fratrum cœtu, et precibus ad Deum fuis, id egisse. Tertio, si divina oracula ad terrena convertantur negotia. Quarto, si in ecclesiasticis electionibus, quæ ex Spiritu Sancti inspiratione fieri debent, sortibus quis utatur. In temporalibus vero dignitatibus, quæ ad terrena instituenda seu disponenda ordinantur, secus est : quia in illarum electione, homines sortibus uti aliquando possunt. Itaque si necessitas alia ab electione ecclesiasticæ B dignitatis incumbat, licet cum debita reverentia divinum iudicium sortibus implorare. Cujus rei exempla Augustinus inducit : ut si inter servos Dei sit disceptatio, qui eorum tempore persecutionis fugere debeat aut manere ; vel si duo æque pauperes alicui obviarent, qui aliquid dare haberet quod dari non posset nisi uni.

Postremo, ut dicitur in Legenda S. Matthiæ apostoli, ipse Matthias et Joseph dictus Barsabas, fuerunt de numero septuaginta duorum discipulorum ; et Joseph præfatus fuit frater Jacobi Minoris, et consanguineus Christi : sicque per hoc quod Christus huic Joseph Matthiam in apostolatum præposuit, docuit quod ex consanguinitate aut carnali affectu non sunt homines ad ecclesiastica beneficia aut officia promovendi. Aliqui tamen dixerunt quod Joseph iste fuit Barnabas, qui etiam ante hoc nomen sibi ab Apostolis inditum, vocatus est Joseph. Sed hoc minus verum Acl. iv, 36. censetur. Nam Barsabas interpretatur, filius quietis, secundum Hieronymum ; Barnabas autem, filius consolationis, ut infra dicitur.

ARTICULUS II

EXPOSITIO CAPITULI SECUNDI : ET DUM COMPLERENTUR DIES PENTECOSTES.

- P**RÆCEDENTI capitulo scriptum est, A quemadmodum Christus discipulis Spiritum Sanctum promisit; nunc recitatur, qualiter illa promissio sit impleta. *Et dum complerentur dies Pentecostes*, id est quinquagesimo die a Christi resurrectione, ita quod illa die, quinquaginta dies computabantur et implebantur a die resurrectionis dominicæ. Pentecoste autem dicitur a πέντε, quod est quinque, et δεστή, quod est decem, quasi quinquies decem, quæ faciunt quinquaginta. *Erant omnes discipuli pariter in eodem loco*, scilicet in cœnaculo, in quod præcedenti capitulo ascendisse scribuntur.
- 1** *Et factus est repente de cœlo sonus, tanquam advenientis spiritus vehementis*, id est instar grandis tonitruui seu venti impetuosius, et replevit totam domum ubi erant sedentes, id est manentes seu quiescentes Christi discipuli. Itaque fiebat tunc sonitus grandis et vehemens, ad declarationem majestatis paraleti Spiritus Sancti desuper venientis, et ut per sonitum illum corda discipulorum ad reventialem Dei concuterentur timorem, ac profundiori humilitate ad Spiritus Sancti disponderentur influxum. Sic et Ezechiel in visione quatuor animalium et throni ac Dei residentis in eo, magnam se audisse commotionem testatur. Illa tamen imaginaria fuit; ista, realis: quam aliqui dicunt non solum a discipulis, sed a tota Jerusalem fuisse auditam. Porro quod ait, Tanquam advenientis spiritus vehementis, intelligi potest de Spiritu Sancto, ut sit sensus: Factus est sonus repentinus de cœlo, tanquam advenientis Spiritus vehementis, id est, sicut decuit Spiritum Sanctum, utpote talis qualem fieri condecebat ad ejus efficaciam majestatemque monstrandam. Juxta quem modum scriptum est in Ezechiele: Audiebam sonum alarum, quasi sonum aquarum multarum, quasi sonum sublimis Dei. Appellatur autem Spiritus Sanctus, Spiritus vehemens, quasi væ adimens, et mentem a terrenis ad cœlestia vehens. *Ezech. i, 24.*
- Et apparuerunt illis dispersitæ linguæ tanquam ignis*, id est igneæ linguæ multipliciter divisæ atque distinctæ, *sedique supra singulos eorum*, id est, Spiritus Sanctus in his linguis ignitis super unumquemque discipulorum quievit, quemadmodum super Christum in baptismo descendit ac mansit in forma columbæ. *Matth. iii, 16; Joann. i, 32.* Præterea advertendum, quod duplex est missio Spiritus Sancti, utpote: spiritualis et invisibilis, qua mentibus puris aut purificandis infunditur. De qua legitur: Spiritus ubi vult spirat; et vocem ejus audis, sed non scis unde veniat, aut quo vadat. Alia est visibilis, quando in aliquo signo sensibili demonstratur ac datur, ad insinuandum quod earum rerum in quarum specie apparet, proprietatem operatur in cordibus quibus illabitur. Hinc nunc in duplici signo visibili demonstratus ac datus est, scilicet in igne et linguis: sic tamen, quod ignis speciem linguæ habebant, et linguæ igneæ apparebant, ita quod æquivalenter fuit signum duplex sensibile. In linguarum ergo specie apparebat, ad innuendum quod omnium linguarum notitiam, facultatem et usum eis infudit; secundo, quia cunctis gentibus prædicaturi erant; tertio, quoniam linguis prædicantium Spiritus Sancti gratia præcipue necessaria exstat. Hæ autem linguæ igneæ erant, ad designan-
- 2**
- 3**
- 4**
- 5**
- 6**
- 7**
- 8**
- 9**
- 10**
- 11**
- 12**
- 13**
- 14**
- 15**
- 16**
- 17**
- 18**
- 19**
- 20**
- 21**
- 22**
- 23**
- 24**
- 25**
- 26**
- 27**
- 28**
- 29**
- 30**
- 31**
- 32**
- 33**
- 34**
- 35**
- 36**
- 37**
- 38**
- 39**
- 40**
- 41**
- 42**
- 43**
- 44**
- 45**
- 46**
- 47**
- 48**
- 49**
- 50**
- 51**
- 52**
- 53**
- 54**
- 55**
- 56**
- 57**
- 58**
- 59**
- 60**
- 61**
- 62**
- 63**
- 64**
- 65**
- 66**
- 67**
- 68**
- 69**
- 70**
- 71**
- 72**
- 73**
- 74**
- 75**
- 76**
- 77**
- 78**
- 79**
- 80**
- 81**
- 82**
- 83**
- 84**
- 85**
- 86**
- 87**
- 88**
- 89**
- 90**
- 91**
- 92**
- 93**
- 94**
- 95**
- 96**
- 97**
- 98**
- 99**
- 100**

dum quod verba ferventia proferre et A igneam legem docere deberent, itemque intus igne divini amoris succenderentur. Itaque Deus per hoc quod foris exhibuit, ostendit quod interius gessit. Qui enim discipulos caritate succensos, et verbo atque sapientia eruditos, intus constituit, foris igneas linguas monstravit.

Denique convenienter quinquagesimo die a Pascha, datus est ita Spiritus Sanctus : Primo, ad exprimendam veteris ac evangelicæ consonantiam legis. Nam vetus lex per Moysen data est desuper quinquagesimo die ab esu agni paschalis in Ægypto, et egressione filiorum Israel inde, ut dicitur in Exodo. Unde et quinquagesima dies a Pascha illo figurativo apud Judæos celebris fuit, in memoriam latioris legis Mosaicæ : sic et a Pascha nostro infusum est donum Spiritus Sancti cordibus discipulorum, per quod evangelica lex in eis illuminata, inflammata, confirmataque fuit. Secundo, quoniam quinquagesimus numerus remissionem et quietem designat. Quum ergo Spiritus Sanctus peccata remittat, veramque tribuat pacem, et ad æternam perducatur quietem, quinquagesimo die datus est congruenter. Ad litteram quoque, discipuli infra hos decem dies ab ascensione convenienter se disponere poterant ad tam copiosissimam Sancti Spiritus susceptionem. Quo etiam numero mystice figuratur, quod per observationem decem præceptorum, ad incrementa charismatum Spiritus Sancti pertingitur.

Præterea, quia in textu nunc dicitur, Apparuerunt illis, etc., quidam opinati sunt quod apparitio illa imaginaria fuit. Unde et secundo de Trinitate, capitulo 6, Augustinus affirmat, quod littera hæc quæstionem habet an igneæ linguæ visæ sint corporaliter eis, an imaginarie tantum. Tenendum est tamen absolute, et communiter pene ab omnibus sic tenetur, quod vere ab extra realiter appare-

Luc. III, 22. bant, sicut columba super Christum.

4

Et repleti sunt omnes Spiritu Sancto.

Quemadmodum enim domus in qua residebant impleta fuit sono et igneis linguis, ita et corda eorum perfusione, fervore et illustratione Spiritus Sancti. Et utique ante horam hanc, gratiam Sancti Spiritus susceperunt, etiam in abundantia quadam, præsertim quum Christus per insufflationem eis Spiritum Sanctum infudit; sed nunc in præexcellenti plenitudine Spiritum Sanctum sortiti sunt. Sunt autem plures gradus plenitudinis qua electi Dei Spiritu Sancto pleni aut repleti fuerunt, quum ab hac die usque in finem vitæ suæ, in Spiritu Sancti charismatibus sumpserunt incrementum. Insuper repleti modo dicuntur Spiritu Sancto, non solum quoad dona gratiæ gratum facientis, sed etiam quoad dona gratiæ gratis datæ, quæ ad aliorum præstantur profectum. Jam enim data sunt eis gratia miraculorum magis quam ante, spiritus prophetiæ, donum linguarum, discretio spirituum, sermo sapientiæ, et sermo scientiæ. In tanta quoque plenitudine Spiritum Sanctum quoad dona gratiæ gratum facientis susceperunt, quod confirmati fuerunt in gratia, ita quod postea mortaliter non peccarunt.

Et ceperunt loqui variis linguis, prout Spiritus Sanctus dabat eloqui illis. Omnium enim gentium idiomata proferre et intelligere potuerunt : imo, quod mirabilius est, secundum Glossam et expositores communiter, uno eorum aliquam proferente loquelam, omnes qui aderant, quantumlibet idiomatum consisterent diversorum, loquelam illam tanquam proprium idioma audierunt ac intellexerunt, divina id agente potentia : ut sicut per superbiam et rebellionem filiorum Adæ divisæ sunt linguæ, ita per humilitatem et obedientiam discipulorum Christi, operante Spiritu Sancto, unitæ sint.

Erant autem in Jerusalem habitantes Judæi, viri religiosi, id est divino cultui dediti, seu devoti. Religio quippe est virtus, quæ alio nomine latria nuncupatur, per quam Deo cultum cærimoniamque im-

Joann. XX, 22.

1 Cor. XII, 8-10.

Gen. XI, 6-9.

5

pendimus. Unde dupliciter religiosi dicuntur : Primo, quia divinis intenti sunt : sicque omnes fideles virtuosi, dicendi sunt religiosi. Secundo, quia singulariter divinis se manciparunt, se ipsos Deo totaliter offerentes, et sæculo abrenuntiantes per Ordinis ingressum : et sic claustrales religiosi vocantur. *Ex omni natione quæ sub cælo est.* Hoc per hyperbolen dictum est, quia ex diversis et valde multis provinciis quidam Judæorum ad Jerusalem ex devotione confluerunt, et illic manserunt : qui erant ex his Judæis quos adversarii eorum Assyrii, Chaldæi, ac Græci sub Antiocho rege per diversa venderant et disperserant loca. Unde in libro Esther refertur, quemadmodum in diversis provinciis Assueri regis plurimi morabantur Judæi ; et quamvis a Cyro rege Persarum habuerunt redeundi licentiam, multi tamen non redierunt.

Esther III, 8.

1 Esdr. I, 2-4.

6 *Facta autem hac voce, id est, locutione Apostolorum tam mirabiliter resonante, quando cœperunt variis linguis effari : continuo enim Spiritu Sancto accensi, ingressi sunt templum, quod fuit prope cœnaculum ; convenit multitudo hominum. Quidam vero per vocem hanc factam, intelligunt sonum præfatum, Tanquam advenientis spiritus vehementis : quem dicunt ab habitatoribus Jerusalem circa templum auditum, propter quod illuc concurrerunt. Et mente confusa est, id est plurimum admirata et conturbata, quoniam audiebat unusquisque lingua sua illos loquentes. Ex quo elicitur, quod singuli unam cujuslibet Apostolorum loquelam intellexerunt : quod fuit magnum et inauditum miraculum, omnes illos in stuporem convertens, quemadmodum subditur :*

7 *Stupebant autem omnes. Stupor ex magna admiratione procedit. Et mirabantur, ad invicem dicentes : Nonne ecce isti omnes qui loquuntur, puta Apostoli, Galilæi sunt ? Et quomodo nos audivimus unusquisque linguam nostram, in qua nati sumus ?*

Deinde audientium diversitas ex parte locorum natalium, aperitur : *Parthi, et Medi, et Elamitæ.* Elam est regio Persiæ, contra quam Jeremias prophetabat. *Et qui habitant Mesopotamiam, Judæam,* quæ hoc loco accipitur pro terra duarum tribuum, scilicet Juda et Benjamin, ad distinctionem (ut ait Beda) Samariæ, Galilææ, Decapoleos, et aliarum in eadem provincia regionum. Quæ licet omnes una loquerentur lingua Hebræa, domesticam tamen singulæ dicendi speciem habuerunt distinctam. Unde Petrus in passione Domini, quod Galilæus sit, propria proditur lingua. *Et Cappadociam, Pontum, et Asiam...* Asia regio quæ dicitur minor, ab orientali parte qua ad Cappadociam Syriamque progreditur, undique circumdata est mari. Cujus provinciæ sunt Phrygia, Pamphylia, Cilicia, Lycaonia, Galatia, et aliæ multæ. Sed specialiter ubi Ephesus civitas est, Asia dicitur. *Ægyptum, et partes Libyæ quæ est circa Cyrenen.* Ægypti regio, a septentrione mare Magnum, et sinum Arabicum ab oriente seu Rubrum mare, a meridie Æthiopiam, ab occasu Libyam habet. Cujus inferiorem partem Nilus ad dexteram atque ad sinistram divisus amplexu suo determinat. Propterea quidam Ægyptum inter insulas computant. *Et advenerunt Romani,* qui de Italia ad Jerusalem devenerunt. *Judæi quoque natura, et proselyti.* Sicut in novo Testamento vocantur neophyti, qui de infidelitate ad evangelicam legem de novo conversi sunt ; ita in veteri Testamento dicebantur proselyti, qui de gentilitate ad legem convertebantur Mosaicam. *Cretes et Arabes.* Arabia regio inter sinum maris Rubri qui Arabicus, et eum qui Persicus appellatur, plurimas habet gentes, videlicet Idumæos, Sarracenos, Sabæos, et alias plures. Arabia autem, sacra interpretatur, eo quod sit regio in qua thura nascuntur, et producens odores. Hinc eam Græci εὐδαίμων, Latini beatam vocaverunt.

Audivimus eos loquentes nostris linguis, secundum modum prædictum, ma-

9

Jer. XLIX, 34-39.

Matth. XXVI, 69, 73.

10

11

gnalia Dei, videlicet Christi resurrectionem, ascensionem, Paracleti missionem. Verum, uno Apostolorum loquente, aliisque tacentibus, unus ille non nisi unius idiomatis protulit voces; omnibus tamen videbatur quod suæ loquelæ verba proferret: et virtualiter, non formaliter ita fuit, sicut et manna cunctorum ciborum saporem continuit, juxta illud Sapientiæ:

Sap. xvi.
20, 21.

Panem de cælo præstitisti eis, omne delectamentum in se habentem, et omnis saporis suavitatem; deserviens enim uniuscujusque voluntati, ad quod quisque volebat, convertebatur. Hoc tamen in bonis Judæis accidisse dumtaxat aliqui asserunt: mali enim dicebant, Anima nostra nauseat super cibo isto levissimo.

Num. xxi. 3.

12 *Stupebant autem omnes et mirabantur, dicentes: Quidnam vult hoc esse? Ex ingenti admiratione inter se conferebant, et eadem sæpius proferebant, quia ex abundantia cordis os loquitur. Alii autem irridebant, dicentes: Quia musto pleni sunt isti.*

Matth. xii.
34: Luc. xli.
40.

13 *Isti erant omnino perversi, qui tam evidens Spiritus Sancti miraculum sinistre interpretabantur, et caritate ac donis Spiritus Sancti tam exuberanter impletos ut internus splendor ac mentis lætitia relucere in vultibus eorundem, ebriosos dixerunt: quasi mustum hoc facere posset, quod omnem naturalem transcendit potentiam. Verumtamen spiritualiter ebrii erant hi Sancti, introducti in cellam vinariam, et torrente voluptatis deificæ usque ad plenum potati. In quibus illud ex Canticis fuit impletum: Comedite, amici, et bibite; et inebriamini, carissimi. Etenim fervor amoris, sapientiæ sapor, gaudiorum excessus, inebriaverat eos; biberantque vinum quod Christus sapientia Patris miscuit eis.*

Cant. i, 3.

Ps. xxxv. 9.

Cant. v, 1.

Prov. ix, 5.

14 *Stans autem Petrus cum undecim Apostolis, elevavit vocem suam, et locutus est eis. Jam innotescere incipit, quanta sit efficacia gratiæ Spiritus Sancti, et quantum inter fragilitatem humanam ac divinam distet virtutem. Ecce qui paulo ante unius vilis mulierculæ voce conter-*

Matth.
xxvi, 69-72.

Aritus, Christum primam summamque veritatem negavit, nunc inter tot millia præceteris Apostolis imperterritus ac tubali eloquio testimonium perhibet veritati. Jam nempe in eo perfectus amor servilem eiecit timorem. *Viri Judæi, et qui habitatis Jerusalem universi, hoc vobis notum sit, et auribus percipite verba mea.* Ecce quam auctoritative et secure effatur, qui paulo ante indoctus et rudis fuerat idiota.

I Joann. iv.
18.

Act. iv, 13.

Non enim sicut vos aestimatis, hi ebrii sunt. Ebrii quidem sunt, fateor, sed non sicut vos aestimatis, qui tanquam carnaliter judicatis, et similes estis Heli cæcutienti, qui sanctam Annam perhibuit temulentam. *Quum sit hora diei tertia.* Unde tam mane non solent homines vino impleri. Porro, Spiritus Sanctus, qui est tertia in superbeatissima Trinitate persona, majestatem et gloriam individue adorandæque Trinitatis mundo per Apostolos prædicaturus, tertia hora convenienter descendit. Et quia, ut dictum est, discipuli erant in oratione perseverantes, recte Spiritum Sanctum in hora orationis percipiunt, ut monstretur quod Spiritus Sancti gratia non facile impetratur, nisi mens a carnalibus supernorum intentione levetur. Tria autem tempora quibus Daniel genua flectere et adorare solebat, videlicet tertia, sexta et nona hora, ab Ecclesia observantur. Nam et Christus Spiritum Sanctum hora tertia mittens, et crucem sexta hora ascendens, nona spiritum tradens, easdem nobis horas intimare et sanctificare dignatus est. *Sed hoc quod cernitis, est quod dictum, id est prophetice prænuntiatum, est per prophetam Joel.* Cujus verba subduntur.

I Reg. i, 13.

Act. i, 14.

Dan. vi, 10.

Matth.
xxvii, 45, 46,
50.

Joel. ii, 28-32.

Et erit in novissimis diebus, id est tempore evangelicæ legis, cui lex alia divinitus non succedet. De quo tempore sanctus Jacob disseruit: Congregamini, ut annuntiem vobis quæ ventura sunt in novissimis diebus; et Isaias, Erit in novissimis diebus præparatus mons domus Domini. Unde hoc tempus ultima mundi

Gen. xlix, 1.

Is. ii, 2.

I Cor. x, 11. *ætas vocatur, sicut ait Apostolus : Nos sumus in quos fines sæculorum deveniunt. Dicit Dominus, scilicet Deus Pater, vel Pater et Filius, qui sunt unus Dominus, unus quoque spirator et dator Spiritus Sancti, sicut et tres Personæ sunt unus Creator. Effundam de Spiritu meo super omnem carnem, id est cunctis hominibus, scilicet Judæis et gentibus, seu quibusdam de omni genere hominum, ut sit distributio pro generibus singulorum. Itaque omnibus his de donis et gratiis Spiritus Sancti effundam. Sicque nomine partis intelligitur totum, videlicet homo per carnem : sicut quum ait Joannes, Verbum caro factum est ; et Psalmista, Ad te omnis caro veniet. Verumtamen S. Petrus hoc loco sensum, non formam verborum inducit. Sic enim in Joele scriptum est : Et erit post hæc : Effundam Spiritum meum super omnem carnem.*

Joann. i, 14.

Ps. LXIV, 3.

Joel ii, 28.

Et prophetabunt, o Judæi, filii vestri et filiae vestræ, id est discipuli et discipulæ Christi. Multi enim discipulorum, et aliquæ sanctæ feminae cum Apostolis Spiritum Sanctum receperunt, et gratiam prophetalem sortiti sunt. Juvenes vestri visiones videbunt, id est, revelationes divinas atque propheticas vere intelligent.

Dan. x, 1.

Intelligentia enim est opus in visione. Et seniores vestri somnia somniabunt, id est, revelationes desuper tempore somni suscipient, quando propter quietem virtutis imaginativæ ac sensuum exteriorum, aptior est anima ad illuminationes supernas. Propter quod in libro Job legitur :

Job xxxiii, 15, 16.

Per somnium in visione nocturna aperit Deus aures virorum, et instruit disciplina. Quod autem Apostolorum discipulorumque Christi, alii seniores, alii fuerint juniores, certum est cunctis. Porro hujuscemodi somnia non sunt vana et solita omnibus, sicut illa de quibus Ecclesiasticus : Somnia extollunt imprudentes ; et quasi qui apprehendit umbram et persequitur ventum, secundum hoc visio somniorum. Et quidem super servos meos et ancillas meas in diebus illis, scilicet

Eccli. xxxiv, 1-3.

18

A in exordio evangelicæ legis, *effundam de Spiritu meo, et prophetabunt.* Quidam enim utriusque sexus in primitiva Ecclesia prophetarunt, sicut et infra scribitur Philippus diaconus habuisse quatuor filias virgines prophetissas. In nomine vero effusionis, ostenditur gratiæ copia seu numerum largitas. De qua effusione scriptum est : Effundam Spiritum meum super semen tuum, et benedictionem meam super stirpem tuam.

Act. xxi, 9.

Is. XLIV, 3.

Et dabo prodigia in cælo sursum, et

19

B *signa in terra deorsum.* Hoc et verba sequentia quidam exponunt de signis præcessuris diem judicii. Sed quum Petrus totam istam scripturam pro tempore suo, quasi tunc impletam alleget, aptius ad præfatum tempus refertur. Dedit ergo Deus in primo Christi adventu et circiter prodigia in cælo, quando eo nato, cœlestis militiæ multitudo Deum laudans apparuit, stella in aere radiavit ; et tempore passionis, dum luna tempore oppositionis supernaturaliter rediit, et se soli suppo-

Luc. ii, 13; Matth. ii, 2.

Luc. xxiii, 44, 45.

C *suit, totque horis sub ipso permansit, ita quod sol stetit immotus. Similiter in ascensione angeli apparuerunt. Insuper dedit Dominus signa in terra, quando in ea Christus tot patravit miracula ; et quando eo patiente mota est terra, scissæ sunt petrae, aperta sunt monumenta, et multa corpora Sanctorum resurrexerunt a mortuis, et venientes in sanctam civitatem, apparuerunt multis. Quod autem ista convenienter ad tempus primi adventus Christi relata sint, innotescit ex eo quod Dominus ait : Adhuc unum modicum, et ego movebo cœlum et terram, et mare, et aridam ; et veniet Desideratus cunctis gentibus : quod omnes de primo Christi adventu exponunt, de quo in Genesi loquitur Jacob : Et ipse erit exspectatio gentium.*

Act. i, 10.

Matth. xxvii, 51-53.

Agg. ii, 7, 8.

Gen. XLIX, 10.

Consequenter quædam prodigiorum istorum specialiter exprimuntur. *Sanguinem, et ignem, et vaporem fumi.* Per sanguinem, intelligitur sanguis qui de Christi latere fluxit. In cujus emanatione duo mirabilia contigerunt : primum, quia de

Joann. xix, 34.

mortuo corpore sanguinem vivaci rivo effluere, contra nostrorum naturam est corporum; secundum, quod simul cum sanguine aqua profluxit. Potest quoque per sanguinem accipi sanguis quem pro Christo martyres cum mira effuderunt constantia. Per ignem, Spiritus Sancti illustratio ac inflammatio designatur: in igne enim sunt splendor et calor. Per vaporem fumi, excæcatio Judæorum, vel compunctio et lacrimatio conversorum, qui ad prædicationem Petri compuncti sunt corde. De quorum piissimo fletu Zacharias

Zach. xii, 10.

20

Sol convertetur in tenebras: nam tempore passionis obscuratus est sol; *et luna in sanguinem*, id est, rubea apparebit. Non tamen planetæ fuerunt in se ipsis taliter se habentes, sed secundum apparentiam fuit sic. Solet autem luna, quum eclipsim patitur, sanguinea apparere; sed quando directe supponitur soli, nigra videtur. Unde si suppositione illa durante rubea apparebat, mirabiliter factum est. Quod, secundum Hieronymum, credi potest, quamvis scriptum non sit: non enim scripta sunt omnia. *Antequam veniat dies Domini magnus et manifestus*. Per diem hunc, Hieronymus super Joelem intelligit diem dominicæ resurrectionis, in quo magna operatus est Deus, et quem omnibus manifestavit. De quo ait Psalmista: Hæc est dies quam fecit Dominus. Qui dies per Joelem appellatur horribilis, quia aeriis potestatibus impiisque Judæis pavendus. Potest quoque per diem istum horribilem, magnum et manifestum, tempus illius gravissimæ ac finalis captivitatis Judæorum per Romanos intelligi. De istis hic trans-eo, quia super duodecim Prophetas suo loco ea plenius exposui.

21

Et erit: Omnis quicumque invocaverit nomen Domini, id est, Deum intimo cordis affectu, cum fide sincera oraverit, *salvus erit*. Non enim est personarum acceptor Deus; sed prope est Dominus omnibus invocantibus eum, omnibus invocantibus

Act. x, 34.

Ps. cxliv, 18.

A eum in veritate: juxta illud Ecclesiastici, Quis invocavit illum, et despexit eum? *Ecclesi. ii, 12.*

Consequenter beatissimus Petrus evidentius instruit eos, factis et auctoritatibus Jesum esse Messiam declarans. *Viri Israelitæ*, qui estis Israelitæ carnis propagine, non fidei imitatione, *audite verba hæc: Jesum Nazarenum, virum approbatum a Deo Trinitate*, et a se ipso secundum quod Deus est, *in vobis*, id est inter vos, *virtutibus*, id est sanctis operibus, et *prodigiis*, quantum ad majora ejus miracula, et *signis*, quantum ad minora, *quæ fecit per illum Deus in medio vestri*. Verbum enim seu Trinitas operabatur per Christi humanitatem: quæ fuit instrumentum seu organum immediatum, conjunctum et proprium Verbi, quemadmodum corpus nostrum instrumentum est animæ nostræ in suis operibus, secundum Damascenum. Unde divinus Dionysius Christi actionem appellat theandricam, id est deivilem. Et Christus homo divina potestate egit miracula. *Sicut vos scitis*: quibus et Christus ante passionem dicebat: Multa bona opera ostendi vobis ex Patre meo: propter quod horum me lapidatis?

22

Joann. x, 32.

Hunc definito consilio et præscientia Dei traditum. Quamvis enim Judas impie eum tradiderit, Deus tamen eum per Prophetas tradendum prædixit, prædeterminavit, et in sua præscientia sempiterna pro hominibus moriturum prædefinivit, quemadmodum ait Apostolus: Proprio Filio suo non pepercit, sed pro omnibus nobis tradidit illum. Deus quoque Pater, seu Trinitas, animæ Christi voluntatem moriendi pro hominibus inspiravit. Rursusque eidem contulit tam juste conversari et loqui, quod Judæi erant invidia concitati: ex qua ultra ad Christi occisionem progressi sunt. Sicque traditio Christi, quantum ad causam atque principium ejus, fuit directe et effective a Deo: loquendo tamen de causa traditionis hujus bona, puta justitia spontaneoque principio, ratione cujus etiam se ipsum tradidit Christus, juxta illud Isaïæ: Tradidit in

23

Matth. xxvi, 47-49.
Is. liii, 12.

Rom. viii, 32.

Is. liii, 12.

mortem animam suam. *Per manus iniquorum*, videlicet militum Pilati, *affigentes cruci, interemistis*, mortem ipsius procurando.

24 *Quem Deus suscitavit* a mortuis, imo et ipse ut Deus, se ipsum, sicut prædixit :

Joann. x. Potestatem habeo ponendi animam meam, et iterum sumendi eam. Et item : *Ibid. ii, 19,* 21.

Ps. lxxxvii, 5, 6.

Prov. xiii, 12.

Zach. ix, 11.

Joann. xiv, 30.

25 *David enim dicit in eum*, id est de Christo (ita quod verba sequentia ad litteram in Christi persona dicuntur) : *Providebam Dominum coram me semper*, id est, ego ut homo, Deum jugiter intuebar, atque in omnibus provide coram eo conversabar. Nam anima Christi a primo suæ creationis instanti, vidit Deum per speciem tam clare ac incessanter ut modo. *Quoniam a dextris est mihi*, id est, in omnibus gratiose mihi adsistit : secundum

A illud Isaïæ : Dominus Deus auxiliator meus ; *ne commovear*, id est, a via æquitatis et veritatis usquam recedam. In tantum enim adfuit naturæ assumptæ, quod peccare nequivit. *Propter hoc lætatum est cor meum*, videlicet de tam incomparabili beneficio Dei, et de indesinente adspectu ipsius, *et exsultavit lingua mea*, id est, in verba laudis divinæ cum exultatione prorupit, dicendo : Gratias ago tibi, Pater ; et, Honorifico Patrem meum. Et rursus dicitur : Exsultavit Jesus Spiritu Sancto. *Insuper et caro mea requiescet in spe*, id est, corpore meo ab anima separato atque sepulto, de ejus resurrectione certus ero. *Quoniam non derelinques animam meam in inferno*, nisi quamdiu ipsa voluerit, scilicet usque ad instans resurrectionis. Et infernus pro limbo patrum hic sumitur, sicut quum Jacob ait in Genesi : Descendam lugens in infernum ; atque in Symbolo : Sepultus, descendit in infernum. Porro, in morte Christi fuerunt corpus et anima ejus ab invicem separata ; utrumque tamen mansit Verbo unitum. Ideo corpus ejus resolvi non potuit. Propter quod subditur : *nec dabis Sanctum tuum videre corruptionem*, id est, corpus unigeniti Filii tui non permittes pati incinerationem seu dissolutionem. Nihilominus sumendo corruptionem pro occisione, fuit vere corruptum seu mortuum. *Notas mihi fecisti vias vitæ*, id est, semitas justitiæ quibus ad vitam beatam transitur, me docuisti, et per acceleratam resurrectionem iter ad vitam gloriæ ascendere me fecisti, ita quod tunc per experientiam illud novi ; *replebis me jucunditate cum facie tua*, id est, quum in conspectu tuo in cœlesti apparuero regno, plenissime glorificabor. Quamvis enim Christus ab exordio incarnationis, quantum ad superiorem animæ partem ad Verbum relatam, fuerit comprehensor, et omni essentialis præmii gaudio plenus ; nihilominus quoad inferiores animæ vires, imo et quantum ad superiores vires ad essentiam animæ comparatas, et quantum ad

Is. l, 7.

26

Joann. xi, 41.
Ibid. viii, 49.
Luc. x, 21.

27

Gen. xxxvii, 35.

28

Johann. 1. carnem passibilem, fuit viator, et tristitia aliquando habens et dolores. In ascensione autem plenissimam glorificationem sortitus est, imo et ab omni tristitia in puncto mortis exstitit liberatus.

Præterea, quod verba inducta, non de se ipso, sed de Christo protulit David, consequenter probatur. *Viri fratres, liceat audenter dicere ad vos de patriarcha David, quoniam defunctus est et sepultus, et sepulcrum ejus apud nos est usque in hodiernum diem* : sicut tertio Regum describitur. Ex quibus patet, quod corpus ejus in sepulcro sit dissolutum. *Propheta ergo quum esset* : nam præclarissimus fuit propheta David ; *et sciret quia jurejurando jurasset illi Deus, de fructu*, id est semine, *lumbi ejus, sedere super sedem ejus*, id est post eum vere spiritualiterque regnare ceteris cunctis sublimius, juxta illud in Psalmo : Juravit Dominus David veritatem, et non frustrabitur eum, De fructu ventris tui ponam super sedem tuam, scilicet Christum de semine tuo nasciturum. De quo loquitur Isaias : Super solium David et super regnum ejus sedebit. *Providens*, id est, in futurum procul præintuens, *locutus est de resurrectione Christi, quia neque derelictus est in inferno, neque caro ejus sensit corruptio-* nem : juxta expositionem inductam. *Hunc Jesum suscitavit Deus, cujus nos omnes testes sumus*, quod vidimus protestantes, et prophetice prænuntiatum nunquam impletum monstrantes.

Dextera ergo Dei exaltatus, id est, divina virtute de limbo, de sepulcro, de terra ad cœlos levatus, *et promissione Spiritus Sancti accepta a Patre*, id est, omni glorificatione quam ei per Spiritum Sanctum Pater in Scripturis promisit, adeptus, *effudit hoc donum quod vos videtis et auditis*, id est, magnam hanc gratiam, sapientiam, linguarum notitiam, quam in nobis jam experimini, largitus est nobis. Promissionem autem Spiritus Sancti accipere, competit Christo secundum naturam humanam ; sed Spiritum Sanctum dare,

secundum naturam divinam : quamvis in ipso secundum humanitatem sit gratia capitis, per quam suis influit membris : quod agit ut causa gratiæ instrumentalis ac meritoria et conjuncta.

Porro, quod Christus dextera Patris sit exaltatus, testimonio probat Psalmistæ. *Non enim David ascendit in celum*, quia quoad corpus mansit in monumento, et quantum ad animam in limbo. *Dixit autem ipse in Psalmo* : *Dixit Dominus Domino meo*, id est Pater Filio, *Sede a dextris meis*, id est in bonis potioribus, secundum naturam assumptam, ita quod omnis creaturæ prælatus, plenarie glorificatus, et divinitate præ cunctis abundantius fruens. Istud dixit Christo homini Deus Pater in ascensione. Secundum divinitatem vero, Pater ab æterno dixit Filio, *Sede a dextris meis*, id est, mihi esto æqualis, et in ea reside majestate qua ego. *Donec ponam inimicos tuos scabellum pedum tuorum*, id est, omnes reprobos tibi plene subjeciam, et subjectos ostendam : quod maxime erit in die judicii. De expositione autem versuum istorum nunc pertranseo, quum in libro Psalmorum prolixè expositi sint. Quod autem hæc dictio, Donec, sumatur hic non finite, sed indefinite, constat, sicut et apud Matthæum : Non cognovit eam, donec peperit filium suum.

Certissime ergo sciat, per fidei cognitionem, non per rationem aut scientiam naturalem : juxta quem modum sanctus Job ait, Scio quod Redemptor meus vivit, et in novissimo die de terra surrecturus sum ; *omnis domus Israel*, id est tota plebs Judæorum seu duodecim tribuum, *quia et Dominum eum et Christum fecit Deus hunc Jesum* : id est, Pater seu Trinitas superdignissima Jesu Nazareno secundum naturam humanam contulit principatum universorum, et unctionem gratiæ singularem ac summam, juxta illud : Unxit te Deus, Deus tuus, oleo lætitiæ præ consortibus tuis. Et item Christus fatetur in Psalmo, ratione naturæ assumptæ et gratiæ ei collatæ : Ego autem constitutus

34

Ps. cix, 1.

35

Matth. 1,

25.

36

Job xix, 25.

Ps. xliv, 8.

Ps. ii, 6.

sum rex ab eo super Sion montem sanctum ejus. *Quem vos crucifixistis*, non vestris, sed militum manibus; et magis peccastis quam illi, quia prima causa plus influit. *His auditis, compuncti sunt corde*, de suis dolendo peccatis: non omnes tamen, sed multi. In quibus impletum est quod ante passionem Christus eis prædixit: Quum exaltaveritis, inquit, Filium hominis, tunc cognoscetis quia ego sum. Tot itaque Scripturarum allegationibus et tantis prodigiis sunt convicti. *Et dixerunt ad Petrum et ad reliquos Apostolos: Quid faciemus, viri fratres?*

38 *Petrus vero dixit ad illos: Pœnitentiam agite*, nec parvam, sed maximam, quantum ad interiorem dolorem, ut magnitudini criminis correspondeat magnitudo doloris. Oportet enim, secundum Hieronymum, ut dolor contritionis adæquet gravitatem peccati, quatenus de majoribus vitiis major habeatur contritio. *Et baptizetur unusquisque vestrum in nomine Jesu Christi in remissionem peccatorum vestrorum*, videlicet quilibet in remissionem peccatorum suorum. Quamvis autem Christus formam Baptismi docuerit, dicens, Baptizantes in nomine Patris et Filii et Spiritus Sancti; Apostoli tamen et eorum discipuli in primitiva Ecclesia, sub alia forma baptizaverunt, ex familiari consilio atque instinctu Spiritus Sancti utentes hac forma verborum, Baptizo te in nomine Jesu Christi: ut scilicet nomen Christi amplius dilataretur, et honorabilius ac amabilius redderetur hominibus, quod a Judæis incredulis blasphemabatur. Quo facto, cœpit Ecclesia uti forma Baptismi instituta a Christo. Tamen, quoniam in nomine Christi dabatur Baptismus, forma a Christo præfixa implicite ac virtualiter servabatur, quia in nomine Christi tota supersancta Trinitas intelligi datur. Nam Christus dicitur unctus: sicque in nomine ejus intelligitur Pater ungens, Filius unctus, Spiritus Sanctus unctionis causa, seu unctio effectiva, qui per prædicationem causalem unctio appellatur. *Et*

Joann. viii,
28.

Matth.
xxviii, 19.

A *accipietis donum Spiritus Sancti*, id est, non solum peccatorum remissionem, sed et donum sapientiæ et linguarum, quod in nobis miramini. Tunc namque baptizatis dabatur communiter Spiritus Sanctus in signo sensibili per impositionem manuum Apostolorum, sicut et infra habetur. *Act. viii, 17.* Unde in Scholastica historia sic habetur: Accipietis donum Spiritus Sancti, scilicet, ut loquamini variis linguis, sicut et nos. Et hoc erat signum familiare in primitiva Ecclesia, quia omnes fere ascendentes de B lavacro, loquebantur variis linguis.

Vobis enim facta est repromissio, et filiis vestris, id est, præfata promissio de effusione Spiritus Sancti per Joëlem præ-nuntiata, vos et filios vestros concernit, ita quod in vobis implebitur. Nec solum in vobis Judæis, sed *et omnibus qui longe sunt a vobis*, seu loco, seu dispari cultu et dissimili ritu, puta in gentibus, *quoscumque advocaverit Dominus Deus noster*, id est, per evangelicam prædicationem seu inspirationem divinam, ad fidem et caritatem seu ecclesiasticam unitatem perduxerit, hoc est in omnibus prædestinatis. Propter quod apud Joannem scriptum est: Jesus moriturus erat pro gente; et non solum pro gente, sed ut filios Dei, qui dispersi erant, congregaret in unum. Hinc gentibus scribens Apostolus: Vos, inquit, qui aliquando longe fuistis, nunc prope facti estis in sanguine Christi. Quod etiam in epistola ad Romanos ab Isaia prophetatum declarat.

Aliis etiam verbis plurimis testificatus est, et hortabatur eos, dicens: Salvamini a generatione ista prava, id est, ab incredulis istis Judæis dividamini corde, ut fidem et gratiam suscipientes, illis pereuntibus, vos salvemini. *Qui ergo receperunt sermonem ejus*, id est, verbis Petri acquieverunt, *baptizati sunt* ab Apostolis, aliisque forsán discipulis. *Et appositæ sunt numero credentium animæ*, id est homines, *circiter tria millia*, ad gloriam summæ Trinitatis, totius gratiæ superditissimi fontis, *in illa die*, videlicet Pentecostes.

Act. viii, 17.

39
vers. 17-21.

Joann. xi,
51, 52.

Ephes. ii,
13.

Rom. xv,
11, 21; Is. xi,
10; Lii, 15.

40

41

42

Erant autem perscrutantes in doctrina Apostolorum, illam mansuete ac seculo audiendo ac prompte implendo, juxta illud Jacobi : Abjicientes omnem immunditiam, in mansuetudine suscipite insitum verbum, quod potest salvare animas vestras. Sic et subditi, in doctrina pastorum suorum debent stabiles permanere. *Et communicatione fractionis panis*, id est perceptione Sacramenti. Secundum quod

Jacob. i, 21.

1 Cor. x, 16.

Paulus ait : Panis quem frangimus, nonne participatio corporis Domini est? In primitiva autem Ecclesia crebro, et multi B quotidie communicabant. *Et orationibus*, nec dubium quin et in laudibus Dei, quum et majus atque divinius sit Dei laudibus quam orationibus esse intentum. Nam Deum laudando, magis simpliciamur in ipso, et minus ad nos ipsos reflectimur.

Eccli. xv, 9.

Ps. xxxiii, 2.

Sed quum non sit speciosa laus in ore peccatoris, qui divinæ laudationi cupit insistere, primo in orationibus perseveret, ut purificetur, et corde mundato agat quod scriptum est : Benedicam Dominum in omni tempore, semper laus ejus in ore meo. C

43

Fiebat autem omni animæ timor, id est, universis Judæis et ceteris ista videntibus timor quidam incutiebatur, propter rei novitatem, totque mirabilium eminentiam, ex prædicatione quoque Apostolorum, qua incredulis damnationem comminabantur æternam. *Multa quoque prodigia et signa*, id est miracula majora et minora, *per Apostolos fiebant in Jerusalem* : quæ S. Lucas, brevitati studens, non recitat. *Et metus erat magnus in universis*, propter causas præactas. In quo divina D potentia evidenter ostenditur, quod scilicet discipuli ante Paracleti missionem trepidi, nunc erant intrepidi, et adversarii eorum tam pavidii. Tantus enim gratiæ fulgor, potestatisque vigor, ac Divinitatis operatio in eis splendebant, quod æmuli veritatis formidare coacti sunt : qui illos paulo ante non modo non metuebant, sed et occidere disponebant.

44

Omnes etiam qui credebant, erant pariter mente et corpore, et habebant om-

nia communia. Possessiones et substantias vendebant, scilicet immobilia et mobilia bona, *et dividebant illa omnibus, prout cuique opus erat*. Quo enim spiritualibus divitiis fuerunt pleniores, eo minus curaverunt opes carnales ; et quo in Dei ac proximi dilectione magis ardebant, eo liberalius sua sibi invicem communicabant. Caritas enim omnia facit esse communia, nec sua dumtaxat, sed et se ipsam impendit. Ex quibus elicitur, tanto quemque minus habere de divino amore, quo exstat avarior ; et quo amplius quærit terrena, eo animam habet pauperiorem.

45

Quotidie quoque perdurantes unanimiter in templo, et frangentes circa domos in reditu suo a templo panem, sumebant cibum cum exsultatione spirituali, non carnali, *et simplicitate cordis*, tanquam ab omni simulatione et vanitate dolosa immunes. Tantus fuit in eis caritatis fervor et devotionis instantia, quod in exteriori occupatione et necessaria corpori refectioe, manserunt mente ad Deum suspensi, et gloriantes in contemplatione ipsius. In quibus illud Psalmistæ impletum est : Justi epulentur et exsultent in conspectu Dei, et delectentur in lætitia. In quibus et aliæ multæ propheticæ promissiones vere spiritualiterque impletæ sunt, quas carnales et obstinati Judæi nondum putant impletas, et corporaliter præstolantur implendas. *Collaudantes Deum, et habentes gratiam ad omnem plebem*, ita quod omnibus erant accepti ac honorati, propter tam evidentissimam gratiæ affluentiam in ipsis splendentem, quemadmodum legitur de S. Sebastiano : Necesse erat ut quem Deus tanta perfuderat gratia, ab omnibus amaretur. *Dominus autem augebat qui salvi fierent*, id est, quosdam convertit, et fidelium numero copulavit, *quotidie in id ipsum collegium credentium, vel in ipsomet Deo incommutabili bono, in quod mente tendebant et quiescebant* : de quo fertur in Psalmo, Tu autem idem ipse es ; et rursus, In pace in id ipsum dormiam et requiescam.

46

Ps. lxvii, 4.

47

Ps. ci, 28.
Ps. iv, 9.

ARTICULUS III

EXPOSITIO CAPITULI TERTII : PETRUS AUTEM ET JOANNES ASCENDEBANT IN TEMPLUM.

QUUM evangelica doctrina sit supernaturalis, necesse fuit eam supernaturalibus argumentis probari. Hinc Christus et ejus discipuli, talia operabantur miracula quæ sola divina virtute fieri queunt. Idcirco, quam certum est Deum falsitatis non esse approbatorem aut confirmatorem, tam certum est fidem catholicam esse a Deo. Nunc ergo grande narratur miraculum, quo fidei veritas roborabatur, et plurimi convertebantur.

1 *Petrus autem et Joannes ascendebant in templum*, videlicet ad quemdam locum ejus : qui ut dicitur, fuit atrium mundorum, ubi Judæi secundum legem mundi orabant; *ad horam orationis nominam*. Quocirca aliqui dicunt quod Judæi ter orabant in die, sicut jam ante ex Daniele est allegatum. Veruntamen in Nehemia habetur, quod quater in die et quater in nocte confitebantur Judæi, et adorabant Dominum Deum suum. Præterea hi duo Apostoli, et Apostolorum eximii, in multis associati leguntur, tanquam familiari singularitate conjuncti, quamvis uterque eorum carnalem fratrem haberet apostolum. Nam in Christi ministris plus valet gratia quam natura, seu amor infusus quam naturalis.

2 *Et quidam vir qui erat claudus ex utero matris suæ, bajulabatur in lecto*. Nam secundum Glossam, etiam paralyticus fuit. Quem ponebant quotidie ad portam templi quæ dicitur *Speciosa*. Secundum quod in Scholastica historia legitur, idcirco sic dicta est, quia Alexander Hyrcanus ornamentum quoddam in ea apposuit, in qua et Herodes auream posuit aquilam, fuitque porta atrii mundorum. Palam est autem quod non fuit ea quam

A Joathan rex Juda ædificavit, quæ sublimissima dicebatur, quum illa fuerit per Chaldæos destructa. *Ut peteret eleemosynam*, forte non solum pro se, sed et pro ministrantibus sibi, *ab introeuntibus in templum*. *Is quum vidisset Petrum et Joannem incipientes introire in templum*, *rogabat ut eleemosynam acciperet*. *Intuens autem in eum Petrus cum Joanne, dixit : Respice in nos*. Quod Petrus ideo dixit, ut claudus iste et alii scirent a quibus reciperet quod mox fuerat suscepturus : quatenus per hoc, non ipsi Apostoli, sed Christus glorificaretur, et ad eum alii converterentur. *At ille intendebat in eos oculis mentis et corporis*, tanquam eleemosynæ avidus, et forte ex verbis Petri insolito modo concussus, *sperans se aliquid accepturum ab eis*. Nec fefellit eum fiducia, quoniam plus quam speravit, accepit.

Petrus autem dixit : Argentum et aurum non est mihi. Omnia enim propter Christum reliquit, nec pecunias a conversione Apostolorum ad pedes positas, in suum usum convertit secumque detulit : quia audierat a Christo, *Nihil tuleritis in via*, neque pecuniam ; et, *Nolite possidere aurum et argentum*. *Quod autem habeo*, id est sanitatis beneficium, quod in mea est potestate instrumentaliter, *hoc tibi do*, tanquam instrumentum omnipotentiae Dei, a quo gratiam sanitarum et virtutem miraculorum sortitus sum. *In nomine*, id est in virtute et gratia, *Jesu Christi Nazareni, surge de lecto, et ambula* : quorum nullum potuisti hucusque, saltem expedite. *Et apprehensa manu ejus dextera, allevavit eum*. Circa quod dicit Beda : Quem verbo erigit, dextera confortat, quia ser-

IV Reg. xv, 35; II Par. xxvii, 3.

3

4

5

6

Matth. xix, 27.

Luc. ix, 3.

Matth. x, 9.

7

Dan. vi, 10.

II Esdr. ix, 3.

mo docentis in corde audientium minus A valet, nisi propriae actionis commendetur exemplis. *Et protinus consolidatae sunt bases ejus et plantae*, id est crura et pedes. *Et exsiliens, stetit, et ambulabat* : in quo patet quod subito sit sanatus. Virtus enim divina quum sit infinita, agit in instanti. Et in claudo hoc etiam illud Isaiaë impletum est : Tunc saliet sicut cervus claudus. Quemadmodum autem qui diu in lecto ægitudinis jacuerunt, quum sanatos se sentiunt, præ gaudio (ambulare incipientes) quasi exsiliunt : sic fecit et iste, de sua sanatione ineffabiliter exilaratus. *Et intravit cum illis in templum, in testimonium veritatis, ambulans et exsiliens, et laudans Deum pro beneficio tanto.*

8 *Et vidit omnis populus eum ambulantem et laudantem Deum. Cognoscebant autem illum*, id est, universi qui aderant, noverunt hunc esse qui paulo ante fuerat claudus, et quod ipse erat qui ad eleemosynam sedebat ad Speciosam portam templi. *Et impleti sunt stupore et ecstasi.* Ecstasis dicitur, quasi positio extra se ipsum, seu alienatio mentis a se : quod fit interdum pavore, interdum admiratione, interdum contemplatione seu revelatione. In istis autem ex pavore et admiratione processit. *In eo quod contigerat illi. Quum teneret autem Petrum et Joannem, cucurrit omnis populus ad eos* : vel quia jam noverant eos hoc fecisse prodigium, vel quia ex fama et apparatu eorum id suspicabantur, etiam antequam aliunde audirent ; *ad porticum quæ appellatur Salomonis*, id est in ea parte qua stabat Salomon dum oraret, ut in Scholastica explanatur historia : non tamen fuit eadem numero, sicut nec idem templum. Vel ideo sic vocatur, quia constructa fuit in eodem loco, in quo et illa quam in primo templo Salomon ædificavit.

12 *Videns autem Petrus concursum, respondit ad populum : Viri Israelitæ, quid miramini in hoc, aut nos quid intuemini, quasi nostra virtute aut pietate fec-*

rimus hunc ambulare? Ad opus bonum, præsertim ad beneficii impensionem et misericordiæ actum, requiritur, non solum potestas, sed etiam pietas seu benigna voluntas, vel quædam compassio aut misericordia, quæ nunc per pietatem exprimitur. Quamvis autem virtute et pietate Apostolorum fuerit signum hoc factum instrumentaliter, non tamen principaliter. Et ipsi Apostoli hanc virtutem et pietatem non a se, sed divinitus susceperunt : ideo non sua virtute aut pietate dicunt se istud egisse. Itaque Petrus non arguit eos quod de tanto miraculo mirabantur, sed quia eorum admiratio non fuit ordinata. Adspiciebant enim ad servos et ad instrumentum, magis quam ad Dominum ac principalem agentem. Ideo Petrus erigit eos ad principalis opificis contemplationem, et ad considerationem causæ finalis hujus miraculi, quæ fuit ut per illud Jesus ostenderetur esse Filius Dei, et sic alii converterentur ad ipsum. Hinc subditur :

C *Deus Abraham, et Deus Isaac, et Deus Jacob.* In hoc inæstimabilis dignatio, caritas et misericordia Dei ad homines designantur, quod Deus ille altissimus et immensus, Deus utique universorum, qui digne nominari non potest, dignatur se hominum Deum vocare, quasi principalem habens dilectionem et curam ad eos. Hinc in Exodo ait ad Moysen : Hæc dices ad filios Israel : Dominus Deus patrum vestrorum, Deus Abraham, et Deus Isaac, et Deus Jacob, misit me ad vos. Hoc nomen mihi est in æternum, et hoc est memoriale meum in generationem et generationem. Unde quia Petrus loquebatur Judæis, conformat se modo loquendi patrum veteris Testamenti. *Deus patrum nostrorum glorificavit Filium suum* unigenitum, naturalem, æternum, non adoptivum, scilicet *Jesum*, id est, per hoc miraculum ostendit veritatem et gloriam Jesu Christi. Hoc enim faciendo miraculum in nomine Jesu, ostendit quod vera sit ejus doctrina et prædicatio nostra de

13

Exod. iii, 15.

III Reg. viii, 22 et seq.;
II Par. vi, 12, 13 et seq.

ipso. *Quem vos quidem tradidistis iudici, et negastis esse regem vestrum aut Filium Dei, ante faciem Pilati*, dicentes : Non habemus regem nisi Cæsarem; et rursus : Tolle, tolle, crucifige eum. *Judicante illo*, puta Pilato, *dimitti* hunc Jesum tanquam innocentem. Nam dixit : Nil causæ invenio in eo; et item, Corripiam illum et dimittam. Hoc tamen non protulit sententialiter et ultimate, sed interloquendo dimittendum asseruit.

14 *Vos autem Sanctum et Justum negastis*, videlicet Jesum, qui secundum divinitatem suam est essentialiter sanctus et justus, secundum humanitatem vero, per virtutes et actus earum, justior ac sanctior universis; et petistis virum homicidam donari vobis, id est ad vestram instantiam liberari a morte, videlicet Barabbam, qui fuit seditiosus et latro. *Auctorem vero vitæ interfecistis*, utpote Unigenitum Dei : qui est totius vitæ fontale principium secundum naturam divinam, a quo derivatur vita naturæ, vita gratiæ, vitæque gloriæ; qui secundum naturam assumptam, sua occisione vitam gratiæ et gloriæ instrumentaliter reparavit, imo et vitam naturæ restituit his, quos a morte corporea suscitavit. *Quem Deus suscitavit a mortuis, cujus nos testes sumus.*

16 *Et in fide nominis ejus*, id est Christi, *hunc quem vos videtis et nostis, confirmavit nomen ejus*, id est, invocatio nominis Christi facta in fide quam nos de ipso habemus, consolidavit crura et pedes istius, qui fuerat natus claudus; et *fides quæ per eum est*, id est, fides nostra nobis a Christo collata, et de ipso habita, *dedit*, per modum causæ instrumentalis ac meritoriae, *integram sanitatem istam in conspectu omnium vestrum*. Omnia enimabilia sunt credenti; et virtute ac merito fidei summa fiunt prodigia, secundum quod Salvator testatus est : Si habueritis fidem sicut granum sinapis, dicetis huic monti, Jacta te in mare, et obediet vobis. Itaque merito fidei Apostolorum, non claudi hujus, præstitit Deus

A hanc sanitatem. Miracula autem fiunt quandoque fide facientium ea, quandoque fide eorum quibus fiunt.

Ecce qualis artifex est Spiritus Sanctus, *Sap. vii, 21.* qui huic pauperi piscatori infudit tantam constantiam ut tot millibus hominum non vereretur impropere tam incomprehensibile scelus, videlicet occisionem injustissimam unigeniti Filii Dei, quod solo auditu horrendum est. Verumtamen, quoniam discretio exigit ut rigori pietas misceatur, quia et nostra perfectio est Deo assimilari, qui in omni effectu justitiæ misericordiam miscet, hinc Petrus post asperam invectionem blanda verba inducit, et territos consolatur.

Et nunc, fratres, scio quod per ignorantiam fecistis, sicut et principes vestri, id est pontifices ceterique majores. Et hæc ignorantia excusavit crimen eorum aliquid, non totaliter, imo nec multum, præsertim quantum ad principes. Tanta enim miracula fecit Jesus, et tot Scripturarum auctoritatibus demonstravit se esse Messiam in lege promissum, quod merito debuissent credidisse in eum. Sed excæcavit eos malitia sua. Quomodo autem pro tempore aliquanto principes et alii quidam noverunt Jesum esse Messiam, et quomodo non, qualiter etiam ad tantam cæcitatem inducti sunt ex impatientia sua propter prædicationem Christi contra eos, nunc omitto, quia super Matthæum dixi hoc plenius, et si Spiritus Sanctus concesserit, super Lucam aliquid inde dicturus sum, ex verbis Augustini in

D libro de Civitate Dei. *Deus autem qui prænuntiavit per os omnium Prophetarum pati Christum suum, implevit sic, sicut prædixit : quia divina ordinatione passus est Christus, et eo modo Deus illud implevit, quo sensu nunc dictum est quod tradidit Christum. In tantum enim illud implevit, ut per Isaiam protestetur : Propter scelus populi mei percussi eum. Non tamen induxit Judæos ad faciendum hoc scelus, sed Christo inspiravit promptissimum animum patiendi, et malis actibus*

Joann. xix, 15.
Ibidem.

Luc. xxiii, 4, 22.

Matth. xxvii, 20, 21;

Joann. xviii, 40.

Marc. ix, 22.

Matth. xvii, 19; xxi, 21.

17

Ibid. ii, 21.

In Matth. xxi, 46.

In Luc. iv, 3.

18

Is. liii, 8.

impiorum usus est Deus ad bonum. Ex hac autem auctoritate elicitur, quod universi Prophetæ verbo vel scripto aut mystico facto Christum prænuntiaverunt passurum, sicut et Zacharias fatetur: Visitavit et fecit redemptionem plebis suæ, sicut locutus est per os sanctorum, qui a sæculo sunt, Prophetarum ejus.

19 *Pœnitementi igitur de vestris peccatis, præsertim de Christi occisione dolete, et convertimini ad Dominum Salvatorem, ut deleantur peccata vestra: ut quum venerint tempora refrigerii, id est dies judicii, in quo electis plenaria quies præstabitur (unde et justis appetendus est dies ille, secundum quod ait Salvator:*

Ibid. xxi, 28. His fieri incipientibus, levate capita vestra, quia appropinquat redemptio vestra), *a conspectu Domini, id est ab ipso Deo, et elementissimo ejus in suos electos adspectu: ab ipso enim tempus illud proveniet; et miserit eum qui prædicatus est vobis, Jesum Christum, ad judicandum de omnibus, in forma humana visibili, glorificata: secundum quam minor*

Joann. xiv, 28. 21 *est Patre, et ab ipso mittetur; quem oportet quidem cælum suscipere, id est susceptum interim tenere, ita quod interim sedebit in cælo ad dextram Patris, usque in tempora restitutionis omnium, id est usque in tempus finalis judicii, in quo unicuique quod promeruit, retribuetur, et quidquid inordinatum fuit per culpam, ordinabitur per pœnam, ita quod singula debitis locis ac præmiis constituentur, quæ locutus est Deus per os sanctorum suorum a sæculo Prophetarum: quia de*

Apoc. xxii, 12. hac omnium restitutione pene a principio mundi locuti sunt vates sancti. Propter quod Judas in sua Canonica introducit testimonium Enoch de futuro judicio.

Consequenter docet quod legislator Judæorum Moyses, de Christo sit vaticinatus.

22 *Moyses quidem dixit in Deuteronomio: Deut. xviii, 15, 18, 19.* Quoniam Prophetam suscitabit vobis Dominus Deus vester de fratribus vestris, id est, de semine Judæorum Christum secundum carnem producet, et gratia pro-

phetiæ eminenter implebit, *tanquam me ipsum.* Tanquam, notat hic aliqualem multumque defectivam similitudinem, quum Christus incomparabiliter major sit Moyses; sed in hoc est similitudo, quod sicut Moyses fuit lator legis scriptæ, sic Christus legis evangelicæ. Christo autem, in quantum fuit aliquo modo viator, competit nomen et ratio Prophetæ, quia ut sic, claræ visionis non fuit ut comprehensores. Verum, sicut ipse est angelus, et Dominus atque creator angelorum; sic ipse

Is. ix, 6, juxta LXX.

B Prophetæ, et Dominus ac impletor Prophetarum. *Ipsam audietis juxta omnia quæ locutus fuerit vobis.* Hoc Moyses ait hortando, non affirmando: nam pro majore parte Judæi Christum audire spreverunt. Insuper, juxta morem Scripturæ, Moyses Judæos sui temporis in persona eorum qui tempore Christi erant futuri, alloquebatur. De toto enim populo solet loqui Scriptura quasi de aliquo uno: ideo ad unam partem sub persona alterius partis sæpe dirigitur sermo. *Erit autem: omnis anima quæ non audierit Prophetam illum, id est, omnis homo tempore evangelicæ legis et prædicationis ac promulgationis ejus existens, qui in Christum non crediderit, nec verba ejus ab ipso vel prædicatoribus ejus susceperit, exterminabitur de plebe, id est, de electis populi sui tolletur, atque damnabitur.*

23

Et omnes Prophetæ a Samuel et deinceps qui locuti sunt, annuntiaverunt dies istos, id est, de tempore primi adventus Christi, et passionis resurrectionisque ejus prophetaverunt. Christus enim est finis legis et omnium opus Prophetarum, ad quem omnia tunc ordinabantur: et de ipso ac ejus mysteriis loqui, fuit principalis Prophetarum intentio. Hinc et Judæorum magistri fatentur, quod omnes Prophetæ non sunt locuti nisi super dies Messiae. Sed quum a principio mundi et tempore Patriarcharum non defuerit prophetia de Christo, dicente Virgine gloriosa, Sicut locutus est ad patres nostros, Abraham et semini ejus in sæcula: cur

24

Rom. x, 4.

Luc 1, 55.

de Prophetis qui a tempore Samuelis fuerunt, loquitur Petrus, præsertim quum in Genesi patriarcha Jacob tam evidenter et copiose vaticinetur de Christo? Et respondendum, quod tempore Samuelis cœpit cursus regum in duodecim tribubus Israel, et ex tunc fuerunt Prophetæ, qui manifeste scripserunt de Christo, scilicet, David, Isaias, Osee, etc. Præcedentes autem tam evidenter locuti non sunt, saltem communiter; vel prophetias suas non conscripserunt.

25 *Vos estis filii Prophetarum*, id est discipuli et sequaces seu posteri : et aliqui vestrum de illorum sunt semine nati ; *et testamenti quod disposuit Deus ad patres nostros* per Moysen in deserto, id est, veteris Testamenti imitatores seu filii estis, *dicens ad Abraham*, in Genesi : *In semine tuo*, id est Christo a te secundum carnem nascituro, *benedicentur*, id est, dona gratiæ in præsentī et bona gloriæ in patria consequentur, *omnes familiæ terræ*, id est universæ tribus, linguæ et gentes, videlicet quædam de omnibus : juxta id in Psalmo, Reminiscentur et convertentur ad Dominum universi fines terræ. *Vobis primum Deus suscitans*, id est proponens, vel secundum naturam assumptam procreans, *Filium suum* incarnatum : qui dixit, Non sum missus nisi ad oves quæ perierunt domus Israel ; *misit illum benedicentem*, id est multa beneficia impendentem, *vobis*, inter quos visus et conversatus est. Vel, *Suscitans eum a morte ad vestram salutem*, misit illum nunc vobis per nostram prædicationem, benedicentem vobis, id est, dona gratiæ conferentem aliquibus vestrum. *Ut convertat se unusquisque a nequitia sua*, illam de cetero abhorrendo, præteritamque deflendo. Omne autem peccatum ex habitu vitioso, seu deliberatione ac certa scientia

A oriens, dici potest nequitia, non autem quod ex infirmitate aut ignorantia excusante prodit.

Præterea, juxta mysticum intellectum, per hunc claudum a nativitate, intelligitur populus Judæorum a principio legis datæ rebellis, nec in via Dei recte incedens : quem sancti patres ac Prophetæ ante portam templi Speciosam, id est ad Christum, deferebant ut salvaretur per eum, qui ait : Per me si quis introierit, salvabitur. *Joann. x, 9.* Ab ingredientibus autem templum, puta a sanctis fidelibus, populus iste salutis subsidia quærere debet. Petrus vero, id est quicumque firmus et fortis in fide, talis potest juvare, et templo inducere seu Christo incorporare. Similiter per claudum istum signatur quilibet Christianus vitiis jugiter assuetus : quem devoti ad Christi misericordiam ferre conantur, et ponunt ante portam clementiæ, hortantes ut ab universis ingredientibus domum Dei, id est terrena spernentibus, amanti- busque divina, animæ suæ quærat cibaria. Cui dicunt devoti : Respice in nos, id est, conversationem nostram sectare. Qui quum fuerit radio illustrationis supernæ perfusus, animoque a claudicatione sui obliqui incessus sanatus, mox exsilit, stat, ambulat, atque cum illis ecclesiam intrat. Surgit a vitiis, exsilit, gratias referendo quod de tenebris suis eductus, lucem conspicit veritatis, in qua sapide intuetur quam aspernanda sint omnia quibus mens impeditur a Deo. Stat quoque, perseverando in bono incepto ; ambulat, proficiendo ; intrat ecclesiam, cœlestis regni beatitudinem contemplando. Quibus visis, multi tantam mutationem dextræ Excel- *Ps. lxxvi, 11.* si vehementer mirantur, confluuntque ad eum per quem tanta est facta conversio, qui admonet non se, sed Dei laudare virtutem.

ARTICULUS IV

ELUCIDATIO CAPITULI QUARTI : LOQUENTIBUS AUTEM ILLIS AD POPULUM.

- N**ON cessat adversarius veritatis et æmulus æquitatis, veritati et æquitati resistere. Hinc a principio evangelicæ legis invisibiles atque visibiles hostes adversati sunt Ecclesiæ sanctæ, sicut nunc recitari incipitur. *Loquentibus* autem illis, videlicet Petro et Joanne, ad populum, supercenerunt sacerdotes, et magistratus templi, id est iudices et doctores, et Sadducæi : qui specialem sectam habebant, quia nec angelum nec spiritum, nec resurrectionem esse dicebant, animam quoque humanam asserebant mortalem ; et quoniam omnium horum oppositum docebant Apostoli, tristabantur de eorum prædicatione hi Sadducæi. Ideo subditur : dolentes quod docerent populum, et annuntiarent in Jesu resurrectionem ex mortuis, id est per Christi virtutem omnes mortuos suscitandos ; vel, In Jesu, id est in ejus doctrina ac fide. Et injecerunt in eos manus violentas ac sacrilegas, et posuerunt illos in custodiam usque in crastinum. Ideo tunc eos incarceraverunt, nam vespera fuit, sicque hora judicandi transierat. Hinc subditur : Erat autem jam vespera.*
- Multi autem eorum qui audierant verbum Dei a Petro, sicut præcedenti capitulo scriptum est, crediderunt ; et factus est numerus virorum quinque millia, qui hoc die crediderunt, et baptizati sunt forsitan diebus sequentibus. Credibile quoque est quod multæ mulieres et pueri, præsertim virorum istorum, tunc conversi sint. Sed consuetudo Scripturæ est feminarum et puerorum numerum non taxare. Pueri autem vocantur seu parvuli, qui infra vicesimum annum sunt ; viri, qui illum sortiti sunt.**
- Factum est autem in crastinum, ut congregarentur principes eorum et seniores et Scribæ in Jerusalem. Et Annas princeps sacerdotum. Tempore autem passionis Caiphas fuit princeps sacerdotum, sed omni pene anno, principatus sacerdotii transferebatur ad alium. Et Caiphas, et Joannes, et Alexander, et quotquot erant de genere sacerdotali. Itaque conglobati sunt, ut sua auctoritate, multitudine et excellentia, Apostolos tanquam idiotas et pauperes confutarent, terrerent, obruerent. Et statuentes eos in medio, interrogabant : In qua virtute, aut in quo nomine, id est per cujus invocationem, fecistis hoc vos, scilicet claudum a nativitate, optime ambulantiem ? Opera enim gratiæ, perfectiora sunt operibus naturæ. Unde sicut vinum quod Christus fecit de aqua, fuit prævalidum ; ita et claudus iste Christi virtute sanatus, eminenter convaluit.**
- Tunc Petrus repletus Spiritu Sancto, dixit ad eos : Principes populi et seniores Israel, audite : Si nos hodie dijudicamur in benefacto hominis infirmi, id est, si nunc ad iudicium trahimur, reprobamur, damnamur pro beneficio curationis huic collato, in quo beneficio iste salvus factus est ab impedimentis ambulandi, notum sit vobis omnibus et omni plebi Israel, quia in nomine Domini nostri Jesu Christi Nazareni, quem vos crucifixistis, quia id procurastis, * iste adstat coram vobis sanus, id est, virtute et invocatione Jesu Christi curatus est. Hic, scilicet Christus, est lapis angularis, qui reprobatus est a vobis ædificantibus, id est populum Judæorum instruuntibus, qui factus est in caput anguli, id est, a Deo factus est conjunctor et princeps popu-**

Num. 1, 3.

Joann. xi, 49.

Ibid. ii, 7-10.

* [quem Deus suscitavit a mortuis, in hoc]

41 Ephes. ii, 20 ; Ps. cxvii, 22, 23.

lorum duorum. Nam sicut in lapide angulari concurrunt et connectuntur duo parietes ; ita in Christo conjuncti sunt electi ex Judæis atque gentibus, et ipse

Ephes. II,
14, 15.

est caput illorum, ut duos condat in semetipso, qui est pax nostra, utraque faciens unum, ut ait Apostolus. De quo per Isaiam Dominus ait : Ponam in Sion lapidem angularem, summum, probatum.

Is. XXXVIII,
16.

12 *Et non est in alio aliquo salus.* Vera namque salus seu beatitudo non consistit nisi in Christo objectaliter, secundum suam divinitatem ; nec per hoc excluduntur Pater et Spiritus Sanctus, sed includuntur, quum tres supersanctæ Personæ sint unum veræ ac totius beatitudinis essentialis objectum. Rursus, in solo Christo secundum humanitatem, est salus tanquam in mediatore per quem facta est salvatio. De quo apud Isaiam legitur : Dominus iudex noster, Dominus legifer noster, Dominus rex noster, ipse veniet et salvabit nos. *Nec enim aliud nomen est,* id est alia res nomine designata, *sub cælo,* id est in terra, *datum hominibus a Patre,* seu Trinitate altissima, *in quo,* id est ejus virtute, fide et gratia, *oporteat nos salvos fieri.* Ideo omnes a principio mundi salvati, aliquo modo per Christi fidem et gratiam sunt salvati. Nam et passio Christi id fecit futura, quod facit præterita, mediantibus fide et sacramento, ut Augustinus declarat.

Ibid. XXXIII,
22.

13 *Videntes autem Petri constantiam et Joannis,* quod scilicet tanto nobilium et potentum agmine cincti, steterunt intrepidi, et tam ordinate ac sine timore Petrus respondit (justus quippe quasi leo confidens, absque terrore erit), *comperto,* id est certive invento et cognito, *quod homines essent sine litteris,* id est absque scientiis humano studio acquisitis, *et idiotæ,* ante missionem Spiritus Sancti. Per tales enim voluit Deus evangelicam legem denuntiari, ne ejus divulgatio humanæ industriæ, scientiæ, aut eloquentiæ adscriberetur. Nam Paulus asserit se prædicasse, non in sapientia verbi, sed in

Prov. XXVIII,
1.

I Cor. I,
17;
II, 4.

A ostensione signorum, ne crux Christi evacuetur. *Admirabantur,* videntes effectum insolitum, et causam ejus, scilicet Spiritus Sancti infusionem Apostolis datam, ignorantes. Quum enim sapientis sit uniformiter se habere, constantia sapientiæ signum est, juxta illud Ecclesiastici : Homo sanctus in sapientia manet ut sol ; nam stultus mutatur ut luna. *Et cognoscebant eos, quoniam cum Jesu fuerant ante ipsius passionem.* Joannes nempe se scribit notum fuisse pontifici. Frequenter quoque Judæi viderunt Apostolos ambulantes cum Jesu, et secum in Jerusalem exsistentes. *Hominem quoque videntes stantem cum eis,* scilicet Petro et Joanne, *qui fuerat curatus, nil poterant contradicere* verbis Petri, nec magicis artibus tantum deputare miraculum. Ex quo Porphyrii innotescit insania, qui Petrum asserit magum fuisse, et signum istud non vere, sed ludificatorie exhibuisse, sicut in libro de Civitate Dei plenius recitat Augustinus.

Eccli. XXVII,
12.

Joann. XVIII,
15.

Jusserunt autem eos foras extra concilium secedere, ut inter se, quid acturi essent, liberius pertractarent. *Et conferebant ad invicem, dicentes : Quid faciemus hominibus istis ? quoniam quidem notum signum, id est famosum evidensque miraculum, factum est per eos omnibus habitantibus Jerusalem : manifestum est, et non possumus negare.* In quo declaratur istorum excæcatio maxima, quod tot visis prodigiis conversi non sunt, excæcante eos sua malitia. Corruptio namque in affectu, parit corruptionem in intellectu seu rationis judicio. *Sed ne amplius divulgetur in populum istud miraculum, comminamur eis sub gravi pœna ne ultra loquantur in nomine hoc,* id est de Jesu Nazareno, *ulli hominum.* In hoc isti Judæi egerunt contra id quod apud Tobiam Raphael ait : Opera Dei revelare et confiteri, honorificum est. *Et vocantes eos, denuntiaverunt eis ne omnino loquerentur neque docerent in nomine Jesu.* Non enim audebant eos incarceratione aut occidere, ne concitarent contra se populum.

14

15

16

Sap. II,
21.

17

Tob. XII,
7.

18

- 19 *Petrus vero et Joannes dixerunt : Si* A loco intelligitur Deus Pater, sicut verba
justum est in conspectu Dei eos potius pandunt sequentia. *Qui Spiritu Sancto* 25
audire per obedientiam quam Deum, ju- *per os patris nostri David pueri tui di-*
dicare. Quasi dicant : Certissimum est *æisti.* Aliqui autem Apostolorum ac disci-
quod non. Creatori enim magis quam cre- pulorum de semine David orti fuerunt :
aturæ est obediendum, potissime quum omnes tamen Patriarcham suum spiritua-
illa jubet quæ prohibet ille, vel prohibet lem patrem esse professi sunt.
quæ ille jubet. Ubi enim superior præci- *Quare fremuerunt gentes, et populi* Ps. II, 1.
pit, et inferior contradicit, non est audi- *meditati sunt inania?* Gentes contra Chri-
endus inferior. *Non enim possumus quæ* stum frementes, fuerunt crudelissimi ser-
20 *audivimus et vidimus, scilicet Christi my-* vi Pilati et Herodis, a quibus illusus, fla-
steria, passionem, suscitationem, ascen- gellatus, spinis coronatus, et crucifixus
sionem, Paracleti missionem, non loqui, B est Dominus majestatis. Populi vero qui
quum Deus nobis præcepit hæc prædica- contra Filium Dei meditabantur inania,
re. Unde apud Joannem habetur : Verbum fuerunt Scribæ et Pharisei cum aliis mul-
Joann. I, 14. caro factum est, et habitavit in nobis, et tis Judæis, qui vana consilia contra Chri-
vidimus gloriam ejus. stum cogitaverunt, et fine optato frustrati
sunt. Voluerunt enim occidere Jesum, ne
21 *At illi comminantes dimiserunt eos,* locum et gentem perderent, ne scilicet
non invenientes quomodo punirent eos, a Romanis vastarentur, et ut per tam
propter populum, qui magnificavit Apo- 48. *Joann. XI,*
stolos in tanto miraculo, *quia omnes cla-*
rificabant id quod factum fuerat, id est, turpem mortem memoriam Jesu extin-
prodigium istud præclarum esse confessi guerent, juxta illud Jeremiæ : Super me
22 sunt. *Annorum enim erat homo amplius* C cogitaverunt consilia, dicentes : Venite,
quadraginta, in quo factum fuerat si- damus eum de terra viventium, et nomen
gnum istud sanitatis. Ideirco persona ejus ejus non memoretur ultra. Rursus, ina-
et innata debilitas cunctis innotuit, nec niter meditati sunt, dicentes : Tanquam
fuit tergiversatio adversus tam sensibilem 18. *Sap. II, 16-*
veritatem. *Dimissi autem Petrus et Joannes, vene-*
23 *runt ad suos coapostolos et condiscipu-*
los, et annuntiaverunt eis quanta ad eos
principes sacerdotum et seniores dixis-
sent. Hoc namque fuit eis utile scire. Ami-
ci autem secreta sua et accidentia sibi fa-
miliaribus suis revelant. Quod tamen cum
grandi agendum est discretionem, ne audi- D
24 *entis animus incidat culpam. Qui quum* esset Filius Dei, Pater non permetteret
audissent, unanimiter levaverunt vocem eum occidi. Propter quod crucifixo in-
ad Dominum, et dixerunt, scilicet, verba sultaverunt, dicentes : Si rex Israel est
sequentia omnes pariter inceperunt, ita (vel, Si hic est Christus Dei electus), de-
quod nemo eorum alios ad proferenda scendat nunc de cruce, et credimus ei :
hæc verba induxit primitus incipiendo, *Matth.*
aut simili modo. Magnum fuit miraculum, *xxvii, 42 ;*
et evidens signum quod a Spiritu Sancto *Luc. xxiii,*
omnes similiter inspirabantur. *Domine,* 35.
qui fecisti cælum et terram et mare, et
omnia quæ in eis sunt. Per Dominum, hoc
quasi Prophetæ non prædixissent Chri-
stum pro mundi salute passurum. Hinc
evenit eis oppositum. Nam quoniam Fi-
lium Dei crucifixerunt, a Romanis vastati
sunt, et Christus per suam passionem am-
plius glorificatus est, totique mundo no-
tificatus.

- 26 *Ps. II, 2.* *Adstiterunt reges terræ, scilicet Herodes rex, et Pilatus iudex, qui a regendo, non a regia potestate dictus est rex. Et principes convenerunt in unum, scilicet Annas et Caiphas, adversus Dominum et adversus Christum ejus, id est contra Patrem et Filium incarnatum, totius gratiæ plenitudine unctum secundum naturam assumptam. Qui enim contra unam divinam agit Personam, etiam contra alias duas peccat : quamvis aliqua peccata per appropriationem quamdam dicantur contra Patrem, aliqua contra Filium, aliqua contra Spiritum Sanctum. Hinc Filius ait : Qui non honorificat Filium, non honorificat Patrem qui misit illum ; et alibi, Odio habuerunt me et Patrem meum gratis. In prima quoque Canonica sua ait Joannes : Qui non credit in Filium, mendacem facit Patrem.*
- Consequenter sancti isti inductam auctoritatem ad propositum applicant et exponunt. *Convenerunt enim vere, veritate rei, et etiam veritate sermonis, quantum ad historicam recitationem ; non autem convenerunt vere, veritate justitiæ, et veritate verborum inter se habitorum, sed injuste atque mendose ; in civitate ista Jerusalem, adversus sanctum puerum tuum Jesum, scilicet unigenitum Filium, quem unxisti unctione spirituali, videlicet omnium gratiarum charismate, quantum ad animam, a primo incarnationis momento : juxta illud, Unxit te Deus, Deus tuus. Propter quod Evangelista dicit : Non ad mensuram dat Deus Spiritum, scilicet homini Christo. Herodes et Pontius Pilatus cum gentibus et populis Israel. Herodes autem et Pilatus quantum ad hoc convenerunt, quod in Christi persecutione unanimes fuerunt. Facere, id est Christum persequi et occidere, quæ manus tua et consilium tuum, id est potentia et sapientia tua, decreverunt fieri. Quid illi igitur peccaverunt, quum potestati Dei nullus queat resistere, et bonum videtur id facere quod Deus vult fieri ? Sed Deus non voluit illud fieri eo modo quo impii hoc fecerunt, nisi*
- A* permissive ; voluit vero id fieri eo modo quo id passus est Christus. Quomodo autem intelligendum sit istud, in præcedentibus duobus capitulis dictum est plenius. *Cf. Act. II, 23 ; III, 18.*
- Et nunc, Domine, respice in minas eorum, illas compescendo, ne aliorum salutem impedian. Et hoc ex caritate et zelo justitiæ oraverunt. Et da servis tuis cum omni fiducia loqui verbum tuum, in eo quod manum, id est potestatem, tuam extendas ad sanitates, et signa, et prodigia fieri per nomen sancti Filii tui Jesu, id est per virtutem et invocationem ipsius, per quod prædicantium fiducia augeatur, et audientium corda fidem amplectantur.*
- Et quum orassent, motus est locus in quo erant congregati. Per hunc terræ supernaturalem motum significavit Deus, quod sua potestas eis in cunctis adisteret, et quod eorum oratio esset audita, itemque quod corda principum terrenorum Christi virtute essent vincenda. Et repleti sunt omnes Spiritu Sancto, id est, in gratia et fervore tunc vehementer creverunt, mirabilemque Spiritus Sancti senserunt contactum, roborationem et exhilarationem, et loquebantur verbum Dei cum fiducia, quia et se fructificaturos in aliorum conversione sperabant, et eos qui corpus occidunt, non formidabant. *Matth. X, 28.**
- Multitudinis autem credentium erat cor unum et anima una, id est voluntatis concors affectio, et mens per caritatem eximiam coadunata. Quo enim pleniores fuerunt in gratia, caritate et ceteris donis Spiritus Sancti, eo in omnibus concordiores exstiterunt. Quemadmodum namque ex humanæ mentis imperfectione generatur opinionum diversitas et affectionum discordia, ita ex gratiæ et caritatis confortatione procedit assertionum et desideriorum parilitas. Pro hac unitate suorum per caritatem (cujus est unire) oravit Salvator ante passionem : Pater sancte, serva eos in nomine tuo quos dedisti mihi, ut sint unum sicut et nos, et sint consummati in unum. In quibus impletum est*
- 27
- 28
- Esther XIII, 9.*
- 29
- 30
- 31
- 32
- Joann. XVII, 11, 23.*

quod per Jeremiam Dominus pollicetur : *A* Dabo eis cor unum et animam unam, et letabor super eis, quum benefecero eis. *Nec quisquam eorum quæ possidebat, quidquam suum esse dicebat, sed erant illis omnia communia.* Caritas nempe quo perfectior, eo liberalius se communicat et effundit, nec quæ sua sunt querit. Et quanto quis spiritualia dona futuraque bona sincerius appetit et exquirat, eo minus curat terrena. In hac autem primitivæ Ecclesiæ sacratissima conversatione, cœnobarum vita fundatur, quæ et vitam Beatorum in patria imitatur, in qua omnia sunt communia.

33 *Et virtute magna, id est forti et efficaci prædicatione atque potenti miraculorum operatione, reddebant Apostoli testimonium resurrectionis Jesu Christi Domini nostri.* Idcirco de resurrectione specialem fecerunt mentionem, quia illa incredibilior videbatur, et in ea cetera includebantur, scilicet passio et ascensio ; et gratia magna erat in omnibus illis, tam in Apostolis quam ceteris discipulis.

34 *Neque enim quisquam egens erat inter illos : quia sufficientiam, non superfluitatem habebant, juxta illud Proverbiorum : Mendicitatem et divitias ne dederis mihi ; tribue tantum victui meo necessaria. Quotquot enim possessores agrorum aut domorum erant, vendentes afferebant pretia eorum quæ vendebant, et ponebant ante pedes Apostolorum.* Per quod monstrabant se despiciere ista terrena, atque plenissima fide cœlestia inquirere. *Dividebatur autem singulis, prout cuique opus erat, id est necesse et utile.* Hujus vitæ figura in filiis Rechab præcessisse videtur : de quibus in Jeremia habetur quemadmodum Jonadab filius Rechab pater Rechabitarum præceperit filiis suis non bibere vinum, nec ædificare domum, nec serere agrum, nec plantare vineas, sed habitare in tabernaculis. Denique in

vere impletum est quod in Christi adventu futurum Deus per Isaiam prædixit : *Sedebit populus meus in pulchritudine pacis, et in tabernaculis fiduciæ, et in requie opulenta.* Sophonias quoque : *Reliquiæ, inquit, Israel non facient iniquitatem, nec loquentur mendacium : quoniam ipsi pascuntur et accubabunt, et non erit qui exterreat.*

Joseph autem, qui cognominatus est Barnabas ab Apostolis, quod est interpretatum filius consolationis : quem ita cognominaverunt sancti Apostoli, quia et ipsi, et ceteri credentes, de conversione et maxima gratia hujus Joseph plurimum consolati fuerunt. Erat namque persona notabilis, et ad aliorum instructionem bene disposita : ideo subditur, Levites, quia de genere sacerdotali. Cyprius genere, id est in insula Cypro natus. Cujus parentes per captivitatem et dispersionem ad illum deducti sunt locum. Quum haberet agrum. Quamvis enim non licuit Levitis habere hereditaria bona in propria terra, tamen in aliena id licuit eis. In propria namque terra de sacrificiis sustentabantur. Vendidit eum, et attulit pretium, et posuit ante pedes Apostolorum, proprietati resignans et Apostolorum voluntati dispensationem commendans. Iste est Barnabas comes Pauli, non ille qui supra dictus, cum Matthia statutus.

Postremo, quod dictum est, Multitudinis credentium erat cor unum et anima una, quamvis ab omnibus considerandum, et imitandum, atque implendum sit Christianis, potissime tamen a religiosis, qui apostolicæ perfectionis vestigia sectari professi sunt. Cœnobia equidem, sicut ait Hieronymus, si pacis concordia caritatisque unitas adsint, sunt paradisi Dei in terra ; et habitantes in eis, sunt angeli. Si vero defuerint, sunt infernus ; et habitatores, diaboli.

ARTICULUS V

ELUCIDATIO CAPITULI QUINTI : VIR AUTEM QUIDAM NOMINE ANANIAS.

SICUT in veteri Testamento quidam in A principio lationis legis Mosaicæ, ob ejus transgressionem dire puniti leguntur, ut filii Aaron, qui combusti sunt eo quod ignem alienum offerrent, et alter *Lev. x, 1, 2.* qui ligna collegit sabbato, quatenus præcipientis auctoritas monstraretur, et alii ad observantiam diligentiores inducerentur, pateretque quam salubre esset legi obtemperare divinæ, quam impium et damnabile non parere; ita et in evangelica accidit lege, quandoquidem evangelicæ legis derogantes sinceritati, terribiliter sunt plagati: quod in principio hujus capituli exemplo ostenditur.

- 1 *Vir autem quidam nomine Ananias, cum Saphira uxore sua, vendidit agrum,*
 2 *et fraudavit de pretio agri, partem pecuniæ sibi fraudulenter servando, quam totam tenebatur in communem usum proferre, conscia uxore sua : nam ea sciente et consentiente factum est hoc; et afferens partem pretii, ad pedes Apostolorum posuit. Dixit autem Petrus, cui istud per revelationem divinam innotuit : Ananias, cur tentavit, id est, in tentationem induxit ac superavit, Satanas cor tuum, vel, Cur tentavit, id est, cur ita peccasti quod Deus sic te dereliquit vinci? (exigentibus enim præcedentibus nostris peccatis frequenter dure tentamur, et in tentatione a Deo juste relinquimur), mentiri te Spiritui Sancto, id est nec fidelitatem nec veritatem ei servare, sed ad ejus mentiri injuriam? Sic omnis qui frangit votum, Spiritui Sancto mentitur. Qui autem societatem illius primitivæ Ecclesiæ ingrediebantur, vivere in communi volebant. [Et fraudare de pretio agri.] Nonne manens manebat tibi? id est, nonne ager*

nondum venditus tuus erat? *et venundatum erat in tua potestate?* id est, spatium seu hereditarium bonum agri istius post venditionem fuit in tua voluntate, quantum ad pretium venditi. Et hoc referendum ad tempus præcedens votum præfatum. *Quare posuisti in corde tuo hanc rem tam impiam per consensum? Non es mentitus hominibus, sed Deo.*

Ananias iste eo ipso quo partem pretii ante Apostolos posuit, facto asseruit agrum non nisi tanti venditum esse, sicque mentiebatur hominibus. Probabile quoque est quod uxori suæ, forte et emptori et testibus, commisit ut dicerent idem. Verum consuetudo Scripturæ est, ut quum aliquid fit a duobus notabiliter in dignitate seu qualitate distinctis, a majori tantum factum dicatur, sicut et Moyses ait Judæis : Non contra nos est *Exod. xvi,* murmuratio vestra, sed contra Dominum; ^{8.} itemque Apostolus, Non est nobis colluctatio adversus carnem et sanguinem, sed *Ephes. vi,* ^{12.} adversus principes et potestates. Similiter Ananias nunc dicitur non mentitus hominibus, sed Deo, quia illis non solum, sed Deo principaliter est mentitus. Sed quomodo aliquis potest Deo mentiri, quem nemo fallere potest? Et respondendum, quod Deo mentiri, est ad suæ æternæ veritatis injuriam, coram illo falsum proferre. Præterea notandus est hic ordo verborum. Primo enim locutus est Petrus : Cur tentavit Satanas cor tuum mentiri te Spiritui Sancto? Deinde subintulit : Non es mentitus hominibus, sed Deo. Ex qua auctoritate Thomas in Summa contra gentiles probat, quod Spiritus Sanctus sit Deus.

Audiens autem Ananias hæc verba, ce-

5

cidit et exspiravit. Non magica arte id fecit Petrus, ut fingit Porphyrius; sed ex Spiritu Sancto locutus est, et angelo Dei transgressorem intus cædente, exstinctus est impius. Nee fuit hoc crudelitatis, sed æquitatis, ad aliorum emendationem, sicut et unum membrum abscinditur ne totum corpus inficiatur. Sperarique potest quod Petrus sua prece transgressori huic gratiam pœnitendi obtinuit, quem foris tam districte correxit. Verumtamen in Scholastica historia fertur, quod justorum societatem intravit ut necessaria vitæ haberet sine labore. Et sic aliunde malus et simulator fuisset. [Et factus est timor magnus super omnes qui audierunt.] *Surgentes autem juvenes, qui erant christiani, amoverunt eum, id est cadaver defuncti, et efferentes sepelierunt.*

Factum est autem quasi horarum trium spatium, et uxor ejus nesciens quod factum fuerat, introiit. Respondit autem ei Petrus : Dic mihi, mulier. Quomodo mulieri huic Petrus respondet, a qua interrogatus non fuit, imo quam ipse interrogavit? Sed respondet ei ad opus, non ad quæstionem. Respondet enim, id est, correspondenter seu convenienter locutus est ei ad factum ipsius, prout factum illud exegit. *Si tanti agrum vendidistis, sicut est pretium ante Apostolos positum? At illa dixit : Etiam tanti præcise.* Petrus autem ait ad eam : *Quid utique convenit vobis tentare Spiritum Domini, id est Spiritum Sanctum, seu ipsum Dominum Deum qui spiritus est? Hæc vero fraudatio fuit æquivalenter tentatio Dei, qui tam fraudulenter partem pretii occultaverunt, tamque audenter mentiti sunt, quasi de divina providentia et Dei scientia dubitassent. Ecce pedes eorum qui sepelierunt virum tuum, ad ostium sunt.* Forte enim Petrus audivit redeuntium sonitum.

Vel, in spiritu vidit quo essent : quemadmodum Eliseus vidit Giezi currentem post Naaman; quemadmodum etiam ait Apostolus, *Etsi corpore absens sum, tamen spiritu præsens sum, gaudens et vi-*

dens ordinem vestrum. Et efferent te : quasi diceret, Protinus morieris, et ad sepulcrum duceris. Confestim cecidit ante pedes ejus percussa ab angelo, et exspiravit. Intrantes autem juvenes, [invenierunt illam mortuam, et extulerunt, et] sepelierunt illam ad virum suum, id est prope corpus viri defuncti. Fuit enim consuetudo Judæis, viros et conjuges in eodem tumulo poni, ut conjunctionem carnis sequeretur conjunctio pulveris, et quia de costa viri facta est mulier.

Et factus est timor magnus in universa Ecclesia, et in omnes qui audierunt hæc, id est in omnibus, scilicet credentibus, qui et extra Jerusalem erant. Perfectis autem incutiebatur timor reverentialis ac filialis. Omnes vero cognita Dei vindicta, apostolicæ conversationis sinceritatem diligentius imitari conati sunt. Nam et ideo Deus fecit hanc ultionem, ne et alii tale aliquid attentarent. Timor namque retrahit a peccato, quemadmodum in Proverbiis scriptum est : Per timorem unusquisque declinat a malo.

Denique, sicut verorum monachorum vita et institutio, a conversatione et paupertate primitivæ Ecclesiæ sumpsit exordium, ita ex Anania et Saphira, fictorum monachorum, qui dicti sunt Sarabaitæ, teterrimum genus, Cassiano testante, exortum est. Qui magnam coram hominibus devotionem et paupertatem simulantes, inter se clam delicate vixerunt. — Postremo, circa hunc locum scribit Beda : Nulla re hos duos pœnitentia curari passus est Petrus, sed ad timorem posteris incutiendum, noxium gramen radicitus amputare curavit. Ex quo patet quam detestabile ac horrendum sit vitium proprietatis in religiosis, qui utique evangelicam paupertatem professi sunt.

Per manus autem Apostolorum fiebant signa et prodigia multa in plebe. Quod ait, Per manus Apostolorum, intelligi potest dupliciter : Primo, quod per impositionem manuum eorum sanabantur infirmi, juxta illud : Super ægros manus

10

Gen. ii, 21,

22. 11

Prov. xv, 27.

12

Marc. xvi, 18.

IV Reg. v, 26.

Coloss. ii, 5.

imponent, et bene habebunt. Secundo, A Per manus, id est per potestatem et gratiam concessam Apostolis, fiebant in vulgo miracula multa. *Et erant unanimiter omnes in porticu Salomonis.* Ibi enim prædicabant Apostoli, et alii orationibus insistebant. De porticu hac dictum est supra. Hinc scriptum est : Erant semper in templo, laudantes et benedicentes Deum. *Ceterorum autem nemo audebat se conjungere illis* fecte, ne quod Ananiæ et conjugii ejus contigerat, eis quoque accideret ; *sed magnificabat eos populus,* tanquam Dei electos, in quibus divina charismata præclarissime emicabant, et in vultu, et in vita atque miraculis, interior virtus et gratia resplendebat. Ita et multi usque in præsens vere religiosos atque devotos commendant : nihilo minus in suis carnalitatibus et vanitatibus perseverant, vitiosis victi affectibus. Itaque in illis primitivæ Ecclesiæ personis constat impletum illud Isaïæ : Omnes qui viderint eos, cognoscent illos, quia isti sunt semen cui benedixit Dominus.

14 *Magis autem augebatur credentium in Domino multitudo virorum ac mulierum.* Visis enim tantis prodigiis, et tam evidentibus indiciis sanctitatis ac gratiæ Spiritus Sancti, multi quotidie utriusque sexus convertebantur ad Christum. Quorum fidei magnitudo subjungitur : *ita ut in plateas ejicerent infirmos, et ponerent in lectulis et grabatis.* Grabata autem, sicut in Scholastica historia dicitur, proprie dicuntur lectisternia pauperum, in quibus nil corpori substernitur, sed tantum supponitur capiti substramentum. Ut veniente Petro, saltem umbra illius obumbraret quemquam illorum, et libera-

rentur ab infirmitatibus suis. Mirabilis Deus in Sanctis suis, qui dedit virtutem et fortitudinem tantam Apostolis, potissime Petro, qui fuit in miraculis privilegiatus, quoniam princeps erat apostolici agminis, sicut Paulus in sapientiæ dono. Propter quod Petrus ad prædicandum Judæis specialiter missus est, Paulus vero

ad Græcos : nam Judæi signa, Græci sapientiam quærunt. Unde et Paulus testatur : Qui operatus est Petro in circumcisionem, operatus est et mihi inter gentes. Et ut dicunt expositores, Petrus majora fecit miracula quam Christus : nec hoc derogat Christo, quia non sua, sed Christi virtute Petrus operatus est ea. Hinc passione instante dixerat Christus : Qui credit in me, opera quæ ego facio, et ipse faciet, et majora horum faciet, quia ego ad Patrem vado. Christus autem non evidenter legitur sua umbra curasse infirmos, sed vestimenti sui contactu. Dicitur autem unum miraculum majus alio, tam ex parte rei gestæ, ut suscitatio mortui majus exstat miraculum quam illuminatio cæci, quam ex parte modi agendi : et sic Petrus majora fertur fecisse quam Christus miracula.

Concurrebat autem multitudo vicinarum civitatum in Jerusalem, afferentes egros et vexatos a spiritibus immundis : qui curabantur omnes. Unde certissimum est innumerabilia fuisse Apostolorum miracula, et de pluribus non nisi paucissima esse conscripta. Nec hoc aliquis sic esse discredat, quum et aliis quibusdam Sanctis data sit tanta gratia operandi miracula, quod eorum numerus describi non potuit.

Verum quem Deus spernit, nullus corrigere potest. Hinc reprobi, unde corrigi deberent, deteriorantur : quemadmodum perversi Judæi ex Apostolorum operibus tam divinis invidia sunt succensi, secundum quod subditur : *Exsurgens autem princeps sacerdotum, et omnes qui cum illo erant, concordēs in eadem persecutione justorum, quæ est hæresis Sadducæorum,* id est, qui cum illo existentes fuerunt hæretici dicti Sadducæi. Sicut enim in nova lege vocantur hæretici, qui non totam sacram Scripturam recipiunt, ut Manichæi et Montanistæ vetus Testamentum negantes ; ita in lege Moysis erant quidam hæretici, quinque libros Moysis tantum recipientes, non autem Prophe-

tarum scripturas, qui Sadducei vocantur, qui interpretantur justi. Nam justos se nominaverunt, quia in judicando et puniendo fuerunt acerrimi. Sed quia non just, sed valde injusti fuerunt, dici possunt Sadducei, quasi seducti. Dicuntur tamen Sadducei, a SEDECH, verbo Hebræo, quod Latine dicitur justus. Unde Melchisedech, rex justitiæ interpretatur. Vel Sad-

II Reg. xiii, 17; III Reg. 1, 8; I Par. vi, 8.

ducei vocati sunt a Sadoc sacerdote, de cujus semine se natos gloriabantur. Porro, hæresis Græce, secundum Bedam, ab electione vocatur, qua quisque sibi, spre- tis aliorum dictis, quod sequendum puta- verit, eligit. *Repleti sunt zelo*, id est in-vidia. Nam veritas parit odium in cordibus incorrigibilium, quemadmodum scriptum est : Non amat pestilens eum qui se cor-ripit. Apostoli enim prædicabant animam esse immortalem, et resurrectionem fu- turam, esse quoque et angelos, atque Pro-phetas divinitus inspiratos : quæ omnia Sadducei negabant. *Et injecerunt manus in Apostolos*, utique omnes, sicut ante in Petrum et Joannem dumtaxat, *et posu-erunt eos in custodia publica*, id est in carcere ubi et manifeste rei concludeban- tur, ut talibus similes putarentur.

Prov. xv, 12.

18 Act. iv, 3.

19

Angelus autem Domini per noctem, id est proxima nocte, *aperiens januas car- ceris, et educens eos, dixit*. Beda evidenter hic asserit, quod Apostoli januis clausis educti sunt. Unde in Scholastica historia dicitur : Non est intelligendum quod an- gelus aperuit januas carceris, sed quod ita eduxit Apostolos ac si januæ fuissent apertæ. Et quædam glossa hic asserit, quod angelus aperuit januas carceris, non realiter, sed apparenter, quia eduxit eos tam libere per ostia clausa ac si fuissent aperta. Quod per omnipotentiam Dei fieri potuit, non autem naturali virtute ange- lica, quæ se ad hoc non extendit quod duo corpora simul sint in eodem loco per penetrationem dimensionum. Quod autem januæ non fuerunt apertæ realiter, ver- ba paulo post subdita insinuare videntur, sicut patebit. *Ite, et stantes in templo*,

20

A loquimini plebi omnia verba vitæ hujus, id est christianæ conversationis, seu Chri- sti, qui ait : Ego sum via, veritas et vita. *Qui quum audissent, intraverunt diluculo in templum, et docebant*. Joann. xiv, 6. 21

Adveniens autem princeps sacerdotum, et omnes qui cum eo erant, convocave- runt concilium, et omnes seniores filio- rum Israel, et miserunt ad carcerem ut adducerentur Apostoli. Quia enim prin- cept et pontifex consideravit factum Apo- stolorum quotidie prosperari, et plurimos

a Judaismo ad novam legem converti, se- riosissime intendebat quomodo universos Apostolos auferret de medio. Hinc ma- gnum et celebrem fecit conventum, quasi rem magnam acturus. Verum, ut Salomon ait, non est sapientia, non est scientia, non est consilium contra Dominum. Et quanto divinæ præordinationi cor huma- num impudentius præsumptuosiusque re- sistere nititur, tanto omnipotens Deus, quod decrevit, gloriosius operatur. *Quum autem venissent ministri, et aperto car- cere ab ipsis ministris seu custodibus* :

Prov. xxi, 30.

non enim carcerem invenerunt apertum, ut statim dicitur ; *non invenissent illos ; reversi nuntiaverunt, dicentes : Carce- rem quidem invenimus clausum cum om- ni diligentia, et custodes carceris stantes ad januas*. Quia enim videbant Judæi in- creduli Apostolos tot mirabilia operari, cautissime eos clauserunt, ne aliquo modo effugerent. *Aperientes autem carcerem, neminem intus invenimus*. Ex quo elici- tur, quod clausis januis egressi fuerunt Apostoli. Si enim angelus januas aperuis- set, cur denuo eas clausisset ?

22

23

Ut autem audierunt hos sermones ma- gistratus templi, videlicet doctores legis et judices, et principes sacerdotum, am- bigebant de illis quidnam fieret, id est, dubitabant quem exitum res haberet, et quid de Apostolis essent acturi. Circa hunc locum ait Beda : Quid, profane Judæe, cæca stimularis insania ? Furantibus Apo- stolis dicis Christum de monumento sub- latum : dic, rogo, eosdem Apostolos de

24

Matth. xxviii, 13.

carcere tuo clauso, cujus furto credis ablatos? Verum ingenita malitia cor perfidum
 25 in signis manifestis obdurat. *Adveniens autem quidam de Judæis incredulis, nuntiavit illis : Quia ecce viri quos posuistis in carcerem, sunt in templo stantes, et docentes populum.* Si Apostoli adversarios
 26 timuissent, non in templo stetissent. *Tunc abiit magistratus cum ministris*, id est multitudo superiorum cum subditis, *et adduxit illos*, puta Apostolos, *sine vi ad principem sacerdotum.* Timebant enim
 27 *populum, ne lapidarentur*, si violentiam aliquam inferrent Apostolis, quos vulgus devote audivit.
 28 *Et quum adduxissent illos, statuerunt in concilio. Et interrogavit eos princeps sacerdotum, dicens : Præcipiendo præcepimus vobis, ne doceretis in nomine isto, videlicet in nomine Jesu Nazareni ; et ecce replestis Jerusalem doctrina vestra, quod Jesus iste sit rex Messias, Filius Dei, mundi salvator, judex universorum ; et vultis inducere super nos sanguinem hominis istius.* Hoc dupliciter intelligi potest : primo, Vultis ostendere quod rei simus homicidii, hominem innocentem perducendo ad mortem ; secundo, Vultis inducere super nos vindictam sanguinis istius, quem a nobis nocenter fusum asseritis. Primo modo Augustinus intelligit : ita quod Judæi volebant quasi immunes videri a morte Christi. Ideo obtulerunt eum judici Pilato, atque dixerunt : Nobis non licet interficere quemquam. Sicque princeps hic sacerdotum nunc quasi oblitus fuit quod ad pontificum instigationem totus
 Joann. XVIII, 31.
 Matth. XXVII, 25.
 29 *Respondens autem Petrus et Apostoli, dixerunt : Obedire oportet Deo magis quam hominibus.* Hoc supra expositum est. Porro, ut ait hic glossa quædam et Scholastica historia, omnes Apostoli verba ista unanimiter proferebant, ex fervore et zelo non patientes unum pro omnibus loqui. Quibusdam tamen apparet, quod solus Petrus verba hæc protulit, quibus

A prolatis, alii verbis et signis annuerunt : alias videretur ibi fuisse vocum confusio. Verumtamen istud non cogit, imo probabile est quod Petro responsionem inchoante et prosequente, alii ex fervore aliqua verba miscebant, eadem affirmando : quod et in judiciis accidere solet. Non tamen inordinate, sed valde modeste id fecerunt.

Deus patrum nostrorum suscitavit Jesum, quem vos interemistis, suspendentes in ligno manibus militum. O quam parati fuerunt isti nunc mori pro Jesu, qui tempore suæ captionis omnes simul fuerunt ab eo ! *Hunc Deus principem et salvatorem exaltavit* in resurrectione et ascensione, *dextera sua*, id est sua gratiosa potentia, ac pia adsistentia ; vel, in dextera sua eum ponendo. Est autem Christus princeps totius militantis ac triumphantis Ecclesiæ. De quo Isaias prædixit : Vocabitur nomen ejus Admirabilis, Consiliarius, Deus, Fortis, Pater futuri sæculi, Princeps pacis. De quo in Apocalypsi
 30. 31
 Is. IX, 6.
 Apoc. I, 5.
 C habetur : Qui est testis fidelis, primogenitus mortuorum, et princeps regum terræ. Itaque, Exaltavit illum, ut sit caput Ecclesiæ, *ad dandam pœnitentiam*, id est locum, tempus, et gratiam pœnitendi, seu Pœnitentiæ sacramentum atque virtutem, *Israel*, id est populo Israel, imo et cunctis hominibus, *in remissionem peccatorum*, quæ per pœnitentiam impetratur. Propter quod post resurrectionem Christus perhibuit : Oportebat pati Christum, et resurgere a mortuis tertia die, et prædicari in nomine ejus pœnitentiam et remissionem peccatorum in omnes gentes. *Et nos testes sumus horum verborum*, id est rerum significatarum per verba hæc, scilicet resurrectionis ascensionisque Christi. Verbum autem quandoque accipitur pro interiori mentis conceptu, sicut et ibi, In principio erat Verbum ; quandoque pro imaginaria similitudine rei ; interdum pro verbo vocali ; vicissim pro re verbis expressa, quemadmodum quarto
 Luc. XXIV, 46, 47.
 32
 Joann. I, 1.
 IV Reg. XX, 13, 15 ; Is. XXXIX, 2, 4.
 D est rerum significatarum per verba hæc, scilicet resurrectionis ascensionisque Christi. Verbum autem quandoque accipitur pro interiori mentis conceptu, sicut et ibi, In principio erat Verbum ; quandoque pro imaginaria similitudine rei ; interdum pro verbo vocali ; vicissim pro re verbis expressa, quemadmodum quarto

bum in domo mea quod non ostenderim A
eis. *Et Spiritus Sanctus* est testis horum,
per nos loquendo et mirabilia operando
in testimonium evangelicæ prædicationis.

Joann. xv.
26.

Propter quod Christus prædixit : Quum
venerit Paracletus, quem ego mittam vo-
bis a Patre, Spiritum veritatis qui a Patre
procedit, ille testimonium perhibebit de
me. *Quem dedit Deus omnibus obedien-*
tibus sibi, scilicet nobis et condiscipulis
nostris, in signo visibili. Nullus tamen Deo
virtuose obedit nisi per prævenientem
gratiam Spiritus Sancti; sed obedientibus B
Deo datur Spiritus Sanctus per incremen-
ta suorum charismatum.

33 *Hæc quum audissent* præfati principes
Judæorum, *dissecabantur*, vehementer fre-
mentes ac indignantes contra Apostolos
tam auctoritative et sine pavore loquen-
tes, *et cogitabant interficere illos*. In ma-
levolam quippe eorum animam non in-
troierunt sapientiæ verba. Et contumaces
suam reprehensionem non sustinent, sed
Amos v, 10. odiunt corripientem.

34 *Surgens autem quidam in concilio Pha-*
risæus, eo modo quo et Paulus infra te-
statur, Ego Pharisæus sum. Nam ambo
antequam Christi fidem susciperent, erant
de secta hac quantum ad observantias
Act. xxi,
6. ejus. *Nomine Gamaliel* : ad cujus pedes
instructus est Paulus; *legis doctor, vir*
honorabilis universæ plebi, quia jam du-
dum honestæ fuit conversationis, et vita
concordabat doctrinæ in ipso. *Jussit foras*
ad breve homines fieri, id est, Apostolos
jussit ad modicum tempus egredi, et ex-
tra manere. Hoc eis præcepit, quamvis D
in corde suo sibi eos præponeret, seque
eorum servum ac discipulum reputaret.
Verumtamen instar jubentis locutus est.
De quo refert Clemens in quadam epi-
stola, quod fuit Apostolorum discipulus,
Joann. xix,
38. sed occultus sicut et Nicodemus, et de
consilio Apostolorum mansit inter Judæ-
os, ut eorum contra fideles mitigaret fu-
rorem.

35 *Dixitque illis : Viri Israelitæ, atten-*
dite vobis super hominibus istis, quid

acturi sitis, id est, nolite præcipitare sen-
tentiam, nec inconsulte istos opprime-
re, neque ex passionis impetu quidquam
peragere. Ad quod inducit duo exempla.

— *Ante hos enim dies exstitit Theodas,*
dicens se esse aliquem, scilicet virum ma-
gnum ac vatem, *cui consensit numerus*
virorum circiter quadringentorum : qui
occisus est; et omnes quicumque crede-
bant ei, dissipati sunt, et reducti ad ni-
hilum : non absolute ad nihilum, quum
animæ sint immortales, et prima materia
incorruptibilis; sed ad nihilum sunt re-
ducti quantum ad id quod attentarant, et
de terra seu vita præsentis sublatis sunt.
Iste Theodas, sicut in Scholastica historia
ex verbis Josephi recitatur, dixit se esse
prophetam : ad cujus persuasionem multi
Judæorum venditis omnibus suis, et sub-
latis ex urbe, præsertim Jerusalem, fa-
cultatibus, venerunt ad ripas Jordanis; et
promisit se post triduum divisurum Jor-
danem, ut transirent per arentem alveum
sicco pede, ut tempore Josue; et infra
hoc triduum venientes milites missi a
præsidente Syriæ, ipsum occiderunt et mul-
tos eorum quos seduxit, caputque ejus
tulerunt Jerusalem. Fuit autem Theodas
magus.

36

Post hunc exstitit Judas Galilæus in
diebus professionis, id est generalis descri-
ptionis, quando imperante Augusto descri-
ptus est orbis, ibantque singuli ut profi-
terentur in sua civitate subjectos se esse
Romano imperio, et capitis solverent cen-
sum, ut apud Lucam habetur. *Et aver-*
tit populum post se. Nam docuit popu-
lum Israel, quod quum esset populus Dei,
non deberet subdi Romanis, nec eis dare
tributa, quia in templo decimas solveret
atque primitias, et quia in lege conscri-
ptum est : Dominum Deum tuum adora-
bis, et illi soli servies. Sed erravit, quum
hoc de servitute latræ intelligatur, et spi-
rituali libertati corporalis subjectio non
repugnet, militantibus quoque pro bono
rei publicæ stipendium seu tributum de-
beatur. Propter quod dixit Salvator : Red-

37

Luc. ii, 1, 3.

Deut. vi, 13;
Matth. iv,
10.

Matth. xxii,
21.

dite quæ sunt Cæsaris, Cæsari; et quæ sunt Dei, Deo. *Et ipse periit, et quotquot consenserant ei, dispersi sunt.* Non enim divina virtute contra Romanos roborabantur, sed pro suo errore succubuerunt.

38 *Et nunc itaque dico vobis : Discedite ab hominibus istis, et sinite illos : quoniam si ex hominibus est consilium hoc aut opus, dissolvetur, id est, si negotium Apostolorum humana calliditate confictum est, et doctrina eorum mendosa est, magicisque artibus innituntur, cito totum peribit, sicut illorum duorum ; si vero ex* B *Deo est, non poteritis dissolvere illud.* Abstinete ergo ab eis, ne forte et Deo repugnare videamini. Rationabilis prorsus fuit ista instructio, præsertim quum probabilia valde, imo et certa omnino signa apparerent quod Apostolorum opus esset a Deo.

Consenserunt autem illi, scilicet Gamalieli, non tamen in toto : quia in hoc consenserunt, quod dimiserunt Apostolos, non autem in hoc, quod eos flagellaverunt et prædicare prohibuerunt. Et convocantes C *Apostolos, cæsis, id est a se flagellatis, denuntiaverunt, ne [omnino] loquerentur in nomine Jesu ad populum aliqua laude digna, et dimiserunt eos.*

41 *Et illi quidem ibant gaudentes a conspectu concilii, quoniam digni habiti sunt pro nomine Jesu contumeliam pati, reputantes persecutionem hanc esse præcipuum donum Dei, quemadmodum Paulus*

Philippensibus scribit : Vobis datum est pro Christo, non solum ut credatis in eum, verum etiam ut patiamini pro illo. D

Sic ergo impleverunt Apostoli quod audierunt a Christo : Gaudete in illa hora et exsultate, quoniam merces vestra co-

piosa est in cœlis. Hinc in Jacobo habetur : Omne gaudium existimate, fratres *Jacob. i, 2.* mei, quum in diversas tentationes incideritis. Præterea quum quælibet virtus habeat proprium gaudium sibi annexum, perfectam patientiam habens in adversitatum perpessione, secundum superiorem animæ partem lætatur : ita quod sicut gaudium est justo justitiam facere, et humili subdi, sic patienti gaudium est tribulari. Et utique si Christum pure diligimus, gaudere debemus quod ei per adversitatum molestias conformamur, quia et per hoc a peccatis purgamur, ad gratiam abundantiorum disponimur, ad regnum cœleste compendiosius pervenimus. Ideo scriptum est : Communicantes Christi passionibus gaudete, ut et in revelatione gloriæ ejus gaudeatis. In omni ergo adversitate inordinatam tristitiam repellamus, et Christi passionem ac multiplicem patientiæ fructum oculis cordis stabiliter proponamus : scientes quod omnes qui placuerunt Deo, per multas tribulationes *Judith viii, 23-25.* transierunt fideles ; qui autem tentationes non susceperunt in timore Dei et in patientia sua, exterminati sunt.

Omni autem die non cessabant, in templo et circa domos docentes publice et privatim, et evangelizantes Christum Jesum. In quo patet maxima fortitudo fidei caritatisque fervor istorum, qui in regia pontificalique urbe, nec verbis nec iectibus poterant a Dei opere cohiberi. Et utique nisi divina potestate totum opus eorum fuisset fulcitum, mirum et incredibile videretur quod principes Judæorum vel uno die permisissent eos in vita aut civitate sua metropolitana. Sed ut dictum est, non est consilium contra Dominum. *Prov. xxi, 30.*

42

ARTICULUS VI

EXPLANATIO CAPITULI SEXTI : IN DIEBUS AUTEM ILLIS.

QUIA hoc libro S. Lucas primitivæ statum Ecclesiæ proposuit scribere, non solum Apostolorum facta et verba enarrat, sed et ceterorum fidelium post Apostolos præcipuorum. Et quoniam in Ecclesia post sacerdotes constituuntur et sequuntur diaconi, nunc de ordinatione septem primorum diaconorum texit historiam.

1 *In diebus autem illis, crescente numero discipulorum, eorum videlicet qui per Apostolos convertebantur ad Christum. Christiani vero tunc generaliter vocabantur discipuli, ut infra habetur. Quotidie autem plurimi convertebantur. Factum est murmur Græcorum adversus Hebræos. Per Græcos hic intelliguntur, vel Judæi in dispersione inter Græcos nati et educati, vel Græci et advenæ ex gentilitate conversi et in Jerusalem commanentes. Eo quod despicerentur in ministerio quotidiano, scilicet dispensatione seu administratione victualium et temporalium, viduæ eorum, puta Græcorum. Quod tripliciter intelligi potest : Primo, quod Hebræi in ministerio quotidiano viduas suas tanquam eruditiores, Græcorum viduis præferebant : et sic Beda exponit. Secundo, quod viduæ Græcorum in ministerio isto nimium gravabantur, seu ad viliora agenda deputabantur. Tertio, quod viduis Græcorum non tam bene ministrabantur necessaria ut viduis Hebræorum. Sed quum superius dictum sit, quod multitudinis credentium erat cor unum et anima una, et singulis ministrabatur sicut indiguerunt, quomodo in tam sancto collegio inventa est ista dissensio? Et respondendum, quod numero discipulorum crescente orta est murmuratione ista : non enim omnes æque perfecti fuerunt; et in tanta*

A multitudine fuisse aliquos imperfectos, mirum non est : imo ut Climacus refert, quidam illorum facti fuerunt hæretici.

2 *Convocantes autem duodecim, scilicet Apostoli, multitudinem discipulorum, dixerunt : Non est æquum nos derelinquere verbum Dei, id est a prædicatione cessare, et ministrare mensis, id est in victualium corporis administratione occupari. Spiritualia enim in tantum sunt temporalibus præponenda, quanto anima corpore exstat præstantior; et qui sunt ad sublimiora officia divinioreque actus instituti, non debent immoderanter sine necessitate circa viliora intendere, ne a principalioribus impediuntur. Denique meliora sunt fercula mentis quam ventris. Et ut Rabanus ait, his verbis ostendunt Apostoli, episcopos et doctores non debere corporalibus implicari, dicente Apostolo : Nemo militans Deo, implicat se negotiis sæcularibus. Hinc etiam Jethro consuluit Moysi ut præset populo in his quæ sunt ad Deum, et majora dumtaxat judicaret negotia, minora vero substitutis principibus judicibusque committeret, prout in Exodo habetur.*

3 *Considerate ergo, fratres, viros ex vobis, id est de vestro collegio, boni testimonii, scilicet famæ honestæ, plenos Spiritu Sancto et sapientia, id est evidenter virtuosos et sufficienter eruditos, quantum humano modo conjici potest aut sciri. Tunc enim fuerunt ibi quamplures tanta gratia decorati, quod certum fuit eos Spiritu Sancto impletos. Septem. Tot enim ad litteram probabiliter videbantur ad opus administrationis sufficere. Per quod mystice figuratur, quod in diaconatum promovendi, debent septemplici*

Act. iv, 32, 35.

11 Tim. ii, 3.

Exod. xviii, 19-22.

4 dono Spiritus Sancti ornari. *Quos constituamus super hoc opus* administrationis corporalium, ut ipsi ea ministrent, vel ministrantibus præsint. *Nos vero orationi et ministerio verbi insistentes erimus.* Per ministerium verbi, prædicatio designatur. O utinam prælati ista attenderent, quorum jam plures, plus quam oportet, decet aut licet, circa temporalia occupantur, in exterioribusque versantur, quia mente sunt frigidi, nec in spiritualibus exercitiis habent saporem. Hinc effunduntur, negligentes se ipsos et sibi commissos.

Præterea in verbis præfatis notatur ordo in electione servandus. Electio enim primo fieri debet cum discretione atque concordia : quod notatur quum dicitur, Considerate. Secundo, ex caritate : ideo subditur, Fratres. Tertio, unus de gremio Ecclesiæ eligi debet : hinc sequitur, Ex vobis. Quarto, qui eligitur, debet esse bonæ famæ, propter proximorum ædificationem : idcirco subjungitur, Boni testimonii. Quinto, erit virtuosæ conversationis quoad Deum : ideo additur, Plenos Spiritu Sancto. Sexto, erit in Scripturis instructus : propter quod sequitur, Et sapientia. Postremo, talis debet esse, ut magis cupiat prodesse quam præesse, perpendens se potius vocatum ad onus quam honorem : idcirco annectitur, Quos constituamus super hoc opus.

5 *Et placuit sermo coram omni multitudine,* qui malum murmurationis optabant extinguere, et ut boni filii, patrum suorum consilio tam rationabili celeriter acquieverunt. Quod et cunctis subditis est pensandum ac imitandum. *Et elegerunt Stephanum, virum plenum fide,* quæ est virtus theologica, seu fidelitate, quæ ad justitiam pertinet, *et Spiritu Sancto,* per quod insinuat cunctis fuisse plenus virtutibus. Sed in primitiva Ecclesia fides fuit specialiter commendanda, tanquam fundamentum virtutum, et quia tunc valde necessaria fuit fidei fortitudo, propter persecutores, itemque ob difficultatem subdendi intellectum articulis fidei, quod

A est rationem in captivitatem redigere. *Et Philippum.* De isto Philippo diacono infra scribuntur sublimia. Unde et ipse et ceteri qui sequuntur, pleni fuerunt fide et Spiritu Sancto. *Et Prochorum, et Nicanorem, et Timonem, et Parmenam. Et Nicolaum advenam Antiochenum,* qui ut fertur, de gentilitate fuit conversus ad Judaismum, vel forte immediate ad Christianismum, et de Antiochia fuit. De quo occasionem erroris sumpserunt quidam, in Apocalypsi Nicolaitæ vocati, asserentes

II Cor. x,
15.
Act. viii.

B mulieres debere esse communes. Quod et Thomas in Summa contra gentiles affirmat hunc Nicolaum dixisse. Alii tamen dicunt, quod ipse non dixit hoc; sed quum haberet mulierem pulcherrimam, et accusaretur de immoderato amore ad eam, volens se excusare, ait coram Apostolis : Ecce conjux mea, qui vult, ea utatur. Quod ut isti asserunt, ipse non dixit ea mente quasi sentiret usum feminarum debere esse communem, sed ut per hujusmodi modum loquendi se plenius excusaret. Verum quidam perversi ad mala proclives, ejusque verba juxta suam concupiscentiam interpretantes, sumpserunt ex eis occasionem erroris. — Puto autem quod et hi septem electi etiam elegerunt, sicut in electionibus collegiorum ac cœnobiorum, qui eliguntur et eligunt.

Hos statuerunt ante conspectum Apostolorum; et orantes ipsi Apostoli, imposuerunt eis manus. Secundum Rabanum, hic ordo servandus est, ut scilicet populus eligat, episcopus ordinet. Et quia Apostoli cum oratione et manus impositione ordinaverunt istos diaconos, in Ordinibus dandis fiunt orationes, et in quibusdam Ecclesiis manus tempore ordinationis imponuntur diaconis. In Scholastica quoque fertur historia, quod horum septem primorum diaconorum vicem gerunt archidiaconi, propterea instituti ut portent pondus negotiorum, quatenus prædicationi ac doctrinæ liberius vacent episcopi.

Et verbum Domini crescebat, id est, prædicatio Apostolorum fructificabat, et

Apoc. ii, 6,
15.

6

7

multiplicabatur numerus discipulorum in Jerusalem valde, quia plurimi convertebantur. Multa etiam turba sacerdotum obediens fidei, rationem suam subjiendo fidei. In quo elucescit infinita misericordia Christi, quod illos convertere dignatus est, a quibus tam importune atque crudeliter fuit expetitus ad mortem. In quibus specialiter est impletum quod ante passionem Christus prædixit : Quum exaltaveritis Filium hominis, tunc cognoscetis quia ego sum.

Joan. i. vii. 28.

Insuper advertendum, quod sicut in libro hoc B. Lucas duorum præcipuorum Apostolorum actus et verba specialiter prosequitur ac describit, videlicet Petri et Pauli, ita et prædictorum septem diaconorum duorum præcipuorum verba actusque prosequitur, scilicet Stephani et Philippi : non enim omnia scribere potuit.

8 *Stephanus autem plenus gratia et fortitudine. Paulo ante dixit eum plenum fide et Spiritu Sancto, nunc gratia et fortitudine, ut monstretur S. Stephanus fuisse vir apostolicæ perfectionis. Et quia jam ejus martyrium descripturus est, apte præmittit quod fortitudine plenus fuit, tam illa quæ est virtus moralis et cardinalis, ejus est in periculis mortis esse constantem, quam illa quæ est donum, ejus est operibus perfectionis constanter insistere. Faciebat prodigia et signa magna in populo : quæ S. Lucas brevitati studens, non prosequitur.*

9 *Surrexerunt autem quidam de synagoga quæ appellatur Libertinorum. Isti Judæi increduli dicti sunt libertini, quia manu missi, id est libertate donati fuerunt, quum prius servi fuissent. Sicque conditionis fuerunt servilis, qui fidei restiterunt. Et Cyrenensium, id est a Cyrene, quæ est civitas Libyæ, secundum Bedam ; et Alexandrinorum, id est de Alexandria urbe Ægypti ; et eorum qui erant a Cilicia et Asia, quæ sunt regiones vicinæ ad invicem. Disputantes cum Stephano, volentes probare quod Jesus non esset Christus in lege promissus. Et*

10

A *non poterant resistere sapientiæ Stephani, et Spiritui, id est Spiritui Sancto, qui loquebatur per Stephanum : sicut ait Salvator, Non enim vos estis qui loquimini, sed Spiritus Patris vestri qui loquitur in vobis. Vel, Spiritui, id est animæ Stephani qui loquebatur : sicque implebatur in Stephano illa Christi promissio, Ego dabo vobis os et sapientiam cui non poterunt resistere et contradicere omnes adversarii vestri. Tunc submiserunt viros, id est falsos testes, qui dicerent se audivisse eum dicentem verba blasphemie in Moysen et in Deum. Sicut fecerunt regi, ita et militi. Nam et contra Christum produxerunt falsos testes Judæi. Est autem proprium perversorum, ut quum ratione prævalere non valent, seque rationabiliter convinci prospiciunt, ad calliditates et violentias convertantur. Sic egerunt et isti.*

Matth. x. 20.

Luc. xxi. 15.

Matth. xxvi. 59, 60; Marc. xiv. 55-59.

Commoverunt itaque, id est, ad iram et zelum indiscretum provocaverunt, plebem et seniores et Scribas, id est judices et doctores; et concurrentes, rapuerunt eum cum impetu violento tanquam maleficum, et adduxerunt in concilium; et statuerunt falsos testes dicentes : Homo iste non cessat loqui adversus locum sanctum et legem, id est, templo et legi Moysis per verba blasphemie detrahit. Audivimus enim eum dicentem : Quoniam Jesus Nazarenus hic destruet locum istum, et mutabit traditiones, id est leges seu ordinationes et observantias, quas tradidit nobis Moyses. Etiam si Stephanus hæc verba dixisset, non fuisset blasphemia secundum veritatem, sed secundum Judæorum istorum æstimationem. Romani enim Christi potestate destruxerunt urbem et templum Jerusalem. Cærimonialia quoque legis Christus mutavit in melius, et alias dedit institutiones vivendi ac Deum colendi quam Moyses. Vere excæcati Judæi putabant cærimonialia et judicialia legis præcepta post Christi adventum semper servanda, sicut moralia. Nihilo minus testes isti mentiti sunt, [quia] vel Stephanus ista verba non dixit, vel ea non dixit eo

11

12

13

14

sensu quo ipsi ea proposuerunt. Sic enim ea proposuerunt, quasi Jesus asseruisset se legalia mutaturum quasi simpliciter reprobans ea, vel quasi omnia mutans. Christus vero ita non dixit, nec Stephanus. Imo Christus testatus est : Non veni legem solvere, sed adimplere, id est perficere. Cærimonialia enim figurativa fuerunt, quæ in Christo impleta sunt atque in Ecclesia. Præcepta quoque moralia evangelicis perfecit consiliis.

Matth. v, 17.

15 *Et intuentes cum omnes qui sedebant in concilio, viderunt faciem ejus tanquam faciem angeli*, id est splendidissima claritate ac miro decore perfusam :

A per quod internæ perfectionis magnitudo, puritas et innocentia monstrabatur. In quo Moysi parificatus est Stephanus. Nam et Moysis vultus præ splendore a Judæis aspici non valebat. In tali autem et tanta majestate ostendit Deus Judæis Stephani vultum, ut converterentur ad veritatem, si vellent ; aut si nollent, de sua obstinatione inexcusabiliores ac damnabiliores redderentur. Porro in Scripturis canonicis non legitur homo vultum hujuscemodi habuisse in terra coram hominibus, nisi B Christus in transfiguratione, et Moyses et Stephanus : in quo magna valde Stephani excellentia innotescit.

II Cor. iii, 7; Exod. xxxiv, 29-35.

Matth. xvii, 2; Luc. ix, 29.

ARTICULUS VII

ELUCIDATIO CAPITULI SEPTIMI : DIXIT AUTEM PRINCEPS SACERDOTUM.

1 **D***IXIT autem princeps sacerdotum : Si hæc ita se habent ?* Quoniam accusato dandus est locus excusationis et responsionis, princeps sacerdotum tanquam judex seiscitatus est Stephanum, an in sibi objectis esset culpabilis. *Qui ait : Viri fratres et patres, audite.* S. Stephanus responsurus, verbis modestis ac blandis in exordio usus est, quia ut scribitur in Proverbiis, Responsio mollis frangit iram. *Deus gloriæ apparuit patri nostro Abraham.* Quatuor objecta fuerunt Stephano, scilicet blasphemia in Deum, in Moysen, in legem, in templum. Ideo de his quatuor se excusat. Et primo, de blasphemia contra Deum : quem Deum gloriæ nuncupat, quia in ipso est beatitudo et gloria infinita, et ab ipso vita gloriæ profluit. Ipse quoque est majestatis immensæ. Apparuit autem Abraham per subjectam creaturam, scilicet angelum. *Quum esset in Mesopotamia :* quæ est regio sic dicta, quia media inter aquas sita est, inter fluvios videlicet Euphraten et Tigrim ;

Prov. xv, 1.

C priusquam moraretur in Charan : quæ secundum Bedam, est urbs regionis Mesopotamiæ, et in Genesi dicitur Haran. *Et dixit ad illum : Exi de terra tua et de cognatione tua, et veni in terram quam monstravero tibi, scilicet in terram Chanaan.*

Gen. xi, 31. 3

Circa hoc dubia oriuntur. Abraham namque oriundus fuit de Chaldæa, et inde venit in provinciam Mesopotamiæ, deinde in civitatem illius, nomine Charan : quomodo ergo ei de terra sua jam egresso atque in aliena posito, dicitur, Exi de terra tua ? Iterum in Geneseos libro legitur, quod Abraham cum patre suo Thare habitavit in Haran, quæ alio nomine dicitur Charan, et mortuo ibi ipso Thare patre Abraham, Dominus illi præcepit, Egredere de terra tua, etc. — Ad primum respondetur tripliciter. Primo, secundum Bedam et Scholasticam historiam, quod licet jam egressus fuerat de Chaldæa corpore, non tamen mente, quia adhuc tenebatur spe et desiderio redeundi. Idcirco præcipitur

Ibidem.

Ibid. 31, 32; xii, 1.

ei ut etiam mente egrediatur de ea, ut scilicet non proponat in eam reverti. Secundo, juxta Augustinum, quod Mesopotamia est pars Chaldaë, et ita non fuit de tota Chaldaë egressus, sed de una ejus parte introiit aliam. Nunc ergo jubetur totam relinquere. Tertio, ut quod dicitur ei, Exi de terra tua, sic exponatur, id est, longius discede ab ea. — Ad aliud respondetur, quod vel bis jussum est Abraham exire de terra cognationeque sua, videlicet : semel ante mortem patris sui, et tunc ex causa rationabili distulit, forte ut patri suo tanquam seni pro solatio et exhibendo obsequio maneret conjunctus ; secundo post patris sui dormitionem. Vel, ut aliqui dicunt, hoc quod dicitur, Exi de terra tua, per anticipationem est dictum.

Denique in hoc præcepto Abraham facti, mysterialiter præfigurabatur quod Christus postea per se ipsum consuluit, ut scilicet propter ipsum omnia relinquantur, etiam parentes, fratres, sorores, etc.

Matth. xix.
29. Luc. xiv.
26.

4 *Tunc erit de terra Chaldaeorum : secundum varium sensum nunc tactum, scilicet longius discedendo ab ea, vel partem ejus deserendo ; et habitavit in Charan. Et inde, postquam mortuus est pater ejus*

Gen. xi. 32.

Thare in Charan, quum esset ducentorum quinque annorum, ut dicitur in Genesi, transtulit, id est, ire præcepit illum in terram istam, in qua nunc vos habitatis, quæ dicitur terra promissionis. Et non dedit illi hereditatem in ea, nec passum pedis, id est nec minimam partem. Nec obest quod in Genesi scribitur Abraham

Ibid. xxiii.
3-18.

emisse speluncam cum agro : nam hanc partem habuit in titulo emptionis pro sepultura, non hereditate possedit ad colendum aut habitandum. Sed repromisit dare eam illi in possessionem, et, pro id est, semini ejus post ipsum, illis videlicet qui cum Josue terram istam ingressi sunt, quum non haberet filium, id est ante nativitatem Isaac, imo et Ismaelis, et hoc, quantum ad promissionem primo factam. Sæpius enim ei istud promisit, sed prima, ut scribitur in Genesi, fuit longe ante

Ibid. xii. 1-3.

Ismaelis generationem. Ubi cumque autem in Genesi legitur Deus promisisse Abraham, vel Isaac aut Jacob, quod eis hanc terram daret, referendum est ad posteritatem ipsorum.

Locutus est autem ei Deus per angelum : Quia erit semen tuum accola, id est filii tui peregrini erunt et advenæ, in terra aliena, scilicet in regione Chanaan et Ægypti, et servituti eos subicient, et male tractabunt annis quadringentis triginta. Unde legitur Dominus locutus ad

6

Abraham : Seito prænosce, quod peregrinum futurum sit semen tuum, et servituti eos subicient et affligent quadringentis annis. Porro, hos quadringentos triginta annos computat Rabanus a die quo facta est ista promissio Abraham usque ad exitum de Ægypto. Quadringentos vero annos nonnulli incipiunt a nativitate Isaac usque ad egressum Israel de Ægypto. Aliqui vero, quia dictum est Abraham, In Isaac vocabitur tibi semen, computant istos quadringentos annos a nativitate

Gen. xv. 13.

Ibid. xxi.
12.

Isaac usque ad mortem Schon regis Amorrhæorum et Og regis Basan. Præterea, quamvis dictum sit quod filii Israel advenæ forent in terra aliena, et servituti subijciendi ac male tractandi, non tamen sensus est quod toto hoc tempore fuerint in hujusmodi afflictione, sed pars pro toto est posita, aut econverso. Nam pro parte quadam hujus temporis fuerunt afflicti in terra Ægypti. Et gentem cui servierint, puta Ægyptios, judicabo ego iudicio punitionis et condemnationis, dicit Dominus. Nam submersit eos in mari Rubro, et statuit in inferno. Et post hæc exhibunt de Ægypto seu eremo, et deservient mihi in loco isto, scilicet in Judæa : quod tempore Josue inceperunt.

Exod. i. v.
etc.

7

Ibid. xiv.
27, 28.

Et dedit illi, videlicet Abraham, testamentum, id est pactum, circumcisionis, dicens : Hoc est pactum meum quod observabitis : Circumcidetur ex vobis omne masculinum. Et sic genuit Isaac, quum esset centum annorum, ut scribitur in Genesi. Erat autem nonaginta novem an-

8

Gen. xvii.
10.

Ibid. xxi.
4, 5.

Ibid. xvii. 1.

Gen. XXI, 4. *pit. Et circumcidit eum die octavo, sicut in Genesi habetur. Et Isaac genuit Jacob, et Jacob duodecim Patriarchas.*

9 *Et patriarchæ æmulantes, id est invidentes, ipsi Joseph quia a patre plus amabatur, et somnia quædam eis displicentia vidisse se eis narravit, vendiderunt eum in Ægyptum, id est Ismaelitis negotiatoribus in Ægyptum pergentibus, secumque ducentibus atque ibidem vendentibus Joseph. Non tamen omnes Patriarchæ duodecim id fecerunt, quia nec Benjamin ad-*

10 *fuit neque Ruben. Et erat Deus cum eo, per gratiam magnam, et providentiam singularem ac gratiosam. Et eripuit eum ex omnibus tribulationibus suis, scilicet de manibus fratrum, et Ægyptii qui eum incarcerationavit. Unde in Sapientiæ libro le-*

Sap. x, 13. *gitur : Hæc (scilicet sapientia divina) venditum justum non dereliquit, sed a peccatoribus liberavit eum. Et dedit ei gratiam et sapientiam in conspectu Pharaonis regis Ægypti. Nam ex divina revelatione exposuit somnia Pharaonis, sicut Daniel*

Gen. xli. Dan. ii, iv. *somnia regis Babylonis. Et constituit eum præpositum super Ægyptum, et super omnem domum suam, id est familiam atque substantiam, dicens ad eum : Uno tantum regni solio te præcedam.*

11 *Venit autem fames in universam Ægyptum et Chanaan, et tribulatio magna. Nam has duas regiones fames illa maxime opprimebat : quæ omnia in Genesi plenius scripta sunt. Et non inveniebant cibos patres nostri in terra qua habitabant.*

Ibid. 56 : xlii, 5. *Quum autem audisset Jacob frumentum esse in Ægypto, misit patres nostros, id est decem Patriarchas, Benjamin secum*

12 *retento, primum, id est prima vice ; et in secundo, id est secunda eorum missione in Ægyptum pro victualibus emendis, cognitus est Joseph a fratribus suis : quia*

Ibid. xliii, xliiv. *tunc dixit eis, Ego sum Joseph ; et manifestatum est Pharaoni genus ejus, id est cognatio. Tunc enim in aula regis ce-*

Ibid. 16. *lebri dictum est sermone, Venerunt fratres Joseph. Mittens autem Joseph fratres*

A suos cum plaustris et asinis multisque divitiis, accersivit patrem suum, per istos denuntians ut veniret ad se, et omnem cognationem suam in animabus, id est hominibus, septuaginta quinque. In Genesi habetur : Cunctæ animæ quæ ingressæ sunt cum Jacob in Ægyptum, et egressæ ex femore illius, absque uxoribus filiorum, sexaginta sex. Et in Exodo : Erant omnes animæ eorum qui egressi sunt de femore Jacob, septuaginta. Sed Lucas sequens interpretationem Septuaginta interpretum, ponit septuaginta quinque, per anticipationem, connumerans quinque nepotes Joseph. Quibus omnibus si addantur ipsemet Jacob et filius ejus Joseph cum duobus filiis ejus Ephraim et Manasse, habentur septuaginta quinque.

Et defunctus est ipse Jacob in Ægypto, et patres nostri, id est duodecim Patriarchæ ibidem. Et translati sunt in Sichem, et positi sunt in sepulcro quod emit Abraham pretio argenti, a filiis Hemor filii Sichem. In Genesi scriptum est, quod Jacob emit partem agri a filiis Hemor patris Sichem centum agnis, fuitque ager iste juxta Salem urbem Sichimorum. Porro alio loco in Genesi legitur, quomodo Abraham emit ab Ephron filio Seor Hethæo speluncam duplicem, una cum agro in quo fuit, juxta Hebron, quadringentis argenti siclis. Quomodo ergo nunc dicitur, quod Abraham emit sepulcrum a filiis Hemor ? et quomodo Hemor vocatur hic filius Sichem, quum in Genesi appelletur pater ipsius Sichem ? Itaque intuendum, quod Jacob (sicut in Genesi scribitur) fuit cito post mortem suam in spelunca duplici positus. Joseph vero tempore Josue in Sichem, et in eodem loco, secundum Hieronymum, sepulti fuerunt alii Patriarchæ, delatis eorum ossibus ex Ægypto, quamvis in Genesi non legatur. Postea autem positi sunt in sepulcro quod emit Abraham. Verum quod in littera dicitur, A filiis Hemor filii Sichem, refertur ad verba præcedentia, scilicet, Translati sunt in Sichem : ut sit sensus, quod

Gen. xlv, 17 et seq.

Ibid. xlv, 26.

Exod. i, 5.

45

46

Gen. xxxiii, 19, 18.

Ibid. xxiii, 3-18.

Ibid. i, 13.

Josue xxiv, 32.

translati sunt in Sichem emptam a filiis Hemor, a quibus Jacob emit hunc agrum Sichem. Quod autem Hemor dicitur hic filius Sichem, et in Genesi, pater Sichem, concordatur, quia frequenter contingit quod aliquis habeat patrem et filium eodem nomine appellatos. Hæc in Scholastica historia plenius scripta sunt.

17 *Quum autem appropinquaret tempus repromissionis, quam confessus, id est protestatus, fuit Deus Abrahæ, id est, proximate tempore quo implendum fuit quod Deus Abrahæ prænuntiavit de educatione posteritatis suæ ex Ægypto et introductione in terram promissionis, crevit populus Israel, et multiplicatus est in Ægypto,* juxta id Exodi : Filii Israel creverunt, et quasi germinantes multiplicati sunt; et

Exod. 1, 7.

18 *roborati nimis, impleverunt terram; quoadusque rex alius surrexit in Ægypto qui non sciebat Joseph, id est, quanta bona Ægyptiorum regi populoque præstiterit. Rex iste, sub quo natus est Moyses, non fuit de semine regis Ægypti qui constituit Joseph super Ægyptum, ut Josephus scribit. Et ut aliqui dicunt, octavus fuit post illum. Hic circumveniens genus nostrum, id est, populum Israel callide opprimens, juxta quod ait in Exodo : Venite, sapienter opprimamus eum; afflixit patres nostros crudeli præcepto ut exponerent infantes suos, id est, ab obstetricibus eos occidi permetterent, vel in flumen projicerent, aut projici sinerent, ne vivificarentur, id est, ne infantes isti manerent viventes, et per hoc populus Israel invalesceret. Primo quippe præcepit obstetricibus ut infantes masculos Hebræorum necarent. Quibus id ex timore Dei non exsequentibus, jussit Pharaon omni populo suo ut quidquid masculini sexus gignerent conjuges Hebræorum, in flumina projicerent, ut in Exodi libro habetur.*

Ibid. 10.

Ibid. 13-22.

20 *Et quoniam S. Stephanus accusabatur quasi obloquens Moysi, consequenter ad ejus commendationem descendit. Eodem tempore natus est Moyses, durante scilicet præcepto occidendi parvulos Hebræorum, et fuit gratus Deo, id est acceptus, non ex propriis meritis, sed ex Dei bonitate, tanquam æternaliter prædestinatus, atque ad plurima opera bona agenda præordinatus. Qui nutritus est in domo patris sui tribus mensibus. Videntes enim parentes ejus pulchrum et elegantem eum esse infantem, miserti ipsius, cum periculo contra regis edictum conservaverunt eum in vita et absconderunt. Exposito autem illo, id est in flumen projecto, et posito in vasculo quodam, juxta id Exodi : Quumque jam celare non posset (scilicet mater ejus) eum, sumpsit fiscellam scirpeam, et linivit eam bitumine ac pice, posuitque intus infantulum, et posuit eum in carecto ripæ fluminis; sustulit eum filia Pharaonis : visa enim fiscella, jussit uni ancillarum, ut illam sibi afferret. Qua aperta, et reperto infantulo, miserta ejus, dixit : De infantibus Hebræorum hic est. Et enutrivit eum sibi in filium. Commisit enim matri Moysis ut eum nutriret, et adultum sibi (scilicet filia Pharaonis) referret : quo facto, adoptavit eum in filium. Hæc autem in Exodo plenius recitantur.*

rum, et fuit gratus Deo, id est acceptus, non ex propriis meritis, sed ex Dei bonitate, tanquam æternaliter prædestinatus, atque ad plurima opera bona agenda præordinatus. Qui nutritus est in domo patris sui tribus mensibus. Videntes enim parentes ejus pulchrum et elegantem eum esse infantem, miserti ipsius, cum periculo contra regis edictum conservaverunt eum in vita et absconderunt. Exposito autem illo, id est in flumen projecto, et posito in vasculo quodam, juxta id Exodi : Quumque jam celare non posset (scilicet mater ejus) eum, sumpsit fiscellam scirpeam, et linivit eam bitumine ac pice, posuitque intus infantulum, et posuit eum in carecto ripæ fluminis; sustulit eum filia Pharaonis : visa enim fiscella, jussit uni ancillarum, ut illam sibi afferret. Qua aperta, et reperto infantulo, miserta ejus, dixit : De infantibus Hebræorum hic est. Et enutrivit eum sibi in filium. Commisit enim matri Moysis ut eum nutriret, et adultum sibi (scilicet filia Pharaonis) referret : quo facto, adoptavit eum in filium. Hæc autem in Exodo plenius recitantur.

Exod. 2, 2.

21

Ibid. 3.

Ibid. 5, 6.

Ibid. 8-10.

Et eruditus est Moyses omni sapientia Ægyptiorum, scilicet in naturali philosophia et astronomia. Studium autem philosophiæ primo vixit in Ægypto. Et erat potens in verbis et in operibus suis, id est sapiens in loquendo, et fortis in operando. Et quia hic dicitur quod erat potens in verbis, Origenes asserit quod eloquens fuit; et quod in Exodo Moyses impeditioris linguæ se esse testatur, solvit per hoc, quod tunc ineloquentem se dixit, quum Deum audivit sibi loquentem, cujus comparatione omnis rationalis creatura consistit ineloquens. Alii probabilius aiunt, quod fuit linguæ impeditæ; tunc tamen potens in verbis fuisse asseritur, non ob promptitudinem expressivæ, sed ob discretionem in disserendo.

22

Ibid. 14, 10.

Quum autem impleretur ei quadraginta annorum tempus, ascendit in cor ejus ut visitaret fratres suos filios Israel in

23

Ibid. 2, 11, 12.

terra Gessen, ut in molestissima servitu-
 24 te positos consolaretur. Condoluit enim
 eis tanquam piissimus. *Et quum vidisset*
quemdam Hebræum injuriam patientem
ab Ægyptio, vindicavit illum, et fecit ul-
tionem ei qui injuriam sustinebat, per-
cusso Ægyptio, id est, injuriam Hebræi
ultus est, interficiendo injuriantem Ægy-
ptium. In quo facto aliqui dicunt eum
peccasse. Alii vero affirmant quod non,
quia jam Deo revelante cognovit quod li-
beraturus esset filios Israel de Ægypto,
 25 *sicque cognovit se constitutum a Deo de-*
fensorem populi Israel, secundum quod
subditur: Existimabat autem intelligere
fratres, puta Hebræos, quoniam Deus per
manum, id est ministerium et virtutem,
ipsius daret salutem, id est, liberationem
de manibus Ægyptiorum præstiturus esset,
illis, scilicet Hebræis. At illi non intelle-
xerunt, id est, non consideraverunt hoc.
 26 *Sequenti vero die, vel immediate vel*
mediate post diem quo occidit Ægyptium,
apparuit illis litigantibus, id est duobus
Hebræis inter se rixantibus, et reconcilia-
bat eos, id est, pacificare conatus est eos,
in pace, dicens: Viri, fratres estis, quia
de eodem semine Abraham, Isaac et Jacob,
ut quid nocetis alterutrum? quasi dicat:
 27 *Quum fratres sitis, unus alteri benefacere*
obligatur: injustum est ergo quod unus
aliu[m] lædit. Hoc et Christianis quibus-
libet, præsertim religiosis et clericis, in-
ter se contententibus est dicendum. Qui
autem injuriam faciebat proximo suo He-
bræo, repulit eum, dicens: Quis te con-
stituit principem aut judicem super nos?
 28 *tanquam dicat: Cur quod ad te non*
spectat, præsumis, atque indebitam tibi
auctoritatem usurpas? Ecce quam pervers-
us fuit hic homo, qui caritativam incre-
pationem tam graviter tulit, et pie ar-
guentem redarguit impie. Similis utique
Sodomitis, qui Lot eos leniter increpan-
ti locuti sunt: Ingressus es ut advena,
numquid ut judices? Numquid interficere
tu me vis, quemadmodum interfecisti he-
ri Ægyptium? Huic pravissimo homini

A assimilantur, qui secreta alicujus propa-
 lant ex passione, quum admonentur, re-
 prehendantur, seu juste puniuntur ab eo.
Fugit autem Moyses in verbo isto, id est,
 29 *audito hoc verbo, et cognito quod Pharaō*
id percepisset, qui et voluit occidere Moy-
sen, fugit, et factus est advena in terra
Madian, habitans ibi cum Jethro sacer-
dote Madian, ubi generavit duos filios, scilicet
Gersam et Eliezer, de Sephora filia
 Jethro.

Et expletis annis quadraginta a tem-
 30 *pore fugæ præfatae, apparuit illi in de-*
serto montis Sinai, quia in illa solitudine
 situs est mons Sinai. Quum enim minas-
 set Moyses gregem quem pavit, ad inte-
 31 *riora deserti, et venisset ad montem Dei*
Horeb (videlicet Sinai: nam pes montis
dicitur Horeb, summitas vero Sinai, et
interdum unum pro alio ponitur), appa-
ruit ei angelus, tamen in persona Dei, et
in ejus persona loquens ad Moysen: id-
circo in Exodo scribitur, quod Dominus
 ei apparuit; *in igne flammæ rubi: quia*
 C *de medio ignis quo rubus videbatur oper-*
tus, angelus Moysi loquebatur. Ideo quo-
que in igne apparuit, quia ut divinus
Dionysius edocet, ignis maximam habet
convenientiam cum spiritualibus rebus.
Unde suo splendore ac simplicitate, an-
gelicæ naturæ puritatem et sapientiam
signat. Et rursus, ob id in igne splenden-
 32 *te, non nocente nec comburente rubum,*
apparuit, ad insinuandum quod filii Is-
rael in igne tribulationis quem in Ægypto
patiebantur, purgarentur, non consume-
 D *rentur.*

Moyses autem videns rubum igne oper-
 31 *tum, admiratus est visum, id est rem*
visam, cur scilicet rubus igne non læde-
retur, qui faciliter inflammatur. Et acce-
dente illo ut consideraret, facta est ad
eum vox Domini per angelum loquentis,
 32 *dicens: Ego sum Deus patrum tuorum,*
Deus Abraham, Deus Isaac, et Deus Ja-
cob. Tremefactus autem Moyses ex allo-
cutione insolita, tubali, angelica, et ex
præsentia majestatis divinæ: tales enim

Exod. II,
13, 14.

Gen. XIX, 9.

visiones et allocutiones maximam pariunt alterationem in mente et corpore: *non audebat considerare*, id est rubum seu ignem illum adspicere, tanquam stupidus factus. Nam et tales alterationes primo impediunt usum rationis, donec gratia confortetur, quemadmodum patet in Daniele. Propter quod Ezechieli Dominus ait: Sta supra pedes tuos, et loquar tecum.

Dan. x. 7-11.

Ezech. ii.

1.

Exod. iii. 5.

33

Dixit autem illi Dominus: Solve, id est, exue et depone, *calceamenta pedum tuorum*. Cujus ratio subditur: *locus enim in quo stas, terra sancta est*, id est sanctificata, seu ad aliquid sanctum deputata, propter præsentiā Dei seu angeli, et quia in loco isto aliqua sanctissima opera erant paulo post divinitus peragenda, quando scilicet in monte Sinai data est lex. Et usque in præsens est ibi locus cultus divini et religiosorum cœnobium. Fuit autem (ut dicitur) antiquis, et præsertim Hebræis, consuetudo non ingredi loca sancta, nisi pedibus nudis: quod nunc usque Sarraceni observare dicuntur. Insuper Dominus ait: *Videns vidi oculo misericordiæ afflictionem populi mei qui est in Ægypto*: qui fuit populus Dei non solum per creationem ut ceteri, sed et per electionem. Ista vero ingeminatio in loquendo qua dicitur, *Videns vidi*, consueta et frequens est in Scripturis veteris Testamenti. *Et gemitum eorum audiui*, id est cognovi, *et descendi liberare eos*. Angelus autem hæc proferens, vere localiterque descendit. Deo autem, quum incircumscripibilis invariabilisque consistat, non competit localiter descendere, nec moveri secundum se; sed ratione sui effectus, hæc atque similia ei attribuuntur. Nam quamvis ubique sit, ibi tamen specialiter esse dicitur, ubi specialiter operatur. *Et nunc veni* mentali accessu, per obedientiam te mihi subdendo, *mittam te in Ægyptum*, ad educendum inde filios Israel. Hæc in Exodo plenius enarrantur.

Ibid. 7 et seq.

34

35

Hunc Moysen, quem negaverunt dicentes, Quis te constituit principem aut ju-

A dicem super nos? Supra jam dixit, quod unus eum negavit; nunc vero pluraliter ait, *Quem negaverunt*. Aut ergo nunc ponitur singularis numerus pro plurali, sicut frequenter fit in Scripturis; aut unus ille complices habuit et fautores, qui idem cum ipso verbis, signis seu factis dixerunt. *Hunc Deus principem* Israeliticæ plebis, *et redemptorem* eorum de servitute Ægypti *misit, cum manu*, id est potestate et cooperatione, *angeli qui apparuit illi in rubo*. Itaque angelus ille in omnibus adfuit Moysi: et forte fuit Michael, qui princeps exstitit Synagogæ, vel alius angelus ejus repræsentans personam.

vers. 27.

Hic Moyses eduxit illos, videlicet filios Israel de Ægypto, *faciens signa et prodigia in terra Ægypti, in mari Rubro, et in deserto annis quadraginta*: quæ in libris Exodi, Levitici et Numerorum copiose conscripta sunt. *Hic est Moyses qui dixit filiis Israel: Prophetam vobis suscitabit Dominus de fratribus vëstris, tanquam me; ipsum audietis*. Hanc auctoritatem supra S. Petrus induxit, estque ibidem exposita. *Hic Moyses est qui fuit in ecclesia*, id est collectione populi Israel Deum colentis (quamvis autem communiter ecclesia a synagoga distinguatur, ita ut Christianorum collectio nuncupetur Ecclesia, vicissim tamen etiam Judæorum congregatio appellatur ecclesia, ut tertio Regum: *Benedixit Salomon omni ecclesiæ Israel*), *in solitudine*, quæ est inter Ægyptum et terram promissionis*, *cum angelo qui loquebatur ei in monte Sinai*, tam ante educationem Israel ex Ægypto, quam postea in legislatione, *et cum patribus nostris. Qui accepit verba vitæ*, id est sacram Scripturam, *dare nobis*. Vel verba vitæ sunt legis præcepta. Per observantiam autem verborum Scripturæ ac præceptorum, vita gratiæ continuatur, et vita gloriæ obtinetur, juxta illud Deuteronomii: Non in solo pane vivit homo, sed in omni verbo quod egreditur de ore Dei.

36

37

Deut. xviii. 15.

Act. iii. 22.

38

III Reg. viii. 14.

* alias quam perambulaverunt filii Israel quadraginta annis.

Deut. viii. 3.

39 *Cui noluerunt obedire patres nostri, A* pro majori parte eorum ac temporis: nam pene omnes et frequenter rebelles fuerunt. *Sed repulerunt eum,* verba ejus spernendo, *et aversi sunt cordibus suis a Deo et Moyse,* redeuntes mente in *Ægyptum*: juxta illud in Numeris, Constituamus nobis ducem, et revertamur in Ægyptum; *dicentes ad Aaron: Fac nobis deos qui præcedant nos.* Putabant namque in idolis esse aliquid vitale ac intellectuale. Et tamen, quam stultum fuit hoc verbum! Si enim Aaron eis non suffecit pro duce, quomodo ipse potuit facere deos se ad ducendum efficaciores? Numquid sua causa est effectus præstantior? *Moysi enim huic qui eduxit nos de terra Ægypti, nescimus quid factum sit ei,* id est, quid sibi contigerit. Hoc dicebant, quando *Moyses insolitam moram fecit in summitate montis Sinai cum angelo, quando quadraginta diebus jejunavit et legem suscepit. Et vitulum fecerunt in illis diebus.* Nam ad importunam eorum instantiam et quasi coactionem, Aaron projecit aurum in ignem, et opere fusorio egressa est vituli similitudo. *Et obtulerunt hostiam simulacro:* sicut in Exodo habetur, Surgentes mane obtulerunt holocausta et victimas pacificas. *Et lætabantur in operibus manuum suarum,* id est in idololatriis vel sacrilegiis et præfato simulacro, dicentes: Isti sunt dii tui, Israel, qui te eduxerunt de terra Ægypti. Unde præallegato fertur capitulo: Sedit populus manducare et bibere, et surrexerunt ludere.

42 *Convertit autem Deus,* id est, in malum verti permisit: quemadmodum fertur in Psalmo, Convertit cor eorum ut odirent populum ejus; *et tradidit eos permissive servire militiæ cæli,* videlicet stellis et duodecim signis atque planetis: quod quarto Regum potissime sub rege Manasse fecisse leguntur; *sicut scriptum est de Judæorum idololatria in libro Prophetarum,* scilicet Amos quinto, cujus liber pertinet ad totalem librum duodecim Prophetarum de quo Stephanus loquitur.

Numquid victimas et hostias obtulistis mihi in deserto quadraginta annis, domus Israel? Circa hoc dicunt Hieronymus, Beda et Glossa super Amos, quod ex eo tempore quo filii Israel adoraverunt vitulum aureum, ultra non obtulerunt hostias Deo, sed idolis. Et quæ Deo obtulisse leguntur, non voluntate, sed metu pœnarum ei obtulerunt: ideo Deo voluntatem magis quam opus adspiciens, non reputat illa sibi oblata. Alii dicunt, quod imo utique post id tempus aliqua Deo devote sacrificia obtulerunt, videlicet in dedicatione tabernaculi, et consecratione Aaron filiorumque ejus; pauca tamen Deo sacrificia (ut isti asserunt) obtulerunt, quia super sacrificiis offerendis Deus per Moysen dispensavit cum eis, sicut et de circumcisionis dilatione, propter incertum motum nubis. Et quia quod modicum est pro nihilo computatur, nunc dicuntur non obtulisse Deo victimas infra tempus quo in deserto fuerunt. De his opinionibus plenius dixi super Amos. Et suscepistis tabernaculum Moloch, id est, fanum idoli nomine Moloch amplexati estis affectu, et illud idolum coluistis: quod post ingressum terræ Chanaan fecisse leguntur; et sidus dei vestri Rempham, id est, stellam matutinam, puta Luciferum, coluistis pro deo, ita quod sidus nomine Rempham, fuit a vobis deus reputatus. Sicque, Sidus dei vestri, sumitur hic intransitive: ut idem designet, sidus dei vestri, et, sidus quod est deus vester. Hanc autem stellam multi idololatrarum ob ejus venustatem adorant, secundum Hieronymum. Figuras quas fecistis adorare eas, id est, istorum deorum vestrorum imagines suscepistis, quas vobis intentione adorandi eas fecistis. Et transferam vos per captivitatem, in ultionem tanti facinoris, trans Babylonem. Quod fuit dum decem tribus ductæ sunt in terras Assyriorum, et duæ in terram Chaldæorum. Quia vero ad illas terras ducti sunt, per, seu circa Damascum et Syriam, cujus metropolis est Damascus, ideo Amos

*Num. vii:
Lev. viii, ix.*

43

*III Reg. xi,
5, 7.*

*IV Reg. xv,
29; xvii, 6;
xxiv, 14;
xxv, 11.*

Amos v, 27. quinto scribitur : Transmigrare vos faciam trans Damascum. Itaque Stephanus, quoad hoc, sensum magis quam verba allegat.

Itaque in his verbis loquitur Stephanus partim de idololatria in deserto commissa, et partim de ea quæ facta est in terra promissionis.

Consequenter S. Stephanus templum volens laudare, a tabernaculo Moysis sumit exordium. *Tabernaculum testimonii* : quod Moyses per manus Beseleel et Ooliab fecit, in quo veritatis testimonia et divina suscepit oracula, in quo fuit arca testamenti, et ante cujus fores causæ sub testibus determinabantur, propter quod merito dictum est tabernaculum testimonii ; *fuit cum patribus nostris in deserto* : nam illud secum tulerunt, postquam completum fuit et dedicatum, *sicut disposuit illis Deus*, jubens ut inter eos maneret ; *loquens ad Moysen ut faceret illud*, id est fieri juberet, *secundum formam quam viderat* in monte Sinai, juxta id

Ibid. xl, 34-36.

Ibid. xxx, 40.

45 *Quod et induxerunt, suscipientes patres nostri*, id est, tabernaculum istud secum sumentes, *cum Jesu*, videlicet Josue (qui dictus est Osee, Josue et Jesus), *in possessionem gentium*, id est in terram Chanaanæorum, *quas expulit Deus per occisionem et fugam, a facie patrum nostrorum*, tempore Josue, *usque in diebus David* mansit et fuit tabernaculum istud in terra præfata. David vero transtulit arcam in civitatem Jerusalem. Ad tempus tamen

II Reg. vi, 2 et seq.

I Reg. iv, 41 ; *v.* vi, 46

Ibid. xvi, 13.

II Reg. vii, 2 et seq.

47 *Salomon autem ædificavit illi domum*, id est templum, a cujus ædificatione fuit

A David a Deo prohibitus, quoniam multum effuderat sanguinem. *Sed non Excelsus in manufactis habitat*, id est, Deus sublimis in ædificiis manufactis aut corporalibus non habitat per aliquam circumscriptionem seu continentiam corporalem, quum sit spiritus simplicissimus et immensus : *Joann.* iv, 24.

habitat tamen ibi per misericordiæ suæ operationem, et suæ potentiae ostensionem. In ecclesiis vero materialibus Christus, quantum ad naturam assumptam, veraciter continetur. *Sicut per Prophetam dicit*, scilicet Isaiam : *Cælum mihi sedes est, terra autem scabellum pedum meorum*, id est, adeo magnus sum, imo immensus, ut hac metaphorica locutione id manifestem, me nullo loco concludi. *Quam domum ædificabitis mihi?* id est, nullam dignam habitationem corporalem majestatis contentivam per circumscriptionem, mihi parare valetis. *Aut quis locus requietionis meæ est?* id est, in nulla re extra me contineor, quiesco et circumscribor. Et si in aliis quiescere dicitur Deus, hoc est per effectum, ipse vero in se ipso quiescit, quia ipse sibi est finis, nulliusque eget, et in se ipso plene beatus est. Hoc et Salomon, templo suo constructo, professus est, dicens : Si cælum, inquit, et cœli cœlorum te capere nequeunt, quanto magis domus hæc quam ædificavi ? *Nonne manus*, id est omnipotentia, *mea fecit hæc omnia?* Ideo omnibus exstat sublimior, nec indiget loco, sicut nec ante omnium creationem. Et nunc est ubi et tunc, quemadmodum

B *tunc ubi et nunc* ; nec in se aliquo modo est variata, sed prædicationum diversitas est ex parte effectuum. *II Par.* xxi, 8.

49 *Dura cervice*, id est mente indurata : sicut et Moyses in Deuteronomio ait, Durissimæ cervicis es populus ; et rursus, Ego scio contentionem tuam, et cervicem tuam durissimam ; *et incircum-*

C *cisis cordibus* a vitiis, ita quod vitiis pleni estis, *et auribus* a verbis perfidiæ. Pro-

Consequenter zelo æquitatis invehitur contra iniquos, et legem fuisse divinitus datam fatetur. *Dura cervice*, id est mente indurata : sicut et Moyses in Deuteronomio ait, Durissimæ cervicis es populus ; et rursus, Ego scio contentionem tuam, et cervicem tuam durissimam ; *et incircum-*

51 *Deut.* ix, 6.

Ibid. xxxi, 27.

Jer. ix, 26. pter quod Jeremias inquit : Omnes gentes A
habent præputium, omnis autem domus
Israel incircumcisi sunt corde; itemque :

Ibid. iv, 4. Circumcidimini, et auferte præputia cor-
dium vestrorum. *Vos semper restitistis*
Spiritui Sancto, ejus instinctum non pre-
sequendo, et verbis Sanctorum ab ipso un-
ctorum contradicendo, *sicut et patres ve-*
stri, quorum non solum carnis propagati-
one, sed et pravitatis imitatione filii estis.

52 *Quem Prophetarum non sunt persecuti*
patres vestri? quasi dicat : Omnes, vel
pene omnes, sunt persecuti. *Et occide-* B
runt eos qui prænuntiaverunt de adven-
tu Justi, videlicet Christi : qui per ex-
cellentiam Justus vocatur, quippe in quo

1 Petr. ii, 22. nulla unquam injustitia fuit, quia peccat-
um non fecit, nec inventus est dolus in
ore ejus. Essentialiter quoque justus fons-
que justitiæ secundum divinam exstat na-
turam. Omne autem peccatum injustitia
quædam est, secundum quod injustitia
opponitur justitiæ quæ est virtus com-
munis, et omnis virtus. Non tamen uni-
versos Prophetas interfecerunt, sed quos-
dam, ut Isaiam, Ezechielem, Jeremiam,

II Par. xxiv, 20. Amos, Zachariam filium Barachiae seu
Joiadæ. *Cujus vos nunc proditores et ho-*

Matth. xxvi, 14, 15. *micidæ fuistis*, quia cum traditore ejus
fraudulenter de ejus morte turpissima

Joann. xix, 18. tractastis, et per manus militum fecistis
crucifigi eumdem. O quanta fuit hujus
sancti viri constantia, quanta fidei forti-

tudo, quantus ardor amoris, quanta prom-
ptitudo ad moriendum pro Christo, quan-
tus zelus justitiæ, quanta securitas atque
tranquillitas mentis ! Sed in his omnibus D
glorificetur Artifex summus, paracletus
Spiritus Sanctus. *Qui accepistis* per Moy-
sen *legem* datam in Sinai, *in dispositione*
angelorum, id est, per eorum obsequium
Deo principaliter conferente, *et non cu-*
stodistis eam. Ex hoc elicitur, quod in
datione legis plures angeli visi et obsecuti

53 sunt, quamvis de uno tanquam de prin-
cipali faciat Moyses mentionem. Unde ad
Galatas ait Apostolus : Lex ordinata est
per angelos in manu mediatoris.

Erod. xix
et seq. pas-
sim.
Galat. iii,
19.

Audientes autem hæc verba justæ in-
crepationis, et rationabilis excusationis,
victoriosæque informationis, *dissecaban-*
tur cordibus suis, id est, variis modis se-
cabantur, et intra se quasi dividebantur
ac rumpebantur, quemadmodum mala olla
in igne posita crepit et exsilit, quia super-
bi, impatientes et incorrigibiles erant. Quo-
rum perversitatem atque insaniam multi
sequuntur, qui dura cervice arguentem
corripiunt, et quo rationabilius convin-
cuntur, eo plus irascuntur et indignantur.

Prov. xxix,
1.

B *Et stridebant dentibus in eum*, ita quod
instar rabidi canis, mentis furorem forin-
secus ostendebant.

Quum autem esset Stephanus plenus 55
Spiritu Sancto : in cujus donis et san-
cto fervore in toto isto conflictu mirabili-
ter crevit : et gratiæ plenitudo in mar-
tyrio (quod est actus caritatis) specialiter
augmentatur ; *intendens in cælum* oculis
mentis et corporis, tanquam ad desidera-
tissimam patriam, quam fuit mox ingres-
surus, *vidit gloriam Dei*, ita quod bea-
titudinem et mercedem sibi paratam Deus
sibi ostendit, prægustareque fecit, *et Je-*
sum stantem a dextris virtutis Dei. Verba
ista pensando, videor mihi audire toni-
truum. Quis enim hujus beatissimi mar-
tyris excellentiam digne miretur ? Quis
hujus visionis magnificæ exprimat qua-
litem ? Quis demum in hac re divinæ
majestatis pietatem satis collaudet ?

Itaque, Vidit gloriam Dei, id est Deum
gloriosum, seu felicitatem, majestatem et
excellentiam ejus. Sed quomodo vidit ?
Per fidem, an per speciem ? Et dicunt
nonnulli, quod pro morula illa vidit Deum
per speciem seu divinam essentiam clare,
sicut Beati in patria : quemadmodum da-
tum est Moysi et Paulo videre Deum per
speciem in hac vita, secundum Augusti-
num. Verum contra hoc alii satis appa-
renter objiciunt quod Deus ait ad Moy-
sen : Non videbit me homo, et vivet. Circa
quod dicunt doctores communiter, quod
nullus in vita præsentī vivens vita huma-
na, utpote sensibus utens corporeis, pos-

Num. xii,
8 ; *II Cor.*
xii, 2-4.

Erod.
xxxiii, 20.

sit videre Deum per speciem, sed ab omnium organicarum virium operatione et usu suspenditur. Stephanus autem hæc videns, sensibus actualiter utebatur, loquens Judæis. Hinc alii dicunt, quod gloriam Dei vidit visione imaginaria, quemadmodum

Is. vi, 1; *Isaias*, *Ezechiel*, et *Michæas*, *Joannes* quoque in *Apocalypsi*, et *Daniel* : in quorum omnium imaginaria virtute, fuit per angelum effigies quædam formata, divinæ majestatis repræsentativa. Ceteri dicunt, quod effigies hujusmodi corporalibus oculis S. Stephani fuit objecta, sicut *Joannes Baptista* vidit Spiritum Sanctum in forma columbæ. Divina autem virtute potuit tale quid extra formari, et in cælo consistens, visum Stephani immutare.

Joann. i, 32.

annes Baptista vidit Spiritum Sanctum in forma columbæ. Divina autem virtute potuit tale quid extra formari, et in cælo consistens, visum Stephani immutare.

Sed quoniam, juxta sancti et divini Dionysii documenta, visio Dei anagogica exstat sublimior quam symbolica, imaginaria autem visio ad symbolicam pertinet; potius reor quod visio Stephani fuit anagogica, pura, et intellectualis sine admixtione phantasmatum : quomodo etiam sanctus David divinas habuit visiones, secundum doctores. Visio quoque Stephani medio modo se habuit inter visionem viæ per fidem, et patriæ per speciem; eratque per splendidissimam quamdam irradiationem increatæ æternæ lucis in superiori parte animæ ejus, imo in apice intellectus, sicut in contemplatione mysticæ theologiæ seu unitivæ sapientiæ fieri solet.

Insuper, qualiter Jesum in forma humana vidit? Dicunt quidam quod visus Stephani divina potentia sic fuit confortatus, quod sua acie cælos penetrans, vidit Jesum in cælo empyreo. Sed quum visio fiat intus suscipiendo magis quam extra mittendo, alii adstruunt quod corpus Christi visum Stephani immutavit. In potestate etenim Christi est ut corpus suum faciat videri a longe sicut de prope. Imo quum corpus glorificatum plene subjectum sit animæ suæ, in potestate animæ gloriosæ est ut ad libitum ejus corpus suum aliorum visum immutet, vel non

A immutet. Visus est autem Jesus stare a dextris virtutis Dei, qui est sua virtus ac fortitudo, seu omnipotentia. Et quia sedere est regnantis ac imperantis, stare autem pugnantis ac adjuvantis, Marcus evangelista scribit Christum a dextris Dei sedentem, et Stephanus vidit hunc stantem. Nam Jesus pro milite suo pugnavit, eumque adjuvit.

Marc. xvi, 19.

Et ait : Ecce video carlos apertos. Hoc intelligendum est eo modo quo in Christi baptismo cæli leguntur aperti : non utique quod incorruptibilia illa corpora sint fracta sive divisa, sed quoniam intuentis oculum ab adspectu habitantis in cælo non impediabant. Et forsitan S. Stephano aperti apparuerunt, ob lucis cujusdam corporeæ emicationem desuper a corpore Christi radiantem, sicut in magnis coruscationibus cæli aperiri videntur. *Et Filium hominis stantem a dextris virtutis Dei* : in quo omnium martyrum animata et roborata sunt corda, omniumque fidelium fortificata est fides non parum.

56

Matth. iii, 16.

C *Exclamantes autem voce magna, continuerunt aures suas, ne verba sua æstimatione blasphema audirent, zelum Dei se habere simulantes, ejusque injuriam quasi perpeti non valentes ; sed ipsi tanquam filii falsitatis obstruxerunt eas veritati tam sublimi ac sanctæ. Et impetum fecerunt unanimiter in eum, id est parimalitia. Non enim ex caritate, sed ex infidelitate unanimitas illa processit. Et ejicientes eum extra civitatem, lapidabant :*

57

D *in quo se legem servare putabant, secundum quam blasphemi lapidandi erant extra castra. Et testes deposuerunt vestimenta sua secus pedes adolescentis qui vocabatur Saulus.* Isti fuerunt testes mendosi, qui Stephanum de blasphemia accusaverunt, et primi contra eum lapides jactaverunt. Nam per Moysen Dominus jussit, ut manus testium prima esset super eum qui fuerat lapidandus. Denique vestes suas exuerunt, ne tactu illius inquinarentur, et item ut expeditiores essent ad fortiter projiciendum atque celeriter

Lev. xxiv, 14, 16.

Deut. xvii, 7.

occidendum. Adolescens vero hic, postea A dictus est Paulus, qui aliorum vestes custodiens, quasi omnium manibus lapidabat.

Act. xxii, 20. *Et lapidabant Stephanum invocantem et dicentem : Domine Jesu, suscipe spiritum meum.* Sic et Christus dicebat : Pa-

Luc. xxiii, 46. *ter, in manus tuas commendo spiritum meum. Positis autem, id est flexis, genibus, clamavit voce magna, quia ex magno et intimo caritatis affectu, et ex compassione errantium, dicens : Domine, ne statuas, id est ignosce, illis hoc peccatum.* Ecce pro se stans, pro interfectorebus suis B et interfectorebus tam crudelibus genua flectens, oravit. In quo mira ipsius patientia et perfecta caritas declaratur, et quod superiora verba non ex aliqua inordinata aversione, sed ex zelo justitiæ atque amoris magnitudine protulit. Secutus est autem Stephanus documenta et opera Chri-

sti, tam sublimiter quam conformiter implens quod docuit Christus, Orate pro persequentibus et calumniantibus vos; et sequens quod egit in cruce, Pater, inquit, ignosce illis. Sed numquid tam sanctissima oratio Stephani poterat esse infructuosa? Nequaquam. Imo ejus virtute Paulus creditur illustratus. *Et quum hoc dixisset, obdormivit in Domino.* Nam de corporis occisione perrexit ad quietem dulcissimam patriæ, et feliciter prorsus obdormivit in Domino, qui eum in suæ immensæ claritatis assumpsit, demersit, absorbuitque abyssum.

Saulus autem erat consentiens neci illius, tanquam persecutor Ecclesiæ, idcirco particeps culpæ, secundum quod ipse postea docuit, quia morte digni sunt, non solum qui faciunt, sed etiam qui consentiunt facientibus. Rom. i, 32.

ARTICULUS VIII

EXPLANATIO CAPITULI OCTAVI : FACTA EST AUTEM IN ILLA DIE PERSECUTIO MAGNA IN ECCLESIA.

1 **F**ACTA est autem in illa die, qua lapidatus est Stephanus, persecutio magna in Ecclesia quæ erat Jerosolymis. Stephano namque, qui post Apostolos fuit unus de primis in fratribus, tanquam blasphemo extincto, succensus est furor perfidorum Judæorum contra conversos ex Judaismo, cœperuntque persequi eos atrociter. *Et omnes discipuli, vel pene omnes, seu notabiliores et famosiores, dispersi sunt, egrediendo Jerusalem, per regiones Judææ, scilicet duarum tribuum, et Samariæ, id est decem tribuum, præter Apostolos : qui tanquam dominici gregis arietes, fuerunt constantiores.* Imo in hoc Christi doctrinam sunt imitati, dicentis : Quum persecuti vos fuerint in una civitate, fugite in aliam. Denique di-

Matth. x, 23.

C spersio ista occasio fuit salutis multorum, dilatationisque fidei inter eos ad quos pervenerunt dispersi. Propter quod Beda fatetur : Dei nutu id gerebatur, ut tribulationis occasio fieret Evangelii seminarium. Constat quoque quod ab exordio primitivæ Ecclesiæ, fides persecutionibus non est minorata, sed aucta, Deo fidei veritatem tuente, monstrante et glorificante : alias millies fuisset extincta.

2 *Curaverunt, id est, cum diligentia et cura sepelierunt, autem Stephanum viri timorati, qui fuerunt ex Judaismo conversi, filialem habentes timorem ad Deum, et coram eo sollicite et cum metu et reverentia ambulantes (quos imitari debemus) : inter quos Gamaliel fertur fuisse.* Unde patescit quod non penitus omnes

Mich. vi, 8; Hebr. xii, 28.

Christiani a Jerusalem tunc fugerunt præter Apostolos. *Et fecerunt planctum magnum super eum* : non propter damnum occisi, imo triumpho et glorificationi ejus congratulari noscuntur; sed ex desiderio martyrizati, tam dulcis et optimi fratris desiderantes habere præsentiam, maxime quando primitiva Ecclesia adhuc erat tam parva. Fuit quoque consuetudo Judæis defunctos suos, præsertim spectabiles, vehementer deplangere. Circa hunc locum Scholastica habet historia : Tunc Apostoli videntes quod ad gentes essent postmodum transituri, ordinaverunt Jacobum Alphæi filium, episcopum Jerosolymorum, et imposuerunt ei manus Petrus, Jacobus et Joannes. Ideo non a paucioribus quam a tribus episcopis, episcopus hodie consecratur.

3 *Saulus autem devastabat Ecclesiam, id est, Christianos persequabatur, per domos eorum intrans ad quærendum eos, et trahens viros ac mulieres fideles, tradebat in custodiam, id est in carcerem. In quo crudelitas ejus ostenditur, quod nec ætati pepercit, nec sexui. Verum ignorans in incredulitate fecit, paternarum suarum traditionum abundantius æmulator existens. — Igitur qui dispersi erant, pertransibant per loca Judææ atque Samariæ, evangelizantes, id est prædicantes, verbum Dei.*

Galat. i, 14.

4 Consequenter S. Lucas describit secundi diaconi inter septem prædicationes et opera. *Philippus autem, qui supra legitur statim post Stephanum in diaconatum electus, descendens in civitatem Samariæ. Samaria nunc accipitur, non pro tota regione decem tribuum, sed pro civitate ejus metropoli. Prædicabat illis Christum. Intendebant autem turbæ habitantes Samariam, his quæ a Philippo dicebantur, unanimiter audientes, et videntes signa quæ faciebat. Ex hoc loco, et item ex his quæ apud Joannem leguntur, monstratur quod Samaritani hi prompti fuerunt ad suscipiendam evangelicæ legis doctrinam. Nam ibi habetur quemadmodum*

Joann. iv, 30-42.

A rogaverunt Christum ut apud eos maneret, et quod multi eorum crediderunt in ipsum, dicentes, quia hic est vere Salvator mundi. *Multi enim eorum qui habebant spiritus immundos, puta obsessi, clamantes voce magna, exhibant ab obsessis diaboli invite, Christi potestate compulsi. Multi autem paralytici et claudi curati sunt a Philippo. Factum est ergo gaudium magnum in illa civitate, quia de sua illuminatione, conversione, infirmorum curatione, ceterisque Dei beneficiis magnifice sunt gavisi.*

7

8

Vir autem quidam nomine Simon, qui ante fuerat in civitate Samariæ magus, seducens gentem Samariæ, dicens se esse aliquem magnum, scilicet aut vatem, seu Filium Dei, vel Christum. *Cui auscullabant omnes a minimo ratione utente, usque ad maximum, dicentes : Hic est virtus Dei, quæ vocatur magna.* Nam propter mira quæ arte magica fecit, putabant quod esset Filius Dei et virtus ejus, quemadmodum de Christo ait Apostolus : Prædicamus Christum Dei virtutem, et Dei sapientiam. Imo, ut scribit Hieronymus, Simon hic in tantam prorupit superbiam, ut diceret : Ego sum sermo Dei, ego virtus Dei, ego omnipotens. *Attendebant autem eum, propter quod multo tempore magicis suis dementasset, id est mentis recto judicio privasset, eos, ut falsa pro veris susci- perent.*

1 Cor. i, 23, 24.

11

Quum autem credidissent Philippo, [evangelizanti de regno Dei], qui ante crediderant Simoni, et in nomine Jesu Christi baptizarentur viri ac mulieres, tunc Simon et ipse credidit. Aliqui dicunt, quod ad tempus vere credidit, sed post ad vomitum rediit. In Scholastica vero historia fertur, quod fecte credidit, et fecte Baptisma suscepit, ut Philippo familiariter adhærendo, ab ipso disceret artem talia signa agendi qualia fecit Philippus. Unde Beda hic ait : Vel B. Philippi verbis et virtute devictus veraciter Domino credidit, vel (quod magis credibile est) credere se quousque Baptisma susci- peret,

9

10

12

13

simulavit : ut quoniam laudis erat avidissimus, ita ut Christum se credi vellet (ut narrant historiæ), artes ab eo quibus miracula faceret, disceret. Quod etiam successores ejus fecerunt, qui auctoris sui malignis artibus instituti, Ecclesiam qualibet arte ingredi, et Baptisma furari soliti erant. *Et quum baptizatus esset, adhærebat Philippo*, modo prædicto. Est autem consuetudo Scripturæ, rem gestam narrare eo modo quo, quum fieret, ab omnibus fieri putabatur, ut ait Hieronymus. *Videns etiam signa et virtutes maximas*, id est præclara valde miracula, fieri per Philippum, qualia ipse nunquam facere quivit, *stupens admirabatur* majora fieri vere, quam ipse fecerat fecte.

14 *Quum autem audissent Apostoli qui erant Jerosolymis, quia recepisset Samaria verbum Dei.* Hoc enim, ut dicitur, Philippus iste eis insinuavit, rogans ut quidam eorum venirent Samariam ad imponendum manum baptizatis, quatenus in signo visibili reciperent Spiritum Sanctum. Nam manus imponere baptizatis, fuit officium Apostolorum, sicut et nunc episcoporum, qui sunt successores illorum. Ex quibus constat quod Philippus iste non fuit apostolus. *Miserunt ad eos Petrum et Joannem.* Si alii Apostoli miserunt hos duos principales Apostolos, cur Arius finxit unigenitum Dei Filium Patre esse minorem, quia a Patre est missus? *Qui quum venissent, oraverunt pro ipsis, ut acciperent Spiritum Sanctum cum signo sensibili et cum dono linguarum.* Nondum enim in quemquam illorum venerat cum signo visibili. Invisibiliter tamen venit in eos, quia in Baptismo receperunt remissionem et gratiam justificantem, sicut nunc baptizati recipiunt. *Sed baptizati tantum erant in nomine Domini Jesu.* Quod ait, Tantum, refertur ad nomen, Baptizati : ut sit sensus, quod sic erant baptizati quod nondum cum signo sensibili Spiritum Sanctum erant sortiti, id est cum signo sensibiliter demonstrante Spiritus Sancti infusionem.

A Quare autem et quo sensu in primitiva Ecclesia fiebat Baptismus in nomine Jesu Christi, dictum est supra. *Tunc imponebant manus super illos, et accipiebant Spiritum Sanctum* cum signo visibili, sicut nunc dictum est, et cum plenitudine gratiæ amplioris, secundum quod majus aut minus ad hoc per mentis devotionem se disposuerunt.

Quum vidisset autem Simon, quia per impositionem manus Apostolorum datur Spiritus Sanctus cum hujusmodi signo visibili, *obtulit eis*, videlicet Petro et Joanni, *pecuniam, dicens : Date et mihi hanc potestatem, ut cuicumque imposuero manus, accipiat Spiritum Sanctum.* In hoc multipliciter Simon peccavit. Nam et cupiditate lucri voluit hanc potestatem mercari, quatenus impie emptam potestatem, aliis quoque venundaret, et propter lucrum manus imponeret; item, quod pro temporali spirituale bonum emere affectavit. Hinc a Simone isto, simoniaci nominantur, qui pro temporali spirituale emunt et vendunt. Qui venditores, etiam dici possunt Giezitæ, a Giezi ministro Elisei, qui a Naaman Syro sumpsit pecuniam pro beneficio curationis a lepra.

Petrus autem dixit ad eum zelo justitiæ, et ut futuris obviaret periculis : Pecunia tua tecum sit in perditionem, id est, eam nolo, sed justum est te cum ea perire. Porro sancti viri, quum maledictionis sententiam proferunt, non affectu ultionis, sed æquitatis id agunt. *Quoniam donum Dei spirituale quod in Baptismo confertur, existimasti pecunia possideri,* quasi esset tam vile ut corporalibus compararetur. Hinc ait Salvator : *Gratis accipistis, gratis date. Non est tibi pars, neque sors*, id est salubris eventus, *in sermone isto*, ut scilicet ad manuum tuarum impositionem detur Spiritus Sanctus; vel, *In sermone isto*, id est in potestate hac dandi Spiritum Sanctum. *Cor enim tuum non est rectum coram Deo*, sed perversum et cupidum : quod Deo revelante Petrus cognovit, et ex opere Simonis id pensavit.

Cf. Act. ii, 38.

17

18

19

IV Reg. v, 20-23.

20

Matth. x, 8.

21

- 22 *Pœnitentiam itaque age ab hac nequitia A Dei, redibant Jerosolymam, et multis ci-*
*tua; et roga Deum, si forte remittatur vitatibus * Samaritanorum evangeliza-*
tibi hæc cogitatio cordis tui, quia cogi- bant. prædicando in urbibus per quas ^{* regioni-}
tasti eum consensu pecuniam sic offerre. bus
 Quod ait Petrus, Si forte, non ideo ait
 quia peccatum Simonis fuit irremissibile,
 vel quia pœnitere non potuit, sed ad in-
 nuendum quod gravissimum fuit; vel, ut
 aliqui dicunt, quia in spiritu vidit Simo-
 nem pœnitentiam non acturum. Admo-
 nuit tamen eum ad hoc, sicut sui officii
 fuit. *In felle enim amaritudinis, id est*
 obliqua atque nequissima intentione ad
 gehennalem amaritudinem deducente, *et*
*obligatione peccati**, id est reatu damna-
 tionis seu pravitate ad inferos obligante,
video, id est considero, te esse. Hinc Spiri-
 tus Sanctus in specie columbæ descendit,
 ut eos qui se accipere volunt, simplices
 et suaves esse debere doceret. Nempe qui
 fel amaritudinis in corde reservat, quan-
 tumlibet baptizatus sit, non est iniquitatis
 suæ vinculis absolutus; sed quasi ad pun-
 ctum hora baptizandi purgatus, mox acri-
 ore dæmone septemplex est oppressus. C
 Frustra igitur Spiritus Sancti gratiam ten-
 tat acquirere, qui sese mente corvina non
 curat exuere. Hinc scriptum est: Non est
 sensus ubi abundat amaritudo. Et ad He-
 bræos Paulus: Ne qua radix amaritudinis
 sursum germinans, impediat, et per illam
 inquinentur multi.
- 24 *Respondens autem Simon, dixit: Pre-*
camini vos pro me ad Dominum, ut nihil
veniat super me horum quæ dixistis, id
est, ne peccata hæc mihi ad damnationem
imputentur. Interdum impii verba hu-
militem prætententia mente proferunt
vitiosa, et pro se orari ac sibi ignosci pre-
cantur, non Dei amore aut zelo justitiæ,
sed timore pœnarum. Est enim qui ne-
quiter se humiliat, et interiora ejus plena
sunt dolo. Sic Achaz dixit ad Isaiam: Non
tentabo Dominum. Et Antiochus se Judæ-
um futurum spondit.
- 25 *Et illi quidem, videlicet Petrus et Jo-*
annes, testificati, id est verbis et miracu-
lis verum esse testati, et locuti verbum
- Angelus autem Domini locutus est ad* 26
Philippum diaconum, dicens. An appa-
ritio ista atque locutio fuerit intus, an fo-
ris exhibita, certum non reor. Surge, et
eade contra meridianum, id est versus
plagam australem, ad viam quæ descendit
ab Jerusalem in Gazam, hæc, scilicet Ga-
za de qua loquor, est deserta, id est de- ^{Soph. II, 4.}
structa. Hoc dicitur ad differentiam alte-
rius Gazæ, quæ fuit alio loco, post prioris
Gazæ destructionem, adificata in terra ^{Judic. XVI,}
Philistiim. Et surgens abiit, prompte obe- ^{1.}
diens, nec causam jussionis inquirens. 27
 Quo informamur, ut subditi superioribus
 sine superflua inquisitione statim obedi-
 ant. Imo olim sancti subditi, patribus suis
 etiam in his quæ vel irrationabilia vel
 inutilia videbantur, obedierunt celeriter.
- Et ecce vir Æthiops, eunuchus potens*
Candacis reginæ Æthiopum. Merito ho-
 mo iste vir vocatur ab animi vigore et
 virtute, qui tam studiosus in divinis fuit
 codicibus, tantumque religionis divinæ
 amorem possedit ut aula regali deaurata
 relictæ, a finibus terræ ad templum Jeru-
 salem properaret. Eunuchus quoque vo-
 catur, vel quia castratus, vel ob probita-
 tem morum et castitatem, quemadmodum
 ait Salvator: Sunt eunuchi qui se castra-
 verunt propter regnum Dei. Fuit autem
 custos thesaurorum reginæ Æthiopum:
 et ut in Scholastica fertur historia, con-
 suetudo fuit eunuchorum, custodire the-
 sauros potentium. Beda quoque affirmat,
 quod moris fuit huic Æthiopum nationi, a
 feminis gubernari, easque Candaces vo-
 cari. Ex his patet intellectus ejus quod
 subditur: *qui erat super omnes gazas*
ejus, id est thesauros. Venerat in curru
adorare in Jerusalem. Erat enim unius
veri Dei cultor; et ad Judaismum videtur
fuisse conversus, quia ut subditur, le-
git Isaiam prophetam. Unde perpenditur
quod et alios libros legis ac Prophetarum

habuerit. Judæi autem per mundum dispersi, quosdam gentilium hinc inde converterunt, qui certis temporibus venerunt ad templum Jerusalem adorare Deum : quemadmodum etiam in Joanne legitur, quod quidam gentilium venerunt ad diem festum. Et secundo Machabæorum narratur, quod templum Jerusalem fuit per totum orbem venerabile et famosum. *Et revertebatur de templo ad propria, sedens super currum suum; legensque Isaiam prophetam.*

Dixit autem Spiritus Philippo. Hoc de locutione interna accipit Beda. Potestque per spiritum hoc loco intelligi angelus qui paulo ante locutus fuit Philippo ; et item Spiritus Sanctus, cujus instinctu agebatur Philippus. *Accede, et adijunge te ad currum istum. Accurrens autem Philippus, audivit eum legentem Isaiam prophetam, et dixit : Putasne intelligis quæ legis ? Qui ait : Et quomodo possum, nisi aliquis ostenderit mihi ?* Quæritur, qua lingua loquebantur isti ad invicem. Et de Philippo non dubium est quin donum linguarum acceperit sicut Apostoli : idcirco potuit affari eunuchum in lingua illius. De eunucho autem incertum est an scivit linguam Hebræam, et an textus Isaïæ quem legit, fuit verbis Hebraicis scriptus, an Græcis. Nam eo tempore translatio Septuaginta interpretum fuit famosa. Solent autem officiales regum et reginarum diversas discere linguas. *Rogavitque Philippum ut ascenderet et sederet secum.* Ex apparatu nempe Philippi, consideravit quod vir esset religiosus.

Locus autem Scripturæ quam legebat, erat hic : Tanquam ovis ad occisionem ductus est, et sicut agnus coram tondente se est sine voce, sic non aperuit os suum. Ista ad litteram de Christo in Isaia scripta sunt. Christus enim cum mansuetudine summa, mititate et taciturnitate, ad locum ivit supplicii : quamvis paucissima quædam verba in via ad mulieres protulerit. Ipse est agnus de quo dixit Præcursor : Ecce Agnus Dei qui tollit peccata

A mundi. Qui per Jeremiam profitetur : Ego quasi agnus innocens qui portatur ad victimam ; atque in Psalmo, Quasi lugens et contristatus, sic humiliabar. *In humilitate judicium ejus sublatum est*, id est, Christus ob humilitatem, paupertatem et abjectionem quam pro nobis accepit, contemptus est, et injuste dijudicatus, seu justo judicio spoliatus. Allegat autem Lucas scripturam hanc secundum translationem Septuaginta interpretum. Nostra vero translatio habet sic : De angustia et de judicio sublatum est : id est, de anxietate pœnaque mortis, et de judicio quo ab impiis adjudicatus est morti, vel de judicio quo ceteri sancti detinebantur in limbo, liberatus est Christus a morte resurgens, et victor ascendens ad Patrem. *Generationem ejus quis enarrabit ?* quasi dicat : Perfecte enarrari et comprehendere nequit. Quod de generatione Christi æterna atque divina certissimum est. Incarnationis quoque mysterium incomprehensibile exstat ; nec effari quis potest plenarie, quomodo invariabilis æternusque Deus de novo sit ex Virgine natus, quomodo divina et humana natura in Christo hypostatice sunt unitæ, qualiter clauso prodiit utero. Insuper generatio Christi spiritualis, videlicet multiplicatio fidelium per Baptismi regenerationem ac fidei susceptionem, mira est nimis. Maximum namque miraculum est conversio mundi ad tam arduam legem et incomprehensibilem fidem, et quod illum mundus pro Deo vero adorat, qui tam turpissima morte occisus est.

D Hinc sequitur : *quoniam tolletur de terra vita ejus*, id est, ipse occidetur, et de hominum in terra viventium consortio auferetur. Non casu, sed Spiritus Sancti dispositione hunc passum Isaïæ legit eunuchus, ut in hac occasione convenientius atque facilius induceretur ad fidem.

Respondens autem eunuchus Philippo, dixit : Obsecro te, de quo Propheta dicit hoc ? de se, an de alio aliquo ? Magna fuit studiositas hujus gentilis : et ejus diligentia nostram confundit pigritiam, qua

Jer. xl. 19.

Ps. xxxiv.

14. 33

Is. liii, 8.

34

Joann. xii, 20.

II Mach. ii, 23.

Act. ii, 4.

Is. liii, 7.

Luc. xxiii, 28-31.

Joann. i, 29.

- 35 sacras Scripturas negligimus discere. *Aperiens autem Philippus os suum*, tanquam ordinate et de magno mysterio locuturus, *et incipiens a scriptura ista, evangelizavit illi Jesum*, quid de eo esset credendum.
- 36 *Et dum irent per viam, non pedestres, quia in curru sedebant, sed ibant per viam, quia vehiculo illo processerunt in via, ceciderunt ad quamdam aquam. Et ait eunuchus : Ecce aqua, quis prohibet me baptizari?* quasi dicat : Rationabile impedimentum non occurrit. *Dixit autem ei Philippus : Si credis ex toto corde*, id est, intellectum tuum totaliter subjecis fidei, et nulla tibi inest dubitatio de fidei veritate, *licet te baptizari*. Hinc adulti, dum baptizandi sunt, fidem suam profitentur; pro infantibus autem respondent levantes de fonte. *Et respondens, ait : Credo Filium Dei esse Jesum [Christum]*.
- 37 *Et iussit stare currum. Et descenderunt uterque in aquam, et baptizavit eum*. Eunuchus utique magnam secum familiam habuit, nec tamen coram illis se nudare ac lavari erubuit, dum coram Deo de propriis verecundabatur peccatis. Quo confunduntur, qui hominum magis quam Dei reverentur aut verentur adspectum.
- 38 *Quum autem ascendissent de aqua, Spiritus Domini rapuit Philippum*, id est, de loco illo ad alium subito mirabiliter transtulit. Et per spiritum Domini, Hieronymus angelum Dei intelligit. Estque simile quod in Daniele de Habacuc scribitur, qualiter angelus de Judæa in Ba-
- 39 *bylonem tulit eum pilo capitis sui*. Quidam vero per spiritum Domini, Spiritum Sanctum accipiunt. Sed primum est melius. Per subjectam quippe creaturam, fecit hoc omnipotentia Spiritus Sancti. *Et amplius non vidit eum eunuchus*. Repente enim et celerrimo motu disparuit. Denique totum hoc ad confirmationem fidei in eunucho peraetum est, ut per tam mirabilem raptum sciret eunuchus quod divino nutu Philippus ad ipsum deveniret : estque credibile quod Philippus dixit eunuchus jam credenti, quomodo angelo imperante venisset. *Ibat autem per viam suam gaudens*, id est, eunuchus cum ingenti recessit lætitia, quod tantam circa se providentiam Dei, pietatem et gratiam esset expertus. Nec dubium quin Spiritus Sanctus singulari consolatione, perfectione et gratia cor ejus impleverit. Et forte reversus ad propria, quosdam suæ gratiæ fecit participes, eos convertendo ad Christum.
- 40 *Philippus autem inventus est in Azoto* : forte usque ad illam Philistinorum urbem transtulit eum Spiritus Domini; *et pertransiens, evangelizabat civitatibus cunctis*, quas habebat in via obvias sibi, *donec veniret Cæsaream*, scilicet Palæstinæ, in qua habuit domum : quæ ut asserit Beda, usque hodie demonstratur; cubiculum quoque filiarum ejus virginum prophetissarum, de quibus infra habetur. Sed demonstrationem illam puto ad tempus præteritum referendam. An vero jam ita sit, nescio.

Dan. xiv.
35.

Act. xxi, 9.

ARTICULUS IX

ELUCIDATIO CAPITULI NONI : SAULUS ADHUC SPIRANS MINARUM ET CÆDIS.

- Act. viii, 3. **C**IRCA principium præcedentis capituli dixit Lucas : Saulus autem devastabat Ecclesiam. Nunc ad illud verba sua continuans, prosequitur quod incepit. *Saulus*
- 1 *adhuc spirans minarum et cædis*, id est, minas et percussiones ex intimis suis effundens, *in discipulos Domini, accessit ad principem sacerdotum, et petiit ab eo*

epistolas deferendas a se in Damascum ad synagogas, id est Judæorum congregationes ibi manentes, ut si quos inveniret hujus viæ, scilicet evangelicæ legis, viros ac mulieres, vinctos perduceret in Jerusalem, ut ibi juxta decretum pontificis punirentur.

3 Et quum iter faceret, contigit ut appropinquaret Damasco. Et subito circumfulsit eum lux de cælo. Fuitque lux illa sensibilis quam viderunt gradientes cum

Act. xxii, 9.

Paulo, ut infra habetur; et per circumfulgentiam istam sensibilem insinuabatur, quod intellectuali luce fuit intus mox perfundendus, cujus needum exstitit capax.

4 Et cadens in terram præ pavore, stupore et admiratione : nescivit enim quid ei acciderit, aut quid circumfusio illa tam repentina atque insolita designaret; audivit vocem dicentem sibi : Saule, Saule, quid me persequeris? Tanta est dilectio et unitas Christi ad suos fideles, qui et mysticum Christi corpus vocantur, ut quidquid boni aut mali fuerit illis irrogatum, sibi reputet factum, quemadmodum in Evangelio ait : Esurivi, et non dedistis mihi manducare; nudus fui, et non operuistis me. Et item : Quod uni ex minimis meis fecistis, mihi fecistis. Sic et per Zachariam denuntiat : Qui tetigerit vos, tanget pupillam oculi mei. Itaque Paulus Christum in membris suis persequabatur. Similiter omnes qui alios ad vitia trahunt aut scandalizant, Christum persequuntur : nam illas evertunt animas pro quibus suum sanguinem fudit Salvator. Propter quod ait Apostolus : Percutientes conscientiam eorum infirmam, in Christum peccatis.

Matth. xxv, 42, 43.

Ibid. 40.

Zach. ii, 8.

I Cor. viii, 12.

5 Qui dixit : Quis es, Domine, qui me tam potenter ac subito prostravisti, tamque valde terruisti? Et ille : Ego sum Jesus Nazarenus quem tu persequeris. Non dixit, Ego sum Deus, Unigenitus Dei; sed, Ego sum Jesus Nazarenus. Tanquam dicat : Humilitatem meam assume, et superbiam tuam squamas depone. Durum est

tibi contra stimulum calcitrare. Qui contra stimulum calcitratur, se ipsum, non stimulum lædit. Et quo fortius ferventiusque recalcitratur, eo se gravius vulneratur. Similiter universis qui se Christo opponunt, contingit : sibi enim nocent, non illi; et quo magis in illum insaniunt, eo infelicius perire noscuntur. Itaque, durum est contra stimulum calcitrare, id est potentiori resistere, cui qui resistit, nil proficit, sed penitus deficit.

Et tremens corpore, ac stupens mente, dixit : Domine, quid me vis facere? Christi majestate cognita et experta, quem paulo ante inter descendentes in lacum æstimavit, miratus est vehementer; et de suo confusus errore, mentem quoque et carnem ejus ingens horror concussit, moxque in verba perfectæ conversionis ac plenæ obedientiæ prorupit, dicendo : Domine, quid me vis facere? tanquam dicat : Tuum est imperare, meum parere. Quidquid placuerit tibi, injunge; ad omnia sum paratus. Sic subditi superioribus suis dicere debent. Verum, ut ait Bernardus, plures sunt imbecilles, quibus cæci illius verba a superiori dici oporteat : Quid vis faciam tibi? Jam ergo Paulus cœpit intus radio veritatis perfundi. Et

6

Luc. xviii,

41.

Dominus ad eum : Surge. Adhuc enim jacebat prostratus in terram. Surge etiam ab erroribus et peccatis, a crudelitate, a cœpto proposito vitioso. Et ingredi civitatem Damascum, et dicetur tibi, ibi a quodam discipulo, quid te oporteat facere. His verbis socialis vita commendatur, et declaratur quod quæ a Deo sunt, ordinata sunt, quodque voluntas Dei sit ut homo ab homine instruatur, et quod volentes salvari, devotos ac religiosos debeant visitare, audire, et sequi eorum consilium et doctrinam. Etenim, sicut Salomon ait, frater qui adjuvatur a fratre, quasi civitas munita.

Rom. xiii, 1.

Prov. xviii, 19.

Viri autem qui comitabantur cum eo, stabant stupefacti de Pauli prostratione, et humili locutione, cœlestisque lucis diffusionem, audientes quidem vocem Pauli, non

7

- Christi, secundum quod infra asserit Paulus : Viri qui mecum erant, lumen viderunt, vocem autem non audierunt ejus qui loquebatur mecum ; *neminem autem videntes ad quem Paulus verba sua dirigeret, Seipsos tamen et Paulum viderunt.*
- 8 *Surrexit autem Saulus de terra, apertisque oculis, nihil videbat, obfuscatus splendore lucis in quam oculos fixit ; magis autem propter mentis raptum in Deum, ejus in illo tanta fuit occupatio, quod exteriorum sensuum caruit usu. Ad manus autem illum trahentes, introduxerunt Damascum.* In tantum fuit in Paulo corporalis natura suis viribus destituta, ex alteratione timoris, stuporis et contemplationis interius facta, quod per se proficisci non potuit. Sic enim et Daniel ait ad angelum : Domine, in visione tua dissolutæ sunt compages meæ, et nihil in me remansit virium. *Et erat [ibi] tribus diebus non videns oculo corporali, et non manducavit, neque bibit.* Tanta fuit in eo elevatio mentis ad Deum, quod vires sensitivæ ac vegetativæ a suis actibus fuerunt suspensæ. Constat enim quod quanto anima intensius occupatur circa operationem unius potentiæ, tanto plus in aliarum actibus potentiarum remittitur. Nempe infra hoc triduum creditur raptus fuisse usque ad tertium cælum, vidisseque Deum per speciem, et audisse arcana verba quæ non licet homini loqui, quemadmodum in secunda ad Corinthios protestatur epistola. In quo etiam triduo creditur a Spiritu Sancto Evangelium didicisse, prout ait ad Galatas : Neque ab homine, inquiens, accepi illud, neque didici, sed per revelationem Jesu Christi.
- 9 *Erat autem quidam discipulus Damasci, nomine Ananias. Et dixit ad illum in visu Dominus, id est in visione, forsitan tempore somni : Anania. At ille ait : Ecce ego, Domine.* Sic quoque Deus frequenter (sicut in Genesi legitur) ad Jacob in somno per angelum dixit : Jacob, Jacob ! Qui respondit : Adsum. *Et Domi-*
- nus ad illum : Surge, et vade in vicum qui vocatur rectus, et quære in domo Judæ Saulum nomine Tarsensem.* Forte hospes Pauli vocatus est Judas. Paulus quoque appellatur Tarsensis, quia a civitate Tarso exstitit oriundus. *Ecce enim orat.* Quasi dicat : Ne timeas, quia non crudelitati, sed devotioni et orationi intentus est ; mutatus est in alium virum, factus est de lupo agnus, de Saulo superbo humilis Paulus. Porro quum Paulus a raptu præfato ad se ipsum rediisset, Deo gratias agens, cœpit orare. *Et vidit ipse Paulus in spirituali ac imaginaria visione, virum nomine Ananiam, introeuntem ad se, et imponentem sibi manus ut visum recipiat.* Antequam enim Ananias corporaliter ad Paulum veniret, Deus ejus adventum Paulo in spiritu præmonstravit ; apparebatque Paulo, quod Ananias manus sibi imposeret ut reciperet visum : quod et paulo post realiter gestum est.
- Respondit autem Ananias, excusare se volens : Domine, audivi a multis de viro hoc, quanta mala pœnalia fecerit sanctis tuis in Jerusalem. Et hic habet potestatem a principibus sacerdotum vinciendi* alligandi omnes qui invocant nomen tuum. Et Dominus ad eum : Vade intrepidus, quoniam vas electionis mihi est iste, id est valde electum gratiæ receptaculum. Est autem consuetudo linguæ Hebrææ, ut omne alicujus susceptivum, vas appelletur. Ut portet nomen meum, id est, prædicando insinuet, coram gentibus et regibus et filiis Israel. Ego enim ostendam illi per præviam revelationem, quanta oporteat eum pati pro nomine meo, scilicet pro me ipso, ut per multas tribulationes probetur vas electum, et pœnas quas intulit sanctis, nunc demum patiatur cum sanctis.*
- Et abiit Ananias, et introivit in domum, et imponens ei manus, dixit : Saul frater, Dominus Jesus misit me, ut videas corporaliter, et implearis Spiritu Sancto, id est, gratia implearis abundan-*

Act. xxi, 9.

Dan. x, 16.

II Cor. xii, 2, 4.

Galat. i, 12.

Gen. xxxi, 11; xxi, 2.

12

13

14

15

16

Sap. iii, 6.

17

- 18 tiori in susceptione Baptismi, in quo gratia sacramentalis confertur. *Et confestim ceciderunt ab oculis ejus tanquam squamæ*, id est maculæ quædam albæ, similes lucentibus piscium squamis : quas quidam dicunt in oculis Pauli causatas ab excelsissimo illo lumine ipsum cæcante ; *et visum*, id est usum oculorum, *recepit*. *Et surgens, baptizatus est. Et quum accepisset cibum, confortatus est corpore*, quod propter contemplationis excessum fuit valde debilitatum. *Fuit autem cum discipulis*, scilicet Christianis, *qui erant Damasci*, ductus ad eos per Ananiam, *per dies aliquot*.
- 20 *Et continuo*, id est statim post Baptismum, *ingressus in synagogas, prædica-*
bat Jesum, *quoniam hic est Filius Dei* naturalis, consubstantialis, æternus, non adoptivus. Per hoc, sicut Rabanus ait, dat Paulus exemplum non erubescendi mutare sententias, ut pateat veritas. *Stupebant autem omnes qui eum audiebant, et dicebant : Nonne hic est qui expugnabat in Jerusalem eos qui invocabant nomen istud, et huc ad hoc venit ut vinctos illos*, id est nomen istud in Damasco invocantes, *duceret ad principes sacerdotum ?*
- 22 *Saulus autem magis convalescebat*. Operando enim et loquendo quæ Dei sunt, profecit in gratia, et fervor sanctus in ipso prævaluit. Nam sicut peccato gratia minoratur, sic actibus virtutis augetur. *Et confundebat Judæos qui habitabant Damasci : nam per Scripturas legis ac Prophetarum eis monstravit venisse Messiam, nec quibant ei resistere ; affirmans quoniam hic est Christus, mundi Salvator*.
- 23 *Quum autem implerentur dies multi, consilium fecerunt Judæi in Damasco manentes, ut eum interficerent*, cui per rationem resistere non valebant. Solent enim duri et incorrigibiles persequi eos a quibus redarguuntur. *Notæ autem factæ sunt Saulo, vel per fratrum intimationem, vel per revelationem divinam, insidiæ eorum. Custodiebant autem portas Damasci die ac nocte ministri præpositi Damasci, ut*
- A *eum interficerent*, non Judæi, sed cives Damasci, et præpositus Aretæ regis ad Judæorum instantiam, sicut ad Corinthios scribit Apostolus : Damasci præpositus gentis Aretæ regis, custodiebat civitatem Damascenorum, ut me comprehenderet. *Accipientes autem eum discipuli nocte, dimiserunt eum per murum, submittent* in sporta : non quod Paulus timeret mori pro Christo, sed quia majorem producere fructum in Ecclesia concupivit. Ex quo etiam patet, quod interdum liceat humanæ industriæ uti subsidiis, ut vitentur pericula.
- 25 *Quum autem venisset Jerusalem, tentavit se jungere discipulis*. Omnis enim caro ad sibi similem jungitur. *Et omnes timebant eum, non credentes quod esset discipulus. Barnabas autem apprehensum eum duxit ad Apostolos ; et narravit illis quomodo in via versus Damascum vidisset Dominum Jesum, et quia locutus est ei, et quomodo in Damasco fiducialiter egerit in nomine Jesu*, eum cum grandi fiducia fideliter prædicando. Scriptura hæc loquitur quasi Paulus statim post suam in Damasco baptismationem ac prædicationem venisset Jerusalem. Sed obviat quod ipsemet de se scribit ad Galatas : Non veni, inquit, Jerosolymam ad antecessores meos Apostolos, sed abii in Arabiam, et iterum reversus sum Damascum ; deinde post annos tres veni Jerosolymam videre Petrum, et mansi apud eum diebus quindecim ; alium autem Apostolorum vidi neminem, nisi Jacobum fratrem Domini. Ex quibus patescit, quod bis prædicaverit in Damasco, scilicet : primo, statim post suum baptismum ; et rursus, postquam ab Arabia esset ad eam reversus, antequam venit Jerusalem. Alii autem affirmant quod cito post suam conversionem venit Jerusalem. Si enim tam diu tardasset, discipuli in Jerusalem bene percepissent conversionem et prædicationem ipsius, præsertim in Damasco factam, nec eum in primo suo ad eos accessu vitassent. Verumtamen, ut isti asserunt, non
- II Cor. xi, 32. 26 Eccli. xiii, 20. 27 Galat. i, 17-19.

reputatur tunc venisse Jerusalem, quia A
mox abiit. Hinc quod dictum est de fuga
Pauli a Damasco, quidam referunt ad tem-
pus quo primo prædicavit ibidem, alii ad
illud quo secundo.

28 *Et erat cum illis, puta discipulis atque*
Apostolis, saltem Petro et Jacobo Jeroso-
lymitarum episcopo, *intrans et exiens, et*
29 *fiducialiter agens in Domino. Loqueba-*
tur quoque gentibus qui venerunt Jeru-
salem adorare, vel quos alibi reperit. *Et*
disputabat cum Græcis, id est Judæis ex
Græcia natis. Omnibus his loquebatur de B
Christo. *Illi autem, videlicet Græci, quæ-*
30 *rebant occidere eum. Quod quum cogno-*
rissent fratres, deduxerunt eum nocte
Cæsaream civitatem Palæstinæ, et dimi-
serunt Tarsum urbem, de qua fuerat na-
tus. Considerantes enim fratres, scilicet
Christiani, inter quos fuit, quam utilis
esset Ecclesiæ propter sapientiam sibi da-
tam, curaverunt eum a morte subtrahere.

31 *Ecclesia quidem per totam Judæam et*
Galilæam et Samariam habebat pacem
pectoris et temporis, ita quod fuit mente C
quieta in Deo, et ab hominum persecu-
tione quiescens. Post persecutionem enim
et occisionem Stephani subsequentem, da-
ta est pax hæc Christianis a Deo, qui post
Tob. III, 22. tempestatem tranquillum facit, et post
fletum consolationem infundit. *Et ædifi-*
cabatur in virtutibus, uno alium ad me-
liora provocante, et Spiritu Sancto sibi in
omnibus mansionem construente, *ambu-*
lans de virtute in virtutem, de via ad pa-
triam, de bono in melius, in timore Domi-
ni filiali, sancto et casto; et consolatione D
Sancti Spiritus replebatur: quæ tunc
valde necessaria fuit, quando devotissimi
Christiani omnes carnales consolationes
spreverunt.

32 Consequenter ad enarranda principis
Apostolorum gesta et documenta Lucas re-
vertitur. *Factum est autem ut Petrus,*
dum pertransiret universos, id est, fide-
les in Judæa hinc inde celeriter visitaret,
eos in fide et gratia roborando, ac pluri-
mos convertendo, *deveniret ad sanctos, id*

est Christianos valde virtuosos, *qui habi-*
tabant Lyddæ, id est in civitate sic dicta.

Invenit autem ibi hominem quemdam no- 33

mine Æneam, ab annis octo jacentem in
grabato, qui erat paralyticus, ideo am-

bulare non potuit, quia contractus. Et ait 34

illi Petrus: Ænea, sanet te Dominus Je-
sus Christus. Surge, et sterne tibi. Et

continuo surrexit. Et viderunt illum om- 35

nes qui erant Lyddæ et Saronæ, id est* *habita-
in urbibus istis; *qui conversi sunt ad Do-* bant

minum. Nec hoc exstitit levitatis, quia in-

firmitas illa fuit incurabilis per naturam.

Nec curatio ejus fuit mirabilior quam mo-
dus curandi, quod scilicet ad unius verbi
prolationem, tanta infirmitas tam subito
atque totaliter est repulsa. Petrus quoque
sapientissime disseruit eis de Christo, et
ejus mysteriis atque miraculis: quibus
auditis et visis, crediderunt in Christum.

In Joppe autem civitate perantiqua, fuit 36

quædam discipula nomine Tabitha in He-
bræo, quæ interpretata dicitur Dorcas in

Græco, in quo Lucas scripsit hunc li-
brum, Latine vero dicitur damula, vel ca-
prea. *Hæc erat plena operibus bonis, et*

eleemosynis quas faciebat. Factum est au- 37

tem in diebus illis, ut infirmata more-
retur. Quam quum lavissent, posuerunt

eam in cœnaculo domus suæ. Quum autem 38

prope esset, id est parum distaret, Lyd-
da ab Joppe, discipuli audientes quia Pe-

trus esset in ea, miserunt duos viros ad
eum, rogantes: Ne pigriteris venire us-

que ad nos. Et quum advenisset, duxerunt 39

illum in cœnaculum. Et circumsteterunt

D *eum omnes viduæ flentes, et ostendentes*
tunicas et vestes quas faciebat illis Dor-

cas, ut per hoc Petrum ad compassionem
suam, et ad suscitationem defunctæ indu-

cerent. Ejectis autem omnibus foras: ut 40

Christum sequeretur, qui in suscitatione
filix archisynagogi pene omnes ejecit; et

item, ut in secreto liberius quietiusque
oraret, et ut ostentationem doceret vitan-

dam; *Petrus ponens, id est, in terra hu-*
militer figens, *genua, oravit: cujus verba*

Lucas non recitat. Orando autem intellexit

Matth. IX,
25; Marc. V,
40.

se, Spiritu revelante interius, exauditum. *Et conversus ad corpus, dixit : Tabitha, surge*, id est, tu, corpus exanime, denuo animare et vive, ac surge de mortis sopore. Pars ergo pro toto est posita. *At illa aperuit oculos suos, et viso Petro resedit* : sicque sensu ac motu monstravit se vivere. Et in isto rursus miraculo modus agendi præclarus est. Nec enim Elias nec Eliseus tam faciliter tamque celeriter mortuos suscitaverunt ut Petrus hanc feminam. *Dans autem illi manum, erexit eam. Et quum vocasset sanctos ac viduas,*

meritum ejus. — Factum est autem ut dies multos moraretur in Joppe, apud Simonem quemdam coriarium, vel, ut alii dicunt, curiarium : vel quia coria paravit, aut curialis fuit. Aliqui etiam sic vocantur sine proprietate per nomen significata.

Porro, secundum Bedam, per Tabitham hanc, seu damulam vel capream, intelliguntur animæ virtutum studio altæ, quamvis hominum æstimatione viles. Damula quippe et caprea animalia sunt in natura simillima, sed magnitudine differentia, quæ in sublimibus montibus habitant, et de longinquo omnes qui veniunt vident. Unde ab acumine visus, Græce dorcades appellantur. Sic Sancti meritis operum in excelsis habitantes, mentis contemplatione supernis intendunt, ibique summa semper et cauta circumspectione invigilant, et quid futurum sit eisve accidere queat, vigilanter perpendunt. Hujusmodi animarum si quæ per fragilitatem aut ignorantiam lapsa fuerit in peccatum, continuo a viris perfectis ad vitam gratiæ reducit.

ARTICULUS X

ELUCIDATIO CAPITULI DECIMI : VIR AUTEM QUIDAM ERAT IN CÆSAREA, ETC.

OSTENSO quemadmodum inter Judæos prædicata sit fides christiana, nunc declaratur qualiter inter gentiles cœperit publicari. *Vir autem quidam erat in Cæsarea, nomine Cornelius*. Tres famosæ urbes fuerunt nomine Cæsarea, quæ in sacris Litteris memorantur. Una est Cæsarea urbs Palæstinæ, in littore maris sita, quæ olim Pyrgos (id est turris) Stratonis vocabatur : quam Herodes Major nobilius extruens, in honore Cæsaris Augusti, scilicet Octaviani, nominavit Cæsaream ; in qua habitavit iste Cornelius. Alia appellatur Cæsarea Philippi, ad radices mon-

tis Libani sita, ubi Jordanis oriens habet duos fontes, unum nomine Jor, alium nomine Dan : quam Philippus præfati Herodis filius, in honore Tiberii Cæsaris, Cæsaream cognominavit. Tertia quoque exstat Cæsarea, estque metropolis Cappadociæ, de qua infra habetur.

Hic ergo præelectus beatissimusque Cornelius, mente et corpore fortis, in corporali ac spiritualium armorum exercitiis strenuus, fuit *centurio*, id est, centum sub se milites habens, *cohortis quæ dicitur Italica*, quia milites isti cum ipso fuerunt de Italia : imo, sicut in Schola-

Cf. Act.
xviii, 22.

stica fertur historia, Cornelius missus fuit a Roma, civitate metropolitana Italiae. Romani etenim imperatores mittebant milites suos per diversas civitates, ad custodiendas munitiones, terrasque Romanis subjectas tuendas.

2 Vir *religiosus*, id est actibus religionis deditus. Potestque religio accipi, sive pro latría, per quam summo Deo debitus cultus impenditur; sive pro pietate, tam illa quæ est donum, quam illa quæ est virtus moralis, et misericordia nuncupatur. Operibus siquidem pietatis et misericordiæ fuit valde intentus. *Et timens Deum*, non timore pure servili, sed casto et reverentiali. Timor autem servilis, est fuga, abominatio seu detestatio mali pœnæ, qui in se nec virtuosus est, nec meritorius; timor vero castus seu filialis, est fuga et detestatio mali culpæ, quo Dei offensam timemus. Porro timor initialis aliquid habet de utroque. *Cum omni domo*, id est familia sua, ita quod cuncti domestici ejus fuerunt timorati: ad quod ipse verbis et exemplis eos induxit. Quod et omnes patresfamilias assequi debent, suam ad virtutes dirigendo familiam, eamque de vitiis increpando, et per hoc quasi episcopale officium in suis domibus exercendo.

Faciens eleemosynas multas plebi, omnibus scilicet indigentibus atque petentibus, sine personarum acceptione. *Et deprecans Deum semper*, omni scilicet tempore opportuno. Oravitque Deum præsertim ut eum in viam salutis dirigeret. Unde secundum doctores, quicumque facit quod in se est, gratiam et illuminationem a Deo consequitur: ita quod si quis paganus seu infidelis ex naturali ratione se ad primum principium erigat, ipsumque roget ut dirigat se in viam salutis quatenus caveat a peccatis, Deus sibi de necessariis ad salutem misericorditer providebit, revelando ei per angelum seu doctorem quemcumque de fide catholica quantum requiritur ad salutem. Hinc secundum divinum Dionysium, multi gentilium legem

A Moysis non habentes, per angelos ad Deum reducti sunt et edocti.

Is vidit oculo corporali, in visu exteriori, manifeste in plena vigilia, non in somno nec in imaginaria visione, quasi hora diei nona, angelum Dei introeuntem ad se, et dicentem sibi: Corneli. At

4 *ille intuens in eum, timore correptus, dixit.* Certum quod angelus in forma humana apparens, voce magnifica et tubali locutus est, atque cum splendore præclaro apparuit. Hinc admiratione et naturali timore impletus fuit Cornelius. Non enim tam venerandam mirabilemque personam ante prospexit. Hinc dixit ad eum: *Quis es, Domine?* quasi dicat: Major homine esse videris. *Dixit autem illi angelus: Orationes tuæ et eleemosynæ tuæ ascenderunt in memoriam in conspectu Dei*, id est, Deo acceptæ sunt, et misericorditer ab eo consideratæ: idcirco me misit ad te, qui et tua virtuosa conversatione, angelica visitatione dignus effectus es. Angelus ad verba Cornelii non legitur respondisse, sed de sua salute eum instruxit, ut doceamur utilia et viciniora saluti, non curiosa sive superflua sciscitari, quamvis interrogatio Cornelii non fuerit inordinata. Simili modo in veteri Testamento, quærenti sancto Jacob ab angelo quo nomine vocaretur, non datur responsio, nec Manue patri Samsonis. Quemadmodum etiam hoc loco orationes Cornelii leguntur coram Domino ascendisse, et angelus missus ad eum, ita etiam scriptum est de orationibus Tobiae et Saræ, destinationeque Raphaelis ad eos.

Insuper de Cornelio dicunt doctores, quod ante apparitionem hanc habuit fidem quæ est virtus theologica, sine qua impossibile est placere Deo; habuitque fidem formatam seu caritate ornatam; habuit demum de Christo fidem saltem implicitam et indistinctam, secundum Thomam in secunda secundæ. Credidit enim Deum habere providentiam universorum, et esse hominum salvatorem, secundum modum sibi notum et sanctis patribus re-

Gen. xxxii, 29.

Judic. xiii, 17, 18.

Tob. iii, 24, 25.

Hebr. xi, 6.

velatum. In Scholastica tamen historia dicitur, quod fidem Incarnationis habuerit, sed de tempore fuit incertus, ignorans an jam esset incarnatus, an adhuc incarnandus. Beda quoque hoc loco allegat Gregorii verba, dicentis : Non virtutibus ad fidem, sed fide pertingitur ad virtutes. Cornelius enim, cujus orationes ante Baptismum angelo teste laudatæ sunt, non operibus ad fidem, sed fide ad opera venit. Sciebat igitur creatorem omnium Deum, sed quod ejus omnipotens Filius incarnatus esset, ignoravit. Bona autem operatione promeruit ut Deum perfecte cognosceret, et de Unigenito ejus Incarnationis mysterium crederet, quatenus ad sacramentum Baptismatis perveniret. Per fidem ergo pervenit ad opera, sed per opera solidatus est in fide. — Postremo, sunt qui dicunt angelum qui Cornelio apparuit, fuisse illum qui custodiæ Cornelii fuerat deputatus.

5 *Et nunc mitte viros in Joppen, et accersi per illos Simonem, qui cognominatur*

Matth. xvi, 17, 18; Joan. i, 42. *Petrus : primo enim appellatus Simon,*

6 *apud Simonem quemdam coriarium, cujus est domus juxta mare, quod Syriae Palæstinæ (quæ Judæa dicitur) adjacet : ubi teste Hieronymo, in littore usque hodie monstrantur saxa in quibus Andromeda religata, Persei quondam fuit liberata præsidio. Hic dicet tibi quid te oporteat facere.* Quæ a Deo sunt, ordinata sunt : ideo divina ordinatione, superiores inferioribus auxiliantur ordine pulchro.

7 *Et quum discessisset angelus qui loquebatur illi.* Angelus enim in corpore assumpto apparuit : quod sicut sua potestate formavit, ut appareret in eo, sic eadem illud dissolvit, nec amplius visus est. Et ex his Cornelius intellexit angelum esse qui sibi apparuit. Vocavit duos domesticos suos, et militem metuentem Deum ex his qui illi, puta Cornelio, parebant, id est ex subditis suis. Jam dictum fuit quod domestici Cornelii fuerant timorati : ideo non dicitur quod hi duo domestici

A timuerunt Deum; sed de milite id dicitur quem vocavit, qui forte extra domum Cornelii in propria domo suis vixit stipendiis. *Quibus quum narrasset omnia audita et visa nunc scripta, tanquam sibi carioribus, familiarioribus ac melioribus inter plures, misit illos in Joppen.*

Postera autem die, videlicet immediate sequente, iter illis facientibus et appropinquantibus civitati Joppe, ascendit Petrus in superiora domus, ut oraret in solario, vel cœnaculo, tanquam in loco

B secretiori et ad contemplationem congruentiori : sicut et Christus ascendit in montem orare. Aliqui etiam solent in loco altiori orare devotius. *Circa horam sextam : quæ est hora refectionis, ante quam volebat oratione se munire : dans nobis exemplum similiter faciendi, ut simus in comestione circumspectiores, ne graventur corda nostra crapula vel ebrietate. Et*

quum esuriret, voluit gustare, id est parce et modeste comedere. Quod est contra eos qui instar canis famelici effundunt se super cibum.

Parantibus autem cibum illis qui erant in suo hospitio, cecidit super eum mentis excessus, id est tanta elevatio mentis ad aliquod mysticum contemplandum, quod Deo operante passus est alienationem ab usu sensuum exteriorum. Et vidit cœlum

11 *apertum : quia in visione imaginaria aperiri videbatur, ad innuendum quod a Domino cœlis præsidenti aliquid speciale fieret circa Petrum, quemadmodum Ezechiel scribit cœlos apertos in visione ei*

12 *ostensa; et descendens vas quoddam, velut linteum magnum, quatuor initiis, id est angulis, submitti de cœlo in terram, forte per funes in angulis alligatos; in quo erant omnia quadrupedia et serpentina terræ, et volatilia cœli.* Erant autem ibi non realiter, sed imaginarie, per similitudines rerum repræsentativas. Per vas magnum designatur Ecclesia; per animalia vero illa secundum legem immunda, gentiles, quos spernebant Judæi, nec vesebantur cum eis : specialiter, per qua-

8

9

Matth. xiv, 23; Luc. ix, 28.

Luc. xxi, 34. 10

11

Ezech. i, 1.

12

Lev. xi.

drupedia quæ terris adherent, avari; per serpentes, dolosi et virulenti; per volatilia autem, elati.

- 13 *Et facta est vox ad eum, dicens. Vocem hanc angelus formavit in interiori sensu Petri: qui angelus totam visionem hanc ministerialiter exhibebat, formando species rerum istarum in vi imaginativa Apostoli. Surge, Petre, occide et manduca.* Quod Petrus corporaliter intelligendum putans, respondit ut subditur: *Ab-*
 14 *sit, Domine, quia nunquam manducavi omne commune et immundum,* id est, ei-
 bos lege prohibitos nunquam accepi. In quo etiam constat magna justitia beatissimi viri, qui antequam Christo adhæret, cærimonialia legis tam diligenter implevit; nec dubium quin in observantiis præceptorum majorum, diligentiam adhibuerit ampliorem. Porro, secundum morem Judæorum locutus est Petrus, qui cibos lege prohibitos vocabant immundos, itemque communes, quia a gentibus communiter edebantur. Præinducta autem angeli verba spiritualiter sunt intelligenda, ut sit sensus: Occide, id est, vitia in gentibus perime; et manduca, id est, Christo atque Ecclesiæ eas incorpora, quemadmodum in substantiam aliti vertitur ei-
 15 bus. Hinc sequitur: *Et vox iterum secundo ait ad eum: Quod Deus purificavit, tu commune ne dixeris,* id est, gentes a Deo electas ac prædestinatas, Christique sanguine liberatas, et jam in Dei præscientia purificatas, et Christi passione ablutas, per præfata immunda atque communia animalia designatas, non æstimes contemnendas neque vitandas, sed confidenter vade ad eas. Potest quoque de cibis aliquibus lege prohibitis accipi, quorum usus in novo Testamento est licitus. Nam cærimonialia legis in Christi passione finem sortita sunt, nec postea obligant, ut infra dicitur.

- 16 *Hoc autem factum est per ter,* id est, tribus vicibus visio ista fuit Petro exhibitæ, ad confirmationem majorem, et ad innuendum quod ad superbeatissimæ Tri-

nitatis fidem et cultum gentes essent mox convertendæ, in ejusque nomine baptizandæ. *Et statim receptum est vas in celum,* secundum imaginariam apparitionem. Per quod insinuaturn est quod Ecclesia gentium in regnum introducenda esset cælorum.

- Et dum intra se hæsitaret Petrus, quidnam esset visio quam vidisset, id est, quid significaret. In hac enim visione Spiritus Sanctus Petrum non docuit subito et per se ipsum complete, sed pedetentim et*
 B *partim per homines, quia ad conservandam mentis humanæ humilitatem, Spiritus Sanctus quandoque ex parte animum tangit, et ex parte non tangit. Ecce viri missi a Cornelio, [inquirentes domum Simonis,] adstiterunt ad januam. Et interrogabant si Simon Petrus illic haberet hospitium. Petro autem ad se reverso, et cogitante de visione præfata, quæ esset intelligentia ejus, dixit Spiritus ei locutione interna, videlicet Spiritus Sanctus seu angelus: Ecce viri tres quærent te.*
 C *Surge itaque ab oratione et meditatione, et descende de isto cœnaculo seu contemplationis excelso, et vade cum eis ad prædicandum et communicandum gentibus, nihil dubitans quin bene agas in hoc, quia ego misi illos,* id est, mitti feci a Cornelio. Interdum ergo dum ratio et caritas postulant, ab actibus vitæ contemplativæ cessandum, atque ad opera vitæ activæ est egrediendum. Virtutes etenim sibi invicem cedunt, quamvis se invicem nequaquam impédiant.
 D *Descendens autem Petrus ad viros, dixit: Ecce ego sum quem quæritis: quæ causa est propter quam venistis? Adhuc non videtur Petrus plene significationem visionis sibi ostensæ novisse. Qui dixerunt: Cornelius centurio, vir justus et timens Deum, et testimonium habens virtutum ab universa gente Judæorum. Carus enim, acceptus et placitus fuit Deo atque hominibus: tanta fuit pietate et gratia decoratus. Responsum accepit ab angelo sancto, accersiri te in domum su-*

am, et audire verba abs te, id est salutis consilium et doctrinam. Quibus auditis, Petrus significationem visionis cœpit advertere, quod scilicet per animalia illa immunda, designarentur gentiles, et quod illis communicare deberet. Ideo subditur :

23 *Introducens ergo eos, recepit hospitio, in quo et ipse manebat; manseruntque apud eum illa nocte, et de tam gratioso rumore atque negotio gavisii sunt omnes qui aderant vehementer. Sequenti autem die surgens, profectus est cum illis, et quidam ex fratribus, scilicet Christianis ex Judaismo conversis, comitati sunt eum,* id est simul profecti, qui fuerunt numero sex, in testimonium veritatis, et ob reverentiam Petri.

24 *Altera autem die introivit Cæsaream Palæstinæ, in qua morabatur Cornelius. Cornelius vero exspectabat illos cum ingenti affectu videndi virum tam sanctum, et audiendi verba Dei per ipsum, obtinendique gratiam sibi et suis, de quibus subjungitur : convocatis cognatis suis, et necessariis amicis : quos omnes spiritualiter diligens, secum Dei gratiam consequi et salutem optavit. Necessarii autem amici vocantur, vel qui jure affinitatis ita conjuncti sunt quod nulla inter eos cessatio, id est separatio sit, vel qui amicum in articulo necessitatis non deserunt. Unde in Ecclesiastico habetur : Si possides amicum, in tentatione posside eum, et ne facile credas ei te ipsum. Est enim amicus secundum tempus suum, et non permanet in die tribulationis. Amicus si permanserit fixus, erit tibi coæqualis.*

25 *Et factum est quum introisset Petrus, forsitan primam portam seu atrium domus Cornelii, obvius ei venit Cornelius, ob tanti adventantis honorem. Ex dilectione autem et humilitate hoc fecit Cornelius, quemadmodum Martha occurrit Christo. Itaque doctori obviavit auditor, ut corde intento verba ejus casto susceperet pectore, juxta illud Ecclesiastici : Auris bona cum omni concupiscentia audit sapientiam. Et procidens ad pedes*

ejus, adoravit eum, id est, reverentiam dulciæ ei tanquam excellenti personæ spiritualique patri exhibuit, gestu corporis mentis devotionem reverentiamque protestans. In quo magna illustris viri commendatur humilitas. Petrus vero elevavit eum, dicens : Surge, et ego ipse homo sum, tibi similis in natura : idcirco in honorando me, moderamen observa, quum purus sim homo. Et loquens cum illo, putata Cornelio, intravit, et invenit in domo ejus multos qui convenerant causa audiendi verbum salutis.

Dixitque ad illos : Vos scitis quomodo abominatum sit viro Judæo, id est, quam multum abominentur Judæi, conjungi aut accedere ad alienigenam, id est gentilibus, communicando cum eis in victu; sed mihi ostendit Deus, in præfata visione, neminem communem aut immundum dicere hominem, id est, nullum hominem, quamvis gentilem, esse spernendum aut vitandum seu repellendum a communione fidelium, dummodo velit converti; vel secundum quod homo est, et purificatus in præscientia Dei, aut liberatus sanguine Christi. Propter quod sine dubitatione, tanquam certus de bonitate itineris, veni accersitus. Interrogo ergo, quam ob causam accersistis me?

Et Cornelius ait : A nudiusquarta die usque in hanc horam, id est quarta die ante hanc horam qua interrogas ista, orans eram in domo mea. Die enim qua oravit et angelum vidit, misit tres viros : qui secundo die venerunt in Joppen, et tertio redire cœperunt, quartoque die venerunt Cæsaream. Et ecce vir, scilicet angelus in forma viri, stetit ante me in veste candida, et ait : Exaudita est oratio tua, etc. Nunc ergo omnes nos adsumus in conspectu tuo, audire omnia quæcumque præcepta sunt tibi a Domino, id est parati audire et obedire.

Aperiens autem Petrus os suum, dixit : In veritate comperi, id est, vere et experimentaliter nunc cognovi, quia non est personarum acceptor Deus : id est,

Act. xi, 12.

Ecclesi. vi, 7, 8, 11.

Joann. xi, 20.

Ecclesi. iii, 31.

26

27

28

29

30

31

33

34

non unum magis quam alium approbat aut reprobat, nisi ex causa justa : nec inter Judæos et gentiles discernit, quantum ad consequendam salutem, dummodo se disponant. Propter quod ait Apostolus ad Romanos : An Judæorum Deus tantum ? Nonne et gentium ? Et alibi : Omnes homines vult salvos fieri, et ad agnitionem veritatis venire. In Sapientiæ quoque libro legitur : Nec enim est alius Deus quam tu, cui cura est de omnibus. Et secundo Paralipomenon : Non est apud Dominum Deum nostrum iniquitas, nec personarum acceptio, neque acceptio munerum. — Sed videtur oppositum, quia duorum hominum unius conditionis atque in omnibus parium, Deus unum misericorditer accipit, alterum juste relinquit. Et respondendum, quod personarum acceptio opponitur justitiæ distributivæ, quæ diversis personis tribuit secundum dignitatem ipsarum et merita. Est itaque personarum acceptio, quum in eo cui aliquid datur, non attenditur id propter quod id quod ei datur sit sibi proportionatum aut debitum : ut si prælatus det alicui beneficium quia dives sive cognatus. Verumtamen duplex est datio : Una, quæ est actus justitiæ : et circa hanc attenditur ac versatur personarum acceptio. Alia vero, quæ est actus liberalitatis, qua alicui gratis confertur quod ei non debetur, qualis est collatio donorum Dei, qui nulli est obligatus : et circa hujusmodi non est personarum acceptio, quoniam unusquisque potest propria dare cui vult, et quantum vult. Hoc secundum Thomam dictum sit : quod in secunda secundæ, quæstione 63, plenius continetur.

33

• cum

*Sed in omni gente, cujuscumque sit nationis, qui timet Deum** timore casto et filiali, vel saltem initiali, et operatur justitiam, id est actus justitiæ quæ est virtus infusa, propter debitum rectumque finem : quod sine fide fieri nequit ; acceptus est illi, ita quod est in statu salutis ac promerendi. Sola autem naturalis virtus et cognitio Dei, nemini sufficiunt

ad salutem ; sed ad supernaturalis finis seu felicitatis adeptionem, supernaturalia media exiguntur, ut media fini proportionentur.

Verbum misit Deus filiis Israel. Nam 36

Pater Verbum suum veraciter incarnatum misit Judæis, ipso Verbo id protestante : Non sum missus nisi ad oves quæ perierunt domus Israel. Misit quoque verbum, id est evangelicam doctrinam. *Annuntians pacem*, id est humani generis reconciliationem cum Deo, *per Jesum Christum*, Dei et hominum mediatorem, qui in quantum mediator, pacificavit nos Deo per sanguinem suum. Hinc ait Apostolus : Deus erat in Christo, mundum reconcilians sibi. Et Christus in propria persona hæc prædicavit, pacemque pectoris annuntiavit et dedit, secundum quod ait : Pacem relinquo vobis, pacem meam do vobis ; et rursus, Venit Filius hominis quærere et salvum facere quod perierat. *Hic est omnium Dominus*, quia verus Deus, Rex regum, et Dominus dominorum. Nempe ut Deus, est Dominus per propriam auctoritatem, ut præsidens principalis ; sed ut homo, omnibus præsidet ut instrumentalis.

Matth. xv, 24.

II Cor. v, 19.

Joann. xiv, 27.
Luc. xix, 10.

Apoc. xix, 16.

Vos scitis quod factum est verbum per universam Judæam, id est prædicationem Jesu ibidem esse disseminatam. Miracula etenim Christi fecerunt eum in locis vicinis hinc inde famosum. *Incipiens enim* Jesus prædicationem suam a Galilæa : sicut in passione Judæi dixerunt, Commovet populum, docens per universam Judæam, incipiens a Galilæa usque

Luc. xxiii, 5.

huc ; post baptismum quod prædicavit Joannes, Jesum a Nazareth. Joannes enim Baptista populum baptizando, insinuavit eis Christum venisse, dicendo : Medius vestrum stetit quem vos nescitis. Vel sic : *Incipiens* Jesus publice prædicare post baptismum quo fuit a Joanne baptizatus : scitis, inquam, quod prædicavit Joannes Jesum, tanquam ejus præcursor. Prædicavit autem Joannes Baptista, quomodo unxit eum, scilicet Jesum secundum na-

38

Joann. i, 26.

turam assumptam, *Deus* Pater seu Trinitas, *Spiritu Sancto et virtute*, id est plenitudine gratiæ et sanctitatis, seu potestate in miraculis peragendis. Nam et Spiritus Sanctus Christum ut hominem unxit et misit, juxta illud in Isaia : Et nunc Dominus misit me et Spiritus ejus. Hinc de Christo dixit Baptista : Non ad mensuram dat Deus Spiritum, scilicet homini Christo : nam gratia ejus quodammodo infinita consistit. Hæc unctio spiritalis et invisibilis, data est animæ Christi in ipso suæ creationis primordio, quo simul cum carne unita est Verbo, totius gratiæ fonti æterno.

Is. XLVIII,
16.

Joann. III,
34.

Baruch III,
38.

Luc. VI, 18,
VII, 21, etc.

Marc. XVI,
9.

Joann. VIII,
16.

Qui pertransiit, inter homines conversando, ambulando et prædicando, *benefaciendo*, id est multa beneficia dando hominibus, *et sanando omnes oppressos a diabolo*. Multos quippe obsessos curavit. Spiritualiter quoque dæmonibus plenos convertit ad Deum, sicut de Maria Magdalene ejecit septem dæmonia. Imo, quantum in ipso fuit, sua benedicta passione universos peccatores salvavit. Quicumque autem in mortali jacet peccato, a dæmonibus est oppressus, prostratus, victus et excæcatus. Verum quod ait, Omnes oppressos, accipi potest de generibus singulorum, potius quam de singulis generum. *Quoniam Deus erat cum illo*, scilicet Pater cum Filio, quemadmodum in Evangelio loquitur : Non sum solus, sed ego et qui misit me Pater. Verumtamen conjunctionem hanc, Quoniam, bene pensando, intelligendum est, quod Deus erat cum Christo secundum naturam humanam : illa namque habuit efficaciam sic agendi ex adsistentia Dei. Sicque intelligi etiam potest, quod Deus, scilicet Verbum æternum, erat cum illo, id est cum Jesu quoad suam humanitatem, per hypostaticam unionem : quamvis expositio ista non sit propria, secundum Bedam, ne Christi personam geminare videamur.

39

Et nos testes sumus omnium mirabilium quæ fecit in regione Judæorum et in Jerusalem, quem occiderunt suspen-

dentis in ligno. Hunc Deus suscitavit tertia die. Ista jam sæpe exposita sunt. Et dedit eum manifestum fieri post resurrectionem, non omni populo immediate, imo nec omnibus absolute, sed testibus præordinatis a Deo : nobis qui manducavimus et bibimus cum illo postquam resurrexit a mortuis. Hoc enim opus est ordinatissimum æternæ sapientiæ Dei processus, ut supernaturalia non omnibus immediate revelentur, sed primo quibusdam electis atque majoribus, et per illos ceteris. Quod et in hierarchiis observatur angelicis : in quibus illuminationes divinæ a superioribus deveniunt ad inferiores per medios angelicos spiritus, ut divinus Dionysius edocet. Præterea advertendum quod Petrus ait : Nobis qui manducavimus et bibimus, etc. Nam licet in Evangelio legatur Christus cum discipulis post resurrectionem manducasse, non tamen ibidem exprimitur cum eis bibisse, sed ex his verbis id scitur. *Et præcepit nobis prædicare populo, et testificari quia ipse est qui constitutus est a Deo Patre, secundum naturam humanam, judex vivorum et mortuorum*, id est universorum qui vel ante finem mundi erunt defuncti, vel circa finem mundi invenientur, et in igne conflagrationis morituri dicuntur. Vel, per vivos intelliguntur electi, qui vivunt per gratiam ; per mortuos reprobi, qui mortui sunt per culpam. Porro in judicio duo considerantur : Primum est auctoritas judicandi : et illa tribus Personis communis et una est. Secundum est judicii exsecutio seu prolatio sententiæ : quæ competit Christo secundum naturam humanam, quam et sua humiliatione ac passione promeruit. Propter quod ait : Potestatem dedit ei et judicium facere, quia Filius hominis est ; itemque, Neque enim Pater judicat quemquam, sed judicium omne dedit Filio.

Luc. XXIV,
43.

Joann. V,
27.
Ibid. 22.

Huic, scilicet Christo, omnes Prophetæ testimonium perhibent, ut Domino servi, remissionem peccatorum accipere per nomen ejus, id est per invocationem et fi-

43

dem ipsius, *omnes qui credunt in eum*, A qui scilicet fide et caritate Christo incorporantur. Prophetæ enim concorditer loquuntur de Christo tanquam de omnium Salvatore, ita quod credentes per gratiam ejus justificantur.

44 *Adhuc loquente Petro verba hæc, cecidit*, id est, subito venit seu repente descendit, *Spiritus Sanctus*, non per suam incircumscriptam incommutabilemque substantiam, sed per pietatis suæ effectus et gratiæ dona, *super omnes qui audiebant verbum*, videlicet super Cornelium et suos, quibus prædicatio ista fiebat. Descendit autem Spiritus Sanctus in signo visibili sive sensibili, sed an in igneis linguis, an in alia specie, incertum est, ut Scholastica ait historia. *Et obstupuerunt ex circumcissione fideles*, id est ex Judaismo conversi, *qui venerant cum Petro : quia et in nationes*, id est in gentiles, *gratia Spiritus Sancti effusa est* cum abundantia tanta. Judæi equidem consueverant gentiles pro nihilo reputare, nec simile huic rei unquam fuerat factum : ideo de effectu tam magno atque insolito, præ admirationis magnitudine velut stupidi reddebantur. Fuit enim revera grande miraculum, et maxima pietas Dei.

Audiebant enim illos loquentes linguis diversis, sicut Apostoli loquebantur in die Pentecostes, et magnificantes Deum, gratias devotissime referendo, ejusque bonitatem et beneficia totis præcordiis attollendo.

Tunc respondit Petrus : Numquid aquam prohibere quis potest, ut non baptizentur hi qui Spiritum Sanctum acceperunt sicut et nos Apostoli, scilicet cum signo sensibili et dono linguarum (quamvis non in tanta plenitudine sicut Apostoli, qui primitias Spiritus acceperunt)? Et jussit eos baptizari in nomine Jesu Christi. De hac forma Baptismi, et quare in ea dabatur Baptismus in primitiva Ecclesia, dictum est supra. Apostoli autem consueverunt per discipulos suos baptizare conversos, et ipsi verbo prædicationis insistebant, secundum quod Paulus testatur : Non misit me Christus baptizare, sed prædicare. Interdum tamen aliquos baptizabant. Tunc rogaverunt eum, scilicet Petrum, ut maneret apud eos aliquot diebus pro eorum consolatione et pleniori instructione, et præsertim ex dilectione quam ad tam felicem et gloriosum conceperunt magistrum, patrem atque Apostolum : nec dubium quin eis consensit.

ARTICULUS XI

DECLARATIO CAPITULI UNDECIMI : AUDIERUNT AUTEM APOSTOLI.

1 QUID ex prima illa gentilium conversione secutum sit, subditur : *Audierunt autem Apostoli qui erant in Judæa*, ubi prædicabant hinc inde, et fratres, id est ceteri discipuli, *quia et gentes*, videlicet Cornelius cum suis, *receperunt verbum Dei*. Quum autem ascendisset Petrus Jerosolymam, a Cæsarea rediens, disceptabant adversus illum qui erant ex circumcissione, id est ex Judaismo conversi,

dicentes : Quare introisti ad viros præputium habentes, et manducasti cum illis? quasi dicant : In hoc contra legem fecisti. Incipiens autem Petrus, exponebat illis per ordinem, id est, cur hoc fecisset, eis ordinate exposuit, seque excusando revelavit eis qualem habuisset visionem in Joppe, per quam Deus sibi monstravit ut faceret ita, et quod angelus id ipsum admonuisset. Littera autem plana est, et

præcedenti capitulo habita atque exposita A
usque ad id :

- 16 *Recordatus sum autem verbi Domini, sicut dicebat : Joannes quidem baptizavit aqua, vos autem baptizabimini Spiritu*
Act. I, 5. *Sancto.* Hoc supra legitur Christus dixisse Apostolis : quod expositum est ibidem, et in præfatis gentilibus conversis impletum, juxta expositionem ibi introductam.
- 17 *Si, pro quia, ergo eamdem gratiam dedit illis Deus, puta Cornelio et sibi adjunetis, sicut et nobis qui credidimus in Dominum Jesum Christum : utrisque enim con-*
tulit Deus dona gratiæ gratum facientis et gratis datæ : tamen, ut dictum est, Apostoli in ampliore plenitudine perfectiorique gradu sortiti sunt eam ; ego quis eram, qui possem prohibere Deum a gentilium horum visitatione ? quasi dicat : Hoc parvitatæ meæ non fuit ; quin potius caritas id requirit ut de illorum gratia gratularer. *His auditis tacuerunt ; et glorificaverunt Deum,* id est, gloriosum, mirabilem, liberalem, liberrimum esse in operibus suis professi sunt, *dicentes : Ergo et gentibus,* quas tam diu in suis reliquit erroribus, *pœnitentiam,* id est gratiam, locum, tempus pœnitendi, *dedit Deus ad vitam gratiæ* obtinendam in sæculo isto, *vitamque gloriæ* in futuro.
- 18 Recitatis gestis quorumdam præcipuorum fidelium, scilicet Apostolorum et diaconorum, prosequitur quædam de factis inferiorum discipulorum. *Et illi quidem discipuli, qui dispersi fuerant de Jerusalem, a tribulatione quæ facta fuerat sub*
Ibid. VIII, 1. *Stephano* a Judæis lapidato, quam isti Deo D imperante fugerunt, *perambulaverunt usque ad Phœnicen* occidentalem, videlicet quamdam provinciam Syriæ, *et Cyprum* insulam in Carpathio mari, ab ortu Ciliciæ, ab occasu vero Syriæ objectam, *et Antiochiam* Epidaphnen, *nemini loquentes verbum Dei nisi solis Judæis,* quibus primo annuntiandum fuit Evangelium Christi ; postea autem prædicaverunt et gentibus, agnito quod Petrus convertisset gentiles. *Erant autem quidam ex ipsis*
- 19
- 20

virii Cyprii et Cyrenæi, id est de Cypro et Cyrene, civitate sic dicta : quos aliqui putant fuisse natione gentiles, sed ad Christum conversos, et primo ad Judæismum, deinde ad Christum. Alii opinantur quod nati fuerunt ex Judæis per loca illa dispersis. *Qui quum introissent Antiochiam, loquebantur ad gentes*,* id est gentiles illic morantes, *annuntiantes Dominum Jesum* esse mundi Salvatorem. *Et erat manus,* id est auxilium, *Domini cum eis.* Multusque numerus credentium per prædicationem eorum, *conversus est ad Dominum.*

Pervenit autem sermo ad aures Ecclesiæ quæ erat Jerosolymis, super istis negotiis et fidei incrementis. In Jerosolymitana namque Ecclesia antistes fuit tunc Jacobus, et Apostoli communiter ibi erant : idcirco discipuli intimaverunt eis profectum fidei in aliorum conversione. *Et miserunt Barnabam usque ad Antiochiam,* ut conversos plenius informaret, confortaret, consolaretur ac regeret.

- C *Qui quum pervenisset, et vidisset gratiam Dei,* id est virtuosam fidelium conversationem, et dona gratiarum in eis, *gavisus est :* secundum quod caritas Dei et proximi exigit ut de Dei veneratione et proximorum salute quilibet gloriatur ; *et hortabatur omnes in proposito cordis permanere in Domino,* ut essent in bono cœpto stabiles. Qui enim perseveraverit usque in finem, hic salvus erit. Hinc ad Corinthios monet Apostolus : Stabiles estote et immobiles, abundantes in opere Domini semper, scientes quod labor vester non est inanis in Domino. Inconstantia etenim mentis, magna est imperfectio, muliebrequè vitium, imo et quædam fatuitas. Stultus enim mutatur ut luna. Propterea scriptum est : Esto firmus in via Domini, et in veritate sensus tui. *Quia erat vir bonus* moraliter, imo heroicus et perfectus. Ideo subditur : *et plenus Spiritu Sancto,* id est donis, virtutibusque infusis, *et fide :* ita quod habuit fidem secundum statum perfectum, utpote cum ra-

* Græcos

21

22

23

Matth. x, 22.

1 Cor. xv, 58.

Eccli. xxvii, 12.
Ibid. v, 12.
24

tionibus credendorum, et purificatæ mentis intelligentia. Unde fides hic accipi potest, non ut est virtus, sed fructus, videlicet eminens quædam fidei certitudo.

Galat. v. 23. Sic quippe inter fructus Spiritus ab Apostolo computatur. *Et apposita*, id est mente applicata seu conversa, *est turba multa Domino* in Antiochia per Barnabæ prædicationem, præter eos de quorum conversione prædictum est.

25 *Profectus est autem Barnabas Tarsum, ut quæreretur Saulum.* Ad hanc enim urbem, ut patuit, Paulus ab Jerosolymis venit : quem Barnabas inquisivit ut ejus fultus auxilio, plures converteret, et conversos efficaciter gubernaret. *Quem quum invenisset, perduxit Antiochiam. Et annum totum*, id est per integrum annum, *conversati sunt in Ecclesia*, id est inter fideles ; *et docuerunt turbam multam, ita ut cognominarentur primum Antiochiæ discipuli, Christiani* : id est, conversi ad Christum, qui primo generali nomine dicebantur discipuli, ibidem propter eorum multitudinem cœperunt Christiani a Christo capite suo atque magistro vocari.

Is. lxxv, 15, 16. Tuncque impletum est illud Isaïæ : Servos suos vocabit Dominus nomine alio, in quo qui benedictus est super terram, benedicetur in Deo. amen. Hic tamen non dicitur, an nominatio ista sit instituta a fidelibus ex Judaismo conversis, vel ex gentilitate credentibus, an forte ab infidelibus, qui novam sectam consurgere et augeri mirantes, a Christo Domino suo eos appellaverunt Christianos. In Scholastica vero historia dicitur, quod a gentilibus conversis prodierit institutio appellationis istius : quibus visum est sequaces Christi Christianos debere vocari, quemadmodum in sectis philosophorum discipuli a magistris nomen speciale accipiunt, ut a Platone Platonici.

27 *In his autem diebus supervenerunt ab Jerosolymis Prophetæ Antiochiam.* In primitiva nempe Ecclesia multi spiritu fulserunt prophetico, sicut supra ex verbis Joelis fuerat allegatum : In diebus illis

A super servos meos et ancillas meas effundam de Spiritu meo, et prophetabunt. *Surgens autem unus ex eis nomine Agabus*, qui propter tam sancti conventus reverentiam humiliter assurrexit, stansque locutus est, *significabat per Spiritum*, id est, per revelationem Spiritus Sancti prædixit, *famem magnam futuram in universo orbe* : quæ facta est sub Claudio imperatore, scilicet quarto anno imperii ejus ; et fuit hæc famis præcipue in Judæa, ut fertur in ecclesiastica historia.

B *Discipuli autem* existentes in Antiochia, *prout quisque habebat*, id est unusquisque juxta suæ modulum facultatis, *proposuerunt singuli*, non seorsum, sed omnes pariter, *in ministerium*, id est ad usus corporis necessarios, *mittere victualia*, seu pretium ad emendum, *habitantibus in Judæa fratribus*, id est Christianis ibidem, potissimum in Jerusalem commanentibus, qui tanquam inter ceteros perfectissimi, apostolicam vitam ducentes, omnia sua in principio vendiderunt, et

C ante Apostolorum pedes pretiis positis, in communi vitam pauperem ducere fuerunt contenti. Postea vero ab infidelibus Judæis fuerant spoliati qui aliquid adhuc habebant. Hinc Antiocheni fideles, et postea alii multi fecerunt collectas, quas suis temporibus miserunt præfatis. De qua re in epistolis Pauli multa leguntur. Fuitque justum ut gentiles facti participes spiritualium bonorum fidelium Judæorum, de corporalibus suis substantiis recompensam facerent eis, tempore necessitatis :

D quod et Paulus pro minimo reputans, Si nos, inquit, vobis spiritualia seminavimus, magnum est si carnalia vestra metamus ?

Quod et fecerunt, bonum propositum effectui celeriter mancipientes, et malum inopiæ prævenientes, *mittentes ad seniores*, qui in Ecclesia illa Jerusalem ceteris præfuerunt ac providerunt, *per manus Barnabæ et Sauli*, qui erant nuntii fide dignissimi. Miserunt itaque, et contulit quilibet juxta quod habuit, implentes illud Tobïæ : Quomodo potueris, ita esto

28

29

Act. iv, 34, 35.

Hebr. x, 34.

I Cor. xvi, 1, 2; Rom. xv, 25-27; II Cor. viii, ix; etc.

I Cor. ix, 11.

30

Tob. iv, 8, 9.

misericors : si multum tibi fuerit, abundanter tribue ; si autem exiguum, etiam exiguum libenter impertiri stude. Itaque in articulo necessitatis etiam filii parentibus thesaurizare seu providere tenentur. Nec ista provisio obviavit verbo Christi,

II Cor. xii,
14.

A dicentis, Nolite solliciti esse de crastino : *Matth. vi, 34.* siquidem verbis illis immoderata cura, non ordinata providentia, inhibetur. Nec tentandus est Deus, sed periculis humano modo, quantum congrue fieri potest, est occurrendum.

ARTICULUS XII

EXPOSITIO CAPITULI DUODECIMI : EODEM TEMPORE MISIT HERODES, ETC.

1 **E**ODEM tempore, de quo in fine præcedentis capituli dictum est, *misit Herodes rex*, filius Aristobuli, filii Herodis Ascalonitæ, cujus tempore natus est Christus : qui Herodes etiam pater fuit Herodis Antipæ, a quo Joannes Baptista occisus est, et Christus in passione illusus (porro Herodes de quo nunc fit sermo, interfector Jacobi apostoli, a Josepho vocatur Agrippa ; habuitque filium nomine Agrippam, qui ei successit in regno : de quo infra habetur) ; *manus*, id est virtutem sui exercitus, *ut affligeret quosdam de Ecclesia* primitiva, id est quosdam Christianos. *Occidit autem Jacobum fratrem Joannis gladio*, id est, occidi fecit ante dies Azymorum.

Matth. ii, 1.

Marc. vi, 17-27.
Luc. xxiii, 11.

Act. xxv, 13 et seq.

Exod. xii, 15.

2 *Videns autem quia placeret Judæis incredulis occisio Jacobi, apposuit apprehendere et Petrum* tanquam capitaneum Christianorum, ut amplius complaceret Judæis. *Erant autem dies Azymorum*, id est paschalis festivitatis, quando Judæi septem diebus azymis panibus vesebantur : infra quos dies Judæi non faciliter aliquem occiderunt. *Quem quum apprehendisset, misit in carcerem, tradens quatuor quaternionibus militum custodiendum.* Sicut centurio appellatur qui centum præest militibus, ita quaternio, qui quatuor militibus præest. Sicque sub his quatuor quaternionibus erant sedecim milites, ac per hoc viginti simul fuerunt,

B præter custodes carceris. Commisit enim tam multis custodiam Petri, ne aliqua arte effugeret, quia Herodes non ignoravit multa mirabilia facta fuisse a Petro : ideo caute fecit eum servari, sicut et Judas de Jesu dixit Judæis : Ducite eum caute, ne scilicet vestris e manibus elabatur. *Volens post Pascha producere eum populo* Judæorum, ut occideretur ad voluntatem eorum. *Et Petrus quidem servabatur in carcere. Oratio autem fiebat sine intermissione ab Ecclesia ad Deum pro eo :* quia magis necessarius fuit Ecclesiæ, tanquam princeps Apostolorum, et eminentior in operibus miraculorum.

Marc. xiv, 44.

5

Quum autem producturus eum esset Herodes, id est populo præsentaturus ad mortem, *in ipsa nocte*, diem quo hoc facere voluit præcedente, *erat Petrus dormiens inter duos milites, vinctus catenis duabus ; et custodes ante ostium custodiebant carcerem.* Unde constat eum sic custoditum, quod humana via sive industria nequivit effugere. *Et ecce angelus Domini adstitit, et lumen refulsit in habitaculo.* Angelus enim cum splendido vultu apparens, carcerem illustravit ; solus tamen Petrus lumen illud adspexit, miraculose Deo id peragente, ne et alii illud viderent. *Percussoque latere Petri, excitavit eum, dicens : Surge velociter. Et ceciderunt catenæ de manibus ejus, angelo eas dissolvente.*

6

7

- 8 *Dixit autem angelus ad eum : Præ-* A tum localem. *Et crenates per ferream*
cingere, id est, cinge te. Ut enim Schola-
 stica refert historia ex verbis Bedæ, Petrus
 deposuit cingulum suum propter mole-
 stiam carceris, ut tūnica circa pedes de-
 missa, temperaret frigus noctis. Quo datur
 exemplum devotis, quod tempore corpor-
 alis molestiæ atque angustiae magnæ, li-
 ceat eis aliquid de propositi sui rigore
 laxare. Insuper, secundum Cassianum,
 quoniam Elias et Petrus cingulis usi le-
 guntur, monachi in desertis cingulis ute-
 bantur. *Et calcea te caligas tuas*, id est, B tioso.
 calceamenta tua indue. Dicunt aliqui, quod
 caliga genus sit calceamenti non ha-
 bentis corium super pedem : quod qui-
 dam sandalium vocant. Nunc autem ca-
 ligo in alia significatione accipi solet. *Et*
fecit sic. Et dixit illi : Circumda tibi
 9 *restimentum tuum, et sequere me. Et*
exiens carcerem, sequebatur eum, scilicet
 angelum, *et nesciebat quia verum est*, id
 est aliquid reale, *quod per angelum fie-*
bat, scilicet eductio ejus de carcere. *Exi-*
stimabat autem se visum videre, id est, C
 omnia ista putabat in imaginaria visione
 sibi monstrari, non realiter exhiberi. Ex
 quo apparet quod non plenarie vigilavit,
 sed imperfecte. Aliqui namque in somno
 surgunt et gradiuntur.
- 10 *Transientes autem primam et secun-*
dam custodiam, id est custodes per duo
 loca divisos, seu duobus partitos ordini-
 bus. Ex omni enim parte adhibuerunt
 custodiam, ne aliqua industria Petrus eva-
 deret. Custodes autem somno fuerunt op-
 pressi, aut tali cæcitate percussi quali D
 servi regis Syriæ sub Eliseo ; aut alio si-
 mili modo divina virtute detinebantur,
 ne Petrum egredientem sentirent, et pro-
 hiberent. *Venerunt ad portam ferream* :
 quæ putatur fuisse in atrio carceris atque
 exterior ; *quæ ducit ad civitatem Jeru-*
 salem. Ex quo elicitur quod carcer extra
 urbem fuit, aut in exteriori ejus parte.
Quæ ultro aperta est eis potestate divina
 atque angelica. Nam et angelicis spiriti-
 bus materia corporalis obedit, quoad mo-
- processerunt vicum unum, ur-*
bem intrando, et continuo discessit an-
gelus ab eo, repente disprens. *Et Petrus*
ad se reversus, id est compos mentis ef-
 fectus, et ratione plenarie utens, *dixit :*
Nunc scio vere et experimentaliter, quia
misit Dominus angelum suum, et eripuit
me de manu Herodis, et de omni exspe-
ctatione plebis Judæorum. In omnibus
utitur Petrus stilo ornato et eleganti, et
frequenter difficili, semperque senten-
 11
 12
 13
 14
 15
 16
 17
- Consideransque quomodo esset eductus,*
 et ubi nunc esset, quove diverteret, *venit*
ad domum Mariæ matris Joannis qui
cognominatus est Marcus, fuitque con-
 sobrinus Barnabæ, non Marcus evangeli-
 sta, *ubi erant multi congregati mente et*
corpore, tanquam devotissimi, et orantes
inter cetera pro Petri liberatione. Pulsan-
te autem eo [ostium januæ], processit pu-
ella [ad audiendum] nomine Rhode. Et
ut cognovit vocem Petri, præ gaudio non
 C *aperuit januam*, cupiens feminea festina-
 tione lætum rumorem suis insinuare ; *sed*
intro currens, nuntiavit Petrum stare
ante januam. At illi dixerunt : Insanis,
 15
 16
 17
 18
 19
 20
 21
 22
 23
 24
 25
 26
 27
 28
 29
 30
 31
 32
 33
 34
 35
 36
 37
 38
 39
 40
 41
 42
 43
 44
 45
 46
 47
 48
 49
 50
 51
 52
 53
 54
 55
 56
 57
 58
 59
 60
 61
 62
 63
 64
 65
 66
 67
 68
 69
 70
 71
 72
 73
 74
 75
 76
 77
 78
 79
 80
 81
 82
 83
 84
 85
 86
 87
 88
 89
 90
 91
 92
 93
 94
 95
 96
 97
 98
 99
 100

terent, *narravit quomodo Dominus edu-*
xisset eum de carcere per angelum. Dixit-
que : Nuntiate Jacobo, scilicet episcopo
Christianorum in Jerusalem, et fratribus
hæc, ut sciant se exauditos, et Deo gra-
tias agant, atque lætentur in Domino. Et
egressus de Jerusalem eadem nocte, abiit
in alium locum.

18 *Facta autem die, qua Herodes decrevit*
Petrum producere populo, erat non par-
va turbatio inter milites, quidnam fa-
ctum esset de Petro, quomodo abisset.
Timebant autem ne Herodes tali pœna
 19 *eos afficeret quali Petrum afficere cogi-*
tavit. Herodes autem quum requisisset
eum, scilicet Petrum, et non invenisset :
nam et portæ et januæ apertæ inventæ
fuerunt, ut creditur, quum hoc de porta
ferrea aperta dicatur ; inquisitione facta
de custodibus, id est, diligenter sciscita-
tus ab eis quomodo Petrus evasisset, jus-
sit eos addici, id est carceri mancipari ;
vel, duci, ut aliqui textus habent, id est
sibi præsentari, ad puniendum eos de ne-
gligentia. Non tamen nocuit eis postea
 20 *ut decrevit, Domino providente, ne Petri*
ereptio fieret aliis mortis occasio. Hero-
des enim morte fuit præventus, ut sub-
ditur.

Descendensque a Judæa in Cæsaream
Palæstinæ, secundum Bedam, ibi moratus
 20 *est ad debellandum adversarios suos. Erat*
autem iratus Tyriis et Sidoniis. At illi
unanimes venerunt ad eum, ut ei recon-
ciliarentur, quasi resistere non valentes ;
et persuaso, id est informato, Blasto, qui
erat super cubiculum regis, id est cubi-
cularius ejus, postulaverunt pacem per

A Blastum, qui loquebatur pro eis, *eo quod*
alerentur regiones eorum ab illo, id est
de bonis terræ Herodis, quia angustæ
erant eorum provinciæ, nec poterant tam
vicini regis Cæsari carissimi inimicitias
 21 *ferre. Statuto autem die, id est ab He-*
rode præfixo ad loquendum Tyriis atque
Sidoniis, Herodes vestitus veste regali, se-
dit pro tribunali ad ferendum senten-
tiam, et concionabatur ad eos, id est, blan-
dis, ornatis, egregiis verbis locutus est
 22 *eis. Populus autem acclamabat Herodi :*
 B *Dei voces, et non hominis, quas audimus,*
sunt. Et sic divinis præconiis, non hu-
manis, eum laudabant, adscribentes ei
divinitatem quamdam, et laudem Deo so-
lummmodo debitam. Confestim autem per-
 23 *cussit eum angelus Domini, id est, in-*
tus plagavit gravissimo ventris dolore, eo
quod non dedisset honorem Deo, præco-
nia sibi blasphemanter adscripta spernen-
do, seque humiliando, et Deo vero talia
adscribendo ; et consumptus a vermibus,
 C *qui intra eum oriebantur, putrescentibus*
carnibus ejus, exspiravit : idque infra
quinque dies, secundum Josephum.

Verbum autem Domini crescebat et mul-
 24 *tiplicabatur, id est, Herode fidei perse-*
cutore occiso, evangelica prædicatio cir-
cumquaque diffundebatur, et plurimi con-
 25 *vertebantur. Barnabas autem et Saulus*
reversi sunt Antiochiam ab Jerosolymis,
expleto ministerio, id est allatis sibi ele-
emosynis seu collectis ab Antiochia mis-
sis, sicut in fine præcedentis capituli
 Act. xi, 29,
 30.
 D *gnominatus est Marcus, de quo in isto*
capitulo jam dictum est.

ARTICULUS XIII

ELUCIDATIO CAPITULI TERTHDECIMI : ERANT AUTEM IN ECCLESIA QUÆ ERAT ANTIOCHIÆ,
PROPHETÆ ET DOCTORES.

1 **ERANT** autem in Ecclesia quæ erat Antiochiæ, Prophetæ et doctores. Quemadmodum scribit Apostolus, in primitiva Ecclesia fuerunt diversa dona gratiarum, officiorum et statuum, juxta illud ad Corinthios : Quosdam posuit Deus in Ecclesia, primo Apostolos, deinde Prophetas, tertio doctores. Itaque Prophetæ vocati sunt, propter revelationem futurorum ; doctores, propter Scripturarum interpretationem, populorum informationem, præteritorum enarrationem. Potest quoque ad eosdem referri : nam quidam eorum prophetæ erant pariter et doctores. In quibus Barnabas, et Simon qui vocabatur Niger, ad distinctionem Simonis Petri. Et dictus est Niger : vel a colore, si Niger sumatur Latine ; vel, quasi ascendens, a virtute scilicet in virtutem, si Niger sit nomen Hebræum. Niger enim quandoque Hebræum est, et interpretatur ascendens. Verumtamen aliqui sortiti sunt hujusmodi nomina absque inexistencia proprietatis, actionis, seu qualitatis designatæ per ipsum ; imo aliqui a contrario sensu nomina sortiuntur. Et Lucius Cyrenensis, a Cyrene civitate sic appellatus, et Manahen, qui erat Herodis tetrarchæ (qui vocatus est Herodes Antipas, quem Christus nominat vulpem, et qui decollavit Joannem) collactaneus, id est eodem cum eo lacte educatus, et Saulus.

Luc. xiii, 32.
Marc. vi,
17-27.

2 Ministrantibus autem illis Domino in actibus virtuosis, in observantiis præceptorum et consiliorum, in conversione aliorum, et jejunantibus, ut caro per omnia castigaretur, atque in servitutem spiritus redigeretur, mensque in spiritualibus ditaretur, et ad contemplanda erigeretur

1 Cor. ix, 27.

A superna. Quanta nempe sit virtus jejunii, liquet ex eo quod de durissimo malignorum spirituum genere ait Salvator : Hoc genus dæmoniorum in nullo potest exire, nisi in oratione et jejunio. Denique, sicut in Præfatione cantatur, Deus corporali jejunio vitia comprimit, mentem elevat, virtutes largitur et præmia. Tobiae quoque Raphael angelus protestatur : Bona est oratio cum jejunio et elemosyna. Dixit Spiritus Sanctus, vel per inspirationem internam, vel per aliquem B Prophetarum istorum, sive per angelum : Segregate mihi, id est, ad meum honorem a vestra societate, seu grege vestro, corporaliter atque localiter separate, Barnabam et Saulum in opus ad quod assumpsi eos, id est, ad prædicandum in gentibus, ad quod eos elegi, converti, et mihi per gratiam junxi. Unde ad Romanos Apostolus de se loquitur : Paulus segregatus in Evangelium.

Marc. ix,
28.

Tob. xii, 8.

Rom. i, 1.

3 Tunc jejunantes et orantes, imponentesque illis manus, dimiserunt eos, ut irent evangelizare in gentibus. Verum quia hic dicitur, quod imposuerunt eis manus, videlicet in modum ordinandorum in sacerdotium, dicunt nonnulli, et habetur in Scholastica historia, quod præfati sancti in Antiochia, audito Spiritus Sancti consilio, orantes pro Paulo et Barnaba, miserunt eos Jerusalem ad Petrum, Jacobum, et Joannem, tunc existentes ibidem. Qui audito Spiritus Sancti mandato gavisi sunt, imposueruntque eis manus, quoniam manuum impositio ad Apostolos pertinebat. Sed quoniam littera non videtur hoc velle, alii opinantur quod jam in Antiochena Ecclesia fuerunt quidam epi-

scopi ab Apostolis ordinati ad regendam multitudinem fidelium, qui tunc ibidem vehementer multiplicati fuerunt. Episcopi autem sunt Apostolorum successores : idcirco ad eorum officium spectat impositio manuum, potueruntque Paulo et Barnabæ manus imponere.

Utrum autem præter impositionem manuum, aliam ordinationis solennitatem circa eos celebraverint tres prædicti Apostoli, sive alii quicumque episcopi, non est certum, ut Scholastica ait historia : quæ etiam perhibet, quod nec de Apostolorum ordinatione aliquid legitur, vel quod Christus eis manus imposuit. De Petro tamen certum habetur, quod Antiochiæ celebraverit Missam. Sed potuit Apostolis pro ordinatione sufficere, quia dictum est eis a Domino : Hoc facite in meam commemorationem. Et licet tunc non interfuerint Paulus et Barnabas, tamen quia postea electi sunt ad apostolatam consilio, imo præcepto Spiritus Sancti, forsan in hoc cum aliis Apostolis fuerunt privilegiati, nec alia ordinationis solennitas circa eos celebrata est : et multi in primitiva Ecclesia sine hac solennitate ordinationis, ad sacerdotium sunt promoti ; etiam multi laici sine diacono et præcedentibus Ordinibus, facti sunt sacerdotes.

Insuper Beda hic ait : Videtur Saulus, juxta historiæ ordinem, tertidecimo post Domini passionem anno apostolatum cum Barnaba, Paulique accepisse vocabulum ; quartodecimo autem anno juxta conditum Jacobi, Cephæ (scilicet Petri) et Joannis, ad gentium magisterium fuisse profectum. Nec historia ecclesiastica repugnat, dicens Apostolis præceptum fuisse ut annis duodecim in Judæa prædicarent : quia duodecimo anno non statim reliquerunt Judæam, sed tertidecimo exire cœperunt, et paulatim egressi sunt.

4 *Et ipsi, scilicet Paulus et Barnabas, missi a Spiritu Sancto, abierunt Seleuciam : quæ est civitas Syriæ maritima, a Seleuco rege Asiæ de quo secundo Machabæorum habetur, constructa et nominata,*

A *ut dicitur ; et inde navigaverunt Cyprum* Act. xi, 19.
 insulam supra memoratam. *Et quum venissent Salaminam urbem Cypri, in qua Barnabas natus et passus fertur, nunc Constantiam dictam, secundum Bedam, quæ et sita est in parte illius insulæ orientali, respiciens Syriam ; prædicabant verbum Dei in synagoga Judæorum :* quibus verbum Dei fuerat primum denuntiandum, secundum quod infra Paulus fatetur, Vobis oportebat primum loqui vers. 46. verbum Dei. Porro secundum Bedam, ubicumque dicitur, In synagoga, insinuat factum in civitate quod legitur. *Habebant autem et Joannem in ministerio suæ prædicationis. Iste est Joannes cognominatus Marcus, de quo in præcedenti capitulo jam dictum est.* Act. xii, 12, 25.

Et quum perambulassent universam insulam Cypri usque Paphum occidentalem insulæ urbem. Paphus, secundum Bedam, est civitas Cypri maritima, juxta insulam Veneris, quondam carminibus poetarum famosa : quæ frequenti terræ motu lapsa, nunc ruinarum vestigiis, quid olim fuerit, ostendit. Invenierunt quemdam virum magum pseudoprophetam, qui opera magica arte facta, dixit divina, Judæum, cui nomen erat Barjeu, qui erat cum proconsule Sergio Paulo viro prudente, qui fuit magnæ dignitatis et proconsul, id est secundus a consule : cui causa quæstus et ambitione honoris conjunxit se magus, ad deceptionem ipsius. Hic accersitis Barnaba et Saulo, desiderabat audire verbum Dei. 7

Resistebat autem illis Elymas magus (sic enim interpretatur nomen ejus), quærens avertere proconsulem a fide christiana, per quam illius magicæ artes confundebantur. Horum duorum nominum, scilicet Elymas et magus, unum est interpretatio alterius. Elymas enim, secundum Scholasticam historiam, interpretatur magus : sicque commune nomen maleficorum appropriatum est huic. Alii dicunt, quod Elymas interpretatur, Dei mei mensura, vel sensus ; sicque iste fecerit se vocari, 8

Luc. xxii, 19 ; I Cor. xi, 24.

II Mach. iii, 3.

ut Dei nuntius crederetur : et ita nomen A Barjen, præfato modo exponitur Elymas, hac de causa.

9 *Saulus autem, qui et Paulus, repletus*
10 *Spiritu Sancto, intuens in eum, dixit.*
Hoc loco Saulus, primo vocatur Paulus : estque hoc nomen sortitus, secundum multos sanctorum doctorum, a Paulo proconsule quem convertit. Homines enim aliquando consueverunt nomina ex aliquo notabili facto sortiri. Verumtamen, secundum Origenem, semper fuit binomius : unde jam dicitur, Saulus qui et Paulus : B quasi dicat, Utroque vocatus est nomine. Vel, post suam ad Christum conversionem, vocavit se Paulum, quasi humilem et modicum. *O plene omni dolo et omni fallacia*, quia verbis et operibus fraudulentus. Virum autem sanguinum et dolum abominabitur Dominus. Et Isaia testante, Fraudulenti vasa sunt pessima. *Fili diaboli* per imitationem doli et vitiorum : juxta illud Sapientiae, Imitantur illum qui sunt ex parte ipsius. Hinc ait Salvator Judæis : Vos ex patre diabolo estis. *Inimice* C *omnis justitiæ*, legis naturalis, legis scriptæ, legisque evangelicæ. *Non desinis subvertere vias Domini rectas*, id est, divina præcepta, documenta, consilia, quantum in te est, conculcas, atque ab aliis tollis, et prave exponis. Hujus magi meminit, in libro de Divinis nominibus (puto), divinus Dionysius : asserens stultam fuisse objectionem quam verbis Pauli objecit (quibus Paulus affirmat ad Timotheum : D *Deus se ipsum negare non potest*) et arguit Elymas, quod secundum hoc Deus non esset omnipotens, quasi veritatem negare, mentiri, peccare, potentiæ, et non potius impotentiae atque miseriæ esset. Et *nunc ecce manus Domini super te*, id est, divina potestas te puniet, *et eris cæcus, non videns solem*, nec lumen ejus, *usque ad tempus*, ut per tuam corpoream cæcitatem innotescat spiritualis cæcitas tuæ mentis ; et ut intus privatus es luce atque intuitu Solis justitiæ, scilicet Christi, sic foris privaberis materialis solis adspectu.

Et confestim cecidit in eum caligo et tenebræ, scilicet in instanti. Virtus enim Dei quum sit infinita, operatur in instanti. Quod item factum est ad declarandum quod excæcatio illa miraculosa fuit, non naturalis. *Et circuiens quærebat qui ei manum daret*. Territus enim fuit sentiens plagam Dei, et instar cæcorum in gyro se vertit, quærens ducatum et sustentationem, ne laberetur in præceps. *Tunc proconsul quum vidisset factum tam miraculosum, credidit, admirans super doctrina Domini*, id est altitudinem sapientiæ christianæ, et virtutem miraculorum quibus confirmabatur. Noverat enim tanquam vir prudens, quod Deus fons veritatis non perhibeat testimonium falsitati : ideo cernens Apostolorum istorum doctrinam hujuscemodi miraculo confirmari, mox credidit, et magum abiecit.

Et quum a Papho navigassent Paulus et qui cum illo erant, scilicet Barnabas, Joannes, et forsán plures : nam et id credi potest, quod aliqui de ministris proconsulis, ejus conversione et instructione inducti, pariter sint conversi ; *venerunt Pergen Pamphyliæ*. Perge est maritima civitas provinciæ Asiæ : quæ provincia vocatur Pamphylia, juxta Bedam. *Joannes autem discedens ab eis, reversus est Jerusalem*. De causa suæ abscessionis infra Act. xv, 38. *Illi vero*, scilicet Paulus et Barnabas, *pertranseuntes Pergen, venerunt Antiochiam Pisidiæ*. Pisidia est provincia Asiæ ; et Antiochia sita in ea, alia est ab Antiochia Syriæ supra memorata, et in Scripturis celebriori, quæ olim Reblatha et Emath Magna dicebatur. *Et ingressi synagogam die sabbatorum, sederunt*, quasi vere mansueti ad audiendum verbum Dei, et prompti ad prædicandum. *Post lectionem autem legis et Prophetarum, miserunt principes synagogæ, videlicet prælati inter Judæos, ad eos, dicentes : Viri fratres, si quis est in vobis sermo exhortationis ad plebem, dicite*. Ex ipso enim apparatu, probitate, et gravitate Pauli et Barnabæ, consideraverunt eos esse viros

12

13

Act. xv, 38.

14

Ibid. xi, 19

et seq.

IV Reg. xxv,

21.

15

- Prov.* xvii, 24. religiosos ac sapientes. Siquidem sapientia hominis lucet in facie ejus.
- 16 *Surgens autem Paulus, principibus et toti congregationi honorem impendens, et manu silentium indicens, ut attentius audiretur, ait: Viri Israelitæ, et qui timetis Deum, audite.* His verbis benevolentiam eorum captat, ut fructuosius audiatur.
- 17 *Deus plebis Israel elegit patres nostros ab æterno, et tempore divinitus præstituto effectus gratiosos hujus electionis impertitus est eis, et plebem Israeliticam exaltavit, quum essent incolæ in terra* *Gen.* xlvii, *Exod.* xiv. *Ægypti.* Nam tempore Joseph et etiam tempore educationis per Moysen, et paulo ante, fuerunt ibidem honorifice sublimati. [*Et in brachio excelso eduxit eos ex ea*], *et per quadraginta annorum tempus, mores eorum sustinuit in deserto: mores, inquam, perversos, murmurationes et rebelliones.* Quandoque tamen satis acriter correxit quosdam eorum, sed totam gentem non delevit.
- 18 *Et destruens, partim occidendo, partim fugando, partim in captivitatem redigendo, in terra Chanaan septem gentes, id est totidem nationes filiorum Cham, utpote Chananæos, Amorrhæos, Hevæos, Jebusæos, Pherezæos, Hethæos et Gergesæos, sorte, id est per sortium missionem, divi-*
- Josue* xxiv, 11. *sit eis terram eorum per manus Josue, Eleazari et principum tribuum filiorum Israel, sicut in Josue legitur. Duabus tamen tribubus ac dimidiæ ante per Moysen fuit divisa pars terræ trans Jordanem.*
- 19 *Quasi post quadringentos et quinquaginta annos.* Computatio annorum istorum, secundum Bedam atque Scholasticam historiam, inchoatur a nativitate Isaac: a qua usque ad exitum Israel de Ægypto, fluxerunt anni quadringenti et quinque, quibus junguntur quadraginta anni quibus in solitudine erant, et quinque in terra Chanaan: post quos quievit terra a præliis, tuncque divisa est terra, sicut in libro Josue legitur. *Et post hæc dedit judices: quorum primus fuit Othoniel frater Caleb minor, ut scribitur in libro Judi-*
- cum; usque ad Samuel prophetam inclusive, quia et ipse judex fuit Israeliticæ plebis.*
- Et erinde postulaverunt regem: nam filii Samuelis judices a patre suo constituti, post avaritiam declinaverunt, ut primo Regum habetur; et dedit eis Saul filium Cis, virum de tribu Benjamin, quo pro tunc non erat inter filios Israel melior. Et amoto illo a regno propter sua peccata, quia in eo honores mutaverunt mores, suscitavit illis David regem: cui testimonium perhibens, dixit: Inveni David filium Jesse, virum secundum cor meum, id est mihi placentem, seu meæ voluntati conformem, in donis naturæ et gratiæ bene dispositum, qui faciet omnes voluntates meas, id est, volita a me implebit, et mihi obediet. Non talem Deus istum improvise invenit, sed ut talem eum inveniret, prius per gratiam talem fecit; imo ab æterno prædestinavit se illum talem facturum: quo facto, talem invenit qualem voluit et exegit. Et ista est præclarissima laus sancti David. Quid enim nobilius voluntati creatæ, quam increatæ Dei sui voluntati esse conformem, quum et amicorum sit eadem velle et nolle?*
- Hujus Deus ex semine, id est ex semine David, secundum promissionem factam ipsi David, eduxit, per generationem ex Virgine, Israel, id est ad salutem populi Israel, salvatorem Jesum, qui factus est ex semine David secundum carnem, ut dicitur ad Romanos, prædicante Joanne ante faciem adventus ejus, id est ante manifestam Christi prædicationem et apparitionem, qua per miracula se Dei Filium declaravit, baptismum pœnitentiæ, id est dispositivum ad pœnitentiam, et in quo Judæi sua confitebantur peccata, non confessione sacramentali, sed generali, omni populo Israel, qui venit ad eum.*
- Quum autem impleret Joannes cursum suum, id est, circa finem suæ prædicationis morti propinquans, dicebat Judæis: Quem me arbitramini esse, non sum ego,*
- 21 *1Reg.* viii, 3.
- 22 *Ibid.* x, 24.
- Ibid.* xvi, 13.
- Ps.* lxxxv iii, 21.
- 23 *Ibid.* 5, 30, 37.
- Rom.* i, 3.
- 24
- 25 *Joann.* i, 20, 27; *Marc.* i, 7.

id est, non sum Christus, sicut putatis. A Hoc enim superiores et inferiores Judæorum concorditer existimabant, propter sanctissimam conversationem Joannis. *Sed ecce venit post me*, ad prædicandum et baptizandum per suos discipulos; Christus etiam natus est post Joannem; *cujus non sum dignus calcamenta pedum solvere*, id est, nec in minimo dignus sum ei exhibere obsequium, eo quod incomparabiliter sit major me, secundum divinam naturam; et secundum assumptam quoque, ut Verbo immediate suppositali-terque unitam, et omni gratia secundum totam capacitatem mentis creatæ repletam, quasi ineffabiliter major est me, quia toto universo præstantior. Unde ad Christi majestatem habendo respectum, non fuit Joannes dignus ad id. Verumtamen, considerando Joannis obsequium, ut ex caritate et actuali motione Spiritus Sancti procedens, meritorium fuit vitæ æternæ etiam de condigno, secundum multos doctores. Et quoad id, dignus fuit Dominum Jesum baptizare. Imo sic devotus sacerdos dignus est corpus ejus et sanguinem consecrare, tractare et sumere: ad quod nemo condignus est, si ad Christi dignitatem dumtaxat habeatur respectus. Postremo, his verbis non datur intelligi quod Christus usus sit calceis, quem constat nudis pedibus incessisse; sed est modus loquendi Hebræorum.

26 *Viri fratres, filii generis*, id est tribus, Abraham, et qui in vobis timent Deum: quod referri potest ad conversos ad Judæismum; *vobis verbum salutis hujus*, id est prædicatio; vel, Verbum salutis hujus, id est Verbum Dei incarnatum, humanæ auctor salutis, *missum est* primo, specialiter ac principaliter, ita ut ipsemet Christus testatus sit: Non sum missus nisi ad oves domus Israel quæ perierunt. Discipulis quoque præcepit: In viam gentium ne abieritis, sed ad oves perditas domus Israel.

Matth. xv,
24.

Ibid. x, 5, 6.

27 *Qui enim habitabant Jerusalem*, puta vulgares, et principes ejus, hunc Jesum

ignorantes esse Messiam: quod quomodo verum sit, tactum est super id, Scio, fratres, quia per ignorantiam peccastis, sicut et principes vestri; et voces Prophetarum, quæ per omne sabbatum leguntur in synagogis seu scholis eorum: quia verba Prophetarum de Christo non intellexerunt; judicantes quod morte esset condignus, impleverunt quæ de Christi passione prophetata fuerunt. Et nullam causam mortis invenientes in eo, secundum veritatem, petierunt a Pilato ut interficerent eum, id est, ex ejus sententia per milites interfici facerent: quod et fecerunt. Quumque consummassent omnia quæ de eo scripta erant, videlicet de ejus comprehensione, ligatione, consputione, passione, deponentes eum de ligno, posuerunt in monumento. Non utique iidem numero interfecerunt, et deposuerunt ac sepelierunt: sed illud, impii; hoc, justi, videlicet Joseph ab Arimathea et Nicodemus. Verum Scriptura more solito loquitur de diversis quasi de eisdem, sicut in Psalmo: Quum occideret eos, quærebant eum; et iterum: Et non recessit retro cor nostrum; et declinasti semitas nostras a via tua.

Act. iii, 17.

28

Joann. xix,

29

Ibid. 38-42.

Ps. lxxvii,

34.

Ps. xliii,

19.

Deus vero suscitavit eum a mortuis 30
tertia die: qui visus est per dies multos his
qui simul ascenderant cum eo de Galilæa 31
in Jerusalem, scilicet viris ac feminis, præsertim Apostolis, prout dictum est ante, videlicet, Post passionem suam per dies quadraginta apparens eis; *qui usque*
nunc sunt testes ejus ad plebem, quod ipse sit Christus pro hominibus crucifixus et suscitatus. Et nos vobis annuntiamus eam quæ ad patres nostros repromissio facta est de Christi adventu et salvatione generis humani per ipsum; *quoniam hanc Deus adimplevit filiis* 32
nostris, id est Judæis qui nunc sunt, scilicet ad eorum salutem: qui si in Christum crediderint, immaculateque vixerint, non habebunt necesse ad limbum descendere, ut patres eorum quantumlibet sancti, sed morientes mox evolabunt; *resuscitans Je-* 33

Act. i, 3.

32

33

sum, sicut et in psalmo secundo scriptum A *est, dicente Patre ad Christum : Filius meus es tu, non adoptivus, sed naturalis ; ego hodie, id est in æternitatis invariabili indivisibilique momento, genui te generatione immateriali et intellectuali. Auctoritas ista supra allegata est atque exposita : quam hic inducit Apostolus, non ad probandum Christi resurrectionem, sed divinitatem, de qua jam fuit locutus. De suscitatione vero subjungit :*

34 *Quod autem suscitavit eum a mortuis, amplius non reversurum in corruptionem, hoc est ad vitam immortalem et impassibilem, ita dixit per Isaiam, secundum translationem Septuaginta interpretum : Quia dabo vobis sancta David fidelia, id est, quæcumque ipsi David de Christo promisi, vel per ipsum de Christo locutus sum, vobis fideliter adimplebo. Loco cu-*

Jus nostra translatio habet : Feriam vobiscum pactum sempiternum, misericordias

35 *David fideles. Ideoque et alibi dicit (puta in Psalmo) ipse David ad Patrem, de Christi resurrectione vaticinans : Non dabis*

Sanctum tuum videre corruptionem, id est, corpus Christi Sancti Sanctorum non permittes in sepulcro resolvi aut incinerari. Istud jam ante plenius fuit expositum. Porro quod hoc de Christo, non de David prædictum sit, probat Apostolus :

Act. II, 27.

36 *David enim in sua generatione quum administrasset voluntati Dei, ei fideliter obediendo, atque secundum ipsius voluntatem populum Israel gubernando, dormivit, et appositus est ad patres suos, quia secundum corpus cum eis sub terra defossus, et quoad animam cum eorum spiritibus in limbo locatus, et vidit corruptionem, id est, corpus ejus in pulveres est redactum. Quem vero Deus suscitavit a mortuis tertia die (ut dictum est), non vidit corruptionem, id est, corpus ejus post animæ recessum, non est resolutum.*

38 *Notum ergo vobis sit, viri fratres, quia per hunc, tanquam per salvatorem et mediatorem Dei ac hominum Jesum Christum, vobis remissio peccatorum annun-*

T. 14.

tiatur, ita quod ejus passione, virtute ac merito estis salvati, dummodo in ipsum credatis, et caritate jungamini, ut virtus et meritum passionis suæ vobis per sacramenta evangelicæ legis applicetur, ab omnibus, scilicet peccatis purgatio, a quibus non potuistis in lege Moysis justificari, id est mundari per sacrificia legis, neque per ipsam legem, quia lex illa non continuit nec contulit gratiam, sicut lex nova in quantum includit evangelica sacramenta gratiæ significativa, contentiva et effectiva. Efficiunt enim quod designant. Hinc ad Hebræos multa scribit Apostolus : Nihil (inquiens) ad perfectum adduxit lex ; et, Impossibile est sanguine hircorum et vitulorum auferri peccata. Illa enim sacrificia non ex se erant accepta, sed ex offerentium devotione. In veteri quoque Testamento non fuit remedium contra reatum originalis peccati quoad patriæ ingressum, sed omnes electi illi descenderunt in limbum. Electi quoque qui tunc justificabantur, non per legem, sed per fidem Christi futuri, tunc justificati noscuntur. Hinc subditur :

In hoc enim omnis qui credit, justificatur, id est, omnis qui per fidem formatam Christo unitur seu incorporatur, virtutis et meriti suæ salutaris passionis consors particepsque efficitur. Ipse enim est in quo Dominus posuit iniquitatem omnium nostrum ; qui satisfecit pro nobis quum disciplina pacis nostræ fuit super eum, cujus livore sanati sumus ; qui dilexit nos, et lavit nos a peccatis nostris in sanguine suo. Sed caput membris non influit, nec ipsa vivificantur ab ipso, nisi eidem connectantur : ita vitam gratiæ motumque virtutum a Christo non sortitur, qui ei per fidem et caritatem non counitur.

Videte ergo ne superveniat vobis quod dictum est in Prophetis, id est, ne pœna prophetice prænuntiata vos apprehendat. Quid vero sit dictum in Prophetis, adjecit : Videte, contemptores, et admiramini, et disperdimini : quia opus ego operor

Hebr. VII,
19.
Ibid. X, 4.

39

Is. LIII, 6.

Ibid. 5.

Apoc. I, 5.

40

41

Habac. I, 5.

in diebus vestris, opus quod non credetis, si quis enarraverit vobis. Istam scripturam allegat Lucas secundum translationem Septuaginta interpretum, qua suo tempore utebatur Ecclesia : quæ et apud Habaenæ habetur. Nostra quoque sic habet translatio : Adspicite in gentibus, et videte, et admiramini, et obstupescite : quia opus factum est in diebus vestris, quod nemo credet quum enarrabitur. Loquitur autem Propheta ad litteram de captivitate et punitione Judæorum per Chaldæos, quam sibi imminere credere noluerunt, prænuntiantibus id Prophetis. Hortatur ergo Apostolus Judæos, ne sicut illi Judæi ob suam incredulitatem et perversitatem inciderunt maximam calamitatem Chaldæorumque rabiem, sic ipsi incidant similem pœnam et manus Romanorum, vel potius dæmonum, qui per Chaldæos spiritualiter designantur. Itaque sensus est : *Videte et præcavete, o contemptores verborum Dei et promissionis divinæ, et admiramini de magnitudine vestri periculi, et disperdimini per vitia et errores, itemque per captivitatem hanc ultimam qua vagi estis in nationibus : quia opus ego operor in diebus vestris, videlicet salvationem generis humani per Christum, seu incarnationem, passionem, resurrectionem et ascensionem ipsius, quod non credetis, si quis enarraverit vobis : nam pro majori parte manserunt increduli. Potest quoque hoc opus intelligi pœna eis inflicta eo quod non susceperunt Christum.*

42 *Excuntibus autem illis, videlicet Paulo et Barnaba, synagogam, rogabant principes synagogæ, ut sequenti sabbato loquerentur sibi hæc verba.* Quidam existimant quod malitiose id rogaverunt, tanquam indignantes de hoc quod Paulus dixit eos in lege Moysis non posse justificari : idcirco volebant hoc rursus ab eo audire, ut majorem contra eum occasionem haberent. Unde et sequenti sabbato in evidentem proruperunt malitiam. Forte tamen bono id animo precabantur, ut de tam

A novo rumore et magno negotio plenius instruerentur. Postea tamen subversi fuerunt. *Quum autem dimissa esset synagoga,* id est conventus solutus, unoquoque a propria remeante, *secuti sunt multi Judæorum et colentium Deum advenarum, Paulum et Barnabam,* ut eorum prædicationibus certius imbuerentur. Advenæ vero Deum colentes, intelliguntur qui natione erant gentiles, sed religione Judæi, seu ad Judaismum conversi, qui proselyti dicebantur, vel Judæi de dispersione venientes. *Qui,* puta Apostoli, *loquentes persuadebant eis ut permanerent in gratia Dei,* id est, in fide Christi misericorditer justificari exquirerent, non in observantiis legis ; Dei quoque gratioso auxilio inniterentur, non legis justitiæ. Aliqui autem dicunt istos jam credidisse in Christum, ideoque moneri ut in ea fide permaneant fixi.

Sequenti vero sabbato pene universa civitas convenit audire verbum Dei a Paulo et Barnaba : quorum infra hos dies intermedios percerebuit fama atque innotuit. *Videntes autem turbas gentilium horum Judæi, repleti sunt zelo invidiæ contra Apostolos, et contradicebant his quæ a Paulo dicebantur de Christo, blasphemantes,* dicendo quod Jesus Nazarenus non esset verus Christus.

Tunc constanter Paulus et Barnabas dixerunt : Vobis oportebat primum loqui verbum Dei, id est evangelicam prædicationem proponere : quia ut dictum est sæpe, Christus atque Apostoli primo directi sunt ad Judæorum conversionem, quibus propheticæ promissiones tanquam populo peculiari, præsertim factæ fuerunt ; *sed quoniam repulistis illud,* obstinato animo veritati evangelicæ contradicendo, *et indignos vos judicastis,* id est, facto perverso indignos monstrastis, *vitæ æternæ,* quæ est beatitudo vera per Christum reparata, *ecce convertimur ad gentes* instruendas et convertendas. Itaque Judæorum infidelitas, obstinatio, rebellio, fuit occasio instructionis, illuminationis

43

44

45

46

Matth. x, 6.

- salvationisque gentium. Propter quod ad A est ut sis mihi servus ad suscitandas tri-
- Rom.* XI, 11, Romanos scribit Apostolus : Delictum eo- bus Jacob, et fœces Israel convertendas ;
12. ram, salus est gentibus. Quod si delictum dedisti te in lucem gentibus, ut sis salus eorum divitiæ sunt mundi, et diminutio eorum divitiæ sunt gentium, quanto ma- mea usque ad extremum terræ.
47. *Sic enim præcepit nobis Dominus*, ut Judæis obstinatis relictis, procedamus ad gentes. Ad quod auctoritatem Isaïæ allegat : *Posui te in lucem gentibus*, id est, ad gentiliū illuminationem te ordinavi, *ut sis in salutem cunctis credentibus usque ad extremum terræ*, id est per omnes terminos mundi. Unde B est omnes prædestinati. His enim quos Deus omnipotens et sublimis ad vitam gloriæ ab æterno elegit, in sæculo isto de donis gratiæ misericorditer providet, atque de omnibus mediis ad consequendam beatitudinem requisitis : inter quæ primum ac fundamentum est fides catholica, quæ est oculus mentis ultimum finem ostendens, atque ad ejus adeptionem omnia dirigens. *Disseminabatur autem verbum Domini per universam regionem*, id est, evangelica prædicatio instar seminis per terram gentiliū spargebatur in cordibus hominum. Semen namque est C verbum Dei.
- Act.* IX, 4. pter ejusdem corporis unionem dixit, Saule, Saule, quid me persequeris ? Tanta enim est unio capitis et membrorum. Potest et aliter responderi, quod licet hæc verba de Christo pronuntientur ad litteram, quoniam tamen executioni mancipata non sunt nisi per prædicationem Apostolorum, ideo Apostoli congruenter ea de se dicta fatentur.
- Præterea, ut ista auctoritas clarius intelligatur, pensandum quod præfacto Isaïæ D capitulo, cum vaticinio illuminationis gentium, excæcatio Judæorum in Christi adventu apertissime prænuntiatur. Sic nempe Christus ait ibidem : Et nunc hæc dicit Dominus, formans me ex utero servum sibi, ut reducam Jacob ad eum ; et Israel non congregabitur. Quid enim est, Israel non congregabitur ? nisi, non convertetur, nec intra electorum ecclesiam colligetur. Deinde loquitur Christus : Et glorificatus sum in oculis Domini ; et dixit : Parum
- Audientes autem gentes suam salvationem prophetice prænuntiatam, gavisæ sunt, Deo gratias referentes ; et glorificaverunt*, id est, magnifice laudaverunt, reverenterque audierunt, *verbum Domini*, id est evangelicam prædicationem, seu Christum, qui est verbum, sermo et veritas Dei Patris. *Et crediderunt quotquot erant præordinati ad vitam æternam*, id est omnes prædestinati. His enim quos Deus omnipotens et sublimis ad vitam gloriæ ab æterno elegit, in sæculo isto de donis gratiæ misericorditer providet, atque de omnibus mediis ad consequendam beatitudinem requisitis : inter quæ primum ac fundamentum est fides catholica, quæ est oculus mentis ultimum finem ostendens, atque ad ejus adeptionem omnia dirigens. *Disseminabatur autem verbum Domini per universam regionem*, id est, evangelica prædicatio instar seminis per terram gentiliū spargebatur in cordibus hominum. Semen namque est Luc. VIII, 11. verbum Dei.
- Judæi autem, potissime principes synagogæ, concitaverunt*, id est, contra Apostolos provocaverunt, *mulieres religiosas et honestas, et primos*, puta rectores et nobiliores, *civitatis, et excitaverunt persecutionem in Paulum et Barnabam*. Mulieres istæ atque primarii urbis, videntur primo favisse Apostolis, sed per impiam informationem Judæorum sunt aversi. *Et ejecerunt eos de finibus suis. At illi excusso pulvere pedum in eos, venerunt Iconium*. Hoc Christus in Evangelio docuit faciendum, in testimonium sui laboris, et inexcusabilitatis illorum qui verbum Dei recipere abnuerunt. Iconium autem, secundum Bedam, est civitas celeberrima Lycaoniæ. Est quoque et alia in Cilicia.
- Discipuli quoque, id est credentes in Christum, replebantur gaudio spirituali interno, ex contemplatione amorosa bo-*

nitatis divinæ beneficiorumque ejus : imo in omni opere virtuoso gaudebant, quæ bona sunt delectabiliter peragentes. Signum enim virtutis perfecte inexistens, est delectatio operationi conjuncta. Insuper et in adversis cordialiter lætabantur, videntes se Christi passionibus communicare et conformari, in præsentī quoque sæculo adversitatibus exerceri, ut moris

est filiorum Dei. *Et Spiritu Sancto*, id est charismatibus ejus, in donis atque virtutibus quotidie proficientes. Quanto autem in primitiva Ecclesia tribulatio amplius abundavit, tanto hujusmodi gaudium magis necessarium fuit, ne imbecillitas mentis humanæ sub onere ruens deficeret. Unde et tunc munificentia Spiritus Sancti copiosius se diffudit.

ARTICULUS XIV

EXPOSITIO CAPITULI QUARTIDECIMI : FACTUM EST AUTEM IN ICONIO.

PROSEQUITUR S. Lucas processum apostolicæ prædicationis in urbe Iconio.

- 1 *Factum est autem in Iconio, ut simul introirent in synagogam Judæorum, et loquerentur Paulus et Barnabas existentibus in synagoga, ita ut crederet Judæorum et Græcorum, id est gentilium quorundam forte proselytorum, seu Judæorum ex Græcia, copiosa multitudo.* In quo fructus prædicationis hujus ostenditur, quæ variis miraculis divinitus confirmabatur. Qui vero increduli fuerunt Judæi, suscitaverunt ad iracundiam animas gentilium* adversus fratres, id est Christianos, præcipue contra Apostolos, asserendo quod novam et falsam sectam introducerent, et agerent contra Romanos. Dominus autem dedit cito pacem. Ipse enim ad nutum corda immutat, et quocumque voluerit vertit. Multo igitur tempore demorati sunt in urbe hac, fiducialiter agentes in Domino, id est, imperterrita mente evangelizantes, testimonium perhibente verbo gratiæ suæ, id est, ipso Domino attestante veritati evangelicæ prædicationis, in qua gratia et misericordia Dei maxime commendatur, docetur et continetur. Quomodo autem attestatus sit, subditur : dante Deo signa et prodigia fieri per manus eorum, id est per preces, virtutes et mi-

nisterium Pauli et Barnabæ. Hæc tamen miracula Lucas brevitati studens non recitat.

Divisa est autem multitudo civitatis, id est discors effecta; et quidam quidem erant cum Judæis, videlicet infideles, quidam vero cum Apostolis, scilicet conversi ab eis. Quum autem factus esset impetus, ex vehementia passionum, non ex ratione et æquitate procedens, gentilium et Judæorum incredulorum cum principibus suis, ut contumeliis afficerent et lapidarent eos, puta Apostolos; intelligentes Apostoli quod imminebat, confugerunt ad civitates Lycaoniæ, Lystram et Derben, etc. Non inordinate timendo, sed Christo obediendo hoc fecerunt. Nam dixit Salvator : Quum persecuti vos fuerint in una civitate, fugite in aliam.

Et quidam vir Lystris infirmus pedibus, sedebat, claudus ex utero matris suæ, qui nunquam ambulaverat. Nec potuit stare, sed portabatur, aut sustentaculis utebatur. Hic audivit Paulum loquentem, id est, prædicationem intente advertit. Qui Paulus intuitus eum oculo compassionis interno, et visu corporeo, et videns, id est, Spiritu Sancto revelante perpendens, quia fidem haberet ut salvus fieret, id est, quod verbis Pauli credebat,

PROV. XXI,

1.

Matth. x, 23.

et in nomine Christi se salvandum speraret, aut etiam corporaliter reformatum : talem et tantam fidem contulit ei Spiritus Sanctus, qui miraculum facere jam decrevit; *dixit magna voce*, ut signum mox futurum ad Christi gloriam audientiumque salutem cunctis pateret : *Surge super pedes tuos rectus*, ita ut nulla prioris defectuositatis in te signa remaneant. Porro, secundum Bedam, in Græco codice sic habetur : Tibi dico, in nomine Domini nostri Jesu Christi, surge super pedes tuos rectus. *Et exsilivit et ambulabat*, id est, protinus sine omni obstaculo celerrime consurrexit, et expedite incessit : quod fuit valde grande miraculum, soli Divinitati possibile.

Turbæ autem gentiles atque idololatræ, quum vidissent quod fecerat Paulus, levaverunt vocem suam, Lycaonice dicentes, videlicet juxta linguam maternam, quia Lystra civitas fuit provinciæ Lycaoniæ : Dii similes facti hominibus, id est, in humana effigie apparentes, *descenderunt ad nos de cælo* (quod est locus deorum, secundum illorum errores). Putabant quippe Paulum propria id potestate fecisse. *Et vocabant Barnabam Jovem*, eo quod prior et senior videbatur. Jovem enim regem deorum et patrem putabant. *Paulum vero Mercurium*, qui secundum vanitatem, Jovem comitabatur, *quoniam ipse erat dux verbi*, id est, in loquendo et proponendo verbum Dei habens primatum. Et quia Mercurius, secundum eorum perfidiam, eruditus et eloquens fuit in tantum ut deus eloquentiæ diceretur, Paulum ejus nomine exprimebant. *Sacerdos quoque Jovis, qui erat ante civitatem, audito rumore miraculi, tauros ad immolandum, et coronas ad imponendum eas capitibus Apostolorum, ad decorem eorum, vel ad templum ornandum, afferens ante januas templi, cum populis volebat sacrificare*, id est, hostias mactare et immolare Apostolis, tanquam immortalibus diis.

Quod ubi audierunt apostoli Paulus et Barnabas, conscissis tunicis suis, more

Judæorum, qui audita divinæ majestatis blasphemia, vestes scindere consueverunt zelo Dei, quasi ejus injuriam perpeti non valentes, et cordis sui dolorem monstrantes, *exsilierunt in turbas, clamantes et dicentes : Viri, quid hæc facitis ?* id est, cur nobis sacrificare disponitis ? Quo sancti Apostoli humiliores fuerunt, eo penalius fuit eis hoc factum, divinæ majestatis inhonorativum. *Et nos mortales sumus, similes vobis in natura specifica homines, annuntiantes vobis ab his vanis idolorum culturis, in quibus nec veritas est neque utilitas, et quæ a vera beatitudine seu ultimo hominis fine colentes impediunt, converti ad Deum vivum*, qui solus est vivens, et vita pura ac plena per suam essentiam. Dii autem quos colitis, mortui sunt et damnati, ut Jupiter, Mercurius, etc., qui homines scelerati fuerunt. *Qui fecit cælum et terram, et omnia quæ in eis sunt*. Cælum enim et terram per se ipsum immediate creavit : in quibus sunt multa quæ non sunt immediate a Deo secundum se tota creata, ut bruta ; originaliter tamen principaliterque a Deo fluxerunt, et prima materia universorum ab illo est immediate producta. *Qui in præteritis generationibus dimisit omnes gentes ingredi vias suas*, id est, universos gentiles in suis adinventionibus, erroribus et peccatis defluere ac perire. Nam usque ad Christi adventum, et prædicationem ejus ac discipulorum suorum, gentes communiter idolis serviebant, paucissimis interdum exceptis ; solique filii Israel vias Dei ambula-
verunt unum verum Deum colendo.

Et quidem non sine testimonio semetipsum reliquit, id est, bonitatem et divinitatem suam manifestare, seque Deum esse testari per varia beneficia non cessavit, *benefaciens*, totum universum conservando in esse et gubernando, *de cælo aërio dans pluvias et tempora fructifera, æstatem et ver, implens cibo et lætitia corda vestra*. Omnia enim dona naturæ et bona fortunæ, beneficia sunt summi

14

15

16

Dei : ejus unitas, majestas ac divinitas, A per universi gubernationem, temporum distinctionem, cœlestium motionem, inferiorum moderationem ac provisionem, ipsis quoque philosophis innotuerunt. Naturalis autem delectatio quæ ex conjunctione potentiæ cum convenienti objecto causatur, a Deo principaliter derivatur, qui institutor est ordinis et cohabitudinis rerum. Corda vero, id est mentes, non implentur cibo corporeo, nisi quoad desiderii actuationem.

17 *Et hæc dicentes, rix sedaverunt turbas ne sibi immolarent, propter magnitudinem rei gestæ, et quia ad idololatriam pronæ fuerunt. Hoc de sacerdote Jovis non specificatur, qui forte deum suum reprobari invite et indignanter audivit.*

18 *Supervenerunt autem quidam ab Antiochia Pisidiæ, quæ fuit huic urbi vicinior quam Antiochia Syriæ, et Iconio Judæi increduli; et persuasis turbis civitatis Lystræ, lapidantesque Paulum : unde et*

II Cor. xi, 23.

ipse scribit, Semel lapidatus sum; *traxerunt extra civitatem tanquam sepultura indignum, et ut vile cadaver, existimantes eum mortuum esse, quia signa vitæ non apparebant in eo tam graviter vulnerato: mortuusque fuisset, nisi divina fuisset potestate mirabiliter præservatus.*

19 *Circumdantibus autem eum discipulis, quasi plangerent mortuum, et ne a Judæis vivere perciperetur, surgens intravit civitatem Lystram occulte, quia divina virtute fuit sanatus seu confortatus: aliter proficisci non potuisset; et postera die profectus est cum Barnaba in Derben*

20 *Lycaoniæ urbem.*

21 *Quumque evangelizassent civitati illi, et docuissent multos, reversi sunt Lystram, et Iconium, et Antiochiam Pisidiæ, urbes in quibus jam antea prædicaverunt, confirmantes animas discipulorum sermonibus optimis, exhortantesque ut permanerent in fide, tanquam in fundamento virtutum spiritualisque vitæ, quo sublato, tota corruiet machina spiritualis in anima, et quoniam per multas tribu-*

lationes a mundo, a dæmonibus, a propria carne, et improba voluntate, oportet nos intrare in regnum cælorum.* De exilio enim non venit ad patriam nisi per diversos labores. Quotidiana quoque nostra peccata, castigationem Dei paternam requirunt. Caro etiam adversatur spiritui; et quo magis proficere cupimus et conamur, eo invisibiles hostes gravius nobis insistunt. Denique, non est servus major domino suo. Si ergo oportuit Christum pati, et ita intrare in gloriam suam,

* Dei

Galat. v, 17.

Joann. xiii, 16.
Luc. xxiv, 26.

B quomodo nos servi ejus vilissimi, sine tribulationibus optamus salvari? Itaque, qui se dicit in Christo manere, debet sicut ille ambulavit, et ipse ambulare. Qui enim nunc compatitur Christo, conglorificabitur post eum. Hinc ait Psalmista: Multæ tribulationes justorum; et item, Transivimus per ignem et aquam. Hinc areta dicitur via quæ ducit ad vitam. Væ filiis sæculi, amatoribus hujus mundi, qui cuncta quæ carni mollia sunt, quærunt; qui nullam volunt ferre injuriam, nil perpeti propter Christum; qui instar brutorum passiones concupiscentiasque sequuntur. Ideo dicit Salvator: Qui vult venire post me, tollat crucem suam quotidie, et sequatur me; et Apostolus, Non coronatur, nisi qui legitime certaverit. Ubi ideo jam illi, qui tempus juventutis ac sanitatis in vitiis expendeantes, spem stultam sibi confingunt quod in senio seu languore pœnitentiam sint acturi?

I Joann. ii, 6.

Rom. viii, 17.

Ps. xxxiii, 20.
Ps. lxxv, 12.

Matth. vii, 14.

Luc. ix, 23.

II Tim. ii, 5.

22 *Et quum constituissent illis discipulis per universas ecclesias presbyteros, id est episcopos, secundum quosdam. In primitiva namque Ecclesia non fuit inter istos distinctio, et frequenter eodem nomine censebantur: quod ex verbis ad Titum habitis, facile est pensare. Quum enim dixisset ad Titum, Constituas per singulas civitates presbyteros, et quales debeant esse presbyteri, subdens, paulo post ait: Oportet enim episcopum sine crimine esse. Similiter ad Timotheum, post episcopi descriptionem mox ad diaconos se convertit. Similiter ad Philip-*

Tit. i, 5, 6.

Ibid. 7.

ITim. iii, 1-7, 8-10.

Philipp. 1. ^{1.} *penses, in exordio : Cum episcopis, inquit, A* *pleverunt, id est ad prædicationem et*
et diaconibus. Et orassent cum jejunatio- *apostolatus officium, ut dictum est supra.*
nibus, commendaverunt eos Domino, in *Quum autem venissent Antiochiam, 26*
quem crediderunt, qui solus est princi- *et congregassent Ecclesiam, narraverunt*
palis conservator et custos. Transeuntes- *quanta fecisset Deus cum illis, id est,*
que Pisidiam, venerunt in Pamphylia, *quantam dedisset eis virtutem et gratiam*
provinciam Asiæ; et loquentes verbum *in conversione gentilium et Judæorum*
Domini in Perge, civitate Pamphyliae, de- *quorundam, quia aperuisset gentibus os-*
scenderunt in Attaliam, quæ secundum *tium fidei, id est, fidem, quæ est janua*
Bedam, est civitas Pamphyliae maritima; *ad cetera dona, gentibus infudisset. Mo-* *27*
et inde navigaverunt Antiochiam Syriæ, *rati sunt autem tempus non modicum*
unde erant traditi gratiæ Dei, id est *cum discipulis in Antiochia. Hæc autem*
ab aliis sanctis ibidem exhibitis operibus B *ad Dei gloriam et audientium spiritualem*
gratiæ Spiritus Sancti, in opus quod com- *exhilarationem Ecclesiæ retulerunt.*

ARTICULUS XV

EXPOSITIO CAPITULI QUINTIDECIMI : ET QUIDAM DESCENDENTES DE JUDÆA.

CONSEQUENTER ardua quædam quæ-
¹ *stio determinatur, quæ in primitiva C* *a Christo jubentur, suntque de naturalis*
Ecclesia multos sollicitavit. Et quidam *dictamine rationis : propter quod ad eo-*
descendentes de Judæa, præsertim de Je- *rum custodiam omnes tenentur. Statu-*
rusalem : erantque isti Judæi de secta *erunt, id est, omnes ibi fideles concor-*
Pharisæorum ad Christum conversi, ut *diter ordinaverunt, ut ascenderent Paulus*
infra habetur ; docebant fratres, id est *et Barnabas, et quidam alii ex aliis, id*
Christianos in Antiochia consistentes, de *est aliqui de parte adversa, ad Apostolos*
gentilitate conversos : Quia nisi circum- *et presbyteros, id est sacerdotes seu se-*
*cidamini secundum legem * Moysis, non* *niores, in Jerusalem super hac quæstio-*
potestis salvi fieri, id est, observatio legis *ne, ad solutionem ipsius habendam. Et*
evangelicæ, sine custodia legis Mosaicæ, *in hoc juxta legis dogma sapienter fe-*
et circumcisionis potissime, non sufficit *cerunt. In Deuteronomio enim legitur : Si* *Deut. xvii,*
vobis ad salutem. Non enim solam cir- *difficile et ambiguum apud te judicium 8, 9.*
cumcisionem, sed cetera quoque legalia, *esse perspexeris, etc., venies ad sacer-*
voluerunt a conversis gentilibus observa- *dotes, et illi indicabunt tibi judicii ve-*
ri : eademque ratio est de circumcisione *ritatem.*
et ceteris. Propter quod ad Galatas ait *De hac re scribit ad Galatas sanctus*
Apostolus : Testificor omni homini cir- *Apostolus : Deinde post annos quatuorde-* *Galat. ii,*
cumcidenti se, quia debitor est universæ *cim ascendi Jerosolymam cum Barnaba, 1, 2.*
legis servandæ. *assumpto et Tito ; et contuli cum illis*
² *Facta ergo seditione non minima Pau-* *evangelium quod prædico in gentibus.*
lo et Barnabæ adversus illos. Paulus enim *Circa quod oritur quæstio. Nam dictum*
et Barnabas docuerunt oppositum, nec *est supra, jussum fuisse Apostolis ut duo-* *Cf. art. xiii,*
gentes a se conversas ad legalia induxe- *decim annis in Judæa prædicarent : quo-* *vers. 3.*

modo ergo quartodecimo anno conversionis Pauli, quidam eorum in Jerusalem sunt inventi? Ad quod respondet Scholastica historia, quod tertio decimo anno exire cœperunt; non statim tamen in toto reliquerunt Judæam. Beda quoque hic ait: Scimus Petrum et Paulum apostolos anno post Domini passionem tricesimo octavo, id est ultimo Neronis anno, passos martyrium. Tamen in Scholastica historia fertur id tricesimo nono anno peractum. Forte liber expositionis Bedæ, quem vidi, non fuit correctus. Petrus autem viginti quinque annis in cathedra episcopali sedit Romæ. Ex quibus colligitur, quia eodem anno quo Paulus nunc scribitur ascendisse Jerusalem, Petrus quoque ascenderit Romam: quo pergens, transivit per Antiochiam, ut confirmaret subditos suos, quibus jam ante præfuit septem annis quibus in Antiochena sede resedit; et in hoc transitu per Antiochiam restitit ei Paulus, quoniam discernebat cibos. Unde ad Galatas loquitur Paulus: Quum venisset Cephas Antiochiam, in faciem restiti ei.

Galat. II,
11.

3 Illi ergo, videlicet Paulus et Barnabas, deducti ab Ecclesia Antiochena: aliqui enim fidelium loci illius ad spatium pergebant cum eis; venerunt Phœnicen et Samariam, id est ad has regiones Terræ sanctæ, narrantes ad gloriam Dei conversionem gentium; et faciebant gaudium magnum omnibus fratribus, qui tanquam veraciter caritativi, de proximorum sicut de propria gloriabantur salute, præsertim quod Christi passionem sic fructificare D cernebant.

4 Quum autem venissent Jerosolymam, suscepti sunt ab Ecclesia, et ab Apostolis et senioribus qui præfuerunt Ecclesiæ illi, et maxime a Jacobo tunc ibi antistite.

Ibid. 9. Denique sicut ad Galatas habetur, Petrus, Jacobus, et Joannes tunc erant ibidem. Annuntiantes quanta fecisset Deus cum

Act. XIV, 26. illis: sicut in fine præcedentis capituli dictum est atque expositum. Unde quum aliquis quemdam aut quosdam convertit,

A non suæ id adscribat virtuti, sed gratiæ Dei; nec in se, sed in Domino gloriatur: 1 Cor. I, 31. quia revera grande est beneficium Dei, quod unum hominem sibi facit cooperatorem in conversione aut salvatione alterius. Surrexerunt autem quidam de hæresi Phariseorum, qui crediderant. Isti Pharisei credentes, dicuntur de hæresi Phariseorum: vel quia de illorum secta ante conversionem fuerunt, sicut et Paulus; vel quia legalia cum Evangelio pertinaciter observanda dicentes, non catho- Act. XXIII, 6. lici, sed hæretici exstiterunt. Dicentes: Quia oportet circumcidi eos, id est gentiles conversos, præcipere quoque Apostolos et prædicatores sive prælatos inferioribus istis, et cunctis ad Christum conversis sibi commissis, servare legem Moysis, non solum quoad præcepta moralia, sed etiam cærimonialia ac judicialia.

Conveneruntque Apostoli et seniores videre oculis mentis, id est considerare et determinare, de verbo hoc. Quum autem magna conquisitio fieret pro utraque parte, variis argumentis adductis, surgens Petrus, dixit ad eos. Propter reverentiam tam venerandi ac sancti conventus, præsertim Jacobi apostoli atque episcopi ibi tunc præsentis, et item ut melius inter tot audiretur, surrexit Archiapostolus: in quo et humilitatis reliquit exemplum.

Viri fratres, vos scitis quoniam ab antiquis diebus, id est ante multos annos, videlicet non diu post Christi ascensionem atque Paraleti missionem, in nobis elegit Deus per os meum gentes audire verbum Evangelii et credere, id est, me primo Deus destinavit ad prædicandum evangelicam legem gentilibus, puta Cornelio centurioni et suis, quibus et per me fidem gratiamque infudit. Et qui corda novit Deus, id est Deus infallibilis judex, cordium humanorum inspector, testimonium perhibuit illos sibi placere, et me secundum ejus beneplacitum illis prædicare, dans illis Spiritum Sanctum in signo visibili sive sensibili, etiam antequam baptizarentur, sicut et nobis dedit Ibid. x. 8 Ibid. 44-48. Ibid. II, 1-4.

- 9 in die Pentecostes; *et nihil discrevit inter nos circumcisos ex Judaismo credentes, et illos ex gentilitate conversos, fide formata, quæ per dilectionem operatur, purificans corda eorum*, non observantiis legis, quia credendo, non legem servando, meruerunt accipere Spiritum Sanctum. Justus enim ex fide vivit. Et per fidem habitat Christus in nobis : qui in Evangelio ait frequenter, Fides tua te salvum fecit. Nam fide error et ignorantia intellectus repellitur, oculus mentis in ultimum finem dirigitur, vis intellectiva in captivitatem se redigit, et Deo perfecte se subjicit, assentiendo seu adhærendo his quæ comprehendere nequit, propter auctoritatem et reverentiam primæ et inviolabilis veritatis.
- 10 *Nunc ergo quid tentatis Deum*, id est, cur laboratis divinæ dispositioni resistere, et aliter quam ipse jussit peragere, utpote *imponere jugum*, id est onus observationis legalium, *super cervices*, id est vires operativas, *discipulorum*, id est Christianorum, præsertim gentilium conversorum, *quod neque nos, neque patres nostri portare potuimus*, propter multitudinem præceptorum legis et eorundem rigorem? Ut enim asserit Rabbi Moyses, tot erant præcepta in lege, quot ossa sunt in homine. Verum quum certum sit Deum impossibile non jubere (dicente Hieronymo in Expositione fidei catholicæ : Anathema sit qui dicit Deum aliquid impossibile præcepisse), onus præceptorum legalium importabile fuisse Judæis asseritur, non quia simpliciter observare non poterant, sed quia difficillimum fuit universa servare. Sicque patres legis dicuntur ea non potuisse implere, ob difficultatem, non ob absolutam impossibilitatem. Unde nonnulli eorum ea servasse noscuntur, sic-
ut de Josue scriptum est : Non præterivit Josue de universis mandatis Domini, ne unum quidem verbum, quæ præcepit Moysi.
- 11 *Sed per gratiam Domini nostri Jesu Christi credimus salvari*. Hoc verum est,
- A sive gratia accipiat pro habitu gratiæ gratum facientis, sive pro quocumque gratioso auxilio Christi, sive pro virtute et merito passionis ipsius. Meritum enim, virtus et gratia Christi passionisque ejus, nobis per sacramenta Ecclesiæ applicatur; et quidquid virtutis, salutis aut meriti in nobis consistit, per meritum Christi nobis impenditur. Propter quod scriptum est : Lex per Moysen data est, gratia et veritas per Jesum Christum facta est. De quo apud Isaiam fertur : Dominus posuit
B in eo iniquitatem omnium nostrum, cujus livore sanati sumus. Hinc subditur : *quemadmodum et illi*, videlicet patres nostri, patres veteris Testamenti : qui omnes per adventum ac opem, passionem et meritum regis Messiæ salvari sperabant, erantque ei per fidem, caritatem et spem cuncti. Unde et Abraham ante circumcisionem placuit Deo per fidem. Nec tamen quisquam illorum, sine Christi passione et merito, ab originalis peccati reatu quivit salvari, aut patriam ingredi. Hinc et in
C Genesi Jacob patriarcha fatetur : Salutare tuum exspectabo, Domine.
- Tacuit autem omnis multitudo*. Etenim in tam ponderoso tractatu non decuit quempiam leviter loqui, aut tanti Apostoli interrumpere verba, secundum quod in Ecclesiastico legitur : In medio seniorum ne adjicias loqui; itemque, Audi tacens, et pro reverentia accedet tibi bona gratia. *Et audiebant Barnabam et Paulum narrantes quanta fecisset Deus signa et prodigia in gentibus per eos*. Per quæ verba argumentatio S. Petri confirmabatur. Non enim inter gentiles Deus mirabilia illa fecisset, nisi et Apostolorum istorum prædicationem, et illorum conversionem acceptasset.
- Consequenter inducitur definitiva sententia Jacobi Jerosolymitarum episcopi, qui pontificali auctoritate habuit determinationem proferre. *Et postquam tacerunt, respondit Jacobus*. Unde in tractatibus conciliativis, nullus debet præcipitanter quid loqui, aut judicium usurpare.

Viri fratres, audite me. Quam breve facit A
 praeambulum! contra eos qui te liosa pro-
 14 lilitate verba multiplicant. *Simon nar-*
ravit quendammodum Deus primo visi-
tarit, id est, gratiose dignatus est, *sumere*
ex gentibus populum nomini suo, id est
 15 *ad sui ipsius gloriam quosdam ex genti-*
bus ad fidem convertere. *Et huc concor-*
dant verba Prophetarum, quorum multi
 de gentium illuminatione vaticinati sciun-
 tur, potissime Isaias, Osee quoque, et Da-
 16 niel, *sicut scriptum est per Amos*: *Post*
hæc revertar, et reedificabo tabernacu-
 17 *lum David quod cecidit, et diruta ejus*
reedificabo, et erigam illud, ut requirant
ceteri hominum Dominum, et omnes gen-
tes super quas invocatum est nomen me-
um, dicit Dominus faciens hæc. Hanc
 autem scripturam allegat Lucas secun-
 dum translationem Septuaginta interpre-
 tum. Nostra vero translatio habet sic:
 In die illo suscitabo tabernaculum David
 quod cecidit, et reedificabo aperturas mu-
 rorum ejus, et ea quæ corruerant instau-
 rabo, et reedificabo illud sicut in diebus
 antiquis, ut possideant reliquias Idumææ
 et omnes nationes, eo quod invocatum sit
 nomen meum super eos, dicit Dominus
 faciens hæc.

Itaque sensus est: *Post hæc*, id est post
 Israeliticæ plebis dispersionem per omnes
 gentes, seu legis Mosaicæ cursum, *rever-*
tar, per multiplicis gratiæ meæ effectum,
 post unigeniti Filii mei missionem in
 mundum, *et reedificabo* in fide, mori-
 bus, sacramentis, virtutibus, *tabernacu-*
lum David, id est Ecclesiam Christi, *quod*
cecidit per vitia et errores, præsertim per
 idololatriam ante legem et sub lege. Ita-
 que per Ecclesiam Christi, hoc loco desi-
 gnatur universitas fidelium, a principio
 mundi usque ad finem ipsius: de qua in
 1. *Matth. xx,* Evangelio dicitur, Simile est regnum cœ-
 lorum homini patrifamilias, qui exiit pri-
 mo mane conducere operarios in vineam
 suam: ubi per primum mane, prima mun-
 di ætas innuitur. Porro, quod per David
 intelligatur Christus ad litteram, patet in

diversis locis Scripturæ, videlicet in Jere-
 mia: *Servient Domino Deo suo, et David re-*
 gi suo: in Ezechiele, *Ego ero eis in Deum,*
 et servus meus David princeps eorum. *Et*
diruta ejus, id est per transgressionem
 legis naturalis et scriptæ destructa atque
 divisa, *reedificabo*, omnes gentes in ec-
 25 *clesiastica unitate colligendo, et erigam il-*
lud, id est, ad cœlestia elevabo, et multis
 miraculis beneficiisque præclaris honora-
 bo, *ut requirant ceteri hominum Domi-*
 num, id est, gentiles quoque ista cernen-
 B *tes, convertantur ad Christum, et, pro id*
est, omnes gentes super quas invocatum
est nomen meum, quæ post conversionem
 suam me super se invocaverunt, et pro
 quarum conversione sancti patres me ora-
 verunt.

Notum a sæculo est Domino opus ejus, 48
 id est, æternaliter ei innotuit quidquid in
 tempore facit, et quod de gentium con-
 versione operari decrevit, juxta illud Ec-
 49 *clesiastici*: *Domino Deo antequam crea-*
rentur, omnia sunt cognita. Propter quod
 C *ego judico*, tanquam episcopus, *non in-*
quietari eos qui ex gentibus convertun-
tur ad Deum, id est gentiles conversos
 non esse turbandos, seu aggravandos per
 obligationem ad servanda legalia, *sed scri-*
 20 *bere ad eos ut abstineant se a contami-*
nationibus simulacrorum, id est a cultura
 deorum, quibus anima non mundatur, sed
 maculatur. Vel contaminationes simula-
 crorum vocantur comestiones idolothyto-
 rum, videlicet sacrificiorum idolis obla-
 torum: quod fuit in lege prohibitum. *Et*
 D *fornicatione*: quam gentiles reputabant
 opus naturale ac licitum; *et suffocato*, id
 est esu ejuscumque animalis per suffo-
 cationem occisi, *et sanguine*, id est san-
 guinis effusione, vel manducatione cum
 sanguine. Horum quatuor, tria sunt ad
 cærimonialia legis spectantia, scilicet pri-
 mum, tertium, quartum: quæ idcirco Apo-
 stoli gentibus præceperunt, quatenus cum
 Judæis conversis concorditer coalescerent
 ac socialiter viverent: sicut frequenter
 in societate plurimorum ex diversis na-

Is. xxxv,
 xlix, iv, etc;
 Osee ii;
 Dan. ii, 44;
 vii, 14;
 Amos ix,
 11, 12.

Jer. xxx, 9.
 Ezech.
 xxxiv, 24;
 xxxvii, 23-
 25.

Eccli. xxiii,
 29.

20

Exod.
 xxxiv, 15;
 Deut. xii,
 25, 26.

tionibus collectorum, aliqua ordinantur A pro pace communi ad tempus. Postmodum vero evangelicæ legis veritate plenius elucidata, cessavit observatio horum trium : quia ut ait Salvator, Non quod intrat in os, coinquinat hominem. Omnis quoque creatura Dei, bona; nihilque rejiciendum, quod cum gratiarum actione sumitur : sanctificatur enim per verbum Dei et orationem.

21 *Moses enim a temporibus antiquis habet in singulis civitatibus, qui eum, id est Scripturas et libros ejus, prædicent in synagogis, ubi per omne sabbatum legitur.* Hoc intelligendum est de urbibus Judææ, et aliquarum terrarum in quibus dispersi fuerunt Judæi, ubi a tempore suæ dispersionis libros legis habuerunt atque legerunt : qui etiam ad Christum conversi, non protinus legalia omiserunt in toto, sed paulatim, quousque Evangelio divulgato, determinavit Ecclesia legalia omit- tendam.

22 *Tunc placuit Apostolis et senioribus cum omni Ecclesia Jerosolymitana, eligere viros ex eis, et mittere eos Antiochiam cum Paulo et Barnaba : omnes enim concorditer verbis Petri et Jacobi consenserunt.* Deinde viri illi electi exprimuntur : *Judam, qui cognominabatur Barsabas, et Silam, viros primos in fratribus, id est post Apostolos inter notabiliores seu eminentiores, in quibus dona gratiæ clarius emicabant.* Supra quoque dictum est, quod *Joseph cum Matthia constitutus, ut unus eorum apostolus fieret, cognominatus sit Barsabas, quod interpretatur filius quietis.* Et forte ab excellentia hujus perfectionis, seu gratiæ contemplationis, sic vocatus est Judas iste. *Scribentes, id est, scriptam epistolam dirigentes, per manus eorum, videlicet Judæ atque Silæ, non Pauli ac Barnabæ, qui in hac causa pars fuerunt :*

Apostoli et seniores fratres, his qui sunt Antiochiæ et Syriæ et Ciliciæ fratribus ex gentibus, id est de gentilitate conversis, salutem, id est, veram beatitu-

dinem optant. Porro Syria, quæ ab Hebræis Aram dicitur, regio est inter Euphraten et mare Mediterraneum, usque ad Ægyptum pertingens, et maximas habet provincias. Cilicia quoque nomen est provinciæ Asiæ. Nam et Paulus de Tarso urbe Ciliciæ fuit. *Quoniam audivimus quod quidam ex nobis exeuntes, videlicet Pharisei præfati credentes, turbaverunt vos verbis, evertentes animas vestras a tranquillitate et sinceritate evangelicæ conversationis, quibus non mandavimus ut ita docerent legalia observanda ; placuit nobis collectis in unum corporaliter ac spiritualiter : quia de communi sensu acta sunt hæc, imo et de Christi inspiratione, qui ait : Ubi fuerint duo vel tres congregati in nomine meo, ibi sum in medio eorum ; eligere viros, videlicet Judam et Silam, et mittere ad vos cum carissimis nostris Barnaba et Paulo, hominibus qui tradiderunt animas suas, id est, mortis periculis exposuerunt, diversis laboribus mancipaverunt, pro nomine Domini nostri Jesu Christi, id est ex ejus amore, pro catholica veritate, ad ipsius honorem.* Misimus ergo Judam et Silam, qui et ipsi vobis eadem verbis referent, quæ in epistola continentur, ut sitis certissimi de nostra responsione, verbis et scriptis instructi.

Visum est enim, id est, bonum apparuit seu placuit, Spiritui Sancto, qui infallibilis est magister, et arbiter suæ potestatis existens, ubi vult spirat, et ea quæ vult loquitur, et nobis, Spiritus Sancti illuminatione edoctis, non sensum humanum sequentibus, nihil ultra vobis imponere oneris, id est observantiæ legalis, quam hæc necessaria, observanda propter causas præactas : Ut abstineatis ab immolatis simulacrorum, et sanguine, et suffocato : quæ verba jam exposita sunt ; et fornicatione : quod non ad cærimonialia, sed moralia spectat præcepta. Nec dubium quin Paulus et Barnabas de fornicatione id ipsum docuerint : ab Apostolis tamen repetitur, ut a gentibus fortius ob-

Matth. xv, 11.

1 Tim. iv, 4, 5.

Act. xxii, 3.

Matth. xviii, 20.

Act. i, 23.

Joann. iii, 8.

servetur. *A quibus custodientes eos, bene agitis*, id est, meritorie, juste et obedienter vivetis, simul et alia a Christo tradita adimplentes. [*Valete.*]

30 *Illi ergo dimissi* ab Ecclesia Jerosolymitana, *descenderunt Antiochiam. Et congregata multitudo* conversorum ibidem
31 *fidelium, tradiderunt epistolam. Quam* quum legissent, *garisi sunt* gentiles conversi *super consolatione*, id est de consolatoria ista epistola, per quam a legalium
32 *jugo exonerabantur. Judas autem et Silas, et ipsi quum essent prophetae*: spiritu enim fulserunt prophetico, et apostolica perfectionis viri fuerunt; *verbo plurimum consolati sunt fratres, et confirmaverunt* in fide atque virtutibus. Saluberrima enim documenta, et Scripturarum allegationes, cum finali remuneratione justorum ac impiorum, proposuerunt: quibus auditis fratres conversi in bonis actibus roborabantur, id est, in mundi contemptu, et Divinitatis amore creverunt.

33 *Facto autem ibi aliquanto tempore, dimissi sunt cum pace* ab Antiochia *a fratribus* illius urbis *ad eos qui miserant illos*, scilicet qui in Jerusalem erant. Hoc tamen de Sila accipiendum non est, quia
34 cum Paulo remansit: nam sequitur, *Visum est autem Silae ibi remanere. Judas autem solus abiit Jerusalem. Paulus autem et Barnabas demorabantur Antiochiæ.* Tuncque impletum fuit quod ait
35 *Paulus*: Quum venisset Cephæ Antiochiam, in faciem restiti ei. *Docentes et evangelizantes cum aliis pluribus viris sanctis* in Antiochia existentibus, *verbum Domini.* Verum quod dictum est, *Visum est autem Silae*, usque ad id, Paulus autem et Barnabas, non est de textu, nec habetur in Græco, neque in libris correctis; sed olim glossaliter additum, insertum est textui.

36 *Post aliquot autem dies, dixit ad Barnabam Paulus*: *Revertentes visitemus fratres per universas civitates in quibus prædicavimus verbum Domini, quomodo se habeant*, id est, redeuntes ad eos, videamus qualiter stent in fide ceteris-

A que virtutibus. In quo patet quanta fuerit in Paulo omnium sollicitudo Ecclesiarum. *Barnabas autem volebat secum assumere Joannem qui cognominabatur Marcus*: de quo dictum est sæpe. *Paulus autem rogabat eum, scilicet Barnabam, ut qui Joannes discessisset ab eis de Pamphylia, sicut supra jam dictum est, et non isset cum eis in opus*, id est, opus Dei viriliter aggressus non fuit, videlicet prædicationis officium, seu persecutionis periculum: siquidem timore imminentium periculorum abscessisse videtur: *non debere recipi eum in comitatu*, ne rursus deficiens, alios suo scandalizaret pavore. Prædicantes etenim verbum Dei, potissime inter infideles, stabiles esse debent, imperterriti, et pro fide seu æquitate mori parati.

Facta est autem dissensio inter Paulum et Barnabam. Ista dissensio non fuit vitiosa, sed potius a Spiritu Sancto, ut sancti viri ab invicem separati, majorem fructum prædicando producerent, dum in pluribus locis ac gentibus verbum disseminarent. Uterque etiam ex rationabili movebatur motivo, nec quidquam proprii commodi quispiam eorum quærebat, sed bonum commune: nec enim ex impatientia aut simili passione, sed ratione dictante separabantur. Unde secundum doctores, paci atque concordiae aliquando non repugnat, quod aliqui in duobus discordant, dummodo in uno tertio sint concordēs. Et sic fuit in isto. Nam et Paulus et Barnabas concordabant in hoc, ut id fieret quod fuit magis pro Dei honore, et evangelicæ prædicationis profectu. *Ita ut discederent ab invicem, et Barnabas quidem assumpto Marco, navigaret Cyprum*, de qua fuerat natus. Dicit autem hoc loco Scholastica historia: Ex eo quod Barnabas noluit Marcum dimittere, perpenditur fuisse ejus cognatus: leguntur enim fuisse consobrini, juxta illud ad Colossenses, *Salutat vos Aristarchus, et Marcus consobrinus Barnabæ.*

Paulus autem, electo Sila in adiutorem et comitem, profectus est ab Antiochia,

41 *traditus, id est oblatus seu commissus, a* deles quoscumque invenit, *præcipiens eos*
gratiæ Dei, tanquam fortissimo adjutorio *custodire præcepta Apostolorum et senio-*
sine quo nihil valebat, a fratribus Antio- *rum, qui in Jerusalem erant, et aliqua*
tibus. Perambulabat autem Syriam et *pro fidelium salute instituerunt servan-*
Ciliciam, confirmandas Ecclesias, id est fi- *da, sicut in præsentī capitulo de quatuor* vers. 29.
punctis inductum est.

ARTICULUS XVI

EXPOSITIO CAPITULI SEXTIDECIMI : PERVENIT AUTEM IN DERBEN ET LYSTRAM.

1 **A** B hoc loco usque in finem voluminis, B incircumcisis iret et prædicaret cum Pau-
 1 **A** prosequitur S. Lucas prædicationes, lo. Illa autem circumcisio, quamvis non
 actus atque miracula Pauli apostoli. *Per-* fuit necessaria, tamen licita fuit, ad re-
venit autem Paulus cum Sila in Derben movendum scandalum pusillorum. Legalia
et Lystram, civitates provinciæ Lycaoniæ. enim tunc ad tempus poterant a Judæis
Et ecce discipulus quidam erat ibi, scili- conversis servari, dummodo spem in illis
cet in Lystris, nomine Timotheus, jam non ponerent; paulatimque, non subito,
christianus effectus; filius mulieris vi- erant tollenda, et quasi cum honore ma-
duæ, nam pater ejus fuit tunc mortuus, ter Synagoga sepelienda. *Sciebant enim*
fidelis, quia natione fuit Judæa, religione *omnes quod pater ejus gentilis erat. Id-*
 vero christiana, quemadmodum ad eum-
 2 *dem Timotheum scribit Apostolus : Re-* eoque is ut ethnicus, non permisit suum
 2 *cordationem, inquiens, accipiens fidei quæ* C innotuit.
est in te non ficta, quæ et habitavit pri-
imum in avia tua Loide, et matre tua Eu-
nice. Patre gentili. Pater enim ipsius fuit
gentilis. Judæi namque dispersi, vicissim
 3 *cum alienigenis contraxerunt. Huic, ut-*
 3 *pote Timotheo, testimonium bonum per-*
 3 *reddebant hibeant* qui in Lystris erant et Iconio*
 3 *fratres, id est in urbibus illis.*
 3 *Hunc voluit Paulus secum proficisci. Vi-*
 3 *dit enim quod idoneus esset et aliis præ-*
 3 *sidere ac prædicare, magnumque secum*
 3 *fructum afferre. Veruntamen in Scho-* D virtutibus, principaliter a Spiritu Sancto,
 3 *lastica fertur historia, quod primo fecit* ministerialiter vero ab Apostolis adjuto-
 3 *eum episcopum fidelium in Lystris ma-* ribusque ipsorum, *et abundabant numero*
 3 *nentium, postea duxerit eum secum. Et* *quotidie, ita quod omni die plures con-*
 3 *assumens circumcidit eum propter Ju-* vertebantur ad fidem.
 3 *dæos qui erant in illis locis, ne scanda-*
 3 *lizarentur, habendo episcopum non cir-*
 3 *cumcicum, seu intuendo quod Judæus*

4 *Quum autem pertransirent civitates*
 4 *Paulus, Silas et Timotheus, tradebant eis,*
 4 *id est, Christianis in urbibus illis moran-*
 4 *tibus commiserunt, dogmata quæ erant*
 4 *decreta servari ab Apostolis et senioribus*
 4 *qui erant Jerosolymis : qui tanquam prin-*
 4 *cipalissimi, ceteris certa documenta ser-*
 4 *vanda sanxerunt ac insinuaverunt. Et Ec-*
 4 *clesiæ quidem particulares per diversas*
 4 *provincias confirmabantur in fide, quæ*
 4 *tunc prænecessaria fuit, imo et cunctis*
 4 *D virtutibus, principaliter a Spiritu Sancto,*
 4 *ministerialiter vero ab Apostolis adjuto-*
 4 *ribusque ipsorum, et abundabant numero*
 4 *quotidie, ita quod omni die plures con-*
 4 *vertebantur ad fidem.*
 4 *Transeuntes autem Phrygiam, provin-*
 4 *ciam Asiæ, et Galatiæ regionem etiam*
 4 *Asiæ. Dicitque Beda : Galatia, provincia*

Asiæ, a Gallis vocabulum trahens, qui in auxilium a rege Bithyniæ evocati, regnum cum eo facta victoria diviserunt; et ita deinde Græcis admixti, primo Gallogræci, postea Galatæ sunt vocati. *Veliti*, id est prohibiti, *sunt a Spiritu Sancto* per revelationem internam, seu alio modo, *loqui verbum Dei in Asia*. Cur hoc? Forte quia Spiritus Sanctus prævidit Asianos tunc non credituros, ideo ne gravius caderent, prohibuit eis prædicari; vel quia alteri Apostolo, puta Joanni, hanc instruendam servavit provinciam. *Quum venissent autem in Mysiam*, quæ est provincia Asiæ, et nunc Colis* vocatur. Est autem et altera ejusdem nominis in Europa Mysia superior, quæ nunc Bosna* vocatur, et inferior, quæ Bulgaria, ubi Danubius in Euxinum pontum influit. *Tentabant ire in Bithyniam*. Bithynia est nomen provinciæ Asiæ minoris, et item civitatis in ea. *Et non permisit eos Spiritus Jesu* illuc ire ad prædicandum, eisdem rationibus quæ de præcedenti prohibitione sunt assignatæ. Nam et Lucas post in Bithynia prædicavit. Porro Spiritus Jesu, est Spiritus Sanctus, de quo ait Apostolus: Si quis Spiritum Christi non habet, hic non est ejus. Appellaturque demum Spiritus Sanctus, Spiritus Jesu seu Christi, quia ab ipso secundum suam divinam naturam procedit, atque in ipso secundum naturam humanam plenissime requievit ac requiescit, juxta illud Isaïæ: Spiritus Domini super me, eo quod unxerit me.

8 *Quum autem pertransissent Mysiam, descenderunt Troadem*, civitatem Asiæ maritimam, quæ et Antigoniam est vocata; et visio per noctem Paulo ostensa est. Istafuit imaginaria visio, et facta videtur in somno. Deinde visio ipsa describitur: *Vir quidam Macedo*, id est effigies viri Macedonis, vel secundum Bedam et Scholasticam historiam, angelus gentis illius, in similitudinem viri hujusmodi, *erat stans, deprecans eum*, scilicet Paulum, *et dicens: Transiens in Macedoniam, adjuva nos ad consequendam salutem*. Certum

est quod imagines rerum istarum et verba interna, angelico ministerio formabantur in vi imaginativa S. Pauli, sicut in prophetiis visionibus fieri consuevit. *Ut autem visum vidit*, spiritualiterque intellexit, *statim*, die facto, *quæsiimus proficisci in Macedoniam*, certi facti quod vocasset nos Dominus evangelizare eis. Hoc loco Lucas primo connumerat se sociis Pauli. Macedonia autem est provincia Græciæ nobilissima, et virtutibus Alexandri Magni nobilior facta.

B *Navigantes autem a Troade, recto cursu venimus Samothraciam*, quæ est Egæi maris insula in Pagasæo sinu, *et sequenti die Neapolim*. Hæc civitas est Cariæ, quæ est provincia Asiæ. *Et deinde Philippos*: quæ est civitas in prima parte Macedoniæ, a Philippo rege patre Alexandri Magni nomen sortita; cujus fidelibus missa est epistola Pauli, quæ ad Philippenses intitulatur; *quæ est prima partis Macedoniæ*, quia primo occurrit intrantibus Macedoniam ab ea parte qua Paulus de mari egrediens, eam ingressus est, *civitas existens colonia*. Dicitur autem colonia, civitas quæ defectu indigenarum novis impletur habitatoribus atque cultoribus. Unde a cultu agri, colonia dicta est. *Eramus autem in urbe hac diebus aliquot conferentes cum civibus urbis istius*.

Die autem sabbatorum egressi sumus foras portam juxta flumen, ubi videbatur oratio esse: quia ibidem quædam personæ confluerant ad supplicandum sive loquendum. Orare enim utrumque significat. Locus quoque ille videbatur aptus ad hæc. *Et sedentes loquebamur mulieribus quæ convenerant*. *Et quædam mulier nomine Lydia, purpuraria civitatis Thyatirenorum*, id est hominum de urbe nomine Thyatira, quæ fuit urbs Lydiæ provinciæ Asiæ, de qua in Apocalypsi habetur: Angelo Thyatiræ Ecclesiæ scribe. De qua urbe fuit hæc Lydia oriunda, sed in Philippis manebat. Dicitur autem purpuraria, secundum Bedam, quia venditrix purpuræ, vel secundum alios, textrix il-

* alias Eolis

* Bosnia

Rom, viii, 9.

Is lxi, 1.

10

11

12

13

14

Apoc. ii, 18.

lius. *Colens Deum* verum, qui unus est : A jam enim fuit, ut legitur, de gentilitate ad Judaismum conversa ; *audivit* verba nostra. *Cujus Dominus aperuit cor intendere his quæ dicebantur a Paulo*. Homo enim forinsecus movet auditum ; sed nisi Deus intus mentem tangat atque illuminet, inanis est strepitus. Ideo ait Salvator : Nemo venit ad me nisi Pater meus traxerit eum. *Quum autem baptizata esset ipsa, et domus, id est soboles seu familia ejus, deprecata est, dicens : Si judicastis me fidelem esse Domino, id est veraciter christianam, introite in domum meam, et manete ibidem ad libitum. Et coegit nos. Ex quibus constat quod opulenta fuit, grata et multum devota.*

16 *Factum est autem euntibus nobis ad orationem, id est locum ad hoc aptum, puellam quamdam habentem spiritum pythonem obviare nobis, quæ magnum quæstum præstabat dominis suis divinando.* Apollo qui et Pytho, vel Phyto, inventor fuit cujusdam divinationis, qua veritas a mortuis investigatur, per suscitationem defuncti præstigialem, vel a vivis, qui revelante diabolo secreta seu futura denuntiant. Et viri hæc facientes, seu taliter divinantes, pythones, a Pythone Apolline, mulieres autem pythonissæ, vocantur. Et juxta primum modum dicitur mulier pythonissa, de qua primo Regum scribitur Saul petisse suffragium. Sed juxta secundum modum hæc puella pythonissa asseritur : quæ divinando, id est, futura aut secreta ex dæmonis revelatione pandendo, magnum quæstum, id est lucrum, contulit dominis quorum ipsa fuit ancilla, quia pro pretio ad interrogata respondit. Præterea sicut in Scholastica historia dicitur, dupliciter intelligi potest ista puella fuisse pythonissa. Primo, quia per spiritum pythonis operabatur arte magica, sicut mulier illa primi Regum, quæ per magicam artem fecit dæmonem apparere in similitudine alicujus defuncti ad dandum de occultis responsum. Secundo, quia spiritu pythonico vexabatur : sicque aliqui

asserunt eam pythonissam fuisse atque obsessam : nam dæmon habitavit in ea, dans per ipsam responsa. Quæritur, quomodo puella ipsa habuit spiritum pythonem. Et respondendum, quod per spiritum pythonem, intelligi potest diabolicus spiritus, per artem a Pythone Apolline inventam evocatus, apparens sive cooperans atque respondens. Unde primo Regum scribitur Saul dixisse : Quærite mihi mulierem habentem pythonem. De hac autem divinatione loquitur Thomas in secunda secundæ, quæstione 95.

Hæc subsecuta Paulum et nos, clamabat, dicens : Isti homines servi Dei excelsi sunt, qui annuntiant vobis viam salutis, videlicet evangelicam legem, et divinorum præceptorum custodiam seu fidem catholicam : quæ omnia sunt via ducens ad salutem æternam seu Christum, qui ait, Ego sum via ; et, Nemo venit ad Patrem nisi per me. Hoc autem faciebat multis diebus. Dolens autem Paulus de periculo et infestatione puellæ, conversus vultu ad puellam retro se vociferantem, dixit spiritui : Præcipio tibi in nomine Jesu Christi exire ab ea : quia indignum fuit ut verbum Evangelii spiritus nuntiaret immundus. Ideo quoque jussit eum exire, ne qui eum audierunt vera loquentem, crederent postea mendacia proferenti. Veris enim falsa admiscere dæmones consueverunt. Unde hoc facto, Paulus imitatus est Christum, qui dæmoni dicenti, Scio quia sis Sanctus Dei, dixit : Obmutesce, et exi de homine.

D Quæritur, quo impellente locutus est dæmon adversarius humanæ salutis verba memorata, de Paulo ejusque sociis. Et respondendum, secundum quosdam, quod bono naturæ hæc dixit, quia naturæ consonum est, verum cognitum confiteri. Alii dicunt, quod cogente Spiritu Sancto hæc protulit. Ait namque circa hoc Beda : Non voluntatis ista confessio est, quam sequitur præmium confitendi ; sed timore Spiritus Sancti cogente, vera spiritus mendax loquitur, non ausus luce præsentis suas

Joann. vi,
44.
15

1 Reg. xxviii,
7.

17

Joann. xiv,
6.
18

1 Reg. xxviii,
7 et seq.

Marc. i,
24, 25.

ultra celare virtutes. Peccatori autem dixit Deus : Quare tu enarras justitias meas? — Verum contra hoc objiciunt quidam, quod dictum est, Dolens autem Paulus, scilicet de illo clamore : non enim doluisset de eo quod a Spiritu Sancto factum fuisset, nec illud impedivisset. Sed illa instantia faciliter solvitur : Nempe quod dicitur, Dolens autem Paulus, non oportet ad veritatis illius protestationem referre, sed ad calamitatem puellæ. Rursus, etsi de protestatione veritatis per dæmonem facta dolebat, hoc non fuit in quantum ibi fuit enuntiatio veri, sed in quantum id mala intentione fiebat, et ne veritati spiritus nequam inde falsa misceret.

- 19 *Videntes autem domini ejus, puta puellæ, quod exiit spēs quæstus eorum, id est, amplius fiduciam non haberent solita lucra obtinendi per divinationem suæ ancillæ, apprehendentes Paulum et Silam, perduxerunt in forum ad principes, quorum fuit judicare impios et punire; et offerentes eos magistratibus, dixerunt : Hi homines conturbant civitatem nostram, id est concives, quum sint Judæi, qui contra Romanorum censuram prohibent deorum culturam, et annuntiant morem, id est novum ritum colendi Deum Christum, quem non licet nobis suscipere, neque facere, quum simus Romani, id est Romanis confœderati ac subditi. Jam enim ordinaverunt Romani, ne sine approbatione senatus aliquis de novo deus diceretur aut coleretur. Et cucurrit plebs adversus eos, et magistratus, cito credentes omni spiritui. Et scissis tunicis eorum, tanquam hominum pessimorum et vilium, jusserunt magistratus virgis eos cædi. Et quum multas plagas eis imposuissent, miserunt eos in carcerem. In hac punitione fecerunt contra Romanos, sicut infra dicetur. Præcipientes custodi ut diligenter eos custodiret, tanquam valde damnabiles. Qui quum tale præceptum accepisset, misit eos in interiorem carcerem, qui fuit forte profundior, pœnalius, et inconfringibilior, et pedes eorum*
- 20
- 21
- 22
- 23
- 24

A strinxit in ligno, ne quoquam modo effugerent.

Media autem nocte Paulus et Silas, adorantes, laudabant Deum, in tot adversitatibus gratias cum gaudio referentes, juxta quod legitur : Media nocte surgebam ad confitendum tibi; et audiebant eos, qui in custodia, id est in carcere, erant, quod tam alacriter Deum laudarent. Subito vero terræ motus factus est magnus, non ubique, neque a causa naturali, sed ubi fuerunt detenti, et a virtute angelica, ad demonstrandum sanctitatem et virtutem orationis istorum. Propter quod ait Beda : Devotio apostolici pectoris, et virtus orationis exprimitur, dum et illi hymnos in imo carceris cecinerint, et eorum laus terram commoverit, carcerisque fundamenta concusserit, et aperuerit ostia, atque ipsas postremo vinculatorum catenas resolverit. Hinc subditur : ita ut moverentur fundamenta carceris. Et statim aperta sunt omnia ostia; et universorum, non Pauli et Silæ dumtaxat, sed omnium qui erant in carcere, qui meritorum participes facti sunt Apostolorum sanctorum, vincula soluta sunt potestate angelica ac divina.

Expergefactus autem custos carceris, et videns januas carceris apertas, evaginato gladio volebat se interficere, præ tristitia et dolore, æstimans fugisse vinctos, et ob id morte substantiave puniendum se reputans. Clamavit autem Paulus voce magna, dicens : Nihil tibi feceris mali : universi enim hic sumus. Spiritu revelante, vidit in mente quid carceris custos incepit : cujus damnationi compatiens, affectuosissime clamavit. Petitoque lumine a ministris suis, ingressus est; et tremefactus de effectibus tam miraculosis, procidit Paulo et Silæ ad pedes, sanctitatem et virtutem eorum admirans, honorans, imitarique cupiens. Et producens eos foras, scilicet extra carcerem. In quo patet, quod amor Apostolorum abstulit ab eo timorem principum suorum, contra quorum edictum eduxit Apostolos : imo et

25

Ps. cxviii, 62.

26

27

28

29

30

amor veræ salutis ad hoc ipsum induxit. A xisset illos de carcere. *Nunc ergo exeun-*
tes, ite in pace.

31 *Nam subditur, ait : Domini, quid me oportet facere, ut salvus fiam? At illi dixerunt : Crede in Dominum Jesum, Deum et hominem : in quem creditur secundum quod Deus est. Propter quod dixit Apostolis : Creditis in Deum, et in me credite. Porro in Jesum credere, est caritate et opere fidem ornare. Et salvus eris tu, et domus tua, id est domestici tui, tuum sequendo exemplum. Et locuti sunt ei verbum Domini, cum omnibus qui erant in domo ejus.*

Joann. xiv,
1.

32 *Et tollens eos, id est, ad meliora domus suæ loca introducens eos, in illa hora noctis, lavit plagas eorum corporales, ut lavarentur ab eis suæ plagæ spirituales; et baptizatus est ipse, et omnis domus ejus continuo. Non dubium quin ante baptismationem hanc Apostolus prædicaverit illis diffuse de mysteriis fidei christianæ.*

34 *Quumque perduxisset eos in domum suam, apposuit eis mensam, ad corporalem refectionem, a quibus mente fuit refectus. Nec indecens fuit Apostolis tam mane seu ante auroram comedere, qui flagellis ac carcere fuerant extenuati. Necessitas quippe, impossibilitas et infirmitas legem non habent. Et lætatus est cum omni domo sua de sua conversione, Apostolorum sanctitate, et quod se gladio non invasit. Similiter omnes domestici sui sunt gavis.*

35 *Et quum factus esset dies, miserunt magistratus lictores, scilicet nuntios ad custodem carceris, dicentes : Dimitte homines illos. Cur hoc nuntiaverunt, in textu non dicitur. Verum in Ecclesiastica*
 * Scholastica
 36 *historia legitur, quod ideo ne plures crederent, quia miraculum præscriptum jam eis innotuit. Vel, ut alii dicunt, passionum impetu quo injuste punierunt Apostolos, jam sedato adverterunt se injuste fecisse. Nuntiavit autem custos carceris verba hæc Paulo, tanquam principaliori : Quia miserunt magistratus ut dimittamini. Et inde gavisus est custos, cernens nullum sibi instare periculum, quod edu-*

Paulus autem dixit eis : Cæsos nos publice, indemnatos, homines Romanos, miserunt in carcerem. Quasi dicat : In hoc multipliciter excesserunt, quod homines innocentes quasi maleficos publice flagellari fecerunt, et sine justo judicio incarceraverunt, ex vehementia passionum suarum, quum simus Romani. Paulus enim fuit civis Romanus, non quasi ibi natus, sed quia civilitas illa patri ejus

B fuit collata pro se ipso suisque filiis, ut infra dicitur. Quomodo autem Silas fuit Romanus, non est adeo certum, sed in Scholastica historia ita habetur : Romanos, id est subjectionem professos Romano imperio, capitis censu, puta denario, qui super caput ponebatur ab his qui se Romano imperatori profitebantur subjectos, atque Romana libertate donatos. Et nunc occulte nos ejiciunt? In quo Romanæ civilitati derogaverunt, et contra Romanorum egerunt decretum : quo fuit

C sancitum, nullum damnari nisi locum excusationis acciperet. *Non ita; sed veniant, et ipsi nos ejiciant.* Non ex impatientia, sed zelo justitiæ dixit hoc Paulus, et ne in ipso ac suis scandalizarentur, atque a fide suscipienda impedirentur pusilli; et item, ut sicut fuit publica punitio, sic esset et manifesta ereptio, ut veritas cunctis pateret.

Nuntiaverunt autem lictores magistratibus verba hæc. Timueruntque, audito quod Romani essent. Formidabant enim

D de his apud Romanos accusari atque affligi. *Venientesque deprecati sunt eos, ut sibi ignoscerent, quia per ignorantiam hæc fecissent, et educentes, rogabant eos ut egrederentur de urbe, ne in civitate oriretur dissensio propter eorum præsentiam et doctrinam. Exeuntes autem de carcere, introierunt ad Lydiam; primo tamen de carcere ingressi fuerunt domum custodis ipsius. Nam femina hæc de Apostolorum injusta persecutione fuit plurimum contristata : quod Paulus in se ipso*

perpendens, accessit ad eam cum suis gra- A confortans. *Et visis fratribus*, scilicet Chri-
tia consolationis, mirabilia Dei quæ con- stianis qui jam in hac urbe fuerunt, *con-*
tulerunt insinuans ei, ipsamque in fide *solati sunt eos, et profecti sunt.*

ARTICULUS XVII

EXPOSITIO CAPITULI SEPTIMIDECIMI : QUUM AUTEM PERAMBULASSENT AMPHIPOLIM.

- 1 **Q**UUM autem perambulassent Amphipolim, urbem scilicet Macedoniae sic vocatam, et Apolloniam, quæ et ipsa est civitas Macedoniae : et est alia in Africa quæ vocatur Pentapolis ; pervenerunt Thessalonicam, Macedoniae urbem, ubi erat synagoga Judæorum. Judæi enim ibidem manentes, in urbe illa domum in qua ad colendum Deum confluebant, habebant. Et sicut ecclesia interdum pro congregatione Christianorum, interdum pro materiali templo accipitur, ita et synagoga nunc pro collectione Judæorum, nunc pro materiali eorum suscipitur templo. Unde apud Lucam dicunt Judæi de centurione ad Christum : Synagogam ipse ædificavit nobis. *Luc. vii, 5.*
- 2 *Secundum consuetudinem autem suam Paulus introivit ad eos in synagogam, volens omnibus loqui de Christo, et per sabbata tria disserebat eis de Scripturis.* Die enim sabbati magis confluerunt Judæi ; et paulatim præparavit corda illorum ad suscipiendam fidem catholicam, comprobans ex Scripturis quæ de Christo mox proponere intendebat. Hinc subditur, ad- *Ibid. xxi, 46.*
- 3 *aperiens et insinuans quia Christum oportuit pati, et resurgere a mortuis.* Horum utrumque in Prophetis de Christo copiose prædictum est : imo et tempus suæ occisionis in Daniele apertissime prætaxatum ostenditur. Oportuit autem Christum pati, non necessitate absoluta, imo ipse se ipsum tradidit morti, quemadmodum in Isaia habetur, Oblatus est quia ipse voluit ; sed conditionata, seu ex hypothesi, quia videlicet divinitus fuit præordinatum *Dan. ix, 26.*
- B atque propheticæ prænuntiatum, per voluntariam Christi passionem salvandum esse genus humanum, et quod non aliter salvaretur. *Et quia hic est Jesus Christus, quem ego annuntio vobis.* Quidquid namque de Christo vaticinatum fuit, in Jesu Nazareno impletum probatur, videlicet quoad locum, et tempus, ac genus. Nam natus est tempore a Daniele præfixo, in civitate a Michæa prædicta ; item, de tribu Juda, prout Jacob prædixit. Insuper fecit miracula, quemadmodum Isaïas præ- *Is. xxxv, 5-7.*
- C dixit. Vixit, docuit, sicut in Prophetis prædictum est. Sustinuit tale genus mortis quale a David et ab Isaia fuit prænuntiatum. Deinde resurrexit, ascendit, Spiritum Sanctum misit. Per discipulos innumeralia, maxima solique Deo possible egit miracula.
- Et quidam ex eis, puta Judæis istis, crediderunt in Christum, et adjuncti sunt mente et corpore Paulo et Silæ, ut plenius informarentur de Christo et fide catholica ; et de colentibus unum verum Deum, scilicet gentilibus ad Judaismum conversis, qui appellantur proselyti ; gentilibusque, qui scilicet usque tunc in gentili ritu permanserant, multitudo magna conversa est ; et mulieres nobiles non paucæ : quæ etsi ante jam carnis propagine nobiles exstiterunt, credendo in Christum, atque cœlestem regenerationem sumendo, multo nobiliores effectæ sunt mente, virtutum præclarissima dignitate.*
- Zelantes autem Judæi, id est, increduli Judæi honori et gloriæ Jesu Christi disci-*
- 4
- 5

pulorumque ejus invidentes, et legem Mo- A
saicam inordinate zelantes, seu diligen-
tes vel imitantes, *assumentesque de vulgo*
viros quosdam malos, ut multitudine ac
impetuoso et irrationabili strepitu præ-
valerent, qui nullam pro se rationem ha-
bebant, *turba facta, concitaverunt civi-*
tatem, id est habitatores Thessalonicae,
verbis mendacibus eos contra Apostolos
provocando. *Et adsistentes domui Jaso-*
nis, hospitis Pauli et Silæ, *quærebant eos*
producere in populum, id est ad publi-
cum trahere, tanquam maleficos, ut eis B
visis, populus contra eos insurgeret.

6 *Et quum non invenissent eos*, quia jam
alibi occupabantur, *trahebant Jasonem et*
quosdam fratres, scilicet Christianos, *ad*
principes civitatis. Forte putabant Apo-
stolos ab istis præmonitos aut occultatos.
Clamantes : Quoniam hi sunt qui urbem
concitant, id est, discordiam inter cives
pariunt. Semper malitia, specie aliqua
bonitatis se palliat. Unde et hi quum es-
sent pravissimi, tamen reipublicæ ama-
tores se confinxerunt, ut eis celerius ere-
deretur; et quod ipsi fecerunt, Apostolis
et eorum imponebant discipulis. *Et huc,*
7 *puta ad Thessalonicam, venerunt, quos Ja-*
son suscepit hospitio, scilicet Paulus cum
suis. *Et hi omnes contra decreta Cæsaris*
faciunt, regem alium dicentes esse Jesum.
Romanus etenim imperator tunc fuit mo-
narcha, et sine sua licentia noluit ali-
quem regem vocari, præsertim qui non
fateretur se Romano subjectum imperio.
Paulus autem et Silas prædicaverunt Je-
sum esse Regem regum; sed per hoc, D
temporali dominio imperatoris non dero-
gabant. *Concitaverunt autem plebem et*
8 *principes civitatis audientes hæc verba,*
et non intelligentes quo sensu essent pro-
lata. *Et accepta satisfactione a Jasone et*
9 *ceteris fratribus*. Quum enim veraciter fu-
erint innoxii, poterant se rationabiliter
excusare, et verba Apostolorum ita in-
terpretari quod non derogabant Romanis,
eo quod Christi regnum spirituale con-
sistat. *Dimiserunt eos*.

Fratres vero confestim per noctem di-
miserunt Paulum et Silam in Berœam,
Macedoniæ urbem sic dictam, non Beroam,
ut quidam scribunt. Opportuno etenim
tempore fugiendum esse a facie perse-
quentium de loco ad locum, Christus ver-
bo docuit et exemplo. Nam et ipse in
Evangelio scribitur sic operatus. *Qui quum*
venissent in Berœam, in synagogam Ju-
dæorum introierunt. Ineffabili enim et
ardentissima caritatis affectione sitiebat
Paulus Judæorum salutem; et quo eum
durius persequabantur, eo cordialius eis
compatiebatur; nec adversa in ipso ca-
ritatem tepere fecerunt, imo potius suc-
cenderunt. Hinc ab aliis ejectus, ad alios
accedere non cessavit, cupiens saltem ali-
quem salvare ex eis.

Hi autem, videlicet Berœenses, erant 11
nobiliores, nobilitate animi et virtutum,
eorum qui sunt Thessalonicae, id est Thes-
salonicensibus nobiliores, seu de nobili-
oribus illorum. Et cur hoc, subdidit: *qui*
susceperunt verbum evangelicæ prædica-
tionis a Paulo cum omni aviditate, id est
perfecta mentis appetitione, qua verita-
tem appetierunt ac salutem, *quotidie scru-*
tantes, id est, diligenter investigantes ac
considerantes, *Scripturas* veteris Testa-
menti in quibus de Christo fit mentio, *si*
hæc quæ Paulus de Jesu prædicavit, ita
se habent. Non enim levi incircum-
spectaque mente fuit lex nova suscipien-
da, aut aliquis Christus credendus, sed
Scripturæ fuerant revolvendæ, an nova
veteribus consonarent. Verum fide rece-
pta, non sunt Scripturæ scrutandæ ad vi-
dendum an hæc ita se habeant, sed ad
intuendum clarius, ad prædicandum pro-
bandumque fortius, quod utique ita se
habent. Itaque nobilitas mentis est, studio
Scripturarum sincero fine insistere, sa-
pientiæ operam dare, virtutibus animam
decorare. Et qui in his amplius occupa-
tur, illustrior comprobatur. *Et multi qui-*
dem crediderunt ex eis, et gentilium mu-
lierum honestarum, quæ sua honestate
ac probitate naturali ad fidei susceptio-

Matth. x,
23; Joann.
x, 39, 40; xi,
54, etc.

nem et veritatis amplexum magis erant dispositæ, et viri non pauci : sicque ex utroque populo et sexu utroque conversi sunt plurimi.

13 *Quum autem cognovissent in Thessalonica Judæi, quia et Berææ prædicatum est a Paulo verbum Dei, venerunt illuc, commoventes et turbantes multitudinem Beræensium. Impiis quippe damnatio non sufficit propria, sed aliorum quoque impedire salutem nituntur, et parificare eos sibi in vitiis. Statimque Paulum tunc dimiserunt fratres, ut iret usque ad mare, et per illud ad loca alia navigaret ad prædicandum. Ipsum enim Judæi magis persequebantur, quia erat dux verbi. Silas autem et Timotheus remanserunt ibi, puta in Beræa, ad confirmationem et consolationem ibi credentium.*

Act. xiv, 11.

15 *Qui autem deducebant Paulum, qui erant credentes, perduxerunt eum usque ad Athenas, famosissimam Græciæ urbem, et philosophiæ studiis olim mancipatam. Noverant hi Paulum ducentes, quod Græci sapientiam quærerent : ideo eum tanquam sapientissimum ad urbem studentium deduxerunt. Et accepto mandato ab eo, scilicet Paulo, ad Silam et Timotheum, quibus mandavit ut quam celeriter, id est valde festinanter, venirent ad illum, profecti sunt ad eum, tanquam boni discipuli. Paulus enim intendebat in Athenis fortiter prædicare : idcirco illorum tam præcipuorum virorum volebat adsistentiam habere atque præsentiam, quatenus et ipsi aliquibus loquerentur quæ Dei sunt. Si quidem frater qui adjuvatur a fratre, quasi civitas munita. Paulus autem quum Athenis eos exspectaret, incitabatur spiritus ejus in ipso, id est, anima ejus intra se æstuavit dolore, compassione, desiderioque conversionis errantium, videns idolatriæ deditam civitatem tam inclytam. Unde zelo divini honoris succensus est, et a Spiritu Sancto inflammatus ad veræ Divinitatis cultum denuntiandum. Disputabat ergo in synagoga cum Judæis et co-*

Prov. xviii, 19.

16

gentilibus, id est gentilibus ad Judaicam

17

legem conversis, et in foro, per omnes dies quibus ibi fuit, ex quo loqui exorsus est, ad eos qui audierant, qui scilicet ibi præsentés fuerunt. Veritas enim non quærit angulum, et omnis qui facit veritatem, venit ad lucem.

Joann. iii, 21.

Quidam autem Epicurei et Stoici philosophi disserebant cum illo, contra eum argumentando, ut moris est ipsis philosophis, dum aliqua suis documentis contraria audiunt. De sectis vero et distinctionibus philosophorum Augustinus in libro de Civitate Dei copiose pertractat. Epicurei autem philosophi, a magistro et principe suo Epicuro nomen sortiti sunt, beatitudinem hominis in corporis voluptatibus constituentes : quanquam, teste Hieronymo, ipsemet Epicurus hoc docens, continentissime vixerit, oleribus utens exiguis. Stoici vero in sola animi virtute felicitatem hominis posuerunt. Hi inter se discordantes, contra Apostolum concorditer argumentabantur. Et quidam dicebant : Quid vult seminiverbius hic dicere ? id est, quid iste fabulator, et inutilium prolator sermonum prætendit ? Verumtamen sanctus Apostolus vere seminiverbius, id est verbi seminator, fuit. Semen enim est verbum Dei. Et ipse ait : Nos vobis spiritualia seminavimus. Seminator ergo erat verborum, et messor morum, de hujusmodi messionibus uberes fructus exspectans. Alii vero dicebant : Novorum dæmoniorum videtur annuntiator esse.

18

Varios dæmonum ordines posuerunt gentiles, præsertim Platonici, scilicet, calodæmones, catodæmones, et cacodæmones : quorum quosdam dixerunt bonos, quosdam perversos. Calodæmones asserebant multum virtuosos, et summo Deo jugiter adsistentes : quod theologi de angelis superiorum adstruunt ordinum. Catodæmones insuper appellabant substantias intellectuales bonas, hominum custodiæ delegatas, atque ad bona cohortantes : quod de angelis inferiorum chororum edocent Sancti. Cacodæmones vero vocabant ma-

Luc. viii, 11.

1 Cor. ix, 11.

lorum persuasores ac punitores : quod nos dæmonibus convenire asserimus. Platonici tamen, nomine dæmonis non semper intellectum perversum intellexerunt, sed intellectualem substantiam, quum dæmon dicatur a δαίμων nomine Græco, quod Latine interpretatum est, intellectus vel peritus. Præfatas demum substantias inter deos computaverunt et coluerunt, potissimum quæ de primo secundoque ordine sunt : imo et quidam etiam infernalibus diis sacrificaverunt, quatenus amicorum et propinquorum suorum spiritibus in inferno detentis, mitiores consisterent. De hac re in Phædone et Timæo loquitur Plato. — Itaque quibusdam Atheniensibus videbatur quod S. Paulus, ob nimiam doctrinæ suæ incomprehensibilitatem inauditamque altitudinem, prædicaret colenda esse dæmonia hactenus inaudita, sive de bonis, sive de malis, sive de optimis secundum eorum errores id intelligatur. Dæmones equidem dicebant animalia mente rationalia, animo passiva, corpore aëria, tempore æterna, sicut ex Porphyrii verbis et Apuleii innotescit.

Nos autem Christiani, dæmones dicimus quidem in cœlo creatos, et de cœlo, eorum exigente superbia, partim in infima terræ dejectos, partim in aëre tanquam congruo sibi carcere damnatos, nocendi semper cupidos, a justitia alienos, superbia tumidos, invidentia lividos, fallacia callidos.

19 *Et apprehensum eum, ad Areopagum, id est vicum in quo Mars colebatur, duxerunt, dicentes.* Notandum quod Athenienses singulos vicos a diis qui in eis colebantur, nominaverunt. Ἀρεος autem Græce, Latine Martis dicitur; πύλος vero vicus, seu villa. Inde Areopagus, id est vicus Martis. *Possumus scire quæ est hæc nova quæ a te dicitur doctrina? Nova enim quædam infers auribus nostris.* Quasi dicant : Quum sint mira et incon-
20 *suetæ quæ doces, libenter audiremus explanationem eorum et rationem.* Hujus interrogationis causam Lucas interponit,

A subdendo : *Athenienses autem [omnes et advenæ hospites] ad nihil aliud vacabant nisi aut dicere aut audire aliquid novi.* Quod partim curiositatis, partim studiositatis fuisse videtur. Philosophi namque veritatis sunt avidi. Civitas autem Atheniensis studio philosophiæ vacabat vehementissime : ideo omnium rerum rationes scrutabantur et causas, et novis adinventionibus gloriabantur.

22 *Stans autem Paulus in medio Areopagi, ait.* Inter vicos Athenarum Areopagus erat præclarior. Nam ibi erat curia magistratuum et schola liberalium artium. *Viri Athenienses, per omnia quasi supersticiosiores vos video.* Quasi, non tantum similitudinem hic designat, sed etiam veritatem. Veraciter enim fuerunt superstitiosi, quia idololatræ. Superstitio quippe est vitium religioni seu latriæ oppositum secundum excessum, quoniam exhibet cultum divinum cui non debet, vel eo modo quo non debet. Quomodo autem in cultu Dei possit esse superfluum, et quid sit superstitio, de speciebusque ejus, Thomas in secunda secundæ, quæstione 92, inducit. *Præteriens enim et videns simulacra vestra, quæ ideo consideravi ut eorum culturam diligentius reprobarem, inveni et aram, id est altare, in qua scriptum erat : Ignoto Deo.* Et est sensus : Ara hæc consecrata est Deo ignoto, quantum ad particulares proprietates seu distinctam cognitionem ipsius. Athenienses enim singulis aris singulos titulos superponebant, monstrantes quibus essent dedicatæ. *Quod ergo ignorantes colitis, hoc ego annuntio vobis, id est, Deum cui consecrata est hæc ara, vobis ignotum, cui tamen sacrificatis, ego prædico adorandum atque colendum.*

24 *Deus qui fecit hunc mundum, et omnia quæ in eo sunt.* Mundus, tam a philosophis quam a theologis, variis modis accipitur : quandoque pro elemento terræ, interdum pro regione elementari, aliquando pro tota machina mundi sensibilis seu corporei quantum ad principales ipsius

partes, videlicet pro regione elementarium A
atque cœlestium corporum : et sic modo
accipitur. *Hic cœli et terræ quum sit Do-*
minus, propria auctoritate universalique
potestate, et perfecta providentia omnibus
præsiciens (de quo in libro Job habetur :
Job xxxiv, 13. Quem constituit alium super terram? aut
quem posuit super orbem quem fabrica-
tus est?), *non in manufactis templis habi-*
tat, per aliquam circumscriptionem, loca-
lemve determinationem : sicut Stephanus
Act. vii, 48. dixit supra, ibidemque expositum est.

25 *Nec manibus humanis colitur, indigens* B
aliquo. Quod ait, Deum manibus humanis
non coli, sic accipi potest quod exteriori-
bus et corporalibus actibus Deus principa-
liter non honoretur. Principales namque
et primarii actus religionis seu latriæ,
sunt actus interiores; actus vero exte-
riores sunt secundarii et minus principa-
les, quibus velut quibusdam signis, ani-
ma ad internos spiritualesque actus latriæ
Rom. i, 20. excitatur. Siquidem, quum invisibilia Dei
per visibilia cognoscantur, ad hoc quod
mens nostra Deo uniatur, sensibilibus in-
diget manuactione. Præterea Deum coli-
mus et laudamus, non quod ipse indigeat,
aut aliquid beatitudinis hinc ei accre-
scat, sed quoniam ipse dignus est summo
honore omnique laude, et quoniam tot
bona nobis largitus est. Propter quod ait
Ps. xv, 2. Psalmista : Dixi Domino : Deus meus es
tu, quoniam bonorum meorum non eges.
Ipse etenim in se ipso vere et absolute
perfectus est, sibi in se et per se prorsus
sufficiens, infinitis divitiis in se ipso æter-
naliter opulentus, Deus supergloriosus et
superbenedictus in sempiternum. *Quum*
ipse det omnibus vitam : omnibus plane
viventibus vitam dat Deus, quocumque
genere vitæ viventes sint; *et inspiratio-*
nem, [his] qui per inspirationem conser-
vantur in vita; *et omnia* quæ habent : nam
omne esse, ab ipso primævo fonte essendi
manavit.

26 *Fecitque ex uno homine, scilicet proto-*
plasto parente Adam, omne genus homi-
num, id est homines universos, *inhabitare*

A super universam superficiem terræ : ita
quod Adam est principium totius speciei Gen. ii, 7,
humanae : nam et prima mater nostra 21, 22.
Eva, de ejus formata est costa. Hinc apud
Malachiam scriptum est : Nonne pater Malach. ii,
unus omnium nostrum? *Definiens statu-* 10.
ta tempora, id est, tempora ab ipso insti-
tuta determinans et distinguens, eisque
finem imponens : de quo cantamus in
Hymnis, quod temperet rerum vices, et
lucis diurnæ tempora successibus deter-
minet. De quo etiam in libro Job conscri-
bitur : Ab Omnipotente non sunt absecon- Job xxiv, 1.
dita tempora; et rursus in eodem, Tempus Ibid. xxxviii,
posuit tenebris, et universorum finem ipse 3.
considerat; in Danielis quoque volumine,
Ipse mutat tempora et ætates. *Definiens* Dan. ii, 21.
et terminos habitationis eorum, id
est, certa terræ loca hominibus pro ha-
bitatione concedens. Nam partem terræ
aquis opertam reliquit, partem siccavit,
et quousque loca habitabilia tenderentur,
præfixit. Propter quod asserit Scriptura :
Quando dividebat Altissimus gentes, quan- Deut. xxxii,
do separabat filios Adam, constituit ter- 8.
minos populorum.

Quærere Deum, id est, ad hoc tempore 27
terminosque distinxit, ut homines in
tempore hujus incolatus Deum creatorem
mente quærant, colant et diligant, *si forte*
attrectent, id est, mente attingant, *eum*,
aut inveniant. Ideo additur, Forte, quo-
niam perfecte in vita hac attingi nequit
aut inveniri, et quia in hominum liber- Eccli. xv,
tate est facere ista. In creaturis autem 14.
Creatoris relucet majestas, juxta illud Sa-
pientia : A magnitudine speciei creaturæ, Sap. xiii, 5.
poterit Creator horum cognoscibiliter vi-
deri. *Quamvis non longe sit ab unoquoque*
nostrum : imo in omnibus nobis est, at-
que in cunctis creaturis, per essentiam,
præsentiam, atque potentiam : qui apud
Jeremiam protestatur, Cælum et terram Jer. xxiii,
ego impleo. Sed parum sibi hoc est, quum 24.
magnitudinis ejus nullus sit finis, ejus Ps. cxliv, 3.
comparatione totus mundus est tanquam Is. xl, 15.
pulvis exiguus. Ceterum, in bonis est Deus
per bona gratiæ, in Beatis per dona glo-

riæ, in perversis per rigorem justitiæ, in A damnatis per illationem vindictæ. Sic ergo quærendus est Deus, non quasi loco distans a nobis, sed incomparabili dignitate eminens universis : a quo impii dissimilitudine distant, juxta illud Salomonis, Longe est Dominus ab impiis. Quærendus est ergo Deus, ut clarius agnoscatur, ardentius diligatur, firmitus conservetur, perfectius honoretur, ut ei per assimilationem propinquemus, ejus bonitatem imitando, ejusque dona participando : qui est ante omnia, non solus ; post omnia, non præventus ; in omnibus, non inclusus ; extra omnia, non exclusus ; supra omnia, non elatus ; infra omnia, non oppressus ; manens æternaliter, in sua superessentiali infinitaque simplicitate ac luce incommutabiliter habitans ac subsistens.

28 *In ipso enim*, id est divina virtute, ejusque incessabili manutenentia, *vivimus, et movemur, et sumus* : ita quod nec in momento subsisteremus, nisi ab ipso conservaremur : quia indesinenter dependemus ab ipso in esse et permanere, multo plus quam rivus a fonte, dies a sole, aut splendor a luce. His autem verbis ostendit Apostolus, Deum in his quæ creavit, indesinenter operari, secundum quod ait Salvator : Pater meus usque modo operatur, et ego operor. In Sapientiæ quoque libro legitur : Attingit sapientia a fine usque ad finem fortiter, et disponit omnia suaviter. Denique his concordat quod in prima parte, quæstione 18, loquitur Thomas : Res, inquiens, sunt in Deo dupliciter : Uno modo, sicut in conservante vel continente. Sicque res in se acceptæ seu consideratae, sunt in Deo sicut in virtute eas regente : et ita dicit Apostolus, In ipso vivimus, movemur et sumus. Alio modo, sunt in ipso sicut in exemplari principio. Et sic omnia sunt vita in Deo, in quo idealiter vitaliterque consistunt, juxta illud Joannis, Quod factum est, in ipso vita erat.

Sicut et quidam vestrorum poetarum dixerunt. Hoc enim dixit Aratus poeta cum suis sequacibus. Convenienter autem

Apostolus contra gentiles disputans, non scripturas novi ac veteris Testamenti, sed gentilis viri testimonium profert, quoniam contra diversos fidei adversarios, diversis argumentandum est modis ac viis, utpote : contra Judæos per scripturas legis ac Prophetarum ; contra hæreticos, etiam per novi Testamenti scripturas ; contra gentiles, per naturalis rationis discursum. Oportet namque audientium considerare personas, et eas allegare cuique scripturas seu documenta quæ recipit. *Ipsius*

B *enim*, videlicet Dei, *et genus sumus*, id est genitura seu factura ipsius, ad ejus imaginem et similitudinem conditi, non quasi de ejus substantia vel pars suæ substantiæ existentes, sed ab eo in esse naturæ producti, per dona gratiæ reformati, per dona gloriæ beatificandi. Unde Beda fatetur : Genus Dei sumus, non ex ejus natura editi, sed ipsius Spiritu voluntarie creati, et adoptive recreati. Hinc Jacobus : Voluntarie, inquit, genuit nos verbo veritatis, ut simus initium aliquod creaturæ ejus. Prædicta autem verba, Ipsius enim

C *genus sumus*, sunt verba ab Arato poeta prolata : quæ Paulus quum sciret de Jove, gentilium deo maximo, errore dicta, subtiliter ad veri Dei prædicationem assumit.

Genus ergo quum simus Dei : sicut supra expositum est ; *non debemus æstimare, auro aut argento aut lapidi sculpturæ artis*, id est, in quo per artem est exarata sculptura, *aut cogitationis hominis, divinum esse simile*, id est, esse divinum seu Deum non debemus putare similem fore metallis aut saxis seu idolis manu factis, aut humana comprehensibilem ratione. Si enim ita sentimus, summo, superexaltato, incircumscriptibili ac simplicissimo Deo, injuriam maximam irrogamus, et nos ipsos viliter degeneramus. Idcirco, tanquam nobiles creaturæ, nobiliter, digne et vere de Deo nostro creatore debemus sentire. His verbis Apostolus idolatriam reprobatur.

Et tempora quidem hujus ignorantia

Gen. 1, 27.

Jacob. 1, 18.

29

30

Prov. xv,
29.

Joann. v,
17.

Sap. viii, 1.

Joann. 1, 3,
1.

despiciens Deus, id est, tempus quo idololatria viguit, imo potius ipsos idololatrias qui ante evangelicam prædicationem fuerunt, Deus justo judicio deserens et contemnens. Tempori quippe adscribitur quod hominibus in tempore existentibus

Ephes. v.
16.
Matth. vi.
34.
1 Mach. xii.
1.
Act. xiv. 15.

competit seu contingit. Unde dies mali dicuntur. Et crastinus dies sibi ipsi sollicitus erit. Et tempus quosdam juvare asseritur. Hinc alibi dicit Apostolus : In præteritis generationibus dimisit Deus gentes ingredi vias suas. *Nunc annuntiat hominibus*, per prædicationem scilicet Apostolorum discipulorumque Christi, *ut omnes ubique pœnitentiam agant*, se convertendo ad Christum per pœnitentiam salutarem, *eo quod Deus statuit diem in quo judicaturus est orbem*, id est homines universos, *in æquitate*, unumquemque videlicet secundum quod meruit, secundum divinam procedendo justitiam in retributione mercedis, *in viro quem statuit*, id est per Christum, quem secundum naturam assumptam ordinavit atque constituit judicem universorum, per judicii executionem atque sententiæ prolationem, quæ Christo secundum quod homo est, competit, quemadmodum ait : Dedit ei potestatem et judicium facere, quia Filius hominis est. Porro, in finali judicio Deus Trinitas per auctoritatem principaliter judicabit. Christus autem ut homo, ministerialiter judicium exhibebit. [*Fidem præbens omnibus*,] *suscitans eum a mortuis*.

Joann. v.
27.

Quum audissent autem resurrectionem mortuorum futuram in omnibus ante judicium, et jam in Christo completam, *quidam quidem incorrigibiles*, quorum corda non tetigit Spiritus Sanctus, *irridebant eum*, scilicet Paulum, tanquam irrationalia ac impossibilia prædicantem : non enim ad Dei omnipotentiam, sed ad naturalem rationem, potestatem et ordinem adspiciebant. *Quidam vero dicebant : Audiemus te de hoc iterum*, ut diligentius conferamus, et quod verum est approbemus. *Sic Paulus exivit de medio eorum*. *Quidam vero viri*, vigore virtutum animi-

A que decore, *adhaerentes ei, crediderunt : in quibus et Dionysius Areopagita*, qui ab Areopago, in quo ipse principalis fuit philosophus, magister et doctor præclarus, *et mulier nomine Damaris*, quam dicunt fuisse conjugem ejus, *et alii quidam cum eis*.

Postremo dicendum nunc esset, quare in Athenis consecrata fuit ara ignoto Deo. Quod quia in Legenda divini et magni Dionysii diffusius continetur, hic non nisi breviter est tangendum.

B Videntes philosophi tempore passionis Christi mirabilem illam eclipsim, naturalem causam invenire nequibant ; imo per naturalem suam sapientiam agnoscebant illam eclipsim naturalem non esse, et multa supernaturalia in ea consistere. Vehementissime mirabantur, cernentes cœlestium corporum solitum cursum, naturalemque legem ac ordinem variari. Hinc velut in excessu quodammodo positi, loquebantur : Aut Deus naturæ patitur, aut machina mundi peribit, aut sidera fallunt. Propterea, Deo cujus virtute et causa mirabilia illa fiebant, aram constituerunt. Et quoniam Dei illius determinatam non habuerunt notitiam, pro titulo affixerunt, Ignoto Deo : quem etiam genuflexionibus ac precibus, non animalium oblationibus, censebant colendum. Quum ergo Paulus Atheniensium altaria perlustrasset, et causam, modum ac tempus dedicationis altaris Ignoti Dei novisset, dixit philosophis : Quem ignorantes colitis, ego annuntio vobis. Deinde specialiter principem philosophorum illorum Dionysium est affatus. Qui licet ad prædicationem Pauli faciliter crederet, non tamen nisi post acerrimam atque longissimam disputationem se credere fatebatur.

Porro, quam mirabilis fuerat præfata eclipsis, S. Dionysius in epistola ad Apollophanem, et item ad Polycarpum describit. Nam sicut ad Polycarpum disseruit, quatuor mirabilia in illa eclipsi considerata fuerant : Primum, quia tunc fuit oppositio et plenilunium. Naturalis vero

33

34

eclipsis fit tempore conjunctionis solis et lunæ. Secundum, quia quum luna fuisset soli opposita circa horam sextam in medio cœli, tamen in vespertis restituta fuit suo loco in oriente opposita soli. Unde temporum ordo non fuit turbatus. Tertium, quia eclipsis naturaliter incipit ab occidente, et pervenit ad orientem : quoniam motus lunæ in proprio orbe velocior est motu solis in circulo proprio, sicque pertransit solem ab occidente accedens. Sed tunc luna pertransiit solem, distans ab eo per circuli medietatem, in oppositione existens. Ideirco oportuit ut ab oriente reverteretur ad solem, et primo attingeret eum a parte orientali, illamque primitus eclipsaret. Quartum, quia in naturali eclipsi illa pars solis primo apparet, quæ primo fuerat obscurata ; tunc vero partem ultimo occupatam, primo reliquit.

Præterea Beda et Scholastica historia referunt, hunc esse Dionysium qui a Paulo episcopus ordinatus Corinthiorum, gloriose rexit Ecclesiam, multaque ad utilitatem Ecclesiæ pertinentia, quæ hactenus manent, ingenii sui reliquit volumina. Verumtamen in ejus Legenda habetur, quod ab Apostolo Atheniensium fuerit ordinatus episcopus. Sed forsitan dici potest, quod successive in diversis præfuerit locis. Hic est quem Gregorius vocat antiquum et venerabilem patrem ; Damascenus, divitissimum, sacratissimum theologissimumque appellat ; Hugo, theologum, per antonomasiam, et principem theologorum affirmat. Postremo, sicut in ejus Legenda asseritur, Paulus ea quæ in tertium cœ- II Cor. xii, lum raptus vidit, et verba arcana quæ ibi 4. audivit, huic viro eximio creditur revelasse.

ARTICULUS XVIII

EXPOSITIO CAPITULI OCTAVIDECIMI : POST HÆC EGRESSUS AB ATHENIS.

1 **P**OST hæc egressus Paulus ab Athenis, C tis, manebat apud eos, et operabatur, pro-
2 venit Corinthum. Et inveniens ibi priis manibus victum sibi procurans, ne
quemdam Judæum, nomine Aquilam, Pon- quemquam gravaret. Unde et infra profi-
ticum genere, id est de Ponto Asiæ pro- tetur : Ad ea quæ mihi necessaria erant, Act. xx, 34.
vincia oriundum. Unde et supra scriptum ministraverunt manus istæ. Erant enim
Act. ii, 9. est : Pontum et Asiam. Est autem Pontus scenofactoriæ artis, quia videlicet tento-
lata regio complectens Colchum, Cappa- ria seu papiliones fecerunt, vel vela picta
dociam, Armeniam, et alias provincias. quibus aulæ teguntur divitum et nobili-
Qui nuper venerat de Italia, et uxorem um : ut dicatur ars scenofactoria, a σκηνος
ejus Priscillam. Horum frequenter Apo- Græco, quod interpretatur habitatio vel
stolus in suis epistolis meminit. Eo quod tabernaculum. Et disputabat in synagoga
præcepisset Claudius imperator discedere 4
omnes Judæos a Roma. Hoc Josephus nar- Paulus per omne sabbatum, id est quoli-
rat nono anno imperii Claudii contigisse. bet sabbato, interponens nomen Domini
Cujus ratio in Scholastica historia fertur, Jesu, ut paulatim disponderentur ad fidem,
quoniam uxor Claudii tantam cum Judæis suadebatque Judæis, et Græcis ex gentili-
familiaritatem contraxit, quod ad illorum tate ad Judaismum conversis, vel etiam
ritum tracta fuit, et judaizare jam cœpit. adhuc in gentilitate manentibus : his ra-
3 Accessit ad eos. Et quia ejusdem erat ar- tionabiliter suasit Evangelio credere.
Quum venissent autem de Macedonia 5

- Silas et Timotheus, instabat verbo evangelicæ prædicationis Paulus, testificans per miracula et Scripturas Judæis esse Jesum Christum, id est, quod Jesus Nazarenus sit rex Messias. Contradicientibus autem eis et blasphemantibus, id est, verba blasphema contra Christum Jesum loquentibus, crecutiens vestimenta sua: quæ excussio fiebat eisdem de causis quibus et excussio pulverum pedum, de qua dictum est supra; dixit ad eos, zelo justitiæ, non commotione impatientiæ: Sanguis vester super caput vestrum, id est, iniquitas vestra redundabit in vos, et inexcusabiles eritis, apprehendetque vos debita ac districta damnatio. Hic modus loquendi in Ezechiele potissimum frequentatur. Mundus ego: ex hoc ad gentes vadam, id est, ex tempore isto ibo ad evangelizandum gentibus, innocens de vestro periculo: quia quantum in me fuit, satégi vos ad salutem reducere. Sed quum sitis indurati, ego ultra causam non habeo. Unde apud Ezechielem Dominus ait: Si dicente me ad impium; Morte morieris, non annuntiaveris ei, ut avertatur a via sua impia, et vivat; ipse in iniquitate sua morietur, sanguinem autem ejus de manu tua requiram. Si autem annuntiaveris impio, et ille non fuerit conversus; ipse quidem in iniquitate sua morietur, tu autem animam tuam liberasti.*
- 6 *Et migrans inde, intravit in domum cujusdam, nomine Titi Justi, colentis Deum: fuit enim de gentilitate ad Judaismum conversus, et in lege Moysis digne conversans, cujus domus erat conjuncta synagogæ, videlicet ædificio illi materiali quo congregabantur Judæi in Corintho manentes. Crispus autem archisynagogus, credidit Domino cum omni domo sua. Iste fuit inter Judæos Corinthios principalis, atque ad Christum cum domesticis suis conversus. Et multi Corinthiorum audientes prædicationem Pauli, credebant et baptizabantur.*
- 7 *Dixit autem Dominus nocte per visionem Paulo. Hoc Deus in somno per mi-*
- nisterium angeli in Dei persona loquentis ac apparentis, imaginaria visione locutus est Paulo. Noli timere inordinato pavore eos qui corpus occidunt; sed loquere prædicando, et ne taceas a verbis prædicationis, propter quod ego sum tecum, id est, eo quod me habeas jugiter adsistentem ac subvenientem. Simili modo confortavit Dominus Jeremiam. Et nemo apponetur tibi ut noceat te, id est, me protegente te, nullus accedentium tibi inferet nocumentum, læsionem seu mortem; quoniam populus est mihi multus in civitate hac, id est, multi sunt æternaliter prædestinati, per te convertendi, et gratia mea salvandi: qui sunt populus meus, non creatione dumtaxat, sed etiam prædestinatione. Sedit autem ibi, id est, in Corintho fuit et mansit, juxta communem modum loquendi quo dicimus, Ille sedit Romæ tot annis. Et in Deuteronomio Moyses filiis Israel loquens: Sedistis, inquit, in Cadesbarne multo tempore. Itaque, Sedit ibi-annum et sex menses, docens apud eos verbum Dei.*
- 10 *Gallione autem proconsole, id est procuratore et secundo a consule, Achaïæ regionis, in qua continetur Corinthus, insurrexerunt uno animo, id est in peccatis concordēs, Judæi in Paulum, et adduxerunt eum ad tribunal Gallionis, dicentes: Quia contra legem Moysis hic Paulus persuadet hominibus colere Deum, id est novam servare legem, veteri derelicta. Incipiente autem Paulo aperire os ad satisfaciendum, et exsufflandum, non veram, sed apparentem lucem mendacii, dixit Gallio vir gentilis ad Judæos: Si quidem esset iniquum aliquid, aut facinus pessimum, o viri Judæi, in Paulo, recte vos sustinerem, id est, juste vestram accusationem admitterem, et vestram molestiam ferrem. Si vero sunt quæstiones de verbo et nominibus legis vestræ, id est sermonibus et personis de quibus in vestra lege fit sermo, vos ipsi videritis, id est, inter vos discernite quid de hoc vobis incumbat agendum. Judex horum ego nolo esse, quia incerta sunt mihi, nec ad meum*
- Matth. x, 28.*
- Jer. 1, 7, 8.*
- Deut. 1, 46.*
- Ezech. xvm, 13; xxxiii, 4, etc.*
- Ibid. xxxiii, 8, 9.*

- 16 pertinent forum. *Et minavit*, id est, com- A bonum commune ubique. *Sed valefaciens* 21
minando recedere fecit, *eos a tribunali*.
17 *Apprehendentes autem omnes*, puta genti-
les qui aderant infideles, *Sosthenem prin-*
cipem synagogæ Corinthi, percutiebant
eum ante tribunal, tanquam capitaneum
irrationabilis illius concursus : quod tanto
audentius fecerant, quanto viderant pro-
consulem minus fovere partem Judæorum.
Ideo subditur : *et nihil eorum Gallioni cu-*
ræ erat. — Paulo ante jam dictum est, quod
Crispus fuit archisynagogus : quomodo er-
go nunc Sosthenes princeps synagogæ il-
lius vocatur? Ad quod puto dicendum,
quod Judæi increduli, agnita Crispi conver-
sione, a principatu deposuerunt eundem.
- 18 *Paulus autem quum sustinuisset adhuc*
dies multos in Corintho, vel circiter, *fra-*
tribus, id est Christianis qui erant ibi-
dem, *valefaciens, navigavit in Syriam*
(et cum eo Priscilla et Aquila), qui Pau-
lus sibi totonderat caput, id est, pilos ca-
pitis sui abrasit, *in Cenchris*, portu Co-
rinthio. De quo loco fuit Phœbe, de qua
Rom. xvi, 1. ad Romanos scribit Apostolus : Commen-
do vobis Phœben sororem nostram, quæ
est in ministerio Ecclesiæ quæ est Cen-
chris. *Habebat enim votum* : quia fuit na-
zaræus ex voto. Nazaræi quippe usque ad
Num. vi, 5. tempus determinatum ex voto comam nu-
18. triebant, completoque tempore voti, pilos
radebant, atque in sacrificii igne pone-
bant. Hæc Paulus fecit, ne Judæi conversi
et adhuc pusilli, scandalizarentur. Fuit
quoque id licitum pro tunc, scilicet lega-
lia observare, Judæis conversis, usque ad
Evangelii publicationem sufficientem : sic
tamen ut in illorum observantiis non po-
neretur spes salutis seu fides, quod scilicet
sine eis fides et gratia Christi non suf-
ficeret ad salutem.
- 19 *Devenitque Ephesum, et illos, puta*
Aquilam et Priscillam, *ibi reliquit*. *Ipse ve-*
ro ingressus synagogam, disputabat cum
20 *Judæis*. *Rogantibus autem eis ut amplio-*
ri tempore apud eos maneret, pro ple-
niore informatione eorum, *non consensit*,
omnium ardens amore, atque intendens
- B *Sic enim et Jacobus docet in sua Canonica. Profectus est ab Epheso.*
Et descendens Cæsaream. Multæ in di-
versis provinciis constructæ vel instaura-
tæ civitates in honorem Cæsarum diverso-
rum noscuntur, et dictæ Cæsareæ. Unde
hoc loco non facile arbitror definiendum,
quænam hæc fuerit Cæsarea, ad quam
Paulus ab Epheso devenit, quum in textu
distincte non sit posita, et plures in Asia
sint hujus nominis civitates. Ego tamen
puto eam esse quæ vocatur Diocæsarea,
propter ea quæ in textu statim sequuntur.
Ascendit et salutavit Ecclesiam, quæ ibi
tunc fuit, *et descendit Antiochiam Pisi-*
diæ, ad quam per Diocæsaream ab Epheso
rectum est iter. *Et facto ibi aliquanto* 23
tempore, profectus est, perambulans ex
ordine Galatiam regionem, quæ conjun-
cta est Pisidiæ, *et Phrygiam, confirman-*
tes omnes discipulos.
Judæus autem quidam, Apollo nomine, 24
Alexandrinus genere, quia in Alexandria
natus, *vir eloquens, devenit Ephesum, po-*
tens in Scripturis veteris Testamenti. *Hic* 25
erat edoctus viam Domini, id est evan-
gelicam Christi doctrinam; *et fervens spi-*
ritu, id est, Christi flagrans amore, et
zelo salutis proximorum, *loquebatur et do-*
cebat diligenter ea quæ sunt de Jesu,
quod scilicet ipse esset Christus Filius
Dei, *sciens tantum baptisma Joannis* : quo
et baptizatus fuit; non autem Baptismo
Christi pro tunc, sed postea : nondum
quippe fuit plene instructus de sacramen-
tis Ecclesiæ, fideique mysteriis. *Hic ergo* 26

27 *cepit fiducialiter agere in synagoga, fortiter predicando Judæis quod Jesus esset Messias. Quem quum audissent Priscilla et Aquila, assumpserunt eum, et diligentius exposuerunt ei viam Domini, id est, de doctrina et sacramentis Christi distinctius docuerunt. Quum autem vellet ire Achaia, puta Corinthum urbem Achaiae, exhortati fratres ab eo, vel eum ut in bono cœpto persisteret, scripserunt discipulis*

A Corinthi, ut susciperent eum tanquam fidelem, eum caritate et gaudio. Qui quum venisset Corinthum, contulit multum, id est, valde profuit, his qui crediderant, fidem eorum roborando. Vehementer enim Judæos incredulos revincebat, id est, iterum et frequenter convicit, publice, ostendens per Scripturas Prophetarum ac legis, esse Christum Jesum. Ad hoc quoque eloquentia sua non parum deservivit eidem.

28

ARTICULUS XIX

EXPLANATIO CAPITULI NONIDECIMI : FACTUM EST AUTEM, QUUM APOLLO ESSET CORINTHI.

1 **F**ACTUM est autem, quum Apollo esset Corinthi, ut Paulus peragratis superioribus regionibus, in quibus discipulos confortavit, plurimosque convertit, venit Ephesum, a qua præcedenti capitulo scribitur recessisse, et inveniret quosdam discipulos, id est quosdam in brevi christianos factos, sed incomplete; dispositi vero fuerant ad credendum perfecte. Dixitque ad eos : Si Spiritum Sanctum accepistis in signo visibili per manuum impositionem, credentes plenarie? At illi dixerunt : Sed neque si Spiritus Sanctus est, audivimus. Asserunt quidam, quod isti jam audierunt et crediderunt Deum esse unum et trinum, et per consequens Spiritum Sanctum. Ideirco verba hæc ita exponunt : Sed neque si Spiritus Sanctus est, scilicet hoc modo datus seu dandus, audivimus. Sed hoc textui non satis consonare videtur : et mirum, si audierunt quod Deus sit unus et trinus, quod non audierunt Spiritum Sanctum datum Apostolis in signo sensibili in die Pentecostes. Verius ergo putatur, quod non habuerunt adhuc distinctam de superbenedicta Trinitate fidem, nec in articulis fidei fuerunt competenter instructi, sed Jesum esse Messiam credebant.

Act. XVIII.
21.

Ibid. II, 1-4.

B Ille vero ait : In quo ergo, id est cujus baptismo, baptizati estis? At illi dixerunt : In Joannis baptismo. Dixit autem Paulus : Joannes baptizavit baptismo pœnitentiæ populum : quia ad agendam pœnitentiam ille ordinabatur baptismus, non autem delevit peccata; imo protestatio fuit agendi pœnitentiam, ac præparandi se ad Christi Baptismum; dicens : In eum qui venturus esset, post ipsum, ut crederent, hoc est in Jesum : id est, Joannes sub hac forma verborum baptizavit, C Ego te baptizo in nomine Venturi, videlicet Christi : qui jam tunc venit in carnem, sed nondum venit prædicando, et miracula faciendo in publicum. Sic ergo baptizavit Joannes, ut baptizatos induceret ad credendum in Jesum. Nam dixit : Ego vos baptizo in aqua, ille vos baptizabit Spiritu Sancto. Ideo ejus baptismus non fuit plenarie sacramentum, sed eo suscepto, nihilo minus suscipiendus fuit Christi Baptismus.

Marc. I, 4.

Matth. III,
11; Marc. I,
8.

His auditis, baptizati sunt in nomine Domini Jesu. Cur et quomodo sub hac forma dabatur Baptismus in primitiva Ecclesia, dictum est ante. Et quum imposuisset illis manus Paulus, venit Spiritus Sanctus super eos, id est, per sensibile

5
Cf. art. II,
vers. 38.

6

signum, se gratiam illis infudisse monstravit, et dona sua sensibiliter super eos effudit. Hinc subditur : *et loquebantur linguis*, id est diversis idiomatibus, *et prophetabant* : sicque duo hæc dona gratiæ gratis datæ, videlicet genus linguarum, et spiritus prophetiæ, per suos actus sensibiliter innotuerunt. Et hæc revera fuit magna et admirabilis gratia. *Erant autem omnes viri tanta gratia locupletati, fere duodecim.* Temperate loquitur Lucas.

Ingressus autem synagogam Ephesi, cum fiducia loquebatur per tres menses, B opportunitis scilicet horis. Videns enim viris illis tantum gratiæ munus collatum, exhilaratus est spiritu, et ingenti impletus fiducia quod et in aliis fructificaret. *Disputans et suadens de regno Dei*, id est de statu et gratia Ecclesiæ militantis, vel de felicitate et gloria Ecclesiæ triumphantis, et quomodo per fidem et Christi mysteria ad illud regnum pertingitur.

Quum autem quidam audientium, præsertim Judæorum, indurarentur in sua malitia, et non crederent : sicut enim electi C et boni ex auditu verbi Dei ad pœnitentiam emolliantur, sic perversi et reprobi obstinantur; *maledicentes viam Domini*, id est Evangelium Christi, *coram multitudine audientium prædicationem Pauli*, ut sic eam a Paulo averterent; *discedens ab eis* tanquam incorrigibilibus, *segregavit discipulos*, separando credentes ab incredulis, sicut separantur agni ab hœdis, ne inficerentur boni ex verbis pessimorum blasphemis, quorum sermo ut cancer serpit, *quotidie disputans in schola tyranni cujusdam.* Probabiliter dicitur, quod per tyrannum hoc loco intelligitur vir potens et nobilis, et forte satis rigorosus et ferus : a quo Paulus domum conduxit, faciens scholam de ea, in qua discipulos quotidie instruebat de fide atque Scripturis ac moribus, ut increduli formidarent eum in domo hac impedire, timore ejus cui domus attinebat. Aliqui tamen putant, quod Tyrannus sit hic proprium nomen.

Hoc autem factum est per biennium, ita

A *ut omnes qui habitabant in Asia, audirent verbum Domini, Judæi atque gentiles.* De Asia minori est sermo. Et distributio ista qua dicitur, Omnes qui habitabant in Asia, accipienda est pro generibus singulorum, ad innuendum quod ex omni genere indigenarum terræ illius, valde multi confluerunt ad Paulum, et convertebantur non pauci.

Virtutesque non modicas, id est opera 11 miraculosa, potentia, non qualiacumque, non parva, neque communia, qualia per minores Sanctos fieri solent, *faciebat Deus per manum Pauli*, ad confirmationem suæ doctrinæ, et conversionem populi audientis; *ita ut etiam super languidos deferrentur a corpore ejus sudaria, vel semicinctia*, id est vestes medietatem corporis tegentes (a *semis*, quod est medium, et *cingo*), *et recedebant ab eis languores, et spiritus nequam egrediebantur* ab obsessis per talium pannorum contactum : quod fuit grande miraculum, et quodammodo majus quam quod de Christo legitur, quod omnes qui tangebant fimbriam vestimenti ejus, sanabantur. Quo enim hujusmodi accidentalibus corpori, remotius amovetur a corpore eo præclarius est si per ea fiunt miracula, quia per hoc virtus et sanctitas animæ latius se extendit, et in distantiora operatur atque redundat. Unde et Paulus in epistolis suis frequenter tangit, quemadmodum prædicatio sua non fuit in persuasibilibus humanæ sapientiæ verbis, sed in ostensione signorum, virtutum et prodigiorum, et in plenitudine multa. Et hoc scribit ad eos quibus mentiri non potuit, quippe in quorum conspectu facta erant hujusmodi, ut et nos certissimi simus de veritate.

Tentaverunt autem quidam et de circumcumeuntibus Judæis exorcistis, id est dæmonum adjuratoribus, *invocare super eos qui habebant spiritus malos*, puta obsessos, *nomen Domini Jesu, dicentes* : *Adjuro vos per Jesum quem Paulus prædicat.* Refert Josephus Salomonem excogitasse et docuisse populum suum modos exorcismi,

11

12

Matth. ix,
20; xiv, 36.

I Cor. ii, 4;
I Thess. i, 5.

13

Matth xxv,
32.

II Tim. ii,
17.

10

id est adjurationis, quibus immundi spiritus expulsi ab homine, ulterius reverti non sunt ausi. Et ut asserit Beda, fit hoc interdum etiam per reprobos, ad condemnationem eorum qui faciunt, vel ob utilitatem eorum qui vident et audiunt, ut licet homines despiciant signa facientes, tamen Deum honorent, ad cujus invocationem fiunt tanta miracula. Verum, sicut Scholastica narrat historia, quamvis per exorcismos Salomonis ejicerent dæmones, non tamen absque multo labore, sed quibusdam herbis et gemmis adhibitis, ut tradit Josephus. Ut ergo facilius expellerent dæmones, adjurabant eos hoc modo, Adjuro vos per Jesum quem Paulus prædicat; sicque exhibant dæmones ab obsessis.

14 *Erant autem cujusdam Scevæ, id est viri sic dicti, Judæi, principis sacerdotum inter suos in Epheso, septem filii, qui hoc faciebant. Respondens autem spiritus nequam, dixit eis: Jesum novi, cognitione informi, quia non diligo eum, et Paulum scio, id est, nomina, personas, virtutes eorum agnosco. Vos autem qui estis? quasi dicat: Non tales vos nosco, ut deceat vos adjurare nos per Jesum, quemadmodum*
 15 *Paulus, quum sitis increduli. Et insiliens in eos homo, in quo erat dæmonium pessimum, id est crudelissimum et difficulter ejicibile, et dominatus amborum, id est duorum filiorum præfati principis sacerdotum, invaluit contra eos, ceteris forte interim fugientibus, seu non præsentibus, quia non semper omnes simul hoc faciebant, ita ut nudi et vulnerati effugerent de domo illa.*

17 *Hoc autem notum factum est omnibus Judæis atque gentilibus qui habitabant Ephesi; et cecidit timor super omnes illos, agnita Christi potentia. Unde amplius talia attentare nullus eorum præsumpsit. Et magnificabatur nomen Domini Jesu, id est, ipse Jesus ab omnibus illis magnificus cognoscebatur et prædicabatur, tanquam dæmonum omnipotens refrenator.*
 18 *Multique credentium veniebant ad Pau-*

lum, confitentes et annuntiantes actus suos culpabiles, quia compuncti sunt corde, et ore confessi. Multi autem ex eis qui fuerant curiosi, videlicet magicas artes, sectati, contulerunt libros artium harum, et combusserunt coram omnibus, in signum quod talia nunc cordialiter abhorrent, nec amplius exercere intenderent. Et computatis pretiis eorum, scilicet quantum valuisse putabantur, seu quanti constitissent, invenerunt pecuniam denariorum quinquaginta millium: quod scilicet tanti pretii erant. Ex quo patet, quod multi valde libri fuerunt ibi combusti, et ex ingenti devotione; quod etiam multi magi fuerunt ibidem conversi. Ita fortiter crescebat verbum Dei, id est, fructificabat evangelica prædicatio Pauli, in conversione audientium, et multiplicabatur numero meritoque credentium.

His autem expletis, proposuit Paulus in Spiritu, id est instinctu Spiritus Sancti, non propria excogitatione, transita Macedonia et Achaia, id est discipulis in illis provinciis demorantibus, visitatis et confortatis, ire Jerosolymam, ob loci reverentiam, sanctorumque locorum et primitivæ Ecclesiæ, præsertim S. Jacobi, visitationem, dicens: Quoniam postquam fuero ibi, oportet me et Romam videre, ad prædicandum ibidem, et quia a Deo præordinatum est hoc ad sui ipsius honorem, mei meriti incrementum, et aliorum conversionem. Mittens autem in Macedoniam duos ex ministrantibus sibi, Timotheum et Erastum: quos idcirco præmisit, ut eleemosynam in Jerusalem sanctis fidelibus deferendam per Paulum, colligerent, eamque Paulus adveniens inveniret paratam; ipse remansit ad tempus in Asia. Adhuc enim mansit in Epheso, ut verba pandunt sequentia.

Facta est autem illo tempore turbatio non minima de via Domini, id est de fide religioneque Christi in Epheso. Demetrius enim quidam nomine, argentarius, id est in argenti materia artificialiter operans, faciens ædes argenteas Dianæ, id est ima-

19

20

21

22

23

24

ginibus Dianæ, quæ in ædiculis illis speciosius ponebantur, præstabat artificibus non modicum quæstum, id est magnum lucrum. Quos convocans, et eos qui ejusmodi erant opifices, id est similes artifices, dixit : Viri, scitis quia de hoc artificio est nobis acquisitio, quia ædes imaginesque formando, multa lucratur; et videtis et auditis quia non solum Ephesi, sed et totius pene Asiæ minoris, Paulus hic suadens, id est, varias persuasiones pro sua prædicatione adducens, avertit multam turbam ab idolorum cultura, dicens, Quoniam non sunt dii, qui manibus fiunt.

Homo enim quum sit fragilis et mortalis, Deum formare non valet, quemadmodum in Isaia, Jeremia, et libro Sapientiæ demonstratur. Non solum autem hæc periclitabitur nobis pars in redargutionem venire, id est, non tantum periculose nobis opponetur quod non sunt dii, qui manibus fiunt humanis, et quod eis inaniter facimus ædes, sed et magnæ Dianæ templum in nihilum reputabitur, id est, despicietur, omnibus ad Christum conversis. Dicitur autem magna Diana, quia inter deas gentilium fuerat præfamosa. Sed et destrui incipiet majestas ejus, id est vilipendetur, quæ hucusque reputata est magna, quam tota Asia colit et orbis. Fuit enim cultus Dianæ undique dilatatus.

His auditis, repleti sunt ira, et exclamaverunt, dicentes : Magna Diana Ephesiorum. Et impleta est civitas confusione, id est, cives Ephesii inordinatione eturbatione impleti sunt, et impetum fecerunt uno animo in theatrum. Theatrum, secundum Bedam, est locus semicirculi habens figuram, in quo stantes populi ludos scenicos intus adspiciebant. Vel, ut alii dicunt, theatrum fuit locus in quo rei puniebantur, quoniam illuc etiam convenerant ad speculanda reorum supplicia. Nam theatrum Græce, Latine spectaculum significat. Forte utrumque istorum fiebat in loco hujusmodi. Rapto Gaio et Aristarcho Macedonibus, id est de Macedonia oriundis, comitibus, id est sociis, Pauli. Hos

A enim violenter traxerunt ad theatrum, Paulum non invenientes.

Paulo autem volente intrare in populum, ut falsitati resisteret, et quia pro veritate et æquitate mori paratissimus fuit, non permiserunt discipuli, propter commune bonum Ecclesiæ volentes eum conservare in vita, quemadmodum ipse scribit ad Philippenses : Manere in carne necessarium propter vos. Quidam autem et de Asiæ principibus tunc in Epheso consistentes, qui erant amici ejus, miserunt ad eum, rogantes ne se daret in theatrum, quia ex hoc aucta fuisset turbatio. Isti fuerunt ad fidem conversi.

Alii autem aliud clamabant : id est, unusquisque furentium secundum passionis suæ impetum vociferabatur. Erat enim ecclesia, id est collectio hominum illorum, confusa, et plures nesciebant quæ ex causa convenissent, id est, cur congregatus fuisset hic cœtus. De turba autem detraxerunt aliqui Alexandrum, ut a tumultu abstractus, redderet rationem, audientiamque haberet, propellentibus eum Judæis : non enim faciliter egredi potuit in tanta caterva. Alexander autem manu silentio postulato, volebat rationem reddere populo. Quem ut cognoverunt Judæum esse, et per consequens idola reprobantem, vox facta est unanimum, quasi per horas duas clamantium : Magna Diana Ephesiorum. Videntes enim adversarios sui ritus, magis accensi sunt suæ religionis ac deæ amore ac laude.

Et quum sedasset scriba turbas : fuit enim magister et doctor inter gentiles; dixit : Viri Ephesii, quis [enim est hominum qui] nesciat Ephesiorum civitatem cultricem esse magnæ Dianæ, Jovisque prolis ? Nam Jupiter fuit pater Dianæ. Quum ergo his contradici non possit, licite secundum nostram sectam, oportet vos sedatos esse, et nihil temere agere. Adduxistis enim homines istos Pauli discipulos, neque sacrilegos, neque blasphemantes deam vestram. Quomodo verum

30

Philipp. I,

24.

31

32

33

34

35

36

37

Is. XLIV, 9
et seq.; Jer.
II. II. 27, 28;
X, 3 5; Sap.
XIII, XIV.

27

28

29

- est hoc? Nonne idololatriam reprobabant? A id est, in congregatione ordinate collecta poterit a iudicibus ordinariis terminari. 40
 Et respondendum, quod utique; sed modus forte latuit scribam, vel favorabiliter loquebatur pro illis violenter adductis, ut
 38 *seditionem sopiret. Quod si Demetrius, et qui cum eo sunt artifices, habent adversus aliquem horum causam, conventus forenses aguntur in foro et publico, et proconsules sunt, loco consulum constituti; accusant invicem. Si quid autem alterius rei quaeritis præter causam Demetrii, in legitima ecclesia poterit absolvi,*
 39 *Nam et periclitamur argui seditionis hominæ, id est, periculum nobis imminet quod forsitan a superioribus redarguemur et puniemur ob seditionem præsentem, quum nullus obnoxius sit, de quo possimus reddere rationem concursus istius, id est, nullus hic ita excessit, ut ob id excusari possit præsens concursus. Quum autem dixisset hæc, dimisit ecclesiam, scilicet unumquemque in sua.*

ARTICULUS XX

EXPOSITIO CAPITULI VICESIMI : POSTQUAM AUTEM CESSAVIT TUMULTUS, ETC.

- 1 **P**OSTQUAM autem cessavit tumultus, B sent ex Pauli commissione, sustinuerunt, id est expectaverunt, nos, scilicet Paulum et existentes cum eo, quorum et
 2 *capitulo præcedenti descriptus, vocatis Paulus discipulis, et exhortatus eos, ut usque in finem in fide et sanctitate perseverarent, valedixit, et profectus est ab Epheso, ut iret in Macedoniam, causa admonendi ibidem discipulos. Quum autem perambulasset partes illas, scilicet Macedoniam et vicinas, et exhortatus eos fuisset multo sermone, venit ad Græciam, scilicet quamdam Græciæ partem; et ut in Scholastica historia dicitur, venit Athenas. Ubi quum fecisset, id est, fructuose expendisset, menses tres, aliorum conversioni et confortationi insistens, factæ sunt illi insidiæ a Judæis incredulis, navigaturo in Syriam versus Jerusalem; habuitque consilium ut reverteretur per Macedoniam, ad evadendum insidias, et ne spoliaretur eleemosynis seu collectis quas detulit secum versus Jerusalem. An vero insidias illas agnoverit ab homine, aut ex revelatione superna, ambigitur.* Act. xvi, 8. 6
 3 *Exod. xxxiv, 18.*
 4 *Una autem sabbati, id est prima die post sabbatum, seu prima die hebdomadæ, puta die dominica, secundum Bedam, quum convenissemus ad frangendum panem, id est ad sacra mysteria celebranda, secundum eundem. Unde supra dictum est, quod perseverabant in communicatione fractionis panis. Vel, Ad frangendum panem pro corporis refectione: et ita in Scholastica historia explanatur, quum dicitur, Una sabbati quum cœnaremus. Paulus disputabat cum eis, de evangelica veritate conferendo ac prædicando in Troade, profecturus in crastinum: ideo ante* Act. ii, 42. 7
 5 *de urbe Bercea, etc. Hi quum præcessis-*

suum recessum voluit eos diligenter in-
struere; *protraxitque sermonem usque in*
mediam noctem. In quo fervor ejus osten-
ditur zelusque animarum. *Erant autem*
lampades copiosæ in cœnaculo, ubi era-
mus congregati.

Sedens autem quidam adolescens, no-
mine Eutyclus, super fenestram, quum
mergeretur gravi somno, id est, ab ex-
terioribus reduceretur ad intima, sicut qui
mergitur, et rationis jam usu privaretur
obdormiendo, disputante diu Paulo, du-
ctus somno, cui non restitit, victus sopo-
re, cecidit de tertio cœnaculo deorsum :
et sublatus, oblatus, id est præsentatus,
est omnibus mortuus. Ad quem quum
descendisset Paulus, incubuit super eum :
sequens in hoc Eliam et Eliseum : quo-
rum primus ter, secundus septies super
defunctum incubuit. Paulus vero semel
dumtaxat, moxque impetravit quod pe-
tiit : in quo ejus excellentia declaratur.
Et complexus defunctum ex amore et
compassione, dixit : Nolite turbari. Jam
enim certus fuit Apostolus se exaudien-
dum pro pueri suscitatione : ideo addit,
anima enim ipsius est in eo, id est, tam
prope est ut suscitetur, ut perinde sit
quasi nunc viveret : sicut de homine ago-
nizante mox morituro dicimus, Mortuus
homo est. Ascendens autem ad cœnacu-
lum tertium, in quo ante disputavit, fran-
gensque panem, et gustans, satisque allo-
cutus eos usque ad lucem, sic profectus
est. Adduxerunt autem puerum viven-
tem, et consolati sunt non minime.

Opportune, Deo disponente, inter verba
prædicationis, occurrit occasio curationis
tam miraculosæ, ut ostensione prodigii,
confirmaretur prædicatio Pauli, aceti-
usque infingeretur mentibus discipulorum
memoria boni magistri ab eis mox disces-
suri. Innotescit quoque ex his sollicitudo
et fervor Apostoli pro proximorum salute.
Nam profecturus in crastinum, totam no-
ctem duxit insomnem, prædicationi inten-
dens usque ad mediam noctem : et tunc
juvene suscitato, et modico cibo sumpto,

A sermonem resumpsit, ac continuavit us-
que auroram, sicque recessit.

Nos autem ascendentes navem, naviga-
vimus in Asson, inde suscepturi Paulum.
Sic enim disposuerat ipse per terram
iter factururus. Itaque comites et discipu-
los suos præmisit in Asson, ut ibi præsto-
larentur ejus adventum : qui forte volebat
in terris intermediis, aliquibus loqui ver-
bum Dei. Porro Asson est civitas Asiæ
maritima. Quum autem invenisset nos*

B *nen : quæ urbs est in Lesbo, Ægæi maris*
insula. Et inde navigantes, sequenti die
venimus contra Chium : quæ item est in-
sula Ægæi maris, habens ad orientem Ly-
diam, Asiæ provinciam ; et alia die appli-
cuvimus Samum. Samos est insula in Ægæo
mari, in qua traduntur vasa fictilia pri-
mo inventa, et vasa Samia appellata sunt.
Unde et in Isaia habetur : Testa de Samo,
etc. Est autem insula ipsa Epheso op-
posita, et vicina Andro. Et sequenti die
venimus Miletum, civitatem Asiæ mari-

C *timam. Proposuerat enim Paulus trans-*
navigare Ephesum, id est non accedere
eam, quamvis prope eam navigaret, ne
qua illi mora fieret in Asia minori, cu-
jus Ephesus una metropolis erat, nempe
loniæ Asiæ provinciæ. Ideo si accessis-
set ad eam, non tam cito dimisissent eum
discipuli Ephesii. Festinabat enim, si pos-
sibile sibi esset, ut diem Pentecosten fa-
ceret, id est celebraret, Jerosolymis : po-
tissimum quia in eo datus fuit Spiritus
Sanctus. Illa quoque celebritas solennis
fuit, propter legis dationem, cujus præ-
cepta Decalogi manent in Evangelio Sal-
vatoris.

A Mileto autem mittens Ephesum, vo-
cavit majores natu Ecclesiæ Ephesinæ.
Qui quum venissent ad eum, et simul
essent in Mileto, dixit eis : Vos scitis a
prima die qua ingressus sum in Asiam,
gratia prædicandi, qualis per omne tem-
pus vobiscum fuerim, serviens Domino
cum omni humilitate : juxta illud, Quan-
to major es, humilia te in omnibus ; et

mansuetudine : quæ tam decet prælatos, quam indecens eis est ira; *et lacrimis multis*, quibus vestra peccata deplanxi, gratiam vobis postulavi, ad patriam adspiravi; *et tentationibus*, id est persecutionibus, quæ mihi acciderunt ex insidiis Judæorum; *quomodo nihil subtraxerim vobis utilium* : id est, non omisi vobis communicare ea quæ animarum prosunt expediuntque saluti; nilque de vestris substantiis seu facultatibus, ad boni utilis speciem pertinentibus, abstuli vobis, quacumque industria mihi talia colligendo; *quominus annuntiarem vobis* quæ salutem vestram concernunt, *et docerem vos publice, et per domos*, scilicet in privato, *testificans Judæis et gentilibus in Deum pœnitentiam*, id est agendam esse pœnitentiam, perducentem ad Deum, seu per divinam clementiam. Hæc aliqui prælatorum subtrahunt subditis ex avaritia, palpando eorum peccata, ne eis offensis temporale damnum incurrant : qui non sunt veri pastores, nec digni appellatione prælati. *Et fidem in Dominum nostrum Jesum Christum*, id est fidem catholicam, tendentem in Christum, et secundum ejus doctrinam se habentem.

Et nunc ecce alligatus ego Spiritu, id est, Spiritu Sancto me ad id adstringente ac impellente, *vado in Jerusalem* : quæ in ea mihi ventura sunt, *ignorans; nisi quod Spiritus Sanctus per omnes civitates protestatur mihi* : id est, in congregationibus christianis per varias urbes diffusis, sunt aliqui spiritu prophetico ornatī, per quos Spiritus Sanctus mihi insinuat; *dicens, quoniam vincula et tribulationes me manent*, id est exspectant, *Jerosolymis* : sicque certus sum revelatione illorum, quod ibidem ligabor, captusque tenebor ac tribulabor. Quibus verbis ostendit Apostolus, non sibi ipsi immediate a Spiritu Sancto, sed aliis fuisse revelata, quæ in Jerusalem passurus fuit adversa : quemadmodum etiam Deus per Nathan et Gad prophetas multa revelavit sancto David de proprio suo statu, cui im-

A mediate multa alia revelavit de mysteriis Christi et statu Ecclesiæ.

Sed nihil horum vereor, id est, adversa pro Christo pati non timeo, nec eos qui corpus occidunt formido, qui jam ad tantum patientiæ gradum culmenque deveni, ut in omni tribulatione læter ex animo, et inconcussus mente permaneam; *nec facio animam meam*, id est vitam corporalem ac sensitivam, *pretiosiore quam me totum*, seu quoad id quod sum secundum interiorem superioremque hominem, puta B supremam animæ partem, videlicet intellectivam. Intellectus enim dicitur homo, dicente Philosopho quod homo maxime est suus intellectus, juxta modum loquendi quo totum a parte principaliori denominatur. Itaque vitam corporalem pro nihilo ducit, qui in futuro quærit vitam æternam. Ideo subditur : *dummodo consummem cursum meum*, id est, peregrinationem et conversationem meam ad finem felicem perducam, *et ministerium verbi*, id est officium prædicandi, *quod accepi a Domino Jesu, testificari*, id est cum C protestatione et maxima affirmatione pronuntiare, *Evangelium gratiæ Dei* : quia in Evangelio Christi, gratia Dei potissime commendatur, docetur, refulget, et ipsum ex divina pietate ac gratia hominibus est collatum. Sed et lex evangelica gratiam confert, secundum quod sacramenta sua includit.

Et nunc ecce ego scio inspiratione divina, quia amplius non videbitis faciem meam in præsentī vita, omnes vos, Ephesii, per quos transivi prædicans verbum Dei. Sciebat namque Apostolus se ad illas partes amplius non venturum. *Quapropter contestor vos hodierna die, quia mundus sum a sanguine omnium vestrum* : id est, si quid periculi animæ incideritis, ego immunis sum. *Non enim subterfugi quominus annuntiarem vobis omne consilium Dei* : id est, ea quæ divina sapientia circa humani generis redemptionem instituit et effecit, præcepta quoque et documenta ipsius, vobis notificavi, mysteria

24

Matth. x, 28.

25

26

27

demum fidei christianæ, qualiter æterno A summæ Trinitatis consilio seu decreto peractum est, ut per unius divinæ increatæ Personæ, puta per Verbi incarnationem et passionem, salvatum est genus humanum.

Is. xl. 13; Rom. xi. 34. Sed quum alibi scriptum sit, Quis consiliarius ejus fuit? Sapiens quoque dixerit, Quis hominum poterit scire consilium Dei? quomodo potuit Paulus omne consilium Dei annuntiare hominibus? Et respondendum, quod non simpliciter de omni consilio Dei intendit, sed de omni consilio Dei quantum ad humanam spectat salutem : quemadmodum etiam ait Salvator,

Sap. ix. 13. Omnia quæ audivi a Patre meo, nota feci vobis. Præterea quum in ratione consilii includatur inquisitio, quæ nescientiam quamdam supponit, certum quod consilium proprie sumptum, non competit Deo : sic enim est ignorantis naturæ, secundum Damascenum. Sed ideo Deo adscribitur, quia nil agit improvide.

28 *Attendite vobis et universo gregi.* Primo inquit, Attendite vobis, id est, circum-

Mich. vi. 8. specte in omnibus vos habete, coram Deo C sollicite ambulate, omni diligentia cor vestrum in puritate servate; deinde similiter vestris subditis præstote ac provide-

Prov. iv. 23. te. Caritas enim incipit a se ipsa. Et qui sibi nequam est, cui bonus est? Qui autem se ipsum in omnibus rationabiliter dirigit, alios quoque gubernare poterit esse idoneus. *In quo vos Spiritus Sanctus posuit episcopos.* Si soli Christiani de urbe Epheso ibi fuerunt, non erant ibi multi episcopi, nisi episcopi pro sacerdotibus accipiantur. Unde aliqui dicunt, convocasse Apostolum omnes majores natu de diœcesi Ephesina, et aliis fortassis. Nam id superioribus verbis innuitur, ubi ait :

Eccli. xiv. 5. Omnes vos per quos transivi, prædicans verbum Dei. Neque enim pertransivit solam Ephesinam diœcesim. *Regere*, id est ad regendum, *Ecclesiam Dei*, id est congregationem fidelium Christi. Nam hic nomine Dei, persona Filii designatur, quia jungitur : *quam acquisivit*, id est, de manu inimici eripuit et sibi incorporavit,

sanguine suo, videlicet suæ dignissimæ passionis virtute ac merito. Quo utique testimonio divinitas Christi evidenter probatur.

Ego scio quoniam intrabunt post discessionem meam corporalem a vobis, *lupi rapaces in vos*, id est hæresiarchæ et falsi apostoli, dona gratiæ a fidelium mentibus rapiantes, *non parcentes gregi*, sed spiritualiter eum letaliterque lædentes diversis erroribus et peccatis. *Et ex vobis ipsis* 29
30 *exsurgent viri loquentes perversa*, id est,

B aliqui vestrum seu eorum qui prodibunt ex vobis, a fidei sinceritate recedent, et contraria fidei atque justitiæ affirmabunt, *ut abducant ab ecclesiastica unitate post se*, id est ad inhærendum eorum erroribus, *discipulos*. Hæretici enim libidine dominandi, docendi et apparendi, suos confinxerunt errores. De talibus in prima sua Canonica ait Joannes : In nobis erant, *sed non erant ex nobis. Propter quod vigilate*, id est, diligentes estote in custodiendo vos ipsos ac subditos : juxta illud 31
32 *Habacuc*, Super custodiam meam stabo ; *memoria retinentes, quoniam per triennium quo prædicavi in Asia, præsertim in Epheso, nocte ac die non cessavi*, tempore congruo, *cum lacrimis monens unumquemque vestrum*, nunc in generali, nunc in speciali, et unumquemque secundum suam capacitatem, vocationem et statum informans.

Et nunc commendo vos Deo. Etenim 32
33 nisi Dominus custodierit civitatem, frustra vigilant qui custodiunt eam. Divinæ igitur protectioni ac pietati omnem quem diligimus, jugiter commendemus. *Et verbo gratiæ ejus*, id est promissionibus divini eloquii, quibus misericordiam suam confugientibus ad ipsum promisit, ut illæ effectum sortiantur in vobis. Vel, Verbo, id est effectui, gratiæ ejus. Sæpe equidem in Scripturis verbum pro facto accipitur. *Qui potens est ædificare*, id est corda virtutibus confirmare, et unum per alium ad meliora provehere, *et dare hereditatem*, id est dona gloriæ in futuro, *in sanctifi-*

catis omnibus, id est, qui in Baptismo et in actibus virtuosus sanctificati sunt.

33 *Argentum et aurum aut vestem nullius*
34 *concupiri, sicut ipsi scitis*. Hoc contra pa-

Ezech.
XXXIV, 3.
stres et prædicatores avaros, qui temporalia spiritualibus præferunt, qui lan-
ovium operiuntur, et lacte earum refici-
untur, ipsas vero perire permittunt. *Quo-*
niam ad ea quæ opus mihi erant, et his
qui mecum sunt, ministraverunt manus
istæ, id est, propriis manibus necessaria

II *Thess.* III,
8.
cum, procuravi, labori manuum insisten-

II *Cor.* XI, 9.
do, ne quemquam gravarem. Unde Corin-

35 vobis servavi, et servabo. *Omnia* ad per-
fectionem pertinentia, *ostendi vobis* ver-
bo et exemplo, *quoniam sic laborantes,*
oportet suscipere infirmos, id est corpor-
raliter languidos de labore propriarum
manuum sustentare; vel, Infirmos, utpote
imperfectos et pusillos, ad virtutes indu-
cere. Istud est perfectionis, non necessi-
tatis, nisi in casu. *Ac meminisse*, mente
et operis exhibitione, *verbi Domini Jesu,* C
quoniam ipse dixit: Beatius est magis
dare quam accipere. Hoc verum est, se-
cundum se, ceteris paribus, et juxta in-
tentionem Apostoli. Etenim ceteris pari-
bus, amplioris est meriti eleemosynam
dare, quam sumere, si sumens ejusdem
sit facultatis ad dandum, ut ille a quo ac-
cipit. Propter quod Beda ait: Non illis
qui relictis omnibus secuti sunt Domi-
num, divites et eleemosynarios præfert;

Matth. XIX,
27.

A sed illos quammaxime glorificat, qui cun-
ctis quæ possident semel renuntiatis, ni-
hilo minus laborant operando manibus
quod bonum est, ut habeant unde tribu-
ant necessitatem patienti. Hic tanquam
hæretici reprobantur, dicentes quod ma-
joris perfectionis est, divitias proprias in
sæculo erogare, quam in religione men-
dicare. Propter quod in libro de Ecclesia-
sticis dogmatibus dicitur: Bonum est, cum
dispensatione bona pauperibus erogare;
sed melius est, intentione sequendi Chri-
stum, totum simul donare, et absolutum
a sollicitudine, cum Christo egere. Præter-
ea constat ex his, multa esse dicta docu-
mentaque Christi quæ nullus Evangeli-
starum descripsit: quia verbum nunc
allegatum, in Evangelio non habetur.

Ephes. IV,
28.

Et quum hæc dixisset, positus, id est 36
flexis, *genibus, oravit cum omnibus illis*,
id est, ut Deus universos misericorditer
conservaret. *Magnus autem fletus factus* 37
est omnium. Et procumbentes super col-
lum Pauli, osculabantur eum, dolentes 38
maxime in verbo quod dixerat, quoniam
amplius faciem ejus non essent visuri. Et
utique ingens omnino fuit causa ploran-
di, et triste divortium a tam dulci ma-
gistro, tam præclaro doctore, tam libe-
ralissimo ac utilissimo benefactore, tam
caritativo et affectuosissimo patre, sine
revisendi spe separari. *Et deducebant eum*
ad navem: juxta quam valefecerunt sibi
invicem non sine grandi dolore, qui ex
præcordiali processit amore.

ARTICULUS XXI

EXPOSITIO CAPITULI VICESIMI PRIMI: QUUM AUTEM FACTUM ESSET UT NAVIGAREMUS.

1 **Q**UUM autem factum esset ut naviga- D et sequenti die Rhodum, insulam claram
remus, abstracti ab eis, id est ab in Carpathio mari, oppositam Lyciæ, et
Ephesiis illis separati, recto cursu navis inde Pataram, quæ est civitas Lyciæ pro-
venimus Coo, insulam oppositam Asiæ, vinciæ in Asia, deinde Myream*. Istud *Myram

vero non est de textu, ut dicitur. Unde nec Beda nomen hujus loci exponit in libello, quem de expositione nominum locorum quæ in hoc libro exprimuntur, compilavit. [Et quum invenissemus navem transfretantem in Phœnicen, ascendentem navigavimus.]

Quum apparuissemus autem Cypro, relinquentes eam ad sinistram, navigavimus in Syriam, et venimus Tyrum. Ibi enim navis expositura erat onus : ideo applicare oportuit. Inventis autem discipulis, id est Christianis illic manentibus, quos diligenter tanquam fratres nostros quæsivimus, mansimus ibi diebus septem, ad eorum consolationem, et nostram refocillationem. Qui Paulo dicebant per Spiritum, ne ascenderet Jerosolymam. Capitulo præcedenti dixit se Paulus a Spiritu Sancto agi ad eundum Jerusalem : quomodo ergo isti Prophetæ, per spiritum prophetiæ suaserunt oppositum? Numquid Spiritus Sanctus verbis propriis contradicit? Ad quod respondendum, quod unum et idem, secundum diversas considerationes, suadetur, et dissuadetur. Aliqui quoque respondent, quod isti per Spiritum Sanctum noverunt et prædixerunt, Paulum, si ascenderet Jerusalem, ibi plura passurum. Quod vero suaserunt ne illuc ascenderet, ex suo spiritu, pia quadam compassione, protulerunt.

Et expletis diebus septem, profecti ibimus a Tyro, deducentibus nos omnibus Tyriis Christianis, cum uxoribus et liberis, id est filiis suis, usque foras civitatem. In quo patet quantus fuerit sanctæ dilectionis ardor in primitiva Ecclesia. Et positis genibus in littore, oravimus pro invicem, pro omnium nostrum communi salute, et ut Deus omnia in melius ordinaret, nosque spiritualiter adunatos conservaret, et ad patriam tandem perduceret. Et quum valefecissemus invicem, ascendimus navem; illi autem redierunt in sua. Nos vero, navigatione expleta, a Tyro descendimus Ptolemaidem. Ptolemais civitas est Terræ sanctæ maritima,

in tribu Aser, alio nomine Acon* dicta. *alias Achaia. Est autem et altera Ptolemais in Pentapoli provincia Africæ. Et salutatis fratribus Christianis ibidem, mansimus die una apud illos.

Alia die profecti, venimus Cæsaream Palæstinæ : de qua dictum est supra. Et intrantes domum Philippi evangelistæ, qui erat unus de septem diaconis, ad insinuandum quod non fuit Philippus apostolus. Dicitur autem evangelista, non quia Evangelii descriptor, sed fructuosus valde, continuus ac fervidus prædicator, ut constat ex his quæ supra de ipso contenta sunt. Mansimus apud eum, ad reverentiam tanti patris, viri apostolicæ perfectionis ac potestatis insignis. Huic autem erant quatuor filie virgines prophetantes : quæ, sicut in Scholastica fertur historia, prædixerunt Paulo quod ei in Jerusalem erat eventurum.

Et quum moraremur ibi per dies aliquot, supervenit quidam a Judæa Prophetæ nomine Agabus. Is quum venisset ad nos, tulit zonam Pauli, et alligans sibi pedes ac manus, dixit. Quod ait, Sibi, ad quem referatur, an scilicet ad ipsummet Agabum, vel ad Paulum, incertum videtur : nisi quod Gregorius in quadam homilia refert ad Paulum : quod et probabilius reor. Hæc dicit Spiritus Sanctus : Virum cujus est zona hæc, sic alligabunt in Jerusalem Judæi, et tradent in manus gentium. Agabus iste in modo loquendi et opere imitatus est veteris legis Prophetas, qui dicere consueverunt : Hæc dicit Dominus. Interdum etiam verbis facta seu signa sensibilia ac visibilia adhibebant, ad prænuntiandum quod incumbebat : quemadmodum Ezechiel in caligine vasa sua efferens, parietemque perfodiens, oculos quoque velavit. Quod quum audissemus, rogabamus [nos et qui loci illius erant,] ne ascenderet Jerosolymam. Et dixit : Quid facitis flentes et affligentes cor meum, quod vestro dolori compatitur, et non sine afflictione audit verba quæ contrariantur instinctui Spiritus San-

eti in me, quamvis vos pia moveamini ratione? *Ego enim non solum alligari, sed et mori in Jerusalem paratus sum pro nomine Domini Jesu.* Ecce vero strenuus miles, ardens amator, fortis pugnator, imperterritus præco.

15 *Post dies autem istos, ascendebamus Jerusalem.* Venerunt autem quidam et ex
16 *discipulis a Cæsarea nobiscum, adducen-*
tes secum apud quem hospitaremur, Ja-
sonem quemdam Cyprium genere, anti-
quum discipulum, quia jam diu fuit fideliter fixus in Christianismo. Ubi autem hospitaverit Paulum et suos, non dicitur.
17 *Et quum venissemus Jerosolymam, liben-*
18 *ter exceperunt nos fratres. Sequenti au-*
tem die introibat Paulus nobiscum ad Ja-
cobum, Jerosolymitanæ Ecclesiæ primum episcopum, de quo dictum est sæpe; omnesque collecti sunt seniores christiani, audito Pauli adventu. Et forte a Jacobo convocabantur. Quos quum salutasset Paulus,
19 *narrabat per singula, quanta fecisset*
Deus in gentibus per ministerium illius, quanta videlicet signa atque miracula, quantam gentilium conversionem, quantam gratiarum charismata et immensa suæ clementiæ opera. At illi quum audissent,
20 *magnificabant Deum,* gratias referendo pietati divinæ; *dixeruntque ei,* scilicet Paulo:

21 *Vides, frater, quot millia sunt in Judæis qui crediderunt Deo,* fidem Christi suscipiendo, et omnes æmulatores sunt legis, id est amatores et imitatores legis Mosaicæ, ne illam subito spernere videantur, tanquam non esset data a Deo. Verumtamen isti non posuerunt spem salutis in legalium observatione. Audierunt autem de te, quod discessionem doceas a Moyse, eorum qui per gentes sunt Judæorum, id est, quod Judæos inter gentiles dispersos informes dimittere observantiam legis Mosaicæ, dicens non debere eos circumcidere filios suos, neque secundum consuetudinem legis ingredi, scilicet conversari. Quidam infideles Judæi Paulum mendaciter accusaverunt, quasi doceret

A legalia etiam pro tempore illo esse mortifera: quod falsum fuit, quia ut patuit, ipsemet Timotheum circumcidit, et proprium caput totondit in Cenchris. Gentilibus vero conversis talia prohibebat, sed Judæis ea concessit usque ad pleniorum Evangelii divulgationem, ob commendandam veteris legis auctoritatem, et sacramentorum illorum prophetice sanctitatem. Hæc autem superius tacta sunt sæpe.

Quid ergo est agendum? Utique oportet 22
convenire multitudinem Judæorum in Jerusalem credentium, de te sinistre informatam, ut veritate agnita contententur. Audierunt* enim te supervenisse, non hiantum, sed et infideles Judæi. Hoc ergo 23
fac quod tibi dicimus. Sunt nobis, id est inter nos, *viri quatuor* Judæi ad Christum conversi, *votum habentes super se,* quia aliquid Deo voverunt. His assumptis, 24
sanctifica te cum illis, id est, secundum legem Deo te exhibe sicut et illi; et impende in illis oblationem seu exhortationem, ut radant capita sua, secundum legis 25
traditionem; et scient omnes, quia quæ de te audierunt de legalium abolitione, falsa sunt, sed ambulas et ipse custodiens legem, etiam quoad cærimonialia, dum tempus, causa et locus id exigunt, ad vitandum scandalum infirmorum, atque ob alias rationabiles causas frequenter prætaetas. De his autem qui crediderunt ex 25
gentibus, nos scripsimus, judicantes ut abstineant se ab idolis immolato, id est, ne edant sacrificia illis oblata, et sanguine, et suffocato, et fornicatione. Quomodo factum et intelligendum sit hoc, supra diffuse tractatum est. In Act. xv, 20 et seq.

Tunc Paulus, assumptis viris, postera 26
die purificatus cum illis, secundum ritum legalem, intravit in templum, annuntians expletionem dierum purificationis observandæ secundum legem circa 27
tales quales isti quibus junxit se Paulus, fuerunt, donec offerretur pro unoquoque eorum oblatio.

Quum autem septem dies consummarentur: vel ab ingressu Pauli in Jerusa-

Act. xvi, 3.

Ibid. xviii, 18.

* alias Audient 23

24

Num. vi, 18.

In Act. xv, 20 et seq.

Num. vi, 13 et seq.

- lem, ut aliqui dicunt; vel potius, secundum Bedam et Glossam, nondum in toto consummati erant hi septem dies, sed eorum cursus et consummatio agebatur : unde expressius in Græco habetur, Quum autem incipiebant septem dies consummari. Alioqui non potest stare quod Paulus post quinque dies adventus sui in Cæsaream, præsidi ait : Quia non sunt mihi plus quam duodecim dies, ex quo ascendi adorare in Jerusalem. Si enim his septem, et illis quinque diebus, adjiciantur dies concilii quo Paulus Pharisæos et Sadducæos dissociavit, itemque dies quo se devoverunt Judæi Paulum occisuros, quatuordecim erunt dies. *Hi qui de Asia erant Judæi, in sua infidelitate obstinati, quum vidissent eum in templo, concitaverunt omnem populum tunc præsentem, et injecerunt ei, scilicet Paulo, manus, clamantes : Viri Israelitæ, adjuvate. Hic est homo qui adversus populum Judæorum, et legem Moysis, et locum hunc, utpote templum, omnes ubique docet, quasi populus Judæorum sit totaliter reprobus, lexque eorum abolita, et templum violandum. Insuper et gentiles induxit in templum, et violavit sanctum locum istum, quia a templi ingressu prohibet lex gentiles. Cur autem de gentilium inductione in templum id dixerint, subditur : Viderant enim Trophimum Ephesium discipulum Pauli in civitate Jerusalem cum ipso, quem æstimaverunt quoniam in templum induxisset Paulus : sicque ex sola suspicione in certam sententiam proruperunt. Affectu namque corrupto, ratio prorsus inficitur, et modica orta occasione turbatur.*
- 30 *Commotaque est civitas tota Jerusalem, hoc rumore audito, et factus est concursus populi. Et apprehendentes Paulum, trahebant eum extra templum; et statim clausæ sunt januæ templi, ne ab aliquo gentilium amplius violaretur, et ne Paulus in illud refugeret.*
- 31 *Quærentibus autem eum occidere, nuntiatum est tribuno cohortis, videlicet Claudio Lysiæ, misso a Felice præside : Quia tota confunditur Jerusalem, id est, univ-
ersus populus ejus turbatur. Qui statim assumptis militibus et centurionibus, quorum quilibet præfuit centum militibus, decurrit ad illos, qui propria auctoritate se vindicare usurpaverunt. Qui quum vidissent tribunum et milites, cessaverunt percutere Paulum. Tunc tribunus apprehendit eum, videlicet Paulum, et jussit ligari catenis duabus, putans eum multum forefecisse, contra quem tota plebs
Judaica ita furebat; et interrogabat eum quis esset, et quid fecisset, ut si proprio testimonio convinceretur, non puniretur per alios ad extorquendam notitiam suorum excessuum, sed per tribunum judicaretur. [Alii autem aliud clamabant in turba.] Et quum non posset certum cognoscere præ tumultu, jussit eum duci in castra, id est turrim regiam in qua ponebantur captivi. Et quum venisset Paulus ad gradus, forte turris illius, contigit ut portaretur a militibus propter vim populi volentis eum discerpere. Sequebatur enim multitudo, clamans : Tolle, id est, aufer, eum a vita.*
- 32
33
34
35
36
37
38
- Et quum cœpisset duci in castra, Paulus dicit tribuno : Si, id est an, licet mihi loqui ad te aliquid? Qui dixit : Græce nosti? id est, scis Græcum idioma? Locutus enim fuit Paulo tribunus Græce, ne Judæi intelligerent, ut Scholastica narrat historia. Quumque eadem lingua responderet Paulus, mirabatur tribunus quod linguam hanc nosceret. Idcirco adjecit : Nonne tu es Ægyptius, qui ante hos dies tumultum concitasti, et duxisti in desertum quatuor millia virorum sicariorum? Quemadmodum Beda et Scholastica historia ex verbis Josephi recitant, Ægyptius quidam, tempore Felicis præsidis, de quo paulo post sermo est, magica arte prophetam se fecit putari; congregatisque triginta millibus circiter Judæorum, duxit eos per desertum usque ad montem Oliveti, volens super Jerusalem repente irruere, ut caperet eam. Cui occurrens Felix præ-*
- Act. xxiv, 11.*
Ibid. xxii, 30; xxiii, 1 et seq.
Ibid. xxiii, 12.
Act. xxiii, 24 et seq.

ses cum multis militibus, fugavit cum A cum paucis, et alios interfecit. Nec obstat quod tribunus efficit mentionem de quatuor millibus, quia fortasse primo pauciores, deinde plures fuerunt. Dicunturque viri sicarii, quoniam sicas, id est gladios breves, manu gestabant, quibus populos clam letaliter vulneraverunt, ita ut mors præveniret querelam, et lateret percussor.

39 *Et dixit ad eum Paulus : Ego quidem sum homo Judæus, non a tribu Juda, sed prout omnes Israelitæ tunc Judæi dice-*

Act. ix, 11. bantur, a Tarso, urbe Ciliciæ, ut dictum est, non ignotæ, id est non obscuræ, civitatis municeps, id est civis. Rogo autem
40 *te, permitte me loqui ad populum. Et quum ille permisisset, Paulus stans in gradibus, annuit manu ad plebem, ut eum adverteret; et magno silentio facto, non ob reverentiam Pauli, sed aviditate sciendi quid excusationis prætenderet, allocutus est eos Hebræa lingua, dicens.*

Circa hunc locum Scholastica ait historia : Distingue quatuor synodos, in primitiva Ecclesia celebratas in Jerosolymis : C primam, de substitutione Matthiæ pro Juda; secundam, de electione septem diaconorum; tertiam, quod gentilibus conversis non esset imponendum onus legalium; quartam, de qua hic agitur, qua statutum est non prohiberi Judæos a legalibus observantiis tempore primitivæ Ecclesiæ, dummodo spem non constituerent sibi in eis.

Postremo, quia in præinductis frequenter jam habitum est, legem Moysis, quantum ad aliqua, puta præcepta moralia, in D lege evangelica observandam, non autem quoad præcepta cærimonialia : ut illud plenius innotescat, sciendum quod, sicut in prima secundæ Thomas edocuit, tri-

plicia erant legis præcepta, videlicet moralia, cærimonialia, et judicialia. Moralia sunt decem præcepta Decalogi, quia ad bonos pertinent mores, et immediate de virtutum actibus conferuntur. Lex enim divina ad Dei amorem homines ordinare intendit : quod fieri nequit, nisi per actus virtutum. Divinæ quoque legis intentio est, homines convenienter disponere, tam ad se ipsos, quam in ordine ad Deum. Et horum utrumque in communi, est de naturali lege seu naturalis rationis dictamine : oportuit tamen utrumque determinari in speciali, videlicet quantum ad modum colendi Deum, et item quoad modum observandi justitiam inter homines. Illa ergo præcepta quæ determinant præcepta moralia quoad Deum, assignando speciales modos et ritus cultus divini, cærimonialia nominantur; quæ vero determinant præcepta moralia quantum ad homines, assignando speciales modos servandi justitiam inter homines, judicialia appellantur. Ad cærimonialia autem præcepta pertinebant oblationes et sacrificia legis. Quum autem præcepta moralia sint immediate de actibus justitiæ, ad caritatem Dei et proximi ordinatis, manent et obligant in evangelica lege; præcepta vero cærimonialia, quoniam figurativa erant Christi et mysteriorum ipsius ac cultus novi Testamenti, in nova lege non obligant, nec Evangelio divulgato fuerant observanda. Nam veritate veniente ac patet facta, cessat figura : et si adhuc observarentur, hoc esset ipso facto asserere Christum nondum venisse. Præcepta demum judicialia non erant sic figurativa : idcirco in lege nova possent servari, si ab aliquo, cujus est leges condere, instituerentur.

Ibid. i, 15 et seq.

Ibid. vi, 2-6.

Ibid. xv, 6 et seq.

ARTICULUS XXII

EXPOSITIO CAPITULI VICESIMI SECUNDI : VIRI FRATRES ET PATRES.

- 1 **V**IRI fratres et patres, audite quam A Saule, Saule, quid me persequeris? etc.
 2 ad vos nunc reddo rationem. Quum Istā supra exposita sunt et descripta. Et In Act. ix,
 audissent autem quia Hebræa lingua lo- 3 et seq. 9
 queretur, magis præstiterunt silentium.
 3 Et dixit : Ego quidem sum vir Judæus, qui mecum erant, lumen quidem vide-
 natus in Tarso Ciliciæ, nutritus autem runt, vocem autem ejus qui loquebatur
 in civitate ista, secus pedes Gamalielis, mecum, non audierunt. Unde quod capi-
 eruditus juxta veritatem paternæ legis, tulo nono ait Lucas, Vocem quidem au-
 id est legis Moysis, quam pater meus et dientēs, expositum est ibi de voce Pauli,
 prædecessores mei servaverunt. Porro, se- non Christi. Beda tamen hoc loco innuit,
 cundum Bedam, parentes Pauli de oppido utrumque de voce Christi intelligendum,
 quodam Galilææ fuerunt : quo a Romanis ita quod sonum confusum audierunt. Ideo
 capto, per dispersionem venerunt et ha- etionem. Estque istud simile voci de qua
 bitaverunt Tarsum Ciliciæ. Filium autem legitur in Joanne. Quum enim Christus
 suum Paulum miserunt Jerosolymam ob in Evangelio dixisset, Pater, clarifica Fi-
 studia legis, qui a Gamaliele viro doctis- lium tuum; venit vox dicens : Et clari-
 simo ibidem instructus est. Emulator le- ficavi, et iterum clarificabo. Cujus sonum
 gis, sicut vos omnes estis hodie. Sicut, quidam confuse audientes, dixerunt toni-
 notat hic similitudinem aliqualem, non truum factum esse; alii qui distinctius
 totalem, imo nec magnam. Siquidem ante perceperunt, dixerunt (quod verum est),
 conversionem suam Paulus, dum perse- Angelus ei locutus est. Et quum non vi-
 queretur credentes in Christum, habuit derem præ claritate luminis illius, sic-
 æmulationem zelumque legis indiscretum ut qui soli intendit, impeditur in visu
 et excæcatum, sicut et isti infideles Ju- alterius rei, ad manum deductus, veni
 dæi; sed quando hæc dixit, æmulator fuit C Damascum.
 legis secundum spiritualem ipsius intelli- Ananias autem... dixit mihi : Deus pa- 12-14
 gentiam, non secundum litteram occiden- trum nostrorum præordinavit te, ut co-
 tem, juxta quam isti æmulabantur eam. gnosceres voluntatem ejus, qua vult ho-
 4 Qui hanc viam, scilicet evangelicam fi- mines fidem Christi suscipere, et videres
 dem ac legem, persecutus sum usque ad Justum, id est, Christum inspiceres sive
 mortem quorundam, qui me procurante cognosceres, quando apparuit tibi in via,
 occisi fuerunt pro fide hac, quorum Ste- et maxime infra triduum quo in Damasco
 phanus fuit unus, alligans et tradens in Act. ix, 9.
 custodiam, id est carcerem, viros ac mu- cæcus fuisti, non comedens neque bibens:
 5 lieres, sicut princeps sacerdotum testimo- tunc enim raptus fuit ad tertium cælum;
 nium reddit mihi, etc. et audires vocem ex ore ejus : quia testis 2-
 6 Factum est autem, appropinquante me D vidisti et audisti, etc. 15
 Damasco, media die, subito de cælo cir- Factum est autem revertenti mihi in 17
 cumfulsit me lux copiosa; et decidens in Jerusalem, et oranti in templo, fieri me in
 7 terram, audiavi vocem dicentem mihi : stupore mentis, id est ecstasim quamdam

incidere præ elevatione mentis in Deum. A sicut in prophetiis visionibus fit alienatio a sensu exteriori. Istud contigit Paulo quum a Damasco redisset in Jerusalem : de quo reditu dictum est supra. *Et videre illum*, scilicet Christum, *dicentem mihi*. Visio ista fuit in spiritu, et imaginaria erat, angelico famulatu exhibita, sicut et illa quam sibi in Apocalypsi factam describit S. Joannes. *Festina et exi velociter ex Jerusalem, quoniam non recipient habitatores ejus testimonium tuum de me. Et dixi : Domine, ipsi sciunt quia ego eram concludens in carcerem et cadens per manus aliorum per synagogas eos qui credebant in te. Et quum funderetur sanguis Stephani testis tui, ego adstabam.* Quasi dicat : Ista possunt eis sufficere ad credendum quod non nisi a Deo conversus et missus sum. *Et dixit Christus ad me : Vade, quoniam ego ad nationes longe mittam te.*

Audiebant autem Judæi eum, scilicet Paulum, *usque ad hoc verbum eum silentio*. Quo audito, impatientia superati, eo quod diceret se divinitus missum ad gentilium conversionem, reprobatis, obstinatis et derelictis ipsis Judæis, qui gentiles velut canes spernebant, *et levaverunt vocem, dicentes*. Fervor et impetus animi, facit in magnam prorumpere vocem : nam causa aucta, augetur effectus. *Tolle, o tribune, de terra*, id est de hominum communione, *ejusmodi deceptorem. Non enim fas est eum vivere*. Isti incorrigibiles verba Pauli verificaverunt, quibus jam dixit sibi a Christo prænuntiatum quod testi-

monium suum nequaquam reciperent. *Vociferantibus autem eis, et projicientibus vestimenta sua, et pulverem jactantibus in aerem : per quæ omnia animorum suorum turbulentiam et furorem monstrarunt, jussit tribunus induci eum in castra*, videlicet in turrin de qua jam dictum est, *et flagellis cadi et torqueri eum, ut sciret propter quam causam sic acclamarent ei*. Suspiciabatur enim tribunus, quod non nisi ob gravem exces-

sum, tam impetuose contra Paulum moverentur.

Et quum adstrinxisset eum loris seu funibus vel catenis, dixit adstanti sibi centurioni Paulus : Si hominem Romanum, ulpote civem urbis illius, indemnatum, id est de nullo excessu secundum processum et ordinem juris convictum, licet vobis flagellare ? quasi dicat, Nequaquam. Magnis enim privilegiis gaudebant ubique cives Romani, inter quæ unum fuit, ne ante judiciariam culpæ ostensionem aliqua pœna afficerentur. *Quo audito, centurio accessit ad tribunum, dicens : Quid acturus es ?* quasi dicat : Magno te exposuisti periculo, quoniam Romani imperatoris incides iram, si quæ egisti perceperit. *Hic enim homo civis Romanus est. Accedens autem tribunus, dixit : Dic mihi, si civis Romanus es ? At ille dixit : Etiam. Respondit tribunus : Ego multa summa pecuniæ civilitatem hanc assecutus sum*, id est, cum magna eam emi pecunia. *Et ait Paulus : Ego autem et natus sum*. Non quod Paulus natus sit Romæ, sed quia pater ejus legatis Romanorum honorifice obviavit, tam reverenter se et sua eis exhibuit, quod civilitatem hanc sibi largiti sunt, pro ipso et pro filiis suis, antequam Paulus esset natus. Idque divina factum est ordinatione pro comodo Pauli, qui hanc civilitatem allegavit : non quod pro Christo pati et mori paratus non fuerit, sed quia humana industria potuit uti ad excutiendum se de hostium manibus, ut amplius fructificaret in mundo. *Protinus ergo discesserunt ab illo, qui eum erant torturi. Tribunus quoque timuit, postquam rescivit, id est, vere cognovit, inquisitione diligentiore peracta, quia civis Romanus esset, et quia ligasset eum, timens de hoc apud Romanos accusari.*

Postera autem die, volens scire diligentius qua ex causa accusaretur a Judæis, solvit eum, et jussit sacerdotes convenire, et omne concilium Judæorum, et producens Paulum, statuit inter illos.

ARTICULUS XXIII

ELUCIDATIO CAPITULI VICESIMI TERTII : INTENDENS AUTEM IN CONCILIUM PAULUS.

- 1 **I**NTENDENS autem in concilium Paulus, id est, Judæorum principes consulesque adspiciens, ait : Viri fratres, ego omni conscientia bona conversatus sum ante Deum usque in hodiernum diem. Conscientia secundum Thomam, non potentiam aut habitum nominat, sed actum : sicque in uno homine est conscientia una in genere, sed multæ in specie, secundum quod homo in variis actibus virtuosis, diversas in eis conscientias habet bonas. Itaque ait sanctus Apostolus, quod a tempore quo ad Christum conversus est, non fuerit sibi conscius de aliquo mortali peccato, imo in omnibus conscientiam bonam sortitus est : non tamen per hoc asserit se interim venialiter non peccasse ; nec ista præsumptuose sive vane locutus est, sed opportune, ad gloriam Dei, veritatisque ostensionem et aliorum ædificationem. Nam et alibi fassus est : Nihil mihi conscius sum. Sic namque et alii Sancti justitias suas professi leguntur, ut patet de Samuele, David et Ezechia in libris Regum : quia et Christus ait : Sic luceat lux vestra coram hominibus, ut videant bona facta vestra, et glorificent Patrem vestrum qui in cœlis est.
- 2 Princeps autem sacerdotum Ananias præcepit adstantibus sibi subditis suis, percutere os ejus, tanquam organum per quod verba præsumptuosa ac blasphema dixisset : et forsitan indignabatur occulte quod Paulus non exhibuisset sibi majorem reverentiam in loquendo, sed solum dixisset, Viri fratres, etc. Spiritualiter enim superbi, libenter patres et domini appellantur ; et nomina quæ æqualitatem prætendunt, abominantur.
- 3 Tunc Paulus dixit : Percutiet te Deus, A paries dealbate. Secundum Bedam et Rabanum, verbum illud prophetia est, non maledictio. Et in hoc Augustinum sequi videntur. Etenim Beda ait : Non perturbatione animi Paulus commotus hoc dixit, sed utique prophetando locutus est : qua figura pontificium illud legale, quod erat in similitudine parietis dealbati compositum, percutiendum esset ac destruendum, quum jam verum sacerdotium Apostolis Evangelium Christi prædicantibus advenisset. Et inde est quod ait, Percutiet te Deus ; non ait, Percutiat : indicativo modo hoc ipsum futurum significans, non optativo maledicens. Unde in Scholastica historia dicitur : Forte prophetavit Paulus de abolitione sacerdotii Judæorum, dicens, Percutiet te Deus, paries dealbate : quasi dicat, Destruet sacerdotium tuum. — Verum his objici posset, quod si Paulus prophetando hæc protulit, tunc utique sensum verborum suorum intellexit (intelligentia enim est opus in visione), nisi omnino improprie dicatur hæc prophetice protulisse, quomodo Caiphas prophetavit de Christo, Quia expedit unum hominem mori pro populo. Paulus autem in verbis his præfatum sensum propheticum non videtur intellexisse : non enim sciebat quod vir ille pontifex esset, sicut verba statim sequentia contestantur. Quomodo ergo loquendo ad eum, Percutiet te Deus, intellexit aut insinuavit pontificium Judæorum destruendum ? Hoc tangendo, non reprobando, sit dictum. — Puto ergo beatum Apostolum apostolica auctoritate protulisse zelo justitiæ, futuram punitionem illius reprobi nuntiando : tanquam dicat, Percutiet te, id est, tuam impietatem vindicabit. Denique hoc modo Jeremias et alii

I Cor. iv, 4.

I Reg. xii, 3;

II Reg. vi,

21; IV Reg.

xx, 3.

Matth. v,

16.

Dan. x, 1.

Joann. xviii,

14.

Sancti, frequenter contra adversarios suos locuti noscuntur. Videam, ait Jeremias, ultionem tuam ex eis. Vocando autem pontificem, parietem, notat eum fuisse hypoeritam, quia et foris æquitatem prætendebat, et intus passionibus pessimis erat plenus. Juxta quem etiam modum Christus in Evangelio Scribis Pharisæisque ait : Væ vobis, qui similes estis sepulcris dealbatis, quæ a foris pulchra apparent, intus vero plena sunt ossibus mortuorum et omni spurcitia.

Matth.
xxiii, 27.

Lep. xxiv.
14 16.

Rom. xiii, 1.

Exod. xxii,
28.

Et tu sedens in cathedra quasi episcopus, judicas me secundum legem, ut dicis, quamvis ita non sit, quum lex dicat innocentem non cædendum; et contra legem jubes me percuti, quum in lege dicatur, Innocentem non condemnabis. Vel sensus est : Secundum legem judicas me esse blasphemum, et tamen non jubes mihi pœnam infligi blasphemix : quia secundum legem, blasphemum sunt extra castra ducendi ac lapidandi.

4 *Et qui adstant, dixerunt : Summum sacerdotem Dei maledicis? quasi dicant : In hoc præsumptuosissime facis, et contra legem quam te perhibes æmulari, et contra propria verba quibus dixisti te omni bona conscientia conversatum. Dixit autem Paulus : Nesciebam, fratres, quia princeps est sacerdotum. Quasi diceret : Si hoc scivissem, ad vitandum scandalum pusillorum, moderatius essem locutus, propter eum a quo est omnis potestas. Non tamen peccavit verba prædicta loquendo : nam æquitate instigante hæc dixit; et in quantum Apostolus, altioris fuit episcopatus ac dignitatis, quam antistes legalis. Apostoli namque fuerunt primi pontifices evangelicæ legis; et sicut sacerdotium novi Testamenti præferendum est sacerdotio veteris legis, sic et pontificium istud illi est pontificio anteponendum. Scriptum est enim in Exodo : Principem populi tui non maledices. Blande se excusavit Apostolus, ne illi in vitia laberentur. Sed pontifex iste principatum non habuit super Paulum, nec super quem-*

quam credentium, qui Christi potestati subjecti, a legali dominatione fuerunt erepti.

Porro his dictis, cernens Apostolus quod omnes isti de concilio, concordessent ad faciendum impetum contra eum, quum tamen inter se plurimum discordarent, decrevit malam eorum concordiam dissipare, et utilem inter eos divisionem conserere. Quemadmodum enim bonorum pax et unio bona est et plurimum utilis, sic impiorum concordia nocet, præsertim dum bono contrariantur communi, aut unus alteri cooperatur. Itaque sequitur : *Sciens autem Paulus quia pars una eorum esset de secta et numero Sadducæorum, et altera Pharisæorum, exclamavit in concilio : Viri fratres, ego Pharisæus sum, filius Pharisæorum. Non mendose hoc dixit, nam ante conversionem secundum Pharisæorum religionem sine querela est conversatus. Conversus vero ad Christum, adhuc observantias sectæ istius tenebat pro loco, causa et tempore, quantum evangelica lex permisit, sicut jam patuit. De spe et resurrectione mortuorum ego judicor, id est, a vobis condemnor, quoniam resurrectionem ex mortuis prædico, et futuram beatitudinem credentibus evangelizo. Et hoc iterum verum est. Allegavitque causam suæ dijudicationis in genere, non in singulari. Non enim dixit, De resurrectione et glorificatione Christi judicor, sed, De spe et resurrectione mortuorum, quorum et Christus fuerat unus, cujus resurrectionem prædicando, Judæorum incurrit offensam. Ex quibus elicitur, quod vicissim liceat uti honesta industria, et veritatem sapienter velare, ut mala majora vitentur.*

Et quum hæc dixisset, facta est dissensio inter Pharisæos et Sadducæos, et soluta, id est divisa et disgregata, est multitudo concilii. Sadducæi enim dicunt, non esse resurrectionem, quia et animas hominum asserebant mortales; neque angelum, neque spiritum, id est immateriales substantias : in quo eorum maxima

6

Philipp. iii,
5, 6.

7

8

ruditas innotescit, quum et in libris Moy-
sis toties fiat de angelis mentio. *Pharisæi
autem utrumque confitentur*, videlicet re-
surrectionem mortuorum et angelos. Erant
autem inter Judæos tres sectæ, videlicet
Sadducæi, qui libros Moysis tantummodo
receperunt; et Pharisæi, qui etiam libros
Prophetarum susceperunt; et Essæi, qui
fuerunt ceteris religiosiores ac meliores :
unde nec Christum in Evangelio persecuti
leguntur.

9 *Factus est autem clamor magnus*, qui-
busdam vociferantibus contra Paulum, et
aliis inter se corrixantibus. *Et exsurgen-
tes quidam Pharisæorum, pugnabant gla-
dio oris sui pro Paulo contra Sadducæos,
dicentes : Nihil mali invenimus in homi-
ne isto. Et hoc verum fuit, quamvis non
eo modo quo ipsi putabant. Quid si spi-
ritus ei locutus est, aut angelus?* quasi
dicant : Non absurdum est hoc. Spiritum
autem et angelum, vel pro eodem accipi-
unt; vel spiritum pro anima defuncti, vel
pro Spiritu Dei, quamvis fidem Trinitatis
non habuerint, ut apparet. *Et quum ma-
gna dissensio facta esset, timens tribu-
nus ne Paulus discerperetur ab eis, jus-
sit milites descendere, et rapere eum de
medio eorum, ac deducere eum in castra,*
Act. xxi, 34. puta in turrim custodiæ captivorum.

11 *Sequenti autem nocte adstans ei Domi-
nus* Christus, qui post fletum consolatio-
nem infundit, ait : *Constans esto. Qualis
fuerit visio ista, non dicitur; sed puto
quod imaginaria fuit atque in somno, an-
gelo in persona Christi apparente ac ad-
monente. Sicut enim testificatus es de me
in Jerusalem, sic te oportet et Romæ te-
stificari. Hoc enim a divina providentia
est decretum : idcirco per comparisonem
ad eam, necesse est adimpleri, quamvis
in se contingens sit. Tibi quoque et aliis
plurimis expediet testificatio seu prædi-
catio tua in Roma.*

12-15 Deinde Lucas describit quemadmodum
quadraginta circiter Judæi voto se adstrin-
xerunt, quod nec biberent neque comede-
rent donec occiderent Paulum. Ideo con-

A suluerunt pontifici ut faceret eum adduci
ad se, ad inquirendum de veritate, et ipsi
in via interficerent eum. Nec est difficul-
tas in textu. *Quod quum audisset filius* 16-22
*sororis Pauli, puta insidias istas, venit
et annuntiavit Paulo*, qui per centurio-
nem direxit nepotem suum ad tribunum,
ut hæc insinuaret eidem. Quo facto, tri-
bunus commisit cognato Pauli ne alicui
proderet quod hæc sibi intimasset. *Et
nunc parati sunt* Judæi suscipere Pau-
lum insidiosè, *expectantes promissum tu-*
um, quo eis dixisti quod adhuc mitteres
eis Paulum ad examinandum. Verum, ut
Beda hic ait, non est sapientia, non est
prudencia, non est consilium contra Do-
minum. Nam et supra quamvis Paulus
hostias obtulerit, caput raserit, nudipeda-
lia exercuerit, et Judæus factus sit; vin-
cula tamen quæ prædicta fuerant, non
evasit. Et isti quamvis consilia cogitent,
voveant, insidias tendant; servatur ta-
men Paulus, quatenus Romæ (sicut dictum
erat) Christo testimonium reddat. Sci-
endum quoque, quod sicut iuramentum
servandum non est si desint comites ejus,
veritas, justitia, atque iudicium seu di-
cretio; ita et de voto rite tenendum.

*Tribunus ergo convocatis duobus cen-
turionibus, dixit eis : Parate milites du-
centos, ut eant usque Cæsaream, forte
pedestres, et equites septuaginta, et lan-
cearios ducentos, a tertia hora noctis inci-
piendo, tribus scilicet horis jam evolutis,
seu tertia hora post mediam noctem. Vel
sumitur horarum istarum distinctio secun-
dum diversas vigilias noctis. Et jumenta
præparate, videlicet equos, seu alia bruta
ad ferendos homines apta, ut imponentes
milites Paulum jumento, forte et socios
ac discipulos ejus aliis jumentis, salvum
perducerent eum ad Felicem præsidem.*
Tot quippe homines pugnatores misit tri-
bunus cum Paulo, ne ei quid fieret a Ju-
dæis : quod etiam nocte peregit, ut lateret,
et seditio vitaretur. *Scribens tribunus ei
præsidi epistolam hæc verba continentem :*
Claudius Lysias optimo præsidi Felici

Prov. xxi,
30.Act. xxi,
26.

Ibid. 11.

vers. 11.

23

24

26

- salutem. Videtur tribunus iste binomius A ejus Judæis, ut dicant apud te ea qua
 27 fuisse. Virum hunc, scilicet Paulum, com- sibi obiciunt. Vale.
 prehensum a Judæis, et interfici ab eis
 incipientem : tam graviter enim incept- 31
 runt eum affligere, quod mors mox secu-
 tura videbatur; superveniens cum exer-
 citu eripui, cognito quod Romanus esset. 33
 Quando tribunus eripuit primo Paulum,
 nondum sciebat quod esset Romanus, imo
 ACT. XXIV. 38. putavit quod esset Egyptius. Verumta-
 men ita scribit, quasi tunc id novisset, ad
 ornandum tenorem epistolæ, et ut videat-
 ur honorare Romanos : apud quos timuit B
 accusari quod Paulum civem Romanum
 indemnatum ligasset, ac flagellari jussis-
 28 set. Volensque scire causam quam obji-
 ciebant illi Judæi, deduxi eum in conci-
 29 lium eorum. Quem inveni accusari de
 questionibus legis ipsorum, videlicet, an
 legalia essent servanda, an Messias venis-
 set, et an Jesus Nazareus esset Messias;
 30 nihil vero dignum morte aut vinculis ha-
 bentem criminis. Et quum mihi perlatum
 esset de insidiis quas paraverunt ei, mi-
 si eum ad te, denuntians et accusatoribus C
 ser potius quam felix fuisti.

ARTICULUS XXIV

EXPOSITIO CAPITULI VICESIMI QUARTI : POST QUINQUE AUTEM DIES.

- 1 POST quinque autem dies descendit
 princeps sacerdotum Ananias cum se-
 nioribus quibusdam Judæis, et Tertullo D
 quodam oratore, id est viro eloquente seu
 rhetore, qui esset advocatus, et verbis or-
 naret materiam, ut causa eorum rationa-
 bilior videretur. Eloquentia enim animam
 molliat, et ad consentiendum aures incli-
 nat, nisi sapientia audientibus adsit atque
 justitia. Qui adierunt præsidem Felicem
 2 in Cæsarea adversus Paulum. Et citato
 Paulo, cæpit accusare Tertullus, dicens :
 Quum in multa pace agamus per te, id
 est, valde pacifice tuo vivamus regimine,
 et multa corrigantur per tuam providen-
 tiam. Præsidentis enim est, bona conser-
 vare, imo et in melius commutare, mala
 corrigere, et collapsa in pristinum statum
 reformare. Semper, id est omni tempore 3
 quo nobis præfuisti, et ubique in nostra
 provincia, suscipimus te, optime Felix,
 cum omni, id est plena, gratiarum actio-
 ne. In primis rhetor iste judicis benevo-
 lentiam captat, eumque vehementer com-
 mendat, ut blandis alliciatur sermonibus,
 nec ab eis dissentiat quos suis beneficiis
 conspexerit adeo gratos. Ne autem diutius
 4 protraham te, id est, ne longiori te proce-

mio occupem, quamvis multo amplius sis laudandus : nempe quum judex sis, multa habes peragere, nec vacat tibi vacare praeludiis ; oro, breviter audias nos pro tua clementia, id est propter tuam pietatem, si non ob merita nostra.

- 5 *Invenimus hunc hominem pestiferum, id est animarum infectorem, in cathedra pestilentiae residentem, et concitantem seditionem omnibus Judaeis in universo orbe, avertendo quosdam eorum a lege patrum suorum ad novam legem : propter quod inter eos et alios in pristina lege manentes seditio oritur ; et auctorem seditionis sectae Nazarenorum, id est unum de principalibus praedicatoribus evangelicae novaeque legis, quam non arbitramur nisi seditionis originem, sectam seu haeresim Nazarenorum, id est Christianorum : qui tunc a Jesu Nazareno, Nazareni a Judaeis quodam vocabantur opprobrio. Postea vero in Judaea haeresis consurrexit quorundam, qui Jesum esse Christum et Dei Filium de Virgine natum credentes, cum Evangelio simul legalia observarunt. Unde quum Judaei voluissent esse et Christiani, nec Judaei fuerunt, nec Christiani. Et isti haeretici, vocati sunt Nazareni. Qui etiam templum violare conatus est, inducendo in illud gentiles. Quod sibi mendaciter imposuerunt, quanquam conversi gentiles digniores fuerunt ingredi templum, quam infideles Judaei. Quem apprehensum, id est tentum et captum a nobis, secundum legem nostram judicare volumus, dammando eum tanquam legis divinae violatorem atque blasphemum. Superveniens autem Lysias tribunus cum magna vi, eripuit eum de manibus nostris : a quo Lysia poteris tu ipse judicans, de omnibus istis cognoscere veritatem. Quasi dicat : Ipse attestabitur verbis nostris.*
- 6 *Respondens autem Paulus, annuente sibi praeside, dixit : Ex multis annis te esse judicem genti huic sciens, bono animo pro me satisfaciam. Non praemisit Apostolus verba mulcentia, sicut Tertullus, sed ipsa veritate fuit contentus. Neque in*
- 12

A templo invenerunt me cum aliquo disputantem, aut concursum facientem populi, neque in synagoga, neque in civitate. Et quamvis ista fecisset Apostolus, praedicando de Christo, non utique offendisset, quia et alii Apostoli, praesertim Petrus et Joannes, ante eum ista fecerunt, quibus et Christus praecipit : Eritis mihi testes in Jerusalem. Confiteor autem hoc tibi, quod secundum sectam, id est evangelicam legem et fidem ab aliis divisam, quam dicunt haeresim, sic deservio Deo Patri meo, qui per gratiam singularem et devotissimum cultum, est specialiter Deus et Pater meus, credens omnibus quae in lege et in Prophetis scripta sunt, tanquam verbis divinitus revelatis aut scriptis, spem habens in Deum, quam et hi ipsi exspectant, videlicet resurrectionem futuram in die novissimo justorum et iniquorum. Ex quo elicitur, istos de Pharisaeorum secta fuisse, non Sadduceorum, et quod Pharisaei instantius persecuti sunt Paulum, quam Sadducei.

C Post annos autem plures a mea ad Christum conversione, eleemosynam facturum in gentem meam, id est, Christianis in Jerusalem habitantibus allaturus collectas, eis a gentibus conversis missas, veni in Jerusalem, et oblationes et vota facturum ibidem in templo, secundum quod Jacobus et seniores Christiani cum ipso, mihi suaserunt. In quibus invenerunt me purificatum in templo, quia in hoc legalia observavi, et dies purificationis praedicavi : ut dictum est supra. [Non cum turba neque cum tumultu.] Et apprehenderunt me in templo, clamantes coram tribuno : Tolle inimicum nostrum. Quidam autem ex Asia Judaei, quos oportebat apud te praesto esse, si accusatio ista deberet reputari idonea, quoniam accusator et accusatus simul coram iudice debent consistere, aut ipsi, id est Judaei isti hic stantes, dicant si quid invenerunt in me iniquitatis : nam quae mihi objiciunt, ex Asianorum habuerunt relatu ; quum starem in concilio eorum in Jerusalem ;

13

Act. iii.

Ibid. i, 8.

14

15

17

Ibid. xi, 29, 30.

Ibid. xxi, 18-25.

18

Ibid. 26.

Ibid. 27 et seq.

19

20

21 nisi de una hac solummodo voce : Quo-
 22 niam de resurrectione mortuorum ego ju-
 dicor hodie a vobis.

22 Distulit autem illos Felix, non statim
 expediendo Judæos, certissime sciens de
 via hac : quia jam nomen Christianorum
 sibi innotuit, et multos esse Christianos
 cognovit ; dicens : Quum Lysias tribunus
 23 descenderit, audiam vos, o Judæi. Jussit-
 que centurioni custodiri eum, videlicet
 Paulum, et habere requiem, ut libere in-
 gredi posset et egredi, nec quemquam pro-
 hibere de suis, puta discipulis Pauli, mi-
 nistrare ei.

24 Post aliquot autem dies veniens Felix
 cum Drusilla uxore sua, quæ erat Ju-
 dæa. Fuit quoque, ut in Scholastica fer-
 tur historia, pulcherrima ; et relicto viro
 priori, nupsit huic Felici. Et quoniam fuit
 Judæa, Paulum libenter audivit. Vocavit
 Paulum, et audivit ab eo fidem quæ est
 25 in Christum Jesum. Disputante autem
 Paulo de justitia, et castitate, et judicio
 futuro, tremefactus Felix, respondit. De
 his tribus Paulus disseruit, quoniam con-
 tra justitiam ex incontinentia Felix con-
 jugem istam adeptus fuit. Quod et ipse
 cognoscens, non immerito contremuit, au-
 dito quod a Deo esset judicandus ; sed non

A tetigit eum Spiritus Sanctus complete, nec
 convertebatur ad fidem, sed dixit : Quid
 nunc attinet loqui de his ? quasi dicat :
 Non ideo te vocavi ut tractaremus de is-
 tis. Vade. Tempore enim opportuno accer-
 sam te. Simul et sperans quia pecunia
 ei daretur a Paulo : quem vidit spiritua-
 lem tot hominum patrem, a quibus puta-
 vit eum plurima collegisse. Propter quod
 et frequenter accersens eum, loqueba-
 tur cum eo vir cupidus et voluptatibus
 deditus, atque ob id ad evangelicæ sa-
 pientiæ susceptionem indispositus et in-
 dignus.

Biennio autem expleto, accepit succes-
 sorem Felix Portium Festum. Hoc de
 biennio conversationis Pauli in Cæsarea,
 non præsidentiae Felix, Beda exponit. In
 Scholastica tamen historia dicitur, quod
 nondum fluxerant duo anni ex quo Pau-
 lus venit Jerusalem. Ideirco ibidem expo-
 nitur de biennio ab accusatione qua Ju-
 dæi accusaverunt Felicem apud Neronem
 imperatorem, et biennio ab accusatione
 ista expleto, amotus est a præsidatu, et
 substitutus est ei Festus. Volens autem
 gratiam præstare Judæis Felix, reliquit
 Paulum vinctum, ut per hoc in fine præ-
 sidatus sui placeret Judæis.

ARTICULUS XXV

EXPOSITIO CAPITULI VICESIMI QUINTI : FESTUS ERGO QUUM VENISSET IN PROVINCIAM.

1-4 **F**ESTUS ergo quum venisset in pro-
 vinciam Judææ seu Syriæ Palæstinæ,
 cui præses fuit directus, post triduum as-
 cendit Jerosolymam videre regiam urbem
 atque metropolim Judæorum, et forte ob
 alias causas, a Cæsarea Palæstinæ, de qua
 sæpe dictum est. Adieruntque eum prin-
 cipes sacerdotum, etc., ut Paulum ad eos
 transmitteret, volentes eum in via ex-
 stinguere. Festus autem respondit servari

D Paulum in Cæsarea, se autem maturius
 profecturum, id est tempore opportuno
 ad Cæsaream descensurum.

Deinde descendit Cæsaream, et sedit pro
 tribunali, et jussit Paulum adduci. Quo
 adducto, circumsteterunt eum Judæi, qui
 cum Festo contra eum ab Jerusalem de-
 scenderant, multas et graves causas obji-
 cientes, quas non poterant probare. Paulo
 autem rationem reddente, dixit ei Fe-

- stus : Vis Jerosolymam ascendere, et ibi A de his judicari apud me? Dixit autem Paulus : Ad tribunal Cæsaris sto : quia et tribunal Festi, fuit imperatori subiectum ; et ut aliqui dicunt, Paulus stetit apud quamdam sedem, quam Herodes paraverat Cæsari, si quando illuc veniret, ut resideret in ea, vel iudices mitteret ; ubi, utpote apud Cæsarem, oportet me judicari. Cæsarem appello. Quod ideo fecit Apostolus, ut prædicationi Romæ insisteret, et quia id Christus sibi prænuntiavit. Tunc Festus cum concilio locutus, respondit : B Cæsarem appellasti ? ad Cæsarem ibis.*
- 13-15 Et quum dies aliqui transacti essent, Agrippa rex, filius Herodis Agrippæ ab angelo percussi, ut dictum est, et Beronice, quam Beda vocat sororem Agrippæ : quod secundum Hebræum idioma accipiendum esse dicit Scholastica historia, quia fuit cognata Agrippæ ; et aliqui asserunt quod fuit uxor ipsius, vel quasi uxor, quia maxime diligebat eam, habuitque nomen quod ea abuteretur ; descenderunt Cæsaream ad salutandum Festum. Qui regi C indicavit de Paulo, dicens : Adierunt me principes sacerdotum in Jerosolymis, postulantes adversus illum damnationem.*
- 16 Ad quos respondi : Quia non est Romanis consuetudo damnare aliquem hominem, priusquam is qui accusatur, præsentem habeat accusatores, locumque defendendi accipiat ad ablucenda crimina quæ ei obijciuntur. Lex ista valde rationabilis fuit et pia. Non enim leviter damnandus est aliquis, nec omni credendum spiritui, sed I Joann. iv, audienda est altera pars, et causa utrius-^{1.} que diligenter tractanda, responsio quoque partium advertenda. Quæstiones quasdam 19 de sua superstitione habebant adversus eum, scilicet Paulum, et de quodam Jesu defuncto, quem Paulus affirmabat vivere. Festus iste, tanquam homo gentilis, legem seu ritum Judæorum superstitionem quamdam putavit. Paulo autem appellante ut servaretur ad Augusti cognitionem, id est, vivus mitteretur ad imperatorem, et audiretur ab eo, jussi servari eum. Romani autem imperatores, ab Octaviano potentissimo imperatore, qui rempublicam maxime auxit, atque ob id Augustus vocatus est, nomen Augusti sortiti sunt. Agrippa dixit : Volebam et ego hominem audire. 21*
- Altera die quum venisset Agrippa et Beronice cum multa ambitione, id est cum grandi apparatu et fastu, jubente Festo adductus est Paulus, etc. De quo Paulo quid certum scribam ego Festus domino imperatori Neroni, non habeo, etc. Sine 22 ratione enim, id est irrationabile, mihi esse videtur, mittere vinctum ad judicem, et causam ejus non significare verbis aut scriptis. 23*
- 26*
- 27*

ARTICULUS XXVI

EXPLANATIO CAPITULI VICESIMI SEXTI : AGRIPPA VERO AD PAULUM AIT.

- 1 AGRIPPA vero ad Paulum ait : Per D a Judæis, rex Agrippa, me æstimo beatum, id est innocentem, vel beatitudinem quamdam adeptum, apud te quum sim defensurus me hodie : quia quum sis notitiam legis habens, coram te tanquam viro perito libentius respondeo ; maxime 3*
- 2*

apud Judæos sunt consuetudines et questiones. Propter quod, obsecro, patienter me audias.

4 *Et quidem vitam meam, etc., qualiter*
 a juventute inter Judæos in Jerusalem vi-
 5 *xi, sciunt Judæi, quoniam secundum cer-*
tissimam sectam nostræ religionis vixi
Pharisæus. Secta autem Pharisæorum, fa-
 mosa atque notissima fuit. Connumerat
 quoque Apostolus se Judæis, dicendo, No-
 stræ religionis, videlicet Judaismi seu vete-
 ris Testamenti, loquens de se pro tempore
 6 *juventutis suæ. Et nunc in spe repromis-*
sionis æternæ hereditatis, seu Christi et
beneficiorum ipsius, quæ ad patres no-
stros facta est a Deo, qui ista Patriarchis
et Prophetis revelavit atque promisit, [sto
 7 *judicio subjectus,] in qua duodecim tri-*
bubus nostræ, id est aliqui de duodecim tri-
bubus Israel, nocte ac die servientes Deo,
sperant devenire, ut bona promissa obti-
neant. Quod de conversis Judæis certum
est veritatem habere. De incredulis quo-
que quodammodo verum est, quamvis in-
ordinate deserviant, et in modo expectan-
di bona promissa, multipliciter errent. De
qua spe accusor a Judæis, o rex. Nam
 mihi imponunt, quod mendaciter assero
 spem istam in Jesu Nazareno partim im-
 pletam, pleniusque complendam quando
 electi per ipsum corporis et animæ glo-
 rificationem plenariam consequentur. Gra-
 tia namque et veritas per Jesum Christum
 facta est; et credentes in Christum, here-
 ditatem cœlestem suscipiunt, a reatu ori-
 ginalis peccati eruuntur, ac varia gratiæ
 8 *dona nunc capiunt. Quid incredibile ju-*
dicatur apud vos, si Deus mortuos susci-
tat? id est, inter eos qui Moysis legem
 suscipiunt, non debet incredibilis repu-
 tari suscitatio mortuorum, quum quidam
 in lege potestate divina id egerint, ut Elias
 et Eliseus. Idcirco quod ego assero Jesum
 a Deo resuscitatum, non debet incredibile
 9 *judicari.*

9 *Et ego quidem existimavi me, etc.* Hic
 11 *resumit Apostolus modum suæ conversi-*
onis, patetque littera ex præinductis. Et

A *per omnes synagogas puniens eos : non*
 absolute per omnes, sed per omnes circa
 vel intra Jerusalem. *Vidi super splendo-*
 rem solis circumfulsisse me lumen, et eos
 qui simul mecum erant : ita quod clari-
 tas illa cœlestis videbatur splendore solis
 lucidior, eo modo quo stella Magis appa-
 rens, ceteris stellis fertur fuisse mican-
 tior, quia sic apparebat his quorum visui
 fuit propinqua. Denique claritas illa de-
 super fusa, fuit splendidior claritate solis
 recepta in terrenis corporibus, eisque sub-
 jective inhærente. Ex quo tamen non se-
 quitur, quod fuit major luce solis quæ
 soli inhæret. *Omnesque nos quum deci-*
 dissemus in terram. Superius dictum est,
 quod Paulus in terram corruerit; hic vero
 adjicitur, quod omnes comites ejus in ter-
 ram collapsi sint : utique præ timore et
 admiratione. *Audivi vocem dicentem He-*
 braica lingua. Quod vocem audierit, su-
 pra jam dictum est, non autem quod fuit
 Hebraica.

Saule, Saule, quid me persequeris?
 C *etc. Exsurge et sta supra pedes tuos.* Hoc
 quoque Dominus loquitur Ezechieli : Fili
 hominis, sta supra pedes tuos, et loquar
 tecum. Per quod designatur, quod intel-
 lectu atque affectu mentali erigi debet ad
 Deum, qui divinarum revelationum secre-
 ta percipiet. *Ad hoc enim apparui tibi*
ego Jesus Nazareus, ut constituam te mi-
nistrum, id est evangelizatorem, et testem
eorum quæ vidisti, et eorum quibus, id
est in quibus, apparebo tibi, id est, pro-
 cedente tempore tibi revelabo, *eripiens te*
 17 *de populis et gentibus, scilicet Judæis at-*
que gentilibus, in quos ego nunc mitto
 te : *aperire oculos, id est illuminare cor-*
 18 *da eorum, ut convertantur de tenebris*
ignorantiæ et peccati, præsertimque ido-
latriæ, ad lucem, quæ Christus est (qui
ait, Ego sum lux mundi), ad lucem quo-
 que evangelicæ veritatis, *et de potestate*
Satanæ, cujus servi fuerunt, impie con-
 versando, ad Deum : pœnitendo enim, et
 in Christum credendo, taliter convertun-
 tur ; ut accipiant remissionem peccato-

III Reg. xvii,
 19-22; IV
 Reg. iv, 32-
 35.

Joann. viii,
 12.

rum, et sortem, id est partem, inter Sanctos, videlicet dona gratiæ in præsentī, et dona gloriæ in futuro, per fidem quæ est in me, id est, tendit et ducit ad me, et meam divinitatem sub ratione primæ veritatis habet pro objecto.

19 Unde non fui incredulus celesti visioni,
20 putando eam phantasticam, sed omnibus annuntiabam ut pœnitentiam agerent, et converterentur ad Deum, contemptis bonis variabilibus et caducis, digna pœnitentiæ opera facientes : ut scilicet tanto majora ac strenuiora essent pœnitentiæ opera, atque ex præcordiali contritione prodeuntia, quanto plura et enormiora fuissent peccata. Sic et Joannes Baptista hortatur : Facite, inquit, dignos pœnitentiæ fructus. Auxilio autem Dei adjutus,

Luc. III, 8.

22 sto in culmine virtutum immobilis usque in hodiernum diem, testificans minori atque majori, quod Jesus sit Christus, et sine conversione ad ipsum nulli sit salus, nil extra dicens quam ea quæ Prophetæ sunt locuti, id est, in nullo ab illis discordans : imo ea dico impleta, quæ ipsi præ-

23 nuntiaverunt implenda. Si, pro quia, passibilis Christus fuit. Nam eum pro mundi salute passurum dixerunt Prophetæ. Si primus ex resurrectione mortuorum, id est inter mortuos suscitatos primus, non tempore, sed dignitate et causalitate, et quia propria virtute se ipsum suscitavit, quamvis non secundum idem convenerit ei mori, et suscitari a mortuis. Verbum istud superiori plenius fuit expositum capitulo. Lumen annuntiaturus est populo Judæorum et gentibus. Hoc enim præ-

Cf. XXIII, 6.

nuntiaverunt Prophetæ, hoc prædicaverunt Apostoli, quod Christus sit lumen hominum universorum : lumen utique corda illuminans, evangelicam sapientiam docens, ad felicitatem veram perducens. De quo Simeon justus professus est : Viderunt oculi mei Salutare tuum, quod parasti ante faciem omnium populorum, lumen ad revelationem gentium; et Isaias,

Luc. II, 30-32.

Is. Ix, 2.

Joann. I, 9.

Populus qui ambulabat in tenebris, vidit lucem magnam; itemque Joannes, Erat

A lux vera quæ illuminat omnem hominem venientem in hunc mundum.

Hæc loquente eo, scilicet Paulo, Festus voce magna dixit : Insanis, Paule. Multæ te litteræ ad insaniam convertunt.

24

Quemadmodum stultam fecit Deus sapientiam hujus mundi, ita et filiis hujus sæculi stultitia videtur sapientia Dei. Rursus, irrationabilis excessus visus est Festo viro gentili, quod Paulus tot supernaturalia prædicavit, quod captivitatis et vinculorum suorum quasi immemor factus, de puritate conscientiæ suæ coram Deo, de resurrectione mortuorum, de communi hominum salute fecit sermonem.

I Cor. I, 20.

Et Paulus : Non insanio, inquit, optime Feste, sed veritatis et sobrietatis verba loquor.

25

Mirum videri potest, quod sanctus veridicusque Apostolus, virum infidelem gentilem, optimum nominat. Sed optimus, id est valde bonus erat, loquendo de bonitate morali, quantum ad virtutes acquisitas ac naturales, sicut et multi gentilium eminenter boni fuisse leguntur, ut Hector et Julius. Unde de Hectore refert Philo-

C et Julius. Unde de Hectore refert Philo-

sophus, quod potius videbatur filius dei quam hominis. Scit enim de his rex, ad quem et constanter loquor, non pavens,

26

ut moris est aliquibus, qui si cum aliqua eminenti persona loqui debeant, contremiscunt. Latere enim eum nihil horum quam horum gestum est. Non adulatorie, sed veraciter locutus est ista Apostolus, quia Agrippa imbutus fuit lege et ritibus Judæorum. Rumor quoque miraculorum, documentorum mysteriorumque Christi et discipulorum ipsius, ad eum copiose pervenit. Et ut refert hic Beda, Agrippa rex in concione quadam ad Judæos habita fertur dixisse : Si de religionis auxilio præsumitis, quum urbem jam Romanam discipuli Jesu repleverint, haud sine nutu Dei putamus illam crescere religionem.

Agrippa autem dixit ad Paulum : In modico, id est pro parte, me suades fieri Christianum. Et Paulus : Opto apud Deum et in modico et in magno, non tan-

28

29

tum te, sed etiam omnes qui audiunt, hodie tales fieri qualis et ego sum, scilicet Christianos omnino, exceptis vinculis his, id est, dempto quod non essent vinculati ut ego. Sed quum vinculatum esse, ut fuerat Paulus, fuerit maxime meritorium, quare id excepit Apostolus? Et respondendum, quod illud excepit, non quia in se

malum, aut quia non meritorium, sed sub ratione pœnæ duntaxat, ut scilicet quid pœnale secundum se. Sic enim optandum non fuit, sed per relationem ad fructum multiplicem.

Agrippa autem Festo dixit : Dimitti poterat homo iste, si non appellasset Cæsarem.

32

ARTICULUS XXVII

EXPOSITIO CAPITULI VICESIMI SEPTIMI : UT AUTEM ADJUDICATUM EST.

1 **U**T autem adjudicatum est, id est, posteaquam Agrippa et Festus judicaverunt, eum, scilicet Paulum, navigare in Italiam, puta ad Romam et imperatorem, tradidit Paulum Festus præses cum reliquis custodiis, id est ceteris captivis, centurioni, nomine Julio, cohortis Augustæ : quia hic Julius fuit magister atque centurio super cohortem seu turbam militum quos imperator Romanus misit :
 2 qui etiam Augustus nominatus est, ratione præhabita. Ascendentes autem navem Adrumetinam. Adrumes, Adrumetis, nomen est civitatis in Africa : inde dicitur navis Adrumetina, quasi de oppido illo. Incipientes navigare circa Asiæ loca, sustulimus. Sequenti die venimus Sidonem : quæ olim insignis fuit urbs Phœniciæ. Humane autem, id est urbane, caritative et pie, tractans Julius Paulum, cujus sapientiam et virtutes fuerat sæpe expertus, permisit ad amicos suos ire, et curam sui agere, ad necessitatem, non ad voluptatem, in his quæ corpus requirit. Et inde, utpote a Sidone, quum sustulissemus, sub-
 3 navigavimus Cyprum, contra propositum, propterea quod essent venti contrarii nostro optato processui. Et pelagus Ciliciæ et Pamphyliæ, de quibus locis dictum est supra, navigantes, venimus Lystram civitatem, quæ est urbs provinciæ Lyciæ ;

Act. xxv, 21.

B et ibi inveniens centurio navem Alexandrinam, id est de Alexandria civitate Ægypti, navigantem in Italiam, transposuit nos in eam.

Et quum multis diebus tarde navigaremus, et viæ venissemus contra Gnidum : quæ civitas est vel promontorium Doridæ, provinciæ minoris Asiæ, Cretam respiciens ; vento nos prohibente, adnavigavimus Cretæ civitati seu insulæ, juxta Salmonem, civitatem maritimam illius insulæ. Et juxta Salmonem navigantes, venimus in locum quemdam, qui vocatur Boniportus, cui juxta erat civitas Thallassa.

7

8

9 Multo autem tempore ibi peracto, quum jam non esset tuta navigatio, eo quod jejunium jam præterisset, id est, fames magna præterisset et fatigasset nautas in navi, reddens eos ad laborem infirmos, ut quidam exponunt : quod tamen non videtur competere, quia ut infra habetur, in navi erat copia rerum. Unde quidam exponunt de quodam jejunio legis circa hiemem vel in hieme. In hieme autem non est tutum navigare. Consolabatur eos Paulus, dicens : Viri, video, id est, ex signis
 10 tempestatum considero, seu Deo revelante cognosco, quoniam cum injuria, et multo damno, non solum oneris, id est rerum quæ vehuntur in navi, et navis, sed etiam

9

10

- animarum nostrarum, incipit esse navigatio*, id est cum periculo vitæ nostræ. Anima enim hic pro vita animali sensitiva accipitur. Centurio autem gubernatori et nauclero, id est rectori et domino navis, magis credebat quam Paulo, sequens in hoc sensum humanum, quo unicuique in sua arte experto amplius creditur. Quod et ideo fecit, quia portus in quo erant, non fuit ad hiemandum idoneus : ideo ad naucleri consilium, contra consilium Pauli, transnavigaverunt. Ideo subditur : *Et quum aptus portus non esset ad hiemandum*, quamvis comparative loquendo, aptus fuisset, prout Paulus consuluit, plurimi statuerunt consilium navigare inde, si quomodo possent, devenientes Phœnicen provinciam, hiemare apud portum Cretæ respicientem ad Africum et ad Corum, ventos sic dictos.
- 13 *Adspirante autem Austro*, id est vento australi, æstimantes propositum se tenere, id est portum aptiorem attingere, *quum sustulissent de Asson*. Superius dictum est, Thalassam vocari urbem Cretæ, ubi centurio cum nautis et captivis multum temporis peregerunt, a quo loco non leguntur solvisse. Quomodo ergo hic dicitur, Quum sustulissent de Asson, quum Asson superius commemorata sit esse civitas Asiæ maritima? Ego opinor, salvo doctiorum iudicio, eundem locum qui prius Thalassa dictus est, nunc dici Asson : quod forte scriptorum vitio accidit. Alias videntur hic a Luca multa omissa : quod non patitur consequentia historiæ. *Legabant Cretam*, hoc est, littus illius insulæ præternavigabant.
- 14 *Non post multum autem*, id est post breve tempus, *misit se contra ipsam Cretam seu navem ventus Typhonicus, qui vocatur Euroaquilo*. Dicitur ventus Typhonicus, qui inflat et intumescere facit mare, maxime navigantibus infestus, non solum antennas, sed etiam navigia ipsa confringens. Generatur autem hic ventus, dum exhalatio terrestris, unctuositatis non omnino expers, in nube conclusa, per foramen egreditur, et pars egressa a terra resiliens, ratione caloris reascendens, parti alteri descendens circulariter involvitur. Arbores quandoque eradicat, tecta atque ædificia alta dejicit. Dicitur autem Typhonicus, a verbo Græco τυφω, id est, accendo. *Quumque arrepta esset navis impulsu venti istius, et non posset conari in ventum*, id est resistere ei, *data nave*, id est, pristina directione cessante ab ea, et incerto eventui commodata, *flatibus ferebamur*, scilicet in incertum, quia colligere vela cœperunt.
- In insulam autem quamdam decurrentes, quæ vocatur Cauda*, quam tamen occupare non potuerunt, *vix potuimus obtinere*, id est comprehendere seu attrahere, *scapham* : quam de navi deposuerunt in mare in adjutorium navis. Scapha namque impetu fluctuum pene rapta fuit. Et dicitur scapha levis navicula, ex una tantum arbore excavata, vel navis modica ex vimine facta, et crudo corio tecta. Est autem nomen a Græcis sumptum, apud quos σκάφη, alveus, concavitas, fossura dicitur. Deferuntur hujusmodi naviculæ in navibus, et imminente naufragio, deponuntur in mare ad succurrendum navi, ut accingatur et in procinctu tempestatis armetur. Hinc subditur : *Qua sublata, adjutorii utebantur, accingentes navem*, ne vi ventorum et fluctuum læderetur. *Timentes autem ne in Syrtim inciderent, submisso vase*, id est, aliquo ponderoso in aquam demisso ad retardandum cursum navis, *sic ferebantur*. Porro Syrtes vocantur arenosa loca in mari valde horrenda, in fine Africæ sita, quæ inaccessa reddit vadisum ac reciprocum mare : suntque periculosa valde propter æstus, id est motus inquietos, et arenæ copiam.
- Valida autem tempestate nobis quassatis, sequenti die jactum fecerunt*, utensilia ejiciendo de navi pro relevamine ejus ; *et tertia die suis manibus armamenta navis projecerunt*. Neque sole autem in die, neque sideribus apparentibus per plures dies, et tempestate non exigua imminen-

te, jam sublata erat spes salutis nostræ. A corporalis videlicet evasionis de mari, ita quod desperavimus nos posse mortem evadere. Et hoc verum est quantum ad illos gentiles, et quoad naturalem potentiam ac spem. Paulus tamen et ejus discipuli, divina virtute crediderunt se evasuros, eo quod sæpius Paulo fuisset divinitus revelatum, quod Romæ foret prædicaturus.

- 21 Et quum multa jejunatio fuisset, id est, quum diu jejunassemus, vel pro evasione periculi, vel ex victualium inopia, vel ex desolatione qua cibus vertebatur in nauseam, tunc stans Paulus in medio eorum, dixit : Oportebat quidem, o viri, audito me, non tollere a Creta, id est, contra consilium meum non debuissetis a loco illo præfato navigasse, lucrique facere injuriam hanc et jacturam, id est non incurrere tantum damnum rerum vestrarum. Et nunc suadeo vobis bono animo esse. Amissio enim nullius animæ, id est personæ seu vitæ, erit ex vobis : sæpe enim ponitur pars pro toto; præterquam
- 22 naris, quæ destruetur. Adstitit enim mihi hac nocte angelus Dei, vel in imaginaria visione tempore somni, vel in vigilia manifeste, cujus Dei veri ac omnipotentis sum ego, non tantum per creationem, sed et per præcipuam dilectionem ac devotionem, providentiamque specialem circa me, et cui deservio in actibus latriæ; dicens : Ne timeas, Paule; Cæsari te oportet adsistere. Et ecce donavit tibi Deus omnes qui navigant tecum, id est, meritis tuæ sanctitatis omnes illos ab imminente præservabit periculo tempestatis. Propter
- 23 quod bono animo estote, viri. Credo enim Deo meo, qui licet sit omnium Deus creatione et gubernatione ac remuneratione, specialiter tamen Deus meus est, per singularem quam ad ipsum habeo caritatem et cultum, quia sic erit quemadmodum dictum est mihi. In insulam autem quamdam oportet nos devenire. Hoc eis prædicat, quatenus id impleri cernentes, de veritate verborum Pauli non dubitent. Denique Paulus ista dicendo, non semet-

ipsum jactabat, sed illos ad fidem provocabat. Nam et ideo pelagus turbari permissum est, ut per id quod Paulus auditus non est, et per id quod auditus est, specialis ejus gratia panderetur.

Sed posteaquam quartadecima die nox supervenit, navigantibus nobis in Adria circa mediam noctem, suspicabantur nautæ apparere sibi aliquam regionem. Et submittentibus, id est, in aquam dimittentibus, bolidem, hoc est pondus plumbi, aut similis rei, quo maris profunditas investigatur, invenerunt passus viginti profunditatis maris ubi erant. Et pusillum inde separati, invenerunt passus quindecim, ita quod profunditas cæpit minor inveniri. Timentes autem ne in aspera loca incideremus, ubi navis progredi non valeret, de puppi mittentes ancoras quatuor in aquam ad navem figendam, optabant diem fieri, ut cautius sibi providerent.

Nautis vero quærentibus fugere de navi : non enim credebant verbis Pauli, quibus asseruit sibi divinitus affirmatum quod meritis suis omnes evaderent; quum misissent scapham in mare (quid sit scapha, prædictum est), sub obtentu quasi inciperent a prora ancoras extendere, dixit Paulus, intentionem nautarum Deo revelante cognoscens, centurioni et militibus : Nisi hi in navi manserint, vos salvi fieri non potestis. Non quod Deus unum illorum sine alio non posset eripere, sed quia ab eo decretum fuit ut omnes pariter de periculo pelagi salvarentur. Nec tamen providentia aut prænuntiatio Dei imponit rebus absolutam necessitatem. Tunc absciderunt milites funes scaphæ, et passi sunt eam excidere, id est perire seu perdi.

Et quum lux inciperet fieri, rogabat Paulus omnes cibum sumere, dicens : Quartadecima die hodie exspectantes jejuni permanetis, nihil accipientes. Non est verisimile quod intra quatuordecim dies nihil comederint; sed quod parum est, pro nihilo computatur. Vel, quartadecima die qua Paulus hæc dixit, nihil

27

28

29

30

vers. 16.

31

32

33

- 34 de cibo sumpserunt. *Propter quod rogo A* quod se ipsos juvare multum non pos-
 vos cibum accipere pro salute vestra, id sent, *simul laxantes juncturas guberna-*
 est corporis sanitate et confortatione, seu culorum navis, et levato artemone, id est
 etiam animæ salute, ne inordinate jeju- modico velo, directioni potius quam ce-
 nando, se ipsos interemisse judicarentur; leritati navis accommodato, *secundum au-*
 quia nullius vestrum capillus de capite ræ flatum, tendebant ad littus. *Et quum* 41
 peribit hac vice, præsentive tempestate.
 35 *Et quum hæc dixisset, sumens panem,*
 gratias egit Deo in conspectu omnium. *Et*
 36 *quum fregisset, cœpit manducare. Ani-*
 mæquiores autem facti omnes, et ipsi
 37 sumpserunt cibum. *Eramus autem uni-*
 versæ animæ id est homines, in navi, B immobilis, utpote ipso æquoris fundo vio-
 38 ducentæ septuaginta sex. *Et satiati cibo,* lenter infixæ, et solo retentæ; *puppis vero*
alleviabant navem, jactantes triticum in solvebatur a vi maris, id est, maris impe-
mare. Jam enim et Paulus eis prædixit tu frangebatur. Puppis autem est posterior
navem periclitandam. Ponit autem hoc lo- pars navis.
co Lucas partem hominis, scilicet animam,
pro toto homine, sicut in Genesi legitur
Jacob in Ægyptum descendisse in anima-
bus sexaginta sex. 42
 39 *Quum autem dies factus esset, terram* *Militum autem consilium fuit ut custo-*
non agnoscebant; sinum vero, id est por- dias, id est vinctos et captos, occiderent,
tum seu alium locum consimilem, quem- ne quis, quum enatasset, effugeret. 43
dam considerabant, habentem littus, in
quem cogitabant, si possent, ejicere na-
vem. Et quum ancoras sustulissent, quas
 40 paulo ante in aquam miserant, *committe-*
bant se mari sine conatu navigiî, videntes C dere, ut eorum evasione conspecta, alio-
rum augetur fiducia; et alios in tabulis 44
ferebant. Et sic factum est ut omnes ani-
mæ, id est homines, evaderent ad ter-
ram : ut Paulus veridicus monstraretur.

ARTICULUS XXVIII

EXPOSITIO CAPITULI VICESIMI OCTAVI : ET QUUM EVASISSEMUS.

- 1 **E**T quum evasissemus periculum tem- D nitur etiam Adria pro ipso mari Adriati-
 pestatis marinæ, tunc cognovimus ab co. Unde hoc loco haud esse legendum,
 habitatoribus loci illius, quia Mitylene in- Mitylene insula vocabatur; sed legendum
 sula vocabatur. Naufragium tamen hoc, eis apparet, Meligina insula vocabatur.
 ut quibusdam placet, in Adriatico mari ac- Nam Meligina, vel ut alii appellant, Mili-
 cidisse videtur. Nam proxime præcedenti tine, est insula in Adriatico mari, Dalma-
 capitulo scriptum est, Navigantibus nobis tiæ adjacens, non longe a Corcyra nigra
 in Adria. Adria autem, ut dicunt, non so- distans, et Garganum Apuliæ montem ex
 lum urbs est Italiæ ad mare quod vocatur opposito conspectans. Sunt alii qui putant
 ab ea Adriaticum vel Adriacum, sed po- legendum esse, Melita insula vocabatur.

Namque Pachyno Siciliae promontorio, insula Melita versus meridiem adjacet. Ex hac insula post naufragium esse navigatum, hoc illis est argumento, quod post egressum de insula, immediate in textu subditur : Et quum venissemus Syracusas.

vers. 12

Barbari vero praeabant non modicam humanitatem nobis, id est, multum benigne se habuerunt ad nos, quum tamen Barbari soleant esse crudeles et inhumani; sed tunc ad misericordiam moti sunt, consideratione gravissimae tribulationis quae tam diu afflixerat istos. Porro, praeter Hebraeos, Latinos et Graecos, ceteri Barbari appellantur. *Accensa enim pyra*, id est lignorum strue, *reficiebant nos omnes propter imbrem qui imminebat et frigus* : unde desiccatione vestium et corporis calefactione indiguimus.

2

3

Quum congregasset autem Paulus sarmentorum aliquantam multitudinem, id est lignorum fasciculum, *et imposuisset super ignem* pro ejus fomento et incremento, *vipera* occulte latens inter sarmenta, *a calore quum processisset*, id est, calorem fugiens erupisset, *invasit manum ejus*. *Ut ergo viderunt Barbari pendentem bestiam de manu ejus, ad incicem dicebant* : *Utique homicida est homo hic*.

4

In hoc non multum errabant, quod eum homicidam dicebant, licet manu propria non interemerit quemquam : quamvis in judicando de causa erraverunt. Non enim in peccati ultionem, sed ad sanctitatis suae ostensionem divinæque potestatis declarationem ista res contigit. Unde quod subdunt, verum non est : *quia quum evaserit de mari, ultio eum non sinit vivere*. *Et ille quidem excutiens bestiam venenosam in ignem, nihil mali poenalis passus est ab ea*. *At illi aestimabant eum in tumorem convertendum, instar eorum qui veneno infecti sunt, et subito casurum, et mori*. Et naturaliter ita fuisset, nisi supernaturalis virtus actionem naturalium impedivisset causarum.

5

6

Diu autem illis expectantibus, et videntibus nihil mali in eo fieri, converten-

tes se, id est, mutuo se adspicientes, *dicebant eum esse deum*. Et hoc aliququaliter verum fuit, quamvis non eo modo ut illi putabant. Fuit autem deus quidem per gratiam excellentem, modo quo scriptum est : Ego dixi, Dii estis; et item, Dii fortes terræ vehementer elevati sunt. Natura equidem operantis, quodammodo transformatur in id ejus operationibus præcipue conformatur, jugiterque insistit. Ideo sicut carnalis homo dicitur porcus, sic spiritualis et virtuosus et contemplativus dicitur deus. Judices quoque et prælati in Scripturis dii vocantur, secundum quod Moyses ait : Dominus domus applicabitur ad deos; et rursus, Ad deos causa perveniet; itemque, Diis non detrahes. Rursus, propter eminentiam potestatis Pauli ad facienda miracula, deus quodammodo fuit. Sic enim ad Moysen Dominus ait : Constitui te deum Pharaonis. Juxta hos modos, etiam secundum philosophos, homo solus, dicitur deus vel bestia. Præterea, gentilium stulta cæcitas deum putavit, quidquid ultra communem cursum aut seriem, magnum atque insolitum aliquid peragebat.

Ps. LXXXI, 6.
Ps. XLVI, 10.Erod. xxii,
Ibid. 9.
Ibid. 28.

Ibid. vii, 1.

In locis autem illis erant prædia principis insulae, nomine Publii, qui nos suscipiens, triduo benigne exhibuit. Publius iste, postea factus est vir eximiae perfectionis et sanctitatis. *Contigit autem patrem Publii febribus et dysenteria*, id est profluvio ventris, *vexatum jacere* : et hoc ordinatione divina, ut per ejus curationem multi converterentur ad Christum.

7

Ad quem Paulus intravit; et quum orasset, et imposuisset ei manus, salvavit eum, id est, sanum effecit, et deinceps convertit. *Quo facto et omnes qui in insula habebant infirmitates, accedebant, vel per se, vel adducti per alios, et curabantur*.

8

9

In quo divinæ sapientiæ dispensatio est pensanda, quemadmodum miracula ad aliorum conversionem seu admonitionem fiunt, et injustis quandoque potius quam justis impenduntur. Unde Paulus Timotheum stomacho languidum, prece non

1 Tim. v, 23.

II Tim. iv. curat. Trophimum quoque discipulum su-
20. um, Mileti infirmum reliquit, qui tamen
gentibus convertendis tot signa exhibuit.

40 *Qui etiam multis honoribus nos honora-
verunt, et navigantibus imposuerunt quæ
necessaria erant.* Dignum etenim fuit ut
Apostolo ejusque discipulis atque comiti-
bus de corporalibus providerent, a quo
tot spiritualia beneficia susceperunt, et
per quem ad fidem fuerunt conversi. Un-
de et ipsum tanquam Apostolum spiri-
tualeque patrem venerabantur, et pro-
pter eum et ejus discipulos.

11 *Post menses autem tres, infra quos
Paulus prædicationi ibidem fuit intentus,
navigavimus in navi Alexandrina, quæ
in insula hiemaverat, cui insulæ erat in-
signe castrorum :* quia adhuc apparebant,
ut dicitur, in insula antiquorum castro-
rum vestigia. Vel, Cui navi erat insigne ca-
strorum, quia in modum castrorum erant
insignia vel intexta. Porro, secundum Be-
dam, verior translatio habet, non, Castro-
rum, sed, Castorum, ita quod vitio scri-
ptorum in secunda syllaba adjuncta est
littera *r* : quia videlicet Castor et Pollux
gemini fratres fuerunt, quos gentiles præ-
cipue in periculo maris invocabant; maxi-
me autem a piratis mare tueri putabantur.
Unde in littore maris eis templa struxe-
runt. Alia translatio continet, Cui erat
insigne filiorum Jovis. Fabulantur nam-
que gentiles, præsertim poetæ, Castorem
et Pollucem fuisse filios Jovis ex Leda
Thesei conjuge, quam constupraverit Ju-
piter.

12 *Et quum venissemus Syracusas, urbem* D
pulcherrimam Siciliae (beatissimæ Luciae
virginis martyrio famosam), *mansimus ibi*
13 *triduo. Et inde circumlegentes, deveni-*
mus Rhegium. Rhegium in ultimo Italiae
seu Calabriae (quo loco Sicilia ab Italia di-
rupta est) situm est oppidum, a quo et
Rhegini habitatores vocantur. Et Rhegi-
nensis Ecclesia divum Brunonem, Cartusi-
ani ordinis iniciatorem, in archiepiscopum
dum adhuc viveret, elegit. Sed episcopa-
tui eremiticam vitam præferens, in ultimo

S Bruno
Cartusia-
nus archi-
episcopus
Rheginen-
sis electus.

A Calabriae solitariam vitam læto fine ter-
minavit, illic in domo S. Stephani, a se
constructa, sepultus. *Et post unum diem
afflante austro, sequenti die venimus Pu-
teolos :* quæ est civitas coloniae Campaniae,
secundum Bedam. Tamen in Scholastica
historia legitur, quod nomen sit insulae.
Fertur quoque in Glossa, quod sit locus
ubi Virgilius invenit balnea medicinalia.
Ubi inventis fratribus, scilicet Christia- 14
nis, qui tunc se mutuo omnes fratres vo-
cabant, Dei et proximi caritate in omnibus
B æstuante cum omni humilitate, *rogati su-*
mus ab eis manere apud eos diebus sep-
tem, ad nostram refocillationem, et ipso-
rum informationem ac consolationem. Jam
enim fama Pauli apud universos Chri-
stianos celeberrima fuit. *Et sic venimus*
Romam.

Et inde, puta a Roma, quum audissent 15
fratres, id est Christiani Romani, nostrum
adventum, sive ab homine sive ab angelo,
occurrerunt nobis ex caritate et reveren-
tia sua ad nos, præsertim ad Paulum, *us-*
que ad Appii forum et Tribustabernis.
C Secundum quosdam, unum vocabulum est,
Appiiforum. Estque nomen fori Romæ, ab
Appio quondam consule constituti : a quo
Appio et via Appia cognominata est. Præ-
terea, in Scholastica recitatur historia,
quod forum hoc fuit ab Appio in maris
littore constitutum, ut de nocte applican-
tes, ibi invenirent victualia. Ibidem quo-
que constituit Appius tres tabernas, utpote
tres domus in quibus cibi exponeren-
tur venales. Unde, Tribustabernis, est hic
unum nomen indeclinabile, significans lo-
cum illum, seu tres domos præfatas. Quos
fratres quum vidisset Paulus : nam ex ha-
bitu, occursu et apparatu pensavit quod
essent fideles, timorati et justī ; *gratias*
agens Deo, quod jam Romæ conversi es-
sent nonnulli ad Christum, et quod hi tam
caritative sibi occurrerent, *accepit fidu-*
ciam majorem quam ante, seu fiduciae
incrementum, quod adventus suus ad Ro-
mam fieret fructuosus.

Quum autem venissemus Romanam, per- 16

missum est Paulo permanere sibi, id est ad suum libitum libere ambulare in urbe, cum custodiente se milite : ita quod unus miles fuit a centurione deputatus ad ejus custodiam, de cujus fuga timendum non fuit. Nempe quum Romam venissent, nondum fuit Nero in imperio confirmatus, nec innotuit ejus crudelitas ; audiensque controversiam esse de lege Christianorum ac Judæorum, parvi pendit negotium, nec Paulum reclusit. *Post tertium autem diem convocavit Paulus primos Judæorum, qui Romæ manebant, scilicet*

Quumque venissent, dicebat eis : Ego, viri fratres, nil adversus plebem faciens, id est contra Judæos : quorum comparatione gentiles increduli, durante cursu legis, reputati sunt cānes ; imo non Moyses tantum, sed et Christus ita eos appellat, Non est (inquiens) bonum sumere panem filiorum, et mittere canibus ; aut morem paternum, id est legis ritum seu Judaismum, vinctus ab Jerosolymis traditus sum in manus Romanorum, videlicet tribuni ac præsidis, centurionis ac militis. Qui quum interrogationem de me habuissent, causam meam inquirendo et discutendo, voluerunt me dimittere, eo quod nulla causa mortis esset in me. Contradictibus autem Judæis, coactus sum appellare Cæsarem, non quasi gentem meam Judaicam, de cujus semine ego sum, habens aliquid accusare. Propter hanc ergo causam rogavi vos videre et alloqui, ne forte contingat vos informari sinistre. Propter spem enim Israel, id est propter bonum speratum Israeli promissum, videlicet propter testimonium seu prædicationem qua dico hanc spem esse impletam, quantum ad primum Christi adventum, passionem ac resurrectionem, catena hac circumdatus sum. Quo constat quod Apostolus vinctus seu catenatus incessit tempore tanto : cujus exemplo patientiam addiscamus.

Dixerunt : Nos neque litteras accepimus de te a Judæa, id est, nulla nobis

a Judæis terræ promissionis scripta est accusatio contra te, neque adveniens aliquis fratrum de populo Judæorum, locutus est quid de te malum. Rogamus autem audire a te quæ sentis de Christi adventu atque mysteriis. Nam de secta hac, id est Christianorum lege, notum est nobis, quia ubique ei contradicitur a multis, tam gentilibus quam Judæis, qui et particulares persecutiones contra Christianos moverunt.

Quum constituisset autem eis diem, convenerunt ad eum in hospitium plures : quibus exponebat testimonia Christi, testificans regnum Dei, id est statum et regimen Ecclesiæ militantis, beatitudinemque patriæ cœlestis, cum testificatione affirmans nunc advenisse Christum, suadensque de Jesu quod esset verus Messias rex Israel, ex lege Moysis et Prophetis, a mane usque ad vesperam : in quo fervor Apostoli innotescit. Et quidam Judæorum illorum credebant his quæ a Paulo dicebantur, et quidam non credebant.

Quumque invicem non essent consentientes, discedebant, dicente Paulo unum verbum, id est allegante unum testimonium prophetale : Quia bene locutus est Spiritus Sanctus per Isaïam prophetam : Vade ad populum istum, et dic ad eos, o tu Isaïa : Aure corporali audietis, o Judæi, verba Christi discipulorumque ejus, et non intelligetis ea, virtutem et veritatem eorum percipiendo ac intuendo ; et videntes visu carnali, videbitis opera Christi ac Apostolorum, et non perspicietis, hoc est, ex hoc non penetrabitis acie mentis vim operum horum, quomodo scilicet non nisi Deo agente fieri queant, et qualiter evangelicæ legis veritas per ea monstretur : quemadmodum ait Salvator, Opera quæ dedit mihi Pater ut perficiam ea, ipsa opera quæ ego facio, testimonium perhibent de me. Incrassatum est enim cor populi hujus, id est, mens Judæorum obtusa et obtenebrata est nebula propriæ perversitatis : sicut et Moyses ait, Incrassatus est dilectus, et recalcitravit. Crassitudo hæc

22

23

24

25

26

Is. vi, 9.

Joann. v, 36.

27

Deut. xxvii, 15.

Matth. xv, 26.

cordis Judæorum, fuit eorum carnalitas, qua terrenis potissimum inhæserunt. Propter quod Christi documenta ad omnium terrenorum contemptum hortantia, aspernabantur, dicentes : Insanit ; quid eum auditis ? Præterea, sicut crassitudo corporalis efficit corpus minus agile minusque mobile, sic crassitudo cordis reddit animam veritatum cœlestium incapacem, acediosam ac tenebrosam. *Et auribus mentis et corporis graviter audierunt : quia et verba Christi indignanter atque invite corporaliter audierunt ; ad considerandam quoque eorum efficaciam fuerunt tardissimi.* Quibus dixit Salvator : Qui ex Deo est, verba Dei audit : propterea vos non auditis, quia ex Deo non estis. *Et oculos suos mentales compresserunt,* hoc est, ab intuitu evangelicæ theoriæ spontanee averterunt, Spiritui Sancto obicem ponentes. *Ne forte videant oculis interioribus quæ sunt veræ salutis, et auribus audiant diligenter quæ Dei sunt, et corde intelligant,* ea quæ fidei sunt per donum intellectus penetrando, *et convertantur* per cordialem agnitæ veritatis amorem ad Deum, *et sanem eos* ab infidelitate ac ceteris vitiis, animarum languoribus, secundum quod per Jeremiam dico : Convertimini ad me, et sanabo aversiones vestras.

Hanc autem scripturam allegat Lucas secundum translationem Septuaginta interpretum. Hieronymus autem, quantum ad tenorem seu formam verborum, aliter transtulit ; sensus vero redit in idem, quemadmodum super Isaiam ostendi.

Joannes quoque evangelista allegat hæc verba pro tempore Christi prædicta atque impleta. Ubi etiam quædam istorum verborum asserit in persona Filii Dei esse ad Isaiam prolata, videlicet, Ne forte convertantur, et sanem eos. Paulus vero primum horum verborum dicit a Spiritu Sancto prolatum, sicut nunc patuit : ex quo Didymus (quem Beda hoc loco beatum appellat) in libro de Spiritu Sancto, divinitatem Spiritus Sancti probavit. Quod enim

nunc Paulus ait a Spiritu Sancto dictum, id Isaias a Domino dictum perhibet : et ibi per Dominum, intelligitur verus Deus. Ex quibus omnibus S. Hieronymus durissime increpat Origenem, qui per Dominum sedentem in solio elevato, istaque verba Isaiæ loquentem, intelligit Deum Patrem, per Seraphim vero, Filium et Spiritum Sanctum. Nunc enim ostensum est, per Dominum ibi designari Spiritum Sanctum, imo Deum absolute, seu unamquamque divinam Personam. Ex quo liquido demonstratur, unam esse et voluntatem et naturam Dei et Spiritus Sancti. Quod et Didymus subtilissime docet.

Notum ergo sit vobis, quoniam gentibus missum est hoc Salutare Dei, hoc est, Christus mundi Salvator ad gentium conversionem et gloriam, a Patre per incarnationis mysterium missus est, et per Apostolos deportatus, despicientibus Christum Judæis, quemadmodum capitulo tertio decimo dictum est ; *et ipsi audient auribus mentis et corporis, prædicationem Evangelii Christi, juxta illud : Notum fecit Dominus Salutare suum ; in conspectu gentium revelavit justitiam suam.*

Mansit autem biennio toto in suo conductu, hoc est in hospitio quod ipse sibi conduxerat, *et in custodia libera ; et suscipiebat,* hoc est, ad audientiam suæ prædicationis pie et caritative admisit, *omnes qui ingrediebantur ad eum,* Judæos ac gentiles, *prædicans regnum Dei,* hoc est statum et gratiam Ecclesiæ militantis (quæ frequenter a Christo regnum cœlorum et regnum Dei vocatur), statum quoque et gloriam Ecclesiæ triumphantis, *et docens quæ sunt de Domino Jesu Christo,* utpote præcepta, consilia, documenta et testimonia Salvatoris, *cum omni fiducia adsistentiæ Dei, conversionisque plurimorum, sine prohibitione.* Nam ante adventum Pauli ad Romam, Nero annis regnavit duobus, nondum tamen fuit confirmatus in regno. Propter quod dimisit Apostolum toto biennio infra Romam in suo conductu, liberaque custodia. Postea vero per

Joann. x,
20.

Ibid. viii,
47.

Jer. iii, 22.

Is. vi, 9, 10.

Joann. xii,
40.

Is. vi, 1.

Ibid. 2.

28

Act. xiii, 46.

Ps. xcvi, 2.

30

31

decennium, scilicet decem annis, dimisit A tur pro fide catholica, quæ radius est primæ et inviolabilis Veritatis, omni admiratione, gratiarum actione, honore et gloria superdignissimæ, quum ipsa sit super omnia Deus sublimis et benedictus. Amen.

FINIS COMMENTARIORUM IN ACTUS APOSTOLORUM

ENARRATIO
IN APOCALYPSIM
BEATI JOANNIS

PROÆMIUM

ECCE puer meus electus quem elegi, dilectus meus, in quo bene placuit animæ meæ : ponam spiritum meum super eum, et iudicium gentibus nuntiabit. Is. XLII, 1; Matth. XII, 18.

Verba hæc juxta sensum ab Isaia, atque a Matthæo in forma, quantum ad litteram de unigenito Dei, vero, æterno naturalique Filio Domino nostro Jesu Christo conscripta sunt. De Joanne tamen evangelista juxta mysticam intelligentiam congrue assumuntur. Ipse enim est unus puerorum illorum quibus post resurrectionem suam locutus est Christus : Pueri, numquid pulmentarium habetis? De quibus per Isaiam dixit Salvator : Ecce ego et pueri mei, quos dedit mihi Dominus.

Joann. XXI.
5.
Is. VIII, 18.

Joanni itaque loquitur evangelistæ Deus sublimis : *Ecce puer meus* : puer utique ab innocentiae puritate ac sanctimonia vitæ, quomodo Paulus hortatur, Nolite pueri effici sensibus, sed malitia parvuli estote; et Psalmista, Laudate, pueri, Dominum ; *meus*, plane per gratiam adoptionis, per providentiam æternæ prædestinationis, per communionem præcipuæ familiaritatis, per eminentiam apostolatus; *quem elegi* præmillibus, quem et ore proprio a navi ad discipulatum, deinde ad apostolatum vocavi ; *dilectus meus*, et tam singulariter prædilectus, ut ipse toties de se ipso loquens veraciter dicat, Discipulus quem diligebat Jesus; *in quo bene placuit animæ Christi*, ita ut in Cœna super pectus ejus et in sinu ejus recumberet; vel, ut ad Deum Patrem seu totam Trinitatem referatur quod dicitur, Bene placuit animæ meæ. Anima Deo trino ac simplici metaphorice adscribitur, voluntatem seu mentem intelligendo per animam, secundum quod per Jeremiam Dominus asserit : Numquid in gente hujusmodi non ulciscetur anima mea? Et in Amos Propheta habetur : Juravit Dominus per animam suam.

I Cor. XIV.
20.
Ps. CIII, 1.
Matth. IV,
21; X, 1-3.
Joann. XIII,
23; XIX, 26,
XXI, 7, 20.
Ibid. XIII,
23, 25.

Jer. V, 29.
Amos VI, 8.

Super hunc felicem Joannem posuit Deus spiritum suum, utique Spiritum Sanctum, præsertim in die Pentecostes, quum sedit Spiritus Sanctus super singulos discipulorum. Nec tantum posuit Deus spiritum suum super eum, dando ei gratiam gratum facientem, et virtutes ac dona concomitantia illam; sed insuper dona gratiæ gratis datæ accumulavit in eo, fecitque eum apostolum, evangelistam, prophetam, doctorem, mirabilium operatorem, cœlestium secretorum altissimum contemplatorem, omnium linguarum atque totius divinæ Scripturæ tribuens ei notitiam. Hic Joannes iudicium, id est divinæ æquitatis effectus et ultiones, æternæ sapientiæ decreta ac instituta, discretionem quoque inter verum et falsum, inter bonum et malum, itemque finale iudicium gentibus nuntiavit. Per quem Deus omnem militantem Ecclesiam præcipue illustravit. Nam totius Asiæ minoris Joannes fundavit rexitque Ecclesias. Quumque ad Domitiani imperatoris præceptum, Romam usque esset deductus, atque in bullientis

Act. II, 1-4.

olei dolium missus, nec læderetur in eo, in Patmos insulam exsul est relegatus. Ubi quum solus soli Deo vacaret, cognovit per Spiritum quanta mala in Ecclesiis Asiæ pullularent. Super quo dolens ac Dominum deprecans, raptus fuit, et non solum quæ fiebant in Asia, sed quæ toto orbe in Ecclesiis tunc fiebant, et principalia usque ad finem mundi ventura universali Ecclesiæ, angelo revelante cognovit. Super quibus librum istum composuit, suis eum mittens discipulis, non ad eorum dumtaxat, sed ad omnium Christianorum profectum.

Præterea, quædam expositioni hujus libri possent præmitti, videlicet quid sit prophetia, de gradibus, speciebus, et ordine prophetiæ, de multiplici expositione sacrae Scripturæ, et de septem regulis intelligentiæ Scripturarum valde proficuis : de quibus nunc transeo, quia in exordio expositionis libri Psalmorum ea utcumque induxi. Postremo, quemadmodum librorum veteris Testamenti quidam dicuntur legales, ut libri Moysis; alii historiales, ut libri Regum et Paralipomenon; alii sapientiales, ut libri Salomonis; alii prophetales : ita in novo Testamento libri legales sunt quatuor evangelia; historialis liber est Actus Apostolorum; sapientiales libri, epistolæ Pauli et aliæ septem canonicæ; prophetalis autem liber est Apocalypsis. Nec ista intelligenda sunt per præcisionem, sed per quamdam appropriationem, quum certum sit, in quolibet genere librorum istorum, aliqua de aliorum librorum contineri materia.

ENARRATIO IN APOCALYPSIM BEATI JOANNIS

ARTICULUS PRIMUS

ELUCIDATIO PRIMI CAPITULI : APOCALYPSIS JESU CHRISTI, QUAM DEDIT ILLI DEUS.

1 **A**POCALYPSIS Jesu Christi, quam **A** dedit illi Deus palam facere servis suis. Apocalypsis revelatio dicitur. Unde Corinthiis scribit Apostolus : Quum convenitis, unusquisque vestrum psalmum habet, doctrinam habet, apocalypsim habet. Itaque : *Apocalypsis Jesu Christi*, id est revelatio facta Christo secundum naturam assumptam, a Patre, vel tota superbenedicta Trinitate, cujus indivisa sunt opera. Denique omnium rerum cognitio, universorumque secretorum revelatio facta est animæ Christi in primo incarnationis instanti, in quo omnium præteritorum, præsentium, ac futurorum plena notitia Christo homini est infusa. Propter quod ait in Joanne : Pater diligit Filium, et omnia demonstrat ei quæ ipse facit. Et denuo protestatur : A me ipso facio nihil, sed sicut docuit me Pater, sic loquor. Vel, Apocalypsis Jesu Christi, id est, quam Dominus Jesus per angelum revelavit Joanni, et per Joannem toti Ecclesiæ. *Quam dedit illi Deus*, scilicet Filio secundum quod homo est, Deus Pater, *palam facere*, id est manifestare, *servis suis*, omnibus Christianis, secundum ordinem jam præ-

tactum : quia Pater revelavit Filio, Filius angelo, angelus Joanni, Joannes fidelibus, qui servi sunt Dei servitute filialis timoris, non servilis formidinis. Imo Filius secundum quod Deus, sibi ipsi secundum quod homo, hanc revelationem peregit. Nihilo minus Filius etiam secundum divinam naturam, omnia habet a Patre, sicque a Patre habet virtutem et sapientiam qua revelat.

Quæ oportet fieri cito : id est, revelatio ista continet atque prænuntiat tribulationes Ecclesiæ, quas fideles cito passuri sunt. Et ista futura, non oportet fieri necessitate absoluta, quum in se sint futura contingentia, non sine magno impiorum peccato implenda ; sed eo modo quo necesse est ut veniant scandala, et sicut oportet hæreses esse, videlicet necessitate conditionata, et ex hypothesi consequentiæ, non consequentis. Quum enim a Deo prævisa sint, et ab ejus sapientia ad electorum profectum sint præordinata, non possunt non evenire secundum respectum. Verumtamen providentia Dei mutabilibus necessitatem non imprimit, nec libertatem hominibus tollit. Oportet demum hæc fie-

Matth.
xviii, 7 ; I
Cor. xi, 19.

ri cito, id est in hac ultima mundi ætate, A de qua ait in prima Canonica sua Joannes : Novissima hora est. Vel ideo ait, Cito, quia a tempore Apostolorum tribulationes istæ sumpserunt exordium. Hinc etiam ait, Cito, quoniam præsens tempus futuro sæculo comparatum, est velut momentum.

1 Joann. ii.
18.

Jacob. x, 9.

Propter quod Jacobus : Ecce, inquit, judex ante januam adsistit. Præterea, oportet, id est expedit, hæc fieri cito, quia expediens est electis in præsentī tribulationibus exerceri, ut a vitiis emundentur, ad gratiam disponantur, a futuris pœnis per temporales afflictiones eruantur, Christo conformentur. Vexatio quoque dat intellectum, et futuram beatitudinem facit avidius desiderari, imo et mundi contemptum inducit.

Is. xxxiii.
19.

Et significavit, mittens per angelum suum, id est, Jesus Christus mittens angelum suum, per eundem manifestavit quæ cito fieri oportet, *servo suo Joanni*. In hoc Joannis commendatur humilitas, quod se Christi servum potius quam apostolum vocat. Huic autem expositioni al-

Apoc. xxi,
16.

2 *Qui testimonium perhibuit verbo Dei*, id est Unigenito Patris æterni. In quo Verbo docuit S. Joannes duplicem esse naturam, et unam hypostasim seu personam : In principio, inquit, erat Verbum ; et Verbum caro factum est. Vel, Testimonium perhibuit verbo Dei, id est, sermones Dei in Scripturis contentos, veros esse disseruit. Nec solum loquendo aut scribendo, sed et sanctissime conversando, præclarissima miracula perpetrando, martyrio se exponendo, exiliumque ferendo, perhibuit testimonium verbo Dei, secundum utrumque hunc sensum. *Et testimonium Jesu Christi*, id est, de Christo perhibuit, *quæcumque vidit* : quoniam testimonium istud fuit assertio operum passionisque Christi, et ceterorum quæ in ejus conversatione ac passione, post resurrectionem quoque usque ad ascensionem et Spiritus

Joann. i.
1, 14.

Sancti missionem, conspexit Joannes oculis mentis et corporis. Unde in evangelio suo testatur : Et qui vidit, testimonium perhibet de his, et scripsit hæc. Et in primæ suæ Canonice ait principio : Quod vidimus oculis nostris, et manus nostræ contrectaverunt de Verbo vitæ, annuntiavimus vobis. — Sed quomodo ait nunc, Quæcumque vidit, quum in fine sui evangelii protestetur, Multa alia fecit Jesus, quæ non sunt scripta in libro hoc? Et respondendum, quod quando Joannes hunc edidit librum, nondum scripsit evangelium, nec in eo universa scripsit quæ prædicando perhibuit. Distributio quoque ista qua ait, Quæcumque, intelligi potest de generibus singulorum, non de singulis generum : quia de omnibus aliqua enarravit.

Joann. xix,
13, xxi, 24.

1 Joann. i,
1, 3.

Joann. xxi,
25.

B Juxta quem modum ait Psalmista : Narrabo omnia mirabilia tua ; et in Ecclesiastico : Nonne Deus fecit Sanctos enarrare omnia mirabilia sua, quæ confirmavit omnipotens Dominus, stabilis in gloria sua? Nihilominus in eodem libro conscribitur :

Ps. ix, 2.

Eccli. xii,
17.

C Quis sufficiet enarrare omnia mirabilia ejus? et, Pauca vidimus operum ejus.

Isai. xlii,

2
Isai. xlii,

36.

Consequenter pandit Joannes quam fructuosa sit hæc ejus doctrina, et quanta attentione sit advertenda. *Beatus nunc beatitudine viæ ac spei sive per meritum, nondum beatitudine patriæ seu rei per præmium, qui legit*, alios erudiendo, vel per se ipsum studendo, *et qui audit*, discendo seu advertendo, vel auribus mentis percipiendo, scilicet obediendo, *verba prophetiæ hujus*, id est libri istius prophetici, qui vaticiniis plenus est, in quo etiam verba Prophetarum frequenter introducuntur ; *et servat*, id est, memoriter retinet, efficaciter implet, patienterque sustinet, *ea quæ in ea scripta sunt*, id est quæ in prophetia hujus voluminis docentur, jubentur, prænuntiantur. Siquidem in libro isto contenta sunt saluberrima documenta, seriosa præcepta, futura adversa. Itaque quod ait, Beatus qui legit, audit et servat, conjunctim est intelligendum. Non enim sufficit legere vel audire,

3

nisi et servantur lecta vel audita. Propter A
Luc. xi. 28. quod ait Salvator : Beati qui audiunt ver-
Jacob. iv. bum Dei et custodiunt illud ; et Jacobus,
17. Scienti bonum et non facienti, peccatum
 est illi. Verumtamen, quia non omnes sci-
 unt hæc legere, sufficit audire et obser-
 vare. Si tamen quod dicitur, Legit et au-
 dit, intelligatur de lectione et auditione
1 Cor. xii. 3. caritativa, interna, attenta (quomodo ait
 Apostolus, Nemo potest dicere Dominum
 Jesum, nisi in Spiritu Sancto), utrumque
 per se sufficiens erit : quia et tunc terti-
 um virtualiter includunt seu comprehen-
 dunt. — Circa hunc locum dicit Beren-
 gaudus* : Multi præcepta Dei legunt vel
 audiunt ; sed nihil eos juvat. Aut enim
 acquirendis terrenis mens eorum dedita
 est, aut libidine agitur, aut proximum
 dijudicat, aut contra prælatum superbit,
 aut fingit se potentem vel magnum futu-
 rum, aut ceteris vanissimis rebus disten-
 ditur. Alii divinas Scripturas legunt et
 audiunt, ut sapientes et egregii apud ho-
 mines habeantur, et in sæculi prosperita-
 tibus floreant, non ut reprobam corrigant
 vitam.

Cur vero qui verba libri hujus legit,
 audit, servat, beatus sit, subditur. *Tem-*
pūs enim prope est, id est dies judicii par-
 ticularis singulorum, imo et universalis,
 tempus quoque æternæ retributionis. Unde
II Cor. iv. futuræ vitæ æternitatem attendens Apo-
17. stolus, dixit : Momentaneum et leve tri-
 bulationis nostræ, æternum gloriæ pondus
 operatur in nobis.

4 *Joannes* mandat et scribit *septem Eccle-*
siis quæ sunt in Asia. Quando enim Joan-
 nes hæc scripsit, erant in Asia septem
 Ecclesiæ particulares et principales, vi-
 delicet septem congregationes fidelium in
 septem civitatibus Asiæ minoris, ejus
 Ephesus fuit metropolis : quæ Ecclesiæ et
 civitates infra exprimuntur. Per has au-
 tem septem Ecclesias, universæ designan-
 tur Ecclesiæ : quoniam septenario numero
 universitas significari solet, eo quod sep-
 tem dierum numero omne tempus com-
 prehendatur, et septem diebus omne tem-

pus evolvitur ; et propter septemplicem
 gratiam Spiritus Sancti, qua impletur Ec-
 clesia. Denique universæ Ecclesiæ sunt
 una Ecclesia catholica, quæ per septem
 Ecclesias explicatur, propter septem dona
 Spiritus Sancti, quibus illustrata in mun-
 do refulget.

Gratia vobis et pax. Gratia proprie sum-
 pta, est habitus supernaturalis menti per
 creationem infusus, esse spirituale, dei-
 forme, atque idoneum ad promerendam
 vitam æternam, conferens ei. Hanc habet
 B omnis qui est in statu salutis. Sed sicut
 caritas, ita et gratia ista perficitur. Itaque
 gratiam non habentibus optat gratiam da-
 ri, habentibus vero appetit perfici. Potest
 tamen hoc loco per gratiam, quodecum-
 que spirituale donum conferens ad salu-
 tem, intelligi. Pax autem est tranquillitas
 mentis, et quies ejus in Deo : quam ma-
 xime habere condecet Christianum. Nam
 et Christus sic suos salutavit discipulos :
 Pax vobis. Et ascensurus in cælum, locu-
 tus est eis, passioni jam proximus : Pacem
 C relinquo vobis, pacem meam do vobis.
 Insuper hanc salutationis formam ipsis
 præfixit : In quaecumque, inquiens, do-
 mum intraveritis, primum dicite : Pax
 huic domui. Quam vero desiderabile, dei-
 ficum ac beatum sit pacem habere, osten-
 dit, dicendo : Beati pacifici, quoniam filii
 Dei vocabuntur. Ideo monet Apostolus :
 Pax Christi exsultet in cordibus vestris.
 Nullam itaque turbulentiam animi, nul-
 lam inquietudinem vitii aut amaritudi-
 nem spiritus admittamus, sed tranquilla
 D Deo mente vacemus.

Itaque, Gratia disponens ad pacem ve-
 ram, spiritualem, internam, et pax con-
 sequens illam, insit, detur et conservetur
 vobis *ab eo qui est, et qui erat, et qui*
venturus est, id est a Deo Patre æterno.
 Cujus æternitas quamvis sit inextensa, in-
 variabilis, totaque simplicissime simul,
 per temporum tamen differentias designa-
 tur, quoniam omne tempus ambit, inclu-
 dit, et tempori omni adstitit ; nec a nobis
 intelligitur, nisi ex tempore, et per com-

Luc. xxiv,
36; Joann.
xx, 21, 26.

Joann. xiv,
27.

Luc. x, 5.

Matth. v. 9.

Coloss. iii,
15.

* *alias Be-*
rengaudus

parationem ad tempus, eo modo quo in corporalia atque simplicia, per corporalia et composita intelligere dicimur, puta per abnegationem, et etiam aliis modis. Itaque Deus Pater nunc incommutabiliter est, et ante omnia erat, et venturus est ad Ecclesiam militantem ac triumphantem, per caritatem, gratiam seu gloriam inhabitando, seque suis electis manifestando, ac nova et mira agendo, non locum mutando. Sic nempe ait Christus : Qui diligit me, sermonem meum servabit; et Pater meus diliget eum, et ad eum veniemus, et mansionem apud eum faciemus. Venturus est itaque, omnium electorum remunerator, et corporum glorificator. Quamvis autem juxta hunc sensum unicuique divinæ Personæ conveniat esse, fuisse, venturumque esse, tamen hoc loco Patri appropriatur, propter verba sequentia. Sequitur enim :

Et a septem spiritibus qui in conspectu throni ejus sunt. Per septem spiritus, multi expositorum accipiunt Spiritum Sanctum, eo quod in donis sit septiformis, quamvis sit simplex unusque in natura. Cujus dona (quæ apud Isaiam spiritus nomine exprimuntur, quum dicitur : Spiritus sapientiæ et intellectus, etc.), sunt in conspectu throni ejus, id est in mente ac intelligentia animæ Christi, ejus humanitas thronus Patris vocatur. Vel per septem spiritus, intelliguntur angeli sancti, ita ut per Septem, universitas angelorum insinuetur, eo modo quo Tobiae Raphael loquitur : Ego sum unus de septem qui adstamus ante Deum. Vel certe per septem spiritus, specialiter denotantur illi septem angelici spiritus qui septem Ecclesiis Asiæ præfuerunt. Quidam etenim uni privatæ personæ, quidam communitati sunt præsidentes. Omnes autem angeli sunt in conspectu throni Dei, id est, ipsi Deo omnipotenti adsistunt, tanquam obsequi præparati. Thronus quoque Dei vocatur uno modo, ipsum tertium intellectualeque cælum, in quo residet Trinitas adoranda. Ad quod, secundum unam ex-

positionem, raptus est Paulus. Nec aliud est thronus iste, quam ipsa residentis auctoritas ac majestas, qui in se ipso esse et quiescere perhibetur. — Obiter advertendum, quod non eodem modo gratia et pax sunt a Deo, et angelis ejus. A Deo enim sunt effective ac principaliter; ab angelis, impetrative et instrumentaliter. Orant quippe pro nobis, et nostra obsequia offerunt Deo.

*Tob. xii, 12;
Act. x, 3, 4.*

Et a Jesu Christo, qui secundum divinitatem, est idem dator pacis et gratiæ cum Patre et Spiritu, et eodem modo cum illis hæc tribuit. Propter quod ait : Quæcumque facit Pater, hæc et Filius similiter facit. Etenim trium Personarum est una essentia, una potestas : ideo et actio ad extra, indivisa. Porro Christus secundum quod homo et mediator, est causa pacis et gratiæ meritoria, instrumentalis, secundaria, quum ejus humanitas sit instrumentum proprium, conjunctum, animatum immediatumque divinitatis seu Verbi : per quam humanitatem Verbum incarnatum, seu Christus homo, promeruit nobis dona gratiæ, imo et gloriæ. Et precamur virtute ac merito Christi dona spiritualia nobis præstari.

Qui est testis fidelis, id est verax in verbis, factis et promissis, in tantum ut dicat : Cælum et terra transibunt, verba autem mea non transibunt. Dedit autem testimonium fidele de Patre, dicendo, Exivi a Patre, et veni in mundum; et alia multa sublimia, quæ in Evangelio Joannis potissimum sunt descripta. Verbis quoque et factis testimonium perhibuit de se ipso : qui in die judicii testimonium perhibebit contra reprobos, et pro electis, juxta illud, Ego sum judex et testis. Denique evangelicæ legis doctrinam testatus est populo. De quo loquitur Pater : Ecce testem populis dedi eum.

Luc. xxi, 33.

Joann. xvi, 28.

Jer. xxix, 23.

Is. lv, 4.

Primogenitus mortuorum. Quum innumerabiles mortales et mortui fuerint ante Christi adventum, quomodo dictus est primogenitus mortuorum? Ad quod Berengandus respondet, quod primogenitus hic

Joann. xiv, 23.

Is. xi, 2.

Tob. xii, 15.

II Cor. xii, 2.

pro primo accipitur, sicut primos eos in populo vocamus, non qui ætate, sed honore ac dignitate ceteros antecellunt. Et hoc verum est, sive per mortuos intelligamus corpore mortuos, sive spiritualiter atque salubriter mortificatos, quales fuerunt quibus scribit Apostolus : Mortui enim estis, et vita vestra abscondita est cum Christo in Deo. Primogenitus itaque mortuorum Christus est, quoniam est primus et caput omnium hominum electorum. Vel sic : Primogenitus mortuorum, id est inter resurgentes a morte, primus ad immortalem vitam resurgens; primus etiam inter hos dignitate et causalitate. Qui autem ante Christum a morte suscitati leguntur, ad vitam mortalem rursus morituri resuscitabantur. Hinc ad Colossenses scribit de Christo Apostolus : Qui est primogenitus creaturæ, et primogenitus mortuorum.

Coloss. iii, 3.

1 Cor. xv, 20, 23.

Coloss. i, 15, 18.

Hebr. ii, 8. *Et princeps regum terræ.* Omnia enim subjecta sunt Christo, etiam secundum naturam assumptam. Unde et passione instantane dixit ad Patrem : Sicut dedisti ei potestatem omnis carnis. Et teste Apostolo, in nomine Jesu omne genu flectitur, cœlestium, terrestrium, et infernorum. De quo Daniel ait : Omnes populi, tribus et linguæ servient ei. Sed quomodo princeps regum terræ dicitur Christus, quum tam multi reges terræ ei non pareant, imo rebelles sint? Et respondendum, quod plenariam potestatem super eos sortitus sit, et quum sibi placuerit, potestatem hanc ostendet in eis.

Qui dilexit nos amore æterno et increato, secundum quod Deus; amore quoque creato, gratuito et infuso, imo et naturali amore, tanquam naturæ suæ consortes et fratres, secundum quod homo. Unde monet Apostolus : Ambulate in dilectione, sicut et Christus dilexit nos. Quam perfecte autem dilexerit nos, demonstrat : Majorem, inquit, hac dilectionem nemo habet, ut animam suam ponat quis pro amicis suis. Si hanc dilectionem volumus nobis prodesse, obediamus jubenti : Hoc

Ephes. v, 2.

Joann. xv, 13.

Ibid. 42.

est præceptum meum, ut diligatis invicem sicut dilexi vos. *Et lavit nos a peccatis nostris in sanguine suo*, id est, merito passionis suæ et pretio sanguinis sui a peccato originali et actuali nos emundavit tempore passionis : et hoc, quantum ad sufficientiam, quoniam quantum in se est, pro omnibus satisfecit; sed quantum ad efficientiam seu efficaciam, lavat nos a peccatis in sacramento Baptismi ac Pœnitentiæ, quæ a passione Christi efficaciam sortiuntur, sicut et cetera sacramenta, quæ sunt velut vasa medicinalia, dominicæ passionis virtutem et gratiam quodammodo continentia, per quæ meritum Christi nobis applicatur. Præterea, quandocumque veniam ex toto corde precamur, lavat nos a peccato in sanguine suo. Nam preces nostræ et omnis nostra operatio, per hoc redduntur Deo acceptæ ac vigorosæ, quod Christo capiti nostro per fidem conjungimur. Hinc ad Ephesios inducitur : Christus dilexit Ecclesiam, et tradidit semetipsum pro ea, ut illam sanctificaret. Nam quia dilexit, tradidit se et lavit, non quia digni eramus.

Et fecit nos regnum, id est, ex hominibus constituit sibi, ædificavit et fecit Ecclesiam, tales eos efficiens ut in ipsis habitare et regnare in via per gratiam atque in patria per gloriam dignaretur. Unde in Evangelio Ecclesia frequenter regnum cœlorum vocatur, imo et regnum Dei. Fecit quoque nos regnum, quia cœlestis regni cives nos adscripsit, dicente Apostolo : Jam non estis hospites et advenæ, sed cives Sanctorum et domestici Dei.

Ephes. v, 25, 26.

Matth. xiii, 24, 31, etc.; Marc. iv, 26, 30, etc.

Ephes. ii, 19.

Et sacerdotes : quod ad sacerdotes Ecclesiæ potest referri, quibus competit corpus Domini consecrare; generaliter quoque ad omnes fideles, qui per similitudinem, proprietatem et actus quosdam, sacerdotes dicuntur : primo, quia se ipsos offerunt Deo; et quoniam corpora sua mortificant per pœnitentiæ actus, sicut Apostolus instruit, Exhibete corpora vestra hostiam sanctam, viventem, Deo placentem; et quia per compunctionem internam ani-

Rom. xii, 1.

Ps. l. 19. mas suas immolant Creatori. Sacrificium enim Deo spiritus contribulatus. Sed et orationes, laudes ac cetera virtutum exercitia, offerunt Deo indesinenter. Unde in *Ecclesiastico* scriptum est : Salutare sacrificium, attendere in mandatis; et in *Psalmo*, Immola Deo sacrificium laudis. *Ps. XLIX. 14.* Postremo summi atque æterni Sacerdotis sunt membra, videlicet Christi.

Fecit ergo nos regnum et sacerdotes Deo et Patri suo, id est ad gloriam Dei Patris, qui est Deus Christi secundum humanitatem, et Pater ejus secundum divinitatem. Propter quod ait : Ascendo ad Patrem meum et Deum meum. *Ipsi gloria*, id est, beatitudo perfecta inest et competit; vel, Gloria, id est excellentia, seu clara cum laude notitia. Ipsi quoque glorificatio ab omnibus impendatur. *Et imperium* : nam ipse summus est imperator, cujus est cunctis præcipere. Ipsi ergo obedientia exhibeatur. Hoc verbo docemur, Deo cordialiter de suis beneficiis regratiari, ejusque beatitudini toto corde congratulari. Ideo sequitur : *Amen*, id est, fiat.

7 *Ecce venit cum nubibus*, id est, in nubibus ad judicandum venturus est, quemadmodum testatur : Videbitis Filium hominis venientem in nubibus cæli, cum potestate magna et majestate. Sic enim ascendit, et de ipso angeli prædixerunt : Quemadmodum vidistis eum ascendentem in cælum, sic veniet. Venit quoque cum nubibus, id est cum angelicis spiritibus, sanctis Apostolis, ceterisque perfectis ac prædicatoribus, qui in Scripturis nubes

Matth. XXIV, 64; XXIV, 30; Act. i, 11. *Is. LX, 8.* *Matth. XXV, 33 et seq.* vocantur. *Et videbit eum omnis oculus.* Hic ponitur pars pro toto, et genus pro specie : per omnem oculum intelligendo omnem hominem; et rursus, per omnem oculum, omnem oculum humanum. Christus quippe, quum sit Deus et homo, in forma humana a bonis ac malis corporaliter conspicietur. Et electis quidem dulcis ac blandus, reprobis vero severus atque terribilis apparebit. Dicuntque aliqui, quod terror et blandities nascetur, non ex

A videntium conscientis tantum, sed etiam ex ipso Judicis apparatu : qui justorum visum tanquam convenientissimum objectum immutabit, eosque serenissimo vultu adspiciet, reproborum vero visum tanquam objectum valde contrarium, et se ipsum eis iratum ac indignabundum, in vultu terrifico exhibebit. Insuper, quamvis electi qui ante judicium Deum beatifice cernunt aut cernent, Christum in ipso judicio sint in sua divinitate clare feliciterque visuri; illi tamen electi qui usque ad judicium nondum judicati exstiterint, vel de suo præmio nondum securi effecti, non videbunt eum durante judicio in divinitate sua per speciem, sed per fidem, quæ non aufertur electis nisi ad beatificam pervenerint visionem.

Postquam autem Joannes asseruit, Videbit eum omnis oculus, de interfecto-ribus tamen Christi, quibus visio ejus erit specialiter molesta, confusibilis ac pœnosa, subjungit : *et qui eum pupugerunt* : ut Judæi qui ejus crucifixionem procuraverunt, Pilatus qui dedit sententiam, milites qui illam sunt exsecuti. Testimonium istud, sumptum est ex eo quod per Zachariam loquitur Christus : Adspicient ad me quem confixerunt. Quod quantum ad sensum verborum, alibi allegatur, quum dicitur : Scriptura dicit, Videbunt in quem transfixerunt. Unde et tempore passionis Christus testatus est Caiphæ et Judæis : Amodo videbitis Filium hominis sedentem a dextris virtutis Dei, et venientem in nubibus cæli. *Zach. XII, 10.* *Joann. XIX, 37.* *Matth. XXVI, 64.*

D *Et plangent se super eum omnes tribus terræ*, id est multi de tribubus universis, vel, omnes qui terrena potius quam divina dilexerunt. De quibus loquitur Jeremias : Recedentes a te, in terra scribentur. Isti plangent se super eum, id est, malitiam, blasphemiam, ingratitude suam in Christum deflebunt. Non quod de ipsa culpa, secundum quod culpa est vel Dei offensiva, vere dolebunt, sed in quantum est causa punitionis eorum, juxta quod scriptum est : Videntes, *Sap. V, 2-4.*

turbabuntur timore horribili, gementes A præ angustia spiritus, dicentes intra se, pœnitentiam agentes : Nos insensati, vitam illorum æstimabamus insaniam. Istud quoque testimonium ex præallegata prophetia Zachariæ assumptum est. Quod et in Matthæo Christus commemorat, ubi ait : Tunc apparebit signum Filii hominis in cœlo, et plangent omnes tribus terræ. *Etiam. Amen.* Reduplicatio ista designat, quod ita certissime et inevitabiliter fiet. Etiam namque et Amen, idem significant.

Deinde verba Christi inducit Joannes. 8 *Ego sum Alpha et Omega.* A, est prima littera Græcorum, et Ω, ultima. Litteris itaque istis se comparat seu exprimit Christus, ad innuendum quod ipse sit universorum primum principium ac ultimus finis. Omnia enim propter se ipsum operatus est Dominus, ut in Proverbiis dicitur. Hinc quasi verba præfata exponens, addidit Christus : *principium et finis.* Est nempe principium effectivum, quia crea-

tor ; et beatificus finis, quia veræ felicitatis objectum, et ipse beatitudo objectalis est electorum. Qui per Isaiam testatur : Ego primus, et ego novissimus. Ad ipsum Is. XLIV, 6. ergo nos ipsos et omnia nostra jugiter ordinemus, eum semper sinceriter intendamus ; nec possumus esse beati aut bene dispositi, nisi ad ipsum stemus conversi a quo sumus exorti. *Dicit Dominus Deus,* qui solus est propria auctoritate omnium Act. x, 36. Dominus. *Qui est,* quoniam esse verum, plenum, perfectum, immensum, invariabile possidet, sicut ad Moysen ait : Ego sum Exod. iii, 14. qui sum ; hæc dices, Qui est, misit me. *Et qui erat* ab æterno, *et qui venturus est* ad judicandum de omnibus, *omnipotens,* quia in judicio omnipotentiam suam demonstrabit potissime, juxta illud in Psalmo : Cognoscetur Dominus judicia faciens. Ps. ix, 17. Possunt quoque hæc verba absolute de Deo, et de qualibet divina exponi Persona, dummodo ultima ista particula, Qui venturus est omnipotens, exponatur sicut jam paulo ante exposita est, de Patre. vers. 4.

ARTICULUS II

PROSECUTIO EXPLANATIONIS HUIUS CAPITULI PRIMI, AB EO LOCO QUO AIT :

EGO JOANNES FRATER VESTER.

PROOEMIO, titulo, ac salutatione præmissis, ponit narrationem, et materiam libri hujus tangit sub quadam communitate. 9 *Ego Joannes frater vester* natura, religione atque Baptismatis regeneratione. Frater quoque, quia de eisdem protoplastis parentibus secundum carnem, et de eodem Deo secundum animam, juxta illud Malachiæ : Numquid non pater unus omnium nostrum ? Numquid non Deus unus creavit nos ? Iterum frater, quia ejusdem matris, puta Ecclesiæ, filius ; et ratione materiæ, juxta illud in Job : Ecce me sicut te fecit Deus, et de eodem luto forma-

tus sum. Discipulos itaque suos ac filios nominat tantus pater atque Apostolus fratres, dans humilitatis exemplum, ut prælati in humilitate permaneant, et se quasi unum de grege existiment, juxta illud Ecclesiastici : Rectorem te posuerunt ? non li extolli ; esto in illis quasi unus ex ipsis. Eccli. XXXII, 1.

Et particeps in tribulatione, id est in persecutionibus propter Christum illatis, vobis conformis : tunc enim Domitiani persecutio totam infestavit Ecclesiam ; *et regno,* id est cœlestis patriæ præmio, vobis et mihi parato (qui enim socii sunt tribulationis propter Christum, socii erunt

Zach. xii, 10.

Matth. xxiv, 30.

Prov. xvi, 4.

Malach. ii, 10.

Job xxxiii, 6.

II Cor. i, 7.

consolationis in regno cœlesti cum Christo), vel in regno militantis Ecclesiæ, cuius membrum sum ego, sicut et vos; *et patientia*, sine qua tribulatio ad regnum non duceret, nec prodesset: *patientia*, inquam, *in Christo Jesu*, id est secundum voluntatem ejus et ad honorem ipsius, a quo vera patientia datur: de quo ait Psal-

Ps. lxi, 6.

mista, Verumtamen Deo subjecta esto, anima mea, quoniam ab ipso patientia mea; et, Quoniam tu es patientia mea, Domine.

Ps. lxx, 5.

Fui in insula quæ vocatur Patmos, propter verbum Dei, id est Unigenitum Patris, vel propter prædicationis instantiam, *et testimonium Jesu*, id est propter testificationes quibus quotidie testificabar Jesum esse regem Messiam, omnium creatorem ac salvatorem. Hac nempe de causa missus est in exsilium Patmos a Domitiano. *Fui in spiritu*, id est mentis excessu seu ecstasi, utpote ab exterioribus sensibus alienatus, et ad divina vehementer ac supernaturaliter elevatus, quemadmodum in imaginariis simul et intellectualibus visionibus Prophetarum

10

Ezech. iii, 12.

fieri consuevit. Unde Ezechiel: Statim, inquit, fui in spiritu. *In dominica die*, qui est dies divinorum occupationibus deputatus, plus quam ceteri dies. — Sicque verbis præactis tangitur congruentia revelationis desuper factæ S. Joanni, ex parte loci ac temporis: Loci, in eo quod ait, *Fui in insula Patmos*. Locus enim ab aliorum habitatione semotus, quanto quietior, tanto contemplationi, revelationi orationique aptior. Temporis vero, dum addit, *In dominica die*. Denique, quum liber D iste sit de visionibus, quibus secundum Albertum Magnum, virum subtilissimum atque doctissimum, non est de facili credendum, S. Joannes plura tangit per quæ verba sua credibilia fiunt. Propter quod etiam Beda disseruit: Personam, locum, tempus, causamque visionis insinuat, ne carnali phantasmate putaretur illus.

Et audiui interiori, non corporali, auditu, *post me vocem magnam tanquam tubæ dicentis*, id est tubalem, angelicam,

11

alta, magna et mystica significantem. Per quod angeli loquentis idoneitas ad sui officii executionem innuitur. Simile huic est illud Ezechielis: Audiui post me vocem commotionis magnæ. Sed cur ait, *Post me*, et non potius, *Intra me* (quemadmodum Zacharias, Angelus, inquit, loquebatur in me), vel, *Supra me*? Respondet Berengandus: Quasi post nos est quod ignoramus. Post se Joannes vocem audivit, quia mysteria quæ tunc ei revelata sunt, nondum perfecte cognoverat. Profecerunt enim Apostoli et Prophetæ in revelationibus divinorum. Quæ vox tubæ assimilatur: nam sicut per tubam ad pugnam homines provocantur, ita per verba libri hujus, fideles ad prælia contra peccata, diabolum, ac persecutorum insaniam, invitantur ac animantur. Verumtamen aliqui dicunt, quod ista per angelum revelata, fuerunt Joanni antea manifesta: quod intelligi potest quantum ad aliqua principalia, et in quodam communi. Propterea etiam ait, *Post me*, quoniam angelus a contemplatione divinorum vocavit eum ad considerationem actuum humanorum. Nam et prælati ab apice contemplationis quodammodo retrahuntur, dum ad subditorum curam et providentiam revocantur. Insuper de hac voce tubali Haymo scribit: Vox quam audit Joannes, bene tanquam vox tubæ dicitur, quæ ab interioribus sine strepitu sonum accipit quem promittit exterius, quia ille sine sono vocis prius audivit in corde, quod postea exterius sonuit in voce. In visionibus quippe imaginariis, omnia per similitudines rerum geruntur ac præsentantur.

Ezech. iii, 12.

Zach. i, 9, 13, etc.

Quod vides, id est ea quæ nunc tibi revelo, et me monstrante intelligis, *scribe ad informationem fidelium, in libro; et mitte septem Ecclesiis quæ sunt in Asia*. De quibus Ecclesiis, et quomodo per eas universæ Ecclesiæ designentur, jam dictum est in præcedenti articulo. *Ephesum*, id est, ad fideles in Epheso metropoli Asiæ minoris mitte hunc librum. Sic quoque mitte ad *Smyrnam*, et *Perga-*

vers. 4.

mum, et Thyatiram, et Sardis, et Philadelphiam, et Laodiciam. Ista sunt nomina septem civitatum Asiæ quarum Ecclesiis præsidebat Joannes. Interpretationem civitatum istarum, et quomodo per eas ceteræ Ecclesiæ designantur, omitto, quia non videtur magni momenti.

12 *Et conversus sum* spirituali conversione, adspiciendo ad eum quem post me audivi; vel, *Conversus sum*, aciem mentis a contemplatione supernorum ad horum advertentiam dirigendo. Præterea, quia in visione imaginaria videbatur Joanni quod post tergum suum vox loqueretur ad eum, etiam in eadem imaginatione sibi apparuit quod retrospecticeret ad loquentem. *Ut viderem* visione mentali, et diligenter adverterem, *vocem quæ loquebatur mecum* allocutione interna, quæ exteriori non percipiebatur auditu. Solet tamen visus pro omni sensu accipi. Unde in Exodo habetur: *Populus videbat voces*, id est tonitrua. Vel, *Viderem vocem*, id est vociferantem tubaliter, scilicet angelum.

Exod. xx,
18.

vers. 20.

Et conversus ad alloquentem me, *vidi septem candelabra aurea.* Quid autem per ea significetur, in fine hujus capituli dicitur. Significant enim septem Ecclesias Asiæ, imo per eas totius Christianitatis Ecclesias, septemplici dono Spiritus Sancti splendentes. Dicitur autem Ecclesia per assimilationem quamdam candelabrum, quoniam super se portat lumen clarissimum, scilicet Christum, et munera ejus, quæ sunt splendiflua lumina mentis, puta gratiam gratificantem, virtutes ac dona, eorumque actus, qui beatitudines appellantur et fructus. Istud quoque candelabrum dicitur aureum, vel propter caritatis ardorem et sapientiæ salutaris fulgorem, vel propter martyrum sanguinem, et fidelium quotidianam persecutionem, tribulationem ac mortificationem. Iterum, Ecclesia aureum candelabrum nuncupatur, quia per Scripturarum notitiam lucida, per caritatem et gratiam pretiosa, per patientiam solida, per obedientiam ductilis, per prædicationem sonora, per perseveranti-

A am longa, per spem erecta, per fidem in Deo fundata. Huic autem visioni Joannis simile est quod Zacharias ait: *Vidi candelabrum aureum totum, et lampas super illud.* Ubi per candelabrum aureum allegorice, hic autem litteraliter, designatur Ecclesia, sicut ibidem exposui.

Zach. iv, 2.

Et in medio septem candelabrorum aureorum, id est Ecclesiarum, *vidi similem filio hominis*, id est angelum in specie humana, vel potius in persona Christi, quem repræsentavit. Quod autem angelus Christi personam gerens, visus est in medio candelabrorum istorum, id figuravit quod Christus est in medio electorum fidelium, secundum quod ait: *Ubi fuerint duo vel tres congregati in nomine meo*, ibi in medio eorum sum; et denuo, *Ego vobiscum sum omnibus diebus usque ad consummationem sæculi.* Propter quod in Isaia scriptum est: *Exsulta et lauda, habitatio Sion*, quia magnus in medio tui Sanctus Israel.

13

Vestitum podere, id est veste sacerdotali usque ad talos dependente. Unde Sapiens asserit: *In veste poderis quam habebat Aaron*, totus erat orbis terrarum; et magnificentia tua, Domine, in diademate capitis illius erat scripta. Per vestem hanc Beda intelligit sacerdotium Christi, summi sacerdotis Ecclesiæ, qui Apostolos fecit sacerdotes, et in ara crucis semetipsum immolavit pro nobis. Alii per poderem intelligunt Christi humanitatem, vel carnem in qua humiliavit se usque ad mortem, deditque se pro nobis oblationem et hostiam Deo in odorem suavitatis, secundum Apostolum ad Ephesios. Unde de vestimento hoc angeli Christum seiscitati sunt ascendentem: *Quare rubrum est indumentum tuum?* Alii per poderem intelligunt totam Ecclesiam, usque ad finem sæculi permanentem, qua Christus quasi vestimento cingitur ac ornatur, quum sit mysticum corpus ipsius. De qua vestitione in Isaia recolitur: *His omnibus quasi ornamento vestieris.* Postremo, quum poderis sit vestis linea, quæ communiter dici-

Matth.
xviii, 20.

Ibid. xxviii,
20.

Sap. xviii,
24.

Philipp. ii,
8.
Ephes. v. 2.

Is. lxiii, 2.

Ibid. xlix,
18.

tur alba, potest per eam Christi innocentia A puritasque illibata intelligi.

Et præcinctum ad mamillas zona aurea. Per hanc præcinctionem suam Christus docet atque insinuat, cor esse restringendum ab indiscreto scrutinio divinum. Juxta quod Salomon ait : Sicut qui mel comedit multum, non est ei bonum ; sic qui perscrutator est majestatis, opprimetur a gloria. In Ecclesiastico quoque legitur : Altiora te ne quæsieris, et fortiora te ne scrutatus fueris. Præterea contemplandum, quod in veteri Testamento prohibetur ipsa luxuria, in novo autem concupiscentia inordinata. Idcirco in Daniele legitur Dominus apparuisse præcinctus ad renes, per quod restrictio carnis innuitur ; in novo autem Testamento, scilicet loco præsentis, apparuit Dominus ad mamillas præcinctus, per quod restrictio cordis insinuatur. Aurea autem zona caritatem designat, per quam mentem in Deo ligatam tenemus, et ab illicitis refrenamus. Porro, secundum Bedam, mamillæ sunt duo Testamenta ; zona aurea, chorus Sanctorum, seu multitudo fidelium unanimi caritate Deo adhærens, et Testamenta quibus spiritualiter nutritur, complectens, et servans (ut docet Apostolus) unitatem spiritus in vinculo pacis. Apparuit ergo angelus ad mamillas præcinctus, ad innuendum quod Christus Ecclesiam sibi connexam, per utriusque Testamenti fovet Scripturas. Possumus etiam convenienter asserere, ideo ad mamillas zona aurea præcinctus, quoniam pectus Christi caritate plenissimum est atque ornatum, et suis fidelibus intime copulatum.

14 *Caput autem et capilli ejus erant candidi tanquam lana alba, et tanquam nix.* Caput Christi, est ejus divinitas, vel superior animæ portio, ab omni labe peccati, instar lanæ albæ ac nivis, immunis. Per capitis quoque albiformem candorem, antiquitas seu æternitas, ac immortalitas majestatis Christi ostenditur. Unde in Daniele scribitur : Antiquus dierum sedit ; capilli capitis ejus quasi lana munda. Per ca-

pillos autem designantur fideles ex Christo spiritualiter geniti in esse gratiæ ac virtutum : qui sunt oves ad dexteram collocandæ, et Christo capiti proxime inhærentes ; qui Christi munditiam ac sanctimoniam imitantur, et loti ab eo, super nivem dealbantur. Quibus Petrus in prima sua scribit Canonica : Secundum eum qui vocavit vos Sanctum, et vos sancti in omni conversatione sitis. At vero, sicut lana est alba, mollis et calefactiva, sic isti sunt albi per cordis munditiam, molles B per docilitatem ac mititatem, habentes cor carneum, ad susceptionem devotionis aptissimum, calefactivum propriæ mentis ac proximorum per infusum sibi divinum amorem. Nix vero est frigida : ita et ipsi concupiscentiæ carent fervore, et frigidi sunt a mundi hujus amore.

Et oculi ejus tanquam flamma ignis. Nam visus Christi clarissimus, acutissimus calidissimusque consistit, dicente Apostolo : Omnia nuda et aperta sunt oculis ejus. Mens etenim Christi plena est zelo æquitatis ac sapientia. Per hoc quoque ostenditur, quod Christi adspectus valde terribilis erit injustis. Unde custodes sepulcri, viso angelo, cujus adspectus erat ut fulgur, facti sunt velut amentes et mortui. Oculi insuper Christi vocantur septem dona Spiritus Sancti, quæ fuerunt et sunt in anima Christi. De quibus scriptum est : Super lapidem unum septem oculi sunt. Lapis enim angularis est Christus. Oculi isti, in anima Christi lucent et ardent ut flamma. Quidam per oculos Christi, intelligunt D Apostolos, prædicatores, doctores, quorum est aliorum corda illuminare ac inflammare.

Et pedes ejus similes aurichalco, sicut in camino ardenti. Per quod datur intelligi, quod finis Christi in sæculo isto, per amarissimam passionem fuit, ejus et pedes clavis transfixi, conformati sunt aurichalco. Haymo autem et Beda per pedes intelligunt Christianos in fine sæculi tempore Antichristi : qui erunt extremi et ultimi, sicut pedes sunt extremum et ul-

Prov. xxx, 27.

Eccle. iii, 22.

Matth. x, 27, 28.

Dan. x, 5.

Ephes. iv, 3.

Matth. xxi, 33.

Ps. i, 9.

1 Petr. i, 15.

Ezech. xi, 19.

Hebr. iv, 13.

Matth. xxviii, 3, 4.

Zach. iii, 9.

Act. iv, 11; Ephes. ii, 20.

15

Dan. vii, 9.

timum corporis. Isti similes erunt aurichalco, quod est æs per ignem et plura medicamina perductum ad auri colorem. Sic illi per acerbissimas persecutiones exercebuntur, ac perducentur ad plenum caritatis fulgorem. Ideo subditur, Sicut in camino ardenti, id est tribulatione ingenti. Qui etiam aurichalco potius quam auro assimilantur, quia etsi primis Ecclesiæ Sanctis similes sint futuri in perfectione virtutum, non tamen ita splendet aut innotescet eorum perfectio per miracula, sicut priorum Sanctorum.

Et vox illius tanquam vox aquarum multarum, id est, eloquentia ejus sonora atque magnifica fuit. Per quod loquentis auctoritas designatur, sicut et supra per tubam. Sed quia per aquas populi exprimuntur, ideo vox ejus quasi vox aquarum multarum auditur, quoniam gentes quam plurimæ fidem Christi amplexæ sunt. Unde Berengandus: Per vocem aquarum multarum, multitudo gentium quæ ad fidem Christi cucurrit, signatur. Et Beda: Vox, inquit, confessionis, prædicationis et laudis, non in Judæa tantum, sed in diversis populis resonat, juxta illud in Isaia: A finibus terræ laudes audivimus, gloriam Justi. Quod autem hujusmodi vox deceat Christum, patet per illud Ezechielis: Audiebam sonum alarum, quasi sonum aquarum multarum, quasi sonum sublimis Dei. Rursus, vox Christi tanquam vox aquarum multarum asseritur, quoniam ipse est fons opulentissimus, ex quo flumina gratiarum procedunt, fluentia sapientiæ derivantur, rivi virtutum nascuntur.

Et habebat in dextera sua stellas septem. Stellæ hæ, sunt episcopi seu pastores præfatarum Asiæ Ecclesiarum: qui stellæ dicuntur, quia illuminant subditos, et in Christo (tanquam in firmamento fixæ et altæ) sunt collocati, magna etiam potestate ac influentia præditi. Unde in Daniele legitur: Qui ad justitiam erudiunt plurimos, quasi stellæ in perpetuas æternitates fulgebunt. Denique, sicut candela ponitur super candelabrum, ita episcopus

A super Ecclesiam; et ut stella orbem cœlestem, sic prælatus dignus ornat Ecclesiam. Stellæ istæ ad dexteram sunt Christi: quia ejus gratioso auxilio jugiter inniuntur, sine quo nil meritorie operantur (secundum quod ait: Sine me nihil potestis facere); et quia in spiritualibus Christi bonis atque internis consolationibus, quæ nomine dexteræ designantur, quiescunt; item quia in die judicii stabunt ad dexteram. Nunc quoque in cœlis sunt per amorem et vitæ imitationem. Denique de ipsa Ecclesia dicitur Christo: Adstitit regina a dextris tuis in vestitu deaurato. Episcopi autem tanquam successores Apostolorum, sunt principalis pars hujus Ecclesiæ.

Et de ore ejus gladius ex utraque parte acutus exibat, id est sententia justi judicii nimis durissima reprobis, et verbum asperrimum, scilicet: Ite, maledicti, in ignem æternum. Vel gladius iste est evangelica doctrina Christi, vitia resecans, partem carnalem occidens, homines mutuo carissimos ab invicem propter Deum corporaliter dividens. Unde ait: Non veni pacem mittere, sed gladium; et Psalmista, Accingere gladio tuo super femur tuum, potentissime. In Isaia quoque loquitur Christus ut homo: Posuit Dominus os meum quasi gladium acutum.

Præterea advertendum, quod angelus Joanni apparens in specie Christi, repræsentavit Christum ut sacerdotem ac judicem. Idcirco enim podere videbatur vestitus et canos habens, quia ad sacerdotem ac judicem canities atque ætatis maturitas pertinent condecenter. Nempe, væ terræ cujus princeps puer. Ad judicem vero gladium certum est pertinere. Verum in Canticis, ubi Christus describitur ut sponsus, ad quem spectat juvenus, capilli ejus nigri dicuntur. Berengandus per gladium istum intelligit Christianos qui in fine contra Antichristi errores prædicando pugnabunt.

Et facies ejus sicut sol lucet in virtute sua. Christus enim est lux mundi, et clarior omni creato: qui et ante passionem

Apoc. xvii,
15.

Is. xxiv, 16.

Ezech. i,
24.

Joann. vii,
37, 38.

16

Dan. xii, 3.

Joann. xv,
5.

Matth. xxv,
33.

Ps. xlii, 10.

Matth. xxv,
41.

Ibid. x, 35.

Ibid. 34.

Ps. xlii, 4.

Is. xlix, 2.

Eccle. x,
16.

Cant. v, 11.

Joann. viii,
12.

Matth. xxi. in transfiguratione visus est vultu radiare
 2 ut sol, et cum admirabili fulgore apparuit
 Joanni. Quidam autem per solem intelli-
 gunt Ecclesiam, quantum ad statum suæ
 glorificationis post generalem resurrectio-
Ibid. xiii. nem, quando, Christo testante, justī ful-
 43. gebunt ut sol in regno Patris eorum. Por-
 ro, quod ait, In virtute sua, potest referri
 ad Christum, qui sua virtute ita splende-
 bat; vel ad solem, cujus virtus illumina-
 tiva, hora meridiana maxime demonstra-
 tur. Quemadmodum autem a sole cuncta
Sap. vi. b. sic a Christo, æterno sole justitiæ ac sa-
Ps. iv. 7. pientiæ, omnes electi irradiantur, et si-
 gnatum est super nos lumen vultus ejus.

17 *Et quum vidissem eum, cecidi ad pedes
 ejus tanquam mortuus.* Totum istud in
 imaginaria visione fiebat. Est autem ho-
 mini naturale, ut in talium insolitorum
 adspectu ex sua fragilitate debilitetur, re-
 solvatur, et obstupescat, quemadmodum
Dan. x. 16, Daniel ait ad angelum : Domine, in visio-
 17. ne tua dissolutæ sunt compages meæ, et
 nihil in me remansit virium; sed et hali-
 tus meus intercluditur. Unde Prophetæ, vi-
Is. xxi. 3; sis mirabilibus Dei, communiter se corru-
Ezech. ii. 1; isse fatentur. Tres quoque Apostoli quum
Dan. xiii. 17; Christum transfiguratum adspicerent, cor-
 etc. ruerunt in terram. Cecidit quoque Joan-
Matth. xvii, nes per humilitatem, et Christi majesta-
 6. te inspecta, propriam parvitatem magis
 perpendit. Ex quo etiam casu innuitur,
 quod quanto quis Divinitatis sublimitatem
 clarius cernit in via, tanto plus videt se
 ab ejus comprehensione deficere, nec pos-
 se se aciem mentis in ejus claritatem, se-
 cundum quod in se ipsa est, figere : sic-
 que profundius se ipsum humiliat, et Deo
 altissimo reverentialius se prosternit.

*Et posuit dexteram suam super me, di-
 cens.* Sic enim in imaginaria visione Jo-
 anni apparuit. Per quod datur intelligi,
 quod spiritualiter eum consolabatur, con-
 fortavit, erexit. *Noli timere* immoderanter
 ex majestatis meæ metuendo et inconsue-
 to adspectu. Juxta hunc modum dictum
Ezech. ii, est Ezechieli : Fili hominis, sta supra pe-

A des tuos. Et ingressus est in me spiritus,
 et dixit : Ne timeas. Et Jeremias ait : Misit *Jer. i. 9.*
 Dominus manum suam, et tetigit os me-
 um, etc. Daniel quoque similitudinem ma- *Dan. x. 10.*
 nus ad se perhibet missam, quæ se confor-
 tavit. *Ego sum primus et novissimus* : eo
 sensu quo jam dixit, Ego sum Alpha et *vers. 8.*
 Omega, principium et finis. Quælibet au-
 tem divina Persona, dici potest prima at-
 que novissima; et omnes simul, sunt unus
 primus et unus novissimus : quia in hac
 superbeatissima Trinitate nihil est prius
 B aut posterius, et ipsæ tres Personæ, sunt
 omnium rerum unum primum principi-
 um, et unus ultimus finis, sicut sunt unus
 Deus, unus creator, una natura. *Et sum* 18
vivus vita divina et increata, vita quoque *Joann. xiv,*
 creata humana, *et fui mortuus* secundum *6.*
 naturam assumptam, *et ecce sum vivens*
in sæcula sæculorum. Christus enim re- *Rom. vi. 9.*
 surgens ex mortuis, jam ultra non mori-
 tur. Quasi dicat : Quum talis ac tantus
 sim, debes mihi congratulari tanquam ca-
 rissimo Domino cui in passione condolui-
 C sti, non formidare. Ex his confunduntur
 omnes qui Christum puram creaturam es-
 se mentiti sunt. Tunc enim primus non
 esset.

Et habeo claves mortis et inferni. Qui
 clavem domus habet, quem vult intromit-
 tit, quem vult ab ingressu repellit. Chri-
 stus itaque claves mortis et inferni habe-
 re se asserit, quia quem vult a morte
 peccati ac pœnis inferni misericorditer
 eripit vel præservat, et quem vult juste
 relinquit atque condemnat. Unde claves
 D istæ, sunt judiciaria Christi potestas, vir-
 tus et sapientia. Si autem infernus pro
 loco quo patres sancti detinebantur acci-
 piatur, sic Christus de inferno quosdam
 in resurrectione eduxit. Propter quod in
 Osee loquitur : Ero mors tua, o mors ; *Osee xiii,*
 morsus tuus ero, inferne. Et in Sapientia *14.*
 : Tu, Domine, vitæ et mortis habes *Sap. xvi. 13.*
 imperium. Itemque alio loco : Dominus *I Reg. ii. 6.*
 mortificat et vivificat, deducit ad infe-
 ros et reducit. Præfatam autem potestatem
 etiam Ecclesiæ suæ Christus proportiona-

liter communicavit, quum Spiritum Sanctum insufflando in Apostolos, locutus est : Quorum remiseritis peccata, remittentur eis ; et quorum retinueritis, retenta erunt.

19 *Scribe ergo quæ vidisti, et quæ nunc tibi ostendi, et opera mea quæ te cernente egi, cum hominibus conversando in terra, et quæ sunt, id est, quæ nunc in Ecclesia peraguntur, et quæ fideles quotidie patiuntur, et quæ oportet fieri cito post hæc præsentia, quæ per decursum temporum fient in populo christiano, potissime tempore Antichristi, videlicet tribulationes justorum ex hoc usque in finem sæculi eventuras. Itaque, Scribe et expone sacramentum septem stellarum, id est sacramentum secretum, sive mysterium quod designant (ubi aliud videtur, aliudque intelligitur), quas vidisti in dextera mea, et septem candelabra aurea.*

Porro, quid stellæ istæ significant, angelus pandit : *Septem stellæ, angeli sunt, id est, septem episcopos seu prælatos repræsentant, septem Ecclesiarum Asiæ : juxta modum præhabitum. Et quomodo illæ septem Ecclesiæ universas designant Ecclesias, ita hi septem angeli seu prælati cunctos Ecclesiarum prælatos sive pontifices. Quum enim angelus nuntius interpretetur, episcopi, qui a Deo sunt destinati ac ordinati ut voluntatem præceptaque Dei nuntient, recte angeli sunt vocati. Imo*

A quum in Malachia, non tantum episcopus, sed et sacerdos angelus nuncupetur : constat episcopos, qui sacerdotum sunt principes, congruentius angelos dici. Sic enim scriptum est illic : Labia sacerdotis custodiunt scientiam, et legem requirent de ore ejus, quia angelus Domini exercituum est. Denique, juxta divinum Dionysium, supremum ordinis inferioris, cum infimo ordinis superioris præcipuam habet convenientiam, et interdum nomen unius transit ad alium. Quum ergo angelus proprie sit nomen cœlestium spirituum infimi chori seu ordinis, episcopus vero supremum quid sit in ecclesiastica hierarchia, convenientiam magnam sortiti sunt, et unum nomine alterius designatur. — *Et septem candelabra, scilicet aurea, septem Ecclesiæ sunt : secundum sensum et rationes præhabitas. Nam et prælati subditorum facultatibus sustentantur, sicut candelæ a candelabro.*

Totus vero hic liber obscuritatibus et metaphoricis locutionibus plenus est ; sed quædam ab angelo exponuntur, ut per ea detur nobis introitus ad intelligentiam aliorum : quæ idcirco ab ipso non exponuntur, ut studiosis detur occasio bonæ exercitationis, et Spiritus Sancti illuminationem indesinenter efflagitent, et ne sanctum canibus detur, ne scilicet mysteria Ecclesiæ propalentur indignis. Etenim sacramentum regis abscondere bonum est.

ARTICULUS III

ELUCIDATIO CAPITULI SECUNDI : ET ANGELO EPHESI ECCLESIAE SCRIBE.

PRÆCEDENTI capitulo dixit angelus Joanni, ut sibi ostensa Ecclesiis Asiæ scriberet ; nunc ei insinuat quid unicuique Ecclesiarum illarum scribere debeat.

1 *Et angelo, id est præsuli et pastori, Ephesi Ecclesiæ, qui Ephesiis præfuit,*

D *scribe. Cui idcirco primo scribitur, quia in Asia minori Ephesus fuit metropolis. Sicque episcopus ejus, tanquam metropolitanus, auctoritate et dignitate exstitit major. Unde, sicut ejus defectus aliis nocuit, sic emendatio ejus aliis ædificatoria*

fuit. Sacerdos autem et pontifex, præter rationes præcedenti articulo introductas, angelus nominatur, quia in terris angelicam vitam imitari tenetur : per mentis et corporis castitatem (in carne siquidem sine carne vivere, angelicum perhibetur) ; secundo, per contemplationis sinceritatem ; tertio, per gregis sui vigilantem custodiam ; quarto, per eam qua inter Deum et hominem sequester est, mediationem.

Fol. xii. 12: Nam sicut angeli nostra obsequia offerunt
Dan. x. 12: Deo, orantque pro nobis, et Dei munera
Act. x. 3. 4. gratiosa nobis referunt et procurant ; ita sacerdos et pontifex gregis sui preces, vota, hostias immolat Deo, cujus gratiam impetrat populo. Quinto : nam sicut angelus superior inferiorem purgat, illuminat, perficit ; sic prælatus sibi subjectos purgare, illuminare, perficere debet.

Hæc dicit qui tenet septem stellas in dextera sua, id est, episcopos septem Ecclesiarum Asiæ gratiose conservat ac dirigit : sicut præcedenti articulo plenius fuit expositum. *Qui ambulat in medio septem candelabrorum aureorum,* id est Ecclesiarum. Dicitur autem Christus ambulare in medio fidelium, non hinc inde localiter progrediendo, sed corda credentium visitando, variosque in eis affectus agendo, et nunc prosperis, nunc adversis exercendo. Unde Moyses ait : Dominus Deus tuus ambulat in medio castrorum. Et Apostolus : Vos estis templum Dei vivi, sicut dicit Dominus : Quoniam inhabitabo in illis et inambulabo, et ero illorum Deus. Hoc modo Deus vadit cum suis, secundum quod Moyses orat : Si non tu ipse ambuleris nobiscum, ne educas nos de loco isto. Jacob quoque in Genesi protestatur quemadmodum Deus fuerit socius sui itineris. Justum namque deduxit Dominus per vias rectas. Imo, in tantum ducit Deus elementissimus suos electos, corda eorum in omnibus dirigendo, clarificando, tuendo, fovendo, ut dicat vir sanctus : Tenuisti manum dexteram meam, et in voluntate tua deduxisti me. Denique electos tenet Christus in dextera sua per præde-

stinationem, ambulatque in eis per donorum infusionem.

Scio per approbationem opera tua quæ ante fecisti, quia ex caritate fluxerunt, vel etiam quæ nunc agis. Si enim in bono non perseverasset, bona præterita fuissent mortificata, et omnium justitiarum ejus Deus non fuisset memoratus, sicut per Ezechielem fatetur : Si justus fecerit iniquitatem, omnes justitias ejus non recordabor. De hac approbationis scientia loquitur Paulus : Si quis diligit Deum, hic cognitus est ab eo. Et Moysi Dominus loquens : Te, inquit, cognovi ex nomine. *Et laborem tuum* in ministerio Dei, et cura atque regimine subditorum (de quo hortatur Apostolus : Labora sicut bonus miles Christi), laborem quoque quem habuisti resistendo hæreticis ac perversis, corporis etiam afflictionem, omnemque conatum pro vitiis extirpandis atque virtutibus inserendis. *Et patientiam tuam* actualem et habitualem, qua adversa æquanimiter sustines, non admittendo inordinatam tristitiam contra aliquem, nec ad te ipsum. Patientia nempe est virtus moralis passionem tristitiæ moderans ac refrenans : quæ virtus omni Christiano potissimum necessaria est, quum per multas tribulationes oporteat nos salvari.

Et quia non potes sustinere malos, id est, vitia eorum dissimulare et palpare non vales, quamvis naturam personamque diligas. Nam et inimicos jubemur diligere, cibare, potare, imo bonum pro malo reddere. Et Psalmista testatur : Cum his qui oderunt pacem, eram pacificus. Itaque huic verbo, quo laudatur iste episcopus quia malos sustinere non potuit, non repugnat illud Gregorii, Qui malorum pravitatem æquanimiter sustinere non potest, ipse sibi per impatientiam suam testis est quia bonus non est ; illudque Augustini, Bonus non fuit, qui malos sustinere non potuit. Non enim ex aliorum malitia sive molestia frangi vel concuti debet patientia nostra. Nihilominus illorum impietas per caritatem et zelum

2

*Ezech. iii, 20; xxiii, 24.**1 Cor. xiii, 3.**1 Cor. xiii, 12.**1 Tim. ii, 3.**Act. xiv, 21.**Matth. v, 44; Rom. xii, 20, 21. Ps. cxix, 7.**Deut. xxxiii, 14.**11 Cor. vi, 16.**11 Cor. xiii, 14.**Gen. xxxv, 3. Sap. x, 10.**Ps. lxxii, 24.*

justitiæ est increpanda ac punienda, potissimum a prælato, et quando est spes de correctione eorum. Rursus, quidam sunt mali qui commune bonum Ecclesiæ conantur corrumpere : et isti non sunt sustinendi, sicut hæretici, dicente Apostolo, Hæreticum hominem post unam et secundam correptionem devita. Alii sunt peccatores qui bonum commune corrumpere non intendunt : et isti sunt sustinendi, dum speratur eorum correctio.

Unde circa hunc locum loquitur Berengandus : De hæreticis mihi dictum videtur. Nam proximorum mala aliquando reprehendendo corrigere debemus, tempore scilicet opportuno ; aliquando tolerare, ut quos correctio non emendat, patientia ad emendationem provocet. Sunt namque nonnulli qui reprehendere proximos nesciunt nisi ira accensi. Horum aliquis si non solum pro magna, verum etiam pro parva aliqua re, contra proximum commotus fuerit, tamdiu iram in corde gestat, usque dum in actibus proximi aliquid videat quod reprehendere possit. Et tunc lætus efficitur, quum reprehensionis vindictam intulerit proximo. Quod si alicui viderit displicuisse, dicit se zelo Dei id fecisse. Ad te ergo loquor, qui talis es. Cur quæris fallere Deum, qui cordium occulta considerat ? Si zelus Dei in te est, cur oculi tui per diversa vagantur, more diabolico, desiderans potius malum videre quam bonum, desiderans in proximo videre malum quod reprehendas, non bonum unde ædificeris ? Sunt etiam multi qui eos a quibus aliquam injuriam pertulerunt, etiam pro minimis culpis impatenter insectantur ; eos vero quos diligunt, non solum non reprehendunt, imo tota virtute defendunt. O infelix amicitia, quæ illum quem diligit tacendo et defendendo diabolo tradit ! Illum vero cui iratus est, reprehendendo a diabolo abstrahit. Hæc ille.

Et tentasti eos qui se dicunt apostolos esse, et non sunt : hos tentasti, doctrinam eorum sapienter pensando, cum eis sol-

Alite conferendo, opera eorum considerando. Sic enim ait Salvator : A fructibus eorum cognoscetis eos. De quibus Romanis scribit Apostolus : Hujusmodi pseudoapostoli, non Christo, sed suo ventri deserviunt. Isti fuerunt hæretici qui se a Christo missos dicebant, ut Ebion, Marcion, et Cerinthus, qui tunc in Asia consurrexerunt. Et invenisti eos mendaces verbis et actibus. Et patientiam habes, vitiosam tristitiam seu turbulentiam non admittendo. Sicque non obviat huic verbo quod dictum est, Non potes sustinere malos. Et sustinuisti infestationes illorum ac persecutiones atque laborem in gregis tui defensione ab illorum infestatione, propter nomen meum, id est amore mei et propter majestatis meæ honorem, et non propter proprium emolumentum, seu bonum privatum ; et non defecisti, difficultate quæ est in adversitatum perpessione succumbendo. Hinc in Ecclesiastico scriptum est : In humilitate tua patientiam habe. Et Apostolus : Benefacientes, inquit, nolite deficere.

Sed habeo adversum te pauca. Commendatione præmissa, increpationem subjungit : quam tamen sobrie promit, dicendo, Pauca. Nam in multis offendimus omnes. Per quod informamur, ut si quem reprehendere volumus, primo bona ejus commemorando, benevolentiam ejus captemus, et ne nimis aspere increpatio proponatur, sed magis in spiritu bonitatis, nisi forte ratio aliud postulet propter causas. Quod caritatem tuam primam reliquisti. Secundum Haymonem, non reprehenditur præsul iste ratione sui, sed quorundam subditorum ipsius malorum. Idem videtur Beda sentire. Porro Berengandus hic ait : Multi sunt qui initio conversionis suæ in servitio Dei ferventes existunt, sed processu temporis tepescunt : quod præsuli Ecclesiæ Ephesi manifestum est contigisse. Alii asserunt increpationem istam dirigi ad episcopum hunc, non solum pro se, sed et pro subditis suis. Sed litteræ magis consonare

Matth. vii, 16.

Rom. xvi, 18.

3

Eccli. ii, 4.

II Thess. iii, 13.

4

Jacob. iii, 2.

Tit. iii, 10.

Ps. vii, 10.

videtur, quod episcopus principaliter increpatur : non quod caritatem absolute amiserit, in mortale ruendo, sed quod pristinum caritatis ardorem, et quædam opera caritatis omiserit. Jam enim dixit Dominus approbare se opera ejus, et quod non defecerit. Ideirco, dicendum quod defecit, et non defecit : defecit quidem a præfato fervore, non penitus ab amore et actibus caritatis.

Refert Lyra, quod expositores communiter dicunt episcopum istum fuisse Timotheum, quem Paulus Ephesiis præfecerat. Ego tamen in nullo expositore id legi. Reprobat etiam Lyra dictum illorum expositorum : quia ut ipse affirmat, illi ex hoc moventur quod circa tempora illa nullus excellentior Timotheo legitur Ephesiorum rexisse Ecclesiam. Fateor quod istud motivum invalidum esset. Verumtamen dicto istorum aliquid certius posset apparentiam facere. Siquidem in exordio secundæ epistolæ ad Timotheum scribit

11 Tim. I, 6.
8.

idem Apostolus : Admoneo te ut resuscites gratiam Dei quæ est in te ; noli erubescere testimonium Domini nostri Jesu Christi. Ubi expositores concorditer adstruunt, quod Timotheus abundantia tribulationum aliquantulum fractus fuit, ac remissius egit. Propter quod in epistola illa ad martyrium hortatur eum Apostolus. Sed quidquid de isto dicatur, incertum puto an episcopus hic increpatus fuerit Timotheus.

5 Memor esto itaque unde excideris, id est de quali caritatis fervore, operumque instantia, tepescendo paulatim, et tuum circa subditos officium remissius adimplendo, et age pœnitentiam quod in via Dei non continue profecisti, et prima opera fac, id est, tam ferventer ac abundanter operare quæ bona sunt, sicut tempore primi tui fervoris. Sed quia remissi vicissim comminatione magis quam blanda admonitione corriguntur, subjungitur : Sin autem, id est, si ita non feceris, venio tibi cito, inferendo vindictam celeriter, et movebo candelabrum tuum de loco suo,

A nisi pœnitentiam egeris, id est, Ecclesiam tuam tollam a te, ita quod non præeris ei, nec quiescet in te, sicut in patre et capite : secundum quod per Isaiam Dominus indigno ait prælato, Expellam te de statione tua, et de ministerio tuo deponam te. Is. xxii, 19.

Rursus, ne episcopus iste ex increpatione hac exasperetur vel ab aliis contemnatur, a Domino commendatur. Sed hoc habes bonum, quia odisti facta Nicolaitarum, quæ et ego odi. 6

B Augustinum, libro de Hæresibus, Nicolaus iste fuit unus de septem diaconis primis. Qui quum culparetur quod uxorem suam, quæ pulcherrima erat, nimis zelaret, volens se de hoc excusare, dixit : Non curo quid faciat ; qui vult, utatur ea. Unde ut dicitur, transiit in usum communem. Quod factum imitati sunt aliqui. Thomas in Summa contra gentiles affirmat, quod Nicolaus prædicavit mulieres debere esse communes, sicut et cetera bona exteriora, quæ in primitiva Ecclesia erant communia. Porro in Scholastica historia dicitur, quod Nicolaus iste vixit sancte et caste ; sed volens se excusare de vitio zelotypiæ, dixit coram Apostolis : Ecce uxor mea ; qui vult, eam accipiat : non intendens per hoc eam communicare, sed se excusare. Verum incontinentes, verbum ejus in pejus interpretantes, dixerunt uxores debere esse communes, et id Nicolaum dixisse. Et isti vocati sunt Nicolaitæ, contra quorum errorem et opera vitiosa prædicavit hic Ephesiorum antistes. Act. vi, 5. Ibid. iv, 32.

D Qui habet aurem, scilicet interiorem, puta mentem capacem, audiat auditu corporali, si eum habuerit, atque mentali, id est, diligenter advertat, quid Spiritus dicat Ecclesiis, id est, Spiritus Sanctus, de quo ait Salvator : Spiritus blasphemia non remittitur hominibus. Vel, Spiritus, id est Deus trinus et unus. Spiritus enim est Deus. Et Apostolus ait : Dominus spiritus est. Hunc modum loquendi Christus in Evangelio habet, dicendo : Qui habet aures audiendi, audiat. Et ad Ezechielem 7 Matth. xii, 31. Joann. iv, 24. II Cor. iii, 17. Matth. xiii, 9.

Ezech. xii, 2. Dominus ait : Domus Israel aures habent A ad audiendum, et non audiunt.

Vincenti cuncta adversa per patientiam, et perseveranti usque in finem, dominanti animo suo, superanti mundi vanitates, carnales affectus, diabolica tentamenta, *dabo edere de ligno vitæ*, id est, mei ipsius beatifica fruitione reficiam eum, *quod est in paradiso Dei mei*, id est in patria Beatorum, in loco voluptatis deificæ, in Ecclesia triumphanti. Christus autem secundum quod homo, Deum suum nominat cœlestis paradisi dominatorem. Christus B de sapientia Salomon loquitur : Lignum vitæ est omnibus apprehendentibus eam. Ipse siquidem est viride lignum, et fructuosissima arbor, a qua vita gratiæ, vitæque gloriæ emanavit, qui suis electis immortalitatem concedit. Qui licet ubique sit per divinitatis naturam, et in Ecclesia militanti per sacramentalem præsentiam, in regno tamen cœlesti proprie et aperte consistere dicitur, ubi facie ad faciem cer-

Ps. xv, 41. nitur. Cui ait Psalmista : Adimplebis me C lætitia cum vultu tuo ; et, Satiabor quum apparuerit gloria tua. Hoc præmium etiam

Ps. xvi, 15. Christus spondet, dicendo : Qui diligit me, diligetur a Patre meo, et ego diligam eum, et manifestabo ei me ipsum.

Joann. xiv, 21.

His verbis universi fideles ad patientiam atque constantiam animantur. Patet quoque ex his, quod ea quæ uni episcopo vel uni Ecclesiæ, cunctis episcopis Ecclesiisque scribuntur, sicut et Christus in Evangelio ait : Quod vobis dico, omnibus dico. Unde et supra jubetur Joanni, ut scribat et mittat Ecclesiis : et tamen hic jubetur angelis Ecclesiarum scribere, quia episcopus est principalis pars suæ Ecclesiæ, et quod ei dicitur, omni Christiano dicitur, qui ejusdem defectibus subditur. Hinc præinductis verbis omnes episcopi, prælati, et subditi, qui a pristino caritatis fervore prolapsi sunt, admonentur pœnitentiam agere, et ad priorem fervorem ac agilitatem in sanctis operibus sine dilatione reverti. Quod ta-

men prælati omnibus summe necessarium exstat.

Consequenter dirigitur sermo ad Smyrnæorum Ecclesiæ præsulem. *Et angelo 8 Smyrnæ Ecclesiæ scribe. Hæc dicit primus et novissimus, qui fuit mortuus, et vivit*, scilicet Jesus Christus : de quo verba ista ante scripta sunt atque exposita. *Scio*, id est, attendo, approbo, remunerare *tribulationem tuam*, id est molestias quas ab hæreticis et tyrannis, a rebellibus et perversis, imo et ab invisibilibus hostibus sustines, non solum in te ipso, sed et in populo tibi commisso, quorum tribulatio tuam auget, quibus in prosperis congratularis, in adversis compateris, *et paupertatem tuam* in temporalibus rebus, quia et tua pauperibus erogasti, et infideles te ac tuos spoliassent creduntur ; *sed dives es*, id est, in spiritualibus opulentus, virtutibus, quæ sunt veræ divitiæ animi, plenus. Divitiæ enim salutis, sapientia et scientia. Et minimum bonum gratiæ ac virtutum, præstantius est cunctis terrenis divitiis. Denique, quanto quis Dei amore perituras divitias amplius spernit, eo in anima exuberantius locupletatur, sicut in B. Francisco ostensum est ; et quanto quis temporales divitias diligentius quærit, eo in anima exstat pauperior.

Et blasphemaris, id est, blasphemus vocaris, vituperaris, contemneris, *ab his qui se dicunt Judæos esse, et non sunt, sed sunt synagoga Satanæ*, id est congregatio ad diabolum pertinens. Isti fuerunt Judæi secundum carnis propagationem, non secundum virtutum imitationem, nec secundum nominis sui interpretationem. Judæi enim confitentes interpretantur ; isti autem Christum negabant. De quibus ait Apostolus : Videte Israel secundum carnem. Hinc non fuerunt digni Judæi vocari ; secundum quod incredulis Judæis ait Salvator : Si filii Abrahæ estis, opera Abrahæ facite. Quasi dicat : Quum ejus virtutes non imitemini, non estis digni ejus filii nuncupari. Ideo subdit : Vos ex patre diabolo estis.

10 *Nihil horum timeas quæ passurus es.* id est corporales afflictiones, et varias impugnationes. Sic enim hortatus est Christus : Nolite timere eos qui occidunt corpus. Et alibi dicitur : Quis tu ut timeas ab homine mortali, et a filio hominis, qui quasi fœnum arescet ? Porro, qui Deum sibi adsistere æternumque præmii dare paratum considerat, potest dicere cum Psalmista : Dominus illuminatio mea et salus mea : quem timebo ? Dominus protector vitæ meæ : a quo trepidabo ? et, Non timebo millia populi circumdantis me.

Ecce missurus est diabolus ex vobis in carcerem, id est, suggerente diabolo, aliqui de grege tuo ab infidelibus incarcerationabuntur. Potestque nomine carceris quælibet tribulatio designari. *Ut tentemini*, id est, patientia vestra per adversa probeatur, et aliis ad ædificationem innotescat : juxta illud, Tanquam aurum in fornace probavit justos Dominus ; et, Vasa figuli probat fornax, homines autem justos tentatio tribulationis. *Et habebitis tribulationem diebus decem.* Per hoc intelligi potest, quod tribulatio hæc diebus decem durius sæviebat. Sic enim Berengandus exponit. Alii per decem dies intelligunt totum tempus vitæ præsentis, in quo in decem præceptis exerceri debeamus ; et quia frequenter per numerum determinatum, indeterminatus exprimitur : sicut in Psalmo, Memor fuit testamenti sui, verbi quod mandavit in mille generationes ; et in Job, En decies confunditis me.

Esto fidelis, id est constans in fide atque justitia, *usque ad mortem inclusive* : sicut sanctus Job ait, Donec deficiam, non recedam ab innocentia mea. Hinc in Ecclesiastico dicitur : Pro justitia agonizare pro anima tua, et usque ad mortem certa pro justitia, et Deus expugnabit pro te ; et rursum, Esto firmus in via Domini, et in veritate sensus tui. Debemus autem Deo fidelitatem immobiliter observare. *Et dabo tibi coronam vitæ*, id est præmiiu essentiale Beatorum in patria : quod aurea

A dicitur, et mentem coronat reginamque efficit, ac omnem mortis occasum excludit. De quo fertur in Psalmo : Posuisti in capite ejus coronam de lapide pretioso ; et alibi : Accipient justi regnum decoris et diadema speciei de manu Domini. Huic verbo consonat illud Jacobi : Beatus vir qui suffert tentationem, quoniam quum probatus fuerit, accipiet coronam vitæ, quam repromisit Deus diligentibus se. Itaque perseveremus usque in finem : qui enim in finem perseveraverit, Christo testante, salvus erit. Qui perfectus est, amore boni perseverat in bono : occidi potest, flecti non potest. Qui imperfectus, saltem amore præmii perseveret. Non enim sunt condignæ passionibus hujus temporis ad futuram gloriam. Hinc Hebræos monet Apostolus, dicens : Deponentes omne pondus et circumstans nos peccatum, per patientiam curramus ad propositum nobis certamen, adspicientes in auctorem fidei Jesum, ut non fatigemur animis nostris.

Qui habet aurem, audiat quid Spiritus dicat Ecclesiis. Hoc nunc expositum. *Qui vicerit* ea quæ adversantur salutem, ac displicent Deo, *non lædetur a morte secunda*, id est a damnatione æterna, seu pœna inferni, quæ infra mors secunda vocatur. Potest quoque per mortem secundam intelligi culpa, quæ animam lædit ac perimit. Porro, secundum Albertum, peccatum recte mors dicitur : quoniam, sicut mors corporalis separat animam a corpore, ab amicis, a divitiis, a visu, imo ab omni corporeo sensu ; sic peccatum separat mentem a Deo, ab angelis cunctisque Sanctis, a spiritualibus divitiis, a visu interno ac ceteris spiritualibus sensibus. Rursus, mors animæ, puta peccatum, morti corporis assimilatur in multis. Nam primo corpus distemperatur, deinde infirmatur, postea moritur, hinc effertur, sepelitur, lapide operitur, novissime a vermibus consumitur. Sic anima primo distemperatur per malam affectionem, infirmatur per noxiam delectationem, moritur per consensum, effertur per opera, sepelitur per con-

suetudinem malam, operitur lapide per obdurationem, ignibus vermibusque gehennæ torquetur in finem.

Præterea advertendum, quod memoratum Smyrnæ pontificem quidam affirmant fuisse B. Polycarpum, et Judæos incredulos in urbe illa morantes, excitasse persecutionem contra Polycarpum et ejus discipulos, inflammando gentiles contra hos Christianos. In qua persecutione multi Christianorum fuerunt occisi, sanctusque Polycarpus in ignem projectus : ubi quum non læderetur, tandem gladio cæsus, migravit ad Christum.

Consequenter ad præsulem Pergamensis Ecclesiæ sermo dirigitur. *Et angelo Ecclesiæ Pergami scribe. Hæc dicit qui habet rhomphæam ex utraque parte acutam, scilicet Christus : de quo supra dicebatur, De ore ejus procedebat gladius ex utraque parte acutus : quod ibidem expositum est. Per quod utique insinuatur rigor divini judicii, quamque horrendum sit incidere in manus Dei viventis. Quidam autem per rhomphæam intelligunt sacram Scripturam, quæ vitia resecando, mentem ad cælestia acuendo, intima cordis penetrando, animam a rebus sæcularibus desideriisque carnalibus occidendo, acuta vocatur ; et, ex utraque parte acuta, propter duo Testamenta, quorum scripturæ hæc agunt. Hinc de Christo dicitur : Ipse quasi ignis conflans, et quasi herba fullonum.*

Malach. iii, 2.

Scio ubi habitas, scilicet in quali oppido atque consortio. Quasi dicat : Hoc te laudabiliorem ampliorique præmio efficit dignum, quod inter tam pravos non relinquis justitiam. Difficilius etenim est inter perversos juste vivere, quam inter devotos. *Ubi sedes est Satanæ, id est infidelium hominum multitudo, in quorum cordibus manet diabolus. Et tenes nomen meum, id est, fortiter prædicas, confiteris, exaltas, et christiano nomine dignum te exhibes, christiformiter conversando ; et non negasti fidem meam, timore persecutorum, vel molestia impugnationum. Et in diebus illis quibus inter illos mo-*

ratus est, *Antipas testis meus fidelis fuit in urbe hac, qui occisus est apud vos ab infidelibus Pergami, ubi Satanæ habitat in vasis suis pravis hominibus. Unde in Evangelio ait Salvator, quod immundi spiritus ingressi hominem, habitant ibi. Constat virum istum, qui ceteris omissis, tam solenniter a Domino commemoratur et commendatur, singularis sanctitatis atque constantiæ exstitisse. Qui dicitur testis Christi, quoniam verbo, facto, et sanguinis sui effusione testimonium perhibuit veritati fidei christianæ. Martyr autem Græcè, Latine dicitur testis.*

Luc. xi, 26.

Sed habeo adversum te pauca emendatione digna : quia habes illic, scilicet inter tuos, tenentes doctrinam Balaam, qui consilio Balaam æquivalenter consentiunt, qui docebat Balac regem Moabitarum, mittere scandalum, id est offendiculum oculorum et occasionem peccandi, coram filiis Israel. Nam suggerente Balaam ariolo, Balac misit feminas speciosas prope filios Israel, ut earum pulchritudine tracti, in luxuriam ruerent, atque de sacrificiis idolorum comederent. Ideo subditur : edere de sacrificiis idolorum, et fornicari. De hoc in Psalmo : Et initiati sunt Beelphegor, et comederunt sacrificia mortuorum. Ita habes et tu tenentes doctrinam Nicolaitarum, id est, hæreticos quosdam inter tuos esse permittis, nec eos expellis, seu idonee reprobas, qui instar Balaam docent cum illegitimis commisceri, asserentes mulieres debere esse communes : sicut dictum est plenius supra de erroribus Nicolaitarum. De talibus quoque in Canonica Judæ habetur : Væ illis qui via Cain abierunt, et errore Balaam mercede effusi sunt ; hi sunt in epulis suis convivantes sine timore, semetipsos pascentes, arbores infructuosæ, bis mortuæ, despumantes suas confusiones : quibus procella tenebrarum conservata est in æternum.

14

Num. xxv, 1, 2; xxxi, 16.

Ps. cv, 28.

15

vers. 6.

Judæ 11-13.

Similiter pœnitentiam age, id est, sicut episcopo Ephesi jussi, sic jubeo tibi pœnitentiam agere ; vel, similiter, id est sic-

16

ut et isti decepti. Nam pari reatu tenetur, qui peccat, et qui peccantem, quum potest et debet, non corripit, vel peccare permittit. *Si quo minus feceris*, id est, nisi pœnitueris, *veniam tibi cito*, id est, per castigationem districtam te visitabo, vel ante mortem, vel in morte seu in iudicio generali, quod comparatione futuræ perpetuitatis mox erit, *et pugnabo cum illis* errantibus, quos reprimere negligis, id est, contra illos disceptabo, *in gladio oris mei*, id est per sententiam damnationis et per judiciariam potestatem, eosque damnabiles esse convincam. Itaque, tu cum illis peribis nisi pœnitentiam egeris. Quo patet quam periculosa sit cura animarum, quum pastor damnetur nisi oves errantes pro posse reduxerit, diligenter instruxerit, seriose arguerit, et quantum valet represserit. Vel : *Pugnabo cum illis in gladio oris mei*, id est, te de statione tua amoto, meliorem in tuo loco substituam, per cuius verba adversarios veritatis dejiciam, ac deceptos reducam.

17 *Qui habet aurem, audiat quid Spiritus*

dicat Ecclesiis. Istud frequenter repetitur. Et quoties clausula hæc in hoc loco, vel alibi in Scripturis inseritur, signum est notabile, magnum, aut mysticum, salubre, omni quoque advertentia dignum esse quod dicitur. *Vincenti* passiones et vitia, tentationes et cuncta adversa, *dabo manna absconditum*, id est refectionem internam, consolationem occultam, panem cœlestem. De quo in Evangelio legitur :

Luc. xiv, 15.

Beatus qui manducabit panem in regno Dei. Vel manna absconditum, est ipsemet dulcissimus Dominus Jesus, ejus figura fuit manna filiis Israel præstitum. Unde ait Judæis : Non Moyses dedit vobis panem de cœlo, sed Pater meus dat vobis panem de cœlo verum. Ego sum panis vitæ. Hunc panem dat nobis Deus, seu ipsemet Christus, in via per quemdam dulcem præ gustum, per contemplationem et spem, per quotidianam appropinquationem; in patria autem per plenariam communicationem ac beatificam refectionem. Denique

Joann. vi, 32, 48.

A Christus suo corpore et sanguine nos in præsentis exilio fovet, consolatur, ac reficit, tanquam per gratiæ instrumentum, gratiæ veraciter contentivum. Per divinitatem vero nos alit, tanquam per principale, objectale, beatificativum edulium.

Manna insuper istud, absconditum fertur : quia secundum divinitatem Christus est incomprehensibilis, juxta illud Isaïæ, Vere tu es Deus absconditus, Deus Israel salvator; et quia nunc per fidem ambulamus, atque per speculum in ænigmate co-

Is. lxi, 10.

II Cor. x, 7.

I Cor. xiii, 12.

B gnoscimus. In Sacramento etiam non parum absconditur, nec a carnalibus ejus sapor percipitur, sed devotis, dicente Propheta : Quam magna multitudo dulcedinis tuæ, Domine, quam abscondisti timentibus te ! Similiter de sapientia scriptum est : Abscondita est ab oculis omnium viventium, nec invenitur in terra suaviter viventium. Trahitur autem sapientia de occultis. Unde, secundum Berengandum : Manna absconditum dicitur, quia sapientia Dei superbis absconditur, humilibus autem revelatur, Christo dicente : Confiteor tibi, Domine Pater, quia abscondisti hæc a sapientibus et prudentibus, et revelasti ea parvulis.

Ps. lxxx, 20.

Job xxxiii, 21.

Matth. xi, 25.

Et dabo ei calculum candidum, id est corpus incorruptionis gloria in futuro refulgens, secundum Bedam. Sicque per manna potest intelligi præmium essentielle, et per calculum præmium accidentale. Sed et ipsemet Christus, qui est pretiosissima margarita pro qua cuncta spernuntur, splendidissimusque carbunculus in tenebris lucens easque fugans, candidus calculus appellatur, qui per humilitatem se parvum exhibuit, electorum vero corda suo splendore perfudit. Rursus, per calculum candidum, intelligi potest aureola martyrum : nam ad martyrium verbis his Christus suos milites animavit. Sicut enim per lapidem pretiosum, præmium essenziale seu aurea; ita per calculum candidum, puta carbunculum, præmium accidentale atque aureola intelligitur.

1 Pet. ii, 16.

Et in calculo nomen novum scriptum,

quo beatus vocabitur, et filius Dei per dona gloriæ censebitur. Recipiendo enim hunc calculum, sortietur et nomen novum, in calculo ipso relucens, ut perfecte glorificatus et duplici stola indutus dicatur. *Quod nemo scit* per notitiam experimentalem, plenariam seu formatam, nisi qui accipit ipsum. Quid enim sit Deo sic frui, ita beatificari, ita per similitudinem donorum gloriæ Dei filius esse et appellari, nunc perfecte cognoscere non valeamus, dicente Apostolo : Oculis non vidit, nec auris audivit, nec in cor hominis ascenderunt, quæ præparavit Deus diligentibus se. Vel per nomen istud, intelligitur ipsemet Christus nomine designatus, ut sit sermo de nomine nominato. De quo legitur : Non est aliud nomen datum hominibus sub cælo, in quo oporteat nos salvos fieri. Christus autem tanquam purissimus amator, ac liberalissimus dator, dando dona gratiæ et gloriæ, simul cum illis præstat se ipsum : quem nemo novit nisi qui per caritatem ipsum suscepit, loquendo de cognitione formata. Siquidem qui dicit se nosse Deum, et mandata ejus non custodit, ab apostolo Joanne, imo a Spiritu Sancto, mendax vocatur.

Berengandus per calculum candidum intelligit Evangelium, et per nomen in eo scriptum, illud quod legimus, In principio erat Verbum, etc. — Quidam episcopum istum Pergami asserunt fuisse S. Carpum.

Consequenter ad episcopum Ecclesiæ Thyatirensis dirigitur sermo. *Et angelo Thyatiræ Ecclesiæ scribe. Hæc dicit Filius Dei, qui habet oculos tanquam flammam ignis, et pedes ejus similes aurichal-*

co. Hoc totum semel expositum constat.

Novi opera tua virtuosa, quæ approbo, et fidem vivam, formatam, rationibus credendorum ornatam, et purificatæ mentis intelligentia decoratam, quæ est fides secundum statum perfectum, et caritatem, qua Deum et proximum amas, et ministerium, id est officii executionem in actibus episcopatus ac sacerdotii, et patientiam tuam inter tot aspera, et opera tua novis-

simis plura prioribus, ita quod in bonis actibus abundanter crevisti.

Sed habeo adversus te, quia permittis mulierem Jezabel, quæ se dicit prophetem, docere et seducere servos meos, fornicari et manducare de idolothytis. Fuit itaque in Ecclesia hujus antistitis mulier, quæ, vel proprio nomine dicta est Jezabel, vel propter parem impietatem cum Jezabel uxore quondam Achab regis Israel, de cujus pravitate tertio Regum habetur, sic dicta fuit. Dicuntque aliqui, quod fuit

uxor hujus episcopi. Unde, secundum Albertum, alia translatio habet : Habeo adversus te, quod sinis uxorem tuam Jezabel. Et ita audacius dixit se esse prophetissam, tanquam antistitis, et quidem tam sancti antistitis, conjugem. Idcirco etiam dixit se prophetissam, ut dum crederetur inspirata divinitus, facilius ejus doctrina susciperetur. Docuit ergo fallaciter, et docendo induxit fideles ad fornicationem carnalem, eo modo quo Nicolaitæ; vel ad fornicationem spiritualem, quæ est cum dæmonibus, dum rebus caducis magis quam Deo altissimo inhæretur. Non autem docuit idololatriam corporalem, secundum Bedam, quia tunc non potuisset se fingere prophetissam. Dicit quoque Albertus, quod per mulierem hanc, scilicet ejus imitatione sive exemplo, introducta fuit perfidia Mahometi, qui etiam finxit se esse prophetam. Porro, per idolothyta intelliguntur, quæ idolis immolata seu consecrata fuerunt : de quibus manducare licet, secundum Apostolum, quando fit sine scandalo proximi, et non in venerationem idolorum; sed mulier ista docuit illud passim licere.

Sed mirum videtur quod episcopus iste tantæ perfectionis, tam grande malum permisit. Ad quod Haymo respondens : Nulla, inquit, ratio permittit ut iste hoc vitio notetur, quem Dominus tanta laude prosequitur; sed a corpore electorum convertit sermonem ad partem reproborum, quæ in doctoribus intelligitur qui sua negligentia prædicta mala in Ecclesia esse si-

20

III Reg. xvi, 31; xviii, 4; xix, 2; xxi, 5 et seq.

I Cor. x, 19 et seq.

nunt. Alii tamen de episcopo isto verba A inducta exponunt. Et potuit fieri quod episcopus in aliis occupatus, pravitatem feminæ hujus non satis advertit, vel ejus culpam non tam cito, vel tam efficaciter inerepavit ut debuit.

21 *Et dedi illi tempus, ut pœnitentiam ageret.* In quo misericordia Dei ostendi-

Eccl. x, 4. tur. Omnipotens enim est patiens reddi-
tor, nec animas vult perire. *Et non vult*

II Petr. iii, 9. *pœnitere a fornicatione sua* quam docet et facit, præteritam deplorando, et futura vitando. Unde impletum est in muliere hac illud Job : Deus dedit illi locum

Job xxiv, 23. pœnitentiæ, et ille abutitur eo in peccatum. Sed quia tanto districtior est Dei vindicta, quanto longanimior atque clementior fuit expectatio sua, subjungitur : *Et ecce mitto eam in lectum*, id est, gravi languore eam visitabo, et per mortem corporalem mittam eam ad mortem ac letum infernalem, ubi sepultus est dives.

Et qui mœchantur cum ea, id est, ejus doctrinis ac vitiis participant, vel ei miscentur, *in tribulatione maxima erunt*, ita quod dira morte consumentur, deinde æterna supplicia patientur, *nisi pœnitentiam egerint ab operibus suis*, imo et ab affectionibus suis, verbis, et cogitationibus : quæ omnia, actus et opera hominis frequenter in Scriptura dicuntur. Hinc in

Ibid. xiii, 3. Evangelio Christus ait : Nisi pœnitentiam egeritis, omnes similiter peribitis. Et in

Eccl. ii, 22. Ecclesiastico habetur : Nisi pœnitentiam egerimus, incidemus in manus Dei, et non

23 in manus hominum. *Et filios ejus*, id est imitatores qui præ ceteris ei in vitiis conformantur : propter quod non solum participes, sed et filii ejus vocantur ; *interficiam in morte*, formaliter, scilicet ipsa morte, id est insanabili plaga, vel morte gehennæ, quæ est mors secunda damnatioque perpetua.

Apoc. xxi, 8. *Et scient omnes Ecclesiæ ex effectu meæ justitiæ, quia ego sum scrutans corda et renes*, id est intime cernens, diligenter discutiens, usque ad unguem dijudicans desideria et opera carnis, quæ

nomine renum signantur, et cogitatus affectionesque cordis ; *et dabo unicuique vestrum secundum opera sua*, ita quod nullum bonum dimittam irremuneratum, nullumque malum impunitum. Hæc idem *Job xxiv, 12.* per Jeremiam dicit : Ego Dominus, in-

quiens, scrutans cor, et probans renes, qui do unicuique juxta vias suas, et juxta fructum adinventionum suarum. Quod et in Psalmo cantatur. Verumtamen, nomine *Ps. vii, 10.* scrutationis quandoque datur intelligi inquisitio quædam de re ignota vel nota

B aliquid, ut noscatur certitudinaliter. Sicque Deo non competit, et juxta hoc scriptum est : Numquid sicut dies homi-

Job x, 5, 6. nis, dies tui, ut quæras iniquitatem meam, et peccatum meum scruteris ? Præterea, quum ratio meriti atque demeriti magis consistat in actibus interioribus, potissime voluntatis, quam exterioribus, qui rationem virtutis aut vitii ab interioribus sortiuntur, quum Deus dicitur unicuique redditurus secundum opera sua, per opera intelliguntur actus interiores et exteriores, ita ut et passiones sub nomine actus comprehendantur. Unde quod actus interior opus dicatur, patet ex eo quod in Evangelio loquitur Christus Judæis : Hoc est opus Dei, ut credatis in eum quem *Joann. vi, 29.* misit ille.

24 *Vobis autem fidelibus meis dico, et ceteris qui Thyatiræ estis*, id est cunctis qui estis in domo episcopi, et in tota urbe hac commorantes : *Quicumque non habent doctrinam hanc* impiissimæ Jezabel, id est, ei non acquieverunt, *et qui non*

D *cognoverunt* per approbationem altitudinem Satanæ, id est superbias atque astutias diaboli, filiorumque ejus hæresiarcharum, Ebionis, Cerinthi, ac Marcionis, *quemadmodum dicunt ; non mittam super vos aliud pondus*, id est, ego non imponam vobis observationem legalium, quam Petrus apostolus vocat importabile pondus, quemadmodum hæretici jam præfati dixerunt, et me missurum asseruerunt. Docuerunt enim legalia cum Evangelio observanda, ita quod Deus mitteret hoc

Act. xv, 10.

25 pondus super cervices discipulorum, ultra pondus evangelicæ legis. *Tamen id quod habetis tenete*, id est, evangelica documenta firmiter observate, quæ jam dudum accepistis, *donec veniam*, id est usque ad mortem, quando vos visitabo, et perseverantes de via ad patriam elevabo.

26 *Et qui vicerit* : secundum sensum jam sæpe inductum; *et qui custodierit usque in finem opera mea*, id est, sine reprehensione et macula exhibuerit opera mihi placita, et mea virtute peracta, in omnibus custodite, circumspecte, caute, sollicitate, timorate se habens, *dabo illi potestatem super gentes*. Sancti enim, secundum I Cor. vi, 2. Apostolum, de hoc mundo judicabunt. Quibus et Christus promisit : Sedebitis super sedes, judicantes duodecim tribus Israel. Matth. xix, 28. Unde in libro Sapientiæ scriptum est : Sap. iii, 8. Judicabunt nationes, et dominabuntur populis. Nam simul cum Christo judicabunt, et ejus sententiam approbabunt. *Et reget eas in virga ferrea*, id est in rigore justitiæ; vel, cum damnationis sententia mittet seu diriget eas ad finem eis debitum, I Cor. vi, 2. putat ad pœnas inferni. *Et tanquam vas figuli confringentur*, non esse, sed omne bene esse, perdendo. Denique, Sancti in patria potestatem sortiti sunt subveniendi viatoribus, et gratiam boni regiminis eis procurandi, impiosque torquendi.

Vel : *Qui custodierit usque in finem opera mea*, id est, in bonis actibus stabilis manserit, et vere ac efficaciter in bono perseverare decreverit, *dabo illi potestatem super gentes*, id est, aliis eum præficiam, tanquam dignum prælatum, aliosque docere idoneum. *Et reget eas in virga ferrea*, id est constanti inflexibilique justitia, vel in evangelica lege seu rigore disciplinæ; *et tanquam vas figuli confringentur* a sua durezza, amittendo non esse naturæ, sed propriæ perversitatis et libertatis irrefrenatæ, secundum quod Salomon ait : Prover. xii, 7. Verte impios, et non erunt. Hæc est salubris confractio, qua quis vincit se ipsum, et frangit proprium animum : quod est abnegare se ipsum. Quod

A qui fecerit, dicere potest illud Apostoli : Vivo autem, jam non ego; vivit vero in me Christus. Galat. ii, 20.

Sicut et ego accepi a Patre meo potestatem præfatam, acceptione æterna secundum quod Deus, et acceptione temporali secundum quod homo. Omnia enim Filius habet a Patre, juxta illud : Omnia quæ dedisti mihi, abs te sunt; itemque : Mea omnia, tua sunt; et tua, mea sunt. Et in ipso incarnationis instanti, prælata est humanitas Christi omni creaturæ, et data est ei tunc omnis potestas in cœlo et in terra, videlicet potestas judiciaria, sacerdotalis, ac regia, miraculorumque operativa, auctoritas quoque jubendi angelis bonis ac malis, propter hypostaticam suam unionem cum Verbo; sed quantum ad manifestationem, dicitur ista potestas Christo in resurrectione collata. Unde ipse tunc dixit : Data est mihi omnis potestas in cœlo et in terra. Porro, hæc verba in Psalmo de Christo ad litteram scripta sunt, ubi Pater ait ad Filium secundum formam servilem, Postula a me, et dabo tibi gentes hereditatem tuam : quæ, secundum hanc eorum introductionem, de membris ipsius exponuntur.

Et dabo illi stellam matutinam, id est me ipsum, secundum quod infra dicitur : Ego sum radix David, stella splendida et matutina. Iterum : Dabo illi stellam matutinam, id est, angelum sanctum suæ vitæ custodem, socium habebit in gloria, eritque sicut angelus Dei, atque in cœlo empyreo matutina stella figetur. Quod enim angeli sancti stellæ sint matutinæ, beato Job Dominus pandit, dicendo : Ubi eras, quum me laudarent astra matutina, et jubilarent omnes filii Dei? Vel stella matutina, est lucidissima illa contemplatio divinorum.

Denique, sicut prædictum est, quidquid in istis capitulis ad præsules Asiæ scribitur, cunctis prælatis, imo et partim universis Christianis denuntiatur. Defectus itaque propter quos antistites illi reprehenduntur, omnis prælatus seu Christia-

nus in se et suis debet corrigere, si de eis sibi conscius fuerit. Virtutes quoque de quibus illi laudantur, exsequi debet. Unde si quis primæ caritatis fervorem, et pristinæ devotionis alacritatem reliquerit, memor sit unde exciderit, et pœnitentiam

Galat. iii. 3. agat, ne quum spiritu cœperit, carne con-

Job. xix. 2. summetur et pereat. Quum enim in eodem statu homo non maneat, qui non

Eccle. ix. 1. proficit, deficit; et qui negligit modica, paulatim penitus evacuatur, nisi sollicite

Ibid. xxxvii. 4. se emendet. Propter quod tali dicitur: Si non in timore Domini tenueris te instan-

ter, cito subvertetur domus tua. Etenim timor filialis et castus, qui est fuga mali culpæ, ab omni abstrahit Divinitatis offensa, a torpore atque ignavia, secundum

Eccle. vii. 19. illud dictum Salomonis: Qui timet Deum, nihil negligit. Præterea, si quis prælatus in grege sibi commisso percipiat aliquos

A esse pestiferos, perversa docentes, et scandalizantes pusillos, trahentes ad carnis inquinamenta vel spiritualia vitia, omnem mox diligentiam ac laborem apponat ut tantum malum extirpet, animarum subversores corripiat, excludat, devitet, si se emendare noluerint.

Consideremus solerter quanta sit pietas Dei, quantum nostram optet salutem, quomodo nunc minando pœnas, nunc promittendo jucunda, satagat nos a vitiis revocare, ad virtutes inflammare, ad beatitudinem sublimare. Non parvi pendamus gratiam Dei, nec providentiæ ejus simus ingrati. Alioqui omnia cooperabuntur nobis in malum; et quanto majora et plura sunt ejus beneficia, tanto enormiora erunt nostra facinora, et duriora supplicia.

[*Qui habet aurem, audiat quid Spiritus dicat Ecclesiis.*]

29

ARTICULUS IV

EXPLANATIO CAPITULI TERTII: ET ANGELO ECCLESIE SARDIS SCRIBE.

CAPITULO præcedenti, scripta sunt quæ ad quatuor episcopos quatuor Ecclesiarum Asiæ pertinent; nunc quæ ad reliquos tres episcopos ejusdem provinciæ spectant, scribuntur.

1 *Et angelo, id est præsuli, Ecclesiæ, scilicet Christianorum qui sunt in civitate Sardis, scribe. Hæc dicit qui habet septem spiritus Dei, id est Christus, in quo*

Is. xi. 2, 3. septem dona Spiritus plenissime fuerunt et sunt; qui et septem spirituum, id est omnium angelicorum spirituum, Dominus est, qui per septem spiritus designantur, D

Apoc. i. 4. ut dictum est super illud, Et a septem spiritibus qui in conspectu throni ejus sunt; et septem stellæ, id est septem episcopos Ecclesiarum Asiæ: per quos universarum significantur Ecclesiarum episcopi et prælati, quia omnes in manu sunt Salvatoris. Unde in fine primi capituli

C scribitur: Septem stellæ, angeli (id est *Apoc. i. 20.* episcopi) sunt septem Ecclesiarum.

Scio opera tua, quæ displicent mihi. Bona scit Deus per approbationem; mala, per simplicem cognitionem et detestationem, juxta illud, Cognovi multa scelera

Amos. v. 12. vestra; et illud Psalmi, Dominus scit cogitationes hominum, quoniam vanæ sunt. Nec obstat quod legitur Habacuc primo, Mundi sunt oculi tui, Domine, ne videas malum, et respicere ad iniquitatem non poteris. Hoc enim non asserendo, sed con-

Ps. xciii. 11. querendo, et ex contrario dicitur sensu. *Quia nomen habes quod vivas, id est, ab aliis per caritatem et gratiam vivere æstimaris, et famam bonam per hypocrisim tuam sortitus es. Fama autem nomen vocatur, juxta illud Ecclesiastici, Curam habere de bono nomine; et illud Machabæorum, Faciamus et ipsi nobis nomen. Et mortuus*

Habac. i. 13.

Eccle. xlii. 15.
1 Mach. v. 37.

Matth. viii, 22. es morte peccati : de qua ait Salvator, Dimitte mortuos sepelire mortuos suos. Spiritualis siquidem vita animæ est caritas, quam, qui mortaliter peccat, amittit, spiritualiterque moritur, nec aliquem actum Deo placentem ac meritorium operatur, sed est velut turpe foetidumque cadaver coram supersanctissimo Deo.

2 *Esto vigilans*, id est diligens in custodia cordis tui ac subditorum ; et quo pluribus præes, tanto sollicitior et agibilior consistas. Omnem enim prorsus torporem abjicere debet prælatus, et omni metu, timore atque tremore suam ac gregis operari salutem. Unde de indignis pastoribus dicitur : *Philipp. ii, 12.* Speculatores ejus cæci omnes, videntes vana et dormientes. Hinc Romanos monet Apostolus : Qui præest, in sollicitudine, supple, præsit. *Rom. xii, 8.* Et confirma cetera quæ moritura erant, id est, opera tua parva, quæ facis, et de genere bona sunt, majore puritate exerce, ut ex caritate nascentur, et meritoria comprobentur : quæ alias nihil tibi proficient ad salutem. Vel : Confirma cetera quæ moritura erant, id est, infirmos seu imperfectos gregis tui, orando, docendo, exemplariter conversando, ad virtutes erige : sicut et Petro ait Salvator, Tu aliquando conversus, confirma fratres tuos. Grex nempe cito in vitia labitur, et mortem culpæ mox patietur, nisi a prælato juvetur, informetur et deducatur, secundum quod Dominus per Prophetam ait : Dispersæ sunt oves meæ, eo quod non esset pastor.

Luc. xxii, 32. *Ezech. xxxiv, 3.* Non enim invenio opera tua plena, id est veraciter virtuosa, coram Deo meo, secundum quod homo sum. Qui enim vana intentione, quæ bona sunt agit, mente est vacuus, peccato exhaustus, vere pauperimus. Tales sunt qui quærunt placere hominibus, qui apparentiam magis quam existentiam sanctitatis assumunt : qui etsi coram hominibus aliquid videantur, Deum tamen fallere nequeunt. Unde et fatuarum virginum lampades extinguuntur. Et teste Ambrosio, plenitudinem vita justi habet, inanes autem sunt dies malorum.

A *In mente ergo habe*, id est, diligenter considera, qualiter acceperis gratiam Dei in Baptismo, deinde sacerdotium episcopatusque gradum, et audieris a me ceterisque Sanctis ea quæ ad episcopum pertinent, ac reliqua evangelicæ legis documenta, præcepta, consilia, et serva, hæc omnia memoriter recolendo, et efficaciter proseguendo. Unde et Timotheum admonens Paulus : Noli, inquit, negligere gratiam quæ data est tibi cum impositione manuum presbyterii ; et rursus, Confortare in gratia, et quæ audisti a me per multos testes, hæc commenda fidelibus. *I Tim. iv, 14.* Et pœnitentiam age de bonis omissis et malis commissis. *II Tim. ii, 1, 2.*

Si ergo non vigilaveris, id est, nisi officium tuum solerter fueris exsecutus, oculosque direxeris ad considerandos defectus tuos ac subditorum, veniam ad te, per potentiæ meæ effectum, et æquitatis vindictam, tanquam fur, id est improvise : juxta illud Apostoli, Dies Domini tanquam fur in nocte ita veniet ; et nescies

C *qua hora veniam ad te*, nisi quum pœnam ipsam cœperis experiri. Nam hora mortis incerta est. Quapropter Christus hortatur : Vigilate (nescitis enim qua hora Dominus veniat, sero an media nocte, an galli cantu, an mane), ne quum venerit repente, inveniat vos dormientes ; videte, vigilate, et orate. Denique corporaliter dormit, qui oculos carnis tenet clausos, nec utitur ratione, nec quidquam facit advertens : sic spiritualiter ac miserabiliter dormit, qui oculos mentis ad ea quæ Dei sunt ac suæ salutis non aperit, qui rationem quæ ad optima instigat non sequitur, qui nil meritorium operatur. *I Thess. v, 2.*

Sed habes pauca nomina in Sardis, id est quosdam fideles in tua Ecclesia, qui non inquinaverunt vestimenta sua, id est, vestem innocentiae in Baptismo collatam servaverunt incontaminatam, postea mortaliter non peccando, et de venialibus quotidie satisfaciendo, imo in splendore gratiæ ac virtutum creverunt. Vestimenta quoque animæ sunt virtutes ac dona Spi- *Marc. xiii, 35-37, 33.* 4

ritus Sancti, quibus mens decoratur, et A contra frigora vitiorum atque ardores concupiscentiarum ac tentamentorum munitur. Unde et caritas dicitur vestis nuptialis. Et de Sponsa cantatur: Vidi speciosam, cujus inæstimabilis odor erat nimis in vestimentis ejus. Quibus se indutam gloriatur quæ dicit: Gaudens gaudebo in Domino, quia induit me vestimento salutis, et indumento justitiæ circumdedit me. Hæc vestimenta non fœdat, qui in mortale non ruit, et de venialibus omni hora se purgat mentem frequenter elevando ad Deum, bonisque actibus jugiter insistendo. Iterum, vestimenta sunt opera.

Is. LXI, 10.

Rom. XIII, 12.

Cant. V, 3.

II Cor. VI, 3.

Philipp. I, 9, 10.

Unde quæ opera tenebrarum abjecit, ait: Exui tunicam meam, quomodo induar illam? Qui itaque satagit Deo in puritate servire, nemini (quantum in se est) ullam offensionem, iste vestimenta sua non inquinat. Ad quod Philippenses hortatur Apostolus: Caritas vestra magis ac magis abundet, ut sitis sinceri, et sine offensione.

Sed quomodo potest quis vestimenta C ista servare non inquinata, quum conqueratur Propheta, dicens, Facti sumus ut immundi omnes nos, quasi pannus menstruatae universæ justitiæ nostræ? Et respondendum, quod comparatione lucis et puritatis divinæ id dicitur. Sic enim et cœli non sunt mundi. Hinc in libro Job dicitur: Non justificatur homo compositus Deo; et item: Quid est homo, ut immaculatus sit, et justus appareat natus de muliere? Nihilo minus ait Psalmista: Custodi animam meam, quoniam sanctus sum; et Apostolus, Nihil mihi conscius sum. Propterea advertendum, quod dupliciter dicitur quis vestimenta præfata non inquinasse: Primo, quum post primam justificationem seu gratiæ infusionem nunquam peccavit mortaliter: quod paucissimis competit. Secundo, quum actualiter in caritate et gratia est, studens Deo in sanctitate et justitia cunctis diebus suis servire: quod omnibus vere pœnitentibus ac proficientibus certum est convenire.

Is. LXIV, 6.

Job XV, 15.

Ibid. IX, 2.

Ibid. XV, 14.

Ps. LXXXV, 2.

I Cor. IV, 4.

Luc. I, 74, 75.

Quæritur, quare potius ait Dominus, Habes pauca nomina, quam, paucos homines, quum de hominibus sermo sit. Et respondendum quod ideo, ut innuat quod electos et bonos noscit per modum specialem, per acceptionem et directionem præcipuam, dicente Apostolo: Quos prædestinavit, hos et vocavit. Et Moysi ait qui omnia novit: Te ipsum novi ex nomine. Unde de se ipso loquens Christus sub nomine boni pastoris, ait: Proprias oves vocat nominatim. In parabola quoque purpurati divitis, electum pauperem exprimit nominatim, reprobum divitem appellatione communi.

Rom. VIII, 30.

Exod. XXXIII, 12.

Joann. X, 3.

Luc. XVI, 20, 19.

Et ambulabunt mecum in albis, id est, mecum erunt in regno cœlesti, stola gloriæ ac immortalitatis induti; in albis quoque, id est, corporibus glorificatis ac splendidissimis gloriæ donis. In Ecclesia etiam militanti *ambulabunt mecum*, id est coram me, et vestigia mea sequendo. Qui enim se dicit in Christo manere, debet sicut ille ambulavit, et ipse ambula-

I Joann. II, 6.

re. Sic David commendat Scriptura, quod coram Domino ambulaverit. Et Abraham dicitur: Ambula coram me, et esto perfectus. *In albis*, id est innocentiae indumentis, si gratiam baptismalem non perdidderunt; vel in bonis operibus, secundum Berengandum. Unde, ut Haymo asserit, non solum qui in innocentia permanserunt, sed et hi qui per pœnitentiam surrexerunt, puta omnes electi, ambulabunt cum Christo in albis, qui dicit: Pater, quos dedisti mihi, volo ut ubi sum ego, et

III Reg. VIII, 25; II Par. VII, 17.

Gen. XVII, 1.

Joann. XVII, 24.

D illi sint mecum, ut videant claritatem meam. *Quoniam digni sunt*. Ex quo sequi videtur, quod aliquis de condigno mereatur vitam æternam, quum tamen dicat Apostolus: Non sunt condignæ passionibus hujus temporis ad futuram gloriam. Et Salvator: Quum feceritis, inquit, omnia quæ præcepta sunt vobis, dicite: Servi inutiles sumus; quod debuimus facere, fecimus. Sed dicendum, quod homo existens in caritate meretur vitam æternam de condigno, in quantum Spiritus Sanctus

Rom. VIII, 18.

Luc. XVII, 10.

caritatem movet et excitat ad agendum, A non in quantum [opus] procedit, vel passio acceptatur a libero arbitrio, etiam habitu caritatis adjuncto. Hæc est S. Thomæ responsio.

5 *Qui vicerit* vanitates sæculi, desideria carnis, suggestiones diaboli, *sic vestietur vestimentis albis*, id est, præinductis bonis gratiæ ac gloriæ donis ornabitur. *Et non delebo nomen ejus de libro vitæ*. Minus dicit, et plus significat, ut sit sensus : Ostendam eum scriptum esse in libro vitæ.

Ubi quærendum est, quomodo aliquis dicatur deleri de libro vitæ. Et respondendum, quod liber vitæ in Deo est electorum conscriptio, tenax memoria, seu firma notitia in mente divina : qui liber est ipsa prædestinatio. Itaque, secundum Thomam, aliquis dicitur scriptus in libro vitæ dupliciter : Primo, secundum ordinationem prædestinationis, ut hi quos Deus salvare decrevit : et sic nullus deletur. Secundo, quantum ad prædestinationis effectum, scilicet caritatem et gratiam : quam qui habet, dignus est vita æterna, ideo scriptus dicitur in libro vitæ ; et quum eam peccando amittit, deletur secundum istum respectum, videlicet quoad effectum prædestinationis divinæ. — In idem redit quod alii dicunt, aliquem scriptum in libro vitæ per præscientiam æternam : et sic scriptus nunquam deletur, sicut nec Dei præscientia fallitur. Propter quod scriptum est : Sanctus vocabitur omnis qui scriptus est in vita in Jerusalem. Secundo, per præsentem justitiam : et sic potest deleri. Unde, quum Moyses dixisset ad Dominum, Aut dimitte populo hanc noxam, aut dele me de libro quem scripsisti ; Dominus mox respondit, Qui peccaverit mihi, delebo eum de libro meo. Porro qui scriptus est in libro vitæ primo modo, dicitur simpliciter scriptus ; qui secundo modo, scriptus dicitur secundum quid. Ideo absolute loquendo, nullus proprie deletur de libro vitæ, sicut nec prædestinatus damnatur.

Is. iv, 3.

Exod.
xxxii, 31, 32.

Ibid. 33.

Et confitebor nomen ejus, id est, in hora judicii ejus particularis ac universalis, ipsum ad me pertinere testabor, *coram Patre meo, et coram angelis ejus*. Quæ confessio, est honor præclarus, ob quem contemnendus est omnis honor terrenus.

Qui habet aurem, audiat quid Spiritus dicat Ecclesiis. Ista admonitio pollicitationi divinæ nunc præponitur, nunc subjungitur, ad innuendum quod verba Dei ac divina promissa diligenter auscultare debemus, sive ad hoc præmonemur, si ve non.

Consequenter præsuli Philadiæ Ecclesiæ sermo dirigitur. *Et angelo Philadiæ Ecclesiæ*, id est episcopo congregationis christianæ in urbe hac commorantis, *scribe*. *Hæc dicit Sanctus et Verus*, id est Christus, qui secundum divinam naturam, essentialiter sanctus et verus est, secundum naturam quoque assumptam, sanctior universis, et verus in verbis atque operibus : qui testatur, Ego sum via, veritas et vita ; de quo apud Danielem dicitur, Ungatur Sanctus Sanctorum. *Qui habet clavem David*. Clavis est qua abdita reserantur, et clausa panduntur, ac janua aperitur. Ita clavis hæc David quam habet Christus, est virtus sua illuminativa, seu sapientia, per quam aperit nobis mysteria Scripturarum, sicut et Apostolis aperuit sensum ut intelligerent Scripturas. Per hanc autem virtutem, aperit nobis et ipsum David seu librum Psalmorum, in quo secundum divinum Dionysium, virtualiter continetur quidquid in Scripturis habetur. Unde et clavis ista vocata est clavis David, qui præ ceteris de Christo prophetavit, cujus psalmos Christus elucidavit. Verumtamen, secundum Berengandum et Haymonem, per clavem David intelligitur Christi humanitas, de semine David assumpta : per quam reserata sunt omnia, et quæ David de Deo, et quæ Deus ad David locutus est ; per quam etiam janua regni cœlestis est patefacta, et tota Ecclesia illustrata.

6

7

Joann. xiv,
6.

Dan. ix, 24.

Luc. xxiv,
45.

Rom. i, 3.

Qui aperit, id est, Scripturarum notitiam menti infundit, corda ad gratiam, caritatem et fidem patula facit, *et nemo claudit* ei cui Christus sic aperit : quoniam Christi operationem nullus prohibere impedireve potest directe, et dum Christus noluerit : quanquam diabolus et homines pravi, nonnunquam dispositive illuminatos ad tenebras falsitatis ac vitiorum declinent, sicut in Evangelio ait Salvator : Venit diabolus, et tollit verbum Dei de corde ipsorum, ne salvi fiant; et denuo : Væ vobis, Scribæ et Pharisei, qui clauditis regnum cœlorum ante homines; vos enim non intratis, nec introeuntes sinitis intrare, scilicet, quantum in vobis est. *Claudit*, id est, gratiam subtrahit, intellectum Scripturarum salutarem non influit superbis ac reprobis, *et nemo aperit* eis tanta bona. Ipse utique clausit Judæis, et aperuit gentibus, sicut in Evangelio loquitur : In iudicium ego in hunc mundum veni, ut qui non vident, videant, et qui vident, cæci fiant. — At vero verba hæc scripta sunt in Isaia de Eliacim, secundum quod fuit Christi figura, quum dicitur : Dabo clavem domus David super humerum ejus, et aperiet; et non erit qui claudat, etc.

8 *Scio opera tua per approbationem. Ecce dedi coram te ostium apertum*, id est, patefeci tibi ingressum ad intelligentiam Scripturarum, mentem tuam claritate scientiæ salutaris illuminando, *quod nemo potest claudere* tibi, quum ego id aperuerim, qui potens sum te in data divinorum notitia conservare. Hoc etenim ostium est infusa clarificatio animæ, per quam Scripturas intelligit. Denique, præter ostium hoc, loquitur Scriptura adhuc de multiplici ostio. Est enim prædicatio ostium, juxta illud Pauli : Ostium mihi apertum est magnum et evidens, et adversarii multi. Fides etiam dicitur ostium, ut in Actibus : Retulerunt quanta fecisset Deus cum illis, quia aperuisset Deus gentibus ostium fidei. Insuper, præparatio cordis ad ea quæ Dei sunt, ostium appellatur, dicente

A Apostolo : Quum autem venissem Troadem, et ostium mihi apertum esset in Domino. Christus nihilo minus etiam ostium cœlestis patriæ nuncupatur : Ego (inquit) sum ostium.

Quia modicam habes virtutem. Hoc multipliciter exponitur. Quidam enim per modicam virtutem intelligunt humilitatem, per quam efficitur homo divinam illustrationem suscipere aptus, juxta illud : Declaratio sermonum tuorum illuminat, et intellectum dat parvulis. Alii dicunt, quod B ideo fertur habere modicam virtutem, quia non habuit potestatem seu gratiam faciendi miracula, sicut episcopi communiter tunc habebant : ideoque Deus in intelligentia Scripturarum ei recompensavit quod in illa ipsi gratia defuit. Berengandus videtur istud subtilius elucidare, dicendo : Videtur mihi, quod iste angelus Philadelphię Ecclesiæ, in divinis Scripturis non satis fuerit eruditus. Et ideo dixit eum modicam habere virtutem ad convincendos fidei inimicos. Ideo, Dedi coram C te ostium apertum in divinis Scripturis, ut intelligas mysteria Scripturarum : quod nemo poterit claudere, id est, sapientiæ quæ tibi dabitur, nullus poterit resistere inimicorum. Potest quoque sic accipi : Modicam habes virtutem, id est, naturalis et propria virtus atque scientia tibi non sufficit : ideoque auxilium gratiæ tibi impendo.

Et servasti verbum meum, id est, sermonibus meis obedivisti, *et non negasti nomen meum*, id est me ipsum, sed te esse Christianum, et me esse Dei Filium, libere es professus.

Et ecce dabo tibi de synagoga Satanæ, id est, aliquos incredulorum Judæorum per tuam prædicationem convertam, et tibi subjeciam, *qui se dicunt Judæos esse* vere ac proprie, secundum nominis proprietatem et virtutum patrum suorum imitationem. Judæi enim quasi confitentes dicuntur; et isti antequam fidem Christi reciperent, jactabant se Deum fideliter colere et confiteri, patrumque suorum fi-

Luc. viii, 12.

Matth. xiii, 13.

Joann. ix, 39.

Is. xlii, 22.

1 Cor. xvi, 9.

Act. xiv, 26.

Ps. cxviii, 130.

9

dem ac opera sequi : quod ita non fuit. Ideo subditur : *et non sunt* hoc modo Judæi, *sed mentiuntur* : quia secundum carnem tantum Judæi sunt. Christiani vero spiritualiter circumcisi, secundum proprietatem spiritualem atque virtutem Judæi vocantur, confitendo Christum de semine Judæ exortum. Propter quod ait Apostolus : Non qui in manifesto, Judæus est ; neque quæ in manifesto, in carne, est circumcisio ; sed qui in abscondito, Judæus est, et circumcisio cordis in spiritu, non littera. Et iterum : Qui ex fide sunt, hi sunt filii Abrahæ. *Ecce faciam illos tales per gratiam, ut veniant, et adorent ante pedes tuos* : id est, tibi humiliter se, fide suscepta, subjicient, teque ut patrem honorabunt, Deum cultu latriæ, et te cultu duliæ venerantes ; *et scient quia ego dilexi te*, quem ad tantam abundantiam gratiæ gratum facientis ac gratiæ gratis datæ promovi, ita illuminavi, episcopum ordinavi, aliorum pædagogum constitui. Quum enim diligere sit alicui bonum velle, hos diligit Deus quos ad bona gratiæ donaque gloriæ præordinavit.

10 *Quoniam servasti verbum patientiæ meæ*, id est documentum meum quo patientiam præcepi ac docui, quam et opere demonstravi, *et ego servabo te ab hora tentationis, quæ ventura est in orbem universum tentare habitantes in terra*. Per hanc horam tentationis, quidam intelligunt tempus persecutionis Ecclesiæ ab Antichristo, qui ubique persecuturus est Christianos ; alii, diem judicii. Potest autem magis ad litteram, ad hujus episcopi tempus referri, et de persecutione Christianorum a Romanis imperatoribus eorumque satellitibus accipi. Jam enim quando Joannes hæc scripsit, cœperunt hi Ecclesiam generaliter persequi ; et quidam post eos gravius persecuti sunt eam. Promittitur ergo huic episcopo, quod instantibus gravissimis quibusque tribulationibus, per virtutem et gratiam Spiritus Sancti servabitur, non ut adversa non patiatur, sed ne eis vincatur, ne in tenta-

tionem ducatur, id est, tentationibus obruatur atque consentiat. Unde, ut Haymo asserit, tentatio hic pro deceptionis lapsu accipitur. Nihilo minus quælibet persecutio ac tribulatio dici potest tentatio, quia per eam homo examinatur, et qualis sit noscitur. Sic enim Deus tentat electos, *Sap. iii, 5.* quia per adversa et aspera de eorum perfectione accipit experimentum, probationem, seu evidentiam, non ut ipse agnoscat, sed ut aliis ad ædificationem patescat. Sic enim legitur, quod Deus tentaverit Abraham. Moyses quoque populo Israel loquitur : Recordaberis cuncti itineris per quod adduxit te Dominus, ut affligeret te atque tentaret, et nota fierent quæ versabantur in corde tuo, utrum custodires mandata illius, an non. Unde et in libro Sapientiæ : Deus probavit illos, et invenit illos dignos se. *Sap. iii, 5.*

Præterea, ex eo quod Dominus ait, Quia servasti verbum meum, faciam ut veniant, et adorent ante pedes tuos : elicitur, quod dum homo humilitatem patientiamque observat, adversarii ei reconciliantur, quemadmodum scriptum est : Quum placuerint Domino viæ hominis, inimicos quoque ejus convertet ad pacem. *Prov. xvi, 7.*

Ecce venio cito transferendo te de via ad patriam, de tribulatione ad gloriam, de merito ad præmium. Hoc verbo consolationem infundit, et ad patientiam excitat. *Tene quod habes*, id est, in donis gratiæ persevera, *ut nemo accipiat coronam tuam*, id est, ne præmio disposito destituaris per propriam culpam, et alius loco tui subrogetur. Quum enim certus sit numerus salvandorum, si unus justus ceciderit atque perierit, alius in gradum ejus seu locum succedet. Quamvis autem nec prædestinatus posset corona privari, nec præscitus eam sortiri in sensu composito, puta ut talis, et per comparisonem ad providentiam Dei, uterque tamen manet liberi arbitrii, et in sensu diviso ille potest damnari, et iste salvari.

Qui vicerit, id est, peccata contempserit, nec alicui illicito consensum præbue-

rit, *faciam illum columnam*, id est fortem, *A* *fixum*, ac eminentem, *in templo meo**, id est in Ecclesia, ut possit aliorum imbecillitatem portare, et simpliciores docere. Unde per columnam perfecti et prædicatorum ac prælati signantur, quorum est ceteros per caritatem portare, roborare, constabilire. Sic enim Paulus, Petrum, Jacobum et Joannem columnas appellat. *Et foras non egredietur amplius*, ab ecclesiastica unitate ac individua caritate recedendo : imo usque in finem, me operante, in sanctis operibus perseverabit. *Et scribam super eum nomen Dei mei*, id est, Dei filium eum faciam appellari, quandoquidem et virtuosus homines dii vocantur, juxta illud : Ego dixi, Dii estis; *et nomen civitatis Dei mei novæ Jerusalem*, id est, nomen Ecclesiæ militantis imprimam ei, ita quod catholicus, seu ecclesiasticus, ac fidelis per omnia assereatur. Ecclesia enim est civitas Dei nova per gratiam : quæ Jerusalem nuncupatur, quia in ea est visio pacis, inchoatio ac contemplatio quietis cœlestis. *Quæ descendit de cœlo a Deo meo*, id est, a supernis, et a Spiritu Sancto profluxit, regenerata est, ordinatur, ac regitur. Omne enim datum optimum, et omne donum perfectum, desursum est, descendens a Patre luminum. Nihilominus Ecclesia ascendit ad cœlum, ad bona gloriæ adspirando. Hæc loquitur Christus secundum quod homo, dicens, *A Deo meo. Et nomen meum novum scribam super eum*, ut a me Christo christianus vocetur. Nam Filius Dei ex tempore cœpit Christus vocari.

Sed quia nonnulli fidelium qui in Ecclesia videbantur columnæ, ceciderunt, et per pravam doctrinam foras egressi sunt, quorum unum dicit Berengandus fuisse Origenem; hinc locum hunc exponit de præmio atque Ecclesia triumphanti, ut sit sensus : *Qui vicerit, faciam illum columnam in templo Dei mei*, id est, in regno cœlesti firmissima stabilitate locabitur, nec beatitudinem illam amittet, hoc est, *foras non egredietur amplius. Et scri-*

bam super eum nomen Dei mei. Nomen Dei est, esse æternum : quod super vincentes scribitur, quum eis æternitas communicatur, ita quod sine fine cum Domino commorantur. *Et nomen civitatis Dei mei novæ Jerusalem*, id est Ecclesiæ triumphantis : quæ Jerusalem dicitur, quia in ea increata pax Dei, omnem sensum exsuperans, facie ad faciem cernitur. Hujus ergo civitatis novæ per dona gloriæ nomen scribitur super electos, quando eam ingressi, cives ac filii ejus vocantur.

B Quæ descendit de cœlo, quia Domino Jesu Christo de cœlis ad nostram redemptionem descendente, simul et Sancti descenderunt, quia jam per prædestinationem illi conjuncti erant. Sic ille exponit.*

Consequenter ad Laodicensis Ecclesiæ præsulem sermo dirigitur. *Et angelo Laodiciæ Ecclesiæ scribe. Hæc dicit Amen, testis fidelis et verus*, id est Christus, qui est verus et veritas, testisque Dei Patris et actuum humanorum. Amen quandoque nominaliter sumitur, ut hic, et tunc significat verum : sicque competit Christo, qui est ipsum primum, summum et exemplare verum. Quandoque sumitur adverbialiter, et tunc significat vere. *Qui est principium creaturæ Dei*, id est universorum creator, per quem Pater omnia fecit, juxta illud : Omnia per ipsum facta sunt.

Propter quod ait Judæis : Ego principium, qui et loquor vobis. Vel, Principium creaturæ Dei, id est inter creata primus dignitate et gratia, secundum naturam assumptam, quemadmodum supra plenius dictum est.

Scio opera tua simplici notitia, quia neque frigidus es per infidelitatem, neque calidus per caritatem infusam. Utinam frigidus esses aut calidus, id est in altero extremorum, videlicet totaliter sine notitia Dei et simulata justitia, vel fervens amore. Tunc enim minus esset tuum peccatum, eo quod servus sciens voluntatem domini sui, nec implens, gravius peccet. Facilius quoque tunc convertereris ad fervorem amoris, quia audito Dei verbo te

Philipp. iv, 7.

* [13. Qui habet aurem, audiat quid Spiritus dicat Ecclesiis.]

14

Joann. xv, 6.

Ibid. i, 3.

Ibid. viii, 25.

In Apoc. i, 5.

15

Luc. xii, 47

- peccatorem apertum perpenderes, nec te aliquid reputares, sed accusares : sicque ubi abundavit culpa, abundaret et gratia.
- 16 *Sed quia tepidus es*, id est piger, acediosus, et negligens, habens fidem informem, et aliquid esse te reputans, *et non frigidus, neque calidus; incipiam te evomere de ore meo*, id est mea sententia reprobare, a fidelium numero segregare, ab officio tuo deponere. Fideles autem et fervidi, Christo sunt incorporati, a quo rejiciuntur dum in mortale labuntur. Quemadmodum autem aqua tepida, tanquam fastidium generans, cito evomitur, sic tepidi isti sunt Deo specialiter detestabiles atque ingrati. Et videmus ad oculum, quod hi qui manifeste sunt vitiosi, ita ut nec aliquid boni se egisse aut agere putent, facilius convertantur, quam tepidi, seu illi qui volunt partim Deo, partim sæculo coherere, placere, servire. Tepidum demum hoc loco non sumitur quasi medium, de caritatis calore aliquid participans : sic enim melius est esse tepidum, quam frigidum.
- 17 *Quia dicis* verbo mentali sive vocali : *quod dives sum* per virtutes et dona Spiritus Sancti, *et locupletatus*, per opera meritoria copiosa, *et nullius egeo*, id est, major profectus seu gratia, vel aliorum oratio, seu doctrina mihi necessaria non est ad salutem. *Et nescis*, id est, non attendis vel scire non vis, sicque habes ignorantiam affectatam, quæ inexcusabilis perhibetur : de qua fertur in Psalmo, Noluit intelligere ut bene ageret ; *quia tu es miser* per culpam (juxta illud : Justitia elevat gentem ; miseros facit populos peccatum), *et miserabilis* aliis propter pœnam tibi imminentem ac debitam, *et pauper*, id est donis gratiæ spoliatus, *et cæcus*, sapientiam non habendo, et vitiis excæcatus, *et nudus* a bonis operibus ac virtuosus habitibus.
- 18 *Suadeo tibi emere a me* opulentissimo fonte omnium bonorum, *aurum ignitum probatum*, id est caritatem ferventem, divinitus commendatam, adversitatibus ex-
- Arcitatem, veram, non fictam, ab omnibus vere sapientibus approbatam. Hæc caritas sic inter ceteras excedit virtutes, rubet, fulget, perornatque thalamum mentis, quemadmodum aurum inter metalla præstantius est, et corporalem structuram decorat. Caritas autem et gratia emi asseritur, non quod aliquis in mortali existens, eas de condigno mereatur, sed utcumque de congruo, quando se ad eas habilitat et disponit, faciens quod in se est. Hinc enim ait Apostolus : Si autem gratia, jam non ex operibus ; alioqui gratia non est gratia. Rursus per aurum intelligitur sapientia, potissime illa quæ est primum inter dona : quæ est saporosa et affectuosa divinorum cognitio. Idecirco ignita vocatur atque probata, quoniam eos a quibus habetur, amerosos et Deo acceptos constituit. Unde et Salomon : Thesaurus (inquit) desiderabilis in ore sapientis.
- Quomodo autem caritas vel sapientia emitur, quum sanctus Job contestetur, Non dabitur pro ea aurum obryzum, et nescit homo pretium ejus? Sed et Salomon : Pretiosior est (ait) sapientia cunctis opibus ; et omnia quæ desiderantur, huic non valent comparari. Ad quæ propheticus sermo respondet : Omnes sitientes, venite ad aquas, et qui non habetis argentum, properate, emite, et comedite ; venite, emite absque argento et absque ulla commutatione vinum et lac. Itaque non temporali re emitur, sed bonis operibus, continuis precibus, misericordiæ actibus, pœnitentiæ studiis, omnium terrenorum contemptu, postremo carissimo nummo, puta se ipso, seu propriæ voluntatis abnegatione, spontanea paupertate. Ideo loquitur Christus : Si vis perfectus esse, vende omnia quæ habes, et da pauperibus ; et veniens, sequere me.
- Ut locuples fias* in spiritualibus bonis. Nempe qui caritatem vel sapientiæ donum adeptus est, omnes habet virtutes et omnia dona. *Et vestimentis albis induaris*, id est, mundis operibus adorningis : sicut ait Scriptura, Omni tempore vesti-

Rom. v. 20.

1 Cor. xiii, 13.

Rom. xi, 6.

Is. xl, 2.

Cf. Prov. xxi, 20.

Job xxxviii 15, 13.

Prov. iii, 15.

Is. lv, 1.

Ps. xxxv, 1.

Prov. xiv, 34.

Matth. xix, 21.

Eccle. ix, 8.

menta tua sint candida. Passiones autem et vitia nigredini comparantur. *Ut non appareat confusio nuditatis tuæ*, id est, ne coram Deo et ejus ministris tam inhonestus ac spiritualiter turpis, menteque vacuus ac detestandus appareas. Si enim de corporis nuditate coram hominibus verecundamur, potissime propter inhonestiora corporis membra, incomparabiliter plus erubescere nos oportet coram Deo et angelis ejus de animæ nuditate, deformitate, sordidatione. Hæc est erubescencia salutaris, qua divinæ puritatis adspectui erubescimus maculati et sordidi apparere.

Et collyrio inunge oculos tuos, ut videas. Per collyrium, quod de terra nascitur, quo oculus primo turbatur, deinde a noxio humore purgatur, sicque clarioris visus efficitur, cordis contritio seu compunctio designatur, quæ primo per dolorem de peccatis mentem amaricat, a vitiorum squalore emundat, lacrimas elicit, illuminationem procurat. Hoc collyrio oculi cordis unguntur, dum in Deo vere compungimur, sicque videmus in lumine gratiæ, et defectus nostros cognoscimus, Deum perpendimus, quidquid salus nostra requirit consideramus. Rursus, collyrium dici potest sermo divinus, vel dominicæ passionis memoria, vel scientia salutaris. Unde, ut Beda disseruit, collyrio oculos inungere, est boni operis executione Scripturarum intelligentiam promereri.

Sed quia increpatio præinducta satis aspera videtur, clementissimus Deus increpatum, ne plus induretur, dulcissime consolatur. Quo dat prælatis increpatoribusque exemplum, ut verbis asperæ increpationis, caritatis dulcia jungant eloquia, instar boni Samaritani, qui vino oleum miscuit. *Ego quos amo*, puta electos et bonos, *arguo* per me et meos vicarios verbis, *et castigo* verberibus seu adversis, ne quid mali in eis remaneat. Quum ergo hos taliter tractem, quanto magis tu imperfectus debes hæc cum gratiarum actione gaudenter recipere, tantumquam animæ medicinam? Hinc Spiritus

A Sanctus monet : Disciplinam Domini, fili mi, ne abjicias; et ne deficias, quum ab illo argueris : quem enim diligit Dominus, corripit; et quasi pater in filio complacet sibi. Et alibi : Beatus homo qui corripitur a Domino. Hinc ait Apostolus : Si extra disciplinam estis, ergo adulteri, et non filii estis. Itaque gravissima Dei ira ac ultio est, dum peccatorem prosperari atque ad libitum peccare impune permittit, quemadmodum de reprobis ait in Psalmo : Dimisi eos secundum desideria cordis eorum; ibunt in adinventionibus suis. *Emulare ergo*, id est, bonos sequere : juxta illud, *Emulamini bonum in bono semper*; et iterum, *Emulamini charismata meliora*; et *pœnitentiam age*, quod hucusque tam negligens exstitisti. Nam et ego paratus sum tibi succurrere. Et ideo subditur :

Ecce sto ad ostium, id est, ostio cordis, scilicet libero arbitrio, seu voluntati assisto seu præsens sum, qui omnia impleo, et nullibi desum, *et pulso* per sacram Scripturam hortando, per vicarios meos loquendo, per angelicam inspirationem, per motionem internam, qua moveo mentem ad supernaturale bonum, per beneficiorum collationem, per adversitatum exercitationem. His siquidem modis, Deus omnipotens cordis nostri pulsat quotidie januam. Unde et loquitur Sponsæ seu animæ amorosæ : *Aperi mihi, soror mea, amica mea, columba mea*. Hinc de increata Sapientia legitur : Sapientia præoccupat eos qui se concupiscunt, ut illis se prior ostendat; qui de luce vigilaverit ad illam, non laborabit : assidentem enim illam foribus suis inveniet. Itaque Christus pulsat, sicut scriptum est : *Vox dilecti mei pulsan- tis*.

Præterea contuendum, quod gratia interdum accipitur pro habitu essentiam rationalis creaturæ Deo gratam faciente, interdum pro divina motione qua Deus animam movet ad supernaturale bonum, quemadmodum motione naturali ac generali movet omnia ad sibi connaturalia.

Luc. x, 34.

49

Prov. iii, 11, 12.

Job v, 17.

Hebr. xii, 8.

Ps. lxxx, 13.

Galat. iv, 18.

1 Cor. xii, 31.

20

Jer. xxiii, 24.

Cant. v, 2.

Sap. vi, 14, 15.

Cant. v, 2.

Sap. viii, 1. Propter quod dicitur : Attingit a fine usque ad finem fortiter, et disponit omnia suaviter. Hic autem divinus instinctus sive influxus, vel motio hæc, communiter fit cunctis hominibus, quamdiu in vita præsentis subsistunt. Quem quidem influxum quidam sequuntur, per liberi conatum vel cooperationem arbitrii ad supernaturale bonum se disponentes. Alii non sequuntur : propter quod merentur sibi ipsis relinqui, sicque ex sua defectibilitate de peccato in peccatum labuntur.

Si quis audierit vocem meam, id est, inspirationi divinæ sive angelicæ, vel verbis sacræ Scripturæ consenserit atque paruerit, *et aperuerit mihi januam* cordis sui, id est, mentem cum affectu spiritualiter dilataverit seu patefecerit ad me suscipiendum : secundum illud Prophetæ, Præparare in occursum Dei tui ; *intrabo ad illum*, dona gratiæ infundendo, infusa augendo, misericorditer consolando, varios effectus in secretis animæ producendo ; *et cœnabo cum illo*, id est, ejus saluti atque profectui congratulabor :

sicut scriptum est, Beneplacitum est Domino in populo suo ; et iterum, Gaudium Domini est fortitudo vestra ; *et ipse mecum*, delectando in me per conscientiæ puritatem, et de cœlestis gloriæ promisso lætando per spem. Et in isto ineffabiliter commendatur nobis clementia, caritas atque dignatio Dei nostri ad nos tantillos vermiculos. Hinc etenim in Proverbiis testatur, dicens : Deliciæ meæ esse cum filiis hominum ; et iterum in Jeremia, Lætabor super eis, quum benefecero eis. *Tantum igitur pulsatorem non repellamus*, cum tanto hospite cœnare quotidie properemus ; quidquid ejus introitum impedit, quidquid vultum ipsius offendit, vitemus. Porro ipse lux est ; peccata et passionem sunt tenebræ : et scimus quod non sit conventio luci ad tenebras. Ab his ergo mentis cœnaculum emundare oportet. — Sed cur potius ait, Cœnabo cum illo, quam, Prandebo ? Et respondendum, ut insinuet scilicet se velle pernoctare no-

A biscum, atque in thalamo mentis quiescere, ut in pace in id ipsum dormiamus et requiescamus. Sic cœnat cum Christo, atque in ejus castis quiescit amplexibus, qui corde devoto pergit ad stratum, et in meditationibus sanctis obdormit. Talis non timet a timore nocturno, sed de mentis securitate reficitur. Secura enim mens quasi jûge convivium.

Qui vicerit impedimenta salutis suæ, dabo ei sedere mecum in throno meo, id est in regno cœlesti, in cœlo empyreo. Teste enim Propheta, Cœlum mihi sedes est. Hinc in Evangelio ait : Vado parare vobis locum ; et, Iterum venio, et assumam vos ad me ipsum, ut ubi ego sum, et vos sitis. Dabo quoque ei sedere mecum in throno meo, id est potestatem judicandi mecum in finali judicio : secundum promissionem illam, Sedebitis et vos super sedes duodecim, judicantes duodecim tribus Israel.

Sicut et ego vici per patientiam cuncta adversa, per passionem meam diabolum, per aciem virtutum aciem vitiorum, per inflexibilem æquitatem blanda et aspera mundi. Christus enim fortem armatum ligavit, vasa ejus diripuit, mundi gloriam stravivit, sed et adversarios suos induratos Judæos dejecit. Hinc ait militibus suis : In mundo pressuram habebitis ; sed confidite, ego vici mundum. *Et sedi cum Patre meo in throno ejus* in cœlesti palatio : juxta illud Apostoli, Sedet ad dexteram majestatis in excelsis. De quo throno scriptum est : Mitte sapientiam a sede magnitudinis tuæ ; itemque, Adeamus cum fiducia ad thronum gratiæ ejus. Qui thronus intelligi potest, vel ipsum cœlum, vel judiciaria regiaque potestas, dignitas, sive auctoritas Dei in se ipso invariabiliter quiescentis. Unde quod ait, Sedi cum Patre meo in throno ejus, sic potest exponi : Potestatem judicandi a Patre accepi. Pater enim omne judicium dedit Filio. Et Psalmista ait : Deus, judicium tuum regi da. Quamvis autem Christo secundum divinitatem conveniat judicare per auctori-

*Ps. iv, 9.**Ps. xc, 5.**Prov. xv, 15.*

21

*Is. lxvi, 1.**Joann. xiv,**Ibid. 3.**Matth. xix,*

28.

*Ibid. xii, 29.**Joann. xvi,*

33.

*Hebr. i, 3.**Sap. ix, 10.**Hebr. iv, 16.**Joann. v,**Ps. lxxi, 2.*

tatem, tamen iudicii executionem meruit per suam humiliationem ac passionem, sicut et corporis glorificationem et exaltationem super omnes caelos, per palmam præfatam meruit. Ideo loquens Christus de Patre et de se ipso testatur : Potestatem dedit ei iudicium facere, quia Filius hominis est.

Joann. v.
27.

22

Qui habet aurem, audiat quid Spiritus dicat Ecclesiis. Exhortatio ista jam septima vice repetitur; atque in epistola cuiuslibet Ecclesiæ Asiæ ponitur, quatenus omnes Christiani ista perpendant, et quid-
B quid episcopis Asiæ scriptum est, ad suam informationem convertant : quod tamen episcopis ac prælatis summe incumbit. Videamus itaque ut opera nostra plena sint coram Deo, et ne nomen sanctitatis habendo mortui simus coram Altissimo :

A quod eis eveniet qui laudes quærunt humanas ac commodum temporale. Insuper, caveant pigri, potissimum religiosi remissi, quod Dominus eisdem tunc impropertavit : Quia nec frigidus es, neque calidus, etc. Quum enim religiosi teneantur quotidie ad perfectionem, juxta suæ professionis exigentiam, tendere; hi qui pervigilem curam non adhibent per passionum suarum reformationem et Ordinis observationem ac operum Dei reverentialem executionem, tepidi comprobantur, et non progrediendo in Dei itinere, infelicer retrogrediuntur.

Postremo, ex præinductis certissimum est, per angelos septem Ecclesiarum Asiæ, in istis duobus capitulis non intelligi spiritus supernos beatos, quibus præscripti defectus nullatenus competunt.

ARTICULUS V

ELUCIDATIO CAPITULI QUARTI : POST HÆC VIDI : ET ECCE OSTIUM APERTUM IN CŒLO.

POSTQUAM in præcedentibus capitulis B. Joannes septem Ecclesias Asiæ, præsertim earum episcopos, informavit, et per eos universam Ecclesiam; nunc totius Ecclesiæ statum, sublimitatem, decursum, generalius pleniusque prosequitur seu describit. Est autem totus hic liber mirabiliter difficilis et obscurus, etiam præ cunctis libris prophetiis. Nam per imaginarias visiones ac species est descriptus, ita quod sensus litteralis ipsius est qui per similitudines et res, non qui per voces signatur. Unde et expositores variis D modis hunc librum exponunt, nec aliquis plene eum intelligit : ita quod expositiones hujusmodi pro magna parte sunt infra certitudinem, nec aliquid certum intuentur in his, nisi ut secundum fidem sint. Hinc et ego pusillus, nil novi introducere præsumens, ea quæ ab aliis catho-

C lice dicta sunt, quantum Deus præstiterit, breviter tangam et colligam.

Post hæc vidi : et ecce ostium apertum in cælo. Quod ait, Post hæc, ad ordinem visionis, non ad intervalla seu vicissitudinem temporis refertur, secundum Haymonem et Glossam. Eodem enim die vidit omnes visiones in libro isto descriptas, sicut superius insinuavit, dicendo, Fui in spiritu dominica die. Porro septem sunt visiones hujus voluminis, quarum secunda hic incipit. Itaque, *Post hæc*, id est, post revelationem primam hucusque protensam, *vidi* visione imaginaria ac intellectuali. Eadem quippe visio interior, imaginaria et intellectualis fuit : imaginaria, quia per corporalium rerum similitudines seu materiales imagines, in interiori sensu angelico ministerio formatas, fiebat; intellectualis, quia per illuminationem su-

4

Apoc. 1, 10.

pernam Joannes, quid illæ species designarent, veraciter intellexit : alias non fuisset propheta, quia intelligentia est opus seu principale in visione, prout in Daniele legitur. — Verumtamen quod ait, Post hæc, etiam ad temporis distinctionem videtur posse referri. Quamvis enim omnia ista intuitus sit uno die, et forte una hora vel tempore breviori, non tamen simul et semel, seu eodem tempore præcise, sed quælibet visio suam habuit formulam. Simul enim non intelliguntur, nisi quæ per eandem speciem repræsentantur. Porro hæc visiones per diversas ostensæ sunt species. Sed quia inter visionum istarum impressiones non fuit notabilis interstitio temporis, imo una alteri mox successit, dicunt expositores, non ad ordinem temporis sed visionis referendum quod ait, Post hæc.

Et ecce ostium apertum in cælo. Per ostium istud communiter expositores intelligunt Christum, qui ait : Ego sum ostium ovium ; per me si quis introierit, salvabitur. Quod apertum asseritur, quoniam Christus notitiam sui aperuit mundo, et ore suo aperto per se ipsum docuit homines. In passione quoque corpus ejus multis vulneribus fuit apertum, quando et unus militum lancea latus ejus aperuit. Insuper, Christus omnibus ad se venientibus gremium offert clementiæ, et misericordiæ suæ aperit januam, secundum quod ait : Venite ad me, omnes qui laboratis ; et item, Eum qui venit ad me, non ejiciam foras. Hoc ostium apertum est in cælo, id est in Ecclesia militanti, quam Christus sæpissime in Evangelio regnum cælorum appellat, dicendo : Simile est regnum cælorum decem virginibus. Quarum utique fatuæ quinque fuerunt : quod Ecclesiæ triumphanti nullatenus competit.

Aliqui vero dicunt, quod Joannes in isto capitulo describit majestatem Dei, qui unus est in natura, trinus in Personis : qui Christo homini Apocalypsim, seu visiones hujus libri, per se immediate revelavit seu indidit. Idcirco primo describitur

A ejus majestas, quantum ad eminentiam sui throni seu loci quo residere censetur. Et ita per hoc quod dicitur, Ecce ostium apertum in cælo, datur intelligi, quod Joanni in visione imaginaria apparebat quod janua quædam aperiretur in cælo, ut Dei omnipotentis majestas ipsi ostenderetur sub corporalium speciebus, atque ad innuendum quod desuper ipsi revelaretur status Ecclesiæ. Juxta quem modum Ezechiel dicit : Aperti sunt cæli, et vidi visiones Dei ; itemque, Thronus super firmamentum, et super similitudinem throni similitudo quasi adspectus hominis desuper. Per quod Deus altissimus omnibus præsidens designatur, prout ibidem plenius dixi.

Et vox prima quam audiui, tanquam tubæ loquentis mecum, dicens : Ascende huc, et ostendam tibi quæ oportet fieri cito post hæc. Per vocem istam tubalem, quæ prima fuit in hac visione, quidam intelligunt vetus Testamentum seu doctrinam propheticam, quam per illuminationem supernam audivit interiori auditu Joannes, quæ admonuit eum ascendere huc, scilicet ad Christum, spiritualemque intellectum. Hæc autem expositio videtur nimium spiritualis, nec apparet quomodo ista vox dixerit Joanni, Ostendam tibi quæ oportet fieri cito post hæc, nisi forte formaliter. Denique in die sancto Pentecostes, veniente super Apostolos Spiritu Sancto, infusa fuit Joanni excellens notitia legis et Prophetarum. Alii ergo per vocem hanc intelligunt inspirationem divinam.

— Sed quoniam Deus non docuit hæc Joannem immediate per se ipsum, imo nec per Christum, sed per angelum in persona Christi apparentem, aptius, ut arbitrator, posset per vocem hanc angelica allocutio seu inspiratio accipi, vel ipsemet angelus Joannem interius alloquens et informans. Cur autem vox angeli quasi vox tubæ dicatur, semel jam expositum est, quum de hac voce dixit Joannes, Converter sum ut viderem vocem quæ loquebatur mecum : intelligendo per vocem, vocis

Ezech. i. 1.
Ibid. 26.

Act. ii, 1-4.

Apoc. i, 12.

prolatorem. Sed et Dionysio contestante, A propheticae revelationes per angelos factae sunt.

Itaque ait : *Vox prima* : quasi dicat, Eadem quam jam ante audiui. Nam quod praecessit, primum vocare solemus. Veruntamen Berengandus per vocem primam intelligit Joannem Baptistam, qui de se ipso fatetur : Ego vox clamantis in deserto. De quo fuit praedictum : Tu, puer, Propheta Altissimi vocaberis. *Ascende huc*, id est, ad contemplationem te erige. De spirituali namque, non de corporali ascensu hoc dicitur. *Et ostendam tibi quae oportet fieri cito post haec*, id est processum, statum et tribulationes Ecclesiae, quae ex hoc usque in finem mundi protrahentur ac fient.

2 *Et statim fui in spiritu*, id est alienatus ab omni exteriorum sensuum usu, atque in ecstasi mentis, per intentissimam eorum quae mihi ostendebantur interioris considerationem. *Et ecce sedes posita fuit**

in caelo. Si per caelum intelligamus militantem Ecclesiam, sedes in eo posita, est quaecumque congregatio devota, seu corda amore Dei accensa, in quibus Deus regnat, residet et quiescit, dicente Apostolo : Templum Dei sanctum est, quod estis vos. Nam et anima justi, sedes est sapientiae. Unde Scriptura asserit, Justitia et iudicium praeparatio sedis tuae : quia videlicet per iustitiae executionem atque iudicii discretionem, anima Deo disponitur ut in ea residere dignetur. Si vero per caelum intelligatur patria Beatorum, seu triumphans Ecclesia, per sedem in ea positam D intelliguntur angelicae potestates, omnesque mentes Deo beatifice perfruentes, quibus Deus sublimiter praesidens, interioris cuncta disponit. Rursus, per sedem hanc, auctoritas et potestas Dei Ecclesiam gubernantis exprimitur. Deus etenim nullibi verius quam in se ipso esse et quiescere perhibetur. Postremo, quia et ipsa Ecclesia sedes est Dei, sedes in caelo est posita, quia Ecclesia militans, quamvis adhuc in carne versetur, mente tamen caelum inhabitat.

Et supra sedem sedens, scilicet Deus unus et trinus omnibus dominans, de quo fertur in Psalmo : Dominus in caelo sedes ejus ; et : Deus sedet super sedem sanctam suam. Quidam autem per sedentem, specialiter intelligunt Christum, de quo scriptum est : Dominus quidem Jesus postquam locutus est eis, assumptus est in caelum, et sedet a dextris Dei.

Et qui sedebat, similis erat ad spectum lapidis jaspidis et sardii. Per ad spectum jaspidis ac sardii, color eorum exprimitur. Jaspis autem viridis est coloris : qui color visum oblectat atque confortat. Sardius vero rubeum habet colorem. Hinc Berengandus et Haymo, per jaspidis viriditatem intelligunt Christi divinitatem, quae interioris visum summe oblectat, reficit et confortat ; per sardii rubedinem, ejus humanitatem pro nobis sanguine sacro perfusam accipiunt, juxta illud : Quare ergo rubrum est indumentum tuum ? Rursus, quoniam jaspis apparentiam aquae habet, sardius vero ignis, Christus omnium iudex, secundum Bedam, his comparatur : quia jam unum iudicium per aquam exercuit, aliud per ignem exercebit. Albertus, per jaspidis virorem intelligit immarcescibilem felicitatis coronam, quam Christus electis donabit ; per sardii ruborem, aeterni ignis incendium, quod reprobis irrogabit. Alii, qui per sedentem intelligunt Deum unum ac trinum, dicunt quod imaginariae illae propheticae apparitiones fiunt secundum congruentiam ad id quod per imagines designatur ac revelatur. Deus autem apparuit ut militantis Ecclesiae gubernator, ad quam se habet ut dulcis consolator et caritatis accensor : quorum primum designat viriditas jaspidis ; secundum, sardii rubor.

Porro in visione Ezechielis, Deus sedens in throno, videtur in similitudine electri velut ad spectus ignis. Et ibidem per splendorem electri, quod aurei igneique coloris est, providentia et sapientia Dei designatur. Hinc ergo hoc loco per sardii igniformem ruborem, divina sapientia ;

et per sedilia viginti quatuor, insinuantur
viginti quatuor libri veteris Testamenti,
in quorum lectione ac meditatione, quasi
in sedibus, veteres Sancti a laboribus cu-
risque sæculi quiescebant.

Joann. iii, insinuatur. Sic enim dilexit mundum, ut
16. unigenitum Filium suum daret ei: et tunc

Is. ix, 6. eo, Isaia testante, Puer natus est nobis,

Ps. cii, 17. circumdat, munit, tuetur Ecclesiam. Mise-

Jer. xxxi, loquitur Dominus : Feriam domui Israel

4 *Et in circuitu sedis sedilia viginti qua-*

Christi ascensione erant translati : nisi

si quis dixerit, per Ecclesiam jam signari

Alii ergo per viginti quatuor seniores.

I Cor. xiii
12.

intelligunt, ut Beda et Haymo, qui propter duodecim Apostolos atque duodecim Patriarchas, a quibus spiritualiter sive corporaliter nati sunt, viginti quatuor describuntur. Unde, sicut apud Matthæum per duodecim sedes in quibus ad judicandum sessuri dicuntur Apostoli, universitas sedium ac perfectorum qui in eis ad judicandum sedebunt, exprimitur, propter duodenarium numerum Apostolorum eorumque dignitatem, quorum filii, universi sunt Christiani; ita hoc loco, per viginti quatuor sedes, universitas Sanctorum utriusque Testamenti, quibus iudicaria communicatur aliquo modo potestas, innuitur: sicque per numerum determinatum indeterminatus numerus denotatur. Verum, contra hoc videtur præinducta instantia quantum ad patres veteris Testamenti, procedere: nisi forte quis dicat, quod Joannes hoc loco more prophetico ponit tempus præsens pro præterito, quantum ad Sanctos Mosaicæ legis.

Alii ergo per viginti quatuor sedes intelligunt universas evangelicæ legis cathedrales ecclesias, et per totidem seniores, earum episcopos: et hoc, propter concordantiam novi Testamenti ad vetus. Nam primo Paralipomenon scriptum est, quemadmodum David divinum cupiens cultum augere, constituit viginti quatuor sacerdotes, successive per hebdomadas in templo ministrantes. Et sic rursus per numerum determinatum indeterminatus exprimitur. Interdum siquidem septenario, quandoque denario, subinde centenario, aliquando millenario, nonnunquam et aliis numerorum speciebus, universitas designatur, secundum varias considerationes, numerorumque proprietates vel perfectiones. Sed quia præfati viginti quatuor sacerdotes a David dispositi, non erant pontifices, imo sub pontifice: apparet quod per eos convenientius universitas sacerdotum evangelicæ legis exprimeretur; per sedes autem, eorum potestas et gratia, seu virtus et merita eis collata, in quibus velut in sedibus spiritualiter conquiescunt. Dicuntur quo-

que ista sedilia et eorum sessores esse in circuitu sedis, puta Ecclesiæ, quia eorum est alios ab antiquo hoste cunctisque veræ salutis adversariis tueri.

Verumtamen ista atque similia, solum probabiliter sentio: plenam certamque notitiam Deo, et his quibus ipse revelare dignatur, committens; nec aliorum atque majorum meorum, quorum comparatione nihil sum, dicta in aliquo reprehendens.

Circumamicti stolis albis: quia, ad litteram, albis tempore sacrificii induuntur, castitate quoque corporis et mentis puritate debent fulgere; *et in capitibus eorum coronæ aureæ*: sunt enim regale sacerdotium, et rectores fidelium. Porro in Scripturis, per caput mens, per aurum sapientia exprimi solet. Aureas ergo in capitibus suis habent coronas, quia mentes eorum dono sapientiæ decorantur. Vel coronæ istæ sunt merita quibus futuræ beatitudinis promeruerunt coronas.

Et de throno, id est de Ecclesia militanti, quæ sedes est Dei, *procedebant fulgura*, puta miracula: quæ instar fulguris terrent atque illuminant, sicut scriptum est, Timebunt, qui habitant terminos terræ, a signis tuis. Et in Evangelio sæpius legitur, quomodo turbæ visis Christi prodigiis timuerunt. Fulgura etiam sunt comminationes futuri iudicii et pœnarum inferni.

Et voces, id est prædicatio mediocris et simplex: sicut de se ipso loquens commemorat Apostolus, Quasi parvulis in Christo lac vobis potum dedi, non solidum cibum. Unicuique enim proponendum est verbum Dei secundum suam capacitatem.

Et tonitrua, id est prædicatio sublimis, sonora, profunda. Unde in Evangelio Christus quosdam Apostolorum filios tonitruum nuncupavit. Et alibi sermo divinus testatur: Ecce hæc ex parte dicta sunt viarum Dei; et quum vix parvam stillam sermonum ejus audierimus, quis poterit tonitruum magnitudinis ejus intueri? Tonitrua sunt verba Joannis: In principio erat Verbum; et Verbum caro factum est. Et illud quod Paulus dicit: Audiavi arcana

Matth. xix, 28.

I Par. xxiv, 4-19.

5

Ps. lxiv, 9.

Matth. ix, 8; Marc. iv, 49; v, 43.

I Cor. iii, 2.

Marc. iii, 17.

Job xxvi, 14.

Joann. i, 1, 14.

II Cor. xii, 4.

verba, quæ non licet homini loqui; item-
I Cor. II, 6. que, Sapientiam loquimur inter perfectos.

Et septem lampades ardentes ante thronum, id est in conspectu Ecclesiæ, et ante oculos fidelium interiores, vel potius in mente ipsorum. Quid autem significant lampades ardentes, ipse subdendo exposuit: *qui sunt septem spiritus Dei*, id est septem dona Spiritus Sancti, quibus mens velut lampadibus illustratur ac inflammatur. Vel septem spiritus Dei, intelligendi sunt omnes angeli sancti, quorum ministerio corda fidelium irradiantur et accenduntur. Unde et superius dicebatur:

A poc. I, 4. A septem spiritibus qui in conspectu throni ejus sunt.

6 *Et in conspectu sedis*, id est Ecclesiæ militantis, quæ thronus est Dei, *tanquam mare vitreum*, id est Baptismatis sacramentum: in quo submergitur exercitus vitiorum, sicut in mari Rubro exercitus Ægyptiorum; quod instar vitri pellucidum est, animasque clarificat; per quod, velut per vitrum, splendor Solis justitiæ mentem subintrat; *simile crystallo* ratione sui effectus. Ab omni enim culpa ac pœna emundat, omnium virtutum atque donorum speciositatem inducit, ita ut evolet qui ipsum suscepit, nisi aliunde fœdetur. Rursus crystallo, quod ex nimia congelatione non fluit neque resolvitur, assimilatur Baptismus ob sui effectus soliditatem. Nam indelebilem characterem imprimit: unde nec iteratur. — Quidam per mare vitreum simile crystallo, intelligunt Pœnitentiæ sacramentum, in quo esse debet fons lacrimarum.

Erod. XIV,
27, 28.

Porro Berengandus per mare vitreum simile crystallo, intelligit novum Testamentum. In hoc etenim mari tria insinuantur, videlicet mare, et vitrum, item crystallum. Per mare ergo, historia; per vitrum, moralis intelligentia, in qua velut in speculo, homo quidquid in se vitiosum est perspicit; per crystallum, quod cunctis gemmis splendidius est, radiosque splendoris emittit, spiritualis intelligentia designatur, quæ obscura quæque Scriptu-

A rarum elucidat, mentes spiritualium sensuum flammis illuminat, et quosdam Dei ac cœlestis patriæ amore succendit. Denique, secundum eundem venerabilem patrem, in templo Salomonis mare æneum fuisse legimus, in quo lavabantur sacerdotes, antequam accederent ad hostias offerendas. Æris vero splendor quadam nigredine cito obnubilatur. Per mare itaque æneum lex Moysis designatur, quæ fulgorem spiritualis intelligentiæ, litteræ nigredine obscurat. Et sicut æs si lima teratur, splendor ejus aperitur; ita et spiritualis intelligentia, quæ litteræ superficie obscuratur in lege, si a fidelibus viris diligenter discutiatur, per Dei gratiam manifestatur. In hoc ergo mari sacerdotes lavabantur: quia per sacrificia et quasdam observationes legales, quædam peccata veteris populi debebantur.

II Par. IV,
2-6.

Et in medio sedis, et in circuitu sedis, quatuor animalia plena oculis ante et retro. Hoc, ut asserit Berengandus, secundum historiam stare non potest: neque enim tam parvus numerus ambitum sedis et medietatem ejus potuit obtinere. Sed spiritualiter intelligenda sunt. Hæc quatuor ergo animalia in hoc libro, non semper quatuor Evangelistas, sed et omnes doctores Ecclesiæ qui eorum doctrinam sequuntur, designant. Huic assertioni etiam Beda et Albertus subscribunt. Ait enim Beda, per quatuor animalia in hoc libro, non semper quatuor Evangelistas intelligi, sed quandoque Ecclesias. Et Albertus ait, quod per quatuor animalia, D omnes prædicatores, et præcipue quatuor Evangelistæ, signati sunt. Dicuntur autem prædicatores quatuor animalia, quia de quatuor Evangelistiis eorum prædicatio sumitur. — Itaque sensus est: *Et in medio sedis*, id est in sustentatione Ecclesiæ, seu inter fideles, *et in circuitu sedis*, id est in protectione atque custodia Christianorum, *quatuor animalia*, id est universi doctores et prædicatores, consistunt, quorum est gregem dominicum ab omni animarum munire dispendio: qui pleni sunt

oculis ante et retro, id est Scripturarum A quam testis resurrectionis, primo expressit leonem.

Veruntamen, quoniam teste Gregorio super Ezechielem, et secundum plurimorum doctorum consonam assertionem, per quatuor animalia quatuor Evangelistæ notantur : dicendum, quod ipsi suis prædicationibus ac doctrinis seu evangelicis libris usque in præsens Ecclesiam Christi sustentant, custodiunt ac defendunt. Unde et spiritualiter ambiunt eam.

7 Nihilo minus huic expositioni difficultatem facit quod subditur : *Et animal primum simile leoni, et secundum animal simile vitulo, et tertium animal habens faciem quasi hominis, et quartum animal simile aquilæ volanti*. Qui enim animalia ista Evangelistas interpretantur, per faciem hominis Matthæum accipiunt, qui primus est in ordine Evangelistarum, et primus Evangelium scripsit, secundum Hieronymum. Quum ergo hoc loco animal habens faciem quasi hominis, tertio loco ponatur, non videtur per ipsum significari Matthæus.

Ista objectio, quam aliqui ponderant, non videtur mihi alicujus momenti : Primo, quoniam teste B. Gregorio, Hieronymo, multisque sanctis doctoribus, quemadmodum apud Ezechielem, ita et hoc loco per præfata animalia Evangelistæ signantur. Ezechiel autem faciem hominis ponit primo loco, et per eam ibidem significatur Matthæus. Similiter hic non obstat variatio ordinis : nam diversis respectibus idem alicui præponitur, aut postponitur. Hinc, D ut Haymo ait, Ezechiel primo ponit hominem, secundo leonem, tertio vitulum, quarto aquilam, servans historiæ ordinem : quoniam primo, natus est Christus ut homo ; secundo, terribiliter prædicans vocem emisit ut leo ; tertio, in passione oblatum est ut vitulus ; postremo, ascendit in cælum ut aquila. Porro Joannes primo ponit leonem, quoniam Christus jam surrexit a mortuis, ejus resurrectioni fides præsertim innitur : ideo Joannes tan-

Quamvis autem præfata Gregorii expositio, qua per hominem Matthæus, per vitulum Lucas, etc., insinuatur, communis sit ; aliqui tamen Sanctorum aliam habuerunt considerationem. Nam, sicut hic retulit Beda, B. Augustinus per leonem intellexit Matthæum, quoniam regiam Christi prosapiam in exordio evangelii sui conscripsit ; per vitulum autem Lucam, quoniam sacerdotalem Christi originem scripsit, ut fertur, et Hilarius tangit ; per hominem Marcum, quoniam ceteris jam præfatis omissis, humanos Christi actus conscribit ; per aquilam vero omnes Joannem intelligunt, ob sensuum sui evangelii sublimitatem. Præterea, ut recitat Berengandus, quidam aliter moti, per leonem ut dictum est, Matthæum ; per vitulum vero, Marcum, propter eloquii simplicitatem ; et per hominem intellexerunt Lucam, quoniam humanam Christi generationem est plenius prosecutus : videlicet, quemadmodum angelo nuntiante conceptus sit, qualiter natus, in præsepio collocatus, circumcisis, in templo oblatum, in eodem, duodecim habens annos, inventus.

Aliqui demum per quatuor animalia ista, quatuor patriarchales Ecclesias intelligi volunt : Primam, videlicet Jerosolymitanam, per leonem, propter constantiam Apostolorum ac primitivæ illius Ecclesiæ ; secundam, scilicet Antiochenam, per vitulum, propter obedientiam qua primi illius Ecclesiæ filii parati fuerunt Apostolis obedire ; tertiam, utpote Alexandrinam, per hominem, quia in ea a principio fuerunt doctissimi viri ; quartam, puta Constantinopolitanam, per aquilam, quia in ea fuerunt viri per contemplationem elevati. Sed hoc Jerosolymitanæ Ecclesiæ multo sublimius competit, quando in ea fuerunt Apostoli, et primi Christi discipuli apostolicæ perfectionis viri, qui omnes in contemplationis gratia prorsus omnibus præfulserunt.

Finaliter, per quatuor animalia, quatuor Evangelistas hic designatos opinor, quamquam per ea etiam Christus et membra ejus, scilicet viri christiani, queant intelligi, sicut Gregorius eleganter edocuit. Fuit enim Christus homo in nativitate, vitulus in passione ac obedientia, leo in prædicatione ac resurrectione, aquila in contemplatione et ascensione. Sic et quilibet Christifidelis, homo est rationem sequendo; vitulus, carnem cum vitiis et concupiscentiis crucifigendo; leo, spiritualiter resurgendo, et hostibus suæ salutis fortiter ac magnanimiter reluctando; aquila, cœlestium contemplationibus insistendo, orationi, devotioni, laudi divinæ vacando.

8 *Et quatuor animalia, singula eorum habebant alas senas.* Alæ Sanctorum sunt virtutes, quibus in alta conscendunt. Quoniam ergo senarius numerus est perfectus, et per ipsum frequenter perfectio designatur, ideo quodlibet animal sex alas habere asseritur: quia in uniuscujusque Evangelistæ libro omnium virtutum perfectio edocetur, ac novæ legis doctrina perfectionaliter continetur. Rursus, sex alæ Sanctorum sunt lex naturæ, lex Moysis, doctrina prophetica, lex evangelica, apostolica documenta, et catholicorum patrum instructio seu generalium conciliorum statuta. His alis homines virtuosus per amorem et contemplationem ascendunt, et ad proximorum ædificationem descendunt. Volant quoque ad dexteram, gratias agendo in prosperis; item ad sinistram, per patientiam in adversis. Præterea Seraphim quæ Isaïæ apparuerunt, sex alas habebant. Hinc et animalia ista sex alis alata feruntur, quoniam per Evangelistarum doctrinam ad angelicam perfectionem beatitudinemque pertingitur. Iterum, per sex alas, sex species contemplationis (secundum quod quidam eas assignant) intelligi possunt. — Quæritur, cur hoc loco animalia sancta sex alas habere scribantur, quum apud alium Prophetam quatuor pennas habere commemorantur. Huic quæstioni respondere difficile arbitror, ni-

si quis contendat mysterium animalium horum Joanni evidentius atque sublimius revelatum fuisse, quam illi.

Et in circuitu, id est per totum corpus suum (sicut et Ezechiel vidit): unde alia translatio habet, Ante et retro; *et intus plena sunt oculis*, id est considerationibus sapientialibus et Scripturarum sententiis, Creatoris ac creaturarum notitiis: quia in omnibus circumspecte se habent, reverenter ad Deum, exemplariter ad proximum, discrete ad se ipsos; præterita recolunt, præsentia pensant, futura provident; et ipsi Evangelistæ non sibi dumtaxat, sed toti Ecclesiæ Christi providerunt. Nec fuit quidquam in congerie actionum eorum, quod oculo directionis careret. Quod et sapientibus et virtuosis competit, secundum quod ait Salvator: Si fuerit oculus tuus simplex, totum corpus tuum lucidum erit. Unde et nos in omnibus oculati esse debemus, nec aliquid sine prudenti consideratione peragere, prout Salomon loquitur: Palpebræ tuæ præcedant gressus tuos; et Apostolus, Sine præjudicio (id est prævio judicio) nihil facias; et in Ecclesiastico, Fili, sine consilio nihil facias, et post factum non poenitebis.

Et requiem non habebant. Sancti enim in hac vita variis tribulationibus exercentur, nec modo corporalem pausationem libenter admittunt, ut in futuro æternaliter conquiescant. Reprobi vero in hoc sæculo pacem suam carnalem et requiem quærunt, quibus æterna tribulatio imminet. Requiem quoque animalia non habebant, quoniam Evangelistæ, et universi qui eorum doctrinam sectantur, a Dei laudibus, orationibus ac bonis operibus non cessaverunt, neque desistunt. Oportet enim, Christo testante, semper orare, et non deficere, juxta Davidicam professionem: Benedicam Dominum in omni tempore, semper laus ejus in ore meo. Ideo subditur: *die ac nocte*, id est congruis horis dierum ac noctium, in prosperis et adversis, *clamantia**: Sanctus, Sanctus, Sanctus, Dominus Deus omnipotens, qui

Ezech. i,
18; x, 12.

Matth. vi,
22.

Prov., iv,
23.
1 Tim. v, 21.

Eccli.
xxxii, 24.

Luc. xviii, 1.

Ps. xxxiii,
2.

* *dicentia*

Galat. v,
24.

Is. vi, 2.

Ezech. i, 6.

erat ante omnia ab æterno, et qui est A invariabiliter in ipso æternitatis instanti atque momento, *et qui venturus est*, id est, æternaliter erit, et in iudicio suam æquitatem ac potestatem monstrabit, venturusque est omnium justissimus remunerator. Istud supra plenius fuit expositum. Huic autem cantico simile est et illud angelicum : Clamabant alter ad alterum : Sanctus, Sanctus, Sanctus, Dominus Deus exercituum. Itaque Ecclesia militans in laudibus Creatoris se triumphanti conformatur, tanquam ventura ad illam, et sine fine Deum cum ea feliciter laudatura. Porro, in eo quod ter, Sanctus, profertur, superbeatissimæ Trinitatis mysterium commendatur; unitas vero divinitatis, per id quod singulariter subditur, Dominus Deus omnipotens.

Est autem Deus gloriosus et summus essentialiter sanctus, tanquam in sui ipsius natura vere purissimus, supermundissimus, lux immensa, sapientia infinita, virtus fontana : a quo omnis sinceritas derivatur; in quem solum per naturam culpa cadere nequit, quum ipse sibi ipsi sit finis, et a nullo dependeat. Quo autem quis sanctior est, eo fœditatem peccati plus detestatur. Quum autem Deus adorandus ac benedictus sit sanctitatis omnifarie infinitæ, constat quod detestatione immensa abominatur turpitudinem culpæ. Si igitur ei placere, uniri, conformari optamus, deformitatem peccati tota mente odiamus, vitemus, purgemus. Non enim habitabit juxta eum malignus, nec permanent injusti ante oculos ejus. Adde, quod quantumcumque quis in sanctitate profecerit, si ad divinæ mentis sanctitatem se conferre contenderit, obscurum et maculatissimum se proclamabit.

Et quum darent illa quatuor animalia gloriam, et honorem, et benedictionem, id est, quatuor Evangelistis verbis et scriptis per mundum Christi mysteria et evangelicam legem disseminantibus, per quod glorificabant, honorabant, ac benedicebant, *sedenti super thronum*, id est Deo

præsidenti Ecclesiæ, et propria auctoritate omnibus dominanti, *viventi in sæcula sæculorum*, id est æternaliter, quum ipse sit per essentiam vivens et vita, totiusque vitæ superopulentum principium; *procidebant viginti quatuor seniores ante sedentem in throno*, id est, universi sacerdotes, prædicatores ac patres novi Testamenti Deo se profunde humiliarunt ac paruerunt, *et adorabant Viventem in sæcula sæculorum*, scilicet Deum verum, cui soli cultus latriæ est impendendus, non idolis. Quo datur intelligi, per Evangelistarum prædicationem idololatriam pro maxima parte destructam, secundum quod Propheta vaticinatus est, dicens : In die illa, dicit Dominus, disperdam nomina idolorum de terra. *Et mittebant coronas suas ante thronum*, id est, Deo altissimo humiliter gratissima mente adscripserunt quidquid sapientiæ ac virtutum, quidquid victoriæ de hostibus suæ salutis obtinuissent, non in se sed in Domino gloriantes, dicentes :

Dignus es, Domine Deus noster : omnium utique Deus per creationem et præsidentiam omnipotentem, in cujus ditione cuncta sunt posita; specialiter autem Deus noster, per singularia beneficia tua super nos, atque per nostram devotionem ad te; *accipere gloriam, et honorem, et virtutem*, id est, ut tibi a cunctis gloria, honor, omnisque virtus attribuat, seu impendatur, vel adscribatur, et omnia ad tuam gloriam ordinentur; non proprius, sed tuus semper honor quæretur; tu solus virtuosus, omnipotens, per te sufficiens, omnis quoque virtutis collator, ab omnibus prædiceris : sicut Psalmista ait, Non nobis, Domine, non nobis, sed nomini tuo da gloriam; et Apostolus, Soli Deo honor et gloria. *Quia tu creasti omnia*, qui solus es ens per essentiam, et alia universa sunt entia per participationem. Creavit autem Deus omnia, vel totaliter quantum ad id quod sunt, vel quoad primordiam materiam, vel quantum ad eorum primarias causas. *Et propter voluntatem tuam*

Apoc. 1, 4.

Is. vi, 3.

Ps. v, 6.

.)

10

Zach. xiii, 2.

Jer. ix, 23, 24.

11

Esther xiii, 9.

Ps. cxiii, 1, sec. Hebr.

1 Tim. i, 17.

erant, non antequam crearentur, sed quod ex eo instanti ex quo creata sunt, erant, et usque in præsens perseverant, tuæ est liberrimæ voluntatis : propter quam, seu ex qua, *et secundum quam, creata sunt* libere, non per modum naturalis emanationis, vel de necessitate naturæ, sicut radius procedit a sole ; imo potius eo modo quo dona procedunt a dante, et artificiata ab artifice. Propter quod dicit Apostolus : *Ephes. 1, 11.* Deus operatur omnia secundum consilium voluntatis suæ. Et de increata Sapientia *Sap. vii, 21, 23.* dicit quidam : Omnium est enim artifex, omnem habens virtutem.

Vel sic : *Propter voluntatem tuam erant*, id est, secundum voluntatem tuam per complacentiam fuerunt æternaliter, quantum ad esse ideale in increata tua arte ac dispositione seu prædestinatione, juxta il-

A lud : Quod factum est, in ipso vita erat ; *Joann. 1, 3, 4.* *et creata sunt*, de esse ideali procedendo ad esse propriæ speciei et exsistentiæ actualis, tunc et taliter, quando et qualiter tibi supergloriosissimo Creatori complacuit, quemadmodum vestis seu domus est in mente artificis antequam in opere fiat. Propter quod septimo Primæ philosophiæ Aristoteles ait, quod domus est a domo, et sanitas a sanitate : domus videlicet materialis et sanitas corporalis, a domo et sanitate quæ sunt in conceptu artificis per intelligibile esse. Itaque, quoniam omnia profluxerunt a Deo, omnia ad eum sunt referenda, ut unde exeunt flumina, revertantur. Et de omnibus atque in omnibus exhibenda sunt Deo honor, gloria et virtus, tanquam principio et fini absolute perfecto.

ARTICULUS VI

EXPOSITIO CAPITULI QUINTI : ET VIDI IN DEXTERA SEDENTIS SUPER THRNUM.

1 **E***T vidi in dextera sedentis super thronum, librum scriptum intus et foris, signatum sigillis septem.* Quidam hunc librum in aliquibus locis tot modis exponunt, ut expositionis multiplicitas confusionem, obscuritatem, atque fastidium parere videatur. Hinc planius procedendo, et quantum Deo agente potero, juxta litteram permanendo, id quod ordini litteræ magis convenire apparet, inducam. Jam autem satis præhabitu est, quod in isto volumine decursus ac status Ecclesiæ a tempore Christi vel Apostolorum usque in finem sæculi describatur.

Vidit ergo Joannes imaginaria visione in dextera sedentis super thronum, id est Dei omnipotentis toti Ecclesiæ præsentis, librum scriptum intus ac foris, et septem sigillis signatum. Sic namque in imaginaria visione apparebat Joanni, quod

C hujusmodi librum videret, quemadmodum etiam Ezechiel asserit : Vidi, inquit, *Ezech. ii, 9.* et ecce manus missa ad me, in qua erat involutus liber ; et expandit illum coram me, qui erat scriptus intus et foris. Quemadmodum ergo in visione Ezechielis per librum imaginaria representatione visum, scriptum, expositum et comestum, designatur eorum cognitio quæ Deus Ezechielis per angelum revelavit, quæ et in Ezechielis libro conscripta sunt ; ita hoc loco per librum Joanni ostensum, intelligitur notitia vel scientia eorum quæ Joanni de ipso Ecclesiæ statu fuerant revelanda : quæ et nunc in hoc Apocalypsis volumine sunt descripta. Qui liber intus et foris scriptus apparuit, scilicet ab utraque parte, vel in ambobus lateribus, ad innuendum quod valde multa mysteria contineret, et sensibus redundaret ; item,

quod quaedam obscura, et aliqua clara haberet; imo et aliqua de presenti militanti Ecclesia, et aliqua de futura vita nondum nobis patente, sed quasi intus scripta sive inclusa servaret. Porro quid septem designent sigilla, infra Deo implente dicetur. Nunc vero in tantum tangatur quod tot sigillorum signatio difficultatem, obscuritatem, pretiositatem sententiarum libri hujus significat.

2 *Et vidi angelum fortem, predicantem voce magna: Quis est dignus aperire librum, id est sententias hujus libri exponere, et solvere signacula ejus, id est causas difficultatis ejus amovere, ut quæ latent, pateant? Quidam hunc angelum dicunt fuisse Gabrielem, qui fortitudo Dei interpretatur. Potius tamen apparet quod fuerit angelus Joanni in Christi persona apparens, eumque de omnibus his informans, secundum quod superius dicebatur. Denique angelus iste tam tubaliter inquisivit quis librum hunc aperiret, quatenus mentem Joannis ad horum advertentiam provocaret, atque sciendi hæc desiderio inflammaret. Non enim ex ignorantia interrogavit. Clamavit quoque voce tam grandi, ad insinuandum quod magna prorsus existerent quæ erant scripta atque pandenda.*

3 *Et nemo poterat in cælo, id est nullus angelorum, neque in terra, id est nullus viatorum, neque sub terra, id est nullus eorum qui sub terra sunt, scilicet mortuorum, vel dæmonum, ut quidam exponunt: quod tamen improprie (ut arbitror) sonat. Idcirco per eos qui sub terra sunt, potius designari videntur defuncti salvandi qui in locis purgatoriis sunt, vel angeli boni qui ad eorum consolationem descendunt. Aperire librum, id est horum scientiam elucidare, neque respicere illum, id est secreta ejus comprehendere aut rimari.*

Quidam per librum istum, utriusque Testamenti Scripturam intelligunt; per angelum vero fortem, patres veteris Testamenti. Sed hanc Scripturam sancti angeli intelligunt, aperireque possunt; Prophetæ

A quoque ea quæ de Christo prædixerunt, ejusque mysteria sibi ostensa, intellexerunt, quum intelligentia sit opus in visione. Insuper sanctus iste Joannes, quando in die Pentecostes Spiritum Sanctum suscepit, utriusque Testamenti Scripturas atque mysteria eminenter cognovit. Hinc per librum istum, potius arbitror designari horum secretorum notitiam secundum quod est in mente divina, cujus scientiam incomprehensibilem esse constat; vel certe hanc ipsam notitiam secundum quod Christo homini fuit revelata atque infusa, quia in tanta plenitudine nulli alteri communicatur. Sicque liber iste visus est in dextera Dei, ad innuendum quod in pia ac gratiosa Dei virtute consistat, cui et quantum velit aliis hæc secreta manifestare.

Et ego flebam multum, quoniam nemo, id est nullus præfatorum, dignus inventus est aperire librum, nec videre illum: secundum sensum prædictum. Potuit tamen aliquo modo videri, quum Joannes dicat se eum vidisse. Sed scientiam increatam, vel animæ Christi infusam, nullus horum potuit penetrare. In quibus utique verbis pandit Joannes, quanto fervore optavit horum notitiam, ac futurum Ecclesiæ decursum et statum agnoscere, ita quod vere cum Daniele et plus quam Daniel, vir desideriorum possit vocari.

Et unus de senioribus dixit mihi, me consolando. Nempe tam sancto dolori ac fletui consolatio debebatur, quia post fletum virtutis Deus consolationem infundit, docente Christo: Beati qui lugent, quoniam ipsi consolabuntur. Ne fleveris tam amare; ecce vicit leo de tribu Juda, id est Christus: qui dictus est leo propter fortitudinem, regiam dignitatem ac imperterritum animum; ortusque est de semine Juda per David; qui moriendo mortem destruxit, atque in resurrectione victor apparuit. Hic vicit diabolum, ejus vasa diripiendo, ejusque potentiam debilitando. Unde passioni jam proximus, dixit: Nunc princeps hujus mundi ejicietur foras; et

In Apoc. iii, 1.

Dan. x, 1.

Act. ii, 1-4.

4

Dan. ix, 23; x, 11, 19.

5

Tob. iii, 22.

Matth. v, 5.

Ibid. i, 3, 6, 16.

Ibid. xii 29.

Joann. xii, 31, 32.

ego si exaltatus fuero a terra, omnia traham ad me ipsum. Insuper spoliavit infernum, captivam duxit captivitatem, et per patientiam omnia superavit adversa. *Radix David* : quia de radice ipsius David, secundum assumptam naturam, descendit, sicut prophetatum fuerat : Egredietur virga de radice Jesse. Christus quoque secundum suam divinitatem, fuit origo, radix ac fundamentum David et omnium. Rursus, Christus est radix David, id est radix ad David secundum carnis propaginem pertinens. De qua radice fideles quasi B virgulta nascuntur ; imo et ipsa Ecclesia tanquam oliva, arbor ac vinea fructuosa, est nata. *Aperire librum, et solvere septem signacula ejus*, id est, Christus, quoniam victor surrexit, potens est tibi libri hujus mysteria revelare, et quidquid scire cupis ostendere, ita quod increata Dei cognitio futurorum ac secretorum, per ipsum tibi secundum tuam capacitatem nunc patefiet. Christo quippe etiam secundum formam assumptam, competit omnem mentem creatam purgare, illuminare, perficere C ex plenitudine sibi collata.

Notandum, quod per unum seniorum qui Joanni ista locutus est, quidam Matthæum apostolum, quidam Petrum archi- apostolum putant expressum, qui tempore hujus revelationis jam sub Nerone per martyrium migravit ad Dominum. Probabilius autem loqui videntur, qui omnia ista per eundem angelum Joanni revelata affirmant, qui tamen in vi imaginativa Joannis, diversarum personarum formavit effigiem. Sicque in illorum persona sermo dirigebatur interno affatu ad hunc Sanctum.

6 Consequenter prosequitur quomodo Christus aperuerit librum. *Et vidi : et ecce in medio throni et quatuor animalium et seniorum*, id est in medio militantis Ecclesiae, quæ sedes est Christi, ad quam Evangelistæ ac ceteri pertinent Sancti : nam et secundum Berengandum, per thronum et quatuor animalia ac seniores, una Ecclesia cum cunctis suis ordinibus designatur ;

A *stantem Agnum*, scilicet Christum : de quo ait præcursor Baptista, Ecce Agnus Dei ; et de quo item Jeremias, Ego quasi agnus mansuetus qui portatur ad victimam. Agnus namque propter innocentiam, mansuetudinem, obedientiam, et immolationem vocatur. De quo et Isaias prædixit : Sicut ovis ad occisionem ducetur, et quasi agnus coram tondente se obmutescet. Christus itaque in medio Ecclesiæ visus est a Joanne. Nam et hoc spondit : Ecce, in- quiens, ego vobiscum sum omnibus die- bus. Præterea Christus dicitur in medio fidelium ambulare, in quantum dona sua eis distribuit ; et in throno sedere, ut omnium princeps ac iudex : nunc vero dicitur stare, quasi paratus juvare certantes. *Tanquam occisum* : quia revera ante fuit occisus, et nunc quasi occisus apparuit cum cicatricibus vulnerum, quum indubitanter ad immortalem resurrexerit vitam.

Habentem cornua septem, id est omnium regum atque regnorum potestates, juxta illud : Omnes populi, tribus et linguæ servient ei ; potestas ejus, potestas æterna, quæ non auferetur, et regnum ejus quod non corrumpetur. Item in Psalmo : Adorabunt eum omnes reges terræ, omnes gentes servient ei. Berengandus, per septem cornua, omnes electos intelligit, qui regnum Dei vocantur, et per septem mundi ætates distinguuntur. *Et oculos septem, qui sunt septem spiritus Dei*. Itaque oculi isti sunt septem dona Spiritus Sancti, quæ spiritus, id est spirituales influxus, appellantur. *Missi in omnem terram*, id est per totam Ecclesiam fidelium animabus infusi. Istis donis plena est anima Christi. De quibus sermo propheticus loquitur : Super lapidem unum oculi septem sunt. — Sed quia per oculum intellectus exprimitur, possunt per septem oculos universæ angelicæ mentes, quæ propter cognitionis eminentiam oculi nominantur, intelligi : quæ ad Ecclesiam custodiendam ac gubernandam mittuntur, sicut Apostolus adstruit : Nonne omnes administratorii spi- ritus sunt, in ministerium missi propter

Ps. LXVII,
19; Ephes.
IV, 8.

Is. XI, 1.

Joann 1,29.

Jer. XI, 19.

Is. I, III, 7.

Matth.
XXVIII, 20.

Dan. VII, 14.

Ps. LXXI, 11.

Zach. III, 9.

Hebr. I, 14.

eos qui hereditatem capiunt salutis? Qui omnes sunt in manu Christi, sicut oculi servorum in manibus dominorum suorum.

7 *Et venit, et accepit de dextera sedentis in throno librum.* Sic nempe in imaginaria visione apparebat Joanni, quod Christus homo ad Patrem in throno sedentem accedens, librum præfatum de dextera ejus acciperet. Simile et in Daniele scriptum est: Adspiciebam in visione noctis; et ecce quasi Filius hominis veniebat, et ad Antiquum dierum pervenit. Per hoc igitur quod vidit Joannes, figurabatur quod Christus ut homo, a Patre, imo a tota superfelici Trinitate, omnem suam scientiam efficaciamque aperiendi librum sortitus sit: non tunc quando Joannes hæc vidit, sed a primo incarnationis momento. Sed nunc ista monstrantur illi, ut videat se per Christum mediante angelo edocendum.

8 *Et quum aperuisset librum, divina secreta ac statum Ecclesiæ ac Scripturarum mysteria reserando, quatuor animalia, et viginti quatuor seniores, id est primi doctores ac prælati et sacerdotes Ecclesiæ,* prout in præcedentibus plenius dictum est, *ceciderunt coram Agno,* ei humiliter gratias de tantæ illuminationis beneficio referentes. Quum enim fideles in Asia, deinde et ceteri, revelationem hoc libro contentam a Christo per angelum et Joannem suscepissent, in Domino sunt gavis. *Habentes singuli citharas et phialas aureas.* Per citharam, carnis mortificatio, quæ in auribus Dei bene sonantem facit harmoniam, exprimitur. Porro, per phialas aureas, quæ latæ ac lucidæ sunt, mentes devotæ per caritatem dilatatæ, per sapientiam clarificatæ, signantur. *Plenas odoramentorum, quæ sunt orationes Sanctorum.* Exponit hoc loco se ipsum, ut per hoc in aliis ad expositionem mysticam manuducamur. Hæc itaque odoramenta, sunt spiritualia, puta orationes Sanctorum istorum, quas pro se ipsis ac aliis fundunt, et sicut incensum coram Deo ascendant, eique suaviter redolent, et per eas bonus odor Christi Deo efficimur, multo

amplius quam per sacrificia legis, quorum odorem Deus toties legitur odoratus: quod non est aliud nisi quod ea propter devotionem offerentium acceptavit.

Gen. viii, 24; Exod. xxix, 25; Lev. i, 9; etc.

Et cantabant canticum novum, id est ad evangelicam pertinens legem, et de humani generis innovatione tractans, novæ gesta continens, dicentes: Dignus es, Domine Deus, Jesu Christe, qui in una persona est verus Deus verusque homo, accipere librum et solvere signacula ejus, id est præfata mysteria fidelibus elucidare, quoniam occisus es, et redemisti nos Deo, id est ad gloriam Dei, qui unus ac trinus est, in sanguine tuo, id est pretiosi tui sanguinis effusione. Ex quo sequi videtur quod Christus sua passione libri hujus acceptionem meruit ac revelationem: quem tamen, ut dictum est, ab incarnationis exordio sumpsit ac novit.

Itaque advertendum, quod secundum Damascenum, humanitati Christi ratione suæ hypostaticæ unionis cum Verbo, data est et competit ab incarnationis instanti plenitudo gratiæ ac sapientiæ, potestas quoque atque prælatio super omnem creaturam: ita quod quidquid Deus scit scientia visionis, quæ est de existentibus secundum quaecumque differentiam temporis, scit etiam anima Christi a primo suæ creationis momento. Nihilo minus corporis sui glorificationem, exaltationem, judiciariam dignitatem, dicitur sua passione ac humiliatione promeruisse, quamvis hæc ratione præfatæ unionis ei competere. Unde quod nunc dicitur Agnus dignus accipere librum et solvere ejus signacula quia occisus est, intelligendum est quantum ad manifestationem hujus acceptionis: sicut et Agnus ipse Christus Dominus est post passionem contestatus, Data est mihi omnis potestas in cælo et in terra: quia tunc cœpit potestas hæc manifestari. Verumtamen aliqui dicunt, quod solutionem signaculorum libri, videlicet revelationem mysteriorum ejus, Christus sua passione promeruit, sicut et corporis sui glorificationem.

Coloss. i, 19.

Philipp. ii, 8 et seq.

Matth. xxviii, 18.

In Apoc. iv, 4.

II Cor. ii, 15.

Itaque, Redemisti nos *ex omni tribu et lingua, et populo et natione*. Hoc dupliciter exponitur : Primo, quod ipsa Ecclesia ex omnibus istis constet sive collecta sit, *Ps. xxi, 28.* juxta illud : Remiscentur et convertentur ad Dominum universi fines terræ. Secundo, quod fideles, præsertim electi, ex omni tribu, lingua et populo ita redempti sunt Deo, quod alii multi ejusdem populi, linguæ ac tribus, relictæ et reprobi sunt : secundum quod Lucas ait, Crediderunt quotquot præordinati erant ad vitam. *Act. xiii, 48.* *Et fecisti nos Deo nostro regnum et sacerdotes.* Hoc ipsum supra scriptum est atque expositum. *Et regnabimus super terram,* id est, corpori nostro dominabimur, ejus carnalitatem ac passiones frenando : juxta quod ait Salvator, Beati mites, quoniam ipsi possidebunt terram. Denique Christo servire, regnare est, et ingenuitas summa, quemadmodum beatissima protestata est Agatha. Quid enim est Christo servire, nisi diabolo, mundo, carni ac propriæ voluntati victorialiter dominari? Quemadmodum namque vitiosi sunt servi diaboli, sic virtuosus est domini ejus. Vel, quia non dicunt, Regnabimus in terra, sed, Super terram : exponi potest quod dicitur, Super terram, id est in cælo. Sed et cælum, terra viventium appellatur. Imo, quum sint verba quatuor animalium et seniorum, per quos prælati, doctores et sacerdotes intelliguntur, exponi potest de præsentia qua isti inferiores gubernant.

Præterea, quoniam angeli sancti humanum genus, tanquam sibi in intellectuali perfectione simile, diligunt, ejusque salutem desiderant; et quoniam per hominum salvationem, eorum instauratur ruina, præmium quoque et gaudium accidentale augetur : idcirco salvationi hominum congratulati sunt, sicut subjungitur. *Et vidi,* id est, spiritualiter intuitus sum, *et audiavi* interiori auditu, *vocem angelorum multorum in circuitu throni et animalium et seniorum,* id est per gyrum totius Ecclesiæ : quam angeli sancti circumeunt,

et custodiunt, protegunt, sicut et dæmones eandem circumeunt ad devorandum. *1 Petr. v, 8.*

Et erat numerus eorum millia millium, id est pene innumerabilia millia. Siquidem per hunc maximum numerum innumerabilis eorum multitudo exprimitur : quæ etsi Deo sit certa, viatoribus tamen innumerabilis exstat. Hinc vox illa admirantis : Numquid est numerus militum ejus? Hic autem, secundum Berengandum et alios, fit sermo de angelis ad hominum custodiam destinatis, qui de inferioribus consistunt ordinibus : nisi quis dicat, omnium cœlestium ordinum spiritus ad externum mitti obsequium : quod S. Dionysio non concordat. — Si ergo tantus est numerus angelorum Ecclesiam custodientium, quantus est numerus universorum, præsertim quum juxta divinum Dionysium, quanto in cœlestibus hierarchiis chorus seu ordo est altior, tanto plures in se angelicos continet spiritus? Hinc asserit S. Thomas, quod sicut cœlestia corpora excedunt inferiora quasi incomparabiliter in magnitudine, ita angelici spiritus in multitudine. Propter quod ait Daniel : *Millia millium ministrabant ei, et decies milles centena millia adsistebant ei.* *Dan. vii, 10.*

Voce magna, id est jucundissima et vehementer affectuosa, *dicentium : Dignus est Agnus qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem :* id est, rationabile est, justum et opportunum, ut omnia ista Christo ascribantur, convenire seu inesse dicantur, eique competere manifestentur. Accipit ergo ista a nobis, quando laudamus et confitemur ei ista inesse seu convenire. Ipse quippe est virtus et sapientia Patris, Unigenitus Dei, et verus Deus. Fortitudo quoque creata ei maxima est collata secundum quod homo. Benedicimus autem Christo benedictione laudis, et benedicit nobis benedictione consecrationis seu sanctificationis, munera gratiæ infundendo. De qua benedictione ait Apostolus : Sine ulla contradictione, quod minus est, a majore be-

13 *nedicitur. Et omnem creaturam quæ in A* *celo est, id est, universos Sanctos dignus est possidere et subjectos habere, etiam secundum naturam assumptam, et quæ super terram, et quæ sub terra, id est homines viatores et damnatos, imo et cuncta creata, et quæ sunt in mari, et quæ sunt in aere, id est pisces et aves. Unde ad Christum maxime pertinet illud Davidicum : Omnia subiecisti sub pedibus ejus, oves et boves universas, insuper et pecora campi, volucres cœli et pisces maris. Hinc alius Propheta testatur, quod Antiquus* *Dan. vii, 13, 14.* *dierum, videlicet Pater æternus, dedit Christo potestatem, honorem et regnum.*

Omnes, id est angelos universos et militantis Ecclesiæ seniores ac filios, audivi dicentes sedenti in throno, id est Deo excelso uni ac trino, et Agno, id est Christo secundum naturam assumptam : Benedictio laudis et gratiarum actionis, et honor latriæ, seu hyperdulæ quantum ad Christi humanitatem, et gloria, et potestas in sæcula sæculorum. Hæc competunt Deo, et hæc ei ab omnibus adscribi optare, et ejus *C* *perfectioni ac beatitudini congaudere debemus.*

14 *Et quatuor animalia dicebant, Amen, divina præconia confirmando, et de laude ac excellentia Dei cordialissime exultando. Quod et Evangelistis præcipue com-*

petit. Et viginti quatuor seniores ceciderunt in facies suas, Deo omnipotenti mente et corpore se humiliter prosternendo : quod et quotidie agunt electi fideles ; et adorabant Viventem in sæcula sæculorum, scilicet Deum, qui essentialiter vita est : in quo idem sunt vivens, vita et vivere. Cujus vita tantæ est eminentiæ, ut ejus respectu nullum aliorum vivens dicatur, quia ab illius vitæ puritate, felicitate ac plenitudine, distat in infinitum. Juxta quem modum solus Deus dicitur bonus, solus ens, solusque sapiens. Ab hoc Vivente primo, fontano, purissimo, cujus vita in se ipsa mundissima est, nobilissima, deliciosissima, invariabilis, infinitis divitiis plena, profluit omnis vita : vita vegetativa, vita sensitiva, vita secundum locum motiva, et intellectiva ; vita naturæ, vita gratiæ, vita gloriæ.

Denique ex prædictis patet consensus militantis ac triumphantis Ecclesiæ in laudibus Dei, et quantum omnes Sancti regratiati sunt Christo pro beneficiis ejus, præsertim quod suo nos sanguine liberavit. Hinc ergo et nos debemus Deum indesinenter, cordialiter, concorditerque laudare, beneficia Christi, potissimum ejus salutiferam passionem, incessabiliter menti nostræ proponere, gratias agere, imitari ac obedire.

ARTICULUS VII

EXPLANATIO CAPITULI SEXTI : ET VIDI QUOD APERUISSET AGNUS UNUM DE SEPTEM SIGILLIS.

Apoc. v, 1.

PRECEDENTI capitulo dictum est, librum in dextera Dei visum fuisse, septem sigillis signatum ; nunc de reseratione sigillorum istorum, et quid cujuslibet sigilli apertionem secutum sit, edocetur.

1 *Et vidi quod aperuisset Agnus unum de septem sigillis, id est primum sigillum quo clausus fuit liber hic. — Nunc incum-*

D *bit ostendere quid ista sigilla designent. Qui ergo per librum intelligunt totam utriusque Testamenti Scripturam, per ista sigilla intelligunt involutiones seu obscuritates quibus Christi atque Ecclesiæ mysteria in Scripturis velantur. Sed quia probabilius visum est, ut per librum istum intelligatur increata scientia Dei, qua Deus*

Ecclesiæ decursum et statum prænoscit; A consequenter per septem sigilla, intelligendæ sunt occultationes quibus Deus scientiam istam ab oculis omnis viatoris abscondit. Et hæ occultationes in re aliud non sunt nisi ipsemet Deus, secretum suum abscondens ac pandens pro libito suo. Porro sigillorum apertio, est divinæ hujus scientiæ manifestatio. — Vidit ergo Joannes imaginaria visione, quod Christus librum in dextera Patris seu Dei trini ac simplicis apparentem, in manum accepit, primumque ejus sigillum aperuit. Ita, inquam, apparebat Joanni in visione præfata. Per quod intellectualiter designabatur, quod Christus præscientiam Dei de statu Ecclesiæ cœpit Joanni per angelum communicare, revelare seu aperire.

Et audiivi interiori auditu, unum de quatuor animalibus dicens tanquam vocem tonitruï, id est tubaliter, auctoritative, ac terribiliter loquens : *Veni, et vide.* Quum per quatuor animalia quatuor Evangelistæ signentur, per animal unum seu primum quidam intelligunt Marcum, qui per leonem signatur. Leo autem in ordine quatuor animalium primo exprimitur. Quidam autem per animal primum, intelligunt apostolum Jacobum Minorem, alii evangelistam Matthæum. — Insuper, aliqui asserunt quod Sancti per quatuor animalia significati, qui in isto capitulo scribuntur affari Joannem, fuerunt tempore hujus revelationis defuncti, et quod animæ eorum in visione apparuerunt Joanni, alloquentes eundem. Aliis magis apparet quod non ipsi veraciter apparuerunt, sed D aliqua effigies eos repræsentans, angelico ministerio in vi imaginativa S. Joannis formata, sicque angelus in eorum persona ipsum affatus est. Et juxta hanc viam, non oportet eos fuisse defunctos qui hic cum Joanne loqui scribuntur. Nam infra, quartum animal, scilicet aquila, Joannem designans, inducitur ipsum affari : similiter animal secundum, scilicet Lucas, qui post hanc revelationem multis vixit diebus. Cur ergo animalia ista scribuntur allocuta Jo-

annem, vel angelus in persona eorum, nisi propter congruentiam quamdam, ad denotandum quod tota Ecclesia (eujus vicem gerit, typum servat, personamque repræsentat Joannes) a quatuor Evangelistis informationem sortitur?

Itaque primum animal dixit : *Veni spirituali appropinquatione, desiderando et advertendo divina, et vide,* id est, intellige ea. Juxta quem modum ait Psalmista : *Ps. xxxiii, 6. Accedite ad eum, et illuminamini.*

Et vidi : et ecce equus albus, et qui se- 2
debat super illum, habebat arcum. Sic imaginariæ apparebat Joanni. Cujus rei intelligentiam seu significatum ipse angelo instruyente cognovit, sed non expressit : ideo obscuritatem induxit, expositoribusque laborem reliquit. Beda et eum sequentes, per equum album intelligunt primitivam Ecclesiam, in Baptismo lotam, et super nivem dealbatam, vesteque innocentiae decoratam. Alii per equum album accipiunt cœtum seu chorum Apostolorum. Sed hoc cum priori expositione satis concordat, quia primitivæ Ecclesiæ dignissima portio fuerunt Apostoli. Porro nonnulli per equum album intelligunt cœtum primorum prædicatorum sive doctorum. Et hoc rursus redit in idem. Hi enim fuerunt Apostoli. — Hic itaque Apostolorum seu primitivæ Ecclesiæ chorus, dicitur equus, quoniam velox et agilis in prædicando, fortis in operando seu aspera sustinendo, audax in testificando; albus vero, per sanctitatis candorem. Sessor autem hujus equi, est Christus, qui in illorum cordibus tanquam magister, director et ductor jugiter præsidebat. Qui habebat arcum in manu sua, id est sacram Scripturam, et prædicationis idoneitatem in propria potestate. Congrue quoque Scriptura dicitur arcus, quia ex ea procedunt veritatis eloquia, virtutumque documenta, ut tela contra invisibiles atque visibiles hostes Ecclesiæ, et contra aciem vitiorum : de quibus telis scriptum est, *Mittam ex* Is. lxvi, 19.
eis qui salvati fuerint, ad insulas longe, tenentes sagittam.

Et data est ei, videlicet Christo secundum quod homo est, a Deo seu a tota Trinitate, *corona*, id est dignitas regia, potestas dominativa, beatitudo completa. Hæc quantum ad rem data sunt ei in incarnatione; quantum vero ad manifestationem, in resurrectione et ascensione. Hinc testatur

Hebr. II, 9. Apostolus : Videmus Jesum propter passionem mortis, gloria et honore coronatum. Potest quoque per coronam intelligi fidelium multitudo, quæ eum velut corona circumdedit, ornavit, ipsi etiam tanquam capiti suo adhæsit. Hinc ait Isaias : Eris

Is. LXII, 4. corona gloriæ in manu Domini, et diadema regni in manu Dei tui. Denique, data est ei a Satanæ synagoga spinea corona, quam patienter ferendo, promeruit totius accidentaliter mercedis coronam. Quidam per coronam intelligunt Christi carnem. Nam sicut coronam bajulat caput, et corona vestit caput, sic divinitas Verbi portat Christi carnem, et caro Christi vestivit divinitatem. Et de hac corona intelligi potest illud Canticorum : Egredimini, filiæ Sion, et videte regem Salomonem in diademate quo coronavit eum mater sua.

Cant. III, 11.

Et exivit de medio Jerusalem seu primitivæ Ecclesiæ, quando post passionem et Spiritus Sancti missionem, Apostolos misit per mundum, sicque per potestatis suæ operationem exivit cum eis. Item exivit a Patre, et venit in mundum. Exivit itaque *vincens* diabolum sua profundissima humilitate, mundum sua paupertate, carnem sua castimonia, *ut vinceret* : nam adversarios suos suæ potestati subiecit, quosdam convertendo ad fidem et obedientiam, alios deserendo et adjiciendo damnationi per propriæ æquitatis sententiam. Propter quod ait Propheta : Sagittæ tuæ acutæ, populi sub te cadent, in corda inimicorum regis; et item, Dominare in medio inimicorum tuorum.

Marc. XVI, 15.

Joann. XVI, 28.

Ps. XLIV, 6.

Ps. CIX, 2.

3 *Et quum aperuisset sigillum secundum*, id est, divinæ præscientiæ secretum de futuro statu Ecclesiæ copiosius mihi Joanni elucidasset, *audivi secundum animal dicens : Veni, et vide.* Secundum animal,

A secundum ordinem quatuor animalium supra inductum, est vitulus, per quem designatus est Lucas. Qui quomodo intelligendus sit affari Joannem, jam tetigi. *Apo. IV, 7.*

Et exivit alius equus rufus, et qui sedebat super eum, datum est illi ut sumeret pacem de terra. In isto capitulo ponit S. Joannes apparuisse sibi quatuor equos: quorum primus fuit albus, secundus rufus, tertius niger, quartus pallidus: ad quos pertinent prima quatuor sigilla libri. Unde in cujuslibet sigillorum istorum

vers. 1.

4

B apertione videtur egredi equus. Per quod datur intelligi, quod mox quum Joannes in visione imaginaria cernebat ab Agno aliquod horum sigillorum aperiri seu solvi, intuitus est equum imaginarie egredi. Per quod ei imaginaria visione præsentabatur, et simul intellectuali revelatione pandebatur, quid in statu Ecclesiæ esset venturum, seu inchoatum, pleniusque implendum. — Itaque, secundum Bedam et Albertum, sequentes in hoc Augustinum, in primi sigilli apertione per equum album ostenditur status primitivæ Ecclesiæ; in tribus autem sigillis sequentibus, triforme bellum contra Ecclesiam: ita quod in apertione secundi sigilli, per equum rufum ostenditur status Ecclesiæ tempore persecutorum ac martyrum; in apertione vero tertii sigilli, per equum nigrum, status Ecclesiæ tempore hæresiarcharum; in apertione autem quarti sigilli, per equum pallidum, status Ecclesiæ tempore hypocritarum, falsorumque fratrum. Porro in quinto sigillo ostenditur gloria triumphantium in hoc bello; in sexto autem sigillo, ea quæ fient in persecutione tempore Antichristi; in septimo, quietis æternæ initium.

Alii vero aliam considerationem assument, putantes omnia ista quæ in quinque sigillorum apertionibus visa sunt, ad imperatores Romanos Ecclesiæ persecutores debere referri: ita ut per equum rufum et ejus sessorem, intelligatur populus Romanus et Nero imperator ei præsidens: qui propter sanguinem fidelium quem fu-

derunt, per equum rufum ejusque sessorem, signantur. Insuper, per equum nigrum et ejus sessorem, intelligunt populum Romanum et Titum imperatorem : qui nigro equo signati sunt, quoniam Judæos ad tantam calamitatem duxerunt, quod fame fuerant denigrati. Per equum pallidum et ejus sessorem, accipiunt populum Romanum et Domitianum imperatorem. Per apertionem quinti sigilli, dicunt manifestatum statum ac persecutionem Ecclesiæ a Trajano ; per apertionem sexti sigilli, persecutionem Ecclesiæ sub Diocletiano. Septimi vero apertionem sigilli referunt ad tempus hæreticorum.

Verum, contra hoc multa possent induci : Primum, quod isti expositores nituntur revelationes S. Joannis exponere secundum processum ac ordinem temporis, ut quæ primo sunt scripta, prius credantur impleta, nec eadem sæpius iterentur. Hoc autem omnino incertum est, præsertim quum liber iste propheticus sit, et instar prophetalium procedat voluminum, in quibus temporis ordo non observatur sicut in historialibus libris, et in quibus etiam sæpe eadem tractantur, sicut in Isaia, Jeremia, Ezechiele clarissimum est videre. Quoties nempe de Sennacherib regis Assyriorum dejectione Isaias prophetat ? Quoties Jeremias atque Ezechiel de vastatione Jerusalem per Chaldæos vaticinantur ? — Præterea, qua ratione per equum rufum et ejus sessorem populus Romanus ac Nero signantur, alii quoque imperatores præfati significari dicerentur. Omnes enim in effusione sanguinis christiani, rufi ac cruenti fuerunt, maxime Diocletianus. At vero quod dicunt de Tito, non videtur ad propositum pertinere. Titus enim non fuit Ecclesiæ persecutor, sed infidelium Judæorum ; et antequam obsedit Jerusalem ac Judæam, Christiani qui morabantur ibidem, ex angelica admonitione inde egressi fuerunt, et regnum Agrippæ (qui fuit confœderatus Romanis) inhabitaverunt, quemadmodum vir disertissimus Eusebius testatur. Præterea ex præhabitis innotescit,

A ea potissime in horum sigillorum apertura Joanni ostensa, quæ ante latebant vel futura erant. Titus autem ante hanc revelationem vastavit Judæos et obiit. Nam Domitianus frater ejus imperavit post eum. — Postremo, his quæ hoc loco scribit Joannes de quatuor equis, similia pro magna parte sunt quæ apud Zachariam leguntur. Scribit enim ibidem ille, quemadmodum viderit quatuor quadrigas egredientes, in quarum prima fuerunt equi rubei, in secunda equi nigri, in tertia albi, in quarta equi varii et fortes. Et secundum Hieronymum et alios doctores, ibidem per quatuor quadrigas et earum equos, in colore quadriformiter variatos, intelliguntur quatuor regna et reges eorum : sic tamen ut per eosdem equos, plures reges ejusdem regni signentur. Idcirco et hoc loco probabile est, omnes Romani imperatores cruentos Ecclesiæ persecutores, ejusdem scilicet regni reges aut imperii, per equum rufum significari.

Itaque Augustinum, Bedam, Albertum sequendo, aperto secundo sigillo, exivit alius equus rufus. Sic apparebat Joanni in imaginaria visione. Et est sensus, quod per illum equum ac ejus sessorem, sibi tunc revelabatur status Ecclesiæ tempore persecutorum, qui a tempore Neronis cœperunt Ecclesiam generaliter persequi. Unde per equum rufum exprimitur multitudo ministrorum principum persecutorum : per ejus sessorem, intelligitur multitudo dominorum illorum crudelium qui per martyrum occisionem sanguinarij exstiterunt. Huic multitudini principanti data est potestas qua abutitur in persecutione justorum, sicut et Christus dixit Pilato : Non haberes adversum me potestatem ullam, nisi tibi desuper datum esset.

Datum itaque seu permissum est ei sumere pacem de terra, id est fideles in terra peregrinantes terrere, turbare, inquietare, occidere, secundum quod Christus prædixit : Trademini a parentibus et fratribus et cognatis et amicis, et eritis

*Zach. vi, 4
et seq.*

*Joann. xix,
11.*

*Luc. xxi, 16,
17.*

odio omnibus hominibus propter me. Hoc a tempore Neronis usque ad Constantini conversionem duravit. Abstulit ergo electis pacem temporis et exteriorem quietem, non pacem pectoris aut æternitatis. *Et ut se invicem interficiant.* Fideles enim, ut dictum est, ab infidelibus, etiam valde propinquis, familiaribus et amicis, occidebantur : quod in Sanctorum legendis et chronicis satis describitur. Propter

Matth. x,
21.

quod præmonuit Christus : Tradet autem frater fratrem in mortem. *Et datus est illi gladius magnus,* id est grandis potestas occidendi fideles. Romanis enim imperatoribus persequentibus Christianos data desuper fuit monarchia, sed abusi sunt ea, et sibi subditos ac faventes spiritualiter peremerunt, ad tot scelera ac sacrilegia eos trahendo.

5

Et quum aperuisset sigillum tertium, id est, ulteriorem, majorem et extensio-rem futurorum notitiam mihi revelare cœpisset, librum increatæ scientiæ mihi plenius exponendo seu aperiendo, *audivi tertium animal dicens : Veni, et vide.* Tertium animal habens faciem quasi hominis, Matthæum significat. Cujus anima vel effigies, seu angelus in ejus persona, dixit Joanni : Veni, et vide.

Et ecce equus niger, id est hæreticorum caterva vitiis denigrata, atque a lumine veritatis maxime aliena, dæmonibus cœquata; *et qui sedebat super eum,* videlicet hæresiarcharum, qui errorum inventores errantiumque rectores fuerunt, caterva seu multitudo, ut Arius, Manichæus, Photinus, *habebat stateram in manu sua.* Per stateram, quam hæreticorum doctores in manu, operatione seu usu habent, intelligi potest simulata illa justitia qua se alios posse ponderare, eorumque opera mensurare præsumunt. Unde Salvator :

Ibid. vii, 15.

Attendite, inquit, vobis a falsis prophetis, qui veniunt ad vos in vestimentis ovium. Rursus, statera est sacra Scriptura, qua cognoscitur quanti ponderis sit spiritus, quemadmodum per stateram perpenditur quanti ponderis sit corpus. Hanc hæretici

pro se allegant, dolose proponunt, false exponunt, doctores se jactant, secundum eam se vivere asserunt. Denique, ut hi qui volunt aliquid emere, in statera ponderant illud, sitne dignum pretio, an non; ita hæresiarchæ eos quos sibi acquirere atque decipere intendunt, prius per considerationem acutam ponderant, an graves sint an leves, docti vel simplices, virtuosus an ad ruinam proclives.

Et audivi tanquam vocem in medio quatuor animalium, id est angeli exstentis inter hæc animalia, ita quod vox ista de throno seu Ecclesia sonat : *Bilibris tritici denario uno, et tres bilibres hordei denario uno, et vinum et oleum ne læseris.* Bilibris est mensura seu vas continens duas libras : per quam hoc loco signatur ecclesiastica congregatio, utriusque Testamenti doctrinis imbuta, gemina caritate fundata, duobus ex populis adunata. Porro per triticeum, quod est optimum granum, prælati perfecti ac prædicatores expressi sunt, quorum est alios spiritualiter ac saporose reficere. Itaque bilibris tritici, est collectio eminentium personarum Ecclesiæ. Hæc emptæ est denario uno, scilicet pretio sanguinis Christi, sicut ait Apostolus : Empti estis pretio magno. Vel, denarius est vita seu merces beata in patria, quæ in Evangelio per denarium significatur diurnum. Hoc numero digna censetur Ecclesia, et pro eo ob-

6

1 Cor. vi, 20.

Matth. xx,
2.

aliquo molestentur. Per vinum autem et oleum intelliguntur, qui quasi medio modo inter istos se habent, vel medium statum tenent : qui propter devotionis fervorem, et mentis in Deo jucunditatem, significantur per vinum ; per oleum vero, propter pietatem et animi bonitatem. Tales præcipue sunt religiosi, qui similiter non sunt lædendi.

Potest quoque verborum horum hic esse sensus, quod vox illa Dei prædixerit fideles majores atque minores in tantum a persecutoribus esse vilipendendos, ut pro uno denario traderent multos, vixque alicujus valoris eos haberent, juxta id

Sap. v, 4, 5.

7 *Et quum aperuisset sigillum quartum, secundum sensum de aliorum sigillorum apertione inductum, audiivi vocem quarti animalis, videlicet aquilæ, per quam Joannes significatur, cujus vice locutus est angelus ad eundem, personam Ecclesiæ repræsentantem, dicentis : Veni, et vide.*

8 *Et ecce equus pallidus, id est hypocritarum et fallacium fratrum cœtus ; et qui sedebat super eum, id est quicumque principalis et ductor illorum, nomen illi Mors : quia et ipse in anima mortuus est, aliorumque animas subvertendo occidit. Hic equus est pallidus, quoniam designati sunt per eum, qui caritate et sapientia, quasi aurum se fulgere fingunt, sed simulatione pallescunt, insuper exterminant facies suas, ut pareant hominibus jejunantes. Et infernus sequebatur eum, id est, æterna pœna morientem talem mox comitatur. Sed et multi diaboli currunt post eum, et suæ dolositatis sunt comites et consortes. Et data est illi potestas super quatuor partes terræ : quia in omni loco Ecclesiæ, hypocritarum ac seductorum genus*

Matth. vi, 16.

A consistit, estque ubique in falsis fratribus periculum. Nam vir fratrem suum venatur ad mortem ; atque in omni angulo terræ inveniuntur, qui proximum a Deo avertere, et ad vana convertere moluntur. Ideo subditur : *interficere gladio*, id est sermone venenato : nam gladius in labiis eorum ; *fame*, id est subtractione alimonie verbi Dei ac sacramentorum, *et bestiis terræ*, id est carnalibus et irrationalibus concupiscentiarum vitiorumque motibus, vel crudelibus prælatis atque principibus, per quos multi spiritualiter corporaliterque necantur, *et morte*, id est alio quovis modo nocendi ac perimendi in corpore sive in anima.

II Cor. xi, 26.
Mich. vii, 2.

Ps. lvi, 8.

Et quum aperuisset sigillum quintum, juxta sensum præhabitum, vidi subtus altare, id est in secretario laudis æternæ, quod est sublime altare triumphantis Ecclesiæ ; vel, Subtus altare, id est sub Christi custodia et quiete : Christus enim uno modo altare vocatur, in quo et super quod cuncta quæ immolamus, offerre debemus, videlicet in fide et caritate ipsius ; animas interfectorum propter verbum Dei, et testimonium quod habebant, id est animas martyrum qui occisi sunt eo quod Christum prædicaverunt sive confessi sunt. Has animas earumque gloriam vidit Joannes in spiritu, eo modo quo vidit et angelum secum loquentem. Omnia enim hæc per quasdam effigies sibi præsentabantur.

9

Et clamabant voce magna, id est plurimum affectuosa, dicentes : Usquequo, Domine, sanctus et verus, non vindicas sanguinem nostrum de his qui habitant in terra, id est de persecutoribus nostris ? Hæc beatæ animæ, divinæ æquitati penitus conformatæ, zelo justitiæ, non appetitu ultionis, nude precantur. Quod enim id liceat, per id constat quod Christus ait in Evangelio : Deus non faciet vindictam servorum suorum clamantium ad se die ac nocte ? Dico vobis, quia cito faciet vindictam illorum. Hinc subditur : Et datæ sunt illis singulæ stolæ albæ, id

10

Luc. xviii, 7, 8.

11

est unicuique præmium essenziale, quod est gloria animæ; *et dictum est illis*, id est a Deo responsum, *ut requiescerent tempus adhuc modicum*, id est, patienter præstolarentur, et interim corpora eorum in sepulchris quiescerent usque ad diem iudicii: quod modicum est comparatione durationis futuri sequentisque sæculi; *donec impleatur numerus conservorum eorum*, qui nunc in militanti Ecclesia Deo ministrant, vel concivium suorum qui cum ipsis in cœlis Deo deserviunt, *et fratrum eorum qui interficiendi sunt sicut et illi pro fide occubuerunt*. Multi enim sub Antichristo circa finem sæculi occiduntur. Et tamdiu durabit hujus mundi decursus, quousque electorum numerus compleatur. Unde per fratres possunt intelligi martyres, propter ampliorem mutuo similitudinem; per conservos vero, confessores.

Itaque in hujus sigilli apertione, plenius declarata est S. Joanni gloria quiescentium in Christo, et consolatio eorumdem, futurumque martyrium plurimorum in Ecclesia militanti. Sed quum Sancti in patria nil precentur nisi quod obtinent, animarum istarum oratio fuit a Domino exaudita, quia nec ipsi aliter appetierunt fieri ultionem, quam Deo placeret. Ex his etiam probantur animæ ante futuram resurrectionem beatificari. Iterum, innotescit ex his quam stulta fuerit hæresis dicentium, impios in die iudicii precibus electorum salvandos, quum ex hoc loco ac Evangelio pateat quod Sancti optant postulantque justam vindictam.

12 *Et vidi quum aperuisset sigillum servum*, magis ac magis revelando mihi divinæ scientiæ de statu Ecclesiæ sacramentum: *et ecce terræ motus factus est magnus*. Ista de novissima sub Antichristo persecutione acerrima exponuntur. Loquitur autem Joannes more prophetico de futuro quasi præterito, propter certitudinem prophetiæ. Tunc igitur erit magnus terræ motus, id est maxima inquietudo, turbatio, motio habitantium in terra.

A Erit enim tunc tribulatio qualis non fuit a principio, ut proprio ore contestatus est Christus, qui et per Danielelem id ipsum prælixit. *Et sol factus est niger*: id est, Christus sol justitiæ tunc majestatem suam minus solito declarabit, nec coruscabit per servos suos miraculis; diffamabiturque nomen ipsius, et blasphemii ipse inhonorabitur maximis vehementer; *tamquam saccus cilicinus*, qui est obscuri coloris, et vilis putatur. Quidam per solem intelligunt doctores Ecclesiæ, qui tunc per sapientiam non lucebunt ut ante, nec fulgebunt prodigiis. *Et luna tota facta est ut sanguis*: id est, Ecclesia plus solito sanguinem fundet, atque ab impiis sanguinolenta seu peccatrix dicetur.

Et stellæ cœli ceciderunt super terram: id est, qui in Ecclesia splendidi videbantur, timore et acerbitate persecutionis illius a fide recedent, quidam veraciter, quidam simulate seu apparenter; aliqui quoque simulata sanctitate et miraculis Antichristi fallentur; *sicut ficus emittit grossos suos quum vento magno movetur*: tunc enim grossi, id est primi temporis fructus arboris fici, ex vento impellente mox cadunt in terram.

Et cælum recessit: id est, Ecclesia tunc prædicationem suam abscondet, nec publice more solito apparere, Christumque colere et laudare audebit, nisi aliqui valde perfecti seu deprehensi; *sicut liber involutus*, id est signatus et clausus. Nam, sicut hujusmodi liber quid intus contineat non ostendit; sic Ecclesia tunc filiis suis, non extraneis, se manifestabit. Unde Beda hic ait: Sicut liber involutus mysteria quidem intus, sed foris non apparentia, continet; sic et tunc Ecclesia suis tantum cognita, persecutionem discrete vitans recedet, ut ab extraneis abdita non videatur. *Et omnes montes et insulæ moti sunt de locis suis*: id est, magni ac eis in insulis subditi, a facie tyrannidis Antichristi vel corporaliter fugient, vel ab ecclesiastica unitate ac fide recedent: sic tamen ut sit distributio pro generibus singulo-

Matth.

xxiv, 21.

Dan. xii, 1.

13

14

rum, quoniam quidam de omnibus moriebuntur.

15 *Et reges terræ, et principes, et tribuni, et divites, et fortes, et omnis servus et liber, absconderunt se in speluncis et in*

16 *petris montium; et dicunt montibus et petris: Cadite super nos, et abscondite nos a facie sedentis super thronum, id est*

Dei omnipotentis, qui unus est et trinus, et ab ira Agni, videlicet Christi secundum naturam assumptam, in qua judicium exsequetur. Totum istud uno modo

exponitur de Christianis, qui tunc ab Antichristi ferocia se abscondent diversis ac

secretis latibulis, et præ vehementi angustia, quasi per excessum loquentes, precantur ut a montibus et petris operiantur, et abscondantur a facie sedentis super thronum, id est, persecutionis acerbitatem, quam Deo permittente seu ordinante sciunt grassari in populo christiano, effugiant. Juxta quem modum scriptum est:

Osee x, 8.

Dicent montibus, Cadite super nos; et collibus, Operite nos. Quod et Christus

Luc. xxiii, 30.

tempore passionis testatus est peccatores esse dicturos. Præterea per montes et petras a quibus quærent operiri et abscondi, quidam intelligunt majores et perfectiores, quorum consilio, auxilio precibusque inferiores et minus perfecti quærent juvari, defendi, salvari, ne Christo veniente sint imparati, sed fixi reperiantur in fide. Plerique per montes et petras intelligunt Sanctos in patria confirmatos in bono, instar petrarum et quasi montes præcelsos, quorum suffragia tunc isti postulabunt. — Secundo hic locus exponitur de reprobis, qui die judicii imminente, se quærent abscondere, et iram Dei evadere.

Quoniam venit dies magnus iræ ipsorum, scilicet sedentis in throno et Agni,

id est tempus gravissimæ persecutionis a Deo et Christo permissæ, quæ patientibus atque timentibus quasi ira Dei videbitur,

quamvis ira proprie Deo non competat, qui electos suos ex amore potius et pietate quam ex ira, in præsentis flagellat, ut emendentur aut perficiantur. *Et quis poterit stare,* id est constans in fide manere tempore tantæ persecutionis? Nullus utique propria virtute. Erit enim tunc tentatio tanta, ut in errorem ducantur etiam,

si fieri potest, electi.

Postremo, quod dictum est, Sol factus est niger, et luna ut sanguis, et stellæ cæli ceciderunt, et cælum recessit, etc., puto adhuc aliter posse intelligi. Siquidem S. Joannes volumine isto prophetali, sequitur modum loquendi Prophetarum. Est autem consuetudo Prophetis, ut quum gravem aliquam hominibus vastitatem denuntiant, luminaria cæli asserant immutari: quia videlicet hominibus in mœrorem dejectis ad solatium non relucet, quibus omnia sunt amara, et ipsa etiam lux consistit odibilis. Et juxta hunc sensum verba hic posita, in Prophetis quoque inveniuntur conscripta. Et primo, ut aliqua commemorentur, apud Joelem dicitur: Sol et luna obtenebrati sunt, et stellæ retraxerunt splendorem suum; itemque, Sol convertetur in tenebras, et luna in sanguinem. Item apud Isaïam: Complicabuntur sicut liber cæli. Sic et in Ezechiele, quum Dominus Pharaonis clades prædicaret: Operiam, inquit, quum extinctus fueris, cælos, et nigrescere faciam stellæ: omnia luminaria cæli mœrere faciam super te.

Matth. xxiv, 24.

Joel. ii, 10; iii, 15.

Ibid. ii, 31.

Is. xxxiv, 4.

Ezech. xxxii, 7, 8.

17

ARTICULUS VIII

EXPOSITIO CAPITULI SEPTIMI : POST HÆC VIDI QUATUOR ANGELOS STANTES.

Apoc. vi,
12 et seq.

1

QUONIAM ea quæ in fine præcedentis capituli sub sexti sigilli reseratione descripta sunt, ad Antichristi persecutiones ac tempora sunt relata, convenientius reor, ex ipso textus tenore, connexionem et forma, etiam quæ sequuntur, ad prædicta referre. Subditur enim : *Post hæc vidi quatuor angelos stantes super quatuor angulos terræ, tenentes quatuor ventos terræ, ne flarent super terram.* Itaque quæ nunc dicuntur, ostensa sunt ei post ea quæ præcedenti capitulo scripsit, tanquam implenda dum implebuntur quæ sexti sigilli apertionem concernunt. Nondum enim de septimi sigilli apertura disseruit. Denique tempore Antichristi, satellites ejus in principalibus mundi partibus, plagis seu regnis, tenebunt dominium, nec evangelicæ legis prædicatores permittent verbum Dei disseminare.

1 Cor. vi, 3.

Rom. viii,
38, 39.

Est itaque sensus : *Post hæc vidi quatuor angelos*, id est quatuor dæmones, secundum Haymonem. De quibus Paulus : *Nescitis, inquit, quia et angelos judicabimus?* Et rursus : *Certus sum quia neque mors, neque vita, neque angeli, neque principatus, neque virtutes, etc., poterunt nos separare a caritate Dei.* Alii per quatuor angelos intelligunt sæculi principes. *Stantes super quatuor angulos terræ*, in quatuor partibus mundi habentes dominium, si de terrenis principibus intelligatur. Si autem de spiritibus malis, sensus est quod et ipsi in locis impiorum consistunt. Quemadmodum autem regnis præsident angeli boni, ita apponuntur eis et angeli mali. *Tenentes quatuor ventos terræ*, id est vitæ spiraculum auferentes credentibus, et suo dominatu omnia præfocantes, *ne flarent super terram*, id est, ne

A fidelibus pacifice vivere concederetur. Per hanc metaphoricam locutionem innuitur, quod ad tantam angustiam impii illi perducant Ecclesiam, ut respirare vix queat. Rursus, venti terræ dicuntur prædicatores, qui audientium corda refrigerant, spiritalis vitæ flatum infundunt, nubem obumbrantis gratiæ afferunt. Itaque præfati angeli tenebunt quatuor ventos terræ, id est, prædicatores totius Ecclesiæ impedient ne flent super terram, id est, ne verbum Dei hominibus prædicent. De quo flatu in Canticis dicitur : *Veni, Auster, perfla hortum meum. Neque super mare*, id est in insulis maris, et his qui occupantur in aquis multis, *neque in ullam arborem*, id est in eos qui habitant in locis arboribus consitis. Vel arbores sunt homines, secundum quod ait Salvator : *Aut facite arborem bonam, et fructum ejus bonum ; aut facite arborem malam,* etc.

Cant. iv, 16.

Ps. cvi, 23.

Matth. xii,
33.

Et vidi alterum angelum, ascendentem ab ortu solis, id est ab oriente, *habentem signum Dei vivi.* Per hunc angelum quidam intelligunt Jesum Christum, qui est magni consilii Angelus, visitavitque nos oriens ex alto ; et ascendit, id est, sublimiter venit et gloriose innotuit, ab ortu Solis æterni, ex corde Patris altissimi, ex summo cœlo, ubi est nunquam deficiens, ubi sol intelligentiæ mentibus oritur Beatorum. Hic habuit signum Dei vivi, scilicet crucis vexillum. Habuit quoque signum quod vere missus esset a Deo, et quod esset Deus verus, secundum quod ait : *Opera quæ dedit mihi Pater ut perficiam ea, ipsa opera quæ ego facio, testimonium perhibent de me.* — Verumtamen per angelum istum potius arbitror in-

2

Is. ix, 6,
juxta LXX.
Luc. i, 78.Joann. v,
36.

telligendum angelicum spiritum divinitus A missum, prout infra in textu tangi videtur. Deus enim per angelos disponit Ecclesiam. Qui angelus in visione imaginaria videbatur Joanni quasi ab oriente conscendere, atque in altiora volare, sicque in sublimi stans, ea quæ subsequuntur, clamare. Habuit autem signum Dei vivi, quia in eo certum videbatur indicium quod esset de curia summi Regis, et angelus sanctus, non malus sicut prædicti. Præterea angeli sancti subinde cum crucis vexillo apparuisse leguntur. Sed et signum istud intelligi potest potestas refrenandi ac compescendi ferociam malignorum spirituum.

Et clamavit voce magna, id est, grandi auctoritate præcepit, *quatuor angelis quibus datum*, id est permissum, vel etiam divina justitia exigente concessum est *nocere terræ et mari*, id est persecutionem inferre fidelibus, in provinciis ac insulis hinc inde manentibus, *dicens: Nolite nocere terræ et mari, neque arboribus*, id est, ultra non attentetis vexare fideles (qui per terram, mare et arbores, sicut expositum est, designantur), sicut fecistis, *quoadusque signemus servos Dei nostri in frontibus eorum*, id est, quoadusque ego et angeli sancti mihi cooperantes, crucis vexillo fideles ab infidelibus discernamus, vel prædestinatos ad fidem convertendos notemus, eorumque conversioni cooperemur. Quibus verbis instruimur, quod licet Deus permittet Antichristum ad tempus regnare, cito tamen malitiæ ejus satellitumque ipsius finem imponet, ita quod angeli sancti dæmonum quoque tunc compescent sævitiam, ne Christianos omnino extinguant, nec electorum conversionem ad Christum impediant.

Quidam vero, ut Berengandus et Beda, exponunt hæc pro tempore primi adventus Christi, quando quatuor principalia regna mundi perfida erant, et homines variis modis vexabant, postea quoque evangelicæ legis prædicationem impedire conata sunt. Quorum pravitatem compe-

scuit Christus, suosque protexit ne eorum quis impediret salutem. Imo ante suam nativitatem ex Virgine, voluit pacem esse in mundo, cunctis subjectis Romano imperio. Quamvis autem istud catholice dictum sit, non tamen videtur expositio ista ad præcedentia atque sequentia esse connexa. Neque enim in primo Christi adventu impleta sunt quæ mox subduntur. — Alii referunt istud ad tempora Constantini imperatoris, cujus temporibus dicunt fuisse quatuor persecutores præcipuos in diversis provinciis, quos dicunt hic per quatuor angelos tenentes quatuor ventos signari. Et per angelum ascendentem ab ortu solis, æstimant Constantinum imperatorem notari, cujus virtute prædicti persecutores a Christianorum infestatione repressi sint. Verumtamen ejus tempore impletum non est quod de signatione servorum Dei in frontibus suis subjungitur, nisi secundum spiritualem intelligentiam, secundum nominum interpretationem acceptam. Sequitur enim de numero signandorum et jam in Dei præscientia signatorum.

Et audiivi numerum signatorum signo Dei in fronte, ut dictum est, *centum quadraginta quatuor millia ex omni tribu filiorum Israel*, ita quod omnes simul accepti, tot fuerunt seu erunt. Ex qualibet enim tribu erunt duodecim millia. Quumque duodecim tribus sint, signati ex omnibus tribubus istis pariter sumpti constituunt numerum memoratum. Nam in fine, Antichristi detecta perfidia, omnes tribus Israel convertentur ad prædicationem Eliæ, multo utique plures quam hic taxantur. Unde per numerum istum determinatum indeterminatus exprimitur, præpter perfectionem numeri hujus, quemadmodum expositores satis declarant.

Ex tribu Juda, *duodecim millia signati*, id est, duodecim millia hominum ex hac tribu signabuntur signo crucis fide suscepta; *ex tribu Ruben, duodecim millia signati*, etc. Convenienter a tribu Juda incipit, quia ex ea nati sunt reges, et quoniam

Malach. iv,
5, 6; Matth.
xvii, 11.

3

4

5

- 1 *Par.* x. 2 Judas inter fratres suos robustissimus fuit, A ut primo Paralipomenon legitur; potissi- *Gen.* xxix, 33.
Matth. i. mum autem, quia de semine ejus natus 3-16.
est Christus. Omittit autem tribum Dan, quia de ea, ut dicitur, Antichristus nascetur. Duodecim tamen nomina tribuum ponit: nam tribum Manasse et tribum *Gen.* xli, 30, 31.
Joseph distinguit, quum tamen Manasses filius fuerit Joseph. Similiter tribum Ephraim non expressit: ejus secundum quosdam, est ratio, quia Jeroboam primus rex decem tribuum Ephrataeus, populum Israel ad idololatriam traxit. Alii asserunt, per tribum Joseph tribum Ephraim designari.
- Qui autem hoc loco per duodecim tribus intelligunt universos fideles (qui Patriarcharum fidem et opera imitando, spiritualiter eorum filii nuncupantur, juxta illud *Galat.* iii, 29.
Apostoli: Si enim vos Christi, ergo semen Abraham estis), mysticam intelligentiam penes nominum interpretationem accipiunt. *Gen.* xxix, 35.
Judas enim interpretatur confessio. Idcirco per tribum Juda, omnes qui Christum veraciter confitentur, et propria quoque mala confiteri non renuunt, intelliguntur. *Ibid.* 32.
Porro Ruben interpretatur videns filium, vel videns in medio, vel filius visionis. Ejus itaque tribus sunt, qui visioni contemplationis insistent, et in medio laqueorum se positos cernunt. *Ex tribu Gad, duodecim millia signati.* Per Gad, qui interpretatur accinctus, intelliguntur qui virtutibus contra peccata armantur. *Ex tribu Aser, duodecim millia signati.* Per Aser, qui interpretatur beatus, significantur qui evangelicarum beatitudinum possessores consistunt, et futuram prægustare beatitudinem nunc merentur. *Ex tribu Nephthali, duodecim millia signati.* Per Nephthali, qui latitudo interpretatur, hi qui caritate extenduntur ad omnes, significantur. *Ex tribu Manasse, duodecim millia signati.* Per Manassen, qui oblitio interpretatur, signati sunt qui inferiorum ac volubilium obliviscentes, divinorum meditationibus suam semper replere et occupare nituntur memoriam.
- Ex tribu Simeon, duodecim millia signati.* Per Simeonem, qui audiens mœorem interpretatur, sunt intelligendi qui ex passionis Christi memoria salubri conficiuntur mœore, etiam ex desiderio patriæ, ex contemptu propriæ culpæ, ex proximorum ruina, et ex proficiendi affectu. *Ex tribu Levi, duodecim millia signati.* Per Levi, qui additus dicitur, exprimuntur qui bona bonis accumulunt, et observantiæ præceptorum observantiam consiliorum adjiciunt. *Ex tribu Issachar, duodecim millia signati.* Per Issachar, qui merces interpretatur, dantur intelligi qui meritis abundare satagunt, præmiique intuitu fortiter agunt. *Ex tribu Zabulon, duodecim millia signati.* Per Zabulon, qui habitaculum fortitudinis interpretatur, signati sunt qui perseverantes in bonis, in Deo quasi in firmissima terra quiescunt. *Ex tribu Joseph, duodecim millia signati.* Per Joseph, qui interpretatur augmentum, expressi sunt qui spiritualibus divitiis quotidie augmentantur. *Ex tribu Benjamin, duodecim millia signati.* Per Benjamin, qui filius dexteræ interpretatur, figurati sunt qui Deum sibi gratiose ac pie adsistentem sortiti sunt, atque in ejus dextera collocabuntur.
- Sed quia post Antichristi interitum, et generalem Judæorum conversionem, mox beatitudo æterna præstabitur, congruenter de triumphante Ecclesia subditur: *Post hæc vidi in spiritu turbam magnam, quam dinumerare nemo, id est nullus homo viator, poterat* (Beatis vero in patria numerum electorum concivium suorum constare probabile est), *ex omnibus gentibus, et tribubus, et populis, et linguis, stantes ante thronum, id est coram majestate divina: cujus thronus quandoque Ecclesia militans, quandoque Ecclesia triumphans, interdum Christi humanitas, interdum anima justī, interim cælum empyreum, nonnunquam ipsamet Dei auctoritas ac potestas vocatur: sicque nunc potissimum sumitur. Dicuntur autem Sancti stare coram Deo, et ante eum, non quasi Deus non*

sit intra eos, qui omnia implet ac penetrat; sed humano more loquuntur Scripturæ, morem gerentes infirmitati intelligentiæ nostræ. Stant itaque ante thronum, tanquam vultui majestatis intenti, ejusque obsequio cum inæstimabili reverentia indesinenter parati. *In conspectu Agni*, quia de Christi humanitate speciali gaudio reficiuntur: cui etiam secundum naturam assumptam, reverenter subduntur. *Amicti stolis albis*, id est candidissimis incontaminatisque gloriæ vestimentis, puta duplicibus stolis, beatitudine animæ et corporis, præmio essentiali et accidentalī, sicut scriptum est: Propterea in terra sua duplicia possidebunt; *et palmæ*, id est victoriæ suæ indicia, *in manibus eorum*.

Is. lxi, 7.

10

Et clamabant voce magna, scilicet amorosa, jucunda, devota: *Salus Deo nostro, qui sedet super thronum*, id est, uni trinoque Deo sit summa, æterna et infinita felicitas, omnisque gloria ei attribuat, et quidquid salutis in nobis est, ab ipso profluxit. Hoc congratulando dicunt, quia sic est; non orando ut sit: sicut quum dicimus, Laudate eum, omnes angeli ejus. *Et Agno*, id est Christo secundum quod homo est. Aliter tamen competit salus Christo ut homini, quam superbenedictæ Trinitati. Siquidem, secundum quod homo est, causa est nostræ salutis instrumentalis et meritoria; habetque felicitatem creatam finitam, sed majorem quam ceteri universi simul accepti.

Ps. cxlviii, 2.

11

Et omnes angeli stabant in circuitu throni et seniorum et quatuor animalium, id est hominum beatorum in cælo glorificatorum, scilicet Evangelistarum et præcipuorum Patrum Ecclesiæ, qui ut dictum est, per quatuor animalia et seniores expressi sunt. Loquitur autem Joannes de istis, secundum quod ipsi in visione apparuit, et pro statu futuro in patria. *Et ceciderunt in conspectu throni in facies suas*. Sic in imaginaria visione apparebat Joanni. Quo significatur, quod angeli sancti Deo spiritualiter atque humiliter prosternuntur, eique de hominum triumpho

et gloria regratiantur. *Et adoraverunt Deum, dicentes: Amen*, id est, sic sit, et vere sic est, sicut sancti isti homines sunt locuti: Salus Deo nostro, etc. Nam dicendo, Amen, hominum laudem confirmaverunt, divinæque majestatis honorationi congratulari se monstrant. Denique addunt:

Benedictio, et claritas, et sapientia, et gratiarum actio, honor, et virtus, et fortitudo Deo nostro in sæcula sæculorum, Amen: id est, ista omnia Deo nostro con-

veniunt seu debentur. Ipsi benedictio, id est laudatio, impendatur; ab omnibus benedictus cognoscatur et commendetur. Ipsi claritas, pulchritudo, sinceritas, nobilitas competit, in quo nulla est macula, nulla imperfectionis aut defectibilitatis admixtio. Deus enim lux est, et tenebræ non sunt in eo ullæ: qui in se ipso immensa prorsus claritate venustus est. Ipse quoque sapientia est, et omnis virtutis origo: cui omnes mentes bene dispositæ, intimo regratiantur affectu; et optare debemus ut ei ab omnibus sempiterna gratiarum actio exhibeatur; cui soli honor patriæ debetur. Ipse est virtus virtutum, Sanctus Sanctorum, omni virtute sine mensura conspicuus, cujus fortitudo seu omnipotentia finem non habet. Hoc angelicum canticum mente et ore devotissime frequentemus; nuncque pro viribus vitam inchoemus cœlestem, psallendo Deo jugiter in cordibus nostris, semper gratias referentes eidem, et confitentes ex animo quod a digna ac plena gratiarum actione deficiamus in immensum.

12

1 Joann. i, 5.

Ephes. v, 19, 20.

Et respondit, id est, ad animæ meæ admirationem seu dispositionem convenienter locutus est, *unus de senioribus* mihi in visione apparentibus. *Et dixit mihi*, non quasi ignorans, sed me instruere volens: *Hi qui amicti sunt stolis albis, qui sunt, et unde venerunt? Et dixi illi: Domine mi, tu scis*, qui jam unus illorum es, et regnas in patria. Sicut Zacharias angelo, ita Joannes seniori huic respondit: quem aliqui putant Petrum fuisse aposto-

13

14

Zach. iv, 5, 13.

lum, qui tempore hujus revelationis triumphavit cum Christo.

Et dixit mihi : Hi sunt, qui venerunt Act. xiv, 21. *ex magna tribulatione.* Per multas enim tribulationes oportet nos ingredi regnum Dei. *Et laverunt stolas suas, et dealbaverunt eas in sanguine Agni,* id est opera interiora et exteriora, quæ sunt mentis et corporis spiritualia indumenta. Vel stolæ sunt, corpus quo anima vestitur, et anima qua corpus ornatur. Has stolas ab inquinamento peccati mundaverunt in sanguine Agni, id est in fide et imitatione, in virtute et merito passionis Christi. Unde non ait, Rubricaverunt, sed, Dealbaverunt, ad innuendum quod de spirituali dealbatione sit sermo; itemque, quod omni carent immunditia culpæ, quæ nigredini comparatur. Præterea aliqui dicunt, hæc de solis martyribus dici. Beda vero et alii multi exponunt de cunctis beatis hominibus. Nam et aliqui confessorum, longum, magnum ac durum in mundo duxerunt martyrium, sicut Hieronymus, et beatissimi eremitæ.

15 *Ideo sunt ante thronum Dei,* id est, Deo facie ad faciem fruuntur, *et serviunt ei* cultu latriæ, scilicet laudatione, adoratione, gratiarum actione, *die ac nocte,* id est sine interruptione in ipsa æternitate, omne tempus dierum ac noctium complectente, *in templo ejus,* puta in patria ac triumphanti Ecclesia. Verumtamen infra dicit Joannes, Templum non vidi in ea, scilicet in civitate cœlesti : quod quomodo intelligendum sit, ibidem Deo implente dicitur. Hæc servitus, quietissima atque dulcissima merces est servitutis præsentis laboriosæ. *Et qui sedet super thronum,* id est Deus omnipotens, trinus et simplex, *habitat super illos,* id est, in eis per dona gloriæ indesinenter quiescit; et desuper possidet eos, gubernatque immediate per se ipsum, non dirigendo eos in finem adipiscendum, sed conservando immobiliter in fine adepto.

16 *Non esurient neque sitient amplius,* secundum quod in esurie ac siti defectus at-

que pœnalitas includuntur : jugiter tamen appetent eum in quem et angeli desiderant prospicere. Satiabitur ergo et omnino implebitur in bonis desiderium cordis eorum, ita quod contentantur. *Neque cadet super illos sol,* id est fervor persecutionis, *neque ullus æstus* diræ adversitatis vel anxietatis; *quoniam Agnus, qui in medio throni est,* id est inter Beatos, et omnium corda inhabitans, *reget eos,* id est, confirmatos tenebit in bono, ita quod amplius errare, peccare, labi aut pati non poterunt, *et deducet eos ad fontes vitæ aquarum,* id est, plenitudine sapientiæ, exuberantia gaudiorum, inundantia æternalium divitiarum, eos sine fine reficiet et potabit, juxta quod scriptum est : Inebriabuntur ab ubertate domus tuæ, et torrente voluptatis tuæ potabis eos, quoniam apud te est fons vitæ. Fontes enim aquarum vitæ, sunt ipsa infinita sapientia Dei, immensa ejus opulencia, plenitudoque jucunditatis ipsius. Quæ omnia quamvis in Deo sunt unus simplicissimus fons, tamen ob diversitatem effectuum seu donorum, pluraliter nominatur : sicut et misericordia Dei in se una est, quæ frequenter plurali numero designatur. De hoc fonte ad plenum potantur Beati, juxta illud : Fluminis impetus lætificat civitatem Dei. In quibus impletur quod Dominus per Prophetam dicit : Ecce ego declino in eos ut flumen pacis, et ut torrens inundans gloriæ gentium. — Quod autem hic dictum est, apud Isaiam fere eisdem verbis exprimitur, ubi habetur : Non esurient neque sitient amplius, et non percutiet eos æstus et sol, quia miserator eorum reget eos, et ad fontes aquarum potabit eos.

Et absterget Deus omnem lacrimam ab oculis eorum. Ecce quam dulce verbum, quam familiarem se exhibet Deus in patria his qui pie lacrimantur, atque salubriter compunguntur in via ! Quam felix lacrima quam Creatoris clementissimi manus absterget ! Ideo ait Salvator : Beati qui lugent, quoniam ipsi consolabuntur. Hoc ipsum est quod Propheta prædixit :

Is. xxv, 8. Præcipitabit, inquit, Dominus mortem in sempiternum, et auferet lacrimam ab omni facie. Nonne stultissimi ac vanissimi probantur, qui propter hujus brevissimæ vitæ ac immundissimæ carnis delicias, tanta se beatitudine privant? Quibus loquitur et Christus: Væ vobis qui ride- *Luc. vi. 25,* tis, quia plorabitis et flebitis; væ vobis ^{24.} divitibus, qui nunc habetis consolationem vestram.

ARTICULUS IX

EXPLANATIO CAPITULI OCTAVI : ET QUUM APERUISSET SIGILLUM SEPTIMUM.

OCTAVUM capitulum quidam incipiunt in hoc verbo, Et quum aperuisset; quidam in eo quod post pauca subjungitur, Et vidi septem angelos.

¹ Itaque: *Et quum* Agnus habens clavem scientiæ, in quo sunt omnes sapientiæ thesauri, *aperuisset sigillum septimum*, id est, se ipsum ultimumque libri ostensi sigillum secretum præscientiæ Dei de statu Ecclesiæ plenius enodasset, et quid in fine sæculi Antichristo perempto futurum esset, insinuasset, *factum est silentium in cælo*, id est quies et pax in Ecclesia, *quasi media hora*, id est modico tempore. Per quod figurabatur, quod Antichristo deleta, Ecclesia erit in pace, et libere prædicabit: quod tamen non diu durabit, quoniam cito veniet ad judicium Christus. Unde Beda hic ait: Post interitum Antichristi aliquantula requies futura creditur in Ecclesia, de qua Daniel ita prædixit: Beatus qui exspectat, et pervenit ad dies mille trecentos triginta quinque. Quod exponens Hieronymus: Beatus, inquit, qui interfecto Antichristo, supra mille ducentos nonaginta dies, id est tres semis annos, dies quadraginta quinque præstolatur, quibus est Dominus atque Salvator in sua majestate venturus.

Dan. xii. 12.

² *Et vidi septem angelos.* Hic, secundum Albertum, incipit tertia visio. Et de angelis istis infra sigillatim tractatur. Per quos quidam intelligunt septem hæresiarchas, Arium, Macedonium, Pelagium, etc. Qui-

bus quod subditur non videtur bene congruere, *stantes in conspectu Dei, et datæ sunt illis septem tubæ*: nisi forte dicatur, quod etiam alibi Satan legitur adfuisse inter filios Dei, et coram eo stetisse. Hinc Berengandus, Haymo, Beda, et alii multi, per septem angelos intelligunt prædicatores evangelicæ legis universos, quia frequenter et maxime in libro isto, per septenarium universitas denotatur. Quibus divinitus datæ sunt septem tubæ, id est, cuilibet data est efficacia prædicandi, et sermo idoneus: quæ tubæ nomine exprimuntur, juxta illud Isaïæ, Quasi tuba exalta vocem tuam; et illud Osee, In gutture tuo sit tuba. *Is. LVIII, 1.* *Osee VIII, 1.*

Et alius angelus venit, et stetit ante altare. Quoniam hic jam alia visio est ostensa Joanni, dicunt doctores catholici, hoc loco statum et cursum Ecclesiæ plenius quasi a principio demonstrari atque conscribi. Unde per angelum istum intelligunt Christum, qui est magni consilii Angelus, et per incarnationis mysterium venit in mundum, stetitque ante altare, id est in conspectu Ecclesiæ, quæ secundum Berengandum et Bedam altare vocatur. Vel altare est ara crucis, in qua ipse summus sacerdos sacrificavit Deo Patri se ipsum. Sed et mensa in qua cœnavit et primam Missam celebravit, corpus suum et sanguinem consecrando, atque discipulis porrigendo, nonne altare rite vocatur? Vel stetit ante altare illud sublime in patria:

Is. ix, 6,
juxta LXX.

quia licet esset in terra visibiliter, in cœlo A tamen erat veraciter, et per clarissimam contemplationem adstitit Patri. *Habens thuribulum aureum in manu sua.* Thuribulum aureum quidam exponunt corpus Christi immaculatum, ex quo Deus odorem suavitatis accepit; alii, corda Apostolorum atque credentium, quæ erant in manu, dispositione, directioneque Christi. Potest nihilo minus per thuribulum istud intelligi sanctissima conversatio seu meritum Christi, splendore sapientiæ et caritatis ardore ornata, quæ thuribuli proprietates et actus implevit, sicut paulo post dicitur.

Et data sunt ei incensa multa, id est spiritualia holocausta, videlicet orationes Sanctorum ignitæ, quas fideles offerunt Christo mediatori, ut meritis suæ sacrificiissimæ in mundo hoc conversationis perficiantur, atque a Deo Patre seu Trinitate exaudiantur. Sicque conversatio seu meritum Christi sortitur rationem thuribuli, quia sicut in thuribulo ignis et thus simul ponuntur, ut odor suavis erumpat, ita in conversatione ac merito Christi preces fidelium actusque fundantur, ut coram Deo suaviter redolescant. *Ut daret,* id est, Patri offerret, tanquam advocatus ac mediator, non ut Verbum Genitori æquale, *de orationibus Sanctorum [omnium].* quia incensa ista sunt de numero orationum quas devoti per Christum immolant Deo,

Ps. cxi, 2.

juxta illud : Dirigatur oratio mea sicut incensum in conspectu tuo; *super altare aureum,* id est super conversationis suæ meritum, vel super corpus suum ac corporis sui passionem, ut scilicet horum dignitate atque virtute, orationes Sanctorum sortirentur effectum. Denique, teste Apostolo, Christus interpellat pro nobis. Et Joannes dicit : Advocatum habemus apud Patrem, Jesum Christum justum; et ipse est propitiatio pro peccatis nostris. *Quod est ante thronum Dei,* id est in approbatione et beneplacito ejus, sicut ad Filium locutus est Pater : Hic est Filius meus dilectus, in quo mihi bene complacui.

Rom. viii,

34.

1 Joann. ii,

1, 2.

Matth. iii,

17; xvii, 5.

Et ascendit fumus aromatum, id est odor seu grata acceptio, *de orationibus Sanctorum.* quæ sunt fragrantissima coram Deo aromata, *de manu angeli,* id est virtute, interpellatione, et merito Christi, qui preces suorum immolat Patri, cujus vultui nunc apparet, pro nobis ostendens ei quam pro nobis assumpsit naturam, et quid in ea pro nobis fecit ac pertulit. Ideo subditur, *coram Deo.*

4

Et accepit angelus, id est Christus, *thuribulum aureum,* id est corpus suum inquinatum, vel conversationem suam sanctissimam, eam pro nobis Patri allegando ac offerendo, seu ostendendo; et implevit illud de igne altaris, id est donis, fervore et gratia Spiritus Sancti, qui altaris (id est Ecclesiæ) ignis est. Nam et Christo homini dedit Pater seu Trinitas Spiritum non ad mensuram. Et ipsemet Christus opera sua in summa caritate exhibuit et effecit. *Et misit in terram ignem* istum seu gratiam et ardorem Spiritus Sancti. Nam de plenitudine Christi accepimus omnes. Qui ait : Ignem veni mittere in terram. Misit quoque corpus suum in terram, scilicet in sepulcrum, et derelinquens illud in Sacramento Ecclesiæ cunctis fidelibus ad refectionem salutis, ad caritatis indicium, ad perpetuam rei memoriam. Sed et conversationem suam nobis in exemplum reliquit, sicut scriptum est : Christus passus est pro nobis, nobis relinquens exemplum, ut sequamur vestigia ejus. *Et facta sunt tonitrua et voces,* id est sublimia ac mediocria documenta, *et fulgura,* id est coruscantia signa, prout supra magis expositum est, *et terræ motus magnus,* id est grandis admiratio habitatorum terræ, aliis pœnitentibus, aliis obstinatis et conversos vexantibus.

Hebr. ix,

24.

5

Joann. iii,

34.

Ibid. i, 16.

Luc. xii, 49.

1 Petr. ii,

21.

Apoc. iv, 5.

Quamvis autem expositio ista sit vera atque catholica, aptius tamen videtur ut angelus iste intelligatur angelicus spiritus Ecclesiæ præsiciens, scilicet Michael, quia nunc princeps exstat Ecclesiæ, sicut olim Synagogæ. Iste Ecclesiam visitat, et ante

Dan. x, 21;

xii, 1.

ejus altare stat, habens thuribulum aureum, id est caritatem præcipuam ad fideles, per quam eorum spiritualia sacrificia colligit, Deoque affert. Cui dantur incensa multa, quando Ecclesia ejus suffragia petit, suasque preces per manus illius Deo offerri precatur. Quod et ille diligenter exsequitur, offerens preces et actus fidelium super altare aureum illud cœleste in patria, super quod Beati laudes et preces offerunt Domino. Insuper accipit angelus iste thuribulum suum aureum, quia caritatem suam extendit ad nos, illudque implet igne præfati altaris, se ipsum ad nos amandos inflammans, vel precibus suis ac nostris ardorem sanctæ caritatis nobis a Deo obtinens ac reportans. Ideo sequitur : Et misit in terram, id est, corda fidelium hoc igne caritatis succendit : quo facto, fiebant tonitrua, voces et fulgura, quia tunc corda prædicatorum, prælatorum sive doctorum confortata sunt atque idonea facta ad prædicandum et ad miraculose agendum.

6 *Et septem angeli qui habebant septem tubas* (quid per angelos istos eorumque tubas signetur, pro viribus dictum est), *præparaverunt se ut tuba canerent*, id est, ad proseguendum prædicationis officium sibi injunctum, se idoneos exhibuerunt, se humiliando, in Dei ope sperando, juste vivendo, ut quod prædicaturi erant, primo implerent, exemplo Christi, qui cœpit facere et docere.

7 *Et primus angelus tuba cecinit.* Per primum angelum tuba canentem, primus prædicatorum Ecclesiæ ordo, videlicet Apostolorum chorus tubaliter prædicans, designatur. *Et facta est grando et ignis mixta sanguine.* Hoc accipi potest in bono, quantum ad electos atque conversos ; et in malo, quantum ad infideles, duros et reprobos. Juxta primum sensum, per grandinem quæ percutit, verba Apostolorum, quæ corda pravorum arguendo percutiebant et convertabant, intelliguntur ; per ignem, amor et gratia Spiritus Sancti ; per sanguinem, cruor Christi pro

A hominibus fusus. Hi ergo verbo Dei percussi, et Spiritus Sancti igne inde succensi sunt. Quæ grando et ignis mixta sunt sanguine, id est, virtute dominicæ passionis dabantur et operabantur. Porro, juxta sensum secundum, per Apostolorum prædicationem reprobi majorem damnationem promeruerunt, verbis Dei non obediendo : sicque facta sunt eis grando et ignis mixta sanguine, id est tempestas atque incendium infernale pro sanguinolentis et carnalibus eorum operibus. At vero Beda venerabilis hunc assumit sensum, quod per Apostolorum prædicationem hæ pœnæ infernales innotuerunt hominibus : ita ut per grandinem intelligatur frigus inferni ; per ignem, ardor ipsius. Ab aquis enim nivium ad calorem nimium transient, et usque ad inferos peccatum illorum, ut Job ait. Præter hunc et alius non inconueniens sensus accipi potest, quod scilicet ex Apostolorum prædicatione facta est grandis tempestas et ignis æmulationis in mundo, ad quæ consecuta est sanguinis copiosa effusio, quibusdam credentibus, aliis contradicentibus et credentes necantibus.

Et missum est in terram totum istud, secundum Glossam, scilicet grando, ignis, et sanguis : id est, hominibus ista denuntiata sive illata sunt, electis quidem salubriter, secundum primam expositionem, reprobis vero damnabiliter, scilicet ad damnationem eorum, juxta expositionem secundam.

Et tertia pars terræ combusta est, et tertia pars arborum concremata est, et omne fœnum viride combustum est. Sacra Scriptura multiplicem sensum habere asseritur, non idcirco dumtaxat quoniam litteraliter, tropologice, allegorice et anagogice explanatur ; sed ideo quoque quia in ea vicissim sensus litteralis est multiplex, secundum Augustinum. Cujus ratio est, quia interdum sensus litteralis Scripturæ non est qui per verba, sed qui per res verbis designatas exprimitur. Res autem hujusmodi, diversas sortitæ sunt pro-

Job xxiv,
19.

prietates et actus : ideo juxta hoc, sensus A litteralis multiplicatur. Sic autem est in loco presenti. Præterea, quod per terram, habitantes in terra significantur, certissime constat. Quod etiam per arbores intelligantur homines, liquet ex eo quod ait Salvator : Omnis arbor quæ non facit fructum bonum, excidetur et in ignem mittitur. Quod demum nomine fœni homines innuantur, pandit sermo propheticus, dicens : Vere fœnum est populus. Insuper per tertiam partem istorum, scilicet terræ, fœni ac arborum, intelligenda est pars valde magna eorum. — Itaque, *tertia pars terræ*, id est hominum inferiorum ac subditorum, *et arborum*, id est majorum ac prælatorum, *et omne fœnum viride*, id est homines in quibus floret juvenus, et humor carnalitatis, ac mundi prosperitas, combusta sunt, id est consumpti : quidam salubriter, esse culpæ amittendo, juxta Sapientis sententiam, dicentis, Verte impios, et non erunt; quidam infelicitè, damnationem incurrendo : prout grando, ignis, et sanguis dupliciter exponuntur. Quod autem grandinis nomine verbum Dei possit intelligi, hinc constat quod per Jeremiam Dominus loquitur : Numquid non verba mea sunt quasi malleus conterens petram?

8 *Et secundus angelus tuba cecinit*, id est chorus, ordo seu cœtus discipulorum, quos Apostoli a suis sedibus ad loca diversa prædicandi gratia direxerunt, vel in certis urbibus ordinaverunt episcopos, quales fuerunt excellentissimi patres ac prædicatores, Dionysius, Polycarpus, Ignatius. *Et ecce tanquam mons magnus igne ardens*, id est diabolus per superbiam elevatus : cui dicitur, Quis tu, mons magne, coram Zorobabel? In quo est ignis invidiæ, fervor totius impietatis. Unde, secundum Dionysium, in diabolo est amens furor. *Missus est in mare*, id est, in corda incredulorum amara et inquieta, ingressus est, ut per eos evangelicæ prædicationi resisteret. Nam, ut Dionysius scribit, audientes Græci crucem prædicari et resurrectio-

nem ex mortuis, lato ore riserunt, et tyranni exacerbati fuerunt. *Et facta est tertia pars maris, sanguis*, id est, valde magna pars gentilium fidem recipientium, sunt occisi. *Et mortua est tertia pars creaturæ, quæ habebat animam in mari* : quia ut dictum est, in hoc mari magno, quod est sæculum nequam, multi istorum sunt trucidati; alii vero, qui vel non crediderunt, vel credentes vexaverunt, spiritualiter mortui sunt. Itaque nomine creaturæ intelligitur homo, testante Servatore, Prædicate Evangelium omni creaturæ; et Apostolo dicente, Invisibilia Dei a creatura mundi, per ea quæ facta sunt, intellecta conspiciuntur. *Et tertia pars navium interiiit*, id est rectorum et prælatorum Ecclesiæ, quorum est alios per hoc mare turbulentissimum ad salutis vehere portum. Tunc namque episcopi, aliique principales inter fideles, primi trahebantur ad mortem.

Et tertius angelus tuba cecinit, id est, ordo sanctorum doctorum, qui cessante persecutione Ecclesiæ a tyrannis, contra insurgentes hæreticos tubaliter prædicavit, et Scripturas verè exposuit, scilicet Hieronymus, Augustinus, Ambrosius. *Et cecidit de carlo*, id est de Ecclesia, *stella magna*, id est quivis hæresiarcha, vel hæresiarcharum caterva vel cœtus, qui ob scientiæ eminentiam, sanctitatisque apparentiam, stellæ vocantur. Nam et tales ab apostolo Juda, sidera errantia vocantur. Et quidam per stellam istam intelligunt Pelagium hæresiarcham, qui fuit valde literatus et monachus. *Ardens sicut facula*. Illi enim flamma proprii sensus et igne ambitionis vehementer accensi fuerunt. *Et cecidit in tertiam partem fluminum et in fontes aquarum*, id est, corda multorum, etiam baptizatorum, infecit ac perturbavit; imo et fontes aquarum, doctores videlicet et prælatos, a quibus rivi scientiæ ad subditos profluunt, partim subvertit. Nam multi episcopi ac prælati per hæresiarchas fuerunt corrupti. *Et nomen stellæ dicitur Absinthium*, quia maxima amaritudo, tristitia, et dolor generabatur

Matth. xii.
19.

Is. xli, 7.
1 Petr. i, 24.

Prov. xii, 7.

Jer. xxiii,
29.

Zach. iv, 7.

9

Marc. xvi,
15.
Rom. i, 20.

10

Judæ 13.

11

electis ex ejuscumque hæresiarchæ per-
versissimis documentis. *Et facta est tertia
pars aquarum absinthium* : idque dupli-
citer. Nam qui consenserunt hæresiarchis,
facti sunt similes eis; et appellantur Ab-
sinthium, propter amaritudinem vitiorum
quibus contra catholicos sæviebant. Ceteri
autem fideles, propter hæreticorum impu-
dentiam et errores, simpliciumque per-
euntium seductionem, amare planxerunt.
Et multi homines mortui sunt de aquis,
id est de hæresiarcharum doctrinis, sive
discipulis, *quia amaræ factæ sunt aquæ*, B
id est, Spiritus Sancti dulcedinem perdi-
derunt, et felle falsitatis ac pravitatis in-
fectæ sunt. Unde et quosdam catholicorum
corporaliter occiderunt.

12 *Et quartus angelus tuba cecinit*, id est
ordo vel cœtus doctorum, qui contra ne-
gligentiam et peccata fidelium, præsertim
pastorum, loquuntur. Olim namque, quan-
do vigeabant hæretici, erant valde sancti
episcopi; postea autem reddita undique
pace, cœperunt prælati negligentius age-
re, et quadam securitate torpere. Unde et C
percussa est tertia pars solis, id est prælato-
rum, qui debent instar solis lucere, et
calorem amoris divini in aliorum corde
producere : quibus ait Salvator, Vos estis
lux mundi. Isti verbis divinis percussi,
reprehensi, notati sunt. *Et tertia pars lu-
næ*, id est congregationis ecclesiasticæ il-
lis subjectæ, a quibus est illustranda, *et
tertia pars stellarum*, id est religiosorum
ac inferiorum prædicatorum, quibus or-
natur Ecclesia sicut cœlum astris. *Ita ut* D
obscuraretur tertia pars eorum : nam ex
prælatorum, potissime episcoporum, rui-
na et impia vita, inferiores isti passi sunt
magnam divinæ illustrationis et gratiæ
minorationem, splendoremque sanctitatis
et famæ perdiderunt nitorem; *et diei non
lucet pars tertia, et noctis similiter*. Per
diem contemplativi, per noctem activi et
in pœnitentiæ actibus constituti signan-
tur. Horum grandis pars claritatem gratiæ
amiserunt, ita quod sicut tenentur, proxi-

T. 14.

A mis suis non lucent exemplo, fama, do-
ctrina, consilio atque auxilio : quando-
quidem maximum malum Ecclesiæ est,
negligentia superiorum, et consequens in-
de casus inferiorum, ac dissolutio atque
carnalitas religiosorum multorum. Juxta
hunc modum sumendi diem et noctem,
fertur in Psalmo : Dies diei eructat ver- Ps. xviii, 3.
bum, et nox nocti indicat scientiam.

*Et vidi in imaginaria visione, et audi- 13
vi*, id est, angelo edocente percepi ac
intellexi (unde istud Videre et Audire, re-
aliter idem sunt), *vocem unius aquilæ
volantis per medium cœlum*. Per aquilæ
hujus effigiem, quam in interioribus S. Jo-
annis angelus sanctus formavit, ipsemet
Joannes horum scriptor ac denuntiator fi-
gurabatur. Porro per medium cœlum, Ec-
clesiæ protensio insinuat. *Et dicentis
voce magna*, id est seriosa et affectuosa :
Væ, væ, væ habitantibus in terra, id est
viatoribus, præsertim terrena amantibus.
Dicitque ter, Væ, ad ampliorem exaggera-
tionem, clarioremque mentis suæ expres-
sionem, conformans se consuetudini Pro-
phetarum, qui instante magno periculo
vocem doloris significativam ter exprime-
re consueverunt, quemadmodum Joel, Je-
remias, Ezechiel : in quorum libris sub-
inde sic scribitur, A, a, a, diei Domini, vel
aliquid tale; et in Zacharia, O, bis repe-
titur. *De ceteris vocibus trium angelo-
rum qui erant tuba canituri* : id est, to-
ties dixit, Væ habitantibus, etc., propter
acerbitatem tribulationum denuntianda-
rum sub vocibus trium angelorum se-
quentium. Jam enim quinque angelorum
buccinatio est descripta, restat trium. Ita-
que, si per Væ intelligatur pœna damna-
tionis æternæ, vel malum culpæ, referenda
erunt hæc væ ad ipsos persecutores justo-
rum, seu reprobos. Si vero temporalem
afflictionem designet, poterit ad electos,
qui multipliciter affliguntur, referri. Un-
de et ad innuendum triplex malum, dicit
ter, Væ. Est enim peccatum, temporalis
vexatio, æterna damnatio.

Joel. i, 15;
Jer. i, 6; xiv,
13; Ezech.
iv, 14; xx,
49.
Zach. ii, 6.

Postremo, quæ dicta sunt, ad nostram

T9

possent informationem converti, ut scilicet angelicis manibus recipiatur, ac in cœlum discamus et studeamus continuis atque ardentibus orationibus insudare, quum tanta sit orationis virtus et dignitas ut angelicis manibus recipiatur, ac in cœlum Tob. XII, 12. mox deferatur, faciatque suavem coram Deo odorem. Et qualiter cetera nobis valeant coaptari, perfacile reor.

ARTICULUS X

EXPLANATIO CAPITULI NONI : ET QUINTUS ANGELUS TUBA CECINIT.

QUEMADMODUM statim post Christi ascensionem et Spiritus Sancti missionem, cœpta evangelicæ legis prædicatione, hæreses oriri cœperunt; sic, secundum quosdam catholicos doctores et patres, Antichristi adventum præcursuræ sunt hæreticæ pravitates. Et inde quidam exponunt præsens capitulum. Omnes autem de hæreticis ista exponunt : sed aliqui de illis hæreticis qui in primitiva fuerunt Ecclesia; aliqui de illis qui post Arium eruperunt; Beda vero, Albertus, et alii multi, de illis qui Antichristi præcurrent adventum. Sensus autem pro magna parte redit in idem. Unde et sic exponenda est littera, ut omnibus queat aptari.

1 *Et quintus angelus tuba cecinit*, id est, quintus ordo vel chorus prædicatorum atque doctorum, ea quæ Christi sunt fortiter prædicavit : quod tamen potissime sumitur de his prædicatoribus qui post præfatos erunt, advenientibus memoratis hæreticis Antichristi adventum præcurrentibus. *Et vidi stellam de cœlo cecidisse in terram*, id est quempiam hæresiarcham, seu hæresiarcharum catervam : qui ob scientiæ fulgorem stellæ vocantur, et quia plerique eorum, antequam laberentur in hæresim, quasi stellæ in Ecclesia splenduerunt, secundum Berengandum. Labuntur ergo de cœlo, id est de Ecclesia, quæ regnum cœlorum vocatur, in terram, id est ad vitam terrenam et vitiosam, atque ad eos quorum affectio in terrenis versatur. *Et data est illi clavis putei abys-*

si, id est potestas sive industria aperiendi profunditatem, vel secretum fluctuantis amari hæretici documenti. Aqua enim doctrinam significat; abyssus vero, mortifera ac submergentia hæreticorum figmenta. Hæresiarchæ itaque per apparentem ac fictam sanctitatem, per eloquentiæ venustatem, per naturalem philosophiam, per Scripturarum inordinatam allegationem, secreta suorum pandunt atque proponunt errorum. Denique puteus abyssi dici potest intellectus hæresiarchæ, ex quo dogmata hauriuntur iniqua : et hunc puteum suum simulatores et callidi hæresiarchæ sub specie serenissimi fontis aperiunt, felque sub colore mellis propinant. Hinc subditur :

Et aperuit puteum abyssi, id est cordis sui versutias, hæreticosque errores. *Et ascendit fumus putei abyssi, sicut fumus fornacis magnæ* : id est, hæreticæ impietatis tenebrosus error et falsitas nubilosa, longe lateque dispersa sunt copiose, et fœtor perfidiæ coram Deo ascendit; sed et fama hæresiarchæ vulgata est : quia ut facerent sibi nomen, nova asserere præsumpserunt. *Et obscuratus est sol et aer de fumo putei*. Per solem, sicut jam dictum est, prælati atque doctores, ac superiores quique seu eminentes, quorum est alios illustrare, signantur : et talium multi, hæreticorum errore commaculantur, lumen rectæ fidei ac virtutum perdentes splendorem. Aeris vero nomine, plebs ipsa seu grex significatur, qui a prælato sus-

Apoc. VIII, 12.

capit scientiæ lumen, quemadmodum a sole aer fulgorem. Plebs autem facilius etiam decipitur. Obscurantur quoque electi, dum per hæreticos diffamantur et contristantur.

3 *Et de fumo putei exierunt locustæ super terram*, id est hæretici hæresiarcharum filii sive discipuli, instar locustarum multi, et distorte incedentes per semitas tenebrarum, animo leves ac petulantes. Hi nempe ab hæresiarchis spiritualiter generantur. *Et data est illis potestas sicut habent potestatem scorpiones terræ*, id est, Deo permittente, potestate sibi concessa abutentur, et nocebunt, ac animas lædent improvise, acute, blandisone, sicut scorpio improvise diffundit venenum : nam vultu blanditur, et percutit cauda.

4 *Et præceptum est illis*, id est, Deo agente prohibiti sunt, *ne læderent fœnum terræ, neque omne viride, neque omnem arborem, sed* * *tantum homines qui non habent signum Dei in frontibus suis*. Per fœnum, inferiores, fragiles et incipientes ; per viride, mediocres et proficientes ; per arbores, majores atque perfecti, sunt designati : quibus Deo jubente hæretici non queunt nocere in anima, quando electi sunt, quoniam Dei gratia conservantur. Homines vero signum Dei in suis frontibus non habentes, sunt qui caritatem et opera fidei non habent, qui justo Dei judicio falli ac disperire sinuntur, quemadmodum ait Apostolus : Mittet illis Deus spiritum erroris, ut credant mendacio, eo quod veritatis caritatem non receperunt. Et Christus testatur : Quoniam abundabit iniquitas, refrigescet caritas multorum.

5 *Et datum est illis*, id est hæreticis a Deo præordinatum, *ne occiderent eos*, puta præfatos fideles, morte perfidiæ vel naturæ. Nam etsi aliquos Christianos, non tamen universos, occidere permittentur. *Sed ut cruciarent eos*, id est, corporaliter persequerentur, *mensibus quinque*, id est per omne tempus vitæ præsentis, quæ propter quinque sensus in quibus agitur, et quin-

que ætates quibus extenditur (quæ sunt, infantia, pueritia, adolescentia, juvenus et senectus), per quinque menses designatur. Beatus Gregorius facit sex ætates in homine. Nam ultimam bipartitur, vocans posteriorem ejus partem, decrepitam, ut sex ætates hominis sex ætatibus mundi conformet. Itaque permittit Deus in sæculo isto catholicos ab hæreticis tribulari, sicut Apostolus loquitur : Oportet hæreses esse, ut qui probati sunt, manifesti fiant. *Et cruciatus eorum*, id est pœna a perfidis inflicta fidelibus, erit *ut cruciatus scorpionum quum percutit hominem*, id est, talis erit qualis est pœna quam sustinet a scorpione percussus : quia ut tactum est, acute, improvise, et venenate nocebunt.

Et in diebus illis, quibus hæretici sic vastabunt Ecclesiam, et variis modis eam irreverenter tractabunt, plurimosque decipient, *quærent homines mortem corporalem*, dicentes cum Paulo : Infelix ego homo ! quis me liberabit de corpore mortis hujus ? ut scilicet sint cum Christo, nec tantam enormitatem conspiciant, sicut et Moyses Domino ait : Obsecro ut occidas me, ne tantis afficiar malis. *Et non invenient eam. Et desiderabunt mori, et fugiet mors ab eis* : quoniam Deus pro ampliori eorum profectu, atque propter inferiorum custodiam, conservabit eos in vita. Itaque in tribulatione gravissima constitutus, potest appetere mortem corporalem ut viam ad vitam beatam, et cum conditione saltem implicita, in quantum scilicet Deo placuerit. Sic enim Elias et Tobias animas suas tolli rogabant a corpore. Paulus quoque : Supra modum, inquit, gravati sumus, ita ut tæderet nos vivere.

Et similitudines locustarum similes equis paratis in prælium. Non ait, Locustæ, sed, Similitudines locustarum, ad innuendum quod omnia ista in imaginaria visione sibi ostensa sunt. Itaque, Similitudines locustarum, id est hæretici, similes erant equis ad pugnam paratis, id est, cum fervore et impetu procedentes, sine

II Thess. II,
10.

Matth.
xxiv, 12.

I Cor. xi,
19.

Rom. vii, 24.

Num. xi, 15.

III Reg. xix,
4; Tob. iii, 6.

II Cor. i, 8.

Dei timore ac discretione. Et sicut equi non sua ratione, sed sessoris impulsu aguntur in bellum, ita doctores pestiferi diabolico spiritu agitati feruntur contra Ecclesiam. *Et super capita earum, tanquam coronæ similes auro*, id est, signa victoriæ præferent. In mentibus quoque eorum qui spiritualiter capita nuncupantur, sæcularis sapientiæ fulgor, imo et Scripturarum quædam cognitio refulgebit. Verumtamen, quoniam vera et salutari sapientia carent, nec ipsas Scripturas recte intelligunt, sed subvertunt; non coronæ aureæ, sed tanquam coronæ auro similes, in eorum capitibus describuntur. *Et facies earum sicut facies hominum*. Hoc ideo dicitur, quia hæresiarchæ et quidam eorum sequaces, frequenter sunt ingeniosi seu cautelosi. Per faciem equidem ratio designatur. Ad insinuandum ergo quod rationabiles quodammodo esse videntur (nam et naturalis rationis argumentis se muniunt), dictum est, Facies earum sicut facies hominis. Et sicut in facie hominis sunt os, per quod eloquentia; nasus, quo discretio; oculi, quibus sapientia et mansuetudo seu modestia designatur: ita hæresiarchæ, eloquentes, prudentes, discreti inaniter apparebunt.

- 8 *Et habebant capillos sicut capillos mulierum*. Per capillos capitis, cogitationes affectionesque cordis signantur. Quum ergo hæretici cogitationibus affectionibusque carnalibus, mollibus, instabilibus, effeminatis repleti sint, recte instar feminarum eriniti feruntur. *Et dentes earum sicut dentes leonum*: id est, quidquid simulationis et fictæ pietatis assumpserint, tamen re ipsa sævissimi erunt, et animas dilaniabunt, atque consumptas in diaboli corpus trajicient. Rursus, quemadmodum dentes leonum fœtorem emittunt, sic isti per diffamiam fœtidi erunt, et vitiis coram Deo fœtentes. *Et habebant loricas sicut loricas ferreas*, id est indurata contra veritatem præcordia, et varia errorum suorum munimenta, undique contra catholicos se armantes. *Et vox alarum*, id est
- 9

A insolentia verborum, seu strepitus exercituum earum, sicut vox [curritum] equorum multorum currentium in prælium. Quo datur intelligi, quod nullam habent in loquendo verecundiam, garruli et procaces, quorum sermo serpit ut cancer. ^{II Tim. II, 17.} Præterea, quod per alas significantur exercitus, patet per illud Isaia: Erit extensio alarum ejus (utpote regis Assyriorum), implens latitudinem terræ tuæ, o Emmanuel. ^{Is. VIII, 8.}

Et habebant caudas, id est fautores et turmas post se currentes, *similes scorpio-* ¹⁰ *rum*, id est pungitivas, crudeles, procaces. Qui enim alium sequitur adulando, juvando, hortando, cauda vocatur, Isaia dicente: Propheta docens mendacium, cauda est. *Et aculei*, id est industriæ decipienda, blasphemiarum, scandala, et tormenta quæ infligunt Catholicis, *erant in caudis earum*: quia his jaculis feriunt et occidunt quamplurimos. *Et potestas earum nocere hominibus mensibus quinque*. Permittuntur enim decipere reprobos, temporaliterque affligere justos. Cur autem per menses quinque totum tempus præsentis vitæ ^{vers. 5.} exprimatur, jam patuit.

Et habebant super se regem angelum ¹¹ *abyssi*, id est diabolus, qui in impiis regnat, juxta illud Job: Ipse est rex super omnes filios superbiæ. Impii autem, secundum quod Isaïas profatur, sunt quasi mare fervens, quod quiescere non potest. Quemadmodum autem quidam angelici spiritus præsident singulis hominibus, scilicet quilibet uni, et quidam eorum præsident regnis, ut hi qui sunt de supremo ordine infimæ hierarchiæ; sic et quilibet homo unum habet exercentem diabolus, et regnis certi adversantur diaboli. Nam et de quolibet ordine angelorum aliqui lapsi creduntur. *Cui nomen Hebraice Abaddon*, quod interpretatur exterminans, seu disperdens, *Græce autem Apollyon*, Latine autem habet nomen *Exterminans*: et hoc ab effectu suæ malitiæ. Nam per se ipsum et suos ministros indesinenter conatur fideles exterminare, ^{I Petr. V, 8.} hoc est extra fines seu terminos Ecclesiæ

militantis ac triumphantis statuere, et vera beatitudine, quæ rationalis creaturæ finis est, spoliare. Ponitur autem nomen diaboli in tribus linguis præcipuis, per quas ceteræ dantur intelligi : quia hæc scripta sunt ad totius profectum Ecclesiæ ex variis linguis collectæ, quatenus universis diaboli innotescat proprietas, qui et in omni lingua multos exterminavit. De quibus Sapiens loquitur : Ab itinere justo abierunt in exterminium.

Sap. III, 2.

12 *Væ unum abiit*, id est, una harum trium tribulationum modo descripta est, et tempore suo finem habebit; *et ecce veniunt adhuc duo væ post hæc*, id est, duæ prægraves tribulationes post illam sequentur sub tuba sexti et septimi angeli.

13 *Et sextus angelus tuba cecinit*, id est, sextus ordo seu chorus prædicatorum valide prædicavit : quod de prædicatoribus illis accipitur qui instante Antichristi adventu, Ecclesiæ filios præmunire studebunt, secundum Haymonem, Bedam, Albertum. *Et audiui vocem unam ex quatuor cornibus altaris aurei quod est ante oculos Dei*. Omnia ista in imaginaria visione ostendebantur Joanni per angelum, qui verba, effigies, atque imagines in interiori sensu Joannis formavit. Itaque per vocem istam quam audivit in spiritu, designatur concors totius Ecclesiæ sensus, prædicatio vel doctrina. Porro altare aureum appellatur Ecclesia, seu fides et caritas ejus, secundum quod plenius dictum est. Quatuor cornua, sunt quatuor Evangelia, vel quatuor principales virtutes, vel universi doctores ac prædicatores Ecclesiam in quatuor mundi partibus protegentes : ex quibus omnibus unanimis prædicatio oritur, ut contra Antichristum et ejus fallacias prædicetur. Est quoque altare hoc ante oculos Dei, quia acceptum est cuncta cernenti. Oculi enim Domini super justos; et, Beneplacitum est Domino in populo suo.

Ps. XXXIII, 16.
Ps. CXLIX, 4.

14 Itaque, *Audiui vocem dicentem sexto angelo, qui habebat tubam*, id est memorato ordini prædicatorum tempore suo for-

A titer prædicaturo : *Solve quatuor angelos, qui alligati sunt in flumine magno Euphrate*. Per hos quatuor angelos quidam intelligunt dæmones; alii, principes sæculi infideles, qui omnes dicti sunt quatuor, propter quatuor plagas terræ principales, in quibus demorantur et regnant. Insuper, per Euphraten, sæculum nequam, procellosum ac fluctuans designatur : in quo angeli isti ligati sunt, quoniam divina virtute eorum refrenatur crudelitas, ne juxta libitum suum queant nocere. Hos igitur angelus iste solvet, id est, solvendo denuntiabit, quia tunc plus solito desævire, tentare et persequi permittentur.

Et soluti sunt quatuor angeli, id est, adversarii isti tempore suo Ecclesiam impugnare sinentur, *qui parati erant*, id est erunt (loquitur enim de futuro quasi præterito, consuetudine prophetali, propter certitudinem veritatis), *in horam, et diem, et mensem, et annum*, id est, indefesso animo parati erunt continue, seu omni temporis sui spatio, persequi justos. Verumtamen Haymo per horam intelligit medium annum, per alia tria, tres annos, quibus Antichristi durabit tyrannis. *Ut occiderent tertiam partem hominum*, id est plurimos valde. *Et tertia pars terræ combusta est*, id est multitudo habitatorum terræ, igne impietatis seu durtia tribulationis consumpta. Multos enim spiritualiter periment, quos a Christi fide et cultu avertent; quos autem avertere nequierint, corporaliter lædent.

15

Et numerus equestris exercitus istorum quatuor angelorum Satanæ, est vices milies dena millia. Hic rursus, sicut et supra frequenter, ponitur numerus determinatus pro indeterminato, quasi innumerabilis multitudo tunc persecutura est Christianos. Vices autem, est bis decies, hoc est vicesies. Porro, ut ait Berengandus, quemadmodum Deus habet equos suos, scilicet prædicatores, qui eum per universum orbem deportaverunt; ita habet diabolus equos suos, id est omnes impios, super quos sedet, et ad perpetranda diversa see-

16

Apoc. VII, 4
et seq.

lera impellit. Denique hæresiarcharum discipuli, dicuntur eorum equi; omnes quoque ministri principum iniquorum equi eorum vocantur, dum eis ad mala agenda infeliciter obsequuntur. *Et audiui numerum eorum*, id est, angelo loquente et edocente, percepi ac intellexi numerum hujus equestris exercitus, et quid significaret.

17 *Et ita vidi equos in visione* imaginaria atque prophetica, quod scilicet isti veritatis adversarii hæretici, fuerunt mihi ostensi tanquam diabolorum mancipia. *Et qui sedebant super eos*, id est dæmones hæresiarchis ac hæreticis præsidentes, vel hæresiarchæ et principes persecutores suis discipulis ac ministris dominantes, *habebant loricas igneas et hyacinthinæ et sulfureas*. Per lorica hoc loco exprimitur quæcumque armatura spiritualis contra fidei ac virtutum sinceritatem, seu cordis duritia. Vel proprie lorica est injustitia, sicut et lorica bonorum exstat justitia, secundum illud Pauli: Induti lorica justitiæ. Istæ loricae sunt igneæ, propter ardentem persequendi affectum, et propter ignem iræ atque furoris persecutorum. Et hyacinthinæ, id est cœlestis cujusdam apparentiæ erunt, quoniam magnam boni ac veri speciem sibi assumunt, secundum quod diabolus transfigurat se in angelum lucis. Hyacinthus autem cœlestem habet colorem. Vel, hyacinthinæ, id est fumeæ, secundum Haymonem et Bedam, eo quod oculum mentis obtenebrabunt, quemadmodum fumus oculos corporales. Sulfureæ quoque scribuntur, quia per falsitatem, impietatem, blasphemiam contra Christum procedent.

Ephes. vi,
14.

II Cor. xi,
14.

Et capita equorum, id est dæmones, hæresiarchæ atque tyranni, impiorum istorum capitanei, *erant tanquam capita leonum*, id est, superbi erunt, feroces et devoratores fidelium; *et de ore ipsorum procedebat ignis*, id est sermo invidiosus et rabidus, seu sententia occisionis contra fideles, *et fumus*, id est verba ven-

A tosa, vanitatisque vapor instabilis, *et sulfur*, id est blasphemiarum foetor. Etenim sic loqui, imprudentibus, non sapientibus competit, juxta illud Job: Numquid sapiens respondebit quasi in ventum loquens, et implebit ardore stomachum suum?

Job xv, 2.

Et ab his tribus plagis occisa est tertia pars, id est magna multitudo, *hominum*, utpote *de igne, fumo et sulfure* [quæ procedebant de ore ipsorum]. Nam et ipsi hæresiarchæ et hæretici suis erroribus et peccatis primo spiritualiter se ipsos occident, deinde multos inficient; stabilitos vero in fide et gratia, corporaliter tribulabunt. *Potestas enim equorum*, id est hominum impiorum istorum, *in ore ipsorum est*, id est sermone jactantiæ; vel, *In ore*, id est hæresiarcha eorum magistro, qui est tanquam os discipulorum suorum, pro quibus effatur; *et in caudis eorum*, id est ministris eos sequentibus; vel, *In caudis*, id est officio astutis et eorum. Ideo subditur: *Nam caudæ eorum similes sunt serpentibus*, propter calliditatem, et quia falsitatum venenis erunt repleti, *habentes capita*, id est magistros ac principes mendaciorum ac vitiorum; *et in his nocent*, id est, auctoritate, virtute, suggestionem capitum horum vastabunt Catholicos.

18

19

Et ceteri homines qui non sunt occisi in his plagis, id est pagani atque idololatræ, qui pro fide persecutionem passi non sunt, *neque egerunt poenitentiam de operibus manuum suarum, ut non adorarent simulacra aurea, et argentea, et ærea, et lapidea, [et lignea, quæ neque videre possunt, neque audire, neque ambulare,]* id est, de idololatria sua se non emendaverunt; *et non egerunt poenitentiam ab homicidiis suis, neque a veneficiis*, quibus occulte læserunt, *neque a fornicatione, neque a furtis*: omnes, inquam, hi simul peribunt. Estque hic modus loquendi detruncatus seu decurtatus, in quo aliquid subintelligere et supplere oportet.

20

21

Luc. xiii, 3,
5.

ARTICULUS XI

EXPOSITIO CAPITULI DECIMI : ET VIDI ALIUM ANGELUM FORTEM, ETC.

In Apoc. vi,
4.

QUEMADMODUM tactum est, quidam conati sunt librum istum exponere de statu et tribulatione Ecclesiæ secundum processum et ordinem temporum sub evangelica lege, a tempore Apostolorum seu primo Christi adventu, usque ad persecutionem Antichristi finemque sæculi. Talem quoque expositionem ex historiis et chronicis extrahunt, et usque ad tempus suum quo taliter hæc exposuerunt, protendunt. Denique quidam eorum satis subtiliter applicant historias hujusmodi ad hujus libri tenorem. Et quod duobus præcedentibus capitulis de septem angelis tuba canentibus scriptum est, de angelis Satanæ seu pessimis hominibus, scilicet hæresiarchis atque eorum sequacibus, interpretantur : per primum horum angelorum intelligentes Arium, qui Patrem et Filium et Spiritum Sanctum persona et natura distingui mentitus est. Pro cujus intolerabilis condemnatione erroris congregata fuit sancta synodus Nicæna trecentorum decem et octo episcoporum. Per secundum, intelligunt Macedonium, qui Patrem et Filium unius esse naturæ concedens, Spiritum Sanctum creaturam esse affirmare præsumpsit, sequens in hoc Lactantium, qui hoc ipsum asseruit, teste Hieronymo. Contra hujus Macedonii perfidiam, collecta fuit synodus Constantinopolitana, centum quinquaginta episcoporum. Porro, per tertium angelum accipiunt Pelagium hæresiarcham, qui contra articulum fidei de gratia Spiritus Sancti, dixit hominem propria potestate sine gratia, scilicet ex puris naturalibus, posse meritorie agere, nec peccatum priorum parentum transfundi in posteros. Per quartum, intelligunt Eutychen hæresiarcham

A Constantinopolitanum, asserentem in Christo esse unam dumtaxat naturam, ex unione naturæ divinæ et humanæ resultantem. Per quintum angelum intelligunt Valentem imperatorem, qui de conjugis suæ consilio in Arianam lapsus est hæresim. Per sextum autem, Laurentium, qui ad Papatum inordinate tendebat. Sub his angelis impiis factæ sunt graves persecutiones fidelium, præsertim sub primo et ejus fautoribus, scilicet Arianis. De septimo autem angelo dicetur postea. — Verumtamen contra expositiones has, quædam superius breviter sunt objecta.

Apoc. xi, 15.
Cf. viii, 2.

Insuper, quod præsentī nunc elucidando capitulo scribitur, *Et vidi alium angelum fortem, descendentem de cælo, amictum nube, et iris erat in capite ejus, et facies ejus erat ut sol, et pedes ejus tanquam columna ignis*, exponunt de Justino seniore imperatore Constantinopolitano, qui fuit vir christianissimus atque piissimus, et contra Arianorum mendacia fidei zelo succensus. Hanc autem expositionem non prosequor, præsertim quum in commento cujusdam nunc satis noti contenta sit, et quia superioribus non satis concordat, nec antiquis ac solidis expositoribus Augustino, Haymoni, Bedæ, Berengando, etc., consonare videtur. Illos ergo sequendo, dicendum quod descriptis Ecclesiæ persecutionibus, nunc consolatio ponitur ex descriptione mysteriorum Christi. Nempe in libro isto, sicut in ceteris libris propheticeis, sæpius de eodem fit et repetitur sermo, sub alia ac alia forma, et cum additione, majoreque explanatione.

Itaque per hunc *angelum fortem, descendentem de summo utique cælo, juxta*

illud, A summo cœlo egressio ejus, haud
Is. xlviii, 7. dubium quin per Incarnationis mysteri-
Is. ix, 6. um, intelligitur Christus magni consilii
juxta LXX. Angelus, sicut superius declaratum est
In Apoc vii, plenius. *Amictum nube*, id est carne as-
2, xiii, 4. sumpta, peccato non aggravata, per quam,
Is. xix, 4. pluviam gratiæ, sapientiæ et sanguinis
nobis diffudit. Unde in Isaïæ prophetia
dicitur : Ecce Dominus ascendet super
nubem levem, et ingreditur Ægyptum. *Et*
iris erat in capite ejus, id est, caritatis et
reconciliationis indicium atque clementia
in ipso apparuit. Id namque iris desi-
Gen. ix, 13. gnat, juxta quod Dominus ait : Arcum
meum ponam in nubibus cœli, et erit si-
gnum fœderis inter me et terram. *Et fa-*
cies ejus erat ut sol. Hoc supra tractatum
Apoc. i, 16. est plenius, ubi habetur : Facies ejus sic-
ut sol lucet in virtute sua.

Et pedes ejus tanquam columna ignis.
Per pedes intelliguntur affectiones. San-
ctæ autem et fervidæ affectiones, sunt
quasi columna ignis, quoniam ardent in
se, et aliis exemplariter lucent : quod
Christo maxime competit. Certum est au-
tem quod sicut corpus pedibus, sic spi-
ritus moveatur affectibus. Ideo quoque
Christi pedes quasi columna ignis appa-
ruerunt : quoniam ipse in cunctis suis
operibus immaculatus permansit, nec ter-
ram calcando labem incurrit ; imo in ex-
tremis ac infimis actibus suis corporali-
bus, sicut sunt manducare, bibere, etc., in
pleno caritatis fervore, sapientiæ quoque
splendore actualiter mansit stabilis inde-
sinenter. Præterea, pedes Christi sunt præ-
dicatores virtuosus, præsertim Apostoli, qui
ejus nomen ubique tulerunt, quemadmo-
Act. ix, 15. dum de Paulo loquitur : Vas electionis est
mihi iste, ut portet nomen meum coram
gentibus. Hi ergo habent pedes ut ignis
columnam, caritate fervendo, et sapientia
illustrando, imo et alios inflammando, et
fideles caritative portando, prout Paulus
Galat. ii, 9. commemorat, dicendo : Petrus, Jacobus,
et Joannes, qui videbantur columnæ esse.

2 *Et habebat in manu sua libellum aper-*
tum. Sic enim in imaginaria visione ap-

paruit : et per libellum hunc significa-
batur evangelica Christi doctrina, verbis
parva, sensuum vero majestate perma-
xima. Unde et Isaïas prædixit : Verbum
abbreviatum faciet Dominus super ter-
ram. Hunc libellum Christus præsertim
aperuit, quando per Spiritus Sancti in-
fusionem in die sancto Pentecostes, corda
Apostolorum de lege evangelica plene in-
struxit, quando item proprio ore sermo-
cinatus est mundo. Præterea, ante jam
dixit Joannes : Vidi in dextera sedentis
super thronum, librum signatum sigillis
septem ; et vidi Agnum ; et venit, et ac-
cepit librum de dextera sedentis super
thronum ; quumque aperuisset librum,
etc. Itaque, quod ibi per librum signatum
est, hoc hic per librum apertum, diversis
respectibus insinuat, utpote quia æter-
na Dei præscientia de statu, decursu, tri-
bulatione Ecclesiæ latuit homines, quo-
usque per Christum eis est reserata. Ideo,
quia jam de septem sigillorum libri illius
apertione præhabitu est, merito scribitur
angelus iste libellum in manu apertum
habere. Sed quum liber iste sit æternæ
atque immensæ præscientiæ Dei designa-
tivus, cur modo libellus vocatur ? Respon-
dendum, quia per comparisonem ad ple-
nitudinem præscientiæ et notitiæ rerum
in mente divina, permodicum est quid-
quid hominibus revelatur.

Et posuit pedem suum dextrum super
mare, sinistrum autem super terram : id
est, tam habitantibus in insulis maris,
quam eis qui in arida commorantur, Chri-
stus per discipulos Evangelium prædica-
vit : imo et proprio ore aliquantulum id
implevit, ad mare Tiberiadis et civitates
maritimas prædicando, quando et subinde
in navicula stetit in mari. Berengandus
per pedem dextrum intelligit novum Te-
stamentum ; per sinistrum, vetus ; per
mare, gentiles, in quibus erat profunditas
ignorantiæ et errorum ; per terram, Ju-
dæos, qui per legem et Prophetas erant
exculti. Per hoc itaque, quod in visione
ista apparuit angelus Christum repræsen-

Is. x, 23 ;
Rom. ix, 28.

Act. ii, 1-4.

Apoc. v, 1,
6-8.

Matth. iv,
13 et seq. ;
ix, 35 ; Jo-
ann. vi, 1 et
seq. ; xxi, 1
et seq.

tans, quasi ponens pedem dextrum super mare, signatum est quod evangelicam legem proposuit gentibus per Apostolos Christus; per hoc vero, quod sinistrum pedem posuit super terram, significabatur quod Judæis vetus tradidit Testamentum. Præterea, quia ut dictum est, per pedes Christi, ejus Apostoli exprimuntur (dextrum vocamus, quod jucundum ac prosperum est; sinistrum, quod adversum); tunc Christus pedem dextrum posuit super mare, quando relictæ olim gentilitati per Apostolos prospera nuntiavit, quod scilicet ad bona gratiæ et gloriæ esset electa: prout in Actibus Paulus testatur, dicendo, Ecce convertimur ad gentes. Ubi mox subditur: Audientes autem gentes, gavisæ sunt. Sinistrum autem pedem posuit super terram, id est super carnales et induratos Judæos, quando eisdem per Apostolos prænuntiavit quod relinquendi essent ac perituri, secundum quod Paulus dicebat: Notum vobis sit, quia gentibus missum est hoc salutare Dei.

3 *Et clamavit voce magna, quemadmodum quum leo rugit.* Christus enim affectuosissime ac seriosissime prædicavit, dæmones impiosque perterruit, et cum summa auctoritate ac efficacia est locutus. Diffusa est enim gratia in labiis ejus. De quo et adversarii ejus compulsi sunt dicere: Nunquam sic locutus est homo, sicut hic loquitur. Sed quomodo stare hæc possunt, quum apud Isaïam prophetam de Christo prædictum sit, quod et Matthæus allegat, Non clamabit, nec audietur foris vox ejus? Et respondendum, quod per hoc non nisi irrationabilis passionatusque clamor aufertur a Christo, sicut et Paulus hortatur: Omnis amaritudo, et indignatio, et clamor tollatur a vobis.

Et quum clamasset, Evangelium prædicando, locuta sunt septem tonitrua voces suas, id est, universi prædicatores ejus, præsertim Apostoli atque eorum discipuli (qui septenario exprimuntur, propter illius numeri perfectionem et mysteria, et quoniam septiformi gratia Spiritus San-

cti erant repleti), ex Christi commissione, prædicationis voces effundere sunt exorsi. Nam et ante passionem misit Apostolos et septuaginta duos discipulos evangelizare; post passionem vero loquens Apostolis, Euntes, inquit, in mundum universum, prædicate Evangelium omni creaturæ. Prædicatores autem sancti, propter verborum suorum efficaciam et terrorem, tonitrua appellantur.

*Et quum locuta fuissent septem tonitrua voces suas, juxta sensum præhabitu-
tum, scripturus eram,* id est, putavi ac præparavi me conscribere eas, sicut supra ab angelo sancto audiui: Quod vides, scribe in libro. *Et audiui vocem de cælo dicentem per inspirationem internam, quæ vox ab angelo est formata: Signa quæ locuta sunt septem tonitrua, noli ea scribere.* Quod ait, Signa, potest esse nomen et verbum. Si nomen, sensus est: Signa, id est voces præfatas, quæ signa sunt rerum, non scribas. Si autem sit verbum, quod magis apparet, sensus redit in idem: Signa, id est, absconde, et sub secreto claude, ea quæ locuta sunt septem tonitrua, et noli ea scribere seu omnibus pandere. Hoc ideo dicitur, quia non omnia omnibus competunt, nec christianæ fidei mysteria cunctis sunt passim pandenda, quum dicat Salvator: Nolite sanctum dare canibus, neque margaritas vestras projiciatis ante porcos, ne conculcent eas pedibus suis. Propter quod Paulus de se quasi de alio loquens: Audivit, inquit, arcana verba, quæ non licet homini loqui; et rursus, Non potui vobis loqui quasi spiritualibus, sed quasi carnalibus. Ista ergo secretiora christianæ sapientiæ documenta, non sunt sapientibus et perfectis, sed imperfectis et injustis celanda, ut pateant probis, lateant improbos. Hinc Danieli locutus est angelus: Signa librum, et claude sermonem usque ad tempus statutum.

Et angelus quem vidi stantem super mare cum dextro pede, et super terram cum sinistro (ut dictum est), levavit ma-

Luc. x, 1.

Marc. xvi, 13.

4

Apoc. i, 11.

Matth. vii,

6.

II Cor. xii,

4.

I Cor. iii, 1.

Dan. xii, 4.

5

6 *num suam ad caelum, gestum habitum-*
que jurantis assumens; et juravit per
Viventem in saecula saeculorum, scilicet
per Deum æternum, totius vitæ opulentis-
simum et incommutabilem vividissimum
fontem, qui creavit caelum, id est omnes
orbes cœlestes, et ea quæ in eo sunt, sci-
licet angelos et Beatos, solem et lunam et
astra, et terram, et ea quæ in ea sunt, et
mare, et ea quæ in eo sunt: quia tempus
amplius non erit. Quomodo autem tem-
 7 *pus amplius non erit, subjungitur. Sed in*
diebus vocis septimi angeli, quum cœpe-
rit tuba canere, id est fortiter prædicare,
consummabitur, id est, ad effectum du-
cetur seu perficietur, mysterium, id est
secretum, Dei, quod in fine mundi præ-
signavit implendum, sicut evangelizarit
per servos suos Prophetas, qui tam in
veteri quam in evangelica lege fuerunt,
atque de Christi mysteriis, consummatio-
neque sæculi, et retributione finali no-
scuntur locuti. Omnes quippe Apostoli et
ceteri quidam discipuli in novo Testa-
mento, spiritu fulserunt prophetico: sic-
ut et S. Dionysius, qui huic B. Joanni in
Patmos relegato misit epistolam in qua et
de ejus reditu ad Ephesum prophetavit.

Itaque, quod angelus iste jurando asse-
 ruit quia tempus ultra non erit, refertur
 ad sæculi consummationem: quia peracto
 finali judicio, cessabit motus primi mo-
 bilis, cujus motus mensura est tempus;
 cessabitque tunc motus cœlestium cor-
 porum, ac transmutatio elementorum. Por-
 ro, si tempus sumatur secundum quod
 dicitur mensura motus rerum mutabili-
 um, manebit quantum ad reprobos in in-
 ferno, juxta illud: Inimici Domini men-
 titi sunt ei, et erit tempus eorum in
 sæcula. Unde et Beda hic ait: Erit utique,
 ut ait Psalmus, tempus impiorum in æter-
 num; sed mutabilis sæcularium tempo-
 rum varietas, in novissima tuba cessabit.
 Haymo quoque ait, quod in Beatis tunc
 tempus non erit, sed in reprobis. Si vero
 obijciatur id quod divinus sermo quo-
 dam loco testatur, dicendo, Erit mensis ex

A mense, et sabbatum ex sabbato: dicen-
 dum quod verbis illis non temporalis vi-
 cissitudo, sed perpetuitas patriæ designa-
 tur. — Ex his vacillare videtur expositio
 exponentis hæc de Justino imperatore, et
 quæ infra dicentur de septimo angelo, de
 Justino imperatore, filio filii Justinii præ-
 fati: non enim tunc tempus cessavit. Nec
 Justino illi seniori competit quod hic de
 angelo super mare stante asseritur, quod
 juravit quia tempus ultra non erit, etc.

8 *Et vocem audivi iterum loquentem me-*
cum, et dicentem. Per vocem hanc intel-
 ligitur interna allocutio angeli qui jam
 paulo ante dixit Joanni: Signa quæ lo-
 cuta sunt septem tonitrua, noli ea scri-
 bere, etc. Per quem angelum, quidam in-
 telligunt angelum qui in persona Christi
 Joanni ista ostendit ac dixit, secundum
 quod supra dicebatur*. *Vade, accipe li-*
brum apertum de manu angeli stantis
super mare et super terram, id est, Scri-
pturarum novæ legis intelligentiam sume
a Christo. Quidam putant hoc dictum Joan-
 C *ni in persona Apostolorum, ad innuendum*
quod omnes Apostoli a Christo instructi
sunt; vel in persona futurorum prædica-
torum, qui docebuntur a Christo. Verius
tamen reor, ut in persona propria Joanni
hoc dictum credatur: vel ut Scripturarum
mysteria profundius contemplaretur, clari-
usque cognosceret; vel ut futura Ecclesiæ
adversa, cursum et statum plenius nosce-
ret; vel ut prædicationis officium ad Ephe-
sum reversus resumeret; vel certe ad in-
 D *sinuandum quod post istam revelationem*
in Asia Evangelium esset scripturus.

9 *Et abii ad angelum stantem super ma-*
re et terram, puta ad Christum, dicens ei
ut daret mihi librum, id est, horum no-
titiam mihi infunderet. Videbatur autem
Joanni in imaginaria visione, quod ista
corporaliter agerentur; sed intellectualiter
Deo per angelum edocente cognovit quid
significarent. Itaque mente studiosa veri-
tatisque avida, animo obedienti ac prom-
pto, spirituali approximatione accessit.

Et dixit mihi: Accipe librum et devora

vers. 4.

* alias se-
 cundum
 quod primo
 dicebatur
 capitulo.

Ps. LXXX,
 16.

Is. LXVI, 23.

illum, id est, divinorum ac futurorum A notitiam diligenter assume, memoriter retine, spiritualiter mastica, mentis visceribus imprime. Verbum etenim Dei cibus est animæ. *Et faciet amaricari ventrem tuum*, id est memoriam tuam seu mentem : quæ animæ venter est, juxta illud *Prov. xxii*, 18. *divini eloquii, Fili, accipe sapientiam, quæ pulchra tibi erit, quum in ventre tuo eam acceperis ; et illud Joannis, Flumina de ventre ejus fluent aquæ vivæ. In revelatione enim præfata cognovit Joannes quanta passura esset Ecclesia : idcirco ei compassus est, et amaritudine bona repletus ; amaricata quoque est anima ejus, quia tot Christianos vidit in hæreses et alia vitia ruituros. Quemadmodum et Ezechiel quum librum sibi oblatum se devorasse describeret, addidit, Abii amarus in indignatione spiritus mei : quæ videlicet fuit indignatio virtuosa contra iniquorum peccata, quam Apostolus Corinthiis scribens connumerat bonis affectibus ex tristitia quæ secundum Deum est consequentibus. Insuper, Faciet amaricari ventrem tuum, id est inferiorem animæ tuæ portionem, et corporalem naturam, quando cognitionem libri hujus cœperis effectui mancipare, prædicando et operando, ac multipliciter in Dei vinea laborando. *Sed in ore tuo erit dulce sicut mel*, id est, in ipsa divinorum revelatione, primo delectationem in intellectu habebis. Veritatis namque consideratio dulcis est ex sua natura ; nec delectationi quæ est in considerando, opponitur tristitia. Delectabile ergo est animæ divinitus illustrari, regi, doceri. Sed quia nonnunquam in tali revelatione seu consideratione monstrantur dura et mala, idcirco in attendendo effectus qui consequuntur, amaritudo seu dolor mox generatur.*

10 *Et accepi librum de manu angeli, et devoravi illum ; et erat in ore meo tanquam mel dulce.* Istud totum modo expositum est. Unde et Psalmista decantat : Quam dulcia faucibus meis eloquia tua ! super mel ori meo. In visione autem apparebat

A Joanni quod ista corporaliter fierent, sed eorum significationem intellexit. *Et quum devorassem eum*, ruminando quæ mente percepi, *amaricatus est venter meus* : secundum intellectum nunc introductum.

Et dixit mihi : Oportet te iterum prophetare, id est futura prænuntiare ac evangelizare, et Scripturas sacras interpretari verbo vel scripto, *populis, et gentibus, et linguis, et regibus multis.* His verbis angelus prænuntiavit Joanni, quod de exilio esset Ephesum reversurus, atque ibidem ac locis circumjacentibus prædicaturus. Sed quum reversus non nisi in Asia prædicasse legatur, quomodo populis, et gentibus, et linguis, multisque regibus prædicavit seu prophetavit ? Et respondendum, quod verbo vel scripto eis locutus est mediate vel immediate ; et quoniam ea quæ scripsit in libro isto, et in Evangelio post Apocalypsis hujus descriptionem conscripto, omnes Christianos concernunt. Dubium quoque non est quin diversarum regionum ac provinciarum C Christiani ad Ephesum, causa videndi et audiendi tam sublimem Apostolum, copiose confluxerint, præsertim quum post reditum a Patmos tot vixerit annis, usque ad Trajani imperatoris tempora perseverans.

Postremo, secundum Berengandum, præcipitur Joanni ut librum accipiat, id est, Christi divinitatem consideret, et Evangelium inde conscribat. Devoravit autem hunc librum, quum scientiam Evangelii a Christo suscepit. — Præinductæ insuper revelationi Joannis de libro accipiendo ac devorando, consonat illud in Ezechiele : Fili hominis, comede volumen istud. Et aperui os meum, et cibavit me volumine illo, et factum est in ore meo quasi mel dulce. — Hoc quoque pensandum, quod cunctis devotis verbum Dei in meditatione et auditione dulcescit ; sed venter eorum ac sensualitas amaricantur et affliguntur, dum secundum verba Dei operantur, et carnem suam cum vitiis et concupiscentiis per abstinentias, vigiliis, disciplinas, solitudines, lacrimas, crucifigunt.

11

Ezech. iii, 1-3.

Galat. v, 24.

Prov. xxii, 18.

Joann. vii, 38.

Ezech. iii, 14.

II Cor. vii, 11.

Ps. cxviii, 103.

ARTICULUS XII

EXPLANATIO CAPITULI UNDECIMI : ET DATUS EST MIHI CALAMUS SIMILIS VIRGÆ.

- 1 **E***T datus est mihi Joanni* (haud dubium quin ab angelo, secundum imaginariam apparitionem) *calamus similis virgæ*. Calamus plura significat. Interdum enim accipitur pro mensura sex cubitorum, uti apud Ezechielem, ubi angelus templum mensurans, calamum fertur habuisse in manu. Per calamum autem ibidem scientia seu providentia Dei omnipotentis (qua cuncta in numero, pondere et mensura constituit, atque universa metitur, cunctorum actus meritaque perpendens) signatur. Interdum calamus pro instrumento scriptorio accipitur, sicut in Psalmo : *Lingua mea calamus scribæ*. Itaque, secundum Berengandum et Bedam, hoc loco per calamum intelligitur evangelium quod scripsit B. Joannes; vel, ut alii dicunt, sacræ Scripturæ notitia, per quam virtutes animæ inseruntur, merita quoque et demerita hominum perpenduntur, sicut per calamum litteræ in membranis formantur. Estque calamus iste similis virgæ, quoniam corrigit vitia, Christi regnum describit, bene agentibus regnum cœlestē promittit. Per eam quoque prælati gregem Domini dirigunt, peccantibus comminantur.
- Et dictum est mihi ab angelo : Surge*, id est, ad actum quem tibi injungo proce-de, in divinatorum illuminationibus cresce, ad altiora et anteriora te erige. Hoc modo surgere debemus, quantumlibet stemus, sicut Apostolus profitetur : *Ego non arbitror me apprehendisse, sed quæ priora sunt oblitus, ad anteriora extendo me ipsum. Et metire templum Dei et altare, et adorantes in eo*. Templum est Ecclesia militans, seu fidelium congregatio, cui ait 1 Cor. iii, 17. Apostolus : *Templum Dei sanctum est, quod estis vos*. Altare vero sunt perfecti et contemplativi, quorum auxilio aliorum sacrificia innituntur. Adorantes vero in templo, sunt reliqua credentium multitudo. Potest quoque de templo et altari materialibus accipi inanimatisque : sicque adorantes in templo, sunt universi Catholici. — Si templum et altare primo modo sumantur, sensus est : *Metire*, id est, singulorum capacitatem, perfectionem, mensuram considera, ut unicuique secundum suam capacitatem et modum, Dei verbum proponas. Alii enim et alii, aliter et aliter sunt docendi. Quod Paulus observans, ait : *Sapientiam loquimur inter perfectos; et rursus, Non potui vobis loqui quasi spiri-tualibus; itemque, Facti estis quibus lacte opus est, non solido cibo*. — Si autem secundo modo sumantur, sensus est : *Metire templum et altare*, id est, quemadmodum ecclesiæ atque altaria Christi per totum mundum sint construenda, intende, ita quod, sicut in Malachia prædictum est, in omni loco offeratur Deo oblatio munda.
- 2 **A***trium autem quod foris templum est*, id est peccatores impœnitentes, præsertim hæreticos, qui vel merito vel fide sunt extra Ecclesiam, nec Christo per caritatem sunt incorporati, *projice foras* per excommunicationem et reprobationem, seu foris projiciendum denuntia, quia in tenebras projicientur tartareas; *et ne metiaris illud*, id est, ab illis avertere, nec designes eos ad Ecclesiam pertinere, aut in structura supernæ Jerusalem collocandos. Ita et Paulus loquitur Tito : *Hæreticum homi-*

Ezech. xl.

Sap. xl, 21.

Ps. xlii, 2.

Philipp. iii, 13.

1 Cor. iii, 17.

1 Cor. ii, 6.

Ibid. iii, 1.

Hebr. v, 12.

Malach. i, 11.

Zach. ii, 1.

2

Tit. iii, 10.

nem post unam et secundam correptionem devita. *Quoniam datum est gentibus*, id est, inter paganos et perfidos hi computantur, atque cum eis inferni supplicia sortientur : quibus et Christus dicturus est, Amen dico vobis, nescio vos. Porro Berengandus per atrium istud intellexit populum Judæorum, qui per infidelitatem extra Ecclesiam fuerunt, et tamen in cordibus Apostolorum per amorem manserunt, desiderantium conversionem eorum. Quoniam vero indurati erant, jubetur Joanni ut verbum prædicationis eis non inferat, qui gentibus comparati sunt, et manibus traditi Romanorum.

Et civitatem sanctam, puta Ecclesiam Dei : de qua Paulus testatur, quod Christus elegit sibi gloriosam Ecclesiam, non habentem maculam neque rugam ; cujus mysteria in novem ultimis Ezechielis capitulis justo describuntur sermone ; *calcabunt mensibus quadraginta duobus*, id est annis tribus cum dimidio. Tanto enim tempore dicitur Antichristus regnurus, secundum quod Daniel ait : Per tempus, et tempora, et dimidium temporis : per tempus, intelligens annum ; per tempora, duos annos ; per dimidium temporis, medium annum : quibus Christiani atrocissime opprimuntur.

3 *Et dabo duobus testibus meis*, videlicet Enoch et Eliæ, copiosissima gratiæ dona, virtutem et constantiam contra Antichristum, sapientiam et eloquentiam convertendi Judæos, fortitudinem patiendi martyrium ; *et prophetabunt*, contra Antichristi perfidiam fortiter prædicando, ejusque ruinam prænuntiando, *diebus mille ducentis sexaginta*, id est tribus annis cum medio, vel circiter (aliqui enim dies deficiunt ; sed in talibus computationibus Scriptura non solet vim facere de modico), *amicti saccis*, id est pœnitentialibus, asperis, abjectis, humilibus indumentis, ut sicut verbis, ita et habitu pœnitentiam prædicent. — Denique, quod horum testimonium unus consistat Elias, Christus in Evangelio protestatur ; et in Malachia dicitur :

A Ecce ego mittam vobis Eliam prophetam *Malach. iv.*
antequam veniat dies Domini magnus et *5, 6.*
horribilis ; et convertet cor patrum ad filios, et cor filiorum ad patres. Quod vero Enoch sit alter, elicitur ex eo quod in Genesi legitur, videlicet quod tulit eum *Gen. v, 24.*
Deus, et in Ecclesiastico, quod translatus *Eccli. xliiv,*
est in paradisum. *16.*

Hi sunt duæ olivæ, id est arbores fructuosæ : qui olivæ vocati sunt, quoniam caritate ac pietate, unctioneque Spiritus Sancti sunt pleni ; *et duo candelabra*, id est fidelium luminaria, qui donis sapientiæ, scientiæ, intellectus, consilii, intra se lucent, aliisque per ea verbis et exemplis lucebunt. Et sicut candelabrum super se positum gerit lumen, et adsistentes per illud illustrat ; sic isti Christum, qui vera *Joann. i, 9.*
lux est, in corde portabunt, et per eum plurimos illuminando docebunt. *In conspectu Domini terræ stantes*, id est, Deo placentes, ejus imperio prompte obedientes, et se ipsos coram Deo sollicite custodientes, sicut Elias nondum translatus dicere consuevit : Vivit Dominus, in cujus *III Reg. xvii,*
conspectu sto hodie. Huic autem verbo *1; xviii, 15.*
consonat quod in Zacharia habetur. Quum enim Zacharias dixisset ad angelum, Qui *Zach. iv,*
sunt istæ duæ olivæ ? responsum est ei : *11.*
Isti sunt duo filii olei (sive, splendoris, secundum quod Aquila transtulit), qui assistunt Dominatori universæ terræ. Quod ibidem ad litteram de Jesu sacerdote magno sive pontifice, et Zorobabel principe Judæorum dicitur. *Ibid. 14.*

Et si quis voluerit eis nocere, id est a *5*
prædicationis officio impedire, terrere, ligare ; *ignis*, id est virtus, gratia, sermo ignitus, verbum igneæ prædicationis, *exiet de ore eorum, et devorabit inimicos eorum*, id est, rationabiliter superabit, confundet, damnandos ostendet. Dabit enim *Luc. xxi, 15.*
eis Christus os et sapientiam, cui non poterunt resistere adversarii eorum omnes. Nam et id Eliæ ante translationem suam collatum est, juxta illud Ecclesiastici : Surrexit Elias quasi ignis, et verbum illius *Eccli.*
quasi facula ardebat. *Et si quis voluerit* *xlviii, 1.*

Matth. xxv,
12.

Ephes. v,
27.

Ezech. xl-
xlvi.

Dan. xii, 7.

Matth. xvii,
11.

cos ludere in corpore, sic oportet, divina A
justitia exigente, cum occidi in anima.
Omnis nempe qui gladium accipit, gladio
perit : quoniam alium persequendo im-
pie, aut occidendo, animam suam peccando
mortaliter perimit. Quod maxime evenit
dum quis justos infestat. Uniuscujusque
etenim culpa, malitia, crudelitas, in pro-
rium redundat auctorem; magisque, imo
incomparabiliter amplius, nocet sibi quam
alteri, dum alter patientiam servet, nec
Deum offendat. Ideo Salomon loquitur : In
insidiis suis capientur iniqui; et, Qui dis-
sipat sepem, mordebit eum coluber.

6 *Hi habent potestatem claudendi cælum,*
ne pluat diebus prophetiæ eorum; et po-
testatem habent super aquas, convertendi
eas in sanguinem, et percutere terram
omni plaga, quotiescumque voluerint. Cir-
ca hoc loquitur Berengandus : Legimus
Eliam oratione clausisse cælum, et iterum
aperuisse, sed et Moysen aquas in sangui-
nem convertisse. Non ergo putandum est
Eliam minorem virtutem habere, quum
ad explendum suæ prædicationis officium
venerit, quam habuit eo tempore quo in-
ter homines conversatus est, sed potio-
rem. Ex quo sequi videtur quod Elias et
Enoch tunc miracula sint facturi : quod
et quidam concedunt.

Alii asserunt quod Ecclesia, durante ra-
 bie Antichristi, non coruscabit miraculis,
 quod item Elias et Enoch tunc potestate
 hac non utentur. Ideo ista spiritualiter in-
 terpretantur, ut dicantur potestatem ha-
 bere claudendi cælum ne pluat super
 terram, quoniam tantæ virtutis et fami-
 liaritatis sunt apud Deum, ut queant qui-
 busdam pluviam gratiæ et rorem bene-
 dictionis cœlestis orando acquirere, aliis
 autem justo zelo punitionem condignam
 desuper imprecari. Rursus, per cælum Ec-
 clesia designatur, quam poterunt claudere,
 ne documentorum fluentia influat ha-
 bitatoribus terræ. Poterunt etiam aquas, id
 est rivos doctrinarum suarum, in sangui-
 nem, id est in peccatum, convertere, re-
 probis prædicando, qui ex prædicatione

audita, dum eam non implent, gravius
 condemnantur. Vel aquæ sunt hæretico-
 rum doctrinæ, juxta illud, Aquæ furtivæ
 dulciores sunt : quas convertent in sangui-
 nem, eorum errores reprobando, et morte
 æterna dignos monstrando. Habent etiam
 potestatem percutere terram omni plaga,
 quotiescumque voluerint, id est adversa
 et ultiones habitatoribus terræ divinitus
 procurare, verbum prædicationis indignis
 subtrahere, sicut ad Moysen Dominus di-
 xit : Constitui te deum Pharaonis. Denique
 Ecclesia virtute clavium potest claudere
 cælum ne pluat, quoniam dona gratiæ
 non infunduntur his quos Ecclesia juste
 non absolvendos judicat; potestque terram
 percutere omni plaga, per excommunica-
 tionis sententiam juste prolatam.

Et quum finierint testimonium suum,
 id est prædicationem qua Jesum esse Chri-
 stum contestabuntur, *bestia*, id est Anti-
 christus irrationabilissimus, blasphemus
 et ferox (de qua in Daniele plura legun-
 tur), *quæ ascendit de abysson*, id est de
 tenebroso suo latibulo, quo se bonum et
 justum simulabit, utpote de calliditate sua
 atque hypocrisi : qui et nascetur de excæ-
 cato populo Israel, et de hoc sæculo ne-
 quam mari magno ascendet ad apertam
 tyrannidem usurpatumque regnum. Sed et
 abundantia impietatis ac diabolicæ coope-
 rationis caligo, abyssus sunt unde hæc
 bestia scandet. *Faciet adversus eos bel-*
lum verbis, factis, signis, corporalium sup-
 pliciorum inflictionibus. Variis enim mo-
 dis Antichristus persuadebit, se verum
 Christum esse. *Et vincet illos* non ratio-
 ne, sed violentia, quia interimet eos, sicut
 subjungitur : *et occidet eos.*

Et corpora eorum jacebunt in plateis
civitatis magnæ, id est, irreverenter in-
 sepulta manebunt ad terrorem fidelium,
quæ spiritualiter vocatur Sodoma et Ægy-
ptus. Per civitatem hanc magnam, quidam
 intelligunt ipsam Jerusalem, eo quod sub-
 dicitur : *ubi et Dominus illorum crucifixus*
est, scilicet Christus, Dominus Eliæ et
 Enoch ac omnium Prophetarum. Sed con-

Met.
 xxvi, 52.

Prov. xi, 6.
Eccle. x, 8.

III Reg. xvi,
 1; *Jacob.* x,
 17, 18.
Exod. vii,
 20.

Prov. ix, 17.

Exod. vii, 1.

Dan. vii.

8

tra hoc arguit Berengandus : quia Jerusalem, in qua passus et crucifixus est Christus, funditus sit destructa, et ea quæ pro illa constructa est, in alio sita est loco ; et quoniam tempore Berengandi a Christianis civitas illa habitabatur, ideo non diceretur Sodoma et Ægyptus ; itemque quia in libro isto, per civitatem magnam intelligitur Babylon, civitas diaboli, ex omnibus reprobis constans. Hinc per civitatem hanc, quidam intelligunt generaliter infidelium Antichristi satellitum collectionem, inter quos isti sunt occidendi : quæ congregatio ob vitiorum abominabilitatem, et mentis caliginem, Sodoma et Ægyptus spiritualiter appellatur, quemadmodum Petrus in prima sua Canonica Romam nominat Babylonem. Ægyptus autem, caligo seu tenebræ, Sodoma vero, muta vel cæcitas, interpretantur. Impii autem a Dei laudibus obmutescunt, excæcataque mente ad inferos præcipiti properant gradu. Verumtamen de hac re nihil affirmo. Neque enim certum habeo an sancti isti in Jerusalem occidentur. Argumenta quoque Berengandi faciliter solverentur, præsertim quum Jerusalem modo constructa sit ubi crucifixus est Dominus, ita quod locum illum intra se continet : de qua civitate nunc agitur penes qualitatem ejus pro tempore Antichristi. Si vero civitas magna intelligatur sæculum nequam, seu congregatio iniquorum, palam quod in ea occisus sit Christus.

9 *Et videbunt de populis, et tribubus, et linguis, et gentibus, videlicet multi ex omnibus istis, corpora eorum per tres dies et dimidium, in plateis jacentia ; et corpora eorum non sinent poni in monumentis. Et inhabitantes terram, id est terreni ac vitiosi satellites Antichristi, gaudebunt [super illos] et jucundabuntur, anima et corpore gloriando de illorum occisione, et munera mittent invicem in signum pacis et gaudii, quoniam hi duo Prophetæ cruciaverunt eos qui habitabant super terram, id est amatores terrenorum, contra eorum carnalia desideria prædicando, æter-*

A nam damnationem eis minando, contra eorum magistrum Antichristum efficaciter edocendo. *Et post tres dies et dimidium, spiritus vitæ a Deo intravit in eos, id est, Deo ministrante, animam suam quisque eorum recepit, et resuscitatus est. Et steterunt supra pedes suos ; et timor magnus cecidit super eos qui viderunt eos jam suscitatos per divinam potentiam. Increduli enim, quo de eorum occisione magis gavisi sunt, eo de eorum suscitatione amplius doluerunt, formidantes ea omnia fore implenda quæ illi fuerunt com-*

B *minati. Et audierunt Enoch et Elias jam suscitati, vocem magnam de cælo, dicentem eis : Ascendite huc. Hæc fuit vox angeli, in Dei seu Christi persona loquentis. Et ascenderunt in cælum in nube eos obumbrante, sicut et Christus ascendit. Loquitur autem de futuro per modum præteriti, more prophetico. Et viderunt illos inimici eorum, scilicet infideles. Quemadmodum loquitur Berengandus, an hæc secundum historiam implebuntur, hominibus quidem incognitum est, Deo autem nota sunt omnia. Multi tamen doctores adstruunt, hæc literaliter adimplenda.*

C *Et in illa hora, quando ascendere visi sunt, factus est terræ motus magnus : quia tunc vel circiter terra movebitur, seu habitatores ejus variis affectionibus agitantur ; et decima pars civitatis cecidit : quia circa hoc tempus multi de Antichristi ministris simul cum ipso peribunt. Civitas itaque hæc, est congregatio impiorum, quæ est civitas diaboli. Et occisa sunt in terræ motu nomina hominum septem millia. Per numerum istum determinatum, exprimitur indeterminata multitudo servorum Antichristi qui in præfata tempestate peribunt. Et reliqui, qui cum illis non perierunt, in timorem missi sunt, id est, divinæ æquitatis judicium ex consideratione tantæ ultionis mox expaverunt, et dederunt gloriam Deo cæli, ei de sua evasione regravantes, nec aliquid boni sibi ipsis de cetero adscribentes. Multi etenim*

11

12

Act. i. 9.

13

IPetr. v. 13.

ab Antichristo seducti, visa hac ultione, convertentur, et gratias agent immensas.

14 *Et secundum abiit*, id est, media de istis tribus gravioribus tribulationibus (de quibus supra dictum est, quæ ad trium ultimorum angelorum de septem præfatis angelis tubicinum pertinent) suo tempore sub Antichristo celeriter finietur; *et ecce tertium veniet cito*, videlicet pressura atque angustia hominum, ex consideratione finalis iudicii imminensis.

15 *Et septimus angelus tuba cecinit*, id est septimus ordo prædicatorum, qui Antichristo dejecto instanter diem iudicii imminemtem insinuabit, et retributionem electorum nunc proximam esse. *Et factæ sunt voces magnæ in cælo*, scilicet in Ecclesia militanti ac triumphanti, *dicentes cum ingenti gratiarum actione et gaudio: Factum est regnum hujus mundi Dei nostri et Christi ejus*, id est, multitudo hominum in quibus tempore Antichristi regnavit diabolus, et qui erant filii hujus mundi, nunc Antichristo oppresso cum multis suorum, ad Deum Patrem et Jesum Christum, ab eo secundum naturam assumptam spiritualiter unctum, conversa est, pertinetque ad Patrem et Filium, nec dubium quin æque ad Spiritum Sanctum, *et regnabit in eis Deus et Christus ejus in sæcula sæculorum*. Tunc enim totus pene mundus ad Christum convertetur, secundum doctores. Unde angelus loquitur Danieli: Regnum autem et potestas quæ est subter omne cælum, tradetur populo sanctorum; qui et obtinebunt illud usque in sæculum sæculorum.

16 *Et viginti quatuor seniores qui in conspectu Dei sedent in sedibus suis*. Per seniores hos intelligi possunt hoc loco, tam præcellentes in Ecclesia militanti, quam triumphanti, imo et omnes Beati. De quibus senioribus et significatione eorum ac sedibus dictum est plenius supra. Sedes autem quas habent in patria, sunt quies et mansio illa cœlestis. Sedent Beati in patria in divino conspectu, id est, suavissime requiescunt, Creatoris faciem beatifice

A intuendo, eique cum omni reverentia assistendo. *Ceciderunt in facies suas*, Deo humillime se prosternentes, ejusque superimmensam altitudinem admirantes. *Et adoraverunt Deum, dicentes: Gratias agimus tibi, Domine Deus omnipotens*, pro beneficio tantæ elementæ qua homines de Antichristi erroribus eruisti et convertisti, imo et pro universis beneficiis tuis, scilicet donis naturæ, gratiæ et gloriæ; *qui es, qui eras, et qui venturus es*. Quomodo istud intelligendum sit, et de Deo uno B ac trino, itemque specialiter de Christo accipi possit, diffuse tractatum est. *Qui accepisti virtutem tuam magnam*, id est, invariabili tua potestate quam æternaliter habes, in reproborum damnatione electorumque salvatione evidenter ac recenter nunc usus es, eamque plus solito nunc demonstrasti in effectibus misericordiæ atque justitiæ tuæ; *et regnasti in cordibus electorum, dæmonibus et peccatis depulsis*: quæ corda electorum tuæ voluntati nunc subdidisti, humiliterque servire fecisti.

C *Et iratæ sunt gentes*, scilicet reprobi, obstinati, qui nec Antichristo occiso pœnitentiam agent, et de principis sui dejectione dolebunt; *quia advenit ira tua*, id est hora justæ tuæ vindictæ, qua et gentes in tantum excæcari permisisti, digna quoque pro tot malis tormenta infliges, *et tempus mortuorum judicari*, id est, tempus advenit quo mortui judicentur. Tempus etiam advenit *reddere mercedem servis tuis Prophetis, et Sanctis, et timentibus nomen tuum* filiali timore, id est universis electis, sive qui gratia prophetali fulserunt, D sive qui sine ea virtuosè vixerunt, *pusillis et magnis*, id est perfectis et minus perfectis, prælatis et subditis, superioribus et inferioribus. Non enim est personarum acceptor Deus. De quo Sapiens ait: Pusillum et magnum ipse fecit, et æqua est illi cura de omnibus. Iterum tempus advenit *exterminandi eos qui corruperunt terram*, id est separandi iniquos a consortio electorum, ut sint extra fines electæ Ecclesiæ, qui habitantes in terra spiritualiter

Apo. viii.
13.

Dan. vii, 27,
18.

In Apoc. iv,
4.

17

In Apoc. i,
3, 8.

18

Act. x, 34.
Sap. vi, 8.

infecerunt, læserunt et peremerunt, puta se ipsos et proximos, impie conversando, scandalizando, falsa docendo, fallaciter consulendo. Itaque istud est tubicinum septimi angeli, scilicet exterminatio reproborum in die iudicii.

At vero quod dictum est, Gratias agimus tibi, Domine Deus omnipotens, etc., specialiter accipi potest de Christo : qui virtutem suam tempore passionis quasi deposuit, eam non demonstrando, juxta illud *Habac. iii.* *Habacuc*, Ibi abscondita est fortitudo ejus; sed in resurrectione, sanctorum de inferno educatione, ascensione, et Spiritus Sancti missione, accepit eandem, omnipotentiam suam palam ostendens; et regnavit per fidem, caritatem et gratiam, in cordibus eorum qui præordinati fuerunt ad vitam æternam. Hunc autem versiculum, etiam nos ubertim Christo grata mente cantemus, et de universis beneficiis ejus,

A gratias cum pura caritate, veraque obedientia referamus. — Postremo pensandum quod illi qui asserunt Eliam et Enoch ante alios resurrecturos, dicunt quod eorum resurrectio erit tunc gloriosa, et ex speciali privilegio per anticipationem præstanda est eis. Quum vero asseritur quod omnes simul resurgent, dicunt hoc secundum communem legem intelligendum. — Quantum præterea in hujus capituli expositione quidam a forma textus recedat, dum ista secundum temporis cursum et ordinem exponere nititur, et per duos testes præfatos, Silverium Papam et alium quemdam Dei servum intelligendos putat, omni intuenti satis reor patere. Neque enim hi duo leguntur fuisse prophetæ, nec ita occisi sunt quod corpora eorum insepulta jacere visa sunt, nec post tres dies et dimidium, a morte sunt suscitati.

ARTICULUS XIII

EXPOSITIO CAPITULI DUODECIMI : ET APERTUM EST TEMPLUM DEI IN COELO.

SECUNDUM explanationem antiquorum doctorum, catholicorumque patrum, Augustini, Bedæ, Haymonis, Berengandi, et item eos sequentis Alberti, frequenter in isto volumine S. Joannes, quum persecutiones Ecclesiæ a tyrannis, ab hæreticis, a falsis fratribus, vel ab Antichristo eidem inferendas descripsit, ab exordio rursum resumit, et Christi mysteria sub aliis verbis, plenius eminentiusque describit. Verum, ut sæpe nunc tetigi, quidam conati sunt librum istum de diversis Ecclesiæ eventibus secundum temporis processum ac ordinem explanare : de quorum expositione quid appareat, subinde præactum est. Quantum etiam in hujus capituli expositione videantur hi a textus tenore recedere, paulo post tangam. Solidorum ergo

C doctorum illorum sententiis inhærendo, procedam.

Et apertum est templum Dei in cælo. 49

Templum Dei, uno modo est Christus ut (cap. 11.) homo, seu corpus ipsius, secundum quod ait : Solvite templum hoc, et in tribus diebus excitabo illud. Hoc autem dicebat *Joann. ii.* de templo corporis sui, ut evangelista Joannes exponit. Hoc templum apertum est, id est manifestatum, effusum, paratum, in cælo, id est Ecclesia militanti, cui per Evangelistarum doctrinam, Apostolorum prædicationem, miraculorum operationem, ac cetera christianæ fidei argumenta innotuit Christus, qui et se ipsum ei aperuit per largifluam gratiarum suarum infusionem, cunctis quoque apertum seu paratum se exhibet, qui pœnitenti ac humili

mente ad ipsum confugiunt. Rursus, templum Dei est Ecclesia, quæ aperta, id est divinorum illustrationibus reserata, ablato velamine legalium figurarum; aperta quoque, quia publice Deum colit, et Christum libere confitetur: cuius itaque cor apertum est ad suscipienda charismata Spiritus Sancti, in cœlo, id est in conversatione

Philipp. iii,
20.

cœlesti, sicut Apostolus adstruit: Nostra conversatio in cœlis est. *Et visa est arca testamenti ejus in templo ejus.* In arca

Hebr. ix, 4.

Moysis, ut dicitur ad Hebræos, fuerunt tabulæ Moysis, virga Aaron quæ fronderat, et manna. Per arcam itaque quidam intelligunt Christum: in quo est sapientia et doctrina, per tabulam designata; virga correctionis et directionis, ac potestas, quæ significabantur per virgam Aaron; manna quoque pietatis, consolationis, refectionisque nostræ. Est itaque sensus, quod per oculum fidei et gratiam contemplationis, in templo Ecclesiæ militantis Christus a fidelibus sit conspectus, postquam se ipsum eis aperuit. Diversis itaque respectibus Christus vocatur templum Dei, et arca testamenti novi, cuius ipse est institutor. Beda vero per arcam intelligit corpus Christi, in quo velut in auro mundo consistit divinitas.

Porro Berengandus per templum Dei intelligit Christiferam Mariam, in qua velut in templo, Christus tot mensibus requievit, atque in mente ipsius semper gratiosissime habitavit; per arcam vero, Christum qui ex ea carnem assumpsit. Dicitur autem Virgo beata, aperta, in quantum ex ea Christus visibiliter prodiit, quamvis uterus ejus virgineus clausus permanserit. Postremo, apertum est templum Dei in cœlo, quando in primitiva Ecclesia testamentum, lex, Scriptura, et status Synagogæ, spiritualiter intellecta, clare cognita, veraciterque adimpleta fuerunt. Tunc quoque arca testamenti ejus visa est in templo ejus, quando Spiritu Sancto edocente, innotuit Christianis quod juxta spirituales intelligentiam arca illa, scilicet Christus, seu evangelica ejus doctrina, in

A templo Dei vero, vivo et rationabili, scilicet in ecclesiastica congregatione, maneret.

Et facta sunt fulgura, id est præclara miracula, quæ instar fulgurum timorem incutiunt, ad virtutis splendorem deducunt, et causant stuporem, *et voces et tonitrua*, id est prædicationes, laudationes, pœnarum commemorationes, magnæ et parvæ, altæ et submissæ, difficiliore et minus difficiles, *et grando magna*, id est persecutionum tempestas. Statim nempe

B misso desuper Spiritu Sancto, facta sunt ista in Christi Ecclesia, quando Apostoli orsi sunt prædicare, Christum laudare, incredulis pœnam æternam minari, miraculis coruscare.

Act. ii.

Et signum magnum apparuit in cœlo, id est in Ecclesia, scilicet mihi Joanni, cui subscriptum signum seu imaginaria visio monstrabatur. Secundum Albertum, hic incipit quarta visio hujus libri. Unde et multi asserunt, hic esse exordium duodecimi capituli.

1
(cap. 12.)

C Consequenter quod fuerit signum istud, subjungitur. *Mulier amicta sole.* In hac etenim quarta visione status Ecclesiæ describitur, sub figura mulieris parientis, in qua labores atque victorias Ecclesiæ aperit, et præmia digna se rependere Christus demonstrat. Itaque mulier amicta sole, est Ecclesia militans, quæ in Baptismo induit Christum sapientiæ atque justitiæ solem, juxta illud ad Galatas: Quicumque in Christo baptizati estis, Christum induistis. Denique in pœnitentiali emendatione seu mentis conversione induimus Christum, secundum quod ad Colossenses hortatur Apostolus: Exspoliantes vos veterem hominem cum actibus suis, induite novum. Imo quanto plus in Christi imitatione proficimus, tanto plus eum induimus. Ideo namque ait Apostolus: Induimini Dominum Jesum Christum. Quemadmodum autem vestis corpus tegit, ornat, ab incommodis protegit, et calefacit: sic Christus sol justitiæ animam tegit, ejus peccata per gratiam sacramentorum operiendo;

Galat. iii,
27.

Coloss. iii,
9, 10.

Rom. xiii,
14.

ornat, virtutes et dona Sancti Spiritus infundendo; protegit, tentationes et vitia propellendo; calefacit, Dei et proximi caritatem præstando.

Et luna sub pedibus ejus. Per lunam, ob suam continuam variationem, mundialium rerum instabilitas, seu terrena opulencia, vel mundus ipse fallax et labilis designatur. Quum ergo Ecclesia terrena ista despiciat, calcet, transcendat, recte sub pedibus, id est affectibus ejus luna esse asseritur. Rursus per pedes Ecclesiæ, inferiores possunt intelligi. Quum ergo ad tales pertineat temporalium dispositio, luna, id est mutabilia ac defectiva sub Ecclesiæ pedibus ordinantur. Propter quod ad Corinthios ait Apostolus:

1 Cor. vi. 4. Sæcularia judicia si habetis, contemptibiles qui sunt in Ecclesia constituite ad judicandum. — Circa hunc locum loquitur Berengandus: Quia luna noctem illuminat, melius videtur ut per lunam, sacram Scripturam intelligamus, sine cujus lumine in nocte hujus sæculi per vias rectitudinis incedere non valemus. De hoc lumine Psalmista dicit: Lucerna pedibus meis verbum tuum, Domine, et lumen semitis meis. Mulier ergo lunam sub pedibus suis habuisse visa est, quia Ecclesia gressus mentis suæ in præceptis divinarum Scripturarum figens, ad cœlestia tendere novit.

Ps. cxviii, 105.

Coloss. 1, 18.

Eccli. i., 13.

Et in capite ejus corona stellarum duodecim. Sive per caput Ecclesiæ intelligatur Christus, de quo ait Apostolus, Ipse est caput corporis Ecclesiæ; sive ipsa mens Christianorum, eo modo quo principale alicujus rei, caput ejus vocatur; sive primitiva Ecclesia, secundum quod principium rei, caput ejus asseritur: per coronam stellarum duodecim, intelliguntur duodecim Apostoli eorumque doctrina et opera, qui Christo tam proxime adhæserunt ut capiti corona, juxta illud Ecclesiastici: Circa illum corona fratrum quasi plantatio cedri in monte Libano. His sanctis Apostolis, velut splendidissimis stellis, fulgorem sapientiæ ardorem-

A que caritatis mittentibus, ornabatur Ecclesia: quorum doctrina ac imitatione decorantur animæ christianæ in mente. Nihilo minus per coronam stellarum duodecim, intelligi potest ornamentum duodecim fructuum Spiritus, quos ad Galatas ponit Apostolus, duodecim quoque virtutum moralium. Quomodo autem hæc verba (quæ ad litteram de Ecclesia militanti dicuntur, sicut sequentia verba testantur) de beata Christifera Virgine possint exponi, Bernardus in quodam sermone pulcherrime docet.

Galat. v 22, 23.

Et in utero habens, clamabat parturiens, et cruciatur ut pariat. Per ventrem seu uterum, in novo ac veteri Testamento mens sive memoria interdum ad litteram, sicut ostensum est, designatur. Nam et in Psalmo Pater loquitur Filio: Ex utero ante luciferum genui te. Ecclesia ergo habet in utero, id est, mente concepit, et jugi memoria tractat conversionem animarum ad Deum. Diligit etenim omnes; et quos amore complectitur, Deo unire conatur. Clamat quoque parturiens, quia orando ac prædicando, et se ipsam multipliciter affligendo, filios spirituales producit, quos ad esse gratiæ et Dei amorem perducit: sicut quibusdam scribit Apostolus, Per Evangelium in Christo Jesu ego vos genui; itemque alibi, Filioli mei, quos iterum parturio donec formetur

Ps. cix, 3.

1 Cor. iv, 15.

Galat. iv, 19.

Rom. ix, 2 3.

Christus in vobis. Et cruciatur, id est, aliorum errori compatitur, de peccatorum perversitate affligitur, se ipsam, ut pro eis exaudiat, orationibus, vigiliis, jejniis, disciplinis exercet; ut pariat, id est, ad Deum quosdam convertat, de filiis sæculi atque diaboli filios Dei efficiat. Hoc omnis prædicator, prælatus et pastor debet implere, ut subditos suos seu proximos semper in memoria habeat, pro eis ad Dominum clamet, se quoque præfatis modis affligat, quatenus eis gratiam desideratam queat a Domino obtinere. Quod Apostolus se fecisse protestans, ait: Tristitia mihi magna est, et dolor continuus cordi meo pro fratribus meis Judæis. Et

2

C

D

11 Cor. xii. 15. rursus ad gentes : Libenter impendam et superimpendar ipse pro animabus vestris.

Act. xx. 31. In Actibus quoque loquens Ephesiis : Per triennium, ait, non cessavi quotidie cum lacrimis monens unumquemque vestrum.

3 *Et visum est aliud signum in caelo :* quod ipse Joannes visione consueta intuitus est in cœlo, id est in Ecclesia, ubi inter fideles discurrit inquietissimus ini-

1 Petr. v. 8. micus, qui ut leo rugiens circuit, quærens quem devoret. Deinde ponitur signum istud. *Et ecce draco magnus et rufus*, id est diabolus : qui alios inficiendo tentationum veneno, callidè circumveniendo, in se ipso igne malignitatis ardendo, dicitur draco ; et magnus, non virtute, sed pravitate, vel etiam potestate

Job xli. 24. (non est enim potestas super terram quæ comparetur ei) : rufus vero, quia ut dicit Salvator, Ille homicida erat ab initio ;

Joann. viii. 44. et invidia ejus mors introivit in orbem terrarum ; nec aliud sitit nisi sanguinem animarum, id est vitam caritatis et gratiæ eis auferre.

Habens capita septem, id est septem spiritus nequam, juxta illud, Tunc vadit, et assumit septem alios spiritus nequiores se ; septem quoque capitalia vitia, et septem spiritualia nocumenta, contraria septem donis Spiritus Sancti. Berengandus per septem capita ista, intelligit universitatem reproborum, quibus ad aliorum deceptionem diabolus utitur. *Et cornua decem*. Per cornua quandoque reges seu principes, interdum regna seu acies designantur. Unde in Daniele scriptum est : Decem cornua quæ vidisti, decem reges sunt. Et primo

1 Mach. ix. 12. Machabæorum habetur : Bacchides erat in dextero cornu. Ubi per cornu, exercitus ad bellandum dispositus explicatur. Itaque per decem cornua, universi reges, principes, et acies hujus exprimuntur draconis. Quemadmodum enim septenario, ita et denario universitas designatur, eo quod septem diebus omne tempus evolvitur ; et numeri qui sequuntur denarium, sunt quædam replicationes ipsius. *Et in capitibus suis septem diademata*. Habuit enim

A draco septem capita, et in quolibet unum diadema, quod est signum regiæ potestatis, indiciumque triumphi. Ipse quippe est princeps hujus mundi, et rex super omnes filios superbiæ. Itaque ad innuendum quod omnibus his dominetur atque prævaleat, septem diademata in suis visus est habere capitibus.

Et cauda ejus trahebat tertiam partem stellarum cœli. Potest per caudam diaboli, ejus dolositas accipi, per quam innumerabilem multitudinem angelorum hominumque fefellit. Ita exposuit Beda. Berengandus autem per caudam, quæ finis est corporis, Antichristum intelligit, qui plurimos in Ecclesia instar stellarum fama atque scientia resplendentes, decepturus non ignoratur. Iterum per caudam diaboli, intelliguntur spiritus maligni principem suum sequentes, plurimosque fallentes. Rursus, quoniam animalia turpitudinem suam cauda operiunt, potest per caudam diaboli, multitudo hypocritarum falsorumque exprimi fratrum, per

C quos diabolus suam tegit et exercet militiam. Quod autem per tertiam partem, non illud semper quod præcise tertia pars est, sed magna quædam pluralitas insinuetur, præhabitu est : sicut et medium non semper vocamus quod æqualiter distat ab extremis, sed illud quoque quod mediat seu comprehensum est inter extrema, quemadmodum Tyrus scribitur in medio maris sita. *Et misit eas in terram*, id est, spiritualiter interfecit, terrenorum amore involvit, in perditionis foveam jecit, vel in aerem caliginosum, quantum ad dæmones, qui et frequenter ad homines tentandi causa a principe suo mittuntur.

Et draco stetit ante mulierem, id est, diabolus omnibus modis adversabatur Ecclesiæ, juxta illud Genesis : Inimicitias ponam inter te et mulierem. In Zacharia quoque Satan stabat a dextris Jesu, ut adversaretur ei. *Quæ erat paritura*, id est aliquos in Christo regeneratura seu conversura. Non enim infructuosi sunt ejus

Joann. xii. 31.
Job xli. 25.

Act. ii.

4
cap. 12.)

1 h.
xxvi la' 32.

11.

Gen iii. 15.

Zach. iii. 1

labores, quibus pro aliorum conversione A desudat. *Ut quum peperisset, filium ejus devoraret*, id est, sibi per peccatum incorporaret, gratia atque virtutibus spoliatum. Hoc enim summe conatur, intendit, desiderat, ut renatos et conversos avertat, perimat, damnet.

5 *Et peperit filium masculum*. Quidam per feminam, B. Mariam; per filium masculum intelligunt Christum, cui mox nato per Herodem insidiatus est dæmon. Sed quia (ut patuit) hoc loco per mulierem non intelligitur ad litteram S. Maria, sed B Ecclesia; per filium masculum intelligi puto cætum fortium et virtuosorum Christianorum, ut per singulare intelligatur plurale: quod in isto volumine sæpius agitur, ut patet in his quæ de septem angelis sunt prædicta. Isti ob animi robor fideique constantiam, quibus diabolo prævalent, vir masculus nuncupantur. *Qui recturus erat gentes in virga ferrea*, id est in rigore disciplinæ, ac vigore justitiæ. Tales namque idonei sunt alios gubernare. Quomodo autem illud perfectis et electis conveniat, dictum est plenius. *Et raptus est filius ejus ad Deum*, id est, cætus fidelium perfectorum sub divinæ protectionis umbra quievit, et mente ad Deum erectus est.

6 *Et mulier fugit in solitudinem*. Insi-
diante dracone per se et angelos tenebrarum ac ministros peccati, Ecclesiæ Dei, illa hominum vitavit tumultus omnemque inquietudinem terrenorum et mentis, et intravit secretum pœnitentiæ locum. Quum
* enim omni * tempore persecutionum insectarent D tyranni famulos Christi, frequenter ad loca solitaria confugerunt. Quod et postea innumerabiles eremitæ ac monachi fecisse noscuntur, implentes illud Psalmistæ: *Ecce elongavi fugiens, et mansi in solitudine. Ubi habebat locum paratum a Deo*, qui ait per Osee: Ducam eam in solitudinem, et loquar ad cor ejus. Illic enim specialiter visitat Deus suos electos: quia quo amplius propter Deum ab humano consortio, alloquio et tumultu fuerint se-

parati, eo ad divinam allocutionem, illustrationem, tranquillitatem, sunt aptiores.

Unde et Christus dixit Apostolis: Venite seorsum in desertum locum, et requiescite pusillum. Denique illic ipsemet Deus est locus eorum, quia in ipso quiescunt, collocantur, et commorantur. Propter quod orat vir sanctus: Esto mihi in Deum protectorem, et in locum munitum. *Ut ibi pascat illam*, orantem: Panem nostrum quotidianum da nobis hodie; *diebus mille ducentis sexaginta*. Per hos dies (qui faciunt annos tres et medium), secundum Bedam, signatur totum tempus Christianitatis, seu evangelicæ legis, quoniam tanto tempore Christus prædicavit: qui Ecclesiam suam quotidie multiplici reficit pane, scilicet sacramentali, pane laecimarum, confortationis, consolationis, pane bonæ operationis. Virtutes quoque et dona, panes sunt animæ.

Consequenter ostenditur, quod angelica præsidia adsint Ecclesiæ. Plures enim nobiscum sunt, quam contra nos. *Et factum est prælium magnum in cælo*, id est in Ecclesia militanti ubi jugiter virtuosus contra mundum et carnem, diabolumque confligunt. *Michael et angeli ejus præliabantur cum dracone*. Michael, qui est princeps Ecclesiæ, de supremo ordine infimæ hierarchiæ, videlicet de choro Principatum, esse creditur. Itaque angeli ejus, sunt angeli sancti eo inferiores, singulis hominibus præsidentes, et in gubernatione Ecclesiæ cooperantes eidem. Hi præliantur cum dracone, id est contra diabolum pro Ecclesia et singulis filiis ejus, orando, mentem illustrando, salubria inspirando, a diabolicis tentationibus eruendo, illorum sævitiam et potentiam reprimendo.

Et draco pugnabat et angeli ejus, scilicet angeli tenebrarum, qui cum suo principe corruerunt. Imo, secundum Bedam, hoc loco angeli ejus, non solum spiritus maligni, sed et homines dæmonum laqueis irretiti intelliguntur: qui si aliorum damnationi seu transgressioni coope-
rentur, nonne veraciter angeli Satanæ sunt

Matth. II,
16.

Marc. VI,
31.

Ps. LXX, 3.

Matth. VI,
11.

IV Reg. VI,
16.
7

Ps. LIV, 8.

Osee II, 14.

dicendi? Ili itaque pugnant contra Ecclesiam, id est re et nomine Christianos, ut eos a via æquitatis avertant. Estque prælium istud adeo grave, ut dicat Apostolus : Non est nobis colluctatio adversus carnem et sanguinem, sed adversus principes et potestates. Potissime autem bellum istud incepit a tempore prædicationis evangelicæ legis, quia tunc de innumerabilium hominum cordibus ubique terrarum expellebatur diabolus, secundum quod Christus passione instante prædixit : Nunc judicium est mundi, nunc princeps hujus mundi ejicietur foras. Denique dæmones contra angelos sanctos pugnant, quia ut valent, eis resistunt, semperque impedire atque destruere moliantur quod illi operantur in nobis. — Quidam præfatum prælium in cælo factum, exponunt de dissensione angelorum in exordio ante confirmationem bonorum, quando aliqui Lucifero consenserunt, alii dissenserunt; tuncque expulsi sunt impii, forte ministerio stantium.

8 *Et non prævaluerunt draco cum suis, contra angelos sanctos et Ecclesiam angelorum ope protectam.* Electos enim finaliter supplantare non queunt, et renitentibus eis, gentilitas ad fidem conversa est. *Neque locus inventus est eorum amplius in cælo,* id est in Ecclesia, quantum ad eos quorum conversatio est in cælis : qui acquiescunt Paulo dicenti, Nolite locum dare diabolo; et Jacobo admonenti, Resistite diabolo, et fugiet a vobis. De cujus ejectione de cordibus fidelium electorum, subjungitur :

9 *Et projectus est,* id est, Spiritus Sancti virtute, angelica ope, libero arbitrio concurrente et cooperante, per conversionem suam ad Deum, de credentium corde expulsus est, *draco iste magnus,* cujus venter animarum pereuntium damnatione non satiatur, magnus pravitate, non bonitate, et magnus propria æstimatione, quia superbus; *serpens antiquus,* ob calliditatem sic dictus, et quia per serpentem loquens, hominem vicit : qui vocatur antiquus,

A non quod proprie esse ejus tempore mensuretur, quum sit incorporeus spiritus, sed quoniam ab initio mundi fuit et impius exstitit, habens nocendi consuetudinem, experientiam, artem; *qui vocatur diabolus,* quasi deorsum fluens, et duo, videlicet corpus et animam, mordens, *et Satan*, qui interpretatur adversans, quia nostræ incessabiliter inimicatur saluti; *qui seducit universum orbem,* id est multos ubique terrarum. Multi enim sunt reprobi et terreni. Et quis est, qui etsi electus sit, non tamen aliquando seductus est, tentante diabolo? Verum ante Christi adventum, totum pene orbem vehementer seduxit, omnibus ad idololatriam tractis; sed per Apostolorum prædicationes fallaciæ ejus sunt reseratae. *Projectus est in terram,* id est in infernum, vel in reproborum corda terrena, vel in terram, ad litteram. Quum enim immundus spiritus exierit ab homine, ambulat per loca in-aquosa. Unde ad Dominum loquitur : Circuivi terram, et perambulavi eam. *Et angeli ejus cum eo missi sunt,* id est de electorum corde depulsi, atque in ima detrusi. De qua re omnes virtuosos in Ecclesia triumphanti ac militanti lætati sunt, et Deo gratias cecinerunt, secundum quod subditur :

Et audiivi vocem magnam in cælo dicentem. Ista fuit vox angeli sancti qui ista demonstravit Joanni. Potestque per cælum intelligi Ecclesia militans et triumphans. *Nunc facta est salus, et virtus, et regnum Dei nostri, et potestas Christi ejus :* id est, hominibus ad veritatem conversis, dæmonibusque dejectis, *facta est a Deo in animabus credentium, salus,* seu beatitudo in spe, *et virtus* infusa, seu gratia ac fortitudo, contra adversarias potestates, *et regnum Dei,* id est regnatio Dei Patris seu Trinitatis in mentibus electorum, in quibus ante regnavit diabolus; vel, Regnum, id est, populus christianus talis per gratiam est effectus, ut merito regnum Dei vocetur, et Deus altissimus in ipso regnare ac habitare di-

Ephes. vi,
12.

Joann. xii,
31.

Matth. xii,
43.

Job i, 7; ii, 2.

Philipp. iii,
20.

Ephes. iv,
27.

Jacob. iv, 7.

Job ix, 20.

Gen. iii, 1-6.

gnetur. Sed *et potestas Christi ejus* nunc facta est, id est manifestata in adversariorum prostratione, et prædestinatorum illuminatione. Rursus, Potestas ejus, id est, potens atque magnificus ejus effectus impletus est, puta mundi conversio ad tam arduam legem, tamque incomprehensibilem fidem, quod omni miraculo mirabilius est. Juxta hunc sensum, et increata Dei salus ac virtus facta nunc est, quantum ad manifestationem, quoniam per prædicta, beatitudo et excellentia Dei mundo innotuit.

Quia projectus est accusator fratrum nostrorum, id est diabolus semper intentus quomodo hominum peccata coram Deo allegando, possit obtinere licentiam magis tentandi, nocendi, perimendi, atque tartareas miseras inferendi. Ecce angelus sanctus homines vocat fratres, tanquam futuros concives, et per dona gloriæ sibi conformandos, ac in natura intellectuali saltem quantum ad genus consortes, itemque ab eodem Creatore immediate manantes. *Qui accusabat illos ante conspectum Dei nostri die ac nocte*. Quum enim sit plenus invidia, semper paratus est mala commemorare, et Dei justitiam ad ultionem inducere, quantum in se est. Accusat quoque, id est, accusabiles facit, quando ad vitia pertrahit.

11 *Et ipsi vicerunt illum*, puta diabolum accusatorem, *propter sanguinem Agni*, id est virtute et merito passionis Christi, ob quam datur electis virtus et gratia prævalendi, *et propter verbum testimonii sui*, id est per confessionem et prædicationem nominis Christi, quibus ei coram hominibus testimonium perhibuerunt; vel, Propter verbum testimonii sui, id est per adimpletionem verborum Christi, quibus testatus est nobis quid credere, quid facere, quid vitare debemus; *et non dilexerunt animas suas usque ad mortem*, id est, nec se ipsos, nec animas suas carnaliter dilexerunt, imo salubriter oderunt, abstrahendo sibi delectabilia vitæ præsentis, et asperis mortisque periculis se pro

A Deo ac justitia exponendo. Hoc est odium bonum, de quo ait Christus : Qui odit animam suam in hoc mundo, in vitam æternam custodit eam. Imo sic odire, est vere diligere. Nempe, quum diligere sit alicui bonum velle, ille vere se diligit qui summum et incommutabile bonum, scilicet Deum, desiderat, et omnia quæ ad illius boni adeptionem necessaria sive accommodata sunt, amat; quæ vero ab illo impediunt, odit, puta delicias carnis, honores, vanitates, et cuncta quæ lege prohibentur divina. Et quia hujusmodi quandoque bona sunt apparenter, delectabilia et jucunda, idcirco talia sibimet denegando, dicitur quodammodo se odire, quia vult sibi mala pœnalia, et non vult sibi bona carnalia. Istud tamen, ut dixi, est vere diligere. Et qui carnali amore se diligunt, vere se odiunt. Ea etenim quærunt et amant quæ suæ adversantur saluti, quibus animas suas gravissime lædunt, Deum amittunt, et diabolo attinent.

Propterea, lætamini, cœli, et qui habitatis in eis. Si per habitatores cœli intelliguntur Beati, quomodo cœli dicuntur lætari? Quidam ergo per cœlos intelligunt angelos superiores; et per habitatores eorum, angelos inferiores, qui in superioribus habitant in quantum ab eis illustrationes suscipiunt. Verumtamen, etsi orbes cœlestes quis dixerit non esse animatos, dicuntur tamen laudare, benedicere, lætari, materialiter saltem, in quantum intuentibus præbent lætandi, benedicendi, laudandi materiam. Sed quum Beati habitent omnes in uno cœlo, puta empyreo, quomodo nunc pluraliter dicitur, Qui habitatis in eis? Et respondendum, quod in Scripturis frequenter ponitur numerus pluralis pro singulari. Porro, hoc loco per cœlos intelligi possunt Ecclesia militans et triumphans, omnes quoque particulares Ecclesiæ, et mansiones ac chori cœlestes, qui invitantur lætari de electorum salvatione et dæmonum superatione. Gaudium enim est angelis Dei super uno peccatore pœnitentiam agente.

Joann. xii, 25.

12

Luc. xv, 10.

Ve terræ et mari, id est habitatoribus provinciarum ac insularum, obstinatione in malo duris, firmis et aridis, vitiorumque fluxu instabilibus, *quia descendit ad vos diabolus*. Expulsus enim ab electis, atrocius supplantare conatus est ceteros. *Habens iram magnam*, videlicet grandem ac inflammatum appetitum nocendi, seu vindicandi se de hoc quod a pristinis habitaculis suis expellitur, in quo superbissimus reputat sibi injuriam fieri; *sciens quod modicum tempus habet* nocendi: vel quia omne tempus præsens, respectu durationis futuræ brevissimum perhibetur; vel quia eorum quos tentare molitur, brevis omnino est vita, et quia indesinenter cernit propinquare diem iudicii.

13 *Et postquam vidit draco quod projectus esset in terram, juxta sensum nunc introductum, persecutus est mulierem quæ peperit masculum*, id est Ecclesiam, quæ mater est cætus fidelium robustorum. Non enim cessat diabolus persequi et tentare credentes: imo, secundum Bedam, execrabili astutia diabolus, quanto fortius ab Ecclesia dejicitur, tanto pertinacius eam persequitur. Nam et de Christo scriptum

Luc. iv, 13.

14 *est: Consummata omni tentatione, diabolus recessit ab eo usque ad tempus. Est autem Ecclesia sponsa Christi per fidem et caritatem, mater per prædicationem, soror per naturæ conformitatem, et uxor per bonorum operum inhæSIONem. Et datæ sunt a Spiritu Sancto, mulieri*, id est Ecclesiæ, *duæ alæ aquilæ magnæ*, id est devotio orationis, et sinceritas contemplationis, quibus altissime volat præ cunctis generationibus mundi, sicut et aquila ceteris avibus volat sublimius. Quidam per duas alas, duo Testamenta, seu duo caritatis præcepta, vel activam contemplativamque vitam, accipiunt. *Ut volaret in desertum in locum suum*, id est in solitudinem jam præfatam, *ubi alatur per tempus, et tempora, et dimidium temporis* (per tempus annum, per tempora duos annos, per dimidium temporis medium annum, hic et in Daniele significari jam pa-

Apoc. xi, 2,
3; Dan. xii,
7.

A tuit; quomodo autem Ecclesia per tantum temporis a Christo in solitudine nutriatur, in isto articulo dictum est), *a facie serpentis*, id est a venenata tentatione callidissimi hostis, quem vincere nisi ad Christum confugiens nequit.

vers. 6.

Et misit serpens ex ore suo, id est ex corde suo nequissimo, *aquam tanquam flumen post mulierem*,* id est impetum persecutionum, abundantiam tentationum, seu copiam persequentium populorum, post Ecclesiam. His namque eam infestat,

15

* [ut eam
faceret tra-
hi a flumi-
ne.]

B quantumlibet ad secreta confugiat. Imo, quo serius ad Deum se erigit, eo ille malignantius eam insequitur. *Et adjuvit*

16

terra mulierem, id est, perfectiores quique in terra morantes, vel angeli ad homines custodiendos transmissi, pro Ecclesia fortiter oraverunt, ejusque hostibus per arma justitiæ restiterunt. Terra quoque est S. Maria, de qua loquitur Isaias, *Aperiat*

Is. xlv, 8.

Ps. lxxxiv,

13.

C *Ecclesiæ advocata. Et aperuit terra os suum*, preces ad Deum fundendo, *et absorbit flumen quod misit serpens ex ore suo*, id est, sua virtute ac prece machinationes diaboli prorsus exstinxit, gratiamque patientiæ contra eas Ecclesiæ procuravit.

Et iratus est draco in mulierem, id est contra Ecclesiam, quod eam superare nequivit, *et abiit facere prælium cum reliquis de semine ejus*, id est filios ejus perfectiores tentare. Dum enim perfectos

17

D *dejicere nequit, ad imperfectos expugnandos convertitur. Qui custodiunt mandata Dei*, puta Decalogum. Unde loquitur Christus: Si vis ad vitam ingredi, serva man-

Matth. xix,

17.

data. Et habent testimonium Jesu, id est, fide et opere testimonium perhibent Christo, ejus se famulos ostendendo. *Et stetit super arenam maris*, id est, in hominibus vanis et levibus, incompactis et infructuosis conquivit, et principatum obtinuit, qui sunt tanquam pulvis quem projicit ventus a facie terræ.

18

Ps. i, 4.

Ezech.
xxix, 3.

Postremo, quidam hunc librum secundum temporis processum ac ordinem exponentes, præscriptam tribulationem Ecclesiæ exponunt de persecutione Christianorum a Chosroa rege Persarum, quem dicunt hoc loco ad litteram appellari draconem magnum, serpentem antiquum atque diabolum. Quod prima facie non habet apparentiam magnam, quum in tota Scriptura canonica alibi tale nil inveniat, quamvis in Ezechiele Pharo draco magnus vocetur. Nec Chosroæ competit proprie quod sequitur : Qui seducit universum orbem. Per masculum autem quem mulier peperit, intelligunt Heraclium imperatorem, qui contra Chosroam Deo ju-

Avante prævaluit. Per Michaellem quoque quidam ad litteram intelligit imperatorem præfatum : quod qualem apparentiam habeat, diligenti lectori committo. Multa autem possent huic expositioni opponi, sed melius arbitror pertransire. Neque enim Apocalypsis in locis obscuris certitudinaliter intelligi potest, nisi per revelationem divinam. — Legi etiam in cujusdam commento, quod secundum omnes expositores, per draconem et angelos ejus intelligatur Chosroa et suus exercitus. Hoc verbum indiget pio intellectu, quum nec Augustinus, nec Beda, nec Haymo, nec Berengandus, nec Glossa, neque Albertus, ita exponunt.

ARTICULUS XIV

EXPOSITIO CAPITULI TERTHDECIMI : ET VIDI DE MARI BESTIAM ASCENDENTEM.

1 PRÆCEDENTI capitulo dictum est, qualiter draco, hoc est diabolus, persequatur Ecclesiam ; nunc denuntiatur, quomodo corpus et familia ejus id faciat. *Et vidi de mari bestiam ascendentem.* Bestia ista, est Antichristus irrationabilissime se habiturus, vel coetus reproborum bestialiter agens. Qui ascendit de mari, scilicet de sæculo nequam, de pelago iniquitatis, de profundo vitiorum, de vitiosis principibus. Vel mare designat inquietam amarque tribum de qua Antichristus nascetur. *Habentem capita septem, et cornua decem, et super cornua ejus decem diademata.* Per septem capita Antichristi, universitas capitaneorum seu principum ejus exprimitur. Porro, per decem cornua, universitas regnorum seu acierum ipsius expressa est. Per diademata vero significatum est, quod populos sibi adhærentes regio coronabit honore multiplicative triumpho. *Et super capita, id est principes, ejus nomina blasphemiarum, id est, princi-*

C pes ejus pleni erunt blasphemias contra Christum.

Et bestia quam vidi, similis erat pard- 2
do, id est varietate vitiorum atque hypocrisi perfusa ac palliata. Antichristus enim quum nequissimus sit futurus, sanctum tamen se multiformiter simulabit. Pardus autem animal est variis respersum coloribus, juxta illud Jeremiæ : Si mutare potest *Jer. xiii, 23.* pardus varietates suas, et vos poteritis bene facere quum didiceritis malum. *Et pedes ejus sicut pedes ursi.* Secundum Berengandum, ursus est callidissimum animal : per quod Antichristi astutia, qua homines fallit, exprimitur. Rursus, per ursum, animal pedibus conculcans ac devorans, innuitur quod Christianos avidè conculcabit. *Et os ejus sicut os leonis :* quia in loquendo erit fidelibus crudelis ac animosus.

Et dedit illi draco, puta diabolus, virtutem suam et potestatem magnam. Quod enim per se ipsum facere non valebit, per

Antichristum implebit, qui erit velut vas et instrumentum diaboli, juxta illud in *Isaia* : Ego creavi fabrum sufflantem prunas, et proferentem vas in opus suum. Sed quum omnis potestas sit a Deo, quomodo a diabolo erit Antichristi potestas? Et respondendum, quod omnis potestas et virtus, quantum ad suam essentiam, est a Deo mediate vel immediate, non autem quoad suam abusionem. Ista siquidem est a voluntate creata, perversa ac defectiva. Potestas ergo diaboli est a Deo. Et quum illa sit adeo magna, ut non sit potestas super terram quæ comparetur ei, constat quod hanc potestatem communicando Antichristo, dabit ei potestatem magnam. Dabit enim ei scientiam naturalium rerum, et potestatem faciendi miracula, secundum Glossam. Quomodo autem facturus sit miracula, postea est tangendum. Rursus, in omnibus cooperabitur ei occulte. Verum hac potestate eatenus ille impius abutetur, ut melius a diabolo quam a Deo collata feratur.

3 *Et vidi unum de capitibus ejus quasi occisum in mortem.* Ipsemet Antichristus est unus seu primus inter principes suos : qui secundum Bedam, finget se occisum et suscitatum, ut Christus verus credatur. Ideo subditur : *Et plaga mortis ejus curata est*, id est, a morte hac simulata se resurrexisse magica arte monstrabit. Cujus rei typus in Simone mago præcessisse asseritur. *Et admirata est universa terra post bestiam*, id est, universi terreni et seducti, his visis, cum admiratione secuturi sunt Antichristum, tanquam verum Messiam in quo Prophetarum eloquia sint completa.

4 *Et adoraverunt draconem*, id est diabolum, scilicet in Antichristo, quem adorando ut Deum, non Deum sed dæmonem impiissimo vasculo præidentem adorabunt, *qui dedit potestatem bestiae*, utpote Antichristo, juxta sensum nunc tactum. *Et adoraverunt bestiam* : nam et Antichristum tanquam Dei Filium adorabunt ; *dicentes* : *Quis similis bestiae?* Putabunt

A enim quod nec in sanctitate, nec in sapientia, nec in potestate operandi miracula, fuit aut sit similis ei. *Aut quis poterit pugnare cum ea?* quasi dicerent : Non est qui ei queat resistere. Unde de Antichristo ait Apostolus : Qui extollitur supra omne quod dicitur aut colitur Deus, ita ut in templo Dei sedeat, ostendens se quasi sit Deus. Verumtamen ejus ministri verba præfata formaliter dicturi non sunt, sed æquivalenter. Ipsi etenim dicent : Quis similis Christo? aut quis poterit pugnare cum eo? Verum, quoniam iste quem Christum putabunt, potius bestia quam homo aut Christus dicendus est, fertur quod dicent : Quis similis bestiae? etc.

Et datum est ei os loquens magna, id est, præsumptuose se verbis magnificabit. Os autem quo loquetur, habebit a Deo, abusionem vero a semetipso et a diabolo. *Et blasphemias* : nam Jesum Christum dicet fuisse Antichristum. *Et data est illi potestas facere menses quadraginta duos* : qui faciunt annos tres ac medium. Tanto enim tempore blasphemare, regnare ac prævalere divinitus permittetur. *Et aperuit os suum in blasphemias ad Deum*, id est contra Deum, blasphemando unigenitum Filium ejus Jesum Christum. Qui enim non credit in Filium, mendacem facit Patrem ; et, Qui non confitetur Filium, nec Patrem habet : ut in prima Joannis epistola legitur. Et ipsemet Christus testatur : Qui non honorificat Filium, non honorificat Patrem, qui misit illum. Potest quoque hoc loco nomine Dei, Filius, qui est verus Deus et vita æterna, intelligi. *Aperiet itaque os suum in blasphemias contra Deum, blasphemare nomen ejus*, dicendo quod Christus fuit seductor et mendax, *et tabernaculum ejus*, id est Ecclesiam, scilicet omnes sanctos qui in Jesum Christum crediderunt, quos omnes dicet deceptos atque damnatos. Ideo subditur : *et eos qui habitant in cælis*, id est Apostolos et martyres, quos dicet perisse.

Et datum, id est a Deo permissum, et a diabolo inspiratum, *est illi facere bel-*

II Thess. II,

4.

5

6

I Joann. v,

10.

Ibid. II, 23.

Joann. v,

23.

I Joann. v,

20.

7

lum cum sanctis, id est contra sanctos, et *A* vincere illos. Nam Christianos constantes corporaliter perimet. Unde in Daniele legitur : Tradentur sancti in manus ejus usque ad tempus, et tempora, et dimidium temporis. Plures etenim sub ejus tyrannide martyrio coronabuntur. Quorum triumphus, secundum Gregorium, gloriosissimus erit : quia non ipsi, sed persecutor eorum miraculis coruscabit. *Et data est illi potestas in omnem tribum, [et populum,] et linguam, et gentem.* Ex omni enim natione, tribu ac populo aliqui, imo et plurimi ei subdentur, ut videatur impleri in eo quod de Christo prædictum est per Danielem : Omnes populi, tribus, et linguæ servient ei.

8 *Et adoraverunt eum omnes qui habitant in terra*, id est quidam de omnibus, vel omnes terreni et reprobi. De quibus loquitur Jeremias : Recedentes a te, Domine, in terra scribentur. Vel ideo ait, Omnes, quoniam tam multi eum adoraturi sunt, ut eorum comparatione alii videantur pauci aut nulli. Verumtamen multi solo timore eum adorabunt ore tenus, non ex corde. *Quorum non sunt nomina scripta in libro vitæ Agni*, id est, qui prædestinati non sunt, nec scripti in libro vitæ gloriæ, quam Agnus nobis promeruit secundum quod homo, et quam auctoritative præstat ut Deus. De hoc libro supra dictum est plenius. *Qui occisus est ab origine mundi* : vel dispositive, vel præfigurative, quia in Abel occisione, Christi fuit figurata occisio (propter quod asserit Augustinus, quod Christus fuit in Abel occisus, et in Prophetis exhonoratus); rursus, quoniam passio Christi hoc egit implenda seu futura, quod facit impleta atque præterita. Omnes enim qui in Christum ante ejus adventum crediderunt, per ejus fidem salvati sunt. Christus ab origine mundi, scilicet a tempore Adæ, occisus est virtualiter, quoniam virtute suæ passionis et ipsi protoplasti parentes salvati sunt.

Denique, secundum Berengandum, quod dicitur, Ab origine mundi, referri potest

ad illud quod dictum est, Non sunt scripta : ut sit sensus, quod hi quorum nomina non sunt scripta ab origine mundi, adoraturi sunt Antichristum. — Iterum ait circa hunc locum : Difficile videtur, ut in tam brevissimo tempore, id est in tribus annis et dimidio, omnes gentes sibi subjicere, et ad suam culturam genus humanum Antichristus possit, præter paucos electos, perducere. Erunt enim multi electi, sed in comparatione infidelium valde paucissimi. Verumtamen potest fieri, ut primo omnes gentes suæ ditioni subiciat, postea vero in superbiam elatus, se pro Deo coli instituat. Nam, sicut mihi videtur, in tribus annis et dimidio, persecutionis tempus tantummodo comprehenditur, in quo et per se et suos discipulos, et per ostensionem signorum, tota virtute laborabit ut culturam deitatis omnes homines sibi impendant. Hæc Berengandus.

Faciet autem bellum contra sanctos, blandiendo, terrendo, Scripturas allegando, mirabilia operando, ut probet se Christum. — Præterea multi quærent, cur Deus talia fieri sinat, ut scilicet genus humanum Antichristus tam pessime fallat. Verum duabus ex causis Deus ista permittet. Nam, sicut ipse dicit in Evangelio, In illis diebus refrigescet caritas, et abundabit iniquitas multorum. Propter hoc digni erunt a Deo relinqui, et tam pessimo homini subjici, secundum illud ad Thessalonicenses : Revelabitur ille iniquus, cujus est adventus in omni seductione iniquitatis, his qui pereunt, eo quod caritatem veritatis non receperunt, ut salvi fierent : ideo mittet illis Deus operationem erroris, ut credant mendacio, ut judicentur omnes qui non crediderunt veritati, sed consenserunt iniquitati. Unde in Job quoque legitur : Deus regnare facit hominem hypocritam, propter peccata populi. Rursus, permittet Deus hæc fieri, propter probationem electorum suorum : ut sicut aurum probatur per ignem, ita et illi in persecutione Antichristi proben-

Matth.
xxiv, 12.

II Thess.
ii, 8-11.

Job xxxiv.
30.

Sap. iii, 6.

Dei. xii. 19. tur, juxta illud in Daniele : Eligentur, et dealbabuntur, et quasi aurum probabuntur plurimi. — Præterea si queratur, an aliqui electorum ab Antichristo fallentur : dicendum, quod Antichristo occiso, multorum quos decepit, efficaciter pœnitebunt, quos constat electos. Hinc quod ait *Matth. xxi. 24.* Salvator, Erit tribulatio magna, ita ut in errorem ducantur, si possibile est, etiam electi : intelligendum est, quod non poterunt finaliter decipi.

9 *Si quis habet aures, audiat*, id est, ista diligenter advertat. Ubi cumque in Scripturis hoc dicitur, signum est quod notabile, vel obscurum, diligenterque pensandum sit quod profertur.

10 *Qui in captivitatem duxerit*, id est, Antichristus et ejus exercitus, qui Christianos corporaliter captivabunt, et multos spiritualiter capient, eos suis erroribus implicando, et dæmonum captivitati subijciendo, *in captivitatem vadet*, id est, dæmonum vinculis impietatisque propriæ funibus irretietur. Ligatis ergo manibus et pedibus, in exteriores tenebras projicietur. Quod et de omnibus violentis captivatoribus accipi potest, in quibus illud *Prov. x. 22.* Proverbiorum completur : Iniquitates suæ capient impium, et funibus peccatorum suorum constringetur. *Qui in gladio occiderit, oportet eum in gladio occidi.* Simile est quod ait Salvator : Omnis qui acceperit gladium, gladio peribit. Sive enim materiali gladio alium corporaliter quis occidat injuste, sive spirituali gladio pestiferæ persuasionis aut scandali animam ejus necaverit, gladio divinæ sententiæ est damnandus : imo propria impietate quam gladio committit, animam suam mortaliter lædit ac perdit.

Hic est, id est, in harum tribulationum æquanimi perpassione consistit, *patientia*, cujus est in adversis inordinatam auferre tristitiam, et *fides*, id est credulitas, *sanctorum*, quorum fides in hoc constans et integra comprobatur, quod nec adversis concutitur : quod est contra eos qui ad tempus credunt, ac laudabiliter agunt,

sed tempore tentationis succumbunt, et Deum relinquunt.

Et vidi aliam bestiam ascendentem de terra. Hæc bestia est cœtus principalium ministrorum, utpote prædicatorum, Antichristi : qui de terra, id est de vita terrena, et temporalium rerum opulentia, erigentur in altum elationis. *Et habebat duo cornua similia Agni* : quia sicut in Christum crediderunt quidam ex Judæis, et quidam ex gentibus, ita et in Antichristum ex utroque populo credituri sunt plurimi. Acies autem istorum, cornua nuncupantur. Denique, tam Antichristus quam iste cœtus ipsius, Christo similes apparebunt, per simulatam sanctitatem et miraculorum operationem. *Et loquebatur sicut draco*, verba blasphema, infectiva ac diabolica proferendo. Nam et diabolus per Antichristi prædicatores, sicut per ipsum, loquetur.

Et omnem potestatem prioris bestiæ, scilicet Antichristi, faciebat in conspectu, id est in præsentia, beneplacito vel nomine *ejus*. Mirabilia enim quæ ope diaboli faciet Antichristus, faciet et iste cœtus prædicatorum ejus : qui non omnes erunt semper in corporali ejus præsentia ; sed ubique discurrentes, in ejus nomine et virtute operari se fatebuntur. *Et fecit terram et*, pro id est, *inhabitantes in ea, adorare bestiam primam*, scilicet Antichristum, *cujus curata est plaga mortis*, id est, qui a morte simulate finget se suscitatum, ut patuit. Ad hoc namque prædicatores Antichristi tendent, ut universos inducant ad credendum quod ipse sit Filius Dei. *Et fecit signa magna, ita ut etiam ignem faceret de cœlo descendere.* Quod dupliciter explanatur : Primo, quod sicut diabolus per se ipsum Deo permittente fecit ignem materiale descendere, qui oves sancti Job puerosque consumpsit, ita in fine Antichristus et ejus ministri ope diaboli facient ignem corporalem de cœlo aërio cadere. Quem utique ignem diabolus naturali virtute atque industria facile producere poterit. Se-

11

12

13

Job i, 16.

Act. ii, 1-4. cundo, quod sicut Christus discipulis in specie ignis Spiritum Sanctum misit, ita et Antichristus prædicatoresve ejus, igne desuper veniente, dicent Spiritum Dei super credentes in ipsum descendere. *In terram in conspectu hominum.*

14 *Et seducet habitantes in terra propter, id est per, signa quæ data sunt illi facere in conspectu bestiae, id est, quæ in nomine vel præsentia Antichristi factura est, cooperante diabolo : sicut et magi Pharaonis eo præsentate arte magica non parva mirabilia operari leguntur. Unde Christus prædixit : Surgent pseudoprophetae, et dabunt signa magna. Dicens, videlicet ista bestia secunda, seu chorus, ordo et coetus prædicantium Antichristum, habitantibus in terra, ut faciant imaginem bestiae, id est, Antichristo se conforment vel eum depingant, atque in imaginibus suis adorent : sicut Christiani habent in ecclesiis imaginem Christi. Hoc forte jubebunt. Quæ habet plagam gladii, id est, quæ fuit occisa, et vixit. Secundum apparentiam enim, non in veritate, occidetur atque resurget, sicut de Simone mago narratur. Tamen quod ait, Quæ habet plagam gladii, quidam exponunt, quod cicatrices vulnerum in se ad hominum deceptionem ostendet.*

15 *Et datum est illi, id est, bestiae huic prædicatrici Antichristi a Deo permissum est, ut daret spiritum imagini bestiae, et ut loquatur imago bestiae.* Si per imaginem bestiae intelligatur statua Antichristi, sensus est, quod arte magica facient prædicatores isti statuas Antichristi verba formare : non quod statuæ veraciter sint loquentes, sed spiritus maligni per eas, quemadmodum in idolis paganorum. Si autem per imaginem bestiae intelligantur conformantes se Antichristo, sensus est, quod quasi spiritum prophetiæ atque scientiæ eis præstabant, veniente in istos se Antichristo conformantes, non Spiritu Sancto, sed diabolico, per quem prophetandi ac prædicandi officium usurpabunt. *Et faciet bestia prædicans Antichristum, ut*

A *quicumque non adoraverint imaginem bestiae, scilicet statuam Antichristi, seu ipsum in ea, occidantur potestate sæcularium principum Antichristo credentium.*

Et faciet omnes, pusillos, et magnos, et divites, et pauperes, et liberos, et servos : non simpliciter omnes, sed de omnibus plures, vel omnes seductos ; habere characterem in dextera manu, aut in frontibus suis. Hoc forte corporaliter sic erit, ut scilicet ad discernendum credentes in Antichristum ab aliis, faciant eos certo signo aut figura notari. Vel character Antichristi est conformitas seu imitatio vitæ doctrinæque ejus : quæ in manu dextera ac frontibus, id est opere manifesto, et oris confessione seu mentis manifestatione, ab Antichristianis habebitur. *Et ne quis possit emere vel vendere, nisi qui habuerit characterem bestiae, aut nomen ejus, ut eum confiteatur seu prædicet, atque ab ipso appellationem aliquam sortiatur, secundum quod nos a Christo Christiani vocamur, aut numerum nominis ejus, id est, de numero sit credentium Antichristo. Vel per numerum nominis ejus intelliguntur opera secundum doctrinam Antichristi multipliciter adimpleta. Itaque Christiani tunc velut excommunicati vitabuntur, et mutuo emere ac vendere non licebit aperte, nisi signatis characterem Antichristi.*

Hic sapientia est, id est, in consideratione seu cognitione mysterii quod sequitur, sapientia magna consistit. Qui habet intellectum illuminatum a Deo, ut possit mente vivaci divina penetrare mysteria, computet numerum bestiae, id est annos pertinentes ad Antichristum, ut numeri hujus agnoscat mysterium ; vel, Numerum bestiae, id est litteras nominis ejus. Numerus enim hominis est, id est, numerus iste respicit Antichristum, qui erit veraciter homo, non diabolus, ut aliqui putaverunt, nec Deus, ut quidam tunc aestimabunt. Et numerus ejus est sexcenti sexaginta sex, scilicet anni. Vel sensus est, quod litteræ nominis Antichristi ta-

Exod. vii,
11, 12, 22 ;
viii, 7.

Matth.
xxiv, 24.

46

47

48

lem numerum signant, scilicet 666. Quasi A
dicat : Conjungat litteras quæ talem nu-
merum signant, et habebit nomen bestiae,
scilicet Antichristi.

Circa quod scribit Berengandus : De
hoc numero multi multa dixerunt, plura-
que nomina reppererunt in quorum litteris
hic numerus invenitur. Tamen, si aliquod
ex his nominibus Antichristus possideat,
prævidere non potuerunt. Sed de re tam
incerta nil audeo definire. Quis enim scit,
si nomen quod a parentibus ei impone-
tur, numerum istum contineat? Hæc Be- B
rengandus. — Porro Albertus de loco isto
obscurissimo subtiliter scribens, sequitur
Bedam. Et ait Albertus, quod Apocalypsis,
scilicet liber iste, primo a Joanne scri-
ptus est Græco sermone. Ideo secundum
modum Græcorum hic numerus nominis
hominis accipiendus est. Græci autem per
litteras significant numeros, secundum
quod in alphabeto Græco ponuntur : ita
quod prima eorum littera scilicet Alpha,
significat unum ; secunda, duo ; tertia, tria :
sicque usque ad decimam litteram, scilicet C
iota, quæ decem significat. Sequens autem
post eam, signat viginti, et quæ hanc
sequitur, signat triginta, et ita usque ad
centum. Sequens demum post hanc, si-
gnificat ducenta. Et sic procedendo usque
ad mille. Itaque, secundum Bedam et Al-
bertum, nomen Græcum, in quo litteræ
præfatum numerum designantes contentæ
sunt, est TEITAN, quod interpretatur gi-
gas : quod nomen sibi Antichristus assu-
met, quasi omnibus fortior eminentiorque
consistat, jactans se esse eum de quo fer- D
tur in Psalmo : Exsultavit ut gigas ad
currendam viam. Numerus autem hujus
nominis est, sexcenti sexaginta sex, id
est, talem numerum litteræ nominis hu-
jus important. T enim designat trecen-
ta ; E, quinque ; I, decem ; T, trecenta ;
A, unum ; N, quinquaginta : quæ simul
faciunt 666. Simile huic, secundum Al-
bertum, est, si juxta Latinos dicamus pro
uno vocabulo, DICLUX, quod competit An-
tichristo, qui unicuique imperabit : Dic

lux, id est, dic me esse lucem veram. In
hoc autem nomine præfatus numerus in-
venitur. Nam apud nos, D significat quin-
genta : I, unum ; C, centum ; L, quinqu-
aginta ; V, quinque ; X, decem : quæ simul
numerum præfatum constituunt. De hac
re plura conscribit Albertus.

Securius autem Berengandum sequor.
Nam locus iste obscurissimus est omnino.
— Et aliqui per numerum istum, tot an-
norum curricula intelligenda existimant.

Postremo, quemadmodum quidam per
B bestiam de mari ascendentem, de qua in
hujus capituli principio agitur, intelligunt
filium Chosroæ regis Persarum ; et quæ
de bestia ista jam dicta sunt, exponunt de
persecutione Ecclesiæ illata a filio Cho-
sroæ : ita per aliam bestiam ascendentem
de terra, de qua in sequenti hujus parte
capituli dictum est, intelligunt Mahome- vers. 11.
tum legislatorem Sarracenorum ; et quæ
de bestia ista conscripta sunt, exponunt
de persecutione Ecclesiæ a Mahometo et
suis eidem illata. — Hæc autem expositio
videtur a littera in pluribus discordare,
præsertim quoad ea quæ de Mahometo
dicuntur : quod diligenter insipientibus
textum et hujusmodi expositionem, reor
satis posse constare. Neque enim post fi-
lium Chosroæ admirata est universa terra,
nec adoravit eum, nec ipse suscepit po-
testatem in omnem populum et tribum
et linguam et gentem, nec adorabant eum
omnes reprobi qui inhabitant terram :
quæ omnia de bestia ascendente de mari
scribuntur. Similiter Mahometo non com-
D petit quod de alia bestia ascendenti de
terra prædictum est, quod scilicet omnem
potestatem prioris bestiæ fecit in conspe-
ctu illius, quodque fecit habitantes in
terra adorare bestiam primam. Non enim
Mahometus coram filio Chosroæ exercuit
potestatem ipsius filii Chosroæ, nec in-
duxit habitatores terræ ad adorandum fi-
lium Chosroæ ; nec etiam Mahometus fecit
ignem de cælo descendere, nec angelum
sanctum ; nec per signa mundum seduxit,
imo armis prævaluit : secundum quod ip-

semet asserit Deum sibi dixisse, quod non permisit eum miracula facere. Similiter reliqua non proprie videntur Mahometo competere.

Verum, ut dicitur, Scriptura cereum habet nasum : hinc diversis diversimode applicatur. Ego tamen nullius catholicorum dicta catholice introducta infirmare intendo, neque in his aliquid pertinaciter assero. Solet autem inquiri, an Antichristus et ejus ministri facient vera miracula. Et apparet quod non, quum dicat

Ps. lxxi, 18.

II Thess. ii, 9.

Ababilibus atque miraculis, utpote secundum quod sunt effectus totum naturalem rerum cursum, legem, virtutem et ordinem transcendentis, sic Deo dumtaxat competit vera operari miracula. Si vero de miraculis et mirabilibus communius extensiusque loquamur, puta ut sunt effectus inconsueti et miri solitum rerum cursum et ordinem excedentes, et præter naturalem modum producti ; sic tamen ut in rebus creatis sit naturalis causalitas, capacitas seu potestas ad hujusmodi effectus se extendens : sic cooperante diabolo, miracula seu mirabilia facient : quæ tamen vocantur mendacia ratione finis, quia ad homines decipiendos ordinabuntur et fient. Aliqua quoque erunt omnino mendacia, apparentia sive phantastica, et in præstigiis tantum, ut si ea quæ primo modo miracula nuncupantur, se operari jactent.

ARTICULUS XV

EXPLANATIO CAPITULI QUARTIDECIMI : ET VIDI, ET ECCE AGNUS STABAT.

DENUNTIATIS gravissimis Ecclesiæ persecutionibus, decuit consolatorium aliquid interponi : et hoc præsentī agitur loco, ubi de Christo ejusque plebe electa et gloriosa tractatur.

1 *Et vidi, et ecce Agnus stabat supra montem Sion, et cum eo centum quadraginta quatuor millia.* Per montem Sion, quidam hic intelligunt Ecclesiam militantem, alii triumphantem. Sed quantum capere valeo, utrumque dici nil prohibet. Itaque consueta seu imaginaria visione intuitus est Joannes Christum stantem supra Ecclesiam, hoc est in vertice omnium electorum suorum, et tam militanti quam triumphanti Ecclesiæ præidentem, militantibus quoque pro ipso auxiliari paratum, secundum quod Stephanus ait : Ecce video cœlos apertos, et Filium hominis

Act. vii, 55.

stantem a dextris virtutis Dei. Et Christus in Psalmo loquens de Patre : Ego, inquit, sum constitutus rex ab eo super Sion montem sanctum ejus. Sion autem speculatio interpretatur : quod militanti Ecclesiæ competit, quæ videt per speculum in ænigmate, revelataque facie gloriam Domini speculatur. Sed triumphanti Ecclesiæ competit sincerissime contemplari, quippe quæ facie ad faciem contuetur. Iste est mons Dei, mons pinguis, de quo Apostolus : Accessistis ad montem Sion. Denique per centum quadraginta quatuor millia, numerum determinatum atque finitum, indeterminatus innuitur numerus Sanctorum istorum. De quibus subjungitur : *habentes nomen ejus et nomen Patris ejus scriptum in frontibus suis*, id est Unigenitum Dei et Patrem æternum

Ps. ii, 6.

I Cor. xiii, 12 ; II Cor. iii, 18.

Ps. lxxvii, 16. Hebr. xii, 22.

(quibus prolatis, datur intelligi amborum A si canticum novum decantant, per evangelicæ legis verba et opera Deum laudando, eumque quotidie ex recenti, renovata ac inflammata devotione novis laudibus secundum multiplicem Spiritus instigationem, ubertim atque sæpissime commendando. Nam et sæculi amatores nonne frequenter carmina componunt, et cantant recentia de re sibi dilecta? Itaque, novum canticum cantaverunt ante sedem Dei, id est coram Altissimo præsidente, ad ejus honorem, ipsique cordialissime regratiantes de omni sua victoria et virtute, de universis beneficiis ejus, videlicet donis gratiæ seu dotibus gloriæ; *et ante quatuor animalia et seniores*, id est coram quatuor Evangelistis ac ceteris præcipuis Sanctis, Apostolis, Patriarchis, Prophetis, atque perfectis. Hi namque qui in præsentia adhuc peregrinantur Ecclesia, ad Deum ac Beatos in patria oculos erigunt, et in eorum præsentia se per fidei contemplationem constituunt: sicque laudes, gratiarum actiones et vota offerunt superbeatissimo Deo, cujus excellentiam attoniti rite mirantur.

2

Et audiivi vocem de celo. Vox ista fuit cantus seu laus horum millium Deum laudantium, quam de celo militantis seu triumphantis Ecclesiæ interiori auditu audiuit Joannes. *Tanquam vocem aquarum multarum, et tanquam vocem tonitruu magni.* Per quod insinuat, quod forti, affectuoso, tubali atque magnifico præconio Deum laudabant. Vel ideo ait, *Tanquam aquarum multarum*, quoniam fuit vox hominum plurimorum. Aquæ autem significant populum, secundum quod infra habetur: Aquæ multæ, populi multi sunt. *Et vocem quam audiui, sicut citharædorum citharizantium in citharis suis*, id est, laus ista fuit Deo gratissima, angelis placita, mihi quoque Joanni instar suavissimæ melodix videbatur delectabilis ac jucunda. Circa hoc verbum loquitur Beda: Quum citharistæ Dei sint omnes sancti qui carnem suam cum vitiis et concupiscentiis crucifigentes, Deum laudant in psalterio et cithara; quanto amplius illi qui evangelicæ privilegio castitatis totos se Deo faciunt holocaustum, et singulariter abnegant semetipsos, tollentesque crucem suam, sequuntur Agnum quocumque vadit?

Apoc. xvii,
1, 15.

Galat. v,
24.

Ps. cl., 3.

Luc. ix., 23.

3

Et cantabant quasi canticum novum ante sedem Dei. Quum enim electi de via patriam ingrediuntur cœlestem, mox novum canticum offerunt Deo, quem tunc incomparabiliter clarius cernunt, profundius noscunt, ardentius diligunt, immobilius tenent. Unde et præclarioribus eum attollunt præconiis, quæ ex mentibus per dona gloriæ innovatis, semperque recentibus et nunquam veterascentibus, prodeunt. Porro electi devoti et amorosi in præsentia Ecclesia Domino militantes, qua-

ea, secundum Bedam, singulariter canticum Agno cantare, est cum eo in perpetuum præ ceteris fidelibus etiam de carnis incorruptione gaudere. Quod canticum ceteri electi audire possunt, licet dicere nequeant, quia per caritatem in eorum celsitudine læti sunt, quamvis ad eorum præmia non assurgant. Verumtamen non est putandum, quod absolute loquendo, virgines majoris sint meriti in præsentia, et præmii in futuro, quam ceteri universi electi, qui vel conjugio, vel

alio modo virginitatem amiserunt, sed A quod in accidentali quodam merito præmioque excellant, et ceteris paribus, beatiores sint. Qui vero in caritate divina est ardentior sive perfectior, hic absolute eminentior est, in essentialique præmio erit sublimior. Unde quod aliqui putaverunt, virgines tantum ad angelicos ordines assumendos, ceteros vero infra futuros, stultissimum fuit. *Qui empti sunt de terra*, id est de societate terrenorum atque carnalium hominum misericorditer segregati, et de terra ac fragilitate corporis proprii B sursum per gratiam elevati. Emptique sunt non corruptibilibus auro vel argento, sed pretioso sanguine Agni immaculati.

1 Petr. i, 18, 19.

4 *Hi sunt qui cum mulieribus non sunt coinquinati*, id est mixti sive fœdati; *virgines enim sunt* mente et corpore. Virginitas autem sola cogitatione amissa, per pœnitentiam recuperatur: alioqui virgines aureolam non obtinerent, qui vel semel in illicitam copulam, aut etiam licitam consensissent, quantumlibet postea C pœniterent et continerent. *Hi sequuntur Agnum quocumque ierit*. In præsentem enim sequuntur Christum, non solum per viam præceptorum, sed etiam consiliorum; in patria quoque quadam singulari familiaritate ei adhærent, et quocumque se verterit, quemcumque visitaverit, ad quodcumque se extenderit, speciali eum prosequuntur fervore, quemadmodum nunc pro ejus amore contra propriam carnem laboriosius certaverunt. De virginibus enim hujusmodi præcipue sermo est, qui ætatem adultam sortiti, per rationis judicium, gratia duce, vicerunt se ipsos.

Unde Ambrosius ait: Supergreditur virginitas conditionem humanæ naturæ, per quam homines angelis assimilantur. Major enim victoria virginum est quam angelorum. Angeli namque sine carne vivunt, virgines in carne triumphant. — Augustinus quoque circa hunc locum devotissime scribit: Pergite, Sancti Dei, pueri et puellæ, mares ac feminæ, cælibes et innu-

T. 14.

ptæ, pergite perseveranter in finem. Laudate Dominum dulcius, quem cogitatis uberius; sperate felicius, cui servitis instantius; amate ardentius, cui placetis attentius. Lumbis accinctis et lucernis ardentibus exspectate Dominum, quando veniat a nuptiis. Vos afferetis ad nuptias Agni canticum novum, quod cantabitis in citharis vestris: utique tale, quale nemo poterit dicere, nisi vos. Sic enim vidit vos in Apocalypsi quidam præ ceteris dilectus Agno, qui discumbere super pectus B ejus solitus erat. Ipse vos vidit duodecies duodena millia Sanctorum citharædorum, illibatæ virginitatis in corpore, inviolatæ veritatis in corde. Sequimini eum virginitate cordis et corporis, quocumque ierit.

Joann. xiii, 25; xvi, 20.

Hi empti sunt sanguine Christi, *ex omnibus*, id est de toto grege Ecclesiæ, *primitiæ Deo et Agno*, id est ad hoc ut sint ad gloriam Dei Patris et Christi, nec minus ad honorem Spiritus Sancti, priores hostiæ et quasi fructus primi temporis, qui magis accepti ac dulces consistunt:

C quia præ ceteris exhibent corpora sua hostiam sanctam, viventem, Deo placentem. Hinc Berengandus ait: In lege præceptum est ut primitiæ offerrentur Domino. Per primitias frugum designantur electi. Nam sicut ex multitudine fructuum parvæ primitiæ offerebantur Deo, ita ex multitudine populorum parvus electorum eligitur numerus, qui ab angelis Deo in templo gloriæ cœlestis offertur. *Et in ore eorum non est inventum mendacium*, vel quia

Rom. xii, 1.

Exod. xxii, 29.

D teritis suis mendaciis ante mortem, seu in purgatorio sunt purgati. Est autem mendacium perniciosum, quod mortale censetur, a quo timorati jugiter cavent. Qui autem in mendacium officiosum seu jocosum nunquam collapsus est, singularis est gratiæ. Interdum vero mendacium extense accipitur, pro instabilitate, vanitate, seu mutabilitate entis creati, quæ vero et incommutabili esse opponitur: sicque omnis creatura ex se dicitur mendax et vana, in quantum ex nihilo est producta,

5

Eccle. 1, 2 juxta illud : Vanitas vanitatum, et omnia
Ps. XXXIII, 6. vanitas; item alibi, Verumtamen universa
Ps. CXXII, 11. vanitas, omnis homo vivens; et, Ego dixi
in excessu meo, Omnis homo mendax. Apo-
Rom. III, 4. stolus quoque loquitur ad Romanos : Est
autem Deus verax, omnis autem homo
Ps. LXXIII, 20. mendax; et rursus, Vanitati creatura sub-
jecta est. Huic mendacio seu vanitati con-
trariam quamdam veritatem habet homo,
omnisque creatura : quæ dicitur veritas
naturæ seu entis. *Sine macula [enim] sunt*
ante thronum Dei. In Ecclesia enim mili-
tanti sunt sine macula peccati mortalis, in
patria vero omni macula carent.

Verum circa hæc oritur quæstio. Ex his
namque videtur, quod virgines sunt abso-
lute loquendo ceteris præstantiores, quum
sint primitiæ Deo. Respondendum, quod ista
eorum prærogativa ad accidentale præ-
mium pertinet, nec sola virginitate sim-
pliciter ceteris præferuntur, nisi et in aliis
sint æquales. Verumtamen, ut recitat Be-
da, Tichonius non de virginibus speciali-
ter ista exponit, sed de tota Ecclesia gene-
raliter, quam despondit Apostolus uni viro
virginem castam exhibere Christo. Eccle-
sia enim virgo et sponsa vocatur. Simili-
ter Berengandus, per hæc centum quadra-
ginta quatuor millia, intelligit universos
homines jam beatificatos in patria : qui
dicuntur non inquinati cum mulieribus,
quia etsi inquinati fuerunt, postea tamen
per pœnitentiam sunt abluti et emunda-
ti. Prima tamen expositio magis consonat
textui.

6 *Et vidi alterum angelum volentem per*
medium cælum, habentem Evangelium
æternum. Quemadmodum supra, ita nunc
nomine angeli, cœtum, chorum seu ordi-
nem prædicationis evangelicæ legis desi-
gnat, qui Joanni ostensus est, dum Agnum
supra montem Sion stantem vidisset. Tunc
enim revelatum est ei plenius, quod im-
piorum non obstante insania, persecutio-
ne et comprehensione, qua prædicatores
captos clausurunt, Evangelium Christi di-
vulgandum esset ubique. Itaque : *Vidi in*
spiritu, angelum volentem, id est cœtum

A prædicantium Christum affectuose, alacri-
ter atque celeriter procedentem, *per me-*
dium cælum, id est per omnem Ecclesi-
am, *habentem Evangelium æternum,* id
est annuntiationem seu doctrinam a Chri-
sto collatam : quæ est annuntiatio bona et
optima. Dicitur quoque Evangelium istud
æternum, quia ab æterno dari dispositum,
et quia promittit bona æterna, et quoniam
aliud non succedet ei dandum a Deo. *Ut*
evangelizaret sedentibus, id est moranti-
bus, *super terram.* Quod consequenter spe-
cialius explicat : *super omnem gentem, et*
tribum, et linguam, et populum, id est,
omnibus his evangelicæ legis doctrinam
infunderet.

Dicens angelus iste voce magna, id est
affectuosa, diligenti, tubali : *Timete Do-*
minum, o peccatores, primo, timore ad-
minus servili, ut saltem pœnarum formi-
dine pœniteatis; deinde proficiendo, ti-
mete eum timore initiali, ut ad perfectio-
nem veniendo, timorem servilem penitus
abjiciatis, Deumque ut patrem carissi-
mum, dulcissimum atque piissimum ti-
meatis timore filiali, casto et sancto, quo
malum culpæ, scilicet Dei offensa, ex in-
genti amore et zelo justitiæ timetur ac
evitatur. *Et date illi honorem,* id est la-
triæ cultum; ei quoque in omnibus obe-
diatis, omne bonum ipsi attribuatis, toto
corde vos ipsos et alios ad divinæ maje-
statis honorificentiam inflammetis : optan-
tes ex animo ipsum ab omnibus, in cun-
ctis, semper et ubique, sollicitè honorari.
Quia venit hora judicii ejus. Quod intelli-
gi potest de judicio discretionis, quo Deus in
præsenti inter prædestinatos ac præscitos
discernit ac dividit, illos misericorditer
convertendo, hos juste derelinquendo :
quod a tempore evangelicæ prædicationis
in toto mundo maxime fieri cœpit. Pro-
pter quod ante passionem dixit Salvator :
Nunc judicium est mundi, nunc princeps
hujus mundi ejicietur foras. Vel, Venit
hora judicii ejus, quoniam prope est ut
singulos tempore mortis judicet judicio
particulari, omnesque simul judicio uni-

7

Joann. XII,
31.

versali. *Et adorete eum cum omni reverentia, custodia, munditia cordis, mente stabili et devota, tanti Domini majestatem pensantes, qui fecit cælum et terram, mare et omnia quæ in eis sunt, et fontes aquarum, qui ejus sapientia fluunt ex mari magno ad hominum usum.*

8 *Et alius angelus secutus est eum.* Iste alius angelus sequens priorem, secundum Berengandum, est ordo seu agmen prædicatorum, qui finitis persecutionibus principalibus, Ecclesiam gubernaverunt. Prædicatores enim sibi invicem succedunt, secundum Glossam. *Dicens: Cecidit,*

Is. xxi, 9.

cecidit Babylon illa magna. Per Babylonem, quæ confusio interpretatur, intelligitur regnum, corpus, congregatio civitasque diaboli, vitiorum confusione repleta, utpote reproborum hominum collectio: cuius idololatria fuit per Christi discipulos jam destructa, tyrannorum crudelitas jam refrenata, omnisque mundi decor et gloria reprobati. Ideo ad ampliorem assertionem ait bis, *Cecidit*, et etiam propter intentionem movendam; item, quia duplici cecidit casu, puta in culpam et pœnam æternam. Unde his verbis vanitas, instabilitas, brevis gloria sæcularis exprimitur, juxta illud: Quomodo facti sunt in desolationem? subito defecerunt, perierunt propter iniquitatem suam. Et denuo: Quoniam tanquam sœnum velociter arescent, et tanquam olera herbarum cito decident.

Ps. lxxii, 19.

Ps. xxxvi, 2.

Quæ a vino iræ fornicationis suæ, id est seminatione erroris, idololatriæ, impietatisque suæ multipartitæ, *potavit omnes gentes,* id est quosdam ex omni natione, et pene omnes ante Christi adventum. Idololatria autem specialiter spiritualis fornicatio vocatur, quia per eam potissimum mens a Sponso cœlesti dividitur, et dæmoni tanquam ejus adultera copulatur.

Jer. iii; Ezech. xvi; Osee iv, etc.

De qua fornicatione in Jeremia, Ezechiele, ceterisque Prophetis frequentissime agitur. Error autem et impietas, et præsertim idololatria, dicitur vinum, quoniam animam quasi inebriat, ne rationem sequatur, ejusque statum evertit, et ipsam efficit

A stultam. Rursus vinum iræ dicitur, quoniam Dei iram seu ultionem meretur. Præterea, quum Babylon aliud nihil sit quam omnes gentes seu reprobi universi, quomodo omnes gentes vino iræ fornicationis suæ potavit? Respondendum, quod quia unus alium ad vitia traxit, et ille tertium, sicque deinceps; imo unus frequenter multos infecit, et ita in omnes hos diabolicus error ingressus est: utique Babylon omnes gentes potavit.

Et tertius angelus secutus est illos, 9 *dicens voce magna.* Iste est ordo prædicatorum qui contra instantem Antichristi perfidiam circa novissima tempora prædicabit. *Si quis adoraverit bestiam,* utpote Antichristum, *et imaginem,* id est statuum ejus, vel ejus imitatores fuerit veneratus, *et acceperit characterem,* id est signum, cultum, professionem, figuram Antichristi, *in fronte sua,* per apertam illius confessionem, *aut in manu sua,* ei operibus serviendo (quid autem sit Antichristi character, et illum recipere in ma-

C nu aut in fronte, supra dictum est plenius); *hic bibet de vino iræ Dei,* id est, divina ultione quasi potu implebitur, *quod mixtum est mero, in calice iræ ipsius.* Merum dicitur purum. In vino autem duo inveniuntur: unum impurum, scilicet fæx; aliud purum, videlicet merum. Quum ergo nunc dicitur, quod bibet de vino quod mixtum est mero, accipit vinum pro impuro, et merum pro puro. Insuper in Scripturis per calicem, pœna vel passio designatur, juxta illud: Transeat a me calix iste; et, Calicem meum bibetis. Potest quoque per calicem mensura retributionis seu ultionis, vel divina æquitas, mensurate ac proportionaliter puniens, accipi. Itaque vinum istud, id est ultio æquitatis divinæ, mixtum est mero, id est salubri antidoto seu potione medicinali, in calice iræ ipsius, id est in propinatione pœnæ quam infligit dum aliquem in præsentī vita paternaliter corrigit, ne æternaliter pereat. De calice isto multa loquitur Jeremias. De quo et canit Psalmista: Calix in

In Apoc. xiii, 16. 40

Matth. xxvi, 39. Ibid. xx, 23.

Jer. xxv, 15, 17, 28. Ps. lxxiv, 9.

manu Domini, vini meri plenus mixto. Possumus etiam dicere, quod vinum divinæ vindictæ mixtum est mero in calice iræ ipsius, quoniam Deus semper citra condignum punit reum, misericordiam suam, quæ per merum exprimitur, rigori suæ miscens justitiæ, cujus effectus quasi fæx reprobis amarescit.

Et cruciabitur igne gehennæ, qui in se ipso non exstinxit ignem malitiæ, fervorem libidinis, inclinationem propriæ voluntatis, *et sulfure*, de quo maximus fœtor egreditur, id est fœtore tartareo : ut sicut in peccato sunt fervor improbæ voluntatis et fœtor deformitatis, ita in pœna peccati sint fervor ignis et fœtor infernalis; *in conspectu angelorum sanctorum*. Universi enim Beati reproborum tormenta conspiciunt, nec compassione aliqua affliguntur, quum sint divinæ voluntati et æquitati totaliter conformati : imo inde Deo amplius regratiantur, cernentes quid per divinam clementiam evaserunt. Siquidem lætabitur justus quum viderit vindictam. *Et ante conspectum Agni*. Qui coram Christo et angelis ejus peccare non erubuerunt, eis cernentibus torquebuntur ad suam ampliorem confusionem. *Et fumus tormentorum ejus* ascendet in sæcula sæculorum*, id est, ignis ille nunquam deficiet, imo reprobos dire operiet. Ignis autem inferni non clarus et splendidus, sed fumosus et quodammodo tenebrosus asseritur. Verumtamen, secundum Thomam, modicum quid sortitur de luce, in tantum ut damnati, ad calamitatis suæ augmentum, se invicem adspicere queant. *Nec habent requiem die ac nocte, qui adoraverunt bestiam et imaginem ejus*, id est, continuo et indesinenter puniuntur. Ex quo sequi videtur, quod pœna inferni sit non solum æterna, sed etiam non interrupta. *Et si quis acceperit characterem nominis ejus*, scilicet Antichristi, juxta sensum expositum, ille (ut dictum est) punietur, imo et universi qui in mortali vitio moriuntur, his subjacent pœnis.

Hic patientia sanctorum est, id est,

in hujus æternæ damnationis pravorum consideratione sancti patientiam suam in vita hac fundant. Pensantes enim quod pro temporali persecutione vel afflictione æternam beatitudinem sortientur, impii vero et tribulatores eorum pro sua injustitia infernalem damnationem obtineant, in adversis non contristantur, sed omnia æquanimitè ferunt. *Qui custodiunt mandata Dei*, illa memoriter retinendo, et opere exsequendo, *et fidem Jesu*, intellectum suum in Christi obsequium in captivitatem humiliter redigentes, non immoderanter scrutantes incomprehensibilia fidei, sed auctoritati Christi ingenium suum subdentes, nec fidem propter quæcumque adversa aut aspera abnegantes vel deserrantes.

Consequenter pro consolatione Ecclesiæ, descripta impiorum damnatione, proponitur beatitudo et gloria electorum in hoc sæculo multipliciter afflictorum, quatenus opposita juxta se posita, clarius innotescant. *Et audiivi vocem de cœlo dicentem mihi : Scribe : Beati mortui qui in Domino moriuntur*. Hanc vocem non corporalem, nec foris sonantem aut perstreptentem, sed spiritualem et intus formatam per angelum qui Apocalypsim seu revelationem hanc ostendit Joanni, audiuit ipse B. Joannes interiori auditu ; de cœlo, puta ab angelo cive cœlesti, in sua vel prædicatorum persona loquente locutione interna, sicut in visionibus imaginariis ac intellectualibus fieri solet, quemadmodum loquitur Zacharias : Angelus qui loquebatur in me, egrediebatur. Scribe, id est, cordi proprio imprime, et ad profectum Ecclesiæ in libro exara verbum notabile quod tibi nunc dico : Beati mortui qui in Domino moriuntur. Quid est hoc ? Nempe, quod mortuum est, vita caret ; quod autem vita caret, nec moritur, nec mori potest, nisi prius vivificetur. Itaque intuendum, quod verbum hoc multipliciter possit exponi.

Primo : *Beati mortui*, id est, felices sunt illi defuncti, qui in Domino moriun-

Ps. LVII, 11.

11

* eorum

12

II Cor. x, 5.

13

Zach. II, 3.

tur, id est in Domino obierunt, puta in statu salutis, in caritate, in divini nominis confessione, in mentis ad Deum conversione. Tales enim securi sunt quod nunquam avertentur a Deo : et si veniale quid deferant secum, per purgatorium pertingunt ad patriam; si vero plene satisfecerunt, omnive macula reatuque carent, mox evolant. Sæpe autem in Scripturis verba a connotatione temporis absolvuntur, et verbum unius temporis pro verbo alterius temporis ponitur, etiam in his quæ historialiter conscribuntur : quod in Evangelio S. Joannis frequentissime fieri, omni constat legenti, nec opus est inde allegare exempla. — Secundo sic : *Beati mortui*, id est mortales agonizantes. Solemus enim de aliquo letaliter infirmante, mortique proximo dicere, quod sit mortuus homo. Unde Jairus archisynagogus, qui apud Marcum legitur Christo dixisse, *Filia mea in extremis est*; in alio Evangelio fertur ei locutus, *Filia mea modo defuncta est*. *Qui in Domino moriuntur* : secundum sensum inductum. In ea enim mentis dispositione seu conversione qua moritur homo, permanet anima ejus perpetuo. Ideo, qui in Domino moriuntur, videlicet in conversione mentis ad eum, nunquam avertuntur ab ipso, juxta illud : In quocumque loco ceciderit lignum, ibi erit. Propter quod asserit Damascenus : Quod angelis est ruina, hoc homini mors. — Tertio sic : *Beati mortui*, id est, qui mortui sunt huic sæculo et peccatis, imo sibi ipsis, videlicet propriæ voluntati, et omni vitiosæ affectioni, atque mundanæ vanitati, qui cum Apostolo dicere possunt : Vivo autem, jam non ego, vivit vero in me Christus; et item, Mihi absit gloriari, nisi in cruce Domini mei Jesu Christi, per quem mihi mundus crucifixus est, et ego mundo. De taliter mortuis alibi dicit Paulus : Qui mortui sumus peccato, quomodo adhuc vivemus in eo? Et ad Colossenses : Mortui enim estis, et vita vestra abscondita est cum Christo in Deo. Hi sunt qui dominantur animo suo, et

A vincunt se ipsos, odiuntque peccare amore virtutum atque sincero Dei intuitu. *Qui in Domino moriuntur*, per separationem animæ a corpore. Hi enim perseverando usque in finem, non nisi in Domino feliciter moriuntur. — Sed quoniam nunc de Antichristo facta est mentio, possunt hæc verba specialiter accipi de his qui ab illo pro fide catholica occidentur, et de universis martyribus. Ut sit sensus : Beati mortui qui in Domino moriuntur, id est, per palmam martyrii migraverunt ad Dominum, in ejus confessione spiritum exhalantes.

A modo, id est a tempore isto vitæ præsentis, vel a tempore mortis, *jam dicit spiritus, ut requiescant a laboribus suis*, id est, amplius non laborent nec affligantur; sed ab omni fatigatione, pœna, adversitate et tædio cessent, liberi et immunes sint quum ad patriam venerint, in qua æternam quietem et pacem quæ omnem sensum exsuperat, plenamque beatitudinem sortiuntur. In paucis enim et modico tempore vexati, in multis perpetuo feliciter disponentur. Potest autem hoc loco per spiritum intelligi angelicus spiritus, cujus ministerio Deus ista revelavit Joanni; vel Spiritus Sanctus, per quem propheticæ revelationes per appropriationem quamdam fieri asseruntur : quemadmodum septem dona dicuntur dona Spiritus Sancti, quum utique sint dona totius superbeatissimæ Trinitatis, cujus indivisa sunt opera. Et quia tota superbenedicta Trinitas spiritus est (dicente Apostolo, Dominus spiritus est; et apud Joannem ipsomet Christo, Spiritus est Deus), potest jam per spiritum, Deus Trinitas accipi. Idcirco autem beati sunt isti sic mortui, et ideo requiescent.

Opera enim illorum sequuntur illos. Quomodo opera quæ præterierunt et esse desierunt, poterunt mortuos sequi? Et nonne opera nostra præcedunt nos ante mortem et præparant viam, quum oratio humiliantis se et deprecatio justî penetret cœlos, et Cornelio dictum sit, Orationes

Marc. v, 23.

Matth. ix, 18.

Eccle. xi, 3.

Galat. ii, 20.
Ibid. vi, 14.

Rom. vi, 2.

Coloss. iii, 3.

Philipp. iv, 7.
Sap. iii, 5.

II Cor. iii, 17.
Joann. iv, 24.

Eccle. xxxv, 20, 21.

Act. x, 4.

tuae et eleemosynae tuae ascenderunt in memoriam in conspectu Dei? Respondendum, quod opera bona et mala, seu meritoria et demeritoria, sequuntur morientes, id est, comitantur, vel simul pergunt cum eis, in quantum splendor virtutum, et ratio obtinendi felicitatem coelestem, in justis decedentibus permanent, et comitantur eosdem; in reprobis autem macula vitiorum et reatus poenae aeternae manent, sequuntur, comitanturque eos. Itaque, non divitias, non delicias, non honores, nec aliquid hujus mundi, sed opera virtuosa desideremus, amemus, colligamus, et usque in finem custodiamus. Nihil enim intulimus in hunc mundum: haud dubium quia nec auferre quid possumus. Sola autem opera nostra, merita vel demerita, pergunt nobiscum, et inseparabiliter adhærebunt. At vero, secundum Haymonem, quia post opus sequitur operis merces, opera electorum ipsos sequi dicuntur, quoniam præmium suorum operum consequuntur.

Consequenter de finali judicio agitur, et ipsa persona judicis imaginaria representatione describitur. *Et vidi*, imaginaria, intellectuali prophetali que visione: *et ecce nubem candidam, et super nubem sedentem similem Filio hominis, habentem in capite suo coronam auream, et in manu sua falcem acutam*. Itaque in visione imaginaria apparebat Joanni angelus similis Filio hominis, id est Christum representans, vel in forma humana apparens, sedere super nubem claram et lucidam: qui habuit coronam auream, per quam regia Christi dignitas designatur; et in manu falcem acutam, per quam judiciaria ejus potestas, severaque aequitas, seu districtum ejus judicium explicatur, quæ supra per gladium ex utraque parte acutum expressa sunt. Potest autem per nubem candidam, immaculatissima Christi caro intelligi: super quam sedet, in quantum eidem per divinitatis potentiam præsidet. Et quia in finali judicio Christus apparebit sublimis in aere,

A recte super nubem candidam angelus eum representans videbatur sedere.

Et alter angelus exivit de templo, clamans voce magna ad sedentem super nubem, dicens: Mitte falcem tuam et mete, quia venit hora ut metatur. Angelus iste, quem in visione imaginaria vidit Joannes exire de templo Ecclesiae triumphantis (in qua habitat tanquam civis), vel de templo Ecclesiae militantis, puta de ipsa Ecclesia (in qua est tanquam custos et visitator ipsius), representat personam B Sanctorum, qui circa horam judicii desiderabunt illud compleri zelo justitiæ, ut divina æquitas declaretur, et electi plenarie glorificentur, impii quoque digna sortiantur tormenta. Hi ergo, sicut et angelus iste, clamabunt voce magna, affectuosa et seriosa ad sedentem super nubem, puta ad Christum: Mitte falcem tuam, id est, judiciariam potestatem extendere in opus, exercendo judicium; et mete, id est, homines dele de terra, electos a reprobis divide, illos ad cœlos, istos ad infernum mittendo; quia venit hora ut metatur, id est, judicandi tempus a te aeternaliter præordinatum advenit, et completus est numerus electorum, *quoniam aruit messis terræ*, id est, homines in terra existentes, qui sunt velut germina terræ in qua nascuntur, steriles facti sunt ab opere bono, et flamma vitiorum exusti. Tunc enim, Christo testante, abundabit iniquitas, et caritas refrigescet: sieque gratiarum rore subtracto, arida erit messis, quæ sicut Christus loquitur, est consummatio sæculi, utpote homines illi qui in sæculo isto futuri sunt ultimi, secundum unam expositionem.

Et mittebat, qui sedebat super nubem, falcem suam in terram, id est, judiciariam potestatem in habitatoribus terræ exercuit, et messuit terram, id est, homines congregavit, judicavit, et unumquemque in locum quem meruit, collocavit. Loquitur autem Joannes more prophetico de futuro quasi de præterito, et quia in visione ista jam facta fuerunt.

1 Tim. vi, 7.

14

Apoc. i, 16.

15

Matth.
xxiv, 12.

Ibid. xiii,
39.

46

17 *Et alius angelus exivit de templo, quod est in cœlo* Ecclesiæ militantis seu triumphantis : sicut de præcedenti angelo dictum est. Templum autem, et Ecclesia, et cœlum, in libro isto frequenter pro eodem sumuntur. Electi enim, in quibus Deus per dona gratiæ seu gloriæ habitat, sunt templum, Ecclesia et cœlum. *Habens et ipse falcem acutam.* Per angelum istum quidam intelligunt eundem qui et per sedentem super nubem exprimitur, scilicet Christum. Quia tamen nunc dicitur, Alius angelus exivit, Albertus satis convenienter per angelum istum intelligit chorum Sanctorum, qui iudicabunt cum Christo, et judiciariam potestatem suo modo sortiti sunt, juxta illud : Iudicabunt Sancti nationes. Et Paulus ait : Nescitis quia Sancti de hoc mundo iudicabunt ? Verum quia, ut Christus in Evangelio docuit, mессores sunt angeli : per angelum congrue intelligitur agmen illud angelicum per quod exhibebitur atque implebitur finale iudicium, secundum quod verba statim sequentia monstrabunt. Subditur enim :

18 *Et alius angelus exivit de altari,* videlicet de principaliori et securiori loco Ecclesiæ militantis seu triumphantis, quasi de conspectu Dei egrediens, et a Christo, qui altare vocatur (ut sæpius patuit), missus ; *qui habebat potestatem super ignem :* quia angelico ministerio ignis conflagrationis per terram et aerem diffundetur, et reproborum cuneus in ignem gehennæ mittetur. Sed quoniam nomine ignis quælibet dira punitio designatur, angelus iste potestatem habet super ignem, id est virtutem inferendi debitam pœnam malignis. *Et clamavit voce magna ad eum qui habebat falcem acutam,* id est ad eos qui per præcedentem, videlicet tertium angelum, exprimuntur, *dicens : Mitte falcem tuam [acutam],* id est, potestatem tibi concessam extende in opus tibi commissum, *et vindemia,* id est, de terra abscinde, *botros vineæ terræ,* id est homines malos, qui sunt botri vineæ malæ. Sicut

A enim Ecclesia electorum est vinea Dei, sic collectio reproborum est vinea terræ, vinea mala, infructuosa, vinea plane diaboli. Unde Synagogæ Dominus ait per Jeremiam : Quomodo conversa es in prævum, vinea aliena? *Quoniam maturæ sunt uvæ ejus,* id est, botri ejus præfati, scilicet impii, ad plenitudinem vitiorum pervenerunt, ita quod consummatis eorum peccatis, nil restat nisi ut judicentur.

Et misit angelus iste tertius falcem suam [acutam] in terram, secundum quod Deus per angelum intimavit. Siquidem de divinis operibus superiores angeli inferiores illuminant, divinam eis voluntatem insinuando, quemadmodum Zacharias protestans : Angelus, inquit, qui loquebatur in me, egrediebatur ; et alius angelus egrediebatur in occursum ejus, et dixit : Curre et loquere ad puerum istum. *Et vindemiavit vineam terræ,* id est, impiorum collectionem de loco suo et statu amovit, *et misit in lacum iræ Dei magnum,* scilicet in infernum, qui ob suam profunditatem dicitur lacus. De quo apud Ezechielem multa scribuntur ; estque ob suam capacitatem magnus et spatiosus. De quo et Isaias ait : Præparata est ab heri Topheth, a rege præparata, profunda et dilatata. Porro per Topheth, secundum B. Hieronymum aliosque expositores, significatur gehenna, a Rege cœlorum impiis præparata. Denique, quod angeli sancti in fine sæculi hoc modo vindemiabunt botros præfatos, atque eosdem in infernum contrudent, innotescit ex verbis Christi dicentis : In consummatione sæculi exhibunt angeli, et separabunt malos de medio iustorum, et mittent eos in caminum ignis. Angeli quoque, secundum doctores, reprobos suscitatos ad locum iudicii deferent.

Et calcatus est lacus, id est, missi in foveam infernalem, in perpetuam calamitatem depressi sunt ibi. Interdum enim continens pro contento ponitur. *Extra civitatem.* Nam lacus iste longe est extra civitatem Dei viventis, quæ est Ecclesia electorum. *Et exivit sanguis de lacu,* id

Matth. xix,
28.

Sap. iii, 8.

I Cor. vi, 2.

Matth. xiii,
39.

Jer. ii, 21.

49

Zach. ii, 3,
4.

Ezech. xxi,
xxxii, xxxiii,
passim.

Is. xxx, 33.

Matth. xiii,
49, 50.

20

est, vindicta seu pœna pro sanguine seu peccato inflicta exuberavit, *usque ad frenos equorum*, id est usque ad principes et praelatos, qui fastu superbiæ præfuerunt : quorum crudelitas per frenos inuitur, quia per eam subditos pro sua voluntate compescuerunt, sicut freno compescitur equus. Dicuntur autem superiores equi, quoniam sua potestate abutendo, instar equorum ad libitum hinc inde per omnia mala libere velociterque feruntur. *Per stadia mille sexcenta*. Quo numero, secundum Berengandum et alios, omnes mali Christiani, iniusti ac vani, intelliguntur. Stadium enim, secundum quod Haymo dicit, est Græca mensura, et nomen a stando sortitur; estque certi spatii metrum, quo Græci mensuraverunt loca in quibus ludebant, atque ibidem spatiantes deambulabant. Sicque per stadia ista signantur, qui ludis et vanitatibus sæculi vacant.

Potest quoque hic locus facilius, et ut apparet, convenientius explanari : ut quod ait, *Exivit sanguis de lacu usque ad frenos equorum per stadia mille sexcenta*, sit metaphoricus ac hyperbolicus sermo, sicut quod in evangelio Joannis scriptum est : *Multa alia fecit Jesus, quæ si scribantur per singula, nec ipsum mundum arbitror posse capere eos qui scribendi sunt libros*; et in Psalmo, *Ascendunt usque ad cœlos, et descendunt usque ad abyssos*. Et ita his verbis nil aliud designatur nisi quod ineffabiliter gravis, magna atque exuberans sit pœna reproborum in lacu gehennæ, quemadmodum inæstimabiliter magna esset pressura, ubi tot homines occiderentur quod sanguis a fo-

Aveis terræ usque ad frenos equorum ascenderet per stadia præsignata.

Quidam ordinem successionis temporum in expositione hujus voluminis prosequentes, per numerum centum quadraginta quatuor millium virginum, de quibus in principio hujus capituli sermo est, intelligunt religiosos a Mahometo ejusque satellitibus interfectos, quando terras Christianorum in Ægypto et alibi vastaverunt. Sed scire quis potest, nisi Deus revelet, an illi tot fuerunt, vel si inter illos tot virgines exstiterunt? Sed et numerus iste mystice potius quam secundum litteralem superficiem exponendus videtur, præsertim quum supra, quum de signatis ab omni tribu filiorum Israel ageretur, etiam numerus iste taxatus sit. — Præterea quod subditur, et vidi alterum angelum volantem per medium cœlum, exponunt de S. Bonifacio, misso a Romano pontifice, qui aliquibus gentibus prædicavit. Sed quomodo hoc stare possit, non video. Quomodo enim Papa misit eum ad evangelizandum super omnem gentem, tribum, linguam et populum, qui omnium linguarum usum notitiamque non habuit? Nec Bonifacius iste omni populo, omni genti et linguæ evangelizavit. Hinc antiqui et solidi expositores per angelum istum non intellexerunt aliquem prædicatorem determinatum et singularem, sed cœtum ac ordinem prædicatorum, juxta sensum præhabitu. — Qualiter autem quæ sequuntur exponant, omitto, quoniam evidentem instantiam pati videntur. Nam et per Babylonem de qua sequitur, *Cecidit, cecidit Babylon*, intelligunt regnum Græcorum pro tempore Justiniani imperatoris.

vers. 1.

Apoc. vii, 4.

vers. 6.

vers. 8.

Joann. xxi,
20.

Ps. cvi, 26.

ARTICULUS XVI

EXPOSITIO CAPITULI QUINTIDECIMI : ET VIDI ALIUD SIGNUM IN COELO MAGNUM.

1 **H**OC loco incipit visio quinta. *Et vidi aliud signum in celo magnum et mirabile.* Quod autem fuerit signum hoc, subditur : *septem angelos, habentes septem plagas novissimas.* Itaque imaginaria visione intuebatur Joannes in spiritu quiddam mirabile, quod fuit indicium seu figura significativa rei futuræ. Vidit enim septem angelos, id est similitudinem repræsentativam eorum, in coelo, scilicet in Ecclesia militanti, in qua ipse tunc fuit et angelus secum existens istaque sibi per rerum imagines monstrans; et quoniam angeli isti ecclesiasticas personas designant, sicut patebit. Quid vero per angelos septem eorumque plagas significetur, infra in textus expositione clarebit. Nunc in tantum tangatur, quod per eos, prædicatores Ecclesiæ, per plagas autem quas habere visi sunt, vindicta et pœna quas reprobos denuntiabunt passuros, insinuatur. Et sicut per septem angelos plenitudo et universitas prædicatorum, ita per septem plagas plenitudo et consummatio supplicii reprobis innuitur : quemadmodum et in C Levitico Dominus ait, Percutiam vos septies. Septenario siquidem, sicut frequenter nunc patuit, universitas designatur. Hinc de plagis istis subjungitur : *quoniam in illis consummata est ira Dei*, id est, per eas rigor divinæ justitiæ judicabit plenarie demerita impiorum. Dicuntur quoque novissimæ, quia gravissimæ, et quia in fine, tempore Antichristi, potissime infligentur.

Lev. xxvi,
24.

2 *Et vidi tanquam mare vitreum mixtum igne.* Quemadmodum per mare vitreum D intelligatur fons Baptismi, purus ac lucidus tanquam vitrum, vel doctrina evangelicæ legis instar aquæ clarissima, undique

A fluens, et tanquam vitrum sublimium virtutum splendore pellucida, in superioribus a nobis dictum est capitulo quarto. Porro mare hoc mixtum est igne, quoniam in Baptismo infunditur Spiritus Sanctus, qui ignis vocatur, et caritas ejus, qui ardor asseritur. Propter quod Joannes Baptista de Christo prædixit : Ille vos baptizabit Spiritu Sancto et igne. Christus quoque Apostolis loquens : Vos, inquit, baptizabimini Spiritu Sancto. Sed et virtus sacramentalis ipsius Baptismi, quum sit cooperatoria ad caritatem et gratiam quæ in Baptismo præstantur, nomine ignis potest intelligi. In doctrina vero evangelicæ legis, ignis divini amoris (de quo loquitur Christus, Ignem veni mittere in terram), copiose miscetur, relucet, operatur, et inflammatur. Propter quod sacra Scriptura seu theologia, a quibusdam doctoribus dicitur affectiva potius quam practica vel speculativa.

In Apoc. iv,
6.

Matth. iii,
11.

Act. i, 5.

Luc. xii, 49.

Et eos qui vicerunt bestiam, et imaginem ejus, et numerum nominis ejus, id est, qui Antichristo et imitatoribus, atque ad eum quovis modo spectantibus, non consenserunt, nec cultum latriæ aut reverentiam exhibuerunt. Qui licet ab illis sint occidendi, spiritualiter tamen prævalebunt, veritati immobiliter adhærendo, et per patientiam in omnibus superando, quemadmodum ait Apostolus : In omnibus his superamus propter eum qui dilexit nos. *Stantes supra mare [vitreum]*, id est, gratiæ baptismali, sacramentorumque fidei firmiter innitentes, veritati quoque Scripturæ insuperabiliter cohærentes, atque in ea gressus suos semper fundantes, juxta illud : Gressus meos dirige secundum eloquium tuum, et non dominetur mei

Rom. viii,
37.

Ps. cxviii,
133.

omnis injustitia. Quod agentes, a plaga A septem angelorum eripiuntur. *Habentes citharas Dei*, id est mentes devotas Deo, in quibus juxta apostolicum documentum, cantant et psallunt Deo semper. Citharæ quoque Sanctorum sunt, mortificatio carnis, compassio cordis, patientia in adversis, prædicatio oris, gratiarum actio pro beneficiis. *Et cantantes canticum Moysis servi Dei, et canticum Agni*, id est ex utriusque Testamenti Scripturis Deum laudantes. In Ecclesia enim libri Moysis frequentantur; nec Christiani sunt qui vetus B Testamentum non acceptant.

Dicentes: Magna et mirabilia sunt opera tua, Domine Deus omnipotens. Hoc in libris Moysis et in Evangelio Christi concorditer edocetur. Quum enim opifex Deus cunctis causis et operationibus in infinitum emineat in potestate, sapientia, voluntate, omnique perfectione, decuit opera ejus esse incomparabiliter magna et mira. Denique magna et mirabilia sunt opera naturæ, majora et mirabiliora opera gratiæ, maxima vero et mirabilissima opera C gloriæ. Hæc sunt opera creationis, recreationis, glorificationis: quæ omnia nostram capacitatem vehementer transcendunt. Hinc Moyses ait: Quis similis tui in fortibus, Domine? Quis similis tui? Magnificus in sanctitate, terribilis atque laudabilis, et faciens mirabilia. *Iustæ et veræ sunt viæ tuæ*, id est tua instituta, præcepta, opera atque judicia. Justus enim Dominus in omnibus viis suis, et sanctus in omnibus operibus suis: qui unicuique tribuit quod meretur; et quod promisit, adimplet; quod asserit, exhibet. Ideo ait Propheta sanctus in Deuteronomio: Date magnificentiam Deo nostro; Dei perfecta sunt opera, et omnes viæ ejus judicia: Deus fidelis et absque ulla iniquitate, justus et rectus. Daniel quoque dicit: Justus es, Domine, in omnibus quæ fecisti nobis, et universa opera tua vera, et vera sunt omnia judicia tua. *Rev sæculorum*, qui universorum es primus atque altissimus dominator, rector ac ordinator. De quo lo-

quitur Paulus ad Timotheum: Regi autem sæculorum immortalis, invisibili, soli Deo honor et gloria. *Tim. i, 17.*

Quis non timebit te, et magnificabit nomen tuum? Tanquam dicat: Nimis errat et graviter peccat, qui te non timet, et qui majestatem tuam non magnificat, id est, magnam atque dignissimam non profitetur; qui non verbis et factis pro viribus suis te magnum esse ostendit, qui tibi cum ingenti reverentia non obedit. Tua enim opera te metuendissimum summeque magnificandum et honorandum demonstrant. Nempe in omnibus tua omnipotentia, sapientia, bonitas, lucent. Hinc ait propheta Jeremias: Non est similis tui, Domine; magnus es tu, et magnum nomen tuum in fortitudine. Quis non timebit te, o Rex gentium? Et Isaïas: Dominum exercituum ipsum sanctificate; ipse pavor vester, et ipse terror vester. Sed et Salomon ait: Fecit Deus opera sua ut timeatur. *Jer. x, 6, 7. Is. viii, 13. Eccl. iii, 11.*

Quia tu solus pius es. Nonne et pia virgo Maria? nonne et pius sanctus iste Joannes? nonne pius et Moyses, qui erat mansuetus super omnes homines qui morabantur in terra? Quomodo ergo solus pius Deus, præsertim quum nemo placeat Deo nisi donum habeat pietatis? Sed sic solus pius Deus, quomodo solus sapiens, solus ens, solus bonus. In tantum siquidem ejus pietas omnium pietatem excedit, ut comparatione ipsius nullus sit pius. Nam et impiissimis hominibus indesinenter beneficia multa impendit, et peccantibus diu ac sæpissime parcat, judicium differt, suspendit vindictam; et frequenter in his abundantiam gratiæ cumulat, a quibus innumerabilibus vicibus gravissime est offensus. Juxta hunc modum scriptum est in libro Machabæorum: Domine Deus, qui D solus es rex bonus, solus præstans, solus justus, omnipotens et æternus. *II Mach. i, 24, 25.*

Quoniam omnes gentes venient et adorabunt in conspectu tuo. Nam ante finem mundi pene omnes convertentur, et jam quodammodo omnes venerunt, ut sit dis-

Caloss. iii, 16.

3

Ezod. xx, 11.

Ps. cxliv, 17.

Deut. xxxii, 3, 4.

Dan. iii, 27.

tributio pro generibus singulorum, non pro singulis generum. In hora quoque judicii omnes venturæ sunt; sed tunc non omnes adorabunt: nisi forte quis dicat, reprobos tunc pro venia oraturos ex servili timore, quam nullatenus obtinebunt.

Ps. lxxxv, 9. Hinc fertur in Psalmo: Omnes gentes quascumque fecisti, venient et adorabunt coram te, Domine, et glorificabunt nomen tuum.

Joann. iii, 21. Quoniam judicia tua manifesta sunt, id est, evidenter coram omnibus fient, quando in die judicii omnes judicabis, cunctisque patebit quod vere et juste de omnibus judicas. Omnis enim qui facit veritatem, venit ad lucem. Sicque judicia Dei sumuntur pro executionibus atque effectibus divinæ justitiæ. Si autem judicia Dei sumantur prout sunt in ipso Deo (quibus ipse in se ipso de cunctis quid agendum sit, discernit: quæ licet sint unum in re, plura tamen dicuntur per relationem ad judicata); sic judicia Dei sunt incomprehensibilia, secundum Apo-

Rom. xi, 33. *Ps. xxxv, 7.* stolum, et abyssus multa, juxta Psalmistam. Unde Haymo ait: Subtilitatem judiciorum Dei quare hoc vel illud facit, nemo comprehendere valet; manifesta vero sunt in eo quod justa sunt, quia a cunctis vera noscentibus justa esse sciuntur. Præterea, ut scribit Albertus, duplex est judicium Dei, videlicet: singulare, quo unum eligit, alium reprobatur, sine præviis meritis (juxta illud: Jacob dilexi, Esau vero odio habui); item quod facit unum pauperem, alium divitem, unum sanum, alium infirmum: quæ omnia facit ex causa rationabili, licet nobis ignota. Ista judicia manifesta sunt in suo actu in quem exeunt, quia sic esse omnibus patet; sed occulta sunt in sua causa ex qua exeunt. Incertum est enim quare sic fiat. Aliud est judicium generale, et istud est triplex, videlicet: discretionis, quo in die novissimo separabit electos a reprobis, illos ad dexteram, istos ad sinistram constituendo; secundum est disceptationis; tertium, definitionis, quo dabit sententiam.

Malach. i, 2, 3. *Matth. xxv, 32, 33.*

Ista judicia nota sunt in causa, quoniam clarum est quod omnes secundum opera sua judicabuntur; ignota sunt autem quoad exitum causæ, quia nescitur qui sunt isti vel illi.

Post hæc vidi: et ecce apertum est templum tabernaculi testimonii in cælo, id est, mysteria Dei in Ecclesia omnibus intrare volentibus sunt reserata, et Christi sacramenta sunt patefacta. Templum autem tabernaculi, est ipsa Ecclesia: quæ et templum est in quo Deus per gratiam habitat, et tabernaculum quod venientem in se Dominum recipit. Estque templum et tabernaculum istud, templum et tabernaculum testimonii, per tabernaculum Moysis et templum Salomonis præfiguratum: testimonium verbo et opere usque ad sanguinem perhibens Deo, utriusque quoque Testamenti testimonia continens, præcepta adimplens, Scripturas amplectens. Quod etiam apertum est in cælo, videlicet inter ipsos fideles, quorum conversatio est in cælis, qui regnum cæ-

Et exierunt septem angeli habentes septem plagas. Hoc jam in principio hujus articuli est tractatum. *Vestiti lapide mundo et candido,* scilicet Christo qui est lapis angularis, factus in caput anguli. De quo scriptum est: Ecce ego mittam in fundamentis Sion, dicit Dominus, lapidem angularem, probatum, pretiosum; et omnis qui crediderit in eum non confundetur. Et alibi: Super lapidem unum oculi septem sunt. Qui apud Daniele vocatur lapis abscissus sine manibus de monte. Hoc lapide vestiuntur fideles in anima, eum per amorem stringendo, et conversatione sequendo, ejus quoque protectione gaudento, secundum quod ait Apostolus: Induimini Dominum Jesum. Qui est lapis mundus, quia ab omni peccati labe immunis; et candidus, splendore sapientiæ,

5

Philipp. iii, 20.

6

Ps. cxvii, 22.
Is. xxviii, 16; I Petr. ii, 6.

Zach. iii, 9.
Dan. ii, 34, 45.

Rom. xiii, 14.

omniumque virtutum decore. Potest quoque per lapidem istum, gratia, fides, et quælibet virtus intelligi. *Et præcincti circa pectora zonis aureis*, id est sapientiæ fulgore, caritatisque vinculis, et castimonia mentis. De hac præcinctione dictum est plenius supra, ubi et angelus Joanni in Christi persona apparens, describitur zona aurea ad mamillas præcinctus : idcirco pertranseo. His autem ornamentis debent præcingi, stringi atque connecti prædicatores et omnes vicarii Christi.

Apoc. i, 13.

7

Et unum de quatuor animalibus, id est Evangelistis, *dedit septem angelis*, id est prædicatoribus jam præfatis (de quibus plura dicentur propriis locis), *septem phialas aureas, plenas ira Dei viventis in sæcula sæculorum*. Phialæ aureæ, secundum Berengandum, sunt corda sapientiæ splendore ornata; vel intelligentia Scripturarum, secundum Albertum : quod reddit in idem. Unicuique ergo prædicatori, angelo seu nuntio Dei, data est phiala aurea, id est mens illuminata, vel sacræ Scripturæ notitia, quam Christus ut Deus dat auctoritative. Unum vero de quatuor animalibus dedit eam instrumentaliter : quia ex evangelico libro accipitur, et precibus impetrat eam a Deo; missum quoque ad viatores, illustrat eosdem. Quidam per animal istud Matthæum, alii Marcum, alii Lucam intelligunt. Potius autem tenendum est, quod in imaginaria visione angelus repræsentavit Joanni effigiem unius quatuor Evangelistarum, ad innuendum quod posteriores prædicatores a prioribus illuminationem accipiunt. Sed quomodo phialæ istæ plenæ sunt ira, et non potius elementia atque dulcedine Dei? Respondendum, quod utroque sunt plenæ. Nam impiis comminantur supplicia, justis præmia pollicentur. Unde Apostolus protestatur : Christi bonus odor sumus, et his qui salvi fiunt, et his qui pereunt; aliis odor vitæ in vitam, aliis odor mortis in mortem.

II Cor. ii, 15, 16.

8

Et impletum est templum fumo a ma-

jestate Dei, et de virtute ejus. Per fumum quidam intelligunt, quod in Ecclesia militanti est obscura et imperfecta cognitio divinatorum, propter excellentiam majestatis ac sanctitatis Dei immensi, sicut Apostolus ait : Videmus nunc per speculum in ænigmate; et nunc cognosco ex parte.

I Cor. xiii, 12.

Alii per fumum quo impletur Ecclesia, intelligunt ignorantiam atque caliginem impiorum, quibus divina mysteria juste clauduntur. Beda vero exponit in bono, ut Ecclesia fumo dicatur impleta, id est quia

ex igne caritatis in ipsa succenso, vapor piæ confessionis et gratiarum actionis ascendit. Denique Isaias dicit, quod templum impletum est fumo, quando videlicet Seraphim clamaverunt ter, Sanctus. Et ibidem Judæorum magistri, teste Hieronymo, per fumum intelligunt incensum seu thymiana, quo templum affirmant fuisse impletum propter divinæ majestatis præsentiam. Hieronymus tamen ibidem per fumum intelligit Judæorum ignorantiam et errorem. Rursus, in libris Regum et Paralipomenon legitur quemadmodum in dedicatione templi Salomonis, nebula impleverit domum Domini. Ubi, secundum quosdam, per nebulam gratiosa Dei condescensio atque præsentia designatur.

Is. vi, 3, 4.

III Reg. viii, 10; II Par. v, 13.

Et nemo poterat introire in templum, donec consummarentur septem plagæ septem angelorum, id est, nullus a fide et Christo extraneus poterit Ecclesiam ingredi, Christo incorporari, civis Sanctorum et domesticus Dei fieri, nisi a prædicatoribus audiat comminationes pœnarum quas Deus impiis præparavit, vel quousque a prædicatoribus compleatur sermocinatio qua futura tormenta denuntiant. Hoc de lege communi sic est. Nam per hujusmodi denuntiationem mali perterriti solent converti. Unde Beda scribit hoc loco : Nemo potest Ecclesiæ membris incorporari, nisi qui mysteria fidei audiens, discat a prædicatoribus quia Jesus constitutus est a Deo judex vivorum et mortuorum.

Ephes. ii, 19.

Act. x, 42.

ARTICULUS XVII

EXPOSITIO CAPITULI SEXTIDECIMI : ET AUDIVI VOCEM MAGNAM DE TEMPLO.

- 1 **C**ONSEQUENTER specificatur quid præ- A
fatis septem angelis divinitus com-
mittatur, demonstraturque damnatio im-
piorum per prædicationem bonorum. *Et*
audivi vocem magnam de templo, sive de
cælo, *dicentem septem angelis*, id est cun-
ctis prædicatoribus (de quibus nunc ser-
mo), qui sicut in præcedentibus patuit,
septenario designantur. Hanc autem vo-
cem angelus, Joanni omnia ista ostendens,
formavit et protulit in interioribus auri-
bus ejus, in persona Dei omnipotentis, cui
primo et proprie competit prædicationis B
officium quibus voluerit commendare. *Ite*
et effundite septem phialas iræ Dei, id
est sapientialia dogmata Scripturarum, ac
virtuosa eloquia earumdem, in quibus Dei
ultio contra iniquos ostenditur, *in terram*,
id est in habitatores ejus, præsertim in
terrenos atque carnales, annuntiando eis
quid ipsis immineat.
- 2 *Et abiit primus angelus*, scilicet pri-
mus prædicatorum istorum ordo vel cœ-
tus, *et effudit phialam suam in terram*,
id est, sacræ Scripturæ eloquia prædicavit C
Judæis : qui nomine terræ expressi sunt,
quoniam duri fuerunt, et terrena avide
quæsierunt ; vel etiam quia solidi, quan-
tum ad electos Judæorum, et quia per
legem divinam præ ceteris gentibus a vi-
tiorum profluviiis desiccati. *Et factum est*
vulnus sævum et pessimum, id est gra-
vissima excæcatio in cordibus horum in-
fidelium Judæorum, in quos ira Dei per-
venit usque in finem. Ideo sequitur : *in*
omnes qui habebant characterem bestię,
id est fidem Antichristi, quem recipient D
pro Christo, nuncque præstolantur eum-
dem, *et in eos qui adoraverunt imaginem*
ejus, id est, eum in sua imagine seu imi-
tatoribus ejus superflue honoraverunt aut
honorabunt. Ista Judæis qui fuerunt, con-
veniunt. In quibus illud Jeremiæ comple-
tum est : Insanabilis est fractura tua, in-
sanabilis plaga tua. Quibus et Christus
testatus est : Ego veni in nomine Patris
mei, et non recepistis me ; si alius venerit
in nomine suo, illum recipietis. Præterea,
secundum Bedam, dupliciter prædicatores
phialas iræ Dei effundunt : primo, pœnas
impiorum eis spiritualiter per judicium
irrogando (sicut Petrus dixit ad Simonem
magum, Pecunia tua tecum sit in perdi-
tionem ; Paulus quoque excommunicavit
Corinthium) ; secundo, eas Ecclesiæ præ-
dicando.
- Et secundus angelus effudit phialam* 3
suam in mare. Per mare signantur gen-
tiles, inquieti, amari ac tumidi, nullo di-
vinæ legis freno sedati : in quos secundus
angelus, utpote secundus prædicantium
chorus, phialam suam effudit, sacri elo-
quii verba infideliumque tormenta eis an-
nuntiando. *Et factus est sanguis tanquam*
mortui. Per sanguinem intelligitur, vel
effusio sanguinis prædicatorum quem fu-
derunt increduli, vel sanguinolenta eorum
transgressio, sive sempiterna damnatio. *Et*
omnis anima vivens, mortua est in mari.
Per partem intelligitur totum, videlicet
homo per animam. Ista quoque distribu-
tio est pro generibus singulorum, non pro
singulis generum, nisi secundum diver-
sam mortis acceptionem. Gentilium enim
aliqui convertebantur, et hi ab incredulis
pro magna parte occidebantur ; occisores
vero propria impietate, infidelitate et ra-
bie, deterius occiderunt se ipsos, atque
totaliter perierunt.
- Et tertius angelus effudit phialam su-* 4

am. id est, tertius ordo prædicantium evangelicam veritatem, eandem aperuit, *super flumina et super fontes aquarum.* Flumina ista et fontes, sunt hæretici cum hæresiarchis suis magistris : qui hæretici instar fluminum abundabant et undique effluebant et discurrabant, ut plures sibi in erroribus consociarent. Quoniam tamen respectu aliorum pauci fuerunt, et qui ex eis orti sunt, potius flumina quam mare vocantur : præsertim quia non solum a Catholicorum Ecclesia, sed etiam a se invicem variis assertionibus dividuntur. Quorum principes et magistri fontes sapientiæ se æstimari præsumunt, suisque poculum mortis propinant, qui aquas furtivas judicant dulciores. *Et factus est sanguis :* quia ipsi incorrigibiles sunt atque damnantur, et prædicatores catholicos pro viribus persequuntur.

Verum circa hæc quæritur, cur non omnes angeli isti phialas suas fuderunt super terram, sed secundus super mare, tertius super flumina, etc., quum tamen vox divina dixerit eis : Effundite phialas vestras super terram. Et respondendum, quod ibi per terram, habitatores terræ, scilicet homines, designantur, qui ob varias proprietates et culpas, diversis postea exprimuntur nominibus.

5 *Et audiavi angelum aquarum dicentem : Justus es, Domine.* Per angelum aquarum, id est populorum (aquæ enim significant

Eccle. vi. 1.

populum, sicut et Salomon ait : Mitte panem tuum super transeuntes aquas), intelligitur multitudo tam supernorum spirituum, qui præsent hominibus, quam prædicatorum atque pastorum bonorum Ecclesiæ, qui populum Dei custodiunt. Omnes isti divinam approbant æquitatem, et de justo ejus judicio gratias agunt, dicentes : Justus es, Domine, qui das unicuique quod ei debetur, seu dare te decet. *Qui es et qui eras sanctus* per essentiam, ac totius justitiæ es origo, *quia hæc judicasti,* id est, ista judicia exercuisti, et reprobos taliter perdidisti : in quo relucet tua justitia. Unde quod ait, Quia, non notat cau-

sam a priori, seu proprie, sed signum vel causam a posteriori, scilicet quantum ad nos, quibus divina per suos effectus innoscit justitia. *Quia sanguinem Sanctorum et Prophetarum fuderunt :* eo modo quo omnes perversi ac persecutores, una generatio et unum corpus diaboli appellantur; sic quod unus seu quidam fecerunt, toti adscribitur. Secundum quod ait Salvator Judæis : Ut veniat super vos omnis sanguis justus qui effusus est super terram, etc. Prædicatores autem Ecclesiæ primi et præcipui gratiam propheticam habuerunt. *Et sanguinem dedisti eis bibere,* id est, sui sanguinis effusione eos replesti, ita quod et ipsi occisi sunt, vel morte eos potasti, atque dirissima ultione eorum homicidia vindicasti; *ut digni sunt* per sua demerita. Unde in Prophetis sæpius scriptum est : Sanguis tuus super caput tuum; et, Sanguis ejus super eum veniet. In Genesi quoque habetur : Quicumque effuderit sanguinem humanum, effundetur sanguis illius.

C *Et audiavi alterum dicentem,* scilicet angelum, *ab altari,* id est secretiori loco Ecclesiæ, vel de interiori cordis affectu. Altare etenim Dei est mens devota. *Etiā, Domine Deus omnipotens, vera et justa judicia tua.* Per angelum istum signati sunt ceteri militantis ac triumphantis Ecclesiæ nuntii et custodes : qui eorum quos per præcedentem angelum jam dixi expressos, confirmant sententiam, et divinæ applaudunt ac gratias agunt æquitati : ad insinuandum quod singuli electorum de beneficiis cuique electo collatis, in Deo gaudere et gratias referre debent.

Et quartus angelus effudit phialam suam. Istud de quarto angelo et phiala sua exponatur sicut de primo, secundo et tertio angelis, eorumque phialis. *In solem.* Quidam per solem intelligunt Antichristum, qui se asseret solem justitiæ; alii, principes Ecclesiæ, qui ratione potestatis, dignitatis atque scientiæ, per solem notantur. *Et datum est illi æstu affligere* [homines] *et igne,* id est variis tribulatio-

6

Matth.
xxxiii, 35.

Ezech.
xxxiii, 4.
Osee xii, 14.
Gen. ix, 6.

7

8

9 nibus et pressuris quibus principes subdi-
 tos vexant. *Et æstuaverunt homines æstu*
magno, id est, gravissimis afflictionibus
 laboraverunt, *et blasphemaverunt nomen*
Domini habentis potestatem super has pla-
gas. Indurati namque et superbi impatien-
 tesque, dum suis exigentibus excessibus
 exercentur adversis, non attendunt se ea
 propter sua pati peccata, et ad præclario-
 rem suæ mentis profectum; sed passioni-
 bus animam obtenebrantibus, arbitrantur
 sibi injuriam fieri, et Deo altissimo corde
 et verbo maledicere audent. Hinc subdi-
 tur: *neque pœnitentiam egerunt, ut da-*
rent illi gloriam, sua peccata humiliter
 confitendo, seque talia juste pati pensan-
 do, ac Deo de hoc quod in præsentī eos
 castigat, gratias agendo. His ergo nequa-
 quam assimilemur; sed nos ipsos in om-
 nibus ex animo accusando, et Deum in
 cunctis laudando, pœniteamus, et Deo glo-
 riam demus, juxta illud Josue: Fili mi, da
 gloriam Deo.

Josue vii,
19.

40 *Et quintus angelus effudit phialam su-*
am super sedem bestiæ, id est super re-
 gnum et ministros Antichristi, contra hos
 prædicando. *Et factum est regnum ejus*
tenebrosus, id est, ex prædicatione illa,
 caligo perfidiæ, et tenebræ vitiorum po-
 puli hujus et principis ejus patebunt, *et*
commanducaverunt linguas suas præ do-
 41 *lore*. *Et blasphemaverunt Deum cœli præ*
doloribus et vulneribus suis, et non ege-
runt pœnitentiam ab operibus suis. Multi
 utique dolebunt et turbabuntur, scilicet
 Antichristus et ejus fautores, quando ad
 prædicationem Eliæ et Enoch falsitas ipso-
 rum aperietur, et millia multa ad Domi-
 num convertentur. Quod autem dicuntur
 linguas suas præ doloribus manducaturi,
 hyperbolica est locutio, sicut de homine
 multum afflicto ac mœsto asserimus quod
 cor suum consumit. Insuper, quum ultio
 Dei in Antichristum magnamque sui exer-
 citus partem descenderit, non pœnitebunt;
 sed Christum cœli creatorem et omnium
 Deum blasphemando, cœlitus occidentur.

12 *Et sextus angelus*, id est sextus ordo

A prædicatorum, *phialam suam effudit*, id
 est, prædicationis eloquia sparsit, *in flu-*
men magnum Euphraten. Per Euphraten
 fluvium Babylonis, intelligitur grandis fal-
 sorum fratrum collectio: qui fertiles esse
 videntur (Euphrates siquidem fertilitas in-
 terpretatur), sed intus vanitatum confu-
 sionibus pleni sunt. Vel per Euphraten
 intelliguntur reprobi illi qui Antichristo
 adhærebunt, et ipso occiso in sua perseve-
 rabunt duritia, vitiis carnalibus servientes
 ac defluentes. Propter quod nomine Eu-
 B phratis exprimuntur, quia in aquis suæ
 luxuriæ et propriæ impietatis abundantia
 demorabuntur, quousque subito auferan-
 tur. Quum enim dixerint, Pax et securitas, ^{1 Thess. v,}
 repentinus eis superveniet interitus, jux- ^{3.}
 ta Apostolum. *Et siccavit aquam ejus*, id
 est delicias, omnemque copiam horum su-
 bito tollendam annuntiabit. *Ut præpare-*
tur via regibus ab ortu solis: id est, ideo
 sic prædicabit, quatenus sua prædicatione
 ad Christum reducat reges et principes ab
 Antichristo deceptos: qui ad litteram pro
 C maxima parte orientales, ut dicitur, erunt.
 Ideo quoque ait, Ab ortu solis, quo-
 niam non redibunt ad veritatem, nisi in
 cordibus eorum oriente per inspirationem
 internam Christo sole justitiæ.

Et vidi de ore draconis, et de ore be-
stiæ, et de ore pseudoprophetæ exisse spi-
ritus immundos tres in modum ranarum.
 Per draconem diabolus non quilibet, sed
 ille supremus et primus, qui in Antichri-
 sto habitabit, intelligi debet; per bestiam,
 Antichristus; per pseudoprophetam, cœ-
 tus seu multitudo prædicatorum Antichri-
 sti. Itaque, ad innuendum quod diabolus
 in Antichristo habitans, diriget dæmones
 inferiores ad introeundum Antichristi sa-
 tellites ac prophetas, visus est spiritus im-
 mundus de ore draconis exisse. Rursum,
 de ore Antichristi prædicatorumque ejus
 visi sunt egredi spiritus immundi, puta
 diaboli, quoniam non Spiritu Sancto, sed
 diabolico pleni loquentur, talemque spiri-
 tum qualem ipsi sortiti sunt, per suas
 prædicationes suis auditoribus insuffla-

43

bunt. Qui spiritus immundi ranarum speciem habent, quoniam in omni deformitate ac sordibus vitiorum delectantur. Et sicut ranæ turpem proferunt sonum, sic ipsi suggerent documenta perfida atque falsissima, coram Deo et omni corde illuminato ineptissime turpissimeque sonantia.

14 *Sunt enim spiritus demoniorum*, id est dæmones, qui spiritus sunt, *facientes signa*, id est quædam mirifica, sicut per magos Pharaonis fecerunt. Quomodo autem hoc possint et quantum, dictum est

In Apoc. supra, quum ostendebatur quomodo Antichristus miracula sit factururus. *Et procedunt ad reges [totius] terræ, congregare illos in prælium*, id est, regibus inspirant et suggerunt occasiones et propositum præliandi contra se invicem, et præsertim contra fideles et justos : quod et tempore Antichristi potissime facient; *ad diem magnum Dei omnipotentis*, id est, ut præliantur tempore divinitus præstituto : qui dies dicitur magnus, quia magna fient in eo. Potest quoque per diem hunc, dies iudicii accipi, quia ex præliatione illa regum injusta, sequetur quod ad divinum iudicium ducentur, et coram omnibus iudicabuntur. Unde in Christi persona subiungitur :

15 *Ecce venio sicut fur*, id est, improvise ac subito ad iudicandum descendam, et peccata ulciscar. Unde in Evangelio loquitur : Qua hora non putatis, Filius hominis veniet; et rursus : Sicut erant in diebus Noe edentes et bibentes, quousque venit diluvium, et tulit omnes; ita erit adventus Filii hominis. *Beatus est nunc in spe et in merito, qui vigilat mente*, id est, coram Deo diligens est ne peccet, sed Deo in cunctis obediat, juxta illud : Omni custodia custodi cor tuum; *et custodit vestimenta sua*, id est, virtutes et dona et cetera gratiarum charismata, et quantum possibile est, opera bona continuat, quibus anima decoratur, protegitur et vestitur, *ne nudus ambulet*, id est, donis gratiæ spoliatus vivat, ad infernumque tendat, et

A *videant* Deus et angeli boni et mali, vel etiam proximi, qui poterunt scandalizari, *turpitudinem ejus*, id est inhonestam ac vitiosam ipsius conversationem, et animæ deformitatem. Verba hæc supra plenius *Apoc. III, 18.* scripta et exposita sunt.

Et congregabit illos in locum qui Hebraice dicitur Hermageddon : quod est, secundum Bedam, consurrectio in priora, vel mons globosus. Quod et in bono et in malo accipi potest. Si in bono, sensus erit quod Christus iudex congregabit reges terræ, imo et omnes, ad locum sui iudicii : in quo ipsemet Christus consurget, ut testis fidelis et verax pro suis et contra iniquos; ubi et universi homines quodammodo suo concursu conglobabuntur. Si in malo, sensus est quod diabolus, seu trium præfatorum immundorum spirituum numerus, colliget, interius suggerendo, reges terræ ad collegium Antichristi, ut ei adhæreant. Quod collegium consurget adversus fideles prioremque fidem Ecclesiæ, et erit sua multitudine velut mons globosus contra electos.

Et septimus angelus, id est septimus ordo prædicatorum (quorum distinctio in isto capitulo non semper accipitur ex parte personarum, sed interdum ex parte officiorum seu actuum), *effudit phialam suam*, id est prædicationem suam, et futuræ plenariæ damnationis iram, *in aerem*, id est aerias potestates, secundum Bedam et Albertum, illarum pœnas denuntiando : quæ simul cum Antichristo et ejus ministris, in infernum trudentur, quemadmodum per Isaiam prædictum est : In die illa visitabit Dominus super militiam cœli in excelso, et super reges terræ; et congregabuntur congregatione unius fascis in lacum, et claudentur in carcere. Dæmones autem ob suam levitatem, spiritualitatem et mobilitatem, per aerem designantur, et etiam quia in ipso usque ad diem iudicii commorantur.

Et exivit vox magna de templo Ecclesiæ militantis seu triumphantis, a throno, puta a loco quo Deus residere dicitur et

46

47

48

regnare. Istam vocem angelus in interiori sensu Joannis formavit et protulit. *Dicens: Factum est omne quod Deus futurum prædixit et fieri jussit, adestque finis.*

18 *Et facta sunt fulgura, et voces, et tonitrua.* Ista enim tunc ad litteram corporaliter fient, ad insinuandum horrorem instantis judicii. Similiter fient tunc fulgura, id est miraculosi effectus, in superioribus inferioribusque corporibus, juxta

Luc. xxi, 23. quod ait Salvator, Erunt signa in sole, et luna, et stellis, et in terris pressura gentium; et voces et tonitrua, id est annuntiationes imminentium operum Dei, et comminationes futuri supplicii. *Et terræ motus factus est magnus.* In visione imaginaria factus jam videbatur; tunc autem realiter fiet. *Qualis nunquam fuit ex quo homines fuerunt super terram: talis terræ motus sic magnus.* Et hoc rursus dupliciter potest exponi. Primo, quia tunc erit, secundum Albertum, terræ motus vehementissimus universalis: nam erit a causa supernaturali voluntaria et divina. Secundo, per terræ motum intelligitur commotio cordium humanorum, quia tunc tribulatio et inquietudo maxima erit. *Venietque tempus quale non fuit ex quo gentes esse cœperunt usque ad tempus illud, quemadmodum apud Daniele legitur.*

19 *Et facta est civitas magna in tres partes:* id est, reproborum societas, quæ major est numero quam catalogus electorum, in tres portiones, videlicet in Judæos, paganos, et falsos seu impios Christianos, dividetur, ita quod quælibet pars secundum sui peccati mensuram supplicia sortietur. Circa hunc locum dicit Beda: Triforme bellum impia civitas infert Ecclesiæ Dei, quam gentiles et hæretici aperto certamine et subdola fictione, falsi fratres pravis infestant exemplis. *Et civitates gentium ceciderunt.* Nam igne conflagrationis omne ædificium destruetur, et viventes gentiliter damnabuntur. *Et Babylon illa magna,* videlicet præfata jam civitas, seu collectio impiorum vitiis deordinata (Babylon enim confusio dicitur),

A *venit in memoriam ante Deum,* id est, Deus invariabilis, per suæ æquitatis effectum ostendet se memorem iniquitatum ejus in die judicii, *dare illi,* id est, ut det ei, *calicem vini,* id est poculum damnationis, mensuratamque pœnam secundum mensuram culpæ, *indignationis iræ ejus,* id est pœnæ procedentis ex indignatione iræ Dei contra ejus peccata, hoc est ex zelo justitiæ, quo ejus crimina Deus justissimus et sanctissimus detestatur. Porro, secundum Albertum, quoties Joannes in libro isto loquitur de pœna malorum, dicit calicem vini, et non aquæ: ad innuendum quod plaga eorum irrevocabilis erit ac desperata, sicut signum est desperatam esse plagam, dum vinum propinatur laboranti in febre acuta.

Et omnis insula fugit, et montes non sunt inventi, id est, habitacula tunc in terra cessabunt, et habitatores de terra tollentur. Sed et terra complanabitur in novissima hora. Aliqui autem per insulas intelligunt justos, instar insularum jactibus persecutionum contusos, qui tunc mente se a reprobis segregabunt; per montes vero, perfectos, qui tunc in damnatione pereuntium non invenientur participes.

Et grando magna sicut talentum descendit de cælo, id est, gravissima Dei percussio, scilicet pœna inferni, tunc ruet super iniquos; *et blasphemaverunt homines Deum propter plagam grandinis,* quia magna facta est vehementer. Impii enim et reprobi, præsertim damnati, ex Dei flagellis non emendantur, sed indurantur; et impatientia pleni, blasphemant, quasi Deus injuste agat cum eis, optantes eum non esse, ejusque omnipotentiae et gloriæ ineffabiliter invidentes. In inferno enim erit odium omnis boni honesti, superbia, ira, invidia, etc., quæ omnia augebunt calamitatem miserrimorum, quum animus tam inordinatus sibi ipsi pœnosus sit. Peccabunt autem miseri, sed non demerebuntur, quum non sint in via seu statu merendi ac demerendi, sed in termino.

ARTICULUS XVIII

EXPLANATIO CAPITULI SEPTIMIDECIMI : ET VENIT AD ME UNUS DE SEPTEM ANGELIS.

ApoC. XVI,
17.

SUB effusione phialæ septimi angeli, A diem judicii S. Joannes circa finem præcedentis capituli summam perstringens, nunc ad ea quæ prætermisit, revertitur : atque sub specie mulieris meretricis civitatem diaboli describens, quas pro suis sceleribus pœnas passura sit, nunc declarat. Jam enim causa reprobationis impiorum ostenditur.

4

Et venit ad me unus de septem angelis qui habebant septem phialas. Quemadmodum per septem angelos istos universitas prædicatorum Christi, et per septem phialas eorum totius sacræ Scripturæ intelligentia seu doctrina insinuetur, in præcedentibus duobus articulis dictum est. Itaque in visione hac imaginaria apparbat Joanni effigies alicujus prædicatoris evangelicæ legis, gerens personam alicujus ordinis, chori seu agminis prædicatorum. Et forte aliquis Evangelistarum seu Apostolorum, tempore hujus revelationis defunctus, Joanni in visione apparuit. *Et locutus est mecum locutione interna, dicens : Veni, per considerationem intentam, et ostendam tibi damnationem meretricis magnæ,* id est civitatis diaboli : quæ est generatio reproborum, collectio impiorum. Quæ non meretrix tantum, sed etiam adultera appellatur, quoniam relicto Sponso cœlesti, Creatore suo deserto, dæmoni constuprandam se ac maculandam prosternit, cum vanis atque caducis mente miscetur, innumeris sordibus maculatur. *Quæ sedet super aquas multas,* id est, in multis populis conquiescit, ex quibus et ipsa consistit, quos decipit, quibus D et dominatur. Residet quoque in concupiscentiæ aquis, atque in discordium fluctibus populorum : quemadmodum econ-

trario multitudinis credentium erat cor *Act. iv, 32.* unum et anima una, quos despondit Apostolus uni viro virginem castam exhibere *II Cor. xi, 2.* Christo. *Cum qua fornicati sunt reges*

2

terræ. Reges enim, principes et magnates sæculi hujus, sunt principalis primaque portio civitatis istius ; et inferioribus vitiis, quos bene dirigere debuerunt, in vitiis sunt conformes ; simulque cum eis a Deo cor suum avertunt, et ad ea quæ dæmonibus complacent, illud convertunt, spiritualiter et corporaliter fornicantes. *Et inebriati sunt,* id est ultra mensuram repleti, *qui habitant terram,* videlicet carnales terreni, qui ad cœlestia non aspirant, *de vino prostitutionis ejus,* id est de carnalibus ejus oblectamentis, vel quibuscumque bonis temporalibus deceptivis, quibus anima prostituitur dæmoni.

3

Et abstulit me in desertum in spiritu, id est, in spirituali hac visione seu mentis consideratione avertit me ab intuitu cui eram intentus, ad considerationem populi a Deo relictī, qui per desertum exprimitur, tanquam a Dei inhabitatione alienus. Unde Berengandus : Per desertum, omnium impiorum multitudo designatur, eo quod ipsa deseruerit Deum, et ideo derelicta sit ab eo. *Et vidi mulierem sedentem super bestiam,* id est diabolo seu Antichristo innitentem, atque in ipso fallaciter quiescentem, *coccineam,* id est peccatis cruentam, et sanguinis martyrum, quem effudit, ream. Coccus namque sanguinei est coloris. *Plenam nominibus blasphemiarum,* id est, multa verba blasphemiarum proferet contra Christum. Antichristus quoque multa divinitatis nomina sibi ipsi non sine grandi adscribet blasphemia. Porro diabolus id summe conatur, ut ad pec-

vers. 9, 12. cata blasphemiae mentes inducat humanas. *Habentem capita septem et cornua decem.* Quid per hoc designetur, paulo post in hoc ipso capitulo sanctus docet Joannes. Nam et parabolam hanc ipse exponit in textu.

4 *Et mulier erat circumdata purpura et coccino, et inaurata auro et lapide pretioso et margaritis.* Per quod intelligi potest, quod hujus congregationis pars potior, mundi hujus regia fulget virtute, omnique ornamento mundano; quod item filii hujus saeculi perituras quaerunt divitias et vestimentorum ornatus, ac cetera quibus coram hominibus decorentur: qui mentem Deo immaculatam exhibere non satagunt. Spiritualius autem, per purpuram simulata perfectio sumitur, quam impia plebs, ambitiose dominans, sibi fingit inesse; per coccinum, cruenta ferocitas contra justos; per aurum, sapientia, quia astuti sunt filii saeculi; per lapidem pretiosum, caritas; per margaritas, ceterae virtutes insinuantur, quibus callida plebs se fingit ornatam. *Habens poculum aureum,* id est delectabilia mundi, *in manu sua,* quia talia praebet amatoribus suis, videlicet divitias, delicias, et honores vitae praesentis, *plenum abominatione et immunditia fornicationis suae,* id est abominationibus, vitiis et inquinamentis spiritualis corporalisque fornicationis: quae omnia incurrunt hi qui mundum et ea quae mundi sunt, amplectuntur, seu de poculo bibunt praefato. Berengandus per poculum aureum, intelligit documenta philosophorum ac poetarum erroribus plena; Beda vero, hypocrisis eorum qui foris parent hominibus quasi justis, intus vero pleni sunt omni spurcitia.

Matth.
xxiii, 28.

5 *Et in fronte ejus nomen scriptum, My-
sterium:* id est, meretrix ista in aperto seu in manifesta sua operatione ostendet qualis sit, quia ex operibus suis quisque cognoscitur, et arbor ex fructibus suis judicatur. Verumtamen, quoniam tot simulatis virtutibus decoratur, non omnibus mulieris hujus pravitas innotescet,

Ibid. vii,
16-20.

A sed justis atque prudentibus: ideo nomen ejus, mysterium quoddam est, id est secretum. Mysterium enim vocatur, quod est alicujus occulti contentivum, atque in quo aliud cernitur, et aliud intelligitur. Deinde nomen complexum exprimitur: *Babylon magna, mater fornicationum et abominationum terrae.* Babylon nempe vocatur, quoniam impietatum confusionibus plena, nil agens veraciter, ordinate, sapienter ac virtuose, quum semper habeat intentionem corruptam; magna, propter multitudinem filiorum suorum, enormitatemque criminum; mater fornicationum, id est origo immunditiarum, radix aversionum a Deo, quae verbo et exemplo alios et a Dei copula casta avertit, et suis impuritatibus miscet.

Et vidi mulierem ebriam de sanguine Sanctorum, et de sanguine martyrum Jesu, id est immoderanter repletam transgressionem qua sanguinem electorum effudit, quorum sanguinem instar ebrii sitit. Et quia haec mulier totum reproborum corpus repraesentat, adscribitur ei non solum effusio sanguinis martyrum Christi sub evangelica lege effusi, sed eorum quoque qui ante Salvatoris adventum pro justitia occubuerunt.

Et miratus sum, quum vidissem eam, admiratione magna. Fuit enim effigies ista et significatio ejus valde mirabilis, rara, sapientialis ac mystica. Et in hac visicne multa revelata sunt S. Joanni, quae ante tam distincte ac particulariter non cognovit. In persona quoque Ecclesiae miratus est Joannes, quod Deus electos suos tam multiformiter tentari permittit, quod etiam reprobos tam patienter ac longanimiter suffert. De qua re Jeremias et Habacuc, imo et Job, vel in sua, vel in infirmorum persona, non parum se admirari testantur, Jeremia dicente: Justus quidem es, Domine, si disputem tecum; verumtamen justa loquar ad te: Quare via impiorum prosperatur? etc.

Habac. i,
13; *Job* xxi,
7 et seq.

Jer. xii, 1.

Et dixit mihi angelus: Quare miraris? id est, noli nimium admirari, sed

7

causa cognita, admiratio cesset. *Ego dicam tibi sacramentum*, id est occultam significationem, *mulieris, et bestiae quae portat eam, quae habet capita septem et cornua decem*. Ista enim consequenter angelus exponit, et de significatione mulieris ac bestiae jam dicta sunt aliqua.

8 *Bestia quam vidisti*, id est diabolus,

Apoc. xii, 3 et seq.

qui supra dictus est draco, seu Antichristus, *fuit*. Diabolus enim, ante Domini Salvatoris adventum, pene cunctis dominabatur hominibus. Similiter Antichristus modico tempore regnaturus est : et quantum ad hoc, de ipso dicitur, *Fuit*, scilicet in mundo hoc regnans. *Et non est nunc post Christi adventum in mundo sic dominans*, sicut olim fuit ipse diabolus. Propter quod passione instante testatus est Christus : Nunc princeps hujus mundi ejicietur foras. De Antichristo quoque dicitur, Non est, quoniam regnum ejus sicut crudelissimum, ita et brevissimum erit. *Et ascensura est de abyssu*, id est, tam daemon quam Antichristus, de impietatis profundo, de insidiarum occulto, de latebris calliditatis, et abundantia pravitatis, ascendet in fine mundi ad hominum deceptionem et ad principatum super iniquos ; *et in interitum ibit*, aeternam damnationem recipiendo. Antichristus quoque quum omnibus praesidens fuerit, repente divina occidetur virtute. *Et mirabuntur inhabitantes terram, quorum nomina non sunt scripta in libro vitae a constitutione mundi, videntes bestiam quae erat, et non est* : id est, habitatores terrae terrena magis quam coelestia appetentes, qui ab aeterno praedestinati non sunt, stupebunt videntes Antichristum, seu diabolum per Antichristum, tam potenter regnare, tamque mirabilia operari in mundo. Mirabuntur quoque, quum viderint regnum illud tam repente dejectum, et principem suum tam subito esse extinctum.

9 *Et hic est sensus*, id est, interpretatio seu expositio eorum quae vidisti, haec est, *qui habet intelligentiam**, id est illi qui capere potest, qui docilem habet mentem

* *supientiam*

A et intelligentiam Scripturarum. Quasi dicat : Interpretatio horum difficilis est et profunda.

Deinde exponit quae sint capita bestiae. *Septem capita septem montes sunt, super quos mulier sedet, et*, pro id est, *septem reges sunt* : id est, per septem capita bestiae, intelliguntur septem montes, id est septem reges, utpote praeter ceteris potestate sublimes, animositateque tumidi, ac ceteris praesidentes : qui sunt velut fundamentum ac stabilimentum mulieris istius meretricis, civitatis diaboli, congregationisque reproborum, quia illorum potestati innititur, et de eorum praesumit potentia. Impii enim subditi, scientes dominorum suorum potentiam atque malitiam, audacter agunt mala quae dominis suis placere noverunt. Hinc, secundum Berengandum, sicut Apostoli dicuntur fundamentum civitatis Dei, puta Ecclesiae, sic isti sunt fundamentum civitatis diaboli. Septenario autem universitas regum ac principum horum exprimitur.

Ephes. ii, 20.

C *Quinque ceciderunt, unus est, et alius nondum venit* : id est, horum septem regum quinque jam perierunt : illi videlicet qui a tempore Adae usque ad diluvium regnaverunt ; item et illi qui post diluvium usque ad Abraham fuerunt ; deinde et hi qui deinceps usque ad Moysen praefuerunt ; postea illi qui a tempore Moysis usque ad transmigrationem Babylonis rexerunt ; quinto et hi qui ab illo tempore usque ad Christi adventum dominabantur. Omnes isti durissimum Dei judicium sunt perpassi, quoniam potestate sibi concessa abusi sunt, impios fulciendo atque portando contra fideles ac justos. Unus autem regum istorum, videlicet sextus, nunc est sub evangelica lege : per quem omnes reges et principes persequentes Ecclesiam innuuntur. Et alius, utpote septimus, nondum venit, scilicet Antichristus. *Et quum venerit, oportet illum breve tempus manere in regno*. Tribus enim annis cum medio legitur aperte ac generaliter regnaturus. Unde et ejus persecutio

40

Matth.
xxiv, 22.

sicut durissima, ita erit brevissima. Ideo ait Salvator : Nisi breviati fuissent dies illi, non fieret salva omnis caro ; sed propter electos breviabuntur. Unde Gregorius asserit : Quia et superbos et infirmos nos Dominus conspiciat, dies quos singulariter malos intulit, misericorditer breviatos dicit, profecto ut et superbiam nostram terreat de adversitate, et infirmitatem foveat de brevitate.

11 *Et bestia*, scilicet Antichristus, sive diabolus, *quæ erat, et non est*, secundum expositionem jam habitam, *et ipsa octava est* : id est, quamvis ad reproborum congregationem pertineat, tanquam caput ipsius, ob singularem tamen suam nequitiam, potestatem, eminentiam, ponitur in numerum, et proprium obtinet locum ; *et de septem est*, id est, ad reproborum catalogum spectat, *et in interitum vadit*, scilicet in damnationem perpetuam.

12 Insuper ostenditur, quid decem cornua bestię signent. *Et decem cornua quæ vidisti*, in bestia, scilicet Antichristo, *decem reges sunt*, id est repræsentant, *qui regnum nondum acceperunt, sed potestatem tanquam reges una hora accipient*. Dicunt aliqui, quod regnum Romanum circa Antichristi tempus dividetur in decem regna : quorum reges adhærebunt Antichristo sicut capiti cornua ; et per illos impugnabit Ecclesiam, qui nunc quoque per decem reges signantur. Securius autem videtur dicendum, quod sicut supra quandoque, ita et nunc, per denarium universitas insinuatur, ita ut per decem reges intelligantur omnes reges qui Antichristo tunc acquiescent : qui nondum regnum sortiti sunt, quia nec nati sunt, sed tempore illo una hora, id est modico tempore, potestatem accipient et habebunt, sicut et Antichristus non diu regnabit. Accipient autem tanquam reges, quia præsidentia eorum tam brevis et impia erit, ut potius dicatur apparentia quam veritas regiæ potestatis. Accipient quoque *post bestiam*, id est imitando suum principem Antichristum, per potestatis abu-

Apoc. xii, 3.

sum, et non in tanta plenitudine sicut ipse.

Hi unum consilium habent, id est, concordēs erunt in malo, ad persequendum Ecclesiam ; *et virtutem et potestatem suam bestię tradent*, id est, se ipsos et suos exercitus ad cooperandum et obsequendum Antichristo præbebunt ; vel ei, quidquid possunt, adscribent. *Hi cum Agno*, id est contra Christum, *pugnabunt* : qui propter innocentiam et immolationem suam pro nobis, agnus vocatur. Pugnabunt autem contra eum, ejus fidem et legem pro posse tollendo, ejusque membra infestando, de quibus testatur : Quod uni ex minimis meis fecistis, mihi fecistis. *Et Agnus vincet eos*, dando suis militibus patientiam in adversis, Antichristum etiam perimendo, evangelicam legem postea reformando, et quosdam persecutorum istorum corporaliter occidendo, æternaliterque damnando, quosdam forsitan post Antichristi interitum convertendo. *Quoniam Dominus dominorum est et Rex regum* : idcirco cunctis potentior, et ad superandum idoneus ; *et qui cum illo sunt*, id est, qui ei fideliter usque ad mortem in omni tribulatione adhærent, hi sunt *vocati* a Deo per inspirationem aut prædicationem, *et electi* ad vitam beatam, *et fideles* re et nomine.

Deinde angelus exponit, quid per aquas præfatas signetur. *Et dixit mihi*, scilicet angelus : *Aquæ quas vidisti ubi meretrix sedet*, id est, civitas diaboli seu reproborum collectio conquiescit, sicut paulo ante expositum est, *populi sunt, et tribus**, *et linguæ*, id est variæ nationes ex quibus malignorum societas constat. *Et decem cornua quæ vidisti in bestia*, scilicet reges et reprobi memorati, *odient fornicariam*, id est meretricem civitatem diaboli, quum se viderint cum ea pariter perituros. Sed et unus odiet alium, secundum quod inter superbos semper sunt jurgia : imo odient et se ipsos, optando se non esse, et posse impie agere et frui caducis. Nam et qui diligit iniquitatem, odit ani-

13

14

Is. liii, 7;
Jer. xi, 19;
Joann. i, 29.

Matth. xxi,
40.

15

* gentes

16

Prov. xiii,
10.

Ps. x, 6.

mam suam. *Et desolatam facient eam et nudam* : quia tunc ei non ferent auxilium quemadmodum ante, quando divitiis atque deliciis sæculi subditos suos ornaverunt; *et carnes ejus manducabunt, et ipsam igne concremabunt*. Si carnes ejus comedent, quomodo eam comburent? Hyperbolica ergo et metaphorica est locutio, ad innuendum magnitudinem mutui odii eorum in pœnis qui socii fuerant in peccatis, qui sibi mutuo augent suæ damnationis supplicia. Nam et Apostolus ait :

Galat. v.
15.

Si invicem mordetis et comeditis, videte ne ab invicem consumamini.

17

Deus enim dedit in corda eorum ut faciant quod placitum est illi, id est, meretrici mala pœnalia inferant modo præfato. Si autem referatur ad mala culpæ, intelligendum est quod Deus dedit hoc permissive, sicut ait Apostolus : Tradidit illos in reprobum sensum, ut contumeliis afficiant corpora sua in se ipsis. Unius nempe peccati demerito meretur pecca-

Rom. i. 24.
28.

tor a Deo relinqui, gravius excæcari ac transgredi. *Ut dent regnum suum bestiæ*, id est, congregationem sibi subjectam atque in vitiis similem, exponant diabolo puniendam, vel ab Antichristo et diabolo se regi permittant, sequentes Antichristi malitiam, etiam post ejus interemptionem, *donec consummentur verba Dei*, id est, opere impleantur quæ servi Dei ex divina revelatione de cursu statuque istorum prædixerunt : quibus impletis, impii pariter sine fine cruciabuntur. *Et mulier quam vidisti*, scilicet meretrix sedens super aquas, puta collectio reproborum, *est civitas magna*, id est civitas diaboli, scilicet reproborum hominum multitudo, *quæ habet regnum super reges terræ*, id est potestatem et dominium tale ac tantum quod etiam reges sibi plurimos subjugabit, ut secum Antichristo consentiant. Vel hoc ideo dicitur, quia reges sunt pars civitatis istius. Rex autem ut una persona, a multitudine superatur.

18

ARTICULUS XIX

EXPLANATIO CAPITULI OCTAVIDECIMI : ET POST HÆC VIDI ALIUM ANGELUM DESCENDENTEM.

CONSEQUENTER mystico difficilique sermone describit S. Joannes hujus mundi immundi seu sæculi nequam vanitatem, et justam condemnationem ejusdem.

1

Et post hæc vidi alium angelum descendentem de cælo, habentem potestatem magnam; et terra illuminata est a gloria ejus. Secundum Albertum, hic incipit visio sexta : ideo ait, Post hæc, puta visionem quintam præscriptam. Porro in visione hac imaginaria apparebat Joanni, quod angelus præpotens atque præsplendidus de cælo descendens, tanti esset fulgoris ut ipsa terra inde fulgeret. Hæc autem per quasdam similitudines, species sive

effigies angelus sanctus Joannem instruens, intusque alloquens, monstravit eidem. Denique per angelum istum quidam intelligunt Christum, qui per incarnationis mysterium cœlitus venit, qui est vir-
tus et sapientia Patris, et magni consilii Angelus : a cujus gloria, id est eminenti sapientia, prædicatione, miraculosaque operatione illuminati sunt habitantes in terra, videlicet militans electorum Ecclesia, quando populus qui sedebat in tenebris vidit lucem magnam. Alii per angelum istum intelligunt cœtum seu ordinem doctorum et prædicatorum, qui de militantis Ecclesiæ cælo descendit, et magnæ virtutis est, potens solvere et ligare pec-

I Cor. i. 24.

Is. ix. 6.
juxta LXX.

Ibid. 2.

cata, et viatores illustrat. Potest quoque per angelum hunc angelicus spiritus accipi, ad consolationem fidelium, mundi seu impiorum ruinam eis denuntians.

2 *Et exclamavit in fortitudine, dicens : Cecidit, cecidit Babylon illa magna.* Hoc

Apoc. xiv, 8.

ipsum in superioribus dictum expositumque recordor. Quod autem per Babylonem civitas dæmonis, videlicet impiorum et reproborum hominum universitas, designetur, in isto potissimum libro, frequenter prædictum est. Præterea, sicut in libris prophetarum Isaïæ, Ezechielis, Jeremiæ, per Babylonem ad litteram exprimitur urbs illa Chaldææ in qua Nabuchodonosor rex regnavit, per quam ibidem spiritualiter mundus vanitatibus deditus, et mundanorum hominum multitudo intelligi datur; ita præsentī capitulo per Babylonem ad litteram significatur præfatus mundus, vitiorum confusione repletus, sicut ait Joannes : Omne quod est in mundo, concupiscentia carnis est, et concupiscentia oculorum, et superbia vitæ. Unde in isto capitulo multa verba scribit Joannes, quæ in memoratis habentur Prophetis. Verumtamen litteralis sensus distinctus est. Rursus, quia non solum per Babylonem, sed per Ægyptum quoque et Tyrum, mundus spiritualiter explicatur; aliqua hic verba scribuntur, quæ apud Ezechielem de Tyro dicuntur.

Ezech. xxvi-xxviii.

Itaque : *Cecidit, cecidit Babylon*, id est, vani homines corpore et anima perierunt, et in utroque damnabuntur ac puniuntur. Et sicut nunc cadunt in profunda vitiorum, ita tunc cadent in barathrum tormentorum. *Et facta est habitatio dæmoniorum, et custodia omnis spiritus immundi, et custodia omnis volucris immundæ et odibilis* : id est, sicut civitas materialis eversa funditusque destructa, fit mansio et locus brutorum; sic impiorum caterva, peccando, facta est locus, domus et civitas dæmoniorum spirituum immundorum, qui ob suam in altum vitiosam tendentiam, volucres immundæ atque odibiles appellantur. Odibilis enim

Eccli. x, 7.

A coram Deo et hominibus est superbia. Et in Evangelio ait Salvator, quod volucres cœli comederunt semen verbi Dei, id est diaboli. Rursus, civitas ista cadendo in mala pœnæ æternæ, fit habitatio dæmonum, quoniam in inferno opera diabolica incessanter exercet, omne bonum virtutis odio habens, et Deum sine cessatione blasphemans. Impii autem odibiles sunt, non quantum ad esse, quod habent a Deo, sed quoad culpam, quam habent a proprio.

B *Quia de ira fornicationis ejus*, id est de voluptate immunda, seu amore illicito, ac impia vanitate, Dei iram seu vindictam provocante, Babylonis hujus, *biberunt*, id est gustaverunt, *omnes gentes* per consensum, appetitum seu actum : omnes, inquam, gentes, gentiliter, non rationabiliter, conversantes, seu quædam de omnibus. *Et reges terræ cum illa fornicati sunt* mente et corpore, terrena magis quam cœlestia amplectendo, et concupiscentias assequendo. *Et mercatores terræ de virtute divitiarum*, id est magnis et fortibus divitiis, *ejus divites facti sunt*. Quod de negotiatoribus litteraliter accipi potest, qui opes sæculi congregando ditantur. Spiritualiter vero mercatores sunt omnes avari, juxta quod in Ecclesiastico scriptum est : Avaro nihil est scelestius; et, Nihil est iniquius quam amare pecuniam : hic enim animam suam habet venalem. Isti pro temporali abundantia suas animas infelici commutant mercatu.

3

Eccli. x, 9. Ibid. 10.

Sed quum Babylon ista aliud nihil sit quam gentes omnes iniquæ cum regibus reprobis, quomodo mercatores et reges ac gentes omnes de ira fornicationis ejus biberunt? Et respondendum, quod loquitur de eisdem quasi de diversis, secundum diversas proprietates et considerationes : quemadmodum in Scripturis de Ecclesia et fidelibus fit mentio quasi de diversis, quum tamen sint idem. Quoniam ergo plerumque unus reproborum alium inducit ad impietatem, interdum vero reprobi se ipsos provocant ad peccandum; nunc no-

mine Babylonis quasi unum aliquid, nunc aliis nominibus quasi plures signantur.

4 *Et audivi vocem aliam de caelo dicentem : Exite de illa, popule meus.* Vocem hanc in interioribus viribus animæ S. Joannis angelus eum informans formavit, quam ipse interiori auditu percepit. Per quam prædicatio Christi et servorum ejus hortantium fideles ut ab impiis se elon-

II Cor. xi, 17.

Jer. i, 8.

Is. lli, 11.

gent, intelligi datur. Nam et Paulus : Exite, inquit, de medio eorum, et immundum ne tetigeritis. Denique Jeremias Babylonis destructionem prænuntians, populum Judæorum hortatur exire de medio Babylonis. Sed et Isaias ait : Exite, exite, et pollutum nolite tangere. Semper autem et ubique exeundum est de congregatione malorum, mente et animo, ne scilicet consentiamus vanitati et pravitati illorum, sed omne vitium detestemur, et peccatum semper displiceat. Interdum vero, quum fieri potest, etiam corporalis recessus perutilis est, maximo imperfectis, qui aliorum malitia faciliter maculantur. *Et ne participes sitis delictorum ejus*, eadem mala agendo, seu eadem bona omitendo, aut certe illorum peccatis consentiendo, aut etiam non redarguendo, *et de plagis ejus non accipiatis*, id est, de pravis exemplis et scandalis, quibus animæ vulnerantur, occasionem ruinæ sumendo, sed inflexibiles sitis in bono. Rursus, De plagis ejus non accipiatis, id est, supplicia ei parata nolite incurrere. Tanquam dicat : Si non communicatis in peccatis, non communicabitis in tormentis. Ita egressus fuit de Babylone Jeremias, qui ait : Non sedi

Jer. xv, 17; xvii, 16.

Ps. xxv, 4.

Tob. iii, 17.

in concilio ludentium, et diem hominis non concupivi; a facie manus tuæ, Domine, solus sedebam. Itemque Psalmista : Non sedi cum concilio malignantium, et cum iniqua gerentibus non introibo. Itaque nos barbatī studeamus implere quod in libro Tobiae puella quædam implesse se veraciter profitetur : Nunquam cum ludentibus miscui me, neque cum his qui in levitate ambulant participem me præbui.

5

Quoniam pervenerunt peccata ejus us-

que ad cælum, id est, in tantum coram Deo creverunt atque enormia facta sunt, ut exigente justitia, sit damnanda. Simile est quod loquitur Jeremias : Pervenit judicium ejus usque ad cælum. Et de Ninive Dominus ait : Ascendit malitia ejus coram me. *Et recordatus est Dominus iniquitatum ejus*, id est, statim per ultionis effectum monstrabit se peccata ejus attendere.

Jer. ii, 9.

Jonæ i, 2.

Consequenter Dominus ait electis et sanctis : *Reddite illi, sicut et ipsa reddidit vobis*, id est, Babylo ni seu congregationi pravorum infligite pœnas justas, pro persecutionibus quas intulit vobis injuste. Nec hoc est contra illud quod ait Salvator, Benefacite his qui oderunt vos; et Apostolus, Nulli malum pro malo reddentes. Hoc enim ideo dicitur, ne quis propria auctoritate se vindicet, aut zelo inordinatæ vindictæ affligat. Sed ex commissione divina, et secundum processum justitiæ, licet id agere, præsertim non ut propria injuria vindicetur, secundum quod propria, sed in quantum est Dei injuria, ejusque offensiva. *Et duplicate illi duplicia*, id est, pro duplicibus pœnis quas intulit vobis, in corpore et in anima vos affligendo, infligite ei duplicem punitionem, ut corpore et anima in inferno crucietur. Et hanc duplicem punitionem duplicate, ut corpus affligatur frigore et calore (juxta illud Job : Ibunt ab aquis nivium ad calorem nimium), anima vero, verme conscientiæ et carentia visionis divinæ. Iterum, pœnæ istæ duplicari dicuntur, quia pro temporalibus persecutionibus quas impii infligunt electis, æternales recipiunt punitiones. Hæc ergo facite ei *secundum opera ejus*, id est secundum quod mala acta ipsius merentur, juxta illud Jeremiæ : Reddite ei secundum opus suum; juxta omnia quæ fecit, facite ei. *In poculo quod miscuit vobis*, id est pro multifor mi tribulatione qua vos potavit, *miscete ei duplum*, id est, duplicatam et æternalem pœnam ei infligite (secundum modum præfatum). — Sed nonne hoc videtur esse contra justi-

6

Matth. v, 44.
I Thess. v, 15; I Petr. iii, 9.

Job xxiv, 19.

Jer. i, 29.

tiam et crudele, quum ultio non debeat A quantitatem culpæ excedere? Respondendum, quod non. Non enim ultra, imo citra condignum puniuntur iniqui, quamvis illa pœna sit multo major quam pœna quam intulerunt justis.

7 *Quantum glorificavit se, contra Deum* atque justitiam inaniter gloriando, vel se per superbiam erigendo, humanam gloriam appetendo, aliis se gloriosam exhibendo, *et in deliciis fuit*, in carnalibus carnaliter delectando; *tantum date illi tormentum*, quo in corpore affligatur propter delicias impuras præhabitas, *et luctum*, id est dolorem in anima, contra glorificationem inanem: sicque pœna cor- respondeat culpæ. Sed quum incomparabiliter major ac diuturnior sit pœna inferni quam delectatio præsens, quomodo dicitur, *Tantum date illi, etc.*? Respondendum, quod sensus est, ut secundum exigentiam demeritorum suorum puniatur, tamen citra condignum, propter immensitatem divinæ clementiæ. Unde proportio ista attenditur penes genus, ut qui magis se glorificavit, et in deliciis majoribus fuit, acrius puniatur, ceteris paribus. — Quæ verba superbis et luxuriosis præsertim timenda sunt et pensanda: quia quonunc amplius intumescunt, et in carnis vilissimæ foetidissimis delectationibus se resolvunt, eo dirius in infima tartari deprimuntur, atque intensius torquebuntur: similiter cupidi et gulosi, qui in auro, argento, cibo et potu delectationes suas constituunt. Omnis autem delectatio munda et licita, est in Deo, vel in rebus creatis D secundum Deum.

Quod autem Babylon ista jure sic punietur, verba pandunt sequentia. *Quia dicit in corde suo, stulte, præsumptuose ac impie cogitando: Sedeo regina*, id est potestate, honore et opulentia rerum vallata, *et vidua non sum*, id est, a multis mecum spiritualiter aut corporaliter fornicantibus diligor; *et luctum non videbo*, id est, ad- versa et tristitia non incurram, neque experiar. Impii namque quamvis se sciant

pro suis sceleribus puniendos, fingunt tamen se non videre quod vident, et memoriam mortis a sua mente rejiciunt, ne tristis cogitatio lætitiæ cordis eorum perturbet. Tales sunt filii hujus sæculi, qui sine timore peccant, et in tanta vivunt se- curitate stultissima, quasi morituri non essent.

Eccle. viii, 11.

Ideo in una die venient plagæ ejus, pu- ta in die judicii. Quæ vero sint plagæ istæ, subjungitur: *mors, et luctus, et fames*. Per mortem intelligitur mors secunda, vi- delicet infernalis miseria; per luctum, pœnarum acerbitas, dolor, confusio; per famem, desiderium quietis quam nunquam habebit, seu omnis boni defectus quo jugiter plena erit. *Et igne combu- retur*, quia æterno igne torquebitur, non consumetur. *Quia fortis est Deus, qui ju- dicabit illam*: ideo nullus potest ei resi- stere, et quidquid sibi justum videtur, po- test efficere. — Præterea, unicuique impio ad civitatem Babylonicam pertinenti, et vana securitate negligentiaque decepto, C mala ista in die una eveniunt, quando hora qua non putavit, corporaliter mori- tur, divinitus condemnatur, omnibus tem- poralibus quæ dilexit, privatur, quemad- modum legitur dives ille dixisse: Ani- ma, habes multa bona reposita in annos Luc. xii, 19, plurimos; requiesce, comede, bibe, epu- 20. lare. Dixit autem illi Deus: Stulte, hac nocte animam tuam repetunt a te: quæ autem parasti, cujus erunt? Advertant igitur amatores mundi, quod loquitur Chri- stus: Væ vobis qui ridetis, quia plorabitis; D væ vobis qui saturati estis, quia esurie- 24. tis; væ vobis divitibus, qui nunc habetis consolationem vestram. — Porro his ver- bis consonant quæ apud Isaiam de Baby- lone conscripta sunt: Dixisti, In sempi- ternum ero domina; quæ dicis in corde tuo, Non sedebo vidua, et ignorabo sterili- tatem: venient tibi hæc duo subito in die una, sterilitas et viduitas.

Luc. xii, 19, 20.

Ibid. vi, 25, 24.

Is. xlvii, 7-9.

Et flebunt et plangent [se] super illam reges terræ, qui cum illa fornicati sunt et in deliciis vixerunt, quum viderint fu-

9

umum incendii ejus : id est, tempore damnationis infernalisque pœnæ ipsius Babylonis, videlicet congregationis pravorum, reges et principes animosi et impii, qui sunt principalis portio Babylonis istius, communem ejus calamitatem dolebunt ac flebunt, se simul cum ea deflentes, quum viderint simulque senserint fumum incendii ejus, id est inflammationem qua ab igne gehennæ torquebitur. Loquitur autem Scriptura hoc loco de his secundum modum loquendi aliquibus usitatum. Frequenter nempe contingit ut præclara aliqua urbe ab hostibus capta, præcipui cives ejus, quamvis et ipsi videant se mox trucidandos, suam tamen miseriam reticendo, totius civitatis suæ vastitatem et clades deplorent.

10 *Longe stantes propter timorem tormentorum ejus*, id est, animo vehementer abhorrentes ac refugientes tormenta impiæ civitatis : quæ et ipsi simul cum ea experiuntur inviti. Unde Berengandus hic disseruit : Stabunt longe mente et voluntate, horrentes quod æternaliter cruciabuntur. Sed cur tunc Joannes non ait, Stabunt longe propter sensum seu experientiam tormentorum ejus ? Ad quod respondet Albertus : Quia plus cruciabit eos interius cogitatio de continuatione doloris, quam sensus exterioris tormenti. Et hoc verbum Alberti valde imprimendum est cordi. *Dicentes : Væ, væ civitas illa magna Babylon* : maxima quippe est reproborum collectio ; *civitas illa fortis* robore corporis et naturalibus viribus ac ministrorum frequentia in sæculo isto : *quæ potestate sibi concessa abutens, fortis fuit et est ad mala agenda, mollis vero et debilis ad vitia expugnanda*. Cui competit id Sapientiæ : Potentes potenter tormenta patientur, et fortioribus fortior instat cruciatus. Contrario autem modo se habet fortitudo electorum, fortitudini impiorum : quia electi fortitudinem suam convertunt ad exsequendum actus virtutum eradicandaque vitia ; impii vero ad exsequenda ea ad quæ propriæ voluntatis

A et sensitivi appetitus inclinatur affectio. Idcirco de eis scriptum est : Factus est cursus eorum malus, et fortitudo dissimilis. *Quoniam una hora venit judicium*, id est damnatio ejus. De quo ait Salvator : Qui mala egerunt, procedent in resurrectionem judicii. Jer. xxiii, 10.
Joann. v, 29.

Et negotiatores terræ, de quibus nunc dictum est, *flebunt et lugebunt super illam*, eo modo quo reges : quia et ipsi sunt pars civitatis istius, et simul cum ea cruciabuntur ; *quoniam merces eorum nemo emet amplius*, id est, quia ista caduca et temporalia amiserunt in quibus sibi finem ultimum statuerunt, sicque eorum prosperitas erit finita. 11

Consequenter specificantur merces quas nemo peracto judicio amplius emet : *Merces auri, et argenti, et lapidis pretiosi, et margaritæ, et byssi*, id est candidissimi lini seu vestimenti inde facti, *et purpuræ, et serici, et cocci*, quod rubei est coloris ; *et omne lignum thyinum* (de quo genere ligni legitur tertio Regum Salo- III Reg. x, 12.

C mon fecisse cantoribus templi lyras et citharas ; estque lignum istud, ut dicitur, imputribile, crescens in Ophir), *et omnia vasa eboris*, id est eburnea ; *et omnia vasa facta ex lapide pretioso, et æramento*, id est ære, et ferro, et marmore. Ista oblectant visum. Deinde ponuntur quæ oblectant olfactum : *et cinnamomum*, quod est species aromatica, cinereum habens colorem, crescens ad modum cannæ, et fractum fundit odorem suavem, *et amomum*, quod secundum Albertum, est species seminis, faciens effluere menstrua et urinam ; *et odoramentorum* mercem nemo plus emet, *et unguenti et thuris*. Deinde tanguntur sensibilia oblectantia gustum : *et vini, et olei, et similæ*, quæ est delicatissima farina, *et tritici*. Insuper nominat ea quæ hominum usibus deserviunt : *et jumentorum, et ovium, et equorum, et rhedarum*, id est quadrigarum, *et mancipiorum*, id est servorum, *et animarum hominum*, id est hominum qui venales præbentur. Porro per animas homi- 13

Sap. vi, 7, 9.

num ipsi homines designantur, secundum A quod nomine partis totum intelligi solet.

ut episcopi ac principes sæculares ; et omnis qui in lacum, id est in mundo, navigat, vel* in aqua, ut hi qui ad majora adspirant, et in præsentī vita exaltari affectant ; et nautæ, et qui in mari operantur. Per nautas intelligi possunt, vel qui navem Ecclesiæ regere habent, vel qui navigia dirigunt. Per mare quoque intelligitur, vel sæculum nequam, vel quælibet congregatio aquæ in qua homines lucris insistent. Longe steterunt et clamaverunt, videntes locum incendii ejus, id est infernum, in quo et ipsi pariter erunt inclusi, dicentes : Quæ similis civitati huic magnæ ? id est, quis in divitiis, deliciis, honore, potestate, et ceteris mundi fallacibus bonis, similis fuit Babylo ni præfatæ, videlicet impiæ congregationi ?

* velut

18

14 Et omnia poma desiderii animæ tuæ, id est carnalitatis tuæ, quæ anima tua sensualitatem secuta vehementer appetiit. Et quamvis sint alia multa in quibus carnales homines magis quam in pomis delectentur, tamen pomis expressis, adjunctum est, Desiderii animæ tuæ : ad innuendum, secundum quod Haymo scribit, quod non tantum in rebus pretiosis atque majoribus, sed etiam in minoribus valde offenditur Deus, si ultra quam appeti debeant, appetantur. Vel per poma intelliguntur vilia quæque, quæ sæculi amatores præferunt bonis spiritualibus et æternis. Unde similes sunt pueris, qui poma et pira magis quam pretiosa quælibet amplectuntur. Hinc quoque in hominibus talibus ponitur vitium puerilitatis, quod stultitia appellatur, et dono sapientiæ, quo divina sapiunt animo, contrariatur. Discesserunt a te. Et omnia pingua et præclara perierunt a te, utpote opes et fercula delicata, ac cetera quæ magni pretii æstimasti, quamvis comparatione spiritualium divitiarum sint nullius momenti.

B

C

D

Et miserunt, id est in inferno mittent, pulverem super capita sua, id est, signa mœroris ostendent, et de peccatis suis, in quantum sunt eis causa supplicii, pœnitebunt, juxta illud Sapientiæ : Dicentes intra se, pœnitentiam agentes, et præ angustia spiritus gementes : Nos insensati, etc. Et post pauca : Talia dixerunt hi qui sunt in inferno. Denique in vita præsentī miserunt pulverem super capita sua, id est, terrena, vana et levia superposuerunt per vitiosum amorem cordibus suis. At vero, secundum Berengandum, per caput mens, per cinerem peccata signantur. Cinerem itaque super capita sua ponent, quia memoria peccatorum a mentibus eorum nunquam recedet. Flentes, et lugentes, dicentes : Væ, væ, id est, damnatio æterna in corpore et in anima nunc inest tibi, o Babylon, civitas illa magna, in qua divites facti sunt omnes qui habent naves in mari, id est gubernatores et mercatores ac nautæ præfati, [de pretiis ejus ;] quoniam una hora desolata est, id est subito omni gaudio opibusque privata. Propter quod cives civitatis istius apud Sapientem fatentur lugubriter : Quid nobis profuit superbia ? aut quid divitiarum jactantia contulit nobis ? Transierunt omnia illa tanquam umbra.

Sap. v, 3, 4.

Ibid. 14.

Ibid. 8, 9.

vers. 10.

15 Et mercatores horum qui divites facti sunt ab ea, id est a divitiis Babylonis, scilicet mundi hujus non nisi terrena amanti, longe stabunt propter timorem tormentorum ejus, juxta sensum quo reges longe stare jam dicti sunt, flentes ac lugentes, et dicentes : Væ, væ civitas illa magna, scilicet Babylon, quæ amicta erat bysso et purpura et cocco, et inaurata est auro et lapide pretioso et margaritis, id est, prædictis rebus, ornamentis et vestibus, in sæculo isto lascive, curiose, pomposeque usa est, quærens in sensibilibus delectari, ab hominibus honorari, et corpus, non animam, ornans ac vestiens ; quoniam una hora destitutæ sunt tantæ divitiæ, id est, brevissimo tempore seu momento ablata est ei omnis opulencia ista.

17

Et omnis gubernator, scilicet in temporalibus vel in spiritualibus præsidens,

Præterea, quia damnatio reproborum A cedit in augmentum gloriæ electorum, jux-
 ta illud, Laetabitur justus quum viderit
 20 vindictam, subjungitur : *Ersultate super eam*, id est de justa damnatione et pœna Babylonis, *cœli*, id est, cives cœlestes angeli, *et sancti Apostoli et Prophetæ*, qui præ ceteris fuistis à civibus Babylonis afflicti, et qui ista ejus supplicia prædixistis, *quoniam judicavit Deus judicium vestrum de illa*, id est, judicium quod zelo justitiæ optastis fieri, et quod vestræ justitiæ debebatur, Deus de Babylone exercuit. Hoc est enim judicium de quo supra Sancti locuti sunt Deo : Usquequo, Domine, sanctus et verus, non judicas et non vindicas sanguinem nostrum ?

21 *Et sustulit unus angelus fortis lapidem quasi molarem [magnum], et misit in mare, dicens : Hoc impetu mittetur Babylon illa magna*. In visione imaginaria apparebat Joanni quod angelus sanctus projecit saxum grande in mare, ad figurandum et facto exemplari prænuntiandum quod Christus, magni consilii Angelus, in die judicii projiciet subito in infernum omnem impiorum catervam. Et huic simile est quod legitur Jeremias dixisse ad Saraïam : Quum veneris in Babylonem, ligabis lapidem ad librum istum, et projicies illum in medium Euphraten, dicens : Sic submergetur Babylon, et non consurget a facie afflictionis quam ego adducam super eam. Unde nunc subditur de Babylone, cujus typus fuit Babylon illa Chaldaica : *et ultra non invenietur*, videlicet in pristino statu et prosperitate mundana, aut sæculo isto.

Is. ix, 6,
juxta LXX.

Jer. li, 61,
63, 64.

22 *Et vox citharcedorum et musicorum, et tibia canentium, et tuba, non audietur amplius in ea*, id est, nulla suavitas harmoniæ, nullus sonus auditum mulcens, sed planctus et ululatus et miserabilis clamor erit in damnata impiorum collectione. *Et omnis artifex, omnisque ars non invenietur in ea amplius*. Nonne multi artifices damnabuntur ? Quomodo ergo non erunt in societate damnata ? Et respon-

dendum, quod substantialiter erunt ibi, non autem quantum ad usum suæ artis, seu commodum impiæ civitatis. Porro, quod nec artem dicit ibi manere, consonat ei quod Salomon ait : Quodcumque potest manus tua, instanter operare : quia nec opus, nec ratio, nec sapientia, nec scientia erunt apud inferos. Ex quibus probabiliter æstimatur, quod damnati non erunt suæ artis atque scientiæ memores in inferno. Si enim gravis infirmitas inducit scientiæ oblivionem, quanto magis vehementia illa infernalis tormenti ? Quod si scientia remanet ibi, non ad usum jucundum, sed potius ad calamitatis cumulum remanet. *Et vox molarum non audietur in ea amplius*. Non enim cibaria eis parantur. Propter quod Ecclesiasticus dicit : Ante obitum operare justitiam, quoniam non est apud inferos invenire cibos. *Et lux lucernæ non lucebit tibi amplius*, id est, nulla tibi ad consolationem claritas refulgebit, sed in densissimis tenebris æternaliter permanebis, ne visus aliquo modo exhilaretur. Siquidem, ut in Ecclesiaste dicitur, Dulce lumen, et delectabile oculis videre solem. *Et vox sponsi et sponsæ non audietur adhuc in te*, id est, de cetero non celebrabuntur nuptiæ seu carmina et gaudia nuptiarum in te, nec luxuriaberis amplius.

Eccle. ix,
10.

Eccle. xiv,
17.

23

Eccle. xi, 7.

Quia mercatores tui : de quibus prædictum est, qui spiritualia pro terrenis dederunt, suasque animas pro temporalibus commutaverunt, ac dæmonum potestati ac servituti se tradiderunt ; *erant principes terræ*, id est civium tuorum. Nam tales maluisti habere rectores quam justos. *Quia in veneficiis tuis*, id est diversis erroribus, pravis exemplis, pestiferis persuasionibus, magicis trufis, *erraverunt omnes gentes ad tuum collegium* pertinentes, atque gentiliter conversantes, seu multæ de omnibus. Quia ergo in vita tua recepisti bona et divitiis abundasti, honore et deliciis exuberasti, nunc in inferno cruciaris.

Luc. xvi, 25.

Et in ea, puta in Babylone, sanguis 24

Matth.
xxiii, 36.

Prophetarum et Sanctorum inventus est, et omnium qui interfecti sunt in terra : id est, generatio ista reproba, rea est effusionis sanguinis omnium electorum in terra hac injuste occisorum ab ea : sicut ait Salvator, Venient hæc omnia super generationem istam. Per hoc autem quod ait, Et omnium qui interfecti sunt in ter-

ra, innuitur quod non solum sanguis Sanctorum requiretur ab ea, sed etiam malorum quos occidit injuste, quamvis digni essent occidi. Propter quod Glossa hic dicit : Si malus malum occiderit, non excusat occisi nequitia. Sed eum justitia excusat, ut si juste a justo iudice occidatur.

ARTICULUS XX

EXPOSITIO CAPITULI NONIDECIMI : POST HÆC AUDIVI, ETC.

DESCRIPTA præcedenti capitulo Baby-
lonicæ civitatis damnatione, nunc ci-
vitatis Dei exultatio denuntiatur, quæ
amore boni et zelo æqui ac veri, Deo al-
tissimo pro impiæ civitatis damnatione
gratiarum actiones reponit.

1 *Post hæc audivi* interiori auditu, sicut
in visionibus imaginariis fieri solet, *vo-*
cem magnam, id est affectuosam ac de-
votissimam Dei laudationem et gratiarum
actionem, *quasi vocem tubarum multarum*
in cælo dicentium : Alleluia. Potest
autem per cælum intelligi Ecclesia mili-
tans ac triumphans : utraque enim ob
causam præactam Deo laudes gratiasque
rependit. Et vox ista ob suam eminentiam
comparatur sono tubarum multarum, præ-
sertim quum sit vox doctorum et prædi-
catorum, quorum cuilibet dicitur : Quasi
tuba exalta vocem tuam. Alleluia autem
designat, Laudate Deum. Unde et ipsum
nomen exponendo, vel eumdem sensum
ex devotione resumendo, ut fervor amoris
fortius inardescat, subjungitur : *Laus, et*

Is. LVIII, 1.

2 *gloria, et virtus Deo nostro*, id est, honor
et exaltatio, præconium, felicitas, pote-
stas, sanctitas Deo competunt et adscri-
benda sunt semper ; *quia vera et justa*
judicia ejus sunt (quod supra scriptum
atque expositum est) ; *qui judicavit de*
meretrice magna, id est, Babylonicam ci-

Apoc. xvi,
7.

B *vitatem, seu reproborum numerosissimam*
collectionem, pro suis peccatis damnavit,
quæ corripit terram, id est, habitantes
in terra ad peccata induxit, vitiisque in-
fecit, *in prostitutione sua*, id est in pe-
tulantia, lascivia, procacitate, vanitate,
qua se cunctis peccare volentibus præbuit
impudenter paratam, et alios provocavit
ad impurissimam voluptatem ; *et vindica-*
vit sanguinem servorum suorum de ma-
nibus ejus, id est, eam punivit pro eo
quod servos Dei persecuta est et occidit.

C *Et iterum dixerunt : Alleluia.* Com-
memorando enim divinæ æquitatis judi-
cia, delectati fuerunt in laude ipsius :
ideo repetitis Deum vocibus laudaverunt ;
ad innuendum etiam quod infatigabili ac
incessabili voce Deum excelsum et glo-
riosum laudare debemus. *Et fumus ejus*
ascendit in sæcula sæculorum, id est, in-
fernalis succensio Babylonis æternaliter
perseverat. Unde et pœna inferni, quæ
gravis est propter tormenti acerbitem, et
gravior propter suppliciorum diversitatem
ac multiformitatem, gravissima perhibetur
propter suppliciorum æternitatem. Estque
verbum præfatum vehementer pavendum,
et sollicite reminiscendum.

3

Et ceciderunt viginti quatuor senio-
res, et quatuor animalia, et adoraverunt
[Deum] sedentem super thronum, dicen-

4

tes : Amen, Alleluia. Quemadmodum per viginti quatuor seniores intelliguntur Sancti veteris ac novi Testamenti, qui filii sunt duodecim Apostolorum atque duodecim Patriarcharum, vel ipsi Patriarchæ et Apostoli, omnes quoque doctores iudicesque Ecclesiæ, superius tractatum est sæpe. Per quatuor autem animalia, Evangelistæ et prædicatores universi intelliguntur. Verum hoc loco, per seniores et animalia, omnes cives Ecclesiæ militantis ac triumphantis, potissime tamen primi et superiores in eis, accipi possunt : qui omnes Deo se profundissime humiliantes ac latriæ cultum (ut dignum est) exhibentes, præfato Dei præconio faventes et annuentes, dicunt : Amen, id est, vere sic est, et ita fiat, hoc est, ita laudetur Deus omnipotens. Insuper et ipsum idem agentes, adjiciunt : Alleluia.

5 *Et vox exivit de throno*, id est de loco gloriæ Dei sublimis ac benedicti, videlicet de Ecclesia triumphanti ac militanti : nam et prædicatores Ecclesiæ quotidie exhortantur quod ista vox admonet. Et vocem hanc in interioribus auribus Joannis angelus eum instruens protulit et formavit. Deinde vox subditur : *Laudem dicite Deo nostro, omnes servi ejus* servitute dilectionis et casti timoris, *et qui timetis eum* timore filiali vel saltem initiali, *pussilli et magni*, videlicet superiores et inferiores, sapientes et simplices.

6 Consequenter ponitur Dei laudatio propter pietatem ejus in suis electis, vel potius propter excellentiam ejus in semetipso. *Et audiavi quasi vocem tubæ magnæ, et sicut vocem aquarum multarum, et sicut vocem tonitruorum magnorum dicentium : Alleluia*, id est, Deum laudate. Et cur hoc, additur : *quoniam regnavit Dominus Deus noster omnipotens.* Itaque vox ista, quæ tot rebus comparatur, est unanimis laudatio qua Sancti in cœlo et terra Deum altissimum devotissima mente collaudant. Quæ vox assimilatur tubæ, ob sonum evidentem tubalem ; et aquis multis, propter laudantium copiam ; magnis

A quoque tonitruis, quoniam adversariis potestatibus ac Babylo ni est terribilis, et item, quoniam alta pandit mysteria. Ideo itaque Deum collaudant, quoniam regnavit Dominus Deus noster omnipotens, id est, Babylonicæ civitatis regnum destruxit, aeriarum potestatum aciem stravit ac superavit. Omnes quoque hos congregavit congregatione fascis unius, et clausit in carcere gehennæ. Insuper electos suos ab omni malo eripuit, suæ voluntati ac ditioni perfecte conformavit ac subdidit, atque in ipsis per dona gloriæ nunc regnare dignatus est, in quibus ante per dona gratiæ fuerat regnans. Nempe canticum illud refertur potissime ad consummatum patriæ regnum, quo, peracto judicio, Deus in omnium electorum una regnabit Ecclesia, quam ultra nulla adversariorum impugnabit malitia. Et tunc Christus potestatem quam habet in cœlo et in terra, aperte monstrabit ac plene, cunctis adversariis suis sibi subjectis, pereuntibus atque damnatis. In Ecclesia autem militanti Christus regnare exorsus est, quando ad ejus fidem et cultum homines converti cœperunt. Et de hoc ejus regno, quo nunc in fidelibus regnat, etiam gratulandum est nobis, et laudes ac gratias ei referre debemus ; sed de futuro illo consummato beatifico regno maxima erit laudatio, gratulatio, gratiarumque actio. Ideo sequitur :

7 *Gaudeamus et exsulemus*, id est, mente et corpore, seu intellectivo sensitivoque appetitu lætemur : juxta illud, Cor meum et caro mea exsultaverunt in Deum vivum ; *et demus gloriam ei*, id est, ipsum in omnibus et de omnibus summe atque finaliter glorificemus, gloriosum fateamur, et omnis boni fontem opulentissimum munificentissimumque dicamus. *Quia venerunt nuptiæ Agni*, id est plena et consummata conjunctio Christi cum Ecclesia. Et ista conjunctio, est ejus in ea regnatio : quæ conjunctio plena et universaliter erit, peracto judicio, dum Christus electos in anima et corpore glorificabit. Unde hæ nuptiæ sunt internæ

In Apoc. iv,

Is. xxiv. 22.

Ps. lxxxiii.
3.

ac spirituales, dum per beatificam visionem, suavissimam fruitionem, inamissibilem tentationem, mentes electorum Christo in thalamo regni coelestis jungentur. Insuper, secundum Albertum, harum nuptiarum sponsalia contracta fuerunt in Prophetarum sponsione. Perfectum est matrimonium per verbum de præsenti, in colloctione mutua angeli et Mariæ, consummatum fuit in carnis et Verbi unione, solennitas coepit celebrari in ascensione. Nunc paulatim introducitur sponsa in domum sponsi, sed totaliter introducetur in fine, et tunc fiet convivium generale. *Et uxor ejus*, id est Ecclesia, quæ est sponsa et conjux Christi, *præparavit se*, id est, aptam et dignam se fecit in via ista, uni-ri sponso suo in patria. Triplex autem est sponsa Christi, videlicet : universalis, quæ est Ecclesia ; particularis, ut anima devota ; singularis, scilicet Virgo beata. Rursus, sunt nuptiæ Christi cum militanti Ecclesia per gratiæ dona, et sunt nuptiæ ejus cum Ecclesia triumphanti per gloriæ munera.

8 *Et datum est illi*, id est gratia Dei concessum, non propriis viribus, *ut cooperiat se byssino splendente candido*. Quid autem per byssinum hujuscemodi intelligatur, auctor ipse exponit. *Byssinum enim sunt justificationes Sanctorum*, id est virtuosæ operationes et observantiæ præceptorum : de quibus in psalmo illo, Beati immaculati in via, etc., sæpe fit sermo. Itaque sensus est, quod auxilio gratiæ collatum est congregationi fidelium ut se virtuosius actibus suis decoret : qui actus sunt candidi per gratiæ claritatem, conscientiæ puritatem, justitiæ lucem. Splendentes quoque sunt, quia sunt aliis exemplares. Unde ait Salvator : Lux vestra luceat coram hominibus. Convenienter vero per byssinum justificationes signatæ sunt : nam sicut byssus multis tusionibus perducitur ad candorem, sic electi per varias tribulationes pertingunt ad gloriam.

9 *Et dixit mihi angelus me informans : Scribe in corde tuo et libro ad Christia-*

norum consolationem, verbum valde suave atque notabile : *Beati qui ad cœnam nuptiarum Agni*, id est ad patriæ beatificam refectionem, seu divinæ bonitatis immediatam fruitionem, *vocati sunt* per prædestinationem et inspirationem internam efficacem, ita quod actualiter pervenerunt ad eas seu perventuri sunt. Et ista refectio potius cœna quam prandium appellatur, quum ultima sit, nec alia ei succedat. Relectio autem qua fideles in præsenti a Deo per verba sacræ Scripturæ, charismata gratiæ, consolationes internas, reficiuntur, prandium dicitur. Interdum tamen cœna vocatur, tanquam inchoatio cœnæ futuræ. Unde superius dixit Salvator : Si quis aperuerit mihi januam, intrabo ad illum, et cœnabo cum illo. De hac beatifica spirituali cœnatione Christus disseruit : Ego dispono vobis regnum, ut edatis et bibatis super mensam meam in regno meo. Itaque Dominum deprecemur indesinenter, ut ejus continuo gratioso auxilio ad cœnam nuptiarum istarum pertingere mereamur ; et quanta beatitudo repromissa sit Christianis, sapienter intueamur, nec præsentis vitæ delicias admittamus.

Et dixit mihi : Hæc verba Dei vera sunt. Quum enim Deus sit essentialiter veritas ipsa, verba ejus non vera esse non possunt. Propter quod Christus loquitur Patri : Sermo tuus veritas est ; et Psalmista, Principium verborum tuorum veritas.

Et cecidi ad pedes ejus, scilicet angeli : qui in sua natura pedes non habet, sed in imaginaria visione in specie hominis apparebat. Et aliqui asserunt, quod ex aere corpus assumpsit. Potius tamen tenendum, quod quia Joanni interius loquebatur et apparebat, non verum corpus, sed corporis effigiem interiori sensui S. Joannis objecit ac demonstravit. Cecidit ergo Joannes ad pedes ejus, eo modo quo Ezechiel in spirituali visione adductus in Jerusalem, scribit se cecidisse in faciem suam. Nam casus iste in spiritu fuit, vi-

Luc. i, 26
et seq.

Apoc. iii,
20.

Luc. xxii,
29, 30.

Ps. cxviii.

Joann. xvii,
17.
Ps. cxviii,
160.

Matth. v,
16.

Ezech. xl,
1, 2; xliii, 3;
xlii, 4

delicet imaginarie, quemadmodum supra
Apoc. i, 10. Joannes ait : Fui in spiritu in dominica
 die. Voluit autem Joannes angelo reveren-
 tiam exhibere, tanquam superiori in na-
 tura et gloria pro tunc. Ideo subditur :
ut adorarem eum, non adoratione latriæ,
 sed dulciæ, per quam proximis honorem
 impendimus; item, ut gratiarum actionem
 angelo exhiberet pro beneficio propheti-
Josue v, 15. cæ illustrationis. Hoc modo Josue legitur
 angelum adorasse.

Et dixit mihi : Vide, id est, attende et
 cave, *ne feceris quod cœpisti. Conserve*
tuus sum, et fratrum tuorum spirituali-
um, scilicet Christianorum, *habentium te-*
stimonium Jesu, id est dona gratiæ, per
 quæ ostenduntur esse famuli Christi, seu
 opera virtuosa; eorum quoque qui verbo
 et opere testimonium perhibent Christo.
 Sed nonne Joannes bene fecit prociendo,
 et venerari volendo? Cur ergo prohibitus
 fuit? Et respondendum, quod utique bene
 fecit. Angelus tamen propter majus bo-
 num id fieri non permisit, puta ex humi-
 litate, et propter eminentiam dignitatis ac
 sanctitatis tanti Apostoli : potius tamen
 propter dignitatem ac reverentiam huma-
 næ naturæ a Verbo assumptæ. Et in hoc
 docetur, quantum per unigeniti Filii Dei
 incarnationem dignificata sit humana na-
 tura, seu omne genus humanum : quia
 post incarnationem Verbi, angeli ab ho-
 minibus renuunt adorari, qui super se
 hominem Deum adorant : quod in veteri
 Testamento non renuerunt. Non ergo ne-
 gligamus nos ipsos, nec gratiam Dei parvi-
 pendamus, ne graviore damnationi efficiamur
 obnoxii.

Deum adora cultu latriæ, quæ est virtus
 Deo cultum cærimoniamque impendens.
Testimonium enim Jesu est spiritus pro-
phetiæ, id est, spiritum seu gratiam prophe-
 talem habere, signum ac testimonium est
 quod homo sit Christi et servus ejus : non
 quia semper sic est, quum gratia prophe-
 tiæ sit gratia gratis data, quæ potest bonis
 ac malis esse communis; sed quia ut fre-
 quenter sic est. Prophetia namque vere ac

A proprie dicta, non est nisi a Spiritu San-
 cto; nec datur communiter nisi dispositis
 ad illuminationem divinam, scilicet vir-
 tuosis. Propter quod princeps Apostolorum
 in sua secunda ait Canonica : Non volun-
 tate humana allata est aliquando prophe-
 tia, sed Spiritu Sancto inspirati, locuti
 sunt sancti Dei homines. — Potest quoque
 ita exponi : Testimonium Jesu est spiritus
 prophetiæ, id est, quicquid per spiritum
 propheticum prædixerunt Prophetæ, ali-
 quo modo testimonium perhibet Christo.

B Propter quod loquitur Petrus : Huic omnes
 Prophetæ testimonium perhibent. *Act. x, 43.*

Consequenter, secundum Bedam, agitur
 de futura gloria supernæ Jerusalem. *Et*
vidi cælum apertum : et ecce equus albus,
et qui sedebat super eum vocabatur Fide-
lis et Verax. In visione imaginaria ista
 sic corporaliter apparebant : quorum spi-
 ritualem intelligentiam, angelo edocente,
 Joannes mox intellexit. Itaque, per hoc
 quod cælum sibi apertum apparuit, signi-
 ficabatur quod divina mysteria in divinæ
 C mentis præscientia clausa, pandebantur
 Joanni; item quod janua cœli, primi pa-
 rentis peccato clausa, est aperta merito
 Christi; rursus, ad innuendum quod Chri-
 stus per sui auxilii exhibitionem ac mili-
 tum suorum missionem, de cœlo descende-
 ret, secundum modum subscriptum. Porro
 per equum album, cujus effigiem angelus
 præsentavit interiori oculo S. Joannis, in-
 telligitur immaculatum Christi corpus, seu
 natura ejus humana, per quam adversa-
 rias potestates devicit : super quam Chri-
 stus secundum naturam divinam sedebat,
 id est, eam in omnibus dirigebat, et ei in
 singulis præsidebat. Qui vocatur Fidelis,
 implens quod spondit, et Verax, secun-
 dum quod ait : Ego sum via, veritas et
 vita. *Joann. xiv, 6.*

Et cum justitia judicat : nam secun-
 dum quod homo, constitutus est judex vi-
 vorum ac mortuorum; nec sine æquitate,
 sed justissime cuncta discernit; *et pugnât*,
 suis bellatoribus dando præliandi ac præ-
 valendi doctrinam ac potestatem : quibus
Act. x, 42.

et angelos in auxilium mittit. De quo ait A
 Psalmista : Benedictus Dominus Deus me-
 us, qui docet manus meas ad prælum, et
 digitos meos ad bellum. Denique, ut Moy-
 ses ait : Dominus quasi vir pugnator; Om-
 nipotens, nomen ejus.

12 *Oculi autem ejus sicut flamma ignis,*
 quia adspectus ejus erit terribilis repro-
 bis. Nam quia in equo quasi adversarios
 expugnaturus apparuit, igneum atque ter-
 ribilem prætendebat ad impios visum. Id-
 eo etiam oculi ejus ut flamma ignis, quia

Eccli. xxiii,
 28.

Apoc. v, 6.

interiores oculi animæ ejus sunt lucidissi-
 mi, ita quod omnia cernunt. Vel oculi ejus
 dicuntur dona Spiritus Sancti (sicut supe-
 rius de ipso dixit Joannes, quod habet
 oculos septem, qui sunt septem spiritus
 Dei), qui ignis flammæ merito compara-
 tur. Ignis namque illuminat et accendit,
 rubiginem tollit, duritiam ferri emollit,
 frigida calefacit, liquida quoque consoli-
 dat. Sic dona Spiritus Sancti inflammant
 ad dilectionem Dei et proximi, illuminant
 ad cognitionem veri et falsi, boni et mali,
 consumunt rubiginem peccati, emolliunt
 duritiam animi, corda frigida calefaciunt,
 fragiles mentes confortant. *Et in capite*
ejus diademata multa, id est universale
 dominium super cælum et terram, se-
 cundum quod ait, Data est mihi omnis
 potestas in cælo et in terra; seu multi
 triumphi, vel multitudo Sanctorum qua
 cingitur.

Matth.
 xxviii, 18.

Habens nomen scriptum, id est sic in-
 ditum atque conveniens, *quod nemo no-*
vit, id est, plene comprehendit, *nisi ipse.*

Philipp. ii,
 9.

Hoc est nomen de quo ait Apostolus, quod D
 dedit ei Pater nomen quod est super om-
 ne nomen : quo in una persona verus
 Deus et verus homo vocatur. Quod nomen
 nominatum, scilicet res ipsa, secundum id
 quod divinitatis est, incomprehensibile est
 omni menti creatæ, loquendo de plena
 comprehensione, qua aliquid cognoscitur
 tam perfecte sicut ex sua natura cogno-
 scibile existit. Porro in eo quod ait, Quod
 nemo novit nisi ipse, non excluduntur Pa-
 ter et Spiritus Sanctus. In his enim quæ

T. 14.

absolute Deo conveniunt, quod de una
 Persona dicitur, de aliis quoque duabus
 intelligi datur : sicut quum Filius ait ad
 Patrem, Hæc est vita æterna, ut cogno-
 scant te solum verum Deum, et quem mi-
 sisti Jesum Christum; et iterum, Nemo
 novit Patrem nisi Filius, et cui voluerit
 etc.; et quum ait Apostolus, Quæ sunt
 Dei, nemo scit nisi Spiritus Dei.

Joann. xvii,
 3.

Matth. xi,
 27.

I Cor. ii, 11.

Et vestitus erat veste adpersa sangui-

13

ne, id est corpore, proprio sanguine tem-
 pore passionis rubricato. Vel in tali veste

apparuit, ad insinuandum quod impios oc-
 cidere venit. De veste autem præfata scrip-
 tum est apud Isaïam : Quare rubrum est

Is. lxi, 2.

indumentum tuum? *Et vocabatur nomen*

ejus, Verbum Dei, id est Unigenitus Patris

æterni. Est enim Verbum æternum quod

Pater se ipsum intelligendo intra se inva-
 riabiliter profert. De quo scriptum est : In

Joann. i, 1.

principio erat Verbum.

Et exercitus qui sunt in cælo, seque-

14

bantur eum. Quod de civibus Ecclesiæ tri-
 umphantis regem suum comitantibus ac-
 cipi potest. Quum enim Christus venerit

debellare Antichristum cum suis, descen-
 dent sancti angeli, et Christi imperium

contra impios exsequentur. Rursus intel-
 ligi potest de fidelibus Ecclesiæ militan-

tis, qui per vias præceptorum et semitas
 consiliorum Christum sequuntur. De illis

vero potissime sumitur qui tempore An-
 tichristi erunt constantes, et in virtute

Christi Antichristo usque ad mortem re-
 sistent. *In equis albis,* id est mundis seu

castis corporibus : quoniam scient vas
 suum possidere in sanctificatione, et ab

I Thess. iv,
 4.

omni inquinamento animæ et carnis se

emundabunt. Si autem de civibus trium-
 phantis Ecclesiæ exponatur, per equos

albos intelligendi sunt sancti viatores, qui-
 bus illi præsidebunt et opem impendent.

Vestiti byssino albo et mundo, id est justi-
 ficationibus suis, sicut expositum est. Unde

et scriptum est : Sacerdotes tui induan-
 tur justitiam. Et sanctus Job : Justitia, in-
 quit, indutus sum.

Ps. cxxxix, 9.

Job xxix,
 14.

Et de ore ipsius procedit gladius

15

utraque parte] acutus, id est judicialis A
 In Apoc. 1, 16; n. 12, 27. *sententia et increpatorius sermo (sicut supra plenius expositum est), ut in ipso percutiat gentes, id est, gentiliter carnaliterque viventes reprehendat, reprobet et condemnet. Et ipse reget eas in virga ferrea, id est rigurosa justitia, impoenitentes dirigendo in finem eis debitum, scilicet damnationem æternam, poenitentes autem*
 Ps. II, 9. *in hac vita disciplinando. Hoc in secundo psalmo de Christo constat prædictum. Et tanquam vas figuli confringentur, id est, electæ et poenitentes, salubriter frangent* B
 Prop. XII, 7. *et abnegabunt se ipsas, amittendo quod erant per culpam, prout Salomon ait : Verte impios, et non erunt. Aliæ autem confringentur, in anima et corpore pereuntes. Istud implebitur etiam tempore Antichristi, quando Judæi convertentur ad Dominum, et alii multi, saltem Antichristo occiso.*

Et ipse calcat torcular vini furoris iræ Dei omnipotentis. Torcular quandoque vocatur congregatio recentium fructuum; interdum locus ubi, seu instrumentum per C
 Osee XIII, 14. *quod vinum exprimitur; interdum supplicium, per modum torcularis premens et opprimens. Secundum hæc, verba ista diversimode exponuntur. Si enim torcular exponatur pro pœna, sensus est quod Christus calcat torcular, id est, mortem superavit. Nam moriendo pro nobis, mortem æternam abstulit et destruxit, juxta quod per Osee protestatur : Ero mors tua, o mors; morsus tuus ero, inferne. Mortem quoque temporalem in se ipso, tertio die resurgens, devicit. Hæc autem mors seu* D
 Is. LXIII, 3. *pœna æterna, est vinum furoris iræ Dei, id est retributio a divina justitia hominibus pro suis peccatis, vel primi parentis originali peccato, instar poculi propinata. Secundum hanc expositionem loquitur Christus apud Isaiam : Torcular calcavi solus. Si vero sumatur torcular pro loco supplicii seu pressuræ, designat hoc loco infernum : quem Christus calcat, demergendo in eum ac conculcando injustos. Estque torcular hoc vinum iræ Dei, id est*

locus pœnalis pro peccato inflictus. De-
 mum si torcular sumatur pro instrumento
 premendi, sensus est quod ignem inferni
 impiis superducit. Juxta quem modum
 scriptum est : Torcular calcavit Dominus
 virgini filiæ Juda. Furor autem et ira in
 Deo omnipotente, non passionem aut men-
 tis commotionem, sed æquitatis rigorem
 et ultionis acerbiteratem designant. Thren. I, 15.

Et habet in vestimento et in femore suo 16
scriptum : Rex regum, et Dominus domi-
 Per vestimentum Christi, jam
 nantium. significata est ejus humanitas, seu caro
 Verbo unita. Per femur vero Christi, spi-
 ritualis ejus fecunditas, qua multos genuit
 seu convertit, videlicet perfectio suæ vir-
 tutis, sanctitatis et caritatis, signatur. De
 quo ait Psalmista : Accingere gladio tuo
 super femur tuum, potentissime. Itaque
 sensus est quod in Christi humanitate et
 corpore indelebiliter demonstratur, quod
 ipse sit Rex regum et Dominus dominan-
 tium. Nam et humana ejus natura prælata
 est omni creaturæ, et per eam, omnipo-
 tentiam suam ostendit in miraculis et sal-
 vatione humani olim perdit generis. Si-
 militer in fecunditate ejus qua mundum
 spiritualiter regeneravit, idem ostenditur.
 — Berengandus et Beda per vestimentum
 Christi intelligunt electorum Ecclesiam,
 juxta illud in Isaia : Omnibus his quasi
 ornamento vestieris. In quibus declaratur
 quod Christus sit Rex regum et Dominus
 dominantium. Albertus per vestimentum
 intelligit Christi humanitatem, ut a Verbo
 assumptam; per femur vero eandem, ut
 a patribus propagatam. Ps. XLIV, 4. Is. XLIX, 18.

Et vidi unum angelum stantem in sole; et clamavit voce magna omnibus avi- 17
bus quæ volant per medium cæli. Ita in
 imaginaria visione apparebat Joanni. Per
 angelum istum designatus est ordo seu
 cœtus prædicatorum, qui in fine mundi
 prædicabit quæ subsequuntur; vel angeli-
 cus spiritus, qui tunc alloquetur electos.
 Angelus iste stetit in sole, quoniam præ-
 dicatores illi fixi erunt in Christo sole in-
 telligentiaæ atque justitiæ; vel, in sole, id

est in eminenti splendore sapientiæ. Per A
aves vero significantur fideles ad cœlestia
se levantes : qui pennis virtutum, oratio-
ne et contemplatione, volant per medium
cœli, id est per totam Ecclesiam, vel per
patriam Beatorum, cœlestium civium or-
dines, mansiones et gaudia speculantes, et
Philipp.iii, conversationem in cœlo illo habentes. Di-
20. cens : Venite, congregamini ad cœnam
magnam Dei, id est ad cœnam nuptiarum
vers. 7. Agni (de qua dictum est jam), hoc est, ad
18 refectionem patriæ festinate, ut manduce-
tis carnes regum, [et carnes tribunorum,] B
et carnes fortium, et carnes equorum, id
est inferiorum, et sedentium in ipsis, id
est præsidentium ipsis : hoc est, venite ad
patriam, ut de impiorum justa punitione
delectetur ac reficiatur mens vestra zelo
Is. lxxvi, 24. justitiæ, et quia tantum supplicium eva-
sistis. Unde scriptum est in Isaia : Egred-
ientur (scilicet electi) et videbunt ca-
davera virorum qui prævaricati sunt, et
erunt usque ad satietatem visionis omni
carni. In reproborum quoque damnatione
elucebit sapientia Dei, quæ inordinationem
culpæ instaurat per ordinationem
pœnæ. Præterea, ut apparet, locus iste
potest intelligi de comestione corporum
occisorum ab avibus cœli aerii, eorum vi-
delicet qui Christi virtute cum Antichri-
sto subito occiduntur. De quo in Ezechiele
Ezech. plura leguntur. Sicque quod ibi intelligi-
tur per victimam quam Deus dicit se avi-
bus immolare, intelligeretur hæc cœna,
secundum metaphoram quamdam.

Consequenter prædicatur prælium An-
19 tichristi contra Christum. Et vidi bestiam
et reges terræ, scilicet Antichristum et ei
credentes, et exercitus eorum congrega-
tos ad faciendum prælium cum illo qui
sedebat in equo, id est contra Christum,
sicut expositum est, et cum exercitu ejus,

id est contra fideles in fide constantes.
Pugnabunt autem contra Christum, ejus
fidem et cultum destruendo, ejusque mem-
bra persequendo et occidendo. Ista præ-
vidit Joannes in spiritu.

Et apprehensa est bestia, id est, Anti- 20
christus Christi virtute conteretur, dicente
Apostolo : Quem Dominus Jesus interficiet
spiritu oris sui ; et cum illa pseudopro- 8.
pheta, id est cœtus prædicatorum Anti-
christi, vel aliquis prædicator ejus præ-
cipuus, qui fecit signa coram ipsa, id est
B in beneplacito seu præsentia Antichristi,
quibus seduxit eos qui acceperunt chara-
cterem bestię, id est, conformitatem vitæ
Antichristi, et qui adoraverunt imaginem
ejus, id est statuam seu imitatores Anti-
christi. De his prædicatorum Antichristi
miraculis, et adoratione imaginis ejus et
ejus caractere, superius dicta sunt plu- In Apoc.
ra : idcirco pertranseo. Vivi missi sunt hi xiii, 13 et
duo, scilicet Antichristus et pseudopro- seq.
pheta ipsius, in stagnum ignis sulfure
ardentis, id est, divina plaga occisi, mox
C cum impetu ruent in tartara, quasi si vi-
vientes repente absorberentur a terra, et
caderent in infernum. Sic enim Dathan et
Abiron viventes in infernum descendisse
dicuntur, quamvis morerentur antequam
illuc venirent, secundum doctores.

Et ceteri Antichristo adhærentes, mi- 21
nus rei et impii, occisi sunt in gladio se-
dentis super equum, id est, Christi impe-
rio perierunt. Multi enim eorum subito
morientur ac damnabuntur. [Qui procedit
de ore ipsius.] Et omnes aves saturatæ
sunt carnibus eorum : secundum sensum
nunc præinductum. Sic enim saturabun-
tur, quomodo manducabunt. Loquitur au-
tem Joannes more prophetico de futuris
tanquam præterito, propter certitudinem
propheticæ denuntiationis.

Philipp.iii,
20.

vers. 7.

18

Is. lxxvi, 24.

Ezech.
xxxix, 17 et
seq.

In Apoc.
xiii, 13 et
seq.

Num. xvi,
32.

21

ARTICULUS XXI

EXPOSITIO CAPITULI VICESIMI : ET VIDI ANGELUM DESCENDENTEM DE COELO.

FINALEM damnationem diaboli, scilicet projectionem ejus in tartara, volens auctor plenius atque distinctius elucidare, primo ostendit qualiter victus, ligatus atque damnatus est a Christo in primo ejus adventu. Denique, secundum Berengandum, triplex ponitur damnatio dæmonis : prima, quando ob suam superbiam de cœlo projectus est ; secunda, quando per Christi passionem perdidit genus humanum et relegatus est in abyssum ; tertia, quando in infernum cum omnibus suis æternaliter cruciandus mergetur.

1 *Et vidi angelum descendentem de cœlo.*

Angelus iste Christum designat, cujus a summo cœlo fuit egressus, quando per incarnationis mysterium descendit de sinu Patris in uterum Virginis. *Habentem clavem abyssi*, id est potestatem claudendi quos vult in inferno, et eripiendi seu retrahendi de eo. Vel clavis abyssi, est potestas ligandi et solvendi diabolum, qui nihil valet nisi permissus a Christo. Intellectus autem verbi hujus plenius patet ex his quæ in expositione superiorum scripta sunt, scilicet super id : Habeo claves mortis et inferni. *Et catenam magnam in manu sua.* Catena ista quam habet in potestate sua Salvator, est multitudo electorum suorum sibi invicem instar ansarum per caritatem, ordinem, gradus atque officia, pulchre connexa ; aut certe inevitabilis sua potestas, cuncta constringens.

2 *Et apprehendit draconem, serpentem antiquum, qui vocatur diabolus et Satan, et religavit eum per mille annos.* Hoc fecit Christus, quando per suam dignissimam passionem eripuit genus hu-

A manum a potestate diaboli, ejusque potestatem restrinxit, compescuit, de innumerabilium hominum cordibus expulit : per sacramenta quoque Ecclesiæ virtutem diaboli vehementer minuit et ligavit. Porro per mille annos, ob hujus numeri perfectionem, totum evangelicæ legis tempus exprimitur, per quod ista durat ligatio : nisi quod tempore Antichristi tribus annis cum medio plus solito sæviet, sicut infra dicetur. *Et misit eum in abyssum*, scilicet in infernum teterrimum, profundissimum, turbulentum ; vel in corda tenebrosa reproborum, eorum potissime qui persequebantur Ecclesiam. In quibus licet et antea fuerit, tamen tunc missus fertur in ea permissive a Deo, quia tunc magis quam ante regnabit in eis. Hinc passione imminente Christus perhibuit : Nunc princeps hujus mundi ejicietur foras. Magis autem videtur missio ista de projectione ejus in infernum intelligenda, propter verba sequentia. [*Et clausit,*] *et signavit super illum*, id est, signum reclusionis adhibuit virtute signaculi crucis, prohibens illum egredi ante tempus præfinitum, *ut non seducat amplius gentes, donec consummentur mille anni*, id est tempus durationis evangelicæ legis usque ad Antichristi adventum. Ideo sequitur : *Et post hoc oportet illum solvi modico tempore*, quo Antichristi persecutio desæviet et durabit.

Præterea, constat quod Christus suæ passionis virtute non misit neque ligavit dæmones universos in inferno, quum certum sit homines a dæmonibus indesinenter tentari. Si ergo religatio ista de inferno exponatur, per diabolum non tota diabolorum caterva, sed aliqua pars eorum forte crudelior erit intelligenda. Et

3

Joann. xii,
31.

*Matth. iv,
1 et seq.*

aliqui dicunt, per diabolum de quo nunc sermo, primum illum apostatam dæmonum principem accipiendum, a quo affirmant Christum tentatum, et illum a Christo in infernum retrusum ac vinctum donec Antichristus nascetur, quem (ut asserunt) diabolus iste intrabit ac diriget. Si autem per diabolum de quo nunc mentio, intelligatur quicumque spiritus malignus hominumque tentator, et per abyssum accipiantur impia peccantium corda: tunc quod ait scriptura hæc, Ut non seducat amplius gentes, intelligendum est de gentibus prædestinatis; vel, ut non seducat eas tot modis tamque copiose ut ante. Verum repressio ista diaboli tempore persecutionis Antichristi cessabit, quia tunc ejus potestas magis solvetur ac prævalebit quam ante. Non tamen putandum est quod diaboli permittentur tunc hominibus, quantum possent si permitterentur, nocere: quia si hoc, quis posset evadere, aut in vita corporali manere? Tunc ergo oportebit diabolum solvi, ut impleantur Scripturæ, et quia id Deus prædixit, et quia electis hoc utile erit ad gloriam ampliorem.

Advertendum quoque quod diabolus nunc pluribus nominibus expressus est. Nempe, ut Beda testatur, draco vocatur, propter nocendi malitiam; serpens, propter nocendi astutiam; diabolus, ob status sui casum (diabolus enim, deorsum fluens interpretatur); Satanas, ob instantiam seu obstinationem adversandi Domino et electis ejus. Et, ut scribit Albertus, quantum ad illos qui peccant ex infirmitate, dicitur draco, propter violentiam tentationis; quantum ad illos qui peccant ex ignorantia, dicitur serpens, propter astutiam deceptionis; quantum ad illos qui peccant ex certa malitia, diabolus, quasi deorsum fluens per malitiam; quantum vero ad bonos, dicitur Satanas, quoniam illis jugiter adversatur.

Consequenter agitur de liberatione et gloria electorum, quæ dæmonis ligationem secutæ sunt. *Et vidi sedes: et sederunt*

A super eas, et judicium datum est illis.

Per sedes has primo intelligi possunt mansiones cœlestes, et throni gloriosi in quibus animæ Sanctorum sunt collocatæ dominicæ passionis merito et virtute, quibus data est judicandi potestas cum Christo: cujus dono etiam nunc frequenter aliqua judicant, faciendo mirabilia in hoc mundo, suis cultoribus succurrendo, dæmones ab obsessis corporibus ejiciendo, atque miracula varia peragendo. Secundo, per sedes intelliguntur mansiones, dignitates, auctoritates Ecclesiæ, in quibus superiores resident et prælati, quibus datum est judicium discretionis ac sententiationis de actibus inferiorum, potestas quoque ligandi et solvendi peccata.

Insuper vidi *et animas decollatorum*, id est occisorum, *propter testimonium Jesu, et propter verbum Dei*, id est prædicationem, vel Jesum, qui est Verbum Dei secundum naturam divinam; *et qui non adoraverunt bestiam, neque imaginem ejus, et qui non acceperunt characterem ejus in frontibus aut manibus suis*. Quamvis jam sæpe per bestiam intellectus sit Antichristus, et per imaginem ejus statua vel imitatores ipsius; nunc tamen per bestiam et imaginem ejus, intelligendi videntur hi qui ejus figura fuerunt, et in typo ipsius præcesserunt, videlicet falsi dii, qui se hominibus colendos et adorandos exhibuerunt. Unde et martyres, qui pro Christo mori maluerunt quam idola adorare seu impios homines colere, dicuntur non adorasse bestiam nec imaginem ejus, nec characterem ejus, id est criminis imitationem et notam, seu signum quod pertinerent ad eum, acceperunt in frontibus, id est in confessione aperta, neque in manibus, id est in operibus suis. Potest quoque per bestiam dæmon intelligi, qui in idolis adoratur. Huic autem expositioni arbitror consonare, quod de Antichristo scribit Apostolus ad Thessalonicenses, quia mysterium nunc operatur iniquitatis. Est etiam modus loquendi, ut unum similitudinem alterius nomine exprimat, et qui ali-

II Thess ii,

7.

quid facit æquivalenter, sic facere illud A
asseritur, ac si formaliter faceret illud.

*Et vixerunt animæ istæ vita gloriæ, et
regnarent cum Christo in patria* (quem-
II Cor. v. 1. admodum ait Apostolus : Scimus quoniam
si terrestris domus nostra hujus habita-
tionis dissolvatur, quod ædificationem ha-
bemus ex Deo, domum non manufactam,
æternam in cœlis; et Christus in Evan-
gelio : Volo, Pater, ut ubi sum ego, et illi
Johann. xviii. sint mecum, ut videant claritatem meam),
24. *mille annis*, id est omni tempore nunc
currenti usque ad resurrectionem futu-
ram. Per determinatum etenim numerum
annorum, indeterminatus numerus desi-
gnatur, sicut quum dicitur in Psalmo :
Ps. civ. 8. Memor fuit testamenti sui, verbi quod
5 mandavit in mille generationes. — *Et ce-
teri mortuorum*, id est mortui ad nume-
rum electorum societatemque martyrum
non pertinentes, *non vixerunt vita natu-
rali, corporali, humana, donec consum-
mentur mille anni*, id est usque ad finem
mundi seu diem judicii, quando resur-
gent et vivent in corpore ad majorem sui
miseriam.

Hæc, scilicet vita gloriæ animarum san-
ctarum cum Christo in patria, *est resur-
rectio prima* : quia præcedit illam, qua
corpora sua resument. Et item vita hæc
dicitur resurrectio prima, quia per eam
ab hac misera vita, quæ comparatione
illius vitæ umbra mortis et mors nuncu-
patur, eriguntur : et homo sanctus hic
moriens, ibi in patria vivere incipit me-
lius atque felicius; sicque a morte naturæ,
qua cecidit corpore, resurgit, pertingendo
ad vitam gloriæ, qua vivit in mente. — Qui-
dam autem per primam resurrectionem
intelligunt resurrectionem spiritualem, qua
homo per Baptismum et Pœnitentiam re-
surgit a morte culpæ, prout monet Apo-
stolus ad Ephesios : Surge, qui dormis, et
exsurge a mortuis. Quibus objicit Beren-
gandus quod subditur : *Beatus et sanctus
qui habet partem in resurrectione prima :*
6 *in his mors secunda non habet potesta-
tem*, id est, in his mors secunda non habet

locum. Multi enim post Baptismum pœni-
tentiamque peraetam peccant, et pereunt.

Itaque : *Beatus est in re, et sanctus*,
quia omni labe peccati carens, et confir-
matus in bono, *qui habet partem*, id est
consortium, *in resurrectione prima*, id est
in animarum beatificatione. *In his mors
secunda*, id est damnatio ultimata, *non
habet potestatem*, quia de sua æterna fe-
licitate securæ sunt. *Sed erunt sacerdotes
Dei et Christi*, id est Patris ac Filii, nec
dubium quin et Spiritus Sancti. Beati nam-
B que in patria se ipsos perfectissime of-
ferunt Deo, et incessabilem gloriæ hym-
num. quod est sacrificium laudis, perfecte
decantant superbeatissimæ Trinitati. *Et
regnabunt cum illo mille annis*, id est,
usque ad resurrectionem corporum bea-
tificati in spiritu, et dehinc cum corpore
et anima pariter glorificatis, regnabunt
cum eo in sempiternum.

*Et quum consummati fuerint mille an-
ni*, id est circa finem temporis quod currit
a principio evangelicæ legis usque ad ter-
minum ejus, *solvetur Satanas de carcere
suo*, id est abyssu, ubi nunc religatus et
missus descriptus est, *et exhibit*. Unde ap-
paret quod per abyssum non proprie in-
telligentur corda reprobatorum, quia de illis
Satanas non exhibit tempore Antichristi :
imo ea tunc tenacissime possidebit, et per
ea tanquam per vasa instrumentaque sua,
electos gravissime persequetur. De inferno
itaque tunc primus apostata egredietur
cum crudeliori sua phalanga, *et seducet
gentes quæ sunt super quatuor angulos
D terræ*, id est, in quatuor plagis terræ mul-
tos de omni natione ac populo fallit per
Antichristum et prædicatores ipsius, eo-
rumque signa, hypocrisim et doctrinam,
prosperitatem, dona, comminationes et per-
secutiones.

Et hæ gentes sunt *Gog et Magog* : secun-
dum interpretationem nominum horum.
Gog enim interpretatur tectum : per quod
quidam intelligunt Antichristum, qui erit
velut tectum seu habitaculum dæmonum.
Alii per Gog eos intelligunt qui tunc ma-

Ezech.
XXXVIII,
XXXIX.

litiam suam tegentes, justos se simula-
bunt. Magog vero interpretatur, de tecto :
per quod quidam accipiunt exercitum An-
tichristi, de quibus velut de tecto ipse
impugnabit fideles. Alii vero per Magog
eos specialiter intelligunt, qui de tecto
cordis sui egredientes, in manifesta pecca-
ta prosilient. Verumtamen agnoscendum
quod de Gog et Magog plura apud Eze-
chielem scripta sunt, et ibidem varios mo-
dos loquendi de Gog et Magog ex verbis
Hieronymi, Augustini, et aliorum exposi-
torum recitavi, quos hic resumere esset
prolixum. Quidam autem per Gog et Ma-
gog intelligunt decem tribus; alii, Getas
et Massagetas; alii, gentes Scythicas innu-
merabiles et immanes. Verumtamen Augu-
stinus libro vicesimo de Civitate Dei, satis
rationabiliter ex præsenti ostendit scriptu-
ra, quod per Gog et Magog non designen-
tur aliquæ determinatæ gentes, in aliqua
parte terrarum constitutæ. Toto namque
orbe terrarum significatæ sunt esse, quum
dicitur, Seducet gentes quæ sunt super
quatuor angulos terræ, easque subjecit
esse Gog et Magog.

8

Et congregabit eas in prælium con-
tra fideles. Non tamen universæ gentes il-
læ erunt corporaliter adunatæ, sed multi
erunt earum exercitus in quatuor angulis
terræ : quæ omnes uno animo invadent
Ecclesiam, sicut sequentia verba decla-
rant. *Quarum numerus est sicut arena*
maris : id est, innumerabilis erit illarum
gentium multitudo. *Et ascenderunt super*
latitudinem terræ, et circuierunt castra
sanctorum, id est acies Christianorum, seu
ipsos fideles, virtutibus contra invisibiles
atque visibiles hostes armatos, et caritate
conjunctos. Loquitur autem Joannes de fu-
turo tanquam præterito, propter certitu-
dinem veritatis. Quasi dicat : Tam verum
et certum est quod dico, ac si nunc esset
impletum. *Et civitatem dilectam,* id est
Ecclesiam, quæ est castra sanctorum. Toto
enim orbe terrarum Ecclesia tunc ab in-
credulis illis cingetur et invadetur. Ecce-
lesia autem militans est civitas Deo et Ec-

A clesiae triumphanti carissima. Quidam vero
per civitatem dilectam, intelligunt ipsam
Jerusalem in Judæa : quam tunc asserunt
a Christianis inhabitandam, et ab Anti-
christo ac suis specialiter impugnandam.

Et descendit ignis de cælo, et devoravit
eos, id est, divina plaga Antichristum et
multos de adhærentibus ipsi consumet, et
(ut quidam dicunt) fulminabuntur. *Et dia-*
bolus qui seducebat eos, scilicet gentes
præfatas, *missus est in stagnum ignis et*
sulfuris, id est in lacum et puteum tar-
tarei calidissimi et foetidissimi ignis. Tunc
enim omnes diaboli, peracto judicio, in
infernum mergentur, nec amplius egredi-
entur. *Ubi et bestia et pseudopropheta,* id
est Antichristus et ordo seu cœtus prædi-
catorum ejus, *cruciabuntur die ac nocte,*
id est sine cessatione, *in sæcula sæculo-*
rum, id est æternaliter. Non itaque finietur
pœna inferni.

Consequenter de finali judicio et resur-
rectione mortuorum secunda seu corpo-
rali breviter tractat S. Joannes. *Et vidi*
thronum magnum candidum, et sedentem
super eum. In visione imaginaria apparuit
Christus omnium judex, sedere in solio
judiciali, sublimi ac splendido, ad insi-
nuandum hujus Judicis majestatem. Juxta
quem sensum loquitur Isaias : Vidi Domi-
num sedentem super solium excelsum et
elevatum. Et per thronum hunc, designa-
tur Ecclesia tam militans quam trium-
phans : utrique enim præsidet Christus.
Et sicut Ecclesiam militantem regit, eam
per dona gratiæ ad finem ultimum diri-
gendo, sic gubernat et triumphantem, eam
per dona gloriæ in fine ultimo jam ade-
pto, inavertibiliter conservando. *A cujus*
conspectu, id est imperio atque præsentia,
terra fugit et cælum, id est, a modo seu
qualitate suæ exsistentiæ recedent, quia
mutabuntur in melius, sicut in principio
sequentis capituli plenius est dicendum ;
et locus non est inventus ab eis, id est,
ipsa amplius non comparebunt, videlicet
eo modo et statu ac forma accidentali in
quibus nunc sunt.

9

10

11

Is. vi, 1.

12

Et vidi mortuos magnos et pusillos, eos A scilicet qui mortui fuerunt, et tunc suscitati erunt ac vivi, *stantes in conspectu throni*, id est coram iudice Christo, secundum quod ipse prædixit : Quum sederit Filius hominis in sede majestatis suæ, tunc congregabuntur ante eum omnes gentes; et item, Veniet hora in qua omnes qui in monumentis sunt, audient, etc. Apostolus quoque ait : Oportet nos omnes manifestari ante tribunal Christi, ut recipiat unusquisque prout gessit.

Matth. xxi,
31, 32.

Joann. v,
28.

II Cor. v,
10.

Et libri aperti sunt. Isti sunt libri conscientiarum, qui sunt ipsæ conscientiæ, secundum quod in eis merita vel demerita continentur atque leguntur. Qui tunc aperientur, quia tunc conscientiæ singulorum singulis innotescunt, ita quod unusquisque merita vel demerita omnium aliorum cognoscet, ut Dei iudicium esse justissimum omnibus declaretur. Hinc in Daniele scribitur : Iudicium sedit, et libri aperti sunt. Beda per libros intelligit vetus ac novum Testamentum : quæ tunc aperientur, quia secundum eorum scripturas iudicabitur mundus. Augustinus vero per libros apertos intelligit Sanctos, in quibus mali poterunt legere seu videre bona quæ facere debuerunt et neglexerunt. *Et alius liber apertus est, qui est liber vitæ.* Liber iste est præscientia seu prædestinatio Dei, nunc latens : qui tunc aperiendus asseritur, quia tunc patebit ad oculum qui in ipso scripti fuerunt et qui non, id est, qui electi, qui reprobi. De libro hoc vitæ nos quidem supra diximus. Ceterum Augustinus per librum istum intelligit vim divinam, qua fiet ut unicuique sua facta monstrentur ac pateant, ita quod se juste damnari vel salvari conspiciet. *Et judicati sunt mortui ex his quæ scripta erant in libris conscientiarum suarum seu Scripturarum.* [Secundum opera ipsorum.] Magis autem iudicabuntur secundum cordium suorum affectiones, intentiones et cogitatus, quam secundum opera exteriora. In illis siquidem magis immediate et proprie ratio meriti et demeriti, seu virtutis vitiique consistit.

Dan. vii, 10.

Apoc. iii, 5.

43

Et mare dedit mortuos suos qui in eo B *erant* : id est, qui in mari submersi fuerunt, vel qui in sæculo isto, quod per mare intelligi solet, sepulti seu resoluti fuerunt, inde consurgent. Cineres enim ex suis locis colligentur, et in corporis formam redigentur. *Et mors et infernus dederunt mortuos suos* : id est, diabolus auctor mortis, ejus invidia mors intravit in orbem terrarum, et carcer tartareus animas ibi detentas, ad ingrediendum corpora exhibebunt sive dimittent. Terra autem, mare et infernus dabunt mortuos suos, id est, materialiter quasi præbebunt. Per mortem quoque videtur posse intelligi ignis conflagrationis, quo tunc viventes interficientur, moxque resurgent. Hæc autem resurrectio ante iudicium fiet, quamvis hic per epilogum quemdam post descriptionem iudicii describatur. Scriptura namque non semper servat ordinem rerum gestarum seu gerendarum. *Et judicatum est de singulis secundum opera ipsorum*, intelligendo per opera, quemlibet actum, etiam interioriorem et locutionem. Ex ore enim tuo, ait Scriptura, justificaberis, et ex ore tuo condemnaberis. C

Et infernus, id est omnes reprobi, ad inferni habitaculum pertinentes : solent enim per locum habitatores ejus intelligi; *et mors*, scilicet ignis conflagrationis, qui eos in infernum ruentes involvet, et simul cum eis descendet quantum ad id quod in ipso caloris est ac fumositatis, secundum Basilium; vel, Mors, id est diabolus cum angelis suis apostatis; *missi sunt in stagnum ignis*, id est, in infernalem puteum igneum ac sulfureum projicientur, Christo dicente : Ite, maledicti, in ignem æternum. *Hæc*, scilicet æterna damnatio et infernalis calamitas, *est mors secunda*, gravissima plane, consummata ac perhorrenda. Prima etenim mors, est mors culpæ seu ipsum peccatum, pro quo mors ista secunda infligitur. Quam qui susceperint, mortem illam quæ esse naturæ affert, optabunt : mallent etenim mori seu prorsus non esse, quam talia sustinere ;

Sap. ii, 24.

Matth. xii,
37.

14

Ibid. xxv,
41.

Apoc. ix, 6. sed fugiet mors illa ab eis. *Et omnis qui* A per non scriptos in libro vitæ, homines
 15 *non est inventus in libro vitæ scriptus*, id
 est in divinæ mentis prædestinatione con-
 tentus, *missus est in stagnum ignis*, vide-
 licet omnes reprobi homines. Quod tamen
 intelligendum est de his qui in mortali
 vitio discesserunt. Infantes enim non ba-
 ptizati, non punientur ab igne, sed erunt
 in limbo puerorum. — Sicque per infer-
 num, intelligi possunt angeli principis te-
 nebrarum; per mortem, princeps eorum;

Ista metuenda sunt magis quam expo-
 nenda. Itaque cogitemus quam horren- *Hebr. x, 31.*
 dum sit incidere in manus Dei viventis, et
 tanti iudicii distractionem quotidie per-
 pendamus, timoratique simus: quia tunc
 erunt securi, qui modo non sunt securi;
 tuncque timebunt ac disperibunt, qui mo-
 do non metuunt, et negligunt miseri se-
 metipsos.

ARTICULUS XXII

EXPOSITIO CAPITULI VICESIMI PRIMI : ET VIDI COELUM NOVUM.

4 **E**T vidi cælum novum et terram no- B
 vam. Postquam descriptus est status
 Ecclesiæ quem habet ante finale judici-
 um, nunc status ejus describitur quem
 post finale iudicium sortietur. Denique,
 secundum Albertum, hic incipit septima
 ac ultima visio hujus libri, in qua orna-
 tus sanctæ Ecclesiæ, quæ sponsa est Chri-
 sti, prænuntiatur.
 Itaque ait: Vidi in spiritu cælum no-
 vum. Quod quidam exponunt de cælo
 aërio, scilicet aëre innovando. Sed ge-
 neraliter accipi debet de tota cœlestium C
 corporum regione. Omnes enim orbes cœ-
 lestes, planetæ et stellæ in fine sæculi,
 electorum corporibus glorificatis, pariter
 innovabuntur, et plus solito ornabuntur.
 Unde hoc loco per duo ista extrema, sci-
 licet cælum et terram, simul intelliguntur
 et media, utpote alia tria elementa, et
 quidquid cœlestium corporum sub pri-
 mo mobili continetur. Quum enim hæc
 corporalia propter hominem sint creata,
 illi hominis statui tunc conformabuntur
 quem electi peracto habebunt iudicio. D
 Ideo, sicut corpora electorum innovabun-
 tur, et digniores qualitates habebunt, vi-
 delicet claritatem et incorruptibilitatem;
 ita et elementa atque cœlestia corpora
 tunc clariora consistent, et elementorum
 mutua alteratio desinet, motus quoque cœ-
 lestes cessabunt, et sol jugiter stabit in
 oriente, luna in occidente. Porro, ut cre-
 ditur, terra in superficie pervia erit ut
 vitrum, aqua sicut crystallus, aer ut cœ-
 lum, ignis ut sidera. De quantitate autem
 meliorationis qualitatis solis et lunæ lo-
 quitur Isaias: Erit lux lunæ sicut lux *Is. xxx, 26.*
 solis, et lux solis septemplex sicut lux
 septem dierum. Quantitas vero meliora-
 tionis cœlestium orbium Deo est cognita.
 Talis ergo status innovatio et melioratio
 erit circa hunc mundum sensibilem post
 finale iudicium, ad gloriam Creatoris, ut
 ejus excellentia in suis declaretur effe-
 ctibus, electi quoque in sensibilibus re-
 bus, exterioribus sensibus magnificentiam
 Dei jucundissime speculentur atque
 collaudent.
 Quum igitur in Scripturis leguntur cor-
 pora ista corrumpenda, desitura seu per-
 itura, intelligendum est quantum ad mo-
 dum essendi, videlicet quoad cessationem
 actionum, passionum et motuum. Sic nam-
 que ait Apostolus: Præterit figura hujus *1Cor. vii, 31.*
 mundi; et Psalmista: Opera manuum tua- *Psal. ci, 26, 27.*

rum sunt cœli; ipsi peribunt, et omnes sicut vestimentum veterascent. Idem quoque Petrus testatur: Adveniet dies Domini tanquam fur, in quo cœli magno impetu transient, elementa vero calore solventur; novos autem cœlos, et novam terram expectamus. Itemque per Isaiam Dominus ait: Ecce ego creo cœlos novos et terram novam. Hinc subditur: *Primum enim cœlum et prima terra abiit*, id est, corpora memorata, quantum ad pristinum statum ac modum essendi cessabunt. Juxta hunc sensum debemus nos ipsos abnegare, relinquere, et veterem hominem exuere.

II Petr. iii, 10-13.
Luc. ix, 23.
Ephes. iv, 22.

Et mare jam non est. Circa quod libro vicesimo de Civitate Dei loquitur Augustinus: Utrum mare maximo illo ardore sicceetur, an et ipsum vertatur in melius, non facile dixerim. Verum si mare sumatur pro mari Oceano totam terram cingente, juxta illud Psalmi, Abyssus sicut vestimentum amictus ejus (quomodo utique sic sumendum videtur), dubium nulum est quin substantialiter perseveret, quum sit unum quatuor elementorum. Sed quantum ad pristinum modum non erit: nam amaritudo ejus grossitiesque tollentur. Et remanebit in primo statu, tamen innovato ac meliorato, secundum Albertum. Si autem sumatur mare pro quocumque mari particulari per terram currente et ex Oceano profluente: an sic mare manebit in pristino loco, an omnia maria hujuscemodi in Oceanum revertentur, seu siccabuntur, ita quod per terram nec maria nec flumina current, scriptum non reperi, nec de incertis certi aliquid fari præsumo. Quanquam probabile arbitrer quod maria et flumina, quæ propter hominum necessitates et commoda juxta infinitæ sapientiæ Dei altissimi ordinationem currunt per terram, tunc in ea amplius non decurrent nec erunt, et magna eorum pars per ignem conflagrationis siccabitur.

2 *Ego Joannes*, cui tanquam evangelistæ et apostolo firmissime est credendum, vi-

A *di civitatem sanctam Jerusalem*, id est triumphantem Ecclesiam, ex angelis hominibusque constantem: in qua est civium perfectissima unio, et æternæ increatæque pacis Dei superbenedicti consummata gustatio, splendor quoque virtutum sine omnis admixtione peccati; *novam*, id est per dona gloriæ innovatam, et in corporibus glorificatam: tunc namque animæ sanctæ habebunt corpora impassibilia, agilia, clara atque subtilia; *descendentem de cœlo*: quia tunc omnes Beati descendent cum Christo ad judicii locum, et animæ sanctæ ad sua corpora resumenda. Quia tamen modo non agitur de judicio illo, sed statu ipsum sequente, aptius fertur civitas ista de cœlo descendere, quia ab eo qui præsidet cœlo exoritur et descendit, inde dona gloriæ sortiendo, quemadmodum Jacobus ait: Omne donum op-
Jacob. i, 17.
timum et omne datum perfectum desursum est, descendens a Patre luminum. Quod non de corporali descensu, sed de emanatione ac dependentia est sumendum. Rursus, descendit de cœlo, quoniam per reverentialem timorem a divinæ magnitudinis contemplatione in propriam descendit parvitatem, atque per humilitatem non sibi, sed Deo attribuit gloriam, cui se summa humilitate prosternit ac subdit.

A Deo paratam, id est donis gratiæ in præsentī, et donis gloriæ in patria decoratam atque dispositam ad beatificos Divinitatis amplexus, *sicut sponsam ornatam viro suo*: nam sicut sponsa sponso seu viro, ita Ecclesia Christo ornabitur. Unde ad innuendum quod tunc Christo usque ad satietatem per felices amplexus jungetur, et a Christo summe implebitur atque fecundissima reddetur, potius dicit, Sicut sponsam ornatam viro suo, quam, Sponso suo. Jam enim est sponsa per fidem et dilectionem illi conjuncta, tunc vero uxor consistet.

Et audivi vocem magnam de throno dicentem. Vox ista fuit angelica, tubalis, sonora, affectuose prolata, et magnæ rei indicativa, quam angelus in interioribus

sensibus S. Joannis formavit; et in visione imaginaria videbatur sibi de throno majestatis divinæ egredi, quia et angelus eam proferens, civis fuit cœli empyrei. *Ecce tabernaculum Dei cum hominibus.* Per tabernaculum Dei, quidam intelligunt Christi humanitatem, quæ fuit divinitatis templum, ut sit sensus : Ecce tabernaculum Dei, scilicet Christi humanitas, nunc est et æternaliter erit cum hominibus, sanctis scilicet et electis, in eadem cum illis gloria permanendo. Alii per tabernaculum intelligunt Ecclesiam. Sed quum homines sancti sint Ecclesia, non apparet proprie dictum quod Ecclesia erit cum hominibus : nisi intelligatur quod Ecclesia quæ dudum jam fuit triumphans, de cetero tunc erit cum hominibus electis qui usque ad finem mundi in hoc mundo militantes fuerunt, et tunc ad supernorum civium consortium assumuntur. Postest itaque sic exponi : Ecce tabernaculum, id est habitatio Dei, seu locus cœlestium deliciarum in quo habitat Deus, scilicet empyreum cœlum, erit perpetuo cum hominibus, qui tunc omnes simul ascendent ad patriam, quam nunquam amittent.

Et habitabit cum eis, id est, per dona gloriæ in æternum cum ipsis et in ipsis manebit, sicut pater cum filiis, dominus cum ministris, magister cum discipulis, defensor in gyro suorum. *Et ipsi populus ejus erunt*, id est, Deo suo familiares atque carissimi erunt : quibus nil erit quod Deo eorum displiceat; in quibus valde

Ps. cxlix, 4.

beneplacitum erit eidem. In quo scilicet populo plene complebitur illud Sophoniæ : Gaudebit super te Dominus in lætitia, silebit in dilectione tua, et exsultabit super te in laude. *Et ipse Deus cum eis erit eorum Deus* : id est, Deus omnipotens, qui solus est verus Deus, et per creationem ac generalem præidentiam est communiter omnium Deus, erit singularissimo modo Deus istorum : ita quod ei tota mente integerrime inhærebunt, incessanter eum adorabunt, colent, laudabunt, eritque ab eis perfecte dilectus at-

Soph. iii, 17.

que possessus. Unde de re maxime cara et jugiter cogitata dicitur, quod sit deus taliter eam amantis et cogitantis.

Et absterget Deus omnem lacrimam ab oculis eorum. Perfecta enim beatitudo omnem excludet ab eis miseriam, omnem mali admixtionem, omnem pœnam et occursum contrarium. *Et mors non erit ultra* in eis, quia nec mors naturæ, nec culpæ, neque miseræ. In inferno quoque non erit mors naturæ, videlicet separatio animæ a corpore. *Neque luctus*, pro quacumque causa, *neque clamor*, ex dolore proveniens, vel ex desiderio aliquid obtinendi. Erit tamen ibi, secundum quosdam, laus vocalis. *Neque dolor*, quia nec dolebunt dolore afflictivo de suis peccatis. *Quæ prima abierunt*, id est, mala ista pœnalia in præcedenti vita fuerunt, et finem ceperunt.

4

Et dixit qui sedebat in throno, id est Deus æternus, unus et trinus, in empyreo residens cœlo : *Ecce nova facio omnia*, id est, terram et cœlum ac corpora electorum jam innovo, melioraque facio. Et tunc nova faciet Deus omnia, de quibus et Christus prædixit : Ego si exaltatus fuero a terra, omnia traham ad me ipsum. *Et dixit mihi Deus per angelum : Scribe hæc omnia et verba sequentia*, utpote, *Hæc verba fidelissima et vera sunt*, quia non solum neminem fallunt, verum credentes ad summam felicitatem perducunt.

5

Joann. xii, 32.

Et dixit mihi : Factum est, id est, nunc impletum est quod a principio mundi de finali retributione bonorum atque malorum cœpit prædici. *Ego sum Alpha et Omega, initium et finis.* Hoc semel dictum et expositum fuit. *Ego sitiienti*, id est his qui in vita præsentī esuriunt sitiuntque justitiam, et veram salutem desiderant, id quoque præcipue sitiunt ut Deus in omnibus honoretur, *dabo de fonte aquæ vivæ*, id est, ex opulentia mea liberalissima et immensa, quæ omnis boni origo est, infundam dona gloriæ consummata; et ex sapientia mea fontana illi

6

Apoc. i, 8.

Matth. v, 6.

sapientiae rivos immittam. Fons ergo est ipsemet Deus ditissimus, et aqua viva est sapientia ejus beatificans et beata. Haec itaque dabo *gratis* : non sic gratis, quod sine meritis; sed gratis quantum ad meritum radicem : quoniam gratiam gratum facientem, quae merendi est causa, sine meritis dedi, et quia ultra condignum remunerero, et quia omnia electorum merita, mea sunt dona. Ideo dicit Apostolus : Gratia Dei vita aeterna. Quod autem non sine bonis operibus istud praestetur adultis, docet subdendo : *Qui vicerit, possidebit haec*, id est, qui adversariis suae salutis, tentamentis diaboli, concupiscentiis carnis, vanitatibus mundi, inordinatis motibus animi, omni quoque peccato mortali efficaciter restiterit ac praevaluerit, tantum praemium consequetur. Non enim coronatur nisi qui legitime certaverit. *Et ero illi Deus*, id est, singulari providentia eum custodiam, *et ipse erit mihi filius*, id est valde dilectus, et per virtutes ac dona Spiritus Sancti specialiter assimilatus, in futuro autem per dona gloriae plenius conformatus.

Ecce quam dulcia sunt omnia verba haec, et quam dignanter ac amorese hortatur nos Deus ad bene agendum, tanta bona se redditurum promittens. Itaque benevolentiae ejus conemur esse veraciter grati. Quid autem nobilius quam esse filium Dei? Hinc in sua epistola scribit Joannes : Nunc filii Dei sumus, et nondum apparuit quid erimus; scimus quia quum apparuerit, similes ei erimus, quia videbimus eum sicuti est.

Timidis autem timore inordinato, mundano, carnali, aut etiam pure servili, qui corporalia mala et damna terrena magis timent quam Deum amittere et salutem, qui plus hominem verentur quam Deum, et arctam viam salutis arripere trepidant, *et incredulis*, qui fidem non habent catholicam, sicut haeretici, pagani, Judaei, *et execratis*, id est excommunicatis seu execrabilia peccata agentibus, ac recidivantibus, *et homicidis* voluntate seu opere :

A nam et qui odit fratrem suum, homicida est, secundum Joannem; *et fornicatoribus*, id est, omnibus vitiose concumbentibus : nam et vehemens conjugis amator, adulter est coram Deo; *et veneficis*, id est sortilegis, magis, infectoribus, maleficis; *et idololatris* : quibus, secundum Apostolum, similes sunt avari, imo et omnes qui magis inhærent creaturae quam Creatori; *et omnibus mendacibus* mendacio pernicioso seu consuetudine mentiendi : nam et venialia per consuetudinem fiunt mortalia; *pars*, id est retributio, *illorum erit in stagno ardenti igne et sulfure*. Quod expavescendum est magis quam exponendum. Etenim quam pauci sunt qui nulli horum subjacent vitiorum! *Quod*, scilicet poenam hanc pati, *est mors secunda*, id est infernalis miseria pro culpa inflicta; vel, Quod stagnum, est mors secunda effective, quia inducit hanc calamitatem.

Et venit ad me unus de septem angelis habentibus septem phialas plenas septem plagis novissimis. De angelis istis, qui sint et quid designent, quid etiam per septem phialas et per septem plagas novissimas intelligi debeat, dictum est supra. *Et locutus est mecum*, imo intra me, sicut in imaginariis visionibus fieri solet, *dicens* : *Veni*, non corporaliter procedendo, sed mentaliter advertendo, *et ostendam tibi sponsam uxorem Agni*. Quidam hoc loco per sponsam uxorem Agni, intelligunt militantem Ecclesiam. Sed in sequentibus multa dicuntur quae Ecclesiae militanti non congruunt, sicut in proseguendo tangetur, et nunc modice tangam. Nam de civitate hac sequitur : Non intrabit in eam aliquid coinquatum; et nox ibi non erit; et civitas non eget sole neque luna; et templum non vidi in ea. — Dicendum itaque, quod in isto loco usque ad finem voluminis describitur status et excellentia, pulchritudo et dignitas triumphantis Ecclesiae, quae vero est uxor Christi. Nam et de statu Ecclesiae militantis et persecutionibus ejus, de finali quoque judicio et reproborum damnatione aeterna, dictum est

Rom. vi, 23.

7

II Tim. ii, 5.

I Joann. iii, 2.

8

I Joann. iii, 15.

Ephes. v, 5; Coloss. iii, 5.

Rom. i, 25.

9

In Apoc. xv, 1, 7; xvi passim.

vers. 27, 25, 23, 22.

supra. Nunc ergo in speciali tractatur de A conditionibus Ecclesiae triumphantis. Et sicut in principio capituli septimidecimi unus de septem angelis memoratis ostendit Joanni damnationem civitatis diaboli, scilicet Babylonis; ita nunc perhibet unum de septem angelis illis sibi monstrasse beatitudinem civitatis Dei Jerusalem illius coelestis.

10 *Et sustulit me in spiritu*, id est secundum imaginariam representationem et spiritualem ostensionem ac elevationem: juxta quem modum ait Ezechiel se translatum de Babylone in Judæam in visionibus Dei; *in montem magnum et altum*. Sic enim imaginarie videbatur Joanni. Nec tamen decipiebatur, quoniam angelo eum docente intellexit quid imaginaria illa visio designaret. Nempe per montem magnum et altum intelligitur Christus, cui innititur Ecclesia militans et triumphans, vel certe cælum empyreum, quo in loco Ecclesia triumphans locatur. Quaecumque autem personam dicatur hic angelus Joannem sic ferens ac instruens designasse, angelus iste realiter fuit angelicus spiritus in Christi persona apparens, atque de omnibus his Joannem informans, quemadmodum jam supra patuit, et infra innotescet. Verumtamen angelus iste diversarum personarum effigiem representavit Joanni interius. Et juxta hoc, quasi a diversis dicit Joannes sibi quædam ostensa.

Insuper intuendum, quod verba S. Joannis in his duobus capitulis ultimis, præsertim in isto, consonantiam magnam habent cum his quæ in ultima visione beati Ezechielis de civitate et templo leguntur. Nam et ipse Ezechiel quadragesimo libri sui capitulo, visionem illam incipiens, asserit se in montem excelsum adductum, in quo erat quasi ædificium civitatis. Verumtamen sensus in pluribus est distinctus. Quæ enim ibidem descripta sunt, de Ecclesia militanti a catholicis patribus exponuntur, ista vero, de Ecclesia triumphanti. In aliquibus tamen sensus coïncidit.

Et ostendit mihi civitatem sanctam Jerusalem, descendantem de cælo. Hæc verba sunt nunc in hoc ipso articulo explanata. Itaque supernam Jerusalem triumphantem Ecclesiam ostendit Joanni, non sicut ipsa in se est, sed sub similitudinibus corporaliū rerum, scilicet magnæ civitatis, sicut infra describit. *Habentem claritatem Dei*, id est divinæ et increatæ lucis copiosissima participatione perfusam. Fulgebunt enim justi sicut sol in regno Patris eorum. Incircumscriptionem quoque illud supersplendidissimum lumen clara acie facialiter contemplantur. Electi itaque in anima et corpore inæstimabili claritate erunt repleti. Potest etiam specialiter claritas ista lumen gloriæ accipi, per quod ad divinæ essentiæ beatificam visionem immediate disponuntur.

Et lumen ejus simile lapidi pretioso. Hoc dupliciter intelligi potest: Primo, quod lumen ejus, id est Christus, qui est lumen Ecclesiae triumphantis, lumen utique objectale, quod ipsa jugiter intuetur, et efficientiale, a quo feliciter illustratur, est simile lapidi pretioso, quoniam Christus in Scripturis frequenter lapis angularis et pretiosus vocatur. Secundo, quod lumen ejus, id est præfata claritas participata Ecclesiae triumphantis, assimilatur lapidi pretioso, utpote Christo, quia per claritatem illam Christo tanquam capiti conformatur. *Tanquam lapidi jaspidis*, id est, lumen illud ob suam deliciositatem, vigorem et venustatem, jaspidi est conforme. Jaspis namque sua viriditate pulcherrima visum valde delectat atque confortat, estque grandis vigor et firmitas lapidis hujus. Unde tam Christus quam claritas participata Beatorum, jaspidi assimilantur idonee. *Sicut crystallum*, id est, lumen istud etiam assimilatur crystallo. Nam sicut crystallum, purum, clarum atque perspicuum est seu transparens, ita et claritas ista Sanctorum mundissima est, et per eam habetur clarissima Dei cognitio; se invicem quoque penetrant intelligendo.

Et habebat murum magnum et altum.

Apoc. xvii,
1.

vers. 2.

41

Matth xiii,
43.

Ezech. xl,
2.

1 Petr. ii, 6.

Ibidem.

42

Per quem inexpugnabilis Dei protectio ac A securissima ejus custodia, qua supernam Jerusalem ambit et protegit, designatur; vel ipsemet Christus, seu Trinitas Deus
Is. xxvi, 1. illam defendens, juxta illud Isaïæ: Salva-
Ps. cxxiv, 2. tor ponetur in ea murus et antemurale; et in Psalmo: Dominus in circuitu populi sui. Christus autem magnus est et altus, quia immensus et incomprehensibilis ac superexaltatus secundum quod Deus. Imo, de eo etiam secundum quod homo, prædictum est: Hic erit magnus. Præterea advertendum, quod templum Ezechielii os-
Luc. i, 32. tensum, cingebatur triplici muro: quia
In Ezech. xl, 5. Ecclesia militans triplici indiget protectione, videlicet divina, angelica, et humana, per prælatos et principes ejus. Triumphans vero, divina protectione eget dumtaxat. *Habentem portas duodecim.* Per quas duodecim Patriarchæ, itemque duodecim Apostoli insinuantur, quorum exempla, fidem, doctrinam sequendo, cœlestem Jerusalem introimus. Eorum quoque patrocínio quasi per portas patet nobis ingressus ad vitam æternam. Rursus, duodecim portæ sunt observationes decem præceptorum Decalogi, et duorum caritatis Dei ac proximi.

Et in portis angulos duodecim. Per quos ceteri prædicatores, doctores, prælati sumuntur, qui instar angulorum parietes nectentium plures spiritualiter copulant mentis dilectione, concordia et doctrina: qui omnes Apostolis innituntur, idcirco in portis esse feruntur. *Et duodecim nomina scripta, quæ sunt nomina duodecim tribuum filiorum Israel.* Per nomina duodecim tribuum filiorum Israel, intelliguntur universi electi veteris Testamenti; imo et omnes prædestinati, qui per dona gratiæ filii Patriarcharum vocantur: qui in portis duodecim scripti sunt, quoniam Patriarcharum seu Apostolorum virtutibus inhærendo et doctrinis, ingressi sunt, intrant, aut introibunt regnum cœlorum.

13

Ab oriente portæ tres, ab aquilone portæ tres, ab austro portæ tres, et ab occasu portæ tres. Idcirco civitas ista visa est

versus quamlibet principalium terræ plagarum tres portas habere, quia de quatuor partibus mundi multi conversi sunt, atque in fide superbenedictæ Trinitatis salvati, quemadmodum Isaïas prædixit: Ecce isti de longe venient, et ecce illi ab
Is. xlix, 12. aquilone et mari, et isti de terra australi. Christus quoque in Evangelio: Multi ab
Matth. xiii, 11; Luc. xiii, 29. oriente et occidente, ab austro et aquilone venient, et recumbent cum Abraham et Isaac et Jacob in regno cœlorum. Ideo quoque versus quamlibet plagam tres portæ consistunt, quia ex omni parte quidam salvantur in statu incipientium, quidam in statu proficientium, quidam in statu perfectorum, omnes quoque per tres virtutes theologicas ingrediuntur ad regnum.

Et murus civitatis habens fundamenta duodecim, et in ipsis duodecim nomina duodecim Apostolorum et Agni. Hoc quod dicitur, Et in ipsis duodecim nomina duodecim Apostolorum, asserit Berengandus expositorium esse ejus quod præmittitur: Et murus civitatis habens fundamenta
 14
 duodecim. Unde, secundum eum et Bedam, ista duodecim fundamenta sunt duodecim Apostoli, qui alia et alia ratione dicuntur portæ et fundamenta. Nam portæ dicuntur, ob rationem præhabitam; fundamenta vero, quia catholicam fidem primo prædicaverunt, et in ea alios fundaverunt. Ipsi quoque tanquam robustissimi alios super se portaverunt, eorumque imbecillitatem sustentaverunt. Alii per fundamenta duodecim accipiunt duodecim Patriarchas, qui primi hanc fidem tenuerunt: in quibus scripta fuerunt nomina Apostolorum et Agni, quia fuerunt Apostolorum et Salvatoris figuræ, et prænuntiatores Christi. Rursus, nonnulli per duodecim fundamenta intelligunt duodecim articulos fidei, quorum cognitio est fundamentum seu inchoatio cognitionis perfectæ quæ habetur in patria: in quibus articulis scripta sunt nomina duodecim Apostolorum, quia hanc fidem primitus publicaverunt; et Agni, id est nomen Christi, quia objectum articulorum fidei

Christus est, quum aliqui sint de ejus humanitate, aliqui de divinitate.

Præterea advertendum, quod licet sit unum primum ac principale seu universale fundamentum Ecclesiæ, scilicet Christus, dicente Apostolo, Fundamentum aliud nemo potest ponere, præter id quod positum est, quod est Christus Jesus; plura tamen sunt fundamenta secundaria particularia: de quibus cantamus, Fundamenta ejus in montibus sanctis. Sed et Christus secundum quod homo, est fundamentum instrumentale; verum ut Deus, est fundamentum per auctoritatem, fundamentum utique fundans, non fundatum. Sicque tota supergloriosa Trinitas est unum summum Ecclesiæ militantis ac triumphantis fundamentum, cui cuncti innituntur electi.

15 *Et qui loquebatur mecum, scilicet angelus in Christi persona apparens et loquens, habebat mensuram arundineam auream, id est arundini similem, ut metiretur civitatem, et portas, et murum ejus.* In hoc angelus repræsentavit Christi personam, qui omnium merita discutit et mensurat, et singulis electorum in patria præmium donat juxta meriti sui proportionem, mensuram et qualitatem. Itaque per mensuram arundineam auream, intelligitur sapientialis justitia, seu justa sapientia Christi, judicis et remuneratoris universorum: qui per sapientiam suam omnia in numero, pondere et mensura constituit, omniumque merita pensans, quantum de præmio dandum sit, inspicit. In visione quoque Ezechielis angelus visus est habere in manu funiculum lineum et calamum mensuræ. Sed quum per murum civitatis istius ipsemet Christus, seu divina protectio intelligatur, quomodo murus ejus mensurari asseritur, nisi quod Deus se ipsum secundum certum determinatumque modum applicat unicuique electorum secundum exigentiam meritorum?

16 *Et civitas in quadra posita est, id est quadrangularis in situ, seu in quadra*

A æquilatere, ita quod in longo et lato ejusdem seu paris est quantitatis. Ideo subditur: *et longitudo ejus tanta est quanta et latitudo.* Eodem modo templum Ezechielis situatum describitur. Per quod nunc designatur firmitas atque stabilitas Beatorum in Deo, ita quod nec averti, nec concuti, nec cadere queunt, sicque habent se instar quadrati, quod, quocumque vertatur, permanet fixum; itemque quod nihil distortum, inæquale, seu disproportionatum invenitur in patria, nec aliquid B incircumcisum, sed polita et recta ibi sunt omnia. Rursus, per quadraturam istam insinuatur, quod per contemperaturam quatuor virtutum cardinalium, et per doctrinam quatuor Evangelistarum, ad patriæ beatitudinem pervenitur. Imo et in Beatis virtutum cardinalium permanet quadratura quantum ad actus aliquos. Quælibet nempe earum duos actus sortitur. Nam, secundum Albertum, primus prudentiæ actus est, præcavere insidias, qui non manet in patria; alius, nihil Deo præponere vel C æquare, qui manet in ea. Primus quoque temperantiæ actus est, noxias delectationes reprimere, qui ibi non manet; secundus, nullo motu noxio delectari, qui manet. Primus autem fortitudinis actus est, molestias fortiter ferre, quem certum est in patria non manere; alius, Deo fortiter adhærere, qui permanet. Postremo, primus actus justitiæ ponitur, proximo subvenire, qui ibi non manet quantum ad eos qui ibi sunt, vel post diem judicii; secundus, Deo regenti subditum esse, qui D manet. Per longitudinem vero civitatis, intelligenda est perfectio virtutum ad vim intellectivam pertinentium, per latitudinem perfectio virtutum ad vim affectivam spectantium; vel per longitudinem contemplatio, per latitudinem dilectio: et ista æqualia perhibentur. Quo enim Beati Deum clarius contemplantur, eo ipsum ferventius amant, et econtrario: sicque amor affectus æquatur notitiæ intellectus.

Et mensus est civitatem, scilicet spatium ejus, [de arundine aurea] per stadia

I Cor. iii, 11.

Ps. LXXXVI, 1.

Sap. xi, 21.

Ezech. xl, 3.

Ezech. XLVIII, 16.

duodecim millia. Per quod amplitudo et magnitudo cœlestis Jerusalem designatur : non quod cœli empyrei spatium hac mensura stringatur ; sed per minus intelligitur majus, et per determinatum, indeterminatum, sicut superius sæpenumero per septenarium universitas significatur. Unde, quemadmodum spatium civitatis hic descriptum, vehementer excedit consueta urbium spatia ; ita his verbis insinuatur, quod patria electorum omnem locum viatorum quasi incomparabili capacitate et mole transcendit : nec solum capacitate et mole, sed et omnium bonorum affluentia, gaudio et decore, secundum illud Baruch propheta : O Israel, quam magna est domus Dei, et ingens locus possessionis ejus ! Magnus et non habens finem, excelsus et immensus. Hinc etiam civitas ista multo major describitur, quam illa de qua Ezechiel vaticinatur. Illa enim est habitatio viatorum, et secundum quosdam, habet in gyro triginta ; hæc vero habet in ambitu, ut affirmant, quadraginta octo millia stadia : nam et duodecim millia stadia de quibus littera loquitur, referuntur ad unum latus præfati quadrati.

Longitudo et latitudo et altitudo ejus æqualia sunt. Qui ista de Ecclesia militanti exponunt, per longitudinem intelligunt fidem, quæ facit credere præterita, præsentia et futura ; per latitudinem vero, caritatem, quæ ad omnia se extendit ; per altitudinem autem, spem, quæ erigit ad superna. Hæc tria æqualia sunt in viatore, non in dignitate, quum major horum sit caritas, sed in profectu seu incremento et operatione : quo enim quis amplius crescit in una harum virtutum, eo magis et in aliis duabus, loquendo de fide formata et spe viva. Sed quia de Ecclesia triumphanti exponenda sunt hæc, per tria ista intelligendæ videntur tres dotes animæ glorificatæ, virtutibus theologicis succedentes : ut per longitudinem intelligatur beatifica visio, quæ cuncta attingit ; per latitudinem, beata fruitio ; per altitudinem, tentio, qua intus tenetur Al-

tissimus. Quod autem hic dicitur de altitudine civitatis, quantum ad imaginariam pertinet visionem, non de altitudine murorum, sed spatii sumitur : cujus altitudo accipitur secundum montis ascensum, in quo civitas ista visa est sita, sicut jam dixit : Sustulit me in montem magnum et altum. Sicque altitudo montis est duodecim millium stadiorum, quemadmodum longitudo spatii et latitudo ipsius.

Et mensus est muros ejus centum quadraginta quatuor cubitorum, scilicet in altitudine. Et quamvis unus visus sit murus, nunc tamen pluraliter loquitur, Muros, propter quatuor latera ejus. Totus enim murus videbatur quadratus æquilaterus. Et per murum istum in altitudine, stabilis perfectio sanctæ illius civitatis exprimitur. Nam computus iste quadraturam duodenarii comprehendit, eo quod duodecies duodeni, centum quadraginta quatuor faciunt, qui est numerus quadratus, resultans ex ductu duodenarii in se ipsum. Idcirco designat securitatem et stabilitatem felicitatis supernæ : nam corpus quadratum, ut tactum est, stat firmiter in quolibet latere. Propter quod primo Ethicorum virtuosus comparatur quadrato : In omni eventu, virtuosus in ratione et virtutum medio perseverat. *Mensura hominis quæ est angeli :* id est, sic mensurantur merita et præmia hominum, sicut et angelorum. Vel sensus est, quod æqualis erit beatitudo angelorum et hominum, sicut loquitur Christus : Erunt sicut angeli Dei in cœlo. His ergo verbis innuitur, quod ad angelorum ordines homines assumuntur, et una est omnium beatitudo ex parte objecti, quæ per denarium diurnum omnibus operariis datum exprimitur. Omnes enim facie ad faciem vident Deum.

Et erat structura muri ejus ex lapide jaspide. Totus itaque murus videbatur ex lapidibus hujuscemodi factus : et rite. Per murum enim, ut dictum est, Christus seu ejus protectio designatur. Christus autem jaspidi assimilatur, ut dictum est sæpe,

Baruch III,
24, 25.

Cf. Ezech.
XLV, 6; XLVIII,
16.

I Cor. XIII,
13.

vers. 10.

17

Matth. XXII,
30.

Ibid. XX, 9,
10.

I Cor. XIII,
12.

18

quoniam sicut jaspis sua viriditate decora A visum oblectat et roborat, sic Christus omnibus contemplantibus eum delectabilis est, et confirmativus eorum in bono. *Ipsa vero civitas aurum mundum simile vitro mundo.* Civitas ista est universitas Beatorum : qui aurum mundum vocantur, quia in omnibus caritatis fervor sine omni peccati macula dominatur. Estque aurum hoc simile vitro mundo, quoniam caritatis fervori adjunctus est præclarissimus sapientiæ splendor, ita quod Beati instar vitrorum sibi mutuo patent seu cogniti sunt. Et sicut vitrum lumine penetratur, sic Sancti in patria intus et foris divinæ lucis participatione implentur, imo cogitationes suas alterutrum intuentur, secundum Augustinum.

49

Fundamenta muri civitatis omni lapide pretioso ornata. Fundamenta ista, ut dictum est, sunt ipsi beati Apostoli : qui omni lapide pretioso ornantur, quia cunctis virtutibus decorantur. — *Fundamentum primum, jaspis* : id est, primus lapis pretiosus fundamentorum istorum est jaspis, utpote virtus per jaspidem designata. Per quam caritatem intelligo, qua nihil est dulcius, et mentem vehementer oblectat et confortat in Deo, sicut jaspis oculos exhilarat et confortat. — *Secundum* (vel, ut alii dicunt, *Secundus*), *sapphirus* : id est, secundus ornatus fundamentorum supernæ Jerusalem est virtus per sapphirum signata, videlicet donum sapientiæ. Nunc enim nomen virtutis communiter sumitur, nec condistinguitur dono. Quemadmodum enim sapphirus cœliformem habet D colorem, sic Sancti in patria, per sapientiam istam quæ donum est, angelicis mentibus comparantur. Rursus, sicut sapphirus corpus humanum vegetat et membra consolidat, sic sapientiæ donum spiritum nutrit, et vires ejus in Deo defigit. Iterum, sicut sapphirus tactus radiis solis, ardentem ex se mittit fulgorem, sic sapientia Beatorum tacta et perlustrata radio Solis æterni, mox cum fervore splendiflue tendit in Deum.

T. 14.

Tertium, chalcedonius : id est, tertius horum ornatus est virtus nomine chalcedonii propter proprietatum similitudinem designata, videlicet donum intellectus. Quemadmodum enim chalcedonius pallidi est coloris et fortissimæ resistantiæ, ita ut in eo sculpere quis difficillime queat ; sic donum intellectus, quo ea quæ fidei subsunt, acute atque subtiliter penetrantur, præsertim in patria, omni argumento quod fidei contrariatur, fortissime reluctatur. Verumtamen, quoniam ea B quæ cadunt sub fide, nulla mens creata plene comprehendere potest, donum intellectus quasi pallenti lapidi assimilatur, non plenarie rubeo atque totaliter claro ac splendido.

Quartum, smaragdus. Per smaragdum intelligo donum consilii. Quemadmodum enim smaragdus eximiæ viriditatis et pulchritudinis est, in tantum ut ea quæ circa se sunt, sua viriditate afficiat, imo et aërem ex repercussione virescere faciat, nulla que gemma gratior oculis (nam et herbas sua superat viriditate) ; sic donum C consilii in se ipso decorum atque suave est, et aliis se diffundit, eorumque mentes sua afficit directione. Per donum quoque consilii homo fit aliis valde acceptus, imo gratissimus. Melius enim vincit homo consilio quam fortitudine. Denique, sicut hic lapis valet contra morbum caducum, sic donum consilii præcipue tollit peccati ruinam. — De hoc lapide Augustinus et Beda atque Isidorus multa pulchra conscribunt. Plura enim ejus sunt genera. Et tellus D qua nobiliores smaragdi nascuntur, locuples est, sed inhabitabilis. Nempe quum auro et gemmis abundet, gryphes omnia tenent, aves ferocissimæ, vel potius feræ volantes. Sunt enim quadrupedes, et corpore quidem leonibus, capite vero et alis aquilis simillimæ. Arimaspi cum his dimicant, qui uno oculo in fronte medio feruntur insignes, ut accipiant hos lapides, mira cupiditate et feris custodientibus et Arimaspis eos rapientibus.

Quintum, sardonys. Lapis iste candidus

20

perhibetur, in rubeum colorem parumper A
declinans. Ejus tamen multa sunt genera. Nam alius rubeus fertur; alius bicolor, ut dictum est; alius triformiter coloratur, primum habens nigrum, medium candidum, superius rubeum: et iste est pretiosior. Per quem donum fortitudinis designatur: quæ inter adversa et prospera permanet fixa, et in martyrio stabilit mentem; in patria vero solo candore ornatur, quia circa tristia et læsiva non occupatur. Et sicut sardonyx humilem efficit et pudicum, ita per fortitudinem animositas et carnalitas superantur, ita quod homo humilis atque pudicus efficitur. — *Sextum, sardius*. Sardius, secundum Bedam, ex integro sanguinei seu rubei est coloris: tamen secundum Berengandum, pro eo quod in rufinum colorem aliquantulum declinare videtur, paululum obscuratur. Per quem donum scientiæ insinuat: quæ per hoc quod facit mentem cum gustu perpendere quod in nulla re creata statuendus est ultimus finis, eo quod illa in se sit deficiens et caduca, ad sapientiæ fulgorem propinquat, increatiquæ boni amore spiritum afficit. Verumtamen, quia non immediate circa increatum objectum, sed circa creatum versatur, quia de rebus creatis dat bene et connaturaliter judicare; hinc a puritate auri-formis rubeique coloris parumper occumbit, et splendore sapientiæ minor est. Et sicut sardius pellit timorem, et gaudium parit atque accendit; sic donum scientiæ tollit timorem perdendi terrena, accenditque gaudium in contemptu eorum et in amore cœlestium.

Septimum, chrysolithus. Gemma hæc tota aurei est coloris, et ardentes videtur scintillas diffundere; confortat insuper intellectum, et timores expellit nocturnos. Quo enim ratio amplius confortatur, eo passiones magis sedantur. Per quam donum pietatis intelligo: quæ facit hominem inter proximos quasi aurum acceptum et carum; facitque eum ad alios liberalem sive benevolum, ita quod af-

fectiones scintillantes diffundit. Meretur quoque specialem illuminationem et confortationem a Deo. — *Octavum, beryllus*. Beryllus eximiæ claritatis est, cæruleum habens colorem admixtum, secundum Berengandum. Et secundum Bedam, sic est quasi consideres aquam solis fulgore percussam, rubicundum ac decorum exhibere colorem. Facit quoque in bello invictum, et mitem efficit ac benignum. Per quem donum timoris congrue designatur. Filialis etenim, castus, sanctusque timor, B præclaræ est sinceritatis, et in spirituali pugna facit invictum: quia in tantum facit hominem Dei offensam vitare, quod mallet mori quam Deum inhonorare, sicque mansuetum ac benignum constituit animum.

Nonum, topazius. Gemma hæc pretiosissima omni fulget colore. Duo tamen colores, videlicet aureus et aerius, in ipsa abundant: quæ quum solis radio tangitur, jubar suum undique spargit, omniumque gemmarum superat claritatem, in suum C adspectum præcipue trahens adstantes. Hæc gemmarum amplissima est, et regibus adeo cara ut ea nil carius inter divitias suas habere se reputent. Valet demum contra iram atque lunaticam passionem. Per quam justitia designatur: quæ est præclarissima virtus, et non est lucifer nec hesperus tam admirabilis; quæ lucem suam circumquaque diffundit, omni quoque virtutum decore splendescit, præsertim aureo et æthereo, quoniam Dei et proximi dilectionem præcipue respicit. Hæc D quo purior ac perfectior fuerit, eo sanis oculis delectabilior comprobatur. Quam reges et omnes qui præsunt, maxime debent diligere, et opibus cunctis præferre. Quæ etiam in Beatis præcipue locum habet: nam ipsi demum plenam implent justitiam, reddentes cuique quod suum est, et Deo se ipsos totaliter. Per quam et viatores inquietudines animæ vitant. — *Decimum, chrysoprasus*. Lapis hic viridis est coloris, et hinc inde quasi aureis guttulis est distinctus, et valet contra lepram.

Per quem prudentia, quæ cardinalis est virtus contra dona sapientiæ et scientiæ condistincta, accipitur. Suo namque virore in agendis mentem perfundit, et aliis floridam exhibet. Aureo quoque ornatu passim fulcitur, dum ad ultimum finem dirigit humanos actus : quod faciendo, cordis pellit putredinem, ne terrenorum contactu quasi leprosum, infectum et corruptum reddatur.

Undecimum, hyacinthus. Hyacinthus cærulei fertur coloris. Et, ut ait Berengandus, sereni cœli habet colorem, sicut sapphirus; sed ille maculas habet, istius autem pulchritudo maculis non deformatur. Lucet ut purpura, sed non semper æqualiter rutilat, quia cum facie cœli mutatur. Nam in sereno perspicuus est et gratus, in nubilo autem obscurus. Qui pretiosus et bonus est valde, dat membris vigorem, et salutiferum facit saporem. Per quem virtus latriæ designatur. Hujus namque virtutis actus perfectissime insunt Beatis, qui laudi et cultui Dei indesinenter cum tota mente sine interruptione insistant, quia divino lumine incessabiliter perfunduntur : quo si carerent, protinus rutilare cessarent. Sed et actibus latriæ Beati dulcissime reficiuntur, et sine interpolatione inenarrabiliter oblectantur. — *Duodecimum, amethystus.* Lapis iste triformi ornatur colore, roseo, violaceo atque purpureo, et parvulas flammæ fundit, facitque vigilem, et malam pellit cogitationem. Per quem Beatorum in patria plenissima castitas explicatur : quia ut ait Salvator, non nubent neque nubentur, sed angelicæ sunt munditiæ. Et quoniam castitati eorum fervor divini amoris et humilitatis profunditas sunt adjuncti, quasi triplici fulget decore, nec cogitationem admittit impuram.

Ista de lapidum horum mystica expositione utcumque prolata pie sumantur. Alii enim aliter eos interpretantur, quorum melioribus dictis ista non derogant.

Consequenter agitur de materia et ornamento portarum : quod tamen spiritu-

A aliter est sumendum. *Et duodecim portæ muri civitatis supernæ, duodecim margaritæ sunt per singulas*, id est, quum portæ istæ existant duodecim, in qualibet earum præfati duodecim pretiosi lapides habentur : quia ut dictum est, in quolibet Apostolorum (qui portæ sunt civitatis istius) virtutes his margaritis expressæ, excellenter reperiuntur. *Et singulæ portæ erant ex singulis margaritis.* Si singulæ portæ erant ex singulis margaritis, quomodo in unaquaque fuerunt duodecim margaritæ? Itaque, secundum Berengandum et Albertum, istud secundum litteræ superficiem stare non valet. Idcirco dicendum, quod licet in unoquoque Sanctorum præfata sint ornamenta virtutum, in quolibet tamen aliqua emicat virtus, a qua et specialiter commendatur ac nominatur, juxta illud quod de quolibet eorum cantatur : Non est inventus similis illi. Ideo singulæ portæ ex singulis margaritis constare dicuntur. *Et plateæ civitatis aurum mundum tanquam vitrum pellucidum.*

C Hoc et de civitate jam dixit, atque expositum est. Unde hoc loco, ut aliqua assignetur distinctio, per plateas civitatis cœlestis Jerusalem intelligi possunt inferiores et subditi, et qui per vias aliquantulum latiores ambulaverunt, contenti observantia mandatorum, non ingressi semitas consiliorum strictiores. Ad insinuandum ergo quod hi quoque ad patriæ beatitudinem conducantur, atque ibidem caritatis fervore ac splendore sapientiæ, seu mentis et corporis glorificatione splendent, dictum nunc est quod plateæ civitatis, scilicet inferioris gradus ac meriti homines, similes sunt auro puro ac vitro pellucido.

Et templum non vidi in ea, id est materialem locum ad offerendum Deo orationes ac sacrificia pro peccatis. Templum nempe est locus orationis et sacrificiorum hujusmodi. Beati autem in patria, præsertim post finale judicium, secundum quod nunc agitur de civitate superna, omni malo carebunt, omnique bono pleni erunt;

nec tunc deprecabuntur pro aliis, nec sacrificia offerent pro peccatis : ideo materiale templum ibi non erit. Nihilo minus tota Ecclesia illa triumphans, templum et domus Dei spiritualiter erit, quoniam unusquisque in mente sua Deo sacrificium laudis exhibebit æternæ. *Dominus enim Deus omnipotens templum illius est :* quia in ipso tanquam in beatificante * ob-
 * alius beatificationis
 jecto æternaliter conquiescunt. Ipse ergo habitabit in eis, dona gloriæ influendo dataque conservando; et habitabunt in eo, in cunctis actibus suis in ipso finaliter quiescendo. *Et Agnus.* Nam Christus secundum quod Deus, unum et idem templum eorum est cum Patre et Spiritu Sancto, sicut et unum felicitatis objectum. Porro secundum naturam assumptam, est præcipuum præmii accidentaliter objectum. Nam ejus humanitate reficientur exterius : et quantum ad hoc, quiescent et commorabuntur in ipsa.

23

Et civitas non eget sole neque luna, id est, illustratio luminarium cœli non erit necessaria beatificatis in patria, quum corpora eorum clariora sunt illis futura. Ideo subditur : *nam claritas Dei illuminabit eam,* scilicet, increata lux Dei efficienter, et claritas ab ipso Beatis communicanda illuminabit eam instrumentaliter atque formaliter, *et lucerna ejus est Agnus.* Lucerna non est lumen, sed luminis contentiva : ita et Christus ut homo, non substantialiter lux est, sed receptaculum ac retinaculum lucis præcipuum. In ipso namque habitat plenitudo divinitatis corporaliter. Quoniam ergo humanitatis Christi claritas post increatum lumen omnibus Sanctis maxime refulgebit, virtute divinæ immensæque lucis in ea manentis atque per ipsam micantis, Agnus merito lucerna cœlestis Jerusalem nuncupatur. — His autem verbis, et ceteris quæ subduntur, consonant quæ apud Isaiam scripta sunt : Non erit tibi sol amplius ad lucendum per diem, nec splendor lunæ illuminabit te; sed erit tibi Dominus in lucem sempiternam, et Deus tuus in gloriam tuam.

Coloss. II, 9.

Is. LX, 19.

Et ambulabunt gentes in lumine ejus : quia sicut electi nunc vivunt in lumine fidei ipsius Ecclesiæ militantis, et in Christo, qui est lumen fidelium; ita in patria ambulabunt, agent, vivent, atque in Deum se jugiter erigent, et erecti manebunt in lumine Ecclesiæ triumphantis. Corporaliter quoque movebuntur et ambulabunt in lumine corporum glorificatorum, potissimum corporis Christi, cujus corporea claritas lumen solis inæstimabiliter superat, regionem quoque terræ viventium implet. *Et reges terræ,* videlicet principes et prælati idonei, omnes quoque qui bene rexerunt se ipsos, *afferent gloriam suam et honorem in illam,* id est, spirituales suas divitias, merita magnificentiamque virtutum suarum, secum in cœlestem Jerusalem deferent. Opera enim illorum sequuntur illos; gloria quoque est conscientiae puritas (dicente Apostolo : Gloria nostra hæc est, testimonium conscientiae nostræ) : quam secum adducent. Rursus, gloria et honor regum istorum, sunt subditi, quos digne rexerunt, et secum ad beatitudinem perduxerunt, sicut discipulis suis loquitur Paulus : Gloria nostra vos estis in Domino; et iterum, Gaudium meum et corona mea, sic state in Domino. Quid autem tam honorificum homini sicut alios secum salvasse, eosque ad patriam perduxisse? Nam et filius sapiens, gloria patris. Malis quoque seu deceptis discipulis scribit Paulus apostolus : Quoniam confundor in vobis. Ergo in bonis honorificabatur.

Apoc. XIV, 13.

II Cor. I, 12.

I Thess. II, 20.
Philipp. IV, 1.

Prov. X, 1.

Galat. IV, 20.

Et portæ ejus non cludentur per diem, id est nunquam : nam ibi erit dies perpetuus. Ideo subditur : *Nox enim non erit illic.* Quibus datur intelligi quod non erit ibi occursus malus, nec timor, sed summa et sempiterna securitas; item quod corda Beatorum æternaliter patula erunt, et in contactu actuali lucis divinæ, nec caligo ignorantiae seu peccati erit ibidem. Hinc apud Isaiam legitur : Aperientur portæ tuæ jugiter, die ac nocte non cludentur. Rursus, per diem, id est tempus

24

25

Is. LX, 11.

- 26 evangelicæ legis, apertus est aditus regni A
cœlestis. *Et afferent gloriam gentium et in libro vitæ Agni*, id est, prædestinati et purificati intrabunt dumtaxat, non vitiosi ac reprobī. Nullus autem cœlestem Jerusalem ingredi valet, nisi ab omni labe atque reatu sit prorsus immunis. Quis enim eloqui queat, quam purum esse oporteat cor quod divinæ increatæque luci immediate ac beatifice unietur? Non poterit in ea esse vel minima macula. Si ergo post vitam præsentem nolumus diu differri a gloria, nec gravissima purgatorii ferre supplicia, satagamus nunc indesinenter Deo pura mente intendere, vigilantī animo deservire, cum omni reverentia obedire, in caritatis fervore proficere, cor nostrum sollicitè custodire, mentem ubique ad Deum levare, continuis precibus insudare, quotidianos defectus deplangere, emendare, vitare, ac tali martyrio nos ipsos Deo quotidie mortificare atque offerre.
- 27 *Et non intrabit in illam aliquid coinquinatum*, id est quocumque mortali peccato fœdatum, *et abominationem faciens*, id est execrabilia opera et plurimum detestanda, *et mendacium*, fallaciter agendo, aut false loquendo. Vel per coinquinatum intelliguntur spiritualia vitia, per abominationem carnalia. Vel illud refertur ad peccata cordis, istud ad vitia operis, men-

ARTICULUS XXIII

EXPOSITIO CAPITULI VICESIMI SECUNDI : ET OSTENDIT MIHI FLUMEN AQUÆ VIVÆ.

- CONSEQUENTER sacratissimus evangelicæ legis Propheta, S. Joannes, cœlestis Jerusalem pandit edulium, atque beatæ refectionis materiam et objectum.
- 1 *Et ostendit mihi flumen aquæ vivæ*. Per flumen aquæ vivæ intelligi potest exuberans illa effusio donorum gloriæ a Deo superbenedictō in mentes beatas, seu increatæ beatitudinis participatio copiosa, seu ipsemet Spiritus Sanctus, fons totius bonitatis, felicitatis ac voluptatis. Quod flumen dicitur aquæ vivæ, quoniam post vitæ præsentis laborem dulcissime recreat D
sive refrigerat, et vitam gloriæ præstat. De quo flumine accipi potest illud in Psalmo : Fluminis impetus lætificat civitatem Dei ; et rursus, Torrente voluptatis tuæ potabis eos. Per Isaiam quoque Dominus C protestatur : Ecce ego declino in eos ut Is. LXVI, 12.
flumen pacis, et ut torrens inundans gloriæ gentium. Denique Ezechiel describit torrentem aquæ de templo procedentem. *Ezech. XLVII, 1 et seq.*
Sed quoniam ibi de militanti Ecclesia agitur, per torrentem illum, Baptismatis sacramentum vel evangelicæ legis doctrina exprimitur. *Splendidum tanquam crystallum*. Nam Spiritus Sanctus immensæ est puritatis, et communicatio munerum gloriæ seu beatitudo Sanctorum participata, nullam habet prorsus culpæ labem admixtam. *Procedens de sede Dei et Agni*, id est a Patre et Filio, a quibus tanquam ab uno principio procedit Spiritus Sanctus. A Patre quoque et Filio, haud dubium quin et a Spiritu Sancto, profluit omnis felicitas Beatorum. *In medio plateæ*

ejus, id est per omnes consistentes in civitate superna, seu per latitudinem mentis universorum civium supernorum, qui uno omnes splendidissimo, opulentissimo ac liberalissimo fonte potantur atque replentur. Hinc quoque Daniel : Fluvius, inquit, igneus rapidusque egrediebatur a facie ejus.

Dan. vii, 10.

Consequenter Beatorum cibus describitur. *Et ex utraque parte fluminis lignum vitæ*. Omnia ista ostensa sunt S. Joanni sub corporalium similitudinibus rerum. Unde in imaginaria visione apparuit ei, quod per medium civitatis decurreret splendidissimum flumen, et ex utraque parte consisteret lignum vitæ. Palam est autem, quum idem numero lignum non stet in utraque ripa torrentis, quod in imaginaria visione videbantur plura ligna ; sed in Scripturis frequenter numerus singularis ponitur pro plurali, et e converso. In visione quoque Ezechielis, ex utraque ripa aquæ ostensa sunt plura ligna : per quæ ibi fideles in Christo renati atque virtutibus fructuosi, signantur. Hic vero per lignum vitæ intelligitur Christus sapientia Dei Patris, secundum quod in Proverbiis de sapientia Salomon fassus est, quia lignum vitæ est omnibus apprehendentibus eam. Quoniam ergo Christus secundum divinitatis naturam ubique est præsens, omniumque Beatorum mentes alit, confirmat, felicitat, vitam gloriæ influens, lignum vitæ ex utraque parte fluminis est ostensum. Porro partes inter quas fluvius emanavit, sunt Angeli hominesque beati.

Ezech. xlvii, 7, 12.

Prov. iii, 18.

Afferens fructus duodecim. Ideo Christus lignum vitæ vocatur, quoniam cives in patria feliciter reficit, dona sua illis communicans. Itaque fructus quos Christus profert in patria, quibus et Beatos illico nutrit, sunt universa quæ ad plenam electorum felicitatem pertinent et concurrunt. Beatitudo namque est status omnium bonorum aggregatione perfectus. Et dona hæc, quamvis sint plurima, convenienter tamen duodenario designantur : quoniam per Apostolorum duodecim præ-

Adicationem electi in novo Testamento sunt spiritualiter generati atque salvati, sicut in veteri Testamento ex duodecim Patriarchis alii corporaliter profluxerunt. Præterea duodecim fructus isti sic queunt taxari : ut primus dicatur lumen gloriæ ; alii tres, dotes tres animæ, scilicet visio, tentio atque fruitio ; quintus, pax, quam S. Thomas et alii multi ponunt a dotibus istis distinctam : estque realiter delectatio seu quietatio consummata Beatorum in Deo. Alii quatuor erunt quatuor dotes corporum glorificatorum, puta agilitas, impassibilitas, subtilitas, claritas. Decimus autem fructus, sit accidentalis illa beatitudo in adpectu humanitatis Christi consistens ; undecimus, gaudium quod Beati ex mutuo consortio et conspectu, Christo donante, concipiunt ; duodecimus, quod ex consideratione totius machinæ mundialis tunc innovandæ et clarificandæ sunt sortituri. His fructibus Christus eos æternaliter tanquam vitis ac fructuosa arbor alet.

Per menses singulos anni æternitatis reddens fructum suum : id est, Christus fructus hos indesinenter conservabit in mentibus Beatorum. Æternitas namque nominibus temporum frequenter exprimitur, ut in Psalmo : Anni tui non deficient ; et in Isaia, Erit mensis ex mense, et sabbatum ex sabbato. Et quoniam mensis est anni principium, verbis his insinuat quod in patria æterna erit innovatio incessabilisque continuatio. *Et folia ligni*, id est verba quibus Christus suos in patria suavissime alloquetur allocutione interna et corporali : siquidem, sicut ipse promissit, præcinget se, et faciet illos discumbere, et transiens ministrabit illis ; *ad sanitatem gentium*, id est, perpetuam sospitatem, confortationem et consolationem inducet Beatis, ita quod nulla usquam adversitate lædentur. Verba quoque evangelicæ doctrinæ Christi in præsentia dant animæ sanitatem.

Et omne maledictum non erit amplius : id est, in cœlesti convivio nulla erit aliquid verbi mali prolatio, nulla contentio,

Ps. ci, 28.

Is. lxvi, 23

Luc. xii, 37.

Is. LX, 18. nec aliqua Dei offensio, vel pœnæ ab ipso inflicto, juxta illud Isaïæ : Non audietur ultra iniquitas in terra tua, vastitas et contritio in terminis tuis. Imo ibi erit indeficiens gratiarum actio et jucundissima summi Dei laudatio. *Sed sedes Dei et Agni* : id est, Deus Pater seu Trinitas, et Christus homo, æternaliter habitabit in Sanctis, et ipsi erunt thronus ipsius. Confundatur ergo qui in Beatis dixit esse ruinam. *Et servient ei* servitute latræ, Deum reverenter adorando, indefesse laudando, ejusque beneplacito in omnibus obtemperando. Estque servitus ista sine labore, non ad meritum sed ad præmium spectans. Nam et præsentis servitutis est merces ; taliterque Deo servire, est summa nobilitas, ac perfecte regnare.

4 *Et videbunt faciem ejus*, id est, divinam essentiam clare et immediate per speciem contemplabuntur, ita quod plene cognoscent quod in vita hac credunt. Et hæc visio, tota est merces : quam amatori suo Christus apud Joannem promittens, Manifestabo, inquit, ei me ipsum ; et alibi, Hæc est vita æterna, ut cognoscant te solum verum Deum, et quem misisti Jesum Christum. Videbunt quoque corporalibus oculis corpoream faciem Christi : quod beatis hominibus ineffabile gaudium erit, et caritatis mirabiliter inflammativum, cernentibus suam naturam sic Deo hypostatica unione conjunctam, et per eam tot bona sibi esse collata. Quantæ autem deliciositatis atque dulcedinis, quamque incomprehensibilis felicitatis, dignitatis ac nobilitatis sit, Dei faciem intueri, D meditandum est magis quam exponendum. Nonne objectum illud est in se ipso infinitæ pulchritudinis, suavitatis ac voluptatis, omni menti creatæ prorsus convenientissimum, desiderabilissimum, summeque amplectendum ? Cur ergo ejus amore non aspernamur ista caduca et vana ? Cur unquam in ejus obsequio animo fatigamur ? Quare non consideramus quanta nobis beatitudo promittitur ? — Præterea quum facies Dei dicatur ejus præsentia,

A secundum Albertum, triplex ponitur facies Dei, videlicet : præsentia ejus per gratiam, præsentia ejus per carnem assumptam, præsentia ejus per gloriam. Potestque addi et quarta : præsentia Dei per iram seu æquitatem, juxta illud Psalmi, Pones eos ut clibanum ignis in tempore vultus tui. Unde et sanctus Job ait : A facie ejus turbatus sum, et considerans eum, timore sollicitor. Ps. xx, 10. Job xxiii, 15.

Et nomen ejus, videlicet descriptum in *frontibus eorum* : id est, apertissime per dona gloriæ innotescet quod ipsi sint filii Dei ab æterno prædestinati. Ipsi quoque nequaquam cessabunt Deum suum magnificis laudare præconiis.

Et nox ultra non erit in patria, nulla scilicet caligo ignorantiae, seu adversitas. *Et non egebunt lumine lucernæ neque lumine solis*. Si de materiali lucerna et sole sensibili intelligatur, certissimum est. Berengandus autem per lumen solis intelligit novi Testamenti doctrinam, per lumen vero lucernæ et etiam lunæ, doctrinam veteris Testamenti : quibus in patria opus non est. Cujus causa annectitur : *quoniam Dominus Deus illuminabit illos*, in tantum quod nunquam poterunt deviare aut falli, sed intus et foris perfusi et superimpleti sunt lumine multiformi ; *et regnabunt in sæcula sæculorum* cum illo, cujus regni non est finis. Luc. 1, 33.

Hucusque protenditur visio septima. Quæ autem sequuntur, ad admonitionem pertinent S. Joannis et reliquorum fidelium, suntque libri hujus conclusio. *Et dixit mihi*, scilicet angelus qui omnia præinducta mihi ostendit : *Hæc verba fidelissima sunt et vera*. Hoc et supra jam dixit, sed modo repetit propter assertionem majorem. *Et Dominus Deus spirituum Prophetarum*, id est creator et illustrator animarum Prophetarum, seu dator prophetarum gratiarum ac spiritualium munerum Prophetarum (unde et Paulus ait : Spiritus Prophetarum Prophetis sub-^{1 Cor. xiv, 32.}jecti sunt), *misit angelum suum*, qui ista revelavit, *ostendere Joanni*, et per eum

7 toti Ecclesiæ, *quæ oportet fieri cito*, id est statum et cursum ac remunerationem finalem Ecclesiæ. *Et ecce venio velociter*, scilicet ad faciendum iudicium particulare in mortibus singulorum, generale quoque in fine mundi. Hinc per Jacobum *Jacob. v, 9.* dicitur : *Ecce iudex ante januam adsistit*; et per Joëlem quoque, *Cito velociter red-*
Joel iii, 4. *dam vicissitudinem super caput vestrum.* Quanta autem sit libri hujus utilitas, subditur : *Beatus nunc in spe, in inchoatione, in merito, nondum in præmio, in re, in consummatione, qui custodit verba prophetiæ libri hujus, rite credendo, et dictis parendo, audita quoque memoriter retinendo.*

8 *Et ego Joannes, qui audiivi et vidi hæc.* Quasi dicat : Nullus de veritate vel auctore dubitet vel contendat, quum ego Joannes apostolus horum assertor consistam. *Et postquam audissem et vidissem hæc omnia, cecidi ut adorarem ante pedes angeli qui mihi hæc ostendebat, et dixit mihi : Vide ne feceris : conservus enim tuus sum, et fratrum tuorum prophetarum, scilicet Apostolorum et apostolicorum virorum, prophetali gratia præ-*
Apoc. xix, 10. *ditorum (verba hæc supra scripta sunt et tractata : ideo pertranseo), et eorum qui servant verba prophetiæ hujus, credendo, docendo et obediendo.* Frequenter in volumine isto jam dictum est, propheticum esse hunc librum, quia ut patuit, cum aliis Prophetarum codicibus in pluribus habet concordiam in verbis ac sensibus, potissimum cum his quæ in Isaia, Ezechiele et Zacharia scribuntur. [*Deum adora.*]

10 *Et dixit mihi : Ne signaveris verba libri hujus, id est, scripturam hujus voluminis non omnino obscuram relinquant, nec fidelibus sensum earum penitus claudas.* Sed quum liber iste sit obscuritatibus plenus, non videtur Joannes angelo obdisse in isto. Respondendum, quod angelus ei jussit ne penitus scripturam istam inexplanatam relinqueret. Unde vicissim se ipsum exponit, et quædam interserit

A per quæ datur occasio ad intelligentiam ceterorum. Berengandus vero ita respondet : Quod non fecit scribendo, credimus eum fecisse prædicando. Unde et Beda refert, quemadmodum B. Dionysius Alexandrinus antistes affirmat, quod exsurgentibus quibusdam hæresibus occasione voluminis hujus, Joannes errorem redarguit, ejusdemque prophetiæ sensum ab omni carnalis intelligentiæ nubilo purgatum, ad æterna promissa cœlestia transtulit. *Tempus enim prope est, quo ista implenda sunt : ideo sunt propalanda.*

Qui nocet, peccando in proximum, noceat adhuc, iniquitatem continuando ; et qui in sordibus est, se ipsum vitiis inquinando, sordescat adhuc, in deteriora ruendo. Non præceptive aut hortative, sed comminatorie, prænuntiative et ironice dictum est hoc. Tanquam dicat : Qui juxta admonitionem Scripturæ se emendare contemnit, justo relinquetur a Deo, et in pejora casurus est, nec dira evadet tormenta. Juxta hunc modum Job sanctus ait *Job vi, 28.* C suis amicis, Quod cœpistis, implete : et tamen de eo quod cœperunt, eos redarguit. Sic et gymnasiarchæ dicere solent pueris quos corrigere intendunt, dum eos intempestive ludentes inveniunt : Ludite, ludite. Quo audito, illi scientes quo animo id dicatur, ab incepto desistunt. Sic et Christus in Evangelio : Aut facite, inquit, *Matth. xii, 33.* arborem bonam, et fructum ejus bonum ; aut facite arborem malam, et fructum ejus malum. *Et justus justificetur adhuc, id est, in virtutibus crescat ; et qui sanctus est, id est perfectus, quantum ad viatores, ut sunt viri heroici, sanctificetur adhuc, id est, in puritate et caritatis fervore proficere non desistat.* Quum enim hæc vita sit via ad aliam, in ea non proficere est deficere. Nemo utique ita de suis confidat profectibus, ut tepescat aut negligentius agat : imo proficiendi propositum quotidie renovet, et vigilantiori mente Deo semper deservire conetur.

Ecce venio cito (ut dictum est) ad iudicandum ; et merces mea mecum est, id est

41

42

vers. 7.

digna retributio pro meritis atque demeritis singulorum, *reddere unicuique secundum opera sua* : per opera etiam interiores actus, scilicet cogitationes, intentiones, affectiones, itemque locutiones intelligendo. Simile est et illud Isaïæ : Ecce Dominus Deus in fortitudine veniet, et brachium ejus dominabitur; ecce merces ejus cum eo, et opus illius coram illo.

Isa. xl, 10.

13 *Ego sum Alpha et Omega, primus et novissimus, principium et finis.* Verba hæc

Apoc. 1, 8.

supra scripta sunt atque exposita. Quamvis autem Filius Dei sit vere genitus a Patre, et Spiritus Sanctus ab utroque procedat, nihilo minus Filius et Spiritus Sanctus sunt primus et novissimus : imo tres superbenedictæ Personæ, sunt unus primus et unus novissimus, sicut sunt unus æternus et unus immensus, sumendo scilicet hæc nomina substantive. Siquidem in hac Trinitate nihil prius aut posterius, nihil majus aut minus. Verumtamen in divinis ponitur prioritas originis, item auctoritatis et subauctoritatis, non dignitatis aut temporis. Sed quantum ad creaturas, sunt unum principium, unusque finis. Dicitur autem Deus novissimus, non quod aliquid eum præcessit, aut omnia sint peritura, ipso tantummodo permanente; sed quia æternus a parte post, sicut ab ante, nec aliquid erit quando ipse non erit.

14 *Beati qui lavant stolas suas*, id est, virtutes quibus animæ vestiuntur, ab impuritate vitiorum custodiunt, qui corda sua a malis præteritis purgant, qui operum suorum sordes lacrimis pœnitentiæ, exercitiisque ceterarum virtutum emundant : D

Jer. iv, 14.

Is. 1, 16.

juxta illud Jeremiæ, Lava a malitia cor tuum; et Isaïæ, Lavamini, mundi estote; [*in sanguine Agni,*] ut sit potestas eorum in ligno vitæ, id est, Christo frui possint in patria, et nunc conserventur ac stabiliantur in ipso, eique jugiter innitantur; et per portas intrent in civitatem, id est, per observantiam præceptorum cœlestem Jerusalem ingrediantur, juxta quod scriptum est : Si vis ad vitam ingredi, serva mandata.

Matth. xix, 17.

Foris autem, id est, extra civitatem 15 hanc manebunt, *canes*, id est iracundi, gulosi, et recidivantes, more canum ad vomitum redeunt. Unde ad Philippen- 22. ses ait Apostolus : Videte canes, videte malos operarios. *Et venefici* : de quibus 2. jam dictum est. *Et impudici*, id est luxu- Apoc. xxi, 8. riosi, et omnes qui sine verecundia peccant, nec divini vultus erubescunt præsentiam, juxta illud Jeremiæ : Frons mulieris meretricis facta est tibi, noluisti erubescere. *Et homicidæ*, qui maxime peccant in proximum; et *idolis servientes*, qui directe peccant in Deum; et *omnis qui amat et facit mendacium*, id est, cum delectatione et ex proposito seu consuetudine dicit quæ falsa esse cognoscit, vel impie agit. Omne enim peccatum est quoddam mendacium. Nam, sicut triplex est veritas, scilicet vitæ, doctrinæ, justitiæ, ita et triplex est falsitas. Rursus, sicut est veritas rei et veritas propositionis, ita est falsitas operis falsitasque sermonis. Tales itaque sunt, qui lætantur quum male fe- Prov. ii, 14. cerint et exsultant in rebus pessimis.

Ego Jesus misi angelum meum testificari hæc vobis in Ecclesiis : quia ut dictum est sæpe, Jesus per angelum revelavit hæc Joanni, et per eum cunctis Christianis, primitus Asianis. *Ego sum radix et genus David*. David radix est totius sobolis suæ : quomodo ergo Christus, quum sit filius David, radix est ejus? Et respondendum, quod secundum divinam naturam est radix, origo et causa ejus; sed secundum formam servi, est genus seu proles ipsius. Factus est enim ex semine David, secundum Apostolum. De quo per Isaiam dictum est : Egredietur virga de radice Jesse, et flos de radice ejus ascendet. *Ego sum stella splendida et matutina* : quia per sapientiam meam cunctis splendidior sum, et cunctos per eam illumino, qui diem gratiæ, diemque gloriæ præcedo, annuntio, atque efficio. In resurrectione quoque post tenebras passionis, veluti stella clarissima mane splendens surrexi.

Rom. 1, 3.

Is. xi, 1.

17

Et Spiritus et Sponsa dicunt : Veni : id est, Spiritus Sanctus seu Trinitas adoranda, et item ipsa Ecclesia militans ac triumphans, dicunt omni fideli ut veniat ad ea audienda ac adimplenda quæ modo præscripta sunt. Vel dicunt Christo ut veniat ad iudicium, quatenus electi plenius beatificentur. Hoc enim Sancti desiderant, et tempore suo Deus Christo, secundum naturam assumptam, id ipsum injunget. *Et qui audit* quæ Dei sunt, *dicat : Veni,* o Christe, ad iudicandum, et interim ad miserendum. Vel, Veni tu, proxime, ad audiendum sermones Dei in hoc libro alibique conscriptos. Quilibet ergo hortetur proximum suum ad bona. *Et qui sitit* justitiam in præsentī, et gloriam in futuro, *veniat,* id est, humili mente et incessabili prece ad Deum pro gratiæ donis accedat. *Et qui vult,* id est, vere appetit Deo placere, uniri, impleri, qui utique facit quod in se est, ad gratiam se disponendo, *accipiat aquam vitæ gratis,* id est gratiam et doctrinam evangelicæ legis sine meritis suis. De qua aqua Salvator ait : C

Joann. iv,
13, 14.

Jer. x, 23.

Rom. ix, 16.

18

Consequenter prohibet sanctus Joannes D formam verborum hujus libri subtractione aut additione mutari aut vitari. *Contestor ego omni audienti verba prophetiæ libri hujus,* id est, testificor et prænuntio ei, quod subdo : *Si quis apposuerit ad hæc,* textum sua inordinata additione mu-

A tando, aut dissonantia veritati miscendo, *apponet Deus super illum plagas scriptas in libro isto,* videlicet pœnas impiis infligendas. *Et si quis diminuerit de verbis prophetiæ libri hujus,* auferet Deus partem ejus de libro vitæ, id est, in iudicio eum reprobum, et non esse prædestinatum ostendet, *et civitate sancta,* id est de cœlesti Jerusalem, ita quod ibi portionem nullam habebit, *et de his quæ scripta sunt,* id est de bonis promissis, *in libro isto.*

19

Dicit qui testimonium perhibet horum, id est Christus, qui hæc vera esse testatur : *Etiam,* id est, sic sit. Vel quod ait, *Etiam,* refertur ad verbum quod subditur : *venio cito,* secundum sensum expositum. *Amen. Veni, Domine Jesu.*

20

Gratia Domini nostri Jesu Christi, id est gratia gratum faciens, quam Christus secundum quod Deus, dat auctoritative et efficienter; et secundum quod homo, Dei ac hominum mediator, dat eam ut causa instrumentalis ac meritoria; nam sua passione atque sanctissima conversatione eam nobis promeruit, ejusque merito datur : sine qua nemo meretur. Potest tamen hoc loco per gratiam, omne spirituale donum ad salutem necessarium sive accommodum, accipi. Sit *cum omnibus vobis. Amen.* Si enim gratia hac non adjuvamus, in omnibus deficiemus, et omnia beneficia Christi erunt nobis occasio gravioris damnationis. Semper ergo pro gratia et ejus incremento quotidiano, viscera misericordiæ Dei nostri totis præcordiis deprecemur. Quo enim illa plus crescit in anima, eo ad universa opera meritoria reddimur fortiores. Quam cunctis donet hominibus, ad sui ipsius laudem et gloriam sempiternam, qui est omnium finis bonorum, super omnia Deus sublimis et benedictus. Amen.

21

PARÆNESIS

D. DIONYSII CARTUSIANI

AD STUDIOSUM SACRÆ SCRIPTURÆ

AURIS bona cum omni concupiscentia audiet sapientiam. Concupiscentia enim sapientiæ deducet ad regnum perpetuum. Eccli. iii, 31 ; Sap. vi, 21.

Non utique de sapientia hujus mundi, non de sapientia philosophorum, poetarum aut rhetorum (quoniam, teste Apostolo, stultam fecit Deus sapientiam hujus mundi ; principem quoque philosophorum Aristotelem, gloriosus et sanctus pater noster Hieronymus principem nominat fatuorum), sed de sapientia sacræ atque divinæ Scripturæ, rite intelliguntur verba præmemorata. Nonne vani ac fatui sunt, qui relictis his quæ ad salutem animæ requiruntur, qui omissa divinorum præceptorum custodia et salutari Scripturarum sanctarum notitia, in supervacuis, puta in his quæ Deus non requirit ab eis, jugiter occupantur? Hinc tales videmus infinitis vanitatibus obfuscari, sine timore Dei conversari, ludis, jocis ac risibus, ut de gravioribus vitiis taceam, delectari. Numquid hæc est via arcta ducens ad vitam : quam, Christo docente, inveniunt pauci? Fac ergo quod docet sermo divinus : Altiora te ne quæsieris, et fortiora te ne scrutatus fueris ; sed quæ præcepit tibi Deus, illa cogita semper ; et, In supervacuis rebus noli scrutari multipliciter. Denique quid prodest cognitio creaturarum sine dilectione ac debita veneratione Creatoris? Imo utique plurimum obest, damnabilioremque efficit sciolum.

Non igitur magis delectet te studium naturalis philosophiæ quam theologiæ ; sed in intellectu ac studio sacræ paginæ delectatio tua consistat præcipua, ut dicere possis : Quam dulcia faucibus meis eloquia tua ! super mel ori meo. Et rursus : In via testimoniorum tuorum delectatus sum sicut in omnibus divitiis ; itemque, Bonum mihi lex oris tui super millia auri et argenti. Hoc expertus Hugo de S. Victore : Nihil, inquit, in hac vita dulcius sentitur, nihil avidius sumitur, nihil sic mentem ab amore mundi separat, nihil sic animum contra tentationes roborat, nihil hominem sic juvat et excitat ad omne bonum, sicut studium sacræ Scripturæ. Et iterum : In sacra Scriptura quidquid docetur est veritas ; quidquid præcipitur, bonitas ; quidquid promittitur, felicitas.

Itaque hoc est saluberrimum studium, quod discit homo cognoscere semetipsum, vitam corrigere, in omni gratia Spiritus Sancti proficere. Idcirco hortatur Augustinus :

NOTA. — Ista Parænesis (ex tractatu de Arcta via salutis, art. i, sumpta) reperitur ad calcem commentarii Actuum Apostolorum, in editione Coloniensi anni 1533, et in sequentibus.

Utere lectione divina pro speculo, fœda in te corrigendo, pulchra conservando, pulchriora agendo. Pinguissimus est sermo divinus, omnes in se delicias continens. Quum hoc speculum oculis mentis opponimus, faciem nostram internam conspiciamus; ibi sentimus quantum profecimus, quantumve a perfectione distamus. Hinc ait Isidorus : Geminum confert donum lectio Scripturarum, quoniam mentis intellectum erudit, atque a mundi vanitatibus abstractum hominem ad amorem Dei perducit. Numquid hujus sapientiæ studio aliud aliquod potest scientiæ studium comparari? Præterea audi Gregorium : Quamvis, inquit, omnem scientiam et doctrinam sacra Scriptura sine aliqua comparatione transcendat : quæ vera prædicat, ad cœlestem patriam vocat, a terrenis desideriis ad superna amplectenda cor legentis invitat; quæ nec sic clausa est ut pavesci debeat, neque sic patet ut vilescat; quæ usu fastidium tollit, et tanto amplius diligitur quanto amplius meditatur : omnes tamen scientias et doctrinas, etiam ipso locutionis suæ more transcendit. Hinc quoque ait Hieronymus : Ama studia Scripturarum, et vitia carnis non amabis.

Cupio ergo animam tuam hac divinæ Scripturæ supernaturali ac nobilissima sapientia adornari : quæ æternæ, summæ et increatæ Sapientiæ fulgor quidam radiusque consistit; ejus lectio (teste Hieronymo) sensum acuit, intellectum multiplicat, teporem calefacit, torporem repellit, libidinis tela exstinguit, gemitum excitat, lacrimas elicit, Deo nos proximos facit; cui quum studemus, Spiritus Sanctus loquitur nobis, ut ait Isidorus. Postremo, hujus sacræ ac salutaris scientiæ singulariter capax es, quum et naturali acumine intellectus sis decoratus, ita ut illud dicere queas : Pueram ingeniosus, et sortitus sum animam bonam. Det itaque tibi clementissimus Deus tantam hujus sapientiæ delectationem, ut cum auctore libri Sapientiæ veraciter dicas : Hanc amavi et exquisivi a juventute mea, et quæsivi sponsam eam mihi assumere, et amator factus sum formæ illius. Intrans in domum meam, conquiescam cum illa : non enim habet amaritudinem conversatio ejus, nec tædium convictus illius, sed gaudium atque lætitiā. Hinc Salomon loquitur : Pretiosior est sapientia cunctis opibus; et omnia quæ desiderantur, huic non valent comparari. Absit ergo ut animam tuam in inferioribus vilioribusque scientiis occupes.

Sap. viii.
19.

Ibid. 2, 16.

Prov. iii. 15.

D. DIONYSII

CARTUSIANI


ENARRATIONUM IN S. SCRIPTURAM

COMPLEMENTUM

CONTINENS

ENARRATIONES IN SEPTEM PSALMOS PŒNITENTIALES,

MONOPANTON, ET EPITOME TOTIUS BIBLIÆ



ENARRATIO
IN SEPTEM PSALMOS
PCENITENTIALES



ORNATISSIMO VIRO ET DOMINO D. MATTHIÆ DE SARACASTRO, BONARUM ARTIUM AC
UTRIUSQUE JURIS DOCTORI OMNIUM CONSULTISSIMO, CURIÆ TREVIRENSIS JUDICI
ET OFFICIALI, NON MINUS DILIGENTI QUAM ÆQUISSIMO, DIVI SIMEONIS TREVI-
RENSIS DECANO, ET BEATI CASTORIS COLLEGIATÆ ECCLESIAE CONFLUENTINÆ
CANONICO, ETC., F. THEODORICUS LOER A STRATIS, ORDINIS ET DOMUS CAR-
TUSIENSIS IN COLONIA HUMILIS MONACHUS ET VICARIUS. S. P. D.

QUONIAM, ut summus ille sanctæ Romanæ Ecclesiæ antistes Innocentius
multa ratione testatur, psalmodia post Orationem dominicam, quæ omnium
summa est, cunctis quibusque aliis longe præstat preculis (quamobrem et
divorum templis ecclesiastico instituto amplius frequentatur); operæ pretium me
facturum ratus sum, si divi nostri Dionysii a Rickel Cartusiani devotissimas juxta
et doctissimas psalmorum expositiones multo studio et labore per R. P. Joannem
Romberch Kirspensem, Dominicanæ professionis eximium theologum, verbique
Dei præconem acerrimum, recognitas, ad amussim limatas et expolitas, ut (sine
adulatione loquor) omnibus placituras speremus, in lucem ediderimus : quo ha-
beant divino cultui mancipati, qui horatim Symphoniadis nostri psalmos in con-
spectu Altissimi concinunt, unde affectiones eorum sursum rapiantur ad angelicos
choros, indefesse Deum laudantes : ne solis dumtaxat labiis Deum honorent, si
absque dulcedine spiritus submurmurent quod non intelligunt. Quem veterum hi
facile excutient, qui hujus Patris piis studiis adjuti in psalmorum intelligentia, eos
devoto ac sincero pectore ruminantes, alacriter pronuntiarint ore quod in corde
versatur : ut non modo voluptatem et utilitatem (cujusmodi ceteræ etiam quales-
cumque disciplinæ afferre possent) hinc assequantur, sed et in lege Domini hoc
pacto die noctuque meditantes, promissam in psalmis æternam beatitudinem in
jubilo præstolentur. Quando igitur hæcce meditabamur, quibus provincia evulgandi
omnes libros hujus pii Patris (quod summo desiderio effectum iri cupimus, prius-
quam nobis hora claudatur extrema) demandata est, putabamus quasi jentaculum
quoddam symposio, psalmis et hymnis plenissime instaurando, præferendum : quo
prælibari liceat quam dulci nectare et ambrosia, pius Pater divina dulcedine plenus,
pasturus sit eos qui inebriari peroptant ab ubertate domus Dei, in qua Sponsum *Ps. xxxv, 9.*
in hymnis, et psalmis, et canticis spiritualibus jubilantes prosequuntur. Unde bre- *Coloss. iii,*
vem atque fructuosissimam septem psalmorum pœnitentialium expositionem, ceu ^{16.}
totius psalterii commentationum arrhabonem, evulgandam curavimus, nomini tuo,
celeberrime Doctor, in pignus nostræ, quam in te unum collocavimus, magnæ fidu-
ciæ, quam sis nos inter hæc turbatissima tempora, quando passim religiosi universi

gravibus ac multis affliguntur opprimunturque molestiis, pio favore prosecuturus, tanquam fidelissimus et amicus et patronus. Quandoquidem multorum scriptis et relatu, et præcipue reverendi patris Christophori Ryneck, domus Cartusianæ istic apud Treverim moderatoris vigilantissimi integerrimique, intelleximus te non modo communem reipublicæ christianæ vindicem a perversissimis hujus nostri ævi perduellionibus, sed omnium pientissimum fautorem religionum, et maxime Ordinis nostri Cartusiani te singularem semper exhibuisse patronum; nihil diffidimus quin hoc, licet perexiguo munusculo, tibi simus gratificaturi, quum alioqui huic nostro auctori (cujus jam in Pauli et aliorum Apostolorum canonicas Epistolas, et Joannis Apocalypsim, et cetera nostro studio evulgata accepisti commentaria) adeo te affectum audiamus, ut potius velis saluberrimam ejus doctrinam humili quidem sed munda phrasi amplecti toto affectu, quam animum oblectari in supervacaneis aliorum studiis, qui verborum lenocinio et fucō solas aures absque utilitate ulla replent. Quod si hoc opusculum in præclara illa supellectili, et pretiosissimo super Cræsi divitias thesauro librorum tuorum admittendum censueris, habebis profecto in primis unde nonnunquam ab externis negotiis et variis occupationibus spiritum tuum tibi restituas, tibi que inservire valeas : nempe, quando in horum septem psalmorum commentariis leges quomodo, si quam inviti etiam aliquando a sollicitudinibus contraxerimus vel levissimam labem, per pœnitentiam abstergere et abolere possimus. In illis ipsis namque psalmis, Davidi pœnitentiam acturo a septiformi Spiritus Sancti gratia inspiratis, discemus miseriam nostram, et Dei misericordiam, qui cor contritum et humiliatum non despiciet : unde et animabimur ad pœnitentiam peccatorum quæ in septem dierum hujus sæculi hebdomada perpetravimus, jugiter Domino humili corde et contrito eosdem psalmos recitantes. Insuper, si didicerimus nos tibi hisce gratificatos, longe majora opportune a nobis expectabis. Vale. Ex cœnobio divæ Barbaræ Cartusianorum in Colonia, XVII Novembris die, videlicet S. Hugonis Cartusiani, episcopi Lincolniensis. [Anno MDXXX.]

Ps. l., 19.

PROÆMIUM

SCRUTEMUR vias nostras, et quæramus, et revertamur ad Dominum. Levemus corda nostra cum manibus ad Dominum in cælos. Nos inique egimus, et ad iracundiam provocavimus Deum. Thren. III, 40-42.

Hoc est nostræ salutis exordium, diligenter discutere propriam conversationem, an Deo sit placita, an potius offensiva. Sed quia jam certi sumus quod in multis offendimus omnes, scrutari et investigare debemus quæ et quanta ac qualia sint nostra peccata : quorum enormitatem multitudinemque nobis ipsis prorsus innumerabilem dum pro viribus intueri cœperimus, hoc unicum restat remedium, ut revertamur ad Dominum. Etenim ipse solus est qui peccata potest dimittere : qui animarum est sapientissimus, misericordissimus ac potentissimus medicus, fons gratiæ ac salutis, qui cordium medetur languoribus, atque ex sua benignitate prorsus immensa, interdum facit gratiam abundare ubi abundavit peccatum. Porro, reversio ista ad incircumscriptibilem Deum ubique præsentem, est per pœnitentiam salutarem : qua homo de suis ingemiscit excessibus, ac intime dolet se a dignissimo Deo per vitiorum devia recessisse, seque peccatorem vilissimum, Dominum majestatis ac sanctitatis infinitæ tam frequenter ac graviter offendisse, nec Patri obtemperasse spirituum, juxta illud Jeremiæ : Scito et vide quia malum et amarum est te reliquisse Dominum Deum tuum, et non esse timorem ejus apud te. Quod quam enorme, injustum atque damnable sit, intelligens peccator, jam pœnitens loquitur cum Michæa : Faciam planctum quasi draconum, et luctum veluti struthionum. Denique, quoniam pœnitentialis ista reditio, est nostræ salutis initium, tam ipse beatissimus Joannes Baptista, quam Dominus et Salvator, sic evangelizare exorsi sunt : Pœnitentiam agite, appropinquabit enim regnum cœlorum. Conformiter, ut narratur in Apostolorum Actibus, dolentibus quibusdam Judæis quod Dei Filium occidissent, dicentibusque ad Apostolos, Quid faciemus, viri fratres? sacratissimus princeps Apostolorum, sciens se amare flendo misericordiam consecutum, respondit : Pœnitentiam agite. Hoc est quod Osee admonet : Convertere ad Dominum Deum tuum, quoniam corruisti in iniquitate tua. Peccatum quippe infelicissima est ruina, et profundissimus casus a summo et incommutabili bono, superpulcherrimo Creatore, ad commutabile et caducum, ad monstruosissimam iniquitatis deformitatem. Saluberrima ergo est pœnitentia ista, qua ab imo culpæ ad altissimum Deum resurgitur ac reditur.

Levemus ergo, o peccatores, et sine mora levemus quotidie, imo assidue, corda nostra cum gemitu et singultu, cum præcordiali dolore et plena contritione, etiam cum corporalibus manibus, pœnitentialibus quoque operibus, ad Deum in cœlos : qui quamvis ubique sit præsens, specialiter tamen in cœlo esse et habitare ac præsidere censetur, quia ibidem se clarius ostendit ac gloriosius operatur. Etenim habitaculum ejus sursum, et subter brachia sempiterna. Nos inique egimus, et bona multa ac magna omisimus. Peccavimus namque cum patribus nostris, injuste egimus, iniquitatem, imo iniquitatum congeriem fecimus. Sicque ad iracundiam, ad justæ ultionis inflictio-

Deut.
xxxiii. 27.
Ps. cx. 6.
Hebr. i. 12.

nem provocavimus Deum, qui in se ipso idem ipse æternaliter manet.

Itaque, juxta præacta, debemus vias nostras coram Deo quotidie perscrutari, arguere, castigare, quemadmodum sanctus Job dixit, haud dubium quin et fecit : Vias meas in conspectu ejus arguam. Quod quam fructuosum sit et salubre, pandit subdendo : Et ipse erit salvator meus. Hinc ad omnem Christifidelem quantumlibet magnum aut parvum, præsidentem et subditum, pertinet se ipsum quotidie saltem aliqua hora, in loco quieto et secreto reponere, mentem suam in præsentia Judicis summi colligere, conscientiam suam discutere, an secundum exigentiam suæ vocationis ambulet digne Deo, quid boni omittat, quid mali committat, qualiter omne tempus suum expendat, in quibus magis defectuosus reprehensibilisque consistat : et ita se coram misericordissimi Dei vultu cum ingenti humilitate prosternere, accusare, aspernari, veniam profusis lacrimis postulare, emendationem et satisfactionem pro posse firmissime cum grandi compunctione proponere. Præterea, quanto quis major est, quo pluribus præest, ac majora desuper dona sortitus est ; eo plus obligatur ad talia, aut certe tanto amplius necessarium ac salubre est sibi ista peragere, prout sanctus pater Bernardus in libro de Consideratione ad sanctum et humilem Papam Eugenium protestatur.

Job xiii. 15.
Ibid. 16.
Ephes. iv. 1.
Eccli. iii. 20.

Et nunc, quoniam præsens scribitur opusculum ad jussionem inclyti ac sublimis viri, qui et in Ecclesia Dei columna est, suæque probitatis merito major creditur cito præstante Deo futurus : qui et de columna cognominatur ; qui in flore ac robore juventutis suæ optavit super septem psalmos pœnitentiales per modum compendii aliquid sibi conscribi : utile reor de ipsa pœnitentia parumper præmittere, quo item affectu ipsum pœnitentem oporteat exorare et psalmos istos proferre.

Auctoris
protestatio.

Quid sit pœnitentia, et de actibus et proprietatibus ejus.

Pœnitentia, sicut beatus definit Gregorius, est præterita mala deplangere, et deplangenda iterum non committere. Quæ verba Magister, libro quarto, in definitionis redigens formam : Pœnitentia, inquit, est virtus qua præteritas culpas deplangimus, et deplangendas non iteramus, id est, firmiter proponimus non iterare. Quocirca quæri potest : Si pœnitentia virtus est, quomodo dicitur sacramentum ? Virtus namque est interior habitus, sacramentum vero sensibile signum. Et respondendum, quod pœnitentia proprie sumpta, est dolor interior de peccatis : tamen ut quarto Sententiarum, distinctione 14, fertur, pœnitentia duplex est, puta interior atque exterior. Pœnitentia exterior appellatur confessio, seu satisfactio pro peccatis : et illa est sacramentum, id est sacrum signum interioris doloris ; sicut et ipsa exterior confessio, qua pœnitens et

confitens subdit se sacerdoti confessori, et ei tanquam Dei vicario sua confitetur peccata, signum est interioris subjectionis qua confitens et pœnitens intus Deo se subiecit, sua recognoscendo, accusando, et deflendo seu dolendo peccata coram illo. — Præterea, sicut ibidem S. Thomas conscribit, pœnitentia et vindicativa justitia aliquo modo circa idem versantur, puta circa punitionem offensæ; sed differunt in duobus : Primo, quoniam vindicativa justitia proprie est in iudice pœnam infligente, quam reus interdum suffert invite; pœnitentia vero est in ipso qui pœnam pro culpa sustinet sponte. Secundo, quia justitia vindicativa respicit offensam communiter, pœnitentia vero concernit Dei offensam. Hinc pœnitentia consistit in emendatione offensæ assumpta spontanee, et tali emendatione qualis Deo competit seu debetur. Quemadmodum autem hominibus, qui vident ea quæ foris apparent, recompensatio fit per exteriora; sic Deo, ^{1 Reg. xvi, 7.} qui corda intuetur, recompensatio exhibetur et fit in ipso cordis affectu. Exterius quoque fit recompensatio offensæ per duo : primo, per hoc quod quis exterius subit pœnam pro offensa quam fecit; secundo, per hoc quod de cetero ab offensa consimili cavet. Sic et duo hujusmodi oportet pœnitentem exhibere Deo in corde, ut scilicet de præterita pœniteat culpa, et in futurum abstinere proponat de illa.

Denique pœnitentia hæc, ut asserit Damascenus libro secundo, est motus redeuntis in Deum, et revocatio mentis in eum. Quæ, teste glorioso Hieronymo, est secunda post naufragium tabula, quoniam si quis vestem innocentiae in Baptismo perceptam corrumpit, hanc per pœnitentiam potest recuperare. De Fide orthodoxa.

De laudibus pœnitentiæ in libro de Pœnitentia sanctus loquitur Augustinus : Quantum appetenda sit pœnitentia, tota clamat auctoritas Scripturarum, et omnis ostendit conversatio Beatorum. Hæc spiritualiter sanat languores, curat leprosos, suscitatur mortuos, vitia fugat, virtutes reparat et exornat, mentem munit et roborat, et omne bonum fundat in anima. Pœnitentia acquirit indulgentiam, sine qua nemo pertingit ad gratiam et salutem. Ex dolore pœnitens dixit : Peccavi; quid faciam tibi, o custos hominum? Quasi dicat : In tantum doleo me peccasse, quod nihil mihi tam grave est quod non velim pati et infligere mihi. Quæro quid supplicii in me possim excogitare, quod tibi queat sufficere, et quo valeam te placare. Assidue peccantibus, pœnitentia ista assidue necessaria est. Nullum peccatum tam parvum est, quod non crescatur neglectum. Consurgamus puri, et ad puram perfectionem conemur attingere, sicut admonet Christus, Estote perfecti, sicut et Pater vester cœlestis perfectus est : ne his quæ parva ^{Matth. v, 48.} videntur multiplicatis, quasi scabie quadam corrumpamur et collidamur. Recte pœnitens quidquid sordis post Baptismi purificationem contraxit, oportet ut saltem abluit lacrimis cordis. Sed satis durus est, cujus interiorem ac mentalem dolorem oculi carnis nequeunt declarare. Imo sciat se culpabiliter durum, qui deflet temporalia damna, aut mortem amici, et dolorem peccati non ostendit in lacrimis. Non est ut quis excuset se, non habere se fontem lacrimarum pro peccatis, qui unquam lacrimis ostendit se temporalium habere dolorem. Et quoniam verecundia magna est pœna, qui confitendo erubescit pro Christo, fit dignus misericordia. Unde patet, quod quanto pluribus confitetur in spe veniæ turpitudinem culpæ suæ, tanto facilius consequitur veniam remissionis. Erubescat igitur semper coram Domino, in cujus conspectu peccavit. Quod si quis conversus et pœnitens spiritualiter vivat, non promittimus quod omnem pœnam evadat. Nam prius purgandus est igne purgationis, qui in aliud sæculum distulit fru-

etum conversionis. Ille autem ignis quamvis æternus non sit, attamen miro modo gravis est. Excedit enim omnem pœnam quam aliquis unquam passus est in hac vita. Nunquam in carne mortali inventa est tanta pœna, licet mirabilia martyres sancti sint passi tormenta. Studeat ergo quisque sic delicta corrigere, ut post mortem non oporteat pœnam tolerare. Hæc Augustinus.

Insuper de hac materia Guillelmus Parisiensis scribit multum profunde, devote et pulchre, tam in suo Sacramentali, quam in libro suo de Pœnitentia; similiter Climacus in suo notabilissimo libro: quæ introducere esset nimis prolixum. Quædam quoque ex eis infra poterunt breviter tangi.

Verum, ut natura et vis veræ pœnitentiæ seu contritionis clarius intelligatur, una adhuc præmittenda est quæstio ista: Utrum contritio sit maximus dolor qui est in natura, hoc est, utrum ad hoc quod aliquis habeat veram contritionem, requiratur quod plus doleat de quocumque peccato mortali, quam ipse seu alius de quocumque malo pure pœnali, hoc est de quocumque damno temporali, læsioneve corporali, seu adversitate, vel persecutione mundana. Si ad hanc quæstionem respondeatur affirmative, multi quasi ad desperationem inducentur: quum plurimi etiam boni ac simplices dolorosius plorent de amissione temporalium rerum, et morte parentum seu sobolis suæ, quam de suis peccatis.

Ad hoc dominus Guillelmus Antisiodorensis respondet in Summa sua, libro quarto: Infinite magis diligenda est vita spiritualis, quam corporalis. Ideirco qui vere conteritur, magis dolet et luget dolore ac luctu spirituali, quam doleret de morte unigeniti sui: non tamen oportet quod amplius doleat dolore et luctu corporali et exteriori. Spiritualiter vero plus luget puniturque anima, ita quod per luctum internum exit ab ea quasi sanguis quidam, puta carnalitas et peccati vestigium. Denique simile est de caritate atque cupiditate. Quamvis enim caritas plus diligat Deum quam cupiditas millia auri et argenti, non tamen caritas semper plus movet ad opera bona exteriora, quam cupiditas ad opera mala.

Præterea, Thomas ad quæstionem respondens diffusius: In contritione, inquit, est duplex dolor: Unus in voluntate, qui est essentialiter ipsa contritio, estque displicentia peccati præteriti. Et talis dolor in contritione excedit ceteros omnes dolores, quoniam quantum aliquid placet, tantum contrarium ejus displicet: finis autem super omnia placet, quum propter ipsum cetera omnia desiderentur. Ideo peccatum quod ab ipso avertit, debet super omnia displicere. Alius dolor est in parte sensitiva, qui nascitur ex primo dolore, vel ex necessitate naturæ, prout vires inferiores sequuntur motum potentiæ superioris, vel ex electione, prout homo pœnitens, in se ipso habens dolorem, excitatur ut doleat de peccatis. Et hunc dolorem non oportet maximum esse, quoniam vires inferiores vehementius moventur a propriis objectis, quam ex redundantia virium superiorum in eas. Dolor quoque inferiorum virium ex electione assumptus, non obedit rationi ad nutum.

Huic responsioni Thomæ concordat Bonaventura: Dolor, inquiens, uno modo vocatur displicentia rationis; secundo, dicitur passio resultans in parte sensitiva ex primo illo dolore. Et hoc secundo modo non est necesse plus dolere de peccato quam de damno temporali, nec hoc est in potestate cujuslibet hominis. Talis enim dolor non sequitur immediate amorem, sed affectionem, et affectio experimentalem cognitionem;

et quia non omnes habent experientiam divinæ dilectionis, ideo non omnes ita sensibilibiter dolent de peccatis sicut de damnis et corporalibus pœnis. Loquendo autem de dolore ut est displicentia rationis, dico quod displicentia ista mensuratur secundum quantitatem caritatis. Quantitas autem caritatis accipi potest in se, et item in comparatione ad alios amores. Et in se, est parva in incipientibus, major in proficientibus, maxima in perfectis. Porro, ad alios amores, vindicat sibi dominium in corde habentis, nec unquam est ibi nisi sit domina : ita quod ad hoc ut quis diligat Deum ex caritate, oportet quod pro nullo damno incommodoque vitando, velit Deum offendere. Conformiter necesse est, peccatum in tantum displicere rationi, ut nullo pacto nullove commodo seu incommodo velit in ipsum consentire aut consensisse.

In hanc responsionem Alexander, Albertus, Petrus de Tarentasia, Richardus de Mediavilla, et alii conveniunt. Et est evidens ratio. Quemadmodum enim tenemur Deum summe incomparabiliterque diligere, ita tenemur de ejus offensa, contemptu et amissione, maximum et incomparabilem habere dolorem in parte animæ superiori, quamvis non sit necesse inde plorare, quoniam fletus ex sensitivæ partis dolore immediate nascitur.

*Quo qualique affectu atque compunctione oporteat pœnitentem orare,
ac psalmos proferre pœnitentiales.*

Omnis orans et psallens debet duo attendere, videlicet, qualis sit ipse qui orat, et qualis Deus quem orat et laudat, hoc est, considerare proprietates proprias, et proprietates ipsius Dei. Attendat igitur orans, quam graviter et frequenter Deum offenderit, quoties et quam graviter æternam damnationem promeruerit, quam ingratus fuerit Creatori, quantam irreverentiam atque injuriam irrogaverit ei, quantum etiam nocuerit sibi ipsi peccando. Perpendat omnem defectuositatem et vilitatem suam in anima et in corpore, et pronitatem suam ad omne malum; quam incessabiliter et enormiter peccet assidue, nisi desuper præservetur. Intueatur quam horrendum sibi instet iudicium, *Hebr. x. 31.* quam immane supplicium; quot et quantis hostibus suæ salutis crudelissimis, callidissimis et infatigabilibus undique circumdatus sit; quot et quibus laqueis, insidiis, periculis circumvalletur. Insuper contempletur quam infinita sit misericordia Dei, et sic oret ac psallat cum spe veniæ ac ingenti fiducia; quam infinita sit justitia Judicis summi, et sic oret cum formidine et timore; quam immensa ac dulcis sit bonitas, caritas et liberalitas Creatoris ad nos, sicque oret cum divini amoris fervore; quam interminabilis sit sapientia ejus, quem nil penitus latet, et sic oret cum erubescencia maxima atque pudore, quod coram oculis ejus tam turpiter et inique se habuerit; quam incircumscripita sit omnipotentia et majestas illius, sicque oret et psallat cum omni reverentia, attentione, atque custodia cordis.

Præterea perpendamus qualiter rei mortis temporalis deprecetur hominem iudicem, si aliqua sit eis spes evadendi, quam lacrimose, quam clamorose, quam humiliter, compuncte, qualiter se prosternant. Si igitur taliter invocant hominem, qui vel semel meruerunt occidi : quam lacrimosissime, affectuosissime, humillime oportet nos, qui millies æternam damnationem meruimus, invocare iudicem Deum? Videmus

quoque, quam reverenter, attonite, custodite adstent, loquantur ac serviant majoribus, praelatis, regibus et principibus, eorum ministri : nonne ergo cum summa custodia, cum prae cordiali reverentia, cum omni amoris ac timoris affectu, cum profundissima humilitate et attentissima mente oportet nos sacrificium laudis, thymiana orationis, cultum mentis et corporis exhibere Altissimo? Juxta quod scriptum est : Servite Domino in timore, et exsultate ei cum tremore. Etenim maledictus homo qui facit opus Dei negligenter. Et ipse Dominus Deus noster in suo obsequio respuit indevotum, evomit tepidum, negligentem contemnit, inobedientem repellit. Qui enim declinat aures suas ne audiat legem, oratio ejus erit execrabilis. Peccatori demum impoenitenti dixit Deus : Quare tu enarras justitiam meam? Nec speciosa est laus in ore peccatoris.

Præterea formam orandi præseribit pœnitenti Guillelmus Parisiensis episcopus in libro suo de Pœnitentia et Divina rethorica, id est oratione, dicendo : Ha, ha, ha ! Domine Deus, Pater misericordiarum, audeone venire et apparere coram te, et in conspectu angelorum sanctorum, susceptor ingratus beneficiorum tuorum, impudens execrabilisque abusor eorum, qui toties et tam diu beneficiis tuis te impugnare non timui, qui stipendiis tuis militare contra te diabolo non erubui, qui dona tua in arma diaboli vertere non expavi, qui me ipsum adversario tuo diabolo exhibui servum, imo et gladium flammeum ac ignitum ad vulnerandum et interficiendum animas proximorum? Heu, heu ! quoties linguam meam exhibui arcum mendacii ! quoties detractionis et adulationis sagittas emisi ! Tu me de massa perditionis in filium gratiæ tuæ elegeras, in confratrem et coheredem unigenito Filio tuo adoptaveras, atque ad cœlestis regni gloriam et honorem vocaveras : et ego his omnibus spretis, in spurium et degenerem me converti ; ego me tradidi diabolo distrahendum per sterquilinia luxuriæ, per spineta avaritiæ, per flatus et procellositates superbiæ ; et per pretiosissimas talentorum tuorum divitias, paupertatem nuditatemque animæ, imo infernalem calamitatem, mihi mercatus sum, infernalibus quoque dilaniandum me ac devorandum projeci.

Hanc orationem doctor præfatus prolixè prosequitur : quam unusquisque juxta mensuram illuminationis sibi concessæ prosequi potest. Et pro excitanda compunctione atque fovenda humiliatione, potest se in suo secreto coram Deo instar latronis manibus retro dorsum detentis exhibere dicendo : Ecce, Domine Deus, confundor et erubescio faciem meam levare coram vultu sanctitatis et gloriæ tuæ immensæ, quoniam iniquitates meæ multiplicatæ sunt super caput meum, et delicta mea creverunt usque in cœlum. Fateor, Domine, quia indignus sum pane quo vescor, indignus sum terram calcare, aerem respirare, et omnium creaturarum tuarum usu et obsequio statui me indignum : imo plane hoc merui, ut omnes contra me insurgant, et Creatoris sui in me injurias ulciscantur. O Domine, quid hic dicam? Certe si quis terreni regis prolem necasset, si sponsam ejus aut filiam violasset, nonne ipsa morte amarius et intolerabilius ei esset cogi illi præsentari? Porro filiæ tuæ ac sponsæ carissimæ, sunt animæ fideles devotæ, quarum plurimas scandalizasse me vercor, et exemplo aut negligentia peremisse. Quantum ergo coram te erubescere, formidare, pœnitere, humiliare et emendare me teneor? Unde nec oculos ad cœlum levare præsumens, cum publicano pectus meum percutio, dicens : Deus, propitius esto mihi peccatori. Quod utinam ea

contritione proferrem qua protulit David, Peccavi Domino, ut merear cum eodem II Reg. xii, 13. audire : Dominus transtulit peccatum tuum.

Recitatio gestorum exemplaris veraciter poenitentium.

Nunc dicta sunt aliqua de vehementia et acerbitate veræ contritionis. Sed quoniam in moralibus exempla interdum plus movent quam verba, et ipsa moralia documenta tanto sunt perfectiora quanto ad particularia plus descendunt : volo adhuc breviter recitare quorundam poenitentium gesta et verba ædificatoria valde. Itaque Climacus, qui decem et novem annis fuit monachus monasterii montis Sinai, deinde annis quadraginta duxit eremiticam vitam, postmodum in abbatem montis Sinai electus atque assumptus, refert se multis fuisse diebus in monasterio grandi, conversationis sanctissimæ, in quo exstitit carcer, et reclusi in eo admirabilem vitam duxerunt, qui verbis et factis ostenderunt se habere contritionem verissimam, quos ipse Climacus anxio visitavit affectu, quemadmodum refert :

Quum accessissem, inquit, in poenitentium mansionem, vidi et audivi ibidem facta et verba quæ possent vim Deo facere, et inclinare ejus benignitatem. Vidi quosdam incarcerationum illorum cunctis noctibus vigiles stare usque mane, pedes tenendo immotos, et a vi naturæ miserabiliter præ defectu somni confractos : qui dejicientes se ipsos, ignominiis et improperiis increpabant se jugiter, nullam sibi requiem tribuentes. Alios vidi in cœlos lamentabiliter adspicientes, et inde auxilium cum gemitibus, fletibus, et ejulatibus invocantes. Alios vidi in orationibus die et nocte stantes, et more damnatorum manus retro ligatas tenentes, qui vultum suum obscurum et mœstum declinaverunt in terram, indignos se arbitantes cœlum adspicere. Alios vidi in pavimento sedentes, in sacco et cinere, qui faciem suam genibus operientes, frontem in terram percutiebant. Alios vidi pectus suum semper tundentes, suamque vitam ad memoriam revocantes, qui et pavimentum lacrimis irrigabant. Porro alii lacrimari non valentes, se ipsos disciplinis diris cædebant. Vidi ibi quosdam mœrore, et more, et meditatione, excedere semetipsos ; stupentes et quasi mutos, ad omnia quoque quæ sunt mundi insensibiles factos, mentem suam profundantes de cetero in totius humilitatis abyssum. Alios vidi repletos mœstitia sedentes, terramque intuentes, et sua capita indesinenter moventes, ac instar leonum e medio cordis sui emittentes rugitus, dentibus quoque frendentes, et angustiatos. Vidi ibi animas humiles et contritas incurvatas sub pondere oneris, potentes vocibus suis lapideum cor compungere, quæ dixerunt : Scimus, o Domine, quia sufficientes non sumus ad satisfactionem et rationem reddendam debitorum nostrorum, etiamsi universum convocaverimus et adduxerimus orbem plorantem pro nobis. Hoc vero, o Domine, deprecamur, ne in furore tuo arguas nos, neque in ira tua corripias nos ; sed a multis comminationibus tuis, et a tormentis dissimilibus, innominatis et occultis, nos libera. Ibi erat videre linguas adustas, et instar canum ex ore projectas. Vidi ibi genua a genuum flectionum multitudine arefacta, oculos extra factos, et intus in parte concavos ad profundum, capillis privatos, atque a calidarum lacrimarum fervore genas exustas, facies tabidas et pallidas, a mortuis modice differentes, pectora plagis dolentia. Ubi in illis apparentia risus, otio-

Ps. vi, 2.

sumve verbum? ubi ira aut furor? qui neque si in hominibus ira esset, sciebant, luctu in eis iram prorsus exstinguente. Omnia quoque indumenta eorum dirupta ac sordida, septupedibus aut pulicibus cooperta.

Hæc multaque his consimilia ardua Climacus refert de illis, quorum multa dimitto: neque enim hæc omnibus sapiunt, sed quibus datum est. Verumtamen horum consideratione discamus nostram qualemcumque pœnitentiam pro nihilo reputare, et majora perfectioraque aggredi. Si enim peccati enormitatem pensemus, divinæ justitiæ immensitatem intueamur, ac futurorum suppliciorum acerbissimam immanitatem atque æternam acerbicatem lucide speculemur: puto quod et præfata pœnitentiæ opera arbitrabimur parva, et accingemus nos ad producendum dignos pœnitentiæ fructus.

ENARRATIO IN SEPTEM PSALMOS PŒNITENTIALES

ENARRATIO IN PSALMUM I PŒNITENTIALEM

Ps. vi.
2 **D**OMINE, *ne in furore tuo arguas me, A* utero Jeremias precatus est : Corripe me, *Jer. x, 24.*
neque in ira tua corripias me. Domine, verumtamen in iudicio (id est in

Quam humiliter et compuncte, quam lacrimose, affectuose et contrite debeamus hunc versum proferre, patet ex introductis. Peccator ergo suorum excessuum multitudinem magnitudinemque perpendens, quantam per eos damnationem promeruit pensans, timens ac tremens, divinæ quoque justitiæ rigorem advertens, sic orsus est exorare : *Domine, ne in furore tuo arguas me.* Ac si dicat : Scio,

Job xxiv, 12. tis inultum, juxta illud Job, Deus inultum abire non patitur : idcirco non peto non

Apoc. iii, 19. argui, præsertim quum dixeris, Ego quos amo, arguo et castigo ; verum hoc oro, ne in furore tuo arguas me, hoc est secundum rigorem justitiæ tuæ, præsertim in particulari aut generali iudicio me æternaliter condemnando. Quod adeo est pavendum, ut sanctus Job oraverit : Quis

Job xiv, 13. mihi tribuat ut in inferno protegas me et abscondas me, donec pertranseat furor tuus, et constituas mihi tempus in quo recorderis mei ? Hinc et sanctificatus in

Domine, verumtamen in iudicio (id est in moderamine pio tuæ discretionis, juxta imbecillitatem meæ capacitatis), et non in furore tuo, ne forte ad nihilum redigas me.

Neque in ira tua corripias me. Tanquam dicat : Non solum, o Domine, expavescio et perhorresco argui in tuo furore per æternæ damnationis inflictionem, juxta illud, *Ite, maledicti, in ignem æternum ;* sed et minorem metuo illam ultio-
Matth. xxv, 41.

B nem, videlicet purgatorii pœnam, omnibus hujus vitæ tormentis acerbiores. Hanc quoque metuo vehementer. Quis enim pro omnibus hujus mundi divitiis, deliciis et honoribus, vellet per unum diem nudo corpore in ardenti jacere fornace ? Ecce quam æstuantissimus fuit fornax ille Chaldaicus, de quo Daniel : Non cessabant,
Dan. iii, 46, 47. inquit, ministri regis succendere fornacem naphtha, et stuppa, et pice, et malleolis : ita ut flamma ignis effunderetur super fornacem cubitis quadraginta novem. Quis pro omnibus mundi regnis vellet per unam horam in tali torqueri

NOTA. — Secuti sumus Colonienses editiones ann. 1530, s. t. n., et 1532, apud Melchiorum Novesianum.

incendio? Cur ergo non magis veremur A purgatorii pœnas? præsertim quum et S. Thomas ac alii quidam super quartum scribant Sententiarum, quod non solum pœna sensus, sed etiam pœna damni ipsius purgatorii, universa hujus vitæ excedat supplicia.

Præterea, interdum quoque in sæculo isto infligit Omnipotens pœnas humanæ infirmitati quasi intolerabiles, prout sanctus Job sibi contigisse insinuat, alloquens

Job xxx. 20, 21.

Deum : Clamo ad te, et non exaudis me ; sto, et non respicis me : mutatus es mihi B in crudelem, et in duritia manus tuæ adversaris mihi. Tale quoque in novo Testamento parentibus S. Clementis, sancto item Eustachio ejusque conjugii, legitur accidisse. Potest ergo versiculus iste et ita intelligi, ut pœnitens ab hujusmodi reprehensione et castigatione postulet præservari : quemadmodum filii Israel a crudeli Antiocho ac satellitibus ejus im-

II Mach. x. 4.

maniter tribulati, scribuntur orasse ut si quando peccarent de cetero, mitius punirentur, nec tam crudelibus traderentur C tyrannis. — Verum circa hoc quæri potest, quomodo Deus quandoque sic punit

I Cor. x. 13.

in præsentī, quum dicat Apostolus, Fidelis Deus, qui non patietur vos tentari super id quod potestis. Dicendum, quod quamvis Deus nonnunquam permittat suos tentari et affligi super id quod possunt per naturam, non tamen super id quod possunt per gratiam, quum et idem ipse testetur Apostolus : Supra modum gravati sumus, supra virtutem, ita ut nos tæderet vivere. Sic et Moyses ab improba plebe D Israel excessive afflictus locutus est Deo :

Num. xi. 10.

Obsecro ut interficias me, ne tantis afficiar malis.

Insuper est et alia quædam reprehensio Dei in sæculo isto, ex furore ejus procedens, qua arguit ipsum Cain dicendo, *Gen. ix. 9.* Ubi est frater tuus? et rursus, *Ibid. 10.* Quid fecisti? Quem foris per justitiam increpavit, sed per gratiam intus non unxit : ideo Cain verba Dei audire corporaliter potuit, sed emendare contempsit, ut beatus scri-

bit Gregorius. A tali igitur correptione præservari petamus, et Dominum deprecemur ut dum aut intus aut foris nos arguit, per instinctum angelicum, per prælatos aut judices, aut prædicatores Ecclesiæ, intus gratiose nos ungat, ita ut acquiescamus et emendemus. — Denique ex Scripturis docemur, esse et aliam Dei correptionem et redargutionem, non ex furore et ira, sed ex paterna potius caritate dulcique pietate descendantem. De qua Salomon contestatur : Quem diligit Domi- *Prov. iii. 12.* nus corripit, et quasi pater in filio complacet sibi. Ab hac pœnitens non postulat erui, quum præmittatur ibidem : Disciplinam Domini, fili mi, ne abjicias, et ne deficias quum ab eo corripieris. *Ibid. 11.*

Postremo hic quæritur, cur in Scripturis veteris Testamenti furor et ira tam frequenter imperturbabili, impassionabili, ac tranquillissimo Deo attribuantur. Respondendum, quod multiplici ratione ad nostram commonitionem hoc factum est.

Primo, ne quis sibi de misericordia Dei immoderate ac temere blandiatur. Hinc

Ecclesiasticus v. 5-7.

Ecclesiasticus : Non adjicias, inquit, peccatum super peccatum ; et ne dicas, Misericordia Domini magna est : misericordia enim et ira cito ab illo proximant, et in peccatores respicit ira illius. Secundo, ad incutiendum nobis salubrem timorem, quatenus ponderemus quam horrendum sit

Hebr. x. 31.

incidere in manus irascentis furentisque Dei. Tertio, ad designandum distractionem ultionis divinæ, præsertim in vita futura.

Unde et Deus irasci et furere perhibetur, D propter similitudinem effectus seu ultionis, non propter veritatem commotionis aut passionis. Nam et ipse, qui per Jeremiam toties de suo fatur furore, nihilo minus per eundem fatetur Prophetam :

Numquid ad iracundiam me provocant? *Jer. vii. 19.* Nonne semetipsos, in confusionem vultus sui? Quarto, quoniam lex Moysis lex fuit timoris, sicut lex Christi lex est amoris.

Hinc Deus per verba et facta, per comminationes et celeres ultiones timorem populo illi duræ cervicis incussit. Ideo scri-

Nahum 1, 2. ptum est : Deus æmulator, et ulciscens Dominus; ulciscens Dominus, et habens furorem.

3 *Miserere mei, Domine, quoniam infirmus sum; sana me, Domine, quoniam conturbata sunt ossa mea.*

De Fide
orthodoxa.

Quemadmodum nono de Civitate Dei asserit Augustinus, misericordia est alienæ miseriæ in corde nostro compassio, qua alteri subvenimus. Hinc secundum Damascenum libro secundo, misericordia est tristitiæ species, et quidam dolor. Sicque designat motum sensitivi appetitus; nec ita est virtus, sed passio; nec convenit Deo nisi per similitudinem operis, ut de furore et ira expressum est. Alio modo, misericordia nominat motum seu affectum appetitus intellectivi, quo misericordi displicet malum alterius, puta miseria ejus, et relevat eam. Quumque duplex sit malum, videlicet malum pœnæ, et malum culpæ, certum est malum culpæ esse deterius malo pœnæ. Idcirco miseria culpæ est major ac pejor quam miseria pœnæ. Unde ad misericordem potissime pertinet, alium a miseria culpæ eripere, ac ejus defectum supplere, opemque impendere. Et sic misericordia convenit Deo: imo potissime et excellentissime competit ei, in tantum ut proprium ei dicatur misereri ac parcere, qui et omnipotentiam suam parcendo et miserendo maxime manifestat. Ei quippe ex propria bonitate, liberalitate ac pietate, imo et caritate qua diligit universa quæ condidit, præcipue rationales creaturas, summe et primo ac universaliter convenit omnibus subvenire, omnia conservare, peccatis ignoscere, a miseriis relevare : qui aperit manum suam et implet omne animal benedictione. De quo legitur : Misereris omnium, quoniam omnia potes, et dissimulas peccata hominum propter pœnitentiam : diligis enim omnia quæ sunt, et nihil odisti eorum quæ fecisti; parcis autem omnibus, quoniam tua sunt.

Ps. cxiiv, 16.

Sap. xi, 24, 25, 27.

Itaque, *Miserere mei, Domine*, id est, per modum compatiens tecum te habe,

et a miseriis culpæ ac debitæ pœnæ me purga et libera, *quoniam infirmus sum*. Motivum miserendi est duplex : Unum ex parte miserentis, quod est ipsa bonitas, dilectio, pietas, liberalitas, misericordia ejus, seu etiam dispositio naturalis qua aliqui naturaliter ad actus misericordiæ proni sunt, ut S. Eustachius, qui per hujusmodi actus adhuc gentilis coluit Christum. Atque beatus Job de se vere protestans : Ab infantia, inquit, crevit mecum miseratio, et de utero matris meæ egressa

Job xxxi, 18.

est mecum. Hujus motivi intuitu petiit sibi misereri editor hujus psalmi, in alio loquens ac deprecans psalmo : Secundum misericordiam tuam memento mei tu, propter bonitatem tuam, Domine. Sic et Daniel legitur orasse : Propter temetipsum, Deus meus, inclina aurem tuam, et audi me. — Aliud miserendi motivum est ex parte miseri seu afflicti, utputa miseria seu indigentia ejus, vel propinquitas aut pertinentia ejus ad miserentem. Et hoc modo petit Psalmista in isto versu sub persona cujuslibet pœnitentis sibi ignosci, dicens : Miserere mei, Domine, quoniam infirmus sum, id est impotens ad resistendum temptationibus et peccatis, pronus ad vitia, vulneratus quatuor vulneribus ex originali peccato inflictis : quæ sunt ignorantia in ratione, malitia in voluntate, infirmitas in irascibili, concupiscentia in vi sensitiva concupiscibili. Itaque, *Infirmus sum ad resistendum et prævalendum, præsertim invisibilibus hostibus animæ meæ, sine auxilio gratiæ tuæ* : ideo non confido in me, sed tuo innitor auxilio. Qui suam infirmitatem coram Deo sic confitetur, ab ipso adjuvari ac confortari meretur, juxta illud : Domine Deus meus, confitebor tibi, quoniam factus es fortitudo pauperi et egeno in tribulatione sua.

Ps. xxiv, 7.

Dan. ix, 17, 18.

Is. xxv, 1, 4.

Sana me a læsione peccati, et a reliquiis ejus, quæ manent in anima etiam post remissionem peccati, et sunt pronitas seu inclinatio ad peccandum, atque debilitas ad resistendum : quæ reliquiæ

tanto plus ab anima extirpantur, quanto plus in gratia atque virtutibus crescit. *Quoniam conturbata sunt ossa mea.* Potest hoc uno modo de corporalibus ossibus accipi. Quum enim contritio sit maximus dolor in superiori animæ appetitu, operatur redundantiam magnam in partem sensitivam et corporalem naturam, in tantum ut in ossa corporum suo modo redundet. Unde in alio psalmo poenitentiali habetur : A voce gemitus mei, adhæsit os meum carni meæ ; itemque, Ossa mea sicut cremium aruerunt. Potest quoque exponi de naturalibus superioribus et fortioribus viribus animæ, intellectu, voluntate, memoria, quæ ex vehementi contritionis acerbitate immutantur, terrentur, et affliguntur, secundum illud : Anima tristis super magnitudine mali, quæ incedit curva et infirma, et oculi deficientes præ dolore. Et Jonas ait : Quum angustia retur in me spiritus meus. Tertio potest exponi de virtutibus, quæ sunt robur, munimentum, sustentamentumque animæ, quemadmodum corporalia ossa carnis. Porro poenitentia universas animæ virtutes convocat secum in domum luctus, ut lugeant secum, et unaquæque earum defleat vitium sibi contrarium, ut castitas luxum, liberalitas tenacitatem : in qua deploratione poenitentiali ipsæ virtutes salubriter conturbantur, id est, ad exhorrendum ac puniendum peccata incitant mentem. De hac invocatione ad flendum in Ecclesiaste legitur : Melius est ire ad domum luctus, quam ad domum convivii. Hinc demum Antisiodorensis in Summa sua libro quarto disseruit : Cujuslibet virtutis est contristari, poenitere, et flere de vitio sibi contrario, sicut gaudere in suo actu virtuosos.

4 *Et anima mea turbata est valde ; sed tu, Domine, usquequo ?*

Qui etenim peccata sua distincte ac lucide intuetur, et eorum enormitatem vigilanter perpendit, tormenta quoque quæ per ea promeruit limpide speculatur, quanta etiam nocumenta, id est gratuitorum

A spoliationem, naturalium vulnerationem, æternæ salutis amissionem, per ea incurrit, sapienter perpendit : quid mirum si valde, imo et vehementissime, conturbetur, formidet, obstupescat, tristetur ? Denique, sicut corporaliter videntium triplex est genus (quidam namque cæcutientes sunt, qui non nisi grandia corpora cernunt, faciliterque in minora impingunt ; alii mediocriter vigent visu ; alii quasi lynceo pollent intuitu : minima tamen, ut sunt atomi volitantes in aere, vix aliquis videt, nisi in ipso solis radio clarius infulgente) ; sic spiritualiter videntium genus est triplex : Unum, eorum qui jam illuminari cœperunt, ita ut mortalia sua attendant peccata, et poenitent inde, venialia vero non ponderant : qui incipientes dicuntur. Secundum, eorum qui in divina proficiunt illuminatione et caritate, ita ut quotidiana sua peccata venialia consueta et grossiora intelligant et deplorent, confiteantur et vitare conentur : qui proficientes vocantur. Tertium est eorum qui radio sapientiæ salutaris abundantius jam perfusi, caritatis quoque ardore succensi, etiam minimas culpas et omissiones, mentisque distractiones, et imperfectiones acute considerant, vehementer abhorrent, cordialiterque deplangunt, et ea in se acriter ulciscuntur : qui perfecti censentur. Præterea constat, quod quanto quis plenius desuper illustratur, tanto peccatorum labem, pluralitatem et gravitatem subtilius inspicit, amarius deflet, vehementius detestatur, odit et vitat. D Hinc viri sancti sua peccata quotidiana quasi mortalia ponderant et deplangunt : etiam multo plus quam pusilli et imperfecti sua mortalia.

Itaque, horum consideratione, et ex tua metuendissima comminatione, *anima mea turbata est valde ; sed tu, Domine, usquequo ?* id est, quamdiu manebo in ista anxietate, in ista turbatione et inquietudine animæ, sine consolatione tua interna, et absque dulci fiducia veniæ obtinendæ ? Naturale quippe est animæ velle gaude-

re, consolationem exquirere; et durum est valde in gravi afflictione sine admixta lætitia permanere, juxta illud Michææ : *Mich. iv, 9, 10.* Et nunc quare mœrore contraheris? quoniam innovavit te dolor sicut parturientem. Salvabo te, et liberabo te; noli timere. Sic et Habacuc : Usquequo, Domine (ait), clamabo, et non exaudies? vociferabor ad te vim patiens, et non salvabis? Verum in tali afflictione atque angustia, servanda est patientia inconcussa, ita ut omne carnale et inordinatum vitetur solatium, et mens afflicta ad Deum adspiciat ac respiret, æquanimiter ferens ac fervide postulans consolationem ipsius, qui in talibus solet gratiose succurrere ac dulciter advenire, juxta illud in alio psalmo : Renuit consolari anima mea; memor fui Dei, et delectatus sum. Tobias quoque ait : Non delectaris, Domine, in perditionibus nostris, quia post tempestatem tranquillum facis, et post fletum exultationem infundis. — Denique, juxta hunc modum turbatus fuit valde Manasses rex Juda, peccator gravissimus, sed profundissime pœnitens : Peccavi, inquit, super numerum arenæ maris; multiplicatæ sunt iniquitates meæ; et non est respiratio mihi, quia excitavi iracundiam tuam. *Oratio Manassæ.*

5 *Convertere, Domine, et eripe animam meam; salvum me fac propter misericordiam tuam.*

Peccator pœnitens, et ex divinorum consideratione judiciorum æternaliumque pœnarum valide contremiscens, desperare nullatenus debet, sed ad divinæ pietatis abyssum confugere atque remedium flagitare : ita ut abyssus miseriarum abyssum invocet misericordiarum. Sic etenim devotus rex Josaphat loquebatur Deo : In nobis non est tanta fortitudo, ut possimus resistere adversariis nostris; sed quum ignoremus quid agere debeamus, hoc solum habemus residui, ut oculos nostros dirigamus ad te. Ita et nunc pœnitens cujus anima turbata est valde, sciens se manum Dei, hoc est justitiam et omnipotentiam Judicis mundi, non posse ef-

A fugere, ad ejus misericordiam infinitam festinat confugere, *Convertere*, dicens, *Domine*. — Constat Deum altissimum invariabilem prorsus esse, qui per Malachiam contestatur : Ego Dominus et non mutor. *Malach. iii, 6.* Quomodo ergo convertitur, qui ab una dispositione in aliam in se ipso nequaquam mutatur? Et respondendum, quod in se ipso minime variatur, sed in creaturis diversimode operatur : et nunc misericordiæ, nunc justitiæ actum exercet; nunc dulciter miseretur, misericorditer suffragatur, nunc juste relinquit, dire repellit, inexorabilisque videtur. Convertitur ergo Deus, quia se ipsum libere vertit a severitate justitiæ ad dulcorem clementiæ : quod totum immutabiliter agit secundum tenorem æternæ ac perfectissimæ providentiæ suæ. Sicque Zacharias hortatur ac pollicetur : Convertimini ad me, et convertar ad vos. — Sic ergo, *Convertere, Domine, et eripe animam meam* a nimia sua turbatione, a culpa et pœna, a potestate diaboli, a jugo peccati, a laqueis inimici, ut cum Isaia decantem : Confitebor tibi, Domine, quoniam iratus es mihi; conversus est furor tuus, et consolatus es me. *Is. xii, 1.*

Salvum me fac a meis miseriis, gratiam conferendo in præsenti, et gloriam in futuro : quod tibi soli est proprium, qui per Isaïam fateris : Deus justus et salvans non est præter me; per Osee quoque, Ego Dominus Deus tuus, et salvator non est præter me. Sic, *Salvum me fac propter misericordiam tuam*, ex propria pietate, non ex mea æquitate, quæ aut nulla, aut parva est. Quemadmodum dictum est paulo ante, duplex est motivum miserendi : unum ex parte miserentis, aliud ex parte miseri indigentis. Primum motivum allegat nunc pœnitens, deprecando : *Salvum me fac propter misericordiam tuam*, hoc est, quia in te et ex tua natura infinite misericors es, qui per Isaïam dixisti : Propter me ego faciam. De quo et in Ezechiele : Non propter vos ego faciam, ait Dominus, notum sit vobis; sed *Is. xlviii, 11. Ezech. xxxvi, 22.*

propter nomen sanctum meum. — Potest et ita exponi : Salvum me fac propter misericordiam tuam finaliter, ob tuæ adorandæ misericordiæ manifestationem et ad tui ipsius gloriam et honorem, ut tua pietas innotescat et glorificetur ab hominibus. Sic nempe et Salomon loquitur :

Prov. xvi.

4. IV Esdr.

viii. 31, 32.

36.

Universa propter se ipsum operatus est Dominus. Atque uti Esdras effatur : Tu, Domine, propter nos peccatores misericors vocatus es; itemque, Recte misericors appellaris, si misertus fueris nostri, nobis non habentibus substantiam bonorum operum. Denique quidquid omnipotens incomprehensibilis Deus in electis agit et reprobis, totum ad suæ misericordiæ aut suæ justitiæ declarationem repræsentationemque facit, et ad suæ gloriæ majestatis, dicente Apostolo : Quod si Deus volens ostendere iram, et notam facere potentiam suam, sustinuit in multa patientia vasa iræ apta in interitum : ut ostenderet divitias gloriæ suæ in vasa misericordiæ, quæ præparavit in gloriam suam.

Rom. ix.

22, 23.

6

Quoniam non est in morte qui memor sit tui; in inferno autem quis confitebitur tibi?

Hic poenitens aperit unam causam, cur tam anxie et ferventer repetitisque vicibus indulgeri sibi precetur, et gratiam ac salutem sibi præstari : videlicet, quoniam post hanc vitam, non est indulgentiæ locus nec tempus merendi, neque spes veniæ aut salutis, his qui in peccato decedunt mortali : et hoc, de lege communi, quamvis Deus ex privilegio aliud facere

Eccle. ix.

10.

De Fide

orthodoxa.

Eccle. xi. 3.

videat; prout libro secundo asserit Damascenus : Quod angelis est casus, hoc hominibus est mors. Quemadmodum etenim angeli manent perpetuo in ea aversione qua corruerunt de cælo; sic homo in ea dispositione seu affectione, hoc est conversione aut aversione, qua discedit a corpore. Et hoc est quod in Ecclesiaste legitur : Si ceciderit lignum ad austrum aut ad aquilonem, in quocumque loco ceciderit, ibi erit. In quibus verbis per li-

gnum intelligitur homo, per austrum status seu fervor caritatis, per aquilonem frigus impietatis.

Quum ergo tam incerta et brevis sit vita præsens, ut nec diem sciam nec horam, merito ita oro, *quoniam non est in morte*, id est in interitu æternæ damnationis (de qua morte Apocalypsis loquitur : Pars iniquorum erit in stagno ardente igni et sulfure, quod est mors secunda), *qui memor sit tui*. Impii in inferno per experientiam suarum pœnarum Deum co-

Matth. xxv.

13.

Apoc. xxi.

8.

gnoscunt, odiunt et blasphemant, secundum illud in alio psalmo : Erubescant et conturbentur in sæculum sæculi; et confundantur et pereant; et cognoscant quia nomen tibi Dominus. Verum cognitio illa pœnalis est infructuosa, nec reputatur. Propter quod ait Scriptura : Quodcumque potest manus tua, instanter operare, quia nec opus, nec ratio, nec sapientia, nec scientia erunt apud inferos, quo tu properas. *In inferno autem quis confitebitur tibi?* quasi dicat : Damnati per definiti-

Ps. lxxxii.

18, 19.

Eccle. ix.

10.

vam sententiam, qui sunt in inferno inferiori, nunquam confitentur tibi salubriter, confessione propriæ culpæ, neque confessione laudis divinæ, quum sint obstinati in malo; nec poenitent de peccato in quantum est offensivum inhonorativumque Dei, et turpè ac deforme in se, sed solum in quantum est eis causa tantæ miseræ. Unde scriptum est : Videntes conturbabuntur timore horribili, intra se poenitentiam agentes. Et sequitur ibi : Taliter dixerunt in inferno qui peccaverunt. Neque his obviat quod Trajanus imperator dicitur de inferni suppliciiis liberatus ad preces sancti et magni Papæ Gregorii : hoc namque ex privilegio creditur factum, nec per definitivam sententiam fuit absolute damnatus. Multi quoque qui in peccatis obierunt mortalibus, et forsitan ad tempus in inferno fuerunt, per preces Sanctorum resuscitati leguntur. Præterea advertendum quod super quartum Sententiarum asserit Thomas : Damnati nil valent considerare

Sap. v. 2, 3.

Ibid. 14.

eorum quorum consideratio possit eorum relevare supplicium ; sed ea dumtaxat quorum consideratio auget eorum calamitatem.

Hæc omnia diligentissime ponderemus, nec indultum poenitentiae tempus infructuose aut negligenter perdamus. Imo, quo morti quotidie propinquiores efficimur, eo omni die timoratiores, diligentiores, atque in omni bono opere ferventiores esse curemus, et quidquid boni valemus, operemur instanter, sicut admonet Christus : Vigilate ergo, quia nescitis qua hora Dominus vester venturus sit ; et denuo : Vigilate (nescitis enim quando Dominus veniat, sero, an media nocte, an galli cantu, an mane), ne quum venerit repente, inveniat vos dormientes. Unde et Baruch : Non mortui qui sunt in inferno, quorum spiritus acceptus est a visceribus eorum, dabunt honorem Domino.

Matth.
xxiv, 42.

Marc. xiii,
35, 36.

Baruch ii,
47.

7

Laboravi in gemitu meo ; lavabo per singulas noctes lectum meum ; lacrimis meis stratum meum rigabo.

Hic sanctus David ad omnium informationem poenitentium, exprimit ea quæ ad verum pertinent poenitentem, quæ item orationem ejus reddunt exaudibilem et acceptam : quæ sunt satisfactio pro peccatis, et continuatio satisfactionis, contritionis ac fletuum in futurum. *Laboravi*, inquit, *in gemitu meo* : pro peccatis meis gemendo, et ad tuam misericordiam suspirando, operibus satisfactionis institi cum labore, et mentis ac corporis afflictione. Quum enim in peccatis sit delectatio inordinata, seu propriæ voluntatis relaxatio prava ; justum est ut in operibus satisfactionis (ut sunt oratio, jejunium, disciplina, eleemosynarum largitio, peregrinatio) sit labor, dolor, afflictio : ut contrariis curentur contraria. Sicque unum et idem opus in quantum venit ex caritate, est meritorium, et prout ultra hoc est labori adjunctum, dicitur satisfactorium.

Lavabo per singulas noctes lectum meum. Potest et istud de corporali lecto intelligi, quum poenitenti conveniat no-

T. 14.

cturnis temporibus præsertim, orationi, devotioni, contritioni vacare, nec in ipso lecto a lacrimarum profluviiis penitus abs tinere, quotiesque excitatur a somno, mox ad Deum erigere mentem : et sic Deo offerre spiritum poenitentem, quantum vires capitis queunt sufferre, et cum discretione cuncta peragere, dicente Apostolo : Rationabile obsequium vestrum. Potest quoque per lectum conscientia designari, in qua, si munda sit, quies est animæ. Hic lectus purgatur per lacrimas multo nitidius quam vestis per aquas, Christo testante : Beati qui lugent, quoniam ipsi consolabuntur. Deinde ad confirmationem dicti, idem sensus per alia repetitur verba : *lacrimis meis stratum meum rigabo.* Per stratum potest corpus intelligi, quod substratum est animæ, et locus est suæ quietis, saltem quandoque : quod lacrimis poenitentiae saluberrime irrigatur, dum genæ beatis fletibus perfunduntur. Totum namque denominationem sortitur a parte.

O quanta est virtus lacrimarum ex sancta caritate, ex sincera contritione, ex vera devotione manantium ! Propter quod ait Hieronymus : O lacrima sancta ! tuum est regnum, tuum imperium, tu coram Altissimo intras, cælumque penetras, atque faciliter quidquid vis impetras. Denique archiapostolus Petrus flendo amare, veniam et majorem quam ante habuerat gratiam procuravit. Idem quoque, ut S. Clemens descripsit, omni nocte a primo gallorum cantu, flevit uberrime, ita ut sacra facies ejus quasi adusta videretur. Quantam demum veniam, gratiam ac virtutem, beatissima Maria Magdalene plorando obtinuit, Evangelium pandit. Sic etiam viri virtutum, Dei et proximorum succensi caritate, non sua dumtaxat, sed et proximorum, potissime subditorum, lugent peccata, sicut Apostolus recitat se fecisse. Daniel quoque propheta : Eram, ait, lugens trium hebdomadarum diebus, panem desiderabilem non comedi, et caro et vinum non introierunt in os meum. Et idem alibi, non ad suam laudem, sed

Rom. xii, 1.

Matth. v, 5.

Ibid. xxvi,
75.

Luc. vii, 37
et seq.

II Cor. xii,
21.
Dan. x, 2, 3.

Ps. ix. ad nostram scribit ædificationem : Posui A
faciem meam ad Dominum Deum meum
rogare et deprecari in jejunio, sacco et
cinere. Talis afflictio ac humiliatio cor-
dis et corporis, valde efficacem reddunt
orationem. — Sic igitur defleamus in pri-
mis propria, deinde et proximorum pec-
cata, in quantum inhonorativa et offensiva
sunt Dei, fœda, perversa, et vilia in se
Jer. iv, 14. ipsis, sicut et Jeremias hortatur : Lava a
malitia cor tuum, ut salva fias. Itemque :
Ibid. xiv, 17. Deducant, inquit, oculi mei lacrimas per
diem et noctem, et non taceant : quoniam B
contritione magna contrita est virgo filia
populi mei.

Circa hæc quæritur : primo, utrum ad
hoc quod opera pœnitentiæ sint satisfa-
ctiva atque idonea, oporteat ea fieri ex
caritate et vera contritione, sicut hoc loco
insinuari videtur ; secundo, an oporteat
contritionem et pœnitentiam esse continu-
am, sicut hic dicitur, Lavabo per singulas
noctes, etc.

Ad primum istorum respondet Antisio-
dorensis in Summa sua, libro quarto : C
Quidam sunt qui sciunt se opera satisfac-
tionis fecisse in peccato mortali : hi te-
nentur pœnitentiam iterare. Alii dubitant
inde, quorum duo sunt genera. Quidam
namque non satisfecerunt, sicut qui fu-
erunt in peccato mortali, non tamen scien-
ter : et hi iterare pœnitentiam obligantur.
Aliqui sunt qui satisfecerunt in carita-
te, non tamen habent aliquod signum eos
aliquo modo certificans quod in caritate
exsistant : qui et ipsi pœnitentiam itera-
re tenentur. Alii probabilia habent signa D
caritatis et gratiæ : qui non tenentur pœ-
nitentiam iterare. Hinc pro certo asseri-
mus, quod pœnitentia in mortali facta
sit iteranda. Qui enim in mortali peccato
est, nullum bonum apud Dominum pro-
prie promeretur, nec æternum, nec tem-
porale, quum non serviat Deo, neque ædi-
ficet ei domum, nec hortum deliciarum
in quo Dominus delectetur. Porro Nazaræi
Num. vi, 9. totum votum suum iterabant, dum mor-
ticinum tangebant. Lex vero Nazaræorum

non significavit communiter omnem pœ-
nitentium vitam, sed solum vitam con-
templativorum : quorum est nutrire, non
radere capillos, id est bonas cogitationes ;
quorum etiam est non solum melius, sed
et securius agere. Hinc si vita contem-
plativi et perfecti tangat morticinum, id
est, mortaliter peccet, ejus est totam su-
am pœnitentiam iterare, quamvis in ca-
ritate sit facta : quoniam sicut tenetur
ad melius, ita ad tutius. Hæc Antisiodoren-
sis. Cujus hoc ultimum verbum non vi-
detur procedere, nisi contemplativus pro-
babiliter æstimaret se suam pœnitentiam
non implisse ex caritate. — Insuper, ad
secundum respondet : Semper dolendum
est de peccatis, id est certis et competen-
tibus horis, sicut ait Apostolus : Sine in-
termissione orate. Sicque intelligendum
est quod loquitur Augustinus : Proposi-
tum pœnitentis, est semper de peccatis
suis dolere, et dolere se non semper sic
doluisset.

At vero Thomas super quartum, distin-
ctione 15 : Quædam, inquit, sunt satis-
factiones ex quibus manet quidam effe-
ctus in satisfaciendis, etiam postquam
actus satisfactionis transivit, quemadmo-
dum ex jejunio remanet corporis debili-
tatio, et ex eleemosynarum largitione di-
minutio substantiæ. Et tales satisfactiones
in peccatis factas, non oportet reiterare,
quoniam quantum ad id quod de eis ma-
net, Deo per pœnitentiam sunt acceptæ.
Satisfactiones autem quæ non relinquunt
aliquem effectum in satisfaciente, post-
quam actus transivit, oportet quod iteren-
tur, sicut oratio et consimiles satisfactio-
nes. Ad secundum quoque respondet, non
esse de necessitate pœnitentiæ, ut usque
in finem continuetur, nisi quantum ad
propositum abstinendi jugiter a peccato.
— Bonaventura quoque circa hæc scri-
bit : Satisfacere ex vi nominis importat
acceptationem divinam, et reconciliatio-
nem ac amicitiam. Quumque sine gratia
gratum faciente impossibile sit aliquem
Deo placere, et opera ejus acceptari ab

1 Thess. v, 17.

eo, aut amicitiam ejus habere, impossibile est sine caritate et gratia satisfacere Deo. Pœnitentia autem uno modo dicitur vera, quoniam habet ea quæ spectant ad suam essentiam : sicque non oportet veram pœnitentiam continuari usque in finem ; sed consultum est eam continuari quousque homo per signa probabilia noscat sibi esse indultum. Secundo, pœnitentia dicitur vera, quia perfecta et efficax, hoc est ad finem salutis perducens : et ita in finem est continuanda. Hæc Bonaventura, et consonat Alexander.

8 *Turbatus est a furore oculus meus ; inveteravi inter omnes inimicos meos.*

Merito itaque sic plorabo, quia *oculus cordis mei*, videlicet intellectus seu ratio, *turbatus est a furore*, id est ex consideratione rigoris tui judicii ac vindictæ : sicut jam dictum est, Anima mea turbata est valde. Hac consideratione Job dixit : Cogitationem Dei nemo avertere potest : idcirco a facie ejus turbatus sum, et considerans eum, timore sollicitor. Jeremias

vers. 4.

Job xxiii, 13, 15.

Jer. xv, 17.

Dan. xiii, 56.

Osee vii, 4.

Ibid. 5.

Job xvii, 7.

quoque : A facie, inquit, tuæ solus sedebam, quoniam amaritudine repleti me. Vel, Turbatus est oculus meus a furore, id est ex irrationabili concupiscentia : quæ recte furor libidinis nominatur, et superiorem partem animæ in peccante subvertit, et turbat ac inquietat, juxta illud Danielis : Species decepit te, et concupiscentia subvertit cor tuum. De tali furore legitur in Osee : Omnes adulterantes, quasi clibanus succensus a coquente ; et denuo, Cœperunt principes eorum furere a vino. Denique passiones animæ nisi refrenentur, a medio virtutis oculum cordis abducunt. Interdum etiam turbatur oculus pœnitentis a furore, id est ex vehementi indignatione et ira per zelum, qua contra se ipsum et vitia propria irascitur et indignatur, secundum illud, Caligavit ad indignationem oculus meus. Sic indignati et irati fuerunt contra se ipsos beatissimi patres Benedictus, Bernardus, Franciscus. Benedictus enim advertens se concupiscentia inflammatum, mox exiit

A vestes, et inter spinas se volvit. Simile fecit Franciscus, quum persuasisset sibi diabolus ut suo parceret corpori. Bernardus quoque, advertens se oculos in feminam fixisse incaute, se præcipitavit in aquam, quousque congelaretur in ea et fieret pene exsanguis.

Inveteravi inter omnes inimicos meos, id est, in vitiis diu permansi, inveteratus in eis, et veterem secutus sum hominem inter invisibiles animæ meæ hostes et inter adversarios meæ salutis. Contra quod

B hortatur Apostolus : Exuite veterem hominem cum actibus suis, et induite novum, qui secundum Deum creatus est. Ita inveteramur, dum pristinis moribus et solitis vitiis implicamur, dum ecclesiæ malignantium communicamus, dum diabolo incorporamur. Unde Baruch dicit plebi aversæ ac animæ peccatrici : Quid est, Israel, quod inveterasti in terra aliena ? Coinquinatus es cum mortuis, deputatus es cum descendentibus in infernum. Quorum ratio mox ibidem subjungitur : Dereliquisti fontem sapientiæ : nam si in via Dei ambulasses, habitasses utique in pace super terram. Ab hac vetustate eripimur et spiritualiter innovamur per divinorum charismatum infusionem, per spiritualem profectum, et per divinorum contemplationem fervidumque amorem, prout ad Ephesios monet Apostolus : Deponite vos secundum pristinam conversationem veterem hominem, qui corrumpitur secundum desideria erroris ; renovamini autem spiritu mentis vestræ, et induite novum, qui (ut ad Colossenses additur) renovatur in agnitionem Dei secundum imaginem ejus qui creavit illum.

Coloss. iii, 9, 10; Eph. iv, 24.

Baruch iii, 10, 11.

Ibid. 12, 13.

Ephes. iv, 22-24.

Coloss. iii, 10.

Discedite a me, omnes qui operamini iniquitatem, quoniam exaudivit Dominus vocem fletus mei.

9

Discedite a me, omnes qui operamini iniquitatem : id est, o vos inimici animæ meæ, inter quos inveteravi, jam nunc recedite a me. Modo enim dolos vestros adverto, et qualiter sub specie boni me decepistis. Hinc vestris suggestionibus de

cetero acquiescere non intendo : imo resistere volo : quod faciendo, fugabo et repellam vos a me : juxta illud Jacobi,

Jacob. ix, 7.

Resistite diabolo, et fugiet a vobis. Ad universos quoque quantumlibet propinquos, et caros aut sociales, qui nos ad peccatum moliuntur trahere, aut a spirituali profectu perfectionisque via impedire nituntur, debemus hæc dicere verbo aut facto. Et nisi recedant a nobis, debemus ab ipsis recedere, ad minus mentis affectu ipsis dissentiendo, quum et Christus testetur : Si quis venit ad me, et non

Luc. xiv, 26.

odit patrem suum, et matrem, et fratres, et sorores, non potest meus esse discipulus. *Quoniam exaudivit Dominus vocem fletus mei*, id est orationem meam cum fletu fusam : ut pie confido, vel ex revelatione certo scio, aut ex devotione seu consolatione interna probabiliter nosco. His siquidem modis cognoscere potest orans se exauditum esse a Domino. Nempe, quum Veritas dicat, Omnis qui petit accipit, potest orans confidere se exaudiri a Deo, præsertim si rationabiliter

Ibid. xi, 10.

petat et instanter. Si autem Deus per allocutionem internam, vel angelicam apparitionem, aut per allocutionem externam a sancto homine factam, ostendat se exaudisse, pro certo constat sic esse. Porro, dum pœnitens et afflictus sentit se subito consolari, et fervidum ac alacrem fieri ac bonæ spei consistere, cum pleno emendationis proposito ; tunc probabiliter et conjectura potest cognoscere se esse desuper exauditum, sicut Psalmographus

Ps. lxxv, 17.

iste in alio psalmo ait : Ad ipsum ore meo clamavi, et exultavi sub lingua mea.

Circa hæc quæritur, utrum diabolus semel victus ab homine, prorsus recedat ab eo, ita ut non redeat ad tentandum eundem. Quod videtur Origenes sensisse, ita ut nec illum nec alium de cetero posset tentare hominem. Alii dicunt, quod eundem non valet tentare de cetero, sed alium. Quidam vero existimant, quod victus non possit victorem magis tentare de eodem peccato, sed de aliis vitiis. Verum,

A ut in Evangelio scriptum est, diabolus *Luc. iv, 13.*

consummata omni tentatione, recessit a Christo ad tempus. Per quod insinuari videtur, quod postea rediit ad tentandum eundem : præsertim, quum passione jam imminente dixerit Christus, Venit ad me princeps hujus mundi. Communiter etiam fertur, quod Lucifer tentavit primos parentes in paradiso, et Filium Dei in eremo, in pinnaculo, et in monte excelso ; tentaturus etiam sit, penitusque victurus et possessurus Antichristum. Præterea creditur, quod unusquisque homo a vitæ suæ principio usque ad mortem, habeat angelum sanctum custodem, et angelum malum tentatorem, qui quamvis frequenter victus, non recedit in totum, nisi completo vitæ hominis curriculo.

Joann. xiv, 30.

Gen. iii, 1 et seq. Matth. iv, 1 et seq.

B dicitur, quod unusquisque homo a vitæ suæ principio usque ad mortem, habeat angelum sanctum custodem, et angelum malum tentatorem, qui quamvis frequenter victus, non recedit in totum, nisi completo vitæ hominis curriculo.

Verum, ut super secundum Sententiarum Thomas fatetur, quæ opinionum illarum sit verior non est multum certum, quum nec auctoritate, nec ratione evidenter probetur. Scribit quippe ibidem sanctus Doctor, distinctione 6 : Omnes concedunt dæmonem semel victum ; a tentatione aliquo modo cessare ; sed de hoc qualiter cesset, tres sunt opiniones : sicut jam tactum est. Opinio autem dicentium, quod postquam quis dæmonem de aliquo vitio vicit perfecte, non potest de eodem vitio tentari a dæmone victo, sed de aliis vitiis, habet causam plus manifestam : quoniam ille dicitur diabolum vincere de aliquo vitio, in quo passiones ad illud vitium inclinantes plene superantur, ut hi in quibus acquiruntur habitus virtutis consuetudinalis : et tunc non manet magna pronitas ad illud peccatum, ideo non tentantur a diabolo de hoc peccato, quia diabolus vires ipsorum cognoscit. — Porro in prima parte Summæ, quæstione 114, scribit : Aliqui dicunt, quod dæmon semel superatus, nullum de cetero potest tentare, nec de eodem peccato, neque de alio. Alii dicunt, quod alios potest tentare, non eum a quo victus est. Quod probabilius dicitur, si tamen intelligatur de impotentia illa usque ad aliquod tempus.

C

D

Cujus duplex est ratio : Una ex parte di-
vinæ clementiæ, quia (ut ait Chrysosto-
mus) non tamdiu tentat diabolus homines
Dei ut vult, sed quamdiu Deus permittit :
qui etsi permittat illum ad tempus ten-
tare, tamen repellit tentantem, propter in-
firmam tentati naturam. Alia ratio sumi-
tur ex parte diabolicæ astutiæ, quia ut ait
Ambrosius super Lucam, diabolus insta-
re formidat, quia frequentius refugit tri-
umphari. Quod tamen aliquando redeat
ad eum quem dimisit, patet per illud Mat-
thæi : Revertar in domum meam, unde

Matth. xii,
44.

exivi. Hæc Thomas in Summa.
At vero Bonaventura : Diminutionem,
inquit, fieri in exercitu dæmonum est
probabile, quum juxta legem belli, supe-
ratus removeatur a bello. Verumtamen,
quantum, et quando, ac qualiter remo-
veatur tentator, determinare est difficile.
Ideo quidquid dicat Origenes, melius est
super hoc dubitare, quam aliquid defini-
re. Hæc Bonaventura. De his Alexander
scribit diffuse, dicitque Origenem opina-
tive esse locutum ; et responsio ejus re-
sponsioni Thomæ satis concordat. Petrus
quoque et Richardus scribunt dæmonem
plene victum, recedere saltem ad tempus,
nisi conjiciat hominem victorem interim
debiliorem esse effectum.

Hæc breviter tango, non prosequor, pro-
lixitatem devitans. De quibus tam horum
doctorum quam aliorum opiniones, su-
per secundum Sententiarum plenius re-
citavi.

10 *Exaudivit Dominus deprecationem me-
am ; Dominus orationem meam suscepit.*

Quod in fine præcedentis versiculi se-
mel expressit, in isto versu bis repetit : ad
insinuandum certitudinem suæ exauditi-
onis, magnitudinem quoque suæ gratitu-
dinis, itemque jucunditatem suæ mentis ;
ut alios ad gratulandum ac gratias
agendum secum inducat, et rursus ut om-
ni pœnitenti præstet bonæ spei occasio-
nem. Est autem consuetudo gaudantium
vehementer, materiam gaudii sui frequen-
ter exprimere. Siquidem ex abundantia

Ibid. 34.

A cordis os loquitur ; et affectus intus abun-
dans, foris erumpit. Denique, quanto quis
dolorosius, affectuosius ac cordialius quæ-
rit ac invocat Deum, tanto celerius ac
gratiosius exauditur ab ipso, juxta illud
Deuteronomii : Quum quæsieris Dominum
Deum tuum, invenies eum, si tamen toto
corde quæsieris eum, et tota tribulatione
animæ tuæ. Quum ergo sciam me exau-
ditum,

Deut. iv, 29.

*Erubescant et conturbentur vehemen-
ter omnes inimici mei ; convertantur et
erubescant valde velociter.*

41

*Erubescant et conturbentur vehementer
omnes inimici mei*, invisibiles hostes, quo-
rum suggestionem peccavi, vel qui de mea
ruina lætati sunt : quibus modo in Deo
confidens insulto, et de eorum dejectione
exulto. *Convertantur et erubescant valde
velociter.* Obstinati illi non convertuntur
salubriter, sed victi simul vertuntur ac
redeunt ad principem suum immediatum
seu mediatum. Nam et princeps fornica-
tionis multos sub se habet satellites dæ-
mones, similiter princeps superbiæ, prin-
ceps avaritiæ, et ita de aliis (prout super
Josue asserit Origenes) : quorum omnium
princeps est Lucifer sævus. — Potest it-
idem istud exponi de visibilibus hostibus,
ut sit sensus : *Erubescant* erubescencia
bona et salutari de suis peccatis. Nempe,
ut legitur in Ecclesiastico, Est confusio
adducens peccatum, et est confusio addu-
cens gratiam et gloriam. Quarum utram-
que tangit Jeremias : Confusi sunt, quia
abominationem fecerunt ; quinimo confu-
sione non sunt confusi, et erubescere ne-
scierunt. Sic erubescant de turpitudine
suæ iniquitatis, et qui alios scandalizant,
inimici mei, qui odiunt me, quamvis di-
ligam eos quantum ad naturam eorum ;
convertantur ad Dominum, a quo per odi-
um, invidiam ac alia vitia sunt aversi, *et
erubescant valde velociter*, quia pericu-
lum est in mora, et nihil periculosius, ni-
hil stolidius, quam hominem in eo vivere
statu in quo mori non audet.

Ecclesi. iv,
25.

Jer. vi, 15.

Ecce hunc psalmum felici compunctio-

ne, profunda contritione, ingenti anxietate, ardenti devotione refertum ac redolentem, compunctissimo corde pronuntiemus,

A atque exemplo sancti David de nostris excessibus præcordialissime pœnitere discamus.

ENARRATIO IN PSALMUM II PŒNITENTIALEM

Ps. XXXI.
1

BEATI quorum remissæ sunt iniquitates, et quorum tecta sunt peccata.

Si lucide ac prudenter intueamur quanta sit enormitas vilitasque peccati in se ipso, quam ineffabiliter displiceat Deo, quam intolerabilem mereatur damnationem, et qualiter peccans per peccatum fiat adversarius Christi, membrum et servus diaboli, contemptibilis omnibus Sanctis, dicemus ex corde : *Beati quorum remissæ sunt iniquitates*, quibus Deus indulget transgressionem ipsorum, saltem quantum ad culpam, *et quorum tecta sunt peccata*, omnino operta et quasi ignota Deo, per hoc quod ea dimisit, delevit, ac

Amos v, 12.

tur Amos : Cognovi multa scelera vestra et fortia peccata vestra. Denique dicitur Deus quædam nescire : Primo, quia non approbat ea. Unde ait Salvator : Multi dicent mihi in die illo : Domine, Domine, nonne in nomine tuo prophetavimus, etc.? et tunc confitebor illis, Quia nunquam novi vos. Electæ vero Israeliticæ plebi ait :

Matth. xvii,
22, 23.

Amos iii, 2.

Tantummodo vos cognovi ex omnibus cognitionibus terræ. Secundo, quoniam habet ea quasi non sint, nec fuerint, seu quia omnino ignovit : et sic peccata indulta ignorat.

Hi ergo beati sunt nunc in spe et merito, beatificandi postmodum in re et præmio : ita tamen ut in remissione peccati simul intelligatur infusio gratiæ, quæ est inchoatio gloriæ, et sine cujus infusione non remittitur culpa mortalis. Hinc scriptum est : Iste omnis fructus, ut auferatur peccatum. Nempe, ut Salomon fassus

Is. xxvii, 9.

est : Justitia elevat gentem ; miseros facit populos peccatum. Quid enim separat nos a fonte nostræ salutis, nisi iniquitas nostra, quæ est summa miseria? In confessione autem sacramentali multa sunt quæ valent ad deletionem et remissionem peccati, videlicet : contritio et confessio atque humiliatio pœnitentis, oratio et absolutio confessoris, vis clavium, satisfactio quoque injuncta ; et erubescencia qua confitens de suorum vitiorum fœditate, inhonestate et enormitate verecundatur : quæ est pudor sapientialis quo intra nos coram Deo sanctitatis immensæ confundimur, ac rubore perfundimur ; quod in præsentia majestatis, puritatis ac gloriæ suæ, tam insipienter, turpiter et inique habuimus nos. Quamvis autem iniquitas sit peccatum, tamen in hoc loco per iniquitates possunt intelligi culpæ in Deum, per peccata, culpæ in proximum : vel per iniquitates, culpæ commissionis, per peccata, culpæ omissionis. Et intelligendum est istud de non recidivantibus. Alias post perceptam remissionem rursus excedere est enormius.

Prov. xiv,
34.

Beatus vir cui non imputavit Dominus peccatum, nec est in spiritu ejus dolus.

2

Beatus vir cui non imputavit Dominus peccatum, vel quoniam innocens est a mortali, vel quia de ipso ita contritus est, quod Deus illud sibi de cetero non imponit, *nec est in spiritu ejus dolus*, id est, a fraude et dolo alienus consistit. Et enim virum sanguinum et dolosum abominabitur Dominus. Teste quoque Isaia, fraudulentum vasa pessima sunt : ipse enim cogitationes concinnabit ad perdendos mi-

Ps. v, 7.

Is. xxxii, 7.

tes et innocentes in sermone mendacii. **A** Hinc simulators et callidi provocant iram Dei. De quibus loquitur Jeremias : Sagitta vulnerans est lingua eorum ; in ore suo pacem cum amico suo loquitur, et occulte ponit ei insidias. Hæc spiritualia ac latentia vitia coram Deo sunt graviora. Propter quod sacratissimus apostolici agminis vertex in sua prima hortatur Canonica : **I** Deponentes omnem malitiam, et omnem dolum, et simulationes, et invidias, et detractiones, sicut modo geniti infantes rationabiles, sine dolo, lac concupiscite : hoc est, in simplicitate et sinceritate christianæ innocentiae ambulate.

Job xxxvi,
13.
Jer. ix, 8.

1 Petr. ii, 1,
2.

Circa hæc quæritur, quid in justificatione impii seu remissione peccati sit prius, infusio gratiæ, aut remissio culpæ. Dicendum, quod in justificatione impii, ita se habent remissio seu expulsio culpæ præteritæ, et infusio gratiæ, sicut in naturalibus se habent expulsio unius formæ, et introductio formæ alterius : quia secundum ordinem causæ materialis seu secundum viam generationis, remissio culpæ præcedit gratiæ infusionem, sed secundum ordinem causæ formalis, et efficientis, atque finalis, infusio gratiæ naturaliter prior est : propter quod unum dicitur causa alterius, et econtra. Infusio namque gratiæ causa est remissionis culpæ, per modum causæ formalis, et quodammodo efficientis, imo et finalis, quia ad gratiæ susceptionem tanquam ad finem ordinatur expulsio culpæ. Forma autem et finis atque [causa] efficiens, coincidunt in idem numero, aut specie. Nec inconveniens est, **D** unum et idem esse causam et causatum, in diverso genere causæ : quum ambulatio sit causa efficiens sanitatis, sanitas vero causa finalis est ambulationis. In hanc solutionem concordant Alexander, Thomas, Albertus, Bonaventura, alii quoque communiter.

3 *Quoniam tacui, inveteraverunt ossa mea, dum clamarem tota die.*

Post commendationem vere pœnitentium et purgatorum, reus accusat se ipsum,

dicendo : *Quoniam tacui*, id est, peccatum meum abscondi, negavi, excusavi, neque confessus sum, *inveteraverunt ossa mea*, id est, superiores et robustiores vires animæ meæ, in quibus virtus et vitium esse queunt, vetustate peccati fœdata sunt, et in fœcibus suis nimis diu manserunt. Confessio etenim culpæ est iter renovationis internæ, et sanationis confortationisque animæ, prout Salomon asserit : Qui absconderit peccata sua, non dirigetur ; qui autem confessus fuerit et reliquerit ea, misericordiam consequetur. In Job quoque de ita tacente habetur : Quum dulce fuerit in ore ejus malum, abscondet illud sub lingua sua. Porro excusatio et negatio propriæ culpæ, valde gravia sunt peccata. Propter quod Dominus per Jeremiam : Ecce, ait, ego iudicio contendam tecum, eo quod dixeris, Non peccavi. Et in alio psalmo orat Psalmographus : Non declines cor meum in verba malitiæ, ad excusandas excusationes in peccatis. Juxta hunc modum scriptum est : **C** Væ mihi, quia tacui, quia pollutis labiis ego sum. Verumtamen est quædam tacentia seu occultatio culpæ bona, contraria inverecundæ manifestationi, impiæque jactantiæ, ac scandalosæ narrationi propriæ transgressionis, juxta illud : Peccatum suum quasi Sodoma prædicaverunt, nec absconderunt.

Prov.
xxviii, 13.

Job xx, 12.

Jer. ii, 35.

Ps. cxi, 4.

Is. vi, 5.

Ibid. iii, 9.

Itaque, Quoniam tacui, ubi et quando et qualia tacere non debui, inveteraverunt ossa mea, *dum clamarem tota die*, id est, assidue garrulus fui, clamorose et contentiose locutus sum, et quæ tacenda erant expressi, contra illud Ecclesiastici agens : Homo sapiens tacebit usque ad tempus ; lascivus autem et imprudens, non servabit tempus. De tali clamore ait Apostolus : Omnis amaritudo, et ira, et indignatio, et clamor tollatur a vobis. Est autem, ut Seneca docet, cum modestia et mediocri voce loquendum. Verum tota die sic clamare, quid est aliud quam insanire, et proprium cor incessanter collidere ? Quemadmodum in Ecclesiastico legitur : Qui multis utitur

Eccli. xx, 7.

Ephes. iv,
31.

Eccli. xx, 8.

Ecclesi. xix. verbis, lædit animam suam : qui autem A
odit loquacitatem, exstinguit malitiam.

4 *Quoniam die ac nocte gravata est super
me manus tua, conversus sum in ærum-
na mea, dum configitur spina.*

Ecclesi. ii. 26. Quemadmodum asserit Augustinus, ani-
mus inordinatus sibi ipsi gravis est et
pœnalis. Et quamvis vitia quædam dele-
etabilia sint iniquis, quibus venenum dul-
cius melle est; attamen multæ afflictio-
nes, inquietudines, sollicitudines admixtæ
sunt illis, juxta illud : Homini bono dedit

Deus sapientiam, et scientiam, et lætiti-
am; peccatori autem dedit afflictionem, et cu-
ram superfluam. Apte igitur pœnitens lo-
quitur Deo : *Quoniam die ac nocte*, id est
assidue, *gravata est super me manus tua*,
id est ultio tuæ potentiæ, et disciplina
tribulationis continuæ : quemadmodum le-
gitur, Manus Domini aggravata super Phi-
listæos. De qua sanctus Job precabatur :

1 Reg. v. 6. Manum tuam longe fac a me. Denique hac
manu solet Deus suis electis porrigere di-
sciplinam dum peccant, immittendo eis tri-
bulationes, adversitates ac tædia, quibus

Job xiii. 21. excitantur et commonentur converti ad
Dominum. Propter quod ait : Ego sepiam
viam tuam spinis, et sepiam eam maceria.
Harum adversitatum et afflictionum con-
sideratione atque duritia, plurimi conver-
tuntur. Unde subjungitur : *Conversus sum*

Osee ii. 6. a via lata perditionis ad arctam viam sa-
lutis, *in ærumna mea*, id est in præfatis
miseriis : ex quarum afflictione adverti
quam stultum sit Deum offendere, dam-
nabiliter conversari, et pro parvis ac bre-
vibus hujus vitæ prosperitatibus salutem

Matth. vii.
13, 14. negligere sempiternam. Sicque perpendi
quam vere in Ecclesiaste dicatur : Vidi
cuncta quæ fiunt sub sole, et ecce univer-
sa vanitas, et afflictio spiritus. Hinc loquitur

Is. xxxiii.
19. Isaias : Tantummodo sola vexatio in-
tellectum dabit auditui; et rursus loquens
ad Deum, In tribulatione (inquit) murmu-
ris doctrina tua eis. *Dum configitur spi-
na*, id est, dum ærumna seu miseria mea
trahit me ad acutam contritionem de meis
excessibus, atque ad conscientiae syndere-

Ecclesi. i. 14. sisque remorsum. Sicut enim ex effectu
cognoscitur causa, ita ex pœna attenditur
culpa pro qua infligitur pœna. Hinc per
Jeremiam Dominus loquitur : Erudire, Je-
rusalem, ne forte recedat anima mea a te.

Jer. vi. 8. Ubi Septuaginta transtulerunt : Per om-
nem dolorem et flagellum erudieris. Non
itaque ex afflictionibus ad impatientiam
concitemur : imo salubriter informemur,
et nostra pensemus piacula, gratias Domi-
no referentes quod in hac vita paterne

Cf. Job v.
17, 18. nos castigat, humiliat, purgat et admonet.

B *Delictum meum cognitum tibi feci, et
injustitiam meam non abscondi.*
Delictum meum cognitum tibi feci, id
est, evidenter coram te confessus sum, sic-
que per modum facientis cognoscere me
habui : quum certum sit, Deum nihil de
novo cognoscere, nec ex humana actione
influxum ullum recipere. Sed quum di-
ctum sit, Deum nescire pœnitentis pecca-
ta, per hoc quod homo ea humiliter re-
cognoscit et fatetur : quomodo pœnitens
modo ait, Delictum meum cognitum tibi
feci ? Dicendum, quod utrumque verum
sit, secundum diversum respectum, juxta
expositionem inductam : sic enim unum
alteri non repugnat. *Et injustitiam meam
non abscondi*, loquendo de reprehensibili
absconsione, contraria salubri confessioni,
sicut expositum est. Hinc Job : Si abscon-
di quasi homo peccatum meum, et celavi
in sinu meo iniquitatem meam. Quid enim
est peccatum proprium inordinate abscon-
dere, nisi venenum intra se clausum te-
nere, vulnusque pessimum piissimo ani-
marum medico nolle detegere ? Quod quum
sit stultum et impium,

*Dixi : Confitebor adversum me injusti-
tiam meam Domino; et tu remisisti im-
pietatem peccati mei.*
Dixi, id est, firmiter decrevi : *Confitebor
adversum me injustitiam meam Domino*,
id est, ad laudem et gloriam Dei, ipsique
Deo et ejus vicario sacerdoti ac judici,
confitebor humiliter et expresse quidquid
contra justitiam omisi aut commisi : prout
justitia est virtus communis et omnis vir-

Cf. Job v.
17, 18.

5

vers. 1.

Job xxxi.
33.

tus, quum omnis virtus sit quædam justitia. Sic igitur, Confitebor adversum me, id est accusando me ipsum, non tamen contra meam salutem, injustitiam meam : non eam imputando fatali necessitati; nec ipsi supergloriosissimo Creatori, in quem quidam perversi iniquitatem suam retorquent, juxta illud Psalmi, Quoniam declina-verunt in me iniquitates; nec tentatori, instar Evæ, quæ dixit, Serpens decepit me, et comedi; nec proximo, uti Adam, qui ait, Mulier quam dedisti mihi sociam, dedit mihi. Hinc scriptum est : Fili mi, da gloriam Domino Deo, et confitere atque indica quid feceris. *Et tu remisisti impietatem peccati mei*, id est, merito hujus propositi boni ignovisti mihi. Sufficit enim bona voluntas imperativa plene parata ad opus : quæ et data facultate, occasioneve data, mox in opus procedit. Ideo si quis veram habens contritionem confiteri proponat : nisi postea opportuno tempore confiteatur, pro negligentia et contemptu confitendi damnari meretur. Hinc sanctus Job protestatur : Vias meas in conspectu ejus arguam; et ipse erit salvator meus.

6 *Pro hac orabit ad te omnis sanctus, in tempore opportuno.*

Hic poenitens persuasionem quamdam inducit, ad ostendendum quod deceat ipsum sic deprecantem desuper exaudiri : quum et universi sancti in hoc sæculo peregrinantes, et in fragili carne degentes, aliquando peccent venialiter saltem, habeantque pro suarum remissione culparum Dominum exorare. Itaque ait : *Pro hac, supple, pro remissione peccatorum, orabit ad te omnis sanctus* : quia ut Salomon ait, non est homo super terram qui faciat bonum et non peccet; *in tempore opportuno*, id est congrua hora : quoniam actus virtutis fieri debet tempore apto. Interdum est tempus gratias referendi, interdum orandi, interdum meditandi, nonnunquam docendi. Vel, In tempore opportuno, id est toto tempore vitæ præsentis : et hoc, congruis horis. Etenim totum hoc tempus, est tempus poenitendi, orandi, ac

A promerendi. Denique sancti in hac vita dicuntur homines perfecti, viri heroici ac divini, plenam passionum reformationem adepti, a privato amore prorsus purgati, dono sapientiæ in gradu ejus supremo, caritate quoque consummata decorati, sicque sublimiter contemplativi, mysticam theologiam experti, ac per hoc amici Altissimi, atque occulti filii Dei : qui nihilo minus quotidie mirabiliter crescunt in omni virtute ac dono Spiritus Sancti. Nempe in hac perfectione et sanctitate est B multiplex gradus, secundum quem unus est sanctior et perfectior alio. Unde dixit Apostolus : Quæ retro sunt obliviscens, in anteriora extendo me ipsum. Hi quamvis suo modo sancti, venialibus et quotidianis non carent culpis, quemadmodum unus eorum disseruit, Si dixerimus quia peccatum non habemus, nos ipsos seducimus; et alter, In multis offendimus omnes.

Circa hoc quæritur, an aliquis adultæ ætatis rationisque compos valeat in hac vita esse sine peccato. Quod non videtur, ex dictis. Oppositum tamen probatur, quoniam viri sancti in hoc mundo pro quotidianis suis peccatis, non solum satisfaciunt omni die, sed insuper maxime promerentur et crescunt : propter quod evolant morientes. Præterea sanctus Job dixit : Neque reprehendit me cor meum in omni vita mea; Apostolus quoque, Nihil mihi conscius sum. Ad hoc Doctor irrefragabilis, puta Alexander, super secundum, Doctor item solennis in Quodlibetis, respondent : De Christo et ejus dignissima Genitrice nulla est quæstio. De ceteris Sanctis dicendum, quod ad modicum tempus, sed non diu, vivere queunt sine veniali, quum in ipsis fomes et quatuor vulnera ex ipso inflicta, prorsus extincta non sint penitusque sopita. Unde et ipsi indigent exorare : Dimitte nobis debita nostra. Et de sanctissimo Joanne Baptista ait Chrysostomus, super illud, Ego a te debeo baptizari : Ego peccator, quia homo. Ad objecta dicendum, quod Job et Paulus de mortalibus vitiis loquebantur. Alioqui sibi

Ps. LIV, 4.

Gen. III, 13.

Ibid. 12.

Josue VII, 19.

Job XIII, 15, 16.

III Reg. VIII, 46.

Philipp. III, 13.

I Joann. I, 8.

Jacob. III, 2.

Job XXVII, 6.

I Cor. IV, 4.

Matth. VI, 12.

Ibid. III, 14.

ipsis essent contrarii, quum Job dicat ad A

Job xiv, 17. Dominum : Signasti quasi in sacco peccata mea; et denuo, Parce peccatis meis.

Ibid. 16. Verumtamen in diluvio aquarum multarum, ad eum non approximabunt.

Per aquas in Scripturis plurima designantur : Primo, homines, juxta illud

Apoc. xvii, 1, 15. Apocalypsis : Aquæ multæ, populi multi; et *Ecclesiastæ*, Mitte panem tuum super transeuntes aquas. Atque in *Isaia* :

Is. viii, 7. Adducet Dominus super eos, videlicet super populum Judæorum, aquas multas et fortes. Et quæ fuerint aquæ illæ protinus B

Ibidem. subdit *Isaias* : Regem, inquit, Assyriorum et omnem gloriam ejus. Secundo, tribulationes, juxta illud *Psalmi* : Salvum me fac, Deus, quoniam intraverunt aquæ usque ad animam meam. Tertio, dona sapientiæ et scientiæ. Unde clamabat *Jesus* :

Ps. lxxviii, 2. Qui credit in me, sicut dicit Scriptura, flumina de ventre ejus fluent aquæ vivæ.

Joann. vii, 38. Et alibi : Aqua sapientiæ salutaris potabit illum. Quarto, abundantia tentationum, ut,

Eccle. xv, 3. Inundaverunt aquæ super caput meum. Quinto, affluentia carnalium voluptatum, C

Thren. iii, 54. quæ aquæ concupiscentiæ appellantur.

Est itaque sensus : Verumtamen in di-

ludio aquarum multarum, etc., tanquam dicat : Quamvis omnis sanctus orabit ad te

tempore opportuno, attamen in abundantia deliciarum carnalium non approximabunt homines ad te, quamvis in maximis

exsistant periculis, quoniam voluptatibus excæcati propria non advertunt pericula.

Rom. viii, 8. Propter quod, teste Apostolo, Qui in carne sunt, Deo placere non possunt. Hinc *Ecclesiasticus* jubet : Post concupiscentias D

Eccle. xvm, 30, 31. tuas non eas, et a voluptate tua avertere ; si præstiteris animæ tuæ concupiscentias ejus, faciet te in gaudium inimicis tuis.

In diluvio quoque tentationum et tribulationum multi pusilli et imperfecti non propinquant, sed recedunt a Domino, qui ut ait Salvator, ad tempus credunt, et in tempore tentationis recedunt. In diluvio item infirmitatum et adversitatum quidam per impatientiam superantur. In isto diluvio etiam, inundatione, seu strepitu

hominum plurimorum, multi impediuntur et abstrahuntur a Deo. Ad quod innuendum, de contemplantibus, quibus multitu-

do dulcedinis Dei datur gustari, fertur in Psalmo : Abscondes eos in abscondito vultus tui a conturbatione hominum ; prote-

ges eos in tabernaculo tuo a contradictione linguarum. Dominus quoque ait discipulis : Venite seorsum in desertum locum, et requiescite pusillum.

Ibid. 21. Tu es refugium meum a tribulatione quæ circumdedit me; exsultatio mea, erue me a circumdantibus me.

Marc. vi, 31. 7

Tu es refugium meum : quasi dicat : Illi non propinquabunt ad te ; ego vero ad te confugio ; a tribulatione quæ circum-

dedit me. Non enim viribus meis evadere aut prævalere posse me præsumo ; tu vero, quem super omnia diligo, in quo præ omnibus spero, quem omnipotentem, piis-

simum, fidelissimumque cognosco, es unicum meum refugium, qui solus potes me a peccatis purgare et præservare, in bono confortare, gratiam et salutem conferre. De

quo loquitur *Jeremias* : Dominus fortitudo mea et robur meum et refugium meum in die tribulationis. De quo et *Salomon* asserit : Turris fortissima nomen Domini ; ad ipsum currit justus, et exaltabitur. —

Confugiamus ergo ad misericordiam ejus, a cujus omnipotentia atque justitia fugere non valemus. Ad hoc invitat nos Salvator dicendo : Venite ad me, omnes qui laboratis et onerati estis, et invenietis requiem animabus vestris. Nec inaniter hoc quis agit, quum iterum protestetur : Eum qui venit ad me, non ejiciam foras. Circum-

damur autem in valle hac lacrimarum tentationibus, tribulationibus et periculis multis, et in medio laqueorum ac invisibilium hostium ambulamus. Specialiter quoque multæ sunt tribulationes justorum.

Jer. xvi, 19. Exsultatio mea, id est tu, Domine, es objectum et causa lætitiæ meæ, in cujus contemplatione et amore gloriior maxime, cujus infinitæ felicitati et gloriæ gratulor summe, extra quem gloriari adulterinum nunc reor. Talis fuit venerabilis illa Es-

Prov. xviii, 10. *Matth.* xi, 28, 29. *Joann.* vi, 37. *Ps.* xxxiii, 20.

Esther xiv. 18. ther, quæ bona conscientia dixit : Nunquam lætata est ancilla tua ex quo translata sum huc, nisi in te, Deus Israel. *Erue me a circumdantibus me*, id est ab omnibus adversariis salutis animæ meæ, quatenus adjutorio gratiæ tuæ illis felici triumpho prævaleam : juxta illud Apostoli : *Rom.* xvi. 20. Deus conteret Satanam sub pedibus vestris velociter. Unde sanctus Job loquitur Deo : *Job* xvii. 3. Libera me, et pone me juxta te, et cujusvis manus pugnet contra me. Sic et orat vir sapiens : Domine pater, et dominator vitæ meæ, ne derelinquas me in cogitatu et consilio illorum, ne incidam in conspectu adversariorum meorum et gaudeat inimicus meus. Itaque, quo adversarii nostræ salutis magis invidiose atque crudeliter contra nos præliantur, eo vigilantius et virtuosius resistamus eisdem, confugiendo et orando ad Dominum, nostraque jugiter meditando novissima, juxta illud *Ecclesi.* xxiii. 1, 3. Ecclesiastici, In omnibus operibus tuis memorare novissima tua, et in æternum non peccabis : ut sic cum gratiarum actione Deo dicamus : Circumdederunt me sicut apes, et exarserunt sicut ignis in spinis; et in nomine Domini quia ultus sum in eos.

8 *Intellectum tibi dabo, et instruam te in via hac qua gradieris; firmabo super te oculos meos.*

His verbis consolatur Dominus poenitentem, ejus orationem se exaudisse contestans : *Intellectum*, inquit, *tibi dabo*. Constat quod Dominus omni homini præstitit intellectum, id est intellectivam potentiam, qua a brutis secernimur; intellectualem quoque lumen quod synderesis appellatur, scintillaque rationis, ac habitus principiorum primorum in agibilibus et agendis : de quo fertur in alio psalmo, *Ps.* iv. 7. Signatum est super nos lumen vultus tui, Domine. Intellectum vero qui est unum de donis Spiritus Sancti, quo ea quæ fidei sunt cum rationibus credendorum salubriter ac formate conspiciuntur, intellectualem etiam actualem illuminationem Spiritus Sancti, Deus non omnibus, nec æque

A cunctis largitur; universis tamen in caritate et gratia gratificante existentibus hic secundum aliquem gradum largitur : et tanto plus, quanto amplius in caritate profecerint. Denique, intellectus apud theologos atque philosophos diverso modo sumitur : Primo, pro intellectuali substantia : sicque Deus et angeli intellectus vocantur. Nam et duodecimo Primæ philosophiæ Aristoteles Deum nominat honoratissimum intellectum; atque divinus Dionysius angelos nuncupat deiformes intellectus. Secundo, pro intellectiva potentia : et sic in intellectum agentem possibilemque dividitur de anima. Tertio, pro habitu intellectuali : et ita Philosophus in Ethicis annuerat intellectum inter quinque habitus intellectuales; Isaias vero inter septem dona Spiritus Sancti connumerat, Requiescet, dicens, super eum spiritus sapientiæ et intellectus : quæ sunt habitus supernaturales infusi quibus mens efficitur prompte mobilis ac dirigibilis a Spiritu Sancto. Quarto, pro actuali illuminatione seu consideratione intellectus creati : et ita potissime modo accipitur. Sicque ad Timotheum scribit Apostolus : Dabit tibi Dominus de omnibus intellectum. Pro quo frequenter orat Psalmista : Da mihi intellectum. Per quem ab adversariis nostris eripimur.

Et instruam te, per illuminationem internam, per inspirationem angelicam, per homines sapientes, per Scripturas et sapientiæ ac omnipotentiae meæ effectus. Etenim, Beatus homo quem tu erudieris, Domine, et de lege tua docueris eum. Per quam instructionem cognoscimus qualiter adversariis nostris reluctari jam debeamus. Unde orat vir sanctus : Deus meus, illumina tenebras meas : quoniam in te eripiar a tentatione, et in Deo meo transgrediar murum, id est omne salutis obstaculum. *In via hac qua gradieris*, in peregrinatione sæculi hujus, et in via poenitentiae ac salutis, qua tendis ad patriam claritatis æternæ, *firmabo super te oculos meos*, id est, gratiose, diligenter ac fixe te

Is. xi. 2.

II Tim. ii. 7.

Ps. cxviii, 34, 73, 125, 144.

Ps. xciii. 12.

Ps. xvii. 29, 30.

Ps. iv. 7.

Is. xi. 2.

intuebor ac protegam. Nempe, tam perfecte ac provide regit Omnipotens totum mundum, ut nihilo minus unumquemque tam indesinenter ac distincte consideret et gubernet, quantum in ipso est, ac si solum illum attendat. Propter quod Job

Job xxxi, 4.

Ecclesi. xiii, 28.

9) *Nolite fieri sicut equus et mulus, quibus non est intellectus.*

Nolite bestiis conformari per sensum carnalem et irrationalem vitam, qui ad superbenedictæ Trinitatis imaginem ac similitudinem estis creati, divinæ illuminationis capaces quam et Deus vobis conferre paratus est, et facti estis ut sitis sicut angeli Dei. Verum, ut scriptum est,

Ps. xlviii, 13, 21.

Homo quum in honore esset, non intellexit, comparatus est jumentis insipientibus. Qui enim instar brutorum concupiscentias suas sine rationis refrenatione sequuntur, suarumque motibus passionum feruntur, indigni sunt hominis appellatone, et rite bestię appellantur, juxta illud

1 Cor. xv, 32.

Apostoli : Si secundum hominem ad bestias, id est contra bestiales homines, pugnavi Ephesi. Imo, ut etiam dixit Philosophus, homo malus decies millies pejor est bestia. Qui rursus in Politicis optime est locutus : Sicut homo est optimum animalium, si ratione et prudentia gubernetur ; ita est animalium pessimum, si relicto rationis gubernaculo, irrationabiliter conversetur. Hinc Raphael angelus dixit juniori

Tob. vi, 16, 17.

Tobiæ : Ostendam tibi in quos potestatem habeat dæmonium : in eos qui uxores accipiunt ut suæ vacent libidini, sicut equus et mulus, quibus non est intellectus. At vero equus est brutum luxuriosum ; mulus, gulosum : per luxuriam autem et gulam homines bestiis potissime confor-

mantur. Qui vero spiritualibus vitiis involvuntur, ut superbi, invidi, acediosi, seminatores discordiæ, detractores, potius dicendi sunt diabolici quam brutales, quum per vitia illa dæmonibus impiissime assimilentur.

In canno et freno maxillas eorum constringe, qui non approximant ad te : hoc est, impœnitentium et de suis peccatis gloriantium seque jactantium reprime ora per adversa majora et minora, et eos a vitiis per adversitates retrahendo (ut dictum est). Unde Dominus ait regi Assyriorum : Ponam circulum in naribus tuis, et frenum in maxillis tuis, et reducam te

Is. xxxvii, 29.

per viam qua venisti. Hinc scriptum est de quibusdam : Obstructum est os loquentium iniqua.

Ps. lxii, 12.

Multa flagella peccatoris ; sperantem autem in Domino misericordia circumdabit.

10

Multa flagella peccatoris. De hoc jam dicta sunt multa super illud, Quoniam die ac nocte gravata est super me manus tua.

vers. 4.

De quibus multa quoque continentur in aliis psalmis, quum dicitur : Pluit super peccatores laqueos, ignis, sulfur, spiritus procellarum, pars calicis eorum ; itemque : Pones eos ut clibanum ignis in tempore vultus tui ; Dominus in ira sua turbabit eos et devorabit eos ignis. Per

Ps. x, 7.

Jeremiam quoque loquitur Dominus : Dabo eos in vexationem et maledictionem, et in stuporem et sibilum, et in opprobrium, eo quod non audierint verba mea.

Jer. xxix, 18, 19.

Hinc Salomon dicit : Parata sunt derisoribus judicia, et mallei percutientes stultorum corporibus.

Prov. xix, 29.

Denique quum Deus nullum peccatum deserat impunitum, quam innumerabilia sunt peccata, tam innumerabilia et tormenta. Nam et singula venialia, æternaliter in inferno pœnis propriis puniuntur, in quantum mortalibus sunt conjuncta.

Job xxiv, 12.

Sperantem autem in Domino misericordia circumdabit : id est, Deus misericorditer aderit undique et succurret speranti in se : loquendo de actu spei formatæ, quæ est certa expectatio futuræ felici-

tatis, ex gratia Dei et meritis nascens. Qui A autem sine operibus virtutum sperat salvari, inaniter sperat. Si vero existens adhuc in peccato mortali, proponat se emendare, incipiatque quod in se est facere, et Deum fiducialiter invocet pro succursu, misericordiam consequetur. Hinc in Ecclesiastico habetur : Respiciete et videte quia nullus speravit in Domino, et confusus est; permansit in mandatis ejus, et confusus est. Aut quis invocavit illum, et despexit eum? Ideo asserit Jeremias : Benedictus vir qui confidit in Domino, et erit Dominus fiducia ejus. Merito ergo debemus in Deo sperare, quum ipse sit creator, salvator, pater noster, cunctis in infinitum melior, fidelior, et ad salvandum potentior. Qui quum sit essentialiter verus et veritas ipsa, et ad sperandum in se hortetur, atque speranti in se misericordiam repromittat, debemus plene in ipso confidere : sic tamen ut non cessemus ejus præcepta implere, quia ut sanctus affirmat Gregorius, De spe incassum præsumit, qui Deum timere et ei parere in suis operibus renuit.

Quamvis autem spes fructuosa exigit opera bona ac meritoria, principalius tamen inniti debet spes nostra divinæ benignitati quam meritis nostris, quum et ipsa merita sint Dei dona, et suæ pietati attribuenda. Et quantum ad hoc, sanctus testatur Bernardus : Tu es, Domine, spes mea. Quidquid agendum, quidquid declinandum, quidquid tolerandum, quidquid optandum, tu es, Domine, spes mea. Hæc una omnium promissionum est causa, hæc tota ratio meæ expectationis. Prætendat alter meritum, portare se jactet pondus diei et æstus, jejunare se bis in sabbato dicat, postremo non se esse ut ceteri hominum gloriatur : mihi adhærere Deo bonum est, ponere in Domino spem meam. Quæ utique verba non sunt intelligenda ut opera excludantur, sed potius ad docendum quod hæc sit spes humillima et perfecta, quæ cum operibus bonis abundet, merita non attendit.

Lætamini in Domino et exsultate, justi : et gloriamini, omnes recti corde.

41

Lætamini in Domino et exsultate, justi. Per virtutes theologicas, et per sapientiæ donum, gaudemus et delectamur immediate in Deo, tanquam in objecto : cujus increatæ veritati debemus cum gaudio credere, cujus æternam beatitudinem debemus cum jucunditate præstolari, cujus bonitatem prorsus immensam ac puram debemus super omnia toto corde gaudiose diligere, in cujus contemplatione debemus hilariter inflammari, atque in ejus interminabili pulchritudine maxime gratulari. Secundo, gratulamur in Domino per ceteras virtutes et per reliqua dona tanquam in objecto mediate, in bonis et virtuosus gaudendo operibus interioribus et exterioribus, ad gloriam et honorem Dei. Sicque omnis ordinata lætitia, in Deo est, secundum Deum, et propter Deum. Unde monet Apostolus : Gaudete in Domino semper. Hæc spiritualis lætitia debet esse tam grandis in mente, ut redundet in corpore : quod dicitur exsultare, quasi extra se saltare : sicut illud in Psalmo, Cor meum et caro mea exsultaverunt in Deum vivum; et rursus, Exsultabunt labia mea quum cantavero tibi, et anima mea quam redemisti, Domine. Hinc Habacuc ait justus : Ego autem in Domino gaudebo, et exsultabo in Deo Jesu meo. Ita gaudere non convenit nisi justis, quemadmodum scriptum est : Non est gaudere impiis, dicit Dominus. Verumtamen naturalis sapientia suam habet speculationem, et quamdam delectationem, ut in primo Timæi innuit Plato. Qui et in Phædone testatur : Tunc maxime delectatur anima, quum in serena intelligibilia ac divina transfertur, et in immortalia ac superna erigitur. Sed delectatio ista informis et nuda est, non spectans ad meritum : quæ in philosophis fuit gentilibus. Quorum princeps fatetur, quod philosophia mirabiles habet delectationes admixtas.

Et gloriamini, omnes recti corde. Repetitio est ejusdem sententiæ, in signum

Ecclesi. ii, 11, 12.

Jer. xvii, 7.

Philipp. iv,

4.

Ps. lxxxiii,

3.

Ps. lxx, 23.

Habac. iii,

18.

Is. xlviii,

22.

Ps. xc, 9.

Matth. xx,

12.

Luc. xviii,

12.

Ibid. 11.

Ps. lxxii,

28.

seriositatis, et confirmationis indicium. Porro recti corde sunt justī, qui unicuique quod suum est tribuunt, et suam voluntatem voluntati divinæ in cunctis ordinate subjiunt et conformant : non tamen semper volendo quod vult Deus, qui aliquos vult damnari quos cupimus et precamur salvari : sed volendo id quod ipse vult nos velle, et sicut vult nos velle : prout circa finem Sententiarum habet declarari. Præterea, sicut teste Euclide, corporaliter rectum est cujus medium non exit ab extremis ; sic spiritualiter rectum censetur cujus medium, hoc est actio seu conversatio, non recedit neque discordat a primo principio, quod est Deus, nec ab ultimo fine, qui est idem summum bonum ac perfruitio ejus. A quibus qui dissentiunt ac discordant, distorti, curvi et injusti vocantur : prout uni talium vertex dixit Apostolorum, Non est cor tuum rectum coram Deo. Itaque, recti gloriantur in Deo quem diligunt, juxta illud in Canticis : Recti diligunt te.

Act. viii. 21.

Cant. i. 3.

Ex hoc psalmo docemur eos beatificare quorum deleta sunt vitia, qui a peccatis et criminibus sunt immunes, non eos qui temporaliter prosperantur, atque carnaliter delectantur : quos ut tales parvi pen-

adamus, juxta quod scriptum est de viro justo, Ad nihilum deductus est in conspectu ejus malignus. Denique, ut lætari valeamus in Domino, carnalia et mundana contemnamus solatia : quia ut ait Chrysostomus, Sicut impossibile est ignem accendi in aqua, sic cordis compunctio ac spiritualis lætitia in deliciis nequeunt carnis vigere. Unde sanctus fatetur Bernardus : Illud est verum sincerumque gaudium, quod non de creatura, sed de Creatore concipitur : cui comparata omnis aliena jucunditas mœror est, omnis suavitas dolor, omne dulce amarum. Nihilominus de creatura ad Creatorem debito modo relata licitum est gaudere, juxta illud : Delectasti me, Domine, in factura tua. Discamus itidem exemplo veri pœnitentis peccata nostra plene et plane ex intima contritione, non superficiali et arida consuetudine, confiteri : quod si faceremus, sine dubio non ita faciliter recidivaremus. O quam felix est hoc lavaerum confessionis, in quo, ut ait Scriptura, omnia immunda lavantur ! Unde Joannes : Si confiteamur (inquit) peccata nostra, fidelis et justus est, ut remittat nobis peccata, et emundet nos ab omni iniquitate.

Ps. xiv. 4.

Ps. xci. 5.

Prov. xxviii. 13.

I Joann. i. 9.

ENARRATIO IN PSALMUM III PŒNITENTIALEM

Ps. xxxvii.

2

DOMINE, ne in furore tuo arguas me, neque in ira tua corripas me.

Ps. vi. 2.

Istè versus jam in exordio primi horum septem psalmorum expositus est. Ex eisdem quippe considerationibus et contritionibus, tam illum quam istum incepit psalmum ; diverso modo autem prosecutus est.

3

Quoniam sagittæ tuæ infixæ sunt mihi, et confirmasti super me manum tuam.

Quoniam sagittæ tuæ infixæ sunt mihi. Quasi dicat : Merito, o Domine, precor

non argui a te in tuo furore : jam enim acriter infixæ sunt mihi in corpore et anima sagittæ tuæ, id est tuæ acutæ comminationes et ultiones atque multiplices pœnæ, quibus propter peccatum originale, et præsertim propter propria peccata omissionis et commissionis, læsus sum et affligor : quia ut dictum est psalmo præhabito, Multa flagella peccatoris. Hinc scriptum est : Sagittæ Domini sunt in me, quarum indignatio ebibit spiritum meum, et terrores Domini militant contra me. Et

Ps. xxxi. 10.

Job vi. 4.

confirmasti super me manum tuam, me acriter disciplinando : juxta sensum psal-
mi præcedentis, quo dictum est, Quoniam
die ac nocte gravata est super me manus
tua. Sic conquassatus tribulationibus lo-
cutus est Jeremias : Væ mihi, mater mea,
quare me genuisti? Et Job : Pereat dies
in qua natus sum. Quod plane non ex
impatientia protulit absolute, sed ad insi-
nuandum dispositionem animæ suæ quan-
tum ad partem sensitivam. Quemadmodum
Christus cœpit pavere et tædere, in tantum
ut dixerit : Pater, si possibile est, transeat
a me calix iste. De hac aggravatione ma-
nus Omnipotentis super genus humanum
in Ecclesiastico scriptum est : Occupatio
magna creata est omnibus hominibus, et
jugum grave super omnes filios Adam, a
die exitus de ventre matris eorum, usque
in diem sepulturæ in matrem omnium :
cogitationes eorum et cordis timores.

4 *Non est sanitas in carne mea a facie
iræ tuæ; non est pax ossibus meis a fa-
cie peccatorum meorum.*

Hoc multipliciter potest exponi. Primo
sic : Tam dire peccavi, quod corpore quo-
que lædi, vulnerari, imo et occidi pro-
merui. Qui enim peccat mortaliter, offen-
dendo totius vitæ auctorem, et ab eo se
avertendo, meretur protinus vita privari.
Et quum mereatur æternaliter condemna-
ri, multo plus promeretur mox corpora-
liter mori. Idcirco, o Domine, nisi tu mi-
sericorditer mecum agas, *non est sanitas
in carne mea*, id est, sanitas nulla mihi
debetur nec remanebit, sed usque ad os-
sium dissipationem confringar. Hoc quo-

que ad litteram timuit David, qui adul-
terando cum Bethsabee, secundum legem
meruit lapidari. — Secundo sic : *Non est
sanitas in carne mea* : quia infectus sum
fomite ; et membra mea exhibendo arma
iniquitatis peccato, læsiones peccati re-
dundaverunt in carnem, tanquam in ani-
matum et proprium animæ instrumen-
tum ; estque anima prona ad mala, atque
infirmum ad bonum, sicut asseruit Filius
Dei, Spiritus (inquiens) promptus est, ca-

ro autem infirma. Infirmitas item et con-
cupiscentia, ut sunt vulnera pro originali
inflicta, ad sensitivum pertinent appeti-
tum, pro quo caro accipi solet. Hinc ait
Apostolus : Scio quia non habitat in me,
hoc est in carne mea, bonum. Condelector
enim legi Dei secundum interiorem ho-
minem ; video autem aliam legem in mem-
bris meis, repugnantem legi mentis meæ,
et captivantem me in legem peccati quæ
est in membris meis. Sic itaque, Non est
sanitas in carne mea, *a facie iræ tuæ*, id
est ab animadversione et conspectu seu
præsentia tuæ vindictæ ; *non est pax*, id
est quies, tranquillitas, aut securitas, os-
sibus meis corporalibus, *a facie*, id est
demerito, seu respectu, *peccatorum meo-
rum*, quibus iram merui et usque ad ossa
comminui.

Tertio : *Non est sanitas*, id est virtutum
integritas, sed læsio ac deformatio passio-
num, *in carne mea*, id est in sensualitate,
a facie iræ tuæ, quæ debetur secundum
rigorem justitiæ huic corruptioni. Hinc
Romanos hortatur Apostolus : Non ergo
regnet peccatum in vestro mortali corpo-
re, ut obediatis concupiscentiis ejus. Et
alibi, Caro concupiscit adversus spiritum :
ubi caro, secundum unam expositionem,
pro sensualitate accipitur. Unde in Isaia
habetur : A planta pedis usque ad verti-
cem capitis non est in eo sanitas ; vulnus,
et livor, et plaga tumens. De hoc in ser-
mone pulchre scribit Bernardus, qualiter
additamentum illud Leviathan, occupavit
et infecit totum corpus nostrum : ita ut
in omnibus membris, non in uno dumtaxat,
circumcidi indigeamus. Imo et sic se-
mel circumcisi sumus in Christo in Ba-
ptismo, circumcisione non manufacta in
exspoliatione corporis carnis. *Non est pax
ossibus meis*, id est superioribus animæ
viribus, atque virtutibus animæ : quæ fra-
gilem carnem et infectam sensualitatem
sustentant, ne continue peccent ; *a facie
peccatorum meorum*. Peccata namque pec-
catoris pacem impediunt.

Quoniam iniquitates meæ supergressæ

Rom. vii,
18, 22, 23.

Ibid. vi, 12.

Galat. v, 17.

Is. i, 6.

Coloss. ii,
11.

sunt caput meum : et sicut onus grave A gravatæ sunt super me.

In quibus verbis exprimitur ratio eorum quæ in præcedenti prolata sunt versu. Ac si dicat : Vere confessus sum quod non sit sanitas in carne mea, etc., *quoniam iniquitates meæ supergressæ sunt caput meum*, id est, supremam vim animæ rationem vicerunt et oppresserunt. Imo infelix ratio se vinci permisit ab eis, et consensit concupiscentiis ceterisque pec-

1 Petr. II, 11.

catis, contra apostolicum illud, Abstinete a carnalibus desideriis, quæ militant adversus animam. *Et sicut onus grave gravatæ sunt super me.* Gravissimum quippe est onus peccati, trahens peccantem deorsum usque ad inferos et ad subjectionem sub principe tenebrarum. Hinc ad He-

Hebr. XII, 1.

bræos monet Apostolus : Deponentes omne pondus et circumstans nos peccatum, per patientiam curramus; et alibi, Unusquisque, inquit, onus suum portabit. Ideo in Zacharia iniquitas per talentum plumbi significatur. Iniqui quoque peccando dicuntur corda sua gravare, secundum id

Ps. IV, 3.

Psalmi : Filii hominum, usquequo gravi corde? atque in Exodo, Aggravatum est cor Pharaonis; et primo Regum, Cur aggravatis corda vestra, sicut gravavit Pharaon? Porro communiter in Prophetis, interdumque alibi, per onus exprimitur pœna

Habac. I, 1.

debita culpæ : ut, Onus quod vidit Habacuc; et in exordio Nahum, Onus Ninive;

Nahum I, 1.

atque in Isaia, Onus Babylonis quod vidit Isaïas; ac quarto Regum loquitur Jehu ad

IV Reg. IV, 25.

Badacer, Memini quod Dominus levaverit onus hoc super eum, id est, hanc pœnam

prædixit ad Achab. Denique hic modus loquendi tam frequens exstitit in ore librisque Prophetarum, ut perversi Judæi irriserint Prophetas, dicendo : Quod est onus Domini? Quibus locutus est Jeremias : Ne

Jer. XXIII, 33.

dixeritis ultra, Onus Domini, quia onus erit unicuique sermo suus, id est, unicuique ita irrisorie loquenti, sermo suus irrisorius erit causa punitionis sui ipsius.

Is. 36.

6

Putruerunt et corruptæ sunt cicatrices meæ a facie insipientiæ meæ.

Putruerunt et corruptæ sunt cicatrices meæ. Cicatrix dicitur signum præcedentis sanataeque lesionis, post sanationem in corpore remanens : sicut in corpore Christi remansisse dicuntur cicatrices quinque

vulnerum. Spiritualiter ergo cicatrices dicuntur reliquiæ præcedentium vitiorum aliquando deletorum : quæ putrescunt et corrumpuntur, dum pristina vitia iterantur et renovantur, juxta illud, Putruerunt

Joel I, 17.

jumenta in stercore suo, id est carnales homines in fœdis et turpibus suis operibus : quibus per Malachiam prophetam

Dominus loquitur, Projiciam sterces solennitatum vestrarum super facies vestras, et assumet vos secum. Hoc autem accidit

Malach. II, 3.

mihi, *a facie insipientiæ meæ*, id est a præsentī stultitia mea : quoniam maxima fatuitas est peccare, præsertim recidivando, eo quod vulnera repetita plus noceant. Hinc insipientia magna est, hoc non attendere nec vitare. Præterea, insipientia proprie est vitium sapientiæ dono contrarium, quod puerilitas seu vitium puerilitatis vocatur : quo homo carnalia et caduca præfert æternis, divinis ac spiritualibus bonis, instar puerorum qui poma et pira gemmis præponunt et auro. Sicque insipientes ac stulti sunt, quicumque in peccato mortali persistunt. De quibus Salomon

protestatur : Perversi difficile corriguntur; et stultorum infinitus est numerus.

Eccle. I, 15.

O quam fatuum est peccare ! quum hoc sit se ipsum lædere et necare, se æterna felicitate privare, infernali damnationi exponere, crudelissimo hosti diabolo acquiescere ac servire, se inimicum Dei efficere, ab omnium communione Sanctorum recedere, ac reprobis incorporari. Hinc dicitur animæ peccatrici : Quam vilis facta es nimis, iterans vias tuas ! Osee quoque : Factus est Ephraim quasi columba seducta, non habens cor. Recte quoque fertur in

Jer. II, 36.

Osee VII, 11.

Psalmo, Qui diligit iniquitatem, odit animam suam : nempe id amat quod summe et incomparabiliter sibi nocet. Talis reputat Christum quasi fatuum mercatorem, qui pro tam brevi et vili delectatione aut

Ps. X, 6.

prosperitate seu complacentia, vendit et A
perdit quod Christus ei tam pretiose et
laboriose recuperavit ac emit, puta æter-
nam salutem. Unde merito de impiis scri-
ptum est : Corrupti sunt et abominabiles
facti sunt in iniquitatibus.

Ps. LI, 2.

7 *Miser factus sum, et curvatus sum us-
que in finem ; tota die contristatus ingre-
diebar.*

Prov. XIV,
34.

Miser factus sum : quia dictum est,
Miseros facit populos peccatum. Aversus
namque a fonte salutis, quid nisi miser
efficeretur? Et tanto unusquisque sine du-
bio magis miser efficitur, quanto in pro-
priis voluntatibus ac voluptatibus magis
abundat ac manet, sicut ait Osee prophe-
ta : Confundetur Israel in voluntate sua.

Osee x, 6.

Apoc. III,
17.

Propterea unicuique tali dicitur : Nescis
quia tu es miser et miserabilis, et pauper
et cæcus et nudus. Etenim quilibet talis,
tanto est infelicior quanto suam miseri-
am, paupertatem, pericula, minus adver-
tit. Hinc vehementer compatiendum est
talibus, et orandum ac laborandum pro
ipsis. *Et curvatus sum usque in finem*, id
est, viliter sum dejectus et in peccatis pro-
stratus, atque a rectitudine justitiæ prorsus
deflexus. Hæc est prava curvatio, contra-
ria curvationi humilitatis de qua loqui-
tur Baruch : Anima quæ incedit curva,
dat Deo honorem. Unde Achab depresso
capite legitur incessisse. *Tota die contri-
status ingrediebar*, peccata mea ex contri-
tione deflendo, ac imminetia mala timen-
do, spirituali quoque consolatione propter
demerita mea carendo. Hæc est bona tri-
stitia, de qua Ecclesiastes : Cor sapienti-
um, ubi tristitia. Huic consolatio spiritua-
lis promittitur, Christo dicente : Beati qui
lugent, quoniam ipsi consolabuntur. Hinc
disseruit Eusebius Emisenus : Sapiens sem-
per in compunctione est, et sicut de præ-
teritis malis dolet, sic de futuris sollicitus
est. At vero qui caritate succensus est, de
proximorum peccatis atque erroribus as-
sidue mœret, sicut dixit Apostolus : Tri-
stitia mihi magna est, et dolor continu-
us cordi meo, pro fratribus meis Judæis.

Baruch II,
18.
III Reg. XXI,
27.

Eccle. VII, 5.

Matth. V,
5.

Rom. IX, 2,
3.

Hinc, secundum Basilium, non est in vita
hac tempus ridendi, in qua Deus conti-
nue tam graviter inhonoratur, tot et tanta
committuntur facinora, atque tot millia
pereunt animarum.

*Quoniam lumbi mei impleti sunt illu-
sionibus, et non est sanitas in carne mea.* 8

*Quoniam lumbi mei impleti sunt illu-
sionibus*, id est operibus et voluptatibus
carnis, quibus illuditur rationi et animæ,
dum talibus deliberative consentitur, et
dulci veneno decipitur animus. Ideo jubet

B Salvator : Sint lumbi vestri præcincti, cin-
gulo utique castitatis. De quibus et Pau-
lus : State succincti lumbos mentis ve-

Luc. XII, 35.

Ephes. VI,
14.

stræ. Porro, ut sanctus affirmat Gregorius,
luxuria viris in lumbis est, feminis in
umbilico. Quumque per vitium hoc dia-
bolus potissime humano prævaleat generi,
recte in libro Job de Leviathan * perhibe-
tur : Virtus ejus in lumbis ejus, et pote-
stas ejus in umbilico ventris illius. Qui
igitur cupit prævalere diabolo, satagat
cum adjutorio gratiæ Dei prævalere suæ
carni et concupiscentiis ejus : quemad-
modum S. Leo Papa, illustris Romanus,
quum in diebus adolescentiæ suæ susti-
neret lubricum carnis, et inde vehemen-
ter doleret, invocavit intente beatissimam
Christiferam Virginem, ut sibi impetraret
a Filio suo gratiam castitatis. Et ecce glo-
riosissima atque dulcissima Domina electo
illi adolescenti apparens : Exaudita est, in-
quit, oratio tua ; insuper ad summi aposto-
latus fastigium te noveris promovendum.

* Behemoth
Job XL, 11.

Et non est sanitas in carne mea. Ex hac
connexione videtur, quod de spirituali po-
tissime sanitate loquitur, quæ est in car-
ne, non subjective, sed per redundantiam
quamdam, ac instrumentaliter proprie,
seu cooperative et participative, prout ca-
ro subjecta spiritui, subservit ei in san-
ctitate atque justitia, sicut hortatur Apo-
stolus : Exhibete membra vestra arma
justitiæ Deo in sanctificationem. Verum-
tamen ex immoderata illa venereorum il-
lusione, solet in corpore quoque infirma-
tio, enervatio, et indispositio multiplex

Rom. VI, 13,
19.

suboriri. Propter quod dixit Apostolus : *Omne peccatum quodcumque fecerit homo, extra corpus est; qui autem fornicatur, in proprium corpus peccat (quod turpiter dehonestat); tollensque membrum Christi, membrum efficit meretricis. Sed et sanctuarium Dei, quod est corpus suum consecratum in templum Spiritui Sancto, incendit in terra igne libidinis. Hinc vir doctissimus Innocentius Papa disseruit : O extrema libidinis turpitudine, quæ non solum mentem effeminat, sed et corpus enervat; non solum maculat animam, sed fœdat personam. Semper illam præcedunt impudici contactus, petulantia comitatur, fœtor et immunditia assequuntur. Unde Cyrillus in suis scribit Proverbiis : Quid est quod tu, libidinoso, immoderanter effundis? Nonne digestissima est medulla, ac vitæ tuæ admirabilis sementiva, humanæ naturæ radicalis, carnis tuæ substantia, divitiarumque gignitivæ virtutis thesauraria vena? Attende igitur quid prodigus destruis, quid insanus dispergis, quid ingratus in nihilum projicis. Subversor es ordinis mundialis, et naturalis legis transgressor, qui prolificum semen, non in prolem, sed in delectationem ordinas et convertis, atque te ipsum quanto delectabilius, tanto dementius destruis.*

9 *Afflictus sum et humiliatus sum nimis; rugiebam a gemitu cordis mei.*

Sanctus David in persona pœnitentis, accusationibus quibus se ipsum accusat humillime, crebrius commiscet laudabiles pœnitentiæ actus quos pro peccatis suis exercuit, docens quid et nos vilissimi peccatores agere debeamus. Itaque ait : *Afflictus sum corde per contritionem, quæ est maximus dolor, per tristitiam et horrorem. Corpore quoque afflictus sum, et afflixi me ipsum per jejunia, abstinencias, disciplinas, vigilias, fletus ac similes satisfactionis actus, sicut tu, Domine, dixisti : Convertimini ad me in toto corde vestro, in jejunio, et in fletu, et in planctu; et scindite corda vestra. Ninivitæ vero saccis et ciliciis induerunt se ipsos. Et humiliatus*

Joel ii, 12, 13.

Jonæ iii, 5.

sum nimis, id est, me ipsum profundissime humiliavi, ac vilissimum reputavi ex mearum consideratione culparum : sicut ipse fatetur, Vilior (dicens) fiam plus quam factus sum, et ero humilis in oculis meis; et alibi, Ego sum vir pauper et tenuis. Hæc humiliatio maxime provocat et procurat misericordiam Dei, ita ut ubi abundaverunt vitiorum contagia, abundant gratiarum fluentia. Sic jugiter humiliemus nos ipsos, nec aliquid simus in oculis nostris, imo ad spirituale nihilum redigamur, sicque universos laqueos inimici facile evademus. Nam et quum pater Antonius totum aerem quasi repletum vidisset laqueis hostis antiqui, et exclamasset : Domine, quis hos evadet? responsum est ei : Sola humilitas. Hinc jussum est : Humilia valde spiritum tuum, quoniam vindicta carnis impii, ignis et vermis.

II Reg. vi, 22.

I Reg. xviii, 23.

Rom. x, 20.

Eccli. vii, 19.

Rugiebam a gemitu cordis mei, id est, ex prædominanti cordis suspirio ex contritione exorto, velut in leoninum erupi rugitum, nequiens continere me ipsum : quoniam prædominantes affectus, in insolitos solent erumpere sonos : quemadmodum Christiani Romani videntes gloriosi Laurentii sacrum corpus assatum, dabant mugitus. Sic et sanctus Job fassus est : Antequam comedam suspiro, et tanquam inundantis aquæ, sic rugitus meus. Denique ipsi Deo in Scripturis rugitus adscribitur, non rugitus doloris, sed terribilitatis atque terribilis ultionis, juxta illud : Dominus de Sion rugiet. Quod et Amos inducit.

Job iii, 24.

Joel iii, 16.

Amos i, 2.

Domine, ante te omne desiderium meum; et gemitus meus a te non est absconditus.

10

Domine, ante te omne desiderium meum, id est, tibi jam cognita est omnis affectio cordis mei, et ut confido, tibi accepta est : quia ut vides, nunc ad nihil inordinate afficio; tibi soli toto corde placere, satisfacere, gratias agere, servire desidero. Hoc certe ad verum pertinet pœnitentem, contritum, conversum, ut quanto plus ac frequentius mentem suam a Creatore avertit, dispersit, et evagari

permisit, tanto intentius ac sæpius ad Deum convertat, recolligat, stabiliatque in ipso, quatenus multitudini ac magnitudini culpæ sit adæquata contritio. *Et gemitus*

Hebr. iv, 13. *meus a te non est absconditus* : imo oculis sapientiæ tuæ aperta et nuda sunt omnia : oculis quoque clementiæ tuæ acceptus est gemitus contritionis, qui et

Ps. lv, 9. lacrimas pœnitentis ponis in tuo conspectu. Gemitus iste pœnitentiæ signum est et veræ contritionis effectus, quemadmodum beatus Papa Gregorius protestatur : Dum mentem Deus ingreditur, constat procul dubio quod pœnitentiæ gemitus mox sequatur, ut etiam flere salubriter libeat quod prius in iniquitatibus sibi falsa jucunditate adesse gaudebat. Quo demum uberius culpa defletur, eo altius agnitio veritatis attingitur.

41 *Cor meum conturbatum est ; dereliquit me virtus mea, et lumen oculorum meorum, et ipsum non est mecum.*

Cor meum conturbatum est. Turbatio in Scripturis interdum in bono accipitur, juxta illud : Jesus ut vidit Mariam plorantem, infremuit spiritu et turbavit se ipsum. Quæ conturbatio fuit magna compassio. Sed et summa, unica, et incomparabilis illa Maria, ut audivit salutationem Archangeli, turbata est in sermone ejus, id est vehementer attonita : quæ fuit turbatio sapientialis admirationis. Interdum vero et sæpius sumitur in malo, videlicet pro immoderata commotione seu excessiva affectione, juxta illud : Turbati sunt insipientes corde. De utraque verourbatione potest verbum istud exponi. Pœnitens autem antequam pœnituit, viliter et frequenter intus et extra turbabatur motibus passionum, inquietudine vitiorum.

Luc. x, 42. Unum quippe est necessarium, a quo uno mens aversa, in se et in multis multipliciter conturbatur, secundum illud : Ad me ipsum anima mea conturbata est. Hoc

Ps. xli, 7. est quod Dominus ait : Averti ab ea faciem meam, et abiit vaga in via cordis sui. Ac postquam pœnitere incepit, cor pœnitentis per vehementiam contritionis,

A per timorem divini judicii, per horrorem æterni supplicii, per curam vitandi recidivationem salubriter est turbatum. *Dereliquit me virtus mea* : id est, vis naturalis tentatori ac peccato succubuit, virtus quoque et gratia in Baptismo collata, seu ante peccatum existens in anima, a suo recessit subjecto per recidivum. Propterea Ecclesiastes asserit : Qui in uno peccaverit, multa bona perdet. *Et lumen oculorum meorum, et ipsum non est mecum.*

Naturale etenim lumen interiorum oculorum, qui sunt ratio et intellectus, per peccatum obruitur et cæcatur, lumen vero gratiæ perditur et aufertur : imo et Deus, qui est verissimum lumen mentis, recedit ab anima per peccatum. De qua luce dixit Michæas : Quum sedero in tenebris, Dominus lux mea est. — Hinc ergo vereamur peccare, ne tot et tanta in spiritualibus damna incurramus. Nempe, ut in homilia scribit Eusebius, hæc est spiritualium bonorum ratio, ut quum constet ea summo labore acquiri, tam facile pereant ut vix possint sentiri. Ideo scriptum est in Deuteronomio : Custodi te metipsum et animam tuam sollicite ; ne obliviscaris verborum Domini, et ne excidant de corde tuo cunctis diebus vitæ tuæ.

Amici mei et proximi mei, adversum me appropinquaverunt et steterunt.

Pœnitentibus suamque vitam emendare optantibus, multa sæpe occurrunt obstacula. Et quanto quis perfectiorem conatur emendationem pœnitentiamque assumere, tanto adversariæ potestates plura sibi subjiciunt et procurant impedimenta. Hinc in Ecclesiastico sapienter consulitur : Fili, accedens ad servitutem Dei, sta in timore, et præpara animam tuam ad tentationem. Sicque contingere solet, ut carnales amici et proximi adversentur servo Dei, ab eorum societate et impia conversatione se abstrahenti, aut temporalia adversa atque incommoda patienti ; quæruntque et consulunt inter se, qualiter eum a via avertant pœnitentiæ ac salutis. Unde et Christus prædixit disci-

Eccle. ix, 18.

Mich. vii, 8.

Deut. iv, 9.

12

Eccli. ii, 1.

Luce xxi. 16. pulis : Trademini a parentibus, et amicis, A
17 et fratribus, et eritis odio omnibus homi-
Matth. x. nibus propter me : itemque, Inimici ho-
mo : *Mich.* minis, inquit, domestici ejus. Et : Vir
vii. 6. fratrem suum venatur ad mortem : et rur-
Mich. xii. 2. sus, Ab ea quæ dormit in sinu tuo, cu-
Ibid. 5. stodi claustra oris tui. Sic et sanctus Job
Job xix. 13. loquitur : Fratres mei elongaverunt a me,
et noti mei quasi alieni recesserunt a me.

Ad idem spectat quod subditur :

13 *Et qui juxta me erant, de longe ste-
terunt ; et vim faciebant qui quærebant
animam meam.*

Et qui juxta me erant, tempore prospe-
ritatis seu pravæ conversationis, *de longe
steterunt,* adversando mihi in bonis ; *et
vim faciebant,* id est, violentiam intule-
runt mihi, *qui quærebant animam meam*
ad decipiendum seu affligendum, vel vi-
tam meam ad occidendum : sicut Herodes
Matth. ii. quærebat animam Pueri ad perdendum.
20. Quod et invisibiles hostes aliquando Deo
permittente sanctis viris fecerunt : quos
et corporaliter pene usque ad mortem
flagellasse leguntur, ut magnum Anto-
nium ac similes ejus.

*Et qui inquirebant mala, mihi locuti
sunt vanitates, et dolos tota die medi-
tabantur.*

Et qui inquirebant mala, id est occa-
siones nocendi et modos fallendi, ut qui
ex proposito et industria peccant : de qui-
II Tim. iii. bus ait Apostolus, Impii proficient in pe-
13. jus, errantes et in errorem mittentes ;
II Cor. xi. et denuo, Ut amputem occasionem his qui
12. quærunť occasionem ; *mihi locuti sunt
vanitates,* id est, per vanas et frivolas
persuasiones me decipere nisi sunt, vel,
ficta ac mendosa mihi locuti sunt ; *et
dolos tota die meditabantur.* Hæc invisi-
biles inimici faciunt servientibus Deo in-
desinenter, quibus suggerunt mala sub
specie boni.

14 *Ego autem tanquam surdus non au-
diebam, et sicut mutus non aperiens os
suum.*

*Ego autem tanquam surdus non au-
diebam,* id est, dissimulavi me audire :

ut de Saul narratur quod dissimulavit se
audire verba aspernantium eum ; *et sicut
mutus non aperiens os suum.* Sic et quar-
to Regum legitur prudens et sanctus rex
Ezechias mandasse suis officiatis : Ne re-
spondeatis ei, videlicet improbissimo bla-
sphemoque Rabsaci.

Ad idem pertinet quod subditur :

*Et factus sum sicut homo non audiens,
et non habens in ore suo redargutiones.*

Interdum namque plus expedit impro-
bitati cedere, seu potestati deferre, quam
B redarguendo aut respondendo resistere, ut
dum obstinati, seu contumaces, aut in-
corrigibiles sunt qui loquuntur atque in-
juriuntur : quibus si juste seu prudenter
respondeatur, ad pejora provocantur et
gravius labuntur. Unde in alio dicitur
psalmo : Posui ori meo custodiam, dum
consisteret peccator adversum me ; ob-
mutui, ethumiliatus sum, et silui a bo-
nis. In Ecclesiastico quoque scriptum est :
Est tacens, qui invenitur sapiens ; et est
odibilis, qui procax est ad loquendum.

C Denique omnia ista ad litteram sancto
David contigisse creduntur, qui psalmum
istum, quemadmodum et sequentem ac
alios plures, fecisse censetur ad litteram
pro indulgentia sibi præstanda de pecca-
tis commissis in Uriam Hethæum et con-
jugem : propter quæ pulsus fuit e regno,
ejusque filius et consobrinus Amasa ac
tribus Juda pro maxima parte recesserunt
et convenerunt adversus eum. In qua per-
secutione patientissimus fuit et tacens,
prout secundo Regum præscribitur.

D Præterea, sunt quædam tentationes dia-
boli graves et improbæ, atque inexpertis
in eis multum molestæ, ut tentationes
blasphemiæ, susurria quoque diabolica
contra fidem et de præscientia ac præ-
destinatione : quæ melius nequeunt su-
perari quam ut penitus non curentur,
sed irrideantur et contemnantur, dicatur-
que tentatori, Aperi os tuum, et projiciam
ibi stereus : secundum quod Seraphicus
signifer ille Franciscus docuit fratres suos.
Porro Guillelmus Parisiensis in tractatu

IV Reg.
xviii, 36; Is.
xxxvi, 21.

Ps xxxviii,
2, 3.

Eccli. xx, 5.

II Reg. xi,
3 et seq.
Ibid. xv-
xvii.

* de Tentationibus et resistentiis.

suo de Vitiis et virtutibus*, dicit, quod A proferendo unam syllabam superantur, dicendo videlicet, *fy*. Ideo sicut qui videt turpissimum foetidissimumque cadaver mox se inde avertit, dicendo *fy*, nec amplius dignatur adspicere; ita qui talia in se sentit tentamenta, protinus cum indignatione et derisu se inde avertat, et dicat *fy*, nec magis dignetur advertere. Imo ad alia salubria se convertat, cogitando de Christi passione et de quatuor suis novissimis. Si vero voluerit contra tentationes hujusmodi disputare et eas in se revolvere, seque per eas affligere ac tristari; non inveniet requiem, sed majorem ac duriores quotidie refrigerationem: quoniam argumentis non cedit diabolus, imo scit subtiliter ac multipliciter replicare. Verum, quum superbissimus sit, præfatam aspernationem, irrisiorem, et dissimulationem non sustinet. — Hinc in talibus tentationibus dicat tentatus: *Et qui inquirebant mala, mihi locuti sunt vanitates, et dolos tota die meditabantur. Ego autem tanquam surdus non audivam, et sicut mutus non aperiens os suum. Et factus sum sicut homo non audiens, et non habens in ore suo redargutiones.* Insuper, si quis contra nos velit contendere, cavillari, calumniari, vel si quis alteri obloquatur, aut discordiam seminare voluerit, taceamus, non contendamus, nec aliorum improbitate vincamur, aut modeste redarguamus: quum scriptum sit, Honor est homini quum separat se a lite; itemque, Sepi aures tuas spinis, et noli audire linguam nequam, et ori tuo facito ostia, et seras auribus tuis. Itaque quos verbis instruere non valemus, per patientiam ædificemus, et ex caritativa compassione oremus pro ipsis.

Prov. xx, 3.

Eccli. xxviii, 28.

16

Quoniam in te, Domine, speravi, tu exaudies me, Domine Deus meus.

De dignitate et efficacia spei formatæ, id est per caritatem ornatæ ac bonis operibus actuatæ, dicta sunt aliqua in expositione psalmi prioris, super illud: Sperantem autem in Domino misericordia

Ps. xxxi, 10.

circumdabit. Denique tanta est virtus et efficacia spei, ut pene omnium virtutum effectus, omne bonum animæ, totius gratiæ ac salutis adeptio, ei attribuantur, utpote, adjuvari, liberari, erui, et salvari: juxta illud Psalmi, Adjuvabit eos Dominus, et liberabit eos, et eruet eos a peccatoribus, et salvabit eos, quia speraverunt in eo. Isaias quoque: Deus judicii Dominus, beati omnes qui exspectant eum; et rursus, Qui sperant in Domino, mutabunt fortitudinem, assument pennas ut aquilæ, B current et non laborabunt, ambulabunt et non deficient. Sic ergo nunc attribuitur spei exauditio orationum a Domino. *Quoniam in te, Domine, speravi*, id est, non de viribus aut meritis meis præsumpsi, *tu exaudies preces meas*, ut confido, o *Domine Deus meus*. Hoc enim est verbum bonæ fiduciæ. Vel ex revelatione certo novit se exaudiendum. In his quoque insinuat poenitentis profectus. Qui enim primo expavit in furore Dei increpari, paulatim se humiliando, spernendo, conterendo, orando, et flendo, ad tantam devenit confidentiam ac familiaritatem Altissimi, ut Deum universorum nominet Deum suum. Hoc non est omnium dicere, sed eorum qui Deum valde singulariter colunt ac diligunt, atque ab ipso gratiose omnino reguntur. Propter quod divinus Dionysius in libris suis interdum sic ait: Deus, et si fas est dicere, meus. Qui sic sperat in Domino, cum S. Bernardo dicere valet: Si mihi præmia promittuntur, per te obtinere sperabo; si insurgunt adversus me prælia, si sæviat mundus, si terreat malignus, si caro adversus spiritum concupiscat, in te ego sperabo.

Sic ergo sperabo in te:

Quia dixi, nequando supergaudeant mihi inimici mei, et dum commoventur pedes mei, super me magna locuti sunt.

17

Quia dixi, id est, orando a te petii, *nequando supergaudeant mihi inimici mei*, id est, ut adversarii meæ salutis nunquam superflue ac invidie gaudeant de victoria sua contra me, sed magis defi-

eciant ac succumbant, nec impiam exultationem superaddant ceteris suis excessibus. Hinc in Ecclesiastico dicitur : Domine pater, ne derelinquas me, ne gaudeat inimicus meus. Et Micheas : Ne kateris, inimica mea, quia cecidi : consurgam. *Et dum commoveantur pedes mei*, id est, dum actus mei interiores aut exteriores, a rectitudine æquitatis et a via salutis declinant aut deviant, *super me magna locuti sunt*, id est, præsumptuose me deriserunt, mihi que insultaverunt : juxta illud in alio psalmo, Qui tribulant me, exultabunt si motus fuero. Itemque : Deus meus, in te confido, non erubescam ; neque irrideant me inimici mei. Ipsos enim irrisores patimur, quos ad malum persuasores habemus. — Præterea, istud debet nos ad præliandum idonee contra aciem vitiorum ac dæmonum vehementer accendere, atque præcipue confortare, quod adversariorum nostrorum implacabilem crudelitatem, insanissimum odium ac malignissimam irrisionem adversus nos certo cognoscimus, ita quod nil finaliter quærunt nisi æternam nostram damnationem, nec aliquid minus sufficit eis de nobis ; et insuper, quod ipse Deus rex et Dominus noster, et totus cæli exercitus inspicit prælium nostrum, et nostrum expectat ac cupit triumphum, ac de nostra gloriatur victoria. Idcirco, ut ipsis complacemus ac sociemur, infatigabiliter præliemur. Non enim coronatur, nisi qui legitime certaverit. Hoc demum est bene certare, universas adversariorum machinas debellare.

II Tim. ii, 5

18

Quoniam ego in flagella paratus sum ; D
et dolor meus in conspectu meo semper.

Quoniam ego in flagella paratus sum, id est, ex consideratione meorum excessuum, paratus sum pati adversa, et virgam paternæ correctionis suscipere, atque pro viribus satisfacere pro peccatis. Nam, ut sanctus fatetur Ambrosius, Qui poenitentiam vere agit, debet esse paratus ad opprobria perferenda, ad injurias subeundas, nec moveri si quis ei peccatum suum objiciat. Et ut beatus testatur Bernar-

A dus, Qui perfecte sentit onus sui peccati sueque animæ lationem, parum aut nihil reputat sui corporis pœnam ; nec reputat hoc laborem, quo novit peccata deleri præterita, et caveri futura, supplicia quoque redimi sempiterna. *Et dolor meus*, puta contritio seu pœna quam patior pro peccato, *in conspectu meo semper* : quia utrumque perpendo, et unum ad aliud refero, ac pœnam pro culpa æquanimiter fero omni tempore opportuno ; imo ex pœna me culpabilem penso. Unde per B Jeremiam Dominus loquitur : Castigo te in judicio, ut non tibi videaris innoxius. Hinc subditur :

Jer xxx, 11.

Quoniam iniquitatem meam annuntiabo, et cogitabo pro peccato meo. 49

Quoniam iniquitatem meam annuntiabo, id est, publice fatebor, et sacramentaliter confitebor tempore apto : sicut expositum est. Nam et reus graviter peccat, peccatum suum negando, aut etiam non propalando judici suo, dum ille requirit. *Et cogitabo pro peccato meo*, id est, sollicitus ero qualiter satisfaciam pro eodem, nec ipsum tradam oblivioni : imo ejus gravitatem, frequentiam, circumstantiasque diligenter attendam. Ita debemus peccata nostra quotidie recogitare, et ea quasi in unum sacculum colligere, et ante oculos cordis nostri suspendere, atque ex eorum intuitu nos indesinenter humiliare ; ac quotiescumque pulsaverit nos aliquis motus vanitatis, tentatio elationis, complacentiæ propriæ, aut gloriæ vanæ, confestim fasciculum illum adspicere, sicque rejicere vana et frivola. Similiter, dum alium increpamus aut judicamus, cum humilitate et timore Dei facere hoc debemus, propria reminiscendo delicta : præsertim quum indignus sit alium judicare, qui in eodem aut majori est peccato, ut ait Chrysostomus. Sic cogitavit pro peccato suo qui dixit : Recogitabo tibi annos meos in amaritudine animæ meæ. 15.

Is. xxxviii, 15.

Inimici autem mei circum et confirmati sunt super me ; et multiplicati sunt qui oderunt me inique. 20

Hoc frequenter ad litteram accidit pœnitenti ac justo, ut ab hominibus ipsis potentioribus odio habeantur propter suam justitiam. Quemadmodum enim similitudo est causa complacentiæ et amoris; sic dissimilitudo solet esse causa displicentiæ et rancoris, prout impii loquuntur de justo : Gravis est nobis etiam ad videndum, quoniam dissimilis est aliis vita illius, et immutata sunt viæ ejus. Nec inde est contristandum, sed potius gloriandum, quum dicat Salvator : Beati estis, quum oderint vos homines, et persecuti vos fuerint, et dixerint omne malum adversum vos, mentientes, propter me; gaudete in illa hora et exsultate, quoniam merces vestra copiosa est in cœlis. Nihilo minus de peccato ipsorum debemus dolere, et pro ipsis orare. Porro, de invisibilibus hostibus hæc melius exponuntur : qui immortales sunt quoad vitam naturæ, naturalique potestate multo nobis sunt fortiores; qui quasi innumerabiles esse noscuntur. De quorum principe scriptum est : Non est potestas super terram quæ comparetur ei. Super illud quoque in Evangelio, Quum fortis armatus custodit atrium suum, in pace sunt ea quæ possidet, scribit Hieronymus : Non debemus esse securi, quoniam adversarius noster etiam victoris voce fortis vocatur. Hinc supernaturalibus indigemus auxiliis, angelorum præsidio, gratia virtutibusque infusis ac donis. Idecirco hortatur Apostolus : Confortamini in Domino et in potentia virtutis ejus; induite armaturam Dei, ut possitis stare adversus insidias diaboli.

Ephes. vi,
10, 11.

21 *Qui retribuunt mala pro bonis detrahebant mihi, quoniam sequebar bonitatem.*

Matth. v,
44, 45.

Retribuere bonum pro malis, ad omnem pertinet Christianum, ipso Christo jubente : Diligite inimicos vestros, benefacite his qui vos oderunt, et orate pro persequentibus et calumniantibus vos, ut sitis filii Patris vestri qui in cœlis est, qui solem suum facit oriri super bonos et malos. Longissime ergo distant ab evangelicis documentis, et ingratissimi com-

A probantur, prorsusque indigni sunt Christiani appellari, qui malum pro bono non verentur reddere. Denique, judex furem suspendens, et magister discipulum dyscolum cædens, non reddunt malum absolute pro malo, quamvis pro malo culpæ retribuunt malum pœnæ : quia hoc malum pœnale, est justum et medicinale, præsertim si ex caritate et zelo justitiæ irrogetur. Præterea quidam adeo sunt perversi, ut bonum virtutis quod ipsi non habent, persequantur in aliis, melioresque se per detractiones nefarias denigrare ac maculare præsumunt : qui, ut ait Scriptura, Deo odibiles sunt. Nempe, ut Jacobus ait apostolus, Qui detrahit fratri, detrahit legi; Salomon quoque, Si mordeat serpens in abscondito, nihil minus eo habet qui occulte detrahit proximo. Nec solum obloquitur, qui falsa dicit de alio intentione denigrandi famam ipsius, sed etiam qui tali intentione loquitur illo absente vera de illo. Quumque istud sit mortale, multo magis illud.

Eccli. x, 7.

Jacob. iv,

11.

Eccli. x, 11.

C *Ne derelinquas me, Domine Deus meus; ne discesseris a me.*

22

Ne derelinquas me, Domine Deus meus, esse extra gratiam et statum salutis; *ne discesseris a me,* gratiam abstrahendo : hoc est, a vitiis me præserva, in gratia atque virtutibus me conserva. Nam sicut a te est omne esse ac vivere naturale, et conservatio in eisdem, ita ut nec ad momentum quis possit sine mantenentia tua in illis subsistere : ita a te ac incessanter dependet omne esse ac vivere spirituale meritorium, idoneum ad merendum vitam æternam; a te omnis boni initium, processus, et complementum. Pro hac re omnes boni Deum concorditer oraverunt, ut scilicet non derelinquantur a pietate et gratia Dei, certi quod derelicti mox caderent in peccata. Quamvis enim ad modicum tempus, non tamen diu abstinerent a culpa. Recedit autem Deus a creatura, quemadmodum et accedit, non locum mutando, sed influendo, aut influentiam retrahendo.

23

Intende in adiutorium meum, Domine. A *Deus salutis meæ* dator et reparator, ob-
jectum, causa et finis. Certe, ut ait Sal-

Matth. xii.
34.

Hinc peccator conversus ac pœnitens, pro-
prium fragilitatem expertus, et ex divina
illuminatione clare intelligens in quantis
fuit periculis, quam pessime stetit, imo
quam damnabiliter jacuit, quam item ve-
hementer et indesinenter imbecillis atque
instabilis homo indigeat gratioso Creatoris
sui auxilio; eandem sententiam eandem-
que precem sub aliis verbis frequenter B
resumit: ex quibus et suæ devotionis af-
fectio in se ipsa validius incalescit.

Itaque, quidquid in psalmo isto in per-
sona dicimus pœnitentis, et verba a Da-
vid edita proferendo, proferre conemur
ea quasi ex proprii cordis affectu, et sen-
sum verborum imitemur ac impleamus
effectum. Nequaquam mala pro bonis red-
damus, nec alterius ingratitude, impati-
entia, improbitate vincamur: imo aliorum
pravitatem, ingratitude, iram, impa-
tientiam, stabilitate virtutum, beneficen-
tia, patientia, mititate¹ et caritate vin-
camus, juxta illud Apostoli: Benedicite
persequentibus vos; benedicite, et nolite
maledicere. Nam et princeps Apostolorum
in prima sua affirmat Canonica: Sic est
voluntas Dei, ut bene facientes obmu-
tescere faciat imprudentium hominum
ignorantiam. Maxime quoque vitandum est
omni Christiano venenatissimum illud in-
fernale flagitium detractionis: quod ut

Rom. xii.
14.

1 Petr. ii.
15.

effatur Bernardus, gladius biceps est, ex
utraque parte acutus, tam detrahentis
quam libenter audientis animam peri-
mens. Hinc ait Hieronymus: Nulli omni-
no detrahas unquam, nec aliorum vitu-
peratione velis videri laudabilis; magis
tuam vitam disce ornare, quam carpere
alienam, ac semper memor esto scripturæ
dicentis: Noli detrahere, ne eradiceris.
Hinc Salomon in Proverbiis: Cum detra-
ctoribus ne commiscearis, quia repente
consurget eorum perditio.

Prov. xxiv.
21, 22.

Circa præhabita quæritur, specialiter
circa illud, Afflictus sum et humiliatus
sum nimis, rugiebam a gemitu cordis
mei, utrum parva contritio sufficiat ad
delendum peccata majora. Videtur quod
non, quoniam contritionem oportet ad-
æquari peccato. Ad hoc Thomas, Bonaven-
tura, alique communiter super quantum
respondent, quod, quantumcumque par-
vus sit dolor in superiori appetitu, dum-
modo ad contritionis rationem sufficiat,
omnem delet culpam, quantum ad remis-
sionem offensæ. Vera namque contritio
sine caritate esse non valet. Caritas autem
quantumlibet parva, nullum secum com-
patitur peccatum mortale. Attamen in con-
tritione qua sigillatim de singulis vitiis
suis conteritur homo, oportet esse mayo-
rem contritionem de peccato majori. Ali-
qui ad rationem contritionis non vide-
retur sufficere. Sicque verificatur illud
Hieronymi: Necessaria est pœnitentia quæ
aut æquet crimina, aut excedat.

vers. 9.

ENARRATIO IN PSALMUM IV PŒNITENTIALEM

Ps. l.
3

MISERERE mei, Deus, secundum ma-
gnam misericordiam tuam.

Iste est devotissimus et omni compun-
ctione plenissimus psalmus, cum attentio-

ne et contritione præcipua depromendus.
Quem si attente cum condigna contritione
pronuntiet homo, mirum si cor ejus præ
devotione et pœnitentiali dolore ac cari-

¹ Cf. Cangii *Glossar.* V° Mititia.

tativo fervore, protinus non rumpatur. Quem ut devotius proferamus, aliquid adhuc de enormitate inducam peccati: cuius horrenda gravitas pensatur ex multis.

Primo, ex parte ejus in quem peccatur. Quumque bonitas superoptimi Dei, in quem omne peccatum committitur, admittitur seu contingit, sit in omni perfectione penitus infinita: constat quod ex hac parte tam ingens sit omnis peccati mortalis enormitas, ut plene a nobis in hac vita comprehendere nequeat, nec effari, in tantum ut quodammodo intensive videatur in infinitum enorme. Imo ex hac parte multipliciter perpenditur peccati enormitas: — Primo, ex parte divinæ bonitatis, cui in omni peccato mortali præfertur bonum creatum, caducum, et vile. Quumque bonitas superpræstantissimi Dei sit prorsus immensa, pura, et incircumscripta: patet quod gravissima ei irrogetur injuria et quasi infinitus contemptus, dum ista tam fœda et vilia præferuntur tam supersplendidissimæ bonitati. — Secundo, ex parte majestatis et honorabilitatis divinæ. Nempe, quo is in quem peccatur majoris est dignitatis, sublimiorisque auctoritatis, et eminentioris majestatis ac honorabilitatis, eo enormius est ipsum offendere et in eum peccare. Quumque Deus excelsus et gloriosus sit universis et singulis in infinitum sublimior, major, dignior, honorabilior, cuius auctoritas omni caret termino ac mensura: certum est quod ex hac parte ineffabiliter grandis sit enormitas suæ offensæ. De quo scriptum est: Ecce Deus excelsus in fortitudine sua, et nullus ei similis in legislatoribus. Quem, teste Porphyrio, polus, tellus pontusque contremunt, et ipsa numina perhorrescunt. — Tertio, ex parte justitiæ ac sanctitatis divinæ mentis. Etenim, quo quis in se ipso vere sanctior justiorque consistit, eo plus detestatur ac odit iniquitatem; et si iudex sit, gravius punit eam. Quemadmodum ergo constat Altissimum essentialiter et incircumscribibiliter sanctum ac justum consistere; ita clarissi-

mo est quod summe et inæstimabiliter detestetur, odiat, puniatque peccata. Et certe si volumus clarius intueri quam enormem reputet omnem culpam mortalem, pensemus quod pro ea æternam infligat pœnam, omnibus tormentis hujus mundi acerbiores. — Quarto, ex parte caritatis Dei nostri ad nos, qui propter nimiam caritatem suam qua dilexit nos, unigenitum superdilectissimum Filium suum misit ac contulit nobis, atque se ipsum nobis promisit in præmium ac omnes divitias gloriæ suæ nobis communicare paratus est. Quantæ igitur perversitatis et impietatis est, hunc supergratiosissimum amatorem, qui etiam a nobis pauperculis Pater appellari dignatus est, saltem non reamare filiali amore, sed potius ipsum abjicere, mentem ab eo avertere, ipsum quoque assidue inhonorare! Heu, heu, heu! quanta est perversitas, ingratitude, improbitas nostra! — Quinto, ex parte munificentiae beneficiorumque Dei: qui quum liberalissimus sit ad nos, et multa ac maxima beneficia præstiterit nobis in naturalibus atque gratuitis, majora quoque in donis gloriæ repromiserit nobis; palam prorsus, enormissimum esse, pro tot et tantis bonis tali ac tanto benefactori reddere mala, contumelias, injurias, execramenta. Nonne ipse Pater spirituum, cui minime potest reddi æquivalens? Et si carnales parentes inhonorare existit tam enorme, ut jussum fuerit in lege, Qui maledixerit patri aut matri, morte moriatur: quanto enormius est, Patrem istum altissimum, a quo omnis paternitas in cœlo et in terra nominatur ac derivatur, mentis aversione, oris locutione, bonorum omissione, malorum commissione, cunctisque viribus animæ, et omnibus corporis membris inhonorare? Hinc rectissime Moyses dixit: Generatio prava atque perversa, hæccine reddis Domino, popule stulte et insipiens? Nonne ipse est pater tuus, qui possedit te, et fecit et creavit te? Deum qui te genuit dereliquisti, et oblitus es Domini creato-

Ephes. ii, 4; Galat. iv, 4.

Exod. xxi, 17.

Ephes. iii, 15.

Deut. xxxii, 5, 6, 18.

ris tui. — Sexto, ex parte divinae præsentiae omnia intuentis. Hoc quippe ad præcipuum pertinet Dei contemptum, quod quum certissime agnoscamus eum ubique esse præsentem, ac universa conspicientem, nihilo minus ipso præsentem, intuente, comminante, ac prohibente, stulte audemus, ac scelerate præsumimus ejus prævaricare præcepta.

Insuper, attenditur peccati enormitas ex parte peccantis : qui quanto majora ac plura bona desuper est sortitus, quanto majoris est prælaturæ aut dignitatis, quo pluribus præsidet, quo majoris existit scientiæ altiorisve ordinis, ac pluribus modis ad bene vivendum constrictus, eo peccata ipsius sunt graviora. — Sunt demum et alia multa ex quibus accipitur gravitas culpæ, videlicet ex parte loci et temporis, ac materiæ circa quam, ac processus, et penes radicem ac finem.

Hebr. 14, 16. Tu ergo, o peccator ac pœnitens, his rite attentis, mente jam recollecta, accede ad thronum gratiæ, et contritissimo ac fervido corde invoca Patrem misericordiarum, fontem gratiæ, datorem virtutum, dicendo : *Miserere mei, Deus, secundum magnam misericordiam tuam*, hoc est secundum pietatem tuam penitus infinitam, cujus consideratio excludit a me omnem desperationem, datque orandi fiduciam : quoniam in infinitum major est misericordia tua quam miseria nostra, bonitas tua quam nostra malitia, opulentia gratiæ et abundantia caritatis liberalitatisque tuæ, quam indigentia, aversio atque inopia nostra. Ob hanc tuam misericordiam, D beatitudinem opulentiamque immensam, miserere mihi miserrimo, pauperrimo ac infelicissimo peccatori, ad laudem et gloriam tui ipsius : quatenus, quo major est mea miseria, transgressio et malitia, tanto plus misericordia, gratia, liberalitas tua commendentur, resplendeant et glorificentur in me. O quanta est vis verbi istius, Miserere, quo et ipse Omnipotens quodam modo vinei videtur ! Quidquid enim, o Domine, objeceris mihi et dixeris, ad pro-

A bandum quod indignus sim misericordia tua, ego non cessabo repetere verbum hoc, Miserere mei. Si dixeris : Tu vilissimus es, toties et tam dire me offendisti, turpissimus et fœtidissimus factus es, indignissimus es coram me apparere, adspici a me, exprimere nomen meum per pollutissimam linguam tuam ; resumam verbum istud, et dicam, Miserere. Nempe, quo peior, quo vilior, quo omni gratia tua indignior, quo æterna damnatione condignior, eo miserabilior ; eo illa misericordia incomparabilis et immensa plus locum habet in me, et gloriosius, mirabilius atque potentius declarari potest in me. Nonne, o Domine, proprium est tibi misereri et parcere ? Nec latet quod omni enti delectabile sit agere quod sibi est naturale. Ergo tibi supermisericordissimo ac prorsus infinite superpiissimo Deo delectabile est misericorditer agere, indulgere, languidissimo exhibere medelam, miserrimo impendere opem, atque quantumlibet vitioso, tamen ad misericordiæ tuæ infinitam abyssum confugiënti, sua vulnera oculis tuæ immensæ clementiæ detegenti, tuas miserationes totis præcordiis postulanti paterne misereri.

Et secundum multitudinem miserationum tuarum, dele iniquitatem meam.

Misericordia seu pietas Dei in se ipsa una et simplex est, ac idem quod divina essentia. Nihilo minus multipliciter significatur et pluraliter designatur per diversitatem ac varietatem suorum effectuum, quemadmodum et potentia, juxta illud : Misericordias Domini in æternum cantabo ; et rursus, Quis loquetur potentias Domini ? et, Quoniam non cognovi litteraturam, introibo in potentias Domini. Misericordia quoque significatur in Deo quasi per modum habitus seu virtutis, sicut justitia ; misratio autem seu misereri, per modum actus : quanquam in simplicissimo Deo prorsus sint idem essentia, virtus, et actio, quemadmodum esse, et posse, ac agere. Est itaque sensus : *Et secundum multitudinem miserationum tuarum, id*

Ps. LXXXVIII,

Ps. CX, 2

Ps. LXX, 15,

16.

est juxta innumerabilem multiplicationem A
tuarum piissimarum actionum et miseri-
cordissimorum tuorum effectuum, quibus
multifarie multisque modis ab exordio
mundi hominibus es misertus, et vitiosis
ac miseris indulgisti ac subvenisti, sicut
et filiis Israel, ut patet in libris Moysis
et Judicum ac alibi, *dele iniquitatem me-*
am, id est, omnium vitiorum meorum
congeriem amove et dimitte, quasi non
fuerint, sicut in Isaia dixisti : Delebo ut
nubem iniquitatem tuam ; et rursus in
eodem, Ego sum qui deleo iniquitates tuas
propter me. De quo et Michæas : Deponet
iniquitates nostras, et projiciet in pro-
fundum maris omnia peccata nostra. Sic
et Ecclesiasticus orat : Miserere nostri,
Deus omnium, et respice nos, et ostende
nobis lucem miserationum tuarum.

Is. XLIV, 22.

Ibid. XLIII,

23

Mich. VII,

19.

Eccli.

XXXVI, 1.

4

*Amplius lava me ab iniquitate mea, et
a peccato meo munda me.*

Ecce ex ingenti contritione, ex ebulli-
enti devotione, ex prædominanti fervore,
eundem sensum, imo eandem cordis sui
affectionem, eandemque precem sub aliis
et aliis verbis multoties repetit ; sicque
præcedens bona affectio, sequentem sibi
consimilem parit, fovet, accendit, et meri-
tum crescit, quod in affectione præsertim
consistit : quanquam inter peccata et ini-
quitates possit notari distinctio, ut unum
referatur ad peccata omissionis, aliud ad
peccata commissionis, seu unum ad culpam
in proximum, aliud ad culpam in
Deum. Denique, per iniquitatem et pec-
catum intelligenda sunt universa delicta.
Etenim larga Dei pietas non dimidiat ve-
niam. Nam unum mortale sine alio non
dimittitur, quantum ad culpæ dimissio-
nem, quoniam mortale peccatum sine infu-
sione gratiæ non deletur, cum qua nullum
potest stare mortale. Unum vero veniale
sine alio potest dimitti, quum non requi-
rat novam gratiæ infusionem. Attamen po-
test quis ita orare pro alicujus specialis
peccati venia impetranda, de quo nova et
specialis habetur contritio. Quamvis enim
poenitens habere nequeat contritionem de

uno mortali absque omnium suorum con-
tritione mortalium, nihilo minus potest de
uno specialiter et actualiter poenitere seu
contritionem habere absque actuali (non
tamen sine habituali, virtuali, aut æqui-
valenti) contritione de aliis. Insuper, lavat
nos Dominus ab iniquitate, gratiam infun-
dendo, contritionem præstando, ac men-
tem ad lacrimandum pro peccatis emolli-
endo et compungendo. Peccator quoque
dicitur a peccatis se lavare, in quantum
Deo donante conteritur, dolet, et plorat
pro eis, juxta illud Jeremiæ : Lava a ma-
litiis cor tuum, ut salva fias. Hæc lotio est
ipsa mundatio. Hinc poenitentia est alter
Baptismus, et repetitio ejus, renovatio gra-
tiæ, et resurrectio salutaris a morte culpæ,
juxta illud Apostoli : Surge, qui dormis, et
exsurge a mortuis. Præterea, remissio cul-
pæ et justificatio impii, realiter idem sunt.
Differuntque in hoc, quod remissio culpæ
concernit maculam quæ aufertur, justifi-
catio gratiam quæ confertur.

Jer. IV, 14.

Ephes. V,

14.

Quoniam iniquitatem meam ego co-
C *gnosco ; et peccatum meum contra me est*
semper.

5

Quoniam iniquitatem meam ego cogno-
sco ; id est, considero corde contrito, vel
saltem attrito, si gratia nondum infusa
sit ; *et peccatum meum contra me est sem-*
per, id est, indesinenter adversatur et re-
pugnat saluti meæ, ut maximum malum
pessimumque venenum et summum no-
cumentum animæ meæ, separatio quoque
a Deo. Idcirco qui diligit iniquitatem, odit
animam suam, prout Tobiae duodecimo
D S. Raphael loquitur : Qui faciunt pecca-
tum et iniquitatem, hostes sunt animæ
suæ. Unde in libro Proverbiorum, iniquo-
rum stultitia increpatur ac tangitur, quo
habetur : Usquequo stulti ea quæ sibi no-
civa sunt cupient ? De quibus Sapiens di-
cit : Injustitia mortis acquisitio est ; impii
autem manibus et verbis arcessierunt il-
lam, et æstimantes illam amicam defluxerunt.
Vel : Peccatum meum contra me est
semper, id est jugiter omnique tempore
opportuno coram oculis cordis mei, et in

Ps. X, 6.

Tob. XII, 10.

Prov. I, 22.

Sap. I, 16.

memoria mea : ita ut illud mihi opponam A ad intuendum, deffendum, satisfaciendum, vitandum, quatenus ita me ipsum humiliem, nec inaniter gloriari præsumam : juxta illud Osee, Noli lætari, et noli gloriari, quia fornicatus es a Deo tuo. Istud ex parte poenitentis est præcipuum incitamentum ac motivum et medium impetrandi veniam, gratiam, et salutem ; nec potest adultus remissionem consequi peccatorum, nisi ea consideret, detestetur, abhorreat. Et quanto quis peccata sua diligentius pensat, exaggerat, ponderat, execratur ; tanto majorem ac celerio- B rem desuper veniam gratiamque meretur. Unde Dominus peccatricem animam exhortatur : Leva, inquit per Jeremiam, in directum oculos tuos, et vide ubi prostrata sis. Sic debemus peccata nostra coram nobis et ante nos ponere, prout admonet Augustinus : In tribunal mentis tuæ ascende contra te, et reum te constitue ante te. Noli te ponere post te, ne Deus te ponat ante te, sicut ait in Psalmo : Arguam te et statuam contra faciem tuam. Vis ut ego C non attendam ? tu attende.

6 *Tibi soli peccavi, et malum coram te feci, ut justificeris in sermonibus tuis, et vincas quum judicaris.*

David in persona poenitentis consequenter se humiliat vehementer, sciens humiles exaudiri, gratiis decorari, et exaltari, sicut ait Salvator : Qui se humiliat exaltabitur, et qui se exaltat humiliabitur. Pro quo alibi habetur : Superbum sequitur humilitas, et humilem spiritu suscipiet gloria. In Ecclesiastico quoque asseritur : D Oratio humiliantis se penetrat nubes. Itaque accusat se, dicendo : *Tibi soli peccavi*, id est, principaliter peccavi in te. Nam et quamvis peccavi in proximum, hoc tamen fuit quoniam contra tuum egi præceptum, qui jussisti ne proximis injuriemur. A te quippe est tam lex naturalis, quam lex divina, sive per Moysen, sive per Christum data. Porro lex naturalis, quantum ad proximum, specialiter continet duo præcepta : unum affirmativum, quod Chri-

stus legitur deprompsisse, Omnia, inquit, quæcumque vultis ut faciant vobis ^{12.} homines, ita et vos facite illis ; aliud negativum, quod tamen ex affirmativo illo consequitur : quod per Tobiam exprimitur ita, Quod ab alio oderis fieri tibi, vide ^{Tob. iv, 16.} ne aliquando alii facias. Hæc quoque in alia subdividuntur præcepta, præsertim in septem illa Decalogi secundæ tabulæ.

Sic David peccavit in proximos : potissime in Uriam, cujus invasit uxorem, et quem procuravit occidi ; et in subditos, quos scandalizavit, dum factum publicabatur, si tamen ante hoc non fuit vere contritus. Verumtamen ait, Tibi soli peccavi, quia quum esset rex totius Israeliticæ plebis, non habuit judicem superiorem in terra, a quo puniretur. Si autem objiciatur, quod summus pontifex fuit eo superior : dicendum, quod ut scribit S. Thomas in libro de Regimine regum, tam apud Hebræos, quam apud gentiles, rex seu imperator superior pontifice fuit : quoniam illorum sacerdotium exstitit quasi carnale, et circa corporales hōstias versabatur. Sacerdotium vero Christi, spirituale, divinum, dignissimumque consistit : ideo summus Pontifex populi christiani Imperatori ac regibus valde existit sublimior. Si rursus quis instet, quia ut in Politicis docet Philosophus, ad totam spectat communitatem deponere regem enormiter tyrannizantem : respondetur, id verum esse, si communitas recursum habere ad superiorem non valeat. Denique hoc præcipue gravat regum et præsidentium facinus, quod peccant in subditos quos ab oppressione, violatione, atque injuriis tueri tenentur. Et denuo, quanto altioris sunt dignitatis, et auctoritatis majoris, tanto excessus eorum sunt graviores. Ad quod insinuandum scriptum est : Exiguo conceditur ^{Sap. vi, 7, 9.} misericordia ; potentes autem potenter patientur tormenta ; et fortioribus fortior instat cruciatus.

Et malum coram te feci. Quemadmodum dictum est præcedenti capitulo, hoc non mediocriter gravat peccatum et auget

Osee ix, 1.

Jer. iii, 2.

Ps. xlix, 21.

Luc. xiv, 11; xviii, 14.

Prov. xxix, 23.

Eccli. xxxv, 21.

contemptum in Dominum, quod in præsencia Judicis summi audemus etiam scienter peccare. Nonne princeps terrenus indignantissime ferret, si ejus ministri ipso adstante ac intuente, sua transgredirentur praecepta? Nihilo minus, ut in homilia quadam loquitur Origenes, hi qui peccant coram Deo, id est, attendunt se in conspectu Dei peccare, ceteris paribus corriguntur facilius : siquidem majorem habent remorsum synderesis, et sua magis advertunt pericula ac Dei judicia.

Ut justificeris in sermonibus tuis, et vincas quum judicaris. Quod ait, Ut, tenetur hic non causaliter, sed consecutive, sicut et alibi multoties in Scripturis : ut dum loquitur Christus, Ecce ego mitto ad vos Prophetas et sapientes, et ex illis occidetis, ut veniat super vos omnis sanguis justus. Non enim ad hoc David peccavit ut Deus in suis justificaretur sermonibus : sed cum Bethsabée peccavit ut suae satisfaceret concupiscentiae; Uriam autem fecit occidi, ut suum adulterium celaretur. Verum ad crimina illa consecutum est, quod Deus in se ipso aeternaliter sanctus et justus, justificatus est, id est, recognitus est esse justus in suis sermonibus, quibus praedixit se poenam debitam inflicturum pro culpis, poenitenti quoque ignosciturum, sicut in Scripturis pollicitus est. Ad litteram demum dixit Deus per Nathan ad David : Pro eo quod tulisti uxorem Uriae, et occidisti Uriam, ecce ego tollam uxores tuas, et dabo eas proximo tuo, nec recedet gladius de domo tua. Quod totum Deus justus implevit, ut patet in libro Regum; et justificatus est puniendo scelera illa per proportionata tormenta, juxta illud : Per quæ quis peccat, per hæc et punitur. Præterea allegat locum istum Apostolus ad Romanos : Est autem Deus verax; omnis autem homo mendax, sicut scriptum est : Ut justificeris in sermonibus tuis, et vincas quum judicaris. Ubi et disputat contra illos qui hæc verba male intellexerunt, quasi Ut teneatur hic directe causaliter. *Et vincas quum judicaris* : id est,

A hoc quoque concomitanter ex meis est consecutum peccatis, quod tu praevalens quum judicaris, id est, dum perversi presumptuose discutiunt ac reproban tua judicia, dicendo quod non deceat te ignoscere criminosis sicut et mihi indulxisti, dicendo per Nathan : Dominus transtulit peccatum tuum. Quorum error innotuit in hoc, quod mihi taliter pepercisti, sicque vicit veritas tua.

Consequenter poenitens tangit communem humani generis fragilitatem ac culpam, ut Deus ad misericordiam copiosius inclinetur.

Ecce enim in iniquitatibus conceptus sum, et in peccatis concepit me mater mea.

Ecce enim in iniquitatibus conceptus sum. Non est hoc ita intelligendum, quasi actus conjugalis exerceri nequeat sine peccato, quum cadat sub praecepto, et ab Apostolo debitum appelletur : Uxori, inquit, vir debitum reddat, similiter uxor viro. Idcirco inepta est expositio exponendum ita, Ecce enim in iniquitatibus, id est in delectatione peccati : quia nec ipsa delectatio vitiosa est sive culpabilis, dum actus inculpabiliter exercetur; estque idem judicium de actu et delectatione ei annexa, quantum ad rationem vitii et virtutis, prout super quartum doctores conscribunt. Exponendum est igitur istud de originali peccato.

Verum tunc dubia quædam occurrunt : Primo, an originale peccatum sit unum; et si sic, cur de ipso pluraliter dictum est, In iniquitatibus et peccatis concepit me mater mea. Et iterum quæri potest, an originale peccatum contrahatur a parentibus proximis, an potius a parentibus primis. — Ad hæc Alexander, Thomas, Albertus, Bonaventura concorditer dicunt, quod originale peccatum formaliter unum est, utpote carentia originalis justitiæ debitæ inesse, seu cum debito eam habendi. Materialiter vero dicitur plura, propter quatuor vulnera animæ ex ipso consecuta atque inflicta, quæ sunt malitia in voluntate, ignorantia in ratione, concupi-

II Reg. xii, 13.

7

I Cor. vii, 3.

Matth. xxiii, 34, 35.

II Reg. xii, 9-11.

Sap. xi, 17.

Rom. iii, 4.

seentia in vi concupiscibili, infirmitas in A irascibili. Propter quod nunc pluraliter designatur. Alii dicunt, quod quamvis peccatum illud sit unum in specie, de ipso tamen pluraliter dicitur, In iniquitatibus et in peccatis, eo modo quo in Scripturis frequenter ponitur plurale pro singulari, et econtrario. Denique, proles contrahit originale, non a parentibus proximis, quum et ipsi in Baptismo sint ab originali peccato purgati prout culpa, nec ratione delectationis quæ est in commixtione proximorum parentum, quum et illa esse queat sine omni peccato; sed ratione originis in primis parentibus vitiata, prout super secundum Sententiarum doctores clarius hoc exponunt. In primis namque parentibus per primam eorum transgressionem sublata originali iustitia, origo est vitiata, et corrupta materia. Contrahit autem proles originale peccatum in ipsa unione animæ cum corpore, sic quod ante animæ infusionem, peccatum originale fuit in semine, non ut in subjecto, sed in radice : sicut et lepra ante prolis vivificationem in semine dicitur esse. — Quod autem subjungitur, *et in peccatis concepit me mater mea*, repetitio est sensus ejusdem, ad expressionem evidentiorum.

Præterea si quæramur, an copula carnalis in conjugatis esse valeat sine peccato, et quando est culpabilis venialiter, quando item mortaliter : respondendum, quod copula illa excusatur a culpa, et honestatur per tria matrimoniorum bona : quæ sunt proles, fides, et sacramentum. D Et potest esse actus virtutis, imo multarum virtutum, videlicet : caritatis, ex qua imperative progrediuntur omnium actus virtutum, atque dum fit ut in compare vitetur incontinentiæ ac adulterii crimen; et iustitiæ, dum fit causa reddendi debitum; ac latræ, dum fit desiderio prolis ad Dei obsequium educandæ; castitatis etiam conjugalis, ut sit honestum connubium, et torus immaculatus, nec extra matrimonii limites concupiscentia evage-

tur. Porro, dum fit voluptatis desiderio seu amore, peccatum est; et si contingat ex concupiscentia prædominante, est peccatum mortale. Sic enim omnis amator ferventior, est adulter, quia non maritali sed adulterino conjugem suam accedit affectu, hoc est tanto ardore libidinis quod ad eam accederet quamvis non esset sua. Si autem procedat ex concupiscentia citra limites matrimonii consistente, ita ut nisi sua esset, non eam accederet, peccatum est veniale.

B *Ecce enim veritatem dilexisti; incerta et occulta sapientiæ tuæ manifestasti mihi.*

8

Ecce enim veritatem dilexisti. Tanquam dicat : Ideo ista evidenter pronuntio, testor, ac fateor, quoniam veritatis confessio tibi placet, et ipsam veritatem in se ipsa tu diligis, sicut et omne bonum honestum, præsertim quod ex caritate procedit, aut caritati conjunctum est : quod tanquam meritorium, seu ad promerendum idoneum tu acceptas. Nempe, quum C similitudo sit causa amoris, tu, Domine, qui essentialiter verus et veritas es, veritatem utique diligis, falsitatemque odis, et placet tibi veritas orationis, veritas entis, veritas vitæ, veritas doctrinæ, veritasque iustitiæ. Non tamen omnes hæ veritates uniformiter aut æqualiter sunt dilectæ ac placitæ Deo; sed veritas vitæ fundata in fide et caritate, veritas quoque iustitiæ supernaturalis infusæ, sed et veritas doctrinæ formatæ legis divinæ, præcipue et per se diliguntur a Deo et ei sunt placitæ, in D tantum ut et veri seu veraces veritatibus istis sint Deo accepti, et in statu salutis. Per veritatem autem naturalis scientiæ seu virtutis acquisitæ, non fit homo Deo acceptus, neque æterna beatitudine dignus, quoniam pure naturalia, ad promerendum spiritualia gloriæ bona nequaquam sufficiunt, quum necesse sit media fini proportionari. Itaque verus et verax Deus diligit veritatem, quemadmodum in alio legitur psalmo : Justus Dominus et justitias dilexit, æquitatem vidit, id est Ps. x, 8.

approbavit, vultus ejus. His veritatibus A
 quas Deus simpliciter diligit et acceptat,
 contrariantur mendacium, vanitas, fictio,
 duplicitas atque hypocrisis : quæ vitia
 odit et exsecratur Altissimus, imo et eos
 qui illis polluantur sceleribus, prout le-
Sap. xiv, 9. gitur : Odio sunt Deo impius et impietas
Osee ix, 15. ejus. Qui per Osee testatur : Exosos eos
 habui propter malitiam adinventionum
 ipsorum; de domo mea ejiciam eos; non
 addam ut diligam eos.

*Incerta et occulta sapientiæ tuæ mani-
 festasti mihi,* id est, profunda mysteria B
 Scripturarum ac legis divinæ me docuisti,
 et de eorum limpido intellectu me instru-
 xisti per illuminationem internam, per
 dona sapientiæ et intellectus : ita ut te
 dante habeam fidem, cum rationibus cre-
 dendorum et purificatæ mentis intelligen-
Job xxxii, 8. tia. Nam, ut apud Job habetur, Inspiratio
 Omnipotentis dat intelligentiam. Hinc in
Ps. xciii, 12. alio psalmo dicitur Deo : Beatus homo
 quem tu erudieris, Domine, et de lege
 tua docueris eum. Ad hanc instructionem
 desuper obtinendam, oportet a carnalibus C
 cavere deliciis, a lata via perditionis, a
 desideriis vanis, quæ arctæ viæ salutis et
 actibus poenitentiae adversantur, secun-
Is. xxviii, 9. dum illud : Quem docebit Dominus sci-
 entiam? et quem intelligere faciet audi-
 tum? Ablactatos a lacte, avulsos ab ubere.
Job xxviii, 13. Etenim, ut in Job habetur, Sapientia non
 invenitur in terra suaviter viventium. Un-
Prov. xxi, 17; xx, 1. de ait Scriptura : Qui amat vinum et pin-
 guia, non erit sapiens.

Ex hac manifestatione incertorum et
 occultorum sapientiæ Dei, cognoscimus ea D
 quæ rationem excedunt ac fidei sunt, ut
 sunt quæ de originali peccato tradit Scri-
 ptura. Insuper incerta et occulta increatæ
 sapientiæ suæ revelavit Deus Apostolis et
 Prophetis virisque sanctis : qui ad my-
 sticæ theologiæ devenerunt arcana, et in
 divitias gloriæ Dei rapti, atque in sanctu-
 rium sapientiæ ejus intromissi, in abys-
 sum lucis immensæ fuerunt absorpti, ubi
 de rationibus mysterii incarnationis Fi-
 lii Dei ceterorumque mysteriorum Christi

edocti sunt. In hujuscemodi raptu, super-
 beatissimæ quoque et supergloriosissimæ
 Trinitatis discuntur mysteria, communi-
 catio et emanatio mutua supersublimium,
 supervenerabilium et superessentialium
 Personarum ad intra, et qualiter divinæ
 et increatæ Personæ se invicem æternaliter
 cum gaudio intensive prorsus immen-
 so clarissime intuentur, superardentissime
 diligunt, et superdeliciosissime perfruuntur.
 In hac demum contemplatione certis-
 sime conspicit anima super se gratiosis-
 sime elevata, quam rationabilia, imo potius
 quam superrationabilia sint testimonia fi-
 dei christianæ, quam sapientissime atque
 pulcherrime cuncta sibi invicem conso-
 nent, dum omnia comportantur : dum rite
 pensemus qualiter ea quæ credimus, ab
 exordio sæculi, præsertim in veteri Te-
 stamento sunt prophetata, præfigurata, et
 confirmata; qualiter Christus per docu-
 menta et miracula maxima, ostendit ea
 in se et in sua Ecclesia esse impleta, aut
 adimplenda; qualiter suis discipulis us-
 que ad suam resurrectionem fugitivis et
 pavidis, misit Spiritum Sanctum, a quo
 corda illorum repente sunt illustrata, ve-
 hementissime immutata, constantissima
 et ferventissima facta, et universam sa-
 cram Scripturam edocta, omniumque lin-
 guarum agnitionem ac usum sortita; quam
 innumerabilia ac præclarissima perege-
 runt miracula, non ipsi tantum, sed et
 eorum discipuli, et usque in præsens
 faciunt viri sancti, qui quanto firmius
 credunt, et secundum fidem perfectius
 vivunt, tanto in miraculis potentiores con-
 sistunt; insuper qualiter universa grati-
 arum charismata, signa, prodigia, mira-
 cula, quæ olim in Synagoga fulserunt, in
 Apostolis, cum Apostolis, et per Aposto-
 los eorumque condiscipulos, ad Christi
 Ecclesiam sunt translata, et pene incom-
 parabiliter latius ac abundantius resplen-
 duerunt ac viguerunt in ea, quam un-
 quam in Synagoga; qualiter gens illa
 Judaica a tempore quo Christum et ejus
 abiecit discipulos, usque in præsens fina-

*Act. ii, 1
 et seq.*

liter ac prorsus relieta, nisi quod interim multi ex ea ad Christum misericorditer sunt conversi. Hæc et multa his consimilia christianæ sunt fidei argumenta, milleque clypei tales pendent ex ea, ad perfidorum jacula repellenda.

Hæc incerta et occulta sapientiæ suæ manifestat Deus omnipotens et æternus suis amicis, qui usque ad tertium caritatis et sapientiæ gradum perfectum deducti per donum sapientiæ tam perfectæ, quasi consiliarii ac secretarii Dei effecti sunt : ita ut ea quæ aliis sunt incerta et occulta, eis certa et clara sint, grataque mente Altissimo dicere queunt, Incerta et occulta sapientiæ tuæ manifestasti mihi : quippe qui non spiritum hujus mundi, sed Spiritum qui ex Deo est acceperunt, ut sciant quæ a Deo donata sunt eis.

9 *Adsperges me hyssopo, et mundabor ; lavabis me, et super nivem dealbabor.*

Loquitur David juxta morem legis, in qua emundatio leprosum, id est qui a lepra fuerant curati, et contaminatorum ex contactu morticini, fiebat per corporalem adspersionem aquæ cum hyssopo, ut in Levitico fertur. Itaque spiritualiter sensus est : Tu, Domine, ut confido, *adsperges me hyssopo*, id est, mentem meam spiritualiter perfundes rore gratiæ, et imbre inundationis supernæ, lacrimis contritionis, actibus humiliationis ac suavitatis internæ : quæ per hyssopum designantur. Hyssopus namque est humilis herba bene odorans, tumorem pulmonis repellens. Sic actus interni veræ humilitatis optime fragrant in Dei conspectu, atque superbiæ sedant tumorem. Sicque, *mundabor* ab animæ inquinamento, prout per Ezechielem dixisti : Effundam super vos aquam mundam, et mundabimini ab omnibus inquinamentis vestris. *Lavabis me.* Hoc, quemadmodum et præcedens, verbum est bonæ fiduciæ, virtualiterque oratio, ut sit sensus : Firmiter humiliterque confido, quod spiritualiter me lavabis ; et precor ut laves me fluentis gratiæ tuæ, aqua sapientiæ salutaris, abundantia supernorum

A charismatum. De quibus loquitur Isaias : Ros tuus, ros dulcis ; et Christus : Qui biberit ex aqua quam ego dabo, non sitiet in æternum ; sed aqua quam ego dabo, fiet in eo fons aquæ salientis in vitam æternam. Unde et in Apocalypsi scriptum est : Qui sitit veniat ; et qui vult, bibat aquam vitæ gratis. *Et super nivem dealbabor.* Incomparabiliter enim major est dealbatio seu mundificatio spiritualis, quam corporalis. Potestque homo ad tempus esse sine labe peccati etiam venialis, ut patuit supra. Sic lavamur potissime virtute ac merito dominicæ passionis, juxta illud Apocalypsis : Christus dilexit nos, et lavit nos a peccatis nostris in sanguine suo. Juxta hunc modum per Isaiam Dominus ait : Si fuerint peccata vestra ut coccinum, quasi nix dealbabuntur ; et si fuerint rubra quasi vermiculus, velut lana alba erunt.

Auditui meo dabis gaudium et lætiti- am, et exsultabunt ossa humiliata.

Est auditus exterior, qui secundum Philosophum, est sensus disciplinæ, sicut et visus corporeus. Dupliciter quippe acquirimus scientiam : Primo, per aliorum informationem : ad quod deservit auditus exterior. De quo etiam ait Apostolus : Fides est ex auditu. Secundo, per propriam inventionem et considerationem : ad quod servit visus corporalis, qui juxta Philosophum, plurium rerum differentias nobis ostendit. Et quantum ad hoc, sensus visus magis diligitur ac magis delectat, juxta illud : Dulce lumen, et delectabile oculis videre solem. Propter quod dixit Tobias : Quale mihi gaudium esse potest, qui in tenebris sedeo, et lumen cœli non video ?

Itaque, o Domine, sicut spero, tu *dabis auditui meo exteriori gaudium*, id est, verba jucunda mihi loqueris per tuos ministros et prædicatores, et in Scripturis, dum studeo in eisdem. Dum namque oramus, loquimur Deo ; et dum Scripturas aut libros devotionales studemus, Deus loquitur nobis, quum tota Scriptura sit quasi epistola nobis divinitus missa, omnis

Cant. iv, 1.

1 Cor. ii, 12.

Lev. xiv, 4, 6.

Ezech. xxxvi, 25.

Eccli. xv, 3.

Is. xxvi, 19. Joann. iv, 13, 14.

Apoc. xxii, 17.

In Ps. xxxi, 6.

Apoc. i, 5.

Is. i, 18.

40

Rom. x, 17.

Eccli. xi, 7.

Tob. v, 12.

quoque salutaris doctrina est quasi Dei A loquela. Porro, dum Deus homines consolatur de venia obtinenda, de gratia reparanda, dat gaudium exteriori eorum auditui. Auris vero dijudicat, et in verbis consolatoriis delectatur, et multo plus tunc largitur interiori auditui spirituales lætities. Interior quippe auditus est intellectus : qui in quantum intelligit et intellectualiter intuetur, dicitur visus ; in quantum percipit, vocatur auditus ; in quantum sapit quam dulcis est Dominus, nominatur gustus ; in quantum futuræ B felicitatis suavitates a longe haurit, appellatur olfactus ; in quantum verbo Dei jungitur et veritati applicatur cœlesti, dicitur tactus. Hæc specialis lætitia ingeritur auditui pœnitentis, quum dicitur : Ubi abundavit iniquitas, superabundavit et gratia. Sic dedit Deus gaudium et lætitiā

Rom. v. 20. auditui Zachariæ, qui ait : Respondit Dominus angelo qui loquebatur in me, verba bona, verba consolatoria. Unde in aliis dicitur psalmis : Lætatus sum in his quæ dicta sunt mihi, In domum Domini ibimus ; et, Audiam quid loquatur in me Dominus Deus, quoniam loquetur pacem in plebem suam.

Et exsultabunt ossa humiliata. Hoc additur, quia præfata spiritualis jucunditas redundat in corpus, juxta illud : Erat populus gaudens secundum faciem Sanctorum ; atque in Psalmo, In Deo speravit cor meum, et adjutus sum, et refluoruit caro mea. Hinc exsultatio dicitur quasi extra saltatio, dum interna lætitia per suos effectus et signa erumpit foras, et quasi extra se salit, quemadmodum in Ecclesiastico legitur : Cor hominis immutat faciem ejus, sive in bonum, sive in malum. Insuper, ossa spiritualiter sunt vires superiores atque virtutes : in quas redundat consolatio spiritualis intellectivæ potentiae, quæ invicem sibi congaudent et cooperantur in bonis. Imo, sicut pœnitentia vocat eas in domum luctus, ut dictum est, sic caritas convocat eas in domum gaudii et exsultationis, ut delectentur, operentur

ac mutuo cooperentur. Sic etenim humilitas agit fervide, patienter, mansuete, hilariter, etc., sicque de aliis.

Averte faciem tuam a peccatis meis, et omnes iniquitates meas dele. 11

Cor mundum crea in me, Deus, et spiritum rectum innova in visceribus meis. 12

Ne projicias me a facie tua, et spiritum sanctum tuum ne auferas a me. 13

Redde mihi lætitiā salutaris tui, et spiritu principali confirma me. 14

Hi ferventissimi ac devotissimi versus expositione non indigent, sed exhortatione : quorum etiam ex præinductis clarus et planus est intellectus. Hos ergo versus, imo has affectuosissimas et efficacissimas orationes, cum omni attentione, cum gustu interno, cum lacrimoso affectu, cum profunda atque humillima contritione proferamus, dicendo : O tu, misericordissime ac suavissime et vere omnino superoptime et superamabilissime Deus, *averte faciem tuam*, sapientiæ tuæ intuitum, justitiæ tuæ rigorosum vindicemque adspectum, C *a peccatis meis* : non per aliquam tuæ incommutabilis æternitatis variationem, vel ut ea prorsus ignores, sed ut prorsus ignoscas, et quasi nunquam contigerint, parcas ; nec ad reprobandum et condemnandum me illa inspicias, nec ad ulciscendum, nisi in omni pietate et gratia. Imo tam præcordialem et frequentem mihi præstes contritionem, tam verecundam ac humilem confessionem, tam idoneam satisfactionem, tam condignam vitæ emendationem, ut quantum ad culpam et pœnam D ea dimittas ; quatenus te tanto ferventius diligam, tanto gratior tibi existam, tanto diligentius ac perfectius de cetero tibi deserviam, quanto misericordius mecum peregeris, et de gravioribus me vitiis periculisque erueris. *Et omnes iniquitates meas dele*, peccata cordis, oris et operis, vitia omissionis et commissionis, offensas in Deum, in proximum, et in me ipsum.

Cor mundum crea in me, Deus : intellectum meum a culpabilibus ignorantibus juris, a pravis erroribus, a cogitationibus

illicitis ac immundis purifica, mentem A illustra in omnibus, edoce et custodi. Si-
Matth. v, 8. quidem, Beati mundo corde, quoniam ipsi
Prov. xxii, 11. Deum videbunt; et, Qui diligit cordis munda-
Lev. xi, 44; xix, 2, etc. titiam, amicum habebit Regem altissi-
Deut. xxi, 13. mum : qui toties jussit, Sancti estote, quoniam ego sanctus sum; et rursus per Moysen, Perfectus et absque macula eris cum Domino Deo tuo. Etenim essentialiter sanctus et supermundissimus Deus, mentem diligit mundam et sanctam. Et qui in se ipso sic separaverit pretiosum a vili, puritatem ab impuritate, familiaris erit eidem, sicut per Jeremiam spopondit : Si separaveris pretiosum a vili, quasi os meum eris. *Et spiritum rectum innova in visceribus meis* : Spiritum Sanctum substantialiter justum, totius rectitudinis fontem, de novo et cum gratia ampliori mihi infunde. Spiritum quoque rectum innova in me, spiritum rationalem creatum, qui est anima mea, spiritualiter innovando ac reformando in me, ut spiritualiter incalescat, et ab omni passionum deformitate, omnique vitiorum vetustate sit immunis ac liber, proficiamque quotidie.

Ne projicias me a facie tua. O quam affectuosissimum verbum, imo vivum et efficax, et penetrabilius omni ancipiti gladio, non nisi compunctissimo et ferventissimo corde promendum ! Itaque, o superpiissime Conditor, o dilecte Domine Deus, o Judex metuendissime ac supreme, o juste et sancte Domine, ne projicias me a facie tua, ab immensæ pietatis tuæ respectu, a gratiosissima tua præsencia, tanquam fœdum, vile fœtidissimumque cadaver, sicut D
Hebr. iv, 12. repelli, quoniam melior est misericordia tua super vitas. Melius mihi quoque esset tunc non esse nec vivere, quando a tuæ pietatis respectu juste projectus, relictus, repulsus, pecco, atque ad tuæ majestatis contumeliam in vitiis vivo : quod est potius mortuum esse quam vivere. *Et spiritum sanctum tuum ne auferas a me.* Scio,

o superbenignissime Deus, quod Spiritum Sanctum a nemine auferas, nisi ipse qui habet tam superdignissimum habitorem et hospitem in anima sua, auferat eum sibi, tamque excellentissimum, dignantissimum atque gratiosissimum cordis sui mansorem, insipientissime, improbissime et ingratisime repellendo a se, peccando mortaliter et præferendo illi vana ac vilia. Ideo precor, Ne auferas, ne auferri permittas, Spiritum Sanctum a me, sed ab omni mortali præserva me culpa. Nempe, nisi tu custodieris domum et habitaculum cordis mei pauperrimi, insufficiensissima invenitur custodia mea.

Redde mihi lætitiā salutaris tui, id est, spiritualem jucunditatem de Christo tuo et ejus adventu, ac salvatione fienda per ipsum et per ejus passionem jam inchoata et reparata, quam lætitiā peccando amisi, mihi clementer restitue. De quo Salutari, Jacob patriarcha tibi locutus est : Salutare tuum exspectabo, Domine. Quod Simeon tenens in ulnis in assumpta illius natura : Viderunt, inquit, oculi mei Salutare tuum, quod parasti ante faciem omnium populorum. Hoc Salutare, David ex suo semine incarnandum dulciter contemplabatur, ac devotissime præstolabatur. De cujus etiam cognitione ac intuitionem per fidem toto orbe terrarum diffundenda et jam dudum diffusa, prædixit, loquens de futuro per modum præteriti propter certitudinem prophetiæ : Notum fecit Dominus Salutare suum; et, Viderunt omnes termini terræ Salutare Dei nostri. De quo incomparabilis sacratissima Virgo Deifera cecinit : Exsultavit spiritus meus in Deo salutari meo. Ad quod Pater effatur : Dedi te in lucem gentium, ut sis salus mea usque ad extremum terræ. Neque enim, ut princeps ait Apostolorum, nomen aliud datum est hominibus sub cœlo, in quo oporteat nos salvos fieri. Dicitur quoque Christus salutare Dei, quoniam Pater per ipsum salvat mundum, secundum illud : Pater misit Filium suum salvatorem mundi. *Et spiritu prin-*

Ps. cxxvi, 1.

Gen. xlix, 18.

Luc. ii, 30, 31.

Ps. xcvi, 2.

Ibid. 3.

Luc. i, 47.

Is. xlix, 6.

Act. iv, 12.

I Joann. iv, 14.

cipali confirma me. Spiritus Sanctus est A spiritus rectus, spiritus sanctus, spiritus principalis, non principalior Patre aut Filio, imo utrique prorsus vere æternaliterque æqualis et consubstantialis, qui cum Patre et Filio unus est spiritus, prout spiritus dicitur absolute in divinis, juxta illud Joannis : Spiritus est Deus. Qui Spiritus Sanctus, prout spiritus dicitur relative in divinis, et quasi spiritus spiratus, est proprium nomen tertiæ Personæ in divinis, a Patre et Filio tanquam ab uno principio unaque spiratione interna et æterna B spiratæ seu procedentis. Hic Spiritus Sanctus, principalis et summus, effective confirmat nos ; dona vero ipsius gratuita et ejus ministri formaliter et instrumentaliter nos confortant. Effectiva demum confortatio illa communis est toti glorificandissimæ Trinitati, cujus una est natura, una omnipotentia, et operatio una ad extra. Appropriatur tamen Spiritui Sancto, sicut et ceteri gratiosissimi effectus, quoniam bonitas, pietas, liberalitas, et consimilia quædam, appropriantur Spiritui Sancto.

Postremo in versibus istis supergloriosa Trinitas evidenter exprimitur, et personalis distinctio per actus et nomina designatur : Pater, in nomine Dei ac Domini ; Filius, in nomine salutaris ; Spiritus Sanctus, in nomine spiritus recti, spiritus sancti et spiritus principalis : sicut et Damascenus primo libro testatur, et super primum Sententiarum exponitur.

15 *Docebo iniquos vias tuas ; et impii ad te convertentur.*

Docebo iniquos vias tuas : hoc est, o Domine, si præmissas meæ paupertatis preces susceperis, me a peccatis purgando, spiritualiter renovando, Spiritu Sancto stabiliendo ac roborando : non ero mei solius salute contentus ; sed ex caritate divina atque fraterna, ero pro aliorum quoque salute sollicitus, prædicando, exemplariter conversando, bonæ famæ odore fragrando, juxta illud Apostoli : Christi bonus odor sumus in omni loco. Unde jussit Salvator : Sic luceat lux vestra coram hominibus, ut

videant opera vestra bona, et glorificent Patrem vestrum qui in cœlis est. Sic itaque adimplebo quod in prima Canonica summus adhortatur Apostolus : Unusquisque sicut accepit gratiam, in alterutrum ^{1 Petr. iv, 10.} illam administrantes. Hinc in Apocalypsi scribitur : Qui audit, dicat, Veni. Istud est ^{Apoc. xxii, 17.} hierarchizare, opus plane angelicum ac divinum, proximos purgare, illuminare, perficere, valde meritorium coram Deo, prout in Daniele Gabriel fatetur archangelus : Qui ad justitiam erudiunt pluri- ^{Dan. xii, 3.} mos, fulgebunt quasi stellæ in perpetuas æternitates. Propterea scriptum est : Qui ^{Jacob. v, 20.} converti fecerit peccatorem ab errore viæ suæ, salvabit animam ejus a morte, et operit multitudinem peccatorum. *Et impii ad te convertentur,* te corda eorum intus movente ac instruente : quia in vanum laborat lingua prædicatoris, si intus non radiet illustratio Creatoris. Impii autem, visa conversione idonea alicujus magni peccatoris, solent facilius ad conversionem induci. Peccator quoque jam C pœnitens et conversus, atque in tentamentorum certaminibus diu expertus, solet specialiter esse ad instruendum alios aptus, utpote in se propriis experienciis exercitatus ac eruditus. Hinc in Ecclesiastico habetur : Qui non est tentatus, quid scit ? ^{Eccli. xxxiv, 9, 10.} Qui non est expertus, pauca recognoscit. Vir in multis expertus, cogitabit multa.

Ad litteram quoque, dum prælatus seu princeps convertitur, et subditos exemplo ac verbis idonee docet, multi impii convertuntur. Nec dignus et efficax est alios D docere, qui quod docet et ad quod tenetur, non satagit adimplere : imo talis graviore se implicat damnationi, dicente Apostolo : Qui alium doces, te ipsum non ^{Rom. ii, 21, 23.} doces ? qui gloriaris in lege, per prævaricationem legis Deum inhonoras ? Et Psalmista : Peccatori dixit Deus, Quare tu enarras justitias meas, et assumis testamentum meum per os tuum ? Tali quippe dicturus est Judex cœlestis : Ex ore tuo ^{Luc. xix, 22.} judico te, serve nequam. Etenim cujus vita despicitur, restat ut ejus prædicatio

Joann. iv, 24.

De Fide orthodoxa.

II Cor. ii, 15, 14.
Matth. v, 16.

contemnatur. — At vero viæ Dei sunt ejus præcepta, consilia, documenta, per quæ tanquam per iter, ad æternam transitur ac pervenitur salutem. De quibus Salomon : Viæ ejus, viæ pulchræ, et omnes semitæ ejus pacificæ. Harum viarum incessio est conversatio virtuosa, a lumine gratiæ pertingens ad lucem gloriæ, et diem æternitatis ac claritatis perpetuæ.

Prov. iii, 17.

Ibid. iv, 18.

Osee xiv, 10.

16

Libera me de sanguinibus, Deus, Deus salutis meæ, et exsultabit lingua mea justitiam tuam.

Libera me de sanguinibus, id est carnalibus et eruentis ac vitiosis operibus, *Deus, Deus salutis meæ*, fons, dator, causa et objectum meæ salutis. De his sanguinibus scriptum est : Quum extenderitis manus vestras, avertam oculos meos, ait Dominus; manus vestræ sanguine plenæ sunt. Atque

Is. i, 15.

Osee iv, 2.

Luc. iv, 23.

Matth. xv, 14.

Ibid. vii, 3, 5.

Job xxiv, 12.

Sap. xii, 15, 16.

Osee : Maledictum, et mendacium, et homicidium, et furtum, et adulterium inundaverunt, et sanguis sanguinem tetigit. Ab his sanguinibus oportet aliorum doctorem, prædicatorem, prælatum, principem, ac judicem esse immunem, ne ei dicatur : Medice, cura te ipsum. Nempe, ut Veritas protestatur : Si cæcus cæcum ducat, ambo in foveam cadunt. Ad quod insinuandum protulit Dominus : Quid vides festucam in oculo fratris tui, et trabem in oculo tuo non vides? Hypocrita, ejice primum trabem de oculo tuo, et tunc videbis ut ejicias festucam de oculo fratris tui. *Et exsultabit lingua mea*, id est, cum exultatione pronuntiabit aliosque docebit, *justitiam tuam*, id est justa tua præcepta, justa judicia, justaque opera, increatam quoque tuam justitiam infinitam, quæ nullum malum deserit impunitum, nullum bonum irremuneratum. Unde legitur : Quum sis justus, omnia juste disponis : virtus enim tua justitiæ initium est. Con-

A formiter in alio dicitur psalmo : Exsultabunt labia mea, quum cantavero tibi. Qui enim virtuose et exemplariter conversatur, ac bonæ conscientiæ testimonio intra se gloriatur, in Domino non immerito gaudet, vias et laudes Dei docendo et commendando ; qui vero impium se esse cognoscit, propriæ conscientiæ cruciatur remorsu, atque synderesis affligitur verine.

Domine, labia mea aperies ; et os meum annuntiabit laudem tuam.

17

Domine, labia mea aperies, id est, deprecor ut intus me tangas, accendas, dignifices, ad aperiendum labia oris in laudibus, psalmodiis, orationibus, et sermonibus tuis, quatenus ex devotione interna, in laudes tuas ac verba bona prorumpam, Horas attente persolvam, cum aliis alacriter atque concorditer psallam. Quod si feceris, *et os meum annuntiabit laudem tuam* meritorie ac tibi placenter. Sunt item spiritualia labia intus, quibus verba mentalia proferuntur in intellectu, ex quibus procedunt ac proferuntur verba vocalia. Illaque labia aperit Deus, excitando et illustrando intellectum ad loquendum primo intra se verba interna, sacra, salubria. Hinc rogavit Apostolus : Orate ut detur mihi sermo in apertione oris mei. Idcirco, qui efficaciter sermocinatur, qui devote precatur, qui alacriter psallit, qui loquitur fructuose ac sapienter, nequaquam extollatur in se, sed Deo totum grata et humili mente adscribat, qui ait : Ego dabo vobis os et sapientiam ; itemque, Non enim vos estis qui loquimini, sed Spiritus Patris vestri. Qui denuo loquitur : Aperi seu dilata os tuum, et implebo illud.

Ephes. vi, 19.

Luc. xxi, 15.

Matth. x, 20.

Ps. lxxx, 11.

Quoniam si voluisses sacrificium, dedissem utique ; holocaustis non delectaberis.

18

Quoniam si voluisses sacrificium, dedissem utique, id est, si sacrificium legale et corporale fuisset tibi per se ac sua virtute acceptum, illud certe pro remissione peccatorum meorum, pro impetratione gratiæ ac virtutum, pro majestatis

tuæ placatione ac veneratione promptissime obtulissem : sicut et obtuli dum vidi angelum plebem percutientem (ut patet secundo Regum). *Holocaustis non delectaberis*, id est, hostiæ illæ legales non habent nec sortiuntur ex se efficaciam delendi peccata, teque placandi.

Hoc quippe inter sacramenta novi ac veteris Testamenti interest, quod sacramenta evangelicæ legis gratiam continent atque causant, ac indita sibi supernaturali virtute sanctificant, Deumque placant, potissime sacrificium quod Christus in Cœna instituit. Sacramenta vero et sacrificia Mosaicæ legis, gratiam figurabant, non autem continebant neque causabant, nec placita erant Deo ex opere operato, sed solum ex opere operante, hoc est ex caritate, obedientia, devotioneque offerentis (et ita dicuntur fuisse suavissimi odoris, et Deum placasse) : quod in libris Prophetarum frequenter innuitur, juxta illud : Quid dignum offeram Domino ? Numquid offeram ei holocaustomata ? Numquid placari potest Dominus in millibus arietum, aut in multis millibus hircorum pinguium ? Atque in alio psalmo : Non accipiam de domo tua vitulos, neque de gregibus tuis hircos. Et rursus alibi inquit : Sacrificium et oblationem noluisti. Imo, in Ezechiele et Jeremia videtur Dominus ea penitus detestari : quod tamen ad tempus evangelicæ legis præsertim est referendum. Nam a tempore Evangelii divulgati, sacrificia illa et præcepta cærimonialia cessaverunt, imo et observantibus mortifera sunt effecta ; sed a tempore inceptionis prædicationis Evangelii, post missionem Spiritus Sancti usque ad Evangelii divulgationem, poterant pro loco et tempore observari, quousque mater Synagoga cum honore duceretur ad sepulcrum, ut Augustinus disseruit. Denique, quia non erant Deo accepta nisi ex offerentium et observantium devotione, ideoque, quando ab impiis offerebantur, erant displicentia Deo et quasi molesta, sicut Isaia primo testatur : Quo mihi multitudinem

A victimarum vestrarum ? Holocausta arietum, et adipem pinguium, et sanguinem vitulorum nolui ; ne offeratis ultra sacrificium frustra ; incensum abominatio est mihi ; facta sunt mihi molesta. Hinc de novo Isaias est locutus : Qui immolat bovem, quasi qui interficiat virum ; et qui mactat pecus, quasi qui excerebret canem. Multa his consimilia in Prophetis leguntur. Unde ad declarandam insufficientiam ac cessationem legalium hostiarum, atque ad extollendum sacramentum B et sacrificium evangelicæ legis, Dominus deprompsit, loquens Judæis : Non est mihi voluntas in vobis, et munus non suscipiam de manu vestra. Ab ortu enim solis magnum est nomen meum in gentibus ; et in omni loco sacrificatur et offertur nomini meo oblatio munda, quoniam magnum est nomen meum in gentibus.

Postremo multa fuerunt genera sacrificiorum legalium : quorum dignissimum fuit holocaustum, quod ad divinæ majestatis honorem penitus comburebatur, ad designandum quod homo debet se divino cultui totum mancipare, ac igne divini amoris accendere. Idcirco per ipsum vere religiosi ac viri perfecti præfigurabantur. Alia fuerunt sacrificia pro peccatis, alia hostiæ pacificæ, alia erant libamina, de quibus ac ceteris multis in Levitico agitur.

Sacrificium Deo spiritus contribulatus ; cor contritum et humiliatum, Deus, non despiciet.

19

Sacrificium Deo spiritus contribulatus. Tanquam dicat : Sacrificia illa legalia tibi D ex se et sua virtute non placent ; sed spiritus contribulatus, id est pro suis peccatis et aliis piis causis patienter afflictus, compatiens proximis et de illorum dolens excessibus, juxta illud : Tabescere me fecit zelus meus, quia obliti sunt verba tua inimici mei. Qui spiritus etiam simul cum suo corpore tribulatur : ita ut sicut corpus abstinentiis, jejuniis, disciplinis, vigiliis maceratur, sic spiritus compunctione, compassione, et salubri tristitia, ac timore bono affligatur. Talis

Ps. cxviii, 139.

II Reg. xxiv, 17, 25.

Mich. vi, 6, 7.

Ps. xlix, 9.

Ps. xxxix, 7.

Ezech. xx, 26 ; Jer. vi, 20.

Is. i, 11, 13, 14.

spiritus ita se mactans Deoque offerens A per suarum actus virtutum, acceptus est Deo. Qui spiritus dicere potest : Defectio tenuit me pro peccatoribus derelinquentibus legem tuam. Quemadmodum Moyses, Josue, Daniel, Esdras, ac similes eis, pro populi culpis afflixerunt se ipsos, et contribulati leguntur prostrati in terram ac jejunantes.

Cor contritum et humiliatum, Deus, non despicies. Minus dicit, et majus insinuat. Cor enim vere contritum se ipsum dejiciens et contemnens, jam reconciliatum est Deo, et ei per caritatem unitum : ideo non solum a Deo non spernitur, sed etiam acceptum est, nec despicietur nisi, quod absit, recidivet. Hinc tres Pueri leguntur orasse : In spiritu humilitatis et animo contrito suscipiamur a te. In libro *Judic. ii, 18.* Judicum quoque asseritur : Flectebatur Dominus misericordia, et audiebat afflictorum gemitus, et liberabat eos de cæde vastantium. — Istud advertant pusillanimes, qui dum suorum multitudinem magnitudinemque excessuum horrent et deflent, de misericordia Dei quasi desperant, aut non satis integre sperant, quamvis etiam jam reliquerint sæculum, et religionem ingressi sint, in qua Deo in observantia regulari perseveranter servire intendunt. Attendant ergo benedictum versiculum istum, et confidant quod Deus qui eos in vitiis toleravit atque ad præ-tactam contritionem perduxit, non velit eos abjicere. Hinc per Tobiam dicitur :

Tob. xiii, 8. Convertimini, peccatores, et facite justitiam coram Deo, credentes quod faciet vobiscum misericordiam suam. Hoc est quod venerabilis illa Judith desolatissimis Judæis consuluit : Humiliemus, inquit, Deo animas nostras, et in spiritu contrito et humiliato serviamus illi, et exspectemus humiles consolationem ipsius. Verumtamen est poenitentia quædam non vera, ex solo servili procedens timore, quæ Deo accepta non est : qua Antiochus et Esau poenituisse infructuose leguntur.

II Mach. ix, 11 et seq.; Hebr. xii, 16, 17.

20 *Benigne fac, Domine, in bona volun-*

*tate tua Sion, et * ædificentur muri Jerusalem.* • alias ut

Ad litteram putatur sanctus David orasse pro constructione templi in monte Sion tunc fienda per suum filium Salomonem, et pro majori munitione urbis Jerusalem, quæ tempore Salomonis vallata est triplici muro.

Spiritualiter vero sensus est : O Domine, fac benigne ipsi Sion, id est, militanti Ecclesiæ gratiam copiosam concede. Sion quippe speculatio interpretatur. Ecclesia autem nunc per speculum in ænigmate speculatur divina per fidem, nondum clare per speciem. De qua Sion ait Apostolus : Accessistis ad montem Sion et civitatem Dei viventis. De qua civitate in alio fertur psalmo : Gloriosa dicta sunt de te, civitas Dei. De qua B. Augustinus edidit librum qui intitulatur, De Civitate Dei, id est militanti Ecclesia : cui libro correspondet Summa S. Thomæ contra gentiles. De quo etiam monte Sion scriptum est : Erit in novissimis diebus præparatus mons Domini in vertice montium. Et rursus in Isaia : Urbs fortitudinis nostræ Sion, Salvator ponetur in ea murus et antemurale.

Et ædificentur muri Jerusalem, id est, munimina militantis Ecclesiæ producantur ac roborentur. Ista munimina, quibus fideles spiritualiter circumdantur atque ab hostibus proteguntur, sunt virtutes ac merita eorundem. — Rursus, muri Jerusalem sunt prælati ac principes ejus, quorum ædificationem ac roborationem in omni bono debemus valde optare ac petere : quia ex ipsis quodammodo pendet virtus ac salus inferiorum, prout Jeremias fatetur : Quia stulte egerunt pastores et Dominum non exquisierunt, ideo omnis grex eorum dissipatus est. Salomon quoque : Regnantibus impiis ruinæ populi. Prælatorum autem et principum est, subditos instar murorum tueri, circuire, firmare, per se et suos efficaces vicarios, quemadmodum primo Regum Samuel, et primo Machabæorum Simon, circuisse ter-

I Cor. xiii, 12.

Hebr. xii, 22.

Ps. lxxxvi, 3.

Is. ii, 2.

Ibid. xxvi, 1.

Jer. x, 21.

Prov. xxviii, 12.

I Reg. vii, 16; I Mach. xvi, 14.

ram, et judicasse docuisseque populum A describuntur. Unde in Paralipomenon recitatur : Misit Josaphat rex Juda de principibus suis, et cum eis Levitas et sacerdotes ; docebantque populum habentes librum legis ; et circuibant cunctas urbes Juda, atque erudiebant populum. Quod utinam christiani praelati ac principes sectarentur. — Insuper, muri Ecclesiæ sunt duo populi ex quibus quasi ex duobus parietibus, est constructa et integrata Ecclesia : cujus lapis angularis est Christus, in quo tanquam in cornu et angulo concurrerunt et collecti sunt hi duo populi. De quibus Salvator legitur prædixisse : Alias oves habeo, quæ non sunt ex hoc ovili ; et illas oportet me adducere, et fiet unus pastor et unum ovile. Unde et in Zacharia prædictum est : Ecce vir, Oriens nomen ejus, et ædificabit templum Domino ; et consilium pacis erit inter illos duos. Hoc est quod ait Apostolus : Christus est pax nostra, qui fecit utraque unum. Quod qualiter factum sit, vel potius inchoatum, in Actibus Apostolorum narratur. — Denique Jerusalem interpretatur visio pacis. In militanti autem Ecclesia est visio, id est contemplatio pacis pectoris et æternitatis. Verum hæc visio, imo et possessio, in triumphanti Ecclesia multo præclarius continentur. Idcirco potest et ita exponi : Ædificentur muri Jerusalem, id est, triumphans Ecclesia compleatur, ita ut viatores, te rectore, te duce, perducantur ad eam : quæ ex angelis gloriosis et electis hominibus tanquam ex muris et parietibus constat, quoniam secundum diversitatem graduum meritorum, homines prædestinati ad diversos transferuntur ordines angelorum. Nempe, ut devotissimus dixit Bernardus, ex vermiculis istis in terra repentibus instaurandi sunt muri cœlestis Jerusalem.

21 *Tunc acceptabis sacrificium justitiæ, oblationes et holocausta ; tunc imponent super altare tuum vitulos.*

Hoc, juxta præacta, primo exponitur ita : Quoniam templo facto in monte Sion,

et civitate illa munita, Deus acceptavit sacrificia illa legalia in altaribus templi ex offerentium devotione, obedientia, caritate. — Ædificata vero militanti Ecclesia, cœpit Deus toto orbe terrarum acceptare *sacrificium justitiæ*, id est Sacramentum altaris, seu Christi oblationem (qui per viam et modum justitiæ satisfecit pro nobis, dans in mortem animam suam, et factus obediens usque ad mortem, obtulit se ipsum oblationem et hostiam Deo in odorem suavitatis), *oblationes* decimarum et primitiarum ac materialium rerum quæ in ecclesia offeruntur devote, et *holocausta*, id est opera virtuosa ex caritatis ardore exhibita : imo et ipsos offerentes, qui non pecora sua, sed se ipsos offerunt Deo integre ac perfecte, atque veraciter dicunt, Quoniam propter te mortificamur tota die ; et rursus, Dirigatur oratio mea sicut incensum in conspectu tuo. Quibus ait Apostolus : Exhibeatis corpora vestra hostiam viventem, sanctam, Deo placentem. Sicque instar vitulorum se offerunt Deo super altare, quod est fides seu caritas, vel Christus, super quem et in quo fundant ac ponunt suam oblationem, imitando ejus vestigia, sicut princeps Apostolorum admonuit : Christus passus est pro nobis, vobis relinquens exemplum, ut sequamini vestigia ejus. Unde ad Hebræos dicitur : Christus ut sanctificaret populum, extra portam passus est : exeamus ergo ad eum extra castra, improprium ejus portantes. Sed et ipse ait : Qui vult venire post me, abneget semetipsum, et tollat crucem suam quotidie, et sequatur me. Istud sancti martyres præcipue impleverunt : quorum plurimi ignis incendio sunt consumpti, et omnes ex caritatis fervore obtulerunt se Creatori. Denique spiritualiter, omnis actio virtuosa ad Dei honorem exhibita, est sacrificium spirituale. Sicque obedire, est sacrificium obedientis ac obedientiæ ; Deum laudare, est sacrificium laudis ac laudis ; similiter oratio, quæ est mysticum thymiam. Per continentiam quoque cor-

II Par. xvii,
7 9.

Act. iv, 11;
Ephes. ii,
20.

Joann. x,
16.

Zach. vi,
12, 13.

Ephes. ii,
14.

Is. liii, 12.

Philipp. ii,
8.
Ephes. v, 2.

Ps. xliii,
22.
Ps. cxi, 2.

Rom. xii, 1.

1 Petr. ii, 21.

Hebr. xiii,
12.

Luc. ix, 23.

Ecclesi.
xxxv, 2.
Hebr. xiii,
15.
Osee xiv, 3.
Ps. xlii, 13.
pus dedicatur immolaturque Domino. Hinc A
scriptum est : Salutare sacrificium est at-
tendere in mandatis et discedere ab omni
iniquitate ; atque ad Hebræos. Per Chri-
stum offeramus hostiam laudis Deo sem-
per, id est fructum labiorum nostrorum
confitentium nomini ejus. De quibus et
in Osee tangitur : Reddemus vitulos la-
biorum nostrorum ; et in Psalmo, Immola
Deo sacrificium laudis. — Postremo, in tri-

umphanti Ecclesia, spiritualia ista incensa
seu holocausta, sacrificia laudis atque ju-
stitiæ, immolatio caritatis, excellentissime
atque plenissime offeruntur Altissimo, in
quem omnes Beati ardentissime transfor-
mantur, nec aliquid sui reservant sibi.

Ecce hunc præclarissimum ac devotis-
simum psalmum, cum præclara devotione
et devotissima attentione juxta præhabita
monita proferamus.

ENARRATIO IN PSALMUM V POENITENTIALEM

Ps. ci,
2

DOMINE, exaudi orationem meam, et
clamor meus ad te veniat.

Pœnitens sciens se ex se nil posse, præ-
sertim non posse aliquid promereri, nec
pericula et peccata posse evadere, sed
Philipp. ii,
13.
Deum esse qui operatur in nobis velle
et perficere pro bona voluntate, id est
ex sua voluntate piissima, anxie depre-
catur : Domine, exaudi orationem meam,
implendo quod postulo, qui ab æterno
omnia prævidisti, cuncta præordinasti, et
sicut statuisti in æternitate, sic operaris
in tempore; nec tamen frustra te invoca-
mus, quoniam per orationum merita de-
crevisti facere multa. Nam et Christus
Joann. xvii,
1-5.
passione instante, oravit pro sui corporis
glorificatione, sui que nominis per mun-
dum divulgatione, quas tamen certissime
scivit futuras. Quo innotescit eorum in-
sania qui dixerunt inutile esse orare,
quoniam sicut Deus prævidit atque præ-
ordinavit, evenire necesse est. *Et clamor
meus ad te veniat.* Deus ubique est præ-
sens, nec quidquam ab ipso distat loca-
liter; sed ipse infirmitati nostræ intelli-
gentiæ condescendit, loquens et nos loqui
volens more ac modo humano, quo cla-
mor orantis ad Deum quem orat pertingit
per medium. Verum tunc clamor noster
venit ad Deum, dum acceptatur ab ipso :
et clamor ille potissime est amor, fervor,

et desiderium caritatis, juxta illud, De-
siderium pauperum exaudivit Dominus. *Ps.* x, 17,
sec. Hebr.
Clamor quoque vocalis orationis accepta-
tur a Deo; in quantum ex caritatis affectu
erumpit. Iste est bonus clamor ad mise-
ricordiam incitans. Clamor autem quatuor
clamitantium vitiorum, ad ultionis rigo-
rem est provocans, prout in Genesi de
clamore legitur Sodomorum. *Gen.* xviii,
21, 22.

Non avertas faciem tuam a me; in 3
quacumque die tribulor, inclina ad me
aurem tuam.

C *Non avertas faciem tuam*, id est pieta-
tis tuæ respectum, *a me* : sicut præce-
denti psalmo expositum est super illud,
Ne projicias me a facie tua. Hunc pietatis
respectum, piam subventionem, longani-
mem tolerantiam seu patientiam, Deus a
suis electis nunquam in toto avertit ne-
que finaliter, Augustino dicente : Si præ-
destinatus est, ad tempus errare potuit,
in æternum perire non potuit : et hoc,
loquendo de prædestinato formaliter, seu
in sensu composito. *In quacumque die*
D *tribulor*, id est, pro peccatis meis affli-
gor, tristor, pœniteo, *inclina ad me au-
rem tuam*, id est, misericordiam tuam et
sapientiam tuam omnia cognoscentem ex-
hibe, et ostende paratam ad exaudiendum
atque juvandum me, qui tempore adver-
satis et tribulationis specialiter pronus

es misereri, sicut in alio psalmo fateris : **A** ose perferre, quemadmodum super illud, *Ps. xc, 15.* Cum ipso sum in tribulatione. Propter quod sanctissimus ille Martinus dixit se nunquam fuisse ita securum, sicut dum latro vibravit securim in caput suum, quoniam scivit misericordiam Dei in tribulatione maxime adfuturam. Unde et *Jonæ ii, 3.* Jonas : Clamavi, inquit, ad Dominum de tribulatione. Atque in Psalmo Dominus loquitur : *Ps. xlix, 15.* Invoca me in die tribulationis, eruam te, et honorificabis me. — In tribulationibus ergo, adversitatibus, infirmitatibus, increpationibus, penuriis, non frangamur, sed confidentiam ac fidelitatem ad Dominum ostendamus. Interdum enim probat nos Dominus, ut videat, vel potius videri faciat ac aliis innotescat quales simus, sicut tentavit Abraham. *Gen. xxii, 1.* Ideo scriptum est : Deus tentavit justos, et invenit illos dignos se. Unde in Deuteronomio Dominus legitur populo Judæorum locutus : *Deut. viii, 2.* Recordaberis cuncti itineris per quod adduxit te Deus tuus, ut affligeret te atque tentaret, et nota fierent quæ versabantur in corde tuo, utrum custodires mandata illius an non. Nec est putandum quod Deus semper exaudiat justos, erundo eos a malis pœnalibus in hac vita et ante mortem, quum jugiter multæ sint tribulationes justorum : a quibus tamen Dominus liberat eos finaliter, retribuendo pro temporalibus tribulationibus gloriam æternalem. Interdum etiam in præsenti et cito eripit eos de potestate tyrannica et afflictione injusta.

Ps. xxxiii, 20. In quacumque die invocavero te, velociter exaudi me, exaudiendo me statim **D** in illis quæ sunt de necessitate salutis, ut sunt virtutes infusæ, quibus carendo te magis offendo. Porro aliqua sunt de quibus ignoramus an expediat nostræ saluti quod nobis confestim aut postea concedantur, ut sunt mala pure pœnalia, quæ debemus sub conditione saltem implicita postulare nobis auferri, videlicet, si et in quantum Deus novit nobis esse expediens. Verum hoc debemus petere absolute, ut Deus tribuat nobis ea patienter et fructu-

Ps. lxiii, 2. A timore inimici erue animam meam, disseruit Augustinus : Non ut me non occidat inimicus, sed ut non timeam occidentem inimicum. Erue animam meam a timore inimici, et subde tuo timori, sicut in Evangelio præcepisti : Nolite timere eos qui corpus occidunt, animam autem non possunt occidere ; sed eum timete qui habet potestatem corpus et animam perdere in gehennam. — Itaque, Velociter exaudi me, non differendo ex ira concedere gratiarum charismata, ex quorum dilatione incido plura seu graviora peccata, juxta illud : Ecce tu iratus es, et peccamus. Verumtamen Deus non semper exaudit statim ad votum, etiam dum gratiæ dona petuntur, sed tempore opportuno. Propter quod ait Salvator, Oportet semper orare et non deficere : quatenus diu fideliterque orando, mereamur copiosius exaudiri, et gratiam laboriose acceptam diligentius custodiamus. Etenim divitiæ facile acquisitæ, facile solent dispergi ; paulatim vero obtentæ, solent augeri : juxta illud, Substantia festinata minuetur ; quæ *Prov. xiii, 11.* autem paulatim colligitur manu, multiplicabitur. Nihilo minus quosdam sibi familiariter caros singulariterque devotos, Deus frequenter audit celerrime. De quibus per Isaiam testatus est : Antequam *Is. lxxv, 24.* clament exaudiam eos, adhuc illis loquentibus ego audiam ; et in Psalmo : Præparationem cordis eorum exaudivit auris tua. *Ps. x, 17, sec. Hebr.*

Ecce in his versibus tribus quinquies repetivit sensum eundem, ad denotandum præfervidum cordis sui affectum, et magnitudinem causæ pro qua orat, videlicet, ut evadat æterna supplicia atque vilissimum principatum facinorum, obtineatque dona gratiæ in præsenti et amicitiam Dei, et dona gloriæ in futuro. — Consequenter tangit unam causarum quare tam anxie orat.

Quia defecerunt sicut fumus dies mei, et ossa mea sicut cremium aruerunt.

Quia defecerunt sicut fumus dies mei,

id est, tempus vitæ meæ pro magna parte præterit, inutiliterque consumptum, imo prorsus deperditum est, quantum ad eam temporis partem in qua peccatis dæmonibusque servivi : in quo potius mortuus fui quam vixi. Hinc scriptum est : Quæ est vita vestra ? Vapor est ad modicum parens, deinceps exterminabitur. Et sanctus Job protestatur : Dies mei velocius transierunt quam a texente tela succiditur, et consumpti sunt absque ulla spe ; itemque, Memento mei, Domine, quia ventus est vita mea. *Et ossa mea sicut cremium aruerunt*, id est, fortitudo mea defecit, virtutes mihi olim infusæ, per vitia sunt corruptæ, superioresque vires animæ fervore et impetu passionum sunt tabefactæ ; atque in ossa et carnem redundavit interior ista afflictio. Hinc alia habet translatio : Ossa mea sicut in frixorio confrixa sunt. Cremium autem dicitur a cremando, utpote id quod remanet in patella, facta adustione pinguis carnis, et ea pinguedine jam extracta. Sic spiritualis pinguedo et adeps divinorum charismatum per peccata et ignem libidinis extorquetur et aufertur ab anima. Pro quibus oravit Psalmista : Sicut adipe et pinguedine repleatur anima mea.

Ps. LXII, 6.

5 *Percussus sum ut fœnum, et aruit cor meum, quia oblitus sum comedere panem meum.*

Is. LV, 2.

Jer. XVII, 5, 6.

Luc. VIII, 6.

Quemadmodum in fine præcedentis versiculi pœnitens dixit, Ossa mea sicut cremium aruerunt, ita nunc addit : *Percussus sum* vento tentationis, impetu passionum, ardore libidinis, incursu adversitatis ; *ut fœnum* percutitur solis calore ; *et aruit cor meum*, id est, mens, intellectus, voluntas, sanctæ devotionis pinguedine sunt privatae : de qua loquitur Isaïas, Delectabitur in crassitudine anima vestra. Sic ait et Jeremias : Maledictus vir qui confidit in homine, et a Domino recedit cor ejus ; erit enim quasi myricæ in deserto. Et sic ut arbor exaruit quia non habebat humorem, sic homo designatus per arborem, spiritualiter aret, dum humore gratiæ

areat, nec superiorum imbre charismatum irrigatur. *Quia oblitus sum comedere panem meum.* Hoc de multiplici pane exponitur : Primo, de fletu salubri, qui optime reficit mentem. De quo in alio psalmo : Cibabis nos pane lacrimarum ; et rursus, Fuerunt mihi lacrimæ meæ panes die ac nocte. Denique, dum pœnitens ab hujusmodi pane diutius abstinet, cito patitur recidivum ; fitque incautus, incustoditus, intemoratus, qui non recordatur quam dire et frequenter peccavit, quam B item faciliter et frequenter adjiciet ad peccandum, nisi desuper præservetur, et ipse quoque agendo quod in se est, custodiat semetipsum, juxta illud Proverborum : Omni custodia custodi cor tuum, quia ex ipso vita procedit. Secundo, exponitur de pane sacramentali, de quo ait Salvator : Caro mea vere est cibus. Quem qui negligit manducare, fit aridus corde, sicut rursus testatur : Nisi manducaveritis carnem Filii hominis, non habebitis vitam in vobis. Tertio, de pane contemplationis, qui est sapientiæ actus, mentem præsertim delectans ac roborans, de quo in Ecclesiastico legitur : Cibabit illum Dominus pane vitæ et intellectus. Quarto, de pane bonæ operationis, de quo asserit Christus : Meus cibus est, ut faciam voluntatem Patris mei qui in cœlis est. Qui autem omissis occupationibus virtuosus, otiositati, vanitati, iniquitati intentus est, aret et perit omnino.

Ps. LXXIX, 6.

Ps. XLII, 4.

Prov. IV, 23.

Joann. VI, 56.

Ibid. 54.

Eccli. XV, 3.

Joann. IV, 34.

Is. XL, 6, 7.

Jacob. I, 10, 11.

Matth. VII, 26, 27.

Denique, juxta prætaetam similitudinem scriptum est : Omnis caro fœnum, et omnis gloria ejus quasi flos fœni ; exsiccatum est fœnum, et cecidit flos, quia spiritus Domini sufflavit in eo. Et Jacobus : Dives sicut flos fœni transibit ; exortus est sol cum ardore, et arefecit fœnum. De percussione quoque præfata qua dictum est, *Percussus sum*, Dominus dixit : Omnis qui audit verba mea et non facit, similis est viro stulto qui ædificavit domum suam supra arenam ; et descendit pluvia, et venerunt flumina, et flaverunt venti, et irruerunt in domum illam, et

cecidit. Sic accidit homini in tentationibus et variis mundi eventibus, qui non est virtutibus stabilitus. Ideirco, secundum Apostolum, Optimum est gratia stabiliri cor. Insuper, quod dictum est, Oblitus sum comedere panem meum, de materiali quoque cibo potest exponi dupliciter : Primo, de abstinentibus immoderate, et jejunantibus indiscrete, qui corpus et animam videntur destruere. Contra quos docet Apostolus : Rationabile obsequium vestrum. Secundo, de epulantibus crapulose, quia non comedunt panem suum, id est cibum eorum sustentationi opportunum ac debitum, sed alienum : quia quod superest eorum necessitati aut utilitati, pauperibus debent dare, prout noster præcipit Legislator : Quod superest date eleemosynam. Qui et alibi jubet : Attendite ne graventur corda vestra crapula, et ebrietate, et curis hujus vitæ. Unde et Paulus : Curam, inquit, carnis ne feceritis in desideriis.

Quoniam ergo ita me habui, penitus ingemui, sicut subjungitur.

6 *A voce gemitus mei adhæsit os meum carni meæ*, id est, in tantum dolui, flevi, jejunavi pro culpis, quod ita extenuatus sum corpore ut ossa mea pelli adhæreant : sicut et sanctus Job fassus est : Pelli meæ, consumptis carnibus, adhæsit os meum. Quod in multis sanctis religiosis ac eremitis, præsertim in sancta Pelagia, legitur factum.

7 *Similis factus sum pelecano solitudinis ; factus sum sicut nycticorax in domicilio.*

Similis factus sum pelecano solitudinis, id est pelecano in deserto et locis solitariis libenter degenti. Hoc quippe convenit poenitenti, ut occasiones vitet peccandi, consortia atque convivia fugiat, et in locis secretis ac quietis effundat se coram Deo, sua rememorando, exaggerando ac deplorando peccata, et ea per disciplinas puniendo, veniamque poscendo, ac emendationem proponendo firmissime : quod totum in solitudine fit tanto perfectius

A quanto liberius. Unde in alio dicitur psalmo : Ecce elongavi fugiens, et mansi in solitudine. Jeremias quoque : Quis, ait, dabit mihi diversorium viatorum in solitudine ? Et plorabo die ac nocte. *Factus sum sicut nycticorax in domicilio*, id est, instar nycticoracis in domicilio seu ruinosis parietibus commorantis me habui. Quemadmodum enim hujusmodi avis præ aliis avibus vilis est, et debiles oculos habens, fugit lucem diurnam ac avium societatem, quæritque cibum in nocte ; sic ego præ vitiorum meorum horrore atque rubore, vilem omnino me reputavi et humano indignum consortio, ac modicæ illuminationis in animo. Nocturnis vero temporibus degens in camera, præfatis panibus contritionis, divinæ laudationis, ac consimilibus actibus virtuosus, me reficere studui.

Vigilavi, et factus sum sicut passer solitarius in tecto : id est, actibus poenitiæ, non torpori acediæ, fui vigilanter intentus, sciensque quod non dormientibus, otio et torpori vacantibus, sed idonee certantibus, arctam viam pergentibus, poenitentialem vitam ducentibus, pervenit regnum cœlorum. Sicque factus sum ut passer in tecto solitarie requiescens. Quemadmodum namque passer ex sua natura est libidinosus et calidus, attamen solus persistens, est continens : sic poenitens nondum in virtutibus stabilitus, si inter homines conversetur, cito scandalizatur et concupiscit ; si vero sub tecto maneat solitariæ mansionis, reprimit se et frigescit.

D Præterea, per pelecenum, avem solivagam valdeque macilentam, specialiter designantur poenitentes perfecti, qui sublimiter carnem suam cum vitiis et concupiscentiis crucifigentes, mundumque penitus deserentes, etiam exercitia beatissimi Joannis sectantur in eremo, laudibus et contemplationibus Creatoris, meditationibus sacris et orationibus fervidis assidue intendentes. Per nycticoracem signantur mediocriter boni et proficientes, qui interdum ea quæ mundi sunt, interdum

Ps. LIV, 8.
Jer. IX, 2, 1.

8

Galat. V, 24.

ea quæ Dei sunt operantur : et ob id a A mundanis hominibus contemnuntur, quia eorum solita vitant consortia atque carnalia opera. Per passerem autem adhuc ex sua dispositione inquietum, lascivum et ad carnalia pronum, exprimuntur incipientes, pœnitentiam inchoantes, in quibus adhuc fortes sunt reliquiæ vitiorum, et nisi sub tecto sedeant soli, periclitantur in publico. Qui ergo ad vitia pronus est, præsertim ad venereorum appetitionem et actum, fugiat prorsus, vitet adspicere, quod non licet appetere : colloquia et contactum, amplexus et oscula, tanquam mortis præludia, tanquam infernalis ruinæ præambula, exsecretur. Et breviter, omnia quæ hic in persona pœnitentis proferimus, strenue et compuncte adimpleamus.

9 *Tota die exprobrabant mihi inimici mei; et qui laudabant me, adversum me jurabant.*

Hoc pœnitens et conversus dicere potest de malitiosis hominibus, qui facta et opera pœnitentium atque consortia vana vitantium interpretantur in pejus, detrahentes et insultantes eisdem, et eos quasi hypocritas reputantes, ipsorum quoque sobrietatem et abstinentiam tenacitati et avaritiæ adscribentes; et quos laudabant

Ps. x, 3, in malis (juxta illud, Quoniam laudatur peccator in desideriis animæ suæ), vituperant jam in bonis. Hinc scriptum est : Am-

Prov. xiv, 2, ambulans recto itinere et timens Deum, despicitur ab eo qui infami graditur via. Et rursus in Proverbiis Salomon testatur :

Ibid. xxviii, 4, Qui derelinquunt legem, laudant impium; *Ibid. xxix, 27,* itemque, Abominantur justi impium, et abominantur iniqui eos qui in recta sunt via. De talibus in sua prima Canonica lo-

1 Petr. iv, 3, 4, quitur sacratissimus Petrus : Ambulaverunt in luxuriis, desideriis, vinolentiis, comessionibus, potationibus : in quo admirantur, non concurrentibus vobis in eandem luxuriæ confusionem, blasphemantes. Verum talia vir bonus non debet curare, sed patienter sufferre, nec ex humana verecundia retrahi aut cessare ab

actibus bonis. Nempe, ut etiam Seneca dixit, ab impiis vituperari est commendari. Propterea in Isaia docetur : Nolite timere *Is. li, 7, 12,* opprobria hominum, et blasphemias eorum. Quis tu, ut timeas ab homine mortali, et a filio hominis qui quasi fœnum arescet?

Hæc itaque passus sum :

*Quia cinerem tanquam panem manducabam, et poculum * meum cum fletu miscebam.* 10 ** alias potum*

Quia cinerem tanquam panem manducabam : id est, mei ipsius fragilem conditionem et mortalem naturam diligenter pensavi, et tali consideratione mentem meam salubriter refeci, confortavi, atque ad patiendum æquanimiter cuncta adversa et aspera animavi, advertendo quod omnia ista celeriter dilabuntur ac cito pertranseunt. Propter quod mater Ecclesia monet filios suos, dicens : Memento, homo, quod pulvis es, et in pulverem reverteris : sicut et in Genesi dictum legitur *Gen. iii, 19,* homini primo. Et in Ecclesiastico legitur :

C *Quid superbit terra et pulvis? Ad litteram Eccli. x, 9,* quoque quidam viri sancti, ut Germanus episcopus, et Franciscus, leguntur cibus suis cinerem prælibasse aut superfudisse. *Et poculum meum cum fletu miscebam :* id est, corporalem potationem cum lacrimis sumpsi, mearum memor culparum, ac dominicæ passionis, quemadmodum Filius Dei propter me in cruce felle *Ps. lxxviii, 22; Matth. xxvii, 34, 48,* cibatus et aceto potatus est : cui refectio- ni homo condignam nequit rependere vicem, etiam si mille annis in pane et aqua

D abstineat. Vel, Poculum meum, id est temporalem consolationem, aut etiam cœlestium contemplationem, cum fletu miscebam : ita quod ea quæ ante delectabilia reputavi, nunc penitus deploravi; et cum fletu ad cœlestia suspiravi, ex quorum dilatione affligor. Istud ad verum pertinet pœnitentem, cuncta carnaliter delectantia fastidire, et quæ afflictiva sunt carnis moderate amplecti, ad cœlestem quoque patriam anxie anhelare, sicut de antiquis patribus ad Hebræos fertur : Juxta fidem *Hebr. xi, 13, 14.*

defuncti sunt omnes isti, non acceptis promissionibus, sed de longe eas adspicientes et salutantes, et confitentes quia peregrini et hospites sunt super terram : qui enim hæc dicunt, significant se patriam inquirere. — Itaque in cibo et potu non delectationem, sed necessariam tantum refectionem quæramus : præsertim quia ad sobrietatem seu abstinenciam (ut est virtus infusa, ad Christianos poenitentesque spectans) pertinet etiam aliquid necessitati naturæ subtrahere, ad satisfaciendum pro culpis et superfluitatibus multis ; et ut sanguinem minuendo, Christo compatiatur, ac minus ad vitia concitemur. Ad sobrietatem vero seu abstinenciam (ut est virtus naturalis et acquisita) spectat tantum de cibo et potu suscipere, quantum requirit natura pro bona habitudine et expedita rationis operatione, ut Thomas in secunda secundæ declarat. Unde et has virtutes dicit ab invicem distingui specificæ. Quid ad hæc dicturi sunt, qui se ipsos immoderate ingurgitant, tamque gulose reficiunt ut ratio offuscetur, et bonæ dispositioni mentis corporisque repugnet ?

I Cor. ix, 27.

Taliter igitur me afflixisti, corpus castigando, et in servitutem spiritus redigendo,

11 *A facie iræ indignationis tuæ, quia elevans allisisti me.*

A facie iræ indignationis tuæ, id est ex consideratione ac timore imminentis tui iudicii, ac justæ ultionis quam merui et partim incurri ; *quia elevans allisisti me*, id est, per beneficia tua naturalia seu fortuita aut etiam gratuita me exaltando ac honorando, dejecisti me in adversa, et cadere permisisti in vitia, variis quoque miseriis affici, ita ut lugeam in me esse impletum illud Psalmi : Homo quum in

Ps. XLVIII, 13, 21.

honore esset, non intellexit, comparatus est jumentis insipientibus ; et illud in

Thren. iv, 5.

Threnis, Qui nutriebantur in croceis, amplexati sunt stercora. Nempe, ut scriptum

I Reg. ii, 7.

est primo Regum, Dominus pauperem facit et ditat, humiliat et sublevat. Hinc

Job xvi, 13.

sanctus Job : Ego, inquit, quondam ille opulentus, repente sum contritus. Rursus

A fatetur : Adducet Dominus consiliarios in stultum finem, et iudices in stuporem ;

Job xii, 17, 18.

balteum regum dissolvit, et præcingit fune renes eorum. Ecce qualiter justus et omnipotens Deus elevans dejecit et allidit.

Quod tunc quoque impletur, dum viros magnæ virtutis superari tentatione permittit. Unde loquitur Augustinus : Vidi cedros Libani cecidisse, de quorum ruina non magis suspicabar quam de ruina Hieronymi et Ambrosii. Denique, quis putasset electum David, post tot gratiarum cha-

II Reg. xi.

B rismata, post tot de Christo vaticinia, post tot superna oracula, post tot apparitiones cœlestes, etiam in ætate matura, in adulterium, homicidium, et traditionem casurum ? Nemo ergo securus sit, et juxta Apostolum, Qui stat, videat ne cadat.

I Cor. x, 12.

Dies mei sicut umbra declinaverunt, et ego sicut fœnum arui. 12

Dies mei sicut umbra declinaverunt : sicut jam dictum est, Quia defecerunt sicut fumus dies mei. Hinc David testatur : Dies nostri quasi umbra super terram, et nulla

vers. 4.

I Par. xxix, 15.

C est mora. Hæc nunc salubriter perpendamus, et omnem terrenam prosperitatem, gloriam mundi et humanum honorem pro nihilo arbitremur, imo Dei amore ac futuræ felicitatis intuitu cordialiter aspernemur, ne vanis et fœdis ac frivolis rebus decepti, postea cum damnatis sera poenitentia dicamus illud Sapientiæ : Erravimus a via veritatis, et justitiæ lumen non luxit nobis ; lassati sumus in via iniquitatis et perditionis. Quid nobis profuit superbia ? aut quid divitiarum jactantia contulit nobis ? Transierunt omnia illa tanquam umbra, et tanquam nuntius præcurrens. *Et ego sicut fœnum arui* : juxta quod dictum est, Percussus sum ut fœnum, et aruit cor meum. Frequenter illuminatus Psalmographus admonet nos in libro Psalmorum, nostræ fragilitatis atque brevissimæ ac incertissimæ vitæ memores esse, quatenus præsentia contemnamus, tempus vitæ hujus fructuose expendamus, et ad æternam beatitudinem incessanter festinemus. Hinc quippe etiam in aliis disseruit psalmis :

vers. 5.

Ps. cxi. Pulvis sumus; homo sicut fœnum dies ejus, A
10 tanquam flos agri sic effloreat; itemque.

Ps. cxviii. Homo vanitati similis factus est, dies ejus
sicut umbra prætereunt. Etenim quid est
hæc vita, nisi incessabilis cursus ad mor-
tem? Quæ vita quanto plus extenditur,
tanto plus breviatur. Hinc in sua prima
1 *Petr. i, 22,* epistola vertex ait Apostolorum: Animas
24: *Is. xl, 6;* vestras castificate in obedientia caritatis,
Jacob. i, 10, in fraternitatis amore: quia omnis caro
fœnum, et omnis gloria ejus ut flos fœni.

13 *Tu autem, Domine, in æternum permanes, et memoriale tuum in generationem et generationem.*

Efficacissima oratio perhibetur, quæ lau-
dibus Dei miscetur. Propter quod in alio

Ps. xvii, 4. psalmo expressum est: Laudans invocabo
Dominum; et ab inimicis meis salvus ero.
Hinc postquam poenitens jam in præhabi-
tis versibus humiliavit se ipsum, instabi-
litem, fragilitatem, ac brevitatem suæ
vitæ ac subsistentiæ frequenter comme-
morans, jam Deitatis æternam invariabi-
litem atque invariabilem æternitatem fa-
tetur ac laudat, quatenus opposita juxta
se posita clarius innotescant. *Tu autem,*

Domine, in æternum permanes, id est,
æternaliter et incommutabiliter in te ipso
consistis, et es ipsum simplicissimum ac
perfectissimum esse. Qui per Prophetam
6 *Malach. iii,* dicis: Ego Dominus, et non mutor. Neme-
pe, quum Deus sit primum ens, necesse
est esse increatum, incausatum, ac inde-
pendens, nec aliquid ante ipsum est: id-
circo æternus est. De quo primo Cœli ait
Philosophus: Ab hoc ente omnibus deriva-
tum est esse, et vivere, his quidem clarius, D
his autem obscurius. Duodecimo quoque
Primæ philosophiæ: Ab hoc ente depen-
dent cœlum et terra, et tota universi na-
tura. *Et memoriale tuum in generatio-
nem et generationem.* Memoriale vocatur
notabilis et præclarus effectus jugi memo-
ria dignus. Sicque quodcumque opus Dei
egregium atque magnificum, potest dici
memoriale ipsius. Unde et Judith dixit ad
15 *Judith ix,* Dominum: Erit memoriale tuum, quum
manus feminæ dejecerit eum, videlicet

A Holofernem. Et ita opera creationis et re-
creationis, et glorificationis, sunt memo-
riale, imo et memorialia omnipotentiae,
sapientiae, bonitatis, misericordiae, ac ju-
stitiæ Dei. Interdum quoque memoriale
Dei appellatur nomen ejus a gratioso ef-
fectu impositum. Hinc ut in Exodo reci-
tatur, quum Moyses interrogasset, Quod
est nomen tuum? inter cetera Dominus
dixit: Deus patrum vestrorum, Deus Abra-
ham, Deus Isaac, et Deus Jacob misit me
ad vos: hoc nomen mihi est in æternum,
et hoc memoriale meum in generationem
et generationem. Unde et Isaïas dicit Deo:
Nomen tuum et memoriale tuum in desi-
derio animæ.

Exod. iii,
13.

Ibid. 15.

Is. xxvi, 8.

Tu exurgens misereberis Sion, quia 14
tempus miserendi ejus, quia venit tempus.

Tu exurgens misereberis Sion. Deus
immobilis perseverans dat cuncta mo-
veri, et omnia operatur in se incom-
mutabiliter prorsus quiescens, nec quid-
quam agit in tempore, nisi sicut et quod
in æternitate disposuit. Quomodo exsur-
get, nisi in actum procedens, et de novo
aliquid faciens, ac preces devotorum ex-
audiens? Sicque miseretur Sion, id est
militanti Ecclesiæ, et cuicumque fide-
li personæ Deum fideliter speculanti; imo
et Synagogæ, cujus templum fuit in mon-
te Sion: unde et nomine Sion frequenter
exprimitur, quemadmodum in Zacharia:
Exsulta satis, filia Sion. Sophonias quo-
que ait: Lauda, filia Sion. Synagogæ au-
tem misertus est Deus potissime, quando
ex ea congregavit et fecit primitivam Ec-
clesiam ex Judæis collectam, et per eam
in toto mundo Evangelium divulgavit, jux-
ta illud Isaïæ: De Sion exhibit lex, et ver-
bum Domini de Jerusalem. *Quia tempus*
miserendi ejus, quia venit tempus facien-
di elementer misericordiam in ea. Et est
repetitio in signum confirmationis ac fer-
ventis affectionis. In Christi namque ad-
ventu impletum fuit tempus misericordis-
sime agendi cum Synagoga, quantum ad
electos ex ea. Propter quod Christus tunc
dixit: Nunc judicium est mundi, judicium

Zach. ix. 9.

Soph. iii,
14.

Is. ii, 3.

Joann. xii,
31.

scilicet discretionis, in quo per quorum-
dam piam vocationem et aliorum justam
relictionem, discreti sunt illi ab invicem.

Joann. xii,
31.

Dan. ix, 24.

Zach. i, 12.

Ps. cxviii,
126.

Ibidem.

15

Ideo subdidit : Nunc princeps hujus mun-
di ejicietur foras. Tunc item impletum fu-
it tempus hebdomadarum annorum, (non
septem dierum,) de quibus Daniel : Ut ad-
duceretur justitia sempiterna et deleteretur
iniquitas. Sic et in Zacharia narratur an-
gelus sanctus dixisse : Usquequo, Domine
exercituum, non misereberis Jerusalem ?
Iste septuagesimus annus est. Tunc quo-
que tempus est miserendi, quando electi
graviter affliguntur, et homines miseri-
cordia Dei præcipue indigent, iniquorum
quoque pravitas magis abundat, juxta il-
lud in Psalmo : Tempus faciendi, Domine,
id est, o Domine, tempus est faciendi quod
oro, et tempus est ut exaudias. Et subdi-
tur ratio : Dissipaverunt legem tuam, id
est, iniqui legem tuam transgressi sunt.

*Quoniam placuerunt servis tuis lapides
ejus, et terræ ejus miserebuntur.*

Quoniam placuerunt servis tuis, id est
sanctis Apostolis et eorum coadjutoribus,
lapides ejus, id est homines ex Judæa seu
gentilitate convertendi, ex quibus Ecclesia
est constructa : quorum conversionem de-
sideraverunt primi illi ferventissimi præ-
dicatores. De quibus lapidibus scribit glo-
riosus et primus et summus Christi vica-
rius, in prima sua Canonica : Ad quem
accedentes lapidem vivum ; et ipsi tan-
quam lapides vivi superædificamini do-
mos spirituales. Vas quoque electionis ad
Ephesios : Estis, inquit, cives Sanctorum
et domestici Dei, superædificati super fun-
damentum Apostolorum et Prophetarum,
ipso summo angulari lapide Christo Jesu,
in quo et vos ædificamini in habitaculum
Dei in Spiritu Sancto. *Et terræ ejus mi-
serebuntur.* Præfati quippe prædicatores,
terræ Judæorum atque gentilium, hoc est
utrique populo, vehementissime condolu-
erunt, et pro ipsis ferventissime orave-
runt, ac pro ipsorum conversione instan-
tissime laboraverunt, in tantum ut unus
eorum confessus sit : Tristitia mihi ma-

Rom. ix, 2,
3.

agna est, et dolor continuus animæ meæ :
optabam enim ego ipse anathema esse a
Christo pro fratribus meis Judæis. Hinc
S. Clemens de beatissimo Petro scribit,
quod immensam habuit caritatem ad om-
ne hominum genus. Unde et Christus ipsis
prædicatoribus loquens : Videte, ait, re-
giones, quoniam albæ sunt ad messem.

Joann. iv,
35.

*Et timebunt gentes nomen tuum, Domi-
ne, et omnes reges terræ gloriam tuam.* 46

*Et timebunt gentes nomen tuum, Do-
mine*, omnes videlicet gentes per Christi
discipulos ad fidem conversæ, in quibus
timor Dei filialis et sanctus toto orbe ter-
rarum fuit abundans. De quibus a Daniele
est prædictum : Omnes populi, tribus et
linguæ servient ei ; atque in alio psalmo,
Reminiscentur et convertentur ad Domi-
num universi fines terræ. De quibus Jere-
mias locutus est Deo : Ad te gentes venient
de longinquo, dicentes, Vere mendacium
possederunt patres nostri, vanitatem quæ
eis non profuit, puta stultitiam idolorum.

Dan. vii, 14.

Ps. xxi, 28.

Jer. xvi, 19.

Et omnes reges terræ gloriam tuam : id
est, universi fidelium reges, prælati, ac
principes, seu quidam de omnibus (ut sit
distributio accommoda, videlicet pro ge-
neribus singulorum, non pro singulis ge-
nerum), tuam, o Domine, majestatem glo-
riosamque famam formidabunt : juxta
illud Psalmi, Adorabunt eum omnes reges.

Ps. lxxi, 11

*Quia ædificabit Dominus Sion, et vide-
bitur in gloria sua.* 47

Quia ædificabit Dominus Sion, id est, uni-
versalem Ecclesiam construet et augebit
ex plebe Judæorum ac paganorum ; di-
versis quoque virtutibus, donis et gratiis,
signis, prodigiis atque miraculis ipsam
ornabit, compaginabit, ac sublimabit. *Et
videbitur in gloria sua*, id est, ipsa uni-
versalis Ecclesia Christi fulgebit et appa-
rebit, etiam in hoc mundo, in præcipua
potestate, fama, jurisdictione, jucundita-
te, et honorificentia. Præactis namque su-
pernaturalibus donis, tam gratiæ gratum
facientis quam gratiæ gratis datæ, omni-
potens Deus mirificavit ac exaltavit Eccle-
siam Christi valde præcellenter præ Sy-

nagoga omnique alia plebe. Propter quod A princeps Ecclesiæ scripsit plebi christico-
 1 *Petr. ii, 9.* la : Vos autem genus electum, regale sacerdotium, gens sancta, populus acquisitionis, ut virtutem annuntietis ejus qui de tenebris vos vocavit in admirabile lumen suum. Hinc Roma per sacram beatissimi Petri fidem caput orbis effecta, latius præsidet religione divina quam dominatione terrena, ut loquitur Leo Papa. De hac excellentia Ecclesiæ Christi, sub appellatione Jerusalem, multa in Isaia sunt prædicta. Zacharias quoque ait : Potestas
 2 *Is. lx.* *Zach. ix, 10.* ejus a mari usque ad mare, et a fluminibus usque ad fines terræ. — Potest quoque et ita exponi : Videbitur in gloria sua : id est, Deus in ipsa excellentia Ecclesiæ cognoscetur tanquam in præclaro suo effectu, ita quod ex mirabilibus quæ in Ecclesia sua Christus factururus est, et nunc fecit, innumerabiles cognoscent quod Christus verus sit Deus, et convertentur ad fidem ipsius : sicut et factum est, et fiet Antichristo occiso. Hinc dixit evangelista Joannes : Vidimus gloriam ejus, gloriam quasi Unigeniti a Patre ; et ipsemet
 3 *Joann. i, 14.* Dominus, Opera quæ ego facio in nomine Patris mei, testimonium perhibent de me.

48 *Respexit in orationem humilium, et non sprevit precem eorum.*

Videmus quod inopes ac mendici volentes a divitibus eleemosynam impetrare, suam indigentiam fatentur ac pandunt, vilibus induuntur, et læsiones seu vulnera, si quæ habent, intuentium objiciunt oculis, quatenus ad misericordiam et beneficentiam provocentur. Quanto magis, D
 4 *II Cor. i, 3.* si a Patre misericordiarum, benignissimo Deo, cui assidue dicimus mendicantes, Panem nostrum quotidianum da nobis hodie, desideramus salvifica charismata, exaudiri, et refici, debemus nos profunde humiliare, universos nostros defectus, ærumnas, læsiones, attendere ac fateri, omneque bonum fonti bonorum toto corde adscribere ? Et quanto directius, ac humili nostri vilificatione supposuerimus mentes nostras altissimo illi omnium bonorum da-

tori, tanto copiosius nobis infundet stillicidia gratiarum : quemadmodum cernimus in vallibus tanto plus imbrium congregari, quanto fuerint magis profundæ. Itaque hujuscemodi recognitio veritatis, et vera cognitio sui ipsius, cum pia affectione propitiationis divinæ, disponit aptissime ad largam Dei exauditionem, ad infinitæ pietatis provocationem, ad obtinendam omnem gratiam desideratam. Propter quod ait Salvator : Beati pauperes spiritu, id est humiles, quoniam ipsorum est regnum
 5 *Matth. v, 3.* cœlorum ; et denuo, Discite a me quia mitis sum et humilis corde. Judith quoque : Mansuetorum et humilium tibi semper placuit oratio. Incomparabilis quoque
 6 *Ibid. xi, 29.* Virgo disseruit : Quia respexit humilitatem ancillæ suæ. Hic est respectus Dei per approbationem : cui opponitur respectus Dei per reprobationem et ultionem, de quo loquitur Amos propheta : Oculus Domini super regnum peccans, ut contemnat illud ; et Judith : Domine Deus, intueri
 7 *Amos ix, 8.* superbiam illorum, et respice ad nostram humilitatem.
 8 *Judith ix, 16.*
 9 *Luc. i, 48.*
 10 *Amos ix, 8.*
 11 *Judith vi, 15.*

Scribantur hæc in generatione altera, et populus qui creabitur, laudabit Dominum. 19

Scribantur hæc in generatione altera : id est, scripta psalmi istius a posteris agnoscantur et transcribantur ab ipsis, ad ædificationem et informationem ipsorum, juxta illud alterius psalmi : Quanta mandavit patribus nostris nota facere ea filiis suis, ut cognoscat generatio altera. Nam, sicut scribit Apostolus, Quæcumque scripta sunt, ad nostram doctrinam scripta sunt. *Et populus qui creabitur, laudabit Dominum :* id est, ex fidelibus nascentur fideles qui Deum laudabunt ac colent, sequentes legem patrum suorum, secundum illud Proverbiorum : Audi, fili mi, disciplinam patris tui, et ne dimittas legem matris tuæ, ut addatur gratia capiti tuo. Hoc est quod fertur in alio psalmo : Annuntiabitur Domino generatio ventura ; et item in alio, Filii qui nascentur et exsurgent, et narrabunt filiis suis.
 12 *Psal. lxxvii, 5, 6.*
 13 *Rom. xv, 4.*
 14 *Prov. i, 8, 9.*
 15 *Psal. xxi, 32.*
 16 *Psal. lxxvii, 6.*

20

Quia prospexit de excelso sancto suo, A Dominus de cœlo in terram adspexit.

Quia prospexit de excelso sancto suo : quod per sequentia exponitur verba, quum subditur : *Dominus de cœlo in terram adspexit*, id est, oculus suæ pietatis convertit ad habitantes in terra qui invocant eum. Loquitur autem Scriptura de Deo more humano, quasi alicubi resideat in loco sublimi, et inde adspiciat in hæc ima : quum tamen ipse supergloriosissimus Deus sit penitus infinitus, incircumscripibilis, illocalis, intemporalis. Nec est in loco circumscriptive nec definitive, sed transcendenter : imo ubique est per essentiam, præsentiam, atque potentiam ; in Christo homine per hypostaticam unionem, in justis per gratiam, in Beatis per gloriam. Nihilo minus dicitur esse in cœlo empyreo, tanquam in habitaculo, in quantum ibidem clarius se ostendit, et evidentius ac magnificentius operatur : qui per Isaiam testatur, Cœlum mihi sedes est. Hinc inde dicitur respicere, exaudire, influere : qui tamen per Jeremiam affirmat, Cœlum et terram ego impleo. De quo in Actibus loquitur Paulus : Non longe est ab unoquoque nostrum ; in ipso enim vivimus, movemur, et sumus.

Is. LXVI, 1;
Act. VII, 49.

Jer. XXXI, 24.

Act. XVII, 27, 28.

21

Ut audiret gemitus compeditorum, ut solveret filios interemptorum, id est, orationes et suspiria peccatorum poenitentium clementer exaudiat : qui vineti sunt vinculis vitiorum, spiritualiterque captivi a diabolo tenebantur, juxta illud Proverbiorum : Iniquitates suæ capient impium, et funibus peccatorum suorum constringetur. Unde Apostolus : Resipiscant, inquit, a laqueis diaboli, a quo captivi tenentur ad ipsius voluntatem. Nempe, ut in secunda sua protestatur Canonica S. Petrus : Iniqui sunt servi corruptionis : a quo enim quis superatus est, hujus et servus est. Sic quoque solvat a jugo diaboli et peccati *filios interemptorum*, id est posteros spiritualiter interfectorum peccato, aut corporaliter occisorum pro Christo.

Prov. V, 22.

II Tim. II, 26.

II Petr. II, 19.

T. 14.

Ut annuntient in Sion nomen Domini, et laudem ejus in Jerusalem.

22

Ut annuntient in Sion nomen Domini, id est, quatenus ita soluti, et spirituales libertatem adepti, prædicent Christum in ecclesiastica unitate, et in ipsa Ecclesia, annuntiando beneficia gratiæ ejus ac suæ redemptionis mysteria, sicut ipse in Evangelio ait : Vade, et annuntia quanta fecerit tibi Deus, et misertus sit tui. *Et laudem ejus in Jerusalem*, id est in Ecclesia tam militanti quam triumphanti, secundum illud Isaiæ : Qui redempti fuerint a Domino, venient in Sion laudantes, et lætitia sempiterna super capita eorum, gaudium et lætitiā obtinebunt ; et fugiet dolor et gemitus. De hac Jerusalem scribit Apostolus : Illa quæ sumus mater nostra. De qua legitur : Jerusalem, luce splendida fulgebis, et omnes fines terræ adorabunt te ; nationes ex longinquo ad te venient, etc. Et hoc est quod in Evangelio asserit Christus : Multi ab oriente et occidente venient, et recumbent cum Abraham et Isaac et Jacob in regno cœlorum. Hæc est civitas Dei, de qua in Apocalypsi inducitur : Civitas non eget sole, neque luna : nam claritas Dei illuminabit eam, et lucerna ejus est Agnus. Ad Hebræos quoque : Accessistis ad civitatem Dei viventis, Jerusalem cœlestem, et multorum millium angelorum frequentiam. Hæc est civitas ad quam sancti Patriarchæ et Prophetæ suspirabant, juxta illud : Exspectabat Abraham fundamenta habentem civitatem, cujus artifex et conditor Deus.

Marc. V, 19.

Is. LI, 11.

Galat. IV, 26.

Tob. XIII, 11, 13, 14.

Matth. VIII, 11.

Apoc. XXI, 23.

Hebr. XII, 22.

Ibid. XI, 10.

In conveniendo populos in unum, et reges ut serviant Domino, id est in ipsa corporali aut spirituali collectione fidelium, tam vulgarium quam præidentium, qua convenerunt ad conferendum qualiter Deo efficacius obsequantur, qua etiam per fidem et caritatem in uno Christi ovili specialiter adunati sunt, et unum mysticum corpus effecti, juxta illud Apostoli : Unum corpus multi sumus.

23

I Cor. X, 17.

29

24 *Respondit ei in via virtutis suae : Paucitatem dierum meorum nuntia mihi.*

Respondit ei in via virtutis suae, id est, ipsa Sion seu Ecclesia ad Dei servitium vocata, respondit Domino in via suae virtutis, id est in conversatione sua virtuosa, qua Deo placite deservivit : *Paucitatem dierum meorum nuntia mihi*, id est, da mihi sapienter considerare quam pauci et breves sunt dies vitae meae in saeculo isto, praesertim respectu futurae aeternitatis : quatenus ex consideratione hujus labilis vitae, ferventius me emendem, celeriusque ad futuram felicitatem progrediar. Unde in alio psalmo habetur : *Locutus sum in lingua mea : Notum fac mihi, Domine, finem meum, et numerum dierum meorum quis est, ut sciam quid desit mihi.* Hinc sanctus Job dixit : *Parce mihi, Domine, nihil enim sunt dies mei.* Hanc paucitatem dierum residuae vitae nostrae profunde jugiterque pensemus : et certi quod diem ignoremus et horam, omnem diem quasi ultimum reputemus : sicque per mores et actus Deo placentes, ad finem felicem inoffenso pede tendamus. Etenim tam discrete, timorate ac fervide vivere debet homo, quasi uno solo die victurus, nec quasi adhuc plurimis annis in hac vita mansurus. Hanc paucitatem dierum vitae suae consideravit patriarcha Jacob loquens ad Pharaonem : *Dies peregrinationis vitae meae super terram, centum triginta annorum sunt, parvi et mali.*

25 *Ne revoces me in dimidio dierum meorum ; in generationem et generationem anni tui.*

Ne revoces me in dimidio dierum meorum, id est, ab hac vita non jubeas me auferri in juventute, quando adhuc imparatior sum ad mortem. De tali revocatione David locutus est : Numquid potero revocare eum ? Unde alibi legitur : *Revertatur pulvis in terram suam, et spiritus redeat ad Deum qui dedit illum.* Vel, *Ne revoces me in dimidio dierum meorum*, id est, in juventute mea non permittas me

A revocari aut redire ad vitia adolescentiae meae. Imo potius, juxta apostolicum documentum, quae retro sunt obliviscens, in anteriora extendam me ipsum. *In generationem et generationem anni tui*, id est, anni tuae durationis per omnium generationum successiones extenduntur, et superexceedunt, quoniam mille anni ante oculos tuos, tanquam dies hesternae praeteriit. Constat in die aeternitatis nullam successionem cadere temporalem : imo aeternitas (quae ponitur quasi mensura increatae vitae et invariabilis consistentiae Dei) est interminabilis vitae tota simul perfecta possessio. Verumtamen in Scripturis frequenter per temporalia nomina designatur, ut ad Hebraeos ait Apostolus : *Jesus Christus heri et hodie, ipse et in saecula.* In Apocalypsi quoque : *Gratia vobis et pax ab eo qui est, et qui erat, et qui venturus est Omnipotens.* De his annis Dei intemporalis scriptum est in Job : *Numerus annorum ejus inestimabilis ;* alibi quoque Petrus, *Unus dies apud Deum tanquam mille anni, et mille anni sicut dies unus.*

Initio tu, Domine, terram fundasti ; et opera manuum tuarum sunt caeli.

Possent hic plura introduci et quaeri, quae prosequi prohibet brevitatis cui hic studeo : quae super secundum Sententiarum diffuse tractantur. Possetque hic sciscitari, an spirituales substantiae, ut angeli, fuerunt ante sensibilem mundum productae ; et rursus, an elementa in exordio creationis mundi sensibilis ac corporalis, fuerunt distincte producta in suis substantialibus formis, an etiam in suis accidentalibus formis, sicut nunc stant, an potius in materia et forma corporeitatis confusa. Verum, ad compunctionem poenitentis ista parum conferre videntur, nec penitus queunt exprimi verbis. — Et quamvis ad primum istorum responderint Graeci, etiam sancti viri (quos in hoc imitati sunt Hieronymus atque Hilarius), quod angeli ante sensibilem mundum diu creati sint ; rationabilior tamen censetur

Ps. xxxviii,
5.

Job vii, 16.

Matth. xxv,
13.

Gen. xlvii,
9.

II Reg. xii,
23
Eccle. xii,
7.

Philipp. iii,
13.

Ps. lxxxix,
4.

Hebr. xiii,
8.
Apoc. i, 4.

Job xxxvi,
26.
II Petr. iii,
8

26

sententia Augustini, Gregorii, Bedæ, qui A cum suis sequacibus dicunt contrarium : attamen sine præjudicio et derogatione alterius partis, præsertim propter auctoritatem Gregorii Nazianzeni ac Athanasii : qui tantæ fuerunt auctoritatis in Scripturis, quod nullus præsumpsit contradicere eis. Denique sententia Augustini et Gregorii etiam ex hoc probatur versiculo, Initio tu, Domine, terram fundasti. Ergo ante terræ creationem nihil creatum est, quum et in exordio Genesis dictum sit, In principio creavit Deus cælum et terram : quamvis ibi per cælum quidam intelligant naturam angelicam, quidam cælum empyreum. Communiter demum ponuntur quatuor coæquæva, cælum empyreum, angelus, materia, tempus. — Circa secundum, posuit Augustinus totum universum, quantum ad partes suas principales ac permanentes, et quantum ad prima individua specierum, esse simul in instanti distinctim producta sicut nunc stant. Alii vero Sancti, Græci et Latini, propter auctoritatem reverentiamque Scripturæ, magis secuti sunt superficiem et tenorem scripturæ Geneseos : quorum aliqui posuerunt omnia corporalia simul producta in materia quadam confusa, et forma corporeitatis indistincta ac generali ; alii, quod elementa fuerunt in propriis substantialibus formis simul ac distincte producta, similiter cœlestia corpora.

Nunc autem pertranseundo, simpliciter potest exponi. *Initio tu, Domine, terram fundasti*, id est, in exordio temporis terram et cetera elementa creasti, ac firmiter collocasti : juxta illud alterius psal-
mi : Qui fundasti terram super stabilitatem suam ; non inclinabitur in sæculum sæculi. Et rursus : Ego confirmavi columnas ejus. De hac mirabili situatione et constabilitatione terræ gravissimæ in medio universi et super aquarum fluentia, nullo duro et solido ei substrato, scriptum est in Job : Qui extendit aquilonem super vacuum, et appendit terram super nihilum. Unde et Dominus loquitur : Ubi eras, quan-

do ponebam fundamenta terræ ? Indica mihi, si habes intelligentiam. Quis posuit mensuras ejus ? aut quis tetendit super eam lineam ? et super quo bases ejus consolidatæ sunt ? *Et opera manuum tuarum*, id est omnipotentiae ac sapientiae tuæ, *sunt cœli* universi, tam materiales quam angelici spiritus habitantes in cœlis. De cœlis multa possent hic investigari, puta de natura, motu, numero influentisque ipsorum : quæ super secundum tractantur Sententiarum. Quamvis autem nonnulli dixerunt decem esse mobiles cœlos, communior tamen est opinio quod tantum sint novem, puta : nona sphaera, quæ dicitur cælum crystallinum ; et sphaera octava, quæ vocatur firmamentum ac cælum stellarum ; deinde septem orbes planetarum. Aliqua quoque dicuntur cælum, propter quasdam participationes proprietatum cœlestium corporum : sicque dicitur cælum aerium, cælum æthereum, et cælum olympium. Porro cælum empyreum, id est igneum, ita vocatum a splendore, non a calore, quantitate est maximum, qualitate purissimum, substantia inter corpora nobilissimum : quod Damasceno testante, est continentia visibilium et invisibilium.

Ipsi peribunt, tu autem permanes ; et omnes sicut vestimentum veterascent.

27

Ipsi peribunt : non substantialiter, quum scriptum sit : Statuit ea in sæculum et in sæculum sæculi ; præceptum posuit, et non præteribit. Et rursus Ecclesiastes : Generatio præterit, et generatio advenit, terra vero in æternum stat. Nec elementa quoad se unquam substantialiter corrumpentur. Cœlestia autem corpora quum non habeant materiam privationi annexam, ponuntur a philosophis atque theologis incorruptibilia quoad totum et partem. Peribunt ergo quantum ad accidentalialia quædam, videlicet quoad situm et motum, qualitatemque aliquam et influentiam : prout hæc super quartum Sententiarum diffuse determinantur. *Tu autem permanes* plenissime immortalis et prorsus in-

Ps. CXLVIII,

6.

Eccle. 1, 4.

Ps. CIII, 5.

Ps. LXXIV, 4.

Job XXVI, 7.

Ibid. XXXVIII, 4-6.

Num. xxiii,
19.

variabilis æternaliter, in superoptima et infinite beatissima dispositione perseverans. De quo Balaam contestatur : Non est Deus quasi homo, ut mentiatur, neque ut filius hominis, ut mutetur. *Et omnes sicut vestimentum veterascent*, quantum ad accidentalem dispositionem in dietis. Non enim subjacent tempori, quantum ad suam substantiam substantialeque esse, sed quoad situm, motum, influxum, quos usque ad finem sæculi hujus habent, propter generabilium et corruptibilium innovationem, conservationem ac provisionem.

28

Et sicut opertorium mutabis eos, et mutabuntur; tu autem idem ipse es, et anni tui non deficient.

I Tim. vi,
16.

Et sicut opertorium mutabis eos, et mutabuntur : sicut expositum est. Hæc toties repetuntur, ad insinuandum excellentiam superfelicissimi Dei, qui ut ait Apostolus, solus habet immortalitatem, id est omnimodam incommutabilitatem. In omni autem mutatione est quædam corruptio, hoc est alicujus esse desitio, quæ est mors quædam. *Tu autem idem ipse es*, quia in te nulla non identitas, nulla varietas, sed summa et perfectissima unitas. Unum autem in substantia, facit idem in quantitate æquale, in qualitate simile. Unumquodque demum tanto plus est tale, quanto minus habet de suo opposito. Quumque in Deo sit purissima unitas, quæ est quasi esse purissimæ identitatis, non est in eo ex natura rei aliqua non identitas, seu quædam alietas, quantum ad absoluta. Rursus, quum in superexcellen- tissimo Deo sit mera, plena et infinita simplicitas, in fine totius simplicitatis : quidquid huic simplicitati derogat, ut omnis non identitas ex natura rei, est longe ab ipso. Amplius, quod in se ipso infinite perfectum est, in consubstantiali sua opulentia supersimplicissime comprehendit omnem perfectionem, nobilitatem et gloriam, absque omni non identitate ex

sua natura. Hæc contra quorundam errorem, qui in Deo ponunt inter attributa distinctionem formalem, sunt breviter tacta. *Et anni tui non deficient*, id est, æternitas tua omnem annorum, imaginabilem multitudinem superexcedens, nullatenus finietur, nec minorationem accipiet.

Filii servorum tuorum habitabunt; et semen eorum in sæculum dirigetur. 29

Filii servorum tuorum habitabunt, id est, fideles, qui sunt spirituales filii Apostolorum et primorum discipulorum tuorum, manebunt et quiescent in Ecclesia militanti per fidem et gratiam usque ad mundi finem, deinde in Ecclesia triumphanti sine fine per gloriam et beatificam fruitionem : juxta illud Apocalypsis, *Servi Dei servient illi, et videbunt faciem ejus, et regnabunt in sæcula sæculorum.* Hinc in Proverbiis quoque legitur : *Qui recti sunt, habitabunt in terra, et simplices permanebunt in ea. Et semen eorum in sæculum dirigetur*, id est, operatio eorum in ultimum finem recte erit relata et fixa, nec amplius deviabit; proles quoque parentum bonorum sequens vestigia, cum illis salva manebit. De talibus filiis Apostolus scribit ad Galatas : *Filioli mei, quos iterum parturio; ad Corinthios quoque, In Christo Jesu ego vos genui.*

Apoc. xxii,
3-5.

Prov. ii, 21.

Galat. iv,
19.
I Cor. iv,
15.

Postremo de præacta cœlorum immutatione multa in Scripturis leguntur, ut est illud Isaïæ : *Complicabuntur sicut liber cœli; et idem rursus, Ecce ego creo cœlos novos et terram novam.* Illud quoque Apocalypsis : *Vidi cœlum novum et terram novam : primum enim cœlum et prima terra abiit, et mare jam non est.* Quod vero in Canonica Petri legitur, *Adveniet dies Domini ut fur, in quo cœli magno impetu transient; et rursus, Cœli igni servati sunt in diem judicii : de aëriis exponitur cœlis.* De his super quartum Sententiarum tractatur.

Is. xxxiv, 4.

Ibid. lxxv,
17.

Apoc. xxi,
1.

II Petr. iii,
10.

Ibid. 7.

ENARRATIO IN PSALMUM VI PŒNITENTIALEM

- Ps. CXXIX.* **D***E profundis clamavi ad te, Domine; A* *Domine, exaudi vocem meam.* *1*
2 *De profundis*, id est de valle lacrimarum, de lacu miseriæ lutoque fæcis, de corpore isto mortali dejecto, et de voragine vitiorum, *clamavi ad te, Domine*, quia de infimo isto ad te in cœlis commorantem, fudi orationem. De tali profundo *Prov. XVIII, 3.* Salomon asserit : Impius quum in profundum venerit peccatorum, contemnit ; *Ps. LXVIII, 3.* *Ibid. 16.* atque in alio psalmo, Infixus sum in limo profundi ; itemque, Neque absorbeat me profundum. In his profundis mersus ac *B* jacens, clamat de eis tanquam de locis vitiis et miseriis plenis, in quibus est. *Domine, exaudi vocem meam*, potissime cordis affectum.
- Fiant aures tuæ intendentes in vocem deprecationis meæ.*
- Ps. LXXXIX, 1.* Quemadmodum Dominus Deus, qui non fit, nobis refugium factus est absque sua mutatione et absque sua ad nos reali relatione, per nostram mutationem ac relationem ad ipsum realem ; sic aures Dei, puta sapientia et misericordia ejus, quibus nostra desideria noscit et implet, quæ non fiunt, nostris orationibus fiunt intentæ absque earum recenti dispositione, per novam nostrarum precum exauditionem, per quam se habent quasi de novo nobis intentæ. Sic et Salomon deprecatur : *III Reg. VIII, 29; II Par. VI, 40.* Sint oculi tui aperti et aures tuæ intentæ super domum istam die ac nocte. Eadem autem petitionem sub aliis repetit verbis, ob causas frequenter inductas.
- 3* *Si iniquitates observaveris, Domine; Domine, quis sustinebit?* hoc est, tot et *D* tanti sunt nostri excessus, quod si non dimiseris, sed retinueris eos ad objiciendum, judicandum, ac puniendum, intolerabile esset nobis. Nam et intolerabile esset unicuique, si ei coram sibi notis atque domesticis objicerentur distincte universa et singula vitia sua : quanto magis intolerabile nobis esset in die particularis ac generalis judicii coram cunctis præsentibus, a Judice summo, de omnibus nostris peccatis palam ac particulatim redargui, confundi, puniri? Ipsa quoque pœna inferni intoleranda est nimis. Idcirco, horrendum est incidere in manus *Hebr. x, 31.* Dei viventis. Vide igitur quantum et qualiter mersus et obrutus sis fluctibus vitiorum, profluvio desideriorum carnalium, inundatione cogitationum inanum aut pravarum, et propriis viribus nequiens te juvare, nec enatare. Clama de his profundis ad Dominum, proferendo hunc psalmum corde intento, quasi ex proprio corde singula verba formando.
- Quia apud te propitiatio est; et propter legem tuam sustinui te, Domine.* *4*
- Quia apud te propitiatio est*, id est, in te larga miseratio consistit. Sic quippe frequenter in Scripturis dicitur esse apud Deum, quod est in Deo, sicut ait Joannes : Verbum erat apud Deum ; et in *Psalmo, Quoniam apud te est fons vitæ. Hinc in Ecclesiastico scriptum est : Propitiatio Dei magna est. Est quoque apud Deum Patrem unigenitus Filius ejus, qui est advocatus noster et propitiatio pro nostris peccatis, qui satisfecit pro nobis : qui, ut præallegatum est, dilexit nos et lavit a peccatis nostris in sanguine suo. De quo scriptum : Si quis peccaverit, advocatum habemus apud Patrem Jesum Christum justum ; et ipse est propitiatio pro peccatis nostris. Nempe, ut ait Bernardus, Filius ostendit Patri latus et vulnera, Mater ostendit Filio pectus et ubera ; nec ulla potest esse repulsa, ubi tot concurrunt caritatis indicia. Et propter legem tuam sustinui te, Domine : id est, ob id quod*
- Joann. 1, 1. Ps. XXXV, 10. Eccli. XVIII, 28. Apoc. 1, 8. I Joann. II, 1, 2.*

lex tua est tota divina, sancta, caritativa, pia et justa, longanimiter spero, exspecto et fero gratiæ tuæ subventionem, optatæ propitiationis dilationem, et tuam circa me dispensationem, ordinationem ac dispositionem, confidens in omnibus de tua benignitate, et certus de legis tuæ sinceritate ac veritate. De qua alibi legi-

Ps. xlviii. 8. tur : Lex Domini immaculata, convertens animas. Et Baruch : Hic (inquit) liber mandatorum Dei, et lex quæ est in æternum :

Baruch ix. 1. omnes qui tenent eam, pervenient ad vitam ; qui autem derelinquunt eam, ad mortem. — Denique, quam memoriter recolenda, quam integre adimplenda sit lex divina, in Proverbiis tangitur, ubi habetur :

Prov. vii. 2, 3. Serva mandata et legem quasi pupillam oculi tui ; liga eam in digitis tuis, et in tabulis cordis tui scribe eam. Hoc est

Ps. i. 2. quod de viro bono legitur : In lege Domini voluntas ejus, et in lege ejus meditabitur die ac nocte. Qui in hac lege versatur, in lumine ambulat ; qui vero eam transgreditur, in tenebris manet, quem-

Prov. iv. 19. admodum ait Scriptura : Via impiorum tenebrosa ; nesciunt ubi corruunt. Nec mirum, quia ut denuo Salomon protestatur,

Ibid. vi. 23. Mandatum lucerna est ; et lex, lux ; et via vitæ, increpatio disciplinæ. Quæ omnia quamvis de lege illa per Moysen data sint vera, de evangelica tamen lege, omnium legum perfectissima, et excellentissima, ac divinissima, rite intelliguntur, ac saluberrime observantur. Ipsa siquidem continet gratiam, redolet caritatem, et ad vitam introducit beatam. Cujus legis eminentiam supra Mosaicam legem Paulus in suis epistolis copiose declarat.

Sustinuit anima mea in verbo ejus ; speravit anima mea in Domino.

5

Sustinuit anima mea in verbo ejus, id est, in consideratione sermonis Dei patientiam habui, et toleranter exspectavi veniam gratiamque cupitam, quoniam verba legis divinæ misericordiam et salutem promittunt colentibus ac invocantibus Deum, juxta illud Isaïæ : Deus judicii Dominus ; beati omnes qui expectant

Is. lxxviii. 18.

A eum. Unde in alio scriptum est psalmo :

In verbum tuum supersperavi. *Speravit anima mea in Domino* : cui dicitur in

Ps. cxviii. 81, 113.

alio quoque psalmo, Sperent in te qui non verunt nomen tuum, quoniam non dereliquisti quærentes te, Domine. De quo

Ps. ix. 11.

et loquitur Jeremias : Bonus est Dominus sperantibus in se, animæ quærenti illum.

Thren. iii. 25.

Hæc spes non confundit, sed roborat. In qua tam firmi esse debemus, ut ab ea nulla adversitate frangamur, juxta quod sanctus Job ait : Etiam si occiderit me,

Rom. v. 5.

Job xiii. 15.

B in ipso sperabo.

A custodia matutina usque ad noctem, speret Israel in Domino. 6

A custodia matutina usque ad noctem, id est tota die usque ad noctem inclusive, speret Israel in Domino. Per Israel intel-

ligi solet Israeliticus populus, seu pater ejus Jacob, qui alio nomine dictus est Israel, id est vir videns Deum, ab angelo,

juxta illud : Dixit ad eum angelus : Israel erit nomen tuum. Spiritualiter vero, Israel

Gen. xxxii. 28; xxxv. 10.

C fidelis Deum sincera fide et per sapientiæ donum contemplans. Et talem decet semper sperare in Domino, qui solus potest salvare, peccata dimittere, per gratiam stabilire, in omni tribulatione et necessitate succurrere. Propter quod scriptum est : Nunc, Domine, Deus Israel, anima in angustiis et spiritus anxius clamat ad te. Impleamus ergo quod in Proverbiis sapientissime edocetur : Habe fiduciam in Domino ex toto corde, et ne innitaris prudentiæ tuæ ; in omnibus viis tuis cogita illum, et ipse diriget gressus tuos.

Baruch iii. 1.

Prov. iii. 5, 6.

Quia apud Dominum misericordia, et copiosa apud eum redemptio. 7

Quia apud Dominum misericordia : imo infinita pietas est in eo, cui proprium est misereri. Ulcisci autem, irasci et damnare, est quasi alienum ab ipso, et ex parte nostræ adversitatis convenit ei. Propter quod locutus est Isaïas : Ut faciat opus suum, peregrinum opus ab eo. Ad quod insinuandum ait : Heu ! ego conso-

Is. xxviii. 21.

Ibid. i. 24.

labor super hostibus meis. *Et copiosa*

apud eum redemptio, id est abundans salvatio. Salvat namque a læsione peccati per gratiam, a damnatione perpetua per gloriam sempiternam, et contra varios morbos ac defectus dedit ecclesiastica sacramenta. Tandem quoque in resurrectione futura redimet electos ab omni malo pœnali in corpore et anima, quando corruptibile hoc induet incorruptionem, et mors absorbebitur perfecte in gloria : quando electi cantabunt jucundissima et securissima mente, Laqueus contritus est, et nos liberati sumus ; itemque : Ubi est, mors, victoria tua ? ubi est, mors, stimulus tuus ? Copiosissima demum redemptio est apud Salvatorem nostrum, qui non corruptibilibus auro et argento, sed suo sanguine pretioso redemit nos, non solum satisfaciens pro peccatis nostris, sed supererogans infinite, et præmium suæ salvificæ passionis communicans suæ Ecclesiæ, dans ei opulentissimum spirituale thesaurum ex quo fiunt indulgentiæ : cujus thesauri erogationem commisit summo Prælato, sponso ac hierarchæ totius universalis Ecclesiæ.

8 *Et ipse redimet Israel ex omnibus iniquitatibus ejus.*

Omnibus enim vere poenitentibus et contritis ignoscit, veniam nequaquam dimidians ; et tam electos ex Israelitica plebe, quam conversos ex gentilitate, eripuit de potestate tenebrarum. Christus quoque dignissima passione sua pro omnibus satisfecit quantum ad sufficientiam, et quantum est ex parte ipsius ; pro solis vero prædestinatis, quantum ad efficientiam, qui soli effectum dominicæ passionis finaliter consequuntur. De quibus ait Apostolus : Pax super Israel Dei. De reprobis autem Israelitis : Videte Israel (inquit) secundum carnem.

Hunc psalmum compendiosum præcipua devotione dicamus, de profundo nostræ miseriæ ad superaltissimum fontem pietatis immensæ humiliter suspirantes, atque dicentes : Operi manuum tuarum porrigere dexteram. Consideret unusquisque

A pro posse misericordias Dei in se, et dicat : Misericordias Domini in æternum cantabo. De quibus sanctus ait Bernardus : Septem in me video misericordias Dei, quas etiam unusquisque vestrum facile invenit in se. Prima est, quod a multis peccatis adhuc in sæculo positum custodivit me : prima quidem, non inter omnes quas mihi impendit, sed prima inter has septem. Quis enim non videat, quod sicut in multa cecidi, sic et in alia poteram cecidisse peccata, nisi Omnipotentis misericordia præservasset ? Fateor et fatebor, nisi quia Dominus adjuvit me, cecidisset in omne peccatum anima mea. Secunda misericordia est, quæ non poterit explicari sermone, quam benigna, quam libera, quam liberalis sit. Ego peccabam, et tu, clementissime Deus, dissimulabas ; non continebam a sceleribus, et tu abstinebas a verberibus ; prolongavi multo tempore iniquitatem, et tu econtrario misericordissime prolongasti pietatem. Tertia est, quod visitavit cor meum et immutavit, ut fierent mihi bene amara quæ antea fuerunt male suavia. Quarta, quod poenitentem pie suscepit. Quinta, quod virtutem continendi meliusque vivendi donavit, ne paterer recidivum, fieretque error novissimus pejor priore. Postquam in his quinque miserationibus a malo me liberavit, in aliis duabus bona largitus est : quoniam munus bonæ conversationis concessit, spem quoque pertingendi ad futuram beatitudinem tribuit. — Merito ergo cum Jeremia illud Threnorum dicere possumus : Misericordiæ Domini, quod non sumus consumpti : quia non defecerunt miserationes ejus. Atque cum Isaia : Miserationum Domini recordabor, laudem Domini super omnibus quæ reddidit nobis, et quæ largitus est nobis secundum indulgentiam suam. Denique, qui has misericordias Dei consequi cupit, et feliciter obtinere, studeat opera misericordiæ corporalia ac spiritualia strenue exercere. Beati enim misericordes, quoniam ipsi misericordiam consequentur.

1 Cor. xv, 53, 54.

Ps. cxxiii, 7.

1 Cor. xv, 55; Osee xiii, 14.

1 Petr. i, 18, 19.

Ps. lxxxviii, 2.

Ps. xciii, 17.

Ps. cxxviii, 3.

Matth. xxviii, 64.

Thren. iii, 22.

Is. lxiii, 7.

Matth. v, 7.

Galat. vi, 16.

1 Cor. x, 18.

Job xiv, 15.

ENARRATIO IN PSALMUM VII PENITENTIALEM

Ps. cxviii.

1

DOMINE, exaudi orationem meam, au-
ribus percipe obsecrationem meam in
veritate tua, exaudi me in tua justitia.

Oratio est desiderii nuntius ac interpres. Qui igitur ex affectu non petit, non orat; nec potest esse affectio sine prævia apprehensione. Idecirco, qui verborum significationem non advertit, inefficaciter postulat. Habet autem oratio tres effectus. Unus est promereri. Secundus est suavis quædam affectatio atque reffectio mentis, quam orans sensibilibiter sentit et experitur in sua oratione: qui effectus specialiter exigit actualem attentionem, recollectionemque cordis. Unde dixit in alio psalmo Psalmista: Ad ipsum ore meo clamavi, et exultavi sub lingua mea. Tertius est perceptio rei petitæ, juxta illud: Petite, et accipietis.

Joann. xvi, 24; Luc. xi, 9.

Auribus percipe obsecrationem meam, id est, per sapientiam et misericordiam tuam attende, vel potius per exauditionis effectum attendere te demonstra petitionem quam per sacra aliqua postulo exaudiri. Porro obsecratio est efficacissima atque dignissima species orationis: per quam Dominum invocamus per sacra, quorum virtute aut merito exaudiri precamur; et quandoque per sacra creata, ut quum dicimus, Per passionem tuam, seu beatissimam Virginem, exaudi nos, Domine; interdum per sacra increata, sicut dum petimus, Secundum misericordiam tuam memento mei tu, propter bonitatem tuam, Domine. Nonnunquam in eadem oratione tangimus utrumque: et tunc sacrum increatum magis apte exprimitur præponendo, Propter; et sacrum creatum, præponendo, Per: dicendo, Propter infinitam misericordiam tuam, exaudi me, Deus Pater, per Christi passionem. Et ista oratio ceteris præstantior virtuosiorque

Ps. xxiv, 7.

consistit. *In veritate tua*, id est juxta veram tuam promissionem, qua sæpissime in Scripturis dixisti et promisisti te exauditorum orantes, dummodo orent perseveranter, salubriter, et pro se, ut est illud: Dico vobis: omnia quæcumque orantes petitis, credite quia accipietis, et evenient vobis. Imo ad credendum hoc, Christus rationabili persuasione inducit nos, in Evangelio loquens: Si vos quum sitis mali, nostis bona data dare filiis vestris, quanto magis Pater vester cœlestis dabit spiritum bonum petentibus se? *Exaudi me in tua justitia*, id est in adimpletione fidei prædictæ tuæ promissionis, vel in tua increata justitia, qua quodammodo justum est, seu tuam condecens majestatem, quod exaudias te humiliter invocantes. Nam, ut ait Anselmus, tam bonus et pius est Deus, ut ex parte ipsius sit justum seu condecens quod misericorditer agat cum implorantibus ipsum.

Marc. xi, 24.

Luc. xi, 13.

Et non intres in judicium cum servo tuo, quia non justificabitur in conspectu tuo omnis vivens.

2

Et non intres in judicium cum servo tuo, id est, non secundum justitiæ tuæ rigorem me judices, punias, et condemnes. Noverat sanctus David neminem posse evadere finale judicium in die novissimo, quo unicuique secundum merita sua reddetur, nec etiam in particulari judicio, quum dicat Apostolus: Omnes nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum. De quo Ecclesiastes: Cuncta quæ fiunt adducet Deus in judicium, pro omni errato, sive bonum sit, sive malum. Denique in Scripturis fit mentio de multiplici judicio, puta: de judicio discretionis, de judicio discussionis, de judicio remunerationis, de judicio

II Cor. v, 10.

Eccle. xii, 14.

reprobationis, de iudicio jurisdictionis. Et A nunc postulat pœnitens erui de iudicio reprobationis et rigorosæ retributionis, ac judicialis discepcionis, ita ut interim Deus sibi clementer ignoscat, et in iudicio finalis remunerationis ipsum piissime salvet. Sic beatus Job : Etiam, inquit, si habuero quidpiam justum, non respondebo ei, sed ut meum iudicem deprecabor; si justificare me voluero, os meum condemnabit me. Conformiter a Propheta inducitur : Quasi pannus menstruatae universae justitiæ nostræ; ne irascaris, Domine, satis, et ne ultra memineris iniquitatis nostræ. *Quia non justificabitur in conspectu tuo omnis vivens*, id est, nullus viventium creatorum ex se aut viribus suis potest coram te justus inveniri : præsertim loquendo de gratuita, meritoria et infusa justitia. Nullus quoque viventium vita naturæ, vita gratiæ, vitæ gloriæ, justus est in conspectu Dei, id est comparatione sanctitatis et æquitatis divinæ : quæ tam infinite perfecta, tamque incomparabiliter magna, pura et independens est, ut ejus respectu, omnis creata justitia quasi nulla exsistat. Ideo apud Job asseritur : Ecce luna non splendet, et stellæ non sunt mundæ in conspectu ejus : quanto magis homo putredo, et filius hominis vermis? Et rursus : Quid est homo, ut immaculatus sit, ut justus appareat, natus de muliere? Ecce inter sanctos ejus nemo immutabilis, et cœli non sunt mundi in conspectu ejus. Denuo quoque sanctus Job fatetur : Non justificatur homo compositus Deo; et si voluerit cum eo iudicio contendere, non poterit respondere unum pro mille.

Itaque iudicium discepcionis divinæ justitiæ evadere possumus, accusando, iudicando, et emendando nos ipsos. Qui autem suam volunt justitiam statuere, se ex se justos reputando, aut de sua justitia se inaniter extollendo, ut Pharisæus qui dixit, Non sum sicut ceteri homines, aut proprias culpas negando vel excusando, incidunt in præfatum iudicium Dei, qui ait : Ecce ego iudicio contendam tecum,

eo quod dixeris, Non peccavi. Et iterum per eundem ait Prophetam : Quid vultis mecum iudicio contendere? Omnes reliquistis me. Hinc scriptum est in Ecclesiastico : Non te justifies ante Deum. Verumtamen viri perfecti interdum in angustiis constituti, ex testimonio conscientiæ bonæ, ad corroborandam spem suam, quæ ex gratia ac meritis provenit, commemorati sunt coram Deo suas justitias; sic tamen ut eas humiliter ac principaliter Deo et gratiæ ejus adscripserint : quemadmodum Ezechias, de quo quarto Regum recitatur : Oravit Ezechias dicens, Memento, Domine, quomodo ambulaverim coram te in veritate et corde perfecto, et quod bonum est coram te fecerim.

Quia persecutus est inimicus animam meam, humiliavit in terra vitam meam. 3

Quia persecutus est inimicus animam meam, id est, adversarii mei visibiles aut invisibiles, per tentationes, persecutiones, insidias, insectati sunt me; *humiliavit in terra vitam meam*, id est, viliter me tractavit, prostravit, et ad peccata me trahendo, vilificavit meam conversationem; vel etiam fuit occasio quod adversitatibus pressus humiliavi me coram Deo, adscribendo talia meis excessibus, vexatione intellectum mihi præstante. Hæc et similia justi ab impiis solent pati, et patienter sufferre, ut primo fertur Machabæorum : Abraham in tentatione fidelis inventus est; Joseph in tempore angustiae suæ custodivit mandatum; Daniel in simplicitate sua liberatus est de ore leonum. Judith quoque : Sic Isaac, sic Jacob, sic Moyses, et omnes qui Deo placuerunt, per multas tribulationes transierunt fideles.

Collocavit me in obscuris sicut mortuos sæculi; et anxius est super me spiritus meus, in me turbatum est cor meum. 4

Collocavit me in obscuris sicut mortuos sæculi. Præfati adversarii me spreverunt, et inter vitiosos ac condemnatos reputaverunt : sicut in alio scriptum est psalmo, Estimatus sum cum descendentibus in lacum; et item alibi, Lapsa est in lacum

Job ix, 15, 20.

Is. lxiv, 6, 9.

Job xxv, 5, 6.

Ibid. xv, 14, 15.

Ibid. ix, 2, 3.

I Cor. xi, 31.

Luc. xviii, 11.

Jer. ii, 25.

Jer. ii, 29.

Eccli. vii, 5.

IV Reg. xx, 2, 3; Is. xxxviii, 2, 3.

Is. xxxviii, 19.

I Mach. ii, 52, 53, 60.

Judith viii, 23.

Ps. lxxxvii, 5. Thren. iii, 53.

vita mea. *Et anxius est super me spiritus meus*, id est, ex consideratione tribulationum mearum consideravi peccata mea, et expavi tua judicia : quomodo rursus in Lamentationibus suis Jeremias propheta ait, Ego vir videns paupertatem meam in virga indignationis tuæ ; et Jonas, Quum angustiaretur in me spiritus meus, Domini recordatus sum. Sic sapientes ad interiora sua convertuntur, et occulta Dei judicia expavescunt, atque in tribulationibus recurrunt ad Dominum. Propter quod ait Scriptura : Beatus homo qui semper est pavidus ; et rursus, Sapiens in omnibus metuit ; et Baruch, Anima in angustiis, et spiritus anxius clamat ad te, Domine. *In me turbatum est cor meum*, id est vehementer alteratum, compunctione, timore, et admiratione : prout scriptum est, A facie Dei turbatus sum, et considerans eum, timore sollicitor ; rursus quoque, Ideo cogitationes meæ variæ succedunt sibi, et mens in diversa rapitur.

3 *Memor fui dierum antiquorum ; meditatatus sum in omnibus operibus tuis, in factis manuum tuarum meditabar.*

Ad prudentem spectat recordari præterita, considerare præsentia, providere futura, sicque ex præteritis de præsentibus judicare, et futura conjicere. Pœnitens ergo sua attendens flagitia, reminiscitur ea quæ Deus ab exordio sæculi fecit circa peccantes, quam districte primorum parentum transgressionem punivit, qualiter generale diluvium superinduxit peccantibus, quomodo subvertit Pentapolim, quam horrendo punivit Aegyptios, peccantes quoque Israelitas in eremo, ac postmodum Chananæos ; atque ex horum consideratione attonitus, veretur occultum Dei judicium circa se. Verum ne desperet, meditatur non solum hæc justitiæ opera, sed in omnibus, id est in quibusdam de omnibus actibus misericordiæ Dei ; suam facit discurrere considerationem, qualiter Deus semper propitius pœnitentibus exstitit, nec in ira sua misericordiam dereliquit, imo misericordiam suam

A contemperavit justitiæ, ita quod universæ viæ ejus fuerunt et sunt misericordia veritasque justitiæ : sic tamen quod miserationes ejus super omnia opera ejus, sicut et Jacobus ait : Superexaltat misericordia judicium. Sic et in alio scriptum est psalmo : Cogitavi dies antiquos, et annos æternos in mente habui. Ecclesiastes quoque : Si annis multis vixerit homo, reminisci debet tenebrosi temporis, et dierum multorum : qui quum venerint, vanitatis arguentur præterita.

B *Expandi manus meas ad te ; anima mea sicut terra sine aqua tibi.* 6

Expandi manus meas ad te. Hoc in officio Missæ corporaliter agit sacerdos, et unusquisque devotus facere potest, præcipue in secreto, in signum et commemorationem extensionis manuum et brachiorum Christi in cruce, qui ait in Psalmo : Clamavi ad te, Domine ; tota die expandi ad te manus meas. Denique ex factis exterioribus, signis et repræsentationibus, excitatur anima ad pietatis et devotionis affectus. Hinc expansio manuum corporalium ad Deum, excitat animam ad sui ipsius elevationem in contemplationem, et oblationem qua se Creatori suo offert in holocaustum, ita quod tota fertur in ipsum, juxta illud in Psalmo : Elevatio manuum mearum sacrificium vespertinum. Hæc igitur corporalis expansio, sicut et pectoris tunsio, et oculorum exteriorum in cælum erectio, ad devotionem, humilitatem, compunctionem non modice confert. Ideo publicanus percussisse pectus suum legitur. Et apud Isaïam : Levate in excelsum oculos vestros, et videte quis creavit hæc. Unde et Apostolus : Volo, ait, viros orare in omni loco, levantes puras manus sine ira et disceptatione. Hinc et in Threnis profertur : Consurge, lauda in nocte, in principio vigiliarum, et effunde sicut aquam cor tuum ante conspectum Domini Dei tui ; leva ad eum manus tuas, et miserebitur tui. Insuper spirituales manus, id est bonas operationes, debemus ad Deum expandere, id est cum devotio-

Thren. iii.
1.
Jonæ ii, 8.

Prov.
xxiii, 14.
Eccli. xviii,
27.
Baruch iii,
1.

Job xxiii,
15.

Ibid. ix, 2.

Gen. iii.

Ibid. vii.

Ibid. xix.

Exod. xii,

xiv.

Lev. x ;

Num. xiv,

xvi, etc. ;

Josue vi et
seq.

Ps. lxxvi,
10.

Ps. xxiv, 10.

Ps. cxliv, 9.

Jacob. ii, 13.

Ps. lxxvi, 6.

Eccle. xi, 8.

Ps. lxxxvii,
10.

Ps. cxi, 2.

Luc. xviii,
13.

Is. li, 6.

I Tim. ii, 8.

Thren. ii,
19.

Coloss. iii, 17. nis fervore ad ipsius gloriam ac honorem A peragere, atque in rectum ac debitum finem semper dirigere ac referre, quem admodum docet Apostolus : Omne quodcumque facitis in verbo aut opere, omnia in nomine Domini nostri Jesu Christi agite, gratias agentes Deo Patri per ipsum. III Reg. viii, 22. Sic et legitur Salomon expansis manibus exorasse. Quod quanti vigoris sit, constat per illud Exodi : Quum elevarer manus suas Moyses, vincebat Israel ; si autem paululum remisisset, vincebat Amalec. Exod. xvii, 11.

Anima mea sicut terra sine aqua tibi : B id est, sicut terra sicca indiget pluvia, et eam suo modo desiderat, sine qua non valet fructificare ; sic anima mea ex se sterilis, defectuosa, pauperrima, tibi, o supergratiosissime Deus, inhiat atque intendit, quatenus eam cœlestibus pluviis, rore gratiæ, fluentis sapientiæ et scientiæ, caritatis ardore, irrigare, fecundare, inflammare digneris. Sic et in alio psalmo depositur : Sicut adipe et pinguedine repleatur anima mea. Et Isaias loquitur Deo : Anima mea desideravit te in nocte, sed et spiritus meus in præcordiis meis. Denique hæc comparatio terræ ad pluviam, hominisque ad Deum, tangitur etiam alibi ab Isaia, et ad Hebræos ab Apostolo. Sic itaque instar terræ jugiter adspiremus ad Dominum. Si quid devotionis et fecunditatis in actibus virtuosus, si lacrimas compunctionis aut sanctæ affectionis, præ desiderio claræ ac beatificæ visionis superessentialis Deitatis, aut ex suavissima complacentia et congratulatione superfeliciissimæ Trinitatis senserimus, Deo humillime adscribamus. Nihil nisi peccare, deficere, aberrare, nobis ipsis attribuamus.

7 *Velociter exaudi me, Domine, defecit spiritus meus.*

Velociter exaudi me, Domine, quoniam incessanter indigeo, periculis undique valor, adversariis atrocissimis indesinenter circumdor, et circumdederunt me sicut apes, exardescentes adversum me sicut ignis in spinis ; defecit spiritus meus, ex se non valens prævalere, imo nec diu re-

sistere. Hinc cum sancto Job fateor : Ecce Job vi, 13. non est auxilium mihi in me. Tu ergo sine dilatione adjuva me, et conforta, qui per Osee prophetam dixisti : Perditio tua ex te, in me tantummodo auxilium tuum ; et per evangelistam Joannem, Sine me nihil potestis facere. Nam et Paulo testante, Spiritus Sanctus adjuvat infirmitatem nostram. Merito sanctus doctor Thomas speciali devotione perfundebatur ac lacrimis, audiendo ac proferendo hunc verbum : Ne projicias me in tempore senectutis : quum deficiet virtus mea, ne derelinquas me. Hinc hortatur Apostolus : Confortamini in Domino, et in potentia virtutis ejus. Ephes. vi, 10.

Non avertas faciem tuam a me, et similis ero descendentibus in lacum.

Non avertas faciem tuam a me. Hoc quippe super omnes pœnas inferni, grave, pœnale et intolerabilissimum reor, a tuo superdulcissimo vultu repelli. Et sicut te super omnia toto corde diligere obligamur, sic super omnia detestari Matth. xxii, 37. tenemur et abhorrere a tua rejici facie, contemni et relinqui a te, in quo solo tota nostra consistit felicitas : imo potius ostende nobis faciem tuam, et salvi erimus. *Et similis ero descendentibus in lacum* : id est, si a me faciem tuam, gratiosum pietatis tuæ adspectum, benignam adstantiam tuam averteris, assimilabor impiis ac damnatis, qui juste relictis et abjecti a te, in profundum corruunt vitiatorum, in lacum infernalium tormentorum. De quo in Ezechiele multa scribuntur. Lacus miseriæ, est consuetudo iniqua, carnalis et infima vita : ex quo extractum se gloriatur qui ait, Eduxit me de lacu miseriæ et de luto fæcis. Interdum tamen lacus pro limbo patrum accipitur : de quo dicitur Christo, Tu quoque, in sanguine testamenti tui, eduxisti vinetos tuos Zach. ix, 11. de lacu in quo non est aqua. Aliquando vero pro depressione pœnarum et afflictionum ac vilium sumitur servitutum, secundum illud in Threnis : Lapsa est in lacum vita mea. Thren. iii, 53.

8 *Auditam fac mihi mane misericordiam A tuam, quia in te speravi.*

Auditam fac mihi mane misericordiam tuam, id est, cito fac me audire, percipere, experiri pietatis tuæ effectum, indulgentiam gratiosam, exauditionem op-

Ps. LVIII, 11:
XXII, 6.

tatam, ita ut misericordia tua præveniat me, permaneat mecum, et subsequatur me omnibus diebus vitæ meæ, sicque ex sententia, grata ac humili psallam mente :

Ps. LVIII, 18.

Adjutor meus, tibi psallam, quia tu, Deus, susceptor meus es, Deus meus, misericordia mea; *quia in te*, Domine, *speravi*, et tu, Deus, sperantes in te non relinquis : sicut de hoc nunc supra introducta sunt multa.

Notam fac mihi viam in qua ambulem, quia ad te levavi animam meam.

Ps. CXVIII, 1.

Nonne David noverat viam salutis, de qua toties fuit locutus, Beati, dicens, immaculati in via, qui ambulant in lege Domini, et multa similia? Cur ergo nunc orat, *Notam fac mihi*, Domine, *viam in qua ambulem*, id est, per quam ad æternam beatitudinem tendam? nisi quoniam acquisita doctrina et habitualis notitia non sufficiunt nobis ad virtuose vivendum : imo indigemus indesinenter actuali directione Spiritus Sancti, illuminatione interna, discretionisque radio, ut omnia meritorie operemur cum debita discretionem, recta intentione, et circumstantiis aliis, devia vitiorum vitantes, et omne obstaculum veræ salutis considerantes ac fugientes seu superantes, juxta quod scriptum est : In te eripiar a tentatione, et in Deo meo transgrediar murum. Præterea

Ps. XVII, 30.

Prov. XIV, 12.

Ibid. XXI, 2.

Ps. XXIV, 4.

I Joann. II, 27.

est via quæ videtur homini bona, sed novissima ejus ducunt ad mortem. Atque, ut denuo Salomon contestatur, Omnis viri via recta in oculis ejus. Ideo, ne sub specie boni fallamur, orare debemus ut notam nobis faciat viam vere virtuosam, non fictæ justam apparenterque bonam, sicut in alio psalmo habetur : Vias tuas, Domine, demonstra mihi, et semitas tuas edoce me. Unde in prima sua Canonica scribit Joannes : Unctio ejus docebit vos de omnibus. *Quia ad te levavi animam*

meam, id est, te ipsum mihi statui in ultimum finem ac summum bonum, te in omnibus cogitare, intendere, honorare propono; ad tuæ veritatis æternæ contemplationem, ad tuæ bonitatis immensæ sinceram dilectionem me præcingo, dispono, atque erigere nitor, qui alibi protestaris : Ego sum Alpha et Omega, primus et novissimus, principium et finis.

Apo. I, 8;
XXII, 13.

Eripe me de inimicis meis, Domine, ad te confugi; doce me facere voluntatem tuam, quia Deus meus es tu.

9

40

Pœnitens sui ipsius fragilitatem, defectuositatem insufficientiamque expertus ac intuens, hostium quoque suæ salutis numerositatem, calliditatem, fortitudinem et feritatem perpendens, sapienter ad Creatoris sui confugit auxilium, quatenus Deus dignetur ipsum ab illis eripere : dando sibi gratiam ac virtutes ad resistendum ac prævalendum, instruendoque eum qualiter sit reluctandum, aut a tentationibus præservando; et adversarios cohibendo, ne ipsum impugnent tam fortiter ac frequenter et callide sicut optant ac sciunt. Denique, quamvis hostes nostræ salutis dicantur et sint propria caro, id est concupiscentia carnis, et passiones immoderatæ, imo et propria voluntas improba et perversa, et mundus, hoc est vanitates mundanæ, prava consortia, et homines universi qui nos a Dei obsequio retrahere moliuntur; attamen hostes isti tam debiles sunt, ut dicat Apostolus : Non est nobis colluctatio adversus carnem et sanguinem, sed adversus principes et potestates, contra spiritualia nequitiae in cœlestibus, hoc est contra invisibiles hostes. Quorum nonnullos de ordinibus Principatuum ac Potestatum probabile est fuisse et corruisse : contra quos nequaquam possemus sine speciali et magno Dei ac angelorum sanctorum, ac in primis, post Deum, beatissimæ Virginis, ac aliorum Sanctorum adjutorio, reniti ac prævalere. Ideo oportet nos indesinenter esse sollicitos, custoditos, timoratos, et Dei et Sanctorum auxilia implorantes; nec sic debe-

I Joann. II, 16.

Ephes. VI, 12.

mus velle ab his hostibus eripi, ut nos ipsi non resistamus, non laboremus, et quod in nobis est non faciamus, quum scriptum sit : Resistite diabolo, et fugiet a vobis.

Jacob. iv, 7.

Matth. xxvi, 41.

Debemus ergo resistere : Primo, per assiduas et ferventes orationes, quum dicat Salvator : Vigilate et orate, ut non intretis in tentationem. Secundo, totam spem nostram in Deo et ejus auxiliis statuendo. Tertio, sacris meditationibus passionis dominicæ insistendo, et Christi passionem quotidie recolendo cordialiter et intente : ad condolendum, ad imitandum, ad gratias agendum quod tot et tanta pro nobis sustinuit ; ad gloriandum quod nos tam fructuose redemit ; ad inflammandum, ut ex consideratione tantæ suæ ad nos dilectionis, accendamus ejus amore ; ad admirandum quod Deus noster tot et tanta pro nostra salvatione agere ac pati dignatus est. Quarto, pensando præsentis vitæ brevitatem, sæculi vanitatem, et quam periculosum sit temporaliter prosperari. Quinto, nostra novissima sapienter ac sæpe considerando, mortis discrimen, divini judicii districtiorem, futuræ pœnæ acerbiter, æternæ felicitatis jucunditatem. Sexto, exercendo nos strenue in omni virtute, potissime in illis virtutibus de quarum contrariis vitiis impugnamur. Si ita egerimus, Deus conteret Satanam sub pedibus nostris velociter, ut ait apostolus Paulus. Hinc gloriosus princeps Apostolorum hortatur : Sobrii estote et vigilate, quia adversarius vester diabolus tanquam leo rugiens circuit, quærens quem devoret : cui resistite fortes in fide.

Rom. xvi, 20.

1 Petr. v, 8, 9.

Jacob. iv, 17.
Ps. cx, 10.

Doce me facere voluntatem tuam, id est, illumina me, ut infallibiliter sciam ac prudenter considerem qualiter tuæ voluntatis præceptis, documentis, consiliis, debeam deservire, et juxta hoc efficaciter agam et vivam. Scienti enim et non facienti, peccatum est illi ; intellectus vero bonus omnibus facientibus eum. Indigemus autem hac actuali illuminatione et motione Spiritus Sancti in omnibus, sicut nunc habitum est. *Quia Deus meus*

es tu, id est, ut ideo tuam faciam voluntatem, ideo tibi obediam atque deserviam, quoniam tu es Deus meus ; sicque ex sincero amore, non servili timore, non principaliter remunerationis intuitu, sed ob tuam dignitatem, honorabilitatem, et majestatem immensam, tibi totis viribus reverenter ac perseveranter deserviam : ut sim verus et purus tuæ bonitatis amator, non mercenarius, nec formidator servilis. Vel sensus est : *Doce me facere voluntatem tuam, quia Deus meus es tu*, id est, ideo a te quæro ita doceri, quoniam tu solus principalis es collator omnium quæ necessaria sunt salutem, et salutaris sapientiæ dator, ac formatae notitiæ actor. Ideo nullius alterius informatio sine tua illustratione sufficit ad salutem.

Spiritus tuus bonus deducet me in terram rectam ; propter nomen tuum, Domine, vivificabis me in æquitate tua.

11

Spiritus tuus bonus deducet me in terram rectam : id est, Spiritus Sanctus principaliter, seu spiritus angelicus ministerialiter, diriget me, ut spero ; et precor ut dirigat ac perducatur me in terram viventium, in regionem vivorum, ad triumphantem Ecclesiam, ad paradisum cœlestem ; in qua est invincibilis omnium virtutum illi regioni convenientium soliditas, nulla vitiorum obliquitas, quia non intrabit in illam aliquid inquinatum. *Propter nomen tuum*, id est propter tui ipsius bonitatem, et tuæ pietatis ac majestatis manifestationem, *vivificabis me in æquitate tua*, id est vitam gratiæ et profectum

Sap. vii, 25 ;
Apoc. xxi, 27.

D virtutum tribues mihi in tua justitia, qua justum est et decens ut poenitentibus teque invocantibus taliter facias, sicut et in Scripturis pollicitus es ; vel, In æquitate tua, id est, in observationibus præceptorum tuorum, per quorum adimplerionem homo formaliter vivificatur et proficit, ac majora dona sortitur, quia in custodiendis illis retributio multa. Sine hac vita gratiæ, vivens vita naturæ mortuus perhibetur, dicente Christo : Dimitte mortuos sepelire mortuos suos ; et rursus,

Ezech. xviii.

Ps. xviii, 12.

Matth. vii, 22.

Joann. xi. Nisi manducaveritis carnem Filii hominis, A
54. non habebitis vitam in vobis. Atque Apo-
stolus : Vidua quæ in deliciis vivit, vi-
vens mortua est.

Educes de tribulatione animam meam;
12 *et in misericordia tua disperdes inimicos*
meos.

Educes de tribulatione animam meam.
Raro aut nunquam deest justis tribulatio
in hac vita. Nunc enim a visibilibus ho-
stibus infestantur, nunc a dæmonibus im-
pugnantur, nunc a carne, nunc a mundo
gravantur. Interdum infirmi sunt corpore, B
nunc ex capitis cerebrique defectu pati-
untur molestias et apprehensiones phan-
tasticas valde graves. Propter quod ad-
monet Augustinus : Persevera usque in
finem, quia tentatio durat in finem. Usque
in quem finem? Donec finias vitam. At-
tamen interdum cessat eorum afflictio,
saltem nonnulla, et usque ad tempus. Ve-
rum sapientes sic rogant educi et erui de
una tribulatione, ut inde erepti, aliam
mox expectent. Post vitam quoque præ-
sentem ultio sequitur gravior, quousque C
universa peccata in electis penitus depu-
rentur, etiam quantum ad reatum : quo
facto, a tribulatione plenarie educuntur.
Petit igitur poenitens tribulationem suam
mitigari, vel ad tempus suspendi, et tan-
dem ab omnibus adversitatibus liberari,
ne unquam in æternum damnetur. *Et in*
misericordia tua disperdes inimicos meos,
id est, variis modis illos perdes quoad esse
malignitatis ipsorum, quantum ad hostes
visibiles, invisibiles vero hostes penitus
repellendo, et universos ab effectu intento D
impediendo, sicque misericorditer mecum
agendo. Et ita in libro Job legitur : Deus
dissipat cogitationes malignorum, ne pos-
sint implere manus eorum quod cœpe-
rant. Hinc quarto Regum loquitur Elise-
us : Ne timeas eos ; plures enim nobiscum
sunt quam cum eis : nobiscum enim est
Dominus Deus noster.

Et perdes omnes qui tribulant animam
meam, quoniam ego servus tuus sum.

Et perdes omnes qui tribulant animam

meam, id est, qui injuste me persequun-
tur et malitiose molestant, præsertim pro-
pter justitiam : quos damnabis nisi poeni-
teant ; *quoniam ego servus tuus sum*, qui
injuriam vindicas servorum tuorum, sic- *Luc. xviii. 7.*
ut in Evangelio legitur. Porro quod ait,
Quoniam ego servus tuus sum, referri po-
test ad verbum illud, Perdes : et ita sen-
sus est nunc inductus. Potest item referri
ad verbum hoc, Tribulant, ut sit sensus :
Illos perdes qui idcirco me tribulant, quo-
niam ego tibi deservio. Quod gravissimum
est peccatum, et tamen id frequenter con-
tingit, quum dicat Apostolus : Si homi- *Galat. i. 10.*
nibus placerem, Christi servus non essem.
Unde et Christus suis prædixit discipulis :
Eritis odio omnibus hominibus propter
nomen meum. Discipulus quoque quem *Matth. x.*
diligebat Jesus, in prima sua epistola : *22.*
Nolite, inquit, mirari si odit vos mundus. *1 Joann. iii.*
Et ipsemet Dominus est locutus : Si de *13.*
mundo essetis, mundus quod suum erat *Joann. xv.*
diligeret ; quia vero de mundo non estis, *19.*
sed ego elegi vos de mundo, propterea
odit vos mundus.

In hoc ergo eventu non contristetur ne-
que turbetur servus Christi fidelis, nisi de
aliorum peccato ; imo attendat quod Chri-
stus deprompsit : Beati estis quum ma- *Matth. v.*
ledixerint vobis homines, et persecuti vos *11, 12.*
fuerint, et dixerint omne malum adver-
sum vos, mentientes, propter me : gau-
dete in illa hora et exsultate, quoniam
merces vestra copiosa est in cœlis. Qui
autem tribulatur, hoc est, a suis supe-
rioribus corripitur atque corrigitur pro
suis peccatis, nequaquam hoc ægre, sed
gratanter accipere debet. Nam et hoc me-
ritorium et salubre. Et ad Hebræos Apo-
stolus dicit : Quod si extra disciplinam *Hebr. xii. 8.*
estis, ergo adulteri, et non filii estis. Ec-
ce quam saluberrimum est æquanimiter
pati aspera et adversa, et castigationem
pro propriis culpis, præsertim propter
justitiam. Talis quippe tribulatio valet ad
vitiourum purgationem, ad gratiæ impe-
trationem, ad dominicæ passionis imita-
tionem, ad evadendum futura supplicia,

ad obtinendum copiosius atque celerius A
cœlestis patriæ gaudia sempiterna.

Ecce septem psalmorum pœnitentiali-
um læta conclusio, ecce spiritualis læ-
titiae exsultatio quam salutaris pœniten-
tiae contristatio operatur. Unde qui nunc
per pœnitentiam affligitur, tandem dicet :
Ps. xciii, 19. Consolationes tuæ lætificaverunt animam
meam. Itaque in his psalmis assidua de-
votione meditari debemus, exemplo bea-
tissimi Augustini, de quo legitur quod
ultima qua defunctus est infirmitate, hu-
jusmodi psalmos de pœnitentia, quos sibi B
jusserat scribi, jacens in lecto, contra pa-
rietem posito intuebatur, et ubertim ac
jugiter flebat.

ORATIO. Da ergo mihi, Domine, hos quos pœni-
tenciales psalmos Ecclesia nominat, et a
pœnitentibus tibi psallendos esse prædi-
cat, tam digne ac devote, non solum ore
sed corde pœnitendo psallere, ut per con-
tristationem pœnitentiae salutaris, exsulta-
tionem consequi valeam lætitiae spiritua-
lis, ut post salutarem pœnitentiam, tandem
per spiritualem lætitiā exsultando di- C
Ps. cxlii, 10. cam : Spiritus tuus bonus deducet me in
terram rectam. Da mihi, Domine, hunc
septenarium pœnitentialium psalmorum
esse remedium contra septenarium mor-

talium peccatorum, mihi que esse auxilium
ad septenarium virtutum principalium,
ad septenarium donorum spiritualium, ad
septenarium beatitudinum, ad septenari-
um denique petitionum in Oratione do-
minica contentarum. Da mihi, Domine, in
horum psalmorum meditatione, timorem
pœnæ, dolorem culpæ, spem veniæ, amo-
rem cordialis munditiæ, desiderium cœle-
stis patriæ, diffidentiam virtutis propriæ,
exsultationem denique spiritualis lætitiae.
De hoc enim septenario mentalium affe-
ctuum principaliter agitur in hoc septe-
nario devotorum psalmorum. His septem
affectibus, quasi septem scalæ pœnitentiae
gradibus, ad terram patriæ cœlestis ascen-
ditur : quo me finaliter deduci et feliciter
ascendere et tecum habitare perenniter-
que regnare, tu misericorditer præstare
digneris, qui vivis et regnas in sæcula
Deus sublimis et benedictus. Amen.

Hoc breve opusculum cum ingenti fe-
stinantia ex causa urgente compositum
dignanter suscipiat Dominatio vestra præ-
inclyta, reverendissime ac illustrissime Do-
mine ac præceptor, ad laudem et gloriam
Omnipotentis, qui est super omnia Deus
sublimis et benedictus. Amen.

MONOPANTON

REVERENDISSIMO IN CHRISTO PATRI AC DOMINO, D. NICOLAO DE CUSA, SACRO-SANCTÆ ROMANÆ ECCLESIAE CARDINALI PRÆCLARO, ET NUNC SANCTÆ AC APOSTOLICÆ SEDIS LEGATO DE LATERE PER ANGLIAM ATQUE ALMANIAM, PATRI AC PRÆCEPTORI SUO IN SINCERISSIMÆ CARITATIS VISCERIBUS CORDIALISSIME PRÆDILECTO, FRATER DIONYSIUS CARTUSIENSIS SUBJECTIONEM HUMILLIMAM, ET QUIDQUID SERVITUS ET ORATIO POTERUNT PECCATORIS ¹.

OBTEMPERAVI et satisfeci, ut potui, præcepto ac desiderio Paternitatis vestræ piissimæ, Epistolas beatissimi Pauli apostoli quasi in unam redigendo epistolam; eaque loca ac verba temperando et commiscendo, quæ amplius consonare, coincidere, et concordare videntur : et talibus specialia deputando capitula, proportionatosque titulos; ea quoque quæ in præfatis Epistolis sæpius continentur nec aliquid superaddunt sententiæ, quæ nec specialem vim aut sensum includunt (quæ tamen admodum pauca sunt), transiliendo; tangendo item in margine, quibus in locis Epistolarum S. Pauli habeantur apostoli. Interdum quoque verba semel habita repetita sunt breviter : vel propter introductionem sequentium, aut connexionem ad præcedentia; seu propter elucidationem ac fecunditatem sententiæ, vel pertinentiam ejus ad diversas materias. Verumtamen fateor opus hoc parvitatæ meæ transcendere vires : quanquam invocato Spiritus Sancti auxilio ipsum aggressus sim, sciens a sanctis patribus obedientiam præcipue commendari, præsertim in religiosis, in tantum ut obedientia etiam indiscreta commendetur in ipsis. Denique hoc ipsum quod feci, vestræ præcellenti personæ, tanquam totius sapientiæ ac virtutum viro offero emendandum, atque si opus fuerit, corrigendum. Imo a vobis ipso oportebat tantum fieri opus, nisi sublimioribus et fructuosioribus occuparemini actibus, per quos estis sicut oliva fructifera in Ecclesia Dei, plurima reformando : quanquam multi in se ipsis ostendant quam veraciter scriptum sit : *Eccle. 1, 15.* Perversi difficile corriguntur.

¹ Hujus epistolæ necnon et totius *Monopanton* Codex autographus servatur in xenodochio Cusæ (Cues), prope Augustam Trevirorum, cui Nicolaus Cardinalis bibliothecam suam testamento reliquit. Videsis supra, in capite tomi primi, *fac-simile* quoddam epistolæ. Quæ autem fuerit inter Nicolaum Cardinalem et Dionysium nostrum amicitia, lege in libello cui titulus : *Dionysius der Karthäuser, sein Leben, sein Wirken... mit Autograph und Porträt*, paginarum 110, auctore D. A. Mougél (apud M. Hegner in Mülheim a. Ruhr, 1898).

MONOPANTON

SEU

REDACTIO OMNIUM EPISTOLARUM

BEATI PAULI IN UNAM

CAPITULUM PRIMUM.

*De verbis contentis in forma salutationum
Epistolarum B. Pauli.*

(a) **P**AULUS, servus Jesu Christi, vocatus apostolus : (b) non ab hominibus neque per hominem, sed per Jesum Christum et Deum Patrem ; (c) secundum imperium Dei Salvatoris nostri, et Christi Jesu ; (d) per voluntatem Dei, secundum promissionem vitæ quæ est in Christo Jesu ; (e) secundum fidem electorum Dei, et agnitionem veritatis, quæ secundum pietatem est in spem vitæ æternæ : quam promisit qui non mentitur Deus, ante tempora sæcularia ; manifestavit autem temporibus suis verbum suum in prædicatione, quæ credita est mihi secundum præceptum Salvatoris nostri Dei. (f) Segregatus in Evangelium Dei, quod ante promiserat per Prophetas suos in Scripturis sanctis de Filio suo : qui factus est ei ex semine David secundum carnem ; qui prædestinatus est Filius Dei in virtute, secundum Spiritum sanctificationis, ex resurrectione mortuorum Jesu Christi Domini nostri ; per quem accepimus gratiam et apostolatam ad obediendum fidei in omnibus gen-

A tibus, pro nomine ejus. (g) Sanctificatis in Christo Jesu, vocatis sanctis, cum omnibus qui invocant nomen Domini nostri Jesu Christi in omni loco ipsorum, et nostro, (h) et fidelibus omnibus, (i) gratia vobis et pax a Deo Patre nostro, et Domino Jesu Christo. (g) I Cor. 1, 2. (h) Ephes. 1, 1. (i) Rom. 1, 7.

CAPITULUM II.

*Gratiarum actio Pauli apostoli pro donis
gratiæ collatis a Deo fidelibus.*

(a) **P**IMUM quidem gratias ago Deo meo per Jesum Christum pro omnibus vobis, quia fides vestra annuntiatur in universo mundo. (b) Ideo gratias ago Deo meo semper pro vobis, in gratia Dei quæ data est vobis in Christo Jesu : quia in omnibus divites facti estis in illo, in omni verbo et in omni scientia : ita ut nihil vobis desit in ulla gratia, exspectantibus revelationem Domini nostri Jesu Christi, qui et confirmabit vos usque in finem sine crimine, in die adventus Domini nostri Jesu Christi. (c) Gratias Deo super inenarrabili dono ejus. (d) Propterea et ego audiens fidem vestram quæ est in Christo

NOTA. — Coloniensem præsertim editionem anni 1531, apud Petrum Quentel, secuti sumus.

Jesu, et dilectionem in omnes sanctos, non cessō gratias agens pro vobis, memoriam vestri faciens in orationibus meis. (e) Hinc gratias agimus Deo et Patri Domini nostri Jesu Christi, audientes fidem vestram in Christo Jesu, et dilectionem quam habetis in omnes sanctos, propter spem quæ reposita est vobis in cœlis. (f) Memores operis fidei vestræ, et laboris, et caritatis, et sustinentiæ spei Domini nostri Jesu Christi, ante Deum et Patrem nostrum. (g) Gratias ergo agere debemus Deo semper pro vobis, ita ut dignum est, quoniam supercrescit fides vestra, et abundat caritas uniuscujusque in invicem. (h) Idcirco debemus gratias agere Deo pro vobis, fratres dilecti a Deo, quod elegerit vos Deus primitias in salutem, in sanctificatione spiritus, et fide veritatis : in quam et vocavit vos per evangelium nostrum, in acquisitionem gloriæ Domini nostri Jesu Christi.

CAPITULUM III.

De orationibus Pauli pro suis discipulis.

(a) **T**ESTIS mihi est Deus, cui servio in spiritu meo in Evangelio Filii ejus, quod sine intermissione memoriam vestri facio semper in orationibus meis, obsecrans si quo modo tandem aliquando prosperum iter habeam in voluntate Dei veniendi ad vos. Desidero enim videre vos, ut aliquid impertiar vobis gratiæ spiritualis, ad confirmandos vos : id est, simul consolari in vobis, per eam quæ invicem est fidem vestram atque meam, ut aliquem fructum habeam in vobis, sicut et in ceteris gentibus. (b) Oramus autem Deum, ut nihil mali faciatis : non ut nos probati pareamus ; sed ut vos quod bonum est faciatis, nos autem ut reprobī simus. Hoc et oramus, vestram consummationem. Gratia Domini nostri Jesu Christi, et caritas Dei, et communicatio Sancti Spiritus, sit cum omnibus vobis. Amen.

(c) *Ephes.*
i, 17-20.

(c) Deus Domini nostri Jesu Christi, Pa-

ter gloriæ, det vobis spiritum sapientiæ et revelationis, in agnitione ejus : illuminatos habere oculos cordis vestri, ut sciatis quæ sit spes vocationis ejus, et quæ divitiæ gloriæ hereditatis ejus in Sanctis, et quæ sit supereminens magnitudo virtutis ejus in nos qui credidimus, secundum operationem potentiæ virtutis ejus, quam operatus est in Christo, suscitans illum a mortuis. (d) Hujus rei gratia flecto genua mea ad Patrem Domini nostri Jesu Christi, ex quo omnis paternitas in cœlis et in terra nominatur : ut det vobis secundum divitias gloriæ suæ virtutem corroborari per Spiritum ejus in interiori homine : habitare Christum per fidem in cordibus vestris, in caritate radicati et fundati, ut possitis comprehendere cum omnibus sanctis, quæ sit latitudo, et longitudo, et sublimitas, et profundum ; scire etiam supereminentem scientiæ caritatem Christi, ut impleamini in omnem plenitudinem Dei.

(e) In cunctis orationibus meis pro vobis cum gaudio deprecationem facio super communicatione vestra in Evangelio Christi, a prima die usque nunc. Et hoc oro, ut caritas vestra magis ac magis abundet in scientia et in omni sensu, ut probetis potiora, ut sitis sinceri et sine offensa in diem Christi : repleti fructu justitiæ per Jesum Christum, in gloriam et laudem Dei. (f) Ideo non cessamus pro vobis orantes, et postulantes ut impleamini agnitione voluntatis Dei, in omni sapientia et intellectu spirituali ; ut ambuletis digne Deo, per omnia placentes, in omni opere bono fructificantes, et crescentes in scientia Dei, in omni virtute confortati, cum gaudio gratias agentes Deo Patri. (g) Deus meus impleat omne desiderium vestrum, secundum divitias suas in gloria, in Christo Jesu. Pax Dei, quæ exsuperat omnem sensum, custodiat corda vestra et intelligentias vestras in Christo Jesu. (h) Ipse autem Deus et Pater noster, et Dominus Jesus Christus, dirigat viam nostram ad vos. Vos autem Dominus

(d) *Ephes.*
iii, 14-19.

(e) *Philipp.*
i, 4, 5, 9-11.

(f) *Coloss.*
i, 9-12.

(g) *Philipp.*
iv, 19, 7.

(h) *I Thess.*
iii, 11-13.

multiplicet, et abundare faciat caritatem vestram in invicem et in omnes, quemadmodum et nos in vobis : ad confirmanda corda vestra sine querela in sanctitate, ante Deum et Patrem nostrum in adventu Domini nostri Jesu Christi, cum omnibus Sanctis ejus. Amen. (i) Ipse autem Deus pacis sanctificet vos per omnia, ut integer spiritus vester, et anima, et corpus sine querela in adventu Domini nostri Jesu Christi servetur.

(i) I *Thess.* v, 23.

(j) II *Thess.* i, 11, 12.

(k) *Ibid.* ii, 16, 17.

(l) *Ibid.* iii, 5, 16.

(m) II *Tim.* i, 16-18.

(n) *Hebr.* xiii, 20, 21.

enim Dei in eo revelatur ex fide in fidem, sicut scriptum est : Justus ex fide vivit.

(b) Sicut Abraham credidit Deo, et reputatum est illi ad justitiam : qui contra spem in spem credidit, ut fieret pater multarum gentium, secundum quod dictum est ei : Sic erit semen tuum, sicut stellæ cœli, et sicut arena quæ est in litore maris. Et non est infirmatus in fide, nec consideravit corpus suum emortuum, quum jam fere centum esset annorum, nec emortuam vulvam Saræ. In remissione etiam Dei non hæsitavit diffidentia ; sed confortatus est in fide, dans gloriam Deo. Et plenissime sciens, quia quæcumque promisit, potens est et facere. Ideo et reputatum est illi ad justitiam. Non est autem scriptum tantum propter ipsum, quia reputatum est illi ad justitiam ; sed et propter nos, quibus reputabitur credentibus in eum qui suscitavit a mortuis Dominum nostrum Jesum Christum. (c) Justificati ergo ex fide, pacem habeamus ad Deum per Dominum nostrum Jesum Christum : per quem accessum habemus per fidem in gratiam istam, in qua stamus.

(b) *Rom.* iv, 3.
Ibid. 18-21.

(c) *Ibid.* v, 1, 2.

(d) Quid ergo dicemus ? Quod gentes quæ non sectabantur justitiam, apprehenderunt justitiam : justitiam autem quæ ex fide est. Israel vero sectando legem justitiæ, in legem justitiæ non pervenit. Quare ? Quia non ex fide, sed quasi ex operibus. Offenderunt enim in lapidem offensionis, sicut scriptum est : Ecce pono in Sion lapidem offensionis, et petram scandali ; et omnis qui crediderit in eum, non confundetur. (e) Finis enim legis, Christus, ad justitiam omni credenti. Moses enim scripsit, quoniam justitiam quæ ex lege est, qui fecerit homo, vivet in ea. Quæ autem ex fide est justitia, sic dicit : Ne dixeris in corde tuo : Quis ascendet in cœlum ? id est Christum deducere ; aut, Quis descendit in abyssum ? hoc est Christum a mortuis revocare. Sed quid dicit Scriptura ? Prope est verbum in ore tuo et in corde tuo. Hoc est verbum fidei

(d) *Ibid.* ix, 30-33.

(e) *Ibid.* x, 4-11, 17.

CAPITULUM IV.

De fide.

(a) *Rom.* i, 16, 17. (a) NON erubesco Evangelium : virtus enim Dei est in salutem omni credenti, Judæo primum et Græco. Justitia

quod prædicamus : quia si confitearis in ore tuo Dominum Jesum, et in corde tuo credideris quod Deus illum suscitavit a mortuis, salvus eris. Corde enim creditur ad justitiam, ore autem confessio fit ad salutem. Dicit enim Scriptura : Omnis qui credit in illum non confundetur. Non enim est distinctio Judæi et Græci. Nam idem Dominus omnium, dives in omnes qui invocant illum. Omnis enim qui invocaverit nomen Domini, salvus erit. Quomodo ergo invocabunt in quem non crediderunt? Aut quomodo credent ei quem non audierunt? Ergo fides ex auditu est. (f) Tu fidem habes? Penes temetipsum habe coram Deo. Qui autem discernit, si manducaverit, damnatus est, quia non ex fide. Omne autem quod non est ex fide, peccatum est. (g) Justus enim meus ex fide vivit ; quod si subtraxerit se, non placebit animæ meæ. Nos autem non sumus subtractionis filii in perditionem, sed fidei in acquisitionem animæ.

(f) *Rom. xiv.*
22, 23.

(g) *Hebr. x.*
38, 39.

(h) *II Cor.*
1, 23.
(i) *Ibid. ix.*
13.

(j) *Ibid. v.*
6, 7.

(k) *Ibid.*
xiii, 5.
(l) *Galat.*
1, 9-12.

(m) *II Cor.*
1, 19, 20.

Filius Jesus Christus, qui in vobis per nos prædicatus est, per me, et Silvanum, et Timotheum, non fuit in illo Est et Non ; sed Est in illo fuit. Quotquot enim promissiones Dei, sunt in illo Est. Ideo dicimus et per ipsum Amen Deo, ad gloriam nostram.

(n) Quod autem nunc vivo in carne, in fide vivo Filii Dei. (o) Sicut Abraham credidit Deo, et reputatum est ei ad justitiam. Cognoscite ergo quia qui ex fide sunt, hi sunt filii Abraham. Providens autem Scriptura, quia ex fide justificat gentes Deus, prænuntiavit Abraham : Quia benedicentur in te omnes gentes. Igitur qui ex fide sunt, benedicentur cum fideli Abraham. Omnes filii Dei estis per fidem in Christo Jesu. (p) Nos spiritu ex fide, spem justitiæ exspectamus. Nam in Christo Jesu, neque circumcisio aliquid valet, neque præputium ; sed fides, quæ per dilectionem operatur. (q) Gratia enim estis salvati per fidem ; et hoc, non ex vobis, Dei enim donum est ; non ex operibus, ne quis gloriatur. (r) Unus Dominus, una fides, unum Baptisma. (s) Sed non omnium est fides. (t) Si autem non credimus, Deus fidelis permanet : negare se ipsum non potest.

(n) *Galat.*
ii, 20.
(o) *Ibid. iii.*
6-9, 25.

(p) *Ibid. v.*
5, 6.

(q) *Ephes.*
ii, 8, 9.

(r) *Ibid. iv.*
5.

(s) *II Thess.*
iii, 2.

(t) *II Tim.*
ii, 13.

CAPITULUM V.

De definitione atque effectibus fidei.

(a) **E**ST autem fides sperandarum substantia rerum, argumentum non apparentium. In hac enim testimonium consecuti sunt senes. Fide intelligimus aptata esse sæcula verbo Dei, ut ex invisibilibusabilia fierent. Fide plurimam hostiam Abel quam Cain obtulit Deo : per quam testimonium consecutus est esse justus, testimonium perhibente muneribus ejus Deo ; et per illam defunctus adhuc loquitur. Fide Enoch translatus est, ne videret mortem. Et non inveniebatur, quia transtulit illum Deus. Ante translationem

(a) *Hebr. xi.*
1-6.

enim testimonium habebat placuisse Deo. A Sine fide autem impossibile est placere Deo. Credere enim oportet accedentem ad Deum quia est, et inquirentibus se remunerator sit.

Hebr. xi, 7-12.

Fide Noe, responso accepto de his quæ adhuc non videbantur, metuens aptavit arcam in salutem domus suæ, per quam damnavit mundum; et justitiæ quæ per fidem est, heres est institutus. Fide qui vocatur Abraham obedivit in locum exire quem accepturus erat in hereditatem. Et exiit, nesciens quo iret. Fide demoratus est in terra repromissionis tanquam in aliena, in casulis habitando, cum Isaac et Jacob coheredibus repromissionis ejusdem. Exspectabat enim fundamenta habentem civitatem cujus artifex et conditor Deus. Fide et ipsa Sara sterilis, virtutem in conceptionem seminis accepit, etiam præter tempus ætatis, quoniam fidelem credidit esse eum qui repromiserat. Propter quod ab uno orti sunt (et hoc emortuo) tanquam sidera cœli in multitudine, et sicut arena quæ est ad oram maris, innumerabilis.

Ibid. 17-31.

Fide obtulit Abraham Isaac, quum tentaretur; et unigenitum offerebat, qui susceperat repromissiones, ad quem dictum est, Quia in Isaac vocabitur tibi semen: arbitrans quia et a mortuis suscitare potens est Deus, unde et eum in parabolam accepit. Fide et de futuris benedixit Isaac Jacob et Esau. Fide Jacob moriens singulos filiorum Joseph benedixit, et adoravit fastigium virgæ ejus. Fide Joseph moriens de profectione filiorum Israel memoratus est, et de ossibus suis mandavit. Fide Moyses natus, occultatus est mensibus tribus a parentibus suis, eo quod vidissent elegantem infantem, et non timuerunt regis edictum. Fide Moyses grandis effectus, occidit Ægyptium, considerans dolorem fratrum suorum. Fide Moyses grandis effectus, negavit se esse filium filiæ Pharaonis: magis eligens affligi cum populo Dei, quam temporalis peccati habere jucunditatem; majores di-

vitias æstimans thesauro Ægyptiorum improprium Christi. Adspiciebat enim in remunerationem. Fide reliquit Ægyptum, non veritus animositatem regis. Invisibilem enim tanquam videns sustinuit. Fide celebravit Pascha, et sanguinis effusionem: ne qui vastabat primogenita, tangeret eos. Fide transierunt mare Rubrum, tanquam per aridam terram: quod experti Ægyptii devorati sunt. Fide muri Jericho corruerunt, circuitu dierum septem. Fide Rahab meretrix non periit cum incredulis, excipiens exploratores cum pace.

Et quid adhuc dicam? Deficiet me tempus enarrantem de Gedeon, Barac, Samson, Jephthe, David, Samuel, et aliis Prophetis: qui per fidem vicerunt regna, operati sunt justitiam, adepti sunt repromissiones, obturaverunt ora leonum, exstinxerunt impetum ignis, effugaverunt aciem gladii, convalescerunt de infirmitate, fortes facti sunt in bello, castra verterunt exteriorum, acceperunt mulieres de resurrectione mortuos suos. Et hi omnes testimonio fidei probati, non acceperunt repromissionem: Deo pro nobis melius aliquid providente, ut non sine nobis consummarentur.

Hebr. xi, 32-35, 39, 40.

CAPITULUM VI.

De spe.

- (a) **S**PES non confundit. (b) Spe enim salvi facti sumus. Spes autem quæ videtur, non est spes. Nam quod videt quis, quid sperat? Si autem quæ non videmus speramus, per patientiam expectamus. (c) Spe gaudentes. (d) Quæcumque enim scripta sunt, ad nostram doctrinam scripta sunt: ut per patientiam et consolationem Scripturarum spem habeamus. Deus autem spei repleat vos omni gaudio et pace in credendo, ut abundetis in spe et virtute Spiritus Sancti. (e) Non simus confidentes in nobis, sed

(a) *Rom. v, 5.*
(b) *Ibid. viii, 24, 25.*

(c) *Ibid. xii, 12.*
(d) *Ibid. xv, 4, 13.*

(e) *II Cor. i, 9.*

(f) *II Cor.* in Deo, qui suscitavit mortuos. (f) Fiduciam A
m. 4. v. 12. autem talem habemus per Christum ad
Deum : non quod sufficientes simus co-
gitare aliquid a nobis, quasi ex nobis,
sed sufficientia nostra ex Deo est. Ha-
bentes igitur talem spem, multa fiducia
(g) *Ephes.* utimur. (g) Nam in Christo habemus fidu-
m. 42. ciam et accessum in confidentia per fidem
ejus.
(h) *Philipp.* (h) Ideo in omni fiducia magnificabi-
1. 20, 21. tur Christus in corpore meo, sive per vi-
tam, sive per mortem. Mihi enim vivere
(i) *Coloss.* Christus est, et mori lucrum. (i) Propter B
1. 5. spem quæ reposita est vobis in cœlis,
quam audistis in verbo veritatis Evange-
lii. (j) Unde etiam Salvatorem expecta-
(j) *Philipp.* mus Dominum nostrum Jesum Christum,
m. 20, 21. qui reformabit corpus humilitatis nostræ,
configuratum corpori claritatis suæ, se-
cundum operationem qua possit etiam sibi
(k) *I Cor.* subicere omnia. (k) Quoniam debet in spe
ix. 10. qui arat, arare; et qui triturat, in spe fru-
ctus percipiendi. (l) Fidelis sermo, et om-
(l) *I Tim.* ni acceptione dignus. In hoc enim labora-
iv. 9. mus et maledicimur, quia speramus in
Deum vivum : qui est Salvator omnium
hominum, maxime fidelium.
(m) *Hebr.* (m) Spem itaque sicut ancoram habemus
vi. 19. animæ tutam ac firmam, et incedentem
(n) *Ibid. x.* usque ad interiora velaminis. (n) Habentes
19-23. itaque, fratres, fiduciam in introitu San-
ctorum in sanguine Christi, qui initiavit
nobis viam novam et viventem per vela-
men, id est per carnem suam, et sacerdo-
tem magnum super domum Dei : acceda-
mus cum corde vero, in plenitudine fidei,
adpersi corda a conscientia mala, et abluti D
corpus aqua munda; teneamus spei no-
stræ confessionem indeclinabilem. Fidelis
enim est, qui repromisit. (o) Confidimus
(o) *Ibid. xiii.* autem, quia bonam conscientiam habemus
18. in omnibus bene volentes conversa-
(p) *Ibid. x.* ri. (p) Nolite itaque amittere confidentiam
35. vestram, quæ magnam habet remunerati-
(q) *Ibid. ix.* onem. (q) Adeamus ergo cum fiducia ad
16. thronum gratiæ, ut misericordiam conse-
quamur, et gratiam inveniamus in auxilio
opportuno.

CAPITULUM VII.

De caritate.

(a) CARITAS Dei diffusa est in cordibus (a) *Rom. x.*
C nostris per Spiritum Sanctum, qui 5.
datus est nobis. (b) Scimus quoniam dili- (b) *Ibid. xiii.*
gentibus Deum omnia cooperantur in bo- 28.
num, his qui secundum propositum vocati
sunt sancti. Quis ergo nos separabit a ca- *Ibid. 33-39.*
ritate Christi? tribulatio? an angustia? an
fames? an nuditas? an persecutio? an pe-
riculum? an gladius? Sicut scriptum est :
Quoniam propter te mortificamur tota die,
æstimati sumus ut oves occisionis. Sed
in his omnibus superamus propter eum
qui dilexit nos. Certus sum enim quia
neque mors, neque vita, neque angeli,
neque principatus, neque virtutes, neque
instantia, neque futura, neque fortitudo,
neque altitudo, neque profundum, neque
creatura alia poterit nos separare a cari-
tate Dei, quæ est in Christo Jesu Domino
nostro.
(c) Nemini quidquam debeatis, nisi ut (c) *Ibid. xiii.*
C invicem diligatis. Qui enim diligit proxi- 8-10.
mum, legem implevit, nam, non adultera-
bis, non occides, non furaberis, non falsum
testimonium dices, non concupisces; et si
quod aliud est mandatum, in hoc verbo
instauratur : Diliges proximum tuum sic-
ut te ipsum. Dilectio proximi malum non
operatur. Plenitudo ergo legis est dilectio.
(d) Dilectio sine simulatione; caritatem (d) *Ibid. xii.*
(d) Dilectio sine simulatione; caritatem 9-11.
fraternitatis invicem diligentes; spiritu
ferventes. (e) Qui autem adhæret Domino, (e) *I Cor. vi.*
unus spiritus est. (f) Si quis diligit Deum, 17.
hic cognitus est ab eo. Scientia inflat, ca- (f) *Ibid. xiii.*
ritas vero ædificat. (g) Nemo quod suum 3.
est quærat, sed quod alterius. *Ibid. 1.*
(g) *Ibid. x.* 24.
(h) Adhuc excellentiorem viam vobis de- (h) *Ibid. xii.*
monstro. (i) Si linguis hominum loquar 31.
(i) *Ibid. xiii.* et angelorum, caritatem autem non habe- 1-8, 13.
am, factus sum velut æs sonans, aut cym-
balum tinniens. Et si habuero prophetiam,
et noverim mysteria omnia, et omnem
scientiam, et si habuero omnem fidem ita
ut montes transferam, caritatem autem

non habeam, nihil sum. Et si distribuero in cibos pauperum omnes facultates meas, et si tradidero corpus meum ita ut ardeam, caritatem autem non habuero, nihil mihi prodest. Caritas patiens est, benigna est. Caritas non æmulatur, non agit perperam, non inflatur; non est ambitiosa, non quærit quæ sua sunt, non irritatur, non cogitat malum; non gaudet super iniquitate, congaudet autem veritati; omnia suffert, omnia credit, omnia sperat, omnia sustinet. Caritas nunquam excidit, sive prophetiæ evacuabuntur, sive linguæ cessabunt, sive scientia destruetur. Nunc autem manent fides, spes, caritas, tria hæc; major autem horum est caritas.

(j) *1 Cor. xiv.* 1. (j) Sectamini caritatem. (k) Et omnia vestra in caritate fiant. Salutate invicem in osculo sancto. Si quis non amat Dominum nostrum Jesum Christum, sit anathema, Maranatha. Caritas mea cum omnibus vobis in Christo Jesu. (l) Os nostrum patet ad vos; cor nostrum dilatatum est. Non angustiamini in nobis; angustiamini autem in visceribus vestris; eandem autem remunerationem habentes, tanquam filiis dico, dilatamini et vos. (m) Ostensionem ergo quæ est caritatis vestræ, et gloriæ nostræ pro vobis, in illos ostendite in faciem Ecclesiarum. (n) Æmulor enim vos Dei æmulatione. (o) Per caritatem autem servite invicem. Omnis enim lex in uno sermone impletur: Diliges proximum tuum sicut te ipsum. (p) Estote ergo imitatores Dei sicut filii carissimi; et ambulate in dilectione, sicut et Christus dilexit nos, et tradidit semetipsum pro nobis oblationem et hostiam Deo in odorem suavitatis.

(q) *Coloss.* iii, 14. (q) Super omnia autem caritatem habete, quod est vinculum perfectionis. (r) De caritate autem fraternitatis non necesse habuimus scribere vobis. Ipsi enim vos a Deo didicistis ut diligatis invicem. Etenim facitis illud in omnes fratres. (s) Finis autem præcepti est caritas de corde puro et conscientia bona et fide non ficta; a quibus quidam aberrantes conversi sunt in vaniloquium. (t) Itaque consideremus in-

(l) *II Cor.* vi, 11-13.

(m) *Ibid.* viii, 24.

(n) *Ibid.* xi, 2.

(o) *Galat.* v, 13, 14.

(p) *Ephes.* v, 1.

(q) *Coloss.* iii, 14. (r) *1 Thess.* iv, 9, 10.

(s) *1 Tim.* i, 5, 6.

(t) *Hebr.* x, 24, 25.

A vicem in provocationem caritatis et bonorum operum: non deserentes collectionem nostram, sicut est consuetudinis quibusdam, sed consolantes: et tanto magis quanto videritis appropinquantem diem. (u) Caritas fraternitatis maneat in vobis. (v) Non quæ sua sunt singuli considerantes, sed quæ aliorum.

(u) *Hebr.* xiii, 1.
(v) *Philipp.* ii, 4.

CAPITULUM VIII.

De timore.

(a) **N**OLI altum sapere, sed time. Si enim Deus naturalibus ramis non peper-

cit, ne forte nec tibi parcat. (b) Nam et principes non sunt timori boni operis, sed mali. Vis autem non timere potestatem? Fac bonum, et habebis laudem ex illa. Dei enim minister est tibi in bonum. Si autem malefeceris, time: non enim sine causa gladium portat. Dei enim minister est, vindex in iram ei qui malum agit.

(c) Timeo autem, ne sicut serpens Evam seduxit astutia sua, ita corrumpantur sensus vestri, et excidant a simplicitate quæ est in Christo. (d) Timeo enim ne forte quum venero, non quales volo inveniam vos; et ego inveniar a vobis, qualem non vultis: ne forte contentiones, æmulationes, animositates, dissensiones, detractiões, susurraciones, inflationes, seditiones sint inter vos; ne iterum quum venero, humiliet me Deus apud vos, et lugeam multos ex his qui ante peccaverunt, et non egerunt pœnitentiam super immunditia, et fornicatione, et impudicitia quam gesserunt. (e) Timeo vos, ne sine causa laboraverim in vobis. (f) Itaque, carissimi, cum metu et tremore vestram salutem operamini. (g) Nam et ego in infirmitate et timore et tremore multo fui apud vos.

(c) *II Cor.* xi, 3.

(d) *Ibid.* xii, 20, 21.

(e) *Galat.* iv, 11. (f) *Philipp.* ii, 12. (g) *1 Cor.* ii, 3.

(h) *Hebr.* iv, 1, 2.

(i) *Ibid.* x, 26-28, 29, 31.

bis post acceptam notitiam veritatis, jam non relinquitur pro peccatis hostia. Irritam enim quis faciens legem Moysis, sine ulla miseratione duobus vel tribus testibus moritur : quanto magis putatis deteriora mereri supplicia, qui Filium Dei conculcaverit et sanguinem testamenti pollutum duxerit, in quo sanctificatus est, et spiritui gratiæ contumeliam fecerit? Horrendum est incidere in manus Dei viventis. (j) Itaque serviamus Deo cum metu et reverentia. (k) Subjecti invicem in timore Dei.

(j) *Hebr.*
xii, 28.
(k) *Ephes.*
v, 21.

CAPITULUM IX.

De humilitate et contra superbiam.

(a) **D**ICO enim per gratiam quæ data est mihi, omnibus qui sunt inter vos, non plus sapere quam oportet sapere, sed sapere ad sobrietatem. Honore invicem prævenientes. Non alta sapientes, sed humilibus consentientes. Nolite esse prudentes apud vosmetipsos. Non vosmetipsos defendentes, carissimi, sed date locum iræ. (b) Non efficiamur inanis gloriæ cupidi, invicem provocantes, invicem invidentes. (c) Nihil per contentionem neque per inanem gloriam; sed in humilitate superiores sibi invicem arbitrantur. Hoc enim sentite in vobis quod et in Christo Jesu, qui semetipsum exinanivit formam servi accipiens. (d) Nam si quis existimat se aliquid esse quum nihil sit, ipse se seducit. (e) Scientia inflat. Si quis autem existimat se scire aliquid, nondum cognovit quemadmodum oporteat eum scire. (f) Si quis aliter docet, et non acquiescit sanis sermonibus Domini nostri Jesu Christi, et ei quæ secundum pietatem est doctrinæ, superbus est, nihil sciens, sed languens circa quæstiones et pugnas verborum : ex quibus oriuntur invidiæ, contentiones, blasphemias, suspiciones malæ, conflictationes hominum mente corruptorum, et qui veritate privati sunt, existimantium quæ-

(a) *Rom. xii.*
3, 10, 16, 19.

(b) *Galat.*
v, 26.

(c) *Philipp.*
ii, 3, 5, 7.

(d) *Galat.*
vi, 3.

(e) *1 Cor.*
viii, 1, 2.

(f) *1 Tim.*
vi, 3-5.

stum esse pietatem. (g) Tanquam non venturus sim ad vos, sic inflati sunt quidam. Veniam autem ad vos cito (si Dominus voluerit), et cognoscam, non sermonem eorum qui inflati sunt, sed virtutem. Non enim in sermone est regnum Dei, sed in virtute.

(g) *1 Cor. iv.*
18, 20.

CAPITULUM X.

De patientia et tribulationibus justorum ac electorum.

B

(a) **G**LORIAMUR in tribulationibus, scientes quod tribulatio patientiam operatur, patientia autem probationem, probatio vero spem. (b) Benedicite persecuentibus vos; benedicite et nolite maledicere. Nulli malum pro malo reddentes. Scriptum est enim : Mihi vindictam, et ego retribuam, dicit Dominus. Noli vinci a malo, sed vince in bono malum. (c) Maledicimur, et benedicimus; persecutionem patimur, et sustinemus; blasphemamur, et obsecramus; tanquam purgamenta hujus mundi facti sumus, omnium peripsema usque adhuc. (d) In omnibus tribulationem patimur, sed non angustiamur; aporiamur, sed non destituimur; persecutionem patimur, sed non derelinquimur; deiecimur, sed non perimus : semper mortificationem Jesu Christi in corpore nostro circumferentes, ut et vita Jesu in corporibus nostris manifestetur. Semper enim nos qui vivimus, in mortem tradimur propter Jesum, ut et vita Jesu manifestetur in carne nostra mortali. Ergo mors in nobis operatur, vita autem in vobis. (e) Itaque in omnibus exhibeamus nosmetipsos sicut Dei ministros, in multa patientia, in tribulationibus, in necessitatibus, in angustiis, in plagis, in carceribus, in seditionibus, in laboribus, per gloriam et ignobilitatem, per infamiam et bonam famam : ut seductores, et veraces; sicut qui ignoti, et cogniti; quasi morientes, et ecce vivimus; ut castigati, et non

(a) *Rom. v.*
3, 4.

(b) *Ibid. xii.*
14, 17, 19, 21.

(c) *1 Cor. iv.*
12, 13.

(d) *II Cor.*
iv, 8-12.

(e) *Ibid. vi.*
4, 5, 8-10.

mortificati; quasi tristes, semper autem gaudentes; sicut egentes, multos autem locupletantes; tanquam nihil habentes, et omnia possidentes.

(f) *Ephes.*
iii, 13.

(g) *I Thess.*
i, 6-8.

(h) *Philipp.*
i, 28-30.

(i) *II Cor.*
xi, 19, 20.

(j) *I Thess.*
ii, 1, 2, 9,
14, 15.

(k) *Ibid.* iii,
4.

(l) *Ibid.* v,
14, 15.

(m) *II Tim.*
iii, 12.

(n) *Hebr.* x,
32-34.

(f) Propter quod obsecro ne deficiatis in tribulationibus meis pro vobis, quæ est gloria nostra. (g) Et vos imitatores nostri facti estis et Domini, excipientes verbum in tribulatione multa cum gaudio Spiritus Sancti: ita ut facti sitis forma omnibus credentibus in Macedonia et Achaia. A vobis enim diffamatus est sermo Domini, non solum in Macedonia et Achaia, sed in omni loco. (h) Et hoc a Deo, quia vobis donatum est pro Christo, non solum ut in eum credatis, sed ut etiam pro illo patiamini: idem certamen habentes quale et vidistis in me, et nunc audistis de me. (i) Libenter enim suffertis insipientes, quum sitis ipsi sapientes. Sustinetis enim, si quis vos in servitutem redigit, si quis devorat, si quis accipit, si quis extollitur, si quis in faciem vos cædit.

(j) Nam et ipsi scitis introitum nostrum ad vos, quia non inanis fuit; sed ante passi et contumeliis affecti, sicut scitis, in Philippis, fiduciam habuimus in Deo nostro loqui ad vos Evangelium Dei in multa sollicitudine. Memores enim estis, fratres, laboris nostri et fatigationis: nocte ac die laborantes, ne quem vestrum gravaremus, prædicavimus in vobis Evangelium Dei. Vos enim imitatores facti estis Ecclesiarum Dei quæ sunt in Judæa, quia eadem passi estis vos a contribulibus vestris, sicut et ipsi a Judæis, qui et Dominum occiderunt et Prophetas, et nos per-

(l) Patientes ergo estote ad omnes. Videte ne quis malum pro malo alicui reddat; sed semper quod bonum est sectamini in invicem et in omnes. (m) Omnes qui volunt pie vivere in Christo, persecutionem patientur.

(n) Rememoramini autem pristinos dies, in quibus illuminati magnum certamen

A sustinuistis passionum: et in altero quidem, opprobriis et tribulationibus spectaculum facti; in altero autem, socii taliter conversantium effecti. Nam et vinctis compassi estis, et rapinam bonorum vestrorum cum gaudio suscepistis: cognoscentes vos habere meliorem et manentem substantiam. (o) Ita ut et nos ipsi in vobis gloriemur in Ecclesiis Dei pro patientia vestra et fide in omnibus persecutionibus vestris, et tribulationibus quas sustinetis, in exemplum justi judicii Dei: ut digni B habeamini in regno Dei, pro quo et patimini. (p) Patientia enim vobis necessaria est, ut voluntatem Dei facientes, reportetis promissionem.

(q) Alii autem distenti sunt, non suscipientes redemptionem, ut meliorem invenirent resurrectionem. Alii vero ludibria et verbera experti sunt, insuper et vincula et carceres; lapidati sunt, secti sunt, tentati sunt, in occisione gladii mortui sunt; circuierunt in melotis, in pellibus caprinis, egentes, angustiat, afflicti: quibus dignus non erat mundus. In solitudinibus errantes, in montibus, et speluncis, et in cavernis terræ. (r) Ideoque et nos tantam habentes impositam nobis nubem testium, deponentes omne pondus, et circumstans nos peccatum, per patientiam curramus ad propositum nobis certamen: adspicientes in auctorem fidei et consummatorem Jesum: qui proposito sibi gaudio, sustinuit crucem, confusione contempta, atque in dextera Dei sedet. Recogitate eum, qui talem sustinuit a peccatoribus

D adversus semetipsum contradictionem, ut non fatigemini animis vestris deficientes. Nondum enim usque ad sanguinem restitistis, adversus peccatum repugnantes. Et obliti estis consolationis quæ vobis tanquam filiis loquitur, dicens: Fili mi, noli negligere disciplinam Domini, neque fatigeris dum ab eo argueris. Quem enim diligit Dominus, castigat; flagellat autem omnem filium quem recipit. In disciplina Domini perseverate: tanquam filiis offert se vobis Deus. Quis enim filius quem non

(o) *II Thess.*
i, 4, 5.

(p) *Hebr.* x,
36.

(q) *Ibid.* xi,
35-38

(r) *Ibid.* xii,
1-8.

corripit pater? Quod si extra disciplinam estis, ejus participes facti sunt omnes : ergo adulteri et non filii estis. (s) Excamus ergo ad Jesum extra castra, improperium ejus portantes.

(s) *Hebr.*
xiii, 13.

(t) *I Cor. iv.*
9-13.

(t) Puto enim quod Deus nos Apostolos novissimos ostendit, tanquam morti destinatos : quia spectaculum facti sumus mundo, et angelis, et hominibus. Nos stulti propter Christum, vos autem prudentes in Christo ; nos infirmi, vos autem fortes ; vos nobiles, nos autem ignobiles. Usque in hanc horam et esurimus, et sitimus, et nudi sumus, et colaphis cædimur, et instabiles sumus, et laboramus operantes manibus nostris. (u) Non enim volumus vos ignorare, fratres, de tribulatione nostra quæ facta est in Asia : quoniam super modum gravati sumus et supra virtutem, ita ut tæderet nos etiam vivere. Sed et ipsi in nobismetipsis responsum mortis habuimus, ut simus fidentes in Deo.

(u) *II Cor.*
i, 8.

(v) *Ibid. vii.*
5.

(v) Nam et quum venissemus in Macedoniam, nullam requiem habuit caro nostra, sed omnem tribulationem passi sumus : foris pugnae, intus timores.

CAPITULUM XI.

De justitia.

(a) *Rom.*
xiii, 7, 8.

(a) **R**EDDITE ergo omnibus debita : cui tributum, tributum ; cui vectigal, vectigal ; cui timorem, timorem ; cui honorem, honorem. Nemini quidquam debeatis, nisi ut invicem diligatis. (b) Proba-

(b) *Ibid. xv.*
26, 27.

(c) Unusquisque in qua vocatione vocatus est, in ea permaneat. Servus vocatus es? Non sit tibi curæ ; sed etsi potes liber fieri, magis utere. Qui enim in Domino vocatus est servus, libertus est Domini.

(c) *I Cor. vii.*
20-24.

A Similiter qui vocatus est liber, servus est Christi. Pretio empti estis, nolite fieri servi hominum. Unusquisque in quo vocatus est, in hoc maneat apud Deum. (d) Nemo enim nostrum sibi vivit, et nemo sibi moritur. Sive enim vivimus, Domino vivimus ; sive morimur, Domino morimur. Sive ergo vivimus, sive morimur, Domini sumus. In hoc enim Christus mortuus est et resurrexit, ut et vivorum et mortuorum dominetur. (e) Ideo unumquemque sicut Deus vocavit, ita ambulet, et sicut in omnibus Ecclesiis doceo. Circumcisis aliquis vocatus est? non adducat præputium. In præputio aliquis vocatus est? non circumcidatur. Circumcisio enim nihil est, et præputium nihil est ; sed observatio mandatorum Dei.

(d) *Rom.*
xiv, 7-9.

(e) *I Cor.*
vii, 17-19.

(f) Mea defensio apud eos qui me interrogant, hæc est : Numquid non habemus potestatem manducandi et bibendi? Numquid non habemus potestatem sororem mulierem circumducendi, sicut et ceteri Apostoli, et fratres Domini, et Cephas? Aut solus ego et Barnabas non habemus potestatem hoc operandi? Quis militat suis stipendiis unquam? Quis plantat vineam, et de fructu ejus non edit? Quis pascit gregem, et de lacte ejus non manducat? Numquid secundum hominem hæc dico? An et lex hæc non dicit? Scriptum est enim in lege Moysis : Non alligabis os bovi trituranti. Numquid de bobus cura est Deo? An non propter nos hæc dicit? Nam propter nos utique scripta sunt. Si nos vobis spiritualia seminavimus, magnum est si carnalia vestra metamus? Si alii potestatis vestræ participes sunt, quare non potius nos? Sed non usi sumus hac potestate ; sed omnia sustinemus, ne quod offendiculum demus Evangelio Christi. Nescitis quoniam qui in sacrario operantur, quæ de sacrario sunt, edunt ; et qui altari deserviunt, cum altari participant? Ita et Dominus ordinavit his qui Evangelium annuntiant, de Evangelio vivere. Ego autem nullo horum usus sum. Non autem scripsi hæc, ut ita fiant in me. Bonum

(f) *Ibid. ix.*
3-18.

est enim mihi magis mori, quam ut gloriam meam quis evacuet. Nam si evangelizavero, non est mihi gloria : necessitas enim mihi incumbit. Væ enim mihi est si non evangelizavero. Si enim volens hoc ago, mercedem habeo. Si autem invitus, dispensatio mihi credita est. Quæ est ergo merces mea ? Ut Evangelium prædicans, sine sumptu ponam Evangelium, ut non abutar potestate mea in Evangelio.

(g) II *Cor.*
vi, 14-18.

(g) Nolite jugum ducere cum infidelibus. Quæ enim participatio justitiæ cum iniquitate ? aut quæ societas luci ad tenebras ? Quæ autem conventio Christi ad Belial ? aut quæ pars fidei cum infidei ? Quis autem consensus templo Dei cum idolis ? Vos enim estis templum Dei vivi, sicut dicit Dominus : Quoniam inhabitabo in illis, et inambulabo ; et ero illorum Deus, et ipsi erunt mihi populus. Propter quod exite de medio eorum, et separamini, dicit Dominus, et immundum ne tetigeritis. Et ego recipiam vos ; et ero vobis in patrem, et vos eritis mihi in filios et filias, dicit Deus omnipotens. (h) Hoc autem dico : Qui parce seminat, parce et metet ; et qui seminat in benedictionibus, de benedictionibus et metet. Unusquisque prout destinavit in corde suo, non ex tristitia, aut necessitate : hilarem enim datorem diligit Deus. (i) Si enim voluntas prompta est, secundum id quod habet, accepta est, non secundum id quod non habet. Non enim ut aliis sit remissio, vobis autem tribulatio ; sed ex æqualitate in præsentī tempore vestra abundantia illorum inopiam suppleat : ut et illorum abundantia vestræ inopiæ sit supplementum, ut fiat æqualitas, sicut scriptum est : Qui multum habuit, non abundavit ; et qui modicum, non minoravit.

(h) *Ibid.* ix,
6, 7.

(i) *Ibid.* viii,
12-15.

(j) *Ibid.* xiii,
10.

Ibid. 8.

Ibid. 2, 3.

(j) Ideo hæc absens scribo, ut non præsens durius agam, secundum potestatem quam Dominus dedit mihi in ædificationem, et non in destructionem. Non possumus aliquid adversus veritatem, sed pro veritate. Prædixi enim et prædico, ut præsens, et nunc absens, iis qui ante pecca-

verunt, et ceteris omnibus : quoniam si venero iterum, non parcam. An experimentum quæritis ejus qui in me loquitur Christus. (k) Opus autem suum probet unusquisque, et sic in semetipso tantum gloriam habebit, et non in altero. Unusquisque enim onus suum portabit. Nolite errare, Deus non irridetur. Quæ enim seminaverit homo, hæc et metet. Quoniam qui seminat in carne sua, de carne et metet corruptionem ; qui autem seminat in spiritu, de spiritu metet vitam æternam.

(k) *Galat.*
vi, 4, 5, 7, 8.

(l) Nolite effici participes eorum. (m) Et ne quis supergrediatur, neque circumveniat in negotio fratrem suum : quoniam vindex est Dominus de his omnibus, sicut prædiximus vobis et testificati sumus.

(l) *Ephes.*
v, 7.
(m) *1 Thess.*
iv, 6.

(n) Qui enim injuriam facit, recipiet id quod inique gessit.

(n) *Coloss.*
iii, 25.

(o) Si quis autem suorum et maxime domesticorum curam non habet, fidem negavit, et est infidei deterior. (p) Nemo militans Deo, implicat se negotiis sæcularibus, ut ei placeat cui se probavit. Nam et qui certat in agone, non coronabitur nisi legitime certaverit. Laborantem agricolam oportet primum de fructibus percipere. Fidelis sermo : nam si commortui sumus,

(o) *1 Tim.*
v, 8.

(p) *II Tim.*
ii, 4-6.

et convivemus ; si sustinemus, et conregnabimus ; si negaverimus, et ille negabit nos. Sollicite autem cura te ipsum probabilem exhibere Deo, operarium inconfusibilem, recte tractantem verbum veritatis. (q) Fidelis sermo. Et de his volo te confirmare, ut curent bonis operibus præesse, qui credunt Deo. Hæreticum hominem, post unam et secundam correptionem, devita : sciens quia subversus est, qui hujusmodi est, et delinquit, proprio judicio condemnatus.

Ibid. 11, 12.

Ibid. 13.

(q) *Tit.* iii,
8.

Ibid. 10.

(r) Impossibile est enim, eos qui semel sunt illuminati, gustaverunt etiam donum cœleste, et participes facti sunt Spiritus Sancti, gustaverunt nihilo minus bonum Dei verbum, virtutesque sæculi venturi, et prolapsi sunt, renovari rursus ad penitentiam, rursus crucifigentes sibimetipsis Filium Dei, et ostentui habentes. Terra

(r) *Hebr.*
vi, 4-8.

enim sæpe venientem super se bibens imbrem, et generans herbam opportunam illis a quibus colitur, accipit benedictionem a Deo. Proferens autem spinas et tribulos, reprobata est, et maledicto proxima: cujus consummatio in combustionem.

(s) *Hebr.*
xii, 12.

(s) Propter quod, remissas manus et soluta genua erigite, et gressus rectos facite pedibus vestris, ut non claudicans quis erret, magis autem sanetur. (t) Liberati autem a peccato, servi facti estis justitiæ. Quum enim servi essetis peccati, liberi fuistis justitiæ.

(t) *Rom.* vi,
18, 20.

CAPITULUM XII.

De prudentia, et vitio imprudentiæ.

(a) *Rom.* vii,
viii, 5-7.

(a) QUI secundum carnem sunt, quæ carnis sunt sapiunt; qui vero secundum spiritum, quæ sunt spiritus sentiunt. Nam prudentia carnis, mors est; prudentia autem spiritus, vita et pax. Sapientia carnis inimica est Deo: legi enim Dei non est subjecta, nec enim potest.

(b) *I Cor.* ii,
14, 15.

(b) Animalis autem homo non percipit ea quæ sunt Spiritus Dei: stultitia enim est illi; et non potest intelligere, quia spiritualiter examinatur. Spiritualis autem judicat omnia, et ipse a nemine judicatur.

(c) *Ibid.* x,
12.

(d) *Ibid.* xi,
2.

(e) *Ibid.* xiv,
40.

(f) *Rom.* xii,
1.

(g) *II Cor.*
x, 7.

(h) *Ibid.* xiii,
5, 6.

(i) *Galat.*
vi, 11.

(j) *Ephes.*
v, 15-17.

(c) Itaque qui se existimat stare, videat ne cadat. (d) Laudo autem vos, fratres, quod per omnia mei memores estis. (e) Omnia autem honeste et secundum ordinem fiant in vobis. (f) Et rationabile obsequium vestrum. (g) Quæ secundum faciem sunt, videte. (h) An non cognoscitis vosmetipsos, quia Jesus Christus in vobis est? nisi forte reprobi sitis. Spero autem quod cognoscetis quia nos non sumus reprobi. (i) Videte qualibus litteris scripsi vobis mea manu. (j) Videte itaque, fratres, quomodo caute ambuletis: non quasi insipientes, sed ut sapientes; redimentes tempus, quoniam dies mali sunt. Propterea nolite fieri imprudentes, sed intelligentes quæ sit voluntas Dei.

(k) Videte ne quis vos decipiat per philosophiam et inanem fallaciam, secundum traditionem hominum, secundum elementa mundi, et non secundum Christum. Nemo vos seducat, volens in humilitate et religione angelorum quæ non vidit, ambulans frustra, inflatus sensu carnis suæ; et non tenens caput, ex quo totum corpus per nexus et conjunctiones subministratum et constructum crescit in augmentum Dei. Si mortui estis cum Christo ab elementis hujus mundi, quid adhuc

(k) *Coloss.*
ii, 8, 18-23.

B tanquam viventes in mundo decernitis? Ne tetigeritis, neque gustaveritis, neque contrectaveritis: quæ sunt omnia in interitum ipso usu, secundum præcepta et doctrinas hominum; quæ sunt rationem quidem habentia sapientiæ, in superstitione et humilitate, et non ad parcendum corpori, non in honore aliquo ad saturitatem carnis. (l) In sapientia ambulate ad eos qui foris sunt, tempus redimentes. Sermo vester semper in gratia sale sit conditus, ut sciatis quomodo oporteat vos unicuique respondere. Quæ circa me sunt, omnia vobis nota faciet Tychicus, carissimus frater, et fidelis minister et conservus in Domino: quem misi ad vos in hoc ipsum ut cognoscat quæ circa vos sunt, et consoletur corda vestra, cum Onesimo carissimo et fideli fratre, qui est ex vobis: qui omnia quæ hic aguntur nota facient vobis. Et quum lecta fuerit apud vos epistola, facite ut in Laodicensium Ecclesia legatur; et eam quæ Laodicensium est, vos legatis. Et dicite Archippo: Vide ministerium quod accepisti in Domino, ut illud impleas. Memores estote vinculorum meorum.

(l) *Ibid.* iv,
5-9.

Ibid. 16-18.

(m) Et misimus Timotheum, fratrem nostrum, et ministrum Dei in Evangelio Christi, ad confirmandos vos et exhortandos pro fide vestra. Propterea et ego amplius non sustinens, misi ad cognoscendum fidem vestram: ne forte tentaverit vos is qui tentat, et inanis fiat labor noster. Nunc autem veniente Timotheo ad nos a vobis, et annuntiante nobis fidem et caritatem

(m) *I Thess.*
iii, 2, 5-8.

vestram, et quia memoriam nostri habetis bonam, semper desiderantes nos videre, sicut nos quoque vos. Ideo consolati sumus in vobis, in omni necessitate et tribulatione nostra, per fidem vestram : quoniam nunc vivimus, si vos statis in Domino.

(n) *I Tim.* vi, 20, 21. (n) O Timothee, depositum custodi, devitans profanas vocum novitates, et oppositiones falsi nominis scientiæ, quam quidam promittentes, circa fidem exciderunt.

(o) *II Tim.* i, 13, 14. (o) Formam habens sanorum verborum, quæ a me audisti, in fide et dilectione in Christo Jesu. Bonum depositum custodi per Spiritum Sanctum, qui habitat in nobis.

(p) *Ibid.* ii, 2, 7. (p) Et quæ audisti a me per multos testes, hæc commenda fidelibus hominibus qui idonei erunt et alios docere. Intellige quæ dico. Dabit enim tibi Dominus in omnibus intellectum. (q) *Ibid.* iii, 13-15. (q) Mali autem homines et seductores proficient in pejus, errantes et in errorem mittentes. Tu vero permane in his quæ didicisti et credita sunt tibi, sciens a quo didiceris ; et quia ab infantia sacras litteras nosti, quæ te possunt instruere ad salutem per fidem quæ est in Christo Jesu.

(r) *Hebr.* iii, 1. (r) Unde, fratres sancti, vocationis cœlestis participes, considerate apostolum et pontificem confessionis nostræ Jesum. Videte, fratres, ne forte sit in aliquo vestrum cor malum incredulitatis, discedendi a Deo vivo ; sed adhortamini vosmetipsos per singulos dies, donec Hodie cognominatur, ut non obduretur quis ex vobis fallacia peccati. (s) *Ephes.* v, 6. (s) Nemo vos seducat inanibus verbis. (t) *Rom.* xii, 17. (t) Providentes bona non tantum coram Deo, sed etiam coram omnibus hominibus.

CAPITULUM XIII.

De sapientia, et insipientiæ culpa.

(a) *Rom.* i, 20. (a) **I**NVISIBILIA Dei, a creatura mundi, per ea quæ facta sunt intellecta, conspiciuntur ; sempiterna quoque ejus virtus

et divinitas. (b) Dicentes se esse sapientes, stulti facti sunt. (c) Sed volo vos sapientes esse in bono, et simplices in malo.

(d) Misit me Christus evangelizare : non in sapientia verbi, ut non evacuetur crux Christi. Verbum enim crucis, pereuntibus quidem stultitia est ; his autem qui salvi fiunt, id est nobis, virtus Dei est. Scriptum est enim : Perdam sapientiam sapientium, et prudentiam prudentium repro- babo. Ubi sapiens ? ubi scriba ? ubi conquisitor hujus sæculi ? Nonne stultam fecit Deus sapientiam hujus mundi ? Nam, quia in Dei sapientia non cognovit mundus per sapientiam Deum, placuit Deo per stultitiam prædicationis salvos facere credentes. Quoniam et Judæi signa petunt, et Græci sapientiam quærunt. Nos autem prædicamus Christum crucifixum, Judæis quidem scandalum, gentibus autem stultitiam, ipsis autem vocatis Judæis atque Græcis, Christum Dei virtutem, et Dei sapientiam : quia quod stultum est Dei, sapientius est hominibus, et quod infirmum est Dei, fortius est hominibus. Ex ipso autem vos estis in Christo Jesu, qui factus est nobis sapientia a Deo, et justitia, et sanctificatio, et redemptio : ut quemadmodum scriptum est, Qui gloriatur, in Domino gloriatur.

(e) Sapientiam autem loquimur inter perfectos : sapientiam autem non hujus sæculi, neque principum hujus sæculi, qui destruuntur. Sed loquimur Dei sapientiam in mysterio, quæ abscondita est, quam prædestinavit Deus ante sæcula in gloriam nostram : quam nemo principum hujus sæculi cognovit. Si enim cognovissent, nunquam Dominum gloriæ crucifixissent. Nobis autem revelavit Deus per Spiritum suum. Spiritus enim omnia scrutatur, etiam profunda Dei. Quis enim hominum scit quæ sunt hominis, nisi spiritus hominis qui est in ipso ? Ita et quæ sunt Dei, nemo cognovit nisi Spiritus Dei. Nos autem non spiritum hujus mundi accepimus, sed Spiritum qui ex Deo est, ut sciamus quæ a Deo donata sunt nobis : quæ

et loquimur, non in doctis humanæ sapientiae verbis, sed in doctrina Spiritus, spiritualibus spiritualia comparantes. Quis enim cognovit sensum Domini, aut quis instruxit eum? Nos autem sensum Christi habemus. (f) Si quis videtur inter vos sapiens esse in hoc sæculo, stultus fiat, ut sit sapiens : sapientia enim hujus mundi, stultitia est apud Deum. Scriptum est enim : Comprehendam sapientes in astutia eorum. Et iterum : Dominus novit cogitationes sapientium, quoniam vanæ sunt.

(f) 1 Cor.
iii, 18-20.

(g) *Ibid.* xiv,
38.

(h) 11 Cor.,
iii, 18.

(i) *Ibid.* iv,
6, 7, 16, 18.

(g) Si quis autem ignorat, ignorabitur. (h) Nos vero omnes revelata facie gloriam Domini speculantes, in eandem imaginem transformamur a claritate in claritatem, tanquam a Domini Spiritu. (i) Quoniam Deus qui dixit de tenebris lucem splendescere, ipse illuxit in cordibus nostris ad illuminationem scientiæ claritatis Dei in faciem Jesu Christi. Habemus autem thesaurum istum in vasis fictilibus, ut sublimitas sit virtutis Dei, et non ex nobis. Propter quod non deficimus. Sed licet is qui foris est noster homo corrumpatur, tamen is qui intus est renovatur de die in diem : non contemplantibus nobis quæ videntur, sed quæ non videntur. Quæ enim videntur, temporalia sunt; quæ autem non videntur, æterna sunt. (j) Itaque nos ex hoc neminem novimus secundum carnem. Et si cognovimus secundum carnem Christum, sed nunc jam non novimus.

(j) *Ibid.* v,
16.

(k) *Ephes.*
i, 8-10.

(l) *Ibid.* iii,
4-11.

(k) Gratia enim Dei superabundavit in nobis in omni sapientia et prudentia, ut notum faceret nobis sacramentum voluntatis suæ, secundum beneplacitum ejus, quod proposuit in eo in dispensatione plenitudinis temporum, instaurare omnia in Christo, quæ in cælis et quæ in terra sunt, in ipso. (l) Hujus rei gratia, ego Paulus, vinctus Jesu Christi pro vobis gentibus, si tamen audistis dispensationem gratiæ Dei quæ data est mihi in vobis : quoniam secundum revelationem notum mihi factum est sacramentum; prout potestis legentes intelligere prudentiam meam

A in mysterio Christi, quod aliis generationibus non est agnitum filiis hominum, sicut nunc revelatum est sanctis Apostolis ejus et Prophetis in Spiritu : gentes esse coheredes et concorporales, et participes promissionis in Christo Jesu per Evangelium : ejus factus sum ego minister, secundum donum gratiæ Dei quæ data est mihi secundum operationem virtutis ejus. Mihi enim omnium sanctorum minimo, data est gratia hæc, in gentibus evangelizare investigabiles divitias Christi, et illuminare omnes, quæ sit dispensatio sacramenti absconditi a sæculis in Deo, qui omnia creavit, ut innotescat principibus et potestatibus in cælestibus per Ecclesiam multiformis sapientia Dei, secundum præfinitionem sæculorum, quam fecit in Christo Jesu Domino nostro.

(m) Verumtamen existimo omnia detrimentum esse, propter eminentem scientiam Domini nostri Jesu Christi. (n) Cujus Evangelium prædicatum est in universa creatura quæ sub cælo est : ejus factus sum ego minister secundum dispensationem Dei quæ data est mihi in vobis, ut impleam verbum Dei : mysterium quod absconditum fuit a sæculis, et a generationibus; nunc autem manifestatum est sanctis ejus, quibus voluit Deus notas facere divitias gloriæ sacramenti hujus in gentibus, quod est Christus, in vobis spes gloriæ, quem nos vobis annuntiamus : corripientes omnem hominem, et docentes omnem hominem in omni sapientia, ut exhibeamus omnem hominem perfectum in Christo Jesu : in quo et laboro, certando secundum operationem ejus, quam operatur in me in virtute. (o) Ut consolentur instructi in caritate, et in omnes divitias plenitudinis intellectus, in agnitionem mysterii Dei Patris, et Domini nostri Jesu Christi. Hoc autem dico, ut nemo vos decipiat in sublimitate sermonum. Nam etsi corpore absens sum, sed spiritu vobiscum sum, gaudens et videns ordinem vestrum, et firmamentum ejus quæ in Christo est fidei vestræ. (p) Ver-

(m) *Philip.*
iii, 8.

(n) *Coloss.*
i, 23, 25-29.

(o) *Ibid.* ii,
2, 4, 5.

(p) *Ibid.* iii,
16.

bum Christi habitet in vobis abundanter A in omni sapientia.

(q) II Tim.
II, 16-19.

(q) Profana autem et vaniloquia devita : multum enim proficiunt ad impietatem. Et sermo illorum ut cancer serpit. Ex quibus est Hymenæus et Philetus, qui a veritate exciderunt, dicentes resurrectionem jam factam, et subverterunt quorundam fidem. Sed firmum fundamentum Dei stat, habens signaculum hoc : Cognovit Dominus qui sunt ejus ; et discedat ab iniquitate omnis qui invocat nomen Domini. (r) Quemadmodum Jannes et Mambres restiterunt Moysi, ita et hi resistunt veritati : homines corrupti mente, reprobi circa fidem ; sed ultra non proficient. Insipientia enim eorum manifesta erit, sicut et illorum fuit. Tu autem assecutus es meam doctrinam. Tu vero permane in his quæ didicisti. Omnis enim Scriptura divinitus inspirata, utilis est ad docendum, ad arguendum, ad corripiendum, ad erudiendum in justitia : ut perfectus sit homo Dei, ad omne opus bonum instructus.

(r) Ibid. III,
8-10.

Ibid. II, 14, 16,
17.

CAPITULUM XIV.

De obedientia.

(a) Rom. III,
19.

(b) Ibid. V,
19.

(c) Ibid. VI,
16, 17.

(d) Ibid.
XIII, 1, 2, 5, 6.

(a) SCIMUS autem quoniam quæcumque lex loquitur, his qui in lege sunt loquitur, ut omne os obstruatur, et subditus fiat omnis mundus Deo. (b) Sicut enim per inobedientiam unius hominis, peccatores constituti sunt multi, ita et D per unius obedientiam, justi constituentur multi. (c) An nescitis quoniam cui exhibuistis vos servos ad obediendum, servi estis ejus cui obedistis, sive peccati ad mortem, sive obeditionis ad justitiam ? Gratias autem Deo quod fuistis servi peccati, obedistis autem ex corde in eam formam doctrinæ in qua traditi estis. (d) Omnis anima potestatibus sublimioribus subdita sit. Non est enim potestas nisi a Deo. Itaque qui potestati resistit, Dei

ordinationi resistit ; qui autem resistunt, ipsi sibi damnationem acquirunt. Ideoque necessitate subditi estote, non solum propter iram, sed etiam propter conscientiam. Ideo enim et tributa præstatis : ministri enim Dei sunt, in hoc ipsum servientes. (e) Vestra enim obedientia in omnem locum divulgata est.

(e) Rom.
XVI, 19.

(f) Obsecro autem vos, fratres, nostis domum Stephanæ et Fortunati et Achaici, quoniam sunt primitiæ Achaïæ, et in ministerium sanctorum ordinauerunt semetipsos : ut et vos subditi sitis ejusmodi, et omni cooperanti et laboranti. Cognoscite ergo qui ejusmodi sunt. (g) Viscera Titi abundantius in vos sunt, reminiscens omnium vestrum obedientiam, quomodo cum timore et tremore excepistis eum. (h) O insensati Galatæ ! quis vos fascinavit non obedire veritati, ante quorum oculos Jesus Christus proscriptus est, et in vobis crucifixus ? (i) Currebatis bene : quis vos impedivit veritati non obedire ? Neminus consenseritis. Persuasio hæc non est

(f) I Cor.
XVI, 15, 16,
18.

(g) II Cor.
VII, 15.

(h) Galat.
III, 1.

(i) Ibid. V,
7-9.

C ex eo qui vocat vos. Modicum fermentum totam massam corrumpit. (j) Itaque, carissimi mei, sicut semper obedistis, non in præsentia mea tantum, sed multo magis nunc in absentia mea. (k) Scitis enim quæ præcepta dederim vobis per Dominum Jesum. Itaque qui hæc spernit, non hominem spernit, sed Deum, qui etiam dedit Spiritum Sanctum suum in nobis. (l) Ideo, fratres, state, et tenete traditiones quas didicistis sive per sermonem, sive per epistolam nostram. (m) Confidimus autem de vobis in Domino, quoniam quæ præcepimus, et facitis et facietis. Quod si quis non obedierit verbo nostro per epistolam, hunc notate ; et ne commisceamini cum illo, ut confundatur ; et nolite sicut inimicum existimare, sed corripite ut fratrem.

(j) Philipp.
II, 12.

(k) I Thess.
IV, 2, 8.

(l) II Thess.
II, 15.

(m) Ibid. III,
4, 14, 15.

(n) Hoc præceptum commendo tibi, fili mi Timothee, secundum præcedentes in te prophetias, ut milites in illis bonam militiam, habens fidem et bonam conscientiam : quam quidam repellentes circa fidem

(n) I Tim. I,
18-20.

naufragaverunt. Ex quibus est Hymenæus et Alexander, quos tradidi Satanae, ut discant non blasphemare. (o) Præcipe hæc et doce. Nemo adolescentiam tuam contemnat. (p) Qui bene præsumt presbyteri, duplici honore digni habeantur, maxime qui laborant in verbo et doctrina. Dicit enim Scriptura : Non alligabis os bovi trituranti ; et : Dignus est operarius mercede sua. Testor coram Deo et Jesu Christo et electis angelis ejus, ut hæc custodias, sine præjudicio nihil faciens in aliam partem declinando. (q) Præcipio tibi coram Deo, qui vivificat omnia, et Christo Jesu, qui testimonium reddidit sub Pontio Pilato bonam confessionem, ut serves mandatum sine macula, irreprehensibile, usque in adventum Domini nostri Jesu Christi.

(r) Sunt enim multi inobedientes, et vaniloqui, et seductores, maxime qui de circumcissione sunt : quos oportet redargui, qui universas domos subvertunt, docentes quæ non oportet, turpis lueri gratia. Dixit quidam ex eis proprius eorum propheta : Cretenses semper mendaces, malæ bestiae, ventres pigri. Testimonium hoc verum est. Quam ob causam increpa illos dure, ut sani sint in fide, non intendentes Judaicis fabulis, et mandatis hominum aversantium se a veritate. (s) Hæc loquere et exhortare et argue cum omni imperio. Nemo te contemnat. (t) Admone illos principibus et potestatibus subditos esse, dicto obedire, et ad omne opus bonum paratos esse, neminem blasphemare, non litigiosos esse, sed modestos, omnem ostendentes mansuetudinem ad omnes homines. (u) Multam fiduciam habens in Christo Jesu imperandi tibi quod ad rem pertinet, propter caritatem magis obsecro. Confidens de obedientia tua scripsi tibi : sciens quoniam et super id quod dico, facies.

(v) Propterea abundantius nos observare oportet ea quæ audivimus, ne forte perfluamus. Si enim qui per angelos dictus est sermo, factus est firmus, et omnis

A prævaricatio et inobedientia accepit justam mercedis retributionem : quomodo nos effugiemus, si tantam neglexerimus salutem ? (w) Christus quum esset Filius Dei, didicit ex his quæ passus est, obedientiam ; et consummatus, factus est omnibus obtemperantibus sibi causa salutis æternæ. (x) Deinde patres quidem carnis nostræ habuimus eruditores, et reverbamur eos. Non multo magis obtemperabimus Patri spirituum, et vivemus ? Et illi quidem in tempore paucorum dierum, secundum voluntatem suam erudiebant nos ; hic ad id quod utile est, in recipiendo sanctificationem ejus. Videte ne recusetis loquentem. Si enim illi non effugerunt recusantes eum qui super terram loquebatur : multo magis nos qui de cœlis loquentem nobis avertimus. Cujus vox movit terram tunc, nunc autem repro-mittit, dicens : Adhuc semel, et ego movebo non solum terram, sed etiam cœlum. Quod autem Adhuc semel dicit, declarat mobilium translationem, tanquam factorum, ut maneat ea quæ sunt immobilia.

(y) Laudo autem vos, fratres, quod sicut tradidi vobis, præcepta mea tenetis.

CAPITULUM XV.

De pietate et misericordia.

(a) GAUDETE cum gaudentibus, flete cum flentibus. Si esurit inimicus tuus, eiba illum ; si sitit, potum da illi. Hæc enim faciens, carbones ignis congeres super caput ejus. (b) Infirmum autem in fide assume, non in disceptionibus cogitationum. (c) Debemus nos firmiores imbecillitatem infirmorum sustinere, et non nobis placere. Etenim Christus non sibi placuit, sed sicut scriptum est : Improperia impropertium tibi ceciderunt super me. Propter quod suscipite invicem, sicut Christus suscepit vos, in honorem Dei. (d) Probaverunt enim Macedonia et Achaia collationem aliquam facere in

pauperes sanctorum qui sunt in Jerusa-
(e) Rom. xvi, 1, 2. lem. (e) Commendo autem vobis Phœben
 sororem nostram, quæ est in ministerio
 Ecclesiæ quæ est Cenchris : ut eam sus-
 cipiatis in Domino digne sanctis, et ad-
 sistatis ei in quocumque negotio vestri
 indiguerit. Etenim ipsa quoque adstitit
 multis, et mihi ipsi.

(f) I Cor. xvi, 1-4. (f) De collectis autem quæ fiunt in san-
 ctos, sicut ordinavi in Ecclesiis Galatiæ, ita
 et vos facite per unam sabbati. Unusquis-
 que vestrum apud se reponat, recondens
 quod ei bene placuerit, ut non, quum ve-
 nero, tunc collectæ fiant. Quum autem
 præsens fuero, quos probaveritis per epi-
 stolas, hos mittam perferre gratiam ve-
 stram in Jerusalem. Quod si dignum fuerit
Ibid. 10, 11. ut et ego eam, mecum ibunt. Si autem
 venerit Timotheus, videte ut sine timore
 sit apud vos : opus enim Domini opera-
 tur, sicut et ego. Ne quis ergo illum sper-
 nat ; deducite autem illum in pace, ut
Ibid. 17, 18. veniat ad me. Gaudeo autem in præsentia
 Stephanæ, et Fortunati, et Achaici : quo-
 niam id quod vobis deerat ipsi suppleve-
 runt : refecerunt enim et meum spiritum
 et vestrum. (g) Si quis autem contristavit,
(g) II Cor. ii, 5-11. non me contristavit, sed ex parte, ut non
 onerem omnes vos. Sufficit illi qui ejus-
 modi est objurgatio hæc quæ fit a plu-
 ribus : ita ut econtrario magis donetis
 et consolemini, ne forte abundantiori tri-
 stitia absorbeatur qui ejusmodi est. Pro-
 pter quod obsecro vos, ut confirmetis in
 illum caritatem. Ideo enim scripsi vobis,
 ut cognoscam experimentum vestrum, an
 in omnibus obedientes sitis. Cui autem
 aliquid donastis, et ego. Nam et ego quod
 donavi, si quid donavi, propter vos in
 persona Christi : ut non circumveniamur
 a Satana. Non enim ignoramus cogitatio-
 nes ejus.

(h) Ibid. viii, 3-8. (h) Et ego secundum virtutem testimo-
 nium Ecclesiis Macedoniæ reddo, quia
 supra virtutem voluntarii fuerunt, cum
 multa exhortatione obsecrantes nos gra-
 tiam et communicationem ministerii quod
 fit in sanctos. Et non sicut speravimus,

A sed semetipsos dederunt primum Domi-
 no, deinde nobis per voluntatem Dei : ita
 ut rogaemus Titum, ut quemadmodum
 cœpit, ita et perficiat in vobis gratiam
 istam. Sed sicut in omnibus abundatis,
 fide, et sermone, et scientia, et omni sol-
 licitudine, insuper et caritate vestra in
 nos : ut et in hac gratia abundetis. Non
 quasi imperans dico, sed per aliorum sol-
 licitudinem etiam vestræ caritatis ingeni-
 um bonum comprobans. Et consilium in
 hoc do. Hoc enim vobis utile est, qui non
 B solum facere, sed et velle cœpistis ab
 anno priore. Nunc autem et facto perfi-
 cite, ut quemadmodum promptus est ani-
 mus voluntatis, ita sit et perficiendi ex eo
 quod habetis. Gratias autem Deo, qui de-
 dit eandem sollicitudinem pro vobis in
 corde Titi : quoniam sua voluntate pro-
 fectus est ad vos. Misimus autem cum eo
 fratrem cujus laus est in Evangelio per
 omnes Ecclesias : non solum autem, sed et
 ordinatus est ab Ecclesiis comes peregrina-
 tionis nostræ, in hac gratia quæ mini-
 stratur a nobis ad Domini gloriam et de-
 C destinatam voluntatem nostram : devitantes
 hoc, ne quis nos vituperet in hac pleni-
 tudine quæ ministratur a nobis. Provide-
 mus enim bona non solum coram Deo,
 sed etiam coram hominibus. Misimus cum
 illis fratrem nostrum, quem probavimus
 in multis sæpe sollicitum esse ; nunc au-
 tem multo sollicitiorem, confidentia multa
 in vos, sive pro Tito qui est socius meus
 et in vobis adjutor, sive fratres nostri
 Apostoli Ecclesiarum gloriæ Dei.

D (i) Nam de ministerio quod fit in san-
 ctos, ex abundanti est mihi scribere vo-
 bis. Scio enim promptum animum ve-
 strum : pro quo de vobis glorior apud
 Macedones, quoniam et Achaia parata est
 ab anno priore, et vestra æmulatio pro-
 vocavit plurimos. Misimus autem fratres,
 ne quod gloriamur pro vobis, evacuetur
 in hac parte, ut quemadmodum dixi, pa-
 ratu sitis : ne quum venerint mecum Ma-
 cedones, et invenerint vos imparatos, eru-
 bescamus nos, ut non dicamus vos, in

II Cor. viii,
10, 11.

Ibid. 16-23.

(i) Ibid. ix,
1-5.

haec substantia. Necessarium ergo existima-
vi rogare fratres, ut praeveniant ad vos,
et praeparant repromissam benedictionem
hanc paratam esse : sic quasi benedictio-
nem, non quasi avaritiam. Quoniam mi-
nisterium hujus officii non solum supplet
ea quæ desunt sanctis, sed etiam abundat
per multos in gratiarum actione in Do-
mino per probationem ministerii hujus,
glorificantes Deum in obedientia confes-
sionis vestrae, in Evangelio Christi, in sim-
plicitate communicationis in illos et in
omnes, et in ipsorum obsecratione pro
vobis, desiderantium vos propter eminentem gratiam Dei in vobis. (j) Utinam sus-
tineretis modicum quid insipientiæ meæ ;
sed et supportate me.

(j) *Ibid.* xi,
1.

(k) *Galat.*
vi, 2, 6, 1.

(k) Alter alterius onera portate, et sic
adimplebitis legem Christi. Communicet
autem is qui catechizatur verbo, ei qui se
catechizat, in omnibus bonis. Fratres, etsi
præoccupatus fuerit homo in aliquo deli-
cto, vos qui spirituales estis, hujusmodi
instruite in spiritu lenitatis, considerans
te ipsum, ne et tu tenteris. (l) Qui fura-
batur jam non furetur, magis autem la-
boret operando manibus suis quod bonum
est, ut habeat unde tribuat necessitatem
patienti. Estote invicem benigni, miseri-
cordes, donantes invicem sicut Deus in
Christo donavit vobis.

(l) *Ephes.*
iv, 28, 32.

(m) *Philip.*
ii, 25-30.

(m) Necessarium autem existima-
vi Epaphroditum fratrem, et cooperatorem et
commilitonem meum, vestrum autem apo-
stolum, et ministrum necessitatis meæ,
mittere ad vos : quoniam quidem omnes
vos desiderabat, et mœstus erat propterea
quod audieratis illum infirmatum. Nam et
infirmatus est usque ad mortem, sed Deus
misertus est ejus ; non solum autem ejus,
verum etiam mei, ne tristitiam super tri-
stitiam haberem. Festinantius ergo misi
illum, ut viso eo iterum gaudeatis, et ego
sine tristitia sim. Excipite itaque illum
cum omni gaudio in Domino, et ejusmo-
di in honore habetote, quoniam propter
opus Christi usque ad mortem accessit,
tradens animam suam, ut impleret id

A quod ex vobis deerat erga meum obse-
quium.

(n) Etiam rogo te, Germane compar, ad-
juva illas, quæ mecum laboraverunt in
Evangelio, cum Clemente et ceteris adju-
toribus meis, quorum nomina sunt in li-
bro vitæ. Gavisus sum autem in Domino
vehementer, quoniam tandem aliquando
refloruistis pro me sentire, sicut et sen-
tiebatis : occupati enim eratis. Non quasi
propter penuriam dico : ego enim didici
in quibus sum sufficiens esse. Verumta-

(n) *Philipp.*
ix, 3.

Ibid. ix, 11.

Ibid. ix, 14-18.

B men bene fecistis, communicantes tribu-
lationi meæ. Scitis autem et vos, Philip-
penses, quod in principio Evangelii, quando
profectus sum a Macedonia, nulla mihi
Ecclesia communicavit in ratione dati et
accepti, nisi vos soli : quia et Thessalo-
nicam semel et bis in usum mihi misi-
stis. Non quia quero datum, sed requiro
fructum abundantem in ratione vestra.
Habeo autem omnia et abundo ; repletus
sum acceptis ab Epaphrodito quæ misi-
stis, odorem suavitatis, hostiam acceptam,
Deo placentem.

C Deo placentem.

(o) Rogamus autem vos, fratres, consi-
lamini pusillanimes, suscipite infirmos.
(p) Non enim injustus est Deus, ut obli-
viseatur operis vestri, et dilectionis quam
ostendistis in nomine ipsius : quia mini-
strastis sanctis, et ministratis. Cupimus
autem unumquemque vestrum eandem
ostentare sollicitudinem ad expletionem
spei usque in finem. (q) Nam et vinetis
compassi estis. (r) Hospitalitatem autem
nolite oblivisci : per hanc enim placu-
erunt quidam, angelis hospitio receptis.

(o) *1 Thess.*
v, 14.

(p) *Hebr.* vi,
10, 11.

(q) *Ibid.* x,
34.
(r) *Ibid.* xiii,
2, 3

D erunt quidam, angelis hospitio receptis.
Mementote vinetorum, tanquam simul vin-
eti ; et laborantium, tanquam et ipsi in
corpore morantes. Beneficentiæ et com-
munionis nolite oblivisci : talibus enim
hostiis promeretur Deus. Rogo autem vos,
fratres, ut sufferatis verbum solatii. (s) Ex-
erce autem te ipsum ad pietatem. Nam
corporalis exercitatio ad modicum utilis
est ; pietas autem ad omnia utilis est,
promissionem habens vitæ quæ nunc est,
et futuræ.

Ibid. 16.

Ibid. 22.

(s) *1 Tim.* iv,
7, 8.

CAPITULUM XVI.

De temperantia et sobrietate, et corporis castigatione.

(a) *Rom.* viii, 12, 13. (a) **F**RATRES, debitores sumus non carni, ut secundum carnem vivamus. Si enim secundum carnem vixeritis, moriemini ; si autem spiritu facta carnis mortificaveritis, vivetis. (b) Obsecro vos itaque, fratres, per misericordiam Dei, ut exhibeatis corpora vestra hostiam viventem, sanctam, Deo placentem. (c) Et carnis curam ne feceritis in desideriis. (d) Qui autem infirmus est, olus manducet. (e) Bonum est non manducare carnem, et non bibere vinum. (f) Ego igitur castigo corpus meum, et in servitutem redigo : ne forte quum aliis prædicaverim, ipse reprobus efficiar. (g) Idcirco exhibeamus nos sicut Dei ministros in vigiliis, in jejuniis, in castitate. (h) Et mundemus nos ab omni inquinamento carnis et spiritus. (i) Dico autem : Spiritu ambulate, et desideria carnis non perficietis. Caro enim concupiscit adversus spiritum, spiritus autem adversus carnem. Hæc enim sibi invicem adversantur, ut non quæcumque vultis, illa faciatis. Qui autem sunt Christi, carnem suam crucifixerunt cum vitiis et concupiscentiis. (j) In quibus aliquando ambulastis secundum sæculum mundi hujus, secundum principem potestatis aeris hujus, spiritus qui nunc operatur in filios diffidentiae : in quibus et nos omnes aliquando conversati sumus in desideriis carnis nostræ, facientes voluntatem carnis et cogitationum ; et eramus natura filii iræ, sicut et ceteri. (k) Hoc igitur dico et testificor in Domino, ut jam non ambuletis sicut et gentes ambulant, in vanitate sensus sui : tenebris obscuratum habentes intellectum, alienati a via Dei, per ignorantiam quæ est in illis, propter cæcitatem cordis ipsorum ; qui desperantes, semetipsos tradiderunt impudicitiae in operationem immunditiae omnis, in avaritiam. Vos autem non ita didicistis

A Christum : si tamen illum audistis, et in ipso edocti estis, sicut est veritas in Jesu : deponere vos secundum pristinam conversationem veterem hominem, qui corrumpitur secundum desideria erroris. (l) Multi enim ambulant, quos sæpe dicebam vobis, nunc autem et flens dico, inimicos crucis Christi : quorum finis interitus, quorum deus venter est, et gloria in confusione ipsorum, qui terrena sapiunt.

(m) Mortificate ergo membra vestra quæ sunt super terram, fornicationem, immunditiam, libidinem, concupiscentiam malam : propter quæ venit ira Dei in filios incredulitatis ; in quibus et vos ambulastis aliquando, quum viveretis in illis. (n) Hæc est autem voluntas Dei, sanctificatio vestra : ut abstineatis vos a fornicatione ; ut sciat unusquisque vas suum possidere in sanctificatione et honore, et non in passione desiderii sicut et gentes quæ ignorant Deum. (o) Igitur non dormiamus sicut et ceteri ; sed vigilemus, et sobrii simus. (p) Te ipsum castum custodi. Noli adhuc aquam bibere ; sed modico vino utere, propter stomachum tuum, et frequentes infirmitates tuas. (q) Sobrius esto. (r) Ne quis fornicator, aut profanus, ut Esau, qui propter unam escam vendidit primitiva sua. Scitote enim quoniam postea cupiens hereditare benedictionem, reprobatus est. Non enim invenit pœnitentiæ locum, quanquam cum lacrimis inquisisset eam. (s) Nolite ergo inebriari vino, in quo est luxuria.

CAPITULUM XVII.

Contra vitia carnis.

(a) **S**ERVIERUNT creaturæ potius quam Creatori. Propterea tradidit illos Deus in passiones ignominiae. Nam feminae eorum immutaverunt naturalem usum, in eum usum qui est contra naturam. Similiter autem et masculi, relicto usu naturali feminae, exarserunt in desideriis

suis in invicem, masculi in masculos tur-
pitudinem operantes; et mercedem, quam
oportuit, erroris sui in semetipsis reci-
pientes. (b) Non ergo regnet peccatum in
vestro mortali corpore, ut obediat con-
cupiscentiis ejus. Humanum dico, propter
infirmi-
tatem carnis vestrae. Sicut exhibu-
istis membra vestra servire immunditiae
et iniquitati, ad iniquitatem; ita nunc
exhibete membra vestra servire justitiae,
in sanctificationem. Quem ergo fructum
habuistis tunc, in quibus nunc erubesci-
tis? Nam finis illorum mors est. Stipendia

(b) *Rom.* vi,
12.

Ibid. 19, 21,
23.

(c) *Ibid.* viii,
8, 9, 12, 13.

(d) *Ibid.* xiii,
13, 14.

(e) *I Cor.* v,
1-4, 6, 9-11.

enim peccati mors. (c) Qui autem in carne
sunt, Deo placere non possunt. Vos au-
tem in carne non estis, sed in spiritu: si
tamen Spiritus Dei habitat in vobis. Ergo
debitores sumus non carni, ut secundum
carnem vivamus. Si enim secundum car-
nem vixeritis, moriemini; si autem spi-
ritu facta carnis mortificaveritis, vivetis.
(d) Non in comessionibus et ebrietati-
bus, non in cubilibus et impudiciis; sed
induimini Dominum Jesum.

(e) Omnino auditur inter vos fornicatio,
et talis fornicatio, qualis nec inter gentes,
ita ut uxorem patris sui aliquis habeat.
Et vos inflati estis; et non magis luctum
habuistis, ut tollatur de medio vestrum
qui hoc opus fecit. Ego quidem absens
corpore, praesens autem spiritu, jam ju-
dicavi ut praesens eum qui sic operatus
est, in nomine Domini nostri Jesu Chri-
sti. Non est bona gloriatio vestra. Nescitis
quia modicum fermentum totam massam
corrumpit? Scripsi vobis in epistola, ne
commisceamini fornicariis: non utique
fornicariis hujus mundi, aut avaris, aut
rapacibus, aut idolis servientibus; alioqui
debueratis de hoc mundo jam exisse. Nunc
autem scripsi vobis non commisceri. (f) Es-
ca ventri, et venter escis: Deus autem
et hunc et has destruet. Corpus non for-
nicationi, sed Domino, et Dominus cor-
pori. Nescitis quoniam corpora vestra
membra sunt Christi? Tollens ergo mem-
bra Christi, faciam membra meretricis?
Absit. An nescitis quoniam qui adhæret

(f) *Ibid.* vi,
13, 15, 16,
18.

meretrici, unum corpus efficitur? Erunt
enim, inquit, duo in carne una. Fugi-
te fornicationem. Omne enim peccatum
quodcumque fecerit homo, extra corpus
est; qui autem fornicatur, in corpus suum
peccat.

(g) Manifesta sunt opera carnis, quae
sunt fornicatio, immunditia, impudicitia,
luxuria, idolorum servitus, veneficia, ini-
micitia, contentiones, æmulationes, iræ,
rixæ, dissensiones, sectæ, invidiæ, ebrie-
tates, comessiones, et his similia: quae
prædico vobis, sicut prædixi, quoniam qui
talita agunt, regnum Dei non consequen-
tur. (h) Fornicatio autem, et omnis im-
munditia, aut avaritia, nec nominetur in
vobis, sicut decet sanctos; aut turpitude,
aut stultiloquium, aut scurrilitas, quae ad
rem non pertinet; sed magis gratiarum
actio. Hoc enim scitote intelligentes, quod
omnis fornicator aut immundus, aut ava-
rus, quod est idolorum servitus, non ha-
bet hereditatem in regno Christi et Dei.
Propter hæc enim venit ira Dei in filios

(g) *Galat.*
v, 19-21.

(h) *Ephes.*
v, 3-6.

diffidentiae. (i) Non enim vocavit nos Deus
in immunditiam, sed in sanctificationem.
(j) Fornicatores enim et adulteros judica-
bit Deus.

(i) *1 Thess.*
iv, 7.

(j) *Hebr.*
xiii, 4.

CAPITULUM XVIII.

*De fortitudine, stabilitate, atque
constantia cordis.*

(a) **I**TAQUE, fratres mei dilectissimi, sta-
biles estote et immobiles, abundan-
tes in opere Domini semper, scientes quod
labor vester non est inanis in Domino.
(b) Idecirco jam non simus parvuli flu-
ctuantes, et circumferamur omni vento
doctrinae, in nequitia hominum, in astutia
ad circumventionem erroris. (c) De cete-
ro, fratres, confortamini in Domino, et in
potentia virtutis ejus. Induite vos arma-
turam Dei, ut possitis stare adversus in-
sidias diaboli: quia non est nobis collu-
ctatio adversus carnem et sanguinem; sed

(a) *1 Cor.*
xv, 58.

(b) *Ephes.*
iv, 14.

(c) *Ibid.* vi,
10-18.

adversus principes et potestates, adversus mundi rectores tenebrarum harum, contra spiritualia nequitiae in coelestibus. Propterea accipite armaturam Dei, ut possitis resistere in die malo, et in omnibus perfecti stare. State ergo succincti lumbos vestros in veritate, et induti loriceam justitiae, et calceati pedes in praeparatione Evangelii pacis : in omnibus sumentes scutum fidei, in quo possitis omnia tela nequissimi ignea extinguere. Et galeam salutis assumite, et gladium spiritus, quod est verbum Dei : per omnem orationem et obsecrationem orantes omni tempore in spiritu.

(d) *Coloss.*
1, 23.

(e) *Ibid.* II,
6, 7.

(f) *1 Thess.*
v, 8-10.

(g) *II Thess.*
II, 1, 2.

(h) *Ibid.* III,
3, 13.

(i) *II Tim.*
II, 1.

(j) *Hebr.*
III, 6-10, 14.

(d) Permanete in fide fundati, et stabiles, et immobiles a spe Evangelii quod audistis et praedicatum est in universa creatura quae sub coelo est. (e) Sicut ergo accepistis Christum Jesum Dominum nostrum, in ipso ambulate, radicati et superaedificati in ipso, et confirmati in fide, sicut et didicistis, abundantes in illo in gratiarum actione. (f) Induti loriceam fidei et caritatis, et galeam spem salutis : quoniam non posuit nos Deus in iram, sed in acquisitionem salutis per Dominum nostrum Jesum Christum, qui mortuus est pro nobis, ut sive vigilemus sive dormiamus, simul cum illo vivamus. (g) Rogamus autem vos, fratres, per adventum Domini nostri Jesu Christi et nostrae congregationis in ipsum, ut non cito moveamini a vestro sensu, neque terreamini, neque per spiritum, neque per sermonem, neque per epistolam tanquam per nos missam : quasi instet dies Domini. (h) Fidelis autem Dominus, qui confirmabit vos, et custodiet a malo. Vos autem, fratres, nolite deficere benefacientes. (i) Tu ergo, fili mi, confortare in gratia quae est in Christo Jesu.

(j) Fiduciam et gloriam spei usque in finem firmam retineamus. Quapropter, sicut dicit Spiritus Sanctus : Hodie si vocem ejus audieritis, nolite obdurare corda vestra, sicut in exacerbatione, secundum diem tentationis in deserto, ubi tenta-

verunt me patres vestri, probaverunt et viderunt opera mea quadraginta annis. Participes enim Christi effecti sumus, si tamen initium substantiae ejus usque in finem firmum retineamus, dum dicitur, Hodie si vocem ejus audieritis, nolite obdurare corda vestra quemadmodum in illa exacerbatione. (k) Doctrinis variis et peregrinis nolite abduci. Optimum est enim gratia stabiliri cor, non escis, quae non profuerunt ambulantibus in eis. (l) In carne ambulantes, non secundum carnem militamus. Nam arma militiae nostrae non carnalia sunt, sed potentia Deo ad destructionem munitionum, consilia destruentes et omnem altitudinem extollentem se adversus scientiam Dei, et in captivitatem redigentes omnem intellectum in obsequium Christi, et in promptu habentes ulcisci omnem inobedientiam, quum impleta fuerit vestra obedientia.

(k) *Hebr.*
XIII, 9.

(l) *II Cor.*
X, 3-6.

CAPITULUM XIX.

Contra avaritiam, et de liberalitate.

(a) **A**VARITIA nec nominetur in vobis : quia avarus, quod est idolorum servitus, non habet hereditatem in regno Christi et Dei. (b) Ideo propter Christum omnia detrimentum feci, et arbitror ut stercora, ut Christum lucrifaciam. (c) Veritate privati existimant quæstum esse pietatem. Est autem quæstus magnus pietas cum sufficientia. Nihil enim intulimus in hunc mundum, haud dubium, quia nec auferre quid possumus. Habentes autem alimenta et quibus tegamur, his contenti simus. Nam qui volunt divites fieri, incidunt in tentationem et laqueum diaboli, et desideria multa et inutilia et nociva quae mergunt homines in interitum et perditionem. Radix enim omnium malorum est cupiditas : quam quidam appetentes erraverunt a fide, et inseruerunt se doloribus multis. Tu autem, o homo Dei, hæc fuge. Divitibus hujus sæculi præ-

(a) *Ephes.*
v, 3, 5.

(b) *Philipp.*
III, 8.

(c) *1 Tim.*
vi, 3-11.

Ibid. 17-19.

cipe non subline sapere, nec sperare in A incerto divitiarum, sed in Deo vivo, qui præstat omnia nobis abundanter ad fruendum; bene agere, divites fieri in operibus bonis, facile tribuere, communicare, thesaurizare sibi fundamentum bonum in futurum, ut apprehendant veram vitam.

(d) *Hebr.*
xiii, 5, 6.

(e) *Philipp.*
ii, 21.

(d) Sint mores sine avaritia, contenti præsentibus. Ipse enim dixit: Non te deseram, neque derelinquam. Ita ut confidenter dicamus: Dominus mihi adjutor, non timebo quid faciat mihi homo. (e) Sed omnes quæ sua sunt quærunt, non quæ Jesu Christi.

CAPTULUM XX.

*De exemplaritate servanda, et
scandalis evitandis.*

a *Rom.* ii,
17-24.

(a) **S**I autem tu Judæus cognominaris, et requiescis in lege, et gloriaris in Deo, et nosti voluntatem ejus, et probas utiliora, instructus per legem, confidis te ipsum ducem esse cæcorum, lumen eorum qui in tenebris sunt, eruditorem insipientium, magistrum infantium, habentem formam et scientiam veritatis in lege. Qui alium doces, te ipsum non doces? Qui prædicas non furandum, furaris? Qui dicis non mœchandum, mœcharis? Qui abominaris idola, sacrilegium facis? Qui in lege gloriaris, per prævaricationem legis Deum inhonoras? Nomen enim Dei per vos blasphematur inter gentes.

(b) *Ibid.* xiv,
13-21.

(b) Ne ponatis offendiculum fratri, vel scandalum. Scio et confido in Domino Jesu, quia nihil commune per ipsum, nisi ei qui existimat quid commune esse, illi commune est. Si enim propter cibum frater tuus contristatur, jam non secundum caritatem ambulas. Noli cibo tuo illum perdere pro quo Christus mortuus est. Non ergo blasphemetur bonum nostrum. Non enim est regnum Dei esca et potus, sed justitia et pax et gaudium in Spiritu Sancto. Qui enim in hoc servit Christo,

placet Deo, et probatus est hominibus. Itaque, quæ ædificationis sunt, invicem custodiamus. Noli propter escam destruere opus Dei. Omnia quidem munda sunt; sed malum est homini qui per offendiculum manducat. Bonum est non manducare carnem, aut non bibere vinum, neque in quo frater tuus offenditur, aut scandalizatur, aut infirmatur. (c) Unusquisque proximo suo placeat in bonum ad ædificationem. (d) Rogo autem, fratres, ut observetis eos qui dissensiones vel offendicula, præter doctrinam quam vos didicistis, faciunt, et declinate ab illis. Hujusmodi enim Christo Domino non serviunt, sed suo ventri; et per dulces sermones et benedictiones seducunt corda innocentium.

(e) Quidam autem cum conscientia usque nunc idoli, quasi idolothyrum manducant: et conscientia ipsorum quum sit infirma, polluitur. Esca autem nos non commendat Deo. Neque enim si non manducaverimus, deficiemus, neque si manducaverimus, abundabimus. Videte autem ne hæc licentia vestra offendiculum fiat infirmis. Si enim quis viderit eum qui habet scientiam, in idolio recumbentem, nonne conscientia ejus quum sit infirma, ædificabitur ad manducandum idolothyta? Et peribit infirmus in tua scientia, frater, propter quem Christus mortuus est? Sic autem peccantes in fratres, et percutientes conscientiam eorum infirmam, in Christum peccatis. Quapropter si esca scandalizat fratrem meum, non manducabo carnem in æternum, ne fratrem meum scandalizem. (f) Omnia mihi licent, sed non omnia expediunt. Omnia mihi licent, sed non omnia ædificant. Omne quod in macello venit, manducate, nihil interrogantes propter conscientiam. Domini enim est terra, et plenitudo ejus. Si quis vocat vos infidelium ad cœnam, et vultis ire: omne quod vobis apponitur, manducate, nihil interrogantes propter conscientiam. Si quis autem dixerit, Hoc immolatum est idolis: nolite manducare

(c) *Rom.* xv,
2.

(d) *Ibid.* xvi,
17, 18.

(e) *1 Cor.*
xiii, 7-13.

(f) *Ibid.* x,
22, 23.

Ibid. 25-30,
32, 33.

propter illum qui indicavit, et propter A conscientiam : conscientiam autem dico, non tuam, sed alterius. Ut quid enim libertas mea iudicatur ab aliena conscientia? Si ego cum gratia participo, quid blasphemor pro eo quod gratias ago? Si ne offensione estote Judæis et gentibus : sicut et ego per omnia omnibus placeo, non quærens quod mihi utile est, sed quod multis, ut salvi fiant. (g) Omnia ad ædificationem fiant.

(g) I Cor. XIV, 26.

(h) II Cor. IV, 2.

(h) Ideo abdicamus occulta dedecoris, non ambulantes in astutia, neque adulterantes verbum Dei; sed in manifestatione veritatis commendantes nosmetipsos ad omnem conscientiam hominum coram

(i) Ibid. VI, 3.

Deo. (i) Nemini dantes ullam offensionem, ut non vituperetur ministerium nostrum.

(j) Ibid. VII, 2.

(j) Capite nos : neminem læsimus, neminem corrumpimus, neminem circumvenimus. (k) Devitantes hoc, ne quis nos vituperet in hac plenitudine quæ ministratur a nobis. Providemus enim bona non solum coram Deo, sed etiam coram

(k) Ibid. VIII, 20, 21.

hominibus. (l) Omnia autem, carissimi, propter vestram ædificationem.

(l) Ibid. XII, 19.

(m) Galat. V, 15.

(m) Quod si invicem mordetis et comeditis, videte ne ab invicem consumamini.

(n) Ephes. IV, 29.

(n) Omnis sermo malus ab ore vestro non procedat, sed qui bonus est ad ædificationem fidei, ut det gratiam audientibus.

(o) I Thess. IV, 11.

(p) Ibid. V, 11.

(q) II Thess. III, 6-9.

(o) Et honeste ambuletis ad eos qui foris sunt. (p) Propter quod ædificate alterutrum, sicut et facitis. (q) Denuntiamus vobis, fratres, in nomine Domini nostri

Jesu Christi, ut subtrahatis vos ab omni fratre ambulante inordinate, et non secundum traditionem quam acceperunt a nobis. Ipsi enim scitis quemadmodum oporteat imitari nos, quoniam non inquieti sumus inter vos; neque gratis manducavimus panem ab aliquo, sed in labore et fatigatione, nocte et die operantes, ne quem vestrum gravaremus. Non quasi non habuerimus potestatem, sed ut nosmetipsos daremus formam vobis, ad imitandum nos. (r) Exemplum esto fidelium, in verbo, in conversatione, in caritate, in

(r) I Tim. IV, 12.

fide, in castitate. Hæc meditare, in his esto, ut profectus tuus manifestus sit omnibus. (s) In omnibus te ipsum præbe exemplum bonorum operum, in doctrina, in integritate, in gravitate. (t) Communicatio fidei tuæ evidens fiat in agnitione omnis boni in Christo Jesu. (u) Nam omnia sustinemus, ne quod offendiculum demus Evangelio Christi. (v) Modestia autem vestra nota sit omnibus hominibus.

I Tim. IV, 15.

(s) Tit. II, 7.

(t) Philem. 6.

(u) I Cor. IX, 12.

(v) Philipp. IV, 5.

CAPITULUM XXI.

Exhortatio ad pacem atque concordiam, et contra dissensionem et contentionem.

(a) QUÆ pacis sunt sectemur. (b) Deus autem patientiæ det vobis id ipsum sapere in alterutrum secundum Jesum Christum, ut unanimes, uno ore honorificetis Deum et Patrem Domini nostri Jesu Christi. (c) Obsecro autem vos, fratres, per nomen Domini nostri Jesu Christi, ut id ipsum dicatis omnes, et non sint in vobis schismata; sitis autem perfecti in eodem sensu, et in eadem scientia. Significatum est enim mihi de vobis, fratres mei, ab his qui sunt Chloes, quia contentiones sunt inter vos. Hoc autem dico, quod unusquisque vestrum dicit : Ego quidem sum Pauli; ego autem Apollo; ego vero Cephæ; ego autem Christi. Divisus est Christus? Numquid Paulus crucifixus est pro nobis? aut in nomine Pauli baptizati estis? Gratias ago Deo meo, quod neminem vestrum baptizavi nisi Crispum et Caium : ne quis dicat, quod in nomine meo baptizati sitis. (d) Et ego, fratres, non potui vobis loqui quasi spiritualibus, sed quasi carnalibus. Tanquam parvulis in Christo, lac vobis potum dedi, non escam : nondum enim poteratis. Sed nec nunc quidem potestis : adhuc enim carnales estis. Quum enim sit inter vos zelus et contentio, nonne carnales estis, et secundum hominem ambulatis? Quum enim quis dicat, Ego quidem sum Pauli; alius

(a) Rom. XIV, 19.

(b) Ibid. XV, 5, 6.

(c) I Cor. I, 10, 13.

(d) Ibid. III, 1-8.

autem, Ego Apollo : nonne homines estis ? A Quid igitur est Apollo ? quid vero Paulus ? Ministri ejus cui credidistis : et unicuique sicut Dominus dedit. Ego plantavi, Apollo rigavit ; sed Deus incrementum dedit. Itaque neque qui plantat est aliquid, neque qui rigat ; sed qui incrementum dat, Deus. Qui plantat autem et qui rigat, unum sunt. Itaque nemo gloriatur in hominibus. Omnia enim vestra sunt, sive Paulus, sive Apollo, sive Cephas, sive mundus, sive vita, sive mors, sive præsentia, sive futura. Omnia enim vestra sunt ; vos B autem Christi, Christus autem Dei.

1 Cor. iii,
21-23.

(e) Ibid. iv,
1, 2, 6-8.

(e) Sic nos existimet homo ut ministros Christi, et dispensatores mysteriorum Dei. Hic jam quæritur inter dispensatores, ut fidelis quis inveniatur. Hæc autem, fratres, transfiguravi in me et Apollo propter vos, ut in nobis discatis, ne supra quam scriptum est, unus adversus alterum infletur pro alio. Quis enim te discernit ? Jam saturati estis, jam divites facti estis. Sine nobis regnatis : et utinam regnetis,

(f) Ibid. vii,
15.

(g) Ibid. xi,
16-22.

ut et nos vobiscum regnemus. (f) In pace enim vocavit nos Deus. (g) Si quis autem videtur contentiosus esse, nos talem consuetudinem non habemus, neque Ecclesia Dei. Hoc autem præcipio ; non laudans, quod non in melius, sed in deterius convenitis. Primum quidem convenientibus vobis in ecclesiam, audio scissuras esse : et ex parte credo. Nam oportet hæreses esse, ut et qui probati sunt manifesti fiant in vobis. Convenientibus ergo vobis in unum, jam non est dominicam Cœnam manducare : unusquisque enim suam cœnam præsumit ad manducandum. Et alius quidem esurit, alius autem ebrius est. Numquid domos non habetis ad manducandum et bibendum ? Aut ecclesiam Dei contemnitis, et confunditis eos qui non habent. Quid dicam vobis ? Laudo vos ? In

(h) Ibid. xiv,
33.

(i) Galat.
vi, 16.

hoc non laudo. (h) Non est enim dissensionis Deus, sed pacis : sicut in omnibus Ecclesiis sanctorum doceo. (i) Et quicumque hanc regulam secuti fuerint, pax super illos, et misericordia, et super Israel Dei.

(j) Tantum digne Evangelio Christi conversamini, ut sive quum venero et videro vos, sive absens audiam de vobis, quia statis in uno spiritu unanimes, collaborantes fidei Evangelii. (k) Si qua ergo consolatio in Christo, si quod solatium caritatis, si qua societas spiritus, si qua viscera miserationis : implete gaudium meum, ut idem sapiatis, eandem caritatem habentes, unanimes, id ipsum sentientes. (l) Verumtamen ad quod pervenimus, ut idem sapiamus, et in eadem permaneamus regula. (m) Evodiam rogo, et Syntichen deprecor, id ipsum sapere in Domino. (n) Et pax Christi exsultet in cordibus vestris, in qua et vocati estis in uno corpore. (o) Noli verbis contendere : ad nihil enim utile est, nisi ad subversionem audientium. Stultas autem et sine disciplina quæstiones devita, sciens quoniam generant lites. Servum autem Dei non oportet litigare, sed mansuetum esse ad omnes. (p) Stultas autem quæstiones, et genealogias, et contentiones, et pugnas legis devita : sunt enim inutiles et vanæ. (j) Philipp. 1, 27. (k) Ibid. ii, 1, 2. (l) Ibid. iii, 16. (m) Ibid. iv, 2. (n) Coloss. iii, 15. (o) II Tim. ii, 14. (p) Ibid. 23, 24. (p) Tit. iii, 9.

CAPITULUM XXII.

Contra temeraria et inordinata judicia.

(a) **I**NEXCUSABILIS es, o homo omnis qui judicas : in quo enim judicas alterum, te ipsum condemnas ; eadem agis quæ judicas. Scimus enim quoniam iudicium Dei est secundum veritatem in eos qui talia agunt. Existimas autem hoc, o homo omnis qui judicas eos qui talia agunt et facis ea, quia tu effugies iudicium Dei ? An divitias bonitatis ejus, et patientiæ, et longanimitatis contemnis ? Ignoras quoniam benignitas Dei ad pœnitentiam te adducit ? Secundum duritiam autem tuam, et impœnitens cor, thesaurizas tibi iram in die iræ et revelationis justi iudicii Dei. (b) Alius credit se manducare omnia. Is qui manducat, non manducantem non spernat. Et qui non man-

(a) Rom. ii,
1-5.

(b) Ibid. xiv,
2-6.

ducat, manducantem non judicet : Deus enim illum assumpsit. Tu quis es qui judicas alienum servum? Suo domino stat aut cadit. Stabit autem : potens est enim Deus statuere illum. Nam alius judicat diem inter diem ; alius judicat omnem diem. Unusquisque in suo sensu abundet. Qui sapit diem, Domino sapit. Et qui manducat, Domino manducat : gratias enim agit Deo. Tu autem, quid judicas fratrem tuum? Aut tu, quare spernis fratrem tuum? Omnes enim stabimus ante tribunal Christi. Scriptum est enim : Vivo ego, dicit Dominus, quoniam mihi flectetur omne genu, et omnis lingua confitebitur Domino. Itaque unusquisque nostrum pro se rationem reddet Deo. Non ergo amplius invicem judicemus ; sed hoc judicate magis, ne ponatis offendiculum fratri aut scandalum. Beatus qui non judicat semetipsum in eo quod probat.

Rom. XIV.
10-13.

Ibid. 22.

(c) I Cor. IV,
3-5.

(d) Ibid. V,
12, 13.

(e) Ibid. VI,
1-9.

(c) Mihi autem pro minimo est ut a vobis judicer, aut ab humano die ; sed neque me ipsum judico. Nihil enim mihi conscius sum, sed non in hoc justificatus sum. Qui autem judicat me, Dominus est. Itaque nolite ante tempus judicare, quoadusque veniat Dominus, qui et illuminabit abscondita tenebrarum, et manifestabit consilia cordium : et tunc laus erit unicuique a Deo. (d) Quid enim mihi de his qui foris sunt judicare? Nonne de his qui intus sunt vos judicatis? Nam eos qui foris sunt, Deus judicabit. (e) Audet aliquis vestrum habens negotium judicari apud iniquos, et non apud sanctos? An nescitis quoniam sancti de hoc mundo judicabunt? Et si in vobis judicabitur mundus, indigni estis qui de minimis judicetis? Nescitis quoniam angelos judicabimus? quanto magis sæcularia? Sæcularia igitur judicia si habueritis, contemptibiles qui sunt in Ecclesia, illos constituite ad judicandum. Ad verecundiam vestram dico. Sic non est inter vos sapiens quisquam, qui possit judicare inter fratrem suum? Sed frater cum fratre in iudicio contendit : et hoc, apud infideles? Jam

A quidem omnino delictum est in vobis, quod judicia habetis inter vos. Quare non magis injuriam accipitis? Quare non magis fraudem patimini? Sed vos injuriam facitis et fraudatis : et hoc, fratribus. An nescitis quoniam impii regnum Dei non possidebunt.

(f) Quod si nosmetipsos dijudicaremus, non utique judicaremur. Dum autem judicamur a Domino, corripimur, ut non cum hoc mundo damnemur. (g) Ab his autem qui videbantur aliquid esse, quales aliquando fuerint, nihil mea interest. Deus personam hominis non accipit. (h) Nemo ergo vos judicet in cibo, aut in potu, aut in parte diei festi, aut neomeniæ, aut sabbatorum, quæ sunt umbra futurorum, corpus autem Christi.

(f) I Cor. XI,
31, 32.

(g) Galat.
II, 6.

(h) Coloss.
II, 16, 17.

CAPITULUM XXIII.

De spirituali profectu et perfectione.

C (a) NESCITIS quod hi qui in stadio currunt, omnes quidem currunt, sed unus accipit bravium? Sic currite ut comprehendatis. Omnis enim qui in agone contendit, ab omnibus se abstinet : et illi quidem, ut corruptibilem coronam accipiant, nos autem incorruptam. Ego igitur sic curro, non quasi in incertum ; sic pugno, non quasi aerem verberans. (b) Æmulamini autem charismata meliora. (c) Quum essem parvulus, loquebar ut parvulus, sapiebam ut parvulus, cogitabam ut parvulus ; quando autem factus sum vir, evacuavi quæ erant parvuli. (d) Sic et vos, quoniam æmulatores estis spirituum, ad ædificationem Ecclesiæ quærite ut abundetis. (e) Adjuvantes autem exhortamur ne in vacuum gratiam Dei recipiatis. Ait enim : Tempore accepto exaudivi te, et in die salutis adjuvi te. Ecce nunc tempus acceptabile, ecce nunc dies salutis. (f) Potens est enim Deus omnem gratiam abundare facere in vobis, ut in omnibus semper omnem sufficientiam habentes, abundetis

(a) I Cor. IX,
24-26.

(b) Ibid. XII,
31.

(c) Ibid. XIII,
11.

(d) Ibid. XIV,
12.

(e) II Cor.
VI, 1, 2.

(f) Ibid. IX,
8-11.

in omne opus bonum, sicut scriptum est : A Dispersit, dedit pauperibus; justitia ejus manet in sæculum sæculi. Qui autem administrat semen seminanti, et panem ad manducandum præstabit, et multiplicabit semen vestrum, et augebit incrementa frugum justitiæ vestræ : ut in omnibus locupletati, abundetis in omnem simplicitatem, quæ operatur per vos gratiarum actionem Deo.

(g) *Galat.*
iv, 18.

(g) Bonum autem æmulamini in bono semper, et non tantum quum præsens sum

(h) *Ephes.*
iv, 15.

apud vos. (h) Veritatem autem facientes, in caritate crescamus in illo per omnia

(i) *Ibid.*, v.
8-10.

qui est caput Christus. (i) Eratis enim aliquando tenebræ, nunc autem lux in Domino. Ut filii lucis ambulate : fructus enim lucis est in omni bonitate, et justitia, et veritate; probantes quid sit bene-

(j) *Galat.*
v, 22, 23.

placitum Deo. (j) Fructus autem Spiritus est caritas, gaudium, pax, patientia, longanimitas, bonitas, benignitas, mansuetudo, fides, modestia, continentia, castitas.

(k) *1 Thess.*
iv, 1.

Adversus hujusmodi non est lex. (k) De cetero ergo, fratres, rogamus vos, et obsecramus in Domino Jesu, ut quemadmodum accepistis a nobis quomodo vos oporteat ambulare et placere Deo, sic et ambuletis,

(l) *Hebr.*
vi, 1-3.

ut abundetis magis. (l) Quapropter intermittentes inchoationis Christi sermonem, ad perfectionem feramur : non rursus jacentes fundamentum pœnitentiæ ab operibus mortuis et fidei ad Deum, baptismatum doctrinæ, impositionis quoque manuum, ac resurrectionis mortuorum, et judicii æterni. Et hoc ergo faciemus, si

Ibid., 9, 11,
12.

quidem permiserit Deus. Confidimus autem de vobis, dilectissimi, meliora et viciniora saluti, tametsi ita loquimur. Cupimus autem ut non segnes efficiamini, verum imitatores eorum qui fide et patientia hereditabunt promissiones.

(m) *Philip.*
iii, 12-15.

(m) Non quod jam acceperim, aut perfectus sim : sequor autem si quo modo comprehendam, in quo et comprehensus sum a Christo Jesu. Fratres, ego me non arbitror comprehendisse. Unum autem, quæ quidem retro sunt obliviscens, ad ea vero

quæ sunt priora extendens me ipsum, ad destinatum persequor, ad bravium supernæ vocationis Dei in Christo Jesu. Quicumque ergo perfecti sumus, hoc sentiamus.

Et si quid aliter sapitis, et hoc vobis Deus revelabit. (n) Perfectorum autem est solidus cibus : eorum qui pro consuetudine exercitatos habent sensus ad discretionem boni et mali. (o) Perficientes sanctificationem, in timore Dei. (p) Ideo, fratres, nolite pueri effici sensibus, sed malitia parvuli estote; sensibus autem perfecti sitis.

(n) *Hebr.*, v,
14.

(o) *11 Cor.*
viii, 1.

(p) *1 Cor.*
xiv, 20.

B (q) Nunc ergo liberati a peccato, servi autem facti Deo, habetis fructum vestrum in sanctificationem, finem vero vitam æternam. Gratia autem Dei vita æterna in Christo Jesu. (r) An nescitis quoniam membra

(q) *Rom.*, vi,
22, 23.

(r) *1 Cor.*, vi,
19, 20.

vestra templum est Spiritus Sancti, qui in vobis est, quem habetis a Deo, et non estis vestri? Empti enim estis pretio magno. Glorificate ergo et portate Deum in corpore vestro. (s) Primus homo de terra,

(s) *Ibid.*, xv,
47-50.

terrenus; secundus de cœlo, cœlestis. Qualis terrenus, tales et terreni; et qualis cœ-

C lestis, tales et cœlestes. Igitur, sicut portavimus imaginem terreni, portemus et imaginem cœlestis. Hoc autem dico, fratres, quod caro et sanguis regnum Dei possidere non possunt; neque corruptio incorruptelam possidebit.

(t) Christo confixus sum cruci. Vivo autem, jam non ego; vivit vero in me Christus, qui dilexit me, et tradidit semetipsum propter me. Non abjicio gratiam Dei. (u) De cetero nemo mihi molestus sit. Ego stigmata Domini Jesu in corpore meo

(t) *Galat.*
ii, 19-21.

(u) *Ibid.*, vi,
17.

D porto. (v) Salutat vos Epaphras, qui est ex vobis, servus Christi Jesu, semper sollicitus pro vobis in orationibus, ut stetis perfecti et pleni in omni voluntate Dei

(v) *Coloss.*
iv, 12.

(w) Nostra enim conversatio in cœlis est.

(w) *Philip.*
iii, 20.

(x) Itaque, fratres mei carissimi et desideratissimi, gaudium meum et corona mea,

(x) *Ibid.*, iv,
1.

sic state in Domino. (y) Vos enim testes estis et Deus, quam sancte et juste et sine querela, vobis qui credidistis, fuimus : sicut scitis qualiter unumquemque vestrum, tanquam pater filios suos, deprecans

(y) *1 Thess.*
ii, 10-12.

tes vos et consolantes, testificati sumus ut ambularetis digne Deo, qui vos vocavit in suum regnum et gloriam. (z) Omnes enim vos filii lucis estis et filii diei. (a') Propter quam causam admoneo te ut resuscites gratiam Dei, quæ est in te per impositionem manuum mearum. Non enim dedit nobis Deus spiritum timoris, sed virtutis, et dilectionis, et sobrietatis. Noli itaque erubescere testimonium Domini nostri Jesu Christi, neque me vinctum ejus; sed collabora Evangelio secundum virtutem Dei.

CAPITULUM XXIV.

De correptione caritativa et justa.

(a) **N**OLITE communicare operibus infructuosis tenebrarum, magis autem redarguite. Quæ enim in occulto fiunt ab eis, turpe est dicere. Omnia autem quæ arguuntur, a lumine manifestantur. Omne enim quod manifestatur, lumen est. Propter quod dicit : Surge, qui dormis, et exsurge a mortuis, et illuminabit te Christus. (b) Rogamus autem vos, fratres, corripite inquietos. (c) Quod si quis non obedierit, nolite illum quasi inimicum existimare, sed corripite ut fratrem. (d) Seniores ne increpaveris, sed obsecra ut patrem. Peccantes autem coram omnibus argue, ut ceteri timorem habeant. (e) Testificor coram Deo et Christo Jesu, qui judicaturus est vivos ac mortuos, et per adventum ipsius et regnum ejus : prædica verbum; insta opportune, importune; argue, obsecra, increpa in omni patientia et doctrina. Erit enim tempus quum sanam doctrinam non sustinebunt, sed ad sua desideria coacervabunt sibi magistros prurientes auribus : et a veritate quidem auditum avertent, ad fabulas autem convertentur. (f) Scriptura utilis est ad arguendum, ad corripiendum. (g) Hæc loquere, et exhortare, et argue cum omni imperio. (h) Servum autem Domini oportet cum modestia esse corripientem eos qui re-

sistent veritati, nequando det illis Deus poenitentiam ad cognoscendam veritatem, et resipiscant a laqueis diaboli, a quo captivi tenentur ad ipsius voluntatem. (i) Etenim quum deberetis magistri esse propter tempus, rursus indigetis ut vos doceamini quæ sint elementa exordii sermonum Dei; et facti estis quibus lacte opus sit, non solido cibo. Omnis enim qui lactis est particeps, expers est sermonis justitiæ : parvulus enim est. (j) Quis filius quem non corripit pater? Omnis autem disciplina in præsentī quidem videtur non esse gaudii sed mœroris; postea autem fructum pacatissimum exercitatis per eam reddet justitiæ.

CAPITULUM XXV.

De tentatione.

(a) **N**ON tentemus Christum, sicut quidam tentaverunt, et a serpentibus perierunt. Tentatio vos non apprehendat, nisi humana. Fidelis autem Dominus est, qui non patietur vos tentari supra id quod potestis; sed faciet etiam cum tentatione proventum, ut possitis sustinere. (b) Deus autem pacis conteret Satanam sub pedibus vestris velociter. (c) Nam pseudoapostoli operarii subdoli transfigurant se in apostolos Christi. Et non mirum : ipse enim Satanæ transfigurat se in angelum lucis. Non est ergo magnum si ministri ejus transfigurentur, velut ministri justitiæ : quorum finis erit secundum opera eorum. (d) Et ne magnitudo revelationum extollat me, datus est mihi stimulus carnis meæ, angelus Satanæ, qui me colaphizet. Propter quod ter Dominum rogavi, ut discederet a me. Et dixit mihi : Sufficit tibi gratia mea : nam virtus in infirmitate perficitur. (e) Caro enim concupiscit adversus spiritum, spiritus autem adversus carnem, etc., ut supra. (f) Nolite locum dare diabolo. (g) Quia non est nobis colluctatio adversus carnem

(z) I Thess.
v, 5.
(a') II Tim.
6-8.

(i) Hebr. v.
12.

(j) Ibid. xii,
7, 11.

(a) Ephes.
v, 11-14.

(b) I Thess.
v, 14.
(c) II Thess.
iii, 14, 15.

(d) I Tim.
v, 1, 20.

(e) II Tim.
iv, 1-4.

(f) Ibid. iii,
16.

(g) Tit. ii,
15.

(h) II Tim.
ii, 24-26.

(a) I Cor. x,
9, 13.

(b) Rom.
xvi, 20.

(c) II Cor.
xi, 13-15.

(d) Ibid. xii,
7-9.

(e) Galat.
v, 17.

(f) Ephes.
iv, 27.
(g) Ibid. vi,
12.

et sanguinem, sed adversus principes et A potestates, etc., ut supra. (h) Nos autem, fratres, desolati a vobis ad tempus, ore, adspectu, non corde, abundantius festinavimus faciem vestram videre cum multo desiderio : quoniam voluimus venire ad vos, ego quidem Paulus et semel et iterum ; sed impedivit nos Satan. (i) Propterea et ego amplius non sustinens, misi ad cognoscendum fidem vestram : ne forte tentaverit vos is qui tentat, et inanis fiat labor noster. (j) In eo autem in quo passus est Christus et tentatus, potens est et B eis qui tentantur auxiliari. (k) Non enim habemus pontificem qui non possit compati infirmitatibus nostris ; tentatum autem per omnia pro similitudine absque peccato. (l) Ut non circumveniamur a Satana : non enim ignoramus cogitationes ejus. (m) Non coronabitur nisi qui legitime certaverit.

CAPITULUM XXVI.

De oratione.

a Rom. (a) **S**IMILITER autem spiritus adjuvat infirmitatem nostram. Nam quid oremus sicut oportet, nescimus ; sed ipse spiritus postulat pro nobis gemitibus inenarrabilibus. Qui autem scrutatur corda, scit quid desideret spiritus, quia secundum Deum postulat pro sanctis. Etiam Christus interpellat pro nobis. (b) Si orem lingua, spiritus meus orat, mens autem mea sine fructu est. Quid ergo ? Orabo spiritu, orabo et mente ; psallam spiritu, psallam et mente. (c) Orationi sitis instantes. (d) Per omnem orationem et obsecrationem orantes omni tempore in spiritu, et in ipso vigilantes in omni instantia et obsecratione pro omnibus sanctis. (e) In omni oratione et obsecratione, cum gratiarum actione, petitiones vestrae innotescant apud Deum. (f) Orationi instate, vigilantes in ea in gratiarum actione. (g) Et sine intermissione orate.

(h) Obsecro igitur primo omnium fieri obsecrationes, orationes, postulationes, gratiarum actiones, pro omnibus hominibus ; pro regibus et omnibus qui in sublimitate sunt constituti, ut quietam et tranquillam vitam agamus in omni pietate et castitate. Hoc enim bonum est coram Salvatore nostro Deo. Volo ergo viros orare in omni loco, levantes puras manus, sine ira et disceptatione. Similiter et mulieres in habitu ornato esse cum verecundia et sobrietate. (i) Christus in diebus carnis suae preces supplicationesque ad eum qui posset salvum illum a morte facere, cum clamore valido et lacrimis offerens, exauditus est pro sua reverentia. (j) Unde et salvare in perpetuum potest accedentes per ipsum ad Deum, semper vivens ad interpellandum pro nobis. (k) In troiit in ipsum cœlum, ut appareat nunc vultui Dei pro nobis.

CAPITULUM XXVII.

C *De spirituali gloriatione seu gaudio et consolatione, et contra inanem gloriam.*

(a) **G**LORIA autem, et pax, et honor, omni operanti bonum, Judæo primum et Græco. (b) Gloriamur in spe gloriæ filiorum Dei : non solum autem, sed et gloriamur in tribulationibus. Sed et gloriamur in Deo per Dominum nostrum Jesum Christum, per quem nunc reconciliationem accepimus. (c) Deus autem repleat vos omni gaudio in credendo. (d) Itaque nemo gloriatur in hominibus. Omnia enim vestra sunt, sive Paulus, sive Apollo, sive Cephas, sive mundus, sive vita, sive mors, sive præsentia, sive futura. Omnia vestra sunt ; vos autem Christi, Christus autem Dei. (e) Non est bona gloriatio vestra. Nescitis quoniam modicum fermentum totam massam corrumpit ? (f) Deus consolatur nos in omni tribulatione nostra, ut possimus et ipsi consolari eos qui in omni pressura sunt, per exhor-

tationem qua exhortamur et ipsi a Deo : A quoniam sicut abundant passionēs Christi in nobis, ita per Christum abundat consolatio nostra. Sive autem tribulamur pro vestra exhortatione et salute, sive consolamur pro vestra consolatione, sive exhortamur pro vestra exhortatione et salute, quæ operatur tolerantiam earumdem passionum quas et nos patimur : ut spes nostra firma sit pro vobis, scientes quoniam sicut socii passionum estis, sic eritis et consolationis. Nam gloria nostra hæc est, testimonium conscientiæ nostræ quod B in simplicitate et sinceritate Dei, et non in sapientia carnali, sed in gratia Dei conversati sumus in hoc mundo, abundantius autem ad vos. Non enim alia scribimus vobis quam quæ legistis et cognoscitis. Spero autem quod usque in finem cognoscetis, sicut cognoscitis nos ex parte : quia gloria vestra nos sumus, sicut et vos nostra, in adventu Domini nostri Jesu Christi. (g) Gaudeo igitur in vobis.

II Cor. I, 12-14.

(g) Rom. xvi. 17.
(h) II Cor. v, 11, 12.

(h) Scientes ergo timorem Domini, hominibus suademus ; Deo autem manifesti sumus. Spero autem et in conscientiis vestris manifestos nos esse. Non iterum commendamus nos vobis, sed occasionem damus vobis gloriandi pro nobis, ut habeatis ad eos qui in facie gloriantur, et non in corde. (i) Prædiximus enim quod in cordibus nostris estis, ad commoriendum, et ad convivendum. Multa mihi fiducia est apud vos, multa mihi gloriatio pro vobis ; repletus sum consolatione, superabundo gaudio in omni tribulatione nostra. Nam qui consolatur humiles, consolatus est nos D Deus in adventu Titi : non solum in adventu ejus, sed etiam in consolatione qua consolatus est nos in vobis, referens nobis desiderium vestrum, fletum vestrum, æmulationem pro me, ita ut magis gauderem. Ideo consolati sumus. In consolatione autem nostra abundantius magis consolati sumus super gaudio Titi, quia reffectus est spiritus ejus ab omnibus vobis. Et si quid apud illum gloriatus sum de vobis, non sum confusus ; sed sicut omnia vobis in

(i) Ibid. vii, 3, 4, 6, 7.

Ibid. 13, 14.

veritate locuti sumus, ita et gloriatio nostra quæ fuit ad Titum, veritas facta est. Gaudeo quod in omnibus confido in vobis. (j) Notam autem facimus vobis, fratres, gratiam Dei quæ data est mihi in Ecclesiis Macedoniæ, quod in multo experimento tribulationis, abundantia gaudii ipsorum fuit, et altissima paupertas eorum abundavit in divitias simplicitatis eorum.

II Cor. vii, 16.
(j) Ibid. viii, 1, 2.

(k) Nos autem non in immensum gloriamur, sed secundum mensuram regulæ B quam mensus est nobis Deus, mensuram pertingendi usque ad vos. Non enim quasi non pertingentes ad vos superextendimus nos : usque ad vos enim pervenimus in Evangelio Christi. Non in immensum gloriantes in alienis laboribus ; spem autem habentes crescentis fidei vestræ, in vobis magnificari secundum regulam nostram in abundantia, etiam in illa quæ ultra vos sunt, evangelizare : non in aliena regula, in his quæ præparata sunt, gloriari. Qui autem gloriatur, in Domino gloriatur.

(k) Ibid. x, 13-18.

C Non enim qui se ipsum commendat, ille probatus est, sed quem Deus commendat.

(l) Iterum dico, ne quis me putet insipientem. Alioqui velut insipientem accipite me, ut et ego modicum quid glorier. Quod loquor, non loquor secundum Deum, sed quasi in insipientia, in hac substantia gloriæ. Quoniam multi gloriantur secundum carnem, et ego gloriabor. In quo quis audet (in insipientia dico), audeo et ego. Hebræi sunt, et ego. Israelitæ sunt, et ego. Semen Abrahæ sunt, et ego. Ministri Christi sunt, et ego : ut minus sapiens dico, plus ego. Si gloriari oportet, quæ infirmitatis meæ sunt gloriabor. (m) Libenter igitur gloriabor in infirmitatibus meis, ut inhabitet in me virtus Christi. (n) Gaudemus enim quando nos infirmi sumus, vos autem potentes estis. (o) Mihi autem absit gloriari nisi in cruce Domini nostri Jesu Christi, per quem mihi mundus crucifixus est, et ego mundo.

(l) Ibid. xi, 16-18.

Ibid. 21-23.

Ibid. 30.

(m) Ibid. xii, 9.

(n) Ibid. xiii, 9.

(o) Galat. vi, 14.

(p) Quid enim ? Dum omni modo, sive per occasionem, sive per veritatem Chri-

(p) Philipp. i, 18-20.

stus annuntietur : et in hoc gaudeo, sed et gaudebo. Scio enim quia hoc mihi proveniet ad salutem per vestram orationem et subministrationem Spiritus Jesu Christi, secundum expectationem et spem meam, quia in nullo confundar. (q) Sed et si immolor supra sacrificium et obsequium fidei vestræ, gaudeo, et congratulor omnibus vobis. Id ipsum autem et vos gaudete et congratulamini mihi. (r) De cetero, fratres, gaudete in Domino. (s) Gaudete in Domino semper ; iterum dico, gaudete : Dominus prope est. Nihil solliciti sitis. Gavisus sum autem in Domino vehementer, quoniam tandem aliquando reffloruistis pro me sentire, sicut et sentiebatis, etc. (t) Quam enim gratiarum actionem possumus Deo retribuere pro vobis, in omni gaudio quo gaudemus propter vos ante Deum nostrum, nocte et die abundantius orantes ut videamus faciem vestram, et compleamus ea quæ desunt fidei vestræ? (u) Propter quod consolamini invicem, et consolamini pusillanimes. (v) Quæ est enim spes nostra, aut gaudium, aut corona gloriæ? Nonne vos ante Dominum Jesum estis in adventu ejus? Vos enim estis gloria nostra et gaudium. (w) Gaudium enim magnum habui et consolationem in caritate tua, quia viscera sanctorum requieverunt per te, frater. Ita, frater, ego te fruar in Domino ; refico viscera mea in Christo.

CAPITULUM XXVIII.

Contra loquacitatem, otium ac curiositatem.

(a) I Cor. iv, 20. (a) **N**ON in sermone est regnum Dei, sed in virtute. (b) Corruptunt mores bonos colloquia prava. (c) Numquid levitate usus sum? Aut quæ cogito, secundum carnem cogito, ut sit apud me Est et Non? Fidelis autem Deus, quia sermo noster qui fuit apud vos, non est in illo Est et Non : sed est in illo Est. (d) Propter quod deponentes mendacium, loqui-

A mini veritatem unusquisque cum proximo suo, quoniam sumus invicem membra. (e) Sed implemini Spiritu Sancto, loquentes vobismetipsis in hymnis, et psalmis, et canticis spiritualibus. (f) Rogavi te ut remaneres Ephesi, quum irem in Macedoniam, ut denuntiares quibusdam ne aliter docerent, neque intenderent fabulis et genealogiis interminatis, quæ quæstiones præstant magis quam ædificationem quæ est in fide. Nam quidam aberrantes conversi sunt in vaniloquium, volentes esse legis doctores : non intelligentes neque quæ loquuntur, neque de quibus affirmant. (g) Simul autem et otiosæ discunt circuire domos : non solum otiosæ, sed et verbosæ, et curiosæ, loquentes quæ non oportet. (h) Nam et quum essemus apud vos, hæc denuntiabamus vobis quoniam si quis non vult operari, nec manducet. Audivimus enim inter vos quosdam ambulare inquiete, nihil operantes, sed curiose agentes. His autem qui ejusmodi sunt, denuntiamus et obsecramus in Domino Jesu, ut cum silentio operantes, panem suum manducet. (i) Ineptas autem et aniles fabulas devita. (j) Verbum sanum, irreprehensibile, ut is qui ex adverso est vereatur, nihil habens mali dicere de nobis.

CAPITULUM XXIX.

De reformatione interna et gratiarum actione, et quibusdam spiritualibus exercitiis, atque de ordinatione omnium ad ultimum finem.

(a) **N**OLITE conformari huic sæculo, sed reformamini in novitate spiritus vestri : ut probetis quæ sit voluntas Dei bona, et beneplacens, et perfecta. (b) Expurgate ergo vetus fermentum, ut sitis nova conspersio, sicut estis azymi. Etenim pascha nostrum immolatus est Christus. Itaque epulemur, non in fermento veteri, neque in fermento malitiæ et nequitiae,

sed in azymis sinceritatis et veritatis. A

(c) I Cor. x, 31. (c) Sive ergo manducatis, sive bibitis, vel aliud quid facitis, omnia in gloriam Dei

(d) II Cor. v, 13. facite. (d) Sive mente excedimus, Deo ; sive sobrii sumus, vobis. Caritas enim

(e) Ephes. iv, 23. Christi urget nos. (e) Renovamini autem spiritu mentis vestræ, et induite novum

(f) Ibid. v, 19, 20. hominem qui secundum Deum creatus est in justitia et sanctitate veritatis. (f) Can-

(g) Philipp. iv, 8. tantes et psallentes in cordibus vestris Domino, gratias agentes semper pro om-

(g) De cetero, fratres, quæcumque sunt vera, quæcumque pudica, quæcumque justa, quæcumque sancta, quæcumque amabilia, quæcumque bonæ famæ, si qua virtus, si qua laus disciplinæ : hæc cogitate, quæ et didicistis, et accepistis, et audistis in me, et vidistis : hæc agite, et Deus pacis erit vobiscum.

(h) Coloss. iii, 9-11, 15-17. (h) Exspoliate vos veterem hominem cum actibus suis, induentes novum eum

qui renovatur in agnitionem Dei, secundum imaginem ejus qui creavit eum : ubi non est masculus neque femina, gentilis et Judæus, circumcisio et præputium, Barbarus et Scyta, servus et liber ; sed omnia et in omnibus Christus. Et grati estote, docentes et commonentes vosmetipsos in psalmis, et hymnis, et canticis spiritualibus, in gratia cantantes in cordibus vestris Deo. Omne quodcumque facitis in verbo aut opere, omnia in nomine Domini nostri Jesu Christi, gratias agentes Deo et Patri per ipsum.

(i) I Thess. v, 18. (i) In omnibus gratias agite : hæc est enim voluntas Dei in Christo Jesu, in omnibus vobis.

(j) Hebr. xiii, 15. (j) Per Jesum ergo offeramus hostiam laudis Deo semper, id est fructum labiorum nostrorum

(k) II Cor. i, 10, 11. confitentium nomini ejus. (k) Qui de tantis periculis eripuit nos. In quem speramus

quoniam et adhuc eripiet, adjuvantibus et vobis in orationibus pro nobis : ut ex multarum personis facierum ejus quæ in nobis est donationis, per multos gratiæ

(l) Ibid. iv, 15. agantur pro nobis. (l) Omnia enim propter vos, ut gratia abundans per multos, in

gratiarum actione abundet in gloriam Dei.

CAPITULUM XXX.

De originali peccato et ejus transfusione, et de comparatione gratiæ Christi ad culpam Adæ.

(a) PER Jesum Christum nunc reconciliationem accepimus. Propterea sic- (a) Rom. v, 11, 12, 14-21.

ut per unum hominem peccatum in hunc mundum intravit, et per peccatum mors ; et ita in omnes homines mors pertransiit, in quo omnes peccaverunt. Nam regnavit

mors ab Adam usque ad Moysen, etiam in eos qui non peccaverunt, in similitudinem prævaricationis Adæ, qui est forma futuri. Sed non sicut delictum, ita et donum. Si enim unius delicto multi mortui sunt, multo magis gratia Dei et donum in gratia unius hominis Jesu Christi in multis abundavit. Et non sicut per unum peccatum, ita et donum. Nam judicium ex uno in condemnationem, gratia autem ex multis delictis in justificationem. Si enim in unius delicto mors regnavit per

unum, multo magis abundantiam gratiæ, et donationis, et justitiæ accipientes, in vita regnabunt per unum Jesum Christum. Igitur sicut per unius delictum in omnes homines in condemnationem, sic et per unius justitiam in omnes homines in justificationem vitæ. Sicut enim per inobedientiam unius hominis peccatores constituti sunt multi, ita et per unius obedientiam justii constituentur multi. Ubi autem abundavit delictum, superabundavit et gratia : ut sicut regnavit peccatum in mortem, ita et gratia regnet per justitiam in vitam æternam per Jesum Christum Dominum nostrum.

(b) Scimus autem quod lex spiritualis (b) Ibid. vii, 14-23, 25.

est ; ego autem carnalis sum, venundatus sub peccato. Quod enim operor, non intelligo. Non enim quod volo bonum, hoc ago ; sed quod odi malum, illud facio. Si autem quod nolo, illud facio, consensio legi quoniam bona est. Nunc autem jam non ego operor illud ; sed quod habitat in me peccatum. Scio enim quo-

niam non habitat in me, hoc est in carne mea, bonum. Nam velle adjacet mihi, perficere autem non invenio. Non enim quod volo bonum, hoc facio; sed quod odi malum, hoc ago. Si autem quod nolo, illud facio, jam non ego operor illud, sed quod habitat in me peccatum. Invenio igitur legem, volenti mihi facere bonum, quoniam mihi malum adjacet. Condelector enim legi Dei secundum interiorem hominem; video autem aliam legem in membris meis, repugnantem legi mentis meæ, et captivantem me in legem peccati quæ est in membris meis. Igitur ego ipse mente servio legi Dei; carne autem, legi peccati.

(c) Ephes.

ii, 3.

(d) 1 Cor.

xv, 21, 22.

(c) Eramus enim natura filii iræ, sicut et ceteri. (d) Quoniam quidem per hominem mors; et sicut in Adam omnes moriuntur, ita et in Christo vivificabuntur.

(e) Rom.

viii, 3, 4.

(e) Nam quod impossibile erat legi, in quo infirmabatur per carnem, Deus Filium suum mittens in similitudinem carnis peccati, et de peccato damnavit peccatum in carne, ut justificatio legis impleretur in nobis, qui non secundum carnem ambulamus, sed secundum spiritum. Si autem Christus in vobis est, corpus quidem mortuum est propter peccatum, spiritus vero vivit propter justificationem.

Ibid. 10.

CAPITULUM XXXI.

De triplici tristitia, laudabili, vituperabili, et indifferenti.

(a) Rom. ix.

1-4.

(a) VERITATEM dico in Christo, non mentior, testimonium perhibente mihi conscientia mea in Spiritu Sancto: quia tristitia est mihi magna et continuus dolor cordi meo, pro fratribus meis qui sunt Israelitæ. (b) Statui autem hoc apud me, ne iterum in tristitia venirem ad vos. Si enim ego contristo vos, quis est qui me lætificet, nisi qui contristatur ex me? Et hoc ipsum scripsi vobis, ut non quum venero, tristitiam super tristitiam habe-

(b) II Cor.

ii, 4-5.

am de quibus oportuerat me gaudere: confidens in omnibus vobis, quia meum gaudium omnium vestrum est. Nam ex multa tribulatione et angustia cordis scripsi vobis per multas lacrimas: non ut contristemini, sed ut sciatis quam caritatem habeam abundantius in vobis. Si quis autem me contristavit, non me contristavit, sed ex parte, ut non onerem vos. (c) Quoniam etsi contristavi vos in epistola, non me pœnitet. Etsi pœniteret, videns quod epistola illa, etsi ad horam, vos contristavit, nunc gaudeo: non quia contristati estis, sed quia contristati estis ad pœnitentiam. Contristati enim estis secundum Deum, ut in nullo detrimentum patiamini ex nobis. Quæ enim secundum Deum est tristitia, pœnitentiam in salutem stabilem operatur; sæculi autem tristitia mortem operatur. Ecce hoc ipsum, secundum Deum contristari vos, quantam in vobis operatur sollicitudinem: sed defensionem, sed indignationem, sed timorem, sed desiderium, sed æmulationem, sed vindictam. In omnibus exhibuistis vos incontaminatos esse negotio. (d) Infirmatus est autem Epaphroditus usque ad mortem; sed Deus misertus est ejus: non solum autem ejus, verum etiam et mei, ne tristitiam super tristitiam haberem. (e) Nolumus autem vos ignorare de dormientibus, ut non contristemini sicut et ceteri qui spem non habent.

(c) II Cor.
vii, 8-11.

(d) Philipp.
ii, 27.

(e) I Thess.
iv, 13.

CAPITULUM XXXII.

D

Exhortatio ad laborem pro felicitate et beatitudine ipsa.

(a) EXISTIMO quod non sunt condignæ passiones hujus temporis ad futuram gloriam quæ revelabitur in nobis. Nam exspectatio creaturæ revelationem filiorum Dei exspectat. Vanitati enim creatura subjecta est non volens, sed propter eum qui subjecit eam in spe: quia et ipsa creatura liberabitur a servitute

(a) Rom.
viii, 18-21.

corruptionis in libertatem gloriæ filiorum A

(b) *Rom.*
xiii. 11-14.

Dei. (b) Et hoc scientes, quia hora est jam nos de somno surgere. Nunc enim propior est nostra salus, quam quum credidimus. Nox præcessit, dies autem appropinquavit. Abjiciamus ergo opera tenebrarum, et induamur arma lucis, sicut in die honeste ambulemus. Et induimini Dominum

(c) *I Cor.*
ii. 9, 10.

Jesum. (c) Quoniam scriptum est : Quod oculus non vidit, nec auris audivit, nec in cor hominis ascendit, quæ præparavit Deus his qui diligunt illum ; nobis autem

(d) *Ibid.* xiii.
12.

revelavit Deus per Spiritum suum. (d) Videmus nunc per speculum in ænigmate ; tunc autem facie ad faciem. Nunc cognosco ex parte ; tunc autem cognoscam sicut

(e) *II Cor.*
iv. 16, 17.

et cognitus sum. (e) Propter quod non deficiamus. Id enim quod in præsentī est momentaneum et leve tribulationis nostræ, supra modum in sublimitate æterni gloriæ pondus operatur in nobis.

(f) *Ibid.* v. 1.

(f) Scimus enim quoniam si terrestris domus nostra habitationis dissolvatur, quod ædificationem ex Deo habemus, domum non manufactam æternam in cœlis.

(g) *Galat.*
vi. 9, 10.

(g) Bonum igitur facientes non deficiamus : tempore enim suo metemur non deficientes. Ergo dum tempus habemus, operemur bonum ad omnes, maxime autem ad domesticos fidei.

(h) *Philipp.*
iii. 7-11.

(h) Nam quæ mihi fuerunt lucra, hæc arbitratus sum propter Christum detrimenta. Propter quem omnia detrimentum feci et arbitror ut stercora, ut Christum lucrifaciam, et inveniar in illo non habens meam justitiam quæ ex lege est, sed illam quæ est ex fide Jesu Christi, quæ ex Deo est justitia in fide : ad cognoscendum illum, et virtutem resurrectionis ejus, et societatem passionis illius, configuratus morti ejus ; si quo modo occurrā ad resurrectionem quæ est ex mortuis. (i) Quo-

(i) *Coloss.*
i. 12-14.

niam Deus Pater dignos nos fecit in sortem Sanctorum in lumine : qui eripuit nos de potestate tenebrarum, et transtulit in regnum Filii dilectionis suæ, in quo habemus redemptionem, et remissionem

(j) *Ibid.* iii.
1-4.

peccatorum. (j) Igitur, si consurrexistis

cum Christo, quæ sursum sunt quærite, ubi Christus est in dextera Dei sedens ; quæ sursum sunt sapite, non quæ super terram. Mortui enim estis, et vita vestra abscondita est cum Christo in Deo. Quum autem Christus apparuerit, vita vestra, tunc et vos apparebitis cum illo in gloria.

(k) Certa bonum certamen fidei ; apprehende vitam æternam in qua vocatus es, et confessus bonam confessionem coram multis testibus. (l) Scio enim cui credidi, et certus sum quia potens est depositum

(k) *ITim.* vi.
12.

meum servare in illum diem. (m) Labora sicut bonus miles Christi Jesu. Laboran-

(l) *II Tim.*
i. 12.

tem agricolam oportet primum de fructibus percipere. (n) Ego enim jam delibor, et tempus resolutionis meæ instat. Bonum

(m) *Ibid.* ii.
3.
Ibid. 6.

certamen certavi, cursum consummavi, fidem servavi. In reliquo reposita est mihi corona justitiæ, quam reddet mihi Dominus in illa die justus judex : non solum

(n) *Ibid.* iv.
6-8.

autem mihi, sed et his qui diligunt nomen ejus. (o) Apparuit enim gratia Dei Salvatoris nostri omnibus hominibus, erudiens nos ut abnegantes impietatem et

(o) *Tit.* ii.
11-13.

sæcularia desideria, sobrie et juste et pie vivamus in hoc sæculo, exspectantes beatam spem et adventum gloriæ magni Dei

Jesu Christi.

(p) Ingrediemur enim in requiem ejus, qui credimus, quemadmodum dixit : Sicut juravi in ira mea, Si introibunt in requiem meam : et quidem operibus ab institutione mundi perfectis. Dixit enim

(p) *Hebr.*
iv. 3-11.

in quodam loco de die septimo sic : Et requievit Deus die septimo ab omnibus operibus suis. Et in isto rursum : Si introibunt in requiem meam. Quoniam ergo superest quosdam introire in illam, et hi quibus prioribus annuntiatum est, non introierunt propter incredulitatem, iterum terminat diem quemdam Hodie, in David dicendo, post tantum temporis, sicut supra dictum est : Hodie si vocem ejus audieritis, nolite obdurare corda vestra.

Nam si eis Jesus requiem præstitisset, nunquam de alia loqueretur posthac die. Itaque relinquitur sabbatismus populo Dei.

Qui enim ingressus est in requiem ejus, A etiam requievit ab operibus suis : sicut et a suis Deus. Festinemus ergo ingredi in requiem illam, ut ne in id ipsum quis incidat incredulitatis exemplum.

(q) *Hebr.*
vi, 13-18.

(q) Abrahæ namque promittens Deus, quoniam neminem habuit per quem juraret majorem, juravit per semetipsum, dicens : Nisi benedicens benedicam te, et multiplicans multiplicabo te. Et sic longanimiter ferens, adeptus est repromissionem. Homines enim per majorem sui jurant, et omnis controversiæ eorum finis, ad confirmationem, est juramentum. In quo abundantius volens Deus ostendere pollicitationis heredibus immobilitatem consilii sui, interposuit jusjurandum, ut per duas res immobiles, quibus impossibile est mentiri Deum, fortissimum solatium habeamus, qui confugimus ad tenendam propositam spem. (r) Non enim habemus hic manentem civitatem, sed futuram inquirimus.

(r) *Ibid.* xiii,
14.

CAPITULUM XXXIII.

De desiderio dissolutionis, ut sit cum Christo.

(a) *Rom.*
viii, 22-23.

(a) **S**CIMUS quod omnis creatura ingemiscit et parturit usque adhuc. Non solum autem illa, sed et nos ipsi primitias Spiritus habentes, et ipsi intra nos gemimus, adoptionem filiorum Dei expectantes, redemptionem corporis nostri.

(b) *Ibid.* vii,
24, 25.

(b) Infelix ego homo ! quis me liberabit de corpore mortis hujus ? Gratia Dei per

(c) *I Cor.*
xiii, 9, 10.

Jesum Christum Dominum nostrum. (c) Ex parte enim cognoscimus, et ex parte prophetamus ; quum venerit quod perfectum est, evacuabitur quod ex parte est. (d) Nam

(d) *II Cor.*
v, 2-9.

et in hoc ingemiscimus, habitationem nostram quæ de cælo est, superindui cupientes : si tamen vestiti et non nudi inveniamur. Nam et qui sumus in hoc tabernaculo, ingemiscimus gravati, eo quod nolumus exspoliari, sed supervestiri, ut

absorbeatur quod mortale est a vita. Qui autem efficit nos in hoc ipsum Deus, qui dedit nobis pignus Spiritus. Audentes igitur semper, et scientes quoniam dum sumus in corpore, peregrinamur a Domino : per fidem enim ambulamus, et non per speciem ; audemus autem, et bonam voluntatem habemus magis peregrinari a corpore, et præsentem esse ad Dominum. Et contendimus, sive absentes sive præsentem, placere illi. (e) Mihi enim vivere Christus est, et mori lucrum. Quod si vive- (e) *Philipp.*
i, 21-26.
B vere in carne, hic mihi fructus operis est, et quid eligam ignoro. Coarctor enim e duobus : desiderium habens dissolvi et esse cum Christo, multo enim magis melius ; permanere autem in carne necessarium est propter vos. Et hoc confidens, scio quia manebo et permanebo omnibus vobis, ad profectum vestrum et gaudium fidei : ut gratulatio vestra abundet in Christo Jesu in me, per meum adventum iterum ad vos.

(f) Juxta fidem autem defuncti sunt omnes isti, non acceptis repromissionibus, (f) *Hebr.*
xi, 13.

sed a longe eas adspicientes et salutantes, et confitentes quia peregrini et hospites sunt super terram. Qui enim hæc dicunt, significant se patriam inquirere. Et si quidem illius meminissent de qua exierunt, habebant utique tempus revertendi ; nunc autem meliorem appetunt, id est cælestem. Ideo non confunditur Deus vocari Deus eorum : paravit enim illis civitatem.

CAPITULUM XXXIV.

Contra idololatriam.

(a) **D**ICENTES se esse sapientes, stulti facti sunt ; et mutaverunt gloriam (a) *Rom.*
i, 22, 23, 25.

in corruptibilis Dei in similitudinem imaginis corruptibilis hominis, et voluerunt, et quadrupedum, et serpentium. Qui commutaverunt veritatem Dei in mendacium, et coluerunt, et servierunt creaturæ potius quam Creatori, qui est benedictus in

(b) I Cor. viii. 1, 4-7. **sæcula.** (b) De his quæ idolis immolantur, scimus quoniam omnes scientiam habemus. De escis quæ idolis immolantur, scimus quia nihil est idolum in mundo, et quod nullus est Deus, nisi unus. Nam etsi sunt qui dicantur dii, sive in cœlo, sive in terra : siquidem sunt dii multi et domini multi ; nobis tamen unus Deus Pater, ex quo omnia, et nos in illo ; et unus Dominus Jesus Christus, et nos per ipsum. (c) Ibid. x. 7, 14, 18-22. Sed non in omnibus est scientia. (c) Non ergo idololatræ efficiamini, sicut quidam ex ipsis ; quemadmodum scriptum est : Sedit populus manducare et bibere, et surrexerunt ludere. Propter quod, carissimi, fugite ab idolorum cultura. Nonne qui edunt hostias, participes sunt altaris ? Quid ergo ? Dico quod idolis immolatum sit aliquid, aut quod idolum sit aliquid ? Sed quæ immolant gentes, dæmoniis immolant, et non Deo. Nolo autem vos socios fieri dæmoniorum. Non potestis calicem Domini bibere, et calicem dæmoniorum. Non potestis mensæ Domini participes esse, et mensæ dæmoniorum. An æmulamur Dominum ? Numquid fortiores illo sumus ? (d) Ibid. xii. 2, 3. (d) Scitis autem quoniam quum gentes essetis, ad simulacra muta prout ducebamini euntes. Ideo notum vobis facio, quod nemo in Spiritu Dei loquens, dicit anathema Jesu. (e) Sed tunc quidem ignorantes Deum, iis qui natura non sunt dii, serviebatis. Nunc autem quum agnov-eritis Deum, imo agniti estis ab eo, quomodo convertimini iterum ad infirma et egenaelementa, quibus denuo servire vultis ?

CAPITULUM XXXV.

Contra diversa vitia hominum.

(a) Rom. i. 20, 21, 24, 28-32. (a) **I**NEXCUSABILES sunt, quia quum cognovissent Deum, non sicut Deum glorificaverunt, aut gratias egerunt ; sed evanuerunt in cogitationibus suis, et obscuratum est insipiens cor eorum. Propter quod tradidit illos Deus in desideria cor-

dis eorum, in immunditiam, ut contumeliis afficiant corpora sua in semetipsis. Et sicut non probaverunt Deum habere in notitia, tradidit illos Deus in reprobum sensum, ut faciant ea quæ non conveniunt : repletos omni iniquitate, malitia, fornicatione, avaritia, nequitia ; plenos invidia, homicidiis, contentione, dolo, malignitate ; susurrone, detractores, Deo odibiles, contumeliosos, superbos, elatos, inventores malorum, parentibus inobedientes, insipientes, incompósitos, sine affectione, absque fœdere, sine misericordia. Qui quum justitiam Dei cognovissent, non intellexerunt quoniam qui talia agunt digni sunt morte : non solum qui faciunt ea, sed etiam qui consentiunt facientibus. (b) Causati enim sumus Judæos et Græcos omnes sub peccato esse, sicut scriptum est : Quia non est justus quisquam ; non est intelligens, non est requirens Deum : omnes declinaverunt, simul inutiles facti sunt ; non est qui faciat bonum, non est usque ad unum. Sepulcrum patens est guttur eorum ; linguis suis dolose agebant ; venenum aspidum sub labiis eorum. Quorum os maledictione et amaritudine plenum est. Veloces pedes eorum ad effundendum sanguinem. Contritio et infelicitas in viis eorum ; et viam pacis non cognoverunt. Non est timor Dei ante oculos eorum.

(c) Si is qui frater nominatur inter vos, est fornicator, aut avarus, aut idolis serviens, aut maledicus, aut ebriosus : cum hujusmodi nec cibum sumere. Auferte malum ex vobis ipsis. (d) Nolite errare : neque fornicarii, neque idolis servientes, neque adulteri, neque molles, neque masculorum concubitores, neque fures, neque avari, neque ebriosi, neque maledici, neque rapaces, regnum Dei possidebunt. (e) Non simus concupiscentes malorum, sicut et illi concupierunt. Neque fornicemur, sicut quidam ex ipsis fornicati sunt, et ceciderunt una die viginti tria millia. Neque tentemus Christum, sicut quidam eorum tentaverunt, et a serpenti-

(b) Rom. iii, 9-18.

(c) I Cor. v, 11, 13.

(d) Ibid. vi, 9, 10.

(e) Ibid. x, 6, 8-11.

bus perierunt. Neque murmuraveritis, sicut quidam eorum murmuraverunt, et perierunt ab exterminatore. Hæc autem omnia in figura contingebant illis : scripta sunt autem ad correptionem nostram, in quos

(f) *Ephes.*
iv, 26, 27,
30, 31.

fines sæculorum devenerunt. (f) Irascimini, et nolite peccare. Sol non occidat super iracundiam vestram. Nolite locum dare diabolo. Et nolite contristare Spiritum Sanctum Dei, in quo signati estis in die redemptionis. Omnis amaritudo, et ira, et indignatio, et clamor, et blasphemia tollatur a vobis, cum omni malitia.

(g) *Philipp.*
i, 15-17.

(g) Quidam propter invidiam et contentionem, quidam autem et propter bonam voluntatem prædicant Christum ; quidam autem ex caritate, scientes hoc quod in defensione Evangelii positus sum ; quidam autem ex contentione Christum annuntiant non sincere, existimantes pres-

(h) *Coloss.*
iii, 8, 9.

suram se suscitare vinculis meis. (h) Nunc autem deponite et vos omnia, iram, indignationem, malitiam, blasphemiam, turpem sermonem de ore vestro. Nolite menti-

(i) *1 Tim.*
i, 9-11.

tiri invicem. (i) Scientes hoc quia justo non est lex posita, sed injustis et non subditis, impiis et peccatoribus, sceleratis et contaminatis, patricidis et matricidis, homicidis, fornicariis, masculorum concubitoribus, plagiariis, mendacibus, perjuriis : et si quid aliud sanæ doctrinæ adversatur, quæ est secundum Evangelium gloriæ beati Dei.

(j) *Ibid.* iv,
1-5.

(j) Spiritus autem manifeste dicit quia in novissimis temporibus discedent quidam a fide, attendentes spiritibus erroris et doctrinis dæmoniorum, in hypocrisi loquentium mendacium, et cauteriatam habentium suam conscientiam, prohibentium nubere et abstinere a cibis, quos Deus creavit ad percipiendum cum gratiarum actione fidelibus, et his qui cognoverunt veritatem : quia omnis creatura Dei bona est, et nihil rejiciendum quod cum gratiarum actione percipitur : sanctificatur enim per Verbum Dei et orationem. (k) Hoc

(k) *2 Tim.*
iii, 1-7.

autem scito, quod in novissimis diebus instabunt tempora periculosa : et erunt

A homines se ipsos amantes, cupidi, elati, superbi, blasphemi, parentibus non obediētes, ingrati, scelesti, sine affectione, sine pace, criminatores, incontinentes, inimici, sine benignitate, proditores, protervi, tumidi, voluptatum amatores magis quam Dei : habentes speciem quidem pietatis, virtutem autem ejus abnegantes. Et hos devita. Ex his enim sunt qui penetrant domos, et captivas ducunt mulierculas oneratas peccatis, quæ ducuntur variis desideriis, semper discentes, et nunquam

B ad scientiam veritatis pervenientes. (l) Omnia munda mundis ; coinquinatis autem et infidelibus nihil est mundum, sed inquinatæ sunt eorum et mens et conscientia. Confitentur se nosse Deum, factis autem negant, quum sint abominati, et incredibiles, et ad omne opus bonum reprobi.

(l) *Tit.* i,
13, 16.

CAPITULUM XXXVI.

*Exhortatio ad diversas virtutes
et actus earum.*

(a) **N**ON exhibeatis membra vestra arma iniquitatis peccato ; sed exhibete vos Deo tanquam ex mortuis viventes, et membra vestra arma justitiæ Deo. Peccatum enim vobis non dominabitur : non enim estis sub lege, sed sub gratia. Quid ergo ? Peccabimus, quoniam non sumus sub lege, sed sub gratia ? Absit. (b) Rogo ergo vos, fratres, imitatores mei estote. Ideo misi ad vos Timotheum, qui est filius meus carissimus et fidelis in Domino, qui vos commonefaciat vias meas, quæ sunt in Christo Jesu, sicut ubique in omni Ecclesia doceo. Nam et si decem millia pædagogorum habeatis in Christo, sed non multos patres. Nam in Christo Jesu per Evangelium ego vos genui. Non ut confundam vos hæc scribo, sed ut filios meos carissimos moneo. (c) Hoc itaque dico, fratres : Tempus breve est ; reliquum est ut et qui habent uxores, sint

(a) *Rom.* vi,
13-15.

(b) *1 Cor.*
iv, 16, 17,
13, 14.

(c) *Ibid.* vii,
29-32.

tanquam non habentes ; et qui flent, A tanquam non flentes ; et qui gaudent, tanquam non gaudentes ; et qui emunt, tanquam non possidentes ; et qui utuntur hoc mundo, tanquam non utantur. Præterit enim figura hujus mundi. Volo autem vos

(d) I Cor. xvi, 13, 14. sine sollicitudine esse. (d) Vigilate, state in fide, viriliter agite, confortamini, et

(e) II Cor. vi, 4-7. omnia vestra in caritate fiant. (e) In omnibus exhibeamus nos sicut Dei ministros, in jejuniis, in vigiliis, in castitate, in scientia, in longanimitate, in suavitate, in Spiritu Sancto, in caritate non ficta, in

(f) Ibid. xiii, 11. justitiæ a dextris et a sinistris. (f) De cetero, fratres, gaudete, perfecti estote, exhortamini, idem sapite, pacem habete, et Deus pacis et dilectionis erit vobiscum.

(g) Ephes. iv, 1-4. (g) Obsecro itaque vos, ego vinctus in Domino, ut digne ambuletis vocatione qua vocati estis, cum omni humilitate et mansuetudine, cum patientia : supportantes invicem in caritate, solliciti servare unitatem spiritus in vinculo pacis. Unum corpus et unus spiritus, sicut vocati estis in

(h) Philipp. ii, 14-16. unam spem vocationis vestræ. (h) Omnia autem facite sine murmurationibus et hæsitationibus : ut sitis sine querela et simplices filii Dei, sine reprehensione in medio nationis pravæ et perniciosæ, inter quos lucetis sicut luminaria in hoc mundo ; verbum vitæ continentes ad gloriam meam in die Christi : quia non in vacuum cucurri, neque in vacuum laboravi. (i) Induite ergo vos sicut electi Dei, sancti et dilecti, viscera misericordiæ, benignitatem, humilitatem, modestiam, patientiam ; D supportantes invicem et donantes vobismetipsis, si quis adversus aliquem habet querelam : sicut et Dominus donavit vobis, ita et vos.

(j) I Thess. iv, 10, 11. (j) Rogamus autem vos, fratres : ut abundetis magis, et operam detis ut quieti sitis ; et ut vestrum negotium agatis et operemini manibus vestris, sicut præcepimus vobis ; et ut honeste ambuletis ad eos qui foris sunt, et nullius aliquid desideretis. (k) Semper gaudete. Sine intermis-

sione orate. Spiritum nolite extinguere. Prophetias nolite spernere. Omnia autem probate ; quod bonum est tenete. Ab omni specie mala abstinete vos. Fidelis est qui vocavit vos : qui etiam faciet. Fratres, orate pro nobis. Salutate fratres omnes in osculo sancto. Adjuro vos per Dominum, ut legatur epistola hæc omnibus sanctis fratribus. (l) Juvenilia desideria fuge ; sectare vero justitiam, fidem, spem, caritatem et pacem cum his qui invocant Dominum de corde puro. Servum enim Domini oportet esse mansuetum, docibilem, patientem, cum modestia corripientem eos qui resistunt veritati. (m) Discant autem et nostri bonis operibus præesse ad usus necessarios, ut non sint infructuosi. (n) Sectare justitiam, pietatem, fidem, caritatem, patientiam, mansuetudinem.

I Thess. v, 24-27.

(l) II Tim. ii, 22, 24, 25.

(m) Tit. iii, 14.

(n) I Tim. vi, 11.

CAPITULUM XXXVII.

De Synagoga et variis gratiæ donis olim illi collatis, et circumcisione duplici.

(a) CIRCUMCISIO quidem prodest, si legem observes. Si autem prævaricator legis sis, circumcisio præputium facta est. Si igitur præputium justitias legis custodiat, nonne præputium illius in circumcisionem reputabitur ? Et judicabit quod ex natura est præputium, legem consummans, te qui per litteram et circumcisionem prævaricator legis es. Non enim qui in manifesto Judæus est, neque quæ in manifesto circumcisio in carne est ; sed qui in abscondito Judæus est, et circumcisio cordis in spiritu, non littera : cujus laus non ex hominibus, sed ex Deo est. (b) Quid ergo amplius est Judæo ? Aut quæ utilitas circumcisionis ? Multum per omnem modum. Primum quidem, quia credita sunt illis eloquia Dei. Quid enim si quidam eorum non crediderunt ? Numquid incredulitas illorum fidem Dei evacuavit ? Absit. (c) Qui sunt Israelitæ, quorum adoptio est filiorum, et gloria, et testamen-

(a) Rom. ii, 25-29.

(b) Ibid. iii, 1-3.

(c) Ibid. ix, 4, 5.

tum, et legislatio, et obsequium, et promissio: quorum patres, ex quibus Christus secundum carnem, qui est super omnia Deus benedictus in sæcula. Amen. (d) Dico ergo: Numquid repulit Deus populum suum? Absit. Nam et ego Israelita sum, ex semine Abraham, de tribu Benjamin. Non repulit Deus plebem suam quam præscivit. An nescitis in Elia quid dicit Scriptura, quemadmodum interpellat Deum adversus Israel? Domine, Prophetas tuos occiderunt, altaria tua suffoderunt; et ego relictus sum solus, et quærunt animam meam. Sed quid dicit illi divinum responsum? Reliqui mihi septem millia virorum, qui non curvaverunt genua sua ante Baal. Sic ergo et hoc tempore, reliquiæ secundum electionem gratiæ salvæ factæ sunt. Si autem gratia, jam non ex operibus: alioqui gratia jam non est gratia.

e 1 Cor.
x, 1-6.

(e) Nolo autem vos ignorare, fratres, quoniam patres nostri omnes sub nube fuerunt, et omnes mare transierunt, et omnes in Moyse baptizati sunt, in nube et in mari, et omnes eandem escam spirituales manducaverunt, et omnes eundem potum spirituales biberunt. Bibebant autem de spirituali consequente eos petra; petra autem erat Christus. Sed non in pluribus eorum beneplacitum est Deo: nam prostrati sunt in deserto. Hæc autem in figura facta sunt nostri. (f) Nos natura Judæi, et non ex gentibus peccatores. (g) Dico enim Jesum Christum ministrum fuisse circumcisionis propter veritatem Dei, ad confirmandas promissiones.

f Galat.
ii, 15.

g Rom.
xv, 8.

h 1 Cor.

x, 18.

i Philipp.

iii, 3-6.

(h) Videte Israel secundum carnem. (i) Nos enim sumus circumcisio, qui spiritu servimus Deo, et gloriamur in Christo Jesu, et non in carne fiduciam habentes: quanquam et ego habeam confidentiam in carne. Si quis alius videtur confidere in carne, ego magis, circumcisos octavo die, ex genere Israel, de tribu Benjamin, Hebræus ex Hebræis; secundum legem, Phariseus; secundum æmulationem, persequens Ecclesiam Dei; secundum justi-

tiam quæ in lege est, conversatus sine querela.

(j) Multifarie multisque modis olim Deus loquens patribus in Prophetis, novissimis diebus locutus est nobis in Filio. (k) Habuit quidem et prius testamentum, justificationes culturæ, et sanctum sæculare. Tabernaculum enim factum est primum, in quo erant candelabra, et mensa, et propositio panum: quod dicitur Sancta. Post velamen autem secundum, tabernaculum, quod dicitur Sancta Sanctorum, aureum habens thuribulum et arcam testamenti circumtectam ex omni parte auro, in qua urna aurea habens manna, et virga Aaron quæ fronderat, et tabulæ testamenti; superque eam Cherubim gloriæ obumbrantia propitiatorium: de quibus non est modo dicendum per singula.

(j) Hebr.
1, 1, 2.

(k) Ibid.
ix, 15.

CAPITULUM XXXVIII.

De Ecclesia.

(a) **I**LLA quæ sursum est Jerusalem, libera est: quæ est mater nostra. Scriptum est enim: Lætare, sterilis, quæ non paris; erumpe et clama, quæ non parturis: quia multi filii desertæ, magis quam ejus quæ habet virum. (b) Christus enim caput est Ecclesiæ, ipse salvator corporis ejus. Et Ecclesia subjecta est Christo, qui dilexit Ecclesiam, et semetipsum tradidit pro ea, ut illam sanctificaret mundans eam lavacro aquæ in verbo vitæ, ut exhiberet ipse sibi gloriosam Ecclesiam, non habentem maculam aut rugam, aut aliquid hujusmodi, sed ut sit sancta et immaculata. Nemo unquam carnem suam odio habuit; sed nutrit et fovet eam, sicut et Christus Ecclesiam: quia membra sumus corporis ejus, de carne ejus et de ossibus ejus. Propter hoc relinquet homo patrem suum et matrem suam, et adhærebit uxori suæ: et erunt duo in carne una. Sacramentum hoc magnum est. Ego autem dico in Christo et in Ecclesia. (c) Hæc tibi scri-

(a) Galat.
iv, 26, 27.

(b) Ephes.
v, 23-27.

Ibid. 29-32.

(c) 1 Tim.
iii, 14, 15.

bo, sperans me venire ad te cito; si autem tardavero, ut scias quomodo oporteat te in domo Dei conversari, quæ est Ecclesia Dei vivi, columna et firmamentum veritatis.

(d) *Hebr.*
iii, 5, 6.

(d) Et Moyses quidem fidelis erat in tota domo ejus tanquam famulus, in testimonium eorum quæ dicenda erant; Christus vero tanquam filius in domo sua: quæ domus sumus nos. (e) Vos enim estis templum Dei vivi, etc., ut supra. (f) Non enim accessistis ad tractabilem montem, et accessibilem ignem, et turbinem, et caliginem, et procellam, et tubæ sonitum, et vocem verborum: quam qui audierunt, excusaverunt se ne eis fieret verbum. Non enim portabant quod dicebatur: Et si bestia tetigerit montem, lapidabitur. Et ita terribile erat quod videbatur. Moyses dixit: Exterritus sum et tremebundus. Sed accessistis ad Sion montem, et civitatem Dei viventis, Jerusalem cœlestem, et millium angelorum frequentiam, et ecclesiam primitivorum qui conscripti sunt in cœlis, et judicem omnium Deum, et spiritum perfectorum justorum, et testamenti novi mediatorem Jesum, et sanguinis adersionem melius loquentem quam Abel. Itaque regnum immobile suscipientes, habemus gratiam per quam serviamus placentes Deo.

CAPITULUM XXXIX.

De efficacia et argumentis prædicationis evangelicæ legis, et de miraculis beati Pauli apostoli.

(a) *Rom.* i,
13-15.

(a) **N**OLO vos ignorare, fratres, quia sæpe proposui venire ad vos, et prohibitus sum usque adhuc. Græcis et Barbaris, sapientibus et insipientibus debitor sum. Ita quod in me promptum est et vobis qui Romæ estis, evangelizare. (b) Audacius autem scripsi vobis, fratres, ex parte, tanquam in memoriam vos reducens, propter gratiam quæ data est mi-

(b) *Ibid.* xv,
13-25, 28.

hi a Deo, ut sim minister Christi Jesu in gentibus, sanctificans Evangelium Dei, ut fiat oblatio gentium accepta, et sanctificata in Spiritu Sancto. Habeo igitur gloriam in Christo Jesu ad Deum. Non enim audeo aliquid loqui eorum quæ per me non efficit Christus in obedientiam gentium, verbo et factis, in virtute signorum et prodigiorum, in virtute Spiritus Sancti: ita ut ab Jerusalem per circuitum usque ad Illyricum repleverim Evangelium Christi. Sic autem prædicavi hoc Evangelium, non ubi nominatus est Christus, ne super alienum fundamentum ædificarem; sed sicut scriptum est: Quibus non est annuntiatum de eo, videbunt; et qui non audierunt, intelligent. Propter quod et impediebar plurimum venire ad vos. Nunc vero ulterius locum non habens in his regionibus, cupiditatem autem habens veniendi ad vos ex multis jam præcedentibus annis, quum in Hispaniam proficisci cœpero, spero quod præteriens videam vos, et a vobis deducar illuc, si vobis primum ex parte fructus fuero. Nunc igitur proficiscar in Jerusalem ministrare sanctis. Hoc igitur quum consummavero et assignavero eis fructum hunc, per vos proficiscar in Hispaniam. Scio autem quoniam veniens ad vos, in abundantia benedictionis Evangelii Christi veniam.

(c) Et ego quum venissem ad vos, fratres, veni non per sublimitatem sermonis aut sapientiæ, annuntians vobis testimonium Christi. Non enim judicavi me scire aliquid inter vos, nisi Jesum Christum, et hunc crucifixum. Et sermo meus et prædicatio mea, non in persuasibilibus humanæ sapientiæ verbis, sed in ostensione spiritus et virtutis: ut fides vestra non sit in sapientia hominum, sed in virtute Dei. (d) Dei enim sumus adjutores; Dei agricultura estis, Dei ædificatio estis. Secundum gratiam quæ data est mihi, ut sapiens architectus fundamentum posui; alius autem superædificat. (e) Non sum liber? Non sum apostolus? Nonne Christum Jesum Dominum nostrum vidi? Nonne

(c) *1 Cor.*
ii, 1, 2, 4, 5.

(d) *Ibid.* iii,
9, 10.

(e) *Ibid.* ix,
1, 2.

opus meum vos estis in Domino? Et si aliis non sum apostolus, vobis tamen sum: nam signaculum apostolatus mei vos estis in Domino. (f) Notum autem vobis, fratres, facio Evangelium quod prædicavi vobis, quod et accepistis, in quo et statis, per quod et salvamini: qua ratione prædicaverim vobis; si retinetis, nisi frustra credidistis.

(f) 1 Cor.
xv, 1, 2.

g 11 Cor.
ii, 14-17.

(g) Deo autem gratias, qui semper triumphat nos in Christo Jesu, et odorem notitiæ suæ manifestat per nos in omni loco: quia Christi bonus odor sumus Deo, in his qui salvi fiunt, et in his qui pereunt: aliis quidem odor mortis in mortem, aliis vitæ in vitam. Et ad hæc quis tam idoneus? Non enim sumus, sicut plurimi, adulterantes verbum Dei; sed ex sinceritate, sicut ex Deo, coram Deo, in

h 1 Thim.
vi.

Christo loquimur. (h) Qui et idoneos nos fecit ministros novi Testamenti, non littera, sed spiritu. Littera enim occidit, spiritus autem vivificat. (i) Quod si etiam opertum est Evangelium nostrum, in his qui pereunt opertum est: in quibus deus hujus sæculi excæcavit mentes infidelium, ut non fulgeat illis illuminatio Evangelii gloriæ Christi, qui est imago Dei. Non enim nosmetipsos prædicamus, sed Jesum Christum Dominum nostrum: nos autem

j 1 Thim.
4-6.

servos vestros per Jesum. (j) Nam si is qui venit, alium Christum prædicat quem nos non prædicavimus, aut alium spiritum accipitis quem non accepistis, aut aliud evangelium quod non recepistis: rectè pateremini. Existimo enim me nihil minus fecisse a magnis Apostolis. Nam et si imperitus sum sermone, non tamen scientia. In omnibus autem manifestatus sum vobis. (k) Nihil enim minus feci ab his qui sunt supra modum Apostoli, tametsi nihil sum. Signa tamen apostolatus mei facta sunt super vos, in omni patientia, in signis et prodigiis et virtutibus.

k 1 Thim.
11, 12.

l Phil.
1, 12-14.

(l) Scire autem vos volo, fratres, quia quæ circa me sunt, magis ad profectum Evangelii venerunt: ita ut vincula mea manifesta fierent in Christo in omni præ-

torio, et in ceteris omnibus: ita ut plures e fratribus in Domino confidentes in vinculis meis, abundantius auderent sine timore verbum Dei loqui. (m) Scientes, fratres dilecti a Deo, electionem vestram, quia Evangelium nostrum non fuit ad vos in sermone tantum, sed et in virtute, et in Spiritu Sancto, et in plenitudine multa, sicut scitis quales fuerimus in vobis propter vos. (n) Exhortatio enim nostra non de errore, neque de immunditia, neque in dolo; sed sicut probati sumus a Deo ut crederetur nobis Evangelium, ita loquimur, non quasi hominibus placentes, sed Deo, qui probat corda nostra. Neque aliquando fuimus in sermone adulationis, sicut scitis; neque in occasione avaritiæ, Deus testis est; nec quærentes ab hominibus gloriam, neque a vobis, neque ab aliis: quum possemus vobis oneri esse ut Christi apostoli, sed facti sumus parvuli in medio vestrum.

m 1 Thess.
1, 4, 5.

n 1 Thim.
3-7.

(o) Quomodo autem effugiemus, si tantam neglexerimus salutem? quæ quum initium accepisset enarrari per Dominum ab eis qui audierunt, in nos confirmata est: contestante Deo signis, et portentis, et variis virtutibus, et Spiritus Sancti distributionibus secundum suam voluntatem. (p) Quomodo vero prædicabunt, nisi mittantur? sicut scriptum est: Quam speciosi pedes evangelizantium pacem, evangelizantium bona! Sed non omnes obediunt Evangelio. Isaias enim dicit: Domine, quis credidit auditui nostro? Ergo fides ex auditu est, auditus autem per verbum

o Hebr.
11, 3, 4.

Christi. Sed dico: Numquid non audierunt? Et quidem in omnem terram exivit sonus eorum, et in fines orbis terræ verba eorum. (q) Evangelium enim pervenit ad vos, sicut et in universo mundo est; et fructificat et crescit, sicut in vobis, ex ea die qua audistis et cognovistis gratiam Dei in veritate: sicut didicistis ab Epaphra carissimo conservo nostro, qui est fidelis pro vobis minister Christi Jesu, qui etiam manifestavit nobis dilectionem vestram in spiritu.

(p) Rom.
x, 15-18.

q Coloss.
1, 6-8.

CAPITULUM XL.

De gentium vocatione, et Judæorum excæcatione; de finali quoque conversione eorum ad Christum.

(a) *Rom.* IX. 23-31. (a) **V**ASA misericordiæ præparavit Deus in gloriam. Quos et vocavit non solum ex Judæis, sed etiam ex gentibus, sicut in Osee dicit : Vocabo non plebem meam, plebem meam; et non dilectam, dilectam; et non misericordiam consecutam, misericordiam consecutam. Et erit : In loco ubi dictum est eis, Non plebs mea vos; ibi vocabuntur filii Dei vivi. Isaias autem clamat pro Israel : Si fuerit numerus filiorum Israel tanquam arena maris, reliquiæ salvæ fient. Verbum enim consummans et abbrevians in æquitate, quia verbum brevium faciet Dominus super terram. Et sicut prædixit Isaias : Nisi Dominus Sabaoth reliquisset nobis semen, sicut Sodoma facti essemus, et sicut Gomorrha similes fuisset. Quid ergo dicemus? Gentes quæ non sequebantur justitiam, apprehenderunt justitiam : justitiam autem eam quæ est ex fide. Israel vero sectando legem justitiæ, in legem justitiæ non pervenit. (b) Testimonium enim illis perhibeo, quod æmulationem Dei habent, sed non secundum scientiam. Ignorantes enim Dei justitiam, et suam quærentes statuere, justitiæ Dei non sunt subjecti. Sed dico : Numquid Israel non cognovit? Primus Moyses dicit : Ego ad æmulationem vos adducam in non gentem, in gentem insipientem, in iram vos mittam. Isaias autem audet, et dicit : Inventus sum a non quærentibus me, palam apparui his qui me non interrogabant. Ad Israel autem dicit : Tota die expandi manus meas ad populum non credentem, sed contradicentem mihi.

(b) *Ibid.* x. 2, 3.

Ibid. 19-21. (c) Quid ergo? Quod quærebat Israel, hoc non est consecutus; electio autem consecuta est, ceteri vero excæcati sunt, sicut scriptum est : Dedit illis Deus spiritum compunctionis, oculos ut non vide-

(c) *Ibid.* xi. 7-20.

A ant, et aures ut non audiant, usque in hodiernum diem. Et David dicit : Fiat mensa eorum coram ipsis in laqueum, et in captionem, et in scandalum, et in retributionem ipsis; obscurentur oculi eorum, ne videant, et dorsum eorum semper incurva. Dico ergo : Numquid sic offenderunt ut caderent? Absit; sed illorum delictum salus est gentibus, ut illos æmulentur. Quod si delictum illorum divitiæ sunt mundi, et diminutio eorum divitiæ gentium, quanto magis plenitudo eorum? **B** his enim dico gentibus : Quamdiu quidem ego sum apostolus gentium, ministerium meum honorificabo, si quo modo ad æmulandum provocem carnem meam, et salvos faciam aliquos ex illis. Si enim amissio eorum reconciliatio est mundi, quæ assumptio, nisi vita ex mortuis? Quod si deliberatio sancta est, et massa; et si radix sancta, et rami. Quod si aliqui ex ramis fracti sunt, tu autem quum oleaster esses, insertus es in illis, et socius radicis et pinguedinis olivæ factus es, noli gloriari adversus ramos. Quod si gloriaris, non tu radicem portas, sed radix te. Dicis ergo : Fracti sunt rami ut ego inserar. Bene : propter incredulitatem fracti sunt; tu autem fide stas.

Vide ergo bonitatem et severitatem Dei : *Rom.* xi. 22-33. in eos quidem qui ceciderunt, severitatem; in te autem bonitatem, si tamen in bonitate permanseris : alioqui et tu excideris. Sed et illi, si non permanserint in incredulitate, inserentur. Potens est enim Deus iterum inserere eos. Nam si tu ex naturali excisus es oleastro, et contra naturam insertus in bonam olivam : quanto magis hi secundum naturam, inserentur suæ olivæ? Nolo autem vos ignorare, fratres, mysterium hoc, ut non sitis vobis ipsis sapientes : quia cæcitas ex parte contigit in Israel, donec plenitudo gentium intraret, et sic omnis Israel salvus fieret, sicut scriptum est : Veniet ex Sion qui eripiat, et avertat impietatem ab Jacob. Et hoc illis a me testamentum, quum abstulero peccata eorum. Secundum Evange-

lium quidem, inimici propter vos; secundum electionem autem, carissimi propter patres. Sine penitentia enim sunt dona et vocatio Dei. Sicut enim aliquando vos non credidistis Deo, nunc autem misericordiam consecuti, estis propter illorum incredulitatem; ita et isti nunc non crediderunt in vestram misericordiam, ut et ipsi misericordiam consequantur. Conclussit enim Deus omnia in incredulitate, ut omnium misereatur. O quam incomprehensibilia sunt judicia ejus!

(d) *Rom.*
xv, 8-12.

(d) Dico autem, gentes super misericordia honorare Deum, sicut scriptum est: Propter hoc confitebor tibi in gentibus, et nomini tuo cantabo. Et iterum dicit: Lætamini, gentes, cum plebe ejus. Et iterum: Laudate Dominum, omnes gentes; et magnificate eum, omnes populi. Et rursum Isaias ait: Erit radix Jesse, et qui exsurgat regere gentes, et in eum gentes sperabunt. (e) Et non sicut Moyses ponebat velamen super faciem suam, ut non intenderent filii Israel in faciem ejus, quod evacuatur; sed obtusi sunt sensus eorum. Usque in hodiernum enim diem id ipsum velamen in lectione veteris Testamenti manet non revelatum, quoniam in Christo evacuatur. Sed usque in hodiernum diem, quum legitur Moyses, velamen est positum super cor eorum. Quum autem conversi fuerint ad Dominum, auferetur velamen.

(f) *Ephes.*
ii, 11-13, 17, 18.

(f) Memores estote quod aliquando vos gentes eratis in carne qui dicebamini præputium, ab ea quæ dicitur circumcisio in carne manu facta: qui eratis in tempore illo sine Christo, alienati a conversatione Israel, et hospites testamentorum, promissionis spem non habentes, et sine Deo in hoc mundo. Nunc autem in Christo Jesu, vos qui eratis aliquando longe, facti estis prope in sanguine Christi. Qui veniens evangelizavit pacem vobis qui longe fuistis, et pacem his qui prope: quoniam per ipsum habemus accessum ambo in uno spiritu ad Deum Patrem. (g) Sicut nunc revelatum est sanctis Apostolis, esse gentes coheredes, et concorporales, et

(g) *Ibid.* iii,
5, 6.

A comparticipes promissionis in Christo Jesu, etc., ut supra. (h) Judæi autem et Dominum Jesum occiderunt et Prophetas, et nos persecuti sunt; et Deo non placent, et hominibus adversantur: prohibentes nos gentibus loqui ut salvæ fiant, ut impleant peccata sua semper. Pervenit ira Dei super illos usque in finem.

CAPITULUM XLI.

De diversis gratiarum donis Ecclesie collatis tempore gratiarum sub evangelica lege.

(a) **H**ABENTES autem donationes, secundum gratiam quæ data est nobis, differentes: sive prophetiam secundum rationem fidei, sive ministerium in ministrando, sive qui docet in doctrina, qui exhortatur in exhortando, qui tribuit in simplicitate, qui præest in sollicitudine, qui miseretur in hilaritate; odientes malum, adhærentes bono, sollicitudine non pigri, Domino servientes, necessitatibus sanctorum communicantes, hospitalitatem sectantes; id ipsum in invicem sentientes: si fieri potest, quod ex vobis est, cum omnibus hominibus pacem habentes. Non vosmetipsos defendentes, carissimi; sed date locum iræ. (b) Certus sum autem, fratres mei, et ego ipse de vobis, quoniam et ipsi pleni estis dilectione, repleti omni scientia, ita ut possitis alterutrum mone- re. (c) Quia in omnibus divites facti estis in Deo, in omni verbo, et in omni scientia: ita ut nihil vobis desit in ulla gratia, etc., ut supra. (d) Nescitis quoniam templum Dei estis, et Spiritus Dei habitat in vobis? Si quis autem templum Dei violaverit, disperdet illum Deus. Templum enim Dei sanctum est, quod estis vos. (e) Et iniqui quidem fuistis; sed abluti estis, sed sanctificati estis, sed justificati estis in nomine Domini nostri Jesu Christi, et in Spiritu Dei nostri. An nescitis quoniam membra vestra templum est Spiritus Sancti, qui est in vobis, quem habetis a Deo, et non estis vestri? Empti enim estis præ-

(a) *Rom.*
xii, 6-9, 11, 13, 16, 18, 19.

(b) *Ibid.* xv,
14.

(c) *1 Cor.*
i, 5, 7.

(d) *Ibid.* iii,
16, 17.

(e) *Ibid.* vi,
11, 19, 20.

tio magno : glorificate ergo et portate A Deum in corpore vestro.

(f) 1 Cor.
xii, 1, 3-13.

(f) De spiritualibus autem nolo vos ignorare, fratres, quia nemo potest dicere Dominus Jesus, nisi in Spiritu Sancto. Divisiones vero gratiarum sunt, idem autem Spiritus. Et divisiones ministrarum sunt, idem autem Dominus. Et divisiones operationum sunt, idem vero Deus, qui operatur omnia in omnibus. Unicuique autem datur manifestatio Spiritus ad utilitatem. Alii quidem per Spiritum datur sermo sapientiæ; alii autem sermo scientiæ secundum eundem Spiritum; alteri fides in eodem Spiritu; alii gratia sanitatum in uno Spiritu; alii operatio virtutum, alii prophetia, alii distinctio spirituum, alii genera linguarum, alii interpretatio sermonum. Hæc autem omnia operatur unus atque idem Spiritus, dividens singulis prout vult. Sicut enim corpus unum est, et membra habet multa; omnia autem membra corporis quum sint multa, unum corpus sunt : ita et Christus. Etenim in uno Spiritu omnes nos in unum corpus bapti-

Ibid. 14-26.

Nam et corpus non est unum membrum, sed multa. Si dixerit pes, Quoniam non sum manus, non sum de corpore : non ideo non est de corpore? Et si dixerit auris, Non sum oculus, non sum de corpore : non ideo non est de corpore? Si totum corpus oculus, ubi auditus? Si totum auditus, ubi odoratus? Nunc autem posuit Deus membra, unumquodque eorum in corpore sicut voluit. Quod si essent omnia unum membrum, ubi corpus? Nunc autem multa quidem membra, unum autem corpus. Non potest autem oculus dicere manui, Opera tua non indigeo; aut iterum caput pedibus, Non estis mihi necessarii. Sed multo magis quæ videntur membra corporis infirmiora esse, necessaria sunt; et quæ putamus ignobiliora membra esse corporis, his honorem abundantiorum circumdamus; et quæ inhonestas

stas sunt nostra, abundantiorum honestatem habent. Honesta autem nostra nullius egent; sed Deus temperavit corpus, ei cui deerat ampliorum tribuendo honorem : ut non sit schisma in corpore, sed in id ipsum pro invicem sollicita sint membra. Et si quid patitur unum membrum, compatiuntur omnia membra; sive glorietur unum membrum, congaudent omnia membra.

Vos autem estis corpus Christi, et membra de membro. Et quosdam quidem posuit Deus in Ecclesia : primum Apostolos, secundo Prophetas, tertio doctores, deinde virtutes; exinde gratias curationum, opitulationes, gubernationes, genera linguarum, interpretationes sermonum. Numquid omnes Apostoli? numquid omnes Prophetæ? numquid omnes doctores? numquid omnes virtutes? numquid omnes gratiam habent curationum? numquid omnes linguis loquuntur? numquid omnes interpretantur?

1 Cor. xii,
27-30.

CAPITULUM XLII.

Adhuc de eadem materia, et comparatione gratiarum ad invicem, atque de modo utendi, et de profectu in ipsis.

(a) **A**MULAMINI spiritualia, magis autem ut prophetetis. Qui enim loquitur lingua, non hominibus loquitur, sed Deo : nemo enim audit. Spiritus autem loquitur mysteria. Nam qui prophetat, hominibus loquitur ad ædificationem, et exhortationem, et consolationem. Qui loquitur lingua, semetipsum ædificat; qui autem prophetat, Ecclesiam Dei ædificat. Volo autem vos omnes loqui linguis, magis autem prophetare : nam major est qui prophetat, quam qui loquitur lingua, nisi forte interpretetur, ut Ecclesia ædificationem accipiat. Nunc autem, fratres, si venero ad vos linguis loquens, quid vobis prodero, nisi vobis loquar aut in revelatione, aut in scientia, aut in prophetia, aut in doctrina? Tamen quæ sine anima sunt

(a) 1 Cor.
xiv. 1-11.

vocem dantia, sive tibia, sive cithara, nisi distinctionem sonitus dederint, quomodo scietur id quod canitur, aut quod citharizatur? Etenim si incertam vocem det tuba, quis præparabit se ad prælium? Ita et vos per linguam, nisi manifestum sermonem dederitis, quomodo scietur id quod dicitur? Eritis enim in aera loquentes. Tam multa utputa genera linguarum sunt in hoc mundo, et nihil sine voce est. Si ergo nesciero virtutem vocis, ero ei cui loquor barbarus; et qui loquitur mihi, barbarus. Et ideo qui loquitur lingua, oret ut interpretetur.

1 Cor. xiv.
16-19.

Ceterum si benedixeris spiritu, qui supplet locum idiotæ, quomodo dicet, Amen, super tuam benedictionem? quoniam quid dicas, nescit. Nam tu quidem bene gratias agis, sed alter non ædificatur. Gratias ago Deo meo, quod omnium vestrum lingua loquor. Sed in ecclesia volo quinque verba meo sensu loqui; ut et alios instruam, quam decem millia verborum in lingua.

Ibid. 21-32.

In lege enim scriptum est: Quoniam in aliis linguis et aliis labiis loquar populo huic; et nec sic exaudient me, dicit Dominus. Itaque linguæ in signum sunt, non fidelibus, sed infidelibus; prophetiæ autem, non infidelibus, sed fidelibus. Si ergo universa ecclesia conveniat in unum, et omnes linguis loquantur, intrent autem idiotæ aut infideles, nonne dicent quod insanitis? Si autem omnes prophetent, intret autem aliquis infidelis aut idiota, convincitur ab omnibus, dijudicatur ab omnibus: occulta enim cordis ejus manifesta fiunt. Et ita cadens in faciem adorabit Deum, pronuntians quod vere Deus in vobis sit. Quid ergo est, fratres? Quum convenitis, unusquisque vestrum psalmum habet, doctrinam habet, apocalypsim habet, linguam habet, interpretationem habet: omnia ad ædificationem fiant. Sive lingua quis loquitur, secundum duos, aut ut multum tres, et per partes, et unus interpretetur. Si autem non fuerit interpres, taceat in ecclesia; sibi autem loquatur, et Deo. Prophetæ duo aut tres dicant, ceteri

A dijudicent. Quod si aliquid revelatum fuerit sedenti, prior taceat. Potestis enim omnes per singulos prophetare, ut omnes discant, et omnes exhortentur. Et spiritus Prophetarum Prophetis subjecti sunt. Itaque, fratres, æmulamini prophetare, et loqui linguis nolite prohibere.

1 Cor. xiv.
39.

(b) Deo autem gratias, qui dedit nobis victoriam per Dominum nostrum Jesum Christum.

(b) Ibid. xv.
57.

(c) Qui autem confirmat nos vobiscum in Christo, et qui unxit nos Deus; qui et signavit nos, et dedit pignus Spiritus in cordibus nostris.

(c) II Cor.
i. 21, 22.

(d) Si autem vos Christi, ergo semen Abrahæ estis, secundum promissionem heredes.

(d) Galat.
iii. 29.

(e) Quoniam autem estis filii Dei, misit Deus Spiritum Filii sui in corda vestra, clamantem: Abba (Pater). Itaque jam non est servus, sed filius. Quod si filius, et heres per Deum.

(e) Ibid. iv.
6, 7.

(f) Quicumque enim Spiritu Dei aguntur, hi filii sunt Dei. Non enim accepistis spiritum servitutis iterum in timore, sed accepistis spiritum adoptionis filiorum, in quo clamamus: Abba (Pater). Ipse enim

(f) Rom.
viii. 14-17.

C Spiritus testimonium reddit spiritui nostro, quod sumus filii Dei. Si autem filii, et heredes. Heredes quidem Dei, coheredes autem Christi: si tamen compatimur, ut et simul glorificemur. (g) Nos itaque, fratres, secundum Isaac promissionis filii sumus. Sed quomodo tunc qui secundum carnem natus fuerat, persequabatur eum qui secundum spiritum; ita et nunc. Sed quid dicit Scriptura? Ejice ancillam et filium ejus: non enim erit heres filius ancillæ cum filio liberæ. Itaque, fratres, non sumus ancillæ filii, sed liberæ: qua libertate Christus nos liberavit.

(g) Galat.
iv. 28-31.

CAPITULUM XLIII.

De excellentia supernorum charismatum Christifidelibus concessorum, præsertim in primitiva Ecclesia.

(a) **B**ENEDICTUS Deus et Pater Domini nostri Jesu Christi, qui benedixit nos in omni benedictione spirituali in cœ-

(a) Ephes.
i. 3, 6, 7, 13, 14.

lestibus in Christo Jesu, in laudem gloriæ gratiæ suæ, in qua gratificavit nos in dilecto Filio suo, in quo habemus redemptionem per sanguinem ejus, remissionem peccatorum, secundum divitias gratiæ ejus. In quo et vos, quum audissetis verbum veritatis, Evangelium salutis vestræ, in quo et credentes signati estis Spiritu promissionis Sancto, qui est pignus hereditatis nostræ, in redemptionem acquisitionis, in laudem gloriæ ipsius. (b) Deus enim qui dives est in misericordia, propter nimiam caritatem suam qua dilexit nos, quum essemus mortui peccatis, convivificavit nos in Christo, cujus gratia estis salvati, et resuscitavit et consedere fecit in cœlestibus in Christo Jesu : ut ostenderet in sæculis supervenientibus abundantes divitias gratiæ suæ, in bonitate super nos in Christo Jesu. Ergo jam non estis hospites et advenæ, sed estis cives Sanctorum et domestici Dei, superædificati super fundamentum Apostolorum et Prophetarum, ipso summo angulari lapide Christo Jesu : in quo omnis ædificatio constructa crescit in templum sanctum in Domino; in quo et vos coædificamini in habitaculum Dei in Spiritu Sancto.

(b) *Ephes.*
ii, 4-7.

Ibid. 19-22.

(c) *Ibid.* iv,
7, 8, 11-13.

(c) Unicuique autem nostrum data est gratia secundum mensuram donationis Christi. Propter quod dicit : Ascendens in altum, captivam duxit captivitatem, dedit dona hominibus. Et ipse dedit quosdam quidem Apostolos, quosdam autem Prophetas, alios vero Evangelistas, alios autem pastores et doctores : ad consummationem sanctorum in opus ministerii, in ædificationem corporis Christi, donec occurramus omnes in unitatem fidei et agnitionis Filii Dei, in virum perfectum, in mensuram ætatis plenitudinis Christi. (d) Et vos facti estis forma omnibus credentibus. Nam in omni loco fides vestra quæ est ad Deum, perfecta est, ita ut non sit nobis necesse quidquam loqui. Ipsi enim de vobis annuntiant qualem introitum habuerimus ad vos, et quomodo conversi estis ad Deum a simulacris, servire Deo

T. 14.

A vivo et vero, et expectare Filium ejus de cœlis, quem suscitavit ex mortuis Jesum, qui eripuit nos ab ira ventura. (e) Ideo et nos agimus gratias Deo sine intermissione, quoniam quum accepissetis a nobis verbum auditus Dei, accepistis illud non ut verbum hominum, sed, sicut vere est, verbum Dei, qui operatur in vobis qui credidistis.

(e) *I Thess.*
ii, 13.

(f) Superabundavit autem gratia Domini nostri Jesu Christi, cum fide et dilectione quæ est in Christo Jesu. (g) Deus nos liberavit, et vocavit vocatione sua sancta : non secundum opera nostra, sed secundum propositum suum et gratiam quæ data est nobis in Christo Jesu ante tempora sæcularia. Manifestata est autem nunc per illuminationem Salvatoris nostri Jesu Christi, qui destruxit quidem mortem, illuminavit autem vitam et incorruptionem per Evangelium, in quo positus sum ego prædicator, et apostolus, et magister gentium. Ob quam causam etiam hæc patior ; sed non confundor. (h) Quoniam Christus dedit semetipsum pro nobis, ut

(f) *I Tim.* i,
14.

(g) *II Tim.*
i, 9-12.

nos redimeret ab omni iniquitate, et mundaret sibi populum acceptabilem, sectatorem bonorum operum. (i) Eramus enim et nos aliquando insipientes, increduli, errantes, servientes desideriis et voluptatibus variis, in malitia et invidia agentes, odibiles, odientes invicem. Quum autem benignitas et humanitas apparuit Salvatoris nostri, non ex operibus justitiæ quæ fecimus nos, sed secundum misericordiam suam, salvos nos fecit per lavacrum regenerationis et renovationis Spiritus Sancti, quem effudit in nos abunde per Jesum Christum Salvatorem nostrum : ut iustificati gratia ipsius, heredes simus secundum spem vitæ æternæ. (j) Habemus enim altare de quo edere non habent potestatem qui tabernaculo deserviunt. Quorum enim animalium infertur sanguis pro peccato in Sancta per pontificem, horum corpora cremantur extra castra. Propter quod et Jesus, ut sanctificaret per suum sanguinem populum, extra portam passus est.

(h) *Tit.* ii,
14.

(i) *Ibid.* iii,
3-7.

(j) *Hebr.*
xiii, 10-12.

CAPITULUM XLIV.

De prædestinatione et præscientia Dei.

a Rom.
viii. 28-34.

(a) **S**CIMUS autem quoniam diligentibus Deum omnia cooperantur in bonum, his qui secundum propositum vocati sunt sancti. Nam quos præseivit, et prædestinavit conformes fieri imaginis Filii sui, ut sit ipse primogenitus in multis fratribus. Quos autem prædestinavit, hos et vocavit; et quos vocavit, hos et justificavit; quos autem justificavit, illos et magnificavit. Quid ergo dicemus ad hæc? Si Deus pro nobis, quis contra nos? Qui etiam proprio Filio non pepercit, sed pro nobis omnibus tradidit illum: quomodo non etiam cum illo nobis omnia donavit? Quis accusabit adversus electos Dei? Deus qui justificat, quis est qui condemnet? Christus Jesus qui mortuus est, imo qui et resurrexit, qui est ad dexteram Dei, qui etiam interpellat pro nobis.

(b) Ibid. ix.
6-23.

(b) Non autem quod exciderit verbum Dei. Non enim omnes qui ex Israel sunt, ii sunt Israelitæ; neque qui semen Abraham, omnes filii sunt. Sed in Isaac vocabitur tibi semen: id est, non qui filii sunt carnis, ii filii Dei; sed qui filii sunt promissionis, æstimantur in semine. Promissionis enim verbum hoc est: Secundum hoc tempus veniam, et erit Saræ filius. Non solum autem illa, sed et Rebecca ex uno concubitu habens Isaac patris nostri. Quum enim nondum nati fuissent, aut aliquid egissent boni aut mali: ut secundum electionem propositum Dei maneret, et non ex operibus, sed ex vocante, dictum est ei, Quia major serviet minori, sicut scriptum est: Jacob dilexi, Esau autem odio habui. Quid ergo dicemus? Numquid iniquitas est apud Deum? Absit. Moysi enim dixit: Miserebor ejus misereor, et misericordiam præstabo ejus miserebor. Igitur non volentis neque currentis, sed miserentis est Dei. Dicit enim Scriptura Pharaoni: Quia in hoc ipsum excitavi te, ut ostendam in te virtutem

A meam, et annuntietur nomen meum in universa terra. Ergo ejus vult miseretur, et quem vult indurat. Dicis itaque mihi: Quid adhuc quæritur? Voluntati ejus quis resistit? O homo, tu quis es ut respondeas Deo? Numquid dicit figmentum ei qui se finxit, Quid me fecisti sic? An non habet potestatem figulus luti, ex eadem massa facere aliud quidem vas in honorem, aliud vero in contumeliam? Quod si Deus volens ostendere iram suam, et notam facere potentiam suam, sustinuit in multa patientia vasa iræ apta in interitum; ut ostenderet divitias gloriæ suæ in vasa misericordiæ, quæ præparavit in gloriam. (c) O altitudo divitiarum sapientiæ et scientiæ Dei! quam incomprehensibilia sunt judicia ejus, et investigabiles viæ ejus! Quis enim cognovit sensum Domini? aut quis consiliarius ejus fuit? aut quis prior dedit illi, et retribuetur ei? Quoniam ex ipso, et per ipsum, et in ipso sunt omnia: ipsi honor et gloria in sæcula sæculorum. Amen.

(c) Rom.
xi. 33-36.

(d) Videte enim vocationem vestram, fratres: quia non multi sapientes secundum carnem, non multi prudentes, non multi nobiles sunt inter vos. Sed quæ stulta sunt mundi elegit Deus, ut confundat sapientes; et infirma mundi elegit Deus, ut confundat fortia. Et ignobilia mundi et contemptibilia elegit Deus, et ea quæ non sunt, ut ea quæ sunt destrueret: ut non gloriaretur omnis caro in conspectu ejus. Fidelis Deus per quem vocati estis in societatem Filii ejus. (e) Deus enim nos elegit in Christo ante mundi constitutionem, ut essemus sancti et immaculati in conspectu ejus, in caritate: qui prædestinavit nos in adoptionem filiorum Dei per Jesum Christum in ipsum, secundum propositum voluntatis suæ, in laudem gloriæ gratiæ suæ. In quo et nos sorte vocati sumus, prædestinati secundum propositum ejus, qui omnia operatur secundum consilium voluntatis suæ, ut simus in laudem gloriæ ejus, nos qui ante speravimus in Christo. (f) Ipsius enim

(d) 1 Cor. i.
26-29.

Ibid. 9.

(e) Ephes.
i. 4-6, 11, 12.

(f) Ibid. i.
10.

sumus factura, creati in Christo Jesu, in operibus bonis, quæ præparavit Deus ut in illis ambulemus. (g) Deus est enim qui operatur in vobis et velle et perficere pro bona voluntate. (h) In magna autem domo, non solum sunt vasa aurea et argentea, sed et lignea et fictilia : et quædam quidem in honorem, quædam vero in contumeliam. Si quis ergo emundaverit se ab istis, erit vas in honorem sanctificatum, et utile Domino, ad omne opus bonum paratum.

CAPITULUM XLV.

*De justitia Dei, et rigore divini judicii
contra iniquos.*

(a) *Rom.* 1, 18, 19. (a) **R**EVELATUR ira Dei de cœlo super omnem impietatem et injustitiam hominum eorum qui veritatem Dei in injustitia detinent : quia quod notum est Dei, manifestum est in illis : Deus enim illis revelavit. (b) Qui reddet unicuique secundum opera ejus : iis quidem qui secundum patientiam boni operis, gloriam, et honorem, et incorruptionem, quærentibus vitam æternam ; iis autem qui sunt ex contentione, et non acquiescunt veritati, credunt autem iniquitati, ira et indignatio, tribulatio et angustia, in omnem animam hominis operantis malum, Judæi primum et Græci. Non enim est acceptio personarum apud Deum. Quicumque enim sine lege peccaverunt, sine lege peribunt ; et quicumque in lege peccaverunt, per legem judicabuntur. Non enim auditores legis justi sunt apud Deum ; sed factores legis justificabuntur. Quum enim gentes, quæ legem non habent, naturaliter ea quæ legis sunt faciunt, ejusmodi legem non habentes, sibi ipsi sunt lex : qui ostendunt opus legis scriptum in cordibus suis, testimonium reddente illis conscientia ipsorum, et inter se invicem cogitationum accusantium, aut etiam defendentium, in die quum judicabit Deus occulta hominum, secundum evangelium meum, per

A Jesum Christum. (c) Est autem Deus verax, omnis autem homo mendax, sicut scriptum est : Ut justificeris in sermonibus tuis, et vincas quum judicaris. Si autem iniquitas nostra justitiam Dei commendat, quid dicemus ? Numquid iniquus est Deus, qui infert iram ? (Secundum hominem dico.) Absit. Alioqui, quomodo judicabit Deus hunc mundum ? Si enim veritas Dei in meo mendacio abundavit in gloriam ipsius, quid adhuc ego tanquam peccator judicor ? Et non sicut blasphemamur, et sicut aiunt quidam nos dicere, Faciamus mala ut veniant bona : quorum damnatio justa est. Quid ergo ? Præcellimus eos ? Nequaquam. Causati enim sumus, etc., ut supra.

(d) *I Cor.* 13, 8, 10-15. (d) Unusquisque propriam mercedem accipiet, secundum suum laborem. Ut sapiens architectus fundamentum posui. Unusquisque autem videat quomodo superædificet. Fundamentum enim aliud nemo potest ponere, præter id quod positum est, quod est Jesus Christus. Si quis autem superædificat super fundamentum hoc, aurum, argentum, lapides pretiosos, lignum, fœnum, stipulam : uniuscujusque opus manifestum erit. Dies enim Domini declarabit, quia in igne revelabitur ; et uniuscujusque opus quale sit, ignis probabit. Si cujus opus manserit quod superædificavit, mercedem accipiet. Si cujus opus arserit, detrimentum patietur ; ipse autem salvus erit, sic tamen quasi per ignem. (e) Omnes enim nos manifestari oportet ante tribunal Christi, ut referat unusquisque propria corporis, prout gessit, sive bonum, sive malum. (f) Nam Deus personam hominis non accipit.

(g) *II Thess.* 1, 6-10. (g) Justum est apud Deum, retribuere tribulationem his qui vos tribulant, et vobis qui tribulamini, requiem nobiscum in revelatione Domini Jesu de cœlo cum angelis virtutis ejus, in flamma ignis dantis vindictam iis qui non noverunt Deum, et qui non obediunt Evangelio Domini nostri Jesu Christi. Qui pœnas dabunt in interitu æternas, a facie Domini et

a gloria virtutis, quum venerit glorificari A in Sanctis suis, et admirabilis fieri in omnibus qui crediderunt : quia creditum est testimonium nostrum super vos in die illo. (h) Quorundam hominum peccata manifesta sunt, præcedentia ad iudicium ; quorundam autem et subsequuntur. Similiter et facta bona manifesta sunt ; et quæ aliter se habent, abscondi non possunt.

(h) I Rom.
v, 24, 25.

(i) Hebr.
m, 10, 11,
16-19.

(i) Propter quod offensus fui (dicit Spiritus Sanctus) generationi huic, et dixi : Semper hi errant corde ; ipsi vero non cognoverunt vias meas. Quibus juravi in ira mea : Si introibunt in requiem meam. Quidam enim audientes exacerbaverunt ; sed non universi qui profecti sunt ab Ægypto per Moysen. Quibus autem offensus est quadraginta annis ? Nonne illis qui peccaverunt, quorum cadavera prostrata sunt in deserto ? Quibus autem juravit non introire in requiem ipsius, nisi illis qui increduli fuerunt ? Et videmus quia non potuerunt introire propter incredulitatem. (j) Terribilis quædam expectatio iudicii, et ignis æmulatio quæ consumptura est adversarios. Scimus enim qui dixit : Mihi vindictam, et ego retribuam ; et iterum : Quia iudicabit Dominus populum suum. Adhuc enim modicum aliquantulum, qui venturus est veniet, et non tardabit. (k) Qui et illuminabit abscondita tenebrarum, et manifestabit consilia cordium, etc., ut supra.

(j) Ibid. x,
27, 30, 37.

(k) I Cor.
iv, 5.

CAPITULUM XLVI.

De ineffabili misericordia Dei super genus humanum, et de pia hominum redemptione per Christum.

(a) Rom.
iii, 24-26.

(a) **J**USTIFICATI gratis per gratiam Dei, per redemptionem quæ est in Christo Jesu, quem proposuit Deus propitiatorem per fidem in sanguine ipsius, ad ostensionem justitiæ suæ, propter remissionem præcedentium delictorum, in sustentatione Dei, ad ostensionem justitiæ ejus in hoc tempore : ut sit ipse justus, et justificans eum qui ex fide est Domini

nostri Jesu Christi. (b) Qui traditus est propter delicta nostra, et resurrexit propter justificationem nostram. (c) Ut quid enim Christus, quum adhuc infirmi essemus secundum tempus, pro impiis mortuus est ? Vix enim pro justo quis moritur : nam pro bono forsitan quis audeat mori. Commendat autem caritatem suam in nobis Deus, quoniam quum adhuc peccatores essemus secundum tempus, Christus pro nobis mortuus est. Multo igitur magis, justificati nunc in sanguine ipsius, B salvi erimus ab ira per ipsum. Si enim quum inimici essemus, reconciliati sumus Deo per mortem Filii ejus, multo magis reconciliati salvi erimus in vita ipsius.

(b) Rom.
iv, 25.

(c) Ibid. v,
6 10.

(d) Estimantes hoc, quoniam si unus pro omnibus mortuus est, ergo omnes mortui sunt. Et pro omnibus mortuus est Christus, ut et qui vivunt, jam non sibi vivant, sed ei qui pro ipsis mortuus est et resurrexit. Si qua ergo in Christo nova creatura, vetera transierunt : ecce facta sunt omnia nova. Omnia autem ex Deo, qui reconciliavit nos sibi per Christum, et dedit nobis ministerium reconciliationis. Quoniam quidem Deus erat in Christo, mundum reconcilians sibi, non reputans illis delicta ipsorum ; et posuit in nobis verbum reconciliationis. Pro Christo ergo legatione fungimur, tanquam Deo exhortante per nos. Obsecramus pro Christo, reconciliamini Deo. Eum qui non noverat peccatum, pro nobis peccatum fecit, ut nos efficeremur justitia Dei in ipso.

(d) II Cor.
v, 14, 15, 17-21.

(e) Qui dedit semetipsum pro peccatis nostris, ut eriperet nos de præsentis sæculo nequam, secundum voluntatem Dei et Patris nostri, cui est gloria in sæcula sæculorum. Amen. (f) Christus nos redemit de maledicto legis, factus pro nobis maledictum, quia scriptum est, Maledictus omnis qui pendet in ligno : ut in gentibus benedictio Abraham fieret in Christo Jesu, ut pollicitationem Spiritus accipiamus per fidem.

(e) Galat.
1, 4, 5.

(f) Ibid. iii,
13, 14.

(g) Christus enim est pax nostra, qui fecit utraque unum ; et medium parietem maceriæ solvens, inimicitias in carne sua ;

(g) Ephes.
ii, 14-18.

legem mandatorum decretis evacuans, ut ^{(h) Coloss. 1, 19-22.} duos condat in semetipso, in uno novo homine, faciens pacem, et reconciliet am-
bos in uno corpore Deo, per crucem in-
terficiens inimicitias in semetipso. Et ve-
niens evangelizavit pacem vobis qui longe
fuistis, et pacem his qui prope : quoniam
per ipsum habemus accessum ambo in
uno spiritu ad Patrem. ^{(i) Ibid. u. 13-15.} (h) Quia in Christo
complacuit omnem plenitudinem inhabi-
tare, et per eum reconciliare omnia in
ipsum, pacificans per sanguinem crucis
ejus, sive quæ in cœlis sunt, sive quæ in
terris. Et vos quum essetis aliquando alie-
nati, et inimici sensu in operibus malis ;
nunc autem reconciliavit in corpore car-
nis ejus per mortem, exhibere vos san-
ctos, et immaculatos, et irreprehensibiles
coram ipso. ^{(j) 1 Tim. 1, 15.} (i) Et vos quum mortui essetis
in delictis, et præputio carnis vestræ, con-
vivificavit cum illo, donans vobis omnia
delicta : delens quod adversum nos erat
chirographum decreti, quod erat contrari-
um nobis, et ipsum tulit de medio, affi-
gens illud cruci ; et exspolians principatus
et potestates, traduxit confidenter, palam
triumphans illos in semetipso. ^{(k) Ibid. u. 5-7.} (j) Fidelis
sermo et omni acceptione dignus, quia Je-
sus Christus venit in hunc mundum pec-
catores salvos facere. (k) Unus enim Deus,
unus et mediator Dei et hominum, homo
Christus Jesus : qui dedit redemptionem
semetipsum pro omnibus ; ejus testimo-
nium suis temporibus confirmatum est,
in quo sum ego prædicator et apostolus.
Veritatem dico in Christo, et non men-
tior, doctor gentium in fide et veritate.

CAPITULUM XLVII.

*De variis Christiysteriis, utpote incarna-
tione, nativitate, humiliatione, paupertate,
passione, resurrectione, apparitione,
ascensione, et glorificatione ipsius ; atque
de suæ salutiferæ passionis effectibus.*

^{(a) Hebr. u. 9-17.} (a) **E**UM autem qui modico quam angeli
minoratus est, videmus Jesum pro-
pter passionem mortis, gloria et honore

coronatum, ut gratia Dei pro omnibus gu-
staret mortem. Decebat enim eum, pro-
pter quem omnia, et per quem omnia,
qui multos filios in gloriam adduxerat,
auctorem salutis eorum per passionem
consummare. Qui enim sanctificat et qui
sanctificantur, ex uno omnes. Propter
quam causam non confunditur fratres eos
vocare, dicens : Nuntiabo nomen tuum
fratribus meis, in medio Ecclesiæ laudabo
te ; et iterum, Ego ero fidens in eum ;
et iterum, Ecce ego et pueri mei, quos
dedit mihi Deus. Quia ergo pueri com-
municaverunt carni et sanguini, et ipse
similiter participavit eisdem : ut per mor-
tem destrueret eum qui habebat mortis
imperium, id est diabolus, et liberaret
eos qui timore mortis per totam vitam
obnoxii erant servituti. Nusquam enim an-
gelos apprehendit, sed semen Abrahæ ap-
prehendit. Unde debuit per omnia fra-
tribus similari, ut misericors fieret, et
fidelis pontifex ad Deum, ut repropitia-
ret delicta populi.

^{(b) Hebr. ix, 11-28.} (b) Christus autem adsistens pontifex
futurorum bonorum, per amplius et per-
fectius tabernaculum non manufactum, id
est non hujus creationis, neque per san-
guinem hircorum aut vitulorum, sed per
proprium sanguinem, introivit semel in
Sancta, æterna redemptione inventa. Si
enim sanguis hircorum et vitulorum, et
cinis vitulæ adpersus, inquinatos sancti-
ficat ad emundationem carnis : quanto
magis sanguis Christi, qui per Spiritum
Sanctum semetipsum obtulit immacula-
tum Deo, emundabit conscientiam nostram
ab operibus mortuis, ad serviendum Deo
viventi ? Et ideo novi testamenti media-
tor est, ut morte intercedente in redempti-
onem earum prævaricationum quæ erant
sub priori testamento, repromissionem ac-
cipiant qui vocati sunt æternæ heredi-
tatis. Ubi enim testamentum, mors neces-
se est intercedat testatoris. Testamentum
enim in mortuis confirmatum est : alio-
qui nondum valet dum vivit qui testatus
est. Unde nec primum quidem sine san-

guine dedicatum est. Lecto enim omni A legis mandato a Moyse universo populo, accipiens sanguinem hircorum et vitulorum cum aqua et lana coccinea et hysopo, ipsum quoque librum et universum populum adpersit, dicens : Hic est sanguis testamenti quod mandavit ad vos Deus. Etiam tabernaculum et omnia vasa ministerii sanguine similiter adpersit : et omnia pene mundantur in sanguine, secundum legem, et sine sanguinis effusione non fit remissio. Necesse est ergo exemplaria cœlestium his mundari, ipsa B autem cœlestia melioribus hostiis quam istis. Non enim in manufacta Sancta Jesus introiit exemplaria verorum, sed in ipsum cœlum, ut appareat vultui Dei pro nobis ; neque ut sæpe offerat semetipsum, quemadmodum pontifex intrat in Sancta per singulos annos in sanguine alieno : alioqui oportebat eum frequenter pati, ab origine mundi ; nunc autem semel in consummatione sæculorum, ad destructionem peccati, per hostiam suam apparuit. Et quemadmodum statutum est hominibus semel mori, post hoc autem iudicium ; sic et Christus semel oblatus est ad multorum exhaustiunda peccata. Secundo sine peccato apparebit expectantibus se in salutem.

(c) Rom.
VIII, 1, 3.

(c) Nihil ergo damnationis est his qui sunt in Christo Jesu, qui non secundum carnem ambulant. Nam Deus Filium suum mittens in similitudinem carnis peccati, de peccato damnavit peccatum in carne, etc., ut supra. (d) Tradidi enim in primis vobis quod et accepi : quoniam Christus mortuus est pro peccatis nostris, secundum Scripturas ; et quia sepultus est, et quia resurrexit tertia die, secundum Scripturas ; et quia visus est Cephæ, et post hoc undecim ; deinde visus est plus quam quingentis fratribus simul : ex quibus multi manent usque adhuc, quidam autem dormierunt. Deinde visus est Jacobo, deinde Apostolis omnibus. Novissime autem omnium tanquam abortivo, visus est et mihi. (e) Itaque memor esto Dominum nostrum Jesum Christum resurrexisse a

(e) II Tim.
II, 8, 9.

mortuis, ex semine David, secundum evangelium meum, in quo laboro usque ad vineula, quasi male operans ; sed verbum Dei non est alligatum. (f) Nam ubi venit plenitudo temporis, misit Deus Filium suum factum ex muliere, factum sub lege, ut eos qui sub lege erant redimeret, et ut adoptionem filiorum reciperemus. (g) Scitis enim gratiam Domini nostri Jesu Christi, quoniam propter vos egenus factus est, quum esset dives, ut illius inopia vos divites essetis. (h) Ubi præcursor pro nobis introiit Jesus, secundum ordinem Melchisedech pontifex factus in æternum.

(f) Galat.
IV, 4, 5.

(g) II Cor.
VIII, 9.

(h) Hebr.
VI, 20.

(i) Quod autem ascendit, quid est, nisi quia et descendit primum in inferiores partes terræ ? Qui descendit, ipse est qui et ascendit super omnes cœlos, ut imple-ret omnia. (j) Qui quum in forma Dei esset, non rapinam arbitratus est esse se æqualem Deo : sed semetipsum exinavit, formam servi accipiens, in similitudinem hominum factus, et habitu inventus ut homo. Humiliavit semetipsum, factus C obediens usque ad mortem, mortem autem crucis. Propter quod et Deus exaltavit illum, et dedit illi nomen quod est super omne nomen : ut in nomine Jesu omne genu flectatur, cœlestium, terrestrium et infernorum, et omnis lingua confiteatur quia Dominus Jesus Christus in gloria est Dei Patris. (k) Et manifeste magnum pietatis est sacramentum, quod manifestatum est in carne, justificatum est in Spiritu, apparuit angelis, prædicatum est gentibus, creditum est in mundo, assumptum est in gloria.

(i) Ephes.
IV, 9, 10.

(j) Philipp.
II, 6-11.

(k) I Tim.
III, 16.

CAPITULUM XLVIII.

Quod Christus est caput Ecclesiæ, non solum militantis, sed etiam triumphantis ; et de mystica Ecclesiæ unitate ; atque de excellentia et præconiis Christi.

(a) **D**ICO omnibus, non plus sapere quam oportet ; et unicuique, sicut Deus divisit mensuram fidei. Sicut enim

(a) Rom.
XII, 3, 4.

in uno corpore multa membra habemus, A omnia autem membra non eundem ac-
tum habent; ita multi unum corpus su-
mus in Christo, singuli autem alter alte-
(b) 1 Cor. rius membra. (b) Sicut enim corpus unum
xii, 12. est, et multa membra habet, etc., ut su-
(c) Galat. pra. (c) Non est Judæus, neque Græcus;
iii, 28. non est servus, neque liber; non est ma-
sculus, neque femina: omnes enim vos
(d) Ephes. unum estis in Christo Jesu. (d) Quem Deus
i, 20-23. constituit ad dexteram suam in cœlesti-
bus, super omnem Principatum, et Pote-
statem, et Virtutem, et Dominationem, et B
omne nomen quod nominatur, non solum
in hoc sæculo, sed et in futuro. Et omnia
subjecit sub pedibus ejus. Et ipsum de-
dit caput supra omnem Ecclesiam, quæ
est corpus ipsius, plenitudo ejus, qui om-
(e) Ibid. iv, nia in omnibus adimpletur. (e) Qui est ca-
15, 16. put Christus: ex quo totum corpus compa-
ctum et connexum per omnem juncturam
subministrationis, secundum operationem
in mensuram uniuscujusque membri, aug-
mentum corporis facit in ædificationem
sui in caritate. (f) Nam Christus est ca- C
(f) Ibid. v, put Ecclesiæ, ipse salvator corporis ejus.
23.
(g) Coloss. (g) Qui est imago Dei invisibilis, primo-
i, 15-18. genitus omnis creaturæ: quia in ipso
condita sunt universa in cœlis et in ter-
ra, visibilia et invisibilia, sive Throni,
sive Dominationes, sive Principatus, sive
Potestates; omnia per ipsum et in ipso
creata sunt, et ipse est ante omnes, et
omnia in ipso constant. Et ipse caput
corporis Ecclesiæ, qui est principium,
primogenitus ex mortuis, ut sit in omni-
(h) Ibid. ii, bus ipse primatum tenens. (h) Quia in D
9, 10. ipso inhabitat omnis plenitudo divinita-
tis corporaliter. Et estis in illo repleti,
qui est caput omnis principatus et po-
testatis.
(i) Hebr. (i) Non enim angelis subjecit Deus or-
ii, 5-8. bem terræ futurum, de quo loquimur. Te-
status est autem in quodam loco quis,
dicens: Quid est homo quod memor es
ejus, et filius hominis quoniam visitas
eum? Minuisti eum paulo minus ab an-
gelis, gloria et honore coronasti eum, et

constituisti eum super opera manuum tu-
arum; omnia subjecisti sub pedibus ejus.
In eo enim quod ei omnia subjecit, nihil
dimisit non subjectum ei. Nunc autem
nondum videmus omnia subjecta ei. (j) Qui (j) Hebr.
iii, 2-6. fidelis est ei qui fecit illum: sicut et Moy-
ses in omni domo ejus. Amplioris enim
gloriæ iste præ Moyse habitus est, quan-
to ampliorem honorem habet domus, qui
fabricavit illam. Omnis namque domus
fabricatur ab aliquo; qui autem omnia
creavit, Deus est. Et Moyses quidem fi-
delis erat in tota domo ejus, tanquam
famulus, in testimonium eorum quæ di-
cenda erant; Christus vero tanquam Filius
in domo sua: quæ domus sumus nos, si
fiduciam et gloriam spei usque in finem
firmam retineamus.

CAPITULUM XLIX.

*De divinitate et eminentia unigeniti
Filii Dei.*

(a) LOCUTUS est nobis Deus in Filio, (a) Hebr. i,
2-14. quem constituit heredem univer-
sorum, per quem fecit et sæcula. Qui
quum sit splendor gloriæ, et figura sub-
stantiæ ejus, portansque omnia verbo vir-
tutis suæ, purgationem peccatorum fa-
ciens, sedet ad dexteram majestatis in
excelsis: tanto melior angelis effectus,
quanto differentius præ illis nomen he-
reditavit. Cui enim dixit aliquando an-
gelorum, Filius meus es tu, ego hodie
genui te; et rursus, Ego ero illi in pa-
trem, et ipse erit mihi in filium? Et
quum iterum introducit Primogenitum in
orbem terræ, dicit: Et adorent eum om-
nes angeli Dei. Et ad angelos quidem di-
cit: Qui facit angelos suos spiritus, et
ministros suos flammam ignis. Ad Filium
autem: Thronus tuus, Deus, in sæculum
sæculi, virga æquitatis virga regni tui.
Dilexisti justitiam, et odisti iniquitatem:
propterea unxit te Deus, Deus tuus, oleo

exultationis præ participibus tuis. Et : A Tu in principio, Domine, terram fundasti, et opera manuum tuarum sunt cœli. Ipsi peribunt, tu autem permanebis; et omnes sicut vestimentum veterascent; ac velut amictum mutabis eos, et mutabuntur. Tu autem idem ipse es, et anni tui non deficient. Ad quem autem angelorum dixit aliquando, Sede a dextris meis, quoadusque ponam inimicos tuos scabellum pedum tuorum? Nonne omnes sunt administratorii spiritus, in ministerium missi propter eos qui hereditatem capiunt salutis?

(b) *Hebr.*
iv, 12, 13.

(b) Vivus est enim sermo Dei, et efficax, et penetrabilior omni gladio ancipiti, et pertingens usque ad divisionem animæ et spiritus; compagum quoque et medullarum, et discretor cogitationum, et intentionum cordis; et non est ulla creatura invisibilis in conspectu ejus. Omnia autem nuda et aperta sunt oculis ejus, ad quem nobis sermo. (c) Etenim Jesus Christus heri et hodie, ipse et in sæcula.

(c) *Ibid.* xiii,
8.

(d) *Rom.*
ix, 5.
(e) *Philipp.*
ii, 6.

(d) Qui est super omnia Deus benedictus in sæcula. (e) Qui quum in forma Dei esset, non rapinam arbitratus est esse se æqualem Deo, etc., ut supra.

CAPITULUM L.

De insufficientia et impotentia legis Mosaicæ ad salvandum sine fide et gratia Christi.

(a) *Rom.*
iii, 20-23.

(a) **E**X operibus legis non justificatur omnis caro coram Deo : per legem enim cognitio peccati. Nunc autem sine lege justitia Dei manifestata est, testificata a lege et Prophetis. Justitia autem Dei per fidem Jesu Christi in omnes et super omnes qui credunt in eum. Non enim est distinctio : omnes enim peccaverunt, et egent gloria Dei. Ubi est ergo gloriatio tua? Exclusa est. Per quam legem? Factorum? Non; sed per legem fidei. Arbitramur enim hominem justificari per fi-

Ibid. 27-31.

dem, sine operibus legis. An Judæorum Deus tantum? Nonne et gentium? Imo et gentium. Quoniam quidem unus Deus, qui justificat circumcisionem ex fide, et præputium per fidem. Legem ergo destruimus per fidem? Absit; sed legem statuimus.

(b) Quid ergo dicemus invenisse Abraham patrem nostrum secundum carnem? Si enim Abraham ex operibus legis justificatus est, habet gloriam, sed non apud Deum. Quid enim Scriptura dicit? Credidit Abraham Deo, et reputatum est ei ad justitiam. Ei autem qui operatur, merces non imputatur secundum gratiam, sed secundum debitum. Ei vero qui non operatur, credenti autem in eum qui justificat impium, reputatur fides ejus ad justitiam secundum propositum gratiæ Dei. Sicut et David dicit beatitudinem hominis cui Deus accepto fert justitiam sine operibus : Beati quorum remissæ sunt iniquitates, et quorum tecta sunt peccata; beatus vir cui non imputavit Dominus peccatum. Beatitudo ergo hæc in circumcissione tantum manet, an etiam in præputiō? Dicimus enim, quia reputata est Abrahamæ fides ad justitiam. Quomodo ergo reputata est? In circumcissione, an in præputio? Non in circumcissione, sed in præputio. Et signum accepit circumcissionis, signaculum justitiæ fidei quæ est in præputio : ut sit pater omnium credentium per præputium, ut reputetur et illis ad justitiam; et sit pater circumcissionis, non his tantum qui ex circumcissione sunt, sed et his qui sectantur vestigia fidei quæ est in præputio patris

(b) *Rom.*
iv, 1-17.

nostri Abrahamæ. Non enim per legem promissio Abrahamæ aut semini ejus, ut heres esset mundi; sed per justitiam fidei. Si enim qui ex lege, heredes sunt, exinanita est fides, ablata est promissio. Lex enim iram operatur : ubi enim non est lex, nec prævaricatio. Ideo ex fide, ut secundum gratiam firma sit promissio omni semini : non ei qui ex lege est solum, sed et ei qui ex fide est Abrahamæ, qui est pater omnium nostrum, sicut scriptum est : Quia patrem multarum gentium posui te ante

Deum cui credidisti, qui vivificat mortuos, et vocat ea quæ non sunt tanquam ea quæ sunt.

(c) *Rom. v.*
13, 20.

(d) *Ibid. vii.*
1 13.

(c) Usque ad legem peccatum erat in mundo; peccatum autem non imputabatur, quum lex non esset. Nam lex subintravit ut abundaret delictum. (d) An ignoratis, fratres (scientibus enim legem loquor), quia lex in homine dominatur quanto tempore vivit? Nam quæ sub viro est mulier, vivente viro, alligata est legi; si autem mortuus fuerit vir ejus, liberata est a lege viri, ut non sit adultera si fuerit cum alio viro. Itaque, fratres mei, et vos mortificati estis legi per corpus Christi, ut sitis alterius qui ex mortuis resurrexit, ut fructificetis Deo. Quum enim essemus in carne, passiones peccatorum, quæ per legem erant, operabantur in membris nostris, ut fructificarent morti. Nunc autem soluti sumus a lege mortis, in qua detinebamur: ita ut serviamus in novitate spiritus, et non in vetustate litteræ. Quid ergo dicemus? Lex peccatum est? Absit. Sed peccatum non cognovi nisi per legem. Nam concupiscentiam nesciebam, nisi lex diceret: Non concupisces. Occasione autem accepta, peccatum per mandatum operatum est in me omnem concupiscentiam. Sine lege enim peccatum mortuum erat. Ego autem vivebam sine lege aliquando; sed quum venisset mandatum, peccatum revixit. Ego autem mortuus sum; et inventum est mihi mandatum, quod erat ad vitam, hoc esse ad mortem. Nam peccatum, occasione accepta per mandatum, seduxit me, et per illud occidit. Itaque lex quidem sancta, et mandatum sanctum, justum et bonum. Quod ergo bonum est, mihi factum est mors? Absit. Sed peccatum, ut appareat peccatum, per bonum operatum est mihi mortem: ut fiat supra modum peccans peccatum per mandatum.

(e) *Ibid. viii.*
2.

(f) *1 Cor.*
vi, 12.

(e) Lex autem spiritus vitæ in Christo Jesu, liberavit me a lege peccati et mortis. (f) Omnia mihi licent, sed non omnia expediunt. Omnia mihi licent, sed ego sub nullius redigar potestate.

CAPITULUM LI.

De perfectione et eminentia evangelicæ legis supra legem scriptam.

(a) **S**I ministratio mortis, litteris deformata in lapidibus, fuit in gloria, (a) *II Cor.*
iii, 7-11.

ita ut non possent filii Israel intendere in faciem Moysis propter gloriam vultus ejus, quæ evacuatur: quomodo non magis ministratio Spiritus erit in gloria? Nam si ministratio damnationis gloria est, multo magis abundat ministerium justitiæ in gloria. Nam nec glorificatum est quod claruit in hac parte, propter excellentem gloriam. Si enim quod evacuatur, in gloria est, multo magis quod manet, in gloria est. (b) Reprobatio quidem fit præcedentis mandati, propter infirmitatem ejus et inutilitatem: nihil enim ad perfectum duxit lex; introductio vero melioris spei, per quam proximamus ad Deum. Et quantum est, non sine jurejurando. (c) Nunc autem Christus melius sortitus est ministerium, (b) *Hebr.*
vii, 18-20.

quanto et melioris testamenti mediator est, quod in melioribus repromissionibus sancitum est. Nam si illud prius culpa vacasset, non utique secundi locus inquireretur. Vituperans enim eos dicit: Ecce dies veniunt, dicit Dominus, et consummabo super domum Israel et super domum Juda testamentum novum: non secundum testamentum quod feci patribus eorum, in die qua apprehendi manum eorum ut educerem eos de terra Ægypti: quoniam ipsi non permanserunt in testamento meo, et ego neglexi eos, dicit Dominus. Quia hoc est testamentum quod disponam domui Israel post dies illos, dicit Dominus, dando leges meas in mente eorum, et in corde eorum superscribam eas; et ero illis in Deum, et ipsi erunt mihi in populum. Et non docebit unusquisque proximum suum, et unusquisque fratrem suum, dicens, Cognosce Dominum: quia omnes scient me, a minore usque ad majorem eorum, quia propitius ero iniquitatibus eorum, et peccato-

(c) *Ibid. viii.*
6-13.

rum eorum jam non memorabor. Dicendo autem novum, veteravit prius. Quod autem antiquatur et senescit, prope interitum est.

CAPITULUM LII.

De insufficientia et reprobatione sacrificiorum legalium, et efficacia sacrificii novæ legis.

(a) *Hebr.*
v, 1-18.

UMBRAM enim habens lex futurorum bonorum, non ipsam imaginem rerum, per singulos annos eisdem ipsis hostiis quas offerunt indesinenter, nunquam potest accedentes perfectos facere : alioqui cessassent offerri, ideo quod nullam ultra conscientiam peccati haberent cultores semel mundati; sed in ipsis commemoratio peccatorum per singulos annos fit. Impossibile enim est, sanguine tauro- rum et hircorum auferri peccata. Ideo ingrediens mundum dicit : Hostiam et oblationem noluisti, corpus autem aptasti mihi; holocaustomata et pro peccato tibi non placuerunt. Tunc dixi : Ecce venio; in capite libri scriptum est de me, ut faciam, Deus, voluntatem tuam. Superius dicens : Quia hostias et oblationes et holocaustomata et pro peccato noluisti, nec placita sunt tibi quæ secundum legem offeruntur; tunc dixi : Ecce venio, ut faciam, Deus, voluntatem tuam. Aufert primum, ut sequens statuatur. In qua voluntate sanctificati sumus, per oblationem corporis Christi semel. Et omnis quidem sacerdos præsto est quotidie ministrans, et easdem sæpe hostias offerens, quæ nunquam possunt auferre peccata. Hic autem unam pro peccatis offerens hostiam, in sempiternum sedet in dextera Dei, de cetero expectans donec ponantur inimici ejus scabellum pedum ejus. Una enim oblatione consummavit in sempiternum sanctificatos. Contestatur autem nos Spiritus Sanctus. Postquam enim dixit : Hoc autem testamentum quod testabor ad illos post dies illos, dicit Dominus : Dabo leges meas

A in cordibus eorum, et in mentibus eorum superscribam eas, et peccatorum et iniquitatum eorum jam non recordabor amplius. Ubi autem horum remissio, jam non est oblatio pro peccato.

(b) Tabernaculum enim factum primum, etc., ut supra. His vero ita compositis, in priori quidem tabernaculo semper introibant sacerdotes, sacrificiorum officia consummantes; in secundo autem semel in anno solus pontifex, non sine sanguine quem offerret pro sua ac populi ignorantia : hoc significante Spiritu Sancto, nondum propalatam esse Sanctorum viam, adhuc priore tabernaculo habente statum. Quæ parabola est temporis instantis, juxta quam munera et hostiæ offeruntur, quæ non possunt juxta conscientiam perfectum facere servientem solummodo in cibis, et potibus, et variis baptismatibus, et justitiis carnis, usque ad tempus correctionis impositis.

CAPITULUM LIII.

Adhuc de insufficientia imperfectioneque legis, et cessatione legalium tempore novæ legis.

(a) **A**SCENDI Jerosolymam, secundum revelationem, et contuli cum illis evangelium quod prædico in gentibus; seorsum autem cum his qui videbantur aliquid esse, ne forte in vacuum currem aut cucurrissem. Sed neque Titus, qui mecum erat, quum esset gentilis, compulsus est circumcidi; sed propter subintroductos falsos fratres, qui subintroierunt explorare libertatem nostram, quam habemus in Christo Jesu, ut nos in servitum redigerent : quibus neque ad horam cessimus subjectioni, ut veritas Evangelii permaneat apud vos. Mihi autem qui videbantur esse aliquid, nihil contulerunt. Sed econtra, quum vidissent mihi creditum esse evangelium præputii, sicut et Petro circumcisionis (qui enim operatus est Petro in apostolatam circumcisionis,

(b) *Hebr.*
ix, 2, 6-10.

(a) *Galat.*
ii, 2-14.

operatus est et mihi inter gentes) ; et A quum cognovissent gratiam Dei quæ data est mihi, Jacobus, et Cephas, et Joannes, qui videbantur columnæ esse, dexterarum dederunt mihi et Barnabæ societatis, ut nos in gentes, ipsi autem in circumcissione ; tantum ut pauperum memores essemus : quod et sollicitus fui hoc ipsum facere. Quum autem venisset Cephas Antiochiam, in faciem ei restiti, quia reprehensibilis erat. Prius enim quam venirent quidam a Jacobo, cum gentibus edebat ; quum autem venissent, subtrahebat et segregabat se, timens eos qui ex circumcissione erant. Et simulationi ejus consenserunt ceteri Judæi, ita ut Barnabas duceretur in eandem simulationem. Sed quum vidissem quod non recte ambularent ad veritatem Evangelii, dixi Cephæ coram omnibus : Si tu, quum Judæus sis, gentiliter et non Judaice vivis, quomodo

Galat. II,
16-19.

(b) *Ibid. III,*
1-5.

Ibid. 10-12.

(b) O insensati Galatæ ! quis vos fascina-
navit non obedire veritati, ante quorum
oculos Christus proscriptus est, et in vo-
bis crucifixus ? Hoc solum volo a vobis
discere : Ex operibus legis Spiritum acce-
pistis, an ex auditu fidei ? Sic stulti estis,
ut quum Spiritu cœperitis, nunc carne
consummamini. Tanta passi estis sine cau-
sa : si tamen sine causa. Qui ergo tribuit
vobis Spiritum, operatur et virtutes in vo-
bis : ex operibus legis, an ex auditu fidei ?
Quicumque enim ex operibus legis sunt,
sub maledicto sunt. Scriptum est enim :
Maledictus omnis qui non permanserit in

omnibus quæ scripta sunt in libro legis
hujus, ut faciat ea. Quoniam autem in le-
ge nemo justificatur apud Deum, manife-
stum est : quia justus ex fide vivit. Lex
autem non est ex fide, sed qui fecerit ea
vivet in illis.

Fratres (secundum hominem dico), ta-
men hominis confirmatum testamentum
nemo spernit, aut superordinat. Abrahæ
enim dictæ sunt promissiones, et semini
ejus. Non enim dicit, Et seminibus, quasi
in multis ; sed quasi in uno, Et semini
B tuo, qui est Christus. Hoc autem dico :
Testamentum confirmatum a Deo, quæ
post quadringentos et triginta annos facta
est lex, non irritum facit ad evacuandam
promissionem. Nam si ex lege hereditas,
jam non ex promissione. Abrahæ autem
per repromissionem donavit Deus. Quid
igitur lex ? Propter transgressionem posita
est, donec veniret semen cui repromiserat,
ordinata per angelos in manu mediatoris.
Mediator autem unius non est ; Deus au-
tem unus est. Lex ergo adversus promissa
C Dei ? Absit. Si enim data esset lex quæ
posset vivificare, vere ex lege esset justi-
tia. Sed conclusit Scriptura omnia sub
peccato, ut promissio ex fide Jesu Christi
daretur credentibus. Prius autem quam
veniret fides, sub lege custodiebamur, con-
clusi in eam fidem quæ revelanda erat.
Itaque lex pædagogus noster fuit in Chri-
sto, ut ex fide justificaremur. At ubi ve-
nit fides, jam non sumus sub pædagogo.
(c) Scimus autem quia bona est lex, si
quis ea legitime utatur : scientes hoc, quia
D justo non est lex posita, sed injustis, etc.,
ut supra.

Galat. III,
15-25.

(c) *I Tim.*
1, 8, 9.

CAPITULUM LIV.

*De cessatione circumcissionis, aliarumque ob-
servantiarum legalium, tempore Evangelii
promulgati.*

(a) **S**TATE, et nolite iterum servitutis
jugo contineri. Ecce ego Paulus
dico vobis, quoniam si circumcidamini,

(a) *Galat.*
V, 1-4, 7, 8,
10-13.

Christus nihil vobis proderit. Testificor A autem rursus omni homini circumcidenti se,* quoniam debitor est universæ legis faciendæ. Evacuati estis a Christo, qui in lege justificamini; a gratia excidistis. Currebatis bene: quis vos impedivit veritati non obedire? Nemini consenseritis. Persuasio enim hæc non est ex eo qui vocat vos. Ego autem confido in vobis in Domino, quod nihil aliud sapietis. Qui autem conturbat vos, portabit iudicium suum, quicumque est ille. Ego autem, fratres, si circumcisionem adhuc prædico, quid B adhuc persecutionem patior? Ergo evacuatum est scandalum crucis. Utinam et abseindantur qui vos conturbant. Vos enim in libertatem vocati estis, fratres, tantum ne libertatem in occasionem detis

b *Galat.*
vi, 12, 13,
15.

carnis. (b) Quicumque enim volunt placere in carne, hi cogunt vos circumcidi, tantum ut crucis Christi persecutionem non patiantur. Neque enim qui circumciduntur, legem custodiunt; sed volunt vos circumcidi, ut in carne vestra glorientur. In Christo autem Jesu neque cir- C cumcisio aliquid valet, neque præputium, sed nova creatura. (c) Si spiritu ducimini, non estis sub lege.

(c) *Ibid.* v,
18.

d *Ibid.* iv,
1-3.

(d) Dico autem: Quanto tempore heres parvulus est, nihil differt a servo, quum sit dominus omnium; sed sub tutoribus et actoribus est, usque ad præfinitum tempus a patre. Ita et nos quum essemus parvuli, sub elementis mundi eramus servientes. Dies observatis, et menses, et tempora, et annos. Timeo vos, ne forte sine causa laboraverim in vobis. Estote D sicut ego, quia et ego sicut vos. Fratres, obsecro vos: nihil me læsistis. Scitis autem quia per infirmitatem carnis evangelizavi vobis jampridem, et tentationem vestram in carne mea non sprevisistis, neque respuistis; sed sicut angelum Dei excepistis me, sicut Christum Jesum. Ubi est ergo beatitudo vestra? Testimonium enim perhibeo vobis, quia si fieri potuisset, oculos vestros eruissetis, et dedissetis mihi. Ergo inimicus vobis factus

Ibid. 10-17.

sum, verum dicens vobis? Emulantur vos non bene; sed excludere vos volunt, ut illos æmulemini. Filioli mei, quos iterum *Galat.* iv, 19-23.
parturio donec formetur in vobis Christus. Vellem autem esse apud vos, et mutare vocem meam: quoniam confundor in vobis. Dicite mihi, qui sub lege vultis esse: legem non legistis? Scriptum est enim quoniam Abraham duos filios habuit, unum de ancilla, et unum de libera. Sed qui de ancilla, secundum carnem natus est; qui autem de libera, per repromissionem. Quæ sunt secundum allegoriam dicta. Hæc enim sunt duo Testamenta. Unum quidem in monte Sina in servitutem generans, quæ est Agar. Sina enim mons est in Arabia, qui conjunctus est ei quæ nunc est Jerusalem et servit cum filiis suis. (e) Peccatum enim vobis non dominabitur: non enim estis sub lege, sed sub gratia. Quid ergo? Peccabimus quia non sumus sub lege, sed sub gratia? Absit.

(e) *Rom.*
vi, 14, 15.

CAPITULUM LV.

De sacerdotio et pontificio Christi; et de eminentia Melchisedech, qui fuit ejus figura; et qualiter per Abraham decimatus est Levi.

(a) **H**ABENTES ergo pontificem magnum, qui penetravit cœlos, Jesum Filium Dei, teneamus confessionem. (a) *Hebr.* iv, 14.
(b) Omnis namque pontifex ex hominibus assumptus, pro hominibus constituitur in his quæ sunt ad Deum, ut offerat dona et sacrificia pro peccatis: qui condolere possit his qui ignorant et errant, quoniam et ipse circumdatus est infirmitate. Et propterea debet, quemadmodum pro populo, ita etiam pro semetipso offerre pro peccatis. Nec quisquam sumit sibi honorem; sed qui vocatur a Deo, tanquam Aaron. Sic et Christus non semetipsum clarificavit, ut pontifex fieret; sed qui locutus est ad eum: Filius meus es tu, ego hodie genui te. Quemadmodum et in alio loco dicit: Tu es sacerdos in æternum, secundum ordinem Melchisedech.

(b) *Ibid.* v,
1-6, 10, 11.

Appellatus a Deo Patre pontifex juxta ordinem Melchisedech. De quo nobis grandis sermo et interpretabilis ad dicendum, quoniam imbecilles facti estis ad audiendum.

(c) *Hebr.*
vii. 1-17.

(c) Hic enim Melchisedech, sacerdos Dei summi, qui obviavit Abraham regresso a cæde regum : cui decimas omnium divisit Abraham. Primum quidem qui interpretatur rex justitiæ; deinde autem et rex Salem, quod est rex pacis; sine patre, sine matre, sine genealogia; neque initium dierum neque finem vitæ habens. Assimilatus autem Filio Dei, manet sacerdos in perpetuum. Intuemini autem quantus sit hic, cui de præcipuis dedit Abraham patriarcha. Et quidem de filiis Levi sacerdotium accipientes, mandatum habent decimas sumere a populo secundum legem, id est a fratribus suis : quanquam et ipsi exierint de lumbis Abraham. Cujus autem generatio non annumeratur in eis, decimas sumpsit ab Abraham, et hunc qui habebat repromissiones, benedixit. Sine ulla autem contradictione, quod minus est a meliore benedicatur. Et hic quidem homines morientes decimas accipiunt; ibi autem contestatur quia vivit. Et ut ita dictum sit, per Abraham, et Levi qui decimas accepit, decimatus est. Adhuc enim in lumbis patris erat, quando obviavit ei Melchisedech. Si ergo consummatio per sacerdotium Leviticum erat (populus enim sub ipso legem accepit) : quid adhuc necessarium fuit secundum ordinem Melchisedech alium sacerdotem surgere, et non secundum ordinem Aaron dici? Translato enim sacerdotio, necesse est ut et legis translatio fiat. In quo enim hæc dicuntur, de alia tribu est, de qua nullus altario præsto fuit. Manifestum est enim quod ex Juda ortus sit Dominus noster : in qua tribu nihil de sacerdotibus Moyses locutus est. Et amplius adhuc manifestum est, si secundum similitudinem Melchisedech exurgat alius sacerdos, qui non secundum legem mandati carnalis factus est, sed secundum virtutem vitæ insolubilis. Contestatur enim :

A Quoniam tu es sacerdos in æternum secundum ordinem Melchisedech. Alii quidem sine jurejurando sacerdotes facti sunt; hic autem cum jurejurando, per eum qui dixit ad illum : Juravit Dominus et non pœnitebit eum, Tu es sacerdos in æternum. In tantum melioris testamenti sponsor factus est Jesus. Et alii quidem plures facti sunt sacerdotes, idcirco quod morte prohiberentur permanere. Hic autem, quoniam permanet in æternum, perpetuum habet sacerdotium. Talis enim decebat ut nobis esset pontifex, sanctus, innocens, impollutus, segregatus a peccatoribus, excelsior cœlis factus : qui non habet quotidie necessitatem, quemadmodum sacerdotes, prius pro suis delictis hostias offerre, deinde pro populo. Hoc enim fecit semel, se offerendo. Lex enim homines constituit sacerdotes, infirmitatem habentes; sermo autem jurisjurandi, qui post legem est, Filium in æternum perfectum.

Hebr. vii,
20-24.

Ibid. 26-28.

(d) Capitulum autem super ea quæ dicuntur. Talem habemus pontificem, qui consedit in dextera sedis magnitudinis in cœlis, Sanctorum minister et tabernaculi veri, quod fixit Deus, et non homo. Omnis enim pontifex ad offerenda munera et hostias constituitur. Unde necesse est et hunc habere aliquid quod offerat. Si ergo esset super terram, nec esset sacerdos, quum essent qui secundum legem offerrent munera, qui exemplari et umbræ deserviant cœlestium, sicut responsum est Moysi, quum consummaret tabernaculum : Vide, inquit, omnia facito secundum exemplar quod tibi in monte monstratum est.

(d) *Ibid.* viii,
1-5.

CAPITULUM LVI.

Quibus virtutibus debeant esse ornati in sacris Ordinibus constituti, episcopi, sacerdotes, diaconi.

(a) **F**IDELIS sermo : si quis episcopatum desiderat, bonum opus desiderat. Oportet ergo episcopum irreprehensibilem esse, unius uxoris virum, sobrium, prudentem, pudicum, ornatum, hospitalem,

(a) *1 Tim.*
iii, 1-10, 12,
13.

doctorem ; non vinolentum, non percussorem, sed modestum ; non litigiosum, non cupidum, suæ domui bene præpositum, filios habentem subditos cum omni castitate. Si quis autem suæ domui præesse nescit, quomodo Ecclesiæ Dei curam habebit ? Non neophytum, ne in superbiam elatus, in iudicium incidat diaboli. Oportet autem illum et testimonium habere bonum ab his qui foris sunt, ut non in opprobrium incidat et laqueum diaboli. Diaconos similiter pudicos, non bilingues, non multo vino deditos, non turpe lucrum sectantes, habentes mysterium fidei in conscientia pura. Et hi autem probentur primum, et sic ministrent, nullum crimen habentes. Diaconi sint unius uxoris viri, qui filiis suis bene præsent et suis domibus. Qui enim bene ministraverint, gradum sibi bonum acquirent, et multam fiduciam in fide quæ est in Christo Jesu.

(b) *Tit.* i.
5-9.

(b) Hujus rei gratia reliqui te Cretæ, ut ea quæ desunt corrigas, et constituas per civitates presbyteros sicut et ego tibi disposui : si quis sine crimine est, unius uxoris vir, filios habens fideles, non in accusatione luxuriæ, aut non subditos. Oportet enim episcopum sine crimine esse, sicut Dei dispensatorem : non superbum, non iracundum, non vinolentum, non percussorem, non turpis lucri cupidum ; sed hospitem, benignum, sobrium, justum, sanctum, continentem, amplectentem eum qui secundum doctrinam est fidelem sermonem, ut potens sit exhortari in doctrina sana, et eos qui contradicunt arguere. (c) Adversus presbyterum noli

(c) *1 Tim.*
v. 19.

accusationem recipere, nisi sub duobus aut tribus testibus.

CAPITULUM LVII.

De institutione et communione sacramenti Eucharistiæ ; et quam damnable sit illud indigne accipere.

(a) *1 Cor.*
x. 15-17.

(a) **U**T prudentibus loquor : vos ipsi iudicate quod dico. Calix benedictionis cui benedicimus, nonne communica-

tio sanguinis Christi est ? Et panis quem frangimus, nonne participatio corporis Domini est ? Quoniam unus panis et unum corpus multi sumus, omnes qui de uno pane et de uno calice participamus. (b) Ego enim accepi a Domino quod et tradidi vobis : quoniam Dominus noster Jesus Christus, in qua nocte tradebatur, accepit panem et gratias agens fregit, et dixit : Accipite et manducate ; hoc est corpus meum, quod pro vobis tradetur. Hoc facite in meam commemorationem. Similiter et calicem, postquam cœnavit, dicens : Hic calix novum testamentum est in meo sanguine. Hoc facite quotiescumque biberitis, in meam commemorationem. Quotiescumque enim manducabitis panem hunc, et calicem bibetis, mortem Domini annuntiabitis, donec veniat. Itaque quicumque manducaverit panem, vel biberit calicem Domini indigne, reus erit corporis et sanguinis Domini. Probet autem se ipsum homo, et sic de pane illo edat, et de calice bibat. Qui enim manducat et bibit indigne, iudicium sibi manducat et bibit, non dijudicans corpus Domini. Ideo sunt inter vos multi infirmi et imbecilles, et dormiunt multi. Itaque, fratres, quum convenitis ad manducandum, invicem exspectate. Si quis esurit, domi manducet, ut non in iudicium conveniatis. Cetera autem, quum venero, disponam.

(b) *1 Cor.*
xi. 23-30.

Ibid. 33, 34.

CAPITULUM LVIII.

Qualiter conjugati debeant se habere, et de consilio continentiae virginalis et vidualis.

(a) **D**E quibus autem scripsistis mihi, bonum est homini mulierem non tangere. Propter fornicationem autem unusquisque suam uxorem habeat, et unaquæque suum virum. Uxori vir debitum reddat, similiter autem et uxor viro. Mulier sui corporis non habet potestatem, sed vir. Similiter et vir sui corporis non habet potestatem, sed mulier. Nolite fraudare invicem, nisi forte ex consensu ad tempus, ut vacetis orationi ; et iterum re-

(a) *1 Cor.*
vii. 1-17.

vertimini in id ipsum, ne tentet vos Satanæ propter incontinentiam vestram. Hoc autem dico secundum indulgentiam, non secundum imperium. Volo autem omnes homines esse sicut me ipsum; sed unusquisque proprium donum habet ex Deo, unus quidem sic, alius vero sic. Dico autem non nuptis et viduis: Bonum est illis, si sic permaneant, ut et ego. Quod si se non continent, nubant. Melius enim est nubere quam uri. His autem qui matrimonio juncti sunt, præcipio non ego, sed Dominus, uxorem a viro non discedere; quod si discesserit, manere innuptam, aut viro suo reconciliari. Et vir uxorem non dimittat. Nam ceteris ego dico, non Dominus: Si quis frater uxorem habet infidelem, et hæc consentit habitare cum illo, non dimittat illam. Et si qua mulier habet virum infidelem, et hic consentit habitare cum illa, non dimittat virum. Sanctificatus est enim vir infidelis per mulierem fidelem; et sanctificata est mulier infidelis per virum fidelem. Alioqui et filii vestri immundi essent, nunc autem sancti sunt. Quod si infidelis discedit, discedat: non est enim servituti subjectus frater aut soror in ejusmodi. Unde enim scis, mulier, si virum salvum facies? Aut unde scis, vir, si mulierem salvam facies? nisi unicuique sicut divisit Deus.

I Cor. vii,
25-28, 32-40.

De virginibus autem præceptum Domini non habeo; consilium autem do, tanquam misericordiam consecutus a Domino, ut sim fidelis. Existimo autem hoc bonum esse propter instantem necessitatem, quoniam bonum est homini sic esse. Alligatus es uxori? noli quærere solutionem. Solutus es ab uxore? noli quærere uxorem. Si autem acceperis uxorem, non peccasti; et si nupserit virgo, non peccavit. Tribulationem tamen carnis habebunt hujusmodi. Ego autem vobis parco. Qui sine uxore est, sollicitus est quæ sunt Domini, quomodo placeat Deo. Qui autem cum uxore est, sollicitus est quæ sunt mundi, quomodo placeat uxori; et divisus est. Et mulier innupta, et virgo, cogitat

A quæ Domini sunt, ut sit sancta corpore et spiritu. Quæ autem nupta est, cogitat ea quæ sunt mundi, quomodo placeat viro. Porro hoc ad utilitatem vestram dico, non ut laqueum vobis injiciam, sed ad id quod honestum est, et quod facultatem præbeat sine impedimento Dominum obsecrandi. Si quis autem turpem se videri existimat super virgine sua, quod sit superadulta, et ita oportet fieri: quod vult faciat; non peccat si nubat. Nam qui statuit in corde suo firmus, non habens aliquam necessitatem, potestatem autem habens suæ voluntatis, et hoc judicavit in corde suo servare virginem suam, bene facit. Igitur et qui matrimonio jungit virginem suam, bene facit; et qui non jungit, melius facit. Mulier alligata est legi, quanto tempore vir ejus vivit. Quod si dormierit vir ejus, liberata est. Cui vult nubat, tantum in Domino. Beatior autem erit, si sic permanserit, secundum meum consilium. Puto autem quod et ego Spiritum Dei habeam.

(b) Mulieres viris suis subditæ sint, sicut ut domino: quoniam vir caput est mulieris, sicut Christus Ecclesiæ. Sed sicut Ecclesia subjecta est Christo, ita et mulieres viris suis in omnibus. Viri, diligite uxores vestras, sicut et Christus Ecclesiam. Ita et viri debent diligere uxores suas, ut corpora sua. Qui suam uxorem diligit, se ipsum diligit. Verumtamen et vos singuli unusquisque uxorem suam sicut se ipsum diligit. Uxor autem timeat virum. (c) Mulieres, subditæ estote viris, sicut oportet, in Domino. Viri, diligite uxores vestras, et nolite amari esse ad eas. (d) Honorabile connubium in omnibus, et torus immaculatus.

(b) Ephes.
v, 22-25, 28, 33.

(c) Coloss.
iii, 18, 19.

(d) Hebr.
xiii, 4.

CAPITULUM LIX.

*De quibusdam documentis pertinentibus generaliter ad viros, atque mulieres, et vi-
duas.*

(a) **V**OLO autem vos scire, quod omnis viri caput Christus est; caput autem mulieris, vir; caput vero Christi, Deus.

(a) I Cor.
xi, 3-15.

Omnis vir orans aut prophetans velato capite, deturpat caput suum. Omnis autem mulier orans aut prophetans non velato capite, deturpat caput suum. Unum est enim ac si decalvetur. Nam si non velatur mulier, tondeatur. Si vero turpe est mulieri tonderi aut decalvari, velet caput suum. Vir quidem non debet velare caput suum, quoniam imago et gloria est Dei. Mulier autem gloria est viri. Non enim vir ex muliere est, sed mulier ex viro. Etenim non est creatus vir propter mulierem, sed mulier propter virum. Ideo debet mulier velamen habere super caput suum, et propter angelos. Verumtamen neque vir sine muliere, neque mulier sine viro, in Domino. Nam sicut mulier de viro, ita et vir per mulierem. Vos ipsi judicate : decet mulierem non velatam orare Deum? Nec ipsa natura docet vos. Quod vir quidem si comam nutriat, ignominia est illi. Mulier vero si comam nutriat, gloria est illi : quoniam capilli pro velamine dati sunt illi.

(b) I Cor.
xiv. 34-37.

(b) Mulieres in ecclesiis taceant : non enim permittitur eis loqui, sed subjectas esse, sicut et lex dicit. Si quid autem volunt discere, domi viros suos interrogent. Turpe est enim mulierem loqui in ecclesia. An a vobis verbum Dei processit? An in vos solos pervenit? Si quis videtur propheta esse aut spiritualis, cognoscat quæ scribo vobis : quoniam Domini sunt mandata. (c) Mulieres ornantes se, non in tortis crinibus, aut auro, aut margaritis, aut veste pretiosa ; sed quod decet mulieres, promittentes pietatem per opera bona. Mulier in silentio discat cum omni subjectione. Docere autem mulieri non permitto, neque dominari in virum, sed esse in silentio. Adam enim primus formatus est, deinde Eva. Et Adam non est seductus, mulier autem seducta in prævaricatione fuit. Salvabitur autem per filiorum generationem, si permanserit in fide, et dilectione, et sanctificatione cum sobrietate.

(d) Ibid. v.
3-7.

(d) Viduas honora, quæ vere viduæ sunt.

A Si qua autem vidua filios aut nepotes habet, discat primum domum suam bene regere, et mutuam vicem reddere parentibus. Hoc enim acceptum est coram Deo. Quæ autem vere vidua est, et desolata, speret in Deum, et instet obsecrationibus et orationibus, nocte ac die. Nam quæ in deliciis est, vivens mortua est. Et hoc præcipe, ut irreprehensibiles sint. Vidua eligatur non minus sexaginta annorum, quæ fuerit unius viri uxor, in operibus bonis testimonium habens : si filios educavit, si hospitio recepit, si sanctorum pedes lavit, si tribulationem patientibus ministravit, si omne opus bonum subsecuta est. Adolescentiores autem viduas evita. Quum enim luxuriatæ fuerint in Christo, nubere volunt, habentes damnationem, quia primam fidem irritam fecerunt. Volo ergo juniores nubere, filios procreare, matresfamilias esse, nullam occasionem dare adversario maledicti gratia. Jam enim quædam conversæ sunt retro Satanam. Si quis fidelis habet viduas, subministret illis, et non gravetur Ecclesia, ut his quæ vere viduæ sunt sufficiat.

I Tim. v.
9-12, 14-16.

CAPITULUM LX.

Qualiter parentes habere se debeant ad sobolem suam, et econverso ; qualiter etiam domini ad servos, et vice versa.

(a) **F**ILII, obedite parentibus vestris in Domino : hoc enim justum est. Honora patrem tuum et matrem (quod est mandatum primum in promissione), ut sis longævus super terram. Et vos, patres, nolite ad iracundiam provocare filios vestros, sed educate illos in disciplina et correptione Domini. (b) Filii, obedite parentibus vestris per omnia : hoc enim placitum est in Domino. Patres, nolite ad iracundiam provocare filios vestros, ut non pusillo animo fiant. (c) Non debent filii parentibus thesaurizare, sed parentes filii.

(a) Ephes.
vi. 1-4.

(b) Coloss.
iii. 20, 21.

(c) II Cor.
xii. 14.

(d) Ephes.
vi. 5-9.

(d) Servi, obedite dominis carnalibus

cum timore et tremore, in simplicitate A cordis vestri, sicut Christo : non ad oculum servientes, quasi hominibus placentes ; sed ut servi Christi, facientes voluntatem Dei ex animo ; cum bona voluntate servientes, sicut Domino, et non sicut hominibus : scientes quoniam unusquisque, quodcumque fecerit bonum, hoc percipiet a Domino, sive servus, sive liber. Et vos, domini, eadem facite illis, remittentes minas : scientes quia et illorum et vester Dominus est in cœlis, et personarum acceptio non est apud Deum. (e) Servi, obedite per omnia dominis carnalibus, in simplicitate cordis, timentes Deum. Quodcumque facitis, ex animo operamini : scientes quod a Domino accipietis retributionem hereditatis. (f) Domini, quod æquum et justum est, servis præstate : scientes quoniam et vos Dominum habetis in cœlo. (g) Quicumque sub jugo sunt servi, dominos suos omni honore dignos arbitrentur, ne nomen Domini et doctrina blasphemetur. Qui autem fideles habent dominos, non contemnant, quia fratres sunt ; sed magis serviant, quia fideles sunt, quia beneficii participes sunt. (h) Servos dominis suis subditos esse, in omnibus placentes, non contradicentes, non fraudantes ; sed in omnibus fidem bonam ostendentes, ut doctrinam Salvatoris nostri ornent in omnibus.

(e) *Coloss.* III, 22-24.

(f) *Ibid.* IV, 1.

(g) *I Tim.* VI, 1, 2.

(h) *Tit.* II, 9.

CAPITULUM LXI.

Qualiter superiores habere se debeant ad subditos, et econtra ; et de quibusdam documentis ad prælatos spectantibus ; et qualiter diversos diversimode instruere debeant.

(a) *I Thess.* V, 12, 13. (a) **R**OGAMUS autem vos, fratres, ut no-

(b) *Ibid.* IV, 8.

(c) *I Tim.* V, 17. veritis eos qui laborant inter vos, et præsumt vobis in Domino, et monent vos : ut habeatis illos abundantius in caritate, propter opus illorum. Pacem habete cum eis. (b) Itaque qui hæc spernit, non hominem spernit, sed Deum. (c) Qui

bene præsumt presbyteri, duplici honore digni habeantur, etc., ut supra. (d) Memento præpositorum vestrorum, qui vobis locuti sunt verbum Dei : quorum intuentes exitum conversationis, imitamini fidem. Obedite præpositis vestris, et subiacete eis : ipsi enim pervigilant quasi rationem pro animabus vestris reddituri ; ut cum gaudio hoc faciant, et non gementes : hoc enim expedit vobis. (e) Ejusmodi cum honore habetote, et cum omni gaudio excipite. (d) *Hebr.* XIII, 7, 17.

B (f) Dum venio, attende lectioni, exhortationi, et doctrinæ. Noli negligere gratiam quæ in te est, quæ data est tibi per prophetiam cum impositione manuum presbyterii. Attende tibi, et doctrinæ. Insta in illis : hoc enim faciens, et te ipsum salvum facies, et eos qui te audiunt. (f) *I Tim.* IV, 13, 14, 16.

(g) Ma- nus cito nemini imposueris ; neque communicaveris peccatis alienis. (h) Tu vero vigila, in omnibus labora, opus fac Evangelistæ, ministerium tuum imple. Sobrius esto. (g) *Ibid.* V, 22.

(h) Tu vero vigila, in omnibus labora, opus fac Evangelistæ, ministerium tuum imple. Sobrius esto. (h) *II Tim.* IV, 5.

(i) Hæc commune testificans coram Domino. (i) *Ibid.* II, 14.

(j) Tu autem assecutus es meam doctrinam, institutionem, propositum, fidem, longanimitatem, dilectionem, patientiam, persecutiones, passiones : qualia mihi facta sunt Antiochiæ, Iconii, Lystris ; quales persecutiones sustinui : et ex omnibus eripuit me Dominus. (j) *Ibid.* III, 10, 11.

(k) Prædica verbum, insta opportune, importune ; argue, obsecra, increpa, etc., ut supra. (k) *Ibid.* IV, 2.

(l) Exemplum esto fidelium, in verbo, in conversatione, in caritate. (l) *I Tim.* IV, 12.

(m) Seniores obsecra ut patrem ; juvenes, ut fratres ; anus, ut matres ; juvenulas, ut sorores in omni castitate. (m) *Ibid.* V, 1, 2.

(n) Tu autem loquere quæ decent sanam doctrinam : senes, ut sobrii sint, pudici, prudentes, sani in fide, in dilectione, in patientia ; anus similiter in habitu sancto, non criminatrices, non multo vino servientes, bene docentes, ut prudentiam doceant ; adolescentulas, ut viros suos ament, filios suos diligant, prudentes, castas, sobrias, domus curam habentes, benignas, subditas viris suis : ut non blasphemetur verbum Dei. Juvenes

(n) *Tit.* II, 1-6.

(o) *I Tim.* ^{v. 6} similiter hortare ut sobrii sint. (o) Hæc A proponens fratribus, bonus eris minister Christi Jesu, enutritus verbis fidei et bonæ doctrinæ quam assecutus es.

CAPITULUM LXII.

De spirituali regeneratione Baptismi ; et cur debeamus de cetero recedere a peccatis.

(a) *Rom.* ^{v. 20.} UBI abundavit delictum, superabundavit et gratia, etc., ut supra.

(b) *Ibid.* ^{xi. 1-11.} Quid ergo dicemus? Permanebimus in peccato ut gratia abundet? Absit. Qui enim mortui sumus peccato, quomodo adhuc vivemus in illo? An ignoratis quia quicumque baptizati sumus in Christo Jesu, in morte ipsius baptizati sumus? Consepulti enim sumus cum illo per Baptismum in mortem, ut quomodo Christus surrexit a mortuis per gloriam Patris, ita et nos in novitate vitæ ambulemus. Si enim complantati facti sumus similitudini mortis ejus, simul et resurrectionis erimus : hoc scientes quia vetus homo noster simul crucifixus est, ut destruat corpus peccati, ut ultra non serviamus peccato. Qui enim mortuus est, justificatus est a peccato. Si autem mortui sumus cum Christo, credimus quia simul etiam vivemus cum illo : scientes quia Christus resurgens ex mortuis, jam non moritur ; mors illi ultra non dominabitur. Quod enim mortuus est peccato, mortuus est semel ; quod autem vivit, vivit Deo. Ita D et vos, existimate vos mortuos quidem esse peccato, viventes autem Deo, in Christo Jesu Domino nostro. (c) Quicumque enim in Christo baptizati estis, Christum induistis. (d) In quo et circumcisi estis circumcissione non manufacta in exspoliatione corporis carnis, sed in circumcissione Jesu Christi : consepulti ei in Baptismo, in quo et resurrexistis, per fidem operationis Dei, qui suscitavit illum a mortuis.

(c) *Galat.* ^{iii, 27.}

(d) *Coloss.* ^{ii, 11, 12.}

CAPITULUM LXIII.

De adventu impiissimi et falsissimi Antichristi, ac die judicii.

(a) NON terreamini, quasi instet dies Domini. Ne quis vos seducat ullo modo : quoniam nisi venerit discessio primum, et revelatus fuerit homo peccati, filius perditionis, qui adversatur et extollitur super omne quod dicitur Deus aut quod colitur, ita ut in templo Dei sedeat, ostendens se tanquam sit Deus. Non retinetis quod quum adhuc essem vobiscum, hæc dicebam vobis? Et nunc quid detineat, scitis, ut reveletur in suo tempore. Nam mysterium jam operatur iniquitatis : tantum ut qui tenet, nunc teneat, donec de medio fiat. Et tunc revelabitur ille iniquus, quem Dominus Jesus interficiet spiritu oris sui, et destruet illustratione adventus sui eum : cujus est adventus secundum operationem Satanæ, in omni virtute, et signis, et prodigiis mendacibus, et in omni seductione iniquitatis iis qui pereunt, eo quod caritatem veritatis non receperunt. Ideo mittet illis Deus operationem erroris, ut credant mendacio : ut judicentur omnes qui non crediderunt veritati, sed consenserunt iniquitati. (b) De temporibus autem et momentis, fratres, non indigetis ut scribamus vobis. Ipsi enim diligenter scitis quia dies Domini sicut fur in nocte, ita veniet. Quum enim dixerint, Pax et securitas ; tunc repentinus eis superveniet interitus, sicut dolor in utero habentis, et non effugient. Vos autem, fratres, non estis in tenebris, ut vos dies illa tanquam fur comprehendat.

(a) *II Thess.* ^{ii, 2-11.}

(b) *I Thess.* ^{v. 1-4.}

CAPITULUM LXIV.

De generali resurrectione futura.

(a) SI quis Spiritum Christi non habet, hic non est ejus. Quod si Spiritus ejus qui suscitavit Jesum Christum a mortuis, habitat in vobis : qui suscitavit Je-

(a) *Rom.* ^{viii, 9, 11.}

sum Christum a mortuis, vivificabit et
 mortalia corpora vestra, propter inhabi-
 tantem Spiritum ejus in vobis. (b) Deus
 est qui Dominum suscitavit, et nos sus-
 citabit per virtutem suam. (c) Scientes
 quoniam qui suscitavit Jesum, et nos cum
 Jesu suscitabit, et constituet vobiscum.
 (d) Christus enim in vobis non infirma-
 tur, sed potens est in vobis. Nam etsi
 crucifixus est ex infirmitate, sed vivit ex
 virtute Dei. Nam et nos infirmi sumus
 in illo; sed vivimus ex virtute Dei in vo-
 bis. (e) Si enim credimus quod Jesus mor-
 tuus est, et resurrexit, ita et Deus eos
 qui dormierunt per Jesum, adducet cum
 eo. Hoc enim vobis dicimus in verbo Do-
 mini, quia nos qui vivimus, qui residui
 sumus in adventu Domini, non prævenie-
 mus eos qui dormierunt. Quoniam ipse
 Dominus in jussu, et in voce archangeli,
 et in tuba Dei descendet de cœlo; et mor-
 tui qui in Christo sunt, resurgent primi.
 Deinde nos qui vivimus, qui relinqui-
 mur, simul rapiemur cum illis in nubibus
 obviam Christo in aera: et sic semper
 cum Domino erimus. Itaque consolamini
 invicem in verbis istis.

CAPITULUM LXV.

*De fidei probatione ac diversitate resurre-
 ctionis futuræ, ac dotibus corporum glo-
 rificandorum.*

(a) I Cor. xv, 12-19. (a) SI autem Christus prædicatur quod
 resurrexit a mortuis, quomodo qui-
 dam dicunt in vobis quoniam resurrectio
 mortuorum non est? Si autem resurrectio
 mortuorum non est, neque Christus re-
 surrexit. Si autem Christus non resurre-
 xit, inanis est prædicatio nostra, inanis
 est et fides vestra. Invenimur autem et
 falsi testes Dei, quoniam testimonium di-
 ximus adversus Deum, quod suscitaverit
 Christum: quem non suscitavit, si mor-
 tui non resurgunt. Nam si mortui non re-
 surgunt, neque Christus resurrexit. Quod

si Christus non resurrexit, vana est fi-
 des vestra; adhuc enim estis in peccatis
 vestris. Ergo et qui dormierunt in Chri-
 sto, perierunt. Si in hac vita tantum in
 Christo sperantes sumus, miserabiliores
 sumus omnibus hominibus.

Nunc autem Christus resurrexit a mor-
 tuis, primitiæ dormientium: quoniam qui-
 dem per hominem mors, et per homi-
 nem resurrectio mortuorum. Sicut enim
 in Adam omnes moriuntur, ita et in Chri-
 sto omnes vivificabuntur; unusquisque
 autem in suo ordine: primitiæ Christus,
 deinde hi qui sunt Christi, qui in adven-
 tum ejus crediderunt. Deinde finis, quum
 tradiderit regnum Deo Patri, quum eva-
 cuaverit omnem principatum, et potesta-
 tem, et virtutem. Oportet autem illum re-
 gnare, donec ponat omnes inimicos sub
 pedibus ejus. Novissime autem inimica
 destruetur mors. Omnia enim subjecit sub
 pedibus ejus. Quum autem dicat, Omnia
 subjecta sunt ei: sine dubio, præter eum
 qui subjecit ei omnia. Quum autem subje-
 cta fuerint illi omnia, tunc et ipse Filius
 subjectus erit illi qui sibi subjecit omnia,
 ut sit Deus omnia in omnibus. Alioqui,
 quid facient qui baptizantur pro mortuis,
 si omnino mortui non resurgunt? Ut quid
 baptizantur pro eis? Ut quid et nos peri-
 clitamur omni hora? Quotidie enim mor-
 rior per vestram gloriam, fratres, quam
 habeo in Christo Jesu Domino nostro. Si
 secundum hominem, ad bestias pugnavi
 Ephesi, quid mihi prodest, si mortui non
 resurgunt? Manducemus et bibamus: cras
 enim moriemur. Nolite seduci. Corrum-
 punt mores bonos colloquia prava. Evi-
 gilate, justi, et nolite peccare. Ad reve-
 rentiam vobis loquor.

Sed dicet aliquis: Quomodo resurgunt
 mortui? quali autem corpore venient? In-
 sapiens, tu quod seminas non vivificatur
 nisi prius moriatur. Et quod seminas, non
 corpus quod futurum est seminas, sed nu-
 dum granum, utputa tritici aut alicujus
 ceterorum. Deus autem dat illi corpus
 sicut vult, et unicuique seminum propri-

um corpus. Non omnis caro, eadem caro; A sed alia hominum, alia pecorum, alia volu-
lucrum, alia autem piscium. Et corpora
cœlestia, et corpora terrestria; sed alia
quidem cœlestium gloria, alia terrestrium.
Alia claritas solis, alia claritas lunæ, et
alia claritas stellarum. Stella enim a stella
differt in claritatē. Sic et resurrectio mor-
tuum. Seminatur in corruptione, surget
in incorruptione. Seminatur in ignobilita-
te, surget in gloria. Seminatur in infirmi-
tate, surget in virtute. Seminatur corpus
animale, surget corpus spirituale. Si est B
corpus animale, est et spirituale, sicut
scriptum est: Factus est primus homo
Adam in animam viventem, novissimus
Adam in spiritum vivificantem. Sed non
prius quod spirituale est; sed quod ani-
male, deinde quod spirituale.

1 Cor. xv,
51-57.

Ecce mysterium vobis dico: Omnes
quidem resurgemus, sed non omnes im-
mutabimur, in momento, in ictu oculi, in
novissima tuba. Canet enim tuba, et mor-
tui resurgent incorrupti, et nos immutabi-
mur. Oportet enim corruptibile hoc induere
incorruptionem, et mortale hoc induere
immortalitatem. Quum autem mortale hoc
induerit immortalitatem, tunc fiet sermo
qui scriptus est: Absorpta est mors in
victoria. Ubi est, mors, victoria tua? Ubi
est, mors, stimulus tuus? Stimulus autem
mortis peccatum est; virtus vero peccati,
lex. Deo autem gratias, qui dedit nobis
victoriam per Dominum nostrum Jesum
Christum.

CAPITULUM LXVI.

De fervida caritate B. Pauli apostoli.

(a) Rom. ix, 3.

(a) **O**PTABAM ego ipse anathema esse
a Christo pro fratribus meis, qui
(b) *Ibid.* x, 1. sunt cognati mei secundum carnem. (b) Vo-
luntas quidem cordis mei, et obsecratio
(c) 1 Cor. ix, 19-23. ad Deum, fit pro illis in salutem. (c) Nam
quum liber essem ex omnibus, omnium
me servum feci, ut plures lucrificerem. Et

factus sum Judæis tanquam Judæus, ut Ju-
dæos lucrarer; his qui sub lege erant, tan-
quam sub lege essem, ut eos qui sub lege
erant, lucrificerem; his qui sine lege erant,
tanquam sine lege essem (quum sine lege
Dei non essem, sed in lege essem Christi),
ut lucrificerem eos qui sine lege erant.
Factus sum infirmis infirmus, ut infirmos
lucrificerem. Omnibus omnia factus sum,
ut omnes facerem salvos. Omnia autem fa-
cio propter Evangelium, ut ejus parti-
ceps efficiar. (d) Et hac confidentia volui (d) *II Cor.*
1, 15, 16.

B prius venire ad vos, ut secundam grati-
am haberetis; et per vos transire in Mace-
doniam, et iterum a Macedonia venire ad
vos, et a vobis deduci in Judæam. (e) Quum (e) *Ibid.* ii,
12, 13.
autem venissem Troadem propter Evange-
lium Christi, et ostium mihi apertum es-
set in Domino, non habui requiem spiritui
meo, eo quod non invenerim Titum, fra-
trem meum; sed valefaciens eis, profectus
sum in Macedoniam. Ex multa vero tri-
bulatione et angustia cordis scripsi vo-
bis, per multas lacrimas: ut sciatis quam
caritatem habeam abundantius in vobis.

C (f) Epistola enim nostra vos estis, scripta (f) *Ibid.* iii,
2, 3.
in cordibus nostris, quæ scitur et legitur
ab omnibus hominibus: manifestati quo-
niam epistola estis Christi, ministrata a
nobis, et scripta non atramento, sed Spi-
ritu Dei vivi; non in tabulis lapideis, sed
in tabulis cordis carnalibus. (g) Caritas (g) *Ibid.* v,
14.
enim Christi urget nos, etc., ut supra.
(h) Ecce tertio hoc paratus sum venire ad (h) *Ibid.* xii,
14, 15.
vos, et non ero gravis vobis. Non enim
quæro quæ vestra sunt, sed vos. Ego au-
tem libentissime impendam et superim-
pendar pro animabus vestris; licet plus
vos diligens, minus diligar.

(i) Confidens hoc ipsum, quia qui cœpit (i) *Philipp.*
i, 6-8.
in vobis opus bonum, perficiet usque in
diem Jesu Christi: sicut est mihi justum
hoc sentire pro omnibus vobis, eo quod
habeam vos in corde, et in vinculis meis,
et in defensione et confirmatione Evan-
gelii, socios gaudii mei omnes vos es-
se. Testis enim mihi est Deus, quomodo
cupiam omnes vos in visceribus Jesu Chri-

(j) *Philipp.* *ii*, 19-24. sti. (j) Spero autem in Domino Jesu, Time-
theum me cito mittere ad vos, ut et ego
bono animo sim, cognitis quæ circa vos
sunt. Neminem habeo tam unanimem, qui
sincera affectione pro vobis sollicitus sit.
Omnes enim quæ sua sunt quærunt, non
quæ Jesu Christi. Experimentum autem
ejus cognoscite, quoniam sicut patri filius
mecum servivit in Evangelio. Hunc igitur
spero me mittere ad vos, mox ut videro
quæ circa me sunt. Confido autem in Do-
mino quoniam et ipse veniam ad vos ci-

(k) *Ibid.* *iii*, 1. to. (k) Eadem vobis scribere mihi quidem
non pigrum, vobis autem necessarium.

(l) *Coloss.* *ii*, 1, 2. (l) Volo enim vos scire qualem solli-
citudinem habeam pro vobis, et pro his
qui sunt Laodiciæ, et quicumque non
viderunt faciem meam, ut consolentur.

(m) *II Cor.* *vii*, 12, 13. (m) Igitur, etsi scripsi vobis, non propter
eum qui fecit injuriam, nec propter eum
qui passus est; sed ad manifestandam sol-
licitudinem nostram, quam pro vobis ha-

(n) *I Thess.* *ii*, 7, 8. bemus coram Deo. (n) Tanquam si nutrix
foveat filios suos, ita desiderantes vos cu-
pide, volebamus tradere vobis, non solum
Evangelium Dei, sed etiam animas no-
stras: quoniam carissimi nobis facti estis.

(o) *II Tim.* *i*, 3-5. (o) Gratias ago Deo meo, cui servio a pro-
genitoribus meis in conscientia pura, quod
sine intermissione habeam tui memoriam
in orationibus meis nocte ac die: deside-
rans te videre, memor lacrimarum tua-
rum, ut gaudio implear; recordationem
accipiens ejus fidei quæ est in te non fi-
cta, quæ et habitavit primum in avia tua
Loide et matre tua Eunice, certus sum au-
tem quod et in te. (p) Zenam legisperitum
et Apollo sollicite præmitte, ut nihil illis
desit.

(q) *Philem.* 9-22. (q) Propter caritatem obsecro, quum sis
talis ut Paulus, senex, nunc autem et vin-
ctus Jesu Christi. Obsecro te pro meo filio,
quem genui in vinculis, Onesimo: qui tibi
aliquando inutilis fuit, nunc autem et tibi
et mihi utilis, quem remisi tibi. Tu autem
illum, ut mea viscera, suscipe. Quem ego
volueram mecum detinere, ut pro te mihi
ministraret in vinculis Evangelii; sine tuo

A autem consilio nihil volui facere, uti ne
velut ex necessitate bonum tuum esset,
sed voluntarium. Forsitan ideo discessit
ad horam a te, ut æternum illum recipe-
res, jam non ut servum, sed pro servo ca-
rissimum fratrem, maxime mihi: quanto
autem magis tibi, et in carne, et in Domi-
no! Si ergo habes me socium, suscipe il-
lum sicut me. Si autem aliquid nocuit
tibi, aut debet, hoc mihi imputa. Ego Pau-
lus scripsi mea manu. Ego reddam: ut
non dicam tibi quod et te ipsum mihi de-
bes. Ita, frater, ego te fruar in Domino;
refice viscera mea in Christo. Simul au-
tem et para mihi hospitium: nam spero
per orationes vestras donari me vobis.

CAPITULUM LXVII.

*De humilitate, patientia, ac persecutionibus
B. Pauli apostoli.*

(a) **N**OVISSIME, tanquam abortivo, vi-
sus est Christus et mihi. Ego enim (a) *I Cor.*
xv, 8-11.

sum minimus Apostolorum: qui non sum
dignus vocari apostolus, quoniam perse-
cutus sum Ecclesiam Dei. Gratia autem
Dei sum id quod sum, et gratia ejus in
me vacua non fuit; sed abundantius illis
omnibus laboravi: non autem ego, sed
gratia Dei mecum. Sive enim ego, sive
illi, sic prædicavimus, et sic credidistis.

(b) Ipse autem ego Paulus, obsecro vos
per mansuetudinem et modestiam Chri-
sti: qui in facie quidem humilis sum in-
ter vos, absens autem confido in vobis. (b) *II Cor.*
x, 1, 2.

Rogo autem vos ne præsens audeam, per
eam confidentiam qua existimor audere,
in quosdam qui arbitrantur nos tanquam
secundum carnem ambulemus. Non aude-
mus inserere aut comparare nos quibus-
dam qui semetipsos commendant; sed
ipsi in nobis nosmetipsos metientes, et
comparantes nosmetipsos nobis. (c) An
quæro hominibus placere? Si adhuc homi-
nibus placerem, Christi servus non essem.
(d) Neque fuimus aliquando ab hominibus (c) *Galat.*
i, 10.
(d) *I Thess.*
ii, 5.

Ibid. 12.

e I Tim. 1, 15. quærentes gloriam, etc., ut supra. (e) Fidelis sermo, quia Christus venit peccatores salvos facere, quorum primus ego sum, etc., ut supra. (f) Propter quod placeo mihi in infirmitatibus meis, in contumeliis, in necessitatibus, in persecutionibus, in angustiis pro Christo. Quum enim infirmor, tunc potens sum.

g Ibid. xi, 23-29. (g) Ministri Christi sunt, et ego : ut minus sapiens dico, plus ego : in laboribus plurimis, in carceribus abundantius, in plagis supra modum, in mortibus frequenter. A Judæis quinquies quadragenas, una minus, accepi. Ter virgis cæsus sum, semel lapidatus sum, ter naufragium feci, nocte ac die in profundo maris fui, in itineribus sæpe : periculis fluminum, periculis latronum, periculis ex genere, periculis ex gentibus, periculis in civitate, periculis in solitudine, periculis in mari, periculis in falsis fratribus ; in labore et ærumna, in vigiliis multis, in fame et siti, in jejuniis multis, in frigore et nuditate. Præter illa quæ extrinsecus sunt, instantia mea quotidiana, sollicitudo omnium Ecclesiarum. Quis infirmatur, et ego non infirmor ? Quis scandalizatur, et ego non uror ? Deus et Pater Domini nostri Jesu Christi, qui est benedictus in sæcula, scit quod non mentior. Damasci præpositus gentis Aretæ regis custodiebat civitatem Damascenorum, ut me comprehenderet ; et per fenestram in sporta dimissus sum per murum, et sic effugi manus ejus.

(h) Coloss. 1, 24. (h) Qui nunc gaudeo in passionibus pro vobis, et adimpleo quæ desunt passionum Christi in carne mea, pro corpore ejus, D

(i) II Tim. 11, 10. (i) Ideo omnia sustineo propter electos, ut et ipsi salutem consequantur quæ est in Christo Jesu, cum gloria cœlesti. (j) Ideo nemo moveatur in tribulationibus istis : ipsi enim scitis quod in hoc positi sumus. (k) Scis hoc, quod aversi sunt a me omnes qui in Asia sunt : ex quibus est Philetus, et Hermogenes.

(l) I Thess. 111, 3. (l) Alexander ærarius multa mala mihi ostendit. Reddet illi Deus secundum opera ejus. Quem et tu evita : valde enim

k II Tim. 1, 15.

(l) Ibid. iv, 14-18.

A restitit verbis nostris. In prima mea defensione nemo mihi adfuit, sed omnes me dereliquerunt : non illis imputetur. Dominus autem mihi adstitit, et confortavit me, ut per me prædicatio impleatur, et audiant omnes gentes : quia liberatus sum de ore leonis. Liberavit autem me Dominus ab omni opere malo, et salvum faciet in regnum suum cœleste : cui gloria in sæcula sæculorum. Amen.

CAPITULUM LXVIII.

De excellentia rectitudinis et sinceritate Pauli apostoli.

(a) QUID vultis ? In virga veniam ad vos, an in caritate et spiritu mansuetudinis ? (b) Ex sinceritate, coram Deo, in Christo loquimur. (c) Incipimus iterum nosmetipsos commendare ? Aut numquid indigemus, sicut quidam, commendaticiis epistolis ad vos, aut ex vobis ? (d) Si quis confidit sibi Christi se esse, hoc iterum cogitet apud se, quia sicut ipse Christi est, ita et nos. Nam, et si amplius aliquid gloriatus fuero de potestate nostra (quam dedit Dominus nobis in ædificationem, et non in destructionem), non erubescam. Ut autem non existimer tanquam terrere vos per epistolas, quoniam quidem epistolæ, inquiunt, graves sunt, præsentia autem corporis infirma, et sermo contemptibilis : hoc cogitet, qui ejusmodi est, quia quales sumus verbo per epistolas absentes, tales præsentem in facto. (e) Aut numquid peccatum feci, me ipsum humilians ut vos exaltarem ? Quoniam gratis Evangelium Dei evangelizavi in vobis. Alias Ecclesias exspoliavi, accipiens stipendium ad ministerium vestrum. Et quum essem apud vos et egerem, nulli onerosus fui : nam quod mihi deerat, suppleverunt fratres qui venerunt a Macedonia ; et in omnibus me vobis sine onere servavi, et servabo. Est veritas Christi in me, quoniam hæc gloria non infringetur in me in regi-

(a) I Cor. iv, 21.

(b) II Cor. 11, 17.

(c) Ibid. 111, 1.

(d) Ibid. x, 7-11.

(e) Ibid. xi, 7-12.

onibus Achaiae. Quare? Quia non diligo vos? Deus scit. Quod autem facio, et faciam: ut amputem occasionem eorum qui volunt occasionem, ut in quo gloriantur, inveniantur sicut et nos.

(f) II Cor.
xii, 13, 16-19.

(f) Quid est enim quod minus habuistis præ ceteris Ecclesiis, nisi quod ego ipse non gravavi vos? Donate mihi hanc injuriam. Sed esto, ego vos non gravavi; sed quum essem astutus, dolo vos cepi. Numquid per aliquem eorum quos misi ad vos, circumveni vos? Rogavi Titum, et misi cum illo fratrem. Numquid Titus circumvenit vos? Nonne eodem spiritu ambulavimus? nonne eisdem vestigiis? Olim putatis quod excusemus nos apud vos. Coram Deo in Christo loquimur. (g) Ecce tertio hoc venio ad vos. In ore duorum aut trium testium stabit omne verbum. (h) Exhortatio enim nostra, non de errore, neque in dolo; neque aliquando fuimus in sermone adulationum, etc., ut supra.

(g) Ibid. xiii, 1.

(h) I Thess. ii, 3, 5.

CAPITULUM LXIX.

De raptu et visionibus B. Pauli apostoli, et perfectione ejus in omni virtute.

(a) II Cor. xii, 1-6.

(a) VENIAM autem ad visiones et revelationes Domini. Scio hominem in Christo ante annos quatuordecim (sive in corpore, sive extra corpus, nescio, Deus scit), raptum hujusmodi usque ad tertium cælum. Et scio hujusmodi hominem (sive in corpore, sive extra corpus, nescio, Deus scit), quoniam raptus est in paradysum, et audivit arcana verba quæ non licet homini loqui. Pro hujusmodi gloriabor; pro me autem nihil gloriabor, nisi in infirmitatibus meis. Nam, et si vultuero gloriari, non ero insipiens: veritatem enim dicam. Parco autem, ne quis me existimet super id quod videt in me, aut audit aliquid ex me. Factus sum insipiens, vos me coegistis. Ego enim a vobis debui commendari. (b) Scio humiliari, scio et abundare (ubique et in omnibus institutus sum), et satiari, et esurire, et

Ibid. 11.

(b) Philipp. iv, 12, 13.

abundare, et penuriam pati. Omnia possum in eo qui me confortat.

CAPITULUM LXX.

De multitudine misericordiarum Dei super Apostolum, et actibus exordii suæ conversionis.

(a) GRATIAS Deo Patri, qui me confortavit in Christo Jesu Domino nostro, quia fidelem me existimavit, ponens in ministerio: qui prius fui blasphemus, et persecutor, et contumeliosus; sed ideo misericordiam consecutus sum, quia ignorans feci in incredulitate. Sed ideo misericordiam consecutus sum, ut in me primum ostenderet Christus Jesus omnem patientiam, ad informationem eorum qui credituri sunt illi in vitam æternam. (b) Audistis enim conversationem meam aliquando in Judaismo, quoniam supra modum persequabar Ecclesiam Dei, et expugnabam illam, et proficiebam in Judaismo super multos coætaneos meos in genere meo, abundantius æmulator existens paternarum mearum traditionum. Quum autem placuit ei qui me segregavit ex utero matris meæ, et vocavit per gratiam suam, ut revelaret Filium suum in me, ut evangelizarem illum in gentibus: continuo non acquievi carni et sanguini, neque veni Jerosolymam ad antecessores meos Apostolos; sed abii in Arabiam, et iterum reversus sum Damascum. Deinde post annos tres, veni Jerosolymam videre Petrum, et mansi apud eum diebus quindecim. Alium autem Apostolorum vidi neminem, nisi Jacobum fratrem Domini. Quæ autem scribo vobis, ecce coram Deo quia non mentior. Deinde veni in partes Syriæ et Ciliciæ. Eram autem ignotus facie Ecclesiis Judææ, quæ erant in Christo. Tantum auditum habebant: Quoniam qui persequabatur nos aliquando, nunc evangelizat fidem quam aliquando expugnabat. Et in me clarificabant Deum. (c) Deinde post annos quatuordecim, ite-

(a) I Tim. i, 12, 13, 16.

(b) Galat. i, 13-24.

(c) Ibid. ii, 1.

rum ascendi Jerosolymam cum Barnaba, A cum fratribus : et utique non fuit voluntas ejus ut nunc veniret. Veniet autem quum vacuum ei fuerit. (g) Ego autem

testem invoco Deum in animam meam, quod parcens vobis non veni ultra Corinthum : non quia dominamur fidei vestrae, sed adjutores sumus gaudii vestri.

CAPITULUM LXXI.

Quam humiliter pro se orari poposcerit Apostolus, suisque discipulis; et de aliis quibusdam actibus ejus.

(a) Rom. xv, 30-33.

(a) OBSECRO vos, fratres, per Dominum nostrum Jesum Christum, et per caritatem Spiritus Sancti, ut sollicitudinem mihi impertiamini in orationibus pro me ad Deum, ut liberer ab infidelibus qui sunt in Judæa, et obsequii mei oblatio accepta fiat in Jerusalem sanctis : ut veniam ad vos cum gaudio per voluntatem Dei, et refrigerer vobiscum. (b) Orantes pro me, ut detur mihi sermo in aperitione oris mei, cum fiducia notum facere mysterium Evangelii, pro quo legatione fungor in catena : ita ut in ipso audeam, prout oportet me, loqui. (c) Orantes simul et pro nobis, ut Deus aperiat nobis ostium sermonis, ad loquendum mysterium Christi (propter quod etiam vinctus sum), ut manifestem illud ita ut oportet me loqui. (d) De cetero, fratres, orate pro nobis, ut sermo Dei currat, et clarificetur, sicut et apud vos ; et ut liberemur ab importunis et malis hominibus. (e) Amplius autem deprecor vos hoc facere, quo celerius restituar vobis. Cognoscite fratrem nostrum Timotheum dimissum, cum quo, si celerius venerit, videbo vos.

(b) Ephes. vi, 18-20.

(c) Coloss. iv, 3, 4.

(d) I Thess. iii, 1, 2.

(e) Hebr. xiii, 19, 23.

(f) I Cor. xvi, 5-9.

(f) Veniam autem ad vos quum Macedoniam pertransiero : nam Macedoniam pertransibo. Apud vos autem forsitan permanebo, aut etiam hiemabo, ut vos me ducatis quocumque iero. Nolo enim vos modo in transitu videre : spero enim me aliquantulum temporis manere apud vos, si Dominus permiserit. Permanebo autem Ephesi usque ad Pentecosten. Ostium enim mihi apertum est magnum et evidens, et adversarii multi. De Apollo autem fratre, notum vobis facio quoniam multum rogavi eum ut veniret ad vos

(h) Festina ad me venire cito. Demas enim me dereliquit, diligens hoc sæculum, et abiit Thessalonicam ; Crescens in Galatiam ; Titus in Dalmatiam. Lucas est mecum solus. Marcum assume, et adduc tecum : est enim mihi utilis in ministerium. Tychicum autem misi Ephesum. Penulam quam reliqui Troade apud Carpum, veniens affer tecum, et libros, maxime autem membranas. Erastus remansit Corinthi. Trophimum autem reliqui infirmum Mileti. Festina ante hiemem venire. (i) Quum misero ad te Artemam aut Tychicum, festina ad me venire Nicopolim : ibi enim statui hiemare.

(g) II Cor. 1, 23.

(h) II Tim. iv, 8-13.

Ibid. 20, 21.

(i) Tit. iii, 12.

CAPITULUM LXXII.

De personis salutantibus et salutatis in Epistolis ejus.

(a) SALUTATE Priscam et Aquilam, adjutores meos in Christo Jesu (qui pro anima mea cervices suas supposuerunt, quibus non solum ego gratias ago, sed et cunctæ Ecclesiæ gentium), et domesticam eorum ecclesiam. Salutate Ephænetum, dilectum mihi, qui est primitivus Asiæ in Christo Jesu. Salutate Mariam, quæ multum laboravit in vobis. Salutate Andronicum et Juliam, cognatos et captivos meos : qui sunt nobiles in Apostolis, qui et ante me fuerunt in Christo, etc. Salutat vos Timotheus adjutor meus, et Lucius, et Jason, et Sosipater, cognati mei. Salutat vos Caius hospes meus, et universæ Ecclesiæ gentium*. Salutat vos Erastus, etc. (b) Salutant vos omnes Ecclesiæ Asiæ. Salutant vos in Domino multum Priscilla et Aquila, cum domestica sua ecclesia, apud quos et hospitor. Salutant vos fra-

(a) Rom. xvi, 3-7.

Ibid. 21, 23.

* alias et universa Ecclesia (b) I Cor. xvi, 19-21.

Ibid. 12.

tres omnes. Salutatio mea manu Pauli, etc. A velationem mysterii temporibus æternis

(e) II Cor.
xiii, 12.
(d) Coloss.
iv, 12-15.

(c) Salutant vos omnes sancti. (d) Salutat vos Epaphras. Testimonium enim illi perhibeo, quod habet multum laborem pro vobis, et pro his qui sunt Laodiciæ, et qui Hierapoli. Salutat vos Lucas medicus carissimus, et Demas. Salutate fratres qui sunt Laodiciæ, et Nympham, et quæ in domo ejus est ecclesiam. (e) Saluta eos qui nos amant in fide. (f) Salutat te Epaphras concaptivus meus in Christo Jesu, Marcus, Aristarchus, Demas et Lucas, adjutores mei. (g) Salutat vos Aristarchus concaptivus meus; et Marcus consobrinus Barnabæ, de quo accepistis mandata (si venerit ad vos, suscipite illum); et Jesus, qui dicitur justus: qui sunt ex circumcisione. Hi soli sunt adjutores mei in regno Dei: qui mihi fuerunt solatio. (h) Salutate omnes præpositos vestros, et omnes sanctos. Salutant vos fratres de Italia. (i) Salutant vos omnes sancti, maxime autem qui de Cæsaris domo sunt. (j) Salutatio mea manu Pauli: quod signum in omnibus epistolis ita scribo: Gratia Domini nostri Jesu Christi cum omnibus vobis.

(e) Tit. iii.
15.
(f) Philem.
23, 24.

(g) Coloss.
iv, 10, 11.

(h) Hebr.
xiii, 24.

(i) Philipp.
iv, 21.
(j) II Thess.
iii, 17, 18.

taciti, quod nunc patefactum est per scripturas Prophetarum, secundum præceptum æterni Dei, ad obeditionem fidei in cunctis gentibus: soli sapienti Deo, per Jesum Christum, honor et gloria in sæcula sæculorum. Amen. (b) Fidelis Deus, per quem vocati estis. (c) Benedictus Deus et Pater Domini nostri Jesu Christi, Pater misericordiarum, et Deus totius consolationis.

(b) I Cor.
1, 9.
(c) II Cor.
1, 3.

(d) Dominus autem Spiritus est: ubi autem Spiritus Domini, ibi libertas. (e) Ei autem qui potens est omnia facere superabundanter quam petimus aut intelligimus, secundum virtutem quæ operatur in nobis: ipsi gloria in Ecclesia et in Christo Jesu, in omnes generationes sæculi sæculorum. Amen. (f) Deo et Patri nostro gloria in sæcula sæculorum. (g) Regi autem sæculorum, immortalis, invisibilis, soli Deo, honor et gloria in sæcula sæculorum. Amen. (h) Qui omnes homines vult salvos fieri, et ad agnitionem veritatis venire in Christo. (i) Quem suis temporibus ostendet beatus et solus potens, Rex regum et Dominus dominantium, qui solus habet immortalitatem, et lucem habitat inaccessibilem: quem nullus hominum vidit, sed nec videre potest: cui honor et imperium sempiternum. Amen. (j) Unus Deus et Pater omnium, qui est super omnes, et per omnia, et in omnibus nobis.

(d) Ibid. iii,
17.
(e) Ephes.
iii, 20, 21.

(f) Philipp.
iv, 20.
(g) I Tim.
1, 17.

(h) Ibid. ii,
4.

(i) Ibid. vi,
15, 16.

(j) Ephes.
iv, 6.

CAPITULUM LXXIII.

*Laudatio et glorificatio Domini
Dei omnipotentis.*

(a) Rom.
xvi, 25.

(a) **E**I autem qui potens est vos confirmare juxta evangelium meum et prædicationem Jesu Christi, secundum re-

EPITOME



PROLOGUS

TOTA sacræ Bibliæ scriptura distinguitur in duo Testamenta, vetus videlicet et novum. Testamentum vetus dividitur in libros legales, historiales, sapientiales et prophetales. — Legales vocantur, in quibus leges judiciaque ore Dei edita promulgantur. Et sunt numero quinque, videlicet Genesis, Exodus, Leviticus, Numeri et Deuteronomium. Quibus respondet in novo Testamento Evangelium secundum Matthæum, Marcum, Lucam et Joannem : in quibus lex nova a Christo tradita continetur. — Historiales dicuntur, in quibus historiæ rerum gestarum narrantur. Et sunt numero septemdecim : Josue, Judicum, Ruth, Regum libri quatuor, Paralipomenon libri duo, Esdræ libri duo (nam Esdræ tertius et quartus apocryphi sunt, secundum Hieronymum), Tobiae, Judith, Esther, Job, et Machabæorum libri duo. Quibus in novo Testamento respondet liber Actuum Apostolorum : in quo res per Christi Apostolos gestæ et decursus nascentis Ecclesiæ describuntur. — Sapientiales vocantur, in quibus vera prudentia et sapientia docetur. Et sunt quinque numero : Proverbia, Ecclesiastes, Cantica, Sapientia et Ecclesiasticus. Quibus in novo Testamento respondent Pauli apostoli epistolæ quatuordecim : ad Romanos una, ad Corinthios duæ, ad Galatas una, ad Ephesios una, ad Philippenses una, ad Colossenses una, ad Thessalonicenses duæ, ad Timotheum duæ, ad Titum una, ad Philemonem una, ad Hebræos una; Jacobi apostoli epistola una, Petri apostoli duæ, Joannis tres, et Judæ una : quæ septem posteriores canonicæ appellantur. — Prophetales nuncupantur, in quibus ventura prædicuntur, et sunt numero octodecim, puta : Psalterium, Isaias, Jeremias, Baruch, Ezechiel, Daniel, Osee, Joel, Amos, Abdias, Jonas, Michæas, Nahum, Habacuc, Sophonias, Aggæus, Zacharias, Malachias. Quibus in novo Testamento Apocalypsis Joannis apostoli respondet : in quo libro prædicuntur multa de Christo et Ecclesia, de reproborum et electorum statu futuro.

EPITOME

SIVE

NOBILIORES SENTENTIÆ TOTIUS BIBLIÆ

LIBER GENESIS

HABET CAPITULA QUINQUAGINTA. ET AGITUR IN EO DE MUNDI
ET OMNIUM CREATURARUM EXORDIO; DE DILUVIO ET ARCA NOE, ATQUE LINGUARUM CONFUSIONE;
DE ELECTIONE POPULI DEI, ET DE DESCENSU EJUSDEM IN ÆGYPTUM.

CAPITULUM I.—In principio creavit Deus A
cœlum et terram, etc.

Prima die, facta est lux (id est substan-
tia de qua quarta die factus est sol).

Secunda die, factum est firmamentum,
quod dividit inter aquas quæ supra cœlos
sunt, et inferiores. (Firmamentum est cœ-
lum stellatum.)

Tertia die, congregatæ sunt aquæ infe-
riores in locum unum, protulitque terra
herbam virentem et lignum pomiferum
(nam tota terra aquis erat operata).

Quarta die, facta sunt sol et luna ac B
stellæ, ut essent in signa et tempora et
dies et annos, et præessent diei ac nocti.

Quinta die, produxerunt aquæ reptile
animæ viventis et volatile super terram,
id est pisces et aves. Creavitque Deus cete
grandia, et benedixit eis dicens: Crescite,
etc. (Benedictio Dei, est collatio munerum
Dei, et multiplicatio eorumdem, secundum
Gregorium.)

Sexta die, factæ sunt de terra bestię;
ipse quoque homo de limo terræ ad ima-
ginem Dei est formatus.

CAPITULUM II.—Septima die, complevit
Deus opus suum quod fecerat, et requie-
vit in eo; et sanctificavit illum, quia in
ipso cessaverat ab omni opere quod crea-
vit (id est a novis rerum speciebus cre-
andis).

Fluvius egrediebatur de paradiso, qui
inde dividitur in quatuor capita. Nomen
uni Phison (et nunc dicitur Ganges), et
currit per terram Hevilath (id est Indiam),
ubi nascitur optimum aurum, ibique in-
venitur bdellium, et lapis onychinus. No-
men secundi fluvii Gehon (et nunc dicitur
Nilus), et currit per omnem Æthiopiam.
Nomen tertii Tigris, vadentis per Assyrios.
Fluvius quartus Euphrates (qui ex Arme-
nia juxta Mesopotamiam decurrens, eam
a Syria disternat).

Tulit Deus hominem (id est Adam), et
posuit eum in paradiso voluptatis. (Adam
factus est extra paradisum, videlicet in
agro Damasceno. Eva autem in paradiso
facta est.)

Adduxit Deus ad Adam universa ani-
C mantia terræ, ut videret quid vocaret ea.

NOTA. — Secuti sumus Coloniensem editionem s. t. n. anni 1532.

Appellavitque Adam nominibus suis cuncta animantia, et universa volatilia cœli, et bestias terræ.

CAPITULUM III. — Dixit Dominus ad serpentem : Inimicitias ponam inter te et mulierem ; ipsa conteret caput tuum, et tu insidiaberis calcaneo ejus. (Hoc in Maria virgine impletum est, quæ sua humilitate dæmonem supplantavit, dum Christum effudit.)

Dixit Dominus ad mulierem : Multiplicabo ærumnas tuas et conceptus tuos ; in dolore paries ; et sub viri potestate eris, et ipse dominabitur tui.

Adæ dixit Deus : Quia audisti vocem uxoris tuæ, maledicta terra in opere tuo, etc. In sudore vultus tui vesceris pane tuo, donec revertaris in terram tuam, quia pulvis es, et in pulverem reverteris. Fecit Dominus Deus Adæ et Evæ uxori ejus tunicas pelliceas.

Emisit Dominus Deus Adam de paradiso voluptatis, ut operaretur terram de qua sumptus est. Ejecitque eum, et collocavit ante paradysum voluptatis Cherubim et flammeum gladium atque versatilem, ad custodiendam viam ligni vitæ.

CAPITULUM IV. — Respexit Dominus ad Abel et ad munera ejus. (Primogenitus Adæ, Cain ; deinde Abel ; postea Seth, cujus filii dicti sunt filii Dei, quia in eis permansit divinus cultus.)

Nonne si bene egeris, recipies ; si autem male, statim peccatum tuum in foribus aderit ? Sed sub te erit appetitus ejus, et tu dominaberis illius. (Ratio enim dominari debet appetitui concupiscibili et irascibili, atque universis inferioribus viribus animæ.)

Lamech (de genere Cain) accepit uxores duas : quarum Ada genuit Jabel, qui fuit pater habitantium in tentoriis atque pastorum ; fratrem quoque ejus Jubal, qui fuit pater canentium in cithara et organo. Seth genuit Enos. Iste cœpit invocare nomen Domini.

CAPITULUM V. — Vixit Adam nongentis triginta annis, et mortuus est.

A Facti sunt autem omnes dies Seth nongentorum et duodecim annorum, et mortuus est.

Porro Enoch genuit Mathusalem. Et ambulavit Enoch cum Deo, et non apparuit, quia transtulit illum Dominus (scilicet in paradysum terrestrem).

Facti sunt autem omnes dies Mathusalem nongenti sexaginta novem anni, et mortuus est. (Iste Mathusalem omnibus senior exstitit.)

B Mathusalem genuit Lamech. Et Lamech genuit Noe, dicens : Iste consolabitur nos ab operibus et laboribus manuum nostrarum in terra cui maledixit Dominus.

CAPITULUM VI. — Noe quum quingentorum esset annorum genuit Sem, Cham, et Japhet.

Quumque cœpissent homines multiplicari super terram, et vidissent filii Dei filias hominum, etc.

Non permanebit spiritus meus in homine in æternum, quia caro est. Eruntque dies vitæ illius centum viginti annorum.

C Gigantes quoque erant super terram illis diebus. Postquam enim ingressi sunt filii Dei, etc.

Noe vir justus atque perfectus in generationibus suis genuit tres filios, Sem, Cham, et Japhet, etc.

CAPITULUM VII. — Erat autem Noe sexcentorum annorum, quando inundavit diluvium. Apertique sunt omnes fontes abyssi magnæ, et cataractæ cœli apertæ sunt, et facta est pluvia super terram quadraginta diebus et quadraginta noctibus. Et multiplicatæ sunt aquæ, et elevaverunt arcam in sublime.

Quindecim cubitis altior fuit aqua montibus excelsis ; obtinueruntque aquæ diluvii terram quadraginta diebus. Et requievit arca super montes Armeniæ.

CAPITULUM VIII. — Dixit Dominus : Nequaquam ultra maledicam terræ propter homines. Sensus enim et cogitatio cordis humani prona sunt in malum ab adolescentia sua.

CAPITULUM IX. — Quicumque effuderit

sanguinem humanum, effundetur sanguis illius. Ad imaginem quippe Dei factus est homo.

Impleti sunt omnes dies Noe nongentorum quinquaginta annorum, et mortuus est.

CAPITULUM XI. — Sem quum centum esset annorum genuit Arphaxad biennio post diluvium. Vixitque post hæc quingentis annis, et genuit filios et filias. (Dicunt Judæi hunc Sem fuisse Melchisedech, qui usque tempora Isaac vixit.)

CAPITULUM XII. — Dixit Dominus ad Abram : Egredere de terra tua, et de cognatione tua, et de domo patris tui, et veni in terram quam monstravero tibi, faciamque te in gentem magnam, et benedicam tibi, etc., atque in te benedicentur omnes cognationes terræ (id est in Christo ex te orituro).

CAPITULUM XIII. — Ne, quæso, sit jurgium inter me et te : fratres enim sumus. (Verba sunt Abraham ad Lot.)

CAPITULUM XIV. — Melchisedech, rex Salem, proferens, etc.

CAPITULUM XV. — Ego protector tuus sum, et merces tua magna nimis.

Credidit Abraham Deo, et reputatum est ei ad justitiam.

Nondum completæ sunt iniquitates Amorrhæorum, etc.

CAPITULUM XVII. — Ego Dominus Deus omnipotens ; ambula coram me et esto perfectus. Ponamque fœdus meum inter me et te, et inter semen tuum post te.

CAPITULUM XVIII. — Numquid Deo quidquam est difficile ?

Numquid perdes justum cum impio ? Non est hoc tuum, qui judicas omnem terram.

Quia semel cœpi, loquar ad Dominum meum, quum sim pulvis et cinis.

CAPITULUM XIX. — Noli respicere post tergum ; sed in monte salvum te fac.

Igitur Dominus pluit super Sodomam et Gomorrhæam sulfur et ignem a Domino. (Hic innuitur pluralitas personarum in Deo. Quis enim est Dominus pluens sul-

A fur, etc., a Domino, nisi Filius aut Spiritus Sanctus ?)

CAPITULUM XXI. — Ejice ancillam hanc et filium ejus ; non enim erit heres filius ancillæ cum filio liberæ.

CAPITULUM XXII. — Nunc cognovi (id est, cognoscere feci) quod timeas Dominum et non peperceris filio tuo unigenito propter me.

CAPITULUM XXIV. — Domine Deus Abraham, occurre, obsecro, hodie mihi, et fac misericordiam.

B Ingrederere, benedice Domini, cur foris stas ?

Egressus fuerat Isaac ad meditandum in agro, inclinata jam die.

CAPITULUM XXV. — Fuerunt autem dies vitæ Abraham, centum septuaginta quinque anni, et mortuus est in senectute bona, plenus dierum. Et sepelierunt eum Isaac et Ismael filii ejus.

Factus est Esau vir gnarus venandi et homo agricola ; Jacob autem vir simplex habitabat in tabernaculis.

C CAPITULUM XXVIII. — Vidit Jacob in somnis scalam stantem super terram, et cacumen ejus tangens cœlum ; angelos quoque Dei ascendentes et descendentes per eam ; et Dominum innixum scalæ, et dicentem sibi : Ego sum Dominus Deus, etc., dilataberis ad orientem et occidentem, septentrionem et meridiem ; et ero custos tuus quocumque perrexeris.

Quumque evigilasset Jacob de somno ait : Vere Dominus est in loco isto, et ego nesciebam. Pavensque, Quam terribilis est, D inquit, locus iste ! Non est hic aliud nisi domus Dei et porta cœli.

CAPITULUM XXIX. — Servivit Jacob pro Rachel septem annis ; et videbantur illi pauci dies, præ amoris magnitudine.

CAPITULUM XXXII. — Jacob abiit itinere quo cœperat ; fueruntque ei obviam angeli Dei. Quos quum vidisset, ait : Castra Dei sunt hæc.

CAPITULUM XXXV. — Erant autem filii Jacob duodecim. Filii Liæ : primogenitus Ruben, et Simeon, et Levi, et Judas, et

Issachar, et Zabulon. Filii Rachel : Joseph, et Benjamin. Filii Balæ ancillæ Rachelis : Dan et Nephthali. Filii Zelphæ ancillæ Liæ : Gad et Aser.

Completi sunt dies Isaac centum octoginta annorum. Et cōsumptus ætate mortuus est, et appositus ad populum suum senex et plenus dierum ; et sepelierunt eum Esau et Jacob filii ejus.

CAPITULUM XXXVII. — Vendiderunt Joseph fratres ejus Ismaelitis triginta* argenteis. (Joseph figura est Christi, et venditio ejus, Christi venditionem significat.)

CAPITULUM XL. — Numquid non Dei est interpretatio ?

CAPITULUM XLI. — Vocavit Pharao nomen Joseph, Salvatorem mundi.

Oblivisci me fecit Deus omnium laborum meorum, et domus patris mei. Crescere me fecit Deus in terra paupertatis meæ.

CAPITULUM XLII. — Merito hæc patimur, quia peccavimus in fratrem nostrum.

CAPITULUM XLIII. — Dixit Joseph fratribus suis : Non videbitis faciem meam, nisi fratrem vestrum minimum adduxeritis ad me. (Nota. Joseph est figura Christi. Christus ergo ait prælatis, quod nisi minimum eis subjectum adducant, non sint faciem ejus visuri.)

CAPITULUM XLV. — Dimisit Joseph fratres suos, dicens eis : Ne irascamini in via.

CAPITULUM XLVI. — Dixit Dominus ad Jacob : Ego sum fortissimus Deus patris tui ; noli timere.

CAPITULUM XLVII. — Respondit Jacob Pharaoni : Dies peregrinationis vitæ meæ, centum triginta annorum sunt, parvi et mali, et non pervenerunt usque ad dies patrum meorum, quibus peregrinati sunt super terram. Et benedicto rege, egressus est.

Dixerunt Ægyptii ad Joseph : Salus nostra in manu tua est ; respiciat nos tantum dominus noster, et læti serviemus regi.

Vixit Jacob in terra Ægypti decem et septem annis. Factique sunt omnes dies vitæ ejus centum quadraginta septem annorum.

CAPITULUM XLIX. — In consilium eorum non veniat anima mea, et in cœtu eorum

non sit gloria mea, quia in furore suo occiderunt virum. Maledictus furor eorum, quia pertinax ; et indignatio eorum, quia dura.

Juda, te laudabunt fratres tui. Manus tuæ in cervicibus inimicorum tuorum. Adorabunt te filii patris tui. Catulus leonis Juda ; ad prædam, fili mi, ascendisti, requiescens accubuisti ut leo, et quasi leæna. Quis suscitabit eum ? Non aufertur sceptrum de Juda et dux de femore ejus, donec veniat qui mittendus est, et ipse erit expectatio gentium. Ligans ad vineam pullum suum, et ad vitem, o fili mi, asinam suam. Lavabit vino stolam suam, et in sanguine uvæ pallium suum. Pulchriores sunt oculi ejus vino, et dentes lacte candidiores. (Nota benedictionem Judæ, quæ in Christo maxime adimpleta agnoscitur.)

Vidit requiem quod esset bona ; et terram, quod optima ; et supposuit humerum suum ad portandum.

Fiat Dan coluber in via, cerastes in semita, mordens ungulas equi. (Hæc prophetia de Antichristo dicitur, quia ipse de tribu Dan creditur nasciturus.)

Salutare tuum expectabo, Domine.

Deus patris tui erit adjutor tuus, et Omnipotens benedicet tibi.

Finitis Jacob sermonibus quibus instruebat filios suos, collegit pedes suos super lectulum, et mortuus est.

CAPITULUM L. — Quod cernens Joseph, irruit super faciem patris sui, flens et deosculans eum.

Obsecro ut obliviscaris sceleris fratrum tuorum, et peccati atque malitiæ quam exercuerunt in te.

Num Dei possumus resistere voluntati ? Vos cogitastis de me malum, et Deus vertit illud in bonum.

Quum adjurasset Joseph fratres suos atque dixisset, Post mortem meam Deus visitabit vos, asportate ossa mea vobiscum, mortuus est, expletis centum et decem vitæ suæ annis. Et conditus aromatibus, repositus est in loculo in Ægypto.

LIBER EXODI

HABET CAPITULA QUADRAGINTA. ET AGITUR IN EO DE MULTIPLICATIONE,
ET AFFLICTIONE, ET EGRESSU FILIORUM ISRAEL EX ÆGYPTO ; DE DECEM PLAGIS PHARAONIS ;
DE DECEM PRÆCEPTIS AC JUDICIIS ET INSTRUCTIONE POPULI DEI ;
DE ARCA FOEDERIS DOMINI, TABERNACULO ET ALTARI AC VESTIBUS AARON.

CAPITULUM I. — Quanto Ægyptii plus op- A
primebant filios Israel, tanto magis multi-
plicabantur et crescebant.

CAPITULUM III. — Quumque minasset
Moyses gregem ad interiora deserti, venit
ad montem Dei Horeb. Apparuitque ei Do-
minus in flamma ignis.

Vidit Moyses quod rubus arderet et non
combureretur, et dixit : Vadam et videbo
visionem hanc magnam.

Abscondit Moyses faciem suam, non
enim audebat adspicere contra Deum.

Dixit Moyses ad Dominum : Quod est B
nomen tuum ? Dixit Dominus : Ego sum
qui sum. Sic dices filiis Israel : Qui est,
misit me ad vos. Dixitque iterum ad Moy-
sen : Hæc dices filiis Israel : Dominus
Deus patrum vestrorum, Deus Abraham,
Deus Isaac, et Deus Jacob, misit me ad
vos. Hoc nomen mihi est in æternum, et
hoc est memoriale meum in generationem
et generationem.

CAPITULUM IV. — Quis fecit os hominis ?
aut quis fabricatus est surdum et mutum,
cæcum et videntem ? Nonne ego ?

Hæc dicit Dominus : Filius (per adopti-
onem) meus primogenitus Israel.

CAPITULUM VI. — Dixit Dominus ad Moy-
sen : Ego Dominus qui apparui Abraham,
et Isaac, et Jacob, in Deo omnipotente, et
nomen meum Adonai non indicavi eis.
(Adonai, id est tetragrammaton.)

Filii Levi : Gerson, Caath, et Merari.
Anni autem vitæ Levi fuerunt centum
triginta septem.

Caath genuit Amram, cujus uxor Jocha-
bed nomine, peperit ei Aaron, Moysen, et D
Mariam.

Porro Isaar frater Amram, genuit Core.
Accepit autem Aaron uxorem Elisabeth,
filiam Aminadab, sororem Naasson.

CAPITULUM VII. — Dixit Dominus ad Moy-
sen : Ecce constitui te deum Pharaonis ;
et Aaron frater tuus erit propheta tuus.
Tu loqueris ei omnia quæ mando ; ille
loquetur ad Pharaonem.

Erat autem Moyses annorum octoginta,
et Aaron octoginta trium annorum, quan-
do locuti sunt ad Pharaonem.

Nota. Primum signum Moysis coram
Pharaone erat, quod Aaron projecit vir-
gam et versa est in colubrum. Sed et ma-
lefici Pharaonis projecerunt virgas suas,
et vertebantur in dracones ; sed devoravit
virga Aaron virgas eorum.

Nota plagas Ægypti.

Prima plaga Ægypti est, quod extenden-
te Moyse virgam super fluvios Ægypti, ver-
sæ sunt omnes aquæ Ægypti in sangui-
nem. Fecerunt autem et magi Pharaonis
incantationibus similiter.

CAPITULUM VIII. — Secunda plaga est,
C quod ranæ ascenderunt et operuerunt ter-
ram Ægypti, implentes domus et cibos. Et
fecerunt magi Pharaonis similiter.

Tertia plaga est, quod omnis pulvis ter-
ræ Ægypti versus est in scinifes. Et non
potuerunt malefici Pharaonis similiter fa-
cere ; sed dixerunt : Digitus Dei est hic.

Quarta plaga, quod venit musca gravis-
sima, id est multitudo earum, in domum
Pharaonis, et in omnem terram ejus.

CAPITULUM IX. — Quinta plaga : mortua
sunt omnia animantia Ægypti peste.

Sexta plaga : facta sunt vulnera vesica-
rum turgentium in hominibus et jumen-

tis: nec poterant malefici stare coram Mo- A
yse propter vulnera quæ in illis erant.

Dixit Dominus ad Pharaonem: Idcirco
posui te, ut ostenderem in te fortitudinem
meam, et narretur nomen meum in omni
terra.

Septima plaga est, quod maxima gran-
do cecidit in terra Ægypti, et ignis simul
cadebat, et tonitrua, et coruscantia fulgu-
ra, et destructa sunt quæ erant in agris.

CAPITULUM X. — Octava plaga est, quod
venerunt innumerabiles locustæ in terram
Ægypti, omnia devorantes quæ remanse- B
runt grandini.

Induravit Dominus cor Pharaonis, nec
dimisit filios Israel.

Nona plaga Ægypti est, quod factæ sunt
horribiles atque palpabiles tenebræ in ter-
ra Ægypti. Tribus diebus nemo vidit pro-
ximum suum, nec movit se de loco in quo
erat. In terra autem Gessen non erant te-
nebræ (ubi habitaverunt filii Israel).

CAPITULUM XI. — Fuit Moyses vir ma-
gnus valde coram servis Pharaonis et om-
ni populo.

CAPITULUM XII. — Dixit Dominus: Sic
comedetis agnum: renes vestros accinge-
tis, calceamenta habebitis in pedibus, te-
nentes baculos in manibus, et comedetis
festinanter. Est enim Phase, id est trans-
itus Domini.

Decima plaga est, quod Dominus media
nocte percussit omne primogenitum in
Ægypto, in hominibus et jumentis.

Profecti sunt filii Israel de Ægypto sex-
centa fere millia peditum virorum, abs-
que parvulis et mulieribus. Sed et vul- D
gus promiscuum innumerabile ascendit
cum eis.

Habitatio autem filiorum Israel in Ægy-
pto, fuit quadringentorum triginta anno-
rum. Quibus expletis, eadem die egressi
sunt.

Nec os illius (scilicet agni paschalis) con-
fringetis. (Nota. Hoc est figura de Christo,
cujus ossa in cruce confracta non sunt.)

CAPITULUM XIII. — Lex Domini semper
sit in ore tuo.

Dominus autem præcedebat filios Israel
ad ostendendam viam, per diem in colum-
na nubis, et per noctem in columna ignis.

CAPITULUM XIV. — Dominus pugnabit
pro vobis, et vos tacebitis.

Fugiamus Israelem: Dominus enim pu-
gnat pro eis contra nos.

Filii Israel ambulaverunt per medium
sicci maris, et aquæ eis erant quasi pro
muro a dextris et a sinistris.

Et viderunt Ægyptios mortuos super lit-
tus maris.

CAPITULUM XV. — Cantemus Domino:
gloriose enim magnificatus est; equum et
ascensorem dejecit in mare, etc.

CAPITULUM XVI. — Dixit Moyses ad po-
pulum: Non contra nos est murmur ve-
strum, sed contra Dominum.

Mane ros jacuit per circuitum castro-
rum. Et apparuit in solitudine manna
minutum, et quasi pilo tusum in similitu-
dinem pruinæ super terram; et appella-
verunt filii Israel illud, Man: quod erat
quasi semen coriandri album, gustusque C
ejus quasi similæ cum melle.

CAPITULUM XVII. — Tentaverunt Domi-
num dicentes: Estne Dominus in nobis,
an non?

Quumque elevaret Moyses manus, vin-
cebat Israel; si autem paululum remis-
set, vincebat Amalec. Manus autem Moysis
erant graves. Sumentes ergo lapidem, po-
suerunt subter eum. Aaron autem et Hur
sustentabant manus ejus ex utraque par-
te. Et factum est, ut manus illius non
lassarentur usque ad occasum solis.

CAPITULUM XVIII. — Egressus Moyses in
occursum Jethro cognati sui, adoravit, et
osculatus est eum.

Nunc cognovi quoniam magnus Domi-
nus super omnes deos.

CAPITULUM XIX. — Contestare populum,
ne forte velit transcendere propositos ter-
minos ad videndum Dominum, et pereat
ex eis plurima multitudo. Sacerdotes qui
accedunt ad Dominum sanctificentur, ne
percutiat eos. Non poterit vulgus ascen-
dere in montem.

CAPITULUM XX. — Ego sum Dominus A Deus tuus fortis, zelotes, visitans iniquitatem patrum in filios, in tertiam et quartam generationem eorum qui oderunt me; misericordiam faciens in millia his qui diligunt me et custodiunt præcepta mea.

Non assumes nomen Domini Dei tui in vanum : non enim habebit insontem Dominus eum qui assumpserit nomen Domini Dei sui frustra.

Dixit populus ad Moysen : Loquere tu nobis, et audiemus ; non loquatur nobis Dominus, ne forte moriamur. Et ait Moyses : Nolite timere : ut enim probaret vos, venit Deus, et ut terror illius in vobis esset.

Stetit populus de longe. Moyses autem accessit ad caliginem in qua erat Deus.

CAPITULUM XXIII. — Non accipies munera, quæ excæcant etiam prudentes, et subvertunt verba justorum.

Non apparebis in conspectu meo vacuus, ait Dominus.

Ecce ego mitto angelum meum, qui præcedat te, et custodiat in via, et introducat ad locum quem paravi. Observa eum, et custodi viam ejus, quia non dimittet quum peccaveris. Quod si audieris eum, inimicus ero inimicis tuis, et affligentes te affligam.

CAPITULUM XXIV. — Ascenderunt Moyses et Aaron, Nadab et Abiu, et septuaginta de senioribus Israel ; et viderunt Deum Israel. Et sub pedibus ejus quasi opus lapidis sapphirini, et quasi cælum quum serenum est. Videruntque Deum, et comederunt, ac biberunt.

CAPITULUM XXV. — Inspice, et fac secundum exemplar quod tibi in monte monstratum est.

CAPITULUM XXXII. — Sedit populus manducare et bibere, et surrexerunt ludere.

Dixit Dominus ad Moysen : Cerno quod populus iste duræ cervicis sit ; dimitte me, ut irascatur furor meus contra eos ac deleam eos, faciamque te in gentem magnam. Moyses autem orabat, etc.

Ululatus pugnæ auditur in castris, dixit Josue.

Si quis est Domini, jungatur mihi.

Dixit Moyses ad Dominum : Aut dimitte populo hanc noxam, aut si non facis, dele me de libro quem scripsisti.

Dixit Dominus Moysi : Qui peccaverit mihi, delebo eum de libro meo.

CAPITULUM XXXIII. — Dixit Dominus ad filios Israel : Jam nunc depone ornatum tuum, ut sciam quid faciam tibi.

Loquebatur Dominus ad Moysen facie ad faciem, sicut loqui solet homo ad amicum suum.

Dixit Moyses ad Dominum : Si inveni gratiam in conspectu tuo, ostende mihi faciem tuam, ut sciam te, et inveniam gratiam ante oculos tuos.

Dixit Moyses ad Dominum : Si non tu ipse præcedas nos, ne educas nos de loco isto. In quo enim scire poterimus invenisse nos gratiam in conspectu tuo, nisi ambulaveris nobiscum ?

Dixit Dominus ad Moysen : Invenisti gratiam coram me, et te ipsum novi ex nomine. Qui ait : Ostende mihi gloriam tuam. Respondit : Ego ostendam tibi omne bonum, et vocabo in nomine Domini coram te. Et miserebor cui voluero, et clemens ero in quem mihi placuerit. Rursumque ait : Non poteris videre faciem meam. Non enim videbit me homo et vivet.

CAPITULUM XXXIV. — Dominator Domine, misericors et clemens, patiens et multæ misericordiæ ac verax ; qui custodis misericordiam in millia, qui aufers iniquitatem et scelera atque peccata, nullusque apud te per se innocens est ; qui reddis iniquitatem patrum filiis ac nepotibus in tertiam et quartam progeniem.

Fuit Moyses cum Domino quadraginta dies et quadraginta noctes. Panem non comedit et aquam non bibit.

Ignorabat Moyses quod cornuta esset facies ejus ex consortio Dei.

LIBER LEVITICUS

HABET CAPITULA VIGINTI SEPTEM. ET AGITUR IN EO DE RITU
HOLOCAUSTORUM, DE SACRIFICIIS ET HOSTIIS OFFERENDIS, DE UNCTIONE ET VESTIBUS AARON,
DE ORDINE ET MINISTERIO LEVITARUM.

CAPITULUM II. — Quidquid obtuleris sa- A
crificii, sale condies; nec auferes sal fœ-
deris Dei tui de sacrificio tuo. In omni
oblacione offeres sal.

CAPITULUM VI. — Ignis est iste perpe-
tuus, qui nunquam deficiet in altari. (Per
hunc ignem significatur caritas, quæ sem-
per in ara cordis ardere debet.)

CAPITULUM VII. — Anima polluta quæ
ederit de carnibus hostiæ pacificorum,
quæ oblata est Domino, peribit de popu-
lis suis. (Quanto magis qui corpus Christi
comederit immundus?)

CAPITULUM X. — Dixit Dominus ad Moy-
sen: Sanctificabor in his qui appropin-
quant mihi, et in conspectu omnis populi
glorificabor.

Dixit Dominus ad Aaron: Vinum et om-
ne quod inebriare potest, non bibetis tu
et filii tui, quando intrabitis in taberna-
culum testimonii, ne moriamini, ut habe-
atis scientiam discernendi inter sanctum
et profanum, inter pollutum et mundum,
doceatisque filios Israel legitima mea.

CAPITULUM XI. — Nolite contaminare ani- C
mas vestras. Ego enim sum Dominus Deus
vester. Sancti estote, quoniam ego san-
ctus sum.

CAPITULUM XVII. — Anima omnis car-
nis in sanguine est. Unde dixi filiis Israel:
Sanguinem universæ carnis non come-
detis.

CAPITULUM XIX. — Quum messueris se-
getes terræ tuæ, non tondebis usque ad
solum superficiem terræ, nec remanentes
spicas colliges, neque in vinea tua race-
mos et grana tua decidentia congregabis, D
sed pauperibus et peregrinis carpenda di-
mittes.

Non facies calumniam proximo tuo, nec
vi opprimes eum. Nec morabitur opus
mercenarii apud te usque mane.

Non maledices surdo, nec coram cæco
pones offendiculum.

Iuste judicabis, nec consideres perso-
nam pauperis, neque honores vultum po-
tentis.

Non eris criminator, nec susurro in po-
pulo.

Ne oderis fratrem tuum in corde tuo,
sed publice argue eum, ne habeas super
B illo peccatum.

Non quæres ultionem, nec memor eris
injuriae civium tuorum.

Vestem quæ ex duobus contexta est,
non indueris.

Non augurabimini, nec observabitis som-
nia; neque in rotundum attondebitis co-
mam, nec radetis barbam.

Coram cano capite consurge, et honora
personam senis.

Nolite facere iniquum aliquid in judi-
cio, in regula, in pondere, in mensura.

CAPITULUM XXI. — Sacerdotes sancti
erunt Deo suo, et non polluent nomen
ejus. Incensum enim Domini et panes Dei
sui offerunt, et ideo sancti erunt.

Dixit Dominus ad Aaron: Homo de se-
mine tuo qui habuerit maculam, non of-
feret panes Domino Deo suo. (Nota. Per
hoc significatur, quod sacerdos carere de-
bet omni peccato.)

CAPITULUM XXII. — Omnis alienigena
non comedet de sanctificatis.

CAPITULUM XXIV. — Qui irrogaverit ma-
culam cuilibet civium suorum, sicut fe-
cit, sic fiat ei. Fracturam pro fractura,
oculum pro oculo, dentem pro dente re-

stituet. Qualem inflixerit maculam, talem A sustinere cogetur.

CAPITULUM XXV. — Sanctificabis annum quinquagesimum, et vocabis remissionem cunctis habitatoribus terræ tuæ. Ipse est enim jubilæus. Revertetur homo ad possessionem suam et unusquisque revertetur ad familiam pristinam, quia jubilæus est.

Terra non vendetur in perpetuum, quia

mea est, et vos advenæ et coloni mei. Unde cuncta regio possessionis vestræ sub redemptionis conditione vendetur. Si attenuatus frater tuus vendiderit possessionem suam, propinquus ejus potest redimere.

CAPITULUM XXVI. — Si non obedieritis mihi, conteram duritiam superbiæ vestræ. Daboque vobis cælum desuper sicut ferrum, et terram æneam.

LIBER NUMERI

CONTINET CAPITULA TRIGINTA SEX. ET AGITUR IN EO DE NUMERATIONE ET MURMURATIONE POPULI SIVE TRIBUUM ISRAEL; DE PROPHETIA BALAAM; DE MANSIONIBUS POPULI IN DESERTO, ET VICTORIA CONTRA REGES CITRA JORDANEM.

CAPITULUM I. — Fuerunt simul omnes B filii Israel a vicesimo anno et supra, quos numeraverunt Moyses et Aaron in deserto, sexcenta tria millia virorum quingenti quinquaginta. Levitæ autem non sunt numerati cum eis.

CAPITULUM IV. — Alii nulla curiositate videant quæ in sanctuario sunt, priusquam involvantur. Alioqui morientur.

CAPITULUM VI. — Locutus est Dominus Moysi et Aaron dicens : Sic benedicetis filiis Israel : Benedicat tibi Dominus et custodiat te ; ostendat Dominus faciem suam C tibi, et misereatur tui ; convertat Dominus vultum suum ad te, et det tibi pacem.

CAPITULUM VIII. — Dixit Dominus : Hæc est lex Levitarum : A viginti quinque annis et supra, ingredientur ut ministrent in tabernaculo fœderis. Quumque quinquagesimum ætatis annum impleverint, servire cessabunt. Eruntque ministri fratrum suorum in tabernaculo fœderis, ut custodiant quæ fuerint sibi commendata ; opera autem ipsa non facient.

CAPITULUM XI. — Ortum est murmur D populi, quasi dolentium pro labore. Quod quum audisset Dominus, iratus est, et accensus est in eos ignis Domini.

Flagrabant desiderio carniū et dicebant : Quis dabit nobis ad vescendum carnes ? In mentem nobis veniunt cucumeres et pepones, porri et allia. Anima nostra arida est. Nihil respiciunt oculi nostri nisi man.

Numquid manus Domini invalida est ?

CAPITULUM XII. — Erat Moyses vir mitissimus super omnes homines qui morabantur in terra.

Dixit Dominus ad Aaron et Mariam : Si quis fuerit inter vos propheta Domini, in visione apparebo ei, vel per somnium loquar ad eum. At non talis servus meus Moyses, qui in omni domo mea fidelissimus est. Ore enim ad os loquor ei ; et palam, non per ænigmata et figuras, Deum videt. (Ergo vidit Deum per essentiam, sicut et Paulus.)

CAPITULUM XIV. — Omnes qui murmurastis contra me, non intrabitis terram super quam levavi manum meam ut darem eam vobis, præter Caleb et Josue.

CAPITULUM XV. — Anima quæ per superbiam aliquid commiserit, quoniam adversus Dominum rebellis fuit, peribit de populo suo. Verbum enim Domini contempsit.

Hominem colligentem ligna die sabbati A in deserto, jussit Dominus lapidibus obrui.

Præcepit Dominus ut facerent sibi fimbrias quatuor, per quatuor angulos palliorum, ponentes in eis vittas hyacinthinas : quas quum viderent, recordarentur omnium mandatorum Domini, nec sequerentur cogitationes et oculos per res varias fornicantes.

CAPITULUM XVI. — Dixit Moyses : Mane notum faciet Dominus qui ad se pertineant, et sanctos applicabit sibi, et quos elegerit appropinquabunt ei.

Num parum vobis est, quod separavit vos Dominus a populo et junxit sibi, ut serviretis ei in cultu tabernaculi ?

Fortissime Deus spirituum universæ carnis, num uno peccante, contra omnes ira tua desæviet ?

Recedite a tabernaculis hominum impiorum, et nolite tangere quæ ad eos pertinent, ne involvamini in peccatis eorum.

CAPITULUM XVII. — Germinavit virga Aaron in domo Levi, et turgentibus gemmis eruperant flores, qui foliis dilatatis C in amygdalas deformati sunt.

CAPITULUM XIX. — Quidquid tetigerit immundus, immundum faciet ; et anima quæ tetigerit quidpiam eorum, immunda erit usque ad vesperam.

CAPITULUM XX. — Venerunt filii Israel in montem Hor. Et dixit Dominus ad Moysen : Pergat, inquit, Aaron ad populos suos.

CAPITULUM XXI. — Dixit Dominus ad Moysen : Fac serpentem æneum, et pone eum pro signo, etc.

CAPITULUM XXII. — Novi quod benedictus sit cui benedixeris, et maledictus in quem maledicta congesseris.

Dixit Balaam : Si dederit mihi Balac domum suam plenam argenti et auri, non potero mutare verbum Domini Dei mei, ut plus vel minus loquar.

Aperuit Dominus os asinæ et locuta est ad Balaam : Quid feci tibi ? cur percutis me ecce tertio ? etc.

Vidit Balaam angelum stantem in via

evaginato gladio, et pronus in terram adoravit.

CAPITULUM XXIII. — Quomodo maledicam ei cui non maledixit Deus ? Qua ratione detester quem non detestatur Dominus ? Moriatur anima mea morte justorum, et fiant novissima mea horum similia.

Dixit Balaam : Non est Deus quasi homo, ut mentiatur ; nec ut filius hominis, ut mutetur. Dixit ergo, et non faciet ? locutus est, et non implebit ? Ad benedicendum adductus sum, benedictionem prohibere non possum. Non est idolum in Jacob, nec simulacrum in Israel. Dominus Deus ejus cum eo est, et clangor victoriae regis in illo est. Dominus Deus eduxit eum de Ægypto, ejus fortitudo similis est rhinocerotis. Non est augurium in Jacob, nec divinatio in Israel.

CAPITULUM XXIV. — Assumpta Balaam parabola sua, irruente in se spiritu Dei, ait : Dixit homo, ejus obturatus est oculus ; dixit auditor sermonum Dei, qui visionem Omnipotentis intuitus est, qui cadit, et sic aperiuntur oculi ejus. Quam pulchra tabernacula tua, Jacob, tentoria tua, Israel ! Ut valles nemorosæ, et horti juxta fluvios irrigui, ut tabernacula quæ fixit Dominus. Tolletur propter Agag vox ejus, et auferetur regnum illius. (Hoc in Saule impletum est.)

Dixit Balaam : Videbo eum, sed non modo ; intuebor illum, sed non prope. Orietur stella ex Jacob, et consurget virga de Israel, etc. Venient in trieribus de Italia, superabunt Assyrios, vastabuntque Hebræos, et ad extremum etiam ipsi peribunt.

CAPITULUM XXV. — Quum peccassent filii Israel cum filiabus et diis Madian, percussa sunt viginti quatuor millia, et jussit Dominus principes populi suspendi in patibulis.

CAPITULUM XXVII. — Provideat Dominus Deus spirituum omnis carnis, hominem qui sit super multitudinem hanc, et possit exire et intrare ante eos, ne sit populus Domini sicut oves absque pastore.

CAPITULUM XXX. — Puella quæ aliquid A Domino voverit, et adhuc in domo patris est, si cognoverit pater ejus et statim non contradixerit, voti rea erit. Similiter de uxore, si quid voverit, et maritus ejus statim non contradixerit.

CAPITULUM XXXV. — Ad unius testimonium nullus condemnabitur.

Non accipietis pretium ab eo qui reus

est sanguinis. Exsules et profugi, ante mortem pontificis nullo modo in urbes suas reverti poterunt.

CAPITULUM XXXVI. — Omnes viri ducent uxores de tribu et cognatione sua, et cunctæ feminæ maritos de eadem tribu accipiant, ut hereditas permaneat in familiis, nec sibi misceantur tribus, sed separatæ permaneant.

LIBER DEUTERONOMII

HABET CAPITULA TRIGINTA QUATUOR. ET REPLICANTUR IN EO QUÆ IN QUATUOR LIBRIS PRIORIBUS DICTA SUNT ; ATQUE DE VARIIS LEGALIBUS INSTITUTIONIBUS, MORTE MOYSIS, ET JOSUE SUBSTITUTIONE AGITUR IN EODEM.

CAPITULUM I. — Date ex vobis sapientes B et gnaros, quorum conversatio sit probata in tribubus vestris, et ponam eos vobis principes.

Dixique (scilicet ego Moyses) principibus et iudicibus : Audite illos, et quod justum est iudicate, sive civis sit ille, sive peregrinus. Nulla erit distantia : ita parvum audietis, ut magnum ; nec accipietis cujusquam personam, quia iudicium Dei est. Quod si difficile vobis aliquid visum fuerit, referte ad me, et ego audiam.

Vide terram quam Dominus Deus tuus dabit tibi.

Noli timere : Dominus Deus tuus qui ductor est tui, ipse pugnabit pro te.

Portavit te Dominus Deus tuus, sicut ut portare solet homo parvulum filium suum.

CAPITULUM II. — Noluit Sehon rex Hesebon filiiis Israel dare transitum, quia induraverat Dominus Deus spiritum ejus, et obfirmaverat cor illius, ut traderetur in manus Israelis.

CAPITULUM III. — Domine Deus, tu cœpisti ostendere servo tuo magnitudinem tuam manumque fortissimam. Neque enim est alius Deus in cœlo vel in terra qui

possit facere opera tua, et comparari fortitudini tuæ.

CAPITULUM IV. — Et nunc, Israel, audi præcepta atque iudicia quæ ego doceo te ; ut faciens ea, vivas, et ingrediens possideas terram quam Dominus daturus est tibi. Non adjicies ad verbum quod ego loquor neque auferetis ex eo.

Vos qui adhæretis Domino Deo vestro, vivitis universi usque in præsentem diem.

Hæc est vestra sapientia et intellectus coram hominibus, ut audientes universa C præcepta hæc, dicant : En populus sapiens et intelligens.

Non est alia natio tam grandis, quæ habeat deos appropinquantibus sibi, sicut adest Dominus Deus noster cunctis obsecrationibus nostris.

Custodi temetipsum et animam tuam sollicite.

Ne obliviscaris verborum Domini, et ne excidant de corde tuo cunctis diebus vitæ tuæ.

Non vidistis aliquam similitudinem, in D die qua locutus est vobis Dominus in Horeb de medio ignis : ne forte decepti faciatis vobis aliquam similitudinem aut sculptam imaginem ; et ne oculis elevatis ad cœlum, videas solem et lunam et

omnia astra cœli, et errore deceptus ad-
ores ea et colas, quæ creavit Dominus
Deus tuus in ministerium cunctis genti-
bus quæ sub cœlo sunt.

Eecce morior in hac humo. Cave ne
quando obliviscaris pacti Domini Dei tui
quod pepigit tecum : quoniam Dominus
Deus tuus ignis consumens est, Deus amu-
lator.

Quum quæsieris Dominum Deum tuum,
invenies eum, si tamen toto corde quæsi-
eris eum, et tota tribulatione animæ tuæ.

CAPITULUM V. — Eecce ostendit nobis
Dominus Deus noster majestatem et ma-
gnitudinem suam : vocem namque ejus
audivimus de medio ignis ; et probavi-
mus hodie quod loquente Deo cum homi-
ne, vixerit homo.

Quid est omnis caro, ut audiat vocem
Dei viventis et possit vivere ?

Dixit Dominus ad Moysen : Quis det ta-
lem eos (scilicet filios Israel) habere men-
tem ut timeant me et custodiant universa
mandata mea, ut bene sit eis, et filiis
eorum post eos in sempiternum.

CAPITULUM VI. — Audi, Israel : Dominus
Deus vester, Deus unus est. Diliges Do-
minum Deum tuum ex toto corde tuo, et
ex tota anima tua, et ex tota fortitudi-
ne tua.

Erunt verba Domini in corde tuo ; et
narrabis ea filiis tuis, et meditaberis se-
dens in domo tua, et ambulans in itinere,
et dormiens atque consurgens ; et ligabis
ea quasi signum in manu tua, eruntque
et movebuntur inter oculos tuos, scribes-
que ea in limine et in ostiis domus tuæ.

Dominum Deum tuum timebis, et ipsi
soli servies, ac per nomen ejus jurabis.

Non tentabis Dominum Deum tuum.

CAPITULUM VII. — Te elegit Dominus
Deus tuus, ut sis ei populus peculiaris
de cunctis populis qui sunt super ter-
ram : non quia cunctas gentes numero
vincebatis, quum sitis omnibus populis
pauciores ; sed quia dilexit vos Dominus.

Dominus Deus tuus ipse est Deus fortis
et fidelis, custodiens pactum et misericor-

diā diligentibus se, et his qui custodi-
unt præcepta ejus, in mille generationes ;
et reddens odientibus se statim, ita ut
disperdat eos, et ultra non differat, pro-
tinus eis restituens quod merentur.

CAPITULUM VIII. — Recordaberis cuncti
itineris per quod adduxit te Dominus Deus
tuus, ut affligeret te atque tentaret, et
nota fierent quæ versabantur in corde
tuo, utrum custodires mandata illius, an
non. (Nota. Hic dicitur Deus tentare, ut
cognoscat ; non quod in eo sit ignorantia,
sed ut aliis innotesceret, et sic Deus co-
gnosceret, id est cognoscere ceteros fa-
ceret.)

Non in solo pane vivit homo, sed in
omni verbo quod egreditur de ore Dei.

Sicut erudit homo filium suum, sic Do-
minus Deus erudivit te, ut ambules in
viis ejus et timeas eum.

Ne dicas in corde tuo : Fortitudo mea
et robur manus meæ hæc omnia mihi
præstiterunt ; sed recordare Domini Dei
tui, quod ipse vires tibi præbuerit.

CAPITULUM IX. — Ne dicas in corde tuo :
Propter justitiam meam introduxit me
Dominus in terram hanc ; quum populus
durissimæ cervicis sis.

Dixit Moyses : Jacui coram Domino qua-
draginta diebus et totidem noctibus, qui-
bus ipsum suppliciter deprecabar ne dele-
ret vos. Et dixi ad Dominum : Ne adspicias
duritiam populi hujus ; sed recordare ser-
vorum tuorum Abraham, Isaac, et Jacob.

CAPITULUM X. — Et nunc, Israel, quid
Dominus petit a te, nisi ut timeas Do-
minum Deum tuum, et ambules in viis ejus,
et diligas eum ac servias ei in toto corde
tuo, et in tota anima tua ?

En Domini Dei tui cœlum est, et cœli
cœlorum, terra et omnia quæ in eis sunt :
et tamen patribus tuis conglutinatus est
et elegit eos, amavitque semen eorum
post eos.

Circumcidite ergo præputium cordis ve-
stri, et cervicem vestram ne induretis am-
plius : quia Dominus Deus vester ipse est
Deus deorum et Dominus dominantium,

Deus magnus et potens atque terribilis, A qui personam non accipit nec munera, facit iudicium pupillo et viduæ, amatque peregrinum.

CAPITULUM XI. — Terra ad quam ingrederis, non est sicut terra Ægypti, ubi jacto semine aquæ ducuntur irriguæ; sed montuosa est et campestris, de cœlo expectans pluviam: quam Dominus Deus tuus semper invisit, et oculi ejus in ea sunt a principio anni usque ad finem. (Nota. Hæc terra montuosa est locus claustralis, in quo a solo Deo consolatio expectatur.)

CAPITULUM XII. — Cave ne offeras holocausta tua in omni loco quem videris, sed in eo quem elegerit Dominus in una tribuum tuarum.

CAPITULUM XV. — Omnino indigens et mendicus non erit inter vos. (Propter hoc verbum Judæi valde abominantur paupertatem.)

CAPITULUM XVI. — Non apparebit vacuus ante Dominum; sed offeret unusquisque secundum quod habuerit.

CAPITULUM XVII. — Quum constitueris C tibi regem, eum constitues quem Dominus Deus tuus elegerit de medio fratrum tuorum.

Non elevetur cor ejus in superbiam super fratres suos, neque declinet in partem dexteram vel sinistram.

CAPITULUM XVIII. — Perfectus eris et absque macula cum Domino Deo tuo.

Prophetam suscitabo eis de medio fratrum suorum tanquam te, etc. (Istud de Christo accipitur.)

CAPITULUM XIX. — Non transferes ter- D minos quos fixerunt priores in possessione tua.

CAPITULUM XX. — Quis est homo formidolosus et corde pavido? Revertatur in domum suam, ne pavere faciat corda fratrum suorum sicut et ipse perterritus est.

Si quando accesseris ad expugnandum civitatem, primo offeres pacem. Si receperit et aperuerit, omnes salvabuntur.

CAPITULUM XXI. — Maledictus a Deo est qui pendet in ligno.

CAPITULUM XXII. — Non induetur mulier veste virili, nec vir veste feminea. Abominabilis enim apud Deum est qui facit hoc.

CAPITULUM XXIII. — Dominus Deus tuus ambulat in medio castrorum, ut eruat te. Sint ergo castra tua sancta et nihil fœditatis appareat in eis.

Quod semel egressum est de labiis tuis observabis, et facies sicut promisisti Domino Deo tuo.

CAPITULUM XXIV. — Non occidentur pa- B tres pro filiis, nec filii pro patribus; sed unusquisque pro peccato suo morietur.

CAPITULUM XXVI. — Respice, Domine, de sanctuario tuo, de excelso cœlorum habitaculo, et benedic populo tuo.

Dominum elegisti hodie, ut sit tibi Deus, et ambules in viis ejus, et obedias ejus imperio, custodiasque cærimonias ejus; et Dominus elegit te hodie, ut sis ei populus peculiaris.

CAPITULUM XXVII. — Maledictus qui errare fecerit cæcum in itinere.

CAPITULUM XXVIII. — Nisi timueris no- C men Domini gloriosum atque terribile, augebit plagas tuas; et sicut ante lætabatur super vos bene vobis faciens, sic nunc lætabitur vos disperdens atque subvertens.

CAPITULUM XXIX. — Dixit Moyses ad filios Israel: Vos vidistis universa magnalia quæ coram vobis Dominus fecit, et non dedit vobis Dominus cor intelligens, et oculos videntes, et aures quæ possent audire, usque in præsentem diem.

Non sit inter vos radix germinans fel et amaritudinem.

CAPITULUM XXX. — Si ad cardines cœli fueris dissipatus, inde retrahet te Dominus Deus tuus, et inducet in terram quam possederunt patres tui, etc., et circumcidet cor tuum et cor seminis tui, ut diligas Dominum Deum tuum.

Mandatum hoc quod ego præcipio tibi, non supra te est, nec procul positum, nec in cœlo situm, ut possis dicere, Quis nostrum ad cœlum valet ascendere, ut de-

ferat illud ad nos? Nee trans mare positum, ut dicas, Quis ex nobis transfretare possit mare? Sed juxta te est sermo valde, in ore tuo et in corde tuo, ut facias illum.

Ipse Dominus est vita tua, et longitudo dierum tuorum, ut habites in terra.

CAPITULUM XXXI. — Dixit Moyses ad Josue: Confortare, et esto robustus. Tu enim introduces populum istum, etc., et Dominus qui ductor est tui, erit tecum. Non dimittet nec derelinquet te.

Ego scio contentionem tuam et cervicem tuam durissimam. Adhuc vivente me, et ingrediente vobiscum, semper contentiose egistis contra Dominum.

CAPITULUM XXXII. — Audite, cœli, quæ loquor, etc. Date magnificentiam Deo nostro, Dei perfecta sunt opera, etc. Numquid non ipse est pater tuus, etc.? Memento dierum antiquorum, etc. Pars autem Domini populus ejus, etc. Gens absque consilio est et sine prudentia. Utinam saperent et intelligerent, ac novissima prouiderent.

Videte quod ego sim solus, et non sit C alius Deus præter me. Ego occidam et ego vivere faciam, etc.

CAPITULUM XXXIII. — Dixit Moyses: Dominus de Sinai venit, et de Seir ortus est nobis; apparuit de monte Pharan, et cum eo Sanctorum millia. In dextera ejus ignea lex. Dilexit populos, omnes sancti in manu ejus sunt; et qui appropinquant pedibus ejus, accipient de doctrina illius.

Amantissimus Domini habitabit confidenter; in eo quasi in thalamo tota die morabitur, et inter humeros illius requiescet.

Non est Deus alius, ut Deus rectissimi; B ascensor cœli, auxiliator tuus. Magnificentia ejus discurrunt nubes; habitaculum ejus sursum, et subter brachia sempiterna.

CAPITULUM XXXIV. — Mortuus est Moyses servus Domini in terra Moab, jubente Domino; et sepelivit eum in valle terræ Moab; et non cognovit homo sepulcrum ejus usque in præsentem diem.

Moyses centum viginti annorum erat quando mortuus est. Non caligavit oculus ejus, nec dentes illius moti sunt.

Et non surrexit Propheta in Israel ultra sicut Moyses, qui nosceret Dominum facie ad faciem, in omnibus signis, etc.

LIBER JOSUE

CONTINET CAPITULA VIGINTI QUATUOR. ET AGITUR IN EO DE TRANSITU JORDANIS,
ET DE SUBVERSIONE REGNORUM HOSTILIUM; DE INTRODUCTIONE POPULI DEI IN TERRAM
PROMISSIONIS, ET DE DIVISIONE IPSIUS TERRÆ.

CAPITULUM I. — Dixit Dominus ad Josue: Confortare, et esto robustus valde, ut custodias omnem legem quam tibi Moyses præcepit. Ne declines ab ea ad dexteram vel ad sinistram, ut intelligas cuncta quæ agis. Et meditaberis in lege hac diebus ac noctibus. Ecce præcipio tibi: confortare, et esto robustus. Noli metuere, et noli timere: quoniam tecum est Dominus Deus tuus in omnibus ad quæcumque perrexeris.

Dixerunt filii Israel ad Josue: Qui non obedierit cunctis sermonibus tuis, moriatur.

CAPITULUM III. — Ingressis filiis Israel Jordanem, steterunt aquæ descendentes in uno loco, et ad instar montis intumescens apparebant procul. Quæ autem inferiores erant, in mare Solitudinis descenderunt, quousque omnino deficerent. Omnisque populus per arentem alveum transibat.

CAPITULUM V. — Defecit manna postquam filii Israel comederunt de frugibus terræ.

CAPITULUM VI. — Dixit Josue : Maledictus vir coram Domino, qui suscitaverit et ædificaverit civitatem Jericho. In primogenito suo fundamenta illius jaciat, et in novissimo liberorum ponat portas ejus. (Hoc postea impletum est.)

CAPITULUM VII. — Josue cecidit pronus in terram coram Domino usque ad vesperam, et dixit : Mi Domine Deus, quid dicam, videns Israelem hostibus suis terga B vertentem ? Et quid facies nomini tuo magno ?

Fili mi, da gloriam Domino Deo Israel, et confitere atque indica mihi quid feceris.

CAPITULUM X. — Dixit Josue Domino : Sol, contra Gabaon ne movearis, et luna, contra vallem Aialon. Steterunt itaque sol et luna ; et non festinavit sol descendere spatio unius diei. Non fuit ante et post tam longa dies, obediente Domino voci hominis, et pugnante pro Israel.

CAPITULUM XI. — Non præterivit Josue C de universis mandatis Domini, ne unum quidem verbum, quæ præcepit Moysi.

CAPITULUM XIV. — Dixit Caleb ad Josue : Fratres mei qui ascenderant mecum, dissolverunt cor populi ; et nihilo minus ego secutus sum Dominum Deum meum. Quadraginta et quinque anni sunt, ex quo

A locutus est mihi Dominus. Hodie octoginta quinque annorum sum, sic valens ad bellandum et gradiendum, ut eo valebam tempore quando ad explorandum missus sum.

CAPITULUM XV. — Jebusæum habitatorem Jerusalem non potuerunt filii Juda delere, habitavitque cum eis.

CAPITULUM XVII. — Machir primogenitus Manassæ, fuit vir pugnator.

CAPITULUM XVIII. — Usquequo marcetis ignavia, et non intratis ad possidendum terram quam Dominus Deus patrum vestrorum dedit vobis ?

CAPITULUM XXII. — Dixit Josue : Dividite prædam hostium cum fratribus vestris.

CAPITULUM XXIII. — Dixit Josue : En ego ingredior viam universæ terræ.

CAPITULUM XXIV. — Timete Dominum, et servite ei corde perfecto atque verissimo.

Dixit Josue : Non poteritis servire Domino. Deus enim sanctus et fortis æmulator est, nec ignoscet sceleribus vestris.

Mortuus est Josue, servus Domini, centum decem annorum. Servieruntque filii Israel Domino cunctis diebus Josue et seniorum qui longo vixerunt tempore post Josue, qui noverant opera Domini, etc.

Ossa Joseph, quæ tulerant filii Israel de Ægypto, sepelierunt in Sichem in parte agri quem emerat Jacob a filiis Hemor.

LIBER JUDICUM

HABET CAPITULA VIGINTI UNUM. ET AGITUR IN EO DE PRINCIPIBUS JUDICIBUS, ET DEFENSIONE POPULI ISRAEL ; ET DE VICTORIIS AC TRIUMPHIS HABITIS CONTRA HOSTES.

CAPITULUM I. — Sicut feci, ita reddidit D mihi Dominus.

CAPITULUM II. — Flectebatur Dominus misericordia, et audiebat afflictorum gemitus, et liberabat eos de cæde vastantium.

CAPITULUM III. — Dimisit Dominus Cha-

nanæos, ut in eis experiretur Israelem, utrum audiret mandata Domini, an non ; et ut discerent posteri eorum certare cum hostibus, haberentque consuetudinem præliandi.

CAPITULUM IV. — Aod judex Israel utraque manu pro dextera utebatur.

Verbum secretum habeo ad te, o rex : A non potero. Cui filia respondit : Pater mi, verbum Domini habeo ad te.

Humiliatus est Moab sub manu Israel, et quievit terra.

CAPITULUM V. — Cor meum diligit principes Israel. Qui propria voluntate obtulistis vos discrimini, benedicite Domino. De cœlo dimicatum est contra eos ; stellæ manentes in ordine et cursu suo, adversus Sisaram dimicaverunt. Sic pereant, Domine, omnes inimici tui ; qui autem diligunt te, sicut sol in ortu suo splendet, ita rutilent.

CAPITULUM VI. — Dixit angelus ad Gedeon : Dominus tecum, virorum fortissime. Dixitque Gedeon : Obsecro, Domine, si Dominus nobiscum est, cur ergo apprehenderunt nos hæc mala ? Ubi sunt mirabilia ejus quæ narraverunt patres nostri ?

Dixit Gedeon : Heu ! mi Domine Deus, quia vidi angelum Domini facie ad faciem. Dixitque ei Dominus : Pax tecum ; ne timeas, non morieris.

CAPITULUM VII. — Ne gloriatur contra me Israel, et dicat : Meis viribus liberatus sum.

CAPITULUM VIII. — Non dominabor vestri, sed dominabitur Dominus vobis, dixit Gedeon.

Mortuus est Gedeon in senectute bona.

CAPITULUM IX. — Simul considerate, quia os vestrum et caro vestra sum.

CAPITULUM X. — Peccavimus. Redde tu nobis quidquid tibi placuerit ; tantum nunc libera nos.

Doluit Dominus super miseriis eorum (scilicet populi Israel).

CAPITULUM XI. — Dominus qui hæc audit, ipse mediator ac testis est quod nostra promissa faciemus.

Vovit Jephthe votum Domino, etc.

Dixit Jephthe : Heu ! filia mi, decepisti me, et ipsa decepta es. Aperui enim os meum ad Dominum, et aliud facere

si aperuisti os tuum ad Dominum, fac mihi quodcumque pollicitus es.

CAPITULUM XIII. — Si Dominus nos vellet occidere, holocaustum de manibus nostris non suscepisset.

CAPITULUM XIV. — Irruit spiritus Domini in Samson, et dilaceravit leonem quasi hœdum in frusta ; et hoc parentibus non indicavit.

Dixit Samson : Si non arassetis in vitula mea, non invenissetis propositionem B meam.

CAPITULUM XV. — Cepit Samson trecentas vulpes, et caudas earum conjunxit et faces ligavit in medio earum. Quæ statim perrexerunt in segetes Philistinorum.

Arripuit Samson mandibulam asini, et percussit in ea mille viros de Philistiim. Quumque sitiret et oraret Dominum, aperuit Dominus molarem dentem in maxilla asini, et egressæ sunt aquæ.

CAPITULUM XVI. — Apprehendit Samson ambas portæ fores cum postibus suis et sera, impositasque humeris portavit ad verticem montis.

Quomodo dicis quod amas me, quum animus tuus non sit mecum ?

Domine Deus meus memento mei, et redde mihi nunc pristinam fortitudinem meam.

CAPITULUM XVIII. — Ite in pace ; Dominus respicit viam vestram, et iter quo pergitis.

CAPITULUM XIX. — Ferte sententiam, et in commune decernite quid facto opus sit.

D CAPITULUM XX. — Non intellexerunt quod ex omni parte illis instaret interitus. Atque ita factum est, ut ex utraque parte ab hostibus cæderentur.

CAPITULUM XXI. — Quære, Domine Deus Israel, factum est hoc malum in populo tuo, ut hodie una tribus auferretur ex Israel ?

LIBER RUTH

HABET CAPITULA QUATUOR. ET AGITUR IN EO DE MATRIMONIO CONTRACTO INTER BOOZ ET RUTH, EX QUIBUS CHRISTUS DESCENDIT.

CAPITULUM I. — Faciat vobiscum Dominus misericordiam, sicut fecistis cum mortuis et mecum, detque vobis invenire requiem.

Vestra angustia me magis premit, et egressa est manus Domini contra me.

Ne adverseris mihi ut te relinquam et abeam. Quocumque perrexeris, pergam. Populus tuus, populus meus; et Deus tuus, Deus meus. Hæc faciat mihi Deus, et hæc addat, si non sola mors me et te separaverit.

Ne vocetis me Noemi, id est pulchram, sed vocate me Mara, hoc est amaram, quia amaritudine valde replevit me Omnipotens. Egressa sum plena, et vacuum reduxit me Dominus.

Cur ergo vocatis me Noemi, quam humiliavit Dominus, et afflixit Omnipotens?

CAPITULUM II. — Dixit Booz messoribus :

A Dominus vobiscum. Qui dixerunt : Benedicat tibi Dominus.

Unde hoc mihi, ut invenirem gratiam ante oculos tuos, et nosse me dignareris?

Reddat tibi Dominus pro opere tuo plenam mercedem, ad quem venisti, et sub cuius alas confugisti.

Sit benedictus qui misertus est tui.

Benedictus sit a Domino, quoniam eandem gratiam quam præbuit vivis, servavit et mortuis.

CAPITULUM III. — Priorem misericordiam posteriore superasti. Scitque omnis populus qui habitat intra portas urbis meæ, mulierem te (scilicet Ruth) esse virtutis.

CAPITULUM IV. — Tu meo utere privilegio, quo me libenter carere profiteor.

Benedictus Dominus, qui dedit tibi qui consoletur animam tuam et enutriet senectutem.

LIBER REGUM PRIMUS

CONTINET CAPITULA TRIGINTA UNUM. IN QUO AGITUR DE GUBERNATIONE POPULI ISRAEL PER JUDICES; DE ELECTIONE REGIS SAUL; DE REGIMINE, GESTIS ET MORTE IPSIUS.

CAPITULUM I. — Quum esset Anna amaro animo, oravit Dominum flens largiter. Porro Anna loquebatur in corde suo, tantumque labia illius movebantur, et vox penitus non audiebatur.

Vultus illius (scilicet Annæ) non sunt amplius in diversa mutati.

CAPITULUM II. — Exsultavit cor meum in Domino, etc. (Hoc canticum Annæ per totum valde notabile est.) Non est sanctus ut est Dominus, etc. Nolite multiplicare

C loqui sublimia, gloriantes. Deus scientiarum Dominus est, et ipsi præparantur cogitationes. Domini sunt cardines terræ, et posuit super eos orbem. Dominus iudicabit fines terræ.

Si peccaverit vir in virum, placari ei potest Deus; si autem in Dominum peccaverit vir, quis orabit pro eo?

Puer Samuel proficiebat atque crescebat, et placebat tam Deo quam hominibus.

Quicumque glorificaverit me, glorificabo

eum, ait Dominus; qui autem contemnunt me, erunt ignobiles.

CAPITULUM III. — Loquere, Domine, quia audit servus tuus.

Dominus est: quod bonum est in oculis suis, faciat.

CAPITULUM IV. — Venit Deus in castra.

CAPITULUM VI. — Quis poterit stare ante conspectum Domini Dei sancti hujus?

CAPITULUM VII. — Præparate corda vestra Domino, et servite illi soli, et liberabit vos de manu Philistiim.

Ne cesses pro nobis clamare ad Dominum Deum nostrum, ut salvet nos.

CAPITULUM IX. — Erat Saul vir electus et bonus, et non erat de filiis Israel melior illo (scilicet ante promotionem regni).

CAPITULUM X. — Mutaberis in virum alterum. Et immutavit ei (scilicet Sauli) Deus cor aliud.

Stetit Saul in medio populi, et altior fuit universo populo ab humero et sursum.

CAPITULUM XI. — Cras erit vobis salus, quum incaluerit sol.

CAPITULUM XII. — Nolite recedere a tergo Domini, sed servite Domino in omni corde vestro; et nolite declinare post vana, quæ non proderunt vobis, quia vana sunt. Non derelinquet Dominus populum suum, propter nomen suum magnum. Absit a me hoc peccatum in Domino, ut cessem orare pro vobis. (Hoc dixit Samuel ad Israel, de principatu ejectus.)

CAPITULUM XIII. — Stulte fecisti, quia non custodisti præcepta Domini Dei quæ præcepit tibi.

CAPITULUM XIV. — Non est Domino difficile salvare in multis vel in paucis.

CAPITULUM XV. — Factum est verbum Domini ad Samuelem dicens: Pœnitet me quod constituerim Saulem regem, quia dereliquit me.

Nonne quum parvulus esses in oculis tuis, caput in tribubus Israel factus es?

Numquid vult Dominus holocausta aut victimas, et non potius ut obediatur voci Domini? Melior est enim obedientia quam victimæ, et auscultare magis quam of-

ferre adipem arietum: quoniam quasi peccatum ariolandi est, repugnare, et quasi scelus idololatriæ, nolle acquiescere.

Pro eo quod abjecisti sermonem Domini, abjecit te Dominus.

Porro triumphator in Israel non pareet, et pœnitundine non flectetur. Neque enim homo est, ut agat pœnitentiam.

Siccine separat amara mors?

Verumtamen lugebat Samuel Saulem.

CAPITULUM XVI. — Dixit Dominus: Ne respicias vultum ejus, neque altitudinem staturæ ejus, quia non juxta intuitum hominis ego judico. Homo enim videt quæ parent, Dominus autem intuetur cor.

Erat autem David rufus et pulcher ad spectu, decoraque facie.

Respondens unus de pueris, Sauli ait: Ecce vidi filium Isai Bethlehemitem scientem psallere, et fortissimum robore, et virum bellicosum, ac prudentem in verbis; et Dominus est cum eo.

CAPITULUM XVII. — Dixit David: Leonem et ursum suffocavi et interfeci.

Dixit David ad Philistæum: Tu venis ad me cum gladio et hasta et clypeo; ego autem venio ad te in nomine Domini exercituum; et dabit te Dominus in manu mea.

CAPITULUM XVIII. — Anima Jonathæ colligata est animæ David; et dilexit eum Jonathas quasi animam suam. Et inierunt fœdus Jonathas et David. Et exuit Jonathas vestimenta sua, et dedit ea David.

Dixit David: Ego sum vir pauper et tenuis.

CAPITULUM XX. — Uno tantummodo gradu, ego et mors dividimur.

De verbo quod locuti sumus ego et tu, Dominus sit inter me et te usque in sempiternum.

CAPITULUM XXIV. — Propitius sit mihi Dominus, ne mittam manum meam in christum Domini.

Justior tu es quam ego. Tu enim tribuisti mihi bona, ego autem reddidi tibi mala.

CAPITULUM XXVI. — Numquid non vir tu es? et quis alius similis tui in Israel?

Si Dominus incitat te adversum me, A et odoretur incensum; si autem filii hominum, maledicti sunt in conspectu Domini. (Verba sunt David ad Saul.)

Dominus retribuet unicuique secundum justitiam suam et fidem. Sicut magnificata est anima tua hodie in oculis meis, sic magnificetur anima mea in oculis Domini, et liberet me de omni angustia.

CAPITULUM XXIX. — Vivit Dominus, quia rectus es tu et bonus in conspectu meo,

et exitus tuus et introitus tuus mecum; et non inveni in te quidquam mali ex die qua venisti ad me, usque nunc; sed satrapis non places.

CAPITULUM XXX. — Æqua pars erit descendentis ad prælium, et remanentis ad sarcinas; et similiter dividunt.

CAPITULUM XXXI. — Arripuit Saul gladium suum, et irruit super eum. Quod quum vidisset armiger ejus, irruit etiam ipse super gladium suum, et mortuus est cum eo.

LIBER REGUM SECUNDUS

CONTINET CAPITULA VIGINTI QUATUOR. ET AGITUR IN EO DE REGIMINE POPULI ISRAEL PER REGEM DAVID, ET DE FACTIS PER IPSUM.

CAPITULUM I. — Sagitta Jonathæ nunquam rediit retrorsum; et gladius Saul non est reversus inanis. Saul et Jonathas amabiles et decori in vita sua, in morte quoque non sunt divisi; aquilis velociores, leonibus fortiores. Quomodo ceciderunt fortes in prælio, et perierunt arma bellica? Doleo super te, frater mi Jonatha, decore nimis, et amabilis super amorem mulierum. Sicut mater unicum amat filium, ita te diligebam.

CAPITULUM II. — Porro Asael frater Joab, cursor velocissimus fuit, quasi unus ex capreis.

Num usque internecionem tuus mucro desæviet? An ignoras quod periculosa sit desperatio?

CAPITULUM III. — David erat proficiens, et semper se ipso robustior.

Adduxit Joab Abner filium Ner seorsum, ut loqueretur ei in dolo, et percussit eum in inguine et mortuus est.

Plangens David Abner, ait: Nequaquam ut mori solent ignavi mortuus es, Abner. Manus tuæ non sunt ligatæ, et pedes tui non sunt compedibus aggravati; sed sicut solent cadere coram filiis iniquitatis, corruisti.

CAPITULUM V. — Divisit Dominus inimicos meos coram me, sicut dividuntur aquæ.

CAPITULUM VI. — David percutiebat in organis, et ludebat totis viribus coram Domino.

Dixit David: Ludam et vilior fiam plus quam factus sum; et ero humilis in oculis meis.

CAPITULUM VII. — Quis ego sum, Domine Deus, quia adduxisti me hucusque? Tu enim scis servum tuum, Domine Deus meus. Incipe ergo, et benedic domui servi tui, ut sit in sempiternum coram te.

CAPITULUM VIII. — Filii David sacerdotes erant.

CAPITULUM IX. — Quis ego sum servus tuus, quoniam respexisti super canem mortuum similem mei?

Miphiboseth, filius Jonathæ, claudus erat utroque pede; et habebat filium parvulum nomine Micha.

CAPITULUM X. — Esto vir fortis, et pugnemus pro populo nostro. Dominus autem faciet quod bonum est in conspectu suo. (Dixit Joab ad Abisai.)

CAPITULUM XI. — Non te frangat ista res: varius est enim exitus belli; et nunc hunc, nunc illum gladius consumit.

CAPITULUM XII. — Quare contempsisti verbum Domini, ut faceres malum coram eo?

Dixit David : Propter infantem, dum adhuc viveret, jejunavi et flevi. Nunc autem, quia mortuus est, quare jejuno? Numquid potero revocare eum? Ego vadam magis ad eum; ille vero non revertetur ad me.

Genuit Bethsabée filium, et vocavit nomen ejus Salomon. Et Dominus dilexit eum. Misitque in manu Nathan prophetæ, et vocavit nomen ejus, Amabilis Domino.

CAPITULUM XIII. — Filiæ David regis veste talari utebantur.

CAPITULUM XIV. — Omnes morimur, et quasi aquæ dilabimur in terram, quæ non revertuntur. Nec vult Deus perire animam, sed retractat cogitans, ne penitus pereat qui abjectus est.

Porro sicut Absalon vir pulcher non erat in omni Israel. A planta pedis usque ad verticem capitis, non erat in eo ulla macula. Et quando tondebatur, ponderabat capillos capitis sui ducentis siclis argenti. Semel autem tondebatur in anno, quia gravabat eum cæsaries.

CAPITULUM XV. — Dominus faciet tecum misericordiam et veritatem, quia ostendisti gratiam et fidem.

Dixit David : Si invenero gratiam in oculis Domini, reducet me. Si autem dixerit, Non places, præsto sum; faciat quod bonum est coram se.

CAPITULUM XVI. — Dixit David : Dimitte Semei ut maledicat mihi; si forte respiciat Dominus afflictionem meam, et reddat mihi bonum pro maledictione hac.

Consilium Achitophel erat quasi si quis Deum consuleret.

CAPITULUM XVII. — Amasam constituit Absalon super exercitum pro Joab. Erat autem Amasa filius Abigail, filiæ Naas. (Nota, quod pater David habuit tria nomina, scilicet Jesse, Isai et Naas. Hic dicitur Naas.)

CAPITULUM XVIII. — Quum ingressus fuisset mulus Absalon subter condensam quercum, adhæsit caput ejus quercui, et illo suspenso mulus pertransiit. Tulit ergo Joab tres lanceas et infixit in corde Absalon.

Flevit David filium suum Absalon, et ait : Fili mi Absalon, Absalon fili mi. Quis mihi tribuat ut ego moriar pro te, o Absalon fili mi, fili mi Absalon?

CAPITULUM XIX. — Porro rex operuit caput suum, et clamabat voce magna : Absalon, etc.

Dixit Joab ad David : Diligis odientes te, et odio habes diligentes te.

Tu, Domine, posuisti me servum tuum inter convivas mensæ tuæ.

Erat autem Berzellai Galaadites senex B valde, id est octogenarius.

CAPITULUM XX. — Dixit Joab ad Amasam : Salve, mi frater. Et tenuit manu dextera mentum Amasæ, quasi osculans eum; percussitque eum in latere, et effudit intestina ejus.

CAPITULUM XXIII. — Dixit David filius Isai; dixit vir cui constitutum est de Christo Dei Jacob, egregius psalter Israel : Spiritus Domini locutus est per me, et sermo ejus per linguam meam.

Banaïas filius Joiadæ percussit duos leones Moab; percussit quoque leonem in medio cisternæ. Et interfecit virum Ægyptium dignum spectaculo. Quumque descendisset ad eum in virga, vi extorsit hastam de manu ejus, et interfecit eum hasta sua. Fecitque eum David sibi auralarium a secreto.

CAPITULUM XXIV. — Dedit Joab numerum descriptionis populi regi. Et inventa sunt de Israel octingenta millia virorum fortium; de Juda autem quinquaginta millia pugnatorum.

Dixit David : Peccavi valde in hoc facto; sed precor, Domine, ut transferas iniquitatem servi tui, quia stulte egi nimis.

Dixit David : Coarctor nimis; sed melius est mihi incidere in manus Domini, multæ enim miserationes ejus sunt, quam in manus hominum.

Dixit David ad Dominum, quum vidisset angelum cædentem populum : Ego sum qui peccavi; isti qui oves sunt, quid fecerunt? Vertatur, obsecro, manus tua contra me, et contra domum patris mei.

LIBER REGUM TERTIUS

HABET CAPITULA VIGINTI DUO. ET AGITUR IN EO DE MORTE REGIS DAVID; ET DE SUCCESSIONE, REGIMINE ET GESTIS SALOMONIS, ALIORUMQUE REGUM JUDA ET ISRAEL.

CAPITULUM II. — Dixit David ad Salomonem : Tu nosti quæ fecerit mihi Joab, quæ fecerit duobus principibus exercitus Israel, Abner et Amasæ, quos occidit, et effudit sanguinem belli in pace, et posuit cruorem belli in balteo qui erat circa lumbos suos, et in calceamento suo. Non ergo deduces canitiem ejus pacifice ad inferos.

Venit Bethsabæe ad regem Salomonem; et surrexit rex in occursum ejus, adoravitque eam, et sedit super thronum suum. Positus est thronus matri regis, quæ sedit ad dexteram ejus.

Petitionem unam precor a te; ne confundas faciem meam.

Dixit rex Salomon matri suæ : Pete, mater mi. Neque enim fas est ut avertam faciem tuam.

CAPITULUM III. — Affinitate conjunctus est Salomon Pharaoni regi Ægypti, accepitque filiam ejus uxorem.

Ego sum puer parvulus et ignorans egressum et introitum meum. Dabis ergo servo tuo cor docile, ut possit discernere inter bonum et malum.

Placuit autem Domino, quod Salomon sapientiam postulasset, et ait : Quia postulasti hoc, ecce feci tibi secundum sermones tuos; sed et hæc quæ non postulasti dedi tibi, scilicet divitias et gloriam.

CAPITULUM VIII. — Dominus dixit ut habitaret in nebula.

Domine Deus Israel, non est similis tui Deus in cœlo desuper et super terram deorsum, qui custodis pactum et misericordiam servis tuis qui ambulant coram te in toto corde suo.

Ergone putandum est quod vere Deus habitet super terram? Si enim cœlum

et cœli cœlorum te capere non possunt, quanto magis domus hæc? Sed respice ad orationem servi tui. Audi hymnum, et orationem quam servus tuus orat coram te.

Tu, Domine, solus nosti corda omnium filiorum hominum.

Non est homo qui non peccet.

Benedictus Dominus Deus Israel, qui dedit requiem populo suo.

Sit Dominus Deus noster nobiscum sicut fuit cum patribus nostris, non derelinquens nos; sed inclinet corda nostra post se, ut ambulemus in omnibus viis ejus.

Sit quoque cor nostrum perfectum cum Domino Deo nostro, ut ambulemus in decretis ejus.

CAPITULUM X. — Major est sapientia tua et opera tua, quam rumor quem audiavi. Beati viri tui, et beati servi tui qui adstant coram te semper et audiunt sapientiam tuam. Sit Dominus Deus tuus benedictus, cui complacuisti.

CAPITULUM XV. — Non declinavit David ab omnibus quæ præceperat ei Dominus, excepto sermone Uriæ Hethæi.

CAPITULUM XVI. — In diebus Achab ædificavit Hiel Jericho : in Abiram primogenito suo fundavit eam, et in Segub novissimo suo posuit portas ejus, juxta verbum Josue filii Nun.

CAPITULUM XVII. — Dixit Elias Thesbites ad Achab : Vivit Dominus Deus Israel, in cujus conspectu sto, si erit annis his ros et pluvia, nisi juxta oris mei verba.

Corvi deferebant Eliæ panem et carnes mane, similiter et vespere.

Expandit se atque mensus est Elias super puerum tribus vicibus, clamavitque

ad Dominum. Et exaudivit eum, et reversa est anima pueri in viscera ejus.

CAPITULUM XVIII. — Usquequo claudicatis in duas partes?

Cecidit ignis de cœlo et devoravit holocausta Eliæ, et ligna et lapides, pulverem quoque et aquam.

CAPITULUM XIX. — Timuit Elias Jezebel, et abiit quocumque eum ferebat voluntas.

Sufficit mihi, Domine; tolle animam meam. Neque enim melior sum quam patres mei.

Surge, comede, grandis enim tibi restat via. Qui (scilicet Elias) quum surrexisset, ambulavit in fortitudine cibi illius quadraginta diebus et quadraginta noctibus.

A Zelo zelatus sum pro Domino exercituum.

Dixit Dominus ad Eliam: Derelinquam mihi in Israel septem millia virorum, quorum genua non sunt curvata ante Baal. (Nota. Istum passum allegat Apostolus ad Romanos, XI, 4.)

CAPITULUM XX. — Ne glorietur accinctus æque ut discinctus.

CAPITULUM XXI. — Grandis auctoritatis es, et bene regis regnum Israel.

B CAPITULUM XXII. — Vidi Dominum sedentem super solium suum, et omnem exercitum cœli adsistentem ei a dextris et a sinistris.

Sustentate eum pane tribulationis et aqua angustiae.

LIBER REGUM QUARTUS

CONTINET CAPITULA VIGINTI QUINQUE. ET AGITUR IN EO DE CASU REGNI JUDA ET ISRAEL PROPTER REGUM SUORUM PREVARICATIONEM: DE CAPTIVITATE POPULI: ET DE SUBVERSIONE URBIS ET TEMPLI.

CAPITULUM I. — Homo Dei, noli despiciere animam meam et animas servorum tuorum qui mecum sunt; sed miserearis animæ meæ.

CAPITULUM II. — Vivit Dominus, et vivit anima tua, quia non derelinquam te.

Tulit Elias pallium suum, et percussit aquas, et divisæ sunt in utramque partem.

Obsecro ut fiat spiritus tuus duplex in me.

CAPITULUM III. — Dixit Eliseus: Adducite mihi psaltem. Quumque caneret David psaltes, facta est super eum manus Domini.

CAPITULUM IV. — Incubuit Eliseus super puerum mortuum; et posuit os suum super os ejus, et oculos suos super oculos ejus, et manus suas super manus ejus, et incurvavit se super eum, et calefacta est caro pueri; et oscitavit septies.

CAPITULUM V. — Numquid Deus ego sum, ut occidere possim et vivificare?

CAPITULUM VI. — Noli timere: plures enim nobiscum sunt, quam cum eis.

CAPITULUM VIII. — Quid enim sum servus tuus canis, ut faciam rem istam magnam?

CAPITULUM X. — Numquid est cor tuum rectum cum corde meo, sicut cor meum cum corde tuo?

CAPITULUM XIII. — Projecerunt latronculi cadaver in sepulcrum Elisei: quod dum tetigit ossa ejus, revixit homo.

CAPITULUM XVIII. — Ezechias confregit serpentem æneum quem fecerat Moyses. Siquidem usque illud tempus filii Israel adolebant ei incensum.

CAPITULUM XIX. — Insanisti in me, et superbia tua ascendit in aures meas. Pone nam itaque circulum in naribus tuis, et camum in labiis tuis.

Venit angelus Domini nocte, et percus-

sit in castris Assyriorum, centum octoginta milia virorum. A corde perfecto, et quod placitum est coram te fecerim.

CAPITULUM XX. — Oravit Ezechias, dicens : Obsecro, Domine, memento quomodo ambulaverim coram te in veritate et in diebus meis.

LIBER PARALIPOMENON PRIMUS

HABET CAPITULA VIGINTI NOVEM. ET DESCRIBITUR IN EO GENEALOGIA REGIS DAVID ;
ET FIT RECAPITULATIO ELECTIONIS, GUBERNATIONIS ATQUE GESTORUM IPSIUS.

CAPITULUM V. — Ruben fuit primogenitus Israelis ; sed quum violasset torum patris sui, data sunt primogenita ejus filiis Joseph.

Porro Judas, qui erat fortissimus inter fratres suos, de stirpe ejus principes generati sunt.

Filii Israel Dominum invocaverunt quum praeliarentur ; et exaudivit eos, eo quod credidissent in eum. Fuit enim bellum Domini.

CAPITULUM XI. — Abiit David in Jerusalem : hæc est Jebus. Et dixit : Qui percusserit Jebusæum in primis, erit princeps et dux. Ascendit ergo Joab, et factus est princeps.

CAPITULUM XII. — Pax tibi, pax tibi, et pax adjutoribus tuis : te enim adjuvat Deus tuus.

CAPITULUM XIII. — Mansit arca Dei in domo Obedom Gethæi tribus mensibus ; et benedixit Dominus domui ejus et omnibus quæ habebat.

CAPITULUM XVII. — Omnia quæ sunt in corde tuo fac : Dominus enim tecum est.

Fui semper in tentoriis manens cum omni Israel.

Quis ego sum, Domine Deus meus, et quæ domus mea, ut præstares mihi talia ?

Tu, Deus meus, revelasti auriculam servi tui, et idcirco invenit servus tuus fiduciam, ut oret coram te.

CAPITULUM XIX. — Joab intelligens bel-

lum ex adverso et post tergum contra se fieri, elegit viros fortissimos.

Confortare, et agamus viriliter pro populo nostro. Dominus autem, quod in conspectu suo est bonum, faciat.

CAPITULUM XXI. — Dedit Joab numerum populi David, et inventus est omnis numerus Israel mille millia, et centum millia virorum. (Nota numerum filiorum Israel tempore David.) De Juda autem quadringenta septuaginta millia. Nam Levi et Benjamin non numeravit.

CAPITULUM XXII. — Cernitis quod Dominus Deus vester vobiscum sit, et dedit vobis requiem. Præbete ergo corda vestra, ut quærat Dominus Deum vestrum.

CAPITULUM XXVIII. — Tu autem, fili mi, scito Deum patris tui, et servi ei corde perfecto et animo voluntario. Omnia enim corda scrutatur Dominus, et universas mentium cogitationes intelligit. Si quæsieris eum, invenies ; si autem dereliqueris eum, projiciet te.

CAPITULUM XXIX. — Lætatus est populus quum vota sponte promitteret, quia toto corde offerebant ea Domino.

Tua est, Domine, magnificentia, et potestas, et gloria, atque victoria, et tibi laus ; tuæ divitiæ, tua est gloria ; tu dominaris omnium. Nunc ergo, Deus noster, confitemur tibi, et laudamus nomen tuum inclytum.

Quis ego, et quis populus tuus, ut possimus tibi ista promittere ? Tua enim sunt

omnia; et quæ de manu tua accepimus, A corda, et simplicitatem diligas : unde et dedimus tibi. Peregrini sumus coram te et advenæ, sicut omnes patres nostri. Dies nostri quasi umbra super terram, et nulla est mora.

Scio, Domine Deus meus, quod probes

ego in simplicitate cordis mei latus obtuli omnia hæc.

Domine Deus, custodi in æternum hanc voluntatem cordis eorum, et semper in veneratione tui mens ista permaneat.

LIBER PARALIPOMENON SECUNDUS

HABET CAPITULA TRIGINTA SEX, ET RECAPITULATUR IN EO REGIMEN POPULI PER SALOMONEM, ET ALIOS REGES JUDA ET ISRAEL.

CAPITULUM II. — Quia dilexit Dominus B populum suum, ideo te regnare fecit super eum.

CAPITULUM XII. — Quia humiliati sunt, non disperdam eos, dicit Dominus.

CAPITULUM XIII. — In exercitu nostro Deus dux est. Nolite pugnare contra Dominum Deum patrum vestrorum, quia non vobis expedit.

Vehementissime confortati sunt filii Juda, eo quod sperassent in Domino Deo patrum suorum.

CAPITULUM XIV. — Domine, non est apud C te ulla distantia, utrum in paucis auxiliaris aut in pluribus. Adjuva nos, Domine Deus noster : in te enim et in nomine tuo habentes fiduciam, venimus contra hanc multitudinem.

CAPITULUM XV. — Dominus vobiscum, quia fuistis cum eo. Si quæsieritis eum, invenietis; si autem dereliqueritis eum, derelinquet vos.

Vos autem confortamini, et non dissolvantur manus vestræ. Erit enim merces operi vestro.

In omni corde suo juraverunt Domino, et in tota voluntate sua quæsierunt eum, et invenerunt.

CAPITULUM XVII. — Misit Josaphat rex Juda de principibus suis, et cum eis Levitas et sacerdotes. Docebantque populum, habentes librum legis; et circuibant cunctas urbes Juda, atque erudiebant populum.

CAPITULUM XIX. — Præcepit Josaphat iudicibus : Videte quid faciatis : non enim hominum exercetis iudicium, sed Domini; et quodcumque judicaveritis, in vos redundabit. Sit timor Domini vobiscum, et eum diligentia cuncta facite. Non est enim apud Dominum Deum nostrum iniquitas, nec personarum acceptio, nec cupido munerum.

CAPITULUM XX. — Josaphat rex timore perterritus, totum se contulit ad rogandum Dominum.

In nobis non est tanta fortitudo ut possimus resistere; sed quum ignoremus quid agere debeamus, hoc solum habemus residui, ut oculos nostros dirigamus ad te. (Verba sunt Josaphat regis Juda.)

Nolite timere : non est enim vestra pugna, sed Dei. Non enim eritis vos qui dimicabitis; sed tantummodo state confidenter, et videbitis auxilium super vos. O Juda et Jerusalem, nolite timere. Cras egrediemini, et Dominus erit vobiscum.

Credite in Domino Deo vestro, et securi D eritis.

CAPITULUM XXIV. — Senuit autem Jojada pontifex plenus dierum, et mortuus est quum esset annorum centum et triginta.

Non est recordatus Joas rex misericordiæ quam fecerat Joiada secum, sed interfecit filium ejus. Qui quum moreretur ait : Videat Dominus, et requirat. (De isto

Zacharia intelligitur quod in Evangelio legitur, A sanguine Abel justi, etc.)

CAPITULUM XXV. — Venit ad Amasiam regem Juda homo Dei, et ait : O rex, ne egrediatur tecum exercitus Israel ; non enim est Dominus cum eis. Quod si putas in robore exercitus bella consistere, superari te faciet Dominus ab hostibus. Dei quippe est adjuvare et in fugam vertere.

Erigitur cor tuum in superbiam. Sede in domo tua. Cur malum adversum te provocas, ut cadas ?

CAPITULUM XXVI. — Quum requireret Ozias rex Juda Dominum, direxit eum in omnibus.

CAPITULUM XXIX. — Dixit Ezechias Levitis : Filii mei, nolite negligere. Vos elegit Dominus ut stetis coram eo, et ministretis ei, colatis eum, et cremetis ei incensum.

Lætatus est Ezechias et omnis populus, eo quod ministerium Domini esset expletum.

CAPITULUM XXX. — Nolite indurare cer- vices vestras, sicut patres vestri. Servite

A Domino, et avertetur ira ejus a vobis. Pius et clemens est Dominus Deus vester, et non avertet faciem suam a vobis, si reversi fueritis ad eum.

Surrexerunt sacerdotes, benedicentes Dominum ; pervenitque oratio eorum ad habitaculum sanctum cœli.

CAPITULUM XXXII. — In legatione principum Babylonis qui missi fuerant ad Ezechiam ut interrogarent eum de portento quod acciderat super terram, dereliquit eum Dominus, ut tentaretur, et nota fierent omnia quæ erant in corde ejus.

CAPITULUM XXXIII. — Postquam coangustus est Manasses, oravit Dominum, et egit pœnitentiam valde coram Deo, et obsecravit eum intente ; et exaudivit eum. Et cognovit Manasses quod Dominus ipse esset Deus.

CAPITULUM XXXIV. — Non declinavit Josias ad dexteram neque ad sinistram.

CAPITULUM XXXV. — Universus Juda luxerunt Josiam ; Jeremias maxime et Jerusalem.

LIBER ESDRÆ PRIMUS

HABET CAPITULA DECEM. ET TRACTATUR IN EO DE REDUCTIONE
POPULI ISRAEL ET JUDA EX CAPTIVITATE BABYLONICA ; ET DE INSTRUCTIONE POPULI REDUCTI
PER ESDRAM LEGIS DOCTOREM.

CAPITULUM V. — Nos sumus servi Dei C cœli.

CAPITULUM VIII. — Erubui ego (scilicet Esdras) petere a rege auxilium et equites qui defenderent nos, quia dixeramus regi : Manus Dei nostri est super omnes qui quærunt eum in bonitate ; et imperium ejus et fortitudo ejus et furor ejus super omnes qui derelinquunt eum.

Manus Dei nostri fuit super nos, et liberavit nos de manu insidiatoris in via.

CAPITULUM IX. — Manus principum et magistratuum fuit in transgressione hac prima.

Deus meus, confundor, et erubesco levare faciem meam ad te, quoniam iniquitates nostræ multiplicatæ sunt super caput nostrum, et delicta nostra creverunt usque ad cœlum.

CAPITULUM X. — Date confessionem Domino Deo patrum vestrorum, et facite placitum ejus.

LIBER ESDRÆ SECUNDUS

CONTINET CAPITULA TREDECIM. CONSCRIPTUS EST A NEHEMIA DOCTORE
ET DUCE POPULI ISRAEL; ET AGITUR IN EO DE REEDIFICATIONE MURI CIVITATIS JERUSALEM,
ET DE CORRECTIONE MALORUM SUBORTORUM IN ABSENTIA NEHEMIE.

CAPITULUM I. — Quæso, Domine Deus A
cœli, fortis, magne atque terribilis; fiat
auris tua auscultans, ut audias orationem
servi tui. ligendum.

CAPITULUM II. — Quare vultus tuus tristis
est, quum te ægrotum non videam? Non
est hoc frustra; sed malum nescio quod
in corde tuo est.

Deus cœli ipse nos juvat, et nos servi
ejus sumus.

CAPITULUM IV. — Audi, Deus noster, quia
facti sumus despectui.

CAPITULUM V. — Quare non in timo- B
re Domini Dei nostri ambulatis, ne ex-
probretur nobis a gentibus inimicis no-
stris?

Memento mei, Deus meus, in bonum,
secundum omnia quæ feci populo huic.

CAPITULUM VIII. — Legit Esdras aperte
in libro legis coram multitudine. Et lege-

Dies sanctificatus est Domino Deo no-
stro; nolite lugere. Gaudium enim Domini
est fortitudo vestra.

CAPITULUM IX. — Quater in die et quater
in nocte confitebantur Judæi, et adora-
bant Dominum Deum.

Surgite, et benedicite Domino Deo no-
stro, ab æterno et usque in æternum.

Et dixit Esdras: Tu ipse, Domine, so-
lus; tu fecisti cœlum et cœlum cœlorum
et omnem exercitum eorum, et exercitus
cœli te adorat.

CAPITULUM XIII. — Memento mei, Deus
meus, pro hoc; et ne deleas miserationes
meas quas feci in domo Dei mei, et in
cærimoniis ejus. Et parce mihi secundum
multitudinem miserationum tuarum. Me-
mento mei, Deus meus, in bonum.

LIBER TOBIÆ

HABET CAPITULA QUATUORDECIM. ET NARRATUR IN EO TOBIÆ PROBATIO
ET VIRTUS EJUS MULTIPLEX, MINISTERIUM ARCHANGELI RAPHAELIS, INSTRUCTIO PROLIS,
ET DE HONESTATE MATRIMONII.

CAPITULUM I. — Tobias quum esset ju- C
nior omnibus, nihil tamen puerile gessit
in opere.

Monita salutis dabat eis.

CAPITULUM II. — Non est Tobias contri-
status contra Dominum, quod plaga cæci-
tatis evenerit ei; sed immobilis in Dei
timore permansit, agens gratias Deo om-
nibus diebus vitæ suæ.

Filii Sanctorum sumus, et vitam illam
exspectamus quam Deus daturus est his
qui fidem suam nunquam mutant ab eo.

CAPITULUM III. — Justus es, Domine, et
omnia judicia tua justa sunt, et omnes
viæ tuæ misericordia, et veritas, et ju-
dicium. Ne reminiscaris delicta mea vel
parentum meorum, etc. Et nunc, Domine,
secundum voluntatem tuam fac mecum,

et præcipe in pace recipi spiritum meum : expedit enim mihi mori magis quam vivere.

Dixit Sara : Benedictum est nomen tuum, Deus patrum nostrorum, quoniam quum iratus fueris, misericordiam facies, et in tempore tribulationis peccata dimittis his qui invocant te. Ad te, Domine, faciem meam converto, ad te oculos meos erigo. Nunquam cum ludentibus miscui me, neque cum his qui in levitate ambulant participem me præbui. Hoc pro certo habet omnis qui colit te, Domine, quia vita ejus, si in probatione fuerit, coronabitur ; si autem in tribulatione fuerit, liberabitur ; et si in correptione fuerit, ad misericordiam pervenire licebit. Non delectaris in perditionibus nostris : quia post tempestatem tranquillum facis, et post fletum exultationem infundis.

CAPITULUM IV. — Memor esse debes quæ et quanta pericula sit passa propter te mater tua in utero suo.

Omnibus diebus vitæ tuæ Deum in mente habeto, et cave ne aliquando peccato consentias.

Noli avertere faciem tuam ab ullo paupere : ita enim fiet ut nec a te avertatur facies Domini. Quomodo potueris, ita esto misericors, etc.

Superbiam nunquam in tuo sensu aut in tuo verbo dominari permittas : in ipsa enim initium sumpsit omnis perditio.

Quod ab alio oderis fieri tibi, vide ne aliquando alii facias.

Consilium semper a sapiente perquire.

Omni tempore benedic Deo, et pete ab eo ut viam tuam dirigat.

Noli timere, fili mi. Pauperem quidem vitam gerimus, sed multa bona habebimus, si timuerimus Deum, etc.

CAPITULUM V. — Gaudium tibi semper sit, fortique animo esto : in proximo est ut a Deo cureris.

Tobias ait : Bene ambuletis, et sit Dominus in itinere vestro, et angelus ejus comitetur vobiscum.

Baculum senectutis nostræ tulisti.

CAPITULUM IX. — Si me ipsum tibi tradam servum, non ero condignus providentiæ tuæ.

CAPITULUM X. — Hei mihi, fili mi, lumen oculorum nostrorum, baculum senectutis nostræ, solatium vitæ nostræ, spem posteritatis nostræ, etc.

CAPITULUM XI. — Benedico te, Domine Deus Israel, quoniam tu castigasti me, et tu salvasti me.

CAPITULUM XII. — Benedicite Deum cœli, et coram omnibus viventibus confitemini illi, quia fecit vobiscum misericordiam suam.

Sacramentum regis abscondere bonum est ; opera autem Dei revelare et confiteri honorificum est.

Bona est oratio cum jejunio et eleemosyna, etc.

Qui autem faciunt iniquitatem et peccatum, hostes sunt animæ suæ.

Quia acceptus eras Deo, necesse fuit ut tentatio probaret te.

Dixit Raphael angelus : Ego sum Raphael angelus, unus ex septem qui adstamus ante Deum. Et quidem videbar vobiscum manducare et bibere ; sed ego cibo et potu invisibili utor.

CAPITULUM XIII. — Magnus es, Domine, in æternum, et in omnia sæcula regnum tuum : quoniam tu flagellas et salvas, et non est qui effugiat manum tuam.

Ipse castigavit nos propter iniquitates nostras ; et ipse salvabit nos propter misericordiam suam.

Convertimini itaque, peccatores, et facite justitiam coram Deo, credentes quod faciat vobiscum misericordiam suam.

Ego autem et anima mea in Deo lætābimur.

LIBER JUDITH

COMPLECTITUR CAPITULA SEDECIM. IN QUO AGITUR DE MISSIONE
HOLOFERNIS AD REGNA OCCIDENTIS ET TERRE JUDEE; DE HONESTATE ET PROBITATE JUDITH;
DE INTERFECTIONE HOLOFERNIS, ET LIBERATIONE POPULI ISRAEL.

CAPITULUM VI. — Domine Deus cœli et terræ, intueri superbiam eorum, et respice ad nostram humilitatem, et faciem sanctorum tuorum attende; et ostende quia non derelinquis præsumentes de te, et de se et sua potentia gloriantes humilias.

CAPITULUM VIII. — In superioribus domus suæ fecit sibi Judith cubiculum secretum, in quo cum puellis suis clausa morabatur. Et habens super lumbos suos cilicium, jejunabat quotidie, præter sabbata et neomenias et festa domus Israel.

Qui estis vos, qui tentatis Dominum? Non est iste sermo qui misericordiam provocet, sed qui iram excitet. Posuistis vos tempus miserationis Domini.

Non enim quasi homo, sic Deus comminabitur, neque sicut filius hominis ad iracundiam inflammabitur.

Humiliemus illi animas nostras, et in spiritu contrito et humiliato serviamus illi. Exspectemus humiles consolationem ejus.

Memores esse debent quomodo pater noster Abraham tentatus est, et per multas tribulationes probatus, Dei amicus effectus est. Sic Isaac, sic Jacob, sic Moyses, et omnes qui placuerunt Deo, per multas tribulationes transierunt fideles. Illi autem qui tentationes non susceperunt in

A timore Domini et in patientia sua, exterminati sunt.

Et nos ergo non ulescimus nos pro his quæ patimur; sed reputantes peccatis nostris hæc ipsa supplicia minora esse, flagella Domini, quasi servi qui corripimur, ad emendationem et non ad perditionem nostram evenisse credamus.

CAPITULUM IX. — Deus cœlorum, creator aquarum, et Dominus totius creaturæ, exaudi me miseram deprecantem et de tua misericordia præsumentem.

B CAPITULUM XII. — Quidquid autem illi placuerit, hoc mihi erit optimum omnibus diebus vitæ meæ.

CAPITULUM XIII. — Laudate Dominum Deum nostrum, qui non deseruit sperantes in se, et in me adimplevit misericordiam suam.

CAPITULUM XV. — Benedixerunt Judith, dicentes: Tu gloria Jerusalem, tu lætitia Israel, tu honorificentia populi nostri, quia fecisti viriliter, eo quod castitatem amaveris.

C CAPITULUM XVI. — Adonai Domine, magnus es tu, et præclarus in virtute; tibi serviat omnis creatura. Qui autem timent te, magni erunt apud te.

Dominus omnipotens vindicabit in eis, in die judicii visitabit illos. Dabit enim ignem, et vermes in carnem eorum, ut urantur et sentiant usque in sempiternum.

LIBER ESTHER

HABET CAPITULA SEDECIM. ET AGITUR IN EO DE CRUELITATE AMAN
ET EJUS SUSPENSIONE PROCURATA PER PROVIDENTIAM ET HUMILITATEM ESTHER ;
ET DE EXALTATIONE MARDOCHEI ET LIBERATIONE JUDÆORUM.

CAPITULUM II. — Erat Esther formosa A tinetur. Ne despicias partem tuam, et ne valde et incredibili pulchritudine, omnium oculis gratiosa et amabilis videbatur. Et adamavit eam rex plus quam omnes mulieres.

CAPITULUM XIII. — Domine Deus, rex omnipotens, in ditione tua cuncta sunt posita, et non est qui possit resistere tuæ voluntati. Si decreveris salvare nos, continuo liberabimur. Tu enim fecisti cælum et terram, et quidquid cœli ambitu con-

CAPITULUM XIV. — Oravit Esther : Domine mi rex, adjuva me solitariam, cujus præter te nullus alius auxiliator est. Tu scis quod abominer signum superbiæ et gloriæ meæ quod est super caput meum, quasi pannum menstruatae, et non portem illud in diebus silentii mei.

CAPITULUM XV. — Valde mirabilis es, domine, et facies tua plena est gratiarum.

LIBER JOB

CONTINET CAPITULA QUADRAGINTA DUO. ET AGITUR IN EO DE BEATI JOB
PATIENTIA ET PERFECTIONE, AC DISPUTATIONE QUAM HABUIT CUM AMICIS ; DE PROVIDENTIA
DIVINA, CORPORISQUE RESURRECTIONE.

CAPITULUM I. — Erat Job vir simplex B Antequam comedam suspiro ; et quasi et rectus ac timens Deum, et recedens a inundantis aquæ, sic rugitus meus.

Nudus egressus sum de utero matris meæ, nudus revertar illuc.

Dominus dedit, Dominus abstulit : sicut Domino placuit, ita factum est. Sit nomen Domini benedictum.

CAPITULUM II. — Pellem pro pelle, et cuncta quæ habet homo dabit pro anima sua.

Si bona suscepimus de manu Domini, mala cur non sustineamus ?

In omnibus his non peccavit Job la- C biis suis.

CAPITULUM III. — Maledixit Job diei suo, et locutus est : Pereat dies in qua natus sum, et nox in qua dictum est : Conceptus est homo.

CAPITULUM IV. — Conceptum sermonem tenere quis poterit ?

Venit super te plaga, et defecisti ; tetigit te, et conturbatus es. Ubi est timor tuus, fortitudo tua, patientia tua, et perfectio viarum tuarum ?

Recordare, obsecro te, quis unquam innocens periit ? Quin potius vidi eos qui operantur iniquitatem Domino flante perisse.

Numquid homo, Dei comparatione, justificabitur ?

Ecce qui serviunt ei non sunt stabiles, et in angelis suis reperit pravitatem : quanto magis hi qui habitant domos luteas, consumentur velut a tineas ?

CAPITULUM V. — Ad aliquem Sanctorum A
convertere.

Virum stultum interfecit iracundia, et
parvulum occidit invidia.

Nihil in terra sine causa fit.

Homo ad laborem nascitur, et avis ad
volatum.

Ad Deum meum ponam eloquium me-
um, qui facit magna et inscrutabilia et
mirabilia absque numero.

Qui ponit humiles in sublime, et mœ-
rentes erigit sospitate. Qui apprehendit sa-
pientes in astutia eorum, et consilium B
pravorum dissipat.

Beatus homo qui corripitur a Domino.
Increpationem ergo Domini ne reprobes :
quia ipse vulnerat, et medetur ; percutit,
et manus ejus sanabunt.

In sex tribulationibus liberabit te, et in
septima non videbis malum.

CAPITULUM VI. — Animæ esurienti etiam
amara dulcia esse videntur.

Sagittæ Domini in me sunt, quarum in-
dignatio ebibit spiritum meum, et terrores
Domini militant contra me.

Quis mihi det ut veniat petitio mea, et
quod exspecto tribuat mihi Deus ?

Ecce non est auxilium mihi in me.

Qui tollit ab amico misericordiam, ti-
morem Domini derelinquit.

Respondete, obsecro, absque contentio-
ne, etc. Nec personabit in faucibus meis
stultitia.

CAPITULUM VII. — Militia est vita homi-
nis super terram ; et sicut dies mercenarii
dies ejus.

Dies mei velocius transierunt quam a D
texente tela, etc. Memento mei, Domine,
quia ventus est vita mea, etc.

Sicut consumitur nubes et pertransit,
sic qui descendit ad inferos, non ascendet.

Loquar in tribulatione spiritus mei, con-
fabulabor cum amaritudine animæ meæ.

Elegit suspendium anima mea, et mor-
tem ossa mea.

Parce mihi, Domine, nihil enim sunt
dies mei. Quid est homo, quia magnificas
eum ? etc.

CAPITULUM VIII. — Numquid Deus sup-
plantat judicium, et Omnipotens subvertit
quod justum est ?

Tu si diluculo consurrexeris ad Deum,
et Omnipotentem fueris deprecatus, si
mundus et rectus incesseris, statim evigi-
labit ad te.

Hesterni quippe sumus, et ignoramus
quoniam sicut umbra dies nostri sunt su-
per terram.

Spes hypocritæ peribit.

Deus non projiciet simplicem, nec por-
riget manum malignis.

CAPITULUM IX. — Non justificabitur homo
compositus Deo ; et si voluerit cum eo con-
tendere, non poterit respondere unum pro
mille. Sapiens corde est, et fortis robore.

Quis restitit ei et habuit pacem ? Qui
transtulit montes, et nescierunt hi quos
subvertit. Qui commovet terram de loco
suo, et columnæ ejus concutientur. Qui
præcipit soli, et non oritur, et stellas clau-
dit quasi sub signaculo. Qui extendit cœ-
los solus, et graditur super fluctus maris.

C Si venerit ad me, non videbo eum ; et
si recesserit a me, non intelligam.

Deus, cujus iræ resistere nemo potest,
sub quo curvantur qui portant orbem.

Quantus ergo sum ego, ut respondeam
ei, et loquar verbis meis cum eo ? Etiam-
si habuero quidpiam justum, non respon-
debo ei, sed ut meum judicem depreca-
bor. Si justificare me voluero, os meum
condemnabit me. Etiam si simplex fuero,
hoc ipsum ignorabit anima mea.

Terra data est in manus impii.

Dies mei velociores fuerunt cursore ;
pertransierunt quasi naves poma portan-
tes.

Verebar omnia opera mea, sciens quod
non parceres delinquenti.

Auferat a me virgam suam, et pavor
ejus non me terreat. Neque enim possum
metuens respondere.

CAPITULUM X. — Tædet animam meam
vitæ meæ ; dimittam adversum me, etc.

Manus tuæ fecerunt me, et plasmave-
runt me totum, etc.

Scio, Domine, quia universorum memineris.

Si justus fuero, non levabo caput.

Quare de vulva eduxisti me? Qui utinam consumptus essem, etc.

Dimitte ergo me, ut plangam paululum dolorem meum, etc.

CAPITULUM XI. — Numquid qui multa loquitur non audiet? aut vir verbosus iustificabitur?

Utinam Deus ostenderet tibi secreta sapientiæ suæ, et quod multiplex esset lex ejus, ut intelligeres quod multo minora B
exigaris ab eo, quam meretur iniquitas tua. Forsitan vestigia Dei comprehendes, et usque ad perfectum Omnipotentem peries.

Excelsior cœlo est, et quid facies? Profundior inferno, et unde cognosces? Longior terra mensura ejus, et latior mari.

Si subverterit omnia, vel in unum coarctaverit, quis contradicet ei?

Ipse (scilicet Deus) novit hominum vanitatem, et videns iniquitatem, nonne considerat?

Vir vanus in superbiam erigitur, et tanquam pullum onagri se liberum natum putat.

Oculi impiorum deficient, et effugium peribit ab eis, et spes illorum abominatio erit.

CAPITULUM XII. — Qui deridetur ab amico suo, invocabit Deum, et exaudiet eum.

Deridetur justus simplicitas.

Quis ignorat quod omnia hæc manus Domini fecerit? In cujus manu anima omnis viventis, et spiritus universæ carnis hominis.

Nonne auris verba dijudicat? et fauces comedentis, saporem? In antiquis est sapientia, et in multo tempore prudentia.

Si continuerit aquas, omnia siccabuntur; si emiserit eas, subvertent terram.

Ipse novit decipientem, et eum qui decipitur.

Qui (scilicet Deus) revelat profunda de tenebris, et producit in lucem. Qui immutat cor principum terræ.

CAPITULUM XIII. — Ad Omnipotentem loquar, et cum Deo disputare cupio. Utinam taceretis, ut putaremini esse sapientes.

Audite correptiones meas, et iudicium labiorum meorum attendite.

Numquid Deus indiget vestro mendacio, ut pro illo loquamini dolos?

Numquid Deus decipietur vestris fraudulentis? Ipse arguet vos, et statim turbabit vos.

Etiamsi occiderit me, in ipso sperabo.

Vias meas in conspectu ejus arguam; et ipse erit salvator meus.

Non veniet in conspectu ejus omnis hypocrita.

Quantas habeo iniquitates et peccata; scelera, etc.

CAPITULUM XIV. — Homo natus de muliere, brevi vivens tempore, etc. Numerus mensium ejus apud te est. Constituisti terminos ejus, qui præteriri non poterunt.

Quis mihi tribuat ut in inferno protegas me, etc.?

Cunctis diebus quibus nunc milito, exspecto donec veniat immutatio mea.

Tu quidem gressus meos dinumerasti, etc.

Signasti quasi in sacco delicta mea.

Lapides excavant aquæ, et alluvione paulatim terra consumitur.

CAPITULUM XV. — Numquid sapiens respondebit quasi in ventum loquens, et implebit ardore stomachum suum?

Loqueris quod tibi non expedit.

Quantum in te est, evacuasti timorem.

Os tuum condemnabit te, et non ego, et labia tua respondebunt tibi.

Numquid grande est ut consoletur te Deus? Sed verba tua prava hoc prohibent.

Quid te elevat cor tuum, et quasi magna cogitans, attonitos habes oculos? Quid tumet contra Deum spiritus tuus? Quid est homo ut immaculatus sit, et justus appareat natus de muliere?

Ecce inter sanctos ejus nemo immutabilis, et cœli non sunt mundi in conspectu ejus. Quanto magis abominabilis et

inutilis homo, qui bibit quasi aquam iniquitatem?

Cunctis diebus suis impius superbit.

Sonitus terroris semper in auribus impii; et quum pax sit, ille semper insidias suspicatur.

Angustia vallabit impium, sicut regem qui paratur ad prælium.

Tetendit contra Deum manum suam.

Non credet frustra quod aliquo pretio redimendus sit. Antequam dies ejus impleantur, peribit.

CAPITULUM XVI. — Consolatores onerosi omnes vos estis.

Hostis meus terribilibus oculis me intuitus est, etc. (Ista de Christi passione optime accipi possunt, quia et Job figura exstitit Christi.)

Ego ille quondam opulentus repente contritus sum.

Ecce in cœlo est testis meus, et conscius meus in excelsis.

Semitam per quam non revertar ambulabo.

CAPITULUM XVII. — Spiritus meus attenuabitur, dies mei breviabuntur, etc. Cor eorum longe fecisti a disciplina: propterea non exaltabuntur.

Tenebit justus viam suam, et mundis manibus addet fortitudinem.

In profundissimum inferni descendent omnia mea.

CAPITULUM XVIII. — Intellige prius, et sic loquamur.

Quid perdis animam tuam in furore tuo?

Lux impii exstinguetur, et præcipitabitur eum consilium suum.

CAPITULUM XIX. — Iratus est contra me furor Domini, et sic me habuit quasi hostem. Quem maxime diligebam, aversatus est me.

Pelli meæ, consumptis carnibus, adhæsit os meum.

Scio enim quod Redemptor meus vivit.

CAPITULUM XX. — Cogitationes meæ variæ succedunt sibi, et mens in diversa rapitur.

Doctrinam qua me arguis audiam.

Laus impiorum brevis est, et gaudium hypocritæ ad instar puncti.

Si ascenderit usque ad cœlum superbia ejus, et caput ejus nubes tetigerit, quasi sterquilinium in fine perdetur.

Velut somnium avolans non invenietur, transiet quasi visio nocturna.

Luet quæ fecit omnia, nec tamen consumetur; juxta multitudinem adinventio-
num suarum, sic et sustinebit. (Nota. Hæc sunt verba Sophar Naamathitæ, in quibus vitam fatetur post hanc vitam.)

Revelabunt cœli iniquitatem ejus, et terra adversus eum consurget, etc.

Hæc est pars hominis impii a Deo.

CAPITULUM XXI. — Audite, quæso, sermones meos, et agite pœnitentiam. Numquid contra hominem disputatio mea est, ut merito non debeam contristari?

Quare ergo impii vivunt, sublevati sunt confortatique divitiis? Semen eorum permanet coram eis, et non est super illos virga Dei. Ducunt in bonis dies suos, et in puncto ad inferna descendunt. Qui dixerunt Deo: Recede a nobis, scientiam viarum tuarum nolumus. Quorum consilium longe sit a me.

In diem perditionis servatur malus, et ad diem furoris ducetur, et de furore Omnipotentis bibet.

CAPITULUM XXII. — Numquid Deo comparari potest homo, etiam quum perfectæ fuerit scientiæ?

Quid prodest Deo, si justus fueris? aut quid ei confers, si immaculata fuerit vita tua?

Propter malitiam tuam circumdatus es laqueis, conturbat te formido subita.

An cogitas quod Deus excelsior cœlo sit? Nec nostra considerat, et circa cardines cœli perambulat.

Semitam sæculorum calcaverunt viri iniqui, qui ante tempus suum sublati sunt.

Videbunt justi et lætabuntur, et innocens subsannabit eos.

Acquiesce Deo, et habeto pacem, et per hoc habebis fructus optimos.

Erit Omnipotens contra hostes tuos. A Tunc super Omnipotentem deliciis afflues, et elevabis ad Deum faciem tuam.

Qui humiliatus fuerit, erit in gloria. Et salvabitur innocens : salvabitur autem munditia manuum suarum.

CAPITULUM XXIII. — Quis mihi tribuat ut agnoscam et videam illum, et veniam usque ad solium ejus ?

Nolo multa fortitudine contendat mecum, et magnitudinis suæ mole me premat.

Si ad orientem iero, non apparet ; et B si ad occidentem, non intelligam eum.

Deus scit viam meam, et probavit me quasi aurum quod per ignem transit.

Vestigia ejus secutus est pes meus.

Deus solus est, et cogitationem ejus nemo avertere potest, et anima ejus quodcumque voluit fecit.

Idecirco a facie ejus turbatus sum, et considerans eum, timore sollicitor.

Deus mollivit cor meum, et Omnipotens conturbavit me.

CAPITULUM XXIV. — Ab Omnipotente non C sunt abscondita tempora.

Deus inultum abire non patitur.

Ipsi fuerunt rebelles lumini, nescierunt vias ejus (scilicet Dei).

Ad nimium calorem transeat ab aquis nivium.

Obliviscatur ejus misericordia, et dulcedo illius vermis. Dedit illi Deus locum pœnitentiæ, et ille abutitur eo in superbiam.

CAPITULUM XXV. — Potestas et terror apud ipsum est, qui facit concordiam in D sublimibus suis.

Numquid est numerus militum ejus ? et super quem non surgit lumen ipsius ?

Ecce etiam luna non splendet, et stellæ non sunt mundæ in conspectu ejus : quanto magis homo putredo, et filius hominis vermis ?

CAPITULUM XXVI. — Qui extendit aquilonem super vacuum, et appendit terram super nihili. Qui ligat aquas in nubibus suis, ut non erumpant pariter deorsum.

Terminum circumdedit aquis, usque dum finiantur lux et tenebræ. Columnæ cœli contremiscunt et pavent ad nutum ipsius. In fortitudine illius repente maria congregata sunt, et prudentia ejus percussit superbum. Spiritus ejus ornavit cœlos, et obstetricante manu ejus, eductus est coluber tortuosus.

Ecce hæc ex parte dicta sunt viarum ejus. Et quum vix parvam stillam sermonum ejus audierimus, quis poterit tonitruum magnitudinis ejus intueri ?

CAPITULUM XXVII. — Donec deficiam, non recedam ab innocentia mea. Justificationem meam quam cœpi tenere, non deseram : neque enim reprehendit me cor meum in omni vita mea.

Numquid Deus audiet vocem hypocritæ, quum venerit super eum angustia ? aut poterit in Omnipotente delectari ?

Quid sine causa, vana loquimini ?

Dives quum dormierit, nihil secum auferet ; apprehendet eum quasi aqua inopia.

CAPITULUM XXVIII. — Sapientia vero ubi invenitur ? et quis est locus intelligentiæ ?

Nescit homo pretium ejus, nec invenitur in terra suaviter viventium. Non dabitur aurum obryzum pro ea. Non confertur tinctis Indiæ coloribus, nec lapidi sardonycho pretiosissimo vel sapphiro.

Trahitur autem sapientia de occultis.

Lapis solutus calore in æs vertitur.

Perditio et mors dixerunt : Auribus nostris audivimus famam ejus.

Ecce timor Domini ipsa est sapientia, et recedere a malo intelligentia.

Tempus posuit tenebris, et universorum finem ipse considerat, et omnia quæ sub cœlo sunt respicit.

CAPITULUM XXIX. — Quis mihi det ut sim juxta dies pristinos, quibus Deus custodiebat me ? quando splendebat lucerna ejus super caput meum, et ad lumen ejus ambulabam.

Oculus fui cæco, et pes claudō. Pater eram pauperum, et causam quam ignorabam, diligentissime investigabam. Si ridebam ad eos, non credebant.

Quum sederem quasi rex, circumstante A exercitu, eram tamen merentium consolator.

CAPITULUM XXX. — Nunc autem in me- metipso marcescit anima mea, etc.

Clamo ad te, et non exaudis me; sto, et non respicis me. Mutatus es mihi in crudelem, et in duritia manus tuæ adversaris mihi.

Seio quia morti trades me, ubi constituta est domus omni viventi.

Flebam quondam super eo qui afflictus erat, et compatiabatur anima mea pauperi. B

Exspectabam bona, et venerunt mihi mala; præstolabar lucem, et eruperunt tenebræ.

CAPITULUM XXXI. — Pepigi fœdus cum oculis meis, ne cogitarem quidem de virgine.

Nonne Deus considerat vias meas, et cunctos gressus meos dinumerat?

Si contempsi subire iudicium cum servo meo et ancilla mea, etc.

Quid faciam, quum surrexerit ad iudicandum Deus? et quum quæsierit, quid C respondebo illi? Numquid non in utero fecit me, qui et illum (scilicet pauperem vel servum) operatus est?

Ab infantia mea crevit mecum miserratio.

Semper enim quasi tumentes fluctus super me, timui Deum, et pondus ejus ferre non potui.

Si putavi aurum robur meum, et obryzo dixi: Fiducia mea. Si lætatus sum super divitiis meis multis. Si gavisus sum ad ruinam ejus qui me oderat, et exultavi quod invenisset eum malum. Si abscondi quasi homo peccatum meum, et celavi in sinu meo iniquitatem meam.

Quis mihi tribuat ut desiderium meum audiat Omnipotens?

CAPITULUM XXXII. — Junior sum tempore, idcirco demisso capite veritus sum indicare vobis scientiam meam.

Sed, ut video, spiritus est in homine, et inspiratio Omnipotentis dat intelligentiam.

Plenus sum sermonibus, et coaretat me spiritus uteri mei.

Non accipiam personam viri, et Deum homini non æquabo.

Nescio quamdiu subsistam, et si post modicum tollat me factor meus.

CAPITULUM XXXIII. — Simplici corde meo sermones mei, et sententiam puram labia mea loquentur.

Spiritus Dei fecit me, et spiraculum Omnipotentis vivificavit me. Ecce me sicut et te fecit Deus, et de eodem luto formatus sum.

Semel loquitur Deus, et secundo id ipsum non repetit.

Per somnium, in visione nocturna, aperit aures virorum.

Peccavi et vere deliqui, et ut eram dignus non recepi.

CAPITULUM XXXIV. — Audite, sapientes, verba mea; et viri eruditi, auscultate me.

Judicium eligamus, et inter nos videamus quid sit melius. Ideo, viri cordati, audite me.

Absit a Deo impietas, et ab Omnipotente iniquitas. Opus enim hominis reddet ei, et juxta vias singulorum restituet eis.

Quem enim constituit alium super terram? aut quem posuit super orbem quem fabricatus est?

Si direxerit homo ad Deum cor suum, spiritum illius et flatum ad se trahet.

Numquid qui non amat iudicium, sanari potest?

Deo concedente pacem, quis est qui condemnet?

Qui regnare facit hominem hypocritam propter peccata populi.

Pater mi, ne desinas ab homine iniquitatis, qui addit super peccata sua blasphemiam.

CAPITULUM XXXV. — Si peccaveris, quid ei nocebis? Porro, si juste egeris, quid donabis ei?

Homini qui similis est tui, nocebit impietas tua, et filium hominis adjuvabit iustitia tua.

Non dixit: Ubi est Deus qui fecit me,

qui dedit carmina in nocte, qui docet nos A
super jumenta terræ, et super volucres
cœli erudit nos?

Omnipotens causas singulorum intue-
bitur.

CAPITULUM XXXVI. — Deus potentes non
abjicit, quum et ipse sit potens.

Simulatores et callidi provocant iram
Dei.

Non te ergo superet ira ut aliquem
opprimas; nec multitudo donorum in-
ebriet te.

Ecce, Deus excelsus in fortitudine sua, B
et nullus ei similis in legislatoribus. Quis
poterit scrutari vias ejus? aut quis ei di-
cere potest, Operatus es inique?

Omnes homines vident Deum; unus-
quisque intuetur procul. Ecce, Deus ma-
gnus vincens scientiam nostram.

CAPITULUM XXXVII. — Numquid seis
quando præceperit Deus pluviis, ut osten-
derent lucem nubium ejus?

Tu forsitan cum eo fabricatus es cœlos,
qui solidissimi quasi ære fusi sunt.

Nos quippe involvimur tenebris.

Ab aquilone aurum venit, et a Deo for-
midolosa laudatio. Digne eum invenire
non possumus.

Magnus fortitudine et judicio et justitia,
et enarrari non potest. Ideo timebunt eum
viri, et non audebunt contemplari omnes
qui sibi videntur esse sapientes.

CAPITULUM XXXVIII. — Quis est iste in-
volvans sententias sermonibus imperitis?
Accinge sicut vir lumbos tuos.

Ubi eras quando ponebam fundamenta
terræ? Indica mihi, si habes intelligen- D
tiam. Quis posuit mensuras ejus? vel quis
tetendit super eam lineam? Super quo
bases ejus solidatæ sunt, quum me lau-
darent simul astra matutina, et jubilarent
omnes filii Dei?

Quis conclusit ostiis mare, quando erum-
pebat quasi de vulva procedens, quum
ponerem nubem vestimentum ejus, et ca-
ligine illud quasi pannis infantiae invol-
verem? Circumdædi illud terminis, et po-
sui vectes et ostia, et dixi: Hucusque

venies, et non procedes amplius, et hic
confringes tumentes fluctus tuos.

Numquid conjungere valebis micantes
stellas Pleiades, aut gyrum Arcturi poteris
dissipare?

Numquid nosti ordinem cœli, aut pones
rationem ejus in terra?

Quis posuit in visceribus hominis sa-
pientiam? aut quis dedit gallo intelligen-
tiam?

Quis enarrabit cœlorum rationem, et
concentum cœli dormire quis faciet?

Quis præparat corvo escam, quando pul-
li ejus clamant ad Deum, vagientes eo
quod non habeant cibos?

CAPITULUM XXXIX. — Dixit Dominus ad
Job: Numquid qui contendit cum Deo,
tam facile conquiescit? Utique, qui arguit
Deum, debet et respondere ei.

CAPITULUM XL. — Fortitudo ejus in lum-
bis ejus, et virtus illius in umbilico ven-
tris ejus.

Ipse est principium viarum Dei; qui
fecit eum applicabit gladium ejus.

C Sub umbra dormit, in secreto calami,
in locis humentibus.

Ecce absorbebit fluvium, et non mira-
bitur, et habet fiduciam quod influat Jor-
danis in os ejus.

CAPITULUM XLI. — Quis resistere potest
vultui meo? Omnia quæ sub cœlo sunt,
mea sunt.

Non parcam ei verbis potentibus, et ad
deprecandum compositis.

Cor ejus quasi lapis indurabitur.

Quum sublatus fuerit, timebunt angeli,
D et territi purgabuntur.

Non est super terram potestas quæ com-
paretur ei, qui factus est ut nullum time-
ret. Omne sublime videt.

Ipse est rex super universos filios su-
perbiæ.

CAPITULUM XLII. — Scio, Domine, quia
omnia potes, et nulla te cogitatio latet.
Ideo insipienter locutus sum, et quæ ultra
modum excederent scientiam meam.

Auditu auris audiavi te, nunc autem ocu-
lus meus videt te. Idcirco ipse me repre-

hendo, et ago poenitentiam in favilla et cinere. Alieres speciosæ sicut filiæ Job in universa terra.

Addidit Dominus omnia quæ fuerunt Job, duplicia.

Vocavit Job nomen unius filiæ, Diem, et nomen secundæ, Cassiam, et nomen tertiæ, Cornustibii. Non sunt inventæ mu-

Vixit autem Job post hæc centum quadraginta annis, et vidit filios, et filios filiorum suorum, usque ad quartam generationem, et mortuus est senex et plenus dierum.

LIBER PROVERBIORUM

CONTINET CAPITULA TRIGINTA UNUM. ET AGITUR IN EO DE INSTRUCTIONE ET DISCIPLINA INCIPIENTIUM SERVIRE DEO; ET DE CORRECTIONE MORUM, INFORMATIONEQUE VIRTUTUM.

CAPITULUM I. — Audiens sapiens, sapientior erit; et intelligens gubernacula possidebit.

Timor Domini principium sapientiæ.

Sapientiam atque doctrinam stulti despiciunt.

Audi, fili mi, disciplinam patris tui, et ne dimittas legem matris tuæ, ut addatur gratia capiti tuo.

Fili mi, si te lactaverint peccatores, ne acquiescas eis.

Frustra jacitur rete ante oculos pennatorum.

Sapientia foris prædicat; in plateis dat vocem suam

Usquequo, parvuli, diligitis infantiam, et stulti ea quæ sibi nociva sunt cupient? et imprudentes odibunt scientiam?

Convertimini ad correptionem meam. En proferam vobis spiritum meum.

Quia vocavi, et renuistis; despexistis omne consilium meum, et increpationes meas neglexistis: ego quoque in interitu vestro ridebo, et subsannabo quum vobis quod timebatis advenerit.

Quum irruerit repentina calamitas, tunc invocabunt me, et non exaudiam, mane consurgent, et non invenient me, eo quod exosam habuerint disciplinam, et timorem Domini non susceperint, et detraxerint correptioni meæ.

Aversio parvulorum interficiet eos, et

prosperitas stultorum perdet eos. Qui autem me audierit, absque terrore quiescet.

CAPITULUM II. — Si sapientiam invoveris, et quæsieris eam quasi pecuniam: tunc intelliges timorem Domini, et scientiam Dei invenies.

Dominus dat sapientiam, et ex ore ejus prudentia et scientia.

Sapientia proteget gradientes simpliciter.

Si intraverit sapientia cor tuum, consilium custodiet te. Qui relinquunt iter rectum, et ambulant per vias tenebrosas; lætantur quum malefecerint, et exsultant in rebus pessimis.

Qui enim recti sunt, habitabunt in terra, et simplices permanebunt in ea.

CAPITULUM III. — Misericordia et veritas non te deserant, et invenies gratiam coram Deo et hominibus.

Habe fiduciam in Domino ex toto corde tuo, et ne innitaris prudentiæ tuæ.

In omnibus viis tuis cogita illum, et ipse diriget gressus tuos.

D Ne sis sapiens apud temetipsum.

Honora Dominum de tua substantia, et de primitiis frugum tuarum.

Disciplinam Domini, fili mi, ne abjicias, et ne deficias quum ab eo corripieris: quem enim diligit Dominus corripit, et quasi pater in filio complacet sibi.

Beatus homo qui invenit sapientiam, et

qui affluit prudentia. Melior est acquisitio A
ejus, negotiatione auri et argenti.

Primi et purissimi fructus ejus (scilicet
sapientiæ).

Pretiosior est cunctis opibus sapien-
tia, et omnia quæ desiderantur, huic non
valent comparari.

Longitudo dierum in dextera ejus, et in
sinistra ejus divitiæ et gloria.

Viæ ejus viæ pulchræ, et omnes semi-
tæ ejus pacificæ.

Lignum vitæ est his qui apprehenderint
eam; et qui tenuerit eam, beatus.

Dominus sapientia fundavit terram, sta-
bilivit cœlos prudentia. Sapientia illius
eruperunt abyssi.

Ne paveas repentino terrore.

Noli prohibere benefacere eum qui po-
test; si vales, et ipse benefac.

Non dicas amico tuo, Vade et revertere,
eras dabo tibi, quum statim dare possis.

Ne moliaris amico tuo malum, quum
ille in te habeat fiduciam.

Ne æmuleris hominem injustum, nec
imiteris vias ejus. Abominatio est Domino C
omnis illusor, et cum simplicibus sermo-
cinatio ejus.

Illusores ipse deludet, et mansuetis da-
bit gratiam.

Gloriam sapientes possidebunt.

CAPITULUM IV. — Posside sapientiam,
posside prudentiam, et custodiet te. Arripe
sapientiam, et exaltabit te; glorificaberis
quum eam fueris amplexatus. Dabit capiti
tuo augmenta gratiarum, et corona inely-
ta proteget te.

Viam sapientiæ monstrabo tibi, et cur- D
rens non habebis offendiculum.

Tene disciplinam, quia illa est vita tua.

Non delecteris in semitis impiorum.

Justorum semita quasi lux splendens
procedit, et crescit usque ad perfectam
diem.

Via impiorum tenebrosa; nesciunt ubi
corruunt.

Omni custodia custodi cor tuum, quia
ex ipso vita procedit.

Detrahentia labia procul sint a te.

Palpebræ tuæ præcedant gressus tuos;
et ne declines ad dexteram, neque ad si-
nistram.

CAPITULUM V. — Favus distillans labia
meretricis; novissima autem illius amara
quasi absinthium.

Ne des alienis honorem tuum, et annos
tuos crudeli.

Respicit Dominus viam hominis, et om-
nes gressus illius considerat.

Iniquitates suæ capiunt impium, et fu-
nibus peccatorum suorum constringitur.

B CAPITULUM VI. — Fili mi, si spo-
ponderis pro amico tuo, etc., illaqueatus es
verbis oris tui. Fac ergo quod dico, fili
mi, et te ipsum libera.

Vade ad formicam, o piger, et considera
vias ejus, et disce sapientiam: quæ quum
non habeat ducem, parat in æstate cibum
sibi, et congregat in messe quod comedat.

Usquequo, piger, dormies? quando con-
surges ex somno tuo?

Detestatur anima mea eum qui seminat
inter fratres discordias.

C Mandatum lucerna est, et lex lux, et via
vitæ increpatio disciplinæ.

CAPITULUM VII. — Fili, honora Deum et
valebis; præter eum vero ne timueris
alienum.

Serva mandata et legem quasi pupillam
oculi tui. Liga eam in digitis tuis, et in
tabulis cordis tui scribe eam. Die sapi-
entiæ, Soror mea es; et prudentiam voca
amicam.

CAPITULUM VIII. — Audite me, quoniam
de rebus magnis locuturus sum, et ape-
rientur labia mea ut recta prædicent.

Veritatem meditabitur guttur meum, et
labia mea detestabuntur impium. Justi
sunt omnes sermones mei.

Ego sapientia habito in consilio, et eru-
ditis intersum cogitationibus.

Timor Domini odit malum.

Arrogantiam et superbiam, et viam pra-
vam, et os bilingue detestor.

Per me reges regnant, et legum condi-
tores justa decernunt. Per me principes
imperant, et potentes decernunt justitiam.

Ego diligentes me diligo; et qui mane A vigilaverint ad me, invenient me.

Dominus possedit me initio viarum suarum, antequam quidquam faceret a principio. Ab æterno ordinata sum, etc. Et deliciae meae esse cum filiis hominum. Qui autem oderunt me, diligunt mortem. (Nota. Hæc dicit Salomon de æterna generatione æternæ et increatæ Sapientiæ, quæ est Filius Dei: in quo innuitur pluralitas Personarum in simplici Divinitatis natura.)

CAPITULUM IX. — Sapientia ædificavit sibi domum, etc.

Si quis est parvulus, veniat ad me.

Venite, comedite panem meum, et bibite vinum quod miscui vobis.

Qui erudit derisorem, ipse sibi injuriam facit.

Noli arguere derisorem, ne oderit te.

Argue sapientem, et diliget te.

Da sapienti occasionem, et addetur ei sapientia.

Doce justum, et festinabit accipere.

Principium sapientiæ, timor Domini, et scientia Sanctorum, prudentia.

Aquæ furtivæ dulciores sunt, et panis absconditus suavior.

CAPITULUM X. — Filius sapiens lætificat patrem, filius vero stultus mœstitia est matris suæ.

Non affliget Dominus fame animam justi, et insidias impiorum subvertet.

Nihil proderunt thesauri impietatis; justitia vero liberabit a morte.

Manus fortium divitias parat.

Qui congregat in messe, filius sapiens est.

Benedictio Domini super caput justi.

Memoria justi cum laudibus.

Qui ambulat simpliciter, ambulat confidenter; qui autem annuit oculo, dabit dolorem.

Vena vitæ, os justi.

Odium suscitatur rixas, et universa delicta operit caritas.

Sapientes abscondunt sapientiam; qui autem increpationem relinquit, errat.

In multiloquio non deerit peccatum;

qui autem moderatur labia sua, prudentissimus est.

Labia justi erudiunt plurimos; qui autem indocti sunt, in cordis egestate moriuntur.

Desiderium suum justis dabitur.

Quasi tempestas transiens non erit impius; justus autem quasi fundamentum æternum.

CAPITULUM XI. — Ubi fuerit superbia, ibi erit et contumelia; ubi autem humilitas, ibi et sapientia.

B Simplicitas justorum dirigit eos, et supplantatio perversorum vastabit illos.

Justitia simplicis dirigit viam ejus.

In insidiis suis capiuntur iniqui.

Mortuo homine impio, nulla erit ultra spes, et expectatio sollicitorum peribit.

Justus de angustia liberatus est.

Justi liberabuntur scientia.

Qui despicit amicum suum, indigens corde est; vir autem prudens tacebit.

Qui ambulat fraudulentem, revelat arcana; qui autem fidelis est, celat amici commissum.

Ubi non est gubernator, populus corruet; salus autem, ubi multa consilia.

Benefacit animæ suæ vir misericors; qui autem crudelis est, etiam propinquos abjicit.

Impius facit opus instabile.

Abominabile Domino cor pravum, et voluntas ejus in his qui simpliciter ambulant.

Qui abscondit frumenta, maledicetur in populis; benedictio autem super caput D vendentium.

Qui investigator malorum est, opprimetur ab eis.

Justi quasi virens folium germinabunt.

Fructus justi, lignum vitæ.

Qui suscipit animas, sapiens est.

Si justus in terra recipit, quanto magis impius et peccator?

CAPITULUM XII. — Qui diligit disciplinam, diligit scientiam; qui autem odit increpationes, insipiens est.

Non roborabitur homo ex impietate.

Verte impios, et non erunt.
 Doctrina sua noscitur vir ; qui autem
 vanus et excors est, patebit contemptui.
 Novit justus animas jumentorum suo-
 rum ; viscera autem impiorum crudelia.
 Qui sectatur otium, stultissimus est.
 De fructu oris sui unusquisque reple-
 bitur bonis.
 Via stulti recta in oculis ejus ; qui au-
 tem sapiens est, audit consilia.
 Fatuus statim indicat iram suam ; qui
 autem dissimulat injuriam, callidus est.
 Qui pacis ineunt consilia, sequitur eos
 gaudium.
 Non contristabit justum quidquid ei ac-
 ciderit.
 Abominatio Domino labia mendacia ; qui
 autem fideliter agunt, placent ei.
 Homo versutus celat scientiam.
 Mœror in corde viri humiliabit illum,
 et de sermone bono lætificabitur.
 Qui negligit damnum propter amicum,
 justus est ; iter autem impiorum deci-
 piet eos.
 CAPITULUM XIII. — Qui illusor est, non
 audit quum corripitur.
 De fructu oris sui homo saturabitur
 bonis.
 Qui custodit os suum, custodit animam
 suam ; qui autem inconsideratus est ad
 loquendum, sentiet mala.
 Vult et non vult piger, anima autem
 operantium impinguabitur.
 Est quasi dives, quum nil habeat ; et est
 quasi pauper, quum in multis divitiis sit.
 Inter superbos semper sunt jurgia ; qui
 autem agunt omnia cum consilio, reguntur
 sapientia.
 Substantia festinata minuetur ; quæ au-
 tem paulatim colligitur manu, multipli-
 cabitur.
 Spes quæ differtur affligit animam.
 Lignum vitæ, desiderium veniens.
 Doctrina bona dabit gratiam.
 Astutus omnia agit cum consilio.
 Egestas et ignominia ei qui deserit di-
 sciplinam ; qui autem acquiescit arguenti,
 glorificabitur.

A Qui cum sapientibus graditur, sapi-
 ens erit.
 Qui parcit virgæ, odit filium suum ; qui
 autem diligit illum, instanter erudit.
 CAPITULUM XIV. — Ambulans recto iti-
 nere, et timens Deum, despicitur ab eo
 qui infami graditur via.
 Stultis illudit peccatum, et inter justos
 morabitur gratia.
 Est via quæ videtur homini justa, et no-
 vissima ejus deducunt ad mortem.
 Risus dolore miscebitur, et extrema gau-
 dii luctus occupat.
 Innocens credit omni verbo ; astutus
 considerat gressus suos.
 Sapiens timet, et declinat a malo ; stul-
 tus transilit, et confidit.
 Impatiens operabitur stultitiam.
 Vir versutus odiosus est.
 Amici divitum multi.
 Qui miseretur pauperis, beatus erit.
 In timore Domini fiducia fortitudinis.
 Timor Domini fons vitæ, ut declinet a
 ruina mortis.
 Qui patiens est, multa gubernatur pru-
 dentia ; qui autem impatiens est, exaltat
 stultitiam suam.
 Vita carnum, sanitas cordis ; putredo
 ossium, invidia.
 Qui calumniatur egentem, exprobrat fa-
 ctori suo.
 Justitia elevat gentem ; miseros facit
 populos peccatum.
 CAPITULUM XV. — Responsio mollis fran-
 git iram ; sermo durus suscitatur furorem.
 Os fatuorum ebullit stultitiam.
 In omni loco, oculi Domini contemplan-
 tur bonos et malos.
 Lingua placabilis, lignum vitæ ; quæ
 autem immoderata est, conteret spiritum.
 Victimæ impiorum abominabiles Domi-
 no ; vota justorum placabilia.
 Abominatio est Domino vita impii ; qui
 sequitur justitiam, diligetur ab eo.
 Qui odit increpationes morietur.
 Infernus et perditio coram Domino :
 quanto magis corda filiorum hominum ?
 Non amat pestilens eum qui se corripit.

Cor gaudens exhilarat faciem; in mœro- A
re animi dejicitur spiritus.

Secura mens, quasi juge convivium.

Melius est parum cum timore Domini,
quam thesauri magni et insatiabiles.

Vir iracundus provocat rixas; qui pa-
tiens est, mitigat suscitatas.

Iter pigrorum, quasi sepes spinarum; via
justorum absque offendiculo.

Filius sapiens lætificat patrem.

Stultitia, gaudium stulto.

Lætatur homo in sententia oris sui, et
sermo opportunus est optimus.

Per misericordiam et fidem purgantur
peccata; per timorem autem Domini de-
clinat omnis a malo.

Mens justi meditatur obedientiam.

Longe est Dominus ab impiis, et oratio-
nes justorum exaudiet.

Qui abjicit disciplinam, despicit animam
suam; qui autem acquiescit increpationi-
bus, possessor est cordis.

Gloriam præcedit humilitas.

CAPITULUM XVI. — Hominis est animum
præparare, et Domini gubernare linguam. C

Spirituum ponderator est Dominus.

Universa propter semetipsum operatus
est Dominus; impium quoque ad diem
malum.

Abominatio est Domino omnis arrogans.

Quum placuerint Domino viæ hominis,
inimicos quoque ejus convertet ad pacem.

Cor hominis disponet viam suam, sed
Domini est dirigere gressus ejus.

Qui sperat in Domino beatus est.

Dulcis eloquio majora reperiet.

Favus mellis, composita verba; dulcedo D
animæ, sanitas ossium.

Est via quæ videtur homini recta, et no-
vissima ejus ducunt ad mortem.

Homo perversus suscitatur lites, et ver-
bosus separat principes.

Qui attonitis oculis cogitat prava, mor-
dens labia sua perficit malum.

Melior est patiens viro forti; et qui
dominatur animo suo, expugnatore urbium.

Sortes mittuntur in sinum, sed a Domi-
no temperantur.

CAPITULUM XVII. — Melior est buccella
sicca cum gaudio, quam domus plena vi-
ctimis cum jurgio.

Servus sapiens dominabitur stultis filiis.

Sicut igne probatur argentum, et aurum
camino, ita corda probat Dominus.

Qui despicit pauperem, exprobrat facto-
ri ejus; et qui in ruina lætatur alterius,
non erit impunitus.

Gemma gratissima, exspectatio præsto-
lantis.

Qui celat delictum, quærit amicitias; qui
B altero sermone repetit, separat fœderatos.

Plus proficit correptio apud prudentem,
quam centum plagæ apud stultum.

Expediit magis ursæ occurrere raptis
fetibus, quam fatuo confidenti in stulti-
tia sua.

Quid prodest stulto habere divitias,
quum sapientiam emere non possit?

Qui evitat discere, incidet mala.

Frater in angustiis comprobatur.

Animus gaudens ætatem floridam facit;
spiritus tristis exsiccat ossa.

In facie prudentis lucet sapientia; oculi
autem stultorum in finibus terræ.

Qui moderatur sermones suos, doctus et
prudens est, et pretiosi spiritus vir eru-
ditus.

Stultus, si tacuerit, sapiens reputabitur.

CAPITULUM XVIII. — Occasiones quærit,
qui vult recedere ab amico; omni tempo-
re erit execrabilis.

Non recipit stultus verba prudentiæ, ni-
si ea dixeris quæ versantur in corde ejus.

Impius quum in profundum venerit
D peccatorum, contemnit.

Torrents inundans, fons sapientiæ.

Verba bilinguis, quasi simplicia, et ipsa
perveniant usque ad interiora ventris.

Pigrum dejicit timor.

Qui mollis et dissolutus est in opere
suo, frater est sua opera dissipantis.

Turris fortissima, nomen Domini; ad
ipsum currit justus, et exaltabitur.

Qui prius respondet quam audiat, stul-
tum se esse demonstrat et confusione
dignum.

Spiritum ad irascendum facilem quis A poterit sustinere?

Justus prior accusator est sui.

Frater qui adjuvatur a fratre, quasi civitas firma.

Vir amicus ad societatem, magis amicus erit quam frater.

CAPITULUM XIX. — Ubi non est scientia animæ, non est bonum; et qui festinus est, pedibus offendet.

Doctrina viri per patientiam noscitur, et gloria ejus est iniqua prætergredi.

Sicut fremitus leonis, ita et ira regis; B et sicut ros super herbam, ita et hilaritas ejus.

Dolor patris, filius stultus.

Pigredo immittit soporem, et anima dissoluta esuriat.

Qui custodit mandatum, custodit animam suam; qui autem negligit viam suam, mortificabitur.

Homo indigens misericors est.

Pestilente flagellato, stultus sapientior erit.

CAPITULUM XX. — Honor est homini qui C separat se a contentione.

Multi homines misericordes vocantur; virum autem fidelem quis inveniet?

Quis potest dicere, Mundum est cor meum, purus sum a peccato?

Noli diligere somnum, ne te egestas opprimat.

Ei qui revelat mysteria ne miscearis.

Ne dicas, Reddam malum pro malo; exspecta Dominum et liberabit te.

Quis hominum potest intelligere viam suam?

Roboratur clementia thronus regis.

CAPITULUM XXI. — Cor regis in manu Domini: quocumque voluerit inclinabit illud.

Omnis via viri recta sibi videtur.

Facere misericordiam et iudicium, magis placet Domino quam victimæ.

Munus absconditum exstinguit iras; et donum in sinu, indignationem maximam.

Qui custodit os suum et linguam suam, custodit ab angustiis animam suam.

Desideria occidunt pigrum.

Non est sapientia, non est prudentia, non est consilium contra Dominum.

Equus paratur ad diem belli; Dominus autem salutem tribuet.

CAPITULUM XXII. — Melius est nomen bonum quam divitiæ multæ.

Proverbium est: Adolescens juxta viam suam, etiam quum senuerit, non recedet ab ea.

Qui pronus est ad misericordiam, benedicetur.

Ejice derisorem, et exibat cum eo iur- B gium, cessabuntque causæ et contumeliæ.

Qui diligit cordis munditiam, habebit amicum regem.

Stultitia colligata est in corde pueri, et virga disciplinæ fugabit eam.

Ecce descripsi eam tripliciter.

Noli amicus esse homini iracundo, ne discas semitas ejus.

Ne transgrediaris terminos antiquos, quos posuerunt patres tui.

Vidisti hominem velocem in opere suo? Coram regibus stabit.

CAPITULUM XXIII. — Quando sederis ut comedas cum principe, diligenter attende quæ posita sunt ante faciem tuam.

Prudentiæ tuæ pone modum.

In auribus insipientium ne loquaris, quia despicient doctrinam eloquii tui.

Noli subtrahere a puero disciplinam.

Tu virga percuties eum, et animam ejus de inferno liberabis.

In timore Domini esto tota die, quia habebis spem in novissimo.

Noli vendere sapientiam et doctrinam D et intelligentiam.

CAPITULUM XXIV. — Vir sapiens fortis est; et vir doctus, robustus et validus.

Erit salus ubi multa consilia.

Erue eos qui ducuntur ad mortem.

Qui inspector est cordis, ipse intelligit; et servatorem animæ tuæ nihil fallit, reddetque homini juxta opera sua.

Septies in die cadit justus et resurget.

Quum ceciderit inimicus tuus, ne gaudeas, et in ruina ejus non exsultet cor tuum.

Cum detractoribus ne commiscearis, quoniam niam repente consurget perditio eorum.

Ne dicas : Quomodo fecit mihi, sic faciam ei.

Per agrum hominis pigri transivi, et per vineam hominis stulti : et ecce totum repleverant urticæ, etc.

Parum, inquam, dormies, etc.

CAPITULUM XXV. — Gloria Dei est celare verbum, et gloria regum investigare sermonem.

In loco magnorum ne steteris.

Melius est ut dicatur tibi, Ascende huc, B quam ut humilieris.

Causam tuam tracta cum amico tuo, et secretum tuum ne reveles extraneo.

Acetum in nitro, qui cantat carmina corde pessimo.

Sicut tinea vestimento, sic tristitia nocet cordi.

Si esurierit inimicus tuus, eiba illum ; si sitierit, da ei aquam bibere, et Dominus reddet tibi.

Ventus Aquilo dissipat pluvias, et facies tristis linguam detrahentem.

Sicut qui mel comedit multum, non est ei bonum ; sic qui perscrutator est majestatis, opprimetur a gloria.

Sicut urbs patens et absque murorum ambitu, ita et vir qui non potest in loquendo cohibere spiritum suum.

CAPITULUM XXVI. — Ne respondeas stulto secundum stultitiam suam, ne efficiaris ei similis.

Responde stulto secundum stultitiam suam, ne sibi sapiens videatur.

Qui imponit stulto silentium, iras mitigat.

Vidisti hominem sapientem sibi videri ? Magis illo spem habebit stultus.

Sicut ostium vertitur in cardine suo, sic piger in lectulo suo.

Susurrone subtracto, jurgia conquiescunt.

Verba susurronis quasi simplicia, et ipsa perveniunt usque ad intima ventris.

Qui fodit foveam, incidet in eam ; et qui volvit lapidem, ad eum revertetur.

CAPITULUM XXVII. — Ne glorieris in crastinum, ignorans quid superventura pariat dies.

Laudet te alienus et non os tuum ; extraneus, et non labia tua.

Ira non habet misericordiam, nec erumpens furor ; et impetum concitati spiritus ferre quis poterit ?

Melior est manifesta correctio, quam amor absconditus.

Meliora sunt vulnera diligentis, quam fraudulenta odientis oscula.

Sicut avis migrans de nido suo, sic vir qui relinquit locum suum.

Unguento et variis odoribus delectatur cor, et bonis amici consiliis anima dulcoratur.

Amicum tuum et amicum patris tui ne dimiseris.

Melior est vicinus juxta, quam frater procul.

Quomodo in aquis resplendent vultus prospicientium, sic corda hominum manifesta sunt prudentibus.

C Infernus et perditio non replentur, similiter et oculi hominum insatiabiles.

Quomodo probatur in conflatorio argentum, et in fornace aurum, sic probatur homo ore laudantis.

Cor rectum inquirat scientiam.

Diligenter agnosce vultum pecoris tui, tuosque greges considera.

CAPITULUM XXVIII. — Fugit impius nemine persequente ; justus autem quasi leo confidens, absque terrore erit.

Propter peccata terræ, multi principes ejus.

Qui derelinquunt legem, laudant impium.

Qui declinat aures suas ne audiat legem, oratio ejus erit execrabilis.

Regnantibus impiis, ruinæ hominum.

Qui abscondit scelera sua, non dirigitur ; qui autem confessus fuerit et reliquerit ea, misericordiam consequetur.

Beatus homo qui semper est pavidus ; qui vero mentis est duræ, corruet in malum.

Qui ambulat simpliciter, salvus erit.
Vir fidelis multum laudabitur.

Qui corripit hominem, gratiam postea inveniet apud eum, magis quam ille qui per linguæ blandimenta decipit.

Qui se jactat, jurgia concitat.

Qui confidit in corde suo, stultus est.

Qui dat pauperi, non indigebit; qui despiciit deprecantem, sustinebit penuriam.

Quum perierint impii, multiplicabuntur justi.

CAPITULUM XXIX. — Viro qui corripientem dura cervice contemnit, repentinus superveniet interitus.

Quum impii sumpserint principatum, gemet populus.

Peccantem virum iniquum involvet laqueus, et justus laudabit atque gaudebit.

Impius ignorat scientiam.

Sapientes avertunt furorem.

Vir sapiens si cum stulto contenderit, sive irascatur sive rideat, non inveniet requiem.

Viri sanguinum oderunt simplicem.

Totum spiritum suum profert stultus; C sapiens differt, et reservat in posterum.

Rex qui judicat in veritate pauperes, thronus ejus in æternum firmabitur.

Virga atque correctio tribuet sapientiam.

Vidisti hominem velocem ad loquendum? stultitia magis speranda est quam illius correctio.

Qui delicate a pueritia nutrit servum suum, postea sentiet eum contumacem.

Qui ad indignandum facilis est, erit ad peccata proclivior.

Superbum sequitur humilitas, et humilem spiritu suscipiet gloria.

Qui timet hominem, cito corruet; qui sperat in Domino, sublevabitur.

Abominantur justi virum impium.

CAPITULUM XXX. — Visio quam locutus est vir cum quo est Deus.

A Stultissimus sum virorum, et sapientia hominum non est mecum.

Quis ascendit in cælum, atque descendit?

Quis colligavit aquas quasi in vestimento?

Quis suscitavit omnes terminos terræ?

Quod nomen ejus, et quod nomen filii ejus, si nosti? (Nota. Hic Salomon tangit divinitatem Dei Patris, et unigeniti Filii ejus, utrumque ineffabilem et incomprehensibilem.)

B Omnis sermo Dei ignitus, clypeus est omnibus sperantibus in se. Ne addas quidquam verbis illius.

Duo rogavi, ne deneges mihi: Vanitatem et verba mendacii longe fac a me. Mendicitatem et divitias ne dederis mihi, tribue tantum victui meo necessaria.

Ne accuses servum ad dominum suum, ne forte maledicat tibi et corruas.

Tria sunt difficilia mihi, et quartum penitus ignoro: viam aquilæ in cælo, viam colubri super petram, viam navis in medio maris, et viam viri in adolescentia sua.

C Leo fortissimus bestiarum, ad nullius pavebit occursum.

CAPITULUM XXXI. — Quid, dilecte mi? quid, dilecte uteri mei? quid, dilecte votorum meorum?

Nullum secretum est, ubi regnat ebrietas.

Date siceram mœrentibus, et vinum his qui amaro sunt animo. Bibant et obliviscantur doloris sui.

Mulierem fortem quis inveniet? etc. Accinxit fortitudine lumbos suos; manum suam misit ad fortia. Fortitudo et decor indumentum ejus, et ridebit in die novissimo. Os suum aperuit sapientiæ, et lex clementiæ in lingua ejus. Panem otiosa non comedit.

Fallax gratia et vana est pulchritudo: mulier timens Dominum ipsa laudabitur. Laudent eam in portis opera ejus.

LIBER ECCLESIASTÆ

HABET CAPITULA DUODECIM. ET AGITUR IN EO DE MUNDI VANITATE, DE DIVITIARUM CONTEMPTU, DE PROPECTU AMBULANTIIUM IN VIA DEI.

CAPITULUM I. — Vanitas vanitatum, dixit A
Ecclesiastes; vanitas vanitatum, et omnia
vanitas.

Quid habet homo amplius de universo
labore suo, quo laborat sub sole?

Generatio præterit, et generatio advenit;
terra vero in æternum stat.

Lustrans universa in circuitu pergit spi-
ritus, etc. Ad locum unde exeunt flumina
revertuntur, ut iterum fluant.

Cunctæ res difficiles; non potest eas
homo explicare sermone.

Quid est quod fuit? Ipsum quod futurum B
est, etc. Nihil sub sole novum; nec valet
quisquam dicere, Ecce hoc recens est.

Ego Ecclesiastes fui rex in Jerusalem.

Hanc occupationem pessimam dedit De-
us filiis hominum.

Vidi cuncta quæ fiunt sub sole, et ecce
universa vanitas et afflictio spiritus.

Perversi difficile corriguntur, et stulto-
rum infinitus est numerus.

In multa sapientia, multa indignatio; et
qui addit scientiam, addit et dolorem.

CAPITULUM II. — Risum reputavi erro- C
rem; et gaudio dixi: Quid frustra deci-
peris?

Quid est, inquam, homo, ut sequi possit
Regem factorem suum?

Sapientis oculi in capite ejus.

Moritur doctus, similiter et indoctus.

Cuncti dies hominis doloribus et ærum-
nis pleni sunt, nec per noctem mente re-
quiescit.

Homini bono dedit Deus sapientiam et
scientiam et lætitiā; peccatori autem,
afflictionem et curam superfluam.

CAPITULUM III. — Omnia tempus habent,
et suis spatiis transeunt universa sub
cælo.

Tempus nascendi, tempus moriendi;
tempus flendi, tempus ridendi, etc.

Cuncta fecit Deus bona in tempore suo;
et mundum tradidit disputationi homi-
num, ut non inveniat homo quod opera-
tus est Deus ab initio usque ad finem.

Fecit Deus opera sua ut timeatur.

Justum et impium judicabit Dominus.

Quis novit si spiritus filiorum Adam
ascendat sursum, et spiritus jumentorum
descendat deorsum?

CAPITULUM IV. — Melius est duos simul
esse quam unum: habent enim emolu-
mentum societatis suæ. Si unus ceciderit,
ab altero fulcietur.

Væ soli, quia quum ceciderit, non ha-
bet sublevantem se.

Et si dormierint duo, fovebuntur mu-
tuo. Unus quomodo calefiat?

Et si quispiam prævaluerit contra unum,
duo resistunt ei.

Funiculus triplex difficile rumpitur.

Multo melior est obedientia quam stul-
torum victimæ.

CAPITULUM V. — Ne temere quid loqua-
ris, neque cor tuum sit velox ad proferen-
dum sermonem coram Deo.

Multas curas sequuntur somnia, et in
multis sermonibus invenietur stultitia.

Si quid vovisti Deo, ne moreris redde-
re: displicet enim ei infidelis et stulta
promissio.

Ubi multa sunt somnia, plurimæ vani-
tates et sermones innumeri. Tu vero Deum
time.

Avarus non implebitur pecunia.

D Dulcis est somnus operanti, sive mul-
tum sive parum comedat.

Sicut egressus est nudus de utero matris
suæ, sic revertetur, et nihil auferet secum

de labore suo. Miserabilis prorsus infirmitas.

CAPITULUM VII. — Quid necesse est majora se quærere, quum ignoret quid conducat sibi in vita sua?

Melius est nomen bonum quam unguenta pretiosa, et dies mortis die nativitatis.

Melius est ire ad domum luctus, quam ad domum convivii : in illa enim finis cunctorum admonetur hominum, et vivens cogitat quid futurum sit.

Melior est ira risu, quia per tristitiam vultus, corrigitur animus delinquentis.

Cor sapientium, ubi tristitia est; et cor stultorum, ubi lætitia.

Sicut sonitus spinarum ardentium sub olla, sic risus stulti.

Ne sis velox ad irascendum, quia ira in sinu stulti requiescit.

Considera opera Dei, quod nemo possit corrigere quem ille despexerit.

Noli esse justus multum; neque plus sapias quam oportet, ne obstupescas.

Sapientia confortavit sapientem super decem principes civitatis.

Non est homo super terram qui faciat bonum et non peccet.

Cunctis sermonibus qui dicuntur ne accommodes cor tuum.

Fecit Deus hominem rectum, et ipse se infinitis miscuit quæstionibus.

CAPITULUM VIII. — Sapientia hominis luceat in vultu ejus.

Tempus et responsionem cor sapientis intelligit.

Non est in hominis ditione prohibere spiritum.

Etenim quia non cito profertur contra malos judicium, absque ullo timore filii hominum perpetrant mala.

Peccator ex eo quod centies facit malum, et per patientiam sustentatur, ego cognovi quod erit bonum timentibus Deum, qui verentur faciem ejus.

Non sit bonum impio, nec prolongentur dies ejus; sed quasi umbra transeant, qui non timent faciem Domini.

Sunt justi quibus mala proveniunt qua-

si opera egerint impiorum; et sunt impii qui ita securi sunt quasi justorum facta habeant.

Intellexi quod omnium operum Dei nullam possit homo invenire rationem.

CAPITULUM IX. — Sunt justi atque sapientes, et opera eorum in manu Dei sunt : et tamen nescit homo utrum amore an odio dignus sit. Sed omnia in futurum servantur incerta, eo quod universa æque eveniant justo et impio, mundo et immundo.

B Hoc est pessimum inter omnia quæ sub sole fiunt, quia eadem cunctis eveniunt. Unde et corda filiorum hominum implentur malitia et contemptu in vita sua, et post hæc ad inferos deducuntur.

Omni tempore sint vestimenta tua candida.

Quodcumque potest facere manus tua, instanter operare, quia nec opus, nec ratio, nec sapientia, nec scientia erunt apud inferos, quo tu properas.

C Nescit homo finem suum; sed sicut pisces capiuntur hamo, et aves laqueo, sic capiuntur homines tempore malo, quum eis extemplo supervenerit.

Melior est sapientia fortitudine.

Quomodo ergo verba sapientis non sunt audita, et sapientia pauperis contempta?

Verba sapientium audiuntur in silentio.

Melior est sapientia quam arma bellica.

Qui in uno peccaverit, multa bona perdet.

CAPITULUM X. — Cor sapientis in dextera ejus, et cor stulti in sinistra illius.

D Stultus omnes stultos æstimat.

Qui fodit foveam, incidet in eam; et qui dissipat sepem, mordebit eum coluber.

Si mordeat serpens in silentio, nihil eo minus habet qui occulte detrahit.

Stultus verba multiplicat.

Væ tibi, terra cujus rex puer est, et principes mane comedunt.

Beata terra cujus rex nobilis est, et cujus principes vescuntur in tempore suo, ad reficiendum, et non ad luxuriam.

Pecuniæ obediunt omnia.

CAPITULUM XI. — Mitte panem tuum super aquas, quia post multa tempora invenies illum.

Si ceciderit lignum ad austrum aut ad aquilonem, in quocumque loco ceciderit, ibi erit.

Qui observat ventum, non seminat; et qui considerat nubes, nunquam metet.

Dulce lumen, et delectabile est oculis videre solem.

Si annis multis vixerit homo, et in his omnibus letatus fuerit, meminisse debet tenebrosi temporis et dierum multorum: **B** qui quum venerint, vanitatis arguentur præterita.

Adolescentia et voluptas vana sunt.

CAPITULUM XII. — Memento Creatoris tui

A in diebus juventutis tuæ, antequam veniat tempus afflictionis tuæ, et appropinquent anni de quibus dicas, Non mihi placent.

Ibit homo in domum æternitatis suæ.

Revertatur pulvis in terram suam, et spiritus redeat ad Deum qui dedit illum.

Verba sapientium quasi stimuli, et quasi clavi in altum defixi: quæ per magistrorum consilium data sunt a magistro uno.

His amplius, fili mi, ne requiras.

Faciendi plures libros nullus est finis.

Frequens meditatio, carnis est afflictio.

B Finem loquendi pariter omnes audiamus. Deum time et mandata ejus observa: hoc est enim omnis homo. Cuncta quæ fiunt adducet Deus in iudicium pro omni errato, sive bonum sit, sive malum.

CANTICUM CANTICORUM

HABET CAPITULA OCTO. ET AGITUR IN EO DE VIRI JUSTI PERFECTIÖNE, DE ANIMÆ SANCTE CONTEMPLATIONE, ET CONJUNCTIONE CHRISTI ET ECCLESIE.

CAPITULUM I. — Osculetur me osculo **C** oris sui.

Trahe me post te, etc.

Indica mihi, quem diligit anima mea, ubi pascas, ubi cubes in meridie, etc.

Fasciculus myrrhæ dilectus meus mihi; inter ubera mea commorabitur.

Ecece tu pulchra es, amica mea, etc.

Ecece tu pulcher es, dilecte mi, et decorus.

CAPITULUM II. — Sicut lilium inter spinas, sic amica mea inter filias.

Sicut malus inter ligna silvarum, sic **D** dilectus meus inter filios.

Sub umbra illius quem desiderabam sedi, et fructus ejus dulcis gutturi meo.

Introduxit me rex in cellam vinariam; ordinavit in me caritatem.

Fulcite me floribus, stipate me malis, quia amore langueo.

Laeva ejus sub capite meo, etc.

Ecece iste venit saliens in montibus.

Ostende mihi faciem tuam, sonet vox tua in auribus meis: vox enim tua dulcis, et facies tua decora.

Dilectus meus mihi et ego illi, etc.

Revertere, dilecte mi.

CAPITULUM III. — In lectulo meo, per noctes, quæsi vi quem diligit anima mea. Inveni quem diligit anima mea.

Egredimini et videte, filiæ Sion, regem Salomonem in diademate quo coronavit eum mater sua.

CAPITULUM IV. — Quam pulchra es, amica mea, quam pulchra es! etc.

Tota pulchra es, amica mea, et macula non est in te.

Vulnerasti cor meum, soror mea, sponsa; vulnerasti cor, etc.

Hortus conclusus, soror mea, sponsa, etc.

CAPITULUM V. — Veniat dilectus meus in hortum suum, ut comedat fructum pomorum suorum.

Comedite, amici, et bibite; et inebriamini, carissimi.

Ego dormio, et cor meum vigilat.

Aperi mihi, soror mea, amica mea, columba mea.

Lavi pedes meos, quomodo inquinabo illos?

Anima mea liquefacta est, ut locutus est.

Quæsivi illum, et non inveni; vocavi, et non respondit mihi.

Dilectus meus candidus et rubicundus, electus ex millibus.

Talis est dilectus meus, et ipse est amicus meus, filiæ Jerusalem.

CAPITULUM VI. — Pulchra es, amica mea, suavis et decora sicut Jerusalem; terribilis ut castrorum acies ordinata.

Averte oculos tuos a me, quia ipsi me avolare fecerunt.

Sexaginta sunt reginæ, et octoginta concubinæ, et adolescentularum non est numerus.

Una est columba mea, perfecta mea.

CAPITULUM VII. — Quam pulchri sunt gressus tui in calceamentis, filia principis!

Ego dilecto meo, et ad me conversio ejus.

Veni, dilecte mi, egrediamur in agrum, etc.

CAPITULUM VIII. — Quis mihi det te fratrem meum, sugentem ubera matris meæ, ut inveniam te foris et deosculer, et jam nemo me despiciat?

Apprehendam te, et ducam in domum matris meæ, etc.

Pone me ut signaculum super cor tuum, ut signaculum super brachium tuum, quia fortis est ut mors dilectio, dura sicut infernus æmulatio.

Aquæ multæ non poterunt extinguere caritatem.

Lampades ejus, lampades ignis atque flammæ.

Si dederit homo omnem substantiam domus suæ pro dilectione, quasi nihil despiciet eam.

LIBER SAPIENTIÆ

HABET CAPITULA NOVEMDECIM. ET AGITUR IN EO DE REGIMINE PRÆLATORUM, CONVERSATIONE JUSTORUM, ATQUE IDOLORUM CONTEMPTU; DE ADVENTU ET PASSIONE CHRISTI, QUI EST VERA SAPIENTIA.

CAPITULUM I. — Diligite justitiam, qui contemnit fictum, et auferet se a cogitationibus quæ sunt sine intellectu.

Sentite de Domino in bonitate, et in simplicitate cordis quærite illum: quoniam invenitur ab his qui non tentant illum; apparet autem eis qui fidem habent in illum.

Perversæ enim cogitationes separant a Deo; probata autem virtus corripit insipientes.

Quoniam in malevolam animam non introibit sapientia, nec habitabit in corpore subdito peccatis.

Spiritus enim sanctus disciplinæ effu-

Benignus est spiritus sapientiæ.

Quoniam spiritus Domini replevit orbem terrarum; et hoc quod continet omnia, scientiam habet vocis. Propter hoc, qui loquitur iniqua non potest latere.

Auris zeli audit omnia.

Custodite ergo vos a murmuratione, quæ nihil prodest, et a detractatione parcite linguæ.

Os quod mentitur occidit animam.

Deus mortem non fecit, nec lætatur in perditione vivorum.

Creavit enim ut essent omnia; et sanabiles fecit nationes orbis terrarum.

Justitia perpetua est et immortalis; injustitia autem, mortis acquisitio. Impii autem manibus et verbis accersierunt illam.

CAPITULUM II. — Dixerunt impii, apud se cogitantes non recte: Non est qui agnitus sit reversus ab inferis. Quia ex nihilo nati sumus, et post hæc erimus tanquam non fuerimus.

Umbra transitus est tempus nostrum. Venite ergo, et fruamur bonis quæ sunt, et utamur creatura tanquam in juventute celeriter. Nullum pratum sit quod non pertranseat luxuria nostra.

(Nota de Christi passione.) Promittit se scientiam Dei habere, et Filium Dei se nominat. Gravis est etiam nobis ad videndum, quoniam dissimilis est aliis vita illius. Morte turpissima condemnemus eum.

Hæc cogitaverunt impii, et erraverunt: excæcavit enim eos malitia eorum; nec mercedem speraverunt justitiæ.

Deus creavit hominem inexterminabilem, et ad imaginem similitudinis suæ fecit illum.

Invidia autem diaboli, mors introivit in orbem terrarum; imitantur autem illum, qui sunt ex parte illius.

CAPITULUM III. — Justorum autem animæ in manu Dei sunt, et non tanget illos tormentum mortis. Visi sunt oculis insipientium mori; illi autem sunt in pace.

Spes illorum immortalitate plena est. In paucis vexati, in multis bene disponuntur. Deus tentavit illos, et invenit illos dignos se. Tanquam aurum in fornace D probavit illos.

Fulgebunt justi, et tanquam scintillæ in arundinetis discurrent. Judicabunt nationes.

Qui confidunt in Domino, intelligent veritatem.

Donum et pax est electis Dei.

Impii autem secundum quæ cogitaverunt, correptionem habebunt. Sapientiam enim et disciplinam qui abjicit, infelix est.

A Felix incoinquinata, quæ nescivit torum in delicto, habebit fructum, etc. Et spado qui non est operatus iniquitatem, dabitur ei fidei donum electum, et sors in templo Domini acceptissima.

Bonorum enim laborum gloriosus est fructus.

Nationes iniquæ, diræ sunt consummationis.

CAPITULUM IV. — O quam pulchra est casta generatio cum claritate! quoniam apud Deum nota est et apud homines.

B Justus autem si morte præoccupatus fuerit, in refrigerio erit. Senectus enim venerabilis est, non diuturna, neque annorum numero computata.

Placens Deo, factus dilectus, et vivens inter peccatores, translatus est. Raptus est, ne malitia mutaret intellectum illius, aut ne fictio deciperet animam ejus.

Inconstantia concupiscentiæ transvertit sensum.

Consummatus in brevi explevit tempora multa: placita enim erat Deo anima C illius.

CAPITULUM V. — Stabunt justi in magna constantia adversus eos qui se angustia-verunt.

Videntes turbabuntur timore horribili, gementes præ angustia spiritus, dicentes: Hi sunt quos aliquando habuimus in derisum et in similitudinem improprietatis. Nos insensati, vitam illorum æstimabamus insaniam, et finem sine honore. Quomodo ergo computati sunt inter filios Dei? Ergo erravimus a via veritatis, et justitiæ lumen non luxit nobis, et sol intelligentiæ non est ortus nobis. Lassati sumus in via iniquitatis et perditionis, et ambulavimus vias difficiles, etc. Quid nobis profuit superbia? aut divitiarum jactantia quid contulit nobis? Transierunt omnia illa tanquam umbra, etc. Nos nati, continuo desivimus esse.

Spes impii tanquam lanugo est quæ a vento tollitur, et tanquam spuma, et tanquam memoria hospitis unius diei prætereuntis.

Justi autem in perpetuum vivent, et apud Dominum est merces eorum, et cogitatio illorum apud Altissimum. Quoniam dextera sua (Dominus) teget eos (scilicet justos), et brachio suo defendet illos.

Armabit creaturam ad ultionem inimicorum. Pugnabit cum illo orbis terrarum contra insensatos.

Melior est sapientia quam vires, et vir prudens quam fortis.

CAPITULUM VI. — Præbete aures, vos qui tenetis multitudines.

Quoniam data est a Domino potestas vobis, et virtus ab Altissimo, qui interrogabit opera vestra, et cogitationes scrutabitur.

Judicium durissimum in his qui præsumunt. Exiguo enim conceditur misericordia; potentes autem potenter tormenta patientur. Fortioribus autem fortior instat cruciatus.

Clara est, et quæ nunquam marcescit, sapientia; et facile videtur ab his qui diligunt illam, et invenitur ab his qui quærunt illam. Præoccupat eos qui se concupiscunt.

Cogitare de illa, sensus est consummatus; et qui vigilaverit propter illam, cito erit securus.

Incorruptio facit esse proximum Deo.

Concupiscentia itaque sapientiæ deducet ad regnum perpetuum.

Diligite lumen sapientiæ, omnes qui præestis populis.

Multitudo autem sapientium, sanitas est orbis terrarum; et rex sapiens, populi stabilimentum.

CAPITULUM VII. — Sum quidem et ego mortalis homo, similis omnibus; et primam vocem similem omnibus emisi plorans.

Unus ergo introitus est omnibus ad vitam, et similis exitus.

Propter hoc optavi, et datus est mihi sensus. Invocavi, et venit in me spiritus sapientiæ; et præposui illam regnis et sedibus, et divitias nihil esse duxi in comparatione illius. Super salutem et speciem

dilexi illam. Venerunt autem mihi omnia bona simul cum illa.

Deus sapientiæ dux est, et sapientium emendator. In manu enim illius et nos, et sermones nostri, et omnis sapientia. Omnium enim artifex docuit me sapientia.

Est enim in illa spiritus intelligentiæ, sanctus, unicus, multiplex, subtilis, etc.

Omnibus mobilibus mobilior est sapientia; attingit autem ubique propter suam munditiam. Vapor est enim virtutis Dei, et emanatio quædam claritatis omnipotentis Dei sincera. Candor est enim lucis æternæ, et speculum sine macula Dei majestatis, et imago bonitatis illius.

Et quum sit una, omnia potest; et in se permanens, omnia innovat, et per nationes in animas sanctas se transfert, amicos Dei et Prophetas constituit. Neminem enim diligit Deus, nisi qui cum sapientia inhabitat.

Est enim hæc speciosior sole, et super omnem dispositionem stellarum; luci comparata, invenitur prior.

Sapientiam non vincit malitia.

CAPITULUM VIII. — Attingit autem a fine usque ad finem fortiter, et disponit omnia suaviter.

Hanc amavi et exquisivi a juventute mea, et quæsivi sponsam eam mihi assumere, et amator factus sum formæ illius. Quid sapientia locupletius? Scio quoniam mecum communicabit de bonis suis, et erit allocutio cogitationis et tædii mei. Intrans in domum meam conquiescam cum illa: non enim habet amaritudinem conversatio illius, nec tædium convictus illius, sed lætitiā et gaudium.

Puer eram ingeniosus, et sortitus sum animam bonam. Et ut scivi quoniam aliter non possem esse continens nisi Deus det: et hoc ipsum erat sapientiæ, scire cujus esset hoc donum; adii Dominum, et dixi totis præcordiis meis:

CAPITULUM IX. — Deus patrum meorum, qui fecisti omnia verbo tuo et sapientia tua, et constituisti hominem ut dominaretur creaturæ tuæ, et disponat orbem

terrarum in æquitate et justitia, da mihi sedium tuarum adsistricem sapientiam, etc. Servus tuus sum et filius ancillæ tuæ, homo infirmus et exigui temporis.

Tabernaculum sanctum tuum præparasti ab initio; et tecum sapientia tua, quæ novit opera tua, quæ et adfuit tunc quum orbem terrarum faceres, et sciebat quid placitum esset oculis tuis. Mitte illam de cœlis sanctis tuis, et a sede magnitudinis tuæ, ut mecum sit et mecum laboret, ut sciam quid acceptum sit apud te. Scit enim illa omnia, et deducet me sobrie.

Quis hominum poterit scire consilium Dei? Aut quis poterit cogitare quid velit Deus? Cogitationes enim mortalium timidæ, et incertæ providentiæ nostræ. Corpus enim quod corrumpitur, aggravat animam, et terrena inhabitatio deprimit sensum multa cogitantem. Difficile æstimamus quæ in terra sunt, et quæ in prospectu sunt invenimus cum labore: quæ autem in cœlis sunt quis investigabit? Sensum tuum, Domine, quis sciet, nisi tu dederis sapientiam, et miseris spiritum tuum de altissimis?

Nam per sapientiam sanati sunt quicumque placuerunt tibi, Domine, ab initio.

CAPITULUM X. — Sapientia hos qui se observant a doloribus liberat.

Hæc justum deduxit per vias rectas, etc. Omnium potentior est sapientia. Certamen forte dedit illi ut vinceret, etc.

Reddidit justis sapientia mercedem laborum suorum, et deduxit illos in via mirabili; et fuit illis, etc.

CAPITULUM XI. — Hos quidem, Domine, tanquam pater monens probasti; illos autem tanquam durus rex interrogans condemnasti.

Omnia in mensura, et numero, et pondere disposuisti.

Multum enim valere, tibi soli supererat semper.

Tanquam momentum stateræ, sic ante te orbis terrarum, et tanquam gutta roris antelucani quæ descendit in terram.

Misereris omnium, quoniam omnia po-

tes; et dissimulas peccata hominum, propter pœnitentiam. Diligis enim omnia quæ sunt, et nihil odisti eorum quæ fecisti.

Quomodo autem posset aliquid permanere, nisi tu voluisses? aut quod a te vocatum non esset, conservaretur? Parceis autem omnibus, quoniam tua sunt, Domine, qui amas animas.

CAPITULUM XII. — O quam bonus et suavis est, Domine, spiritus tuus nobis in omnibus!

Dabas, Domine, locum pœnitentiæ, non ignorans quoniam iniqua est natio eorum, et naturalis malitia ipsorum (scilicet Chananæorum), etc.

Quis tibi imputabit, si perierint nationes quas tu fecisti? Nec enim est alius Deus quam tu, cui cura est de omnibus.

Quum sis ergo justus, juste omnia disponis. Virtus enim tua, justitiæ initium est; et ob hoc quod omnium Dominus es, omnibus te parcere facis.

Tu autem, dominator Domine, cum tranquillitate judicas, et cum magna reverentia disponis nos: subest enim tibi, quum volueris, posse.

Docuisti populum tuum quoniam oportet justum et humanum esse; et bonæ spei fecisti filios tuos, quoniam judicans das locum pœnitentiæ in peccatis.

Disciplinam nobis das, ut bonitatem tuam cogitemus, et speremus misericordiam tuam.

CAPITULUM XIII. — Vani sunt omnes homines in quibus non subest scientia Dei, et de his quæ videntur bona, non poterunt intelligere eum qui est.

A magnitudine enim speciei et creaturæ, creator horum poterit cognoscibiliter videri.

CAPITULUM XIV. — Benedictum lignum per quod fit justitia.

Odio sunt Deo impius et impietas ejus.

Creaturæ Dei in odium factæ sunt, et in tentationem animæ hominum, et in muscipulam pedibus insipientium.

Initium fornicationis est exquisitio idolorum.

Infandorum enim idolorum cultura, omnis malitiæ causa est, et initium, et finis.

CAPITULUM XV. — Tu autem, Deus noster, suavis et verus es, patiens et in misericordia disponens omnia. Etenim si peccaverimus, tui sumus; et si non peccaverimus, scimus quoniam apud te sumus computati. Nosse te, consummata justitia est; et scire justitiam et veritatem tuam, radix est immortalitatis.

Malorum amatores digni sunt morte.

Cor iniqui cinis est, et terra supervacua spes illius, et luto vilior vita illius: B quoniam ignoravit qui se finxit et inspiravit sibi animam et spiritum vitalem.

Æstimaverunt impii lusum esse vitam nostram, et conversationem vitæ ad lucrum compositam, et oportere undecumque etiam ex malo acquirere.

CAPITULUM XVI. — Propter hæc et his similia passi sunt digne tormenta.

Tu es, Domine, qui vitæ et mortis habes potestatem. Effugere manum tuam, Domine, impossibile est. Negantes enim te nosse impii, per fortitudinem brachii C tui flagellati sunt.

Vindex est orbis justorum.

Angelorum esca nutritivisti populum tuum; et panem de cœlo præstitisti eis, omne delectamentum in se habentem, et omnis saporis suavitatem. Deserviens enim uniuscujusque voluntati, ad quod quisque volebat, convertebatur.

A Creatura tua tibi factori deserviens, excandescit in tormentum adversus injustos, et lenior fit ad benefaciendum pro his qui in te confidunt.

Non nativitatis fructus pascunt homines, sed sermo tuus eos qui in te credunt, conservat.

Ingrati spes, tanquam hibernalis glacies tabescet, et disperiet tanquam aqua supervacua.

CAPITULUM XVII. — Magna sunt judicia tua, Domine, et inenarrabilia verba tua.

B Quum sit timida nequitia, dat testimonium condemnata: semper enim præsumit sæva, perturbata conscientia. Nihil enim est timor nisi præsumptionis auxilium.

CAPITULUM XVIII. — Dum quietum silentium contineret omnia, et nox in suo cursu medium iter haberet, omnipotens sermo tuus, Domine, de cœlo exsiliens, a regalibus sedibus venit, durus debellator.

In veste poderis quam habebat Aaron, totus erat orbis terrarum; et magnificentia tua in diademate capitis illius erat scripta.

CAPITULUM XIX. — Impiis autem usque in novissimum sine misericordia ira supervenit.

In omnibus enim magnificasti populum tuum, et honorasti, et non despexisti, in omni tempore et in omni loco adstans eis.

LIBER ECCLESIASTICI

HABET CAPITULA QUINQUAGINTA UNUM. ET AGITUR IN EO

DE OBEDIENTIA SUBDITORUM, DE INSTITUTIONE BONORUM MORUM, DE NOBILITATE SAPIENTIE ET DE LAUDE SANCTORUM.

CAPITULUM I. — Omnis sapientia a Domino Deo est; et cum illo fuit semper, et est ante ævum.

Sapientiam Dei præcedentem omnia quis investigavit?

T. 14.

Prior omnium creata est sapientia.

Fons sapientiæ, verbum Dei in excelsis.

Radix sapientiæ cui revelata est?

Unus est Altissimus, creator omnium omnipotens, rex potens et metuendus ni-

mis, sedens super thronum. Ipse creavit illam in Spiritu Sancto; et effudit illam super omnia opera sua, et super omnem carnem, et præbet illam diligentibus se.

Timor Domini delectabit cor, et dabit lætitiā et gaudium in longitudinem dierum.

Timenti bene erit in extremis, et in die defunctionis benedicetur.

Initium sapientiæ timor Domini, et cum fidelibus in vulva concreatus est.

Religiositas custodiet et vivificabit cor.

Plenitudo sapientiæ timere Deum.

Timor Domini expellit peccatum.

Qui sine timore est, non poterit justificari.

Iracundia animositatis hominis, subversio ejus est.

Fili, concupiscens sapientiam, conserva justitiam, et Deus præbebit illam tibi.

Ne accesseris ad Deum duplici corde; et ne fueris hypocrita in conspectu hominum.

CAPITULUM II. — Fili, accedens ad servitutem Dei, sta in justitia et in timore, et præpara animam tuam ad tentationem.

Deprime cor tuum et sustine; et in humilitate tua patientiam habe: quoniam in igne probatur argentum et aurum; homines vero receptibiles, in camino humiliationis.

Crede Deo, et recuperabit te.

Metuentes Dominum, sustinete misericordiam ejus; et non deflectatis ab eo, ne cadatis.

Qui timetis Dominum, credite illi, et non evacuabitur merces vestra.

Qui timetis Dominum, sperate in illum, et in oblectationem veniet vobis misericordia.

Qui timetis Dominum, diligite illum, et illuminabuntur corda vestra.

Respicite, filii, nationes hominum, et scitote quia nullus speravit in Domino et confusus est, permansit in mandatis ejus et derelictus est. Et quis invocavit illum et despexit eum? Quoniam pius et misericors est Deus, et remittet in tempore

A tribulationis peccata, et protector est omnibus exquirentibus se in veritate.

Væ duplici corde et labiis scelestis.

Væ dissolutis corde.

Væ his qui perdiderunt sustinentiam.

Qui timent Dominum, præparabunt corda sua, et in conspectu illius sanctificabunt animas suas.

Si pœnitentiam non egerimus, incidemus in manus Domini et non in manus hominum.

CAPITULUM III. — Judicium patris audite, filii; et sic facite, ut salvi sitis.

Qui diligit Deum, exorabit pro peccatis, et continebit se ab illis, et exaudietur.

Qui timet Dominum, honorat parentes, et quasi dominis serviet eis in opere et sermone, et omni patientia.

Gloria hominis ex honore patris sui; et dedecus filii, pater sine honore.

Fili, suscipe senectam patris tui, et non contristes eum in vita illius; et si defecerit sensu, veniam da, et ne spernas eum.

C Quam malæ famæ est, qui relinquit patrem! Et est maledictus a Deo, qui exasperat matrem.

Fili, in mansuetudine opera tua perface, et super hominum gloriam diligeris.

Quanto magnus es, humilia te in omnibus, et coram Deo invenies gratiam, quoniam ab humilibus honoratur.

Altiora te ne quæsieris, et fortiora te ne scrutatus fueris; sed quæ præcepit tibi Deus, illa cogita semper, et in pluribus operibus ejus ne fueris curiosus. Non est enim tibi necessarium ea quæ abscondita sunt videre oculis tuis.

In supervacuis rebus noli scrutari multipliciter.

Multos supplantavit suspicio eorum.

Cor durum male habebit in novissimo.

Cor ingrediens duas vias non habebit successus.

Cor nequam gravabitur doloribus, et peccator adjiciet ad peccandum.

Auris bona audiet cum omni concupiscentia sapientiam.

Ignem exstinguit aqua, et eleemosyna A te sensus tui; et prosequatur te verbum resistit peccatis.

Deus prospector est ejus qui reddit gratiam: meminit in posterum, et in tempore casus sui inveniet firmamentum.

CAPITULUM IV. — Oculos tuos ne transvertas a paupere.

Animam esurientem ne despexeris, et ne exasperes pauperem in inopia sua.

Congregationi pauperum affabilem te facito; et presbytero humilia animam tuam, et magnato humilia caput tuum.

Responde pacifice in mansuetudine.

Libera eum qui injuriam patitur, de manu superbi.

Eos qui diligunt sapientiam diligit Deus; qui audit illam judicabit gentes.

Fili, conserva tempus, et evita a malo.

Pro anima tua ne confundaris dicere verum: est enim confusio adducens peccatum, et est confusio adducens gloriam et gratiam.

Non confundaris confiteri peccata tua.

Noli resistere contra faciem potentis, nec coneris contra ictum fluvii.

Pro justitia agonizare pro anima tua, et usque ad mortem certa pro justitia; et Deus expugnabit pro te.

Noli citatus esse in lingua tua, et remissus in operibus tuis.

Noli esse sicut leo in domo tua, evertens domesticos tuos, et opprimens subjectos tibi.

Non sit porrecta manus tua ad accipiendum, et ad dandum collecta.

CAPITULUM V. — Non sequaris concupiscentiam cordis tui.

Altissimus est patiens redditor.

Non adjicias peccatum super peccatum; et ne dicas, Miseratio Domini magna est: misericordia enim et ira ab illo cito proximant, et in peccatores respicit ira illius.

Ne tardes converti ad Dominum, et ne differas de die in diem: subito enim veniet ira illius.

Non ventiles te in omnem ventum.

Esto firmus in via Domini, et in verita-

te sensus tui; et prosequatur te verbum pacis.

Esto mansuetus ad audiendum verbum Dei.

Si est tibi intellectus, responde proximo; sin autem, manus tua sit super os tuum, ne capiaris in verbo indisciplinato, et confundaris.

Denotatio pessima super bilinguem.

CAPITULUM VI. — Noli fieri pro amico inimicus proximo.

Improperium et contumeliam malus hereditabit.

Non te extollas in cogitatione animæ tuæ velut taurus.

Verbum dulce multiplicat amicos et mitigat inimicos, et lingua eucharis in bono homine abundabit.

Multi pacifici sint tibi; et consiliarius tibi sit unus de mille.

Si possides amicum, in tentatione posside eum, et ne facile credas ei te ipsum.

Est enim amicus secundum tempus suum, et non permanet in die tribulationis.

C Amicus si permanserit fixus, erit tibi quasi coæqualis.

Amicus fidelis, protectio fortis; qui autem invenit illum, invenit thesaurum. Amico fideli nulla est comparatio, et non est digna ponderatio auri et argenti contra bonitatem fidei illius.

Amicus fidelis, medicamentum vitæ et immortalitatis; et qui metuunt Dominum, invenient illum.

Fili, a juventute tua accipe doctrinam, et usque ad canos invenies sapientiam.

D Quam aspera est nimis indoctis hominibus sapientia!

In multitudine presbyterorum prudentium sta, et sapientiæ illorum ex corde conjungere.

Si videris sensatum, evigila ad illum.

CAPITULUM VII. — Non te justifies ante Deum.

Noli quærere fieri judex, nisi valeas virtute irrumpere iniquitates.

Noli esse pusillanimis in anima tua.

Non irrideas hominem in amaritudine

animæ. Noli verbosus esse in multitudine A
presbyterorum, et ne iteres verbum in
tua oratione.

Non oderis laboriosa opera, et rustica-
tionem ab Altissimo creatam.

Humilia valde spiritum tuum, quoniam
vindicta carnis impii ignis et vermis.

Servus sensatus sit tibi dilectus quasi
anima tua.

Filiæ tibi sunt? Serva corpus illarum,
et ne ostendas faciem tuam hilarem ad
illas.

Gemitus matris tuæ ne obliviscaris.

In tota anima time Deum, et sacerdotes
illius sanctifica.

Non desis plorantibus in consolatione.

Non te pigeat visitare infirmum : ex his
enim in dilectione firmaberis.

In omnibus operibus tuis memorare no-
vissima tua, et in æternum non peccabis.

CAPITULUM VIII. — Non litiges cum ho-
mine potente; nec litiges cum homine
linguato; nec communices homini indocto.

Memento quoniam omnes in corruptio-
ne sumus.

Noli de mortuo inimico tuo gaudere.

Non te prætereant narratio seniorum.

Non stes contra faciem contumeliosi.

Cum audace non eas in via.

Cum iracundo non facias rixam.

Non omni homini cor tuum manifestes,
ne forte convitietur tibi.

CAPITULUM IX. — Non des mulieri po-
testatem animæ tuæ.

Virginem ne conspicias, ne scandalize-
ris decore ejus.

Noli circumspicere in vicis civitatis.

Averte faciem tuam a muliere compta.

Propter speciem mulieris multi per-
ierunt.

Ne derelinquas amicum antiquum : no-
vus enim non erit similis illi.

Vinum novum amicus novus; vetera-
scat, et cum suavitate bibes illud.

Non zeles gloriam et opes peccatoris.

Temerarius in verbo suo, odibilis erit.

CAPITULUM X. — Principatus sensati sta-
bilis erit.

Secundum judicem populi, sic et mi-
nistri ejus; et qualis est rector civitatis,
tales et inhabitantes in ea.

Omnis injuriæ proximi ne memineris.

Odibilis coram Deo et hominibus est
superbia.

Avaro nihil est scelestius.

Quid superbit terra et cinis?

Nihil est iniquius quam amare pecuni-
am : hic enim animam suam venalem
habet.

Omnis potentatus brevis vita : sic et rex
B hodie est, et cras morietur.

Quum morietur homo, hereditabit ser-
pentes, et bestias, et vermes.

Initium superbiæ hominis, apostatare
a Deo : quoniam ab eo qui fecit illum re-
cessit cor ejus, quoniam initium omnis
peccati est superbia.

Qui tenuerit illam implebitur maledi-
ctis, et subvertet eum in finem.

Sedes ducum superbiorum destruxit Deus,
et sedere fecit mites pro eis.

Vir prudens et disciplinatus non mur-
C murabit correptus.

Noli te extollere in faciendo opere tuo.

Fili, in mansuetudine serva animam
tuam.

CAPITULUM XI. — Sapientia humiliati
exaltabit caput illius.

Non laudes hominem in specie sua, ne-
que spernas hominem in visu suo.

In vestitu ne glorieris unquam, nec in
die honoris tui extollaris.

Priusquam audias, ne respondeas ver-
bum; et in medio seniorum ne adjicias
D loqui.

De ea re quæ te non molestat, ne cer-
teris.

Fili, ne in multis sint actus tui.

Bona et mala, vita et mors, paupertas
et honestas a Deo sunt.

In die bonorum ne immemor sis malo-
rum, et in die malorum ne immemor sis
bonorum.

Ante mortem ne laudes hominem quem-
quam.

Attende tibi a pestifero.

CAPITULUM XII. — Benefac justo, et invenies retributionem magnam.

Quoniam Altissimus odio habet peccatores.

Non credas inimico tuo in æternum.

CAPITULUM XIII. — Qui tetigerit picem, inquinabitur ab ea; et qui communicaverit superbo, induet superbiam.

Humiliare Deo, et exspecta manus ejus.

Omni vita dilige Deum.

Omne animal diligit simile sibi, sic omnis homo proximum sibi.

Omnis caro ad similem sibi conjungetur, et omnis homo simili sibi sociabitur.

Si communicabit lupo cum agno aliquando, sic peccator justo.

Quæ communicatio sancto homini ad canem?

Abominatio superbo humilitas, sic et exsecratio divitis pauper.

Pauper locutus est sensate, et non est datus ei locus.

Cor hominis immutat faciem illius, sive in bono, sive in malo.

CAPITULUM XIV. — Beatus vir qui non est lapsus in verbo ex ore suo, et non est stimulatus in tristitia delicti.

Qui sibi nequam est, cui alii bonus erit?

Memor esto quoniam mors non tardat, et testamentum inferorum.

Ante obitum tuum operare justitiam, quoniam non est apud inferos invenire cibum.

Beatus vir qui in sapientia morabitur, et qui in justitia meditabitur, et in sensu cogitabit circumspectionem Dei.

CAPITULUM XV. — Qui timet Deum faciet bona, et qui continens est justitiæ apprehendet illam, etc. Cibabit illum pane vitæ et intellectus.

Non est speciosa laus in ore peccatoris.

Deus ab initio constituit hominem, et reliquit illum in manu consilii sui. Adjecit præcepta sua.

Apposuit ignem et aquam: ad quod volueris porrigere manum tuam.

Nemini dedit Deus spatium peccandi.

CAPITULUM XVI. — Ne jucunderis in filiis impiis, si multiplicentur.

Melior est unus timens Deum, quam mille filii impii; et utile est mori sine filiis, quam relinquere filios impios.

Misericordia et ira cum Deo: secundum misericordiam ejus, sic et correptio ejus.

Ecce cælum et cæli cælorum, abyssus, et universa terra, et omnia quæ in eis sunt, in conspectu Dei commovebuntur; montes simul et colles et fundamenta terræ, et quum conspexerit illa Deus, tremore concutientur: et in omnibus his insensatum est cor hominis.

Qui minoratur corde, cogitat inania.

Post hæc Deus in terram respexit, et implevit illam bonis suis.

CAPITULUM XVII. — Deus creavit de terra hominem, et secundum imaginem suam fecit illum; et iterum convertit illum in ipsam. Numerum dierum et tempus dedit illi. Posuit timorem illius super omnem carnem.

Creavit illis scientiam spiritus, sensu implevit corda illorum.

Ante mortem confitere: a mortuo, quasi nihil, perit confessio.

Confiteberis vivens et sanus, et laudabis Deum.

Quam magna misericordia Dei convertentibus ad se!

Quid lucidius sole? et hic deficiet, etc.

Omnes homines terra et cinis.

CAPITULUM XVIII. — Qui vivit in æternum, creavit omnia simul. Deus solus justificabitur. Quis sufficiet enarrare opera ejus?

Non est minuere neque adjicere, nec est invenire magnalia Dei. Quum consummaverit homo, tunc incipiet, etc.

Nonne ardorem refrigerabit ros? Sic et verbum melius quam datum. Nonne ecce verbum super datum bonum?

Antequam loquaris, disce. Ante languorem, adhibe medicinam; et ante judicium, interroga te ipsum.

Non impediaris semper orare; et ante

orationem præpara animam tuam, et noli A esse quasi homo qui tentat Deum.

Memento paupertatis in tempore abundantiae, et necessitatum pauperis in die divitiarum.

Homo sapiens in omnibus metuit.

Post concupiscentias tuas non eas, et a voluptate tua avertere.

Si præstes animæ tuæ concupiscentias ejus, faciet te in gaudium inimicis tuis.

CAPITULUM XIX. — Qui spernit modica, paulatim decedit.

Vinum et mulieres apostatare faciunt B etiam sapientes; et qui se jungit fornicariis, erit nequam.

Qui credit cito, levis est corde, et minorabitur.

Qui odit loquacitatem, exstinguit malitiam.

Ne iteres verbum nequam et durum.

Corripe amicum, ne forte non intellexerit, et dicat, Non feci; aut si fecit, ne iterum addat facere.

Est qui labitur lingua sua, sed non ex animo: quis est enim qui non deliquerit C in lingua sua?

Melior est homo qui minuitur sapientia in timore Dei, quam qui abundat sensu, et transgreditur legem Altissimi.

Est qui nequiter humiliat se, et interiora ejus plena sunt dolo.

Ex visu cognoscitur vir, et ab occurso faciei cognoscitur sensatus.

Amictus corporis, et risus dentium, et ingressus hominis, annuntiant de illo.

CAPITULUM XX. — Quam bonum est arguere, quam irasci!

Quam bonum est correptum manifestare pœnitentiam! sic enim effugies peccatum.

Est tacens, qui invenitur sapiens; et est odibilis, qui procax est ad loquendum.

Est autem tacens, non habens sensum loquelæ; et est tacens, sciens tempus aptum.

Homo sapiens tacebit usque ad tempus; lascivus autem et imprudens non servabit tempus.

Qui multis utitur verbis lædit animam suam; et qui potestatem sibi assumit injuste, odietur.

Sapiens in verbis, se ipsum amabilem facit.

Homo acharis quasi fabula vana, in ore indisciplinatorum assidua erit.

Potior fur, quam assiduitas viri mendacis.

Sapientia absconsa et thesaurus invisus, quæ utilitas in utrisque?

CAPITULUM XXI. — Fili, peccasti? non adjicias iterum; sed de præteritis deprecare, ut tibi dimittantur.

Quasi a facie colubri fuge peccata.

Qui odit correptionem, vestigium est peccatoris; et qui timet Deum, convertetur ad cor suum.

Consummatio timoris Dei, sapientia.

Non est sensus ubi abundat amaritudo.

Cor fatui quasi vas confractum, omnem sapientiam non tenebit.

In labiis sensati invenietur gratia.

Fatuus in risu exaltat vocem suam; vir autem sapiens vix tacite ridebit.

Stultitia hominis auscultare per ostium.

Verba autem sapientium statera ponderabuntur.

In ore fatuorum cor illorum, et in corde sapientium os illorum.

Dum maledicit impius diabolum, maledicit ipse animam suam.

Susurro coinquinabit animam suam, et in omnibus odietur.

Tacitus et sensatus honorabitur.

CAPITULUM XXII. — In lapide luteo lapidatus est piger.

Qui narrat verbum non audienti, quasi qui excitat dormientem de gravi somno.

Cum dormiente loquitur, qui narrat stulto sapientiam.

Modicum plora super mortuum, quoniam requievit.

Luctus mortui septem dies; fatui autem et impii, omnes dies vitæ illorum.

Arenam, et salem, et massam ferri facilius est ferre, quam hominem imprudentem, et fatuum, et impium.

Cogitatus sensati in omni tempore metu A non depravabitur.

Qui convitiatur amico, dissolvit amicitiam.

In tempore tribulationis suæ permanet amico fidelis.

Quis dabit ori meo custodiam, et super labia mea signaculum certum, ut non cadam ab ipsis, et lingua mea me perdat?

CAPITULUM XXIII. — Domine pater, et dominator vitæ meæ, ne derelinquas me in cogitatu et in consilio illorum, et incidam in conspectu adversariorum meorum, et gaudeat inimicus meus.

Extollentiam oculorum meorum ne deris mihi, et omne desiderium pravum averte a me. Aufer a me ventris concupiscentias, et concubitus concupiscentiæ ne apprehendant me, et animæ irreverenti ne tradas me.

Jurationi non assuescat os tuum : multi enim casus in illa.

Vir multum jurans replebitur iniquitate, et non discedet a domo illius plaga.

Memento patris tui et matris, dum in C medio magnatorum consistis.

Homo assuetus in verbis improprietatis, omnibus diebus vitæ suæ non erudietur.

Oculi Domini multo plus lucidiores super solem, circumspicientes omnes vias hominum. Domino enim Deo, antequam crearentur, omnia sunt cognita.

Nihil melius quam timor Domini, et nihil dulcius quam respicere in mandatis ejus.

Gloria magna est sequi Dominum.

CAPITULUM XXIV. — Sapientia laudabit D animam suam, et in Domino honorabitur, et inter benedictos benedicetur, dicens :

Ego ex ore Altissimi prodivi, primogenita ante omnem creaturam. Ego feci in cœlis ut oriretur lumen indeficiens, etc.

Ego in altissimis habitavi, et thronus meus in columna nubis. Gyrum cœli circumivi sola, etc.

Omnium excellentium et sublimium corda virtute calcavi.

Ab initio et ante sæcula creata sum, etc.

Ego quasi terebinthus extendi ramos meos, et rami mei honoris et gratiæ. Ego quasi vitis fructificavi, etc.

Ego mater pulchræ dilectionis, et timoris, et agnitionis, et sanctæ spei, etc.

Transite ad me, omnes qui concupiscitis me, etc.

Spiritus meus super mel dulcis. Qui edunt me adhuc esurient, etc.

Ego sapientia effudi flumina ; ego quasi fluvius Dorix, et sicut aquæductus exivi de paradiso.

B Videte quoniam non solum mihi laboravi, sed omnibus exquirentibus veritatem.

CAPITULUM XXV. — In tribus placitum est spiritui meo, quæ sunt probata coram Deo et hominibus : concordia fratrum, amor proximorum, et vir et mulier bene sibi consentientes.

Tres species odit anima mea : pauperem superbum, divitem mendacem, et senem fatuum et insensatum.

Quæ in juventute tua non congregasti, quomodo invenies in senectute tua?

C Beatus qui habitat cum muliere sensata, et qui lingua sua non est lapsus, et qui non servivit indignis se.

Beatus qui invenit amicum verum, et qui enarrat justitiam auri audienti.

Timor Dei, initium dilectionis ejus.

Omnis plaga, tristitia cordis ; et omnis nequitia, nequitia mulieris.

Non est caput nequius super caput colubri, et non est ira super iram mulieris.

Commorari leoni et draconi placebit, quam habitare cum muliere nequam.

In specie mulieris, ira et irreverentia et confusio magna.

A muliere initium factum est peccati, et per illam omnes morimur.

CAPITULUM XXVI. — Mulieris bonæ beatus vir : numerus enim annorum illorum duplex.

Mulier fortis oblectat virum suum.

Gratia super gratiam, mulier sancta et pudorata et tacita.

Omnis autem ponderatio non est digna continentis animæ.

Sicut sol oriens in mundo in altissimis A
Dei, sic mulieris bonæ species in orna-
mentum domus suæ.

In duobus contristatum est cor meum :
vir bellator deficiens per inopiam, et vir
sensatus contemptus.

CAPITULUM XXVII. — Propter inopiam
multi deliquerunt.

Si non in timore Domini tenueris te
instanter, cito subvertetur domus tua.

Vasa figuli probat fornax, et homines
justos tentatio tribulationis.

Ante sermonem non collaudes virum. B

Veritas ad illos qui operantur eam re-
vertetur.

Homo sanctus in sapientia manet sicut
sol : nam stultus sicut luna mutatur.

Qui denudat arcana, amici fidem perdit.

Denudare autem amici mysteria, despe-
ratio est animæ infelicis.

Annuens oculo fabricat iniqua.

Qui fodit foveam incidet in eam.

Facienti nequissimum consilium, super
ipsum devolvetur, et non cognoscet unde
illi adveniet illusio.

CAPITULUM XXVIII. — Qui vindicari vult
a Deo, inveniet vindictam, et peccata illius
servans servabit.

Relinque proximo tuo nocenti te, et
tunc deprecanti tibi peccata solventur.

Homo homini servat iram, et a Deo quæ-
rit medelam ?

In hominem sibi similem non habet mi-
sericordiam, et de peccatis suis depre-
catur ?

Ipsa quum caro sit servat iram, quis
exorabit pro delictis illius ?

Memento novissimorum tuorum, et de-
sine inimicari ; et non irascaris proximo ;
et abstine te a lite.

Homo iracundus incendit litem, et vir
peccator turbabit amicos.

Susurro et bilinguis maledictus : multos
enim turbabit pacem habentes.

Multi ceciderunt in ore gladii ; sed
non sicut qui interierunt per linguam
suam.

Sepi aures tuas spinis, et noli audire

linguam nequam, et ori tuo facito ostia,
et seras auribus tuis.

CAPITULUM XXIX. — Fœnerare proximo
tuo in tempore necessitatis. Confirma ver-
bum, et fideliter age cum illo.

Donec accipiunt, osculantur manum dan-
tis, et in promissionibus humiliant vocem
suam.

Perde pecuniam propter fratrem et ami-
cum.

Pone thesaurum tuum in præceptis Al-
tissimi.

Conclude eleemosynam in corde paupe-
ris, et hæc pro te exorabit in omni malo.

Gratiam fidejussoris ne obliviscaris :
dedit enim pro te animam suam.

Qui conatur multa agere, incidet in
judicium.

Recupera proximum tuum secundum
virtutem tuam.

CAPITULUM XXX. — Qui diligit filium su-
um, assiduatur illi flagella, ut lætetur in no-
vissimo suo.

Qui docet filium suum, laudabitur in illo,
C et in obitu suo non contristabitur de illo.

Non des filio potestatem in juventute ;
sed curva cervicem illius, et tunde latera
ejus, dum infans est.

Melior est pauper sanus et fortis viri-
bus, quam dives imbecillis et flagellatus
malitia.

Salus animæ in sanctitate justitiæ ; et
melius corpus validum quam census im-
mensus.

Non est census super salutem corporis,
et non est oblectatio super cordis gau-
D dium.

Melior est mors quam vita amara.

Bona abscondita in ore clauso, quasi
appositiones epularum circumpositæ se-
pulcro.

Spado complectens virginem, et suspi-
rans.

Tristitiam non des animæ tuæ, et non
affligas te ipsum in consilio tuo.

Jucunditas cordis, hæc est vita hominis.

Miserere animæ tuæ placens Deo, et con-
tine ; et congrega cor tuum in sanctitate

ejus; et tristitiam longe expelle a te. Multos enim occidit tristitia, et non est utilitas in ea.

Zelus et contentio minuent dies, et ante tempus senectam adducet cogitatus.

CAPITULUM XXXI. — Vigilia honestatis tabefaciet carnes, et cogitatus illius auferet somnum.

Beatus dives qui inventus est sine macula, qui post aurum non abiit, etc. Ideo stabilita sunt bona illius in Domino.

Nequius oculo quid creatum est?

Ne extendas manum tuam prior. Cessa prior, causa disciplinæ; nec prior poscas bibere.

Quam sufficiens est homini erudito vinum exiguum! et in dormiendo non laborabis ab illo, nec senties dolorem.

Si coactus fueris in edendo multum, surge de medio, et vome, et refrigerabit te.

In omnibus operibus tuis esto velox.

Vinum in jucunditatem creatum est, non in ebrietatem.

In convivio vini non arguas proximum, et non despicias eum in jucunditate illius.

CAPITULUM XXXII. — Rectorem te posuerunt? noli extolli. Esto in illis quasi unus ex ipsis. Curam illorum habe et sic considera.

Loquere, major natu: decet enim te.

Ubi non est auditus, non effundas sermonem.

Audi tacens, et pro reverentia accedet tibi bona gratia.

Adolescens, loquere in causa tua vix, quum necesse fuerit. Si bis interrogatus fueris, habeat caput responsum suum.

In multis esto quasi inscius, et audi, tacens simul et quærens.

Et loqui in medio magnatorum non præsumas; et ubi sunt senes, non multum loquaris. Ante verecundiam præbit gratia.

Peccator homo vitabit omnem correptionem.

Fili, sine consilio nihil facias, et post facta non poenitebis.

A filiis tuis cave, et a domesticis tuis attende.

CAPITULUM XXXIII. — Timenti Deum non occurrent mala; sed in tentatione Deus illum conservabit, et liberabit a malis.

Præcordia fatui quasi rota carri, et quasi axis versatilis cogitatus illius.

Filio et mulieri, fratri et amico, non des potestatem super te in vita tua, et ne dederis aliis possessionem tuam. Melius est enim ut filii tui te rogent, quam te respicere in manus filiorum tuorum.

Cibaria, et virga, et onus asino; panis, et disciplina, et opus servo.

Servum inclinent operationes assiduæ.

Multam malitiam docuit otiositas.

Verum sine judicio nihil facias grave.

Servus fidelis sit tibi quasi anima tua.

CAPITULUM XXXIV. — Somnia extollunt imprudentes. Quasi qui apprehendit umbram, et persequitur ventum: secundum hoc visio somniorum. Sicut parturientis, cor tuum phantasias patitur, nisi ab Altissimo fuerit visitatio emissa. Multos errare fecerunt somnia.

Qui non est tentatus, quid scit? Vir in multis expertus cogitabit multa. Qui non est expertus, pauca recognoscit.

Oculi Dei in diligentes se. Qui timet Dominum, nihil trepidabit.

Immolantis ex iniquo oblatio est maculata. Nec respicit Dominus in oblationibus injustorum.

Qui effundit sanguinem, et qui fraudem facit mercenario, fratres sunt. Unus ædificans, et unus destruens, quid illis prodest, nisi labor?

Homo qui jejumat in peccatis suis, et iterum eadem faciens, quid proficit humiliando se?

CAPITULUM XXXV. — Salutare sacrificium est, attendere mandatis, et discedere ab omni iniquitate.

Oblatio justi impinguat altare, et odor suavitatis est in conspectu Altissimi. Sacrificium justi acceptum est.

In omni dato hilarem fac vultum tuum.

Qui adorat Deum in oblectatione, susci-

pietur, et deprecatio illius usque ad nubes appropinquabit.

CAPITULUM XXXVI. — Miserere nostri, Deus omnium, et respice nos, et ostende nobis lucem miserationum tuarum, etc.

Miserere plebi tuæ, super quam invocatum est nomen tuum, etc.

CAPITULUM XXXVII. — O præsumptio nequissima, unde creata es?

Non obliviscaris amici tui in animo tuo, nec immemor sis illius in operibus tuis.

Cum viro sancto assiduus esto, quemcumque cognoveris observantem timorem Dei, cujus anima est secundum animam tuam.

Anima viri sancti enuntiat aliquando vera, quam septem circumspectores sedentes in excelso ad speculandum.

Ante omnia opera verbum verax præcedat te, et ante omnem actum consilium stabile.

Vir peritus multos erudit, et animæ suæ suavis est.

Qui sophisticè loquitur odibilis est, et in omni re defraudabitur. Non est illi data a Domino gratia : omni enim sapientia defraudatus est (scilicet sophisticè loquens).

Vir sapiens plebem suam erudit, et fructus sensus illius fidelis est.

Sapiens in populo hereditabit honorem.

Non omnia omnibus expediunt.

Noli avidus esse in omni epulatione, nec te effundas super omnem escam. In multis enim escis erit infirmitas.

Propter crapulam multi obierunt; qui autem abstinens est, adjiciet vitam.

CAPITULUM XXXVIII. — Honora medicum : propter necessitatem enim creavit eum Altissimus. A Deo est omnis medela.

Altissimus de terra creavit medicinam, et vir prudens non abhorrebit illam.

Fili, in tua infirmitate non despicias te ipsum; sed ora Dominum, et ipse curabit te.

Tristitia cordis flectit cervicem.

Memor esto judicii mei : sic enim erit et tuum. Mihi heri, et tibi hodie.

A Consolare morientem in exitu spiritus sui.

Sapientiam scribe in tempore vacuitatis; et qui minoratur actu, sapientiam percipiet.

CAPITULUM XXXIX. — Sapientiam omnium antiquorum exquiret sapiens, et in Prophetis vacabit. Cor suum tradet ad vigilandum diluculo ad Dominum qui fecit illum, et in conspectu Altissimi deprecabitur. Collaudabunt multi sapientiam ejus, et usque, etc.

B Audite me, divini fructus, et quasi rosa plantata, etc. Benedicite Dominum in operibus suis. Date magnificentiam nomini ejus, etc.

Opera Domini universa bona valde.

Omnia in tempore suo quærentur.

Omnia sanctis in bona, impiis autem et peccatoribus in mala convertentur.

Sunt spiritus qui ad vindictam creati sunt. Ignis, grando, fames et mors : hæc omnia in vindictam creata sunt.

Non est dicere : Hoc illo nequius est. Omnia enim in tempore suo comprobabuntur.

Et nunc in omni corde et ore collaudate et benedicite nomen Domini.

CAPITULUM XL. — Occupatio magna creata est omnibus hominibus, et jugum grave super omnes filios Adam, a die exitus de ventre matris eorum, usque in diem sepulturæ in matrem omnium. Cogitationes eorum, et timores cordis, etc.

Omnia quæ de terra sunt, in terram convertentur, et aquæ omnes in mare revertentur.

D Vinum et musica lætificant cor; et super utraque, dilectio sapientiæ.

Tibiæ et psalterium suavem faciunt melodiam; et super utraque, lingua suavis.

Timor Domini sicut paradus benedictionis.

Fili, in tempore vitæ tuæ ne indigeas : melius est enim mori quam indigere.

CAPITULUM XLI. — O mors, quam amara est memoria tua homini pacem habenti in substantiis suis, viro quieto cujus viæ directæ sunt in omnibus !

O mors, bonum est iudicium tuum homini indigenti, et qui minoratur viribus, et cui cura est de omnibus.

Noli metuere iudicium mortis.

Curam habe de bono nomine.

Disciplinam in pace conserve, filii : sapientia enim abscondita, et thesaurus invisus, quæ utilitas in utrisque?

CAPITULUM XLII. — Non duplices sermonem de revelatione sermonis absconditi, et eris vere sine confusione.

Omni homini noli intendere in specie, et in medio mulierum noli commorari : B de vestimentis enim procedit tinea, et a muliere iniquitas viri.

Melior est iniquitas viri, quam mulier benefaciens.

Sol illuminans per omnia respexit, et gloria Domini plenum est opus ejus.

Nonne Deus fecit sanctos enarrare omnia mirabilia sua, quæ confirmavit Dominus omnipotens stabilis in gloria sua? Quam desiderabilia sunt omnia opera ejus! Et quis satiabitur videns gloriam ejus?

CAPITULUM XLIII. — Species cœli in visione gloriæ. Sol in adspectu vas admirabile, opus Excelsi, radios igneos exsufflans. Magnus Dominus qui fecit illum, et in sermonibus ejus festinavit iter.

Luna ostensio temporis et signum ævi; mensis secundum nomen ejus est : crescens mirabiliter in consummatione, vas castrorum in excelsis, in firmamento cœli resplendens gloriose.

Species cœli, gloria stellarum : mundum illuminans in excelsis Dominus.

Vide arcum, et benedic eum qui fecit D illum : valde speciosus est splendore suo. Gyravit cœlum in circuitu gloriæ suæ.

Frigidus ventus Aquilo flavit, et gelavit crystallus ab aqua.

Multa dicimus et deficimus in verbis : consummatio autem sermonum ipse est.

Terribilis Dominus et magnus vehementer, et omnipotens super omnia opera sua.

Glorificantes Dominum quantumcumque poteritis, supervalebit adhuc. Benedi-

centes Dominum, exaltate illum quantum potestis : major est enim omni laude. Exaltantes eum, replemini virtute; ne laboretis : non pervenietis. Quis vidit eum, et enarrabit? et quis magnificabit eum sicuti est ab initio? Multa sunt abscondita majora his : pauca enim vidimus operum ejus. Et pie agentibus dedit Dominus sapientiam.

CAPITULUM XLIV. — Laudemus viros gloriosos, et parentes nostros in generatione sua.

Corpora Sanctorum in pace sepulta sunt, etc.

Enoch placuit Deo, et translatus est in paradysum, ut det gentibus poenitentiam.

CAPITULUM XLV. — Dilectus Deo et hominibus Moyses, etc. In fide et lenitate ipsius sanctum fecit illum Dominus.

CAPITULUM XLVI. — Fortis in bello Jesus Nave. An non in iracundia ejus impeditus est sol, et factus est dies unus quasi duo? Invocavit Altissimum, et exaudivit eum magnus et sanctus Deus.

C Post hæc dormivit Samuel; et notum fecit regi, et ostendit illi finem suum (id est Sauli).

CAPITULUM XLVII. — Nathan propheta quasi adeps separatus est a carne.

David cum leonibus lusit quasi cum agnis, et in ursis similiter fecit sicut in agnis ovium. Christus purgavit peccata illius, et exaltavit in æternum cornu ejus.

Salomon, inclinasti femora tua mulieribus, et dedisti maculam in gloria tua.

CAPITULUM XLVIII. — Et surrexit Elias propheta quasi ignis; et verba illius quasi facula ardebant. Beati sunt qui te audierunt et in amicitia tua decorati sunt.

Eliseus non timuit principem; et mortuum prophetavit corpus ejus. In vita sua fecit monstra, et in morte sua mirabilia operatus est.

Fecit Ezechias quod placuit Deo, et fortiter ivit in via David patris sui, quam mandavit illi Isaias, propheta magnus et fidelis in conspectu Dei.

CAPITULUM XLIX. — Memoria Josiæ in A compositione odoris facta, opus pigmentarii. In omni ore quasi mel indulcabitur memoria ejus, et ut musica in convivio vini.

Præter David, Ezechiam, et Josiam, omnes reges peccatum commiserunt. Nam reliquerunt legem Altissimi.

Zorobabel quasi signum in dextera manu Israel.

Nemo natus est in terra qualis Enoch.

CAPITULUM L. — Simon Oniæ filius, sacerdos magnus, quasi stella matutina in medio nebulæ, et quasi luna plena, et quasi sol refulgens; sic ille effulsit in templo Dei, etc. Circa illum corona fratrum, quasi plantatio cedri in monte Libano, et quasi rami palmæ, circa illum steterunt.

Doctrinam sapientiæ et disciplinæ scripsit in codice isto, Jesus filius Sirach Hierosolymita, qui renovavit sapientiam.

Beatus qui in istis versatur bonis.

CAPITULUM LI. — Confitebor tibi, Domine rex, et collaudabo te Deum salvatorem meum. Confitebor nomini tuo, quoniam C ejus. Videte oculis vestris quia modicum laboravi, et inveni mihi multam requiem.

Circumdederunt me undique, et non

erat qui adjuvaret. Respexi ad adjutorium hominum, et non erat. Memoratus sum misericordiæ tuæ, Domine, et cooperationis tuæ, quæ a sæculo sunt : quoniam eruis sustinentes te, et liberas eos de manu gentium, etc. Invocavi Dominum Patrem Domini mei, ut non derelinquat me in die tribulationis meæ et in tempore superborum.

Laudabo nomen tuum, Domine, assidue; et confitebor tibi quum adhuc junior sum, antequam oberrem.

A juventute mea investigabam sapientiam. Inclinavi modice aurem meam, et multum profeci in ea. Danti mihi sapientiam dabo gloriam. Venter meus conturbatus est quærendo sapientiam : propterea bonam possidebo possessionem. Dedit mihi Dominus linguam mercedem meam, etc.

Congregate vos in domum disciplinæ, indocti. Animæ vestræ sitiunt vehementer. Comparete vobis sine argento sapientiam, et collum vestrum subjicite jugo ejus. Videte oculis vestris quia modicum laboravi, et inveni mihi multam requiem.

Operamini opus vestrum ante tempus, et dabit vobis mercedem vestram in tempore suo.

PROPHETIA ISAIÆ

CONTINET CAPITULA SEXAGINTA SEX. ET AGITUR IN EA DE REPREHENSIONE JUDEORUM, ET ADVENTU CHRISTI IN CARNEM, ET EJUS PASSIONE; DE VOCATIONE GENTIUM; DE REGNO JUDA ET ISRAEL.

CAPITULUM I. — Filios enutrivit et exaltavit; ipsi autem spreverunt me. Cognovit bos possessorem suum, et asinus præsepe domini sui; Israel autem me non cognovit. Væ genti peccatrici, populo gravi iniquitate.

A planta pedis usque ad verticem capitis non est in eo sanitas; vulnus, et livor, et plaga tumens.

Holocausta arietum et adipem pinguium, etc., nolui.

Quum extenderitis manus vestras, avertam oculos meos a vobis, etc., manus enim vestræ sanguine plenæ sunt.

Lavamini, mundi estote; auferte malum cogitationum vestrarum ab oculis meis; discite benefacere, quærite judicium, etc. Si fuerint peccata vestra ut coccinum, quasi nix dealbabuntur.

Omnes diligunt munera.

Propter hoc ait Dominus : Heu! ego con-

solabor super hostibus meis, et vindicabor A de inimicis meis. Sion iudicio redimetur. Qui dereliquerunt Dominum consumentur. Erit fortitudo impiorum ut favilla stuppæ, et opus quasi scintilla; et succendetur utrumque simul.

CAPITULUM II. — Erit in novissimis diebus præparatus mons domus Domini in vertice montium, etc. (Nota. Istud intelligitur de initio militantis Ecclesiæ.)

Judicabit gentes, et arguet populos multos. Et conflabunt gladios suos in vomeres, etc. (Istud nobis objiciunt Judæi, sed B male intelligunt.)

Ingredere in petram, abscondere in fossa humo, a facie timoris Domini, et a gloria majestatis ejus.

Oculi sublimes hominis humiliati sunt, et incurvabitur altitudo virorum.

Dies Domini exercituum super omnem superbum et excelsum, et super omnem arrogantem, et humiliabitur. Incurvabitur sublimitas hominum, et humiliabitur altitudo virorum.

Elevabitur Dominus solus in die illa, et C idola penitus conterentur.

Ingredientur cavernas saxorum, a facie formidinis Domini, quum surrexerit percutere terram.

Quiescite ab homine cujus spiritus in naribus ejus.

CAPITULUM III. — Dabo pueros principes eorum, et effeminati dominabuntur eis.

Non sum medicus, et non est in domo mea panis; nolite me constituere principem populi.

Agnitio vultus eorum respondebit eis : D peccatum suum quasi Sodoma prædicaverunt, nec absconderunt.

Dicite justo quoniam bene. Væ impio in malum. Retributio enim manuum ejus fiet ei.

Popule meus, qui te beatum dicunt, ipsi te decipiunt, et viam gressuum tuorum dissipant.

Stat ad judicandos populos Dominus. Dominus ad iudicium veniet cum senibus populi sui et principibus ejus.

Pro eo quod elevatae sunt filiae Sion, et ambulaverunt collo extento, decalvabit Dominus verticem filiarum Sion. Erit pro suavi odore foetor, et pro crispanti crine calvitium.

CAPITULUM IV. — Apprehendent septem mulieres, etc.

In die illa erit germen Domini in magnificentia et gloria, etc. Sanctus vocabitur omnis qui scriptus est in vita in Jerusalem.

CAPITULUM V. — Expectavi ut faceret vinea mea uvas, et fecit labruscas.

Vinea Domini exercituum domus Israel est, et vir Juda germen ejus delectabile.

Væ qui conjungitis domum ad domum, et agrum agro copulatis. Numquid habitabis vos soli in medio terræ?

Væ qui consurgitis mane ad ebrietatem sectandam, et potandum usque ad vespeream.

Captivus ductus est populus meus, quia non habuit scientiam. Propterea dilatavit infernus animam suam, et aperuit os suum absque ullo termino. Incurvabitur homo et humiliabitur vir, et oculi sublimium deprimentur.

Væ qui trahitis iniquitatem in funiculis vanitatis, et quasi vinculum plaustrum peccatum. Væ qui dicitis malum bonum, et bonum malum. Væ qui sapientes estis in oculis vestris, et coram vobismetipsis prudentes.

Sicut devorat stipulam lingua ignis, et calor flammæ exurit, sic radix impiorum quasi favilla erit, et germen eorum ut pulvis ascendet. Abjecerunt enim legem Domini.

Elevabit Dominus signum in nationibus procul, et sibilabit ad eum de finibus terræ.

CAPITULUM VI. — Vidi Dominum sedentem super solium excelsum et elevatum, et plena erat omnis domus a majestate ejus.

Clamabant alter ad alterum : Sanctus, Sanctus, Sanctus, Dominus Deus exercituum; plena est omnis terra gloria ejus.

Væ mihi quia tacui : vir pollutus labiis A ego sum.

Audiui vocem Domini dicentis : Quem mittam? Et dixi : Ecce ego, mitte me.

Audite audientes, et nolite intelligere, etc. Excæca cor populi hujus, et aures ejus aggrava, etc.

Semen sanctum erit quod steterit.

CAPITULUM VII. — Hæc dicit Dominus : Non stabit, et non erit istud. Caput Syriæ Damascus. Si non credideritis, non permanebitis.

Adjecit Dominus loqui ad Achaz dicens : B Pete tibi signum a Domino Deo tuo, etc.

Ecce virgo concipiet, etc.

CAPITULUM VIII. — Dominum exercituum ipsum sanctificate : ipse pavor vester et ipse terror vester.

Exspectabo Dominum, qui abscondit faciem suam a domo Jacob, et præstolabor eum.

Ecce ego et pueri mei quos dedit mihi *Hebr. ii, 13.* Dominus in signum, etc. (Istud allegat Apostolus.)

Matth. iv, 15. CAPITULUM IX. — (Istud inducit Matthæus de illuminatione gentium, scilicet ea quæ sequuntur.) Primo tempore alleviata est terra Zabulon, etc. Populus qui ambulabat in tenebris, etc. Parvulus natus est nobis, et filius datus est nobis; et factus est principatus super humerum ejus, etc.

Populus non est reversus ad percutientem se, et Dominum exercituum non exquisierunt.

Erunt qui beatificant populum istum, seducetes; et qui beatificantur, præcipitati.

Succensa est quasi ignis impietas, et erit populus quasi esca ignis.

CAPITULUM X. — Væ qui condunt leges iniquas, et injustitiam scripserunt. Quid facietis in die visitationis et calamitatis? Ad cujus confugietis auxilium?

Væ Assur. Virga furoris mei et baculus ipse est. Ipse autem non sic arbitrabitur.

Numquid gloriabitur securis contra eum qui secatur in ea? etc.

Reliquiæ convertentur : reliquiæ, in-

quam, Jacob ad Dominum. Si enim fuerit populus tuus, Israel, quasi arena maris, reliquiæ convertentur ex eo. Consummatio abbreviata inundabit justitiam. Consummationem et abbreviationem Dominus Deus exercituum faciet in medio omnis terræ.

CAPITULUM XI. — Egredietur virga de radice Jesse, et flos de radice ejus ascendet, et requiescet super eum spiritus Domini, etc.

Non secundum visionem oculorum judicabit.

Spiritu labiorum suorum interficiet impium (id est Antichristum).

Habitabit lupus cum agno, et pardus cum hædo accubabit. Vitulus, et leo, et ovis simul morabuntur, etc. (Ista domesticatio ferarum spiritualiter sumenda est.)

Repleta est terra scientia Domini, sicut aquæ maris operientes.

In die illa radix Jesse, qui stat in signum populorum, ipsum gentes deprecabuntur; et erit sepulcrum ejus gloriosum. (Hoc in Christo Jesu impletum est. Nota in isto capitulo multa de Christo, et vocatione primitivæ Ecclesiæ ex Judæis et gentibus.)

Levabit Dominus signum in nationes, et congregabit dispersos Israel, etc.

CAPITULUM XII. — Confitebor tibi, Domine, quoniam iratus es mihi; conversus est furor tuus, etc. Ecce Deus salvator meus; fiducialiter agam et non timebo : quia fortitudo mea, etc.

CAPITULUM XIII. — Omne cor hominis D tabescet. Torsiones et dolores tenebunt quasi parturientis. Facies combustæ vultus eorum.

Ecce dies Domini veniet, crudelis et indignatione plenus, ad ponendam terram in solitudinem, et peccatores ejus conterendos de ea : quoniam stellæ cœli et splendor earum non expandent lumen suum. Obtenebratus est sol in ortu suo, et luna non splendet in lumine suo. Et visitabo super orbis mala, et contra impios iniquitatem eorum; et requiescere faciam su-

perbiam infidelium, et arrogantiam fortium humiliabo.

CAPITULUM XIV. — Prope est ut veniat tempus ejus, et dies ejus non elongabuntur.

Detracta est ad inferos superbia tua, concidit cadaver tuum. Subter te sternetur tineas, et operimentum tuum erunt vermes. Quomodo cecidisti de cœlo, Lucifer, qui mane oriebaris? Qui dicebas in corde tuo: In cœlum conscendam, super astra cœli exaltabo solium meum; sedebo in monte testamenti, in lateribus aquilonis; ascendam super altitudinem nubium, similis ero Altissimo. Verumtamen in infernum detraheris, in profundum laci.

Dominus exercituum decrevit, et quis poterit infirmare?

Pauperes fiducialiter requiescent.

CAPITULUM XVI. — Emitte Agnum, Domine, dominatorem terræ, de petra deserti ad montem filiæ Sion.

Audivimus superbiam Moab: superbus est valde. Superbia ejus et indignatio ejus, plus quam fortitudo ejus. Idcirco ululabit Moab ad Moab; universus ululabit.

CAPITULUM XVII. — Eris deserta, quia oblita es Dei salvatoris tui, et fortis adjutoris tui non es recordata.

CAPITULUM XIX. — (Nota in isto capitulo de vocatione Ægypti ad Christum.)

Ecce Dominus ascendet super nubem levem, et ingredietur Ægyptum, et movebuntur simulacra Ægypti, etc. (Istud jam positum intelligitur de Christi incarnatione, et ingressu in Ægyptum a facie Herodis.)

Dominus miscuit in medio ejus spiritum vertiginis.

In die illa erit altare Domini in medio terræ Ægypti, et titulus Domini juxta terminum ejus. Et cognoscetur Dominus ab Ægypto. Colent Dominum in hostiis et muneribus.

In die illa erit Israel tertius Ægyptio et Assyrio.

CAPITULUM XX. — Locutus est Dominus Isaïæ: Vade, et solve saccum de lumbis

tuis. Et fecit sic, vadens nudus et discalceatus.

Hæccine erat spes nostra? Et quomodo effugere poterimus nos?

CAPITULUM XXI. — Qui incredulus est infideliter agit.

Propterea repleti sunt lumbi mei dolore: corruui quum audirem; conturbatus sum quum viderem; emarcuit cor meum.

Super speculam Domini ego sum, stans jugiter per diem; et super custodiam meam ego sum, stans totis noctibus.

Custos, quid de nocte? custos, quid de nocte?

CAPITULUM XXII. — Comedamus et bibamus, cras enim moriemur.

CAPITULUM XXIII. — Dominus Deus exercituum cogitavit hoc, ut detraheret superbiam omnis gloriæ, et ad ignominiam deduceret universos inelytos terræ.

CAPITULUM XXIV. — Erit sicut populus, sic sacerdos.

In doctrinis glorificate Dominum; in insulis maris nomen Domini Dei Israel.

A finibus terræ laudes audivimus, gloriam justi. (Hoc de amplificatione fidei Jesu Christi dixit Propheta.)

Secretum meum mihi, secretum meum mihi.

Cataractæ de excelsis apertæ sunt, et concutientur fundamenta terræ.

In die illa visitabit Dominus super militiam cœli in excelso (id est super dæmones qui sunt in aere), et super reges terræ; et congregabuntur in congregatione unius fascis in lacum, et claudentur ibi in carcere, et post dies multos visitabuntur.

(Istud intelligitur de universali et æterna damnatione reproborum angelorum et hominum.)

Et erubescet luna et confundetur sol, quum regnaverit Dominus exercituum in monte Sion (id est triumphanti Ecclesia).

CAPITULUM XXV. — Domine, Deus meus es tu; exaltabo te, et confitebor nomini tuo, quoniam fecisti mirabilia. Quia factus es fortitudo pauperi et egeno in tribulatione sua.

Faciet Dominus exercituum omnibus populis in monte hoc (scilicet in monte Sion) convivium pinguium, etc. (Istud exponitur de institutione Eucharistiæ, quam Christus verus Deus in monte Sion instituit.)

Præcipitabit Dominus mortem in semipiternum; et auferet lacrimam ab omni facie, et opprobrium populi sui auferet.

Ecce Deus noster iste; exspectavimus eum, et salvabit nos. Iste Dominus, sustinuit eum; exsultabimus, et lætabimur in salutari ejus.

Et triturbabitur Moab (id est Antichristus) sub eo (id est Christo, quia in monte Sion occidetur).

CAPITULUM XXVI. — Urbs fortitudinis nostræ Sion; Salvator ponetur in ea murus, etc.

Semita justi recta est.

Et in semita judiciorum tuorum, Domine, sustinuit te: nomen tuum et memoriale tuum in desiderio animæ.

Anima mea desideravit te in nocte, sed et spiritu meo in præcordiis meis, de mane vigilabo ad te.

Domine, dabis pacem nobis: omnia enim opera nostra operatus es nobis; tantum in te recordemur nominis tui.

Domine, in angustia requisierunt te, in tribulatione murmuris doctrina tua eis.

A facie tua, Domine, concepimus, et quasi parturivimus, et peperimus spiritum salutis.

Vivent mortui tui, interfecti mei resurgent.

Vade, popule meus, intra cubacula tua; claude ostia tua super te, abscondere modicum ad momentum, donec pertranseat indignatio mea. Ecce Dominus egredietur de loco suo ut visitet iniquitatem orbis terræ contra eum; et revelabit terra sanguinem suum, et non operiet ultra interfectos suos.

CAPITULUM XXVII. — Visitabit Dominus super Leviathan, serpentem tortuosum, et occidet cetum qui in mari est.

Florebit et germinabit Israel, et implebunt faciem orbis semine.

A Iste omnis fructus, ut auferatur peccatum.

Non est populus sapiens: propterea non miserebitur ejus qui fecit illum.

CAPITULUM XXVIII. — Erit Dominus exercituum corona gloriæ, et sertum exultationis residuo populi sui.

Quem docebit Dominus scientiam? et quem intelligere faciet auditum? Ablactatos a lacte, avulsos ab ubere (id est qui solidum cibum capere possunt, quia carnales mollities et voluptates vicerunt: hos Deus docebit).

Dixistis: Percussimus fœdus cum morte, et cum inferno fecimus pactum.

Hæc dicit Dominus: Ecce ego mittam in fundamentis Sion lapidem, lapidem probatum, angularem, pretiosum, in fundamento fundatum. (Istud Petrus in sua *1 Petr. ii, 6*. Canonica inducit.)

Tantummodo sola vexatio intellectum dabit auditui.

Et nunc nolite illudere, ne forte constringantur vineula vestra.

C CAPITULUM XXIX. — Erit sicut somnium visionis nocturnæ.

Inebriamini, et non a vino.

Appropinquat populus iste ore suo, et labiis suis glorificat me, cor autem ejus longe est a me.

Quasi si lutum contra figulum cogitet, et dicat opus factori suo, Quid me fecisti sic? et figmentum dicat fictori suo, Non intelligis. Sic omnes quorum sunt in tenebris opera, et dicunt: Quis videt nos? et quis novit nos?

D Audient surdi in die illa verba libri, et de tenebris et caligine oculi cæcorum videbunt. Addent mites in Domino lætitiā, et pauperes homines in Sancto Israel exsultabunt.

CAPITULUM XXX. — Væ, filii desertores, dicit Dominus, ut faceretis consilium, et non ex me, et ordiremini telam, et non per spiritum meum, ut adderetis peccatum super peccatum; et os meum non interrogastis.

Superbia tantum est; quiesce.

Dicunt videntibus, Nolite videre; et adspicientibus, Nolite adspicere nobis ea quæ recta sunt; loquimini nobis placentia, videte nobis errores.

Hæc dicit Dominus: Si revertamini et quiescatis, salvi eritis; in silentio et in spe erit fortitudo vestra.

Dixistis: Ad equos fugiemus; ideo fugietis. Et super veloces ascendemus; ideo velociores erunt qui persequentur vos.

Propterea exspectat Dominus, ut misereatur vestri. Exaltabitur Dominus parcens vobis. Deus iudicii Dominus: beati omnes qui exspectant eum. Miserans miserebitur tui; ad vocem clamoris tui, statim ut audierit, respondebit tibi.

Erunt oculi tui videntes præceptorem tuum. Et aures tuæ audient verbum post tergum monentis: Hæc est via; ambulate in ea, et non declinetis neque ad dexteram neque ad sinistram.

Et erit lux lunæ sicut lux solis, et lux solis septempler, sicut lux septem dierum, in die qua alligaverit Dominus vulnus populi sui, et percussuram plagæ ejus sanaverit.

Ecce nomen Domini venit de longinquo, ardens furor ejus, et gravis ad portandum. Labia ejus repleta sunt indignatione; spiritus ejus, torrens inundans ad perdendas gentes in nihilum.

Auditam faciet Dominus gloriæ vocis suæ, et terrorem brachii sui ostendet in comminatione furoris et flamma ignis devorantis.

Præparata est ab heri Topheth, a rege præparata, profunda, et dilatata, etc. (Topheth, id est gehenna, præparata est reprobis ab heri, id est a principio mundi, quia simul facta sunt cælum empyreum et infernalis ignis.)

CAPITULUM XXXI. — Ægyptus homo, et non Deus; et equi eorum caro, et non spiritus.

Dixit Dominus, cujus ignis est in Sion et caminus in Jerusalem.

CAPITULUM XXXII. — Lingua balborum velociter loquetur.

T. 14.

A Stultus enim fatua loquetur, ut perficiat simulationem et loquatur fraudulentè.

Fraudulenti vasa pessima sunt: ipse enim cogitationes concinnavit ad perdendos mites in sermone mendacii.

Princeps ea quæ digna sunt principe cogitabit.

Erit opus justitiæ pax, et cultus justitiæ silentium et securitas usque in sempiternum. Et sedebit populus meus in pulchritudine pacis, et in tabernaculis fiduciæ, et in requie opulenta.

Beati qui seminatis super omnes aquas.

CAPITULUM XXXIII. — Væ qui prædaris: nonne et ipse prædaberis? Et qui spernis, nonne et ipse sperneris. Quum fatigatus desieris contemnere, contemneris.

Domine, miserere nostri, te enim exspectavimus; esto brachium nostrum in mane, et salus nostra in tempore tribulationis.

Divitiæ salutis, sapientia et scientia; timor Domini ipse est thesaurus ejus.

C Angeli pacis (id est nuntii Ezechiæ) amare flebunt.

Nunc consurgam, dicit Dominus; nunc exaltabor, etc.

Qui obturat aures suas ne audiat sanguinem, et claudit oculos suos ne videat malum. Iste in excelsis habitabit, etc. Regem in decore suo videbunt oculi ejus.

Ubi est litteratus? ubi est verba legis ponderans? ubi est doctor parvulorum?

D Dominus iudex noster, Dominus legifer noster, Dominus rex noster, ipse veniet et salvabit nos.

CAPITULUM XXXIV. — Complicabuntur sicut liber cœli. Erit terra ejus in picem ardentem die ac nocte; non exstinguetur in sempiternum. Ascendet fumus ejus a generatione in generationem; et desolabitur in sæcula sæculorum.

Onocentaurus et pilosus clamabunt ibi.

Requirite diligenter in libro Domini, et legite.

CAPITULUM XXXV. — (Istud de vocatione gentium ad fidem accipiendum est.)

Lætabitur deserta et invia, et exsultabit A solitudo. Confortate manus dissolutas, etc. Pusillanimes, confortamini, et nolite timere : ecce Deus vester ipse veniet (scilicet per incarnationem) et salvabit vos. Tunc aperientur oculi cæcorum, et aures surdorum patebunt. Tunc saliet sicut cervus claudus, et aperta erit lingua mutorum.

Via sancta vocabitur ; non transibit per eam pollutus ; sed qui liberati fuerint et redempti a Domino, venient in Sion cum laude. Lætitia sempiterna super capita B eorum ; gaudium et lætitiā obtinebunt, et fugiet dolor et gemitus.

CAPITULUM XXXVI. — Quæ est ista fiducia qua confidis ?

CAPITULUM XXXVII. — Leva orationem pro reliquiis quæ repertæ sunt. (Verba Ezechiae.) Domine exercituum, Deus Israel, qui sedes super Cherubim, tu es Deus solus omnium regnorum terræ. Inclina, Domine, aurem tuam, et audi ; aperi oculos tuos, et vide.

Despexit te, subsannavit te, virgo filia C Sion.

Quum fureres adversum me, superbia tua ascendit in aures meas, dicit Dominus. Ponam ergo circulum in naribus tuis et frenum in maxillis tuis.

Angelus Domini percussit in castris Assyriorum centum octoginta quinque millia.

CAPITULUM XXXVIII. — Convertit Ezechias faciem suam ad parietem, et oravit : Obsecro, Domine, memento, quæso, quomodo ambulaverim coram te in veritate et in corde perfecto, et quod bonum est in D oculis tuis feci. Et flevit Ezechias fletu magno.

Et dixit ei Dominus : Ecce ego adjiciam super dies tuos quindecim annos.

Reversus est sol decem lineis per gradus quos descenderat in horologio Achaz.

Ego dixi : In dimidio dierum meorum vadam ad portas inferi, etc. Præcisa est velut a texente vita mea ; dum adhuc ordirer succidit me, etc. Sicut pullus hircinis, sic clamabo ; meditabor ut colum-

ba, etc. Recogitabo omnes annos meos in amaritudine animæ meæ, etc. Ecce in pace amaritudo, etc. Tu autem eruisti animam meam ut non periret, etc. Quia non infernus confitebitur tibi, etc.

CAPITULUM XXXIX. — Dixit Ezechias : Bonum verbum Domini quod locutus est. Fiat tantum pax et veritas in diebus meis.

CAPITULUM XL. — (Istud capitulum loquitur de Christo et ejus præcursore.)

Consolamini, consolamini, popule meus, dicit Deus vester, etc.

Vox clamantis in deserto : Parate viam Domini, etc. Omnis vallis exaltabitur, etc. (Istud spiritualiter intelligi debet.) Revelabitur gloria Domini, et videbit omnis caro salutare Dei nostri.

Omnis caro fœnum, et omnis gloria ejus quasi flos agri. Vere fœnum est populus. Verbum Dei nostri stabit in æternum.

Ecce Dominus in fortitudine veniet, etc. Quis mensus est pugillo aquas, et cœlos palmo ponderavit ? Quis appendit tribus digitis molem terræ, etc. ? Quis adjuvit spiritum Domini ? aut quis consiliarius ejus fuit ac ostendit illi ? Cum quo iniit consilium et instruxit eum, etc. ? Ecce gentes quasi stilla situlæ, et quasi momentum stateræ reputatæ sunt, etc. Omnes gentes quasi non sint, sic sunt coram illo, et quasi nihilum et inane reputatæ sunt ei, etc.

Cui similem fecistis Deum ? aut quam imaginem ponetis ei ? Qui extendit velut nihilum cœlos, et expandit illos sicut tabernaculum ad inhabitandum. Dat scrutatores secretorum quasi non sint, etc. Et cui assimilastis me ? dicit Sanctus. Levate in excelsum oculos vestros, et videte quis creavit hæc.

Deus sempiternus Dominus, qui creavit terminos terræ, non deficiet neque laborabit, nec est investigatio sapientiæ ejus. Qui dat lasso virtutem.

Qui autem sperant in Domino, mutant fortitudinem, assument pennas sicut aquilæ, current et non laborabunt, ambulabunt et non deficient.

CAPITULUM XLI. — Ego Dominus, pri-
mus et novissimus ego sum.

Glutino bonum est.

Ne timeas, quia ego tecum sum; ne
declines, quia ego Deus tuus. Ecce con-
fundentur omnes qui pugnant contra te.

Ego Dominus exaudiam egenum et pau-
perem; non derelinquam eos.

Annuntiate quæ ventura sunt in futu-
rum, et sciemus quia dii estis vos.

Primus ad Sion dicet: Ecce adsum, et
Jerusalem evangelistam dabo.

CAPITULUM XLII. — Ecce servus meus, B
suscipiam eum; electus meus, complacuit
sibi in illo anima mea. Dedi spiritum me-
um super eum; iudicium gentibus pro-
feret. Non clamabit, nec audietur foris vox
ejus, etc. (Nota. De Christo ista inducit
S. Matthæus.) Non erit tristis, neque turbu-
lentos; et legem ejus insulæ exspectabunt.

Matth. xii,
18.

Ego Dominus, dans flatum populo qui
est super terram, et spiritum calcantibus
eam. Ego Dominus vocavi te in justitia,
et apprehendi manum tuam, et servavi
te. Et dedi te in fœdus populi, in lucem C
gentium, ut aperires oculos cæcorum, et
educeres de conclusione vinctum, de do-
mo carceris sedentes in tenebris.

Ego Dominus, hoc est nomen meum.
Gloriam meam alteri non dabo.

Cantate Domino canticum novum, laus
ejus ab extremis terræ. (Nota in isto ca-
pitulo de illuminatione gentium.) Ponent
Domino gloriam, et laudem ejus in insulis
nuntiabunt. Dominus sicut fortis egredie-
tur, etc. Ducam cæcos in viam quam ne-
sciunt.

Quis cæcus, nisi servus meus? et quis
surdus, nisi ad quem nuntios meos misi?
Qui multa vides, nonne custodies?

CAPITULUM XLIII. — Quum transieris per
aquis, tecum ero, et flumina non ope-
rient te. Quum ambulaveris in igne, non
combureris, ait Dominus.

Omnem qui invocatur nomen meum, in
gloriam meam creavi eum.

Ante me non est formatus Deus, et post
me non erit.

A Ne memineritis priorum, et antiqua ne
intueamini.

Populum istum formavi mihi, laudem
meam annuntiabit.

Servire me fecisti in peccatis tuis, præ-
bui mihi laborem in iniquitatibus tuis.
(Hoc in Christo Deo incarnato impletum
est, qui propter nostra peccata occisus
est, etc.)

Ego sum qui deleo iniquitates tuas pro-
pter me. Reduc me in memoriam.

CAPITULUM XLIV. — Noli timere, serve
meus Jacob. Effundam spiritum meum
super semen tuum, et benedictionem me-
am super stirpem tuam.

Iste dicet: Domini ego sum, etc.

Ego sum Dominus, faciens omnia, ex-
tendens cœlos solus, stabiliens terram, et
nullus mecum; irrita faciens signa divi-
norum.

CAPITULUM XLV. — (In isto capitulo lo-
quitur Propheta aliqua de Christo sub
persona Cyri regis.)

Ego Dominus et non est alter, formans
C lucem et creans tenebras, faciens pacem
et creans malum.

Rorate, cœli, desuper, et nubes pluant
Justum, etc.

Væ qui contradicit factori suo. Num-
quid dicit lutum figulo suo, Quid facis?

Vere tu es Deus absconditus, Deus Is-
rael.

Ego Dominus, et non est alius. Non in
abscondito locutus sum. Deus justus et
salvans non est præter me. Convertimini
ad me, et salvi eritis, omnes fines terræ.

D (Nota de divinitate Patris et Christi.) In
memetipso juravi: egredietur de ore meo
justitiæ verbum et non revertetur, quia
mihi curvabitur omne genu, et jurabit
omnis lingua. Ad eum venient et confun-
dentur omnes qui repugnant ei.

CAPITULUM XLVI. — Audite me, domus
Jacob, qui portamini a meo utero, qui
gestamini a mea vulva.

Redite, prævaricatores, ad cor.

Consilium meum stabit, et omnis vo-
luntas mea fiet.

Audite me, duro corde. Prope feci justitiam meam, non elongabitur, et salus mea non morabitur. Dabo in Sion salutem, et in Israel gloriam meam.

CAPITULUM XLVII. — Descende, sede in pulvere, virgo filia Babylon. Ultionem capiam, et non resistet mihi homo. Redemptor noster, Dominus exercituum nomen ejus, Sanctus Israel. Sapientia tua et scientia tua hæc decepit te. Veniet super te malum atque calamitas, et nescies ortum eorum. Veniet super te miseria repente.

CAPITULUM XLVIII. — Scivi quia durus es tu, et nervus ferreus cervix tua, et frons tua ærea, ait Dominus.

Propter nomen meum longe faciam furorem meum. Excoxi te, elegi te in camino paupertatis. Propter me, propter me ego faciam, ut non blasphemem; et gloriam meam alteri non dabo. Ego primus et ego novissimus. Manus quoque mea fundavit terram, etc.

Non a principio in abscondito locutus sum, ex tempore antequam fierent, ibi eram; et nunc Dominus misit me, et Spiritus ejus. (Nota hic apertissime mysterium supersanctæ Trinitatis. Dicit enim Dominus a Domino et Spiritu ejus se missum.)

Hæc dicit Dominus redemptor tuus: Ego Deus tuus, docens te utilia, gubernans te in via qua ambulas. Utinam attendisses mandata mea. Facta fuisset quasi flumen pax tua, et justitia tua sicut gurgites maris.

CAPITULUM XLIX. — (Nota in isto capitulo multa de Christo et vocatione principum gentilium ad ejus fidem.)

Audite, insulæ, etc. Dominus ab utero vocavit me, etc. Posuit os meum quasi gladium acutum; in umbra manus suæ protexit me.

Judicium meum cum Domino, et opus meum cum Deo meo.

Et nunc dicit Dominus, formans me ex utero servum sibi ut reducam Jacob ad eum, et Israel non congregabitur; et glorificatus sum in oculis Domini. Et dixit: Parum est ut sis mihi ad suscitandas tri-

bus Jacob, et fæces Israel convertendas: dedi te in lucem gentium, ut sis salus mea usque ad extremum terræ.

Hæc dicit Dominus, etc., ad contemptibilem animam, etc.: Reges videbunt et consurgent principes, et adorabunt, etc.

Hæc dicit Dominus: In tempore placito exaudivi te, etc. Non esurient neque sitient, et non percutiet eos æstus et sol. Laudate, cœli; et exulta, terra; jubilate, montes, laudem Domino; quia consolatus est Dominus populum suum, et pauperum suorum miserebitur.

(In isto capitulo sunt aliqua, quæ Judæi allegant pro se litteraliter, et male intelligunt.)

Numquid oblivisci potest mater infantem suum, ut non misereatur filio uteri sui? Et si oblita fuerit, ego tamen non obliviscar tui.

Angustus est mihi locus, fac spatium mihi ut habitem.

Ecce levabo ad gentes manum meam, et exaltabo ad populos signum meum.

Ego Dominus, super quo non confundentur qui expectant eum.

CAPITULUM L. — Numquid abbreviata et parvula facta est manus mea, ut non possim redimere?

Dominus dedit mihi linguam eruditam, ut sciam sustentare eum qui lassus est verbo. Dominus Deus aperuit mihi aurem, ego autem non contradico. Corpus meum dedi percutientibus, et genas meas velentibus. Faciem meam non averti ab increpantibus et conspuentibus in me, etc.

Quis est adversarius meus? Accedat ad me. Ecce Dominus Deus auxiliator meus.

Quis ambulat in tenebris, et non est lumen ei? Speret in nomine Domini et innitatur super Deum suum.

CAPITULUM LI. — Gaudium et lætitia invenietur in ea, et gratiarum actio, et vox laudis.

Attendite ad me, popule meus, quia lex a me exiet, et judicium meum in lucem populorum requiescet. Me insulæ expectabunt.

Coeli sicut fumus liquescent, et terra A a Deo, et humiliatum. Ipse autem vulneratus est propter iniquitates nostras, etc.

Nolite timere opprobrium hominum et blasphemias eorum.

Qui redempti sunt a Domino, revertentur; et venient in Sion laudantes, et lætitia sempiterna super capita eorum. Gaudium et lætitiā obtinebunt, et fugiet dolor et gemitus.

Quis tu, ut timeas ab homine mortali, et a filio hominis qui quasi fœnum arescit?

CAPITULUM LII. — Excute de pulvere, consurge, sede, Jerusalem.

Propter hoc sciet populus meus nomen meum in die illa: quia ego ipse qui loquebar, ecce adsum (scilicet per incarnationem).

Simul laudabunt, quia oculo ad oculum videbunt, quum converterit Dominus Sion.

Paravit Dominus brachium sanctum suum in oculis omnium gentium; et videbunt omnes fines terræ salutare Dei nostri.

Recedite, recedite; exite inde, pollutum nolite tangere. Mundamini, qui fertis vasa Domini.

(Nota multa pulchra de Christo, et de spectu et gloria ejus, de dilatatione fidei ejus, et gentium vocatione, etc.) Ecce intelliget servus meus, et exaltabitur, et revelabitur, et sublimis erit valde. Sicut obstupuerunt super te multi, sic inglorius erit inter viros adspectus ejus. Super ipsum continebunt reges os suum: quia quibus non est narratum de eo viderunt, D et qui non audierunt contemplati sunt.

CAPITULUM LIII. — (Nota in isto capitulo de Christi passione magis historiam quam prophetiam, propter prophetiæ hujus excellentiam evidentissimam.)

Quis credidit auditui nostro? etc. Non est species ei neque decor; et vidimus eum, et non erat adspectus, etc.

Vere languores nostros ipse tulit, et dolores nostros ipse portavit; et nos putavimus illum quasi leprosum, et percussum

Tradidit in mortem animam suam, et cum sceleratis reputatus est, et pro transgressoribus rogavit.

CAPITULUM LIV. — Lauda, sterilis, quæ non paris; decanta laudem, et hinni, etc.

(Istud de Ecclesia ex gentibus congregata exponitur.)

Redemptor tuus, Sanctus Israel, Deus omnis terræ vocabitur.

Ad punctum in modico dereliqui te, et in miserationibus magnis congregabo te. In momento indignationis meæ abscondi parumper faciem meam a te; et in misericordia sempiterna misertus sum tui, dixit Redemptor tuus.

Ecce ego creavi fabrum sufflantem in igne prunas, et proferentem vas in opus suum; et ego creavi interfectorem ad disperdendum.

CAPITULUM LV. — Omnes sitientes, venite ad aquas, etc. Feriam vobiscum pactum sempiternum, misericordias David fideles.

C Ecce testem populis dedi eum, ducem ac præceptorem gentibus. Ecce gentem quam nesciebas vocabis, etc.

Quærite Dominum, dum inveniri potest; invoke eum, dum prope est. Derelinquat impius viam suam, et vir iniquus cogitationes suas, etc.

Non enim cogitationes meæ, cogitationes vestræ; neque viæ meæ, viæ vestræ, dicit Dominus. Quia sicut exaltantur cœli a terra, sic exaltatæ sunt viæ meæ a viis vestris, et cogitationes meæ a cogitationibus vestris.

Verbum meum quod egredietur de ore meo, non revertetur ad me vacuum, sed faciet quæcumque volui, prosperabitur in his ad quæ misi illud.

Erit Dominus nominatus in signum æternum quod non auferetur.

CAPITULUM LVI. — Custodite iudicium et facite justitiam, quia prope est salus mea ut veniat, et justitia mea ut reveletur. Non dicat eunuchus: Ecce ego lignum aridum, etc.

Domus mea domus orationis vocabitur A eunctis gentibus.

Speculatores ejus caeci omnes, canes muti non valentes latrare, videntes vana, et dormientes. Ipsi pastores ignoraverunt intelligentiam, unusquisque in viam suam declinavit.

CAPITULUM LVII. — Justus perit, et non est qui recogitet in corde suo; et viri misericordiæ tolluntur, et non est qui intelligat.

Mei non es recordata, quia ego tacens, et quasi non videns.

Hæc dicit Dominus excelsus et sublimis, habitans æternitatem, et sanctum nomen ejus, in excelso et in sancto habitans, et cum contrito et humili spiritu: ut vivificet spiritum humilium et cor contritorum. Spiritus a facie mea egredietur, et flatus ego faciam. Abscondi a te faciem meam; et abiit vagus in via cordis sui.

Impii quasi mare fervens, quod requiescere non potest. Non est pax impiis, dicit Dominus.

CAPITULUM LVIII. — Clama, ne cesses, C quasi tuba exalta vocem tuam, et annuntia populo meo scelera eorum, etc.

Frangere esurienti panem tuum, etc.

Requiem dabit tibi Dominus semper, et implebit splendoribus animam tuam.

Si glorificaveris Dominum dum non facis vias tuas, et non invenitur voluntas tua ut loquaris sermonem; tunc delectaberis super Domino, et sustollam te super altitudinem terræ, ait Dominus, etc.

CAPITULUM LIX. — Ecce non est abbreviata manus Domini, ut salvare nequeat; D neque aggravata est auris ejus, ut non exaudiat. Sed iniquitates vestrae dividerunt inter vos et Deum vestrum; et peccata vestra absconderunt faciem ejus a vobis, ne exaudiret.

Confidunt in nihilo, et loquuntur vanitates.

Peccata nostra responderunt nobis.

Et vidit Dominus, et malum apparuit in oculis ejus.

CAPITULUM LX. — Surge, illuminare, Je-

rusalem, quia venit lumen tuum, et gloria Domini super te orta est, etc. Et ambulabunt gentes in lumine tuo.

Qui sunt isti qui ut nubes volant, et quasi columbæ ad fenestras suas?

Ponam visitationem tuam pacem, et præpositos tuos justitiam. Occupabit salus muros tuos. Non erit tibi amplius sol ad lucendum per diem, nec splendor lunæ illuminabit te; sed erit tibi Dominus in lucem sempiternam, et Deus tuus in gloriam tuam. Non occidet ultra sol tuus, etc.

B CAPITULUM LXI. — Spiritus Domini super me, eo quod unxerit me; ad annuntiandum mansuetis misit me, etc., ut darem lugentibus coronam pro cinere, oleum gaudii pro luctu, pallium pro spiritu mœroris.

Isti sunt semen cui benedixit Dominus.

Gaudens gaudebo in Domino, et exultabit anima mea in Deo meo.

CAPITULUM LXII. — Videbunt gentes Justum tuum, et cuncti reges Inclytum tuum; quia complacuit Domino in te.

C Super muros tuos, Jerusalem, constitui custodes; tota die et tota nocte in perpetuum non tacebunt.

Qui reminiscimini Domini, ne taceatis, et ne detis silentium ei.

Juravit Dominus in dextera sua.

CAPITULUM LXIII. — Quis est iste qui venit de Edom, etc.? (Istud loquitur de Christi ascensione.)

Miserationum Domini recordabor, laudem Domini super omnibus quæ reddidit nobis Dominus, quæ largitus est secundum indulgentiam suam.

Afflixerunt spiritum Sancti ejus.

Attende de cœlo et vide. Multitudo viscerum tuorum et miserationum tuarum super me continuerunt se. Abraham nescivit nos. Tu, Domine, pater noster, redemptor noster, a sæculo nomen tuum. Quare errare nos fecisti de viis tuis? etc.

CAPITULUM LXIV. — Utinam dirumperes cœlos et descenderes.

Oculus non vidit, Deus, absque te, quæ præparasti expectantibus te.

Ecce tu iratus es, et peccavimus. Et A facti sumus ut immundi omnes nos; quasi pannus menstruatae, universae justitiae nostrae.

Et nunc pater noster es tu, nos vero lutum; et fictor noster tu, et opera manuum tuarum omnes nos. Non irascaris, Domine, satis, et ne ultra memineris iniquitatis nostrae; ecce, respice, populus tuus omnes nos.

CAPITULUM LXV. — (Nota in isto capitulo de excæcatione Judæorum, et illuminatione gentium.)

Quæsierunt me, qui non interrogabant me, etc. Impii fumus erunt coram me, ignis ardens tota die.

Ecce servi mei laudabunt præ exultatione cordis, et vos clamabitis præ dolore cordis, et præ contritione spiritus ululabitis. Servos suos vocabit Dominus nomine alio, in quo qui benedictus est super terram, benedicetur in Deo, amen. Oblivioni traditæ sunt angustiae priores, etc.

Ecce enim ego creo coelos novos et terram novam; et non erunt in memoria C priora. Sed gaudebitis et exultabitis usque in æternum in his quæ ego creo. Puer centum annorum morietur, et peccator centum annorum maledictus erit. Electi mei non laborabunt frustra, quia semen benedictorum Domini est. Antequam clament, ego exaudiam; adhuc illis loquentibus, ego audiam.

CAPITULUM LXVI. — Hæc dicit Dominus: Cælum mihi sedes est, et terra scabellum pedum meorum. Quæ est ista domus quam ædificabitis mihi? Omnia hæc manus mea D fecit.

Ad quem autem respiciam, nisi ad pauperulum et contritum spiritu et trementem sermones meos?

Qui immolat bovem, quasi qui interficiat virum; qui mactat pecus, quasi qui excerebret canem, etc.

Antequam parturiret, peperit; antequam veniret tempus partus ejus, peperit masculum. Quis audivit unquam tale? et quis vidit huic simile? Numquid ego qui alios parere facio, ipse non pariam? dicit Dominus. Si ego qui generationem ceteris B tribuo, sterilis remanebo? ait Dominus Deus tuus.

Ecce ego declinabo in eos ut flumen pacis. Quomodo si mater blandiatur, ita et ego consolabor vos. Videbitis, et gaudebit cor vestrum, etc.

Ecce Dominus in igne veniet, reddere in indignatione furorem suum, et incensationem suam in flamma ignis.

Ego autem opera eorum et cogitationes eorum venio ut congregem. Mittam ex eis qui salvati fuerint, ad gentes, in mare, in C Africam, in Lydiam, tenentes sagittam; in Italiam et Græciam, ad insulas longe, etc. Et annuntiabunt gloriam meam gentibus; et adducent omnes fratres vestros in equis et quadrigis, et in lectulis et mulis, et in carrucis, ad montem sanctum meum Jerusalem, etc. (Ista vehicula spiritualiter intelligenda sunt.)

Erit mensis ex mense, et sabbatum ex sabbato. Egredientur, et videbunt cada- vera virorum qui prævaricati sunt in me. Vermis eorum non morietur, et ignis eorum non exstinguetur; et erunt usque ad satietatem visionis omni carni.

PROPHETIA JEREMIÆ

HABET CAPITULA QUINQUAGINTA DUO. ET AGITUR IN EA DE CAPTIVITATE
JUDÆORUM, ET DE DESTRUCTIONE CIVITATIS JERUSALEM; DE PLANCTU ET LAMENTATIONE
PROPTER DESTRUCTIONEM ISTAM.

CAPITULUM I. — Dixit Dominus ad Jeremiam : Priusquam te formarem in utero, novi te ; et antequam exires de vulva, sanctificavi te, etc.

Et dixi : A, a, a, Domine Deus, ecce nescio loqui, quia puer ego sum.

Ne timeas a facie eorum, quia tecum ego sum ut eruam te, dicit Dominus.

Bellabunt adversum te, et non prævalerunt, quia ego tecum sum, dicit Dominus, ut liberem te.

CAPITULUM II. — Quid invenerunt patres vestri in me iniquitatis, dicit Dominus, quia elongaverunt a me, et ambulaverunt post vanitatem et vani facti sunt ?

Sacerdotes non dixerunt, Ubi est Dominus ? et tenentes legem nescierunt me, et pastores prævaricati sunt in me.

Duo mala fecit populus meus : me dereliquerunt fontem aquæ vitæ, et foderunt sibi cisternas dissipatas, quæ continere non valent aquas.

Arguet te malitia tua, et aversio tua increpabit te. Scito et vide quia malum et amarum est reliquisse te Dominum Deum tuum, et non esse timorem ejus apud te, dicit Dominus Deus exercituum.

A sæculo confregisti jugum meum, rupisti vincula mea, et dixisti : Non serviam.

Quomodo conversa es in pravum, vinea aliena ?

Verterunt ad me tergum et non faciem.

Ecce ego judicio contendam tecum, eo quod dixeris : Non peccavi. Quam vilis facta es nimis, iterans vias tuas !

CAPITULUM III. — Tu fornicata es cum amatoribus multis : tamen revertere ad me, dicit Dominus.

Leva oculos tuos in directum, et vide ubi prostrata sis. Frons mulieris meretricis facta est tibi, noluisti erubescere. Ergo saltem amodo voca me : Pater meus es tu.

Revertere ad me, et non avertam faciem meam. Tamen scito iniquitatem tuam, quia in Dominum Deum tuum prævaricata es.

Dabo vobis pastores juxta cor meum, et pascent vos scientia et doctrina. Non dicent ultra, Arca testamenti Domini ; neque ascendet super cor, etc.

In tempore illo vocabunt Jerusalem solum Domini ; et congregabuntur ad eam omnes gentes, etc.

Convertimini ad me, et sanabo aversiones vestras. Vere in Domino Deo nostro salus Israel.

CAPITULUM IV. — Si reverteris, Israel, ait Dominus, ad me convertere. Si abstuleris offendicula tua a facie mea, dicit Dominus, non commoveberis.

Novate vobis novale, et nolite serere super spinas. Circumcidimini, et auferte præputia cordium vestrorum, ne forte egrediatur ut ignis indignatio mea, et succendatur, et non sit qui exstinguat.

Lava a malitia cor tuum, ut salva fias. Usquequo morabuntur in te cogitationes noxiæ ?

Viæ tuæ et cogitationes tuæ fecerunt hæc tibi, ait Dominus.

Sensus cordis mei turbati sunt in me.

Sapientes sunt ut faciant mala, bene autem facere nescierunt.

CAPITULUM V. — Domine, oculi tui respiciunt fidem. Percussisti eos, et non doluerunt ; renuerunt accipere discipli-

nam. Induraverunt facies suas super pe- A
tram, et noluerunt reverti.

Numquid super his non visitabo, ait
Dominus, et in gente tali non ulciscetur
anima mea?

Prævaricatione prævaricata est in me
domus Israel et domus Juda, ait Dominus.
Negaverunt Dominum, et dixerunt: Non
est ipse. (Istud in Christi passione evi-
denter impletum est.)

Audi, popule stulte, qui non habes cor.
Me non timebitis? qui posui arenam ter-
minum mari, præceptum sempiternum B
quod non præteribit; intumescant fluctus
ejus, et non transibunt illud.

Peccata vestra prohibuerunt bonum a
vobis.

CAPITULUM VI. — Erudire, ait Dominus,
ne forte recedat anima mea a te.

A minore usque ad majorem omnes avari-
tiæ student. Pax, pax; et non erat pax.
Confusione autem non sunt confusi et eru-
bescere nescierunt. Quamobrem cadent in-
ter corruentes in tempore visitationis suæ.

Interrogate quæ sit via bona, et ambu- C
late in ea; et invenietis refrigerium ani-
mabus vestris.

Holocautomata vestra non sunt acce-
pta, etc.

Filia populi mei, accingere cilicio, et
conspergere cinere; luctum unigeniti fac
tibi, planctum amarum, quia repente ve-
niet vastator super vos.

Frustra conflavit conflator.

CAPITULUM VII. — Bonas facite vias ve-
stras, dicit Dominus, et habitabo vobis-
cum.

Tu ergo, noli orare pro populo hoc, nec
assumas pro eis laudem et orationem, et
non obsistas mihi, quia non exaudiam te.

Numquid me ad iracundiam provocant?
dicit Dominus. Nonne semetipsos in con-
fusione vultus sui?

Non sum locutus cum patribus vestris,
nec præcepi eis, in die qua eduxi eos de
terra Ægypti, de verbo holocautomatum;
sed hoc verbum præcepi eis: Audite vo-
cem meam, etc.

Facti sunt retrorsum, et non in ante.

CAPITULUM VIII. — Eligent magis mor-
tem quam vitam omnes de generatione
hac pessima.

Quare aversus est populus iste aversio-
ne contentiosa?

Milvus in cœlo cognovit tempus suum,
etc.; populus autem meus non cognovit
judicium Domini.

Numquid resina non est in Galaad? etc.

CAPITULUM IX. — Quis dabit capiti meo
aquam, et oculis meis fontem lacrima-
rum? et plorabo die ac nocte interfectos
populi mei. Quis dabit mihi in solitudine
diversorium viatorum? et derelinquam po-
pulum meum, et recedam ab eis.

Unusquisque se a proximo suo custo-
diat, et in omni fratre suo non habeat fi-
duciam, etc.

Sagitta vulnerans, lingua eorum. In ore
suo pacem cum amico suo loquitur, et oc-
culte ponit ei insidias.

Quis est vir sapiens qui intelligat hoc,
et ad quem verbum oris Domini fiat?

C Hæc dicit Dominus: Ecce ego cibabo
populum istum absinthio, et potum dabo
ei aquam fellis.

Deducant oculi vestri lacrimas, et pal-
pebræ vestræ defluant aquis.

Hæc dicit Dominus: Non gloriatur sa-
piens in sapientia sua, et non gloriatur
fortis in fortitudine sua, et non gloriatur
dives in divitiis suis; sed in hoc gloriatur
qui gloriatur, scire et nosse me, quia ego
sum Dominus qui facio misericordiam et
judicium et justitiam in terra. Hæc enim
D placent mihi, ait Dominus.

Omnes gentes habent præputium, om-
nis autem domus Israel incircumcisi sunt
corde.

CAPITULUM X. — A signis cœli nolite me-
tuere quæ timent gentes, quia leges popu-
lorum vanæ sunt.

Non est similis tui, Domine. Magnus es
tu, et magnum nomen tuum in fortitudi-
ne. Quis non timebit te, o Rex gentium?
Tuum enim est decus.

Dominus autem Deus verus est, ipse

Deus vivens, et rex sempiternus. Ab indignatione ejus commovebitur terra, et non sustinebunt gentes comminationem ejus. Qui fecit terram in fortitudine sua, præparans orbem in sapientia sua, et extendens cælos prudentia sua.

Stultus factus est omnis homo a scientia sua.

Dixi : Plane hæc infirmitas mea est, et portabo illam.

Quia stulte egerunt pastores, et Dominum non quæsierunt, propterea omnis grex eorum dissipatus est, nec intellexerunt.

Scio, Domine, quia non est hominis via ejus, nec viri est ut ambulet et dirigat gressus suos.

Corripe me, Domine : verumtamen in judicio, et non in furore tuo, ne forte ad nihilum redigas me.

CAPITULUM XI. — Quid est, quod dilectus meus in domo mea fecit scelera multa? Numquid carnes sanctæ auferent a te malitias tuas?

Ego quasi agnus mansuetus qui portatur ad victimam. Et non cognovi quia super me cogitaverunt consilia, dicentes : Mittamus lignum in panem ejus, et eradamus eum de terra viventium, et nomen ejus non memoretur ultra.

Tu autem, Domine Sabaoth, qui judicas juste, et probas renes et corda, videam ultionem tuam ex eis. Tibi enim revelavi causam meam.

CAPITULUM XII. — Justus quidem tu es, Domine, si disputem tecum. Verumtamen justa loquar ad te : Quare via impiorum prosperatur? et bene est omnibus qui prævaricantur et inique agunt? Plantasti eos, et proficiunt, etc. Prope es tu ori eorum, et longe a renibus eorum.

Tu, Domine, nosti me; vidisti me, et probasti cor meum.

(Nota de reprobatione Judæorum.) Reliqui domum meam, dimisi hereditatem meam; dedi dilectam animam meam in manum inimicorum ejus. Facta est mihi hereditas mea quasi leo in silva. Dedit

A contra me vocem, ideo odivi eam. Pastores multi demoliti sunt vineam meam, etc.

CAPITULUM XIII. — Computrescere faciam superbiam populi pessimi, qui nolunt audire verba mea, et ambulant in pravitate cordis sui.

Hæc dicit Dominus : Sicut adhæret lumbare ad lumbos viri, sic agglutinaui mihi domum Israel, ut essent mihi in populum, et in nomen, et in laudem, et in gloriam; et non audierunt.

Nolite elevari; sed date Domino Deo vestro gloriam, antequam contenebrescat, et antequam offendant pedes vestri ad montes caliginosos.

Dic regi et dominanti : Humiliamini.

Si mutare potest Æthiops pellem suam, et pardus varietates suas, et vos poteritis benefacere quum didiceritis malum.

CAPITULUM XIV. — Si iniquitates nostræ responderint nobis, Domine, fac propter nomen tuum, quoniam multæ sunt aversiones nostræ. Tibi peccavimus, expectatio Israel, salvator in tempore tribulationis.

(Nota pulcherrima de Dei incarnatione.) Quare quasi colonus venturus es in terra, et quasi viator declinans ad manendum? Quare venturus es velut vir vagus, aut fortis qui non potest salvare? Tu autem in nobis es, Domine, et nomen tuum invocatum est super nos, ne derelinquas nos.

Deducant oculi mei lacrimam per diem et noctem, et non taceant, etc. Cognovimus, Domine, impietates nostras, etc. Ne nos des in opprobrium, propter nomen tuum, etc.

CAPITULUM XV. — Si steterint Moyses et Samuel coram me, non est anima mea ad populum istum.

Væ mihi, mater mea : quare me genuisti, virum rixæ, virum discordiæ?

Tu scis, Domine, recordare mei, et visita me, et tuere me ab his qui persequuntur me.

Inventi sunt sermones tui, et comedi eos. Et factum est mihi verbum tuum in gaudium et in lætitiā cordis mei.

Non sedi in concilio ludentium; a facie

manus tuæ solus sedebam, quoniam amaritudine replesti me.

Hæc dicit Dominus : Si converteris, convertam te, et ante faciem meam stabis; et si separaveris pretiosum a vili, quasi os meum eris.

CAPITULUM XVI. — (Nota in isto capitulo de liberatione Judæorum a captivitate in qua erant dispersi.)

Ecce ego mittam piscatores multos, dicit Dominus, et piscabuntur eos. Oculi mei super omnes vias eorum; non sunt absconditæ ab oculis meis.

Domine, fortitudo mea et robur meum, et refugium meum in die tribulationis, ad te gentes venient ab extremis terræ, et dicent : Vere mendacium possederunt patres nostri, vanitatem quæ eis non profuit.

CAPITULUM XVII. — Ignem succendisti in furore meo, usque in æternum ardebit.

Hæc dicit Dominus : Maledictus homo qui confidit in homine et ponit carnem brachium suum, et a Domino recedit cor ejus.

Benedictus vir qui confidit in Domino, C et erit Dominus fiducia ejus.

Pravum est cor hominis et inscrutabile : quis cognoscat illud? Ego Dominus scrutans cor et probans renes; qui do unicuique juxta vias suas, et juxta fructum adinventionum suarum.

Domine, omnes qui te derelinquunt, confundentur; recedentes a te, in terra scribentur, quoniam dereliquerunt venam aquarum viventium, Dominum. Sana me, Domine, et sanabor; salvum me fac, et salvus ero.

Ego non sum turbatus, te pastorem sequens; et diem hominis non concupivi, tu scis. Quod egressum est de labiis meis, rectum fuit in conspectu tuo. Non sis mihi tu formidini, spes mea in die afflictionis. Confundantur qui me persequuntur, et non confundar ego, etc.

Custodite animas vestras.

CAPITULUM XVIII. — Numquid sicut figulus, non potero facere vobis, domus Israel? Ecce sicut lutum in manu figuli, sic vos

A in manu mea. Repente loquar adversus gentem et regnum, ut eradicem et destruiam illud. Si pœnitentiam egerit gens ista, agam et ego pœnitentiam super malo quod cogitavi ut facerem ei, etc.

Attende, Domine, ad me, et audi voces adversariorum meorum. Numquid redditur pro bono malum? etc. Tu, Domine, scis omne consilium eorum adversum me. Ne propitieris iniquitati eorum, et peccatum eorum non deleatur.

CAPITULUM XX. — Seduxisti me, Domine, B et seductus sum; fortior me fuisti, et invaluisti.

Factus est mihi sermo Domini in opprobrium et in derisum tota die. Et factus est in corde meo quasi ignis exæstuans claususque in ossibus meis, et defeci, ferre non sustinens. Audivi contumelias multorum, et terrorem in circuitu. Persequimini et persequamur eum, ab omnibus viris qui erant pacifici mei, etc.

Dominus mecum est quasi bellator fortis : idcirco qui me persequuntur cadent, et infirmi erunt. Confundentur vehementer, quia non intellexerunt opprobrium sempiternum quod nunquam delebitur.

Cantate Domino, laudate Dominum, quia liberavit animam pauperis de manu malorum.

Maledicta dies in qua natus sum, etc. Quare de vulva egressus sum, ut viderem laborem et dolorem, et consumerentur in confusione dies mei?

CAPITULUM XXI. — Hæc dicit Dominus : Ecce ego do coram vobis viam vitæ, et D viam mortis.

CAPITULUM XXII. — Terra, terra, terra, audi sermonem Domini.

CAPITULUM XXIII. — Væ pastoribus qui dispergunt et dilacerant gregem pascuæ meæ, dicit Dominus.

Ecce dies veniunt, dicit Dominus, et suscitabo David germen justum; et regnabit rex, et sapiens erit, et faciet judicium et justitiam in terra. In diebus illis salvabitur Juda, et Israel habitabit confidenter; et hoc est nomen quod vocabunt eum,

Dominus justus noster. (Istud intelligitur A de Christo, et in Hebræo habetur nomen scietur Propheta quem misit Dominus in Domini tetragrammaton.) veritate.

Contritum est cor meum in medio mei, contremuerunt omnia ossa mea; factus sum quasi vir ebrius, et quasi homo madidus a vino, a facie Domini, et a facie verborum sanctorum ejus.

Via impiorum erit quasi lubricum in tenebris; impellentur et corruent in ea.

Ecce ego cibabo eos absinthio, et potabo eos (scilicet impios) felle.

Quis adfuit in consilio Domini, et vidit, B et audivit sermonem ejus? Ecce turbo dominicæ indignationis egredietur, et tempestas erumpens super caput impiorum veniet. Non revertetur furor Domini usque dum faciat, et usque dum compleat Dominus cogitationes cordis sui. In novissimis diebus intelligetis consilium ejus.

Putasne Deus e vicino ego sum, dicit Dominus, et non Deus de longe? Si occultabitur vir in absconditis, et ego non videbo eum? dicit Dominus.

(Nota de immensitate Dei.) Numquid C non cælum et terram ego impleo? dicit Dominus.

Quid paleis ad triticum? Numquid non verba mea sunt quasi ignis, ait Dominus, et quasi malleus conterens petram?

Derelinquam vos, et civitatem quam dedi vobis et patribus vestris; et dabo vos in opprobrium sempiternum, et in ignominiam æternam, quæ nunquam oblivione delebitur.

CAPITULUM XXV. — Dominus de excelso rugiet: quia judicium Domino cum genti- D bus. Judicatur ipse cum omni carne.

Ululate, pastores, et clamate; et adspergite vos cinere, optimates gregis: quia completi sunt dies vestri ut interficiamini, et cadetis quasi vasa pretiosa.

CAPITULUM XXVI. — Dixit Jeremias: Scitote quia si occideritis me, sanguinem innocentem tradetis contra vosmetipsos.

CAPITULUM XXVIII. — Propheta qui vaticinatus est, quum venerit verbum ejus

CAPITULUM XXIX. — Ego scio cogitationes quas cogito super vos, ait Dominus, cogitationes pacis et non afflictionis, ut dem vobis finem et patientiam.

Invenietis me, quum quæsieritis me in toto corde vestro.

Dabo eos in vexationem, et in maledictionem, et in stuporem, et in sibilum, et in opprobrium, eo quod non audierint verba mea, dicit Dominus.

Ego sum iudex et testis, ait Dominus.

CAPITULUM XXX. — Væ, quia magna dies illa, et non est similis ei.

Non dominabuntur Jacob amplius alieni; sed servient Domino Deo suo, et David regi suo, quem suscitabo eis (id est Messiae).

Castigo te in iudicio, ut non tibi videaris innoxius; non autem te faciam in summationem.

Plaga inimici percussi te, castigatione crudeli. Quid clamas ad me? Insanabilis C est dolor tuus.

Quis est iste qui applicet cor suum ut appropinquet mihi? ait Dominus.

CAPITULUM XXXI. — In caritate perpetua dilexi te: ideo attraxi te miserans.

Factus sum Israeli pater, et Ephraim primogenitus meus est.

Erit anima eorum quasi hortus irriguus, et ultra non esurient.

Vox in excelsis audita est lamentationis et fletus Rachel plorantis filios suos, et nolentis consolari super eis, quia non sunt.

Hæc dicit Dominus: Quiescat vox tua a ploratu, et oculi tui a lacrimis, quia est merces operi tuo.

Castigasti me, et eruditus sum, quasi juvenculus indomitus. Converte me, Domine, et convertar, quia tu es Dominus Deus meus. Postquam enim convertisti me, egi pœnitentiam; et postquam ostendisti mihi, percussi femur meum.

Dirige cor tuum in viam directam. Usquequo deliciis dissolveris, filia vaga?

(Nota de Christifera Virgine.) Creavit

Dominus novum super terram : femina A circumdabit virum.

Unusquisque in iniquitate sua morietur. Omnis qui comederit uvam acerbam, obstupescent dentes ejus.

(Nota. Sequentia verba allegat Apostolus de datione novæ legis.) Ecce dies veniunt, dicit Dominus, et feriam domui Israel et domui Juda pactum novum, etc. Non docebit ultra vir proximum suum dicens : Cognosce Dominum. Omnes enim cognoscent me, a minimo eorum usque ad maximum, ait Dominus.

Hæc dicit Dominus, qui dat solem in lumen diei, ordinem lunæ atque stellarum in lumine noctis, etc.

CAPITULUM XXXII. — Domine Deus, ecce tu fecisti cælum et terram in fortitudine tua magna; non erit tibi difficile omne verbum : qui facis misericordiam in millibus, et reddis iniquitatem patrum in sinum filiorum post eos. Fortissime, magne, potens, Dominus exercituum nomen tibi. Magnus consilio et incomprehensibilis cogitatu : cujus oculi aperti sunt super C omnes filios Adam, ut reddas unicuique secundum vias suas, etc.

Ecce ego Dominus Deus universæ carnis : numquid mihi difficile erit omne verbum?

Dabo eis cor unum et viam unam. Et lætabor super eis, quum bene eis fecero. (Nota in isto capitulo de reductione filiorum Israel de captivitate sua.)

CAPITULUM XXXIII. — Clama ad me, et exaudiam te; et annuntiabo tibi grandia et firma quæ nescis.

(Nota et in isto capitulo de reductione D et liberatione filiorum Israel.)

In tempore illo, germinare faciam David germen justitiæ, et faciet judicium et justitiam in terra.

Si irritum fieri potest pactum meum cum die, etc.

CAPITULUM XXXVI. — Dixit Baruch ad principes Juda : Ex ore suo loquebatur Jeremias quasi legens omnes sermones istos ad me, et ego scribebam in volumine atramento.

CAPITULUM XXXIX. — Eruens liberabo te, et erit tibi anima tua in salutem, quia in me habuisti fiduciam, ait Dominus.

CAPITULUM XLIII. — Dixerunt Johanan et omnes viri superbi ad Jeremiam : Mendacium tu loqueris; non misit te Dominus, etc.

CAPITULUM XLIV. — Non poterat vos Dominus ultra portare, propter malitiam studiorum vestrorum.

CAPITULUM XLV. — Væ mihi misero, quia Dominus addidit dolorem dolori meo. Laboravi in gemitu meo, et requiem non inveni.

CAPITULUM XLVII. — O mucro Domini ! usquequo non quiescis?

CAPITULUM XLVIII. — Maledictus qui facit opus Dei fraudulenter.

Transfusus non est de vase in vas : ideo permansit gustus ejus in eo, et odor ejus non est immutatus.

Audivimus superbiam Moab, etc.

Quia plus fecit quam potuit : idcirco periit, etc.

CAPITULUM XLIX. — Arrogantia tua et superbia cordis tui decepit te. Quum exaltaveris quasi aquila nidum tuum, inde detraham te, dicit Dominus.

Quis similis mei? et quis sustinebit me? ait Dominus. Et quis est iste pastor qui resistat vultui meo?

CAPITULUM L. — In tempore illo venient filii Israel et filii Juda simul, etc., et apponentur ad Dominum fœdere sempiterno, etc. (Sensum horum verborum diligenter inquire in textu et glossis, quia expedit contra Judæos.)

Aperuit Dominus thesaurum suum, et protulit vasa iræ suæ.

Ecce ego ad te, o superbe, ait Dominus exercituum, quia venit dies tuus, et tempus visitationis tuæ. Et cadet superbus, et corruet, et non erit qui suscitet eum.

CAPITULUM LI. — Curavimus Babylonem, et non est sanata; derelinquamus eam.

Ecce ego ad te, mons pestifer, ait Dominus, qui corrumpis universam terram.

THRENI

HABENT CAPITULA QUINQUE. ET CONTINENTUR IN EIS LAMENTATIONES JEREMIE
SUPER CIVITATEM JERUSALEM.

CAPITULUM I. — Peccatum peccavit Je- A
rusalem : propterea instabilis facta est.

O vos omnes qui transitis per viam,
attendite, et videte si est dolor sicut dolor
meus.

De excelso misit ignem in ossibus meis,
et erudivit me.

Torcular calcavit Dominus virgini filiæ
Juda.

Vide, Domine, quoniam tribulor; con-
turbatus est venter meus: subversum est
cor meum in me.

CAPITULUM II. — Deduc quasi torrentem B
lacrime per diem et noctem, et non des
requiem tibi, neque taceat pupilla ocu-
li tui.

Consurge, lauda in nocte, in principio
vigiliarum, et effunde sicut aquam cor-
tuum ante conspectum Domini Dei tui.
Leva ad eum manus tuas, etc.

CAPITULUM III. — Ego vir videns pauper-
tatem meam, in virga indignationis ejus.

Factus sum in derisum omni populo,
canticum eorum tota die.

Memoria memor ero, et tabescet in me C
anima mea. Hæc recolens in corde meo,
in Deo sperabo.

Misericordiæ Domini quod non sumus
consumpti, quia non defecerunt misera-
tiones ejus.

Novi diluculo, multa est fides tua.

Pars mea Dominus, dixit anima mea :
propterea exspectabo eum.

Bonus est Dominus sperantibus in eum,
animæ quærenti illum.

Bonum est præstolari cum silentio salu-
tare Dei.

Bonum est viro quum portaverit jugum
ab adolescentia sua.

Sedebit solitarius, et tacebit, quia leva-
bit se super se. Ponet in pulvere os suum,

si forte sit spes. Dabit percutienti se ma-
xillam, saturabitur opprobriis.

Quia non repellet in sempiternum Do-
minus : quia et si abjecit, miserebitur
secundum multitudinem misericordiarum
suarum.

Quis est iste qui dixit ut fieret, Domino
non jubente?

Scrutemur vias nostras, et quæramus,
et revertamur ad Dominum. Levemus cor-
da nostra cum manibus ad Dominum in
cælos. Nos inique egimus, et te ad ira-
cundiam provocavimus : idcirco tu inex-
orabilis es.

Opposuisti nubem tibi, ne transeat oratio.

Oculus meus deprædatus est animam
meam, etc. Inundaverunt aquæ super ca-
put meum. Ne avertas aurem tuam a sin-
gultu meo.

CAPITULUM IV. — Quomodo obscuratum
est aurum, mutatus est color optimus?

Qui nutriebantur in croceis, amplexati
sunt stercora.

Manus mulierum misericordium coxe-
runt filios suos; facti sunt cibus earum.

Spiritus oris nostri, Christus Dominus,
captus est in peccatis nostris; cui dixi-
mus : In umbra tua vivemus in gentibus.

CAPITULUM V. — Ex oratione Jeremiæ.

Recordare, Domine, quid acciderit nobis;
intuere et respice opprobrium nostrum.

Defecit gaudium cordis nostri, versus
est in luctum chorus noster. Væ nobis
quia peccavimus. Propterea mœstum fa-
ctum est cor nostrum; ideo contenebrati
sunt oculi nostri.

D Quare ergo in perpetuum oblivisceris
nostri, derelinques nos in longitudine die-
rum? Converte nos, Domine, ad te, et con-
vertemur; innova dies nostros sicut a
principio.

PROPHETIA BARUCH

(QUÆ NON EST IN CANONE) HABET CAPITULA SEX. ET AGITUR IN EA DE VERBIS
QUÆ LEGIT BARUCH CAPTIVIS IN BABYLONE ; DE PRÆNUNTIATIONE REDITUS POPULI ISRAEL,
ET EORUM QUÆ FUTURA ERUNT TEMPORIBUS ULTIMIS.

CAPITULUM I. — Domino Deo nostro ju- A
stitia, nobis autem confusio faciei nostræ,
sicut est dies hæc, etc.

CAPITULUM II. — Facti sumus subtus et
non supra, quia peccavimus Domino Deo
nostro, et non obedivimus ei.

Avertatur, Domine, ira tua, quia dere-
licti sumus pauci. Exaudi, Domine, et educ
nos propter te, et da nobis invenire gra-
tiam.

Non mortui qui sunt in inferno, quorum
spiritus acceptus est a visceribus eorum,
dabunt honorem Domino ; sed anima quæ B
tristis est super magnitudine mali, et in-
cedit curva et infirma, et oculi deficien-
tes, et anima esuriens, dat gloriam et ju-
stitiam tibi Domino.

Fecisti in nobis, Domine Deus noster,
secundum omnem benignitatem tuam, et
secundum omnem miserationem tuam il-
lam magnam.

Dabo eis cor, et intelligent ; et aures, et
audient ; et laudabunt me.

CAPITULUM III. — Et nunc, Domine Deus
Israel, anima in angustiis, et spiritus an- C
xius, clamat ad te. Audi, Domine, et mise-
rere, quia Deus misericors es. Domine om-
nipotens, Deus Israel, audi nunc orationem
mortuorum tuorum. Propter hoc dedisti
timorem tuum in cordibus nostris, ut lau-
demus te, et invocemus nomen tuum.

Audi, Israel, mandata vitæ ; auribus per-
cipe, ut scias viam prudentiæ, etc.

Dereliquisti fontem sapientiæ. Nam si
in via Dei ambulasses, habitasses utique
in pace super terram. Disce ubi sit pru-
dentia, ubi sit virtus, ubi sit intellectus, D
ut scias simul ubi sit longiturnitas vitæ,
ubi sit lumen oculorum, et pax.

Quis invenit locum ejus (scilicet sapien-
tiæ)? aut quis intravit in thesauros ejus?
Ubi sunt principes gentium, et qui domi-
nantur super bestias terræ? Qui in avibus
cœli ludunt, qui argentum thesaurizant,
et aurum in quo confidunt homines, et
non est finis acquisitionis eorum. Exter-
minati sunt, et ad inferos descenderunt, et
alii in loco eorum surrexerunt. Viam au-
tem disciplinæ ignoraverunt, neque intel-
lexerunt semitas ejus. Filii quoque Agar,
qui exquirunt prudentiam quæ de terra
est, viam sapientiæ nescierunt.

O Israel, quam magna est domus Dei, et
ingens locus possessionis ejus ! Magnus, et
non habens finem ; excelsus, et immensus.
Ibi fuerunt gigantes nominati illi, qui ab
initio fuerunt statura magna, scientes bel-
lum. Non hos elegit Dominus, neque viam
disciplinæ invenerunt : propterea perie-
runt. Et quia non habuerunt sapientiam,
interierunt propter suam insipientiam.

Quis ascendit in cœlum, et accepit eam,
et deduxit eam de nubibus? etc. Non est
qui possit scire vias ejus.

Stellæ autem dederunt lumen in custo-
diis suis, et lætata sunt ; vocata sunt, et
dixerunt, Adsumus ; et luxerunt ei cum
jucunditate. Qui fecit illas, hic est Deus
noster, et non æstimabitur alius ab illo.

Hic adinvenit omnem viam disciplinæ,
et tradidit illam Jacob puero suo, et Israel
dilecto suo. Post hæc in terris visus est, et
cum hominibus conversatus est.

CAPITULUM IV. — Hic liber mandatorum
Dei, et lex quæ est in æternum. Omnes
qui tenent eam pervenient ad vitam ; qui
autem derelinquunt eam, ad mortem.

Convertere, et apprehende eam ; ambula

per viam ad splendorem ejus. Beati sumus, quoniam quæ Deo placita sunt, manifesta sunt nobis.

Animæquior esto, popule Dei. Exacerbasti eum qui fecit vos, Deum æternum.

Animæquiores estote, filii, clamate ad Dominum, et eripiet vos de manu principum inimicorum.

Filii, patienter sustinete iram quæ supervenit vobis. Qui enim induxit vobis

malum, ipse rursus adducet vobis sempiternam jucunditatem cum vestra salute.

Circumspice ad orientem, et vide jucunditatem a Deo tibi venientem.

CAPITULUM V. — Exsurge, et sta in excelso. Constituit enim Deus humiliare omnem montem excelsum et rupes perennes, et convalles replere in æqualitatem terræ, ut ambulet Israel diligenter in honorem Dei.

PROPHETIA EZECHIELIS

CONTINET CAPITULA QUADRAGINTA OCTO. ET AGITUR IN EA DE VISIONIBUS IPSIUS; DE SCELERIBUS JUDÆORUM; DE RUINA JERUSALEM, ET DE EJUS COMPARATIONE.

CAPITULUM I. — Quatuor facies et quatuor pennæ uni. Pedes eorum, pedes recti. Non revertebantur quum incederent. Facies eorum et pennæ eorum extentæ desuper. Ubi erat impetus spiritus, illuc gradiebantur, nec revertebantur quum ambularent. Totum corpus plenum oculis in circuitu ipsorum quatuor.

CAPITULUM II. — Tu ergo, fili hominis, ne timeas, quia increduli et subversores sunt tecum, et cum scorpionibus habitas.

CAPITULUM III. — Dixit Dominus ad Ezechielem: Fili hominis, non ad populum profundi sermonis et ignotæ linguæ tu mitteris: et si ad illos mittereris, ipsi audirent te.

Benedicta gloria Domini de loco suo.

Fili hominis, speculatorem te dedi domui Israel. Si dicente me ad impium, Morte morieris, non annuntiaveris ei ut avertatur a via sua impia; ipse impius in iniquitate sua morietur, sanguinem autem ejus de manu tua requiram. Si autem tu annuntiaveris impio, et ille non fuerit conversus; ipse quidem in iniquitate sua morietur, tu autem animam tuam liberasti. Sed et si justus conversus a justitia, etc.

Linguam tuam adhærere faciam palato tuo, et eris mutus, nec quasi vir objurgans, quia domus exasperans est.

Qui audit, audiat; et qui quiescit, quiescat.

CAPITULUM V. — Complebo furorem meum, et quiescere faciam indignationem meam, et consolabor, ait Dominus.

CAPITULUM VI. — Contrivi cor eorum fornicans et recedens a me, ait Dominus; et displicebant sibimet super malis quæ fecerant.

CAPITULUM VII. — Finis venit, venit finis super quatuor plagas terræ.

Angustia superveniente, requirunt pacem, et non erit. Conturbatio super conturbationem veniet impiis.

CAPITULUM IX. — A sanctuario meo incipite percutere. Omnem autem super quem videritis signum Thau, ne occidatis.

CAPITULUM XI. — (Nota in hoc capitulo de reductione filiorum Israel a captivitate eorum.) Congregabo vos de populis, et adunabo de terris, etc.

CAPITULUM XII. — Hæc dicit Dominus ad Ezechielem: Portentum te dedi domui Israel. Dic: Ego portentum vestrum.

CAPITULUM XIII. — Non ascendistis ex adverso, neque opposuistis vos murum

pro domo Israel, ut staretis in prælio in A nes oculorum suorum abjiciat, ait Dom-
die Domini.

Interfecerunt animas quæ non moriun-
tur, et vivificabant animas quæ non vi-
vunt, mentientes.

Mœrere fecistis cor justî mendaciter,
quem ego non contristavi; et confortastis
manus impii.

CAPITULUM XIV. — Propheta quum er-
raverit, ego Dominus decepi prophetam
illum.

Terra quum peccaverit, interficiam de
ea hominem et jumentum. Et si fuerint B
tres viri isti in medio ejus, Noe, Daniel, et
Job, ipsi justitia sua liberabunt animas
suas, filium autem et filiam non libe-
rabunt.

CAPITULUM XVI. — Sicut mater, ita et
filia ejus.

Ecce hæc fuit iniquitas Sodomæ : su-
perbia, saturitas panis, abundantia, et oti-
um ejus.

CAPITULUM XVII. — Qui dissolvit pactum,
numquid effugiet?

CAPITULUM XVIII. — Patres comederunt C
uvam acerbam, et dentes filiorum obstu-
perunt. Non erit vobis istud in prover-
bium, ait Dominus. Ecce omnes animæ
meæ sunt. Ut anima patris, ita et anima
filii mea est. Anima quæ peccaverit, ipsa
moriatur. Filius non portabit iniquitatem
patris, et pater non portabit iniquitatem
filii, etc.

Si impius egerit pœnitentiam, omnium
iniquitatum ejus non recordabor amplius.
Numquid voluntatis meæ est mors impii,
dicit Dominus, et non ut avertatur a viis D
suis et vivat?

Si autem averterit se justus et fecerit
iniquitatem, omnes justitias quas fecerat
non recordabor. In prævaricatione sua et
in peccato suo morietur.

Idcirco unumquemque juxta vias suas
judicabo, dicit Dominus.

Revertimini et vivite : quia nolo mortem
morientis, sed ut convertatur et vivat, di-
cit Dominus.

CAPITULUM XX. — Unusquisque offensio-

minus.

Vivo ego, dicit Dominus Deus, quoniam
in manu forti, et in brachio extento, et in
furore effuso regnabo super vos.

CAPITULUM XXI. — Tu autem, profane,
impie dux Israel, cujus venit dies in tem-
pore iniquitatis præfinita, dicit Dominus.

CAPITULUM XXII. — Ecce complosi manus
meas, dicit Dominus, super malitias quas
fecisti. Numquid sustinebit cor tuum, aut
prævalebunt manus tuæ, in diebus quos
ego faciam tibi?

Et conflabo vos, et congregabo vos, et
succendam vos in igne furoris mei; et
conflabimini in medio ejus, sicut confla-
tur argentum in medio fornacis; et re-
quiescam.

Sacerdotes inter mundum et pollutum
non intellexerunt.

Hæc dicit Dominus : Quæsivi virum qui
interponeret sepem, et staret oppositus
contra me pro terra, ne dissiparem eam;
et non inveni. Et effudi super eos indigna-
tionem meam.

CAPITULUM XXIV. — Immunditia tua ex-
secrabilis : quia mundare te volui, et non
es mundata a sordibus tuis.

Ezechiel erit portentum vestrum.

CAPITULUM XXVII. — (Nota de Pigmæis.)
Sed et Pigmæi qui erant in turribus tuis
(o Tyre), pharetras suas suspenderunt in
muris tuis per gyrum. Ipsi compleverunt
pulchritudinem tuam.

CAPITULUM XXVIII. — Ecce sapientior tu
es Daniele : omne secretum non est abs-
conditum a te.

Fili hominis, leva planctum super re-
gem Tyri dicens (nota de angelo apostata) : Tu signaculum similitudinis, plenus
sapientia, perfectus decore, in deliciis pa-
radisi Dei fuisti. Omnis lapis pretiosus
operimentum tuum : sardius, topazius, et
jaspis, chrysolithus, et onyx, et beryllus,
sapphirus, carbunculus, et smaragdus. Tu
Cherub extentus et protegens; et posui te
in monte sancto Dei. In medio lapidum
ignitorum ambulasti. Perfectus in viis tuis

a die conditionis tuæ, donec inventa est iniquitas in te. Repleta sunt interiora tua iniquitate; et eieci te de monte sancto Dei, et perdidisti te, o Cherub protegens, de medio lapidum ignitorum. Elevatum est cor tuum in decore tuo, et perdidisti sapientiam tuam in decore tuo; in terram projeci te.

CAPITULUM XXXI. — Cedri non fuerunt altiores illo in paradiso Dei, etc. (Istud exponi potest de Lucifero, eo quod cedri, id est angeli, non fuerunt altiores eo, quia summus erat.)

CAPITULUM XXXIV. — (Nota in isto capitulo de pastoribus.) Hæc dicit Dominus: Væ pastoribus Israel, qui pascebant semetipsos, etc. Lac comedebatis, et lanis operiebamini, etc.; gregem autem meum non pascebatis. Quod infirmum fuit non consolidastis, etc.; sed cum austeritate imperabatis eis et cum potentia. Et dispersæ sunt oves meæ, eo quod non esset pastor.

Ecce ego Dominus requiram gregem meum de manu eorum, etc. Ego ipse pascam oves meas.

Salvabo gregem meum, ait Dominus. Et suscitabo super eas pastorem unum qui pascat eas, David (id est Messiam) servum meum. Ego Dominus ero eis in Deum; et servus meus David princeps eorum.

CAPITULUM XXXVI. — Effundam super vos aquam mundam, et mundabimini ab

A inquinamentis vestris. Et dabo vobis cor novum, et spiritum novum ponam in medio vestri. Et auferam cor lapideum de carne vestra, et dabo vobis cor carneum, etc. Et faciam ut in præceptis meis ambuletis, et judicia mea custodiatis et operemini.

Non propter vos ego faciam, ait Dominus Deus: notum sit vobis; sed propter nomen sanctum meum. Confundimini, et erubescite super viis vestris, ait Dominus.

CAPITULUM XXXVII. — (Nota istud capitulum, ut bene exponatur.)

B Hæc dicit Dominus Deus: Ecce ego aperiam tumulos vestros, et educam vos de sepulcris vestris, popule meus, et inducam vos in terram Israel, etc.

(Nota quæ sequuntur, quia de Christo loquuntur. Item, nota de Gog et Magog, capitulis xxxviii et xxxix.)

CAPITULUM XLIV. — Porta hæc clausa erit et non aperietur, et vir non transiet per eam: quoniam Dominus Deus Israel ingressus est per eam; eritque clausa.

C Sacerdotes docebunt populum meum quid sit inter sanctum et pollutum, et inter mundum et immundum.

(Nota. Quæ in isto et sequenti capitulo dicuntur de sacrificiis et templo, spiritualiter et de futura triumphanti Ecclesia sunt exponenda. Item de aquis, quæ exponuntur de fonte Baptismatis, nota capitulo xlvii.)

PROPHETIA DANIELIS

HABET CAPITULA QUATUORDECIM. ET AGITUR IN EA DE DANIELE

SOCIISQUE EJUS ET CANTICO EORUM; DE MUNDI MONARCHIA; DE MUTATIONIBUS TEMPORUM;

DE POTESTATE, ÆTERNITATE REGNI CHRISTI;

DE HISTORIA SUSANNÆ; DE DESTRUCTIONE BEL ATQUE INTERFECTIONE DRACONIS.

CAPITULUM I. — Ait rex Asphanez præposito eunuchorum, ut introduceret de filiis Israel pueros in quibus nulla esset macula, decoros forma, et eruditos omni sapientia, cautos scientia, et doctos disciplina.

D Proposuit autem Daniel in corde suo, ne pollueretur de mensa regis, neque de vino potus ejus. Dedit autem Deus Danieli gratiam et misericordiam in conspectu principis eunuchorum.

Et dixit Daniel : Tenta nos, obsecro, servos tuos, diebus decem, et dentur nobis legumina ad vescendum, et aqua ad bibendum ; et contemplare vultus nostros et vultus puerorum qui vescuntur cibo regio ; et sicut videris, facies cum servis tuis.

Post dies autem decem, apparuerunt vultus eorum meliores et corpulentiores, præ omnibus pueris qui vescebantur cibo regio.

Pueris autem his dedit Deus scientiam et disciplinam in omni libro et sapientia. Non sunt inventi tales de universis, ut Daniel, Ananias, Misael et Azarias.

CAPITULUM II. — (Visio Danielis de lapide qui abscissus est de monte sine manibus, de Christo pulchre exponitur.)

Benedixit Daniel Deum cœli, et locutus ait : Sit nomen Domini benedictum a sæculo et usque in sæculum, quia sapientia et fortitudo ejus sunt. Et ipse mutat tempora et ætates ; transfert regna, atque constituit ; dat sapientiam sapientibus. Ipse revelat profunda et abscondita, et novit in tenebris constituta. Tibi, Deus patrum meorum, confiteor, teque laudo, quia sapientiam et fortitudinem dedisti mihi, et ostendisti mihi quæ rogavi te.

Est Deus in cœlo revelans mysteria.

CAPITULUM III. — Benedictus es, Domine Deus patrum nostrorum, et laudabilis, et gloriosum nomen tuum in sæcula ; quia justus es in omnibus quæ fecisti nobis, et universa opera tua vera, et viæ tuæ rectæ, et omnia judicia tua vera.

Non est confusio confidentibus in te, Domine. Et nunc sequimur te in toto corde nostro, et timemus te, et quærimus faciem tuam. Ne confundas nos, sed fac nobiscum juxta mansuetudinem tuam, et secundum multitudinem misericordiæ tuæ ; et erue nos in mirabilibus tuis, et da gloriam nomini tuo ; et confundantur omnes qui ostendunt servis tuis mala.

Benedictus es, Domine Deus patrum nostrorum, et laudabilis, et superexaltatus in sæcula. Benedictum nomen gloriæ tuæ

A sanctum, et laudabile, et superexaltatum in omnibus sæculis. Benedictus es in templo sancto gloriæ tuæ, et superlaudabilis, et superexaltatus in sæcula. Benedictus es in throno regni tui, etc. Benedictus es qui intueris abyssos, et sedes super Cherubim, et laudabilis, et superexaltatus in sæcula. Benedictus es in firmamento cœli, et laudabilis, et gloriosus, et superexaltatus in sæcula. Benedicite, omnia opera Domini, Domino, etc.

Benedicite Domino, qui eruit nos de inferno, et salvavit nos de manu mortis.

Benedicite, omnes religiosi, Deo deorum, etc.

Dixit Nabuchodonosor : Ecce video viros quatuor ambulantes in medio ignis, et species quarti similis filio Dei.

CAPITULUM IV. — Peccata tua eleemosynis redime, et iniquitates tuas misericordiis pauperum, dixit Daniel regi Nabuchodonosor.

Ego Nabuchodonosor oculos meos ad cœlum levavi, et Altissimo benedixi, et Viventem in sempiternum laudavi et glorificavi, quia potestas ejus potestas sempiterna, et regnum ejus in generationem et generationem ; et omnes habitatores terræ apud ipsum in nihilum reputantur. Juxta voluntatem suam facit, tam in virtutibus cœli, quam in habitatoribus terræ ; et non est qui resistat manui ejus, et dicat, Quare sic fecisti ? Nunc igitur laudo, magnifico, et glorifico Regem cœli, quia omnia opera ejus vera.

CAPITULUM V. — Tu quoque non humiliasti cor tuum ; sed adversus Dominatorem cœli elevatus es.

CAPITULUM VI. — Eductus est Daniel de lacu leonum, et nulla læsio apparuit in eo, quia credidit Deo suo.

CAPITULUM VII. — Adspiciebam donec throni positi sunt, et Antiquus dierum sedit. Vestimentum ejus candidum quasi nix, et capilli capitis ejus quasi lana munda. Thronus ejus flammæ ignis ; rotæ ejus ignis accensus. (Cetera quære.) Millia millium ministrabant ei, et decies millies cen-

tena millia adsistebant ei. Judicium sedit. **A** rum. Bene exponitur in Scholastica historia. Quære diligenter.)

(In isto capitulo et sequentibus multa scribuntur de Antichristo, quæ in Historia scholastica satis convenienter exponuntur; et cetera quære.)

Adspiciebam propter vocem sermonum grandium quos cornu illud (scilicet Antichristus) loquebatur.

Adspiciebam in visione noctis; et ecce in nubibus cœli, quasi Filius hominis veniebat, et usque ad Antiquum dierum pervenit; et in conspectu ejus obtulerunt **B** eum. Et dedit ei potestatem et honorem et regnum; et omnes populi, tribus, et linguæ servient ei. Potestas ejus potestas æterna quæ non auferetur, et regnum ejus quod non corrumpetur.

Horruit spiritus meus.

Adspiciebam, et ecce cornu illud (scilicet Antichristus) faciebat bellum adversus sanctos, et prævalebat eis, donec venit Antiquus dierum, etc. (Nota hic de Antichristo diligenter.) Et tradentur in manus ejus (scilicet Antichristi, sancti et boni Christiani), usque ad tempus, et tempora, et dimidium temporis (id est tres annos cum dimidio).

CAPITULUM VIII. — Ego Daniel langui et ægrotavi post visionem per dies.

CAPITULUM IX. — Propter temetipsum inclina, Deus meus, aurem tuam, et audi. Neque enim in justificationibus nostris prosternimus preces ante faciem tuam, sed in miserationibus tuis multis. Exaudi, Domine; placare, Domine; ne moreris.

Dixit Gabriel ad Danielelem : Septuaginta hebdomades (supple, annorum) abbreviatæ sunt super populum tuum, et super urbem sanctam tuam, ut consummetur prævaricatio, et finem accipiat peccatum, et deleatur iniquitas, et adducatur justitia sempiterna, et impleatur visio et prophetia, et ungatur Sanctus Sanctorum (id est Christus), etc. (Quære in textu. Nota hic pulcherrima de tempore adventus Christi, et passione ipsius, ac obstinatione Judæo-

rum. Bene exponitur in Scholastica historia. Quære diligenter.)

Et post hebdomades sexaginta duas occidetur Christus; et non erit ejus populus qui eum negaturus est. Et civitatem et sanctuarium dissipabit populus cum duce venturo; et finis ejus vastitas, et usque in finem perseverabit desolatio (scilicet Judæorum excæcatio).

CAPITULUM X. — Intelligentia opus est in visione.

Daniel, vir desideriorum, intellige, etc. (Nota in isto capitulo de controversia inter angelos provinciarum ac populi custodes.)

Ex die primo quo posuisti cor tuum ad intelligendum, ut te affligeres in conspectu Dei tui, exaudita sunt verba tua.

Noli timere, vir desideriorum; pax tibi; esto robustus.

CAPITULUM XI. — (In undecimo capitulo nota de Antichristo : quæ tamen partim exponuntur de Antiocho.)

CAPITULUM XII. — In tempore illo consurget Michael, princeps magnus, qui stat pro filiis populi tui; et veniet tempus quale non fuit ab eo ex quo gentes esse cœperunt, usque ad tempus illud. (Istud tempore Antichristi implebitur.)

Multi de his qui dormiunt in pulvere terræ, evigilabunt, alii in vitam æternam, alii in opprobrium ut videant semper. Qui autem docti fuerint fulgebunt quasi splendor firmamenti; et qui ad justitiam erudiunt multos, quasi stellæ in perpetuas æternitates.

D (Item, nota residuum hujus capituli, in quo de Antichristo tangitur : quod scilicet post mortem ejus convertentur ab eo decepti, ad agendam pœnitentiam.)

CAPITULUM XIII. — Iniquitas egressa est de Babylone a senioribus, qui videbantur regere populum, ait Dominus.

Angustiæ mihi sunt undique. Sed melius est mihi absque opere incidere in manus vestras, quam peccare in conspectu Domini, dixit Susanna.

Flens autem Susanna suspexit in cœ-

lum : erat enim cor ejus fiduciam habens A in Domino.

Deus æterne, qui absconditorum es cognitor, qui scis omnia antequam fiant.

Revertimini ad judicium. Semen Chanaan, et non Juda, species decepit te, et concupiscentia subvertit cor tuum.

CAPITULUM XIV. — Apprehendit angelus Domini Habacuc in vertice ejus, et portavit eum capillo capitis sui; posuitque eum in Babylone, super lacum, in impetu spiritus sui.

Recordatus es mei, Domine Deus meus, et non dereliquisti diligentes te.

PROPHETIA OSEE

CONTINET CAPITULA QUATUORDECIM. ET LOQUITUR DE IDOLOLATRIA
POPULI ISRAEL, SIGNATA PER MULIEREM MERETRICEM; DE MUNDATIONE PECCATORUM;
ET EXHORTATUR UT FILII ISRAEL AD DOMINUM CONVERTANTUR.

CAPITULUM I. — Principium loquendi Domino ad Osee. Et dixit Dominus ad Osee : Vade, sume tibi uxorem fornicationum, et fac tibi filios fornicationum, quia fornicans fornicabitur terra a Domino.

Erit in loco ubi dicitur eis, Non populus meus vos, dicetur eis, Filii Dei viventis. (Istud allegat Apostolus ad Romanos de vocatione gentium.)

CAPITULUM II. — Ecce ego sepiam viam tuam spinis, et sepiam eam maceria.

Ecce ego lactabo eam, et ducam eam in solitudinem, et loquar ad cor ejus.

Sponsabo te mihi in sempiternum; et sponsabo te mihi in justitia, et judicio, et in misericordia, et in miserationibus; et sponsabo te mihi in fide, et scies quia ego Dominus.

CAPITULUM III. — Dies multos sedebunt filii Israel sine rege, et sine principe, et sine sacrificio, et sine altari, et sine ephod, et sine theraphim. Et post hæc revertentur filii Israel, et quærent Dominum Deum suum, et David regem suum (id est Messiam); et pavebunt ad Dominum, et ad bonum ejus, in novissimo dierum. (Istud modo in Judæis obstinatis verificatum est; sed in fine mundi, Antichristi detecta perfidia, ad Christum revertentur.)

CAPITULUM IV. — Judicium Domino cum habitatoribus terræ. Non est veritas, et

non est misericordia, et non est scientia Dei in terra. Maledictum, et mendacium, et homicidium, et furtum, et adulterium inundaverunt, et sanguis sanguinem tetigit.

Unusquisque non judicet. Populus tuus sicut hi qui contradicunt sacerdoti.

Contieuit populus meus, eo quod non habuerit scientiam Dei.

Quia tu scientiam repulisti, repellam te, ne sacerdotio fungaris mihi. Quia oblita es mei, obliviscar et ego filiorum tuorum; gloriam eorum in ignominiam commutabo.

Peccata populi mei comedent, et ad iniquitatem sublevabunt animas eorum. Et erit sicut populus, sic sacerdos. Dominum dereliquerunt in non custodiendo.

Fornicatio, et ebrietas, et vinum auferunt cor. Spiritus fornicationis decepit eos, et fornicati sunt a Deo suo.

Populus non intelligens vapulabit.

Sicut vacca lasciviens declinavit Israel.

CAPITULUM V. — Attendite hoc, sacerdotes, quia vobiscum judicium est : quoniam laqueus facti estis speculationi, et sicut rete expansum super montem Thabor. Victimæ declinastis in profundum.

CAPITULUM VI. — In tribulatione sua mane consurgent ad me : Venite, et revertamur ad Dominum, quia ipse cepit, et sanabit nos; percutiet, et curabit nos.

Misericordiam volui, et non sacrificium; et scientiam Dei plus quam holocausta. Ipsi autem sicut Adam prævaricati sunt.

In domo Israel vidi horrendum.

CAPITULUM VII. — Circumdederunt eos adinventiones suæ, coram facie mea factæ sunt. Omnes adulterantes, quasi elibanus succensus a coquente.

Comederunt alieni robur ejus, et ipse nescivit.

Factus est Ephraim quasi columba seducta non habens cor.

Væ eis, quoniam recesserunt a me. Vastabuntur, quoniam prævaricati sunt in me. Et ego redemi eos, et ipsi locuti sunt contra me mendacia, etc. Et recesserunt a me. Et ego erudi vi eos, et confortavi brachia eorum, et in me cogitaverunt malitiam. Reversi sunt ut essent absque iugo, etc.

CAPITULUM VIII. — Ipsi regnaverunt, et non ex me; principes exstiterunt, et non cognovi.

Ventum seminabunt, et turbinem metent.

CAPITULUM IX. — Noli lætari, Israel, et noli exsultari, quia fornicatus es a Deo tuo.

Non libabunt Domino vinum, et non placebunt ei sacrificia eorum. Profunde peccaverunt. Væ eis, quum recessero ab eis.

Exosos habui eos propter malitiam adinventionum eorum; de domo mea ejiciam eos; non addam ut diligam eos: omnes principes eorum recedentes.

Radix eorum exsiccata est, fructum nequaquam facient.

Abjiciet eos Dominus Deus meus, quia non audierunt eum; et erunt vagi in nationibus.

CAPITULUM X. — Divisum est cor eorum, nunc interibunt.

Confundetur Israel in voluntate sua.

Dicent montibus, Operite nos; et collibus, Cadite super nos.

A Juxta desiderium meum corripiam eos.

Seminate vobis in justitia, et metite in ore misericordiæ, et innovate vobis novale. Tempus requirendi Dominum, quum venerit qui docebit vos justitiam.

CAPITULUM XI. — Puer Israel, et dilexi eum; et ex Ægypto vocavi filium meum.

Ego quasi nutricius Ephraim; portavi eos in brachiis meis, et nescierunt quod curarem eos.

In funiculis Adam traham eos, in vinculis caritatis. Populus meus pendebit ad B reditum meum.

CAPITULUM XII. — Juxta vias ejus, et juxta adinventiones ejus reddet ei.

Misericordiam et judicium custodi, et spera in Deo tuo semper.

In manu Prophetarum assimilatus sum.

CAPITULUM XIII. — Ego Dominus Deus tuus, et salvator non est præter me.

Saturati sunt; et elevaverunt cor suum, et oblitii sunt mei. Occurram eis quasi ursa raptis catulis; et dirumpam interiora eorum, et consumam eos ut leo.

Perditio tua, Israel, ex te; in me tantummodo auxilium tuum. Dabo tibi regem in furore meo.

De manu mortis liberabo eos, de morte redimam eos. Ero mors tua, o mors; ero morsus tuus, inferne.

CAPITULUM XIV. — Convertere ad Dominum Deum tuum, quoniam corruisti in iniquitate tua. Tollite vobiscum verba, et convertimini ad Dominum, et dicite ei: Omnem aufer iniquitatem, et accipe bonum; et reddemus vitulos labiorum nostrorum.

Sanabo contritiones eorum, diligam eos spontanee, quia aversus est furor meus ab eis. Ero quasi ros. Israel germinabit quasi lilium. Convertentur sedentes in umbra ejus.

Quis sapiens, et intelliget ista? intelligens, et sciet hæc? Quia rectæ viæ Domini, et justi ambulabunt in eis; prævaricatores vero corrueant in eis.

PROPHETIA JOEL

HABET CAPITULA TRIA. ET LOQUITUR DE CONSUMPTIONE TERRÆ
PER ERUCAM, BRUCHUM, LOCUSTAM, ET RUBIGINEM; DE INDUCTIONE AD POENITENTIAM,
ET DE JUDICIO FUTURO.

CAPITULUM I. — Expergiscimini, ebrii, et flete; et ululate, omnes qui bibitis vinum in dulcedine.

Computruerunt jumenta in stercore suo.

CAPITULUM II. — Conturbentur omnes habitatores terræ, quia venit dies Domini, dies tenebrarum et caliginis. Similis ei non fuit a principio, et post eum non erit. Ante faciem ejus ignis vorans, et post eum exurens flamma. A facie ejus cruciabuntur populi; omnes vultus redigentur in ollam. A facie ejus contremuit terra, moti sunt cœli, sol et luna obtenebrati sunt, et stellæ retraxerunt splendorem suum. Multa sunt nimis castra Domini (id est angeli sancti), fortia, et facientia verbum ejus. Magnus dies Domini et terribilis valde: et quis sustinebit eum?

Nunc ergo, dicit Dominus, convertimini ad me in toto corde vestro, in jejunio, et fletu, et planctu; et scindite corda vestra et non vestimenta vestra. Et convertimini ad Dominum Deum vestrum, quia benignus et misericors est, patiens et multæ misericordiæ, et præstabilis super malitiâ.

Quis scit si ignoscat Deus, et relinquat post se benedictionem? Sacrificium et libamen Domino Deo nostro.

Inter vestibulum et altare plorabunt sacerdotes, etc.

Exsultate in Domino Deo vestro, qui dedit vobis doctorem justitiæ.

Non confundetur populus meus in semperiternum.

Post hæc, effundam spiritum meum super omnem carnem; et prophetabunt filii vestri et filiæ vestræ, etc. (Istud Petrus allegat in Actibus.)

*Act. II, 17
et seq.*

In monte Sion et in Jerusalem erit salvatio, et in residuis quos Dominus vocaverit.

CAPITULUM III. — (Nota de judicio ultimo.) Congregabo omnes gentes, et deducam eas in vallem Josaphat, et disceptabo ibi cum eis. Cito velociter reddam vicissitudinem super caput vestrum. Consurgant et ascendant gentes in vallem Josaphat, quia ibi sedebo ut judicem omnes gentes in circuitu, etc. Et Dominus de Sion rugiet, et de Jerusalem dabit vocem suam, et movebuntur cœli et terra; et Dominus spes populi sui.

PROPHETIA AMOS

COMPLECTITUR CAPITULA NOVEM. ET LOQUITUR DE SCALERIBUS JUDÆORUM
ET GENTIUM; DE IRA DEI ET VINDICTA SUPER EOS VENTURA. INDUCIT QUOQUE AD POENITENTIAM,
ET PRÆDICIT FINALEM REPARATIONEM.

CAPITULUM I. — Dominus de Sion rugiet, etc.

CAPITULUM II. — Super tribus sceleribus Israel, et super quatuor non convertam

Deum, pro eo quod vendiderit pro argento justum, et pauperem pro calceamento.

Ecce ego stridebo subter vos sicut stridet plaustrum onustum fœno. Et peribit

fuga a veloce, et fortis non salvabit animam suam.

CAPITULUM III. — Visitabo super vos omnes iniquitates vestras.

Si erit malum in civitate quod Dominus non fecit? Quia non faciet Dominus verbum, nisi revelaverit secretum suum ad servos suos Prophetas. Leo rugiet, quis non timebit? Dominus Deus locutus est, quis non prophetabit?

Nescierunt facere rectum, dicit Dominus, thesaurizantes iniquitatem.

CAPITULUM IV. — Juravit Dominus in B sancto suo, quia ecce dies venient super vos, et levabunt vos in contis, et reliquias vestras in ollis ferventibus. Et per aperturas exhibitis altera contra alteram, et projiciemini in Armon, dicit Dominus.

Præparare in occursum Dei tui, Israel: quia ecce formans montes, et creans ventum, et annuntians homini eloquium suum, faciens matutinam nebulam, etc. Dominus exercituum nomen ejus.

CAPITULUM V. — Domus Israel cecidit, non adjiciet ut resurgat.

Faciens Arcturum et Orionem, convertens tenebras in mane, et diem nocte mutans; qui vocat aquas, et effundit eas super faciem terræ: Dominus nomen ejus.

Odio habuerunt corripientem, loquentem perfecte abominati sunt.

Cognovi multa scelera vestra, et fortia peccata vestra.

Numquid hostias et sacrificium obtuli-

stis mihi in deserto quadraginta annis, domus Israel? etc. (Istud inducit Stephanus *Act. vii, 42.* in Actibus Apostolorum.)

CAPITULUM VI. — Væ qui dormitis in lectis eburneis, et lascivitis in stratis vestris.

Juravit Dominus Deus in anima sua: Detestor ego superbiam Jacob, et domos ejus odi.

Væ qui lætamini in nihili; qui dicitis, Numquid non in fortitudine nostra assumpsimus nobis cornua? Qui convertistis in amaritudinem judicium, et fructum justitiæ in absinthium, etc.

CAPITULUM VII. — Domine Deus, propitius esto, et quiesce, obsecro.

Non sum propheta, et non sum filius prophetæ.

CAPITULUM VIII. — Venit finis super populum meum Israel; non adjiciam ultra ut pertranseam eum.

Juravit Dominus: Si oblitus fuero usque ad finem omnia opera eorum.

Ecce dies veniunt, dicit Dominus, et emittam famem in terram; non famem C panis, neque sitim aquæ, sed audiendi verbum Dei, etc.

CAPITULUM IX. — Qui ædificat in cœlo ascensionem suam, etc.

In die illo suscitabo tabernaculum David, quod cecidit; et reædificabo aperturas ejus, etc. (Nota. Istud allegat apostolus Iacobus in Actibus Apostolorum, tamen *Ibid. xv, 16.* secundum translationem Septuaginta interpretum.)

PROPHETIA ABDIÆ

UNICUM HABET CAPITULUM. ET LOQUITUR DE COMINATIONE ET DESTRUCTIONE EDM ET ESAU.

Superbia cordis tui extulit te, habitans D etc. Qui comedunt tecum, ponent insidias in scissuris petrarum, exaltantem solium tuum. Si exaltatus fueris ut aquila, et si inter sidera posueris nidum tuum, inde detraham te, dicit Dominus.

Omnes viri fœderis tui, illuserunt tibi,

Ascendent salvatores in montem Sion judicare; et erit Domino regnum.

PROPHETIA JONÆ

CONTINET CAPITULA QUATUOR. ET LOQUITUR DE NAUFRAGIO JONÆ,
QUI IN HOC CHRISTI PASSIONEM PRÆFIGURANS, MUNDUM AD POENITENTIAM REVOCAT;
ATQUE SUB NOMINE NINIVE SALUTEM GENTIUM PRÆFIGURAT.

CAPITULUM I. — Quid tu sopore deprime- A
ris? Surge, et invoca Deum tuum, si forte
recogitet Deus de nobis, et non pereamus.

CAPITULUM II. — Præparavit Dominus
piscem grandem; et erat Jonas in ventre
piscis tribus diebus et tribus noctibus.

Dixit Jonas : Clamavi ad Dominum de
tribulatione mea, et exaudivit me. Suble-
vabis de corruptione vitam meam, Domine
Deus meus. Quum angustiaretur in me
spiritus meus, Domini recordatus sum.
Qui custodiunt vanitates, frustra miseri-
cordiam suam derelinquunt. Ego autem B
in voce laudis immolabo tibi; quæcumque
vovi, reddam Domino pro salute.

Et dixit Dominus pisci, et evomuit Jo-
nam in aridam.

CAPITULUM III. — Ninive erat civitas ma-
gna itinere dierum trium.

Et crediderunt Ninivitæ Domino, et oper-
ti sunt sacco, etc.

Quis scit si convertatur et ignoscat Deus,
et revertatur a furore iræ suæ, et non
peribimus?

Et vidit Deus opera eorum, et miser-
tus est.

CAPITULUM IV. — Et nunc, Domine, tol-
le, quæso, animam meam, quia melior est
mihi mors quam vita.

Putasne bene irasceris tu?

PROPHETIA MICHÆÆ

HABET CAPITULA SEPTEM. ET PRÆDICIT SAMARIÆ DEVASTATIONEM
ET CAPTIVITATEM, ATQUE INTERITUM PRINCIPUM ISRAEL ET PSEUDOPROPHETARUM;
ET DE INGRATITUDINE ET MALITIA EORUMDEM.

CAPITULUM I. — Faciam planctum velut C
draconum, et luctum quasi struthionum,
quia desperata est plaga ejus.

CAPITULUM II. — Væ qui cogitatis inuti-
le, et operamini malum in cubilibus ve-
stris : quoniam contra Dominum est ma-
nus eorum.

Hæc dicit Dominus : Ecce ego cogito
super familiam istam malum, unde non
auferetis colla vestra; et non ambulabitis
superbi, quoniam tempus pessimum est.

Nonne verba mea bona sunt cum eo qui
recte graditur?

Dixit Michæas : Utinam non essem vir

habens spiritum, et mendacium potius lo-
querer.

Congregatione congregabo te, Jacob, to-
tum, etc. (Inquire in textu et expositio-
nem scrutare.)

CAPITULUM III. — Numquid vestrum est
scire judicium, qui odio habetis bonum?
Qui comederunt carnem populi mei, et
pellem desuper excoriaverunt. Tunc cla-
mabunt ad Dominum, et non exaudiet eos,
sicut nequiter egerunt, etc.

Verumtamen ego repletus sum fortitudi-
D ne spiritus Domini, judicio et virtute, ut an-
nuntiem Israel scelus et peccatum suum.

Audite hæc, qui abominamini iudicium A in multis millibus hircorum pinguium? et recta pervertitis.

Is. n. 2. CAPITULUM IV. — Et erit in novissimo dierum, erit mons domus Domini præparatus in vertice montium, etc. (Nota. Istud habetur supra in Isaia. Quære ergo et inspicite utrobique textum ac sensum.)

Nos ambulabimus in nomine Dei nostri in æternum et ultra.

Et tu, turris gregis nebulosa filiæ Sion, ad te veniet potestas prima, regnum filiæ Jerusalem. Nunc quare mœrore contrahe- ris? Numquid rex non est tibi, aut consi- liarius tuus periit, quia comprehendit te dolor sicut parturientem?

CAPITULUM V. — (Nota in isto de duplici Christi natura ac generatione æterna. Item nota totum capitulum, quoniam pulcher- rimum est.)

Et tu, Bethlehem Ephrata, parvulus es in millibus Juda. Ex te mihi egredietur qui sit dominator in Israel, et egressus ejus ab initio, a diebus æternitatis. Et sta- bit, et pascet in fortitudine Domini; et convertentur, quia nunc magnificabitur C usque ad terminos terræ, in medio uni- versæ terræ. Et erit iste pax, Assyrius quum venerit, et quando calcaverit in do- mibus nostris.

Exaltabitur manus tua super hostes tuos, et omnes inimici tui interibunt.

CAPITULUM VI. — Iudicium Domini cum populo suo.

Popule meus, quid feci tibi? aut quid molestus fui tibi? responde mihi, etc.

Quid dignum offeram Domino? Curva- bo genu Deo excelso? Numquid offeram D ei et holocaustomata? Numquid placari potest Dominus in millibus arietum, aut

Indicabo tibi, o homo, quid sit bo- num, et quid Dominus requirat a te : utique facere iudicium, et diligere mise- ricordiam, et sollicitum ambulare cum Deo tuo.

Salus erit timentibus nomen tuum, Do- mine.

CAPITULUM VII. — Væ mihi, quia factus sum sicut qui colligit in autumnno race- mos vindemiæ. Præcoquas ficus desidera- vit anima mea.

B Periit sanctus de terra, et rectus in hominibus non est. Vir fratrem suum ve- natur ad mortem.

Ab ea quæ dormit in sinu tuo, custodi claustra oris tui. Quia filius contumeliam facit patri, etc. Inimici hominis domesti- ci ejus.

Ego autem ad Dominum adspiciam, et expectabo Deum salvatorem meum. Au- diet me Deus meus. Ne læteris, inimica mea, super me, quia cecidi; consurgam. Quum sedero in tenebris, Dominus lux mea est. Iram Domini portabo, quia pec- cavi ei, donec causam meam judicet.

Educet me Dominus in lucem, et videbo justitiam ejus. Et adspiciet me inimica mea, et operietur confusione, quæ dicit ad me, Ubi est Deus tuus?

Pasce populum tuum in virga tua, gre- gem hereditatis tuæ.

Videbunt gentes, et confundentur super omni fortitudine sua.

Non immittet Dominus ultra furorem suum, quoniam volens misericordiam est. Revertetur, et miserebitur nostri. Deponet iniquitates nostras, et projiciet in profun- dum maris omnia peccata nostra.

PROPHETIA NAHUM

HABET CAPITULA TRIA. ET LOQUITUR DE IRA DEI ET VINDICTA GRAVI
CONTRA NINIVITAS, QUI AD PRÆDICATIONEM JONÆ POENITENTIAM EGERUNT DE PECCATIS,
ET POSTEA FUERUNT PECCATIS MAJORIBUS INVOLUTI.

CAPITULUM I. — Deus æmulator et ulciscens Dominus. Ulciscens Dominus et habens furorem, ulciscens in hostes suos. Dominus in tempestate et turbine viæ ejus. Increpans mare, et exsiccans illud. Ante faciem indignationis ejus quis stabit? et quis resistet in ira furoris ejus? Bonus Dominus, et confortans in die

tribulationis, et sciens sperantes in se. Quid cogitatis contra Dominum? Consummationem ipse faciet. Non consurget duplex tribulatio.

Ecce super montes pedes evangelizantis et annuntiantis pacem.

CAPITULUM III. — Aquam propter obsidionem hauri tibi, exstrue munitiones tuas.

PROPHETIA HABACUC

CONTINET CAPITULA TRIA. ET LOQUITUR DE DISPUTATIONE
QUAM PROPHETA FECIT CUM DEO ET HOC MUNDO, ET QUOMODO JUSTI CONCULCANTUR
ET PROSPERANTUR INIQUI.

CAPITULUM I. — Usquequo, Domine, clamabo, et non exaudies? vociferabor ad te, vim patiens, et non salvabis? Quare respicis contemptores, et taces conculeante impio justiores se? Propter hoc lacerata est lex. Quia impius prævalet adversus justum, propterea egreditur judicium perversum.

Numquid non tu a principio, Domine Deus meus, sancte meus, et non moriemur? Mundi sunt oculi tui, ne videas malum, et respicere ad iniquitatem non poteris. Quare non respicis super inique agentes, et taces devorante impio justiores se?

CAPITULUM II. — Super custodiam meam stabo, et figam gradum meum super munitionem, et contemplabor, ut videam quid dicatur mihi, et quid respondeam ad arguentem me.

Apparebit Dominus in finem, et non

mentiatur; si moram fecerit, exspecta eum, quia veniens veniet, et non tardabit.

Ecce qui incredulus est, non erit recta anima ejus in semetipso. Justus autem in sua fide vivet.

Quomodo vinum potantem decipit, sic erit vir superbus, et non decorabitur: qui dilatavit quasi infernus animam suam, et ipse quasi mors, et non adimpletur.

Væ ei qui multiplicat non sua. Usquequo aggravat contra se lutum densum?

Væ qui potum dat amico suo, mittens fel suum, et inebrians, ut adspiciat nuditatem ejus.

Dominus autem in templo sancto suo: sileat a facie ejus omnis terra.

CAPITULUM III. — Domine, audiui auditionem tuam, et timui, etc.

Operuit cœlos gloria ejus, et laudis ejus plena est terra. Cornua in manibus ejus; ibi abscondita est fortitudo ejus.

Egressus es in salutem populi tui, in A salutem cum Christo tuo, etc.

Ego autem in Domino gaudebo; et exultabo in Deo Jesu meo.

Deus Dominus fortitudo mea, et ponet pedes meos quasi cervorum. Et super excelsa mea deducet me victor, in psalmis canentem.

PROPHETIA SOPHONIÆ

HABET CAPITULA TRIA. ET LOQUITUR DE JUDICIO DEI CONTRA JUDÆOS ET GENTES, ET DE CONSOLATIONE ISRAEL.

CAPITULUM I. — Ruinæ impiorum erunt, et disperdam eos a facie terræ, dicit Dominus. Disperdam eos qui avertuntur de post tergum Domini, dicit Dominus, et qui non quæsierunt Dominum, nec investigaverunt eum. Silete a facie Domini Dei, quia juxta est dies Domini.

Visitabo super omnem qui arroganter ingreditur, et qui complevit domum Dei sui iniquitate et dolo.

Et erit in tempore illo : Scrutabor Jerusalem in lucernis, et visitabo super viros defixos in facibus suis : qui dicunt, Non faciet bene Dominus, et non faciet male.

Juxta est dies Domini magnus, juxta et velox nimis. Vox diei Domini amara, tribulabitur ibi fortis. Dies iræ dies illa, dies tribulationis et angustiae, dies calamitatis et miseriae, dies tenebrarum et caliginis, dies nebulæ et turbinis, dies tubæ et clangoris.

Ambulabunt ut cæci, quia Domino peccaverunt.

In igne zeli Domini devorabitur omnis

B terra, quia consummationem cum festinatione faciet Dominus cunctis habitantibus terram.

CAPITULUM II. — Quærite Dominum, omnes mansueti terræ, qui judicium ejus estis operati. Quærite justum, quærite mansuetum, si quo modo abscondamini in die furoris Domini.

Horribilis Dominus super impios, et attenuabit omnes deos terræ; et adorabunt eum viri de loco suo, omnes insulæ gentium.

CAPITULUM III. — Exspecta me, dicit Dominus, in die resurrectionis meæ in futurum, etc. (Quære totum istud, quia de Christo exponitur resurgente.)

Lauda, filia Sion; jubila, Israel; exsulta in omni corde tuo, filia Jerusalem. Abstulit Dominus judicium tuum, avertit inimicos tuos rex Israel; Dominus in medio tui, non timebis malum ultra.

Noli timere; non dissolvantur manus tuæ. Dominus Deus in medio tui fortis, ipse salvabit. Gaudebit super te Dominus in lætitia, silebit in dilectione tua, et ex-

D sultabit super te in laude.

PROPHETIA AGGÆI

HABET CAPITULA DUO. ET PRÆDICIT REVERSIONEM JUDÆORUM; DE REÆDIFICATIONE TEMPLI, AC CIVITATIS RENOVATIONE.

CAPITULUM I. — Ponite corda vestra super vias vestras.

CAPITULUM II. — Spiritus meus erit in medio vestri, nolite timere.

Adhuc unum modicum, et ego commovebo cælum et terram, et mare et aridam; et movebo omnes gentes. Et veniet Desideratus cunctis gentibus, et implebo

domum istam gloria, dicit Dominus. Magna erit gloria domus istius novissimæ plus quam primæ, dicit Dominus; et in loco isto dabo pacem. (Nota de Christi adventu prophetiam evidentem atque pulcherrimam. Loquitur autem Propheta de domo facta per Zorobabel.)

A Percussi vos vento urente, et aurugine, et grandine; et non fuit in vobis qui reverteretur ad me, dicit Dominus.

In die illo, dicit Dominus, assumam te, Zorobabel fili Salathiel, serve meus, dicit Dominus; et ponam te quasi signaculum, quia te elegi, dicit Dominus exercituum.

PROPHETIA ZACHARIÆ

HABET CAPITULA QUATUORDECIM. ET LOQUITUR DE LIBERATIONE
JUDÆORUM ET DE VINDICTA CONTRA INIMICOS EORUM; DE HUMILITATE ADVENTUS CHRISTI
ET PASSIONE EJUSDEM.

CAPITULUM I. — Hæc dicit Dominus exercituum: Convertimini ad me, et convertar ad vos. Ne sitis sicut patres vestri. Convertimini de viis vestris malis, et de cogitationibus vestris pessimis, dicit Dominus.

Ira magna ego irascor super gentes opulentas, dicit Dominus.

Revertar ad Jerusalem in misericordiis.

CAPITULUM II. — Ecce angelus qui loquebatur in me egrediebatur, et alius angelus egrediebatur in occursum ejus, et dixit ad eum: Curre, loquere ad puerum istum, dicens: Absque muro habitabitur Jerusalem.

Hæc dicit Dominus exercituum: Post gloriam misit me ad gentes quæ spoliaverunt vos. Qui tetigerit vos, tanget pupillam oculi ejus. Et cognoscetis quia Dominus exercituum misit me. Lauda et lætare, filia Sion, quia ecce ego venio, et habitabo in medio tui, ait Dominus. Et applicabuntur gentes multæ ad Dominum in die illa, et erunt mihi in populum, et habitabo in medio tui; et scies quia Dominus exercituum misit me ad te. (Nota. In verbis istis dicit Dominus exercituum se mitti a Domino exercituum: in quo tangitur pluralitas Personarum, ac Christi divinitas.)

Sileat a facie Domini omnis caro, quo-

B niam consurrexit de habitaculo sancto suo.

CAPITULUM III. — Dixit Dominus ad Satan: Increpet Dominus in te, Satan: et increpet Dominus in te. (Nota. Hic dicitur ter, Dominus, ad designandum in simplici Deo personalem Trinitatem.)

Ecce ego adducam servum meum Orientem (id est Christum). (Item Oriens, id est Messias, secundum translationem Chaldaicam.)

Super lapidem unum septem oculi sunt. Ecce ego cælabo sculpturam ejus, ait Dominus; et auferam iniquitatem terræ illius in una die. (Nota. In Christo lapide angulari sunt septem dona Sancti Spiritus. Item Spiritus Sanctus formavit sculpturam, id est corpus ejus; et in die Parasceves abstulit Christus mundi peccata.)

CAPITULUM IV. — Non in exercitu, nec in robore, sed in spiritu meo, dicit Dominus exercituum.

Isti sunt duo filii olei, qui adsistunt Dominatori universæ terræ.

CAPITULUM VI. — Ecce vir, Oriens nomen ejus; et subter eum orietur, et ædificabit templum Domino. Et ipse portabit gloriam, et sedebit et dominabitur in solio suo; et erit sacerdos super solio suo, et consilium pacis erit inter duos illos (quia

in Christo pagani et Judæi in una fide A congregati sunt). (Item hæc prophetia in Christo impleta est, qui ædificavit templum, id est Ecclesiam, et dominatur in militanti Ecclesia.)

CAPITULUM VII. — Judicium verum judicate, et misericordiam et miserationes facite, unusquisque cum fratre suo; et malum vir fratri suo non cogitet in corde suo.

Noluerunt attendere, et averterunt scapulam recedentes; et aures suas aggravaverunt, ne audirent. Cor suum posuerunt ut adamantem, ne audirent legem.

CAPITULUM VIII. — Zelatus sum Sion zelo magno, dicit Dominus.

Sicut cogitavi ut affligerem vos, quum me ad iracundiam, etc.

Veritatem tantum et pacem diligite.

Ibimus vobiscum : audivimus enim quoniam Dominus vobiscum est.

CAPITULUM IX. — Exsulta satis, filia Sion; jubila, filia Jerusalem : ecce Rex tuus venit tibi justus et salvator; ipse pauper et ascendens super asinam, et super pulum filium asinæ. Et loquetur pacem gentibus. Potestas ejus a mari usque ad mare, et a fluminibus usque ad fines terræ.

Tu quoque in sanguine testamenti tui, emisisti vinetos tuos de lacu in quo non est aqua. (Christus enim eduxit patres de limbo.)

Quid bonum Domini, et quid pulchrum ejus, nisi frumentum electorum, et vinum germinans virgines? (Istud intelligitur de corpore et sanguine Christi.)

CAPITULUM X. — Petiit pluviam a Domino in tempore serotino.

Super pastores iratus est furor meus, ait Dominus.

CAPITULUM XI. — Benedictus Dominus, divites facti sumus.

Dixi : Si bonum est in oculis vestris, afferte mercedem meam; et si non, quiescite. Et appenderunt mercedem meam triginta argenteos. Et dixit Dominus ad me : Projice eos ad statuarium, decorum pretium quo appretiatus sum ab eis. (Nota de Christi venditione.)

(Nota in isto capitulo de malo pastore quid faciat, etc.) O pastor et idolum derelinquens gregem ! Brachium ejus ariditate siccabitur, etc.

CAPITULUM XII. — Dixit Dominus extendens cælum, et fundans terram, et fingens spiritum hominis in eo.

Et erit qui offenderit ex eis in die illa (id est tempore gratiæ) quasi David, et domus David quasi Dei, sicut angelus Domini in conspectu eorum. (Istud dicit Propheta ad designandum magnitudinem misericordiæ Dei tempore Christi et gratiæ.)

Effundam super domum David spiritum gratiæ et precum. Adspicient ad me quem confixerunt; et plangent eum planctu quasi super unigenitum, et dolebunt super eum sicut doleri solet in morte primogeniti.

CAPITULUM XIII. — (Nota de fonte Baptismi.) In die illa erit fons patens domui David (id est Ecclesiæ Christi) et habitantibus Jerusalem, in ablutionem peccatoris et menstruatae.

In die illa, dicit Dominus, disperdam nomina idolorum de terra.

Non sum propheta; homo agricola ego sum.

Et dicetur ei : Quid sunt plagæ istæ in medio manuum tuarum ? Et dicet : His plagatus sum in medio eorum qui diligebant me.

Framea, suscitare super pastorem meum (id est Christum), et super virum cohærentem mihi, dicit Dominus exercituum; percutite pastorem, et dispergentur oves gregis.

Ducam eos per ignem, et uram eos sicut utritur argentum, et probabo eos sicut probatur aurum. Et ego exaudiam eum et dicam : Populus meus es; et ipsi dicent : Dominus Deus meus.

CAPITULUM XIV. — Stabunt pedes Domini in die illa super montem Olivarum, qui est contra Jerusalem.

(Nota in isto capitulo multa pulcherrima et difficilia, etiam aliqua de Antichristo.)

Veniet Dominus Deus meus, omnesque Sancti ejus cum eo.

Et erit in die illa : non erit lux, sed

frigus et gelu. Erit dies una quæ nota est A etc. In die illa erit Dominus rex super Domino, non dies neque nox, etc. Et in omnem terram. In die illa erit Dominus die illa exhibunt aquæ vivæ de Jerusalem, unus, et nomen ejus unum.

PROPHETIA MALACHIE

HABET CAPITULA QUATUOR. ET LOQUITUR DE ABJECTIONE POPULI JUDÆORUM
ET SACRIFICIORUM EJUS; ET DE ADVENTU CHRISTI.

CAPITULUM I. — Dilexi vos, dicit Domi- B nus. Nonne frater erat Esau Jacob? Et dilexi Jacob, Esau autem odio habui.

Filius honorat patrem, et servus timet dominum suum. Si ergo pater ego sum, ubi est honor meus? Et si Dominus ego sum, ubi est timor meus? dicit Dominus.

Ad vos, o sacerdotes, qui despicitis nomen Domini. Et nunc deprecamini vultum Domini, ut misereatur vestri, si quo modo suscipiat facies vestras.

(Nota de sacrificio novæ legis.) Non est mihi voluntas in vobis, dicit Dominus C exercituum, et munus non suscipiam de manu vestra. Ab ortu enim solis usque ad occasum, magnum est nomen meum in gentibus, et in omni loco sacrificatur et offertur nomini meo oblatio munda, quia magnum est nomen meum in gentibus, dicit Dominus exercituum.

Maledictus dolosus : quia rex magnus ego sum, dicit Dominus, et nomen meum horribile in gentibus.

CAPITULUM II. — Labia sacerdotis custodiunt scientiam, et legem requirent de D ore ejus, quia angelus Domini exercituum est. Vos autem recessistis de via, et scandalizastis plurimos in lege. Propter quod dedi vos contemptibiles omnibus populis.

Numquid non pater unus omnium nostrum? numquid non Deus unus creavit nos? Quare ergo despicit unusquisque nostrum fratrem suum, violans pactum patrum nostrorum. Disperdat Dominus virum qui fecit hoc. Custodite ergo spiritum vestrum, et nolite despiciere.

Laborare fecistis Dominum in sermonibus vestris, in eo quod dicitis : Omnis qui facit malum bonus est in conspectu Domini, et tales ei placent; aut certe, ubi est dies judicii?

CAPITULUM III. — (Nota de præcursore adventuque Christi.) Ecce ego mitto angelum meum, et præparabit viam ante faciem meam. Et statim veniet ad templum suum Dominator quem vos quæritis, et Angelus testamenti quem vos vultis. Et quis poterit cogitare diem adventus ejus? aut quis stabit ad videndum eum? Ipse enim quasi ignis conflans.

Accedam ad vos in judicio, et ero testis velox maleficis, et adulteris, et qui calumniantur et opprimunt, nec timuerunt me, dicit Dominus.

Ego Dominus, et non mutor.

Revertimini ad me, et revertar ad vos, dicit Dominus exercituum.

Si affiget homo Deum, quia vos configitis me? dicit Dominus.

Inferte omnem decimam in horreum meum, et sit cibus in domo mea, ait Dominus.

Invaluerunt super me verba vestra, dicit Dominus. Et dixistis : Vanus est qui servit Domino; et quod emolumentum quia custodimus præcepta ejus, et quia ambulavimus tristes coram Domino? Ergo nunc beatos dicimus arrogantes : siquidem ædificati sunt, etc.

Parcam timentibus me, dicit Dominus, sicut parcit vir filio suo servienti sibi.

Convertimini, et videbitis quid sit inter

justum et impium, et inter servientem A Deo et non servientem ei.

CAPITULUM IV. — Ecce dies veniet succensa quasi caminus; et erunt omnes superbi et omnes facientes impietatem stipula; et inflammabit eos dies veniens, dicit Dominus, quæ non derelinquet eis radicem.

Orietur vobis timentibus nomen meum Sol justitiæ, et sanitas in pennis ejus. Egre-

diemini et salietis quasi vitulus de armento; et calcabitis impios, in die qua ego facio, dicit Dominus.

(Nota de Eliæ adventu ante finem mundi.) Ecce ego mittam vobis Eliam prophetam, antequam veniat dies Domini magnus et horribilis; et convertet cor patrum ad filios, et cor filiorum ad patres, ne forte veniam et percutiam terram anathemate.

LIBER MACHABÆORUM PRIMUS

HABET CAPITULA SEXDECIM. ET AGITUR IN EO DE PRELIIS INTER HEBRÆORUM DUCES ET GENTEM PERSARUM; ET DE LIBERATIONE POPULI SUB MATHATHIA, JUDA, JONATHA ET SIMONE.

CAPITULUM I. — Regnavit Alexander annis duodecim, et mortuus est.

Exiit ex pueris ejus radix peccati, Antiochus Illustris, filius Antiochi regis, qui fuerat Romæ obses.

Secundum gloriam ejus multiplicata est ignominia ejus.

Edificavit Antiochus rex abominandum idolum desolationis super altare Dei.

Multi de populo Israel elegerunt magis mori, quam cibis coinquinari immundis.

CAPITULUM II. — Mathathias habebat filios quinque: Joannem, Simonem, Judam Machabæum, Eleazarum, et Jonathan. Dixit Mathathias: Væ mihi! Ut quid natus sum videre contritionem populi mei et civitatis sanctæ? Quæ erat libera, facta est ancilla. Ecce sancta nostra, et pulchritudo nostra, et claritas nostra desolata est. Propitius sit nobis Deus; non est nobis utile relinquere legem et justitias Dei. Omnis qui zelum habet legis exeat post me.

Moriamur omnes in simplicitate nostra, et testes erunt super nos cælum et terra. (Nota quod Judæi malebant occidi, quam in die sabbati inimicis pugnando resistere.)

Nunc ergo, filii, æmulatores estote le-

gis, et date animas vestras pro testamento patrum, et mementote operum patrum quæ fecerunt, et accipietis gloriam magnam et nomen æternum. Abraham nonne in tentatione inventus est fidelis, et reputatum est ei ad justitiam? Joseph in tempore angustiae suæ custodivit mandatum, et factus est dominus Ægypti. Daniel in sua simplicitate liberatus est de ore leonum. Omnes qui sperant in Domino non infirmantur. A verbis peccatoris ne timueritis, quia gloria ejus stercus et vermis: hodie extollitur, et cras non invenietur, quia conversus est in terram suam, et cogitatio ejus periit. Ecce Simon, frater vester, scio quod vir consilii est; ipsum audite semper, et ipse erit vobis pater. Et Judas Machabæus, fortis viribus a juventute sua, sit vobis princeps militiæ. (Hæc omnia sunt verba Mathathiæ, cum aliis quæ habentur in isto capitulo: quæ sunt valde notabilia. Quære ergo.)

CAPITULUM III. — (Nota præconia Judæ Machabæi.) Surrexit Judas Machabæus pro patre; et adjuvabant eum omnes fratres ejus, et qui se conjunxerant patri ejus; et præliabantur prælium Is-

rael cum lætitia. Et dilatavit gloriam populo suo; et induit se loricam sicut gigas, et accinxit se arma bellica sua in præliis. Similis factus est leoni in operibus suis, et sicut catulus leonis rugiens in venatione. Et persecutus est iniquos; et qui perturbabant populum suum succendit flammis; et omnes operarii iniquitatis conturbati sunt; et in sæculum memoria ejus in benedictione. Et nominatus est usque ad novissimum terræ, et congregavit pereuntes.

Dixit Judas : Non est differentia in conspectu Dei cœli liberare in multis et in paucis, quia non in multitudine exercitus victoria belli, sed de cœlo fortitudo est.

Accingimini, et estote filii potentes (ait Judas), et estote parati ut pugnetis, quoniam melius est nobis mori in bello, quam videre mala gentis nostræ et sanctorum. Sicut autem fuerit voluntas in cœlo, sic fiat.

CAPITULUM IV. — Dixit Judas : Impetum inimicorum ne formidetis. Mementote qualiter salvi facti sunt patres nostri. Et nunc clamemus in cœlum, et miserebitur nostri Deus noster.

Non concupiscatis spolia, quia bellum contra nos est; sed state nunc contra inimicos, etc.

Dejice, Domine, inimicos gladio diligentium te.

Dixit Judas et fratres ejus : Ecce contriti sunt inimici nostri; ascendamus nunc mundare sancta et renovare. Et ascenderunt in montem Sion, etc.

CAPITULUM V. — Convenit Judas et fratres ejus, et ecclesia magna, cogitare quid facerent fratribus suis qui in tribulatione erant, etc.

Erat Judas congregans extremos, et hortabatur populum per totam viam.

CAPITULUM VI. — Vocavit Antiochus rex omnes amicos suos, et dixit : Recessit somnus ab oculis meis, et concidi, et corruï corde præ sollicitudine; et dixi in corde meo : In quantam tribulationem

deveni, et in quos fluctus tristitiæ, qui jucundus eram et dilectus in potestate mea !

Elephantis ostenderunt sanguinem uvæ et mori, ad acuendos eos in prælium. (Nota in hoc loco multa de robore elephantorum, et de audacia Eleazari filii Saura, qui pro populo suo supposuit se elephanto, etc.)

CAPITULUM VII. — Satis agebat impius Alcimus pro principatu sacerdotii sui, etc.

CAPITULUM VIII. — Possederunt Romani omnem locum consilio suo et patientia. (Nota in isto capitulo multa de Romanis.)

CAPITULUM IX. — Ait Judas : Si appropriavit tempus nostrum, moriamur in virtute propter fratres nostros, et non inferamus crimen gloriæ nostræ.

Et ingravatum est prælium, et multi ceciderunt; et Judas cecidit, et ceteri fugerunt. (Nota. Postquam iniit pactum cum Romanis, occisus est Judas.)

Cetera verba Judæ, bellorum et virtutum quas fecit, non sunt descripta : multa enim erant valde, etc.

CAPITULUM XI. — Occidebant tria millia Judæorum, centum millia in die illa, et liberaverunt regem Demetrium.

CAPITULUM XII. — Habemus solatio sanctos libros qui sunt in manibus nostris.

CAPITULUM XIII. — Nunc non mihi contingat parcere animæ meæ pro fratribus in omni tempore tribulationis.

Occidit Tryphon Jonathan et duos filios ejus.

CAPITULUM XIV. — (Nota de Simone fratre Machabæi.) Confirmavit Simon omnes humiles populi sui, et legem exquisivit, et abstulit omne malum et iniquum. Sancta glorificavit, et multiplicavit vasa sanctorum. Et quæsivit bona genti suæ, et placuit eis potestas ejus et gloria cunctis diebus.

CAPITULUM XVI. — Auxilium de cœlo vobiscum sit.

Ptolemæus socer Simonis occidit Simonem et duos filios ejus.

LIBER MACHABÆORUM SECUNDUS

HABET CAPITULA QUINDECIM. ET RECAPITULANTUR IN EO QUÆDAM IN PRIMO LIBRO
 DICTA ; DEINDE AGITUR DE TRIBULATIONE POPULI, DE CONSTANTIA SEPTEM FRATRUM ET MATRIS
 EORUM, ET DE LIBERATIONE POPULI PER JUDAM MACHABÆUM.

CAPITULUM I. — Benefaciat vobis Deus ; A et det vobis cor omnibus, ut colatis eum, et faciatis ejus voluntatem corde magno et animo volenti. Adapteriat cor vestrum in lege sua et in præceptis suis, et faciat pacem. Exaudiat orationes vestras, et reconcilietur vobis, nec vos deserat in tempore malo.

Oravimus ad Dominum, et exauditi sumus. De magnis periculis a Deo liberati, magnifice gratias agimus ipsi. Per omnia benedictus qui tradidit impios.

(Nota in isto capitulo de igne absconso B in puteo tempore captivitatis Babylonicæ.)

(Oratio Nehemiæ.) Domine Deus, omnium creator, terribilis et fortis, justus et misericors, qui solus es rex bonus, solus præstans, solus justus, omnipotens, et æternus, custodi partem tuam et sanctifica. Afflige opprimentes nos et contumeliam facientes in superbia ; constitue populum tuum in loco sancto tuo.

CAPITULUM III. — Facies et color immutatus declaravit animi internum dolorem.

Ipse qui habet in cœlis habitationem, C visitator et adjutor est loci sui.

CAPITULUM IV. — In leges divinas impie agere, impune non cedit.

(Nota in isto capitulo de laude Oniæ pontificis.)

CAPITULUM V. — Contigit per universam Jerosolymorum civitatem videri diebus quadraginta per aera equites discurrentes, auratas stolas habentes, et hastas, quasi cohortes armatas, et cursus equorum per ordinem digestos et congressiones fieri, etc. (Nota in textu istam visionem.) D

Erant autem toto triduo in Jerusalem octoginta millia ab Antiocho interfecti,

quadraginta millia vineti, non minus autem venundati.

Verum, non propter locum gentem, sed propter gentem locum Dominus elegit. Qui derelictus est in ira Dei omnipotentis, iterum in magna Dei reconciliatione cum summa gloria exaltabitur.

Existimavit se Antiochus rex, præ superbia, terram quidem ad navigandum, pelagus vero ad iter agendum deducturum, propter mentis elationem.

Judas autem Machabæus secessit in desertum locum, ibique inter feras vitam in montibus cum suis agebat ; et fœni cibo vescentes, demorabantur, ne participes essent coinquinationis.

CAPITULUM VI. — (Nota in isto capitulo, quomodo Deus electos in præsentī punit. Require in textu.) Etenim multo tempore non sinere peccatoribus ex sententia agere, sed statim ultiones adhibere, magni beneficii est indicium.

Eleazarus, ætate provectus, gloriosissimam mortem magis quam odibilem vitam complectens, voluntarie præibat ad supplicium : destinavit enim non admittere illicita propter vitæ amorem. Cogitare cœpit ætatis ac senectutis suæ eminentiam dignam, et ingenuam nobilitatis canitiem : Non enim ætati nostræ dignum est, inquit, fingere, ut multi adolescentium decipiantur. Domine, qui habes sanctam scientiam, manifeste scis quia duos corporis sustineo dolores ; secundum animam vero, propter timorem tuum libenter hæc patior.

CAPITULUM VII. — (Nota in isto capitulo de martyrio fratrum Machabæorum et matris eorum, et verbis eorum, etc.)

Parati sumus magis mori, quam patrias A Dei leges prævaricari.

Rex mundi Deus defunctos nos pro suis legibus, in æternæ vitæ resurrectione suscitabit.

De cœlo ista possideo, sed propter Dei leges nunc hæc ipsa despicio.

Potestatem inter homines habens, quum sis corruptibilis, facis quod vis; sed sustine, et videbis qualiter Deus te torquet.

Peto, nate, ut adspicias ad cœlum et terram, et ad omnia quæ in eis sunt, et intelligas quia ex nihilo fecit illa Deus; B ita fiet ut non timeas carnificem istum. Tu vero qui inventor omnis malitiæ effectus es, non effugies manum Dei. Tu autem, o scelestus et flagitiosissime, noli frustra extolli. Nondum enim omnipotentis Dei et omnia inspicientis iudicium effugisti. Tu vero iudicio Dei, justas superbiam tuam pœnas exsolves.

CAPITULUM VIII. — Ira Dei in misericordiam conversa est.

Nos autem in omnipotenti Deo confidimus, qui potest et venientes adversum C nos et univèrsam mundum uno nutu delere.

CAPITULUM IX. — Justum est subditum esse Deo, et mortalem non paria Deo sentire.

Orabat autem scelestus Antiochus Dominum, a quo non esset misericordiam consecuturus.

Si bene valetis, maximas agimus gratias.

CAPITULUM X. — (Nota capitulo decimo de quinque viris de cœlo apparentibus, et succurrentibus Judæ Machabæo et suis, D etc.)

In hymnis et confessionibus benedicebant Dominum, qui magna fecit in Israel, et victoriam dedit illis.

CAPITULUM XI. — (Nota in isto capitulo etiam de apparitione, etc.)

Ibant prompti, de cœlo habentes adiutorem et miserantem eos Dominum.

Si bene valetis, sic estis ut volumus; sed et nos ipsi bene valemus.

CAPITULUM XII. — Fortissimus Judas collatione facta, duodecim millia drachmas argenti misit Jerosolymam, etc. Sancta ergo et salubris est cogitatio pro defunctis exorare, etc.

CAPITULUM XIV. — Tu, Domine universitatis, qui nullam habes indigentiam, voluisti templum habitationis tuæ fieri in nobis. Et nunc, Sancte Sanctorum, omnium Domine, conserva domum istam impollutam.

(Nota hic de Razia, qui se virtuose occidit, etc.)

CAPITULUM XV. — Machabæus autem confidebat semper cum omni spe auxilium sibi a Deo adfuturum. Et hortabatur suos ne formidarent, sed sperarent ab Omnipotente sibi adfuturam victoriam; et allocutus est eos de lege et Prophetis. Judas singulos armavit, non hasta et clypeo, sed sermonibus optimis et exhortationibus.

(Nota hic de apparitione Oniæ et Jeremiæ prophetæ facta Judæ.) Onias sacerdos vir bonus et benignus, verecundus visu, modestus moribus, et eloquio decorus, a puero in virtutibus exercitatus fuit. — Hic est fratrum amator, qui multum orat pro populo, Jeremias propheta Dei. Et dedit Judæ Machabæo gladium aureum dicens: Accipe sanctum gladium, munus a Domino, in quo deicies adversarios Israel.

Dominator cœlorum, mitte angelum tuum bonum ante nos, in timore et tremore magnitudinis brachii tui.

Judas autem et qui cum eo erant, manu quidem pugnabant, Dominum autem cordibus exorabant.

Judas per omnia corpore et animo mori pro civibus paratus erat.

Sicut vinum semper bibere, aut semper aquam, contrarium est; alternis autem uti, delectabile: ita legentibus, si semper exactus sit sermo, non erit gratus.

EVANGELIUM MATTHÆI

HABET CAPITULA VIGINTI OCTO. ET AGITUR IN EO PRINCIPALITER DE CHRISTI HUMANITATE.

CAPITULUM I. — Liber generationis Jesu Christi, filii David, filii Abraham, etc. Jacob genuit Joseph, virum Mariæ, de qua natus est Jesus. (Nota quod Lucas dicit Joseph esse filium Heli. Ergo quære concordiam.)

Dixit angelus ad Joseph : Vocabis nomen ejus Jesum ; ipse enim salvum faciet populum suum a peccatis eorum.

CAPITULUM II. — Per aliam viam reversi sunt Magi in regionem suam.

CAPITULUM III. — Dixit Joannes Baptista : Pœnitentiam agite, appropinquabit enim regnum cœlorum.

Joannes habebat vestimentum de pilis camelorum, et zonam pelliceam circa lumbos suos, etc.

Progenies viperarum, quis ostendit vobis fugere a ventura ira ? Facite ergo fructum dignum pœnitentiæ. Jam securis ad radicem arboris posita est. Omnis ergo arbor quæ non facit fructum bonum excidetur, et in ignem mittetur. Christus congregabit triticum in horreum suum, paleas autem comburet igne inextinguibili.

Respondens Jesus Joanni, dixit : Sine modo : sic enim decet nos implere omnem justitiam. (Nota hic de baptismo Christi, et de descensu Spiritus Sancti in eum, ac voce paterna : Hic est Filius meus dilectus, etc.)

CAPITULUM IV. — Ductus est Jesus in desertum, ut tentaretur a diabolo, etc.

Non in solo pane vivit homo, sed in omni verbo quod procedit de ore Dei.

Non tentabis Dominum Deum tuum.

Ecce angeli accesserunt, et ministrabant ei (id est Christo).

Populus qui sedebat in tenebris, vidit lucem magnam, etc.

Circuibat Jesus, sanans omnem languorem et omnem infirmitatem in populo.

CAPITULUM V. — Beati pauperes spiritu, quoniam ipsorum est regnum cœlorum. Beati mites, quoniam ipsi possidebunt terram. Beati qui lugent, quoniam ipsi consolabuntur. Beati qui esuriunt et sitiunt justitiam, quoniam ipsi saturabuntur. Beati misericordes, quoniam ipsi misericordiam consequentur. Beati mundo corde, quoniam ipsi Deum videbunt. Beati pacifici, quoniam filii Dei vocabuntur. Beati qui persecutionem patiuntur propter justitiam, quoniam ipsorum est regnum cœlorum. Beati estis quum maledixerint vobis homines, et persecuti vos fuerint, et dixerint omne malum adversum vos, mentientes, propter me. Gaudete et exultate, quoniam merces vestra copiosa est in cœlis.

Vos estis sal terræ. Vos estis lux mundi. Non potest civitas abscondi supra montem posita. Sic luceat lux vestra coram hominibus, ut videant opera vestra bona, et glorificent Patrem vestrum qui in cœlis est.

Non veni solvere legem, sed implere. Donec transeat cœlum et terra, unus apex non præteribit de lege. Qui autem fecerit et docuerit, magnus vocabitur in regno cœlorum.

Omnis qui irascitur fratri suo, reus erit judicio. Qui autem dixerit fratri suo, Raca, reus erit consilio. Qui autem dixerit, Fatue, reus erit gehennæ ignis.

Vade prius reconciliari fratri tuo, et tunc veniens, offeres munus tuum.

Esto consentiens adversario tuo dum es in via cum eo.

Omnis qui viderit mulierem ad concupiscendum eam, jam mœchatus est eam in corde suo.

Si oculus tuus dexter scandalizat te, A
erue eum et projice abs te, etc.

Omnis qui dimiserit uxorem suam, excepta fornicationis causa, facit eam mœchari; et qui dimissam duxerit, adulterat.

Ego dico vobis, non jurare omnino, neque per cœlum, neque per terram, neque per caput tuum, etc. Sit autem sermo vester: Est, est; Non, non. Quod his abundantius est, a malo est.

Si quis te percusserit in dexteram maxillam, præbe ei et alteram. Qui vult tecum judicio contendere et tunicam tuam tollere, dimitte ei et pallium, etc.

Diligite inimicos vestros, benefacite his qui oderunt vos, et orate pro persequentibus et calumniantibus vos: ut sitis filii Patris vestri qui in cœlis est, qui solem suum oriri facit super bonos et malos, et pluit super justos et injustos.

Estote ergo et vos perfecti, sicut et Pater vester cœlestis perfectus est. Attendite ne justitiam vestram faciatis coram hominibus, ut videamini ab eis: alioqui mercedem non habebitis apud Patrem. Te autem faciente eleemosynam, nesciat sinistra tua quid faciat dextera tua, et Pater tuus qui videt in abscondito reddet tibi.

CAPITULUM VI. — Et quum oratis, non eritis sicut hypocritæ, qui amant in synagogis et in angulis platearum stantes orare, ut videantur ab hominibus. Tu autem quum oraveris, intra in cubiculum, et clauso ostio, ora Patrem in abscondito. Orantes autem, nolite multum loqui: scit enim Pater vester quid opus sit vobis, antequam eum petatis. Sic ergo orabitis: D
Pater noster, etc.

Quum autem jejunatis, nolite fieri sicut hypocritæ, tristes. Tu autem quum jejunas, unge caput tuum, et faciem tuam lavā, ne videaris hominibus jejunans.

Nolite thesaurizare vobis thesauros in terra, ubi ærugo et tinea demolitur. Thesaurizate autem vobis thesauros in cœlo. Ubi est thesaurus tuus, ibi est et cor tuum.

Lucerna corporis tui est oculus tuus.

Si fuerit oculus tuus simplex, totum corpus lucidum erit.

Nemo potest duobus dominis servire. Non potestis Deo servire et mammonæ.

Ne solliciti sitis animæ vestræ quid manducetis, neque corpori vestro quid induamini. Respicite volatilia cœli, quoniam non serunt neque metunt; et Pater vester cœlestis pascit ea. Scit enim Pater vester cœlestis quia his omnibus indigetis. Quærite ergo primum regnum Dei et justitiam ejus, et hæc omnia adjicientur B vobis.

Nolite solliciti esse in crastinum. Crastinus enim dies sollicitus est sibi ipsi. Sufficit diei malitia sua.

CAPITULUM VII. — Nolite judicare, ut non judicemini. Qua mensura mensi fueritis, remetietur vobis. Quid vides festucam in oculo fratris tui, et trabem in oculo tuo non vides? Hypocrita, ejice primum trabem de oculo tuo, et tunc videbis ejicere festucam de oculo fratris tui.

Nolite sanctum dare canibus, neque margaritas vestras ante porcos, ne conculcent eas pedibus suis.

Petite, et dabitur vobis; quærite, et invenietis; pulsate, et aperietur vobis. Omnis enim qui petit, accipit; et qui quærit, invenit; et pulsanti aperietur.

Omnia quæcumque vultis ut faciant vobis homines, ita et vos facite illis. Hæc est enim lex et Prophetæ.

Intrate per angustam portam, quia lata et spatiosa via est quæ ducit ad perditionem, et multi sunt qui intrant per eam. Quam angusta porta et arcta via est quæ ducit ad vitam, et pauci inveniunt eam!

Attendite a falsis prophetis, qui veniunt ad vos in vestimentis ovium, intrinsecus autem sunt lupi rapaces. A fructibus eorum cognoscetis eos. Omnis arbor bona fructus bonos facit; mala autem arbor fructus malos facit.

Non omnis qui dicit mihi, Domine, Domine, intrabit in regnum cœlorum; sed qui facit voluntatem Patris mei, qui in cœlis est. Multi dicent mihi in die illo:

Domine, Domine, nonne in nomine tuo A prophetavimus, etc.?

Omnis qui audit verba hæc et facit ea, assimilabitur viro sapienti qui ædificavit domum suam supra petram. Et omnis qui audit verba hæc et non facit ea, similis erit viro stulto qui ædificavit domum suam supra arenam; etc.

Erat Jesus docens sicut potestatem habens, non sicut Scribæ et Pharisei.

CAPITULUM VIII. — Domine, si vis, potes me mundare.

Dixit Jesus leproso curato : Vide nemini B dixeris ; sed vade, ostende te sacerdoti, etc.

Domine, non sum dignus ut intres sub tectum meum, sed tantum dic verbo, et sanabitur puer meus. (Hæc sunt verba centurionis.)

Filii regni ejicientur in tenebras exteriores. Ibi erit fletus et stridor dentium.

Vulpes foveas habent, et volucres cœli nidos ; Filius autem hominis non habet ubi caput reclinet.

Dixit Jesus discipulo : Sequere me, et C dimitte mortuos sepelire mortuos suos.

Domine, salva nos, perimus.

Quid timidi estis, modicæ fidei ?

Imperavit Jesus ventis et mari, et facta est tranquillitas magna.

Dæmones rogabant Jesum, dicentes : Si ejicis nos, mitte nos in gregem porcorum. (Ecce quam nihil possunt diaboli, nisi permissi.)

CAPITULUM IX. — Non est opus valentibus medicus, sed male habentibus.

Numquid possunt filii sponsi lugere, D quamdiu cum illis est sponsus ? Veniet autem dies quum auferetur ab eis sponsus, et tunc jejunabunt.

Luc. viii, 54. Dixit Jesus : Puella, surge. Et statim surrexit a mortuis.

Miserere nostri, fili David.

Secundum fidem vestram fiat vobis.

Messis quidem multa, operarii vero pauci. Rogate ergo Dominum messis ut mittat operarios in messem suam.

CAPITULUM X. — Dedit Jesus duodecim

discipulis potestatem spirituum immundorum, et ut curarent omnem languorem. Et misit eos dicens : Infirmos curate, mortuos suscite, leprosos munate, dæmones ejicite. Gratis accepistis, gratis date. Nolite possidere aurum, neque argentum, nec calceamenta, etc. Intrantes in domum, salutate eam, dicentes : Pax huic domui, etc.

Ecce ego mitto vos sicut oves in medio luporum. Estote prudentes sicut serpentes, et simplices sicut columbæ. Non enim vos estis qui loquimini, sed Spiritus Patris vestri qui loquitur in vobis, etc.

Eritis odio omnibus hominibus propter nomen meum. Qui autem perseveraverit usque in finem, hic salvus erit. Non est discipulus super magistrum, nec servus super dominum suum. Nihil opertum, quod non revelabitur ; et occultum, quod non sciatur. Nolite timere eos qui occidunt corpus, animam autem non possunt occidere ; sed potius timete eum qui habet potestatem et animam et corpus perdere in gehennam ignis.

Nonne duo passeressse veniunt ? et unus ex illis non cadit super terram sine Patre vestro. Vestri autem et capilli capitis omnes numerati sunt.

Non veni pacem mittere in terram, sed gladium. Veni enim hominem separare a patre, etc. Inimici hominis domestici ejus. *Mich. vii, 6.* (In Michæa propheta.)

Qui amat patrem aut matrem aut filium plus quam me, non est me dignus.

Qui recipit Prophetam in nomine Prophetæ, aut justum in nomine justī, mercedem Prophetæ et justī accipiet. Qui potum dederit uni ex minimis istis calicem aquæ frigidæ, amen dico vobis, non perdet mercedem suam.

CAPITULUM XI. — Ecce qui mollibus vestiuntur, in domibus regum sunt.

Inter natos mulierum, non surrexit major Joanne Baptista. Qui autem minor est in regno cœlorum, major est illo.

Regnum cœlorum vim patitur, et violenti rapiunt illud.

Cecinimus vobis, et non saltastis ; la-

mentavimus, et non planxistis. Venit Filius hominis manducans et bibens, et dicunt : Ecce homo vorax, et potator vini, publicanorum et peccatorum amicus, etc. (Nota in textu istam parabolam.)

Respondens Jesus, dixit : Confiteor tibi, Pater, Domine cœli et terræ, quia abscondisti hæc a sapientibus et prudentibus, et revelasti ea parvulis. Ita, Pater, quia sic placitum fuit ante te. Omnia mihi tradita sunt a Patre meo. Nemo novit Filium, nisi Pater; neque Patrem quis novit, nisi Filius, et cui voluerit Filius revelare.

Venite ad me, omnes qui laboratis et onerati estis, et ego reficiam vos. Tollite jugum meum super vos, et discite a me quia mitis sum et humilis corde; et invenietis requiem animabus vestris. Jugum enim meum suave est, et onus meum leve.

CAPITULUM XII. — Dominus est Filius hominis etiam sabbati.

Ecce puer meus, quem elegi, etc. (Nota istum passum in textu, qui habetur in Isaia.)

Is. XLII, 1.

Omne regnum contra se divisum, desolabitur, etc. Qui non est mecum, contra me est.

Qui dixerit verbum contra Spiritum Sanctum, non remittetur ei, neque in hoc sæculo, neque in futuro.

Progenies viperarum, quomodo potestis bona loqui, quum sitis mali? Ex abundantia cordis os loquitur. Bonus homo de bono thesauro profert bona, etc. Omne verbum otiosum quod locuti fuerint homines, reddent de eo rationem in die iudicii. Ex verbis tuis justificaberis, et ex verbis tuis condemnaberis.

(Nota hic de figura Jonæ prophetæ in ventre piscis, etc.)

Quicumque facit voluntatem Patris mei qui in cœlis est, ipse meus frater, et soror, et mater est.

CAPITULUM XIII. — Alia ceciderunt in terram bonam; et dabant fructum, aliud centesimum, aliud sexagesimum, aliud tricesimum. Qui habet aures audiendi audiat.

Qui habet, dabitur ei, et abundabit;

A qui autem non habet, et quod habet auferetur ab eo.

(Nota hic allegationem Isaïæ de excæcatione Judæorum, etc.)

Vestri beati oculi, quia vident, et aures, quia audiunt.

Hic est qui verbum Dei audit, et cum gaudio suscipit illud; non habet autem in se radicem, sed est temporalis. Facta autem tribulatione et persecutione propter verbum, continuo scandalizatur, etc. (Nota in isto capitulo de differentia eorum qui audiunt verbum Dei.)

Inimicus homo hoc fecit. Sinite utraque crescere usque ad messem, etc.

Mittet Filius hominis angelos suos, et colligent de regno ejus omnia scandala et eos qui faciunt iniquitatem, et mittent eos in caminum ignis. Ibi erit fletus, etc. Tunc fulgebunt justi sicut sol in regno Patris eorum.

In consummatione sæculi exhibunt angeli, et separabunt malos de medio justorum, etc.

C Unde huic sapientia hæc et virtutes? Dixit Jesus : Non est Propheta sine honore, nisi in patria sua, et in domo sua.

CAPITULUM XIV. — Ascendit Jesus in montem solus orare.

Venit Jesus ad discipulos ambulans super mare, etc.

Modicæ fidei, quare dubitasti?

Quicumque tetigerunt fimbriam vestimenti Jesu, salvi facti sunt, etc.

CAPITULUM XV. — Quare vos transgredimini mandata Dei propter traditionem vestram?

Populus hic labiis me honorat, cor autem eorum longe est a me. In vanum autem colunt me, etc.

Non quod intrat in os, coinquinat hominem, sed quæ procedunt de ore, hæc coinquant hominem.

Omnis plantatio quam non plantavit Pater meus cœlestis, eradicabitur. Sinite illos : cæci sunt, et duces cæcorum. Cæcus autem si cæco ducatum præstet, ambo in foveam cadunt.

Adhuc et vos sine intellectu estis? Omne quod intrat in os, in ventrem vadit, et in secessum emittitur.

Miserere mei, Domine, fili David. — Non est bonum sumere panem filiorum et mittere canibus. — Catelli edunt de micis, etc.

CAPITULUM XVI. — (Nota. Increpat Jesus Judæos quod non adverterunt ex Prophetis, maxime ex Daniele, tempus sui adventus, etc.) Ait Jesus Pharisæis: Faciem cœli dijudicare nostis, signa autem temporum non potestis.

Caro et sanguis non revelavit tibi, sed Pater.

Præcepit Jesus discipulis ne dicerent quod ipse esset Christus.

Vade post me; scandalum es mihi, quia non sapis ea quæ Dei sunt, sed quæ sunt hominum.

Si quis vult post me venire, abneget semetipsum, et tollat crucem suam, et sequatur me.

Quid prodest homini, si mundum universum lucretur, animæ vero suæ detrimentum patiatur? aut quam commutationem dabit homo pro anima sua?

CAPITULUM XVII. — Transfiguratus est Jesus ante eos. Et resplenduit facies ejus sicut sol, etc. Domine, bonum est nos hic esse.

Hic est Filius meus dilectus, in quo mihi bene complacui; ipsum audite.

Elias venturus est, et restituet omnia. (Nota de Eliæ futuro adventu.)

Si habueritis fidem sicut granum sinapis, dicetis monti huic, Transi hinc, et transibit; et nihil impossibile erit vobis.

CAPITULUM XVIII. — Nisi conversi fueritis, et efficiamini sicut parvuli, non intrabitis in regnum cœlorum.

Quicumque ergo humiliaverit se sicut parvulus iste, hic est major in regno cœlorum.

Qui autem scandalizaverit unum ex his pusillis, expedit ei ut suspendatur mola asinaria in collo ejus, et demergatur in profundum maris. Væ mundo a scandalis. Necesse est enim ut veniant scandala.

Veruntamen væ homini illi per quem scandalum venit.

Videte ne contemnatis unum ex his pusillis, quia angeli eorum in cœlis semper vident faciem Patris mei. Non est voluntas ante Patrem ut pereat unus ex istis pusillis.

Si autem peccaverit in te frater tuus, vade et corripe eum inter te et ipsum solum. Si te audierit, lucratus es fratrem tuum. Si autem te non audierit, adhibe tecum unum vel duos, ut in ore duorum vel trium testium stet omne verbum. Quod si non audierit, dic Ecclesiæ; si autem Ecclesiam non audierit, sit tibi sicut ethnicus et publicanus.

Si duo ex vobis consenserint de omni re quaecumque petierint, fiet illis a Patre meo qui est in cœlis. Ubi enim sunt duo vel tres congregati in nomine meo, ibi sum in medio eorum.

Patientiam habe in me, etc. Serve nequam, omne debitum dimisi tibi, quoniam rogasti me: nonne ergo oportuit et te misereri conservi tui, sicut et ego tui misertus sum?

CAPITULUM XIX. — Quos Deus conjunxit, homo non separet.

Sunt eunuchi qui castraverunt se ipsos propter regnum cœlorum. Qui potest capere capiat.

Dixit Jesus: Sinite parvulos venire ad me; talium est enim regnum cœlorum.

Quid me interrogas de bono? Unus est bonus, Deus.

Si vis ad vitam ingredi, serva mandata.

Si vis perfectus esse, vade, vende omnia quæ habes, et da pauperibus, et sequere me.

Facilius est camelum per foramen acus transire, quam divitem intrare in regnum cœlorum.

Apud Deum omniaabilia sunt.

Amen dico vobis, quod vos qui secuti estis me, in regeneratione, quum sederit Filius hominis in sede majestatis suæ, sedebitis et vos super sedes duodecim, judicantes duodecim tribus Israel. Omnis

qui reliquerit domum, vel fratres, aut sorores, aut patrem, etc., centuplum accipiet, et vitam æternam possidebit.

Multi erunt primi novissimi, et novissimi primi.

CAPITULUM XX. — Quid hic statis tota die otiosi? Ite et vos in vineam meam, etc.

Amice, non facio tibi injuriam. Tolle quod tuum est, et vade. An non licet mihi quod volo facere? An oculus tuus nequam est quia ego bonus sum?

Multi sunt vocati, pauci vero electi.

Quicumque voluerit inter vos major fieri, sit vester minister: sicut Filius hominis non venit ministrari, sed ministrare.

CAPITULUM XXI. — Dicite filiæ Sion: Ecce Rex tuus venit tibi mansuetus, etc.

Zach. ix, 9. (In Zacharia.)

Domus mea, domus orationis vocabitur.

Omnia quæcumque petieritis in oratione credentes, accipietis.

(Nota in isto capitulo de parabola vineæ: in qua videntur Evangelistæ discordes, sed in sententia non discordant.)

CAPITULUM XXII. — Nuptiæ quidem paratæ sunt, sed qui invitati erant, non fuerunt digni.

Amice, quomodo huc intrasti non habens vestem nuptialem? At ille obmutuit.

Ligatis manibus ejus et pedibus, mittite eum in tenebras exteriores. Ibi erit fletus et stridor dentium.

Scimus quia verax es, et viam Dei in veritate doces, et non est tibi cura de aliquo.

Quid me tentatis, hypocritæ? Reddite quæ sunt Cæsaris Cæsari, et quæ sunt Dei Deo.

Erratis, nescientes Scripturas, neque virtutem Dei. In resurrectione, non nubent neque nubentur, sed erunt sicut angeli Dei.

Non est Deus mortuorum, sed viventium.

Diliges Dominum Deum tuum, etc. Hoc est primum et maximum, etc. (Quære postea plenius.)

CAPITULUM XXIII. — Omnia quæcumque

dicunt facite; secundum opera autem illorum nolite facere: dicunt enim et non faciunt. Alligant autem onera gravia super humeros hominum; digito autem suo nolunt tangere.

Vos vero nolite vocari Rabbi: unus est enim magister vester; omnes autem vos fratres estis. Et patrem nolite vocare vobis super terram: unus est enim Pater vester in cœlis. Neque vocemini magistri, etc. Qui se exaltaverit, humiliabitur; et qui se humiliaverit, exaltabitur.

B Vos non intratis in regnum cœlorum, nec introeuntes sinitis intrare. Væ vobis, duces cæci. Duces cæci, excolantes culicem, camelum autem glutientes.

Væ vobis qui mundatis quod deforis est, intus autem pleni estis immunditia. Cæce, munda prius quod intus est, etc.

Væ vobis, qui similes estis sepulcris dealbatis, quæ a foris parent hominibus speciosa, intus vero plena sunt ossibus mortuorum et omni spurcitia. Sic et vos quidem a foris paretis hominibus justus, intus vero pleni estis hypocrisi et iniquitate.

Vos implete mensuram patrum vestrorum. Genimina viperarum, quomodo fugietis a judicio gehennæ?

CAPITULUM XXIV. — Videte ne quis vos seducat. Multi enim venient in nomine meo, dicentes: Ego sum Christus, etc. Eritis odio omnibus hominibus propter nomen meum, etc. Quoniam abundavit iniquitas, refrigescet caritas multorum. Qui autem perseveraverit usque in finem, etc.

(Nota hic de Antichristo, et finali judicio, consummationeque mundi.)

Erit tunc tribulatio magna, qualis non fuit ab initio usque modo, neque fiet. Et nisi breviati fuissent dies illi, non fieret salva omnis caro; sed propter electos breviabuntur dies illi. Surgent pseudochristi et pseudoprophetæ, et dabunt signa magna et prodigia: ita ut in errorem ducantur, si fieri potest, etiam electi.

Sicut fulgur exit ab oriente, et paret usque in occidentem, sic erit adventus Filii hominis.

Statim post tribulationem dierum illorum, sol obscurabitur, et luna non dabit splendorem suum, etc. ; et tunc apparebit signum Filii hominis in cœlo, etc.

De die autem illa et hora nemo scit, neque angeli cœlorum, nisi Pater solus.

Ideo et vos estote parati, quia nescitis qua hora Filius hominis venturus sit.

CAPITULUM XXV. — Prudentes virgines acceperunt oleum secum in vasis suis cum lampadibus. Media nocte clamor factus est : Ecce sponsus venit, exite obviam ei. Quæ paratæ erant, intraverunt cum eo ad nuptias, et clausa est janua, etc. Amen dico vobis, nescio vos.

Vigilate itaque, quia nescitis diem neque horam.

Euge, serve bone et fidelis, quia super pauca fuisti fidelis, supra multa te constituam, intra in gaudium domini tui.

Inutilem servum ejicite in tenebras exteriores.

Dicet rex his qui a dextris ejus erunt : Venite, benedicti Patris mei, possidete paratum vobis regnum a constitutione mundi. Esurivi enim, etc. Tunc dicet his qui a sinistris erunt : Discedite a me, maledicti, in ignem æternum, qui paratus est diabolo et angelis ejus, etc.

CAPITULUM XXVI. — Dixit Jesus discipulis suis : Scitis quia post biduum Pascha fiet, et Filius hominis tradetur ut crucifigatur.

Cœnantibus illis, accepit Jesus panem, et benedixit ac fregit, deditque discipulis suis, et ait : Accipite et manducate ; hoc est corpus meum, etc.

Tristis est anima mea usque ad mortem.

Vigilate et orate, ut non intretis in ten-

tationem. Spiritus quidem promptus est, caro autem infirma.

Omnes qui acceperint gladium, gladio peribunt.

Discipuli omnes relicto eo fugerunt.

Amodo videbitis Filium hominis sedentem a dextris virtutis Dei, et venientem in nubibus cœli.

CAPITULUM XXVII. — Jesus autem stetit ante præsidem ; et quum accusaretur, nihil respondit.

Plectentes coronam de spinis, posuerunt super caput ejus ; et genu flexo ante eum, illudebant ei dicentes : Ave, rex Judæorum. Et exspuerunt in faciem ejus, et percutiebant caput ejus arundine, etc. (Compatere mitissimo atque dulcissimo Agno, o lector.)

Dederunt ei vinum bibere cum felle mixtum.

A sexta hora tenebræ factæ sunt super universam terram usque ad horam nonam.

Jesus clamans voce magna, emisit spiritum. Et ecce velum templi scissum est, etc.

Erit novissimus error pejor priore.

CAPITULUM XXVIII. — Erat adspectus angeli sicut fulgur, vestimenta autem ejus sicut nix. Præ timore autem ejus exterriti sunt custodes, etc.

Ecce Jesus occurrebat mulieribus, dicens : Avete. Tunc accesserunt et tenuerunt pedes ejus, etc.

Locutus est Jesus discipulis, dicens : Data est mihi omnis potestas in cœlo et in terra. Euntes ergo, docete omnes gentes, baptizantes eas in nomine Patris, et Filii, et Spiritus Sancti. Ecce ego vobiscum sum omnibus diebus, usque ad consummationem sæculi.

EVANGELIUM MARCI

CONTINET CAPITULA SEDECIM. ET AGITUR IN EO PRINCIPALITER DE CHRISTI
FORTITUDINE ET RESURRECTIONE.

CAPITULUM I. — Prædicabat Joannes dicens : Venit fortior me post me, cujus non sum dignus procumbens solvere corrigiam calceamentorum ejus.

Tu es Filius meus dilectus, in te complaceui.

Erat Jesus cum bestiis, et angeli ministrabant ei.

Scio quia sis Sanctus Dei.

Non sinebat Jesus dæmonia loqui quoniam sciebant eum.

Egressus est Jesus in desertum locum, et ibi orabat.

CAPITULUM II. — Fili, dimittuntur tibi peccata tua.

Cognito Jesus spiritu suo quia sic cogitarent, ait, etc.

Sabbatum propter hominem factum est, non homo propter sabbatum. Itaque Dominus est Filius hominis etiam sabbati.

CAPITULUM III. — Observabant Judæi Jesum si sabbatis curaret, ut accusarent eum, etc. Circumspiciens eos cum ira, contristatus est Jesus super cæcitate cordis eorum, etc.

Spiritus immundi, quum Jesum videbant, procidebant ei, dicentes : Tu es Filius Dei. Et vehementer comminabatur eis ne manifestarent eum.

Dicebant (quidam de Jesu) : Quoniam in furorem versus est.

Qui blasphemaverit in Spiritum Sanctum, non habebit remissionem in æternum, sed reus erit æterni delicti.

CAPITULUM IV. — Vobis datum est scire mysterium regni Dei; illis vero qui foris sunt, fiunt omnia in parabolis : ut videntes non videant, et audientes non intelligent.

Ærumnæ sæculi, et deceptio divitiarum,

A et circa reliqua concupiscentiæ, introeuntes in cor suffocant verbum Dei, et sine fructu efficitur, etc.

Erat Jesus in puppi super cervical dormiens. Et surgens, comminatus est vento, et dixit mari : Tace et obmutesce. Et facta est tranquillitas magna.

Quis, putas, est hic, quia ventus et mare obediunt ei?

CAPITULUM V. — Jesu, Fili Dei summi.

Dixit diabolus ad Jesum : Legio mihi nomen est, quia multi sumus.

B Vade, et nuntia quanta tibi fecerit Deus, et misertus sit tui.

CAPITULUM VI. — Non est Propheta sine honore, nisi in patria sua, et in domo sua, et in cognatione sua.

Mirabatur Jesus propter incredulitatem eorum.

Audito Herodes nomine Jesu ait : Quem ego decollavi Joannem, hic a mortuis resurrexit; et ideo virtutes operantur in eo. Herodes metuebat Joannem, sciens eum virum justum et sanctum, etc.

C Dixit Jesus discipulis : Venite seorsum in desertum locum, requiescite pusillum.

CAPITULUM VII. — Sic et vos imprudentes estis.

Catelli comedunt sub mensa de micis puerorum.

Suspiciens Jesus in cœlum, ingemuit, et ait : Adaperire.

Bene omnia fecit : et surdos fecit audire, et mutos loqui.

CAPITULUM VIII. — Adhuc cæcatum habetis cor vestrum?

D Interrogabat Jesus discipulos suos, dicens : Quem me esse dicunt homines?

CAPITULUM IX. — Transfiguratus est Jesus coram discipulis, etc. Et venit vox de

nube, dicens : Hic est Filius meus carissimus : audite illum.

Elias quum venerit primo, restituet omnia.

Si quid potes, adjuva nos. — Si potes credere, omnia possibilia sunt credenti. — Credo, Domine, adjuva incredulitatem meam.

Hoc genus dæmoniorum in nullo potest exire, nisi in oratione et jejunio.

Si quis vult primus esse, erit omnium novissimus et minister.

Qui non est adversum nos, pro nobis est.

Bonum est sal : quod si sal insulsum fuerit, in quo illud condietis? Habete in vobis sal, et pacem habete inter vos.

CAPITULUM X. — Erunt duo in carne una. Itaque jam non sunt duo, sed una caro.

Complexans Jesus parvulos, et imponens manus super illos, benedicebat eos.

Quid me dicis bonum? Nemo bonus, nisi unus Deus, dixit Jesus.

Quam difficile qui pecunias habent, in regnum Dei introibunt!

Filius hominis non venit ut ministraretur ei, sed ut ministraret, et daret animam suam redemptionem pro multis.

Animæquior esto. Vade, fides tua te salvum fecit.

CAPITULUM XI. — Habete fidem Dei. Amen dico vobis, quia quicumque dixerit huic monti, Tollere, et mittere in mare, etc. Propterea dico vobis : Omnia quæcumque orantes petitis, credite quia accipietis, et evenient vobis.

Quum stabitis ad orandum, dimittite si quid habetis adversum aliquem. Si non dimiseritis, nec Pater vester qui in cœlis est, dimittet vobis peccata vestra.

In qua potestate hæc facis? et quis dedit tibi hanc potestatem ut ista facias?

CAPITULUM XII. — Coloni dixerunt : Hic est heres; venite, occidamus eum, et nostra erit hereditas.

Respondit Jesus : Primum omnium mandatum est : Audi, Israel : Dominus Deus tuus unus est; et diliges Dominum Deum tuum ex toto corde tuo, et ex tota ani-

ma tua, et ex tota mente tua, et ex tota virtute tua. Secundum autem simile est illi : Diliges proximum tuum tanquam te ipsum. — Diligere Deum ex toto corde, et ex toto intellectu, et ex tota anima, et ex tota fortitudine, et diligere proximum tanquam se ipsum, majus est omnibus holocaustomatibus et sacrificiis. — Non es longe a regno Dei.

Hæc vidua plus omnibus misit.

CAPITULUM XIII. — Qui autem sustinuerit usque in finem, hic salvus erit.

De die illa et hora nemo scit, neque angeli in cœlo, neque Filius, nisi Pater.

Videte, vigilate, et orate. Vigilate : nescitis enim quando Dominus veniat : sero, an media nocte, an galli cantu, an mane; ne quum venerit repente, inveniat vos dormientes.

CAPITULUM XIV. — (Incipit Passio.) Cœpit Jesus pavere, et tædere, etc. (Quære sensum istius.)

Non quod ego volo, Pater, sed quod tu.

Tu es Christus, Filius Dei benedicti?

CAPITULUM XV. — Erat autem hora quasi tertia, et crucifixerunt eum.

Hora nona, exclamavit Jesus voce magna : Eloï, Eloï, lamma sabacthani? etc.

CAPITULUM XVI. — Exeuntes mulieres, fugerunt de monumento, et nemini quidquam dixerunt. (Quære sensum istius, quia videtur contrarium aliis Evangelistis.)

Surgens Jesus mane, prima sabbati, apparuit primo Mariæ Magdalene, etc.

Exprobravit Jesus incredulitatem illorum et duritiam cordis, etc.

Prædicate Evangelium omni creaturæ. Qui crediderit et baptizatus fuerit, salvus erit; qui vero non crediderit, condemnabitur. Signa autem eos qui crediderint, hæc sequentur : in nomine meo dæmonia ejicient, linguis loquentur novis, serpentes tollent, etc.

Dominus Jesus assumptus est in cælum, et sedet a dextris Dei. Illi autem profecti, prædicaverunt ubique, Domino cooperante, et sermonem confirmante sequentibus signis.

EVANGELIUM LUCÆ

CONTINET CAPITULA VIGINTI QUATUOR. ET AGITUR IN EO PRINCIPALITER DE INCARNATIONE,
PASSIONE ET MORTE CHRISTI.

CAPITULUM I. — Ipse (scilicet Joannes) A
præcedet ante illum (scilicet Christum) in
spiritu et virtute Eliæ, etc., parare Domi-
no plebem perfectam.

Sic fecit mihi Dominus, in diebus qui-
bus respexit auferre opprobrium meum
inter homines.

In mense autem sexto (scilicet a conce-
ptione Joannis), missus est Gabriel ange-
lus a Deo, etc. Ave, gratia plena, Dominus
tecum, etc. Dabit illi Dominus Deus sedem
David patris ejus, etc.

Dixit autem Maria : Ecce ancilla Domi- B
ni, etc.

Beata quæ credidisti, etc.

Magnificat anima mea Dominum, etc.
(Nota profunde canticum Mariæ.) Disper-
sit superbos mente cordis sui.

Quis, putas, puer iste erit?

Benedictus Dominus Deus Israel, quia
visitavit et fecit redemptionem plebis
suæ, etc.

CAPITULUM II. — (Nota in isto capitulo
multa pulcherrima, et de sancta Anna pro-
phetissa vidua.)

Peperit Maria filium suum primogeni-
tum, et pannis eum involvit, et reclinavit
eum in præsepio, quia non erat ei locus
in diversorio.

Gloria in altissimis Deo, et in terra pax
hominibus bonæ voluntatis.

Transeamus usque Bethlehem.

Maria autem conservabat omnia verba
hæc, conferens in corde suo.

Nunc dimittis, Domine, servum tuum in
pace : quia, etc.

Puer Jesus crescebat, plenus sapientia. D
Fili, quid fecisti nobis sic? etc.

Nesciebatis quia in his quæ Patris mei
sunt oportet me esse?

Jesus proficiebat sapientia, et ætate, et
gratia apud Deum et homines. (Quære in-
tellectum.)

CAPITULUM III. — (Verba Isaiæ allegat.) Is. XL, 3.
Parate viam Domini, etc.

Dixit Joannes Baptista : Qui habet duas
tunicas, det non habenti; et qui habet
escas, similiter faciat. Nihil amplius quam
constitutum est vobis, faciatis.

(Verba Joannis ad milites.) Neminem
concutiatis neque calumniam faciatis, et
contenti estote stipendiis vestris.

Factum est autem, Jesu baptizato et
orante, apertum est cælum; et descendit
Spiritus Sanctus corporali specie sicut co-
lumba in ipsum; et vox de cælo facta est:
Tu es Filius meus dilectus, in te compla-
cuit mihi, etc.

(Nota hic de genealogia Salvatoris.)

CAPITULUM IV. — Consummata omni ten-
tatione, diabolus recessit ab eo usque ad
tempus.

Spiritus Domini super me, etc. (Nota in
textu verba Isaiæ de Christo.)

C Quum plicuisset Jesus librum, reddidit
ministro. — Medice, cura te ipsum.

Duxerunt Jesum ad supercilium montis,
ut præcipitarent eum. Ipse autem trans-
iens per medium illorum, ibat.

CAPITULUM V. — Exi a me, quia homo
peccator sum, Domine.

Non veni vocare justos, sed peccatores,
ad pœnitentiam (dixit Jesus).

CAPITULUM VI. — Vellebant discipuli Je-
su spicas per sata, et manducabant, con-
fricantes manibus.

Exiit Jesus in montem orare, et erat per-
noctans in oratione Dei.

Quærebant Jesum tangere, quia virtus
de illo exibat, et sanabat omnes.

Elevatis Jesus oculis in discipulos suos dicebat : Beati pauperes, quoniam vestrum est regnum celorum, etc. (Supra in Matthæo.)

Verumtamen, vae vobis divitibus, qui habetis consolationem vestram. Vae vobis qui saturati estis, quia esurietis. Vae vobis qui ridetis nunc, quia lugebitis et flebitis. Vae quum benedixerint vobis omnes homines.

Diligite inimicos vestros, benedicite maledicentibus vobis. Omni autem petenti te tribue; et qui aufert quæ tua sunt, ne repetas. Si diligitis eos qui vos diligunt, quæ vobis est gratia?

Eritis filii Altissimi, quia ipse benignus est super ingratos et malos.

Estote misericordes, sicut et Pater vester misericors est. Nolite judicare, et non judicabimini; nolite condemnare, et non condemnabimini. Dimittite, et dimittimini; date, et dabitur vobis. Mensuram bonam, et confertam, et coagitatam, et superfluentem dabunt in sinum vestrum. Eadem quippe mensura, etc.

Unaquæque arbor de fructu suo cognoscitur. Neque enim de spinis colligitur ficus, etc.

CAPITULUM VII. — Domine, non sum dignus ut sub tectum meum intres: propter quod memetipsum non sum dignum arbitratus ut venirem ad te; sed tantum dic verbo, et sanabitur puer meus.

Ait Jesus: Adolescens, tibi dico, surge. Et resedit qui erat mortuus, et cœpit loqui, etc.

Ecce qui in veste pretiosa sunt et in deliciis, in domibus regum sunt.

Pharisæi autem et legisperiti consilium Dei spreverunt in semetipsis.

Similes sunt homines isti pueris sedentibus in foro, et dicentibus: Cantavimus vobis tibiis, et non saltastis; lamentavimus vobis, et non planxistis.

Justificata est sapientia ab omnibus filiis suis.

Stans mulier retro secus pedes ejus, lacrimis cœpit rigare pedes ejus, et ca-

pillis capitis sui tergebat, et osculabatur pedes ejus, et unguento ungebat.

Quis magis diligit? — Æstimo quia is cui plus donavit. — Recte judicasti. Intravi in domum tuam, aquam pedibus meis non dedisti. Osculum mihi non dedisti, etc. Remittuntur ei peccata multa, quia dilexit multum. Cui autem minus dimittitur, minus diligit.

CAPITULUM VIII. — Quod autem in terram bonam cecidit, hi sunt qui in corde bono et optimo audientes verbum retinent, et fructum afferunt in patientia.

Nemo accendit lucernam, et operit eam vase, sed ponit eam super candelabrum, etc.

Videte ergo quomodo auditis. Qui enim habet, dabitur illi, etc.

Mater mea et fratres mei hi sunt, qui audiunt verbum Dei et faciunt, dixit Jesus.

Quid mihi et tibi est, Jesu, Fili Dei altissimi? Obsecro te, ne me torqueas.

Rogabant Jesum dæmonia ne imperarent eis ut in abyssum irent, sed in portus, etc.

Narra quanta tibi fecit Deus.

Jesus clamavit: Puella, surge. Et reversus est spiritus ejus, et surrexit continuo.

CAPITULUM IX. — (Nota in isto capitulo de Christi transfiguratione.)

Si quis vult venire post me, etc.

Nescitis cujus spiritus estis. Filius hominis non venit animas perdere, sed salvare.

Tu autem vade, et annuntia regnum Dei.

Nemo mittens manum suam ad aratrum et respiciens retro, aptus est regno Dei.

CAPITULUM X. — Ecce ego mitto vos sicut agnos inter lupos.

In eadem domo manete, edentes et bibentes quæ apud illos sunt: dignus est enim operarius mercede sua.

Qui vos audit, me audit; et qui vos spernit, me spernit, ait Jesus.

Videbam Satanam sicut fulgur de cœlo cadentem.

Ecce dedi vobis potestatem calcandi super serpentes et scorpiones, et super om-

nem virtutem inimici; et nihil vobis nocebit. Verumtamen in hoc nolite gaudere quia spiritus vobis subjiuntur; gaudete autem quia nomina vestra scripta sunt in cœlis.

Exsultavit Jesus Spiritu Sancto, et dixit: Confiteor tibi, Pater, etc. (Supra in Matthæo.)

Diliges Dominum Deum tuum ex toto corde tuo, et ex tota anima tua, et ex omnibus viribus tuis, et ex omni mente tua. Hoc fac et vives.

Maria sedens secus pedes Domini, audiebat verbum illius. Maria optimam partem elegit, quæ non auferetur ab ea.

CAPITULUM XI. — Qui non colligit mecum dispergit.

Væ vobis legisperitis, qui tulistis clavem scientiæ. Ipsi non introistis, et eos qui introibant prohibuistis.

CAPITULUM XII. — Quæ in tenebris dixistis, in lumine dicentur. Dico autem vobis amicis meis: Ne terreamini ab his qui occidunt corpus, etc. (Supra in Matthæo.)

Nonne quinque passerres veneunt dipendio? et unus ex illis non est in oblivione coram Deo. (Nota de providentia Dei.) Vestri autem et capilli capitis numerati sunt. Nolite ergo timere: multis passeribus pluris estis.

Anima, habes multa bona reposita in annos plurimos; requiesce, comede, bibe, epulare. Dixit autem illi Deus: Stulte, hac nocte animam tuam repetunt a te; quæ autem parasti, cujus erunt? Sic est omnis qui thesaurizat, et non est in Deo dives.

Nolite timere, pusillus grex, quoniam complacuit Patri vestro dare vobis regnum.

Facite vobis sacculos qui non veterascunt, thesaurum non deficientem in cœlo, etc.

Sint lumbi vestri præcincti, et lucernæ ardentes in manibus vestris, etc. Estote parati, quia qua hora non putatis, Filius hominis veniet.

Servus qui cognovit voluntatem domini

A sui et non fecit, plagis vapulabit multis; qui autem non cognovit, et fecit digna plagis, vapulabit paucis. Cui multum datum est, multum quæretur ab eo; et cui multum commendatum est, plus quæretur ab eo.

Ignem veni mittere in terram, et quid volo, nisi ut accendatur?

CAPITULUM XIII. — Dico vobis: nisi pœnitentiam egeritis, omnes similiter peribitis.

B Omnis populus gaudebat in universis quæ gloriose fiebant a Jesu.

Contendite intrare per angustam portam.

Ite, dicite vulpi, etc., (dixit Jesus de Herode).

Benedictus qui venit in nomine Domini.

CAPITULUM XIV. — Quum invitatus fueris, recumbe in novissimo loco, etc. Omnis qui se exaltat, humiliabitur.

Quum facis convivium, voca pauperes, debiles, claudos et cæcos; et beatus eris, quia non habent retribuere tibi.

C Beatus qui manducabit panem in regno Dei.

Compelle intrare, ut impleatur domus mea.

Si quis venit ad me, et non odit patrem suum, et matrem, et uxorem, et filios, et fratres, et sorores, adhuc autem et animam suam, non potest meus esse discipulus. Qui non bajulat crucem suam, et venit post me, non potest meus esse discipulus. Quis ex vobis volens turrim, etc.? Hic homo cœpit ædificare, et non potuit consummare. Qui non renuntiat omnibus quæ possidet, non potest meus esse discipulus.

Bonum est sal, etc. (Quære in textu.)

CAPITULUM XV. — Congratulamini mihi, quia inveni ovem meam quæ perierat. Dico vobis, gaudium erit in cœlo super uno peccatore pœnitentiam agente, quam super nonaginta novem justis qui non indigent pœnitentia. Gaudium erit coram angelis Dei super uno peccatore, etc.

Quanti mercenarii in domo patris mei

abundant panibus ! Ego autem hic fame A
pereo. Surgam, et ibo ad patrem meum,
et dicam ei : Pater, peccavi in cœlum et
coram te, et jam non sum dignus vocari
filius tuus ; fac me sicut unum ex mer-
cenariis tuis.

Epulari et gaudere oportebat, quia hic
frater tuus mortuus fuerat, et revixit ;
perierat, et inventus est.

CAPITULUM XVI. — Redde rationem vil-
licationis tuæ : jam enim non poteris
villicare.

Fodere non valeo, mendicare erubesco. B

Filii hujus sæculi prudentiores filiis
lucis in generatione sua sunt.

Facite vobis amicos de mammona ini-
quitatis, etc. Qui fidelis est in minimo, in
majori fidelis est ; et qui in modico ini-
quus est, in majori iniquus est.

Nemo servus potest duobus dominis ser-
vire.

Vos estis qui justificatis vos coram ho-
minibus, Deus autem novit corda vestra :
quia quod hominibus altum est, abomi-
natio est ante Deum.

Mortuus est dives, et sepultus est in
inferno, etc.

Fili, recordare quia recepisti bona in
vita tua, et Lazarus similiter mala ; nunc
autem hic consolatur, tu vero cruciaris.

Si Moysen et Prophetas non audiunt,
neque si quis ex mortuis resurrexerit,
credent.

CAPITULUM XVII. — Si septies in die
peccaverit frater tuus in te, et septies in
die conversus fuerit ad te dicens, Pœnitet
me, dimitte illi.

Adauge nobis fidem.

(Nota in textu similitudinem de servo.)
Quum feceritis omnia quæ præcepta sunt
vobis, dicite : Servi inutiles sumus : quod
debuimus facere, fecimus.

Jesu præceptor, miserere nostri. — Ite,
ostendite vos sacerdotibus.

Regnum Dei intra vos est.

Sicut fulgur coruscans de sub cœlo, in
ea quæ sub cœlo sunt fulget, ita erit Fi-
lius hominis in die sua.

(Nota in textu de tempore ante judi-
cium.)

Memores estote uxoris Lot.

In illa nocte erunt duo in lecto uno :
unus assumetur, et alter relinquetur.

Ubicumque fuerit corpus, illic congre-
gabuntur et aquilæ.

CAPITULUM XVIII. — Oportet semper
orare, et non deficere. (Nota in textu pa-
rabolam.)

Deus, propitius esto mihi peccatori, etc.
(Item nota de publicano pœnitente, etc.)

Quid me dicis bonum ? Nemo bonus, nisi
solus Deus.

Increpabant turbæ cæcum ; ipse vero
multo magis clamabat : Fili David, mi-
serere mei. — Quid vis ut faciam tibi ?

CAPITULUM XIX. — Dixit Jesus : Zachæe,
festinans descende, quia hodie in domo
tua oportet me manere. Et festinans ex-
cepit illum gaudens.

Dixit Zachæus : Ecce dimidium bono-
rum meorum, Domine, do pauperibus ; et
si quid aliquem defraudavi, reddo qua-
C druplum.

Hodie huic domui salus facta est. Venit
Filius hominis quærere et salvum facere
quod perierat.

Negotiamini dum venio.

Nolumus hunc regnare super nos.

Timui te, quia homo austerus es, etc.
— De ore tuo te judico, serve nequam.

Benedictus qui venit rex in nomine Do-
mini, pax in cœlo, et gloria in excelsis.

Et quidem in hac die tua, quæ ad pa-
cem tibi, etc.

D CAPITULUM XX. — Dixit dominus vi-
neæ : Quid faciam ? Mittam filium meum
dilectum : forsitan, quum hunc viderint,
verebuntur. (Nota quod in ista parabola
videtur Lucas aliter ponere quam Mat-
thæus.)

Illi qui digni habebuntur sæculo illo,
æquales sunt angelis Dei, et filii Dei sunt ;
neque ultra mori poterunt. Deus non est
mortuorum, sed vivorum : omnes enim
vivunt ei.

CAPITULUM XXI. — Vere dico vobis, quia

vidua hæc pauper plus quam omnes miserunt, etc.

(Nota in isto capitulo de præcedentibus iudicium.)

Capillus de capite vestro non peribit.

In patientia vestra possidebitis animas vestras.

Jerusalem calcabitur a gentibus, donec impleantur tempora nationum, dixit Jesus.

Cælum et terra transibunt, verba autem mea non transibunt.

Attendite vobis, ne graventur corda vestra crapula et ebrietate, et curis hujus vitæ.

Tanquam laqueus superveniet dies illa (scilicet iudicii) in omnes qui sedent super faciem omnis terræ.

Vigilate itaque, omni tempore orantes, ut digni habeamini fugere omnia quæ futura sunt, et stare ante Filium hominis.

CAPITULUM XXII. — (Incipit Passio.)

Intravit Satanas in Judam qui cognominabatur Iscariotes, etc.

Dixit Jesus : Desiderio desideravi hoc pascha manducare vobiscum, antequam patiar.

Facta est autem contentio inter eos, quis eorum videretur esse major, etc.

Qui major est in vobis, fiat sicut minor ; et qui præcessor est, sicut ministrator. Ego autem in medio vestrum sum sicut qui ministrat.

Vos estis qui permansistis mecum in tentationibus, etc.

Tu aliquando conversus, confirma fratres tuos.

Verumtamen non mea voluntas, sed tua fiat.

Apparuit Christo angelus de cælo, confortans eum. Et factus in agonia, prolixius orabat. Et factus est sudor ejus sicut guttæ sanguinis decurrentis in terram.

Quid dormitis ? Surgite, et orate, ut non intretis in tentationem.

A Hæc est hora vestra, et potestas tenebrarum.

Conversus Dominus respexit Petrum. Et recordatus est Petrus verbi Domini Jesu, et flevit amare.

Viri qui tenebant illum, illudebant ei, cædentes eum. Et velaverunt eum, et percusserunt faciem ejus, etc.

Si vobis dixero, non credetis mihi ; si autem interrogavero, non respondebitis mihi, nec dimittetis.

B CAPITULUM XXIII. — Sprevit autem illum Herodes cum exercitu suo, et illusit indutum veste alba, et remisit ad Pilatum.

Filiæ Jerusalem, nolite flere super me, sed super vos ipsas flete, et super filios vestros, etc.

Si in viridi ligno hæc faciunt, in arido quid fiet ? Tunc incipient dicere montibus, Cadite super nos ; et collibus, Operite nos.

Hic est Christus Dei electus.

Neque tu times Deum, quod in eadem damnatione es ? etc. Digna factis recipimus.

C CAPITULUM XXIV. — Quid quæritis viventem cum mortuis ?

Qui sunt hi sermones quos confertis ad invicem ambulantes, et estis tristes ?

O stulti et tardi corde ad credendum in omnibus quæ locuti sunt Prophetæ ! Nonne hæc oportuit pati Christum, et ita intrare in gloriam suam ?

Mane nobiscum, Domine, quoniam advesperascit.

D Nonne cor nostrum ardens erat in nobis, dum loqueretur nobis in via, et aperiret nobis Scripturas ?

Surrexit Dominus vere, et apparuit Simoni.

Stetit Jesus in medio discipulorum, et dixit : Pax vobis, etc. Palpate, et videte, quia spiritus carnem et ossa non habet, sicut me videtis habere.

Dixit Jesus : Necesse est impleri omnia quæ scripta sunt in lege Moysis, et Prophetis, et Psalmis de me. Oportebat Christum pati, et resurgere die tertia, et præ-

dicari in nomine ejus poenitentiam et A remissionem peccatorum in omnes gentes. Vos autem sedete in civitate, quoadusque induamini virtute ex alto; et ego mittam promissum Patris mei in vos.

Elevatis manibus, benedixit eis Jesus; et ferebatur in cœlum.

Erant (scilicet discipuli Christi et Apostoli) semper in templo, laudantes et benedicentes Deum.

EVANGELIUM JOANNIS

HABET CAPITULA VIGINTI UNUM. ET APERIUNTUR IN EO CHRISTI DIVINITAS ET SACRAMENTA.

CAPITULUM I. — In principio erat Verbum, et Verbum erat apud Deum, et Deus erat Verbum. Hoc erat in principio apud Deum. Omnia per ipsum facta sunt. Quod factum est, in ipso vita erat (quia in Filio Dei sunt omnia vita et lux).

Erat lux vera, quæ illuminat, etc.

Quotquot receperunt eum, dedit eis potestatem filios Dei fieri, etc.

Verbum caro factum est, etc.

De plenitudine ejus (scilicet Christi) accepimus omnes gratiam pro gratia.

Lex per Moysen data est, gratia et veritas per Jesum Christum facta est.

Deum nemo vidit unquam. Unigenitus qui est in sinu Patris ipse enarravit.

Ecce Agnus Dei, ecce qui tollit peccata mundi.

Quem scripsit Moyses in lege, et Prophetæ, invenimus: Jesum, filium Joseph, a Nazareth.

(Verba Christi ad Nathanael.) Ecce vere Israelita, in quo dolus non est.

Rabbi, tu es Filius Dei, tu es rex Israel.

CAPITULUM II. — (Christus convertit D aquam in vinum.)

Vocatus est Jesus et discipuli ejus ad nuptias.

Nondum venit hora mea.

Nolite facere domum Patris mei domum negotiationis.

Quod signum ostendis nobis quia hæc facis?

Multi crediderunt in Jesum. Ipse autem non credebat semetipsum eis, eo quod

ipse nosset omnes, et quia opus ei non erat ut quis testimonium perhiberet de homine. Ipse enim sciebat quid esset in homine.

CAPITULUM III. — Nisi quis renatus fuerit ex aqua et Spiritu Sancto, non potest introire in regnum Dei. Quod natum est ex carne, caro est; et quod natum est ex spiritu, spiritus est. Spiritus ubi vult spirat; et vocem ejus audis, sed nescis unde veniat, aut quo vadat: sic est omnis qui natus est ex spiritu.

Tu es magister in Israel, et hæc ignoras?

Quod scimus loquimur, et quod vidimus testamur, etc. Si terrena dixi vobis, et non creditis, quomodo si dixero vobis cœlestia, credetis? Sicut Moyses exaltavit serpentem in deserto, ita exaltari oportet Filium hominis, etc.

Sic Deus dilexit mundum, ut Filium suum unigenitum daret: ut omnis qui credit in eum, non pereat, sed habeat vitam æternam. Non misit Deus Filium suum ut judicet mundum, sed ut salvetur mundus per ipsum. Qui credit in eum, non judicatur; qui autem non credit, jam judicatus est, quia non credit in nomine unigeniti Filii Dei.

Lux venit in mundum, et dilexerunt homines magis tenebras quam lucem, etc. Omnis qui male agit, odit lucem; et non venit ad lucem, ut non arguantur opera ejus. Qui facit veritatem, venit ad lucem, ut manifestentur opera ejus, quia in Deo sunt facta.

Non potest homo accipere quidquam, A nisi ei datum fuerit de cœlo.

Qui habet sponsam, sponsus est. (Hæc sunt verba Joannis Baptistæ de Christo.) Amicus autem sponsi, qui stat et audit eum, gaudio gaudet propter vocem sponsi, etc. Illum oportet crescere, me autem minui.

Qui est de terra, de terra est, et de terra loquitur; qui de cœlo venit, super omnes est, et quod vidit testatur. Quem misit Deus, verba Dei loquitur. Non ad mensuram dat Deus Spiritum.

Pater diligit Filium, et omnia dedit in manu ejus.

Qui credit in Filium, habet vitam æternam; qui autem incredulus est Filio, ira Dei manet super eum.

CAPITULUM IV. — Jesus non baptizabat, sed discipuli ejus.

Jesus fatigatus ex itinere, etc.

Qui biberit ex aqua quam ego dabo ei, non sitiet in æternum; sed aqua quam ego dabo ei, fiet in eo fons aquæ salientis in vitam æternam (dixit Jesus mulieri Samaritanæ). Salus ex Judæis est. Veri adoratores adorabunt Patrem in spiritu et veritate. Nam et tales Pater quærit. Spiritus est Deus; et eos qui adorant eum, in spiritu et veritate oportet adorare.

Mirabantur discipuli quia cum muliere loquebatur Jesus. (Nota. Videtur ergo Jesus non habuisse consuetudinem loquendi cum eis.)

Meus cibus est ut faciam voluntatem Patris mei qui misit me, ut perficiam opus ejus.

Ipse Jesus testimonium perhibuit, quia Propheta in sua patria honorem non habet.

Nisi signa et prodigia videritis, non creditis.

(Nota. Hic sanavit filium reguli agonizantem solo verbo, etiam absens.)

CAPITULUM V. — Ecce sanus factus es, jam noli peccare, ne deterius aliquid tibi contingat.

Dixit Jesus : Pater meus usque modo operatur, et ego operor.

Quærebant Judæi Jesum interficere, quia non solum solvebat sabbatum, sed patrem suum dicebat Deum, æqualem se Deo faciens.

Non potest Filius a se facere quidquam, nisi quod viderit Patrem facientem. Quæcumque enim Pater facit, hæc et Filius similiter facit. Pater enim diligit Filium, et omnia demonstrat ei quæ ipse facit.

Sicut Pater suscitatur mortuos et vivificat, sic et Filius quos vult vivificat. Pater B omne judicium dedit Filio, ut omnes honorificent Filium sicut honorificant Patrem. Qui non honorificat Filium, non honorificat Patrem qui misit illum.

Mortui audient vocem Filii Dei.

Sicut enim Pater habet vitam in semetipso, sic dedit et Filio vitam habere in semetipso; et potestatem dedit ei et judicium facere, quia Filius hominis est.

Veniet hora in qua omnes qui in monumentis sunt, audient vocem Filii Dei, etc.

Dixit Jesus : Non possum ego a me ipso C facere quidquam. Judicium meum justum est, quia non quæro voluntatem meam, etc.

Joannes erat lucerna ardens et lucens.

Opera quæ dedit mihi Pater, quæ facio, testimonium perhibent de me. Claritatem ab hominibus non accipio.

Ego veni in nomine Patris mei, et non accepistis me; si alius venerit in nomine suo, illum accipietis. (Hoc dixit Jesus de Antichristo.)

Quomodo vos potestis credere, qui gloriam ab invicem accipitis, et gloriam D quæ a solo Deo est, non quæritis?

CAPITULUM VI. — Hoc dicebat Jesus, tentans eum (scilicet Philippum), etc.

Quum cognovisset Jesus quia venturi erant ut facerent eum regem, fugit iterum in montem ipse solus.

Voluerunt discipuli Jesum accipere in navim, et statim navis fuit ad terram ad quam ibant.

Operamini non cibum qui perit, sed qui permanet in vitam æternam. Hunc enim Pater signavit Deus.

(Nota in isto capitulo multa de corpore A a semetipso loquitur gloriam propriam Christi.)

Non Moyses dedit vobis panem, sed Pater meus dat vobis panem verum. Ego sum panis vitæ. Qui venit ad me, non esuri- et; et qui credit in me, non sitiet unquam.

Domine, semper da nobis panem hunc.

Omne quod dat mihi Pater, ad me ve- nient; et eum qui venit ad me, non eji- ciam foras.

Descendi de cœlo, non ut faciam vo- luntatem meam, sed voluntatem ejus qui B misit me.

Nemo potest venire ad me, nisi Pater qui misit me traxerit eum. Omnis qui audivit a Patre et didicit, venit ad me. Patrem non vidit quisquam, nisi is qui est a Patre (scilicet Christus).

Panis quem ego dabo, caro mea est pro mundi vita. Nisi manducaveritis carnem Filii hominis, et biberitis ejus sanguinem, non habebitis vitam in vobis. Caro mea vere est cibus, et sanguis meus vere est potus. Qui manducat meam carnem, et C bibit meum sanguinem, in me manet et ego in eo. Qui manducat me, et ipse vi- vet propter me. Qui manducat hunc pa- nem, vivet in æternum.

Durus est hic sermo; quis potest eum audire? etc.

Spiritus est qui vivificat; caro non prodest quidquam.

Dicebat Jesus: Nemo potest venire ad me, nisi fuerit ei datum a Patre meo.

Respondit Petrus Christo: Domine, ad quem ibimus? verba vitæ æternæ habes. D Et nos credimus et cognovimus quia tu es Christus Filius Dei.

CAPITULUM VII. — Dixit Jesus: Non po- test mundus odisse vos; me autem odit, quia ego testimonium perhibeo de illo quia opera ejus mala sunt.

Quidam in turba dicebant de Jesu, Quia bonus est; alii autem, Non, sed seducit turbas, etc.

Si quis voluerit voluntatem Dei facere, cognoscet de doctrina an ex Deo sit. Qui

quærit; qui autem quærit gloriam Dei, hic verax est, et injustitia in illo non est.

Nolite judicare secundum faciem, sed justum judicium judicate.

Christus quum venerit, nemo scit unde sit.

Clamabat Jesus: Si quis sitit, veniat ad me, et bibat. Qui credit in me, sicut dicit Scriptura, flumina de ventre ejus fluent aquæ vivæ. Hoc autem dicebat de Spiritu Sancto, quem accepturi erant credentes. Nondum erat Spiritus datus, quia Jesus nondum erat glorificatus, etc.

Nonne Scriptura dicit, Quia ex semine David, et de Bethlehem castello ubi erat David, venit Christus?

Dixerunt ministri Judæorum de Jesu: Nunquam sic locutus est homo, sicut hic loquitur.

Numquid lex nostra judicat hominem, nisi audierit ab ipso prius, et cognoverit quid faciat?

CAPITULUM VIII. — Qui sine peccato est vestrum, primus in illam lapidem mittat.

Vade, et amplius noli peccare, etc.

Locutus est Jesus: Ego sum lux mundi. Qui sequitur me, non ambulat in tenebris, sed habebit lumen vitæ.

Tu de te ipso testimonium perhibes: testimonium tuum non est verum.

Vos secundum carnem judicatis, ego non judico quemquam.

Dixit Jesus: Neque me scitis, neque Pa- trem meum. In peccato vestro moriemini.

Dixit Jesus: Vos deorsum estis, ego de sursum sum. Vos de mundo estis, ego non sum de mundo, etc.

Dixit Jesus: Ego sum principium, qui et loquor vobis.

Quum exaltaveritis Filium hominis, etc. Non reliquit me Pater solum, quia ego quæ placita sunt ei, facio semper.

Veritas liberabit vos.

Omnis qui facit peccatum, servus est peccati. Servus autem non manet in do- mo in æternum; filius autem manet in æternum.

Sermo meus non capit in vobis.

Unum patrem habemus Deum.

Vos ex patre diabolo estis, et desideria patris vestri vultis perficere.

Diabolus homicida erat ab initio, et in veritate non stetit, quia veritas non est in eo. Quum loquitur mendacium, ex propriis loquitur, quia mendax est, et pater ejus.

Si veritatem dico, quare vos non creditis mihi? Qui est ex Deo, verba Dei audit. Propterea vos non auditis, quia ex Deo non estis.

Ego non quæro gloriam meam : est qui quærat et judicet.

Dixerunt Judæi ad Jesum : Nunc cognovimus quia dæmonium habes.

Si glorifico me ipsum, gloria mea nihil est. Abraham exsultavit ut videret diem meum ; et vidit, et gavisus est.

Antequam Abraham fieret ego sum.

Jesus autem abscondit se (id est, invisibilem reddidit se), et exivit de templo.

CAPITULUM IX. — Me oportet operari opera ejus qui misit me, donec dies est. Venit nox, quando nemo potest operari.

(Nota hic de cæco nato illuminato.) Dicebant Pharisei : Non est hic homo a Deo, qui sabbatum non custodit. — Ipsum interrogate, ætatem habet, ipse de se loquatur, etc. — Da gloriam Deo. — Scimus quia peccatores Deus non audit ; sed si quis Dei cultor est, et voluntatem ejus facit, hunc exaudit. A sæculo non est auditum quia aperuit quis oculos cæci nati. Nisi esset hic homo a Deo, non posset facere quidquam.

CAPITULUM X. — Qui non intrat per ostium in ovile ovium, sed ascendit aliunde, fur est et latro, etc.

Ego sum ostium (ait Jesus). Per me si quis introierit, salvabitur ; et ingredietur, et egredietur, et pascua inveniet.

(Nota in isto capitulo de bono pastore, et mercenario.)

Ego sum pastor bonus. Bonus pastor animam suam dat pro ovibus suis. Mercenarius autem, et qui non est pastor,

A videt lupum venientem, et dimittit oves, et fugit, etc.

Ego sum pastor bonus, et cognosco oves meas, et cognoscunt me meæ. Sicut novit me Pater, et ego agnosco Patrem, et animam meam pono pro ovibus meis.

Fiet unum ovile et unus pastor.

Nemo tollit animam meam a me, sed ego pono eam. Potestatem habeo ponendi animam meam, et potestatem habeo iterum sumendi eam.

Dicebant multi ex Judæis de Jesu : Dæmonium habet, et insanit : quid eum auditis ?

Quousque animam nostram tollis ?

Opera quæ facio in nomine Patris mei, testimonium perhibent de me. Pater meus quod dedit mihi, majus omnibus est, etc. Ego et Pater unum sumus. Si non facio opera Dei, nolite credere mihi. Si autem facio, et si mihi non vultis credere, operibus credite.

Quærebant Jesum apprehendere ; et exivit de manibus eorum. (Nota valde mirabile, quia imperceptibiliter exivit.)

Joannes signum nullum fecit (scilicet Baptista).

CAPITULUM XI. — Domine, ecce quem amas infirmatur. — Infirmitas hæc non est ad mortem, sed pro gloria Dei, etc.

Diligebat Jesus Martham, et sororem ejus Mariam, et Lazarum, etc.

Nonne duodecim sunt horæ diei ? Si quis ambulaverit in die, non offendit, etc., si autem in nocte, offendit.

Scio quia quæcumque poposceris a Deo, D dabit tibi Deus.

Dixit Jesus : Ego sum resurrectio et vita, etc.

Utique, Domine : ego credidi quia tu es Christus Filius Dei, qui in hunc mundum venisti.

Jesus ut vidit Mariam (scilicet Magdalene) plorantem, et Judæos, infremuit spiritu et turbavit se ipsum. Et lacrimatus est Jesus.

Si credideris, videbis gloriam Dei.

Jesus, elevatis sursum oculis, dixit :

Pater, gratias ago tibi quoniam audisti me. Ego autem sciebam quoniam semper me audis.

Jesus clamavit voce magna : Lazare, veni foras. Et statim prodiit, etc.

Jesus moriturus erat pro gente : et non tantum pro gente, sed ut filios Dei qui dispersi erant, congregaret in unum.

CAPITULUM XII. — Lazarus unus erat ex discumbentibus. (Nota hic de unctione pedum Jesu a Maria, etc.)

Venerunt non propter Jesum tantum, sed ut Lazarum viderent, etc.

Videtur quia nihil proficimus ?

Nisi granum frumenti cadens in terram, etc. Qui odit animam suam in hoc mundo, in vitam æternam custodit eam. Ubi sum ego, illic et minister meus erit. Si quis mihi ministraverit, honorificabit eum Pater meus.

Nunc anima mea turbata est. Et quid dicam ? Pater, salvifica me ex hac hora.

Nunc iudicium est mundi, etc.

Adhuc modicum lumen in vobis est. Ambulate dum lucem habetis, ut non tenebræ vos comprehendant. Qui ambulat in tenebris, nescit quo vadat.

(Nota in isto passu allegationem Isaïæ prophetæ, et verba Evangelistæ in textu quære.)

Ex principibus multi crediderunt, etc. Dilexerunt gloriam hominum magis quam gloriam Dei.

Dixit Jesus : Qui me spernit, sermo quem locutus sum iudicabit eum in novissimo die.

CAPITULUM XIII. — Ante diem festum Paschæ, sciens Jesus quia venit hora ejus ut transeat ex hoc mundo ad Patrem, quum dilexisset suos qui erant in mundo, usque in finem dilexit eos.

Quod ego facio, tu nescis modo, scies autem postea. Si non laveris te, non habebis partem mecum. Qui lotus est, non indiget nisi ut pedes lavet, sed est mundus totus.

Vos vocatis me, Magister, et Domine ; et bene dicitis. Si ergo ego lavi pedes ve-

stros Dominus et magister, et vos debetis alter alterius lavare pedes. Exemplum dedi vobis, ut quemadmodum ego feci, ita et vos faciatis. Non est servus major domino suo.

Si hæc scitis, beati eritis si feceritis ea. Ego scio quos elegerim.

Erat recumbens unus ex discipulis in sinu Jesu, quem diligebat Jesus.

Post buccellam introivit in Judam Sathanas.

Quod facis, fac citius.

B Nunc clarificatus est Filius hominis, et Deus clarificatus est in eo.

Mandatum novum do vobis, ut diligatis invicem sicut dilexi vos. In hoc cognoscent omnes quia discipuli mei estis, si dilectionem habueritis ad invicem.

CAPITULUM XIV. — Non turbetur cor vestrum.

In domo Patris mei mansiones multæ sunt. Vado parare vobis locum, ut ubi sum ego et vos sitis.

Dixit Jesus : Ego sum via, veritas, et vita. Nemo venit ad Patrem nisi per me. Si cognovissetis me, et Patrem meum utique cognovissetis.

Domine, ostende nobis Patrem, et sufficit nobis.

Qui videt me, videt et Patrem.

Verba quæ ego loquor, a me ipso non loquor.

Qui credit in me, opera quæ ego facio et ipse faciet, et majora horum faciet, quia ego ad Patrem vado.

Quodcumque petieritis Patrem in nomine meo, hoc faciam, ut glorificetur Pater in Filio.

Si diligitis me, mandata mea servate, etc.

Non relinquam vos orphanos ; veniam ad vos, etc.

Ego in Patre meo, et vos in me, et ego in vobis.

Qui diligit me, diligetur a Patre meo ; et ego diligam eum, et manifestabo ei me ipsum.

Si quis diligit me, sermonem meum servabit. Et Pater meus diliget eum, et

ad eum veniemus, et mansionem apud A eum faciemus.

Paracletus autem Spiritus Sanctus, ille vos docebit omnia et suggeret vobis omnia, etc.

Pacem relinquo vobis, pacem meam do vobis. Non quomodo mundus dat, ego do vobis. Non turbetur cor vestrum, neque formidet.

Pater major me est.

Sicut mandatum dedit mihi Pater, sic facio.

CAPITULUM XV. — Ego sum vitis vera, et B Pater meus agricola est. Omnem palmitem in me non ferentem fructum, tollet eum; et omnem qui fert fructum, purgabit eum, ut fructum plus afferat, etc.

Sine me nihil potestis facere.

Si manseritis in me, quodcumque voveritis, petetis, et fiet vobis.

Sicut dilexit me Pater, et ego dilexi vos. Manete in dilectione mea.

Hoc est praeceptum meum, ut diligatis invicem sicut dilexi vos.

Majorem hac dilectionem nemo habet, ut C animam suam ponat quis pro amicis suis.

Vos amici mei estis, si feceritis quae ego praecipio vobis.

Jam non dicam vos servos, etc. Vos autem dixi amicos, quia omnia quaecumque audivi a Patre meo nota feci vobis.

Non vos me elegistis, sed ego elegi vos, etc.

Haec mando vobis, ut diligatis invicem.

Si mundus vos odit, scitote quia me priorem vobis odio habuit. Si de mundo fuissetis, mundus quod suum erat diligere; quia vero de mundo non estis, sed ego elegi vos de mundo, propterea odit vos mundus. Si me persecuti sunt, et vos persequentur, quia non est servus major domino suo.

Si opera non fecissem in eis quae nemo alius fecit, peccatum non haberent (ait Jesus); nunc autem viderunt, et oderunt et me, et Patrem meum.

CAPITULUM XVI. — Haec locutus sum vobis, ut non scandalizemini.

Venit hora ut omnis qui interficit vos arbitretur obsequium se praestare Deo, etc.

Si non abiero, Paracletus non veniet ad vos, etc.

Adhuc multa habeo vobis dicere; sed non potestis portare modo. Quum autem venerit ille Spiritus veritatis, docebit vos omnem veritatem. Non enim loquetur a semetipso, etc.

Omnia quaecumque habet Pater, mea sunt. Propterea dixi: Quia de meo accipiet (scilicet Spiritus Sanctus), etc.

Amen dico vobis, quia plorabitis et flebitis vos, mundus autem gaudebit; sed tristitia vestra vertetur in gaudium.

Et vos nunc quidem tristitiam habetis; iterum autem videbo vos, et gaudebit cor vestrum, et gaudium vestrum nemo tollet a vobis.

Amen dico vobis, si quid petieritis Patrem in nomine meo, dabit vobis. Petite et accipietis, ut gaudium vestrum sit plenum. Ipse Pater amat vos, quia vos me amastis.

Exivi a Patre, et veni in mundum, etc.

Non sum solus, quia Pater mecum est, etc.

In mundo pressuram habebitis: sed confidite, ego vici mundum.

CAPITULUM XVII. — Sublevatis Jesus oculis in caelum, dixit: Pater, venit hora, clarifica Filium tuum, etc. Haec est autem vita aeterna, ut cognoscant te solum verum Deum, et quem misisti Jesum Christum. Clarifica me tu, Pater, apud te ipsum, claritate quam habui prius quam D mundus fieret, etc.

Non pro mundo rogo, sed pro eis quos mihi dedisti, quia tui sunt. Et mea omnia tua sunt, et tua mea sunt.

Pater sancte, serva eos in nomine tuo quos dedisti mihi, ut sint unum sicut et nos, etc. Non rogo ut tollas eos de mundo, sed ut serves eos a malo. Sanctifica eos, Pater, in veritate. Sermo tuus veritas est.

Non pro his rogo tantum, sed pro eis qui credituri sunt per verbum eorum in

me, ut omnes unum sint, sicut tu, Pater, A in me, et ego in te, et ego in eis, ut sint consummati in unum.

Pater, quos dedisti mihi, volo ut ubi sum ego, et illi sint mecum, ut videant claritatem meam quam dedisti mihi : quia dilexisti me ante constitutionem mundi.

Pater juste, mundus te non cognovit. Ego autem te cognovi ; et notum feci eis nomen tuum, ut dilectio tua in eis sit, et ego in ipsis.

CAPITULUM XVIII. — (Hic Passio incipit.)

Ut dixit Jesus, Ego sum, abierunt re- B trorsum, et ceciderunt in terram.

Calicem quem dedit mihi Pater, non vis ut bibam illum ? etc.

Unus ministrorum dedit alapam Jesu, etc. Si male locutus sum, testimonium perhibe de malo ; si autem bene, quid me cædis ?

Quam accusationem affertis adversus hominem hunc ? etc.

Dixit Jesus : Regnum meum non est de hoc mundo.

Tu dicis, quia rex sum ego. Ego in hoc C natus sum, et ad hoc veni in mundum, ut testimonium perhibeam veritati. Omnis qui est ex veritate, audit vocem meam.

Quid est veritas ?

CAPITULUM XIX. — Tunc apprehendit Pi-
latus Jesum et flagellavit.

Exiit Jesus, portans spineam coronam et purpureum vestimentum, etc.

Non haberes potestatem adversum me ullam, nisi tibi datum esset desuper.

Bajulans sibi crucem, exivit.

Crucifixerunt eum, et alios duos hinc D et hinc, medium autem Jesum.

Jesus Nazarenus, rex Judæorum.

Quod scripsi, scripsi.

Stabat autem juxta crucem Jesu Mater ejus, etc.

Non fregerunt crura Jesu, sed unus mi-
litum lancea latus ejus aperuit, et conti-
nuo exivit sanguis et aqua, etc. Qui vidit,
testimonium perhibuit, et verum est testi-
monium ejus, etc. — Os non comminuetis
ex eo. — Videbunt in quem transfixerunt.

Venit Nicodemus ferens mixturam myr-
rhæ et aloes, quasi libras centum.

Acceperunt ergo corpus Jesu, et ligave-
runt illud linteis cum aromatibus.

CAPITULUM XX. — Nondum sciebat di-
scipulus ille (scilicet Joannes) Scripturam,
quia oportebat Christum a mortuis resur-
gere, etc.

Vidit Maria duos angelos in albis, se-
dentes ubi positum fuerat corpus Jesu,
etc.

Conversa Maria, vidit Jesum stantem,
existimans quia hortulanus esset, etc.

Noli me tangere : nondum enim ascendi
ad Patrem.

Ascendo ad Patrem meum et Patrem
vestrum, etc.

Venit Jesus januis clausis, et stetit in
medio discipulorum. Gavisunt discipuli,
visito Domino.

Insufflavit Jesus et dixit : Accipite Spi-
ritum Sanctum : quorum remiseritis pec-
cata, remittuntur eis ; et quorum retinue-
ritis, retenta sunt. (Hic dat Jesus Spiritum
Sanctum in terra.)

Noli esse incredulus, sed fidelis. Quia
vidisti me, credidisti. Beati qui non vide-
runt, et crediderunt.

CAPITULUM XXI. — Domine, tu omnia
nosti ; tu scis quia amo te.

Quid ad te ? Tu me sequere.

Sunt autem et alia multa quæ fecit Je-
sus : quæ si scribantur per singula, nec
ipsum arbitror mundum capere posse eos
qui scribendi sunt libros (non spatio lo-
corum, sed capacitate legentium).

EPISTOLA AD ROMANOS

HABET CAPITULA SEDECIM. ET REVOCAT APOSTOLUS IN EA ROMANOS AB ERRORIBUS
GENTIUM ET CÆRIMONIIS LEGIS AD VERAM CATHOLICAM FIDEM.

CAPITULUM I. — Evangelium ante promisit Deus per Prophetas suos in Scripturis sanctis de Filio suo, qui factus est ei ex semine David secundum carnem.

Jesus Christus prædestinatus est Filius Dei in virtute, secundum Spiritum sanctificationis, etc.

Gratia vobis et pax a Deo Patre nostro, et Domino Jesu Christo.

Testis mihi est Deus, cui servio in spiritu meo, quod sine intermissione memoriam vestri facio semper in orationibus meis.

Non erubesco Evangelium : virtus enim Dei est in salutem omni credenti, Judæo primum, et Græco.

Justus ex fide vivit.

Invisibilia Dei, a creatura mundi, per ea quæ facta sunt, intellecta, conspiciuntur ; sempiterna quoque virtus ejus et divinitas : ita ut sint inexcusabiles : quia quod notum est Dei, manifestum est in illis. Quum cognovissent Deum, non sicut Deum glorificaverunt, aut gratias egerunt ; sed evanuerunt in cogitationibus suis, et obscuratum est insipiens cor eorum. Dicentes enim se esse sapientes, stulti facti sunt. Qui mutaverunt gloriam incorruptibilis Dei in similitudinem imaginis corruptibilis hominis, etc. Servierunt creaturæ potius quam Creatori, qui est Deus benedictus in sæcula.

Propter quod tradidit illos Deus in passionem ignominiae, etc. (In isto capitulo loquitur Apostolus de innaturali peccato. Si vis, quære.)

Tradidit illos Deus in reprobum sensum, etc. Quum justitiam Dei cognovissent, non intellexerunt quoniam qui mala agunt digni sunt morte ; non solum qui

faciunt, sed etiam qui consentiunt facientibus.

CAPITULUM II. — Inexcusabilis es, o homo omnis qui judicas. In quo enim alterum judicas, te ipsum condemnas : eadem enim agis.

Existimas autem, o homo qui judicas eos et talia agis, quia tu effugies judicium Dei ? An divitias bonitatis Dei et patientiæ et longanimitatis contemnis ? Ignoras quoniam benignitas Dei ad pœnitentiam te adducit ? Secundum duritiam tuam et impenitens cor tuum, thesaurizas tibi iram in die iræ et revelationis justi judicii Dei.

Gloria, honor et pax omni operanti bonum : Judæo primum, et Græco. Non est personarum acceptio apud Deum.

Quum gentes, quæ legem non habent, naturaliter ea quæ legis sunt faciunt, ipsi sibi sunt lex : qui ostendunt opus legis scriptum in cordibus suis, testimonium illis reddente conscientia ipsorum, etc.

Qui alium doces, te ipsum non doces ; qui gloriaris in lege, per prævaricationem legis Deum inhonoras.

CAPITULUM III. — Est autem Deus verax, omnis autem homo mendax, etc.

Aiunt quidam, Faciamus mala ut veniant bona : quorum damnatio justa est.

Ex operibus legis non justificabitur omnis caro coram Deo.

Nunc autem sine lege justitia Dei manifestata est per fidem Jesu Christi in omnes et super omnes qui credunt in eum.

Omnes peccaverunt et egent gloria Dei, justificati gratis per gratiam ipsius.

An Judæorum Deus tantum ? nonne et gentium ? Imo et gentium.

CAPITULUM IV. — Credidit Abraham Deo, et reputatum est illi ad justitiam. Et si-

gnum accepit circumcisionis, signaculum A
justitiæ fidei quæ est in præputio, ut sit
pater omnium credentium per præputi-
um, etc.

Lex iram operatur. Ubi enim non est
lex, nec prævaricatio, etc.

Deus vivificat mortuos, et vocat ea quæ
non sunt, tanquam ea quæ sunt.

Abraham contra spem in spem credi-
dit; et non est infirmatus in fide, ple-
nissime sciens quia quæcumque promisit
Deus, potens est et facere.

Non est autem scriptum tantum propter B
ipsum, sed et propter nos.

Jesus Christus traditus est propter de-
licta nostra, et resurrexit propter justifi-
cationem nostram.

CAPITULUM V. — Justificati ex fide, pacem
habeamus ad Deum per Jesum Christum.

Gloriamur in spe gloriæ filiorum Dei.
Non solum autem, sed et gloriamur in
tribulationibus, scientes quod tribulatio
patientiam operatur, patientia autem pro-
bationem, probatio autem spem.

Spes non confundit, quoniam caritas C
Dei diffusa est in cordibus nostris per
Spiritus Sanctum, qui datus est nobis.

Commendat autem caritatem suam in
nobis Deus, quoniam quum adhuc pec-
catores essemus, Christus pro nobis mor-
tuus est. Si quum adhuc inimici essemus,
reconciliati sumus Deo per mortem Filii
ejus, multo magis nunc reconciliati, salvi
erimus in vita ipsius.

Per unum hominem peccatum in hunc
mundum intravit, et per peccatum mors.

Regnavit mors ab Adam usque ad Moy- D
sen, etiam in eos qui non peccaverunt.
(Quære intellectum.)

Non sicut delictum ita et donum, etc.

Sicut per unius inobedientiam pecca-
tores constituti sunt multi, ita per unius
hominis obedientiam justii constituentur
multi. Ubi abundavit delictum, superabun-
davit et gratia.

CAPITULUM VI. — Quid ergo dicemus?
Permanebimus in peccato ut gratia abun-
det? Absit, etc.

Quicumque baptizati sumus in Christo
Jesu, in morte ipsius baptizati sumus.
(Nota hic in textu quomodo per Bapti-
smum in Christo renascimur, et ei assi-
milamur.)

Christus resurgens ex mortuis jam non
moritur, mors illi ultra non dominabi-
tur.

Non ergo regnet peccatum in vestro
mortali corpore, ut obediatis concupiscen-
tiis ejus. Sed neque exhibeatis membra
vestra arma iniquitatis peccato, sed arma
justitiæ Deo.

Humanum dico, propter infirmitatem
carnis vestræ. Sicut enim exhibuistis mem-
bra vestra servire immunditiæ et iniqui-
tati, ad iniquitatem; ita et nunc exhibete
membra vestra servire justitiæ, in sancti-
ficationem.

Quem fructum habuistis in illis in qui-
bus nunc erubescitis? Nam finis illorum
mors est. Nunc autem liberati a peccato,
servi autem facti Deo, habetis fructum
vestrum in sanctificationem, finem vero
vitam æternam.

Stipendia peccati, mors; gratia autem
Dei, vita æterna.

CAPITULUM VII. — An ignoratis, fratres?
scientibus enim legem loquor.

Peccatum non cognovi, nisi per legem,
etc. Peccatum, ut appareat peccatum, per
bonum operatum est mihi mortem: ut
fiat supra modum peccans peccatum per
mandatum.

Scio quia non habitat in me, hoc est
in carne mea, bonum: nam velle adjacet
mihi; perficere autem, non invenio. Con-
delector legi Dei secundum interiorem ho-
minem; video autem alteram legem in
membris meis, repugnantem legi mentis
meæ, et captivantem me in lege peccati
quæ est in membris meis.

Infelix ego homo! quis me liberabit de
corpore mortis hujus? Gratia Dei per Je-
sum Christum Dominum nostrum.

Igitur ego ipse mente servio legi Dei:
carne autem, legi peccati.

CAPITULUM VIII. — Nihil ergo damnatio-

nis est his qui sunt in Jesu Christo, qui A quos præscivit, et prædestinavit conformes fieri imaginis Filii sui, ut sit ipse non secundum carnem ambulant, etc.

Deus de peccato damnavit peccatum, etc.

Qui secundum carnem sunt, quæ carnis sunt sapiunt; qui vero secundum spiritum sunt, quæ sunt spiritus sentiunt. Prudentia carnis, mors est; prudentia autem spiritus, vita et pax. Quoniam sapientia carnis inimica est Deo: legi enim Dei non est subjecta. Qui autem in carne sunt, Deo placere non possunt.

Vos autem in carne non estis, sed in B spiritu: si tamen Spiritus Dei habitat in vobis. Si quis autem Spiritum Christi non habet, hic non est ejus.

Fratres, debitores sumus non carni, ut secundum carnem vivamus. Si enim secundum carnem vixeritis, moriemini; si autem spiritu facta carnis mortificaveritis, vivetis.

Quicumque Spiritu Dei aguntur, hi filii Dei sunt. Non enim accepistis spiritum servitutis iterum in timore, sed accepistis spiritum adoptionis filiorum, in quo clama- C mus: Abba (Pater). Ipse Spiritus testimonium reddit spiritui nostro, quod filii Dei sumus. Si autem filii, et heredes: heredes quidem Dei, coheredes autem Christi; si tamen compatimur, ut et conglorificemur.

Existimo enim quod non sunt condignæ passiones hujus temporis ad futuram gloriam quæ revelabitur in nobis. Nam expectatio creaturæ, revelationem filiorum Dei exspectat, etc.

Spe salvi facti sumus. Spes autem quæ D videtur, non est spes: nam quod videt quis, quid sperat? Si autem quod non videmus speramus, per patientiam exspectamus.

Similiter Spiritus adjuvat infirmitatem nostram. Nam quid oremus, sicut oportet, nescimus; sed ipse Spiritus postulat pro nobis gemitibus inenarrabilibus.

Scimus quoniam diligentibus Deum omnia cooperantur in bonum, his qui secundum propositum vocati sunt sancti. Nam

quos præscivit, et prædestinavit conformes fieri imaginis Filii sui, ut sit ipse primogenitus in multis fratribus. Quos autem prædestinavit, hos et vocavit, etc. (Quære in textu: non possum omnia scribere.)

Si Deus pro nobis, quis contra nos? Qui etiam proprio Filio non pepercit, sed pro nobis omnibus tradidit illum, quomodo non etiam cum illo omnia nobis donavit? Quis accusabit adversus electos Dei? etc.

Quis nos separabit a caritate Christi? Tribulatio? an angustia? an fames? an persecutio? etc. In his omnibus superamus propter eum qui dilexit nos.

Certus sum quia neque mors, neque vita, neque Angeli, neque Principatus, neque Virtutes, neque instantia, etc., neque creatura alia poterit nos separare a caritate Dei, quæ est in Christo Jesu Domino nostro.

CAPITULUM IX. — Veritatem dico in Christo, non mentior, testimonium mihi perhibente conscientia mea in Spiritu Sancto. (Nota ineffabilem caritatem Apostoli.) Optabam ego ipse anathema esse a Christo pro fratribus meis, etc., ex quibus est Christus secundum carnem, qui est super omnia Deus benedictus in sæcula.

In Isaac vocabitur tibi semen, etc.

Quum nondum nati fuissent, aut aliquid egissent boni aut mali (scilicet Esau et Jacob), ut secundum electionem propositum Dei maneret, non ex operibus, sed ex vocante, dictum est, Major serviet minori, sicut scriptum est (scilicet in Malachia propheta): Jacob dilexi, Esau vero odio habui. *Malach.*
1, 2.

Quid igitur dicemus? Numquid iniquitas est apud Deum? etc. Igitur non volentis neque currentis, sed miserentis est Dei. Dicit enim Scriptura Pharaoni: Quoniam in hoc ipsum excitavi te, ut ostendam in te virtutem meam. (In Exodo habetur.) Ergo cujus vult miseretur, et quem vult *Exod. ix,*
16. indurat.

Dicis itaque: Voluntati autem ejus quis resistit? O homo, tu quis es qui respon-

deas Deo? Numquid dicit figmentum ei A gentibus sub parabola oleastri et olivæ. qui se finxit, Quid me fecisti sic? An non Vide in textu.)
habet potestatem figulus luti, ex eadem
massa facere aliud quidem vas in hono-
rem, aliud vero in contumeliam? etc.

(Nota verbum Osee de vocatione gen-
tium.) Vocabo non plebem meam, plebem
1Petr. ii, 10. meam, etc.

Verbum brevium faciet Dominus su-
per terram.

CAPITULUM X. — Emulationem Dei ha-
bent, sed non secundum scientiam. Igno-
rantes Dei justitiam, et suam volentes B
constituere, justitiæ Dei non sunt sub-
jecti.

Finis legis est Christus.

Corde creditur ad justitiam, ore autem
confessio fit ad salutem.

Idem Dominus omnium, dives in omnes
qui invocant illum. Omnis enim qui invo-
caverit nomen Domini, salvus erit.

(Nota in isto capitulo plures allegationes
Apostoli ex Prophetis.)

Quam speciosi pedes evangelizantium
pacem, etc. ! Fides est ex auditu, etc.

Is. lxxv, 1, 2. Isaias dicit : Inventus sum a non quæ-
rentibus me, etc. Ad Israel autem : Tota
die expandi manus meas ad populum non
credentem, etc. (Nota testimonium Isaïæ
de illuminatione gentium, et excæcatione
Judæorum.)

CAPITULUM XI. — Numquid repulit Deus
populum suum? Absit.

Reliquiæ secundum electionem gratiæ
Dei salvæ factæ sunt.

Si autem gratia, jam non ex operibus :
alioqui gratia non est gratia.

(Nota testimonia de obstinatione Judæ-
orum.) Dedit illis spiritum compunctio-
nis, oculos ut non videant, etc. Fiat mensa
eorum coram ipsis in laqueum, etc.

Ministerium meum honorificabo, etc.

Si delibatio sancta est, et massa; et si
radix sancta, et rami.

Noli altum sapere, sed time. Si enim
Deus naturalibus ramis non pepercit, ne
forte nec tibi parcat.

(Nota. Apostolus loquitur de Judæis et

Vide bonitatem et severitatem Dei : in
eos quidem qui ceciderunt, severitatem ;
in te autem, bonitatem Dei, si permanseris
in bonitate : alioqui et tu excideris.

Non sitis vobis ipsis sapientes.

Cæcitas ex parte contigit in Israel, do-
nec plenitudo gentium intraret, et sic om-
nis Israel salvus fieret.

O altitudo divitiarum sapientiæ et sci-
entiæ Dei, quam incomprehensibilia sunt
judicia ejus, et investigabiles viæ ejus !
Quis enim cognovit sensum Domini? aut
quis consiliarius ejus fuit? Ex ipso, et
per ipsum, et in ipso sunt omnia : ipsi
honor et gloria in sæcula sæculorum.

CAPITULUM XII. — Obsecro vos, fratres,
per misericordiam Dei, ut exhibeatis cor-
pora vestra hostiam viventem, sanctam,
Deo placentem, rationabile obsequium ve-
strum.

Nolite conformari huic sæculo; sed re-
formamini in novitate sensus vestri, ut
C probetis quæ sit voluntas Dei bona, et
beneplacens, et perfecta.

Non plus sapere quam oportet sapere,
sed sapere ad sobrietatem. Qui præest, in
sollicitudine. Dilectio sine simulatione ;
caritatem fraternitatis invicem diligentes ;
honore invicem prævenientes ; spiritu fer-
ventes ; spe gaudentes ; in tribulatione pa-
tientes. Benedicite persequentibus vos, etc.

Gaudere cum gaudentibus, flere cum
flentibus. Id ipsum invicem sentientes ;
non alta sapientes, sed humilibus consen-
D tientes.

Nolite esse prudentes apud vosmetipsos :
nulli malum pro malo reddentes ; provi-
dentes bona, non tantum coram Deo, sed
etiam coram omnibus hominibus.

Si fieri potest, quod in vobis est, cum
omnibus hominibus pacem habentes. Non
vosmetipsos defendentes, carissimi, sed
date locum iræ. Mihi vindictam et ego re-
tribuam, dicit Dominus.

Noli vinci a malo, sed vince in bono
malum.

CAPITULUM XIII. — Omnis anima potestatibus sublimioribus subdita sit. Non est potestas nisi a Deo. Quæ autem a Deo sunt, ordinata sunt.

Itaque qui resistit potestati, Dei ordinationi resistit. Qui autem resistunt, sibi ipsis damnationem acquirunt. Nam principes non sunt timori boni operis, sed mali. Vis autem non timere? Fac bonum, et habebis laudem. Si autem male feceris, time.

(Nota in textu quomodo etiam sæculari potestati obediendum est.)

Reddite omnibus debitum : cui timorem, timorem ; cui honorem, honorem.

Nemini quidquam debeatis, nisi ut invicem diligatis. Qui enim diligit proximum, legem implevit, etc.

Plenitudo legis, est dilectio.

Hora est jam nos de somno surgere, etc. Nox præcessit, dies autem appropinquavit. Abjiciamus ergo opera tenebrarum, et induamur arma lucis ; sicut in die honeste ambulemus.

Carnis curam ne feceritis in desideriis ; sed induimini Dominum Jesum Christum.

CAPITULUM XIV. — Infirmum in fide assumite.

Qui infirmus est, olus manducet.

Is qui manducat, non manducantem non spernat ; et qui non manducat, manducantem non judicet, etc.

Tu quis es, qui judicas alienum servum? Suo domino stat aut cadit.

Nemo nostrum sibi vivit. Sive enim vivimus sive morimur, Domini sumus.

Tu quid judicas fratrem tuum? aut tu quare spernis fratrem tuum? Omnes enim stabimus ante tribunal Christi. Itaque unusquisque nostrum pro se rationem reddet Deo.

Non ergo amplius invicem judicemus ; sed hoc judicate magis, ne ponatis offendiculum fratri vel scandalum. Noli illum perdere pro quo Christus mortuus est.

A Non est regnum Dei esca et potus, sed justitia et pax et gaudium in Spiritu Sancto.

Itaque, quæ pacis sunt sectemur, et quæ ædificationis sunt in invicem custodiamus.

Omnia quidem munda sunt, etc.

Bonum est non manducare carnem, et non bibere vinum, etc.

Omne quod non est ex fide, peccatum est.

CAPITULUM XV. — Debemus autem nos firmiores, imbecillitates infirmorum sustinere, et non nobis placere. Unusquisque vestrum proximo suo placeat in bonum, ad ædificationem : etenim Christus non sibi placuit, etc.

Quæcumque scripta sunt, ad nostram doctrinam scripta sunt, ut per patientiam, et consolationem Scripturarum, spem habeamus.

Deus patientiæ et solatii det vobis id ipsum sapere in alterutrum secundum Jesum Christum, ut unanimes uno ore honorificetis Deum et Patrem Domini nostri Jesu Christi.

Suscipite invicem, sicut et Christus suscepit nos.

Deus spei repleat vos omni gaudio et pace in credendo, ut abundetis in spe et virtute Spiritus Sancti.

Audacius scripsi vobis, fratres, ex parte, tanquam in memoriam vos reducens.

Obsecro vos, fratres, per Dominum nostrum Jesum Christum, et per caritatem Spiritus Sancti, ut adjuvetis me orationibus vestris.

CAPITULUM XVI. — Salutate invicem in osculo sancto.

Volo vos sapientes esse in bono, et simplices in malo.

Deus autem pacis conteret Satanam sub pedibus vestris velociter.

Soli sapienti Deo per Jesum Christum honor et gloria in sæcula sæculorum. Amen.

EPISTOLA PRIMA AD CORINTHIOS

HABET CAPITULA SEDECIM. IN QUA QUOSDAM A FALSIS APOSTOLIS
ET PROPHETIS PER ELOQUENTIAM, QUOSDAM VERO PER OBSERVANTIAM LEGIS JUDAICÆ SEDUCTOS,
REVOCAT AD VERAM FIDEM ET EVANGELICAM SAPIENTIAM.

CAPITULUM I. — Gratias ago Deo meo A semper pro vobis, in gratia Dei quæ data est vobis in Christo Jesu, etc.

Obsecro vos, fratres, per nomen Domini nostri Jesu Christi, ut id ipsum dicatis omnes, et non sint in vobis schismata.

Verbum crucis pereuntibus quidem stultitia est; his autem qui salvi fiunt, id est nobis, virtus Dei est.

Perdam sapientiam sapientium, et prudentiam prudentium reprobabo, etc. Nonne stultam fecit Deus sapientiam hujus mundi?

Judæi signa petunt, et Græci sapientiam quærunt. Nos autem prædicamus Jesum Christum, Judæis quidem scandalum, gentibus autem contumeliam; ipsis autem vocatis, Christum Dei virtutem et Dei sapientiam. Quod stultum est Dei, sapientius est hominibus.

Videte vocationem vestram, fratres, quia non multi sapientes secundum carnem, non multi potentes, non multi nobiles sunt inter vos.

Quæ stulta sunt mundi elegit Deus, ut C confundat sapientes; et infirma mundi elegit Deus, ut confundat fortia, etc.

Vos estis in Christo Jesu, qui factus est nobis a Deo sapientia, et justitia, et sanctificatio, et redemptio.

CAPITULUM II. — Non judicavi me aliquid scire inter vos, nisi Jesum Christum, et hunc crucifixum. Et prædicatio mea non est in persuasibilibus humanæ sapientiæ verbis, sed in sapientia spiritus et virtutis, etc.

Sapientiam loquimur inter perfectos, sapientiam vero non hujus mundi, etc.; sed D loquimur Dei sapientiam in mysterio, quæ abscondita est.

Si cognovissent, nunquam Dominum gloriæ crucifixissent.

Oculus non vidit, nec auris audivit, etc.

Spiritus omnia scrutatur, etiam profunda Dei. Quis enim hominum scit quæ sunt hominis, nisi spiritus hominis, qui in ipso est? Ita et quæ Dei sunt nemo cognovit, nisi Spiritus Dei.

Nos autem non spiritum hujus mundi accepimus, sed Spiritum qui ex Deo est, ut sciamus quæ a Deo donata sunt nobis.

Animalis homo non percipit ea quæ B sunt Spiritus Dei. Stultitia enim est illi. Spiritualis autem omnia dijudicat, et ipse a nemine judicatur.

CAPITULUM III. — Ego, fratres, non potui vobis loqui quasi spiritualibus, sed quasi carnalibus, etc.

Quum sit inter vos zelus et contentio, nonne carnales estis, et secundum hominem ambulatis?

Neque qui plantat, est aliquid, neque qui rigat, sed qui incrementum dat Deus.

Unusquisque videat quomodo superædificet. Fundamentum enim aliud nemo potest ponere, præter id quod positum est, quod est Jesus Christus. (Nota hic de superædificatione auri, argenti, lapidum, ligni, fœni, stipulæ, etc.)

Nescitis quia templum Dei estis, et Spiritus Dei habitat in vobis? Templum enim Dei sanctum est, quod estis vos.

Nemo se seducat. Si quis videtur inter vos sapiens esse, stultus fiat, ut sit sapiens. Sapientia hujus mundi, stultitia est apud Deum. Itaque nemo glorietur in hominibus.

CAPITULUM IV. — Sic nos existimet homo ut ministros Christi, etc.

Mihi pro minimo est ut a vobis judicer, etc.

Nolite ante tempus judicare, quoadusque veniat Dominus, qui et illuminabit abscondita tenebrarum, et manifestabit consilia cordium : et tunc laus erit unicuique a Deo.

Quid habes quod non accepisti ? Si autem accepisti, quid gloriaris quasi non acceperis ?

Spectaculum facti sumus mundo, et angelis, et hominibus. Nos stulti propter Christum. Maledicimur, et benedicimus ; blasphemamur, et obsecramus.

Non est in sermone regnum Dei, sed in virtute.

Quid vultis ? In virga veniam ad vos, an in caritate et spiritu mansuetudinis ?

CAPITULUM V. — Non est bona gloriatio vestra. Nescitis quia modicum fermentum totam massam corrumpit ? Expurgate vetus fermentum, ut sitis nova conspersio, etc. Etenim pascha nostrum immolatus est Christus.

Quid mihi de his qui foris sunt judicare ? Nam eos qui foris sunt Deus judicabit.

CAPITULUM VI. — An nescitis quoniam sancti de hoc mundo judicabunt ? Nescitis quoniam angelos judicabimus ?

Jam quidem omnino delictum est in vobis, quod judicia habetis inter vos. Quare non magis injuriam accipitis ? quare non magis fraudem patimini ?

Omnia mihi licent, sed non omnia expediunt.

Nescitis quoniam corpora vestra membra sunt Christi ? etc.

Qui adhæret meretrici, unum corpus efficitur. Qui autem adhæret Domino, unus spiritus est.

An nescitis quoniam membra vestra templum sunt Spiritus Sancti, et non estis vestri ?

Empti estis pretio magno. Glorificate et portate Deum in corpore vestro.

CAPITULUM VII. — Uxori vir debitum reddat, similiter autem et uxor viro. Mulier sui corporis potestatem non habet, etc.

Unusquisque proprium donum habet ex Deo : alius quidem sic, alius vero sic.

Melius est nubere quam uri.

(Nota in isto capitulo de matrimonio quorum alter infidelis est.)

In pace autem vocavit nos Deus.

Unusquisque in qua vocatione vocatus est, in ea permaneat.

Hoc itaque dico, fratres : Tempus breve est ; reliquum est, ut qui utuntur hoc mundo, sint tanquam non utentes. Præterit enim figura hujus mundi. Volo autem vos sine sollicitudine esse.

CAPITULUM VIII. — Scientia inflat, caritas autem ædificat.

Si quis se existimat scire aliquid, nondum cognovit quomodo oporteat eum scire. Si quis autem diligit Deum, hic cognitus est ab eo.

Nullus Deus nisi unus Deus Pater, ex quo omnia, et nos in ipso ; et unus Dominus Jesus Christus, per quem omnia, et nos per ipsum.

Peccantes in fratres, et percutientes conscientiam eorum infirmam, in Christum peccatis.

Si esca scandalizat fratrem meum, non manducabo carnem in æternum, ne fratrem meum scandalizem.

CAPITULUM IX. — Quis militat suis stipendiis unquam ? etc.

Numquid de bobus cura est Deo ?

Si nos vobis spiritualia seminavimus, magnum est si carnalia vestra metamus ? Nescitis quoniam qui in sacrario operantur, quæ de sacrario sunt edunt ? etc.

Quum liber essem ex omnibus, omnium me servum feci, ut plures lucrificerem. Factus sum infirmis infirmus, etc.

Nescitis quod hi qui in stadio currunt, etc. ? Sic currite ut comprehendatis. Omnis qui in agone contendit, etc.

Ego sic curro, non quasi in incertum, etc. Sed castigo corpus meum, et in servitutem redigo, ne forte quum aliis prædicaverò, ipse reprobus efficiar.

CAPITULUM X. — Petra autem erat Christus.

Hæc omnia in figura contingebant illis. Scripta sunt autem propter eruditionem nostram, in quos fines sæculorum devenerunt.

Qui se existimat stare, videat ne cadat. Tentatio vos non apprehendat nisi humana. Fidelis autem Deus est, qui non patietur vos tentari supra id quod potestis; sed faciet cum tentatione etiam proventum, ut possitis sustinere.

Ut prudentibus loquor : vos ipsi iudicate quod dico. Calix benedictionis cui benedicimus, nonne communicatio sanguinis Christi est ? Et panis quem frangimus, nonne participatio corporis Domini est ?

Nemo quod suum est quærat, sed quod alterius.

Si quis vocat vos ad cœnam infidelium, et vultis ire, omne quod vobis apponitur manducate, etc.

Sive manducatis, sive bibitis, sive aliud aliquid facitis, omnia in gloriam Dei facite.

Sine offensione estote Ecclesiæ Dei : sicut et ego per omnia omnibus placeo, non quærens quod mihi utile est, sed quod multis, ut salvi fiant.

CAPITULUM XI. — Omnis viri caput est Christus ; caput autem mulieris, vir ; caput vero Christi, Deus.

Vir non debet velare caput, quoniam imago est et gloria Dei ; mulier autem gloria est viri. Etenim non est creatus vir propter mulierem, sed mulier propter virum. Ideo debet mulier habere velamen super caput suum, etc. Vir si comam nutrit, ignominia est illi, etc. Si quis videatur contentiosus esse, nos talem consuetudinem non habemus.

Oportet hæreses esse, ut qui probati sunt, manifesti fiant in vobis.

Laudo vos ? in hoc non laudo.

Ego accepi a Domino quod et tradidi vobis, etc.

Quicumque manducaverit panem hunc, vel biberit calicem Domini indigne, reus erit corporis et sanguinis Domini. Probet

A autem se ipsum homo : et sic de pane illo edat, et de calice bibat. Qui enim manducat et bibit indigne, iudicium sibi manducat et bibit, non dijudicans corpus Domini.

Quod si nosmetipsos dijudicarem, non utique iudicarem.

CAPITULUM XII. — Nemo potest dicere, Dominus Jesus, nisi in Spiritu Sancto.

Divisiones vero gratiarum sunt, unus autem Spiritus, etc. Idem Deus qui operatur omnia in omnibus. Alii datur per Spiritum sermo sapientiæ, alii sermo scientiæ, alii fides, alii gratia sanitarum, alii operatio virtutum, alii prophetia, alii discretio spirituum, etc. Hæc omnia operatur unus atque idem Spiritus, dividens singulis prout vult.

Non potest dicere oculus manui : Opera tua non indigeo, etc.

Quæ inhonesta sunt nostra, abundantiorum honestatem habent.

Quosdam posuit Deus in Ecclesia, primo Apostolos, secundo Prophetas, tertio doctores, etc.

Emulamini autem charismata meliora. Et adhuc excellentiorem viam vobis demonstro.

CAPITULUM XIII. — Si linguis loquar angelorum et hominum, caritatem autem non habeam, factus sum velut æs sonans, aut cymbalum tinniens, etc.

Caritas patiens est, benigna est. Caritas non æmulatur, non agit perperam, non inflatur ; non est ambitiosa, non quærit quæ sua sunt ; non irritatur, non cogitat malum, non gaudet super iniquitate, etc. Omnia suffert, omnia credit, etc.

Caritas nunquam excidit. Scientia destruetur.

Ex parte cognoscimus, etc. ; quum autem venerit quod perfectum est, evacuabitur quod ex parte est.

Quum essem parvulus, loquebar ut parvulus, sapiebam ut parvulus ; quum autem factus sum vir, evacuavi quæ erant parvuli.

Videmus nunc per speculum in æni-

gmate ; tunc autem facie ad faciem. Nunc A
cognosco ex parte ; tunc autem cognoscam
sicut et cognitus sum.

Nunc autem manent fides, spes, cari-
tas, tria hæc ; major autem horum est ca-
ritas.

CAPITULUM XIV. — Spiritus autem loqui-
tur mysteria.

Nam si orem lingua, mens mea sine
fructu est. Quid ergo ? Orabo spiritu, ora-
bo et mente ; psallam spiritu, psallam et
mente.

In ecclesia volo quinque verba sensu B
meo loqui, ut et alios instruam, quam de-
cem millia lingua.

Fratres mei, nolite effici pueri sensibus,
sed malitia parvuli estote ; sensibus autem
perfecti sitis.

Linguæ in signum sunt non fidelibus,
sed infidelibus, etc.

Spiritus Prophetarum Prophetis subje-
cti sunt. Non enim est dissensionis Deus,
sed pacis.

Si quis ignorat, ignorabitur.

Omnia autem honeste et secundum or- C
dinem fiant in vobis.

CAPITULUM XV. — Visus est Christus post
resurrectionem Cephæ (id est Petro), et
post hæc undecim ; deinde visus est plus
quam quingentis fratribus simul ; deinde
visus est Jacobo ; deinde Apostolis omni-
bus ; novissime autem omnium tanquam
abortivo, visus est et mihi. Ego enim sum
minimus Apostolorum, etc.

Gratia Dei sum id quod sum, etc.

Si resurrectio mortuorum non est, ne-
que Christus resurrexit, etc.

Si in hac vita tantum in Christo speran-
tes sumus, miserabiliores sumus omnibus
hominibus.

Christus resurrexit primitiæ dormienti-
um. Sicut in Adam omnes moriuntur, ita
et in Christo omnes vivificabuntur.

Quotidie morior propter vestram glori-
am, fratres, quam habeo in Christo Jesu
Domino nostro.

Nolite seduci : corrumpunt enim mores
bonos colloquia mala. Evigilate, justi, et
nolite peccare.

Alia claritas solis, alia claritas lunæ,
alia claritas stellarum, etc. Sic et resurre-
ctio mortuorum. Seminatur in corruptio-
ne, surget in incorruptione. Seminatur in
ignobilitate, surget in gloria. Seminatur
in infirmitate, surget in virtute. Semina-
tur corpus animale, surget corpus spiri-
tuale. (Nota de quatuor dotibus corporum
glorificatorum.)

Non prius quod spirituale ; sed quod
animale, deinde quod spirituale. Primus
homo de terra, terrenus ; secundus ho-
mo de cœlo, cœlestis. Qualis terrenus, ta-
les et terreni ; et qualis cœlestis, tales et
cœlestes. Igitur sicut portavimus imagi-
nem terreni, portemus et imaginem cœ-
lestis.

Caro et sanguis regnum Dei possidere
non possunt, neque corruptio incorrupte-
lam possidebit. Ecce mysterium vobis di-
co : Omnes quidem resurgemus, etc. In
momento, in ictu oculi, in novissima tu-
ba : canet enim tuba, et mortui resurgent
incorrupti, etc.

Stimulus mortis peccatum est, etc.

Deo gratias, qui dedit nobis victoriam
per Dominum nostrum Jesum Christum.

Itaque, fratres mei dilecti, stabiles esto-
te et immobiles ; abundantes in opere Do-
mini semper, scientes quod labor vester
D non est inanis in Domino.

CAPITULUM XVI. — Vigilate, state in fide,
viriliter agite, confortamini, et omnia ve-
stra in caritate fiant.

Salutate invicem in osculo sancto.

Si quis non amat Dominum nostrum Je-
sum Christum, sit anathema, Maranatha.

EPISTOLA SECUNDA AD CORINTHIOS

HABET CAPITULA TREDECIM. IN QUAE EOSDEM QUOS SUPRA AD POENITENTIAM CONVERSOS
ET EMENDATOS LAUDAT, CONSOLATUR, ET DOGET.

CAPITULUM I. — Benedictus Deus et Pater A Domini nostri Jesu Christi, Pater misericordiarum, et Deus totius consolationis, qui consolatur nos in omni tribulatione nostra, ita ut possimus et ipsi consolari eos qui in omni pressura sunt.

Sicut abundant passiones Christi in nobis, ita et per Christum abundat consolatio nostra. Scitote quoniam sicut socii passionum estis, sic eritis et consolationis.

Gloria nostra hæc est, testimonium conscientiae nostræ, etc.

Deus dedit pignus Spiritus in cordibus nostris.

CAPITULUM II. — Si ego vos contristo, et quis est qui lætificet me, nisi qui contristatur ex me?

Non ignoramus cogitationes ejus (scilicet Satanæ).

Deo gratias, qui semper triumphat nos in Christo Jesu.

Christi bonus odor sumus Deo.

CAPITULUM III. — Epistola nostra vos estis, scripta in cordibus nostris.

Fiduciam talem habemus ad Deum : non quod sufficientes simus cogitare aliquid a nobis, quasi ex nobis ; sed sufficientia nostra ex Deo est.

Littera occidit, Spiritus autem vivificat.

Habentes autem talem spem, multa fiducia utimur.

Dominus Spiritus est ; ubi autem Spiritus Domini, ibi libertas.

Nos vero omnes revelata facie gloriam Domini speculantes, in eandem imaginem transformamur a claritate in claritatem, D tanquam a Domini Spiritu.

CAPITULUM IV. — Deus hujus sæculi excæcavit mentes infidelium, etc.

Habemus thesaurum istum in vasis fictilibus, etc.

In omnibus tribulationem patimur, sed non angustiamur, semper mortificationem Jesu in corpore nostro circumferentes, ut et vita Jesu manifestetur in carne nostra mortali.

Propter quod non deficimus : licet is qui foris est noster homo corrumpatur, tamen is qui intus est renovatur de die in diem.

Id quod in præsentī est momentaneum B et leve tribulationis nostræ, supra modum in sublimitate æternæ gloriæ pondus operatur in nobis, non contemplantibus nobis quæ videntur, sed quæ non videntur. Quæ enim videntur temporalia sunt, quæ autem non videntur æterna sunt.

CAPITULUM V. — Scimus quoniam si terrestris domus nostra hujus habitationis dissolvatur, quod ædificationem habemus ex Deo, domum non manufactam, æternam in cœlis, etc.

C Dum sumus in hoc corpore, peregrinamur a Domino : per fidem enim ambulamus, non per speciem.

Omnes nos manifestari oportet ante tribunal Christi, ut referat unusquisque propria corporis, prout gessit.

Caritas Christi urget nos.

Pro omnibus mortuus est Christus, ut et qui vivunt, jam non sibi vivant sed ei qui pro ipsis mortuus est et resurrexit.

Itaque nos ex hoc neminem novimus secundum carnem. Si cognovimus secundum carnem Christum, sed nunc jam non novimus, etc.

Deus erat in Christo, mundum reconcilians sibi.

Obsecramus pro Christo, reconciliamini A Deo.

CAPITULUM VI. — Exhortamur ne in vacuum gratiam Dei recipiatis. Ait enim : Tempore accepto exaudivi te, etc. Ecce nunc tempus acceptabile, ecce nunc dies salutis.

Nemini dantes ullam offensionem, etc., in omnibus exhibeamus nosmetipsos sicut Dei ministros, in multa patientia, in tribulationibus, etc., in scientia, in longanimitate, in suavitate, in Spiritu Sancto, in caritate non ficta, in verbo veritatis, etc., B per arma justitiæ a dextris et a sinistris, etc., quasi tristes, semper autem gaudentes.

Os nostrum patet ad vos, o Corinthii; cor nostrum dilatatum est.

Quæ societas luci ad tenebras? quæ autem conventio Christi ad Belial? aut quæ pars fidei cum infidei? etc.

Vos estis templum Dei vivi, sicut dicit Dominus : Quoniam inhabitabo in illis et inambulabo, et ero illorum Deus, etc.

CAPITULUM VII. — Has ergo promissiones C habentes, carissimi, mundemus nos ab omni inquinamento carnis et spiritus, perfecti sanctificationem in timore Dei. Capite nos, etc.

Multa mihi fiducia est apud vos, multa mihi gloriatio pro vobis. Repletus sum consolatione, superabundo gaudio in omni tribulatione nostra. Qui consolatur humiles, consolatus est nos Deus.

Gaudeo, non quia contristati estis, sed quia contristati estis ad pœnitentiam. Quæ enim secundum Deum est tristitia, pœnitentiam in salutem stabilem operatur; sæculi autem tristitia, mortem operatur.

CAPITULUM VIII. — Altissima paupertas eorum abundavit in divitias simplicitatis eorum.

Propter nos Christus egenus factus est, quum esset dives, ut illius inopia nos divites essemus.

Providemus bona, non solum coram Deo, sed etiam coram hominibus.

CAPITULUM IX. — Qui parce seminat, par-

ce et metet; et qui seminat in benedictionibus, de benedictionibus et metet, etc.

Hilarem datorem diligit Deus.

Potens est autem Deus omnem gratiam abundare facere in vobis, etc.

Gratias Deo super inenarrabili dono ejus.

CAPITULUM X. — In carne ambulantes, non secundum carnem militamus. Nam arma militiæ nostræ non carnalia, sed potentia Deo, etc., in captivitatem redigentes omnem intellectum in obsequium Christi.

Quales sumus verbo per epistolas, absentes, tales et præsentis in facto.

Ipsi nobis nos ipsos metientes et comparantes, etc.

Qui gloriatur, in Domino gloriatur. Non enim qui se ipsum commendat, ille probatus est, sed quem Deus commendat.

CAPITULUM XI. — Utinam sustineretis modicum quid insipientiæ meæ. Sed et supportate me, etc.

Timeo ne sicut serpens seduxit Evam astutia sua, ita corrumpantur sensus vestri, et excidant a simplicitate quæ est in Christo.

Ipsæ Satanæ transfigurat se in angelum lucis. Non ergo magnum si ministri ejus transfigurentur velut ministri justitiæ : quorum finis erit secundum opera eorum.

Libenter suffertis insipientes, quum sitis ipsi sapientes.

(Nota in isto capitulo de tribulationibus et afflictionibus sancti Apostoli.) Quis infirmatur, et ego non infirmor? Quis scandalizatur, et ego non uror? Si gloriari oportet, quæ infirmitatis meæ sunt gloriabor.

CAPITULUM XII. — Scio hominem in Christo, sive in corpore sive extra corpus nescio, Deus scit, raptum hujusmodi usque ad tertium cœlum : quoniam raptus est in paradysum, et audivit arcana verba quæ non licet homini loqui.

Ne revelationum magnitudo extollat me, datus est mihi stimulus carnis meæ, angelus Satanæ, qui me colaphizet.

Virtus in infirmitate perficitur.

(Nota in isto capitulo de miraculis Apostoli, sicut ipsemet asserit.)

Non quæro quæ vestra sunt, sed vos. A Non debent filii parentibus thesaurizare, sed parentes filiis. Ego autem libentissime impendam, et superimpendar ipse pro animabus vestris.

CAPITULUM XIII. — In ore duorum vel trium, etc.

Si estis in fide, ipsi vos probate. An non cognoscitis vos ipsos? nisi forte reprobi estis.

Non possumus adversus veritatem, sed pro veritate.

Potestatem dedit mihi Dominus in ædificationem, et non in destructionem, etc.

EPISTOLA AD GALATAS

HABET CAPITULA SEX. IN QUÆ SEDUCTOS A FALSIS APOSTOLIS UT AD LEGEM ET CIRCUMCISIONEM REVERTERENTUR, REVOCAT AD VERAM FIDEM CATHOLICÆ VERITATIS.

CAPITULUM I. — Jesus Christus dedit semetipsum pro peccatis nostris, ut eriperet nos de præsentis sæculo nequam.

Licet nos, aut angelus de cœlo evangelizaret vobis præterquam evangelizavimus vobis, anathema sit. Sicut prædixi, et iterum dico: Si quis vobis evangelizaverit præter id quod accepistis, anathema sit.

Si adhuc hominibus placerem, Christi servus non essem.

Non acquievi carni et sanguini.

CAPITULUM II. — Deus personam hominis non accipit.

Quum venisset Cephas Antiochiam, in faciem restiti ei, quia reprehensibilis erat, etc.

Non justificatur homo ex operibus legis, nisi per fidem Jesu Christi.

Christo confixus sum cruci. Vivo autem, jam non ego; vivit vero in me Christus. Quod autem nunc vivo in carne, in fide vivo Filii Dei, qui dilexit me, et tradidit semetipsum pro me.

Non abjicio gratiam Dei.

CAPITULUM III. — Sic stulti estis, ut dum spiritu cœperitis, nunc carne consummemini.

Credidit Abraham Deo, et reputatum est ei ad justitiam. Qui ex fide sunt, hi sunt filii Abrahamæ. Igitur qui ex fide sunt, benedicentur cum fideli Abraham.

Justus ex fide vivit, etc.

Christus nos redemit, factus pro nobis maledictum, quia scriptum est: Maledictus omnis qui pendet in ligno.

Lex propter transgressionem posita est, etc.

Mediator unius non est; Deus autem unus est.

Omnes filii Dei estis per fidem in Christo Jesu. Quicumque in Christo baptizati estis, Christum induistis. Omnes enim vos unum estis in Christo Jesu.

CAPITULUM IV. — Ubi venit plenitudo temporis, misit Deus Filium suum factum sub lege, natum ex Virgine, etc.

Quoniam estis filii Dei, misit Deus Spiritum Filii sui in corda vestra, clamantem, Abba, Pater, etc.

Ergo inimicus factus sum vobis, verum dicens vobis?

Bonum in bono æmulamini semper, et non tantum quum præsens sum, etc.

Illa quæ sursum est Jerusalem, libera est, quæ est mater nostra. Scriptum est enim: Lætare, sterilis, etc.

CAPITULUM V. — In Christo Jesu neque circumcisio aliquid valet, neque præputium, sed fides quæ per caritatem operatur.

Currebatis bene. Quis vos fascinavit veritati non obedire? Utinam abscindantur qui vos conturbant.

Per caritatem Spiritus servite in invicem. Omnis enim lex in uno sermone

impletur : Diliges proximum tuum sicut A in spiritu lenitatis : considerans te ipsum, te ipsum. Quod si invicem mordetis et ne et tu tenteris. comeditis, videte ne ab invicem consumamini.

Spiritu ambulate, et desideria carnis non perficietis. Caro enim concupiscit adversus spiritum, et spiritus adversus carnem. Hæc enim sibi invicem adversantur, ut non quæcumque vultis, illa faciatis.

Manifesta autem sunt opera carnis, quæ sunt fornicatio, etc., inimicitia, contentiones, æmulationes, iræ, rixæ, etc. Qui talia agunt, regnum Dei non consequentur.

Fructus autem Spiritus est caritas, gaudium, pax, patientia, longanimitas, bonitas, etc. Adversus hujusmodi non est lex.

Qui autem sunt Christi, carnem suam crucifixerunt cum vitiis et concupiscentiis. Si spiritu vivimus, spiritu et ambulemus. Non efficiamur inanis gloriæ cupidi, invicem provocantes, invicem invidentes.

CAPITULUM VI. — Fratres, etsi præoccupatus fuerit homo in aliquo delicto, vos qui spirituales estis, hujusmodi instruite

Alter alterius onera portate, et sic adimplebitis legem Christi.

Si quis existimat se aliquid esse, quum nihil sit, ipse se seducit. Opus suum probet unusquisque. Unusquisque enim onus suum portabit.

Communicet autem is qui catechizatur verbo, ei qui se catechizat, in omnibus bonis.

Nolite errare : Deus non irridetur. Quæ enim seminaverit homo, hæc et metet. Qui seminat in carne sua, de carne metet corruptionem. Qui autem seminat in spiritu, de spiritu metet vitam æternam.

Ergo dum tempus habemus, operemur bonum ad omnes, maxime autem ad domesticos fidei.

Mihi absit gloriari nisi in cruce Domini mei Jesu Christi, per quem mihi mundus crucifixus est, et ego mundo.

De cetero nemo mihi molestus sit. Ego enim stigmata Domini Jesu in corpore C meo porto.

EPISTOLA AD EPHESIOS

HABET CAPITULA SEX. IN QUA EPHESII (QUI AB APOSTOLO VERBO VERITATIS ACCEPTO, PERSTITERUNT IN FIDE) LAUDANTUR.

CAPITULUM I. — Deus elegit nos in Christo ante mundi constitutionem, ut essemus sancti et immaculati in conspectu ejus.

Deus prædestinavit nos in adoptionem filiorum per Jesum Christum, secundum propositum voluntatis suæ, in laudem gloriæ gratiæ suæ, in qua gratificavit nos in dilecto Filio suo, etc.

Deus instauravit omnia in Christo, sive quæ in cœlis sunt, sive quæ in terris, etc.

Prædestinati sumus secundum propositum Dei, qui operatur omnia secundum consilium voluntatis suæ, ut simus in laudem gloriæ ejus.

Spiritus Sanctus est pignus hereditatis nostræ.

D Pater gloriæ det vobis spiritum sapientiæ in agnitione ejus, illuminatos oculos cordis vestri, ut sciatis quæ sit spes vocationis ejus, etc.

(Nota de quatuor ordinibus angelorum.) Deus constituit Christum ad dexteram suam in cœlestibus, supra omnem Principatum, et Potestatem, et Virtutem, et Dominationem.

CAPITULUM II. — Nos aliquando conversati sumus in deliciis* carnis nostræ, facientes voluntatem carnis et cogitationum ; et era-

*desideriis

mus natura filii iræ sicut et ceteri. Deus A autem, qui dives est in misericordia, propter nimiam caritatem suam qua dilexit nos, quum essemus mortui peccatis, convivificavit nos in Christo, cujus gratia estis salvati.

Gratia salvati estis per fidem : et hoc, non ex vobis, Dei enim donum est ; non ex operibus, ne quis gloriatur.

Christus est pax nostra, qui fecit utraque unum : per crucem dissolvens inimicitias in semetipso.

Jam non estis hospites et advenæ ; sed B estis cives Sanctorum et domestici Dei, superædificati super fundamentum Apostolorum et Prophetarum, ipso summo angulari lapide Christo Jesu, etc.

CAPITULUM III. — Revelatum est sanctis Apostolis et Prophetis in spiritu, esse gentes coheredes, et concorporales, et participes promissionis Dei in Christo Jesu.

(Nota de sancta Trinitate.) Flecto genua mea ad Patrem Domini nostri Jesu Christi, ex quo omnis paternitas in cœlo et in terra nominatur : ut det vobis secundum divitias gloriæ suæ virtutem corroborari per Spiritum Sanctum in interiori homine, habitare Christum per fidem in cordibus vestris, in caritate radicati et fundati, ut possitis comprehendere cum omnibus sanctis, quæ sit longitudo, et latitudo, et sublimitas, et profundum.

Ei autem qui potens est omnia facere superabundanter quam petimus aut intelligimus, ipsi gloria in sæcula sæculorum. Amen.

CAPITULUM IV. — (Nota optime et fac.) D Obsecro vos in Domino, ut digne ambuletis vocatione qua vocati estis : cum omni humilitate et mansuetudine, cum patientia supportantes invicem in caritate, solliciti servare unitatem spiritus in vinculo pacis.

Unus Dominus, una fides, unum Baptisma. Unus Deus et Pater omnium, qui est super omnes, et per omnia, et in omnibus nobis.

Unicuique autem nostrum data est gratia secundum mensuram donationis Chri-

sti, etc. Occurramus omnes in unitatem fidei, in virum perfectum, in mensuram ætatis plenitudinis Christi. Non jam simus parvuli fluctuantes, nec circumferamur omni vento doctrinæ.

Deponite vos secundum pristinam conversationem, veterem hominem, qui corrumpitur secundum desideria erroris. Renovamini autem spiritu mentis vestræ, et induite novum hominem, qui secundum Deum creatus est.

Irascimini, et nolite peccare. Sol non occidat super iracundiam vestram. Nolite locum dare diabolo. Omnis sermo malus ex ore vestro non procedat. Nolite contristare Spiritum Sanctum Dei.

Omnis amaritudo et ira, et indignatio, et clamor tollatur a vobis. Estote invicem benigni, misericordes, donantes invicem, sicut et Deus in Christo donavit nobis.

CAPITULUM V. — Estote imitatores Dei, sicut filii carissimi ; et ambulate in dilectione, sicut et Christus dilexit nos, et tradidit semetipsum pro nobis oblationem C et hostiam Deo in odorem suavitatis.

Nemo vos seducat inanibus verbis.

Eratis aliquando tenebræ, nunc autem lux in Domino. Ut filii lucis ambulate, probantes quid sit beneplacitum Deo.

Surge, qui dormis, et exsurge a mortuis, et illuminabit te Christus.

Videte, fratres, quomodo caute ambuletis, redimentes tempus, quoniam dies mali sunt.

Nolite inebriari vino, in quo est luxuria ; sed implemini Spiritu Sancto, loquentes vobismetipsis in psalmis, et hymnis, et canticis spiritualibus, cantantes et psallentes in cordibus vestris Domino, gratias agentes pro omnibus semper, etc.

Subjecti estote invicem in timore Dei.

Vir caput est mulieris, sicut et Christus est caput Ecclesiæ.

Christus dilexit Ecclesiam, et tradidit semetipsum pro ea, ut illam sanctificaret, mundans illam lavacro aquæ in verbo vitæ, ut exhiberet sibi gloriosam Ecclesiam, non habentem maculam neque rugam, etc.

Nemo unquam carnem suam odio habuit, sed fovet, etc.

Erunt duo in carne una. Sacramentum hoc magnum est : ego autem dico in Christo et in Ecclesia. Unusquisque uxorem suam sicut semetipsum diligit.

CAPITULUM VI. — Filii, obedite parentibus vestris in Domino, etc.

Patres, nolite ad iracundiam provocare filios vestros, sed educate illos in disciplina et correptione Domini.

Fratres, confortamini in Domino, et in potentia virtutis ejus. Induite vos armatu-

ram Dei, ut possitis stare adversus insidias diaboli.

Non est nobis colluctatio adversus carnem et sanguinem, sed adversus principes et potestates, contra spiritualia nequitiae in caelestibus, etc.

Accipite armaturam Dei, ut possitis resistere in die malo : induti loricae justitiae, in omnibus sumentes scutum fidei, in quo possitis omnia tela nequissimi ignea extinguere, etc.

Orate omni tempore in spiritu, vigilantes in omni instantia et obsecratione, etc.

EPISTOLA AD PHILIPPENSES

CONTINET CAPITULA QUATUOR. IN QUA APOSTOLUS PHILIPPENSES COLLAUDAT, QUOD ACCEPTO VERBO VERITATIS, PERSTITERUNT IN FIDE, NEC FALSOS RECEPERUNT APOSTOLOS.

CAPITULUM I. — Confido quia qui coepit B in vobis opus bonum, perficiet.

Et hoc oro, ut caritas vestra magis ac magis abundet in scientia, ut probetis potentiora, ut sitis sinceri et sine offensione.

In omni fiducia magnificabitur Christus in corpore meo, sive per vitam, sive per mortem.

Mihi vivere Christus est, et mori lucrum. Desiderium habeo dissolvi et esse cum Christo : multo enim melius.

Tantum digne Evangelio Christi conversamini, etc.

Vobis donatum est pro Christo, non solum ut in illum credatis, sed ut etiam pro illo patiamini, etc.

CAPITULUM II. — Si qua consolatio in Christo, si quod solatium caritatis, si qua societas, si qua viscera misericordiae, implete gaudium meum, ut idem sapiatis, unanimes, et id ipsum sentientes. Nihil agite per contentionem, neque per inanem gloriam, sed per humilitatem superiores sibi invicem arbitrantes : non quae sua sunt singuli considerantes, sed quae ali-

Christus quum in forma Dei esset, non rapinam arbitratus est esse se aequalem Deo ; sed semetipsum exinanivit, etc. Humiliavit semetipsum factus obediens usque ad mortem, mortem autem crucis. Propter quod, etc. In nomine Jesu omne genu flectatur, caelestium, terrestrium et infernorum, etc.

Deus operatur in vobis velle et perficere, pro bona voluntate.

Omnia facite sine murmurationibus : ut sitis sine querela, et simplices filii Dei, in medio nationis pravae atque perversae, inter quos lucetis sicut luminaria in mundo, verbum vitae continentes.

Omnes quae sua sunt quaerunt, non quae Jesu Christi.

CAPITULUM III. — Gaudete in Domino semper.

Existimo omnia detrimentum esse, propter eminentem scientiam Domini nostri Jesu Christi, propter quem omnia arbitror ut stercora, ut Christum lucrificiam.

Fratres, ego non arbitror me comprehendisse. Unum autem, quae quidem retro sunt oblitus, ad ea vero quae priora sunt

extendens me ipsum, ad destinatum persequor, ad bravium vocationis supernæ.

Multi ambulant, quorum finis interitus, quorum deus venter est, et gloria in confusione eorum, qui terrena sapiunt.

Nostra conversatio in cœlis est.

Salvatorem expectamus Dominum nostrum Jesum Christum, qui reformabit corpus humilitatis nostræ, configuratum corpori claritatis suæ.

CAPITULUM IV. — Fratres mei dilectissimi et desideratissimi, gaudium meum et corona mea, sic state in Domino.

Ego te rogo, Germane compar, adjuva illas, etc.

Gaudete in Domino semper; iterum dico, gaudete. Modestia vestra nota sit omnibus hominibus : Dominus prope est. Nihil

A solliciti sitis; sed in omni gratiarum actione et obsecratione, petitiones vestræ innotescant apud Deum. Pax Dei, quæ exsuperat omnem sensum, custodiat corda vestra et intelligentias vestras in Christo Jesu.

De cetero, fratres, quæcumque sunt vera, quæcumque amabilia, quæcumque iusta, etc., hæc cogitate; et Deus pacis erit vobiscum.

Ego didici, in quibus sum, sufficiens esse. Scio humiliari, scio et abundare, ubique et in omnibus institutus sum, et satiari et esurire, etc. Omnia possum in eo qui me confortat.

Deus meus impleat omne desiderium vestrum, secundum divitias suas in Christo Jesu.

EPISTOLA AD COLOSSENSES

HABET CAPITULA QUATUOR. IN QUA APOSTOLUS COLOSSENSES PRÆVENTOS A FALSIS APOSTOLIS CORRIGIT, EOSQUE DE FIDEI VERITATE ADMONET.

CAPITULUM I. — Postulamus ut impleamini agnitione voluntatis Dei, in omni sapientia et intellectu spirituali : ut ambuletis digne Deo per omnia, crescentes in scientia Dei, etc.

(Nota hic quatuor ordines angelorum.) Gratias agimus Deo Patri, qui nos transtulit in regnum Filii dilectionis suæ : qui est imago Dei invisibilis, primogenitus omnis creaturæ, quia in ipso condita sunt universa in cœlis et in terra, visibilia et invisibilia, sive Throni, sive Dominationes, sive Principatus, sive Potestates, etc.

Exhibete vos sanctos, et immaculatos, et irreprehensibiles coram Deo, etc.

CAPITULUM II. — Volo vos scire qualem sollicitudinem habeam pro vobis. Nam si corpore absens sum, tamen spiritu vobiscum sum, gaudens, et videns ordinem vestrum.

C Videte ne quis vos decipiat per philosophiam et inanem fallaciam, etc.

In Christo inhabitat omnis plenitudo divinitatis corporaliter, etc.

CAPITULUM III. — Si consurrexistis cum Christo, quæ sursum sunt quærite, ubi Christus est in dextera Dei sedens; quæ sursum sunt sapite, non quæ super terram. Mortui enim estis, et vita vestra abscondita est cum Christo in Deo.

Mortificate membra vestra quæ sunt super terram, etc., avaritiam, quæ est simulacrorum servitus, etc. Nunc autem deponite iram, indignationem, turpem sermonem de ore vestro.

Exspoliate vos veterem hominem cum actibus suis, et induite novum, qui renovatur in agnitionem Dei, secundum imaginem ejus qui creavit eum.

Induite vos ergo, sicut electi Dei, viscera misericordiæ, benignitatem, humilitatem,

modestiam, patientiam : supportantes in vicem, et donantes vobismetipsis, si quis adversus aliquem habet querelam, sicut et Christus donavit vobis.

Super omnia autem, caritatem habete, quod est vinculum perfectionis. Pax Christi exsultet semper in cordibus vestris : docentes et commonentes vosmetipsos in psalmis et hymnis, etc.

Omne quodcumque facitis in verbo aut in opere, omnia in nomine Domini nostri Jesu Christi facite, gratias agentes Deo et Patri per ipsum.

A Viri, diligite uxores vestras, et nolite amari esse ad illas.

Quodcumque facitis, ex animo agite, etc.

CAPITULUM IV. — Orationi instate, vigilantes in ea in gratiarum actione.

In sapientia ambulate ad eos qui foris sunt. Sermo vester in gratia semper salus conditus, ut sciatis quomodo vos oporteat unicuique respondere. Stetis perfecti et pleni in omni voluntate Dei.

Vide ministerium quod accepisti in Domino, ut illud impleas.

B Gratia Domini Jesu vobiscum. Amen.

EPISTOLA PRIMA AD THESSALONICENSES

HABET CAPITULA QUINQUE. IN QUA APOSTOLUS IPSOS THESSALONICENSES COLLAUDAT :
QUIA VERBO VERITATIS ACCEPTO, QUUM PERSECUTIONEM PATERENTUR A CIVIBUS SUIS,
PERSTITERUNT IN FIDE, NEC FALSOS APOSTOLOS RECEPERUNT.

CAPITULUM I. — Evangelium nostrum non fuit ad vos in sermone tantum, sed et in virtute, et in Spiritu Sancto, et in plenitudine multa.

Conversi estis servire Deo vero et vivo, et exspectare Filium ejus de cœlis.

CAPITULUM II. — Loquimur non quasi hominibus placentes, sed Deo, qui probat corda nostra.

Pervenit ira Dei super Judæos usque in finem.

CAPITULUM III. — Nemo moveatur in tribulationibus, quia in hoc positi sumus.

Nunc vivimus, si vos statis in Domino.

Ipse Deus et Pater noster, et Dominus Jesus Christus dirigat viam nostram, et abundare faciat caritatem vestram in invicem et in omnes.

CAPITULUM IV. — Hæc est voluntas Dei sanctificatio vestra : ut sciat unusquisque vestrum vas suum possidere in sanctificatione et honore.

Ne quis circumveniat fratrem suum.

Itaque qui hæc spernit, non hominem spernit, sed Deum.

C Rogamus vos, fratres, ut abundetis magis, et operam detis ut quieti sitis ; honeste ambuletis ad eos qui foris sunt, et nullius aliquid desideretis.

Nolumus vos ignorare de dormientibus, ut non contristemini sicut et ceteri qui spem non habent. Si enim credimus quod Jesus mortuus est et resurrexit, ita et Deus eos qui dormierunt per Jesum adducet cum eo.

Ipse Dominus in jussu et in voce archangelis, et in tuba Dei, descendet de cœlo, etc.

CAPITULUM V. — Dies Domini, sicut fur in nocte, ita veniet.

Non dormiamus sicut et ceteri, sed vigilemus et sobrii simus, induti lorica fidei et caritatis, et galeam spem salutis.

Christus mortuus est pro nobis, ut sive vigilemus sive dormiamus, simul cum illo vivamus.

Rogamus vos, fratres, ut noveritis eos qui laborant inter vos, et præsumt vobis in Domino, et monent vos, ut habeatis illos abundantius in caritate, propter opus illorum. Pacem habete cum illis.

Corripite inquietos, consolamini pusillanimes, suscipite infirmos, patientes estote ad omnes. Videte ne quis malum pro malo reddat; sed semper quod bonum est sectamini in invicem et in omnes. Semper gaudete. Sine intermissione orate. In omnibus gratias agite. Spiritum nolite extinguere.

A Omnia probate; quod bonum est tenete. Ab omni specie mala abstinete vos.

Deus pacis sanctificet vos per omnia, ut integer spiritus vester, et anima, et corpus sine querela in adventu Domini nostri Jesu Christi servetur. Fidelis Deus qui vocavit vos: qui etiam faciet.

EPISTOLA SECUNDA AD THESSALONICENSES

HABET CAPITULA TRIA. IN QUA APOSTOLUS EOSDEM INSTRUIT
DE TEMPORIBUS NOVISSIMIS; DE ADVENTU, PERSECUTIONE ET FALLACIA ANTICHRISTI;
DE IPSIUS EXALTATIONE ATQUE RUINA.

CAPITULUM I. — In revelatione Domini nostri Jesu Christi, de cœlo cum angelis virtutis ejus, in flamma ignis dantis vindictam his qui non noverunt Deum et qui non obediunt Evangelio Jesu Christi, pœnas dabunt in interitu æternas, a facie Domini, et a gloria virtutis ejus, quum venerit glorificari in Sanctis suis, et admirabilis fieri in omnibus qui crediderunt.

Dignetur vos vocatione sua Deus noster, et impleat omnem voluntatem bonitatis suæ, etc.

CAPITULUM II. — Non cito moveamini a vestro sensu, neque terreamini, neque per spiritum, neque per sermonem, etc.

Nisi venerit discessio primum, et revelatus fuerit homo peccati, filius perditionis, qui adversatur et extollitur supra omne quod dicitur Deus aut quod colitur. (Nota hic de Antichristo.)

Revelabitur ille iniquus, quem Dominus Jesus interficiet spiritu oris sui: cujus est

B adventus secundum operationem Satanæ, in omni virtute, et signis, et prodigiis mendacibus, et in omni seductione iniquitatis.

Dominus noster Jesus Christus, et Deus Pater qui dilexit nos, exhortetur corda vestra, et confirmet in omni opere et sermone bono.

CAPITULUM III. — Orate ut liberemur ab importunis et malis hominibus.

Non omnium est fides.

Subtrahatis vos ab omni fratre ambulante inordinate.

Non inquieti fuimus, nec gratis panem manducavimus, sed in labore et fatigatione, nocte et die operantes, ne quem vestrum gravaremus.

Si quis non vult operari, non manducet.

Obsecramus ut cum silentio operantes, suum panem manducent.

Si quis non obedierit verbo nostro, per epistolam hunc notate, et ne commisceamini cum illo, ut confundatur, etc.

EPISTOLA PRIMA AD TIMOTHEUM

HABET CAPITULA SEX. IN QUA TIMOTHEUM APOSTOLUS INSTRUIT DE ORDINATIONE ET OFFICIO
EPISCOPATUS, DIACONATUS, ATQUE OMNIS ECCLESIASTICÆ DISCIPLINÆ.

CAPITULUM I. — Finis præcepti est caritas de corde puro, et conscientia bona, et fide non ficta : a quibus quidam aberrantes, conversi sunt in vaniloquium, volentes esse legis doctores, etc.

Scimus quia bona est lex, si quis ea legitime utatur. Justo non est lex posita, sed injustis et non subditis, etc.

Gratias ago ei qui me confortavit in Christo Jesu.

Fidelis sermo, et omni acceptione dignus, quia Christus Jesus venit in hunc mundum peccatores salvos facere : quorum primus ego sum.

Regi autem sæculorum immortalis, invisibili, soli Deo, honor et gloria in sæcula sæculorum. Amen.

Hoc præceptum commendo tibi, fili, ut milites bonam militiam, habens fidem et conscientiam bonam : quam quidam repellentes, circa fidem naufragaverunt.

CAPITULUM II. — Obsecro primum omnium fieri obsecrationes, orationes, postulationes, gratiarum actiones, pro omnibus hominibus, pro regibus et omnibus qui in sublimitate sunt constituti, ut quietam et tranquillam vitam agamus in omni pietate.

Deus omnes homines vult salvos fieri, et ad agnitionem veritatis venire.

Unus est mediator Dei et hominum, homo Christus Jesus.

Volo viros orare in omni loco, levantes puras manus, sine ira et disceptatione.

Mulier in silentio discat cum omni humilitate. Docere autem mulieri non permitto, neque dominari in virum, sed esse in silentio. Adam non est seductus, mulier autem seducta in prævaricatione fuit.

CAPITULUM III. — Si quis episcopatum

desiderat, bonum opus desiderat. Oportet ergo episcopum irreprehensibilem esse, sobrium, prudentem, ornatum, pudicum, hospitalem, doctorem, non percussorem, non litigiosum, etc., non neophytum, ne in superbiam elatus in iudicium incidat diaboli. Oportet autem illum testimonium habere bonum ab his qui foris sunt.

Diaconos similiter pudicos, non bilinguos, etc., habentes mysterium fidei in conscientia pura : et sic ministrent, nullum crimen habentes.

B Scias quomodo oporteat te in domo Dei conversari, quæ est Ecclesia Dei vivi, columna et firmamentum veritatis.

Manifeste magnum est pietatis sacramentum, quod manifestatum est in carne, justificatum est in Spiritu, apparuit angelis, prædicatum est gentibus, creditum est in mundo, assumptum est in gloria.

CAPITULUM IV. — In novissimis temporibus discedent quidam a fide, attendentes spiritibus erroris, etc.

C Omnis creatura Dei bona est, et nihil rejiciendum quod cum gratiarum actione percipitur. Sanctificatur enim per Verbum Dei et orationem.

Ineptas et aniles fabulas devita ; exercee autem te ipsum ad pietatem. Nam corporalis exercitatio ad modicum utilis est ; pietas autem ad omnia utilis est, promissionem habens vitæ quæ nunc est et futuræ.

Nemo adolescentiam tuam contemnat. Esto exemplum fidelium in verbo, in conversatione, in caritate. Attende lectioni, exhortationi, doctrinæ. Noli negligere gratiam quæ in te est, quæ data est tibi.

Hæc meditare, in his esto, ut profectus tuus manifestus sit omnibus. Hoc enim

faciens, te ipsum salvum facies, et eos qui A te audiunt.

CAPITULUM V. — Seniore[m] ne increpaveris, sed obsecra ut patrem; juvenes, ut fratres; anus, ut matres, etc.

Viduas honora, quæ veræ viduæ sunt. Nam quæ in deliciis est, vivens mortua est.

Si quis autem suorum, et maxime domesticorum, curam non habet, fidem negavit, et est infideli deterior.

Qui bene præsunt presbyteri, duplici honore digni habeantur, maxime qui laborant in verbo et doctrina.

Adversus presbyterum accusationem noli recipere, nisi sub duobus aut tribus testibus. Peccantes coram omnibus argue, ut ceteri timorem habeant. Sine præjudicio nihil facias, in aliam partem declinando. Manus nemini cito imposueris, neque communicaveris peccatis alienis.

Modico vino utere, propter stomachum tuum et frequentes tuas infirmitates.

CAPITULUM VI. — Qui sub iugo sunt servi, dominos suos omni honore dignos arbitrentur.

Superbus nihil sciens, languens circa quæstiones et pugnas verborum, ex quibus oriuntur invidiæ, contentiones, etc.

Est autem quæstus magnus, pietas cum sufficientia. Nihil intulimus in hunc mundum, haud dubium quia nec auferre quid possumus. Habentes autem alimenta et quibus tegamur, his contenti simus.

Qui volunt divites fieri, incidunt in tentationem et laqueum diaboli. Radix omnium malorum est cupiditas.

Tu autem, o homo Dei, hæc fuge. Sectare vero justitiam, pietatem, fidem, caritatem, patientiam, mansuetudinem. Certa bonum certamen fidei.

Serva mandatum sine macula, irreprehensibile, usque ad adventum Domini nostri Jesu Christi, quem ostendet beatus, et solus potens, Rex regum et Dominus dominantium, qui solus habet immortalitatem, et lucem habitat inaccessibilem, quem nullus hominum vidit, sed nec videre potest: cui honor et gloria et imperium in sempiternum. Amen.

Divitibus hujus sæculi præcipe non sublime sapere, neque sperare in incerto divitiarum, sed in Deo vivo, qui præstat nobis omnia abunde, etc., divites fieri in operibus bonis, facile tribuere.

O Timothee, devita profanas vocum novitates, et oppositiones falsi nominis scientiæ, etc.

EPISTOLA SECUNDA AD TIMOTHEUM

HABET CAPITULA QUATUOR. IN QUA HORTATUR APOSTOLUS IPSUM TIMOTHEUM AD CORONAM MARTYRII: INFORMATQUE EUM DE OMNI REGULA CATHOLICÆ VERITATIS, ET QUID FUTURUM SIT NOVISSIMIS TEMPORIBUS, ET DE SUA PASSIONE.

CAPITULUM I. — Admoneo te ut resuscites gratiam Dei quæ in te est. Non enim dedit Deus nobis spiritum timoris, sed virtutis, et dilectionis, et sobrietatis. Noli erubescere testimonium Domini nostri Jesu Christi, neque me.

Deus liberavit nos, et vocavit nos vocatione sua sancta, non secundum opera nostra, sed secundum propositum suum et

D gratiam quæ data est nobis in Christo Jesu ante tempora sæcularia; manifestata est autem nunc, etc.

Scio cui credidi, et certus sum quia potens est depositum meum servare in illum diem.

Formam habe sanorum verborum in fide, in dilectione Jesu, per Spiritum Sanctum qui habitat in nobis.

CAPITULUM II. — Tu ergo, fili mi, con- A fortare in gratia Jesu Christi. Hæc com- menda fidelibus hominibus, qui idonei erunt alios docere. Labora sicut bonus miles Christi Jesu. Nemo militans Deo, implicat se negotiis sæcularibus.

Intellige quæ dico. Dabit enim tibi Dominus de omnibus intellectum.

Fidelis sermo : si commortui sumus, et convivemus ; si sustinemus, et conregnabimus, etc.

Noli verbis contendere : ad nihil enim utile est, nisi ad subversionem audientium. Sollicite cura te ipsum probabilem exhibere Deo, operarium inconfusibilem, recte tractantem verbum veritatis.

Sermo vaniloquorum ut cancer serpit.

Firmum fundamentum Dei stat, habens signaculum hoc : Cognovit Dominus qui sunt ejus ; et discedat ab iniquitate omnis qui invocatur nomen Domini. (Nota in textu quæ loquitur de prædestinatis et reprobis.) In magna domo, non solum sunt vasa aurea vel argentea, sed et lignea et fictilia, etc.

Juvenilia vero desideria fuge. Sectare C autem justitiam, fidem, caritatem et pacem. Stultas autem et sine disciplina quæstiones devita, sciens quia generant lites.

Servum Domini non oportet litigare, sed docibilem esse ad omnes, patientem, cum modestia corripientem.

Det Deus illis pœnitentiam ad cognoscendam veritatem, et resipiscant a la-

queis diaboli, a quo captivi detinentur ad ipsius voluntatem.

CAPITULUM III. — Scito quod in novissimis diebus instabunt tempora periculosa : et erunt homines se ipsos amantes, cupidi, elati, sine affectione, sine pace, criminatores, etc., voluptatis amatores magis quam Dei, habentes speciem quidem pietatis, virtutem autem ejus abnegantes. Et hos devita. Quemadmodum Jannes et Mambres restiterunt Moysi, ita et hi resistunt veritati ; sed non proficient, etc.

B Omnes qui pie volunt vivere in Christo, persecutionem patientur.

Tu vero permane in his quæ didicisti, et quia ab infantia sacras litteras nosti, quæ te possunt instruere.

Omnis scriptura divinitus inspirata utilis est ad docendum, ad arguendum, ad corripiendum, ad erudiendum in justitia ; ut perfectus sit homo, ad omne opus bonum instructus.

CAPITULUM IV. — Prædica verbum ; insta opportune, importune ; argue, obsecra, increpa in omni patientia.

Erit tempus quum sanam doctrinam non sustinebunt, sed ad desideria sua coacervabunt sibi magistros, etc.

Tu vero vigila, in omnibus labora, ministerium tuum imple. Sobrius esto.

Bonum certamen certavi, cursum consummavi, fidem servavi. De reliquo reposita est mihi corona justitiæ, etc.

EPISTOLA AD TITUM

HABET CAPITULA TRIA. IN QUA TITUM INSTRUIT APOSTOLUS DE CONSTITUTIONE PRESBYTERORUM ET DE CONVERSATIONE SPIRITUALI, ATQUE HERETICIS VITANDIS.

CAPITULUM I. — Oportet episcopum sine D crimine esse, sicut Dei dispensatorem ; non superbum, non iracundum, etc. (Quære.)

Sunt multi inobedientes et vaniloqui, quos oportet redargui.

Omnia munda mundis ; coinquinatis au-

tem et infidelibus nihil est mundum, sed inquinatæ sunt eorum mens et conscientia. Confitentur se nosse Deum, factis autem negant, quum sint abominati et reprobi.

CAPITULUM II. — Tu loquere quæ decent sanam doctrinam : senes ut sobrii sint,

puclci, prudentes, etc. Juvencs exhortare A ut sobrii sint, etc.

In omnibus te ipsum præbe exemplum bonorum operum, in doctrina, in integritate, in gravitate, verbum sanum, irreprehensibile, ut is qui ex adverso est nihil mali habeat loqui de nobis.

Apparuit gratia Dei Salvatoris nostri omnibus hominibus, erudiens nos ut abnegantes impietatem et sæcularia desideria, sobrie et juste et pie vivamus in hoc sæculo, expectantes beatam spem, et adventum gloriæ magni Dei.

Loquere, et exhortare, et argue cum omni imperio. Nemo te contemnat.

CAPITULUM III. — Apparuit benignitas et humanitas Salvatoris nostri Dei. Non ex operibus justitiæ quæ fecimus nos, sed secundum suam misericordiam salvos nos fecit.

Hæreticum hominem post unam et secundam correptionem devota, sciens quia subversus est qui ejusmodi est.

Discant nostri bonis operibus præesse ad usus necessarios, ut non sint infructuosi.

EPISTOLA AD PHILEMONEM

CAPITULUM HABET UNICUM. COMMENDAT IN EA APOSTOLUS PHILEMONEM DE FIDE ET CARITATE IN SANCTOS ; ET ROGAT EUM UT INDULGEAT ONESIMO SERVO SUO, ET IPSUM BENIGNE SUSCIPIAT.

Multam fiduciam habens in Christo Jesu C imperandi tibi quod ad rem pertinet, propter caritatem magis obsecro.

Tu autem illum (scilicet fratrem), id est viscera mea, suscipe. Sine consilio tuo nihil volui facere. Si aliquid nocuit tibi aut

debet, hoc mihi imputa. Ita, frater, ego te fruam in Domino ; refice viscera mea in Christo.

Confidens de obedientia tua scripsi tibi, sciens quoniam et super id quod dico facies, etc.

EPISTOLA AD HEBRÆOS

CONTINET CAPITULA TREDECIM. OSTENDIT IN EA APOSTOLUS DEFECTUM ET EVACUATIONEM LEGIS MOSAICÆ, ET PERFECTIONEM LEGIS EVANGELICÆ. OSTENDIT ITEM ET QUOD CHRISTUS VERUS DEUS SIT ET HOMO, DEI ET HOMINUM MEDIATOR.

CAPITULUM I. — Multifarie multisque modis olim Deus loquens patribus in Prophetis, novissime diebus istis locutus est nobis in Filio, quem constituit heredem universorum, per quem fecit et sæcula. Qui quum sit splendor gloriæ et figura substantiæ ejus, portansque omnia verbo virtutis suæ, purgationem peccatorum faciens, sedet ad dexteram majestatis in excelsis : tanto me-

lior angelis effectus, quanto differentius præ illis nomen hereditavit. Cui enim dixit aliquando angelorum, Filius meus es tu, ego hodie genui te ? Nonne omnes sunt administratorii spiritus, in ministerium missi propter eos qui hereditatem capiunt salutis ?

(Nota in isto capitulo multa testimonia de divinitate Christi in littera.)

CAPITULUM II. — Abundantius oportet A nos observare ea quæ audivimus, ne per-effluamus. Quomodo enim effugiemus, si tantam neglexerimus salutem, quæ in nos confirmata est, contestante Deo signis, et portentis, et virtutibus, et Spiritus Sancti distributionibus?

Non angelis subiecit Deus orbem terræ.

Eum qui modico quam angeli minora-tus est, videmus Jesum, propter passionem mortis, gloria et honore coronatum, ut gratia Dei pro omnibus gustaret mortem. Decebat eum, propter quem omnia et per B quem omnia, qui multos filios in gloriam adduxerat, auctorem salutis eorum per passionem consummare.

Unde debuit per omnia fratribus simila-ri, ut misericors fieret et fidelis pontifex ad Deum. In quo enim passus est ipse et tentatus, potens est eis qui tentantur au-xiliari.

CAPITULUM III. — Fratres sancti, vocati-onis cœlestis participes, considerate apo-stolum et pontificem confessionis nostræ Jesum.

Moses quidem fidelis erat in tota domo Dei tanquam famulus; Christus vero tan-quam filius in domo sua : quæ domus su-mus nos, si fiduciam et gloriam spei usque ad finem firmam retineamus.

Quapropter, sicut dicit Spiritus Sanctus, Hodie si vocem ejus audieritis, nolite ob-durare corda vestra, etc.

Videte, fratres, ne forte sit in aliquo vestrum cor malum incredulitatis, disce-dendi a Deo vivo et vero; sed adhortamini vosmetipsos per singulos dies, ut non ob-D duretur quis ex vobis fallacia peccati.

CAPITULUM IV. — Non profuit illis sermo auditus, non admixtus fidei.

Festinemus ingredi in illam requiem. Vivus est enim sermo Dei et efficax, et penetrabilior omni gladio ancipiti, et per-tingens usque ad divisionem animæ ac spi-ritus. Et non est ulla creatura invisibilis in conspectu ejus. Omnia autem nuda et aperta sunt oculis ejus, ad quem nobis sermo, etc.

Habentes pontificem magnum qui pe-netravit cœlos, Jesum Filium Dei, teneamus spei nostræ confessionem. Non enim habemus pontificem qui non possit com-pati infirmitatibus nostris, etc. Adeamus ergo cum fiducia ad thronum gratiæ ejus, ut misericordiam consequamur, et grati-am inveniamus in auxilio opportuno.

CAPITULUM V. — Nec quisquam sumit sibi honorem, sed qui vocatur a Deo, tan-quam Aaron. Sic et Christus non semet-ipsum clarificavit ut pontifex fieret, etc. Et quum esset Filius Dei, didicit ex his quæ passus est, obedientiam, etc.

Quum deberetis magistri esse propter tempus, rursum indigetis ut vos doceami-ni quæ sint elementa exordii sermonis Dei; et facti estis quibus lacte opus sit, non solido cibo.

Omnis qui lactis est particeps, expers est sermonis justitiæ : parvulus enim est. Perfectorum autem est solidus cibus : eo-rum qui pro consuetudine exercitatos ha-bent sensus ad discretionem boni ac mali.

CAPITULUM VI. — Intermittentes igitur inchoationis Christi sermonem, ad perfe-ctionem feramur, ut non segnes efficiami-ni, etc.

Abraham longanimiter ferens, adeptus est repromissionem.

Abundantius volens Deus ostendere pol-licitationis heredibus immobilitatem con-silii sui, interposuit jusjurandum, ut per duas res immobiles, quibus impossibile est mentiri Deum, fortissimum solatium habeamus, etc.

Præcursor pro nobis introiit Jesus, se-cundum ordinem Melchisedech factus sa-cerdos in æternum.

CAPITULUM VII. — (Nota hic de Melchise-dech, et sacerdotio Christi, etc. Quære.) Melchisedech, rex Salem, quod est rex pacis, sine patre, sine matre, etc., assi-milatus Filio Dei, etc.

Sine ulla contradictione, quod minus est a majore benedicatur.

Translato sacerdotio, necesse est ut legis translatio fiat.

Manifestum est quod ex Juda ortus sit A Dominus noster.

Nihil ad perfectum adduxit lex. Introductio vero melioris spei, per quam approximamus ad Deum.

Christus eo quod maneat in æternum, sempiternum habet sacerdotium. Unde et salvare potest in perpetuum, accedens per semetipsum ad Deum, semper vivens ad interpellandum pro nobis. Talis decebat ut esset nobis pontifex, sanctus, innocens, impollutus, et excelsior cœlis factus, etc.

CAPITULUM VIII. — Talem habemus pontificem, qui consedit in dextera sedis magnitudinis in cœlis, sanctorum minister et tabernaculi veri quod fixit Deus et non homo.

Responsum est Moysi: Vide, omnia facito secundum exemplar quod tibi ostensum est in monte.

(Nota in isto capitulo testimonium Jeremiæ de novo Testamento.)

Quoniam ipsi non permanserunt in testamento meo, ego neglexi eos, dicit Dominus.

Quod antiquatur et senescit prope interitum est.

CAPITULUM IX. — Christus adsistens pontifex futurorum bonorum, etc., per proprium sanguinem introivit semel in Sancta, etc.

Si sanguis hircorum et vitulorum inquinatos sanctificat, quanto magis sanguis Christi, qui per Spiritum Sanctum semetipsum obtulit immaculatum Deo, emundabit conscientiam nostram ab operibus mortuis, ad serviendum Deo?

Novi testamenti Jesus mediator est, etc.

Ubi testamentum est, mors necesse est intercedat testatoris. Testamentum enim in mortuis confirmatum est: alioqui nondum valet dum vivit qui testatus est.

Omnia pene in sanguine mundantur secundum legem, et sine sanguinis effusione non fit remissio.

Non in manufacta Sancta Jesus introiit exemplaria verorum, sed in ipsum cœlum, ut appareat nunc vultui Dei pro nobis.

Quemadmodum hominibus statutum est semel mori, post hoc autem iudicium; sic et Christus semel oblatus est ad multorum exhaurienda peccata. Secundo autem sine peccato apparebit exspectantibus se, in salutem.

CAPITULUM X. — Umbram habens lex futurorum bonorum, non ipsam imaginem rerum, etc., nunquam potest accedentes perfectos facere.

Impossibile est sanguine hircorum et taurorum auferri peccata.

B Sanctificati sumus per oblationem corporis Jesu Christi semel.

Christus unam pro peccatis offerens hostiam, in sempiternum sedet in dextera Dei, de cetero exspectans donec ponantur inimici ejus scabellum pedum ejus.

Habentes, fratres, fiduciam in introitu Sanctorum in sanguine Christi, etc., accedamus cum corde vero in plenitudine fidei, adpersi corda a conscientia mala; teneamus spei nostræ confessionem indeclinabilem: fidelis est enim qui repromisit. Consideremus invicem in provocatione caritatis et bonorum operum: non deserentes collectionem nostram, sicut est consuetudinis quibusdam, sed consolantes, etc.

C Terribilis quædam est exspectatio iudicii, et ignis æmulatio, quæ consumptura est adversarios. Irritam quis faciens legem Moysis, sine ulla miseratione duobus vel tribus testibus moritur: quanto magis putatis deteriora mereri supplicia, qui Filium Dei conculcaverit, et sanguinem testamenti pollutum duxerit, et spiritui gratiæ contumeliam fecerit? Horrendum est incidere in manus Dei viventis.

Vinctis compassi estis, et rapinam bonorum vestrorum cum gaudio suscepistis. Patientia vobis necessaria est, ut voluntatem Dei facientes, reportetis promissionem.

Justus meus ex fide vivit: quod si subtraxerit se, non placebit animæ meæ. Nos autem non sumus subtractionis filii in perditionem, sed fidei in acquisitionem animæ.

CAPITULUM XI. — Est autem fides spe-

randarum substantia rerum, argumentum non apparentium. In hac testimonium consecuti sunt senes.

Fide intelligimus aptata esse sæcula verbo Dei, ut ex invisibilibus visibilia fierent.

(Nota in isto capitulo de fide antiquorum Sanctorum.)

Fide Enoch translatus est, ne videret mortem.

Sine fide impossibile est placere Deo. Credere enim oportet accedentem ad Deum quia est, et inquirentibus se remuneratorem sit.

Exspectabat Abraham fundamenta habentem civitatem, cujus artifex et conditor Deus.

Juxta fidem defuncti sunt omnes isti, non acceptis repromissionibus, sed a longe eas adspicientes et salutantes, et confitentes quia peregrini et hospites sunt super terram. Qui enim hæc dicunt, significant se patriam inquirere.

Magis elegit Moyses affligi cum populo Dei, quam temporalis peccati habere jucunditatem : majores divitias æstimans thesauro Ægyptiorum, improprium Christi. Invisibilem enim tanquam videns sustinuit.

Fide transierunt mare Rubrum tanquam per aridam terram, etc.

(Nota. Samson ponitur in numero Sanctorum.) Quid dicam de Gedeon, Barac, Samson, Jephthe, David, Samuel, et aliis Prophetis? qui per fidem vicerunt regna, operati sunt justitiam, adepti sunt repromissiones in Christo Jesu Domino nostro. Ludibria et verbera experti, egentes, angustiat, afflicti; quibus dignus non erat mundus; in solitudinibus errantes, in montibus et in speluncis, et in cavernis terræ, etc.

CAPITULUM XII. — Ideoque et nos tantam habentes impositam nobis nubem testium, deponentes omne pondus et circumstans nos peccatum, per patientiam curramus ad propositum nobis certamen : adspicientes in auctorem fidei et consummatorem Jesum, etc. Recogitate eum qui talem sus-

tinuit a peccatoribus adversus semetipsum contradictionem, ut non fatigemini animis vestris. Nondum enim usque ad sanguinem restitistis, etc.

Fili mi, noli negligere disciplinam Domini, etc.

In disciplina perseverate : tanquam filiis vobis se offert Deus. Quis enim filius quem non corripit pater? Quod si extra disciplinam estis, ejus participes facti sunt omnes, ergo adulteri, et non filii estis. Omnis disciplina in præsentem videtur non esse gaudii, sed mœoris; postea autem fructum pacatissimum exercitatis per eam reddet justitiæ.

Pacem sequimini cum omnibus, et sanctimoniam, sine qua nemo Deum videbit : contemplantes ne qua radix amaritudinis sursum germinans impediatur, et per illam inquinentur multi.

Accessistis ad montem Sion, et civitatem Dei viventis, et Jerusalem cœlestem, et multorum millium angelorum frequentiam, et Ecclesiam primitivorum, qui conscripti sunt in cœlis, et judicem omnium Deum, et spiritum justorum perfectorum, etc.

Serviamus placentes Deo, cum metu et reverentia. Etenim Deus noster ignis consumens est.

CAPITULUM XIII. — Caritas fraternitatis maneat vobiscum; et hospitalitatem nolite oblivisci. Mementote vincitorum, tanquam simul vincti. Honorabile connubium, et torus immaculatus.

Mementote præpositorum vestrorum, qui vobis locuti sunt verbum Dei : quorum intuentes exitum, imitamini fidem.

Jesus Christus heri et hodie, ipse et in sæcula.

Doctrinis variis et peregrinis nolite abduci. Optimum est gratia stabiliri cor, non escis.

Jesus, ut sanctificaret populum, extra portam passus est. Exeamus igitur ad eum extra castra, improprium ejus portantes. Non enim habemus hic manentem civitatem, sed futuram inquiremus. Per

ipsum ergo offeramus hostiam laudis Deo A semper.

Beneficentiæ et communionis nolite oblivisci: talibus enim hostiis placatur Deus.

Obedite præpositis vestris et subjacete eis. Ipsi enim pervigilant, quasi rationem pro animabus vestris reddituri: ut cum gaudio hoc faciant, et non gementes. Hoc enim expedit vobis.

Deus pacis, qui eduxit de mortuis pastorem magnum, Dominum nostrum Jesum Christum, aptet vos in omni bono, ut faciatis ejus voluntatem, faciens in vobis quod placeat coram se per Jesum Christum, cui est gloria in sæcula sæculorum.

Rogo vos, fratres, ut sufferatis verbum solatii. Etenim perpaucis scripsi vobis.

LIBER ACTUM APOSTOLORUM

CONTINET CAPITULA VIGINTI OCTO. DECLARAT IN EO SANCTUS LUCAS, CHRISTO IN COELUM ASSUMPTO, VISIBILEM SPIRITUS SANCTI MISSIONEM, GESTAQUE APOSTOLORUM ET PRÆCIPUE PAULI; ATQUE INFANTIAM NASCENTIS ECCLESIAE DESCRIBIT.

CAPITULUM I. — Cœpit Jesus facere et docere, usque in diem, etc., qua assumptus est.

Præbuit Jesus se ipsum vivum post passionem suam in multis argumentis, per dies quadraginta apparens eis, et loquens de regno Dei.

Dixit Jesus Apostolis: Non est vestrum nosse tempora vel momenta quæ Pater posuit in sua potestate.

Videntibus illis elevatus est, et nubes suscepit eum ab oculis eorum.

Duo viri (id est angeli) dixerunt Apostolis: Hic Jesus qui assumptus est a vobis in cœlum, sic veniet quemadmodum vidistis eum euntem in cœlum.

Omnes erant perseverantes unanimiter in oratione, cum mulieribus, et Maria matre Jesu, et fratribus ejus.

Suspensus Judas crepuit medius, et diffusa sunt omnia viscera ejus. Fiat commotio, etc. (Hic Petrus apostolus conjungit ex duobus psalmis unum testimonium.)

Cecidit sors super Matthiam. (Nota expositionem de hac sorte.)

CAPITULUM II. — Quum complerentur dies Pentecostes, erant omnes pariter in eodem loco, etc. Apparuerunt Apostolis dispersitæ linguæ tanquam ignis, seditque

B supra singulos eorum. Et repleti sunt omnes Spiritu Sancto.

Cœperunt Apostoli loqui variis linguis, prout Spiritus Sanctus dabat eloqui illis. Et audiebat unusquisque lingua sua illos loquentes.

Omnis quicumque invocaverit nomen Domini, salvus erit. (Nota hic testimonium Joelis prophetæ de missione Spiritus Sancti in Christi discipulos.)

Jesum Nazarenum, virum justum et approbatum a Deo in vobis, virtutibus, et prodigiis, et signis, quæ fecit per illum Deus in medio vestri (o viri Israelitæ), hunc definito consilio et præscientia Dei traditum interemistis: quem Deus suscitavit, etc. (dixit Petrus ad illos).

(Nota in littera testimonium David de Christi resurrectione.) Christus neque relictus est in inferno, neque caro ejus vidit corruptionem. Hunc Jesum suscitavit Deus, etc.

Dixit Petrus: Pœnitentiam agite, et baptizetur unusquisque vestrum in nomine D Jesu Christi, in remissionem peccatorum. Separamini a generatione ista prava.

Appositæ sunt illa die animæ circiter tria millia (id est, tria millia Judæorum die Pentecostes crediderunt).

Erant (Christiani) perseverantes in doctrina Apostolorum, et communicatione fractionis panis, et orationibus. (Istud erat in Jerusalem in principio Ecclesiæ, misso Spiritu Sancto.)

Multa prodigia et signa fiebant per Apostolos in Jerusalem, et metus erat magnus in universis.

Omnes qui credebant erant pariter, et erant eis omnia communia; et sumebant cibum cum exultatione et simplicitate cordis, et laudabant Deum, habentes gratiam ad omnem plebem.

CAPITULUM III. — Petrus dixit: Argentum et aurum non est mihi; quod autem habeo, tibi do. In nomine Jesu Christi Nazareni, surge et ambula, etc.

Respondit Petrus: Viri Israelitæ, Deus patrum nostrorum glorificavit Filium suum Jesum, quem vos quidem tradidistis et negastis ante faciem Pilati, etc. Sanctum et Justum negastis, et auctorem vitæ interfecistis, quem Deus suscitavit.

Fratres, scio quod per ignorantiam fecistis, sicut et principes vestri. Deus qui prænuntiavit per os omnium Prophetarum suorum pati Christum suum, implevit sic.

Pœnitementini ergo, et convertimini, ut deleantur peccata vestra.

Moyses dixit: Prophetam suscitabit vobis de fratribus vestris tanquam me, etc. (Istud de Christo exponitur.) Omnes Prophetæ a Samuel et deinceps, annuntiaverunt dies Christi, etc.

Primum Deus suscitans Filium suum, misit eum ut convertat se unusquisque a nequitia sua.

CAPITULUM IV. — Factus est numerus virorum credentium quinque millia.

Jesus Christus est lapis qui reprobatus est ab ædificantibus, qui factus est in caput anguli; et non est in aliquo alio salus. Nec enim aliud nomen est sub cœlo datum hominibus, in quo oporteat vos salvos fieri.

Videntes principes Judæorum Petri et Joannis constantiam, comperto quod homines essent sine litteris et idiotæ, mira-

bantur. Manifestum est, et non possumus negare.

Dixit Petrus: Si justum est in conspectu Dei vos potius audire quam Deum, judicate.

Convenerunt adversus sanctum puerum tuum (Domine) Jesum, quem unxisti, Pontius Pilatus et Herodes cum gentibus et populis Israel, facere quæ manus tua et consilium tuum decreverunt fieri. Et nunc, Domine, respice et da servis tuis cum omni fiducia loqui verbum tuum.

B Et quum orassent discipuli, motus est locus in quo erant, et repleti sunt Spiritu Sancto, et loquebantur verbum Dei cum fiducia.

Multitudinis credentium erat cor unum et anima una. Nec quisquam, eorum quæ possidebat, aliquid suum esse dicebat; sed erant illis omnia communia.

Virtute magna reddebant Apostoli testimonium resurrectionis Domini nostri Jesu Christi, etc.

C Nec quisquam egens erat inter eos. Quotquot possessores agrorum aut domorum erant, vendentes afferebant pretia eorum quæ vendebant, et ponebant ante pedes Apostolorum. Dividebatur autem singulis, prout cuique opus erat.

CAPITULUM V. — Dixit Petrus: Anania, cur tentavit Satanæ cor tuum, mentiri te Spiritui Sancto, etc.? Non es mentitus hominibus, sed Deo. Audiens autem Ananias, cecidit et exspiravit, etc. (Nota in littera etiam de femina.)

D Per manus Apostolorum fiebant signa et prodigia magna in populo, et magnificabat eos populus. In plateis ejiciebant infirmos, ut veniente Petro, saltem umbra illius obumbraret quemquam illorum; et liberarentur ab infirmitate sua, etc.

Posuerunt Apostolos in custodia publica. Angelus autem Domini per noctem aperiens carcerem, eduxit eos.

Dixit Petrus: Obedire oportet Deo magis quam hominibus.

Gamaliel, Phariseus, legis doctor, honorabilis universæ plebi, etc. (Verba sancti

Ganalielis:) Si est ex hominibus consilium aut opus hoc, dissolvetur. Si autem ex Deo, non poteritis dissolvere illud, etc.

Ibant Apostoli gaudentes a conspectu concilii, quoniam digni habiti sunt pro nomine Jesu contumeliam pati.

CAPITULUM VI. — Non est æquum nos derelinquere verbum Dei et ministrare mensis. Considerate viros boni testimonii, etc. Nos vero orationi et ministerio verbi instantes erimus, etc.

Multa turba sacerdotum obediebat Evangelio.

Stephanus plenus gratia et fortitudine, faciebat prodigia et signa magna in populo.

Viderunt omnes faciem Stephani tanquam faciem angeli.

CAPITULUM VII. — Deus gloriæ apparuit Abraham, et dixit: Egredere de terra tua et de cognatione tua, et veni in terram quam monstravero tibi, etc.

Translati sunt Jacob et filii ejus in Sichem, et positi in sepulcro quod emit Abraham a filiis Hemor.

Eruditus est Moyses omni sapientia Ægyptiorum, et erat potens in verbis et operibus suis. Existimabat Moyses intelligere fratres, quoniam per manus ipsius Deus daret salutem illis, etc. Viri, fratres estis: ut quid nocetis alterutrum? — Quis te constituit principem et judicem super nos?

Deus misit Moysen in Ægyptum ad Pharaonem, cum manu angeli qui apparuit ei in rubo.

Non in manufactis Excelsus habitat.

Dixit Stephanus ad Judæos: Dura cervice, et incircumcisi corde et auribus, vos semper restitistis Spiritui Sancto, sicut et patres vestri. Quem Prophetarum non sunt persecuti patres vestri? Et occiderunt eos qui prænuntiaverunt de adventu Justi, cujus vos nunc proditores et homicidæ fuistis: qui accepistis legem in dispositione angelorum.

Stephanus plenus Spiritu Sancto, intendens in cælum, vidit gloriam Dei, et Je-

sum stantem a dextris Dei, et ait: Ecce video cælos apertos, et Filium hominis stantem a dextris virtutis Dei, etc.

Lapidabant Stephanum dicentem: Domine Jesu, suscipe spiritum meum. Positis autem genibus clamavit voce magna, dicens: Domine, ne statuas illis hoc peccatum, etc.

CAPITULUM VIII. — Facta est persecutio magna in Jerusalem, et dispersi sunt omnes, præter Apostolos, etc. Saulus autem devastabat Ecclesiam, etc.

Dicebant Samaritani de Simone mago: Hic est virtus Dei quæ vocatur magna.

Imponebant Petrus et Joannes manus super illos, et accipiebant Spiritum Sanctum.

Obtulit Simon Petro et Joanni pecuniam, etc. Cui dixit Petrus: Pecunia tua tecum sit in perditionem, quoniam donum Dei existimasti pecunia possideri. Cor tuum non est rectum coram Deo. In felle enim amaritudinis et obligatione peccati te video esse. — Precamini vos pro me ad Dominum.

Putasne intelligis quæ legis? etc. Tanquam ovis ad occisionem ductus est, etc. (In Isaia). — Credo Filium Dei esse Jesum Christum. Is. LIII, 7.

Spiritus Domini rapuit Philippum, et amplius non vidit eum eunuchus, etc. (Iste Philippus non erat unus Apostolorum, sed septem diaconorum.)

CAPITULUM IX. — Saulus adhuc spirans minarum et cædis in discipulos Christi, accessit ad principes sacerdotum, etc.

(Nota de conversione Pauli.) Circumfulsit eum lux de cælo, et audivit vocem: Saule, Saule, quid me persequeris? Ego sum Jesus Nazarenus quem tu persequeris. Durum est tibi contra stimulum calcitrare. — Domine, quid me vis facere? — Ingredere civitatem, et dicetur tibi quid te oporteat facere.

Erat Saulus tribus diebus non videns, et non manducavit neque bibit.

Vas electionis est mihi iste, etc.

(Nota de miraculis B. Petri.) Invenit

Petrus Aeneam ab annis octo paralyticum, A et sanavit eum. Dixit Petrus Tabithæ defunctæ : Tabitha, surge. At illa aperuit oculos ; et viso Petro, resedit.

CAPITULUM X. — (Nota hic de conversione beatissimi Cornelii centurionis, postea episcopi facti.) Cornelius centurio, vir religiosus, timens Deum et faciens eleemosynas, et deprecans Deum semper, vidit manifeste in visu angelum Domini introeuntem ad se et dicentem sibi : O Corneli, orationes tuæ et eleemosynæ tuæ ascenderunt in memoriam in conspectu Dei.

Quod Deus purificavit, tu commune ne dixeris.

Cornelius procidens ad pedes Petri, adoravit. Petrus autem levavit eum, dicens : Surge, et ego homo sum.

Petrus dixit : In veritate comperi quoniam non est personarum acceptor Deus ; sed in omni gente, qui timet eum et operatur justitiam, acceptus est illi. Jesum a Nazareth unxit Deus Spiritu Sancto et virtute, qui pertransiit benefaciendo, et sanando omnes oppressos a diabolo. Hunc Deus suscitavit, et dedit eum manifestum fieri, non omni populo, sed testibus præordinatis a Deo, nobis (scilicet Apostolis) qui manducavimus et bibimus cum illo postquam resurrexit a mortuis. Ipse est qui constitutus est a Deo iudex vivorum et mortuorum. Huic omnes Prophetæ testimonium perhibent, remissionem accipere peccatorum per nomen ejus omnes qui credunt in eum.

Adhuc loquente Petro verba hæc, cecidit Spiritus Sanctus super omnes qui audiebant verbum, et loquebantur linguis.

Ego quis eram, qui possem prohibere Deum ?

Barnabas erat vir bonus, et plenus Spiritu Sancto et fide.

Cognominati sunt primum Antiochiæ discipuli, Christiani.

CAPITULUM XII. — Occidit Herodes fratrem Joannis gladio, etc.

Angelus Domini adstitit Petro in carcere, etc. Præcingere.

Discessit angelus a Petro, qui ait : Nunc scio vere quia misit Dominus angelum suum, etc.

Angelus ejus est, etc.

Percussit angelus Domini Herodem, eo quod non dedisset honorem Deo ; et consumptus a vermibus, exspiravit.

CAPITULUM XIII. — Erant in Ecclesia Antiochiæ Prophetæ et doctores, in quibus Barnabas, et Simon, et Lucius, et Manahen, et Saulus.

Paulus repletus Spiritu Sancto, dixit : B O plene omni dolo et omni fallacia, fili diaboli, et inimice omnis justitiæ, non desinis subvertere vias Domini rectas. Et nunc ecce manus Domini super te ; et eris cæcus, etc.

Viri fratres, si quis est in vobis sermo exhortationis ad plebem, dicite.

Dedit Deus Judæis Saul filium Cis annis quadraginta, etc. Inveni David filium Jesse, virum secundum cor meum, etc. Dabo vobis sancta David fidelia (alia translatio habet : Misericordias David fideles). Per C Jesum remissio peccatorum annuntiatur, ab omnibus a quibus non potuistis in lege Moysis justificari, etc. Videte, contemptores, et admiramini, et disperdimini, etc. Vobis oportebat primum loqui verbum Dei ; sed quoniam repulistis illud, et indignos vos judicastis æternæ vitæ, ecce convertimur ad gentes. (Verba Pauli ad Judæos.)

Crediderunt quotquot præordinati erant in vitam æternam. Disseminabatur verbum Domini per universam regionem. Discipuli quoque replebantur gaudio et Spiritu Sancto.

CAPITULUM XIV. — Dixit Paulus claudonato : Surge. Et continuo exsilivit, et ambulabat, etc.

Viri, quid facitis ? Et nos mortales sumus, similes vobis homines.

Lapidabant Judæi Paulum, existimantes eum mortuum esse.

Per multas tribulationes oportet nos intrare in regnum Dei.

CAPITULUM XV. — Qui novit corda Deus,

testimonium perhibuit, fide purificans corda eorum. Nunc ergo quid tentatis Deum? Per gratiam Domini nostri Jesu Christi credimus salvari.

Respondit Jacobus, dicens: Viri fratres, audite me. Simon narravit, etc. Huic concordant verba Prophetarum: Post hæc revertar, et reædificabo tabernaculum David quod cecidit, ut requirant ceteri hominum Dominum, etc. (Istud exponitur de militanti Ecclesia partim ex gentibus congregata.) Notum a sæculo est Domino opus suum.

Scripserunt Apostoli gentibus: Visum est Spiritui Sancto, et nobis, nihil ultra imponere vobis oneris, quam ut abstinatis ab immolatis simulacrorum, et sanguine, et suffocato, et fornicatione.

Judas, Barnabas et Silas erant prophetæ.

Facta est autem dissensio inter Paulum et Barnabam.

CAPITULUM XVI. — Vetati sunt Paulus et sui a Spiritu Sancto loqui verbum Dei in Asia; et non permisit eos Spiritus Jesu.

Isti homines servi Dei excelsi sunt, qui annuntiant vobis viam salutis.

Crede in Dominum Jesum, et salvus eris tu.

CAPITULUM XVII. — Christum oportuit pati et resurgere a mortuis.

Nobiliores ex eis susceperunt verbum Domini cum omni aviditate, quotidie Scripturas scrutantes.

Quidam Epicurei et Stoici philosophi disserebant cum Paulo et dicebant: Quid vult seminiverbius hic dicere? Novorum dæmoniorum videtur annuntiator esse. Possumus scire quæ est hæc nova, quæ a te dicitur, doctrina? Nova quædam infers auribus nostris.

Athenienses ad nihil aliud vacabant, nisi aut dicere aut audire aliquid novi.

Quibus Paulus ait: Videns simulacra vestra, inveni aram in qua scriptum erat: Ignoto Deo. Quod ergo ignorantes colitis, hoc ego annuntio vobis. Deus qui fecit mundum et omnia quæ in ipso sunt, hic cœli et terræ quum sit Dominus, non in

A manufactis templis habitat; nec manibus humanis colitur indigens aliquo, quum ipse det omnibus vitam, et inspirationem, et omnia. Non longe est Deus ab unoquoque nostrum. In ipso enim vivimus, et movemur, et sumus, sicut et quidam vestrorum poetarum dixerunt: Ipsius enim et genus sumus. Genus ergo quum simus Dei, etc. Tempora prioris ignorantiae despiciens Deus, nunc annuntiat hominibus ut omnes ubique pœnitentiam agant, eo quod statuit diem in quo judicaturus est orbem in æquitate, in viro quem statuit, fidem præbens omnibus.

Quidam adhærentes Paulo, credebant: in quibus et Dionysius Areopagita, et mulier nomine Damaris, etc.

CAPITULUM XVIII. — Erat Paulus scenofactoriæ artis.

Dixit Paulus Judæis: Sanguis vester super caput vestrum; mundus ego, ex hoc, etc.

Judæus Apollo, Alexandrinus genere, vir eloquens, potens in Scripturis, multum contulit his qui crediderant; et vehementer revincebat publice Judæos, ostendens per Scripturam esse Christum Jesum.

CAPITULUM XIX. — Quum imposuisset Paulus illis manus, venit Spiritus Sanctus super eos; et loquebantur linguis, et prophetabant. Erant autem omnes viri fere duodecim.

(Nota de miraculis Pauli.) Virtutes non modicas fecit Deus per manus Pauli: ita ut super languidos deferrentur a corpore ejus sudaria, vel semicinctia, et recedebant ab eis languores, et spiritus nequam egrediebantur.

CAPITULUM XX. — Adolescens quidam, Eutychus, cecidit de fenestra, et sublatus est mortuus. Et incubuit Paulus super eum, et revixit.

Dixit Paulus discipulis: Vos scitis a prima die qua ingressus sum, qualiter per omne tempus vobiscum fuerim, serviens Domino cum omni humilitate et lacrimis multis et tentationibus: quomodo nihil subtraxerim vobis utilium, etc. Sed nihil

horum vereor, nec facio animam meam A pretiosiore quam me, dummodo consummem cursum meum, etc. Attendite vobis et universo gregi in quo vos Spiritus Sanctus posuit episcopos regere Ecclesiam Dei, quam acquisivit sanguine suo. Commendo vos Deo, et verbo gratiæ ejus, qui potens est ædificare, et dare hereditatem in sanctis. Oportet meminisse verbi Domini Jesu : Beatius est magis dare quam accipere.

Procumbentes discipuli super collum Pauli, osculabantur eum.

CAPITULUM XXI. — Philippo uni de septem diaconibus erant quatuor filiæ virgines prophetantes.

Dixit Paulus : Quid facitis flentes et affligentes cor meum ? Ego non solum alligari, sed etiam mori in Jerusalem paratus sum, propter nomen Domini Jesu. Domini voluntas fiat.

Utique oportet convenire multitudinem, etc.

CAPITULUM XXII. — Deus patrum nostrorum præordinavit te, ut cognosceres voluntatem ejus, et videres Justum.

CAPITULUM XXIII. — Tu sedens judicas me secundum legem, et contra legem judices me percuti ?

Scriptum est : Principem populi tui non maledices.

CAPITULUM XXIV. — Quum in multa pace agamus per te, et multa corrigantur per tuam providentiam, semper et ubique suscipimus te, optime Felix, cum omni gratiarum actione. Ne diutius protraham te, oro, breviter audias nos pro tua ele- D mentia.

Dixit Paulus : Studeo sine offendiculo habere conscientiam ad Deum et ad homines semper.

CAPITULUM XXV. — Multas et graves causas objecerunt Judæi Paulo, quas non poterant probare, Paulo rationem reddente, etc.

Non est consuetudo Romanis damnare aliquem hominem, priusquam is qui accusatur præsentibus habeat accusatores, locumque defendendi accipiat ad abluenda crimina.

B Sine ratione videtur mihi mittere vinctum, et causam ejus non significare.

CAPITULUM XXVI. — Permittitur tibi loqui pro temetipso.

Paulus, extenta manu, cœpit pro se rationem reddere : Obsecro, patienter me audias. Quid incredibile videtur apud vos, si Deus mortuos suscitatur ? etc.

Festus dixit : Insanis, Paule ; multæ literæ ad insaniam te convertunt. Et Paulus : Non insanio, inquit, optime Feste ; sed verba veritatis et sobrietatis loquor.

C CAPITULUM XXVII. — Ventus Typhonicus qui vocatur Euroaquilo.

Suadeo vobis bono animo esse. — Propter quod bono animo estote, viri.

CAPITULUM XXVIII. — Vipera invasit manum Pauli ; quam ille in ignem excutens, nil mali passus est, etc.

Patrem Publii febribus et dysenteria vexatum Paulus sanavit, omnesque infirmos insulæ (Melitenæ) curavit.

Dixit Paulus Judæis : Bene Spiritus Sanctus locutus est per Isaiam ad patres nostros, etc. (Nota testimonium in textu de excæcatione Judæorum.)

CANONICA JACOBI APOSTOLI

HABET CAPITULA QUINQUE. ET SUADET IN EA JACOBUS AD PATIENTIAM;
APUD DEUM NON ESSE PERSONARUM ACCEPTIONEM, MALAQUE LINGUÆ VITIO PROVENIENTIA APERIT;
BELLA ET CONTROVERSAS REPREHENDIT, ET AD VIRTUTES EXHORTATUR.

CAPITULUM I. — Omne gaudium existi-
mate, fratres mei, quum in tentationes
varias incideritis, scientes quod probatio
fidei vestræ patientiam operatur. Patien-
tia opus perfectum habet, ut sitis perfecti
et integri, in nullo deficientes.

Si quis vestrum indiget sapientia, po-
stulet a Deo, qui dat omnibus affluenter
et non impropere; et dabitur ei. Postulet
autem in fide nihil hæsitans. Qui enim
hæsitat, similis est fluctui maris, etc. Vir
duplex animo inconstans est in omnibus
viis suis.

Glorietur frater humilis in exaltatione
sua; dives autem in humilitate sua, quo-
niam sicut flos fœni transibit.

Beatus vir qui suffert tentationem, quo-
niam quum probatus fuerit, accipiet co-
ronam vitæ, quam repromisit Deus dili-
gentibus se. Nemo quum tentatur, dicat
quoniam a Deo tentatur: Deus enim nemi-
nem tentat. Unusquisque tentatur a concu-
piscencia sua, abstractus et illectus. Dein-
de concupiscencia quum conceperit, parit
peccatum; peccatum vero quum consum-
matum fuerit, generat mortem.

Nolite errare, fratres mei dilectissimi.
Omne datum optimum et omne donum
perfectum desursum est, descendens a
Patre luminum, apud quem non est trans-
mutatio nec vicissitudinis obumbratio. Vo-
luntarie genuit nos verbo veritatis, etc.

Sit omnis homo velox ad audiendum,
tardus autem ad loquendum, et tardus ad
iram. Ira enim viri, justitiam Dei non
operatur. Abjicientes omnem immunditi-
am, in mansuetudine suscipite insitum
verbum, quod potest salvare animas ve-
stras.

Estote factores verbi, et non auditores
tantum, fallentes vosmetipsos. Quia si
quis, etc. (Nota hanc similitudinem op-
timam.)

Si quis putat se religiosum esse, non
refrenans linguam suam, etc., hujus vana
est religio, etc.

CAPITULUM II. — Nonne Deus elegit pau-
peres in hoc mundo, divites in fide, etc.?

Si personas accipitis, peccatum opera-
mini.

Quicumque totam legem impleverit, of-
fendat autem in uno, factus est omnium
reus, etc.

Judicium sine misericordia illi qui non
fecerit misericordiam; superexaltat autem
misericordia judicium.

Quid proderit, si quis fidem dicat se
habere, opera autem non habeat? Fides
si non habeat opera, mortua est in semet-
ipsa. Tu credis quoniam unus est Deus;
bene facis: et dæmones credunt, et con-
tremiscunt. Abraham pater noster, nonne
ex operibus justificatus est?

(Nota totum capitulum, imo totam epi-
stolam, quia moralissima est, et doctrina-
lissima.)

CAPITULUM III. — Nolite plures magistri
fieri, fratres mei, scientes quoniam gra-
vius judicium accipitis. In multis offendi-
mus omnes. Si quis in verbo non offendit,
hic perfectus est vir.

Lingua nostra, ignis; universitas ini-
quitalis lingua constituitur in membris
nostris, quæ maculat totum corpus, etc.
(Nota hic de lingua refrenanda in textu.)

Linguam nullus hominum domare potest:
inquietum malum, plena veneno mortife-
ro. Non oportet, fratres mei, hæc ita fieri.

Quis sapiens et disciplinatus inter vos ? A Ostendat ex bona conversatione operationem suam in mansuetudine sapientiæ. Si zelum amarum habetis et contentiones, nolite gloriari et mendaces esse adversus veritatem. Non est ista sapientia desursum descendens, sed terrena, animalis, et diabolica. Ubi zelus et contentio, ibi inconstantia et omne opus pravam. Quæ desursum est sapientia, primum quidem pudica est, deinde pacifica, modesta, suasibilis, bonis consentiens, plena misericordia et fructibus bonis.

CAPITULUM IV. — Unde bella et contentiones in vobis ? Nonne ex concupiscentiis vestris ?

Non habetis, quia non postulastis. Petitis et non accipitis, eo quod male petatis, etc.

Adulteri, nescitis quia amicitia hujus mundi inimica est Dei ? Quicumque voluerit amicus hujus mundi fieri, inimicus Dei constituitur.

Subditi estote Deo. Resistite diabolo, et fugiet a vobis. Purificate corda, duplices animo. Risus vester in luctum convertatur, et gaudium in mœrorem.

Nolite detrahare alterutrum, fratres mei. Qui enim detrahit fratri, aut judicat fratrem suum, detrahit legi, et judicat legem.

Quæ est vita vestra ? Vapor est ad modicum parens, et deinceps exterminabitur.

Dicatis : Si Dominus voluerit, et, Si vixerimus, faciemus hoc vel illud. Nunc exsultatis in superbiis vestris.

Scienti bonum facere et non facienti, peccatum est illi.

CAPITULUM V. — Agite nunc, divites, plorate ululantes in miseriis vestris quæ advenient vobis, etc. (Quære in textu.) Thesaurizastis vobis iram in novissimis diebus.

Clamor eorum in aures Dei Sabaoth introivit.

Patientes estote usque ad adventum Domini ; et confirmate corda vestra, quoniam adventus Domini appropinquabit. Ecce judex ante januam adsistit.

Exemplum accipite longanimitatis, laboris, et patientiæ, Prophetas qui locuti sunt in nomine Domini.

Ecce beatificamus eos qui sustinuerunt. Sufferentiam Job audistis, et finem Domini vidistis.

Ante omnia nolite jurare, neque per coelum, etc. Sit autem sermo vester : Est, est ; Non, non, etc.

Tristatur aliquis vestrum ? Oret æquo animo, et psallat. Infirmatur quis in vobis ? Inducat presbyteros Ecclesiæ, et orent super eum, ungentes eum oleo in nomine Domini ; et oratio fidei salvabit infirmum et alleviabit eum Dominus ; et si in peccatis est, dimittentur ei. (Nota de effectu Extremæ unctionis.)

Confitemini alterutrum peccata vestra, et orate pro invicem ut salvemini. Multum valet deprecatio justis assidua. Elias homo erat similis nobis, etc. (Nota de fiducia orandi.)

Qui converti fecerit peccatorem ab errore viæ suæ, salvabit animam ejus a morte, et operit multitudinem peccatorum.

CANONICA PETRI APOSTOLI PRIMA

HABET CAPITULA QUINQUE. AGIT IN EA GRATIAS PETRUS DEO,
QUI PER PASSIONEM, SANGUINEM, ET MORTEM FILII, GENUS SALVAVIT HUMANUM ;
ET AD RECTE VIVENDUM, DIVERSOS STATUUM HOMINES INSTRUIT.

CAPITULUM I. — Benedictus Deus et Pater Dominus in spem vivam, et hereditatem incorruptibilem, et incontaminatam, et immarcescibilem, conservatam in coelis.

Jesum Christum quum non videritis, A diligitis: in quem nunc quoque non videntes creditis; videntes autem exsultabitis lætitia inenarrabili et glorificata, reportantes finem fidei vestræ, salutem animarum vestrarum.

Propter quod succineti lumbos mentis vestræ, sobrii, perfecti, sperate in eam quæ vobis offertur gratiam: non configurati prioribus ignorantia vestræ tenebris, sed secundum eum qui vocavit vos Sanctum, et ipsi sancti in omni conversatione sitis.

Non corruptilibus auro vel argento B redempti estis de vana vestra conversatione, sed pretioso sanguine quasi agni immaculati et incontaminati Christi, etc.

Animas vestras castificantes in obedientia caritatis, in fraternitatis amore, simplici ex corde diligite invicem attentius.

CAPITULUM II. — Deponentes omnem malitiam, et omnem dolum, et simulationes, et invidias, et detractiones, sicut modo geniti infantes rationabiles, sine dolo lac concupiscite, ut in eo crescatis in salutem, si tamen gustastis quam dulcis est C Dominus.

Ecce ponam in Sion, etc.

Vobis honor credentibus. Vos genus electum, regale sacerdotium, gens sancta, populus acquisitionis, ut virtutes annuntietis ejus qui de tenebris vos vocavit in admirabile lumen suum.

Carissimi, obsecro vos tanquam advenas et peregrinos, abstinere vos a carnalibus desideriis, quæ militant adversus animam: conversationem vestram inter gentes habentes bonam, ut in eo quod detrectant D de vobis tanquam de malefactoribus, ex bonis operibus vos considerantes glorificent Deum in die visitationis.

Subjecti estote omni humanæ creaturæ propter Deum, etc. Sic est voluntas Dei, ut beneficientes obmutescere faciatis imprudentium hominum ignorantiam.

Omnes honorate, fraternitatem diligite, etc. Servi, subditi estote in omni timore dominis, non tantum bonis et modestis, sed etiam dyscolis.

Hæc est gratia, si propter Dei conscientiam sustinet quis tristitias, patiens injuste. Quæ est enim gratia si peccantes et colaphizati suffertis? Si autem bene facientes sustinetis, hæc est gratia apud Deum: in hoc enim vocati estis. Christus passus est pro nobis, vobis relinquens exemplum, ut sequamini vestigia ejus, etc.

Eratis aliquando sicut oves errantes; sed conversi estis ad pastorem et episcopum animarum vestrarum.

CAPITULUM III. — (Nota in isto capitulo de decenti ornatu et habitu mulierum. Et quomodo viri feminis compati et cohabitare debent, in textu quære.)

Omnes unanimes, compatientes, fraternitatis amatores, misericordes, modesti, humiles; non reddentes malum pro malo, sed econtrario benedicentes, quia in hoc vocati estis.

Quis est qui vobis noceat, si boni æmulatores fueritis?

Dominum Christum sanctificate in cordibus vestris, parati semper ad satisfactionem omni poscenti vos rationem de ea quæ in vobis est fide et spe.

Christus semel pro peccatis nostris mortuus est, justus pro injustis, ut nos offerret Deo, mortificatos quidem carne, vivificatos autem spiritu: deglutiens mortem, ut vitæ æternæ efficeremur heredes, etc.

CAPITULUM IV. — Christo passo in carne, et vos eadem cogitatione armamini, etc.

Estote prudentes et vigilate in orationibus. Ante omnia mutuam caritatem in vobis continuam habentes, quia caritas operit multitudinem peccatorum. Hospitalis invicem sine murmuratione. Unusquisque, sicut accepit gratiam, in alterutrum illam administrantes, sicut boni dispensatores multiformis gratiæ Dei.

Communicantes Christi passionibus, gaudete, ut et in revelatione gloriæ ejus gaudeatis. Si exprobramini in nomine Christi, beati eritis.

Tempus est ut incipiat judicium a domo Dei. Si autem primum a nobis, quis finis

eorum qui non credunt Evangelio? Et si A justus vix salvabitur, impius et peccator ubi parebunt? Qui patiuntur secundum voluntatem Dei, fideli Creatori commendant animas suas.

CAPITULUM V. — Seniores, obsecro, pascite qui in vobis est gregem Dei, providentes non coacte, sed spontanee secundum Deum, non turpis lucri gratia, neque ut dominantes in cleris, sed forma gregis facti ex animo. Et quum apparuerit princeps pastorum, percipietis immarcescibilem gloriæ coronam.

Adolescentes, subditi estote senioribus.

Omnes invicem humilitatem insinuate,

quia Dominus superbis resistit, etc. Humiliamini sub potenti manu Dei, ut vos exaltet in tempore visitationis : omnem sollicitudinem vestram projicientes in eum, quoniam ipsi cura est de vobis.

Sobrii estote et vigilate, quia adversarius vester diabolus tanquam leo rugiens circuit, quærens quem devoret : cui resistite in fide.

Deus omnis gratiæ qui vocavit vos in æternam suam gloriam in Christo Jesu, modicum passos ipse perficiet, confirmabit, solidabitque. Ipsi gloria et imperium in sæcula sæculorum. Amen.

Salutate invicem in osculo sancto.

CANONICA PETRI APOSTOLI SECUNDA

CONTINET CAPITULA TRIA. MONET IN EA PETRUS CREDENTES TENERE FIDEI VERITATEM; NOTAT ET DAMNAT HÆRETICORUM FALSITATEM; ET SECUNDUM CHRISTI ADVENTUM DESCRIBIT.

CAPITULUM I. — His qui coæqualem nobiscum sortiti sunt fidem, gratia vobis et pax adimpleatur in cognitione Dei nostri, etc., ut efficiamini divinæ consortes naturæ, fugientes ejus quæ in mundo est, concupiscentiæ corruptionem.

Satagite ut per bona opera certam vestram vocationem et electionem faciatis.

Non indoctas fabulas secuti, notam vobis fecimus Domini nostri Jesu Christi virtutem et præscientiam. Accepit enim a Deo Patre honorem et gloriam, voce delapsa ad eum hujusmodi a magnifica gloria : Hic est Filius meus dilectus, in quo mihi bene complacui, ipsum audite.

Non voluntate humana allata est aliquando prophetia ; sed Spiritu Sancto inspirati, locuti sunt Dei homines.

CAPITULUM II. — (Nota in isto capitulo de testimonio Noe et Lot, quod eis Apostolus exhibet.) Si Deus angelis peccantibus non pepercit, etc.

Novit Deus pios de tentatione eripere, iniquos vero in diem judicii cruciandos

reservare, qui dominationem contemnunt, audaces, sibi placentes, pellicientes animas instabiles. Hi sunt quibus caligo tenebrarum reservatur.

Iniqui servi sunt corruptionis. A quo enim quis superatus est, hujus et servus est.

Melius erat non cognoscere viam justitiæ, quam post agnitionem retrorsum reverti. Contigit enim eis illud veri proverbii : Canis reversus ad vomitum ; et, Sus lota in volutabro luti.

CAPITULUM III. — Venient in novissimis diebus in deceptione illusores, juxta proprias concupiscentias ambulantes, et dicentes : Ubi est promissio aut adventus ejus ?

Cœli erant prius, et terra de aqua et per aquam consistens Dei verbo : per quæ ille tunc mundus aqua inundatus periit. Cœli vero qui nunc sunt et terra, eodem verbo repositi sunt, igni reservati in diem judicii et perditionis impiorum hominum.

Unus dies apud Deum, tanquam mille anni, et mille anni sicut unus dies.

Non tardat Dominus promissum; sed patienter agit propter vos, nolens aliquos perire, sed omnes ad pœnitentiam reverti.

Adveniet autem dies Domini ut fur: in quo cœli magno impetu transient, elementa vero calore solventur, terra autem et quæ in ipsa sunt opera exurentur. Quum ergo hæc omnia dissolvenda sint, quales

A oportet vos esse in sanctis conversationibus et pietatibus, exspectantes et properantes in adventum diei Domini nostri Jesu Christi, per quem cœli ardentes solventur, et elementa ignis ardore tabescent? Novos cœlos et novam terram et promissa Christi exspectamus, in quibus justitia habitat. Propter quod, carissimi, hæc exspectantes, satagite immaculati et inviolati ei inveniri in pace.

CANONICA JOANNIS APOSTOLI PRIMA

HABET CAPITULA QUINQUE. TESTIFICATUR IN EA JOANNES DE VERBO VERITATIS ET VITÆ; AD CONFESSIONEM PECCATORUM HORTATUR, AFFIRMANS NOS DOMINUM JESUM ADVOCATUM HABERE APUD PATREM; AMOREM MUNDI DISSUADET, ET AD AMOREM DEI ET PROXIMI HORTATUR.

CAPITULUM I. — Societas vestra sit cum B Patre et Filio ejus Jesu Christo.

Deus lux est, et tenebræ in eo non sunt ullæ.

Si ambulamus in luce, sicut et Deus in luce est, societatem habemus ad invicem.

Si dixerimus quoniam peccatum non habemus, ipsi nos seducimus, et veritas in nobis non est.

Si confiteamur peccata nostra, fidelis et justus est ut remittat nobis peccata, et emundet nos ab omni iniquitate.

CAPITULUM II. — Si quis peccaverit, advocatum habemus apud Patrem Jesum Christum justum; et ipse est propitiatio pro peccatis nostris, etc.

In hoc scimus quoniam cognovimus Deum, si mandata ejus servamus. Qui dicit se nosse Deum et mandata ejus non servat, mendax est. Qui servat verbum Christi, vere in eo caritas Dei perfecta est. Qui dicit se in Christo manere, debet, sicut ille ambulavit, et ipse ambulare.

Qui diligit fratrem suum, in lumine D permanet, et scandalum in eo non est. Qui odit fratrem suum, in tenebris est, et in

tenebris ambulat, et nescit quo eat, quoniam tenebræ obcæcaverunt oculos ejus.

Nolite diligere mundum, neque ea quæ in mundo sunt. Si quis diligit mundum, non est caritas Patris in eo. Omne quod est in mundo, concupiscentia carnis est, et concupiscentia oculorum, et superbia vitæ. Et mundus transit et concupiscentia ejus. Qui facit voluntatem Dei manet in æternum.

Filioli, novissima hora est. Et sicut audistis quia Antichristus venit, nunc antichristi multi sunt facti, etc. Ex nobis prodierunt, sed non erant ex nobis: nam si fuissent ex nobis, permansissent utique nobiscum.

Vos unctionem habetis a Sancto, et nostis omnia. Non scripsi vobis quasi ignorantibus, sed quasi scientibus. Hic est antichristus, qui negat Patrem et Filium. Qui negat Filium, nec Patrem habet. Non necesse habetis ut aliquis doceat vos; sed unctio docet vos de omnibus.

Filioli, manete in Christo, ut quum apparuerit, habeamus fiduciam, et non confundamur ab eo in adventu ejus.

CAPITULUM III. — Videte qualem carita-

tem dedit nobis Deus Pater, ut filii Dei nominemur et simus. Propterea mundus non novit nos, quia non novit Deum. Carissimi, nunc filii Dei sumus, et nondum apparuit quid erimus. Scimus quoniam quum apparuerit, similes ei erimus, quoniam videbimus eum sicuti est. Omnis qui peccat non vidit Deum, nec cognovit eum.

Filioli, nemo vos seducat, etc. Qui facit peccatum, ex diabolo est, quoniam diabolus ab initio peccat. In hoc apparuit Filius Dei, ut dissolvat opera diaboli. Qui natus est ex Deo, non peccat, quoniam semen ejus manet in eo.

Hæc est annuntiatio quam audistis ab initio, ut diligatis alterutrum.

Nolite mirari si odit vos mundus. Nos scimus quoniam translati sumus de morte ad vitam, quoniam diligimus fratres. Qui non diligit, manet in morte. Omnis qui odit fratrem suum, homicida est. In hoc cognovimus caritatem Dei, quoniam ille pro nobis animam suam posuit; et nos debemus pro fratribus animas ponere. Qui habuerit substantiam hujus mundi, et viderit fratrem suum necesse habere, et clauserit viscera sua ab eo, quomodo caritas Dei manet in eo? Non diligamus verbo neque lingua, sed opere et veritate.

Carissimi, si cor nostrum non reprehenderit nos, fiduciam habemus ad Deum; et quidquid petierimus, accipiemus, etc.

CAPITULUM IV. — Nolite omni spiritui credere, sed probate spiritus si ex Deo sint.

Major est qui in vobis est, quam qui in mundo. Ipsi de mundo sunt, et de mundo loquuntur, et mundus eos audit, etc.

Carissimi, diligamus invicem, quoniam caritas ex Deo est, et omnis qui diligit fratrem suum, ex Deo natus est, et cognoscit Deum.

In hoc apparuit caritas Dei in nobis, quoniam Filium suum unigenitum misit Deus in mundum, ut vivamus per eum. In hoc est caritas, non quasi nos dilexe-

rimus Deum, sed quoniam ipse prior dilexit nos.

Carissimi, si Deus sic dilexit nos, et nos debemus alterutrum diligere, etc. Si diligamus invicem, Deus manet in nobis.

Pater misit Filium suum salvatorem mundi.

Deus caritas est, et qui manet in caritate, in Deo manet, et Deus in eo.

Timor non est in caritate; sed perfecta caritas foras mittit timorem, quoniam timor pœnam habet. Qui autem timet, non est perfectus in caritate. Nos ergo diligamus Deum, quoniam ipse prior dilexit nos.

Si quis dixerit, Diligo Deum, et fratrem suum oderit, mendax est. Qui enim non diligit fratrem suum quem videt, Deum quem non videt quomodo potest diligere?

CAPITULUM V. — Hæc est caritas Dei, ut mandata ejus custodiamus: et mandata ejus gravia non sunt.

Omne quod natum est ex Deo, vincit mundum: et hæc est victoria quæ vincit mundum, fides nostra.

Venit per aquam et sanguinem Jesus Christus.

Spiritus testificatur quoniam Christus est veritas.

Tres sunt qui testimonium dant in cœlo: Pater, Verbum, et Spiritus. Et hi tres unum sunt.

Qui non credit in Filium, mendacem facit Deum, quoniam non credit in testimonium quod testificatus est Deus de Filio suo.

Hæc est fiducia quam habemus ad Deum, quia quodcumque petierimus secundum voluntatem ejus, nos audit.

Omnis qui natus est ex Deo, non peccat, sed generatio Dei conservat illum.

Mundus totus in maligno positus est.

Scimus quoniam Filius Dei venit, et dedit nobis sensum ut cognoscamus Deum verum, et simus in vero Filio ejus Jesu Christo. Hic est verus Deus et vita æterna.

Custodite vos a simulacris. Amen.

CANONICA JOANNIS SECUNDA

HABET CAPITULUM UNICUM. COMMENDAT IN EA ELECTAM ET FILIOS EJUS ; AD FRATERNAM CARITATEM HORTATUR ; ET MONET HERETICOS DEVITARE.

Sit vobiscum gratia, misericordia, et pax A operati estis, sed ut mercedem plenam a Deo Patre et a Jesu Christo Filio Patris, accipiatis.
in veritate et caritate.

Multi seductores exierunt, qui non cre- Si quis hanc doctrinam non affert, no-
dunt Jesum Christum venisse in carne. lite recipere eum in domum, nec Ave ei
Videte vosmetipsos, ne perdati quæ dixeritis. Qui enim dicit ei Ave, commu-
nicat operibus ejus malis.

CANONICA JOANNIS TERTIA

HABET CAPITULUM UNICUM. EXTOLLIT IN EA GAIUM PIETATIS CAUSA QUAM EXERCEBAT IN PEREGRINOS ; ATQUE UT IN IPSA PIETATE PERMANEAT EXHORTATUR.

Carissime, orationem facio prospere te B Is qui amat primatum gerere in fratri-
ingredi et valere, sicut prospere agit ani- bus, non recipit nos, etc. Carissime, noli
ma tua. imitari malum, sed quod bonum est sem-

Majorem horum gratiam non habeo, per. Qui bene facit, ex Deo est.
quam ut audiam filios meos in veritate Pax tibi. Salutant te amici. Saluta ami-
ambulare. cos nominatim.

CANONICA JUDÆ APOSTOLI

HABET CAPITULUM UNICUM. MONET IN EA JUDAS APOSTOLUS OMNES
UT DE SUA SALUTE SOLLICITI SINT ; INDUCIT ALTERCATIONEM MICHAELIS CUM SATANA ;
DETESTATUR QUOQUE HERETICORUM VITAM.

Jesus populum salvans de terra Egypti, C disputans, altercetur de Moysis corpore,
secundo eos qui non crediderunt perdi- non est ausus judicium inferre blasphemiam, sed dixit : Imperet tibi Dominus.
dit. Angelos qui non servaverunt suum
principatum, sed dereliquerunt suum do- Væ illis qui via Cain abierunt, et errore
micium, in judicium magni Dei vinculis Balaam mercede effusi sunt, et contradi-
æternis sub caligine reservavit (scilicet Je- ctione Core perierunt. Hi sunt in epulis
sus). (Hic innuitur unitas personalis Dei suis convivantes, sine timore, semetipsos
et hominis in Christo.) pascentes ; nubes sine aqua, quæ a ventis
circumferuntur ; arbores autumnales, in-

Quum Michael archangelus cum diabolo

fructuosæ, bis mortuæ, eradicatæ; fluctus A feri maris, despumantes suas confusiones; sidera errantia, quibus procella tenebrarum conservata est in æternum.

Prophetavit autem de his septimus ab Adam Enoch, dicens : Ecce venit Dominus in sanctis millibus suis, facere judicium et arguere omnes impios de omnibus operibus impietatis eorum, et de omnibus duris quæ locuti sunt contra Dominum peccatores impii. Hi sunt murmuratores querulosi, secundum desideria sua ambulantes, et os eorum loquitur superbiam, B mirantes personas quæstus causa. Hi sunt qui segregant semetipsos, animales, spiritum non habentes.

Superædificantes vosmetipsos sanctissimæ vestræ fidei, in Spiritu Sancto orantes, vosmetipsos in dilectione Dei servate, expectantes misericordiam Domini nostri Jesu Christi in vitam æternam. Miseremini aliis in timore, odientes eam quæ carnalis est, maculatam tunicam.

Ei autem qui potens est vos conservare sine peccato, et constituere ante conspectum gloriæ suæ immaculatos in exultatione, in adventu Domini nostri Jesu Christi, soli Deo salvatori nostro, per Jesum Christum Dominum nostrum, gloria, magnificentia, imperium et potestas, ante omnia sæcula, et nunc, et in omnia sæcula sæculorum. Amen.

APOCALYPSIS JOANNIS APOSTOLI

CONTINET CAPITULA VIGINTI DUO. ET AGITUR IN EA DE REVELATIONIBUS JOANNI FACTIS PER ANGELUM, IN PATMOS INSULA; DE TRIBULATIONIBUS QUAS ECCLESIA CHRISTI TUNC PATIEBATUR, ET IN FUTURUM PASSURA ERIT, ET PRÆSERTIM TEMPORE ANTICHRISTI; ET DE SUPPLICIIS DAMNATORUM, AC PRÆMIIS ELECTORUM.

CAPITULUM I. — Gratia vobis et pax ab C eo qui est, et qui erat, et qui venturus est; et a Jesu Christo, qui est testis fidelis, primogenitus mortuorum, et princeps regum terræ : qui dilexit nos, et lavit nos a peccatis nostris in sanguine suo, et fecit nos regnum et sacerdotes Deo et Patri suo. Ipsi gloria et imperium in sæcula sæculorum. Amen.

Ecce venit cum nubibus, et videbit eum omnis oculus, et qui eum pupugerunt.

Ego sum Alpha et Omega, principium et finis, dicit Dominus, qui est, et qui D venturus est omnipotens.

De ore ejus gladius ex utraque parte acutus exibat; et facies ejus sicut sol lucet in virtute sua. Et ait : Ego sum primus et novissimus, et vivus, et fui mortuus, et ecce sum vivens in sæcula sæculorum, et habeo claves mortis et inferni.

CAPITULUM II. — Habeo adversum te pau-

ca, quia caritatem tuam primam reliquisti. Memor esto itaque unde excideris, et poenitentiam age : alioqui venio tibi cito, etc. Qui habet aurem, audiat quid Spiritus dicat Ecclesiis : Vincenti dabo edere de ligno vitæ, quod est in paradiso Dei mei.

Hæc dicit primus et novissimus, qui fuit mortuus, et vivit : Esto fidelis usque ad mortem, et dabo tibi coronam vitæ. Qui vicerit, non lædetur a morte secunda.

Hæc dicit qui habet rhumphæam ex utraque parte acutam : Vincenti dabo manna absconditum, et dabo ei calculum candidum, et in calculo nomen novum scriptum, quod nemo scit nisi qui accipit.

Hæc dicit Filius Dei, qui habet oculos tanquam flammam ignis : Ego sum scrutans renes et corda; et dabo unicuique secundum opera sua. Id quod habetis tene- te, donec veniam. Qui vicerit, dabo illi stellam matutinam.

CAPITULUM III. — Nomen habes quod vis, sed mortuus es. Non enim invenio opera tua plena coram Deo meo. In mente habe qualiter acceperis et audieris, et pœnitentiam age, et esto vigilans. Si non vigilaveris, veniam ad te tanquam fur, et nescies qua hora veniam ad te. Qui non inquinaverunt vestimenta sua, ambulant mecum in albis, quia digni sunt. Qui vicerit, vestietur vestimentis albis, et confitebor nomen ejus coram Patre meo.

Hæc dicit Sanctus et Verus, qui habet clavem David, qui claudit et nemo aperit, B aperit et nemo claudit : Tene quod habes, ut nemo accipiat coronam tuam. Qui vicerit, faciam illum columnam in templo Dei mei, et scribam super eum nomen Dei mei, et nomen civitatis novæ Jerusalem.

Hæc dicit testis fidelis et verus, qui est principium creaturæ Dei : Scio opera tua, quia neque frigidus es neque calidus. Utinam frigidus esses aut calidus. Sed quia tepidus es, nec frigidus nec calidus, incipiam te evomere ex ore meo : quia dicis, Quod dives sum et nullius egeo, et nescis C quia tu es miser, et miserabilis, et pauper, et cæcus, et nudus. Suadeo tibi emere aurum ignitum et probatum, etc. (id est caritatem orationibus). Ego quos amo, arguo et castigo. Ecce sto ad ostium et pulso. Si quis audierit vocem meam, et aperuerit mihi januam, introibo ad illum, et cœnabo cum illo et ipse mecum. Qui vicerit, dabo ei sedere mecum in throno meo : sicut et ego vici, et sedi cum Patre meo in throno ejus.

CAPITULUM IV. — Quatuor animalia plena D oculis ante et retro. Et animal primum simile leoni, etc. (Nota hic concordiam sancti Apostoli cum beato Ezechiele propheta de descriptione figuræ quatuor Evangelistarum.)

Requiem non habebant die ac nocte dicentia : Sanctus, Sanctus, Sanctus, Dominus Deus omnipotens, qui est, et qui erat, et qui venturus est.

Dignus es, Domine Deus noster, accipere gloriam, et honorem, et virtutem, quia tu

A creasti omnia, et propter voluntatem tuam creata sunt.

CAPITULUM V. — Ecce vicit leo de tribu Juda, radix David, aperire librum et solve-
re septem signacula ejus.

Dignus es, Domine, accipere librum et solvere signacula ejus, quoniam occisus es, et redemisti nos Deo in sanguine tuo, ex omni tribu, et lingua, et populo.

Erat numerus angelorum millia millium, dicentium : Dignus est Agnus, qui occisus est, accipere virtutem, et divinitatem, et sapientiam, et fortitudinem, et honorem, et gloriam, et benedictionem.

Sedenti in throno et Agno benedictio, honor, gloria et potestas in sæcula sæculorum.

CAPITULUM VI. — Animæ interfectorum clamabant voce magna : Usquequo, Domine, sanctus et verus, non vindicas sanguinem nostrum de his qui habitant in terra? Et dictum est illis ut requiescerent tempus adhuc modicum, donec compleatur numerus conservorum eorum, et fratrum eorum qui interficiendi sunt sicut et ipsi.

Reges terræ, principes, tribuni, divites, et fortes, absconderunt se in speluncis et petris montium, dicentes montibus et petris : Cadite super nos, et abscondite nos a facie sedentis super thronum, et ab ira Agni.

CAPITULUM VII. — Salus Deo nostro qui sedet super thronum, et Agno, etc. Benedictio, et claritas, et sapientia, et gratiarum actio, honor, et virtus, et fortitudo Deo nostro, in sæcula sæculorum. Amen.

Hi sunt qui venerunt de tribulatione magna, et laverunt stolas suas in sanguine Agni. Ideo sunt ante thronum Dei, et serviunt ei die ac nocte. Non esurient neque sitient amplius, etc. Absterget Deus omnem lacrimam ab oculis eorum, etc.

CAPITULUM VIII. — Stetit angelus ante altare, habens thuribulum aureum ; et data sunt ei incensa multa, ut daret de orationibus Sanctorum super altare aureum, quod est ante thronum Dei. Et ascendit

fumus incensorum de orationibus Sancto-
rum de manu angeli coram Deo.

CAPITULUM IX. — Ascendit fumus putei
abyssi, sicut fumus fornacis magnæ.

In diebus illis quærent homines mor-
tem, et non invenient eam; et desidera-
bunt mori, et fugiet mors ab eis.

CAPITULUM X. — Angelus levavit manum
ad cælum, et juravit per Viventem in sæcu-
la sæculorum: Quia tempus ultra non erit,
sed consummabitur mysterium Dei, sicut
evangelizavit per servos suos Prophetas.

CAPITULUM XI. — Civitatem sanctam cal-
cabunt mensibus quadraginta duobus (id
est tribus annis cum medio, tempore An-
tichristi, scilicet Ecclesiam Christi).

(Nota hic de Antichristo et sanctis Elia
et Enoch. Quære totum in textu cum ex-
positione, quia concordat his quæ Daniel
propheta prædixit.)

Dabo duobus testibus meis, et propheta-
bunt diebus mille ducentis sexaginta, ami-
eti saccis. Hi sunt duæ olivæ et duo can-
delabra lucentia, in conspectu Domini
terræ stantes, etc. Quum finierint testimo-
nium suum, bestia quæ ascendit de abys-
so (id est Antichristus), faciet adversus
illos bellum, et vincet eos, et occidet illos.
Et jacebunt corpora eorum in platea civi-
tatis, ubi Dominus eorum crucifixus est,
per tres dies et dimidium, et non sinent
ea poni in monumentis, etc. Et post tres
dies et dimidium, spiritus vitæ a Deo in-
travit in eos, et steterunt supra pedes
suos. Et audierunt vocem magnam de cælo
dicentem: Ascendite huc. Et ascenderunt
in cælum in nube, etc. (Istud exponitur
de interfectione Eliæ et Enoch, et resurre-
ctione eorum.)

Gratias agimus tibi, Domine Deus omni-
potens, qui es, et qui eras, qui accepisti
virtutem tuam magnam et regnasti.

CAPITULUM XII. — Signum magnum ap-
paruit in cælo: mulier amicta sole, et lu-
na sub pedibus ejus, et in capite ejus
corona stellarum duodecim, etc. (De mili-
tanti Ecclesia dicitur, secundum litteram,
tamen de sancta Maria transumitur.)

T. 14.

A Factum est prælium in cælo. Michael et
angeli ejus præliabantur cum dracone, etc.
Projectus est draco ille magnus, serpens
antiquus, qui seducit universum orbem.
— Nunc facta est salus et virtus, et re-
gnum Dei nostri, et potestas Christi ejus,
quia projectus est accusator fratrum no-
strorum, etc. Descendit diabolus habens
iram magnam, sciens quia modicum tem-
pus habet. (Hoc tempore Antichristi erit.)

CAPITULUM XIII. — (Istud capitulum pul-
chre exponit Beda de Antichristo. Nota et
quære.)

B Vidi de mari bestiam ascendentem, ha-
bentem capita septem et cornua decem
(id est Antichristum). Plaga mortis ejus
curata est, etc. (quia finget se a morte
surgere). Datum est ei (scilicet Antichri-
sto) os loquens magna et blasphemias; et
data est illi potestas facere menses qua-
draginta duos (quia tam diu regnabit An-
tichristus). Datum est illi bellum facere
cum sanctis et vincere eos (scilicet Chri-
stianos). Adoraverunt eum (scilicet Anti-
christum) omnes qui habitant terram quo-
rum non sunt nomina scripta in libro
vitæ Agni, qui occisus est ab origine
mundi.

Habebat cornua duo similia Agni (sci-
licet Antichristus). Et fecit signa magna,
ut etiam ignem faceret de cælo descende-
re in conspectu hominum. Et seduxit ha-
bitantes in terra, propter signa quæ data
sunt illi facere, etc. Et faciet omnes ha-
bere characterem bestię, etc.

CAPITULUM XIV. — Hi sunt qui cum mu-
lieribus non sunt coinquinati: virgines
enim sunt. Hi sequuntur Agnum quocum-
que ierit, etc.

Timete Dominum, et date illi honorem,
et adorate eum qui fecit cælum et terram,
mare et fontes aquarum, et omnia quæ in
eis sunt.

Cruciabitur iniquus igne et sulfure in
conspectu angelorum sanctorum et Agni;
et fumus tormentorum ejus ascendet in
sæcula sæculorum; et requiem non habe-
bit die ac nocte.

Beati mortui qui in Domino moriuntur. A Amodo jam dicit Spiritus ut requiescant a laboribus suis. Opera enim illorum sequuntur illos.

CAPITULUM XV. — Magna et mirabilia sunt opera tua, Domine Deus omnipotens. Justæ et veræ sunt viæ tuæ, Rex Sanctorum. Quis non timebit te et magnificabit nomen tuum? quia solus pius es.

CAPITULUM XVI. — Etiam, Domine Deus omnipotens, vera et justa judicia tua.

Blasphemaverunt nomen Dei, et non egerunt pœnitentiam ut darent illi gloriam.

Et commanducaverunt linguas suas præ dolore; et blasphemaverunt Deum cœli præ doloribus et vulneribus suis; et non egerunt pœnitentiam ex operibus suis.

Sunt spiritus dæmoniorum facientes signa.

CAPITULUM XVII. — (Nota in isto capitulo de Antichristo, de decem cornibus, etc., in Beda.)

Agnus, Dominus dominorum est, et Rex regum.

CAPITULUM XVIII. — Quantum glorificavit se et in deliciis fuit, tantum date illi tormentum et luctum.

Exsultate, cœli, et sancti Apostoli et Prophetæ, quoniam judicavit Deus iudicium vestrum.

CAPITULUM XIX. — Laus, et gloria, et virtus Deo nostro, quia vera et justa judicia ejus sunt. Alleluia. Laudem dicite Deo nostro, omnes servi ejus, et qui timetis eum, pusilli et magni. Regnavit Dominus Deus noster omnipotens. Gaudeamus, et exsul-

temus, et demus gloriam ei: quia venerunt nuptiæ Agni, et uxor ejus præparavit se.

Byssinum, justificationes sunt Sanctorum.

Beati qui ad cœnam nuptiarum Agni vocati sunt.

Conservus tuus sum, et fratrum tuorum. Deum adora. Testimonium Jesu, est spiritus prophetiæ.

Habet in vestimento et in femore suo

scriptum: Rex regum, et Dominus dominantium.

CAPITULUM XX. — Regnaverunt cum Christo mille annis, etc. (Quære expositionem hujus passus.) Hæc est resurrectio prima, etc.

Quum consummati fuerint mille anni, solvetur Satan de carcere suo, et exibit, et seducet gentes quæ sunt super quatuor angulos terræ, Gog et Magog; et congregabit eos in prælium, etc. (Nota de Antichristo in textu et Glossa. De Gog et Magog concordat cum Ezechiele propheta.)

Libri aperti sunt, et liber vitæ apertus est, et judicati sunt mortui ex his quæ scripta erant in libris. Qui non est inventus in libro vitæ scriptus, missus est in stagnum ignis.

CAPITULUM XXI. — Vidi cœlum novum et terram novam. Primum enim cœlum et prima terra abiit, et mare jam non est.

Ecce tabernaculum Dei cum hominibus, et habitabit cum eis; et ipsi populus ejus erunt, et ipse Deus cum eis erit eorum Deus.

Dixit qui sedebat in throno: Ecce nova facio omnia. Hæc verba fidelissima et vera sunt. Ego sum Alpha et Omega, initium et finis. Ego sitiienti dabo de fonte aquæ vitæ gratis. Qui vicerit possidebit hæc. Et ero illi Deus, et ipse erit mihi filius. Timidis autem, et incredulis, et exsecratis, et omnibus mendacibus, pars illorum erit in stagno ardenti igne et sulfure: quod est mors secunda.

Templum non vidi in ea (scilicet civitate sancta Jerusalem, quæ est uxor Agni): Dominus enim Deus omnipotens templum illius est, et Agnus. Et civitas non eget sole, neque luna: nam claritas Dei illuminabit eam, et lucerna ejus est Agnus. Non intrabit in illam aliquid coinquinatum, nisi qui scripti sunt in libro vitæ Agni.

(Nota in isto capitulo concordiam S. Joannis cum Ezechiele propheta in descriptione civitatis et templi.)

CAPITULUM XXII. — Servi Dei servient

illi; et videbunt faciem ejus; et nomen A
ejus in frontibus ipsorum; et regnabunt
in sæcula sæculorum.

Beatus qui custodit verba prophetiæ li-
bri hujus.

Qui nocet, noceat adhuc; et qui in sor-
dibus est, sordescat adhuc; et qui justus
est, justificetur adhuc; et sanctus sancti-
ficetur adhuc.

Ecce venio cito, et merces mea mecum
est, reddere unicuique secundum opera

sua. Ego sum Alpha et Omega, primus et
novissimus, principium et finis. Beati qui
lavant stolas suas, ut sit potestas eorum in
ligno vitæ, etc. Ego Jesus misi angelum
meum. Ego sum radix et genus David,
stella splendida et matutina. Qui sitit,
veniat; et qui vult, accipiat aquam vitæ
gratis.

Venio cito. Veni, Domine Jesu.

Gratia Domini nostri Jesu Christi cum
omnibus vobis. Amen.

NOTA. — Secunda pars hujus Epitomes impressa est in fine tomi II (p. 691-721), sub
titulo *Epilogatio quædam brevis et conclusio Pentateuchi*, ad instar editionum Coloniensium
ann. 1534, 1548 et 1566.

FINIS COMMENTARIORUM IN SACRAM SCRIPTURAM

INDICES

LOCA S. SCRIPTURÆ PRÆCIPUA

QUÆ AD ILLUSTRANDUM COMMENTARIUM

AB AUCTORE PASSIM ALLEGANTUR

GENESIS.

- IV, 9, 10. Ubi est Abel frater tuus?... Quid fecisti? 396D.
IX, 13. Arcum meum ponam in nubibus, et erit signum fœderis inter me et inter terram, 261A.
XXII, 18. Benedicentur in semine tuo omnes gentes terræ, 107B.
XXXII, 30. Vidi Deum facie ad faciem, 43D'.
XXXIII, 12. Ero... socius itineris tui, 9B.
XLIX, 1. Congregamini ut annuntiem quæ ventura sunt vobis in diebus novissimis, 23D.
— 10. Non auferetur sceptrum de Juda,... donec veniat qui mittendus est, 107A.

EXODI.

- III, 2. Apparuit... ei (Moysi) Dominus, 127B'.
— 14. Ego sum qui sum... Sic dices... : Qui est, misit me, 231B'.
VII, 1. Constitui te deum Pharaonis, 216B'.

LEVITICI.

- XI, 43, 44. Nolite contaminare animas vestras;... ego enim sum Dominus Deus vester. Sancti estote, quia ego sanctus sum, 30A'.

NUMERORUM.

- I, 3. A vicesimo anno et supra... numerabitis eos, 108D.

DEUTERONOMII.

- XXXII, 8. Quando dividebat Altissimus gentes, quando separabat filios Adam, constituit terminos populorum, 182B'.

- XXXII, 15. Incrassatus est dilectus, et recalcitravit, 218D'.

JOSUE.

- V, 15. Josue... adorans ait, etc., 352A.
XI, 15. Non præteriit (Josue) de universis mandatis, nec unum quidem verbum, quod jusserrat Dominus Moysi, 169D.

III REGUM.

- VIII, 10. Nebula implevit domum Domini, 332C'.
— 46. Non est... homo qui non peccet, 409D.
X, 12. Fecitque rex de lignis thyinis... citharas lyrasque cantoribus, 346C'.

IV REGUM.

- VI, 16. Plures enim nobiscum sunt quam cum illis, 309B'.

TOBIE.

- III, 17. Nunquam cum ludentibus miscui me, neque cum his qui in levitate ambulant participem me præbui, 344D.
XII, 8. Bona est oratio cum jejunio et eleemosyna, 156A'.

JOB.

- I, 16. Ignis Dei cecidit e cœlo et tactas oves puerosque consumpsit, 316D'.
XIII, 15. Vias meas in conspectu ejus arguam, 388.
XXIV, 19. Ad nimium calorem transeat ab aquis nivium, 344C'.
— 23. Dedit ei Deus locum pœnitentiæ, et ille abutitur eo in superbiam, 246B.

XXXIV, 30. Qui regnare facit hominem hypocritam propter peccata populi, 315D'.

PSALMORUM.

- XV, 2. Dixi Domino : Deus meus es tu, quoniam honorum meorum non eges, 182C.
 XVII, 4. Laudans invocabo Dominum, et ab inimicis meis salvus ero, 446B.
 XXIII, 7, 9. Attollite portas, principes, vestras; et elevamini, portæ æternales; et introibit Rex gloriæ, 84D'.
 LIV, 8. Ecce elongavi fugiens, et mansi in solitudine, 309D.
 LVII, 11. Lætabitur justus quum viderit vindictam, 324B.
 LXXX, 16. Inimici Domini mentiti sunt ei, et erit tempus eorum in sæcula, 298D.
 LXXXIV, 13. Terra nostra dabit fructum suum, 312B'.
 LXXXVI, 1. Fundamenta ejus in montibus sanctis, 367A.
 LXXXVII, 10. Clamavi ad te, Domine, tota die; expandi ad te manus meas, 458B'.
 LXXXVIII, 7. Quis in nubibus æquabitur Domino, similis erit Deo in filiis Dei ? 30C.
 XCIII, 19. Consolationes tuæ lætificaverunt animam meam, 463A.
 XCVII, 2. Notum fecit Dominus Salutare suum; in conspectu gentium revelavit justitiam suam, 219C'.
 CIII, 6. Abyssus sicut vestimentum amictus ejus, 362B.
 CV, 28. Et initiati sunt Beelphegor, et comederunt sacrificia mortuorum, 243C'.
 CXL, 2. Dirigatur oratio mea sicut incensum in conspectu tuo, 286C.

PROVERBIORUM.

- III, 13. Beatus homo qui invenit sapientiam et qui affluit prudentia, 81.
 — 18. Lignum vitæ est (sapientia) his qui apprehenderint eam, 241B, 374C.
 IV, 23. Omni custodia serva cor tuum, 336D.
 VIII, 22, 23. Dominus possedit me in initio viarum suarum, antequam quidquam faceret a principio; ab æterno ordinata sum, 3A'.
 XII, 7. Verte impios, et non erunt, 247D.
 XV, 12. Non amat pestilens eum qui se corripit, 116B.
 — 29. Longe est Dominus ab impiis, 15A, 183A.

XVIII, 19. Frater qui adjuvatur a fratre, quasi civitas firma, 180D.

- XXI, 1. Cor regis in manu Domini; quocumque voluerit, inclinabit illud, 164C.
 XXV, 27. Sicut qui mel multum comedit, non est ei bonum; sic qui scrutator est majestatis, opprimetur a gloria, 234A.
 XXX, 4. Quod nomen est ejus, et quod nomen filii ejus, si nosti ? 45B'.

ECCLESIASTÆ.

- II, 26. Homini bono... dedit Deus sapientiam et scientiam et lætitiā; peccatori autem dedit afflictionem et curam superfluum, 408A.
 VII, 3. Melius est ire ad domum luctus quam ad domum convivii, 398C.
 — 5. Cor stultorum, ubi lætitia, 5B'.
 XI, 3. Lignum... in quocumque loco ceciderit, ibi erit, 325C, 400D.

CANTICI CANTICORUM.

- V, 2. Vox dilecti mei pulsantis, 256D'.

SAPIENTIÆ.

- V, 4, 5. Nos insensati vitam illorum aestimabamus insaniam, et finem illorum sine honore. Ecce quomodo computati sunt inter filios Dei, et inter Sanctos sors illorum est, 277B.
 VI, 21. Concupiscentia... sapientiæ deducit ad regnum perpetuum, 379.
 X, 13. Hæc venditum justum non dereliquit, sed a peccatoribus liberavit eum, 125B.
 XVI, 20, 21. Panem de cœlo præstitisti illis..., omne delectamentum in se habentem, et omnis saporis suavitatem;... deserviens uniuscujusque voluntati, ad quod quisque volebat, convertebatur, 96A.
 XVII, 10. Semper... præsumit sæva perturbata conscientia, 27D.

ECCLESIASTICI.

- III, 20. Quanto magnus es, humilia te in omnibus, 193D'.
 — 31. Auris bona audiet cum omni concupiscentia sapientiam, 147, 379.
 VI, 4. Anima... nequam disperdet qui se habet, et in gaudium inimicis dat illum, 37D'.

VII, 19. Humilia valde spiritum tuum, quoniam vindicta carnis impii, ignis et vermis, 418B'.
 XLIV, 20. Non est inventus similis illi, 371B'.
 L, 13. Circa illum corona fratrum quasi plantatio cedri in monte Libano, 307D.

ISAIE.

III, 9. Peccatum suum quasi Sodoma prædicaverunt, nec absconderunt, 407C'.
 — 14. Dominus ad iudicium veniet cum senibus populi sui et principibus ejus, 88B'.
 IV, 3. Sanctus vocabitur omnis qui scriptus est in vita in Jerusalem, 251C.
 VI, 3. Clamabant alter ad alterum... : Sanctus, Sanctus, Sanctus, Dominus Deus exercituum, 266A.
 IX, 15. Propheta docens mendacium, ipse est cauda, 292B'.
 XI, 1. Egredietur virga de radice Jesse, 269A.
 XII, 1. Confitebor tibi, Domine, quoniam iratus es mihi; conversus est furor tuus et consolatus es me, 399C'.
 XXIV, 21, 22. In die illa visitabit Dominus super militiam cœli in excelso et super reges terræ,... et congregabuntur in congregatione unius fascis in lacum et claudentur ibi in carcere, 336D'.
 XXVII, 9. Iste omnis fructus, ut auferatur peccatum, 11D.
 XXVIII, 20. Coangustatum est... stratum, ita ut alter decadat, 20C.
 XXX, 26. Erit lux lunæ sicut lux solis, et lux solis erit septemplex sicut lux septem dierum, 361B'.
 — 33. Præparata est... ab heri Topheth, a rege præparata, profunda et dilatata, 327C'.
 XL, 31. Qui... sperant in Domino, mutabunt fortitudinem, assument pennas sicut aquilæ,... ambulabunt et non deficient, 39A.
 XLIV, 3. Effundam Spiritum meum super semen tuum, et benedictionem meam super stirpem tuam, 97A'.
 — 6. Ego primus et ego novissimus, 231A'.
 XLV, 8. Aperiat, terra et germinet Salvatorem, 312B'.
 — 9. Testa de Samiis, etc., 193B'.
 XLIX, 10. Non esurient neque sitient et non percutiet eos æstus et sol, quia miserator eorum reget eos et ad fontes aquarum potabit eos, 284C'.
 LIII, 8. Propter scelus populi mei percussus eum, 105D'.

LIII, 12. Tradidit in mortem animam suam, 98D'.
 LIV, 16. Ego creavi fabrum sufflantem in igne prunas et proferentem vas in opus suum, 314A.
 LVII, 20. Impii... quasi mare fervens, quod quiescere non potest, 73B'.
 LX, 19. Non erit tibi amplius sol ad lucendum per diem, nec splendor lunæ illuminabit te; sed erit tibi Dominus in lucem sempiternam et Deus tuus in gloriam tuam, 372D.
 LXI, 7. Propter hoc in terra sua duplicia possidebunt, 283B.
 LXIII, 2. Quare... rubrum est indumentum tuum? 353B'.
 LXV, 15, 16. Dominus... servos suos vocabit nomine alio, in quo qui benedictus est super terram, benedicetur in Deo, amen, 152C.
 LXVI, 23. Erit mensis ex mense et sabbatum ex sabbato, 88D', 298D.

JEREMIÆ.

XI, 20. Videam ultionem tuam ex eis, 204A.
 XVII, 7. Benedictus vir qui confidit in Domino, et erit Dominus fiducia ejus, 413B.
 XXXII, 39, 41. Dabo eis cor unum et viam unam,... et lætabor super eis, quum bene eis fecero, 112A.

THRENORUM.

I, 15. Torcular calcavit Dominus virgini filiæ Juda, 354A'.
 II, 19. Effunde sicut aquam cor tuum ante conspectum Domini, 72B.
 III, 40-42. Scrutemur vias nostras et quæramus et revertamur ad Dominum. Levemus corda nostra cum manibus ad Dominum in cœlos. Nos inique egimus et ad iracundiam provocavimus, 387.

EZECHIELIS.

I, 27. Vidi quasi speciem electri, velut aspectum ignis, 260D'.
 II, 1. Sta super pedes tuos, et loquar tecum, 128A.
 — 9. Vidi, et ecce manus missa ad me, in qua erat involutus liber; et expandit illum coram me, qui erat scriptus intus et foris, 267C'.
 III, 12. Assumpsit me spiritus, 232C.

DANIELIS.

- VII, 10. Fluvius igneus rapidusque egrediebatur a facie ejus, 374A.
 — 10. Millia millium ministrabant ei, et decies millies centena millia adsistebant ei, 271C'.
 — 10. Judicium sedit et libri aperti sunt, 360B.
 — 13, 14. Adspiciebam... in visione noctis, et ecce cum nubibus cœli quasi Filius hominis veniebat, et usque ad Antiquum dierum pervenit;... et dedit ei potestatem et honorem et regnum; et omnes populi, tribus et linguae ipsi servient; potestas ejus potestas æterna, quæ non auferetur, et regnum ejus, quod non corrumpetur, 69B, 270A.
 — 27. Regnum autem et potestas... quæ est subter omne cælum, detur populo sanctorum, 304C.
 X, 1. Intelligentia... est opus in visione, 268A'.
 XII, 3. Fulgebunt... qui ad justitiam erudiunt multos, quasi stellæ in perpetuas æternitates, 235D.
 — 4. Claude sermones et signa librum usque ad tempus statutum, 297D'.
 — 7. In tempus, et tempora, et dimidium temporis, 301C.
 — 12. Beatus qui expectat et pervenit usque ad dies mille trecentos triginta quinque, 285C.

OSEE.

- II, 14. Ducam eam in solitudinem, et loquar ad cor ejus, 309D.
 XIII, 9. Perditio tua,... tantummodo in me auxilium tuum, 63B.
 — 14. Ero mors tua, o mors; morsus tuus ero, inferne, 354C.

AMOS.

- V, 27. Migrare vos faciam trans Damascum, 130A.

NAHUM.

- I, 9. Non consurget duplex tribulatio, 69B'.

HABACUC.

- I, 13. Mundi sunt oculi tui, ne videas malum, et respicere ad iniquitatem non poteris, 248C'.
 II, 1. Super custodiam meam stabo, 195C'.

AGGÆI.

- II, 7, 8. Adhuc unum modicum est, et ego commovebo cælum et terram et mare et aridam,... et veniet Desideratus cunctis gentibus, 97D'.

ZACHARIÆ.

- III, 2. Increpet Dominus in te, Satan, et increpet Dominus in te, 71C.
 — 9. Super lapidem unum septem oculi sunt, 234C'.
 IV, 2. Vidi... candelabrum aureum totum, et lampas ejus super caput ipsius, 233A'.
 — 7. Quis tu, mons magne, coram Zorobabel? 288D.
 XII, 10. Adspicient ad me quem confixerunt, 230C'.

MALACHIÆ.

- I, 10, 11. Non est mihi voluntas in vobis,... et munus non suscipiam de manu vestra. Ab ortu enim solis... magnum est nomen meum in gentibus; et in omni loco sacrificatur et offertur nomini meo oblatio munda, quia magnum est nomen meum in gentibus, 437B'.

MATTHÆI.

- II, 2. Vidimus... stellam ejus, 210A'.
 III, 11. Ego... baptizo vos in aqua..., ipse vos baptizabit in Spiritu Sancto, 188C'.
 V, 4. Beati mites, quoniam ipsi possidebunt terram, 271B.
 — 5. Beati qui lugent, quoniam ipsi consolabuntur, 401B'.
 VI, 22. Si oculus tuus fuerit simplex, totum corpus tuum lucidum erit, 265B'.
 — 34. Nolite... solliciti esse in crastinum, 153A'.
 VII, 15. Attendite a falsis prophetis, qui veniunt ad vos in vestimentis ovium, 276D.
 — 24. Omnis... qui audit verba mea... et facit ea, assimilabitur viro sapienti qui ædificavit domum suam supra petram, 26B.
 X, 8. Gratis accepistis, gratis date, 135D'.
 XII, 18. Ecce puer meus quem elegi; dilectus meus, in quo bene complacuit animæ meæ. Ponam spiritum meum super eum, et iudicium gentibus nuntiabit, 223.

XIII, 9. Qui habet aures audiendi, audiat, 240 D'.

— 39. Messores... angeli sunt, 327 B.

XV, 26. Non est bonum sumere panem filiorum, et mittere canibus, 218 B.

XX, 4. Simile est regnum cœlorum homini patrifamilias, qui exiit primo mane conducere operarios in vineam suam, 170 D.

XXII, 16. Magister, scimus quia verax es, et viam Dei in veritate doces, et non est tibi cura de aliquo, 64 C'.

XXIII, 27. Væ vobis,... quia similes estis sepulcris dealbatis, quæ a foris parent hominibus speciosa, intus vero plena sunt ossibus mortuorum et omni spurcitia, 204 A.

XXIV, 22. Nisi breviati fuissent dies illi, non fieret salva omnis caro; sed propter electos breviabuntur, 341 A.

XXV, 1. Simile erit regnum cœlorum decem virginibus, 259 D.

— 12. Amen dico vobis, nescio vos, 301 A.

XXVI, 52. Omnes... qui acceperint gladium, gladio peribunt, 302 A.

XXVIII, 18. Data est mihi omnis potestas in cœlo et in terra, 270 D'.

— 19. Docete omnes gentes, baptizantes eos in nomine Patris et Filii et Spiritus Sancti, 51 D', 101 C.

MARCI.

XVI, 19. Jesus... assumptus est in cœlum, et sedet a dextris Dei, 84 C', 132 A'.

LUCÆ.

III, 8. Facite... fructus dignos pœnitentiæ, 241 B.

IV, 13. Consummata omni tentatione, diabolus recessit ab illo usque ad tempus, 312 C.

VIII, 11. Semen est verbum Dei, 163 C'.

XI, 40. Omnis... qui petit, accipit, 404 B.

XII, 49. Ignem veni mittere in terram, 329 B'.

XIV, 11. Qui se exaltat, humiliabitur; et qui se humiliat, exaltabitur, 33 B.

XVIII, 7, 8. Deus... non faciet vindictam electorum suorum clamantium ad se die ac nocte?... Dico vobis quia cito faciet vindictam illorum, 277 D'.

XXI, 28. His... fieri incipientibus,... levate capita vestra, quoniam appropinquat redemptio vestra, 46 C'.

XXIII, 30. Tunc incipient dicere montibus: Cadite super nos; et collibus: Operite nos, 279 C.

JOANNIS.

I, 9. Erat lux vera quæ illuminat omnem hominem venientem in hunc mundum, 6 B'.

— 26. Medius... vestrum stetit, quem vos nescitis, 148 D'.

II, 19. Solvite templum hoc, et in tribus diebus excitabo illud, 305 C'.

IV, 24. Spiritus est Deus, 435 A.

V, 19. Quæcumque... ille fecerit, hæc et Filius similiter facit, 58 D.

— 27. Potestatem dedit ei iudicium facere, quia Filius hominis est, 184 C.

VI, 29. Hoc est opus Dei, ut credatis in eum quem misit ille, 246 C'.

— 32, 48. Non Moyses dedit vobis panem de cœlo, sed Pater meus dat vobis panem de cœlo verum... Ego sum panis vitæ, 244 D.

— 44. Nemo potest venire ad me, nisi Pater... traxerit eum, 175 A.

VIII, 25. Principium, qui et loquor vobis, 254 C'.

— 28. Quum exaltaveritis Filium hominis, tunc cognoscetis quia ego sum, 101 A, 122 A.

X, 9. Ego sum ostium, 252 A'.

XI, 25. Ego sum resurrectio et vita, 4 B'.

XII, 25. Qui odit animam suam in hoc mundo, in vitam æternam custodit eam, 311 A'.

— 31. Nunc iudicium est mundi, nunc princeps hujus mundi ejicietur foras, 322 D', 340 B.

XIV, 1. Creditis in Deum, et in me credite, 177 A.

— 22. Dicit ei Judas, non ille Iscariotes: Quid factum est quia manifestaturus es nobis te ipsum et non mundo? 67 B.

— 26. Spiritus Sanctus... vos docebit omnia et suggeret vobis omnia quæcumque dixero vobis, 24 D'.

XV, 15. Omnia quæcumque audivi a Patre meo, nota feci vobis, 195 B.

— 26. Quum... venerit Paracletus, quem ego mittam vobis a Patre, Spiritum veritatis qui a Patre procedit, ille testimonium perhibebit de me, 118 A.

XVI, 27. Ipse... Pater amat vos, quia vos me amastis, 43 B'.

XIX, 2. Plectentes coronam de spinis, imposuerunt capiti ejus, 274 B.

XX, 23. Quorum remisistis peccata, remittuntur eis; et quorum retinueritis, retenta sunt, 237 A.

XXI, 25. Alia multa... fecit Jesus, 226 A'.

AD ROMANOS.

- VIII, 9. Si quis... Spiritum Christi non habet, hic non est ejus, 474 C.
 IX, 28. Verbum brevium faciet Dominus super terram, 296 A'.
 XI, 11. Illorum delicto salus est gentibus, 463 A.
 XVI, 1. Commendo... vobis Phœben sororem nostram, quæ est in ministerio Ecclesiæ quæ est in Cenchris, 487 C.

I AD CORINTHIOS.

- I, 17. Non... misit me Christus baptizare, sed evangelizare, 450 B'.
 IV, 4. Nihil... mihi conscius sum, 203 B.
 VIII, 12. Peccantes in fratres, et percutientes conscientiam eorum infirmam, in Christum peccatis, 439 D.
 XI, 19. Oportet et hæreses esse, ut et qui probati sunt, manifesti fiant, 294 A'.

II AD CORINTHIOS.

- I, 12. Gloria nostra hæc est, testimonium conscientiae nostræ, 372 B'.

AD GALATAS.

- II, 9. Jacobus et Cephas et Joannes, qui videbantur columnæ esse, 254 A.
 V, 3. Testificor... omni homini circumcidenti se, quoniam debitor est universæ legis faciendæ, 467 D.

AD EPHESIOS.

- V, 2. Ambulate in dilectione, sicut et Christus dilexit nos, 46 C.
 — 29. Nemo... unquam carnem suam odio habuit, 76 C'.

II AD THESSALONICENSES.

- II, 4. Qui... extollitur supra omne quod dici-

tur Deus aut quod colitur, ita ut in templo Dei sedeat, ostendens se tanquam sit Deus, 314 A'.

- 8. Quem Dominus Jesus interficiet spiritu oris sui, 355 A'.
 — 9. Cujus est adventus... in omni virtute et signis et prodigiis mendacibus, 319 B.

II AD TIMOTHEUM.

- I, 6, 8. Admoneo te ut resuscites gratiam Dei quæ est in te... Noli... erubescere testimonium Domini nostri, 240 B.
 III, 2. Erunt homines se ipsos amantes, cupidi, elati, 20 B.

AD TITUM.

- III, 10. Hæreticum hominem post unam et secundam correptionem devota, 239 A.

JACOBI.

- I, 18. Voluntarie... genuit nos verbo veritatis, 49 C.
 IV, 4. Amicitia hujus mundi inimica est Dei. Quicumque ergo voluerit amicus esse sæculi hujus, inimicus Dei constituitur, 20 C.
 V, 9. Ecce judex ante januam adsistit, 226 A.

I PETRI.

- II, 9. Vos... genus electum, regale sacerdotium, gens sancta, populus acquisitionis, 42 A.

I JOANNIS.

- II, 19. Ex nobis prodierunt, sed non erant ex nobis, 195 B'.
 — 27. Unctio ejus docet vos de omnibus, 86 D.

JUDÆ.

13. Sidera errantia, 288 C'.

INDEX ANALYTICUS

A

ABADDON, quod interpretatur exterminans, est Hebraicum diaboli nomen, 292 D'.

ABEL. Ejus sacrificium respexit Deus, quo sensu, 34 C'. — A Cain ex invidia occisus est, 34 A', 35 A. — Christum figuravit, 315 C.

ABIRON quomodo vivus in infernum descendit, 355 C'.

ABRAHAM. Elucidantur quæ de illo tradidit S. Stephanus, 123 C' et seq.

ABSINTHIUM. Cur ita vocetur stella per quam figurantur hæresiarchæ, 288 D'.

ABSTINENTIA seu sobrietas alia est virtus infusa, 445 A, alia virtus naturalis et acquisita, 445 B. — Reprehenduntur immoderatæ abstinentiæ dediti, 443 A.

ABYSSUS designat hæreticorum figmenta, 290 B'. — Quid sit ejus clavis, 356 B, et puteus, 290 B'. — Ejus angelus est diabolus, 292 C'. — Abyssus miseriarum abyssum invocat misericordiarum, 399 D.

ACCEPTIO personarum quid sit, 148 B.

ACON (alias Acho). Ita vocatur urbs Ptolemais, 197 D.

ACTUS. In illo consistunt meritum et demeritum, 31 B', magis tamen in actu interiori, quam in exteriori, 246 B'. — Liber Actuum Apostolorum, a S. Luca editus, 83 A, multiplici ratione commendatur, 81. In illo de quibus personis præsertim agatur, 122 B.

ACULEI exprimunt, in Apocalypsi, tormenta Catholicis inflicta, 292 B'.

ADAM quomodo per triplicem concupiscentiam tentatus sit, 20 B'. — Salvatus est virtute passionis Christi, 315 D.

ADRIA utrum urbem et mare designet, 215 D.

ADRUMES (alias Adrumetum), civitas in Africa, 212 C.

ADVENÆ Deum colentes quinam dicantur, 162 A'.

ÆGYPTUS interpretatur caligo seu tenebræ, 303 B. — Quos habeat terminos, 95 B'. — Ibi primo viguit studium philosophiæ, 126 C'. — In Judæa concitata est seditio per quemdam Ægyptium, 199 D'.

ÆR significat plebem quæ a prælato suscipit scientiæ lumen, 290 D'.

ÆTAS mundi ultima qualis sit, 23 C, et quare præcedentibus protractor, 23 A'.

ÆTERNITAS est interminabilis vitæ tota simul perfecta possessio, 450 B'. — Æternitas Dei cur per temporum differentias designetur, 227 D'.

AGABUS prænuntiavit famem quæ anno quarto imperii Claudii evenit, 152 A'. — Quomodo S. Pauli captivitatem prædixerit, 197 C'.

AGATHA (S.) quid dixerit de Christi servitute, 271 B.

AGNUS. Quo sensu Christus dicatur Agnus, 269 A', qui est lucerna cœlestis Jerusalem, 372 C, ejusque templum, 372 B. — Per nuptias Agni intelligitur consummata conjunctio Christi cum Ecclesia, 350 D'. — Cf. Christus.

AGRIPPA rex, filius Herodis Agrippæ, imbutus lege et ritibus Judæorum, 211 C', Romanis fuit confœderatus, 275 D. — Utrum uxorem habuerit Beronice, 209 B. — Quid ad eum locutus sit S. Paulus, 209 D et seq. — In ejus regno habitaverunt Christiani qui Jerusalem obsidendam reliquerunt, 275 D. — Quædam ejus verba referuntur, 211 D'.

ALÆ. Per illas significantur exercitus, 292 A'. — Alæ Sanctorum, sunt virtutes, 265 B.

ALBERTUS (B.) Magnus, O. P. theologus celeberrimus, episcopus Ratisbonensis, « vir subtilissimus atque doctissimus », 232 D, sæpe allegatur, 5 B, 12 B', 21 B, etc.

ALEXANDER Halensis, Doctor irrefragabilis, 409 C', citatur, 391, 403 B, 405 B, etc.

ALEXANDER Hyrcanus ornamentum quoddam apposuit in porta templi quæ dicitur Speciosa, 103 D.

ALEXANDRIA, civitas Ægypti, 212B'. — Alexandrina Ecclesia an et quatenus in Apocalypsi designetur, 264D'.

ALLELUIA significat, Laudate Dominum, 349C, 350D.

ALTARE figurat fidem seu caritatem, vel Christum, 439C'. perfectos et contemplativos, 300A'. — Quid exprimat per altare aureum, 286C, et per quatuor ejus cornua, 293C. — Altare Dei est mens devota, 334C'.

AMBROSIUS (S.), Mediolanensis episcopus, allegatur, 10C', 405A, 422D. (*Migne Patrol. lat.* tom. 14-17.)

AMETHYSTUS plenissimam Beatorum castitatem explicat, 371C.

AMOR. In illo relucet prima doni ratio, 87C'. — Unusquisque ei quem amat, cupit placere, 20D. — Privatus amor sui, omnium vitiorum est origo et radix, 21D'. — *Cf.* Caritas, Dilectio.

AMOS quomodo conversionem gentilium prophetaverit, 170A et seq.

AMPHIPOLIS, urbs Macedoniæ, 178B.

ANANIAS, vir Saphiræ, quomodo peccaverit, 113B et seq., non mentitus hominibus sed Deo, 113C', et cur morte punitus sit, 114A.

ANANIAS, qui Damasci erat Christi discipulus, 140D, qualiter a Deo admonitus, 140A' et seq., Paulum conversum adierit, 140D', a tenebris liberaverit et baptizaverit, 141A.

ANANIAS, princeps sacerdotum, jussit os S. Pauli percuti, 203C.

ANGELI utrum ante sensibilem mundum creati fuerint, 430C' et seq., et quanto numero, 271A'. In eorum hierarchiis quali ordine fiant illuminationes, 149B', 327B'. Illis materia corporalis obedit quoad motum localem, 154D. — Quomodo in cælo Deum colant, 283D et seq. Quo sensu ibidem præliati sint, 309C', 310B. De quolibet ordine angelorum aliqui lapsi creduntur, 292D'. — Homines dicuntur angelorum fratres, 311B. Regnis præsentant angeli boni, sed et apponuntur angeli mali, 280C, 292C'. Quilibet homo habet etiam angelum sanctum custodem, 154C', et diabolum exercentem, 292D', 404B'. Quare salvationi hominum congratulati sint angeli, 271D. — Per angelos factæ sunt prophetiæ revelationes, 260A, eorumque ministerio data est lex Moysis, 131D. Diversæ ipsorum apparitiones narrantur, 88C, 116C, 127B', 136A', 144A', etc. — Angeli cum Christo pugnabunt contra Antichristum,

353C', ignem conflagrationis ultimæ diffundent, 327C, reprobos suscitatos ad locum iudicii deferent, 327D', eosque in infernum contrudent, 327C', secum autem in patriam ducent homines suæ directioni acquiescentes, 373A. Non tantum virgines ad angelicos ordines assumuntur, 321A. — Quinam intelligantur per quatuor angelos qui alligati sunt in Euphrate, 293A'. — « Angelus » nominatur sacerdos vel pontifex, quare, 238A.

ANGULI exprimunt prædicatores, 366C.

ANIMA interdum pro vita animali sensitiva accipitur, 213A. — Anima humana est propina ad malum atque infirma ad bonum, 415D. — Animas ante futuram resurrectionem beatificari probatur, 278C.

Anima fidelis de Deo uno et trino sentiat catholice, 56B', et nobiliter, 183D', ejus beatitudini congratulans, 230B, et congaudens, 272C. Qualem societatem cum illo habeat, 7D' et seq.; quomodo illum quærat, 183A, alloquatur, 8C, audiat, 8D, et in eo maneat, 144D', ita ut Deus sit ejus domus, ipsaque, domus Dei, 40A. — Ut Deo placeat, peccatum vitet, 266C, divini iudicii districtiorem perpendens, 361A', et summi Iudicis præsentiam, 38A', 73A. Coram illo quotidie se accuset, 10B, 335B; cum ejus timore sumat cibum et potum, 72D', et ante comestionem oret, 145B'. Ipsum cum omni humilitate, subiectione, et reverentia precetur, 54D; si quid devotionis experiatur, illi adscribat, 459C, et se in ejus dilectione servet, 75D'. Ad Deum satagat se et sua jugiter ordinare, 231A', illum pulsanter non repellere, 257D, ipsi vacare, 227D', et cooperari, 8D', ad misericordiam ejus confugere, 410C', ita in illo sperans ut non cesset ejus præcepta implere, 413B, et opera plena illi offerre, 258B. — Per virtutes theologicas et per sapientiæ donum immediate in Deo delectatur, 413A', mediate vero per ceteras virtutes et reliqua dona, 413B'. — Indesinenter indigens actuali Spiritus Sancti directione, 460C, et motione, 461D, quomodo probabiliter cognoscat an eundem Spiritum habeat, 44D'. — Beneficia Christi, præsertim ejus passionem recogitet, 272C', 461A, et de illis gratias agat, 305B. Quomodo Christi vestigia sequatur, 15A, et in eo constanter maneat, 27C. Quanto plus in imitatione ejus proficit, tanto plus eum induit, 306D', 334D'.

Qualiter proximum diligere debeat, 34 A, 39 B', 43 A', non verbo neque lingua, 37 B', sed opere et veritate, 37 C', affectu supplens quod non potest in effectu peragere, 38 A. — Opera misericordiæ corporalia ac spiritualia strenue exerceat, 455 D'. Ad bona proximum suum hortetur, 378 B, et quos verbis instruere non valet, per patientiam ædificet, 421 D. Qua ratione peccatores de igne rapiat, 76 C, et quo sensu exire jubeatur de congregatione malorum, 344 B, non ex humana verecundia cessans ab actibus bonis, 444 D, nec propinquorum amore discedens a via perfectionis, 404 A. Defleat in primis propria, deinde et proximorum peccata, 402 A, 417 D. — Devotos ac religiosos visitet atque audiat, 139 D', correctiones fratrum vel superiorum gratanter accipiens, 10 C, et flagitium detractionis maxime devitans, 424 C.

Se sanctificet, 30 D, cor suum secundum Scripturæ doctrinam conformet, 38 D, et sollicitè custodiat, 373 B'. In luce ambulet, 7 D, de virtute in virtutem procedens, 7 A'. — A triplici concupiscentia purgetur, 22 D, non inhærendo rebus carnalibus sed summo bono, 23 B, 414 A'. Peccatum quanto odio habeat, 8 D, quotidie conscientiam suam discutiens, 388, 422 C'. Opportuno tempore confiteatur, 10 B, plene, non superficiali consuetudine, 414 B'. — Conetur prævalere suæ carni, 417 B', vincere in bono malum, 424 B, præsentis vitæ delicias non admittere, 351 C', proficiendi propositum quotidie resumere, 376 D', continuis orationibus insudare, 290 A, pro gratia ejusque incremento deprecari, 378 C', spiritualiter innovari, 403 C', vitam inchoare cœlestem, 283 C', et ad priorem fervorem reverti, 241 D, 248 A. — Pro fidei defensione qualiter pugnet, 68 A, ejusdem fidei fundamento firmiter inhærens, 75 B'. Quatenus se ipsam vere diligat, 311 A'. — Non fiat nimis securo, 46 C', non præsumat de viribus suis, 76 D, nec aliquid sit in oculis suis, 418 A', sed gloriam mundi pro nihilo arbitretur, 445 C'. Sine prudenti consideratione nihil peragat, 265 B'; sobrie et modeste loquatur de futuris actibus, 187 A'. Utrum aliquando se excusare possit, 11 A. — In tribulationibus non frangatur, sed confidentiam servet, 441 B, 454 A', et gaudeat, quare, 419 A'. Ex afflictionibus salubriter informetur, 408 A'. — Ad præliandum contra vitia

et dæmones quomodo excitetur, 422 B, et quibus mediis utatur, 411 B, 461 A. Indiget præsidio B. V. Mariæ, 460 D', angelorum, 423 C, et aliorum Sanctorum, 460 D'. — Omnem diem quasi ultimum reputans, 450 B, quo morti propinquior efficitur, eo ferventior sit, 401 A, et usque in finem perseveret, 242 A'.

ANIMALIA quatuor, plena oculis ante et retro, 265 A', requiem non habebant, quo sensu, 265 C'. — Explanantur eorum verba, 265 D', 266 C', 270 A'. — Quosnam designent, 263 B' et seq., 265 A', 270 B, 350 A, etc., et quid significant sex eorum alæ, 265 B. — Sancti per illa figurati, an tempore visionis fuerint defuncti, 273 C.

ANNI. Per mille annos in Apocalypsi exprimitur tempus evangelicæ legis, 356 A'.

ANSELMUS (S.), Cantuariensis episcopus, allegatur, 46 A, 456 B'. (Migne *Patrol. lat.* tom. 158 et 159.)

ANTICHRISTUS, per bestiam designatus, 302 B', 313 C, 335 C', ex tribu Dan dicitur nasciturus, 282 A. — In illo supremus diabolus habitabit, 335 C'. — Quid prænuntietur de Antichristi persecutione, 278 D, 280 A, 293 C', 315 A, etc., de ejus potestate, 314 A, 315 A, prodigiis, 314 C, 316 C', et blasphemis, 314 B', 338 D'. Variis modis persuadebit se verum esse Christum, 302 C', et tanquam Filius Dei adorabitur, 314 D. An vera miracula factururus sit, 319 A et seq. Genus humanum ab ipso falli permittet Deus, quare, 315 C'. — Quid intelligatur per Antichristi characterem, 317 A', 323 B', et numerum, 317 D'. — Annis tribus cum dimidio regnabit Antichristus, 301 B, ejusque satellites in principalibus regnis dominium tenebunt, 280 B. Ipsius ministri seu prædicatores quænam operaturi sint prodigia, 316 B' et seq. Utrum ejus tempore Ecclesia miraculis glorificanda sit, 302 C. — Per prædicationem Eliæ et Enoch falsitas Antichristi detegatur, 335 D; illis autem occisis, 302 D', ipse peribit cum multis suis ministris, 303 C', 355 C', virtute Christi, 355 C, ad quem postea totus pene mundus convertetur, 304 C. — Explanatur illud: Hic est Antichristus qui negat Patrem et Filium, 25 A'. — Antichristi dicuntur hæresiarchæ, tyranni, 24 A, 41 D, et qui alios scandalizant, 24 B.

ANTIOCHIA Pisidiæ ubi sita, 158 C'. — Quid in illa civitate S. Paulus dixerit, 159 A,

- quosnam converterit, 462 A', 463 B', et quam persecutionem passus sit, 463 C'.
- ANTIOCHIA Syriæ olim Reblatha et Emath Magna dicebatur, 458 D'. — Ibi quomodo Judæis primum, 451 D, deinde gentilibus prædicatum fuerit Evangelium, 451 A' et seq. — In eadem civitate Christiani nomen suum acceperunt, 452 B, atque incepterunt collectæ pro fidelibus Judææ, 452 B'. — Antiochena Ecclesia an et qualiter in Apocalypsi designetur, 264 C'.
- ANTIOCHUS non veram pœnitentiam egit, 438 D.
- ANTIPAS (S.) martyr in Apocalypsi laudatur, 243 A'.
- ANTIPATRIS, civitas Palæstinæ, unde nomen acceperit, 206 A'.
- ANTONIUS (S.) abbas a dæmonibus pene usque ad mortem flagellatus est, 420 C. — Quomodo illi revelata sit humilitatis necessitas, 418 B'.
- APELLES hæresiarcha confutatur, 4 C.
- APOCALYPSIS revelatio dicitur, 225 A. — Liber Apocalypsis, qui est propheticus, 275 B, 376 C, ubi et quomodo compositus fuerit a S. Joanne, 224, qui nondum suum evangelium scripserat, 226 B'. Qua lingua editus sit idem liber, 318 B, et quomodo procedat, 275 B. — Obscuritatibus et metaphoricis locutionibus plenus est, 237 B', 258 C. — In illo sunt septem visiones, 258 C', sæpius idem repetitur sermo, 295 D', præteritum pro futuro interdum ponitur, 293 B', 303 B', 355 D', frequenter pro eodem sumuntur templum, Ecclesia et cælum, 327 A, et descriptis Ecclesiæ persecutionibus consolatio datur ex descriptione mysteriorum Christi, 295 C', 305 C. — Quanta ejus utilitas, 376 A, ex saluberrimis documentis quæ in illo continentur, 226 D'. — Quomodo illum elucidaverit ipsius auctor, 376 D.
- APOLLO quomodo Evangelium prædicaverit apud Ephesios, 487 D', et apud Corinthios, 488 A'.
- APOLLONIA, civitas Macedoniæ, 478 B.
- APOLLYON est diaboli nomen Græcum, 292 D'.
- APOSTOLI, per coronam stellarum duodecim figurati, 307 D, baptizati sunt a Christo, 86 B, cujus deitatem agnoverunt, quomodo, 45 A. — De illorum ordinatione quid sentiendum, 457 B. Primi fuerunt pontifices evangelicæ legis, 204 D, quorum successores exstant episcopi, 90 D'. — Quantum mutati sint recepto Spiritu Sancto, 402 D, 447 A'. Quantus eorum fervor, 449 C', et quanta constantia, 433 D. Confirmati in gratia, mortaliter non peccaverunt, 94 C', atque ex revelatione noverunt se esse in caritate, 35 C', 40 A', 55 C'. Omnium gentium idiomata proferre potuerunt et intelligere, 94 C'. — In die Pentecostes, statim post acceptum Spiritum ingressi sunt templum, 95 C, spiritualiter ebrii, 96 C. — Utrum januis clausis ex carcere educti sint, 416 C, et cum Petro ad principes Judæorum fuerint locuti, 447 D. — Quot annis in Judæa prædicaverint, 467 D'. Eorum doctrina miraculis confirmata est, 52 B', 402 C, 445 C', et spiritu prophetico quo fulserunt, 298 B. Incerta et occulta sapientiæ suæ Deus illis manifestavit, quo sensu, 431 D et seq. Per discipulos suos solebant conversos baptizare, 450 B'. — Quomodo in Apocalypsi designentur, 273 B', 287 D, 369 B, 371 A'. — Cf. Discipuli.
- APPIUS consul forum constituit cum tribus tabernis, 247 C'.
- APULEIUS Platonius allegatur, 484 C.
- AQUA significat doctrinam, 290 B', populum, 320 B, 334 C, 338 D, et alia, 440 B. — Aqua viva est sapientia Dei beatificans et beata, 364 A. — Aqua vitæ est gratia et doctrina evangelica, 378 B.
- AQUILA designat S. Joannem evangelistam, 264 B'.
- AQUILA (S.) vir Priscillæ, de Ponte oriundus, 485 C, quo sensu fuerit scenofactoriæ artis, 485 C'.
- ARABIA, quæ sacra interpretatur, quosnam habeat terminos, 95 D'.
- ARATUS poeta a S. Paulo allegatur, 483 D.
- ARBORES. Per illas designantur homines, 288 A, majores et perfecti, 291 C. — Arbores autumnales dicuntur hæretici, quare, 73 C.
- ARCA testamenti mystice, juxta quosdam, est Christus, 306 B.
- ARCHIDIACONI an septem diaconorum vices gerant, 424 D'.
- ARCUS Scripturam signat, 273 D'.
- AREOPAGUS, vicus Athenarum in quo Mars colebatur, 481 C, eratque curia magistratum et schola liberalium artium, 484 B', unde nomen acceperit, 484 D. — In illo principalis philosophus fuit Dionysius, 484 A'. — Explanantur quæ ibidem locutus est S. Paulus, 481 B' et seq.
- ARGUMENTUM tripliciter sumitur, 85 B.

ARIMASPI dicuntur contra gryphes dimicare ad rapiendos smaragdos, 369 D'.

ARISTOTELES « princeps philosophorum », 379, imo antonomastice « Philosophus », 5 C, a S. Hieronymo vocatur « princeps fatuorum », 379. — Allegantur ejus libri Primæ philosophiæ, 5 C, 267 A', 411 A', 446 D, Ethicorum, 368 C', 411 B', Politicorum, 412 C, 428 C', Cœli, 446 C. — Citatur insuper, 19 A', 63 D', 64 B.

ARIUS hæresiarcha, 276 C, quomodo erraverit, 135 C, et condemnatus sit, 295 B. — Superbissimus, turpissime interiit, 90 D.

ARS scenofactoria in quo sistat, 185 C'.

ARTEMIO est modicum velum, directioni potius quam celeritati navis accommodatum, 215 A'.

ASER, qui interpretatur beatus, quosnam exprimat, 282 C.

ASIA minor, quibus provinciis constiterit, 95 B'. — Ejus Ecclesiæ, quas fundavit rexitque S. Joannes, 223, tempore hujus Apostoli septem fuerunt, 227 D.

ASSON, civitas Asiæ maritima, 193 A'.

ATHANASIUS (S.), Alexandrinus episcopus, allegatur, 451 A.

ATHENÆ, famosissima Græciæ civitas, 180 B, quæ studio philosophiæ vehementissime vacabat, 181 A'. — Ibi ara Deo ignoto consecrata fuit, quo sensu, 181 C', et qua occasione, 184 B'.

ATRIUM designat peccatores impœnitentes, præsertim hæreticos, 300 C'.

ATTALIA, civitas Pamphyliae maritima, 167 A.

AUDITUS alius est exterior, 432 C', alius interior, nempe intellectus, 433 A.

AUGUSTINUS (S.), Hipponensis episcopus, quomodo psalmos pœnitentiales in ultima infirmitate meditatus sit, 463 A. — Allegantur ejus libri de Trinitate, 94 D, de Utilitate credendi, 41 C', de Videndo Deum, 43 C', de Civitate Dei, 105 D', 109 B', 180 B', 359 B, etc., de Hæresibus, 240 B', super Genesim, 43 C', Enchiridion, 30 A'. — Sæpe etiam citatur, 9 D, 10 C', 14 C, etc.

AUGUSTUS imperator. Ab illo ceteri Romani imperatores nomen sortiti sunt, 209 B'.

AUREA dicitur præmium essentielle Beatorum, 242 D.

AUREOLA specialis virginibus confertur, 320 C'.

AURICHALCUM quid sit et quid significet, 235 A.

AURUM sapientiam exprimit, 339 B. — Per aurum ignitum probatum designatur fervens caritas, 255 D.

AVARI figurantur per mercatores, 343 C', et per quadrupedia quæ terris adhærent, 146 A.

AVES. Per illas significantur fideles ad cœlestia se levantes, 355 A.

AZOTUS, urbs Philistinorum, 138 C'.

B

BABYLON, urbs Chaldææ, 343 B, confusio interpretatur, et regnum diaboli designat, 323 B, 343 A, vel collectionem impiorum, 337 D. — Roma a S. Petro « Babylon » vocatur, 303 B.

BALAAM in quo erraverit, 72 C, et quid regi Balac contra Israelitas suggesserit, 243 B'. — Quinam illum imitentur, 72 A'.

BAPTISMUS triplex est : fluminis, flaminis ac sanguinis, 49 A. — Sacramentum Baptismi, a Christo institutum, 50 D', indelebilem characterem imprimit, unde nec iteratur, 263 C. Quanta ejus dignitas, 52 A, et efficacia, 55 B', 263 B. In illo circumcisi sumus, quo sensu, 415 D'. — Sub qua forma baptizaverint Apostoli, 101 C. — Adulti baptizandi fidem suam profitentur, 138 B. — Baptismus figuratur per mare vitreum mixtum igne, 329 D et seq.

BARBARI appellantur omnes præter Hebræos, Latinos et Græcos, 216 B.

BARNABAS (S.) quare sic vocatus, 112 A'. — Non idem erat ac Joseph Barsabas, 92 C', 112 C'. — Natus et passus fertur in Salamina, urbe Cypri, 157 A'. — Fuit persona notabilis, 112 B', et magnis virtutibus ornabatur, 151 D'. — Antiochiæ quid egerit, 151 C' et seq. Quo sensu et a quibus impositionem manuum acceperit, 156 B' et seq. — Iconii quid egerit, 164 B. — Lystræ pro Jove reputatus, 165 C, quomodo gentilium adorationem recusaverit, 165 A', 166 B. — Qualis dissensio facta sit inter illum et S. Paulum, 172 B'. — Cf. Paulus.

BASILIIUS (S.), Cæsariensis episcopus, allegatur, 37 A', 360 C', 417 A'. (Migne *Patrol. gr.* tom. 29-32.)

BEATI, caritatem perfectam habentes, 14 D, pleno gaudio replentur, 6 D. — Quare comprehensores dicantur, 44 D, necnon sacerdotes Dei et Christi, 358 A'. Spiritualia holocausta offerunt, 440 A', laudi et cultui Dei indesinenter insistentes, 371 B, et actibus latriæ dulcissime relecti, 371 C. — In illis quanta sit justitia, 27 D', et quo sensu virtutes

- cardinales permancant, 367B'. — Per dona gloriae Deo conformati, 29B', illum vident sicuti est, 29C', ejus claritatem habentes, 365A', et beatitudinem participant, 30B. Quomodo nutriantur, 374D et seq. Quo Deum clarius contemplantur, eo ipsum ferventius amant, 367D'. — Instar vitrorum sibi mutuo patent, 369B. — Qua mente tormenta reproborum conspiciant, 324B. — Post resurrectionem, eorum corpora erunt impassibilia, agilia, clara atque subtilia, 362A', 374B'. Ambulabunt in lumine corporum glorificatorum, 372A'. — A Deo illuminati nunquam deviare aut falli poterunt, 375C'. Deus absterget omnem lacrimam ab oculis eorum, 284D', 363A', habitabitque cum illis, 363C, et in illis, 372A, 375A. — Servient Deo, 375A, cujus faciem videbunt, 375B. — *Cf.* Electi, Sancti.
- BEATITUDO** est status omnium bonorum aggregatione perfectus, 374D. — In quo essentialiter sistat, 6B. — *Cf.* Caelum.
- BEDA** (S.) Venerabilis, Ord. S. Benedicti, citatur, 20A', 34A, 62C', 70C', 74C, etc. — Allegatur ejus libellus de expositione nominum locorum quae in Actibus Apostolorum exprimuntur, 497A. — (*Migne Patrol. lat.* tom. 90-95.)
- BENEDICTUS** (S.) abbas quomodo contra concupiscentiam pugnaverit, 403D.
- BENEFICIA** ecclesiastica concedenda non sunt ex carnali affectu, 92C'.
- BENJAMIN**, qui filius dexteræ interpretatur, quosnam figuret, 282C'.
- BERENGANDUS** (alias Berengaudus), Ord. S. Benedicti, sæpe allegatur, 227B, 232A', 235B, etc. (*Migne Patrol. lat.* tom. 47, col. 765 et seq.)
- BERNARDUS** (S.), abbas Claræ Vallis, septem laudat Dei misericordias, 455A'. — Quomodo contra concupiscentiam pugnaverit, 403A'. — Allegatur ejus opus de Consideratione, 388, unusque ex ejus sermonibus de B. V. Maria, 307A'. — Citatur insuper, 24B, 51B, 444A', etc. — (*Migne Patrol. lat.* tom. 482-485.)
- BEROEIA**, urbs Macedoniæ, 479A'.
- BERYLLUS** donum timoris congrue designat, 370A'.
- BESTIA** figurat diabolum, 341A, falsos deos, 357C', Antichristum, 343C, ejusque ministros, 346A'. — Quid sit ejus character, 347A', 323B', 333C, 355B', et numerus, 347D' et seq. — Per bestias terræ intelliguntur concupiscentiarum motus, vel crudeles principes, 277A'.
- BILIBRIS**, mensura seu vas continens duas libras, quid signet, 276B'. — Bilibris tritici mystice est collectio eminentium personarum Ecclesiæ, 276C'. — Bilibres hordei fidelium multitudinem figurant, 276D'.
- BITHYNIA** est nomen provinciæ Asiæ minoris, et civitatis in ea, 474B. — Ibi prædicavit S. Lucas, 474C.
- BOLIS** est pondus plumbi, aut similis rei, quo maris profunditas investigatur, 244A'.
- BONAVENTURA** (S.), Ord. Min., Albanensis episcopus, allegatur, 390, 402D', 405B, etc.
- BONIFACIUS** (S.), Moguntinus archiepiscopus, utrum in Apocalypsi designetur, 328C'.
- BOSNIA** est Mysia (Mæsia) superior, 474B.
- BOTRI** vineæ terræ, sunt mali homines, 327D.
- BRACHIUM** sæculare in certis casibus pro fide pugnare debet, 68A.
- BRUNO** (S.), Cartusiensis Ordinis fundator, electus in archiepiscopum Rheginensem, hanc dignitatem respuit, 217D, et solitariam vitam in Calabria finivit, 217A'.
- BULGARIA** est Mysia (Mæsia) inferior, ubi sita, 474B.
- BYSSINUM** sunt justificationes Sanctorum, quo sensu, 351C.

C

- CÆSAREA**. Multæ sunt urbes hujus nominis, 487B', inter quas Cæsarea Palæstinæ, ubi habitavit Cornelius centurio, 443D, et domum habuit diaconus Philippus, 438C'; Cæsarea Philippi, quæ a Philippo Herodis filio cognominata est, 443D'; et Cæsarea, quæ vocatur Diocæsarea, 487B'.
- CAIN**, cujus munera a Deo non fuerunt accepta, quare, 34B', fratrem suum Abel ex invidia trucidavit, 34A', 35A, et a Domino reprehensus, se emendare contempsit, 396D. — Quinam illum imitentur, 72A'.
- CAIUS** a S. Joanne epistolam accepit, 61A, et laudatus est, 61A' et seq., præsertim de caritate, 62B.
- CALAMUS** accipitur pro mensura, 300A, vel pro instrumento scriptorio, 300B.
- CALCULUS** candidus significat corpus glorificatum, 244C'.
- CALIX** designat pœnam, passionem, 323C', et mensuram retributionis aut ultionis, 323D'.

- Cur per calicem vini pœna malorum intelligatur, 337 B'.
- CANDELABRUM aureum dicitur Ecclesia, quo sensu, 233 C et seq.
- CANES figurant iracundos, gulosos, et recidivantes, 377 A'.
- CANTICUM novum quomodo ab electis cante-
tur, 320 D. — Quid sit canticum virginum,
320 C' et seq.
- CAPILLI capitis mystice sunt cogitationes af-
fectionesque cordis, 292 C.
- CARIA, provincia Asiæ, 174 B'.
- CARITAS, quæ vestis nuptialis dicitur, 250 A,
et designatur per jaspidem, 369 C, est vita
animæ, 249 A, et supernaturalis similitudo
increati amoris, 42 B'. — Quanta ejus digni-
tas, 9 A, et sublimitas, 28 A'. Secernens filios
Dei a filiis diaboli, 33 D et seq., mortale pec-
catum secum stare non sinit, 10 A, quantumli-
bet sit parva, 424 C'. Omnes virtutes virtuali-
ter continet, 32 D', 255 D', easque convocat in
domum gaudii, 433 D. Contra terrorem judi-
cii confidentiam donat, 46 B'. Per illam quali-
ter Deo assimilemur, 46 D'. Ab ipsa est omnis
meritoria actio aut elicitive aut imperative,
32 C'. — Quando perfecta sit, 14 A, secundum
triplicem gradum, 14 B. Caritas fervens est
aurum ignitum probatum, quo sensu, 255 D.
Perfecta caritas foras mittit timorem servi-
lem, 47 B, non autem filialem, 47 C'. — Ca-
ritas Dei et dilectio proximi inseparabiliter
sunt connexæ, 34 D, 49 D, nam eadem est cari-
tas habitualis qua Deus proximusque diligi-
tur, 48 B. — Caritas omnia facit esse commu-
nia, 102 A', et quo perfectior eo liberalius se
communicat, 112 A. Quomodo servetur, 75 D',
et qualis sit ejus ordo, 36 C'. — Præceptum
caritatis, a principio generis humani natu-
raliter cordibus insitum, 15 A', in lege scri-
pta renovatum est, 15 B', et in lege evange-
lica clarius explanatum, 15 C'. In illo cetera
præcepta virtualiter continentur, 15 D. —
Utrum ex caritate facienda sint opera pœ-
nitentiæ, 402 B et seq. — An aliquis scire
possit se esse in caritate, 13 B, 14 C', 40 A',
55 C', vel alios in statu caritatis exsistere,
33 C', 55 A. — Quanta sit Dei erga nos cari-
tas, 43 A et seq., 45 C', 47 D'. — Qui manet in
caritate, in Deo manet, et Deus in eo, quo
sensu, 46 D. — Cf. Amor, Dilectio, Præcepta.
- CARO interdum pro sensualitate accipitur,
415 C'. — Quid sit concupiscentia carnis,
20 A'.
- CARPUS (S.), juxta quosdam, est episcopus
Pergami de quo loquitur Apocalypsis, 245 C.
- CASSIANUS (Joannes) citatur, 114 C', 154 A.
(Migne *Patrol. lat.* tom. 49.)
- CASTOR et Pollux a gentilibus in periculo
maris invocabantur, 217 C.
- CATENA signat multitudinem electorum, 356 C.
- CATHOLICI veri unctionem qualem habeant,
24 B', et quo sensu omnia noverint, 24 D'.
Cf. Christianus.
- CENCHRÆ, portus Corinthius, 187 B.
- CERINTHIUS hæresiarcha, « filius diaboli »,
246 D', adhuc vivente S. Joanne evangelista
in Asia surrexit, 24 A, 239 A'. — Docuit le-
galia cum Evangelio observanda, 246 D'. —
Confutatur, 3 A, 4 C, 41 C.
- CHALCEDONIUS lapis donum intellectus figu-
rat, 369 A'.
- CHARAN, urbs Mesopotamiæ, in Genesi dicitur
Haran, 123 C'.
- CHIOS, insula Ægæi maris, 193 B'.
- CHOSROAS, rex Persarum. Utrum ejus filius
in Apocalypsi designetur, 318 B' et seq.
- CHRISTIANUS an et quatenus per quatuor ani-
malia Apocalypsis intelligatur, 265 A. — Quo-
modo Christum imitari debeat, 15 A. — Re-
tribuere bonum pro malis, ad omnem per-
tinet Christianum, 423 D, et qui malum pro
bono reddunt, prorsus indigni sunt Chri-
stiani appellari, 423 A'. — Christiani, qui
filii Patriarcharum vocantur, quo sensu,
282 B, qualiter pro fidei defensione pugnent,
68 A. A tempore Neronis usque ad Constan-
tini conversionem, magnas persecutiones
passi sunt, 276 A. — Cf. Catholici.
- CHRISTUS est Verbum Dei, 353 B', Verbum
Patris incarnatum, 41 A, virtus et sapientia
Patris, Unigenitus Dei et verus Deus, 271 D',
solus Dominator et Dominus, 68 C' et seq.,
100 D', 148 B', Rex regum et Dominus domi-
nantium, 354 A', Veritas, 51 C et seq., Auctor
vitæ, 105 B, lux vera, 16 D, lumen hominum
universorum, 211 D, stella matutina, 247 C',
377 D', sol justitiæ, 236 B, 278 A', 306 D', re-
demptor, Dei ac hominum mediator, 12 D,
77 A, 148 B', salvator generis humani, 43 D,
45 B, salvator mundi, 219 B', causa nostræ
salutis, 283 C, principium creaturæ Dei,
254 C', Salutare Dei, 434 B', primogenitus
mortuorum, 228 D', Ecclesiæ caput, 117 C',
primum fundamentum, 367 A, et princeps,
117 B', judex vivorum et mortuorum, 149 C'.
— Vocatur etiam Alpha et Omega, princi-

pium et finis, 231B, primus et novissimus, 236A, Sanctus et Verus, 231B', justus, 12A, 131B, Fidelis et Verax, 352B', Amen, testis fidelis et verus, 254B', advocatus et orator noster, 11D', magni consilii Angelus, 280C', 285C', 296A, summus atque æternus sacerdos, 230A, princeps regum terræ, 229B, Agnus, 269A', 279A, 341A', templum Dei, 305C', area novi testamenti, 306B, altare, 277B', 327C, leo de tribu Juda, 268D', lignum vitæ, 241B, 374C, radix David, 269A, 377C', manna absconditum, 244C et seq., lapis angularis, 408C', 331C', et pretiosus, 365C', calculus candidus, 244C', ostium apertum, 259B. Utrum dicendus sit propheta et angelus, 406A'. — In nomine Christi qualiter intelligantur Pater, et Filius, et Spiritus Sanctus, 25B', 401D. — Quomodo Christus, per angelum repræsentatus, depingatur, 233A' et seq., habens claves mortis et inferni, 236C', vel amictus nube, etc., 296A et seq. — Per quatuor animalia Apocalypsis an et quatenus designetur, 265A.

De Christi divinitate et humanitate. Generatio ejus enarrari nequit, 137B'. — Patri consubstantialis et coæqualis, 45B', in una persona et duabus naturis, 3B', est verus Deus verusque homo, 270A', 353D. — Probandur ejus vera divinitas veraque incarnatio, 4C, 58D, 495A', 236C'. — Ab exordio incarnationis fuit comprehensor perfectus, 31B, 53A', viator simul existens, quo sensu, 99D'. — Quanta ejus scientia, 225A, 270C'. Illi competit omnem mentem creatam purgare, illuminare et perficere, 269C. — Ejus humanitas quomodo fuerit Verbi instrumentum, 98B', 228B', et quando omni creaturæ prælata sit, 247A'. — Illum, ut hominem, Spiritus Sanctus unxit, misit, 149A, et in omnibus direxit, 84B'. — Ejus gratia quodammodo infinita consistit, 149A. Secundum quod homo, quatenus sit causa pacis et gratiæ, 228B'. In illo quomodo sit gratia capitis, 400A'. — Deus erat cum illo, quo sensu, 149C. — Per vestimentum ejus significatur ipsius humanitas; per femur, spiritualis fecunditas, 354B'.

De primo Christi adventu. Quomodo de illo locuti sint Prophetæ, 406D', 450A, 478D, 434B'. — In adventu ejus impletum fuit tempus hebdomadarum annorum, de quibus Daniel, 447A. — Ante suam nativitatem ex Virgine, voluit pacem esse in mundo,

281A'. — Primum ejus adventum quænam signa illustraverint, 97B', et quomodo illi obedierint creaturæ, 88B. Innumerabilia fuerunt ejus miracula, 83B. — Tripliciter tentatus est, 20C'. — Affectuosissime ac seriousissime prædicavit, 297C, multa dicens quæ in Evangelio non habentur, 496B'. Cærimonialia legis in melius mutavit, 422D', et præcepta moralia evangelicis perfecit consiliis, 423A. Quomodo Trinitatem doceat, 51D'. Lex ejus est lex pietatis, 68A'. — Quod fecit edocuit, 83C', in cunctis operibus suis immaculatus, 296C. — Nudis pedibus incessit, 460C. — Sacramentum Baptismi instituit, 50D', ejusque formam statuit, 401C. In cœnaculo celebravit, 89A, 285D', et passione instante, oravit pro sui corporis glorificatione, 440C, quam promeruit, 270C'.

Passio ejus, quæ prænuntiata erat, 137D et seq., fecit illud futura quod facit præterita, 409C. Christus est Agnus occisus ab origine mundi, 315C. Definito consilio et præscientia Dei traditus, 98C', divina ordinatione passus, 405D', sanguine suo Ecclesiam acquisivit, 495D, et lavit nos a peccatis nostris, 229A', 432B', pro quibus est propitiatio, 42B, 453C', eadem tollens, 30D'. Quo sensu per aquam et sanguinem venerit, 50C', eumque pati oportuerit, 178D. — Cum mansuetudine summa ivit ad locum supplicii, 137D, et vere mortuus est, 99C', præceptum caritatis perfectissime implens, 46A, in ipsa morte sua, 46B. — Quantam satisfaciendi potentiam habuerit, 42A', apud quem copiosa est redemptio, 455B. Non est in alio aliquo salus, 409A. — Suæ passionis merito humanum genus Deo reconciliavit, 42C, diabolum vicit, 257B', et quantum in ipso fuit, universos salvavit peccatores, 449B, 455C. Hoc meritum hominibus applicatur per sacramenta, 7C', 50D', 469A', quæ de ejus latere fluxisse perhibentur, 51A. — Ejus corpus et anima per mortem separata sunt, sed utrumque Verbo mansit unitum, 99B'. — Ad limbum veniens, sanctos in eo detentos beatifica visione illustravit, 99B. — Ipse ut Deus se ipsum suscitavit, solutis doloribus inferni, quo sensu, 99A, 241C. Qualiter probaverit se resurrexisse, 85D, 460C'. Quoties post resurrectionem cum discipulis manducaverit, 85A'. — In die ascensionis apparuit primo in conclavi, deinde in mon-

te Oliveti, 86A'. Quomodo in cœlum ascenderit, 84C', 88A.

De Christi regno et secundo adventu. Qualis sit victoria Christi, 268D', 274C, qui diabolum ligavit, 356D, et in abyssum misit, quo sensu, 356A' et seq. Quando data sit illi corona, 274A. Pro quibus interpellat, 12B', et qua voce, 12C'. Qua ratione dicatur in regno cœlesti consistere, 241B, in medio fidelium ambulare, 238C, in throno sedere, vel stare, 269B'. — Triplex est ejus sponsa, nempe Ecclesia, anima, et B. V. Maria, 351B. Nuptiæ ejus cum Ecclesia describuntur, 350D' et seq. — Est in Ecclesia militanti per sacramentalem præsentiam, 241B, nos corpore et sanguine suo reficiens, 244A'. — Quantum nos dilexerit, 229D. Quanta ejus unio cum fidelibus, 139B. Electi veteris testamenti quo pacto illi fuerint uniti, 169B'. Omnis qui in illo manet, non peccat, quo sensu, 31B et seq. Quomodo det gratiam, 378B', per quam salvamur, 169D. — Quemadmodum vestis corpus, sic Christus animam tegit, 306D', ornat, protegit, calefacit, 307A. — Quis veraciter eum agnoscat, 12D' et seq. Qualiter ei benedicamus et ipse nobis benedicat, 271D'. Illi servire, regnare est, 271B. — Qui se Christo opponunt, sibi nocent, non illi, 139A'. Qui alios scandalizant, Christum persequuntur, 139C. — Christus Antichristum perimet, 341B'.

Judex universorum constitutus, 184C, quomodo ad nos venturus sit, 27D, cum angelis et Sanctis, 74A, 230C. Per passionem suam meruit judicii executionem, 258A, 270C'. — In die judicii a bonis et malis corporaliter in forma humana conspicietur, 230D, et plangent se super eum omnes tribus terræ, 230D'. — Tanquam judex in Apocalypsi repræsentatur, 326C. — Est lumen Ecclesiæ triumphantis, 365B', seu lucerna cœlestis Jerusalem, 372C. Secundum naturam humanam, est præcipuum præmii accidentalitatis objectum, 372B, ipse quanta felicitate fruens, 283C. Corpus ejus, in quo remansisse perhibentur cicatrices quinque vulnorum, 416A', lumen solis inæstimabiliter superat, 372A'. Faciem ejus corpoream corporalibus oculis videbunt Beati, 375C. — Cf. Filii, Jesus, Verbum.

CHRY SOLITHUS donum pietatis exprimit, quare, 370D.

CHRY SOPRASUS prudentiam convenienter designat, 371A.

CHRY SOSTOMUS (S.), Constantinopolitanus episcopus, allegatur, 405A, 409D', 414A', etc. (Migne *Patrol. gr.* tom. 47-64.)

CICATRICES spiritualiter dicuntur reliquæ vitiorum deletorum, 416A'.

CILICIA, provincia Asiæ, 171A'.

CINIS tanquam panis a pœnitente manducatur, quo sensu, 444B'.

CINNAMOMUM est species aromatica, cinereum habens colorem, 346C'.

CITHARA mortificationem carnis exprimit, 270C. — Citharæ Dei sunt mentes Deo devotæ, 330A. — Quid intelligatur per citharas Sanctorum, 330A, et per Dei citharistas, 320C.

CIVITAS Dei nova, est Ecclesia militans, 254B, vel triumphans, 254A', quæ describitur, 362A' et seq., 365A et seq. — Civitas quænam spiritualiter vocetur Sodoma et Aegyptus, 302D'.

CLAMOR noster quo sensu ad Deum veniat, 440D.

CLARITAS Dei. Quomodo illam habeant Beati, 365A', 372C.

CLAUDIUS imperator quando et quare Judæos Roma discedere præceperit, 185D. — Quarto anno ejus imperii evenit fames quam prædixerat Agabus, 152A'.

CLAUDIUS Lysias, tribunus, quid erga S. Paulum egerit, 199A' et seq., et de ipso scripserit ad Felicem præsidem, 205D'.

CLAUDUS a S. Petro curatus, erat etiam paralyticus, 103C, et designat Christianum vitiis assuetum, 107B', sed postea conversum, 107C'. — Claudus a S. Paulo quomodo Lysitræ sanatus sit, 164C' et seq.

CLAVIS David est virtus illuminativa per quam Christus aperit nobis mysteria Scripturarum, 251C'. — Claves mortis et inferni habet Christus, quo sensu, 236C'.

CLEMENS (S.), « martyr, doctor et Pontifex summus », 35D', quid referat de S. Petri pœnitentia, 401C', caritate, 447A', et verbis circa triplex homicidium, 35D'. — Ejus parentes pœnas quasi intolerabiles passi sunt, 396B.

CLIMACUS (S. Joannes), abbas montis Sinai, quid referat de quibusdam monachis mirabilem pœnitentiam agentibus, 393. — Allegatur etiam, 390. — (Migne *Patrol. gr.* tom. 88.)

- COELESTIA quatuor ponuntur : cælum empyreum, angelus, materia, tempus, 451 B.
- COCCINUM eruentam ferocitatem figurat, 339 B.
- COELUM empyreum est inter corpora nobilissimum, 451 C'. Ibi locatur Ecclesia triumphans, 365 B, et Deus dicitur residere, quo sensu, 449 B. — In illo est perfecta justitia, 58 B. — Utrum in eo futura sit laus vocalis, 363 B'. — Diversi cæli distinguuntur, 451 B'. Cælestia corpora an sint incorruptibilia, 451 D'. Cæli peribunt, 451 C'. Cælum in melius mutabitur, 359 D', 361 B et seq. — Quomodo cæli latentur, 311 C'. Per cælum apertum quid significetur, 352 B'. Cæli qualiter aperti sint ante oculos S. Stephani, 432 A'. — Cælum Ecclesiam designat, 278 C', 329 A, 349 C. — *Cf.* Beati, Sancti.
- COENACULUM. In illo Christus primam Missam celebravit, 89 A.
- COENOBITÆ conversationem primitivæ Ecclesiæ imitantur, 412 A. *Cf.* Monachi, Religiosi.
- COGNITIO fit per assimilationem cognoscentis ad cognitum, 29 C'. — Cognitio Dei alia est informis, alia formata, 43 A, 42 A.
- COLLECTÆ quomodo factæ sint pro fidelibus Judææ, 152 B', 190 D'.
- COLLYRIUM quid sit et quid designet, 256 B.
- COLONIA. Quæ civitas ita vocetur, 174 C'.
- COLUMNA perfectos, prædicatores ac prælatos signat, 254 A.
- COLUMNA (Prosper Colonna), Cardinalis, nepos Martini V, a Dionysio Cartusiano laudatur, 388, 463 C'. *Cf.* Dionysius Cartusianus.
- COMPREHENSORES. Quare sic appellentur Beati, 44 D.
- CONCUPISCENTIA triplex describitur cum suis effectibus, 20 D et seq.
- CONFESSIO culpæ est iter renovationis animæ, 407 A'. — In lege naturæ et in lege scripta sufficebat confessio Deo facta, 9 D'. — Confessio sacramentalis quomodo necessaria sit, 409 B, et quænam in ea valeant ad remissionem peccati, 406 B'. Fieri debet sacerdoti jurisdictionem habenti, 9 C', tanquam vicario Dei, 389. — De triplici confessione fit mentio in Scripturis, 45 D. — Confessio fidei est informis vel formata, 45 D. — *Cf.* Pœnitentia.
- CONSCIENTIA non potentiam aut habitum nominat, sed actum, 203 A. — Conscientia pura salubrem gignit fiduciam, prava autem formidinem, 27 D. — Conscientiarum libri aperientur in finali iudicio, 360 B.
- CONSILIUM proprie sumptum, Deo non competit, quare, 495 B. — Per consilia evangelica perficiuntur præcepta moralia, 423 A. Qui ea observant, quo sensu sint perfecti, 44 D.
- CONSTANTINOPOLITANA Ecclesia an et quatenus in Apocalypsi designetur, 264 D'. — Constantinopolitana synodus Macedonium condemnavit, 295 C.
- CONSTANTINUS imperator utrum et qualiter in Apocalypsi figuretur, 281 B'. — Ante ejus conversionem magnas persecutiones passi sunt Christiani, 276 A.
- CONTEMPLATIVI per diem designantur, 289 D. — Quandonam ab actibus vitæ contemplativæ cessandum sit, 446 C'.
- CONTRITIO adæquata esse debet multitudini ac magnitudini culparum, 419 A, 424 C'. Vera non est sine caritate, 424 C'. — Utrum parva contritio sufficiat ad delenda majora peccata, 424 B'. — Contritio qualiter ossa conturbet, 398 A. — Contritio cordis per collyrium exprimitur, 256 B. — Cor contritum et humiliatum Deus non despiciet, quo sensu, 438 A. — *Cf.* Pœnitentia.
- CONVENTUS devotorum et religiosorum est honorandus, 89 C'.
- CONVERSIO. In conversione alterius Deo cooperari, quanta sit gratia, 468 A'.
- COOS insula ubi sita, 496 D.
- COR qualiter arescat, 442 D. — Cordis crassitudo reddit animam acediosam ac tenebrosam, 249 A. — Fundus cordis humani strato assimilatur, 20 C. — *Cf.* Anima.
- CORE. Illum quinam imitentur, 72 B'.
- CORINTHUS, civitas Achaïæ, 486 C'. — Quid ibi egerit S. Paulus, 485 C et seq.
- CORNELIUS centurio, de Italia oriundus, 143 D', quibus virtutibus floruerit, 143 D', 144 A, 146 D', 147 D, et utrum fidem de Christo habuerit ante angelicam apparitionem, 144 D'. — Quomodo angelum viderit, 144 A', quid ab illo audierit, 144 B' et seq., et qualiter Spiritum Sanctum acceperit, 150 A.
- CORONA vitæ, est præmium essenziale Beatorum, 242 D. — Quo sensu data sit Christo corona, 274 A. — Quid intelligatur per coronas aureas, 262 B', 326 D, per coronas similes auro, 292 A, et per coronam stellarum duodecim, 307 D.
- CORPUS, per tunicam maculatam designatum, quo sensu odiendum sit, 76 A', vel diligendum, 76 C'.

CORRECTIO quantum prosit, 462D', et quam culpabilis ejus omissio, 244A. — Qualiter facienda sit, 239B. — Gratanter accipienda est, 10C.

CORRUPTIO in affectu, parit corruptionem in intellectu, 109C'.

CREATURA a Creatore indesinenter dependet, 7A, et multipliciter dicitur in Deo esse, 14C'. — Ibi incipit ejus imperfectio ubi finitur ejus perfectio, 7B. — Quo sensu sit in ea vanitas, 7B, 321D'. — Res creata duplici ratione est vera, 64A. — In creaturis relucet Creatoris majestas, 182C'. — Nomine creaturæ aliquando intelligitur homo, 288A'.

CREMIUM quid sit, 442B.

CRETA, civitas seu insula Asiæ, 212B'.

CRYSTALLUM. Illi assimilatur claritas Sanctorum, 365D'.

CULPA. Ejus confessio est iter renovationis internæ, 407A'. — Excusatio et negatio propriæ culpæ gravia sunt peccata, 407B', etsi quædam culpæ occultatio sit bona, 407C'. — Ex pœna cognoscitur culpa pro qua infligitur, 408A'. — Cf. Contritio, Peccatum.

CURA immoderata, non ordinata providentia, prohibetur, 153A'. — Cura animarum quam periculosa, 244B.

CUSA (Nicolaus de), Cardinalis et Legatus S. Sedis, a Dionysio Cartusiano laudatur, 467. Cf. Dionysius Cartusianus.

CYPRUS insula ubi sita, 151D.

CYRENE civitas Libyæ, 122D.

CYRILLUS (de Guidone), Italus XIII sæc. Ejus Proverbia allegantur, 418B.

D

DÆMON vel Diabolus cur dicatur serpens antiquus, 310D, draco magnus et rufus, 308B, 309D', 310D, Satanas, 310A', 357C, accusator fratrum, 311B, malignus, 18A', 55B'. — Diabolus interpretatur deorsum fluens, 357C, et tribus linguis vocatur Abaddon, Apollyon et Exterminans, 292D'. Designatur per montem magnum igne ardentem, 288D. — Natura ejus in se est bona, 71B. Quanta ejus potestas, 316D'. — Diabolus ab initio peccat, quo sensu, 32B. Quantum nocere cupiat, 312A, non cessans persequi et tentare credentes, 312B, mala sub boni specie suggerens, 420D, et peccata blasphemiae specialiter insinuans, 338D'. Nihil valet nisi a Christo permissus, 356B. Quomodo in ter-

ram projectus sit, 310B'. — Quilibet homo habet angelum custodem, 292C', et diabolum exercentem, 292D'. Ante Salvatoris adventum, diabolus pene cunctis dominabatur hominibus, 340A. In Antichristo supremus diabolus habitabit, 335C', et adorabitur, 314D. — « Diaboli corpus » appellantur perversi et persecutores, 334A'. Ejus filii sunt homines vitiosi, 33C, quomodo distinguendi a filiis Dei, 33D. Ejus membra satellitesque sunt seductores, 26A'. Ipsius equi dicuntur impii, 293D'. Diabolici exstant qui spiritualibus vitiis involvuntur, 412A'. — Qui facit peccatum, ex diabolo est, quo sensu, 31C' et seq. A dæmonibus oppressus est, qui in mortali jacet peccato, 149C. Vitiosi sunt servi dæmonis, virtuosius autem domini ejus, 271C. Opera ejus qualiter dissolvat Filius Dei, 32D. — Diabolus semel victus utrum non redeat ad eundem tentandum, 404D et seq. — Cum illo quando et qualiter S. Michael contentionem habuerit de Moysis corpore, 70C' et seq. — Quare dæmon per pythonissam S. Paulum ejusque socios laudaverit, 175B'.

Dæmones, qui appellantur volucres imundæ et odibiles, 343D, per aerem designantur, 336D'. — Quanta eorum multitudo, 423B. — Quinam illorum ordines a gentilibus admissi sint, 180D'. — Quid de illis sentiant Christiani, 181C. — Nonnullos dæmones de ordinibus Principatuum et Potestatum fuisse probabile est, 460D'. — Illorum diversi sunt principes, 405B', quorum summus est Lucifer, 405C'. — Dæmones contra sanctos angelos pugnant, quo sensu, 310B, et quosdam sanctos viros corporaliter flagellaverunt, 420B. — Triplex dæmonis damnatio ponitur, 356A. Dæmones in judicium magni Dei vinculis æternis sub caligine reservati sunt, quo sensu, 70A. Peracto judicio, omnes diaboli in infernum mergentur, nec amplius egredientur, 359B'. — Cf. Lucifer, Satanas.

DAMASCENUS (S.) allegatur, 75D', 98B', 185A', etc. (Migne *Patrol. gr.* tom. 94-96.)

DAMASCUS, Syriæ metropolis, 129D'.

DAMNATI qualem pœnitentiam agant, 400C', et quomodo eorum peccata venialia puniantur, 412D'. — Utrum in inferno peccent, 337D'. — Cf. Infernus, Reprobi.

DAN. Ut dicitur, ex tribu Dan nascetur Antichristus, 282A.

DATHAN vivus in infernum descendit, quo sensu, 355C'.
DAVID «præclarissimus propheta», 100B, qualiter Deo placuerit, 159B'. — Christum devotissime præstolabatur et prænuntiabat, 434C', loquens de ejus divinitate, 161A, passione, 110A' et seq., resurrectione 99B', 100C, 161C, et ascensione, 100A'. — Illi de proprio statu multa Deus revelavit per Nathan et Gad, 194D. — Adulterando cum Bethsabée, secundum legem lapidandus erat, 415D. Quo sensu Deo soli peccaverit, 428D, et qualem pœnitentiam egerit, 420C'. — Per David interdum Christus ad litteram intelligitur, 170D. — Clavis David quid designet, 251C'.
DECALOGUS, cujus præcepta manent in Evangelio, 193D', quo pacto ad caritatem Dei et proximi referatur, 34B. — Utrum servari possit sine gratia gratificante, 13C et seq. — Cf. Lex.
DECRETUM (Gratiani) allegatur, 69C'.
DEFUNCTUS. Pro quonam defuncto non sit orandum, 55B.
DELECTATIO qualis sit inordinata, 5B'. — Signum virtutis perfecte inexistentis, est delectatio operationi conjuncta, 164A.
DEMETRIUS a S. Joanne evangelista laudatur, 63C.
DENARIUS mystice est pretium sanguinis Christi, vel vita beata, 276C'.
DESERTUM figurat populum a Deo relictum, 338B'.
DETRACTIO, quæ maxime vitanda est, 424C, quatenus fiat peccatum mortale, 423B'. — Detractor quando sit redarguendus, 62C'.
DEUS unus est in natura, trinus in personis, 259D. Vocatur Deus gloriæ, 123D, cœli et terræ Dominus, 182A, Rex sæculorum, 330D, vivens in sæcula sæculorum, 266A', 272A', 298A, Sanctus Sanctorum, 283C', lux, 6A' et seq., 283B', caritas, 42D', 46A et seq., veritas, 63C', scrutans corda et renes, 246D. — Est primum ens, 446C, in quo idem sunt essentia, virtus et actio, 426D'. Spiritus simplicissimus et immensus, 130A', 452D, esse verum, plenum, perfectum possidet, 231A', et in æternum permanet, 446C, in se ipso immobiliter consistens, 7D, omnimodam incommutabilitatem habens, 452B, atque perfectissimam unitatem, 452C. — Est in omnibus per essentiam, præsentiam et potentiam, 46A', 182D'. Ibi specialiter esse dicitur, ubi

specialiter operatur, 128D. Non indigens loco, 130C', in illo non est circumscriptive nec definitive, sed transcenderet, 449B. Quo sensu dicatur in cœlo empyreo habitare, 449B. — Omnis boni fons opulentissimus, 350D', 423D', quo sensu omnia creaverit, 266D', et quanta libertate, 267A. An angelos ante mundum sensibilem fecerit, 450D'. Quomodo corporalia creaverit, 451B. Omnia ex illo sunt quantum ad id boni quod habent aut sunt, 63B, et amor ejus increatus est causa effectiva totius boni creati, 43D. Ab illo procedit omnis vita, 272B'. Etsi dicatur æternus creator, ab æterno non creavit, 77B'. In illo quotuplici sensu sit creatura, 14C'. In ipso vivimus, movemur et sumus, 183B.

Inter ejus attributa non est ponenda distinctio formalis, 452A'. — Soli sibi comprehensibilis, 44B, solus perfecte se diligit, 14B. — Describitur ejus sanctitas, 266B, justitia, 330C, 334D, pietas, 454D', misericordia, 246A, 397C, quæ in infinitum major est miseria nostra, 426C. — Perfecta providentia omnibus præsidens, 182A, sibi prorsus sufficiens, 182C, quomodo mundum et unumquemque in illo existentem regat, 412A. — Ultra condignum remunerans, 364A, et citra condignum puniens, 324A, 345A, nullum malum deserit impunitum, nullum bonum irremuneratum, 436D. Detestatione immensa turpitudinem culpæ abominatur, 266C. Non est personarum acceptor, 147D' et seq. Bona scit per approbationem, mala per simplicem cognitionem et detestationem, 248C'. — Ab illo est omnis potestas, 314A. Magna et mirabilia sunt ejus opera, 330B. Quo sensu illi soli competat vera operari miracula, 319A'. — Judicium ejus quotuplex sit, 331C. Non justificabitur in conspectu ejus omnis vivens, quo sensu, 457B. Judicia ejus manifesta sunt, 331A, et tamen incomprehensibilia, 331B. Dabit unicuique secundum opera sua, 246A'. — In illo quid sint furor et ira, 354A', quæ frequenter in V. T. ipsi attribuuntur, quare, 396B' et seq. — Quid intelligatur per ejus animam, 223, consilium, 195B, faciem, 375A', 434C, oculos, 412A, rugitum, 418C', vias, 436A, thronum, 228D. — Quo sensu dicatur converti, 399A', quædam nescire, 406C, recedere et accedere, 423D', exurgere, 446C', descendere, 128C, in aliis requiescere, 130B', et novissimus appelletur, 377C. *

- Deum nemo vidit unquam, quo sensu, 43C' et seq., 131D'. Qualiter illum in vita ista cognoscamus, 44A. — Quantum sit timendus, 322B', 330A', honorandus, 322C', quærendus, 182C', 183A, et adorandus, 323A. — Honor patriæ illi soli debetur, 283C', qui in infinitum honorabilior est quam ab universis valeat honorari, 27D'. Cur illum colamus, 182C. Omnes gentes adorabunt in conspectu ejus, quo sensu, 330D'. Omnia ad eum sunt referenda, 267B'. Majus est Dei laudibus quam orationibus vacare, quare, 102B. — Quid sit illum perfecte diligere, 44A, et quotuplici ratione sit diligendus, 47D'. — Quanta ejus erga nos caritas, 43A et seq., 45C', 47D', 104C', etc., qui nos in filios adoptivos elegit, 28A, et vitam æternam nobis contulit, 53A. Merita nostra sunt ejus dona, 413C. Dei genus sumus, 183B'. — Quantum nostram optet salutem, 248A'. Animarum medicus, 387, quibus modis nos instruat, 411C', et cordis nostri pulset januam, 256C'. Qualem societatem habeat cum anima fidei, 7D' et seq. — Quinam illum « Deum suum » nominare valeant, 421C'. Qui natus est ex eo, peccatum non facit, 32A' et seq., 55A'. Qui servat mandata ejus, in illo manet, 39C', et ipse in eo, 39D'. — Quomodo tentet electos, 253A', et cur illos flagellet, 279A'. Diversis modis homines arguit et corripit, 395B et seq. Quare nos probet, 441B. — Quomodo refugium factus sit nobis, 453B, et aures ejus nostris orationibus intentæ fiant, 453C. Solus pius est, quo sensu, 330C'. Apud illum propitiatio est, 453B', et copiosa redemptio, 455A, sed ejus vindicta tanto districtior est quanto clementior fuit expectatio, 246B. Non quemquam relinquit, nisi prius ab eo relinquatur, 26C'. — Qua ratione sit templum cœlestis Jerusalem, 372A. — Absterget omnem lacrimam ab oculis Beatorum, 284D', 363A'. — *Cf.* Trinitas.
- Dii quinam dicantur, 216A' et seq., 254B. — Homo solus, dicitur deus vel bestia, 216B'.
- DEVOTIO. Ad illam excitandam quomodo prosint facta exteriora, 458B'.
- DIACONI primi quare septem electi fuerint, 120C', et quomodo ordinati, 121C'. — An eorum vicem nunc gerant archidiaconi, 121D'.
- DIDYMUS Alexandrinus a S. Beda beatus nuncupatur, 219D. Allegatur ejus liber de Spiritu Sancto, 26B, 219D. (*Migne Patrol. gr.* tom. 39.)
- DIES designat tempus evangelicæ legis, 372D', et contemplativos, 289D.
- DILECTIO. Quænam sint ejus causæ, 48A'. — Quis vere se ipsum diligat, 311A'. Qui carnali amore se diligunt, vere se odiunt, 311B'. — Quomodo diligendus sit proximus, 34A, 39B', 43A', 48B', non verbo neque lingua, 37B', sed opere et veritate, 37C'. — Qui non diligit manet in morte, quo sensu, 35B'. — *Cf.* Amor, Caritas.
- DIOCLETIANUS imperator, in effusione christiani sanguinis maxime cruentus, 275D, an et quatenus in Apocalypsi figuretur, 275A et seq.
- DIONYSIUS (S.), Alexandrinus episcopus, quid de Apocalypsi senserit (lib. II de Promissionibus), 376A'. (*Migne Patrol. gr.* tom. 10.)
- DIONYSIUS (S.) Areopagita, « divinus », 127C', qui in Areopago principalis fuerat philosophus, 184A', ubinam episcopus sederit, 185A'. — Prophetavit in epistola ad S. Joannem directa, 298C, illique S. Paulus revelasse creditur quæ in tertio cœlo audivit, 185B'. — Allegantur ejus liber de Divinis nominibus, 158C, epistolæ ad Apolophanem et ad Polycarpum, 184D'. — Citatur insuper, 98B', 132B, 144D, etc. — Ejus Legenda memoratur, 184A', 185A'. (*Migne Patrol. gr.* tom. 3 et 4.)
- DIONYSIUS Cartusianus humiliter de se ipso sensit, 262A'. — Enarrationem in septem Psalmos pœnitentiales scripsit rogatus a Cardinali Prospero Colonna, 388, Monopanton vero, ut annueret votis Cardinalis Nicolai de Cusa, 467.
- DIOTREPHES quomodo S. Joanni apostoli adversatus sit, 62B'.
- DISCIPULI Christi mirabili unitate contra persecutores oraverunt, 110D. *Cf.* Apostoli.
- DISCRETIO commendatur, 110D.
- DISSIMILITUDO est causa displicentiæ, 423A, aversionis et rancoris, 35A.
- DITHALASSUS locus quid sit, 215A'.
- DIVITIÆ. Quanto quis temporales divitias diligentius quærit, tanto in anima exstat pauperior, 241C'.
- DOCTOR irrefragabilis. *Vide* Alexander.
- DOCTOR solennis. *Vide* Henricus.
- DOCTORES Ecclesiæ quomodo figurentur, 288B', 289B, 290C. — Non dignus est alios docere, qui quod docet non satagit adimplere, 435D'. — *Cf.* Prædicator.
- DOCTRINA salutaris est quasi Dei loquela, 433A.

- DOGMA. De Ecclesiasticis dogmatibus liber (Gennadii Massiliensis) allegatur, 196 A'. (Migne *Patrol. lat.* tom. 58, col. 997.)
- DOLUS quam abominabilis sit, 406 D'. — Dolosi per serpentes designantur, 146 A.
- DOMITIANUS, frater Titi, ipsi successit in imperio, 275 A'. — An et quatenus in Apocalypsi figuretur, 275 A et seq. — Ejus persecutio totam infestavit Ecclesiam, 234 C'. — Sub illo S. Joannes apostolus Romæ in ferventis olei dolium missus, 223, nec læsus, in Patmos insulam relegatus est, 224.
- DONA Spiritus Sancti quosnam habeant effectus, 353 B, et qualiter per diversos lapides pretiosos signentur, 369 C et seq. — *Cf.* Spiritus.
- DORIDA (alias Doris), provincia minoris Asiæ, 212 B'.
- DRACO magnus et rufus diabolum denotat, 308 B, 309 D', 310 D.
- DRUSILLA quomodo facta sit uxor Felicis præsidis, 208 C. — Quoniam fuit Judæa, S. Paulum libenter audivit, 208 B.

E

- EBION hæresiarcha, « filius diaboli », 246 D', adhuc vivente S. Joanne evangelista surrexit in Asia, 24 A, 239 A'. — Docuit legalia cum Evangelio observanda, 246 D'. — Refellitur, 3 A, 4 C, 41 C.
- ECCLESIA, quam Christus acquisivit sanguine suo, 195 D, ejus est sponsa, mater, soror et uxor, 312 C, ipsumque habet pro primo fundamento, 367 A. Designatur per cælum, 322 A', 349 C, per candelabrum aureum, 233 C et seq., per thronum, 359 C', per Jerusalem, 449 B', et civitatem Dei, 449 C', seu civitatem sanctam, 301 B. — Ecclesia militans dicitur regnum cælorum, 259 D, 290 D; Dei templum, 300 D, et regnum, 219 C', 229 C'; sedes Dei, 262 B', et Christi, 269 D. Exprimitur per Sion, 438 A', et per civitatem dilectam, 359 D. — Figurata per mulierem sole amictam, 306 C' et seq., quomodo parturierit, 307 B'; quem filium masculum pepererit, 309 A, 312 B, in solitudinem deinde fugiens, 309 C. — Ejus muri sunt virtutes aut prælati, 438 C', vel duo populi ex quibus constructa est, 439 A, et qui etiam lapides ejus nuncupantur, 447 C.
- Per Ecclesiam Christi aliquando intelligitur universitas fidelium a principio usque ad finem mundi, 170 D. — Universæ Ecclesie sunt una Ecclesia catholica, 227 A'. Quatuor patriarchales Ecclesie an et quatenus in Apocalypsi innuantur, 264 C'. — Ecclesia militans, quæ in laudibus Creatoris se triumphanti Ecclesie conformat, 266 A, quare oret hora tertia, sexta et nona, 96 C'. — Illam Deus exaltavit multo magis quam Synagogam, 447 D'. Eandem circumeunt angeli sancti, 271 D, ad tuendum ipsam, 309 C', necnon dæmones ad devorandum, 271 A'. Quanto fortius ab ipsa dejicitur diabolus, tanto pertinacius eam persequitur, 312 C. Ejus corpus relevatur dum reprobi a bonis separantur, 24 A'. Quodnam sit maximum ejus malum, 289 A'. — Ex spirituali ejus thesauro sunt indulgentiæ, 455 B.
- Ecclesia primitiva qualiter in Apocalypsi depingatur, 273 B'. Quantus fuerit ejus fervor, 102 B', 442 C et seq., et sanctæ dilectionis ardor, 197 D, 217 A'. In illa erat cor unum et anima una, 111 C', omnia fiebant communia, 112 A; multi quotidie communionem accipiebant, 102 B, prophetico fulgebant spiritu, 152 D; omnes fere post Baptismum variis linguis loquebantur, 101 A', discipuli replebantur gaudio, 163 D', 168 C. Utrum in eadem episcopi fuerint a presbyteris distincti, 166 D'. — An tempore Antichristi Ecclesia miraculis glorificanda sit, 302 C. — Ecclesia triumphans describitur, 282 C' et seq., sub nomine civitatis sanctæ Jerusalem, 362 A' et seq., 365 A et seq. — Allegatur liber de Ecclesiasticis dogmatibus (Gennadii Massiliensis), 196 A'.
- ECLIPSIS quæ tempore passionis Christi accidit, quotuplici modo mirabilis fuerit, 184 D', et quid de illa senserint philosophi Athenienses, 184 B'.
- ECSTASIS, seu alienatio mentis a se, fit povere, admiratione, vel contemplatione, 104 C.
- EFFUSIO significat gratiæ copiam, 97 A'. — Effusio virtuosa in quo sistat, 72 B.
- ELAM est regio Persiæ, 95 A'.
- ELECTA, veneranda et sancta matrona, a S. Joanne epistolam accepit, et laudata est, 57 A' et seq., cum suis filiis, 58 A'. — Illi fuit soror ejusdem nominis, 59 D'.
- ELECTI ex Deo sunt, secundum prædestinationem æternam, 63 B. — Quo sensu illos Deus noverit, 250 A', tentet, 253 A', et flagellet, 279 A'. Illis quantum prosint tribulationes,

- 226A, 408C. — Pro cunctis illis interpellat Christus, 12B'. — Electi V. T. quomodo Christo uniti fuerint, 169B'. — Mundi decursus durabit quousque electorum numerus compleatur, 278B. — Animas suas carnaliter non diligentes, 311D, electi diabolum vincunt, 311C, a quo finaliter supplantari nequeunt, 310C. — Sunt templum, Ecclesia et cælum, 327A. — Qualiter canticum novum decantent, 320D. — Christum in die iudicii conspicient, quo sensu, 230D; cum illo ambulabunt in albis, 250B'. — Cf. Beati, Prædestinatus, Sancti.
- ELECTIO. Quis in illa servandus sit ordo, 121B.
- ELECTRUM, quod aurei igneique coloris est, quid figuret, 260D'.
- ELEEMOSYNA quatenus præcipiatur, 37A et seq.
- ELEMENTA, quorum transmutatio post finale iudicium cessabit, 298C, quomodo tunc innovanda sint, 361B'.
- ELIAS qualiter cum Enoch prædicaturus sit tempore Antichristi, 301C, 303D, 335D, quibus virtutibus fulgens, 301A', et qua potestate præditus, 301D' et seq. — Omnes tribus Israel convertet, 281D'. — Ab Antichristo occidetur, 302D'. — Quid de resurrectione ejus prænuntietur, 303A', 305A'.
- ELIPHAZ Themanites. Utrum verba ejus a Deo sint approbata, 10B'.
- ELIU Buzites. An sermones ejus Deus approbaverit, 10C'.
- ELOQUENTIA animam mollit, 206D.
- ELYMAS magus, a S. Paulo increpatus, 158B, cæcitatem incurrit, 158A'. — Quomodo interpretetur ejus nomen, 157D'.
- ENOCH septimus fuit ab Adam, 74A. — Quomodo cum Elia prædicaturus sit tempore Antichristi, 301C, qui eum occidet, 302D'. — Quid de resurrectione ejus prænuntietur, 303A', 305A'. — Liber Enoch, qui inter apocrypha reputatur, 74C, utrum a S. Juda citetur, 74A'. — Cf. Elias.
- EPHESUS, metropolis Ioniæ, 193C', in Asia minori, 232D', 237D'. — Quid ibi egerit S. Paulus, 187D, 188B et seq., dæmonia ejiciens, 189B', et magos multos convertens, 190B'. — Quanta turbatio ibidem exorta sit, 190D', et qualiter sedata, 191D'. — Ejus episcopus, qui metropolitanus erat, 237D', laudatur, 238A' et seq. Quo sensu caritatem suam primam reliquerit, 239D'. An S. Timotheus fuerit, 240A.
- EPICURUS, etsi continentissime vixerit, docuit beatitudinem in corporis voluptatibus constituendam, 180B'.
- EPISCOPUS a tribus episcopis consecratur, quare, 134B. — Episcopi, qui sunt Apostolorum successores, 90D', et sacerdotum principes, 237A', cur vocentur angeli, 237C, 238A. — Eorum est manus imponere baptizatis, 135C. — Utrum ab illis distincti fuerint presbyteri in primitiva Ecclesia, 166D'.
- EQUUS est brutum luxuriosum, 412D. — Quid designet, in Apocalypsi, equus albus, 273B', 274C', 352C', 353C', rufus, 274C', 275B', pallidus, 274C', 277C, niger, 274C', 276C. — Equis in prælium paratis assimilantur hæretici, 291D'. — Equi diaboli sunt impii, 293D'. — Hæresiarcharum equi sunt eorum discipuli, 294A. — Per frenos equorum intelliguntur principes crudeles, 328A.
- EREMITÆ quidam longum in mundo duxerunt martyrium, 284B.
- ERROR. Omne peccatum voluntatis venit ex errore aliquo intellectus, 72B.
- ESAU non veram egit pœnitentiam, 438D.
- ESSÆI non leguntur Christum persecuti, 205A.
- ESTHER «venerabilis» in Deo lætabatur, 410D'.
- EUCCHARISTIA. In illa corpore et sanguine suo nos reficit Christus, 244A', 286C', cujus sapor non a carnalibus sed a devotis percipitur, 244B'. — Cf. Missa, Sacramenta, Sacrificium.
- EUCLIDES testatur, corporaliter rectum esse cujus medium non exit ab extremis, 414A.
- EUGENIUS IV Papa «sanctus et humilis». Ad illum scripsit S. Bernardus tractatum de Consideratione, 388.
- EUNUCHUS Æthiops, veri Dei cultor, 136D', cujus laudatur virtus, 136C', 137D', a diacono Philippo qua lingua instructus fuerit, 137B, et qualiter baptizatus, 138B.
- EUPHRATES flumen interpretatur fertilitas, 335A', et designat sæculum nequam, 293A', vel falsorum fratrum collectionem, 335A'.
- EUSEBIUS, Cæsariensis episcopus, allegatur (Hist. eccles. III, c. 5), 275D.
- EUSEBIUS, Emisenus episcopus, citatur, 417D, 419B'.
- EUSTACHIUS (S.) ejusque conjux pœnas quasi intolerabiles passi sunt, 396B.
- EUTYCHES hæresiarcha quomodo erraverit, 295A'.
- EVA virtute passionis Christi salvata est, 315D.
- EVANGELIUM dicitur Evangelium gratiæ Dei,

quare, 194 C'. — Doctrina in Evangeliiis conscripta, quo pacto elucidetur a ceteris N. T. Scripturis, 81. — Quid sit Evangelium æternum, 322 A'. — Evangelii prædicatio, quæ prænuntiata erat, 87 C', cur per homines sine litteris peracta sit, 409 D. — An et quatenus Evangelistæ in Apocalypsi figurentur, 263 C' et seq. Illorum doctrina miraculis confirmata est, 52 B'. — Multa sunt dicta documentaque Christi quæ nullus Evangelistarum descripsit, 496 B'.
EXORCISTÆ quidam Judæi quomodo nomen Jesu invocaverint, 489 D'. Duo ex illis signanter puniti sunt, 190 C.
EXSULTATIO, quæ dicitur quasi extra saltatio, in quo sistat, 433 C.
EXTERMINANS. Ita vocatur diabolus, 292 D'.
EZECHIEL sub qua similitudine Deum adspexerit, 260 D'. — In ejus visione qualiter signentur quatuor Evangelistæ, 264 C. — Quæ scripsit de civitate et templo, cum Apocalypsi conferuntur, 365 D, 366 B, 367 D, 368 B, etc.

F

FALX acuta exprimit Christi judiciariam potestatem, 326 D.
FAMES significat subtractionem alimonie verbi Dei ac sacramentorum, 277 A'.
FEL amaritudinis quid sit, 136 A.
FELIX, præses Syriæ, erat vir cupidus et voluptatibus deditus, 208 A'. — Ægyptium quemdam cum multis rebellantem devicit, 499 D'. — Cur contremuerit audito S. Paulo, 208 C, et quomodo a præsidatu amotus sit, 208 B'.
FESTUS Portius, qui Felici successit tanquam præses Syriæ, 208 B', quo sensu optimus dicatur, 241 B'. — Apud ejus tribunal S. Paulus Cæsarem appellavit, quare, 209 A.
FIDES christiana, quæ sanctissima dicitur, 75 B', est radius primæ Veritatis, 220 A', oculus mentis ultimum finem ostendens 163 B', 169 A, fundamentum virtutum spiritualisque vitæ, 466 D, victoria quæ vincit mundum, 50 C. — Est informis vel formata, 45 D. — Unde pateat ejus certitudo. 5 B, 52 B et seq., 403 A, 431 B' et seq. — Conversio mundi ad fidem, omni miraculo est mirabilior, 344 A. — Fides persecutionibus non est minorata, sed aucta, 433 C'. — Pro ejus defensione qualiter pugnare debeant Christiani, 68 A. Contra diversos ejus adversarios diversis modis procedendum est, 183 A'. Ejus mysteria non cunctis sunt passim pandenda, 297 C'. — Qualis sit sanctorum fides, 324 A'. — Quo sensu fides inter fructus Spiritus computetur, 452 A.
FIDUCIA salubris a conscientia pura generatur, 27 D.
FILII in articulo necessitatis parentibus providere tenentur, 453 A. — Filii Dei qualiter efficiamur, 28 A et seq., 29 D. — Filii Dei a diaboli filiis distinguuntur, 33 C et seq.
FILIUS Dei, cui appropriatur sapientia, 46 C, est verus Deus, et vita æterna, 56 A. — Quomodo dissolvat opera diaboli, 32 D. — Quale testimonium dederit illi Pater, 52 C. — Qui illum negat, negat et Patrem ipsius, 25 B'. — Pater et Filius sunt unus spirator et dator Spiritus Sancti, 97 A. — *Cf.* Christus, Pater, Spiritus, Trinitas.
FINIS supernaturalis per media supernaturalia attingendus est, 448 A'.
FLUMEN aquæ vivæ Spiritum Sanctum exprimere potest, 373 C. — Flumina hæreticos designant, 334 A.
FOENUM figurat homines, 288 A, vel inferiores, fragiles, et incipientes, 294 B.
FOLIA ligni vitæ, sunt verba quibus Christus suos in patria alloquetur, 374 C'.
FONS aquæ vivæ opulentiam divinam significat, 363 D'. — Per fontes intelliguntur hæresiarchæ, 334 A. — Fontes aquarum mystice sunt doctores et prælati, 288 D'. — Fontes aquarum vitæ quid sint, 284 B'.
FORMIDO ex conscientia prava oritur, 27 D.
FORNICATIO a gentilibus reputabatur opus naturale ac licitum, 170 D'. — Contra fornicationis spiritum adolescentibus specialior instat pugna, 48 A'. — Fornicatio spiritualis dicitur idololatria, 323 D.
FORTITUDO alia est virtus, alia donum, 422 C.
FRANCISCUS (S.) divitias spernens, quantum in anima locupletatus sit, 241 C'. — Quomodo contra concupiscentiam pugnaverit, 403 A'. — Cibis suis cinerem superfudit, 444 C'. — Quid docuerit de tentationibus blasphemie, 420 D'.
FRATRES. Ita vocantur in Scriptura qui de eadem sunt cognatione, 89 A'.
FRUCTUS duodecim ligni vitæ quinam sint, 374 D et seq.
FULGURA mystice sunt miracula, quare, 262 C', 286 D', 306 A', 337 A.

FUMUS designat verba ventosa, vanitatisque vaporem instabilem, 294 D.

FUNDAMENTUM primum Ecclesiæ est Christus, 367 A. — Fundamenta duodecim, sunt Apostoli, 366 C', 369 B, vel Patriarchæ, 366 C'.

FUROR libidinis, dicitur irrationabilis concupiscentia, 403 C.

G

GAD, qui interpretatur accinctus, quosnam figuret, 282 C.

GALATIA, regio Asiæ, 173 D', a Gallis nomen accepit, 174 A.

GALLIO, proconsul Achaïæ, 186 C', quomodo S. Paulum dimiserit, 186 D'.

GAMALIEL (S.), « vir doctissimus », 201 B, ad cujus pedes instructus est S. Paulus, 118 C, an fuerit Apostolorum discipulus, 118 D. — Explanantur quæ dixit ad principes Judæorum, 118 D et seq. — Fertur fuisse inter eos qui S. Stephanum sepelierunt, 133 D'.

GAUDIUM quid sit, 6 C. — Aliud est spirituale, 5 A', aliud carnale, 5 B'. — Naturale est animæ, velle gaudere, 398 D'. — Dupliciter in Deo gaudemus, 5 C'. — Gaudium plenum non est in vita præsentis, 6 A, sed in cœlo, 6 D.

GAZA. Duæ civitates hoc nomine vocantur, 136 B'.

GEHENNA impiis præparata, per Topheth significatur, 327 C'. Cf. Infernus.

GENTILES per mare designantur, 333 B'. — Eorum conversio a quibus prænuntiata sit, 170 A. — Quænam quatuor præcepta illis in concilio Jerusalem data sint, 170 C', 171 D'.

GERMANUS (S.), Antisiodorensis episcopus, cibus suis cinerem superfudit, 444 C'. (In Legenda aurea, cap. 102.)

GIEZI, minister Elisæi. Ab illo « Giezitæ » dici possunt simoniaci, 135 C'.

GLADIUS denotat sermonem venenatum, 277 A'. — Per gladium ex utraque parte acutum, intelligitur sententia iudicii vel evangelica doctrina, 235 B'. — Omnis qui gladium accipit, gladio perit, quo sensu, 302 A, 316 C.

GLORIA est clara cum laude notitia, 77 B. — Gloria dicitur conscientiae puritas, 372 B'. — Gloria sæcularis quam vana, 323 C. — Ad promerenda gloriæ bona, non sufficiunt naturalia, 430 D'.

GLOSSA (Walafridi Strabi) allegatur, 59 D',

94 C', 103 C, etc. (Migne *Patrol. lat.* tom. 113 et 114.)

GNIDUS, civitas vel promontorium Doridæ, 212 B'.

GOG interpretatur tectum, et pluribus modis intelligitur, 358 D' et seq.

GRABATA dicuntur lectisternia pauperum, 115 C.

GRÆCI qualiter numeros per litteras significant, 318 B. — Græci quinam adversus Hebræos murmuraverint, 120 B. — « Græci » dicebantur Judæi ex Græcia nati, 142 A.

GRANDO designat verbum Dei, 288 C, verba Apostolorum, 287 D, vel frigus inferni, 287 B', aut persecutionum tempestatem, 306 A'.

GRATIA duplici sensu accipitur, 256 D'. — Gratia gratum faciens, quæ est spiritualis generatio, 27 B', quomodo definiatur, 58 B, 227 A'. Utrum sine illa servari possint Decalogi præcepta, 13 C et seq. — Gratiam de condigno non meremur, 378 C, sed illam Deus infundit homini facienti quod in se est, 26 C', 144 D. — Illam qualiter det Christus, 378 B'. — Ipsam per sacramenta confert lex evangelica, 194 C'. — In remissione peccati simul intelligitur gratiæ infusio, 406 D, quo sensu, 407 B. — Actibus virtutis gratia augetur, 141 C. — Dona gratiæ gratis datæ ad aliorum præstantur profectum, 94 B'. — Cf. Lex, Sacramenta.

GREGORIUS (S.) Nazianzenus, Constantinopolitanus episcopus, allegatur, 451 A.

GREGORIUS (S.) Papa citatur, 10 C', 22 D', 185 A', etc. (Migne *Patrol. lat.* tom. 75-79.)

GRYPHES dicuntur smaragdos contra Arimæos custodire, 369 D'.

GUILLELMUS Antisiodorensis. Ejus Summa allegatur, 390, 398 D.

GUILLELMUS, Parisiensis episcopus, qualem orandi formam pœnitenti præscribat, 392. — Citantur ejus liber de Pœnitentia et Divina rethorica, 392, Sacramentale, 390, et tractatus de Tentationibus et resistentiis, 421 A.

H

HÆRESIARCHÆ, a Scriptura prænuntiati, 68 C, Dei gratiam transtulerunt in luxuriam, 68 D.

— Per fontes designati, 334 A, frequenter ingeniosi sunt, 292 B. — In Apocalypsi describuntur, 276 C, 288 C' et seq., 290 D et seq.

HÆRETICI quinam vocentur in veteri et in nova lege, 115 D'. — Dicuntur Antichristi,

- 24A, 41D, per flumina designantur, 334A, et assimilantur brutis animalibus, 71B'. 73A', nubibus sine aqua, 73B, arboribus autumnalibus, 73C, fluctibus feri maris, 73A', sideribus errantibus, 73C'. — Quomodo in Apocalypsi figurentur, 276C, 291A et seq., 293B et seq. — Libidine dominandi suos confingentes errores, 193B', nullam habentes in loquendo verecundiam, 292A', et animas crudeliter dilaniantes, 292D, quantum peccaverint, 70A' et seq., 74B' et seq. — Eorum tempore erant valde sancti episcopi, 289B. — Hæretici, quorum rex est diabolus, 292C', quo sensu de mundo loquantur, 41B', qualiter arguendi sint, 76A, et quinam vitandi, 59A'.
- HAYMO**, Halberstatensis episcopus, citatur, 232C', 243D', 250C', etc. (Migne *Patrol. lat.* tom. 117.)
- HECTOR** inter gentiles eminenter bonos computatur, 211B'.
- HENRICUS** Gandavensis, Doctor solennis. Allegantur ejus Quodlibeta, 409C'.
- HERMAGEDDON** significat consurrectionem in priora, vel montem globosum, 336A'.
- HERODES I** Ascalonita, cujus tempore natus est Christus, quos habuerit filios, 153B. — Auream posuit aquilam in porta templi quæ dicitur Speciosa, 103D. (Apud Josephum, *Antiquit. lib. xvii, c. 8.*)
- HERODES II** Antipas Joannem Baptistam occidit et Christum illusit, 153B.
- HERODES III** Agrippa, filius Aristobuli, 153B, S. Jacobum Majorem interfecit, 153C. — Quomodo e manibus ejus evaserit S. Petrus, 153C et seq. — Percussus ab angelo horrendo interiit, 153B'.
- HIERONYMUS** (S.) longum in mundo duxit martyrium, 284B. — Aristotelem nominat « principem fatuorum », 379, et aliquam Origenis interpretationem damnat, 219A'. — Allegantur ejus libri de Viris illustribus, 61A, et de Expositione fidei catholicæ, 169C. — Citatur insuper, 86C', 91C', 98C, 112D', 125D', etc.
- HISPANIA** et India dicuntur termini terræ habitabilis, 88A.
- HISTORIA** ecclesiastica (Apollonii apud Eusebium lib. v, c. 18) allegatur, 157D.
- HISTORIA** scholastica (Petri Comestoris) citatur, 101A', 103C, 114A, etc. (Migne *Patrol. lat.* tom. 198.)
- HOLOCAUSTUM**, quod ad divinæ majestatis honorem penitus comburebatur, 437B', præfigurabat religiosos ac viros perfectos, 437C'. — Per holocausta intelliguntur opera virtuosa ex caritatis ardore exhibita, 439B', et qui se ipsos Deo integre offerunt, 439B', præsertim martyres, 439D'.
- HOMICIDA** est omnis qui odit fratrem suum, quo sensu, 35D'.
- HOMICIDIUM** quotuplex sit, 35D'.
- HOMO** quilibet habet angelum sanctum custodem, 154C', et diabolum exercentem, 292D', 404B'. — Voluntas Dei est, ut homo ab homine instruatur, 139D'. — Homini facienti quod in se est, Deus gratiam infundit, 26C'. — Quo sensu homines perhibeantur angelorum fratres, 311B. An assumantur ad angelorum ordines, 368D', 439D. — Quanta dignitas humanæ naturæ per incarnationem Verbi conferatur, 352C. — Quam gloriosum sit homini alios secum salvare, 372C', 373A. — Justitia hominum in præsentī vita est plurimum imperfecta, 27C'. — Homo, per arborem designatus, qualiter areat, 442D. — Quinam ex hominibus signum Dei in suis frontibus non habeant, 291C, et non homines sed bestię appellandi sint, 412C. — Homo solus dicitur deus vel bestia, 216B'. — Per intellectum significatur homo, quo sensu, 194B'. — Fundus cordis humani strato comparatur, 20C. — Per faciem hominis quinam in Apocalypsi figurentur, 264B et seq. — Hominis os eloquentiam, nasus discretionem, oculi sapientiam et mansuetudinem exprimunt, 292C. — Cf. Anima, Cor.
- HORA** novissima, ultimam mundi significat ætatem, 23C. — Hora tertia, sexta et nona orat Ecclesia, quare, 96C'.
- HORDEUM** subditos designat, 276C'.
- HOREB** mons interdum Sinai vocatur, 127B'.
- HUGO** de S. Victore, canonicus regularis, allegatur, 185B', 379. (Migne *Patrol. lat.* tom. 175-177.)
- HUMILITAS** quam necessaria, 418B'. — Humiles per infantes figurantur, 18C'.
- HYACINTHUS**, cœlestem habens colorem, 294C, virtutem latriæ convenienter exprimit, 371B.
- HYPOCRITÆ** quantum noceant, 277A'. — Illorum cœtus per equum pallidum denotatur, 277C.
- HYSSOPUS**, humilis herba bene odorans, tumorem pulmonis repellens, quid significet, 432C.

I

ICONIUM. Duplex civitas ita vocata est, alia in Lycaonia, alia in Cilicia, 463 D'.

IDOLOLATRIA dicitur fornicatio spiritualis et vinum, quare, 323 D.

IDOLOTHYTA appellantur quæ idolis immolata seu consecrata fuerunt, 245 C'.

IGNIS quosnam habeat effectus, 353 B. — Per illum designatur amor et gratia Sancti Spiritus, 287 D, ardor inferni, 287 B', quælibet dura punitio, 327 D, aut sermo invidiosus et rabidus, 294 D. — In linguis igneis, ad extra realiter apparentibus, 94 D, qualiter et quare advenerit Spiritus Sanctus, 93 C' et seq. — Ignis conflagrationis ultimæ angelico ministerio diffundetur, 327 C, elementa omnia attinget, 49 B', homines tunc viventes interficiet, 360 B', et cum reprobis in infernum descendet, 360 C'. — Ignis inferni quo sensu tenebrosus sit, 324 C.

IGNORANTIA affectata, est inexcusabilis, 255 C.

IMPERATOR. Illo valde sublimior est summus Pontifex populi christiani, 428 C'.

IMPII et Iniqui. Impii odibiles sunt non quantum ad esse sed quoad culpam, 343 A'. — Memoriam mortis a sua mente rejicientes, 345 A', aliorum salutem impedire nituntur, 480 A. — Interdum verbis se humiliant ex timore pœnarum, 436 D. — Illorum concordia quantum noceat, 204 A'. — Iniqui cur vocentur « stulti », 29 C. — Omnis qui facit peccatum, et iniquitatem facit, quo sensu, 30 B'. — Impii in die iudicii arguendi sunt, 74 B, neque tunc salvandi, ut stulte dixerunt aliqui hæretici, 278 C.

INCARNATIO Verbi quantam humanæ naturæ dignitatem conferat, 352 C. Cf. Christus.

INCENSA dicuntur orationes Sanctorum ignitæ, 286 B.

INCONSTANTIA mentis magna est imperfectio, 451 D'.

INDIA et Hispania dicuntur termini terræ habitabilis, 88 A.

INDULGENTIÆ fiunt ex spirituali Ecclesiæ thesauro, 455 B, quem erogat summus Pontifex, 455 C.

INFANTES quosnam designent, 48 B'. — Infantes non baptizati non puniuntur igne, sed erunt in limbo puerorum, 361 A.

INFERNUS, cujus tormenta describuntur, 324 A et seq., ob suam profunditatem lacus dicitur, 327 B'. Ejus pœna est gravissima pro-

pter suppliciorum æternitatem, 349 D', 359 B'.

— In illo puniuntur omnes qui in mortali vitio moriuntur, 324 D. — Ibi erit odium omnis boni honesti, 337 D', et Deus sine cessatione blasphemabitur, 343 A', 400 B'. — Utrum in illo futura sit memoria artis et scientiæ, 348 A'. — Ignis inferni est tenebrosus, quo sensu, 324 C. — Cf. Damnati, Reprobi.

INFINITUM a finito plene comprehendi nequit, 44 C.

INIQUITAS omnis peccatum est, quo sensu, 55 D. — Ab illa quomodo nos lavet Deus, 427 A'. — Iniquitates a peccatis distinguuntur, qua ratione, 427 C.

INNOCENTIUS III, « vir doctissimus », allegatur (de Contemptu mundi, lib. III, c. 21), 418 A. (Migne *Patrol. lat.* tom. 217, col. 725.)

INSIPIENTIA, quæ est vitium sapientiæ dono contrarium, 446 B', in quo sistat, 446 C'.

INTELLECTUS quotuplici modo sumatur, 441 A', et quo sensu dicatur homo, 494 B', necnon visus, auditus, gustus, 433 A, olfactus et tactus, 433 B. — Visio intellectualis multiplex est, 44 A. — Intellectus creatus falsitatis origo censetur, 25 D. — Donum intellectus describitur, 441 D.

INTENTIO vana quantum noceat, 249 D.

IRIS insinuat fœdus amicitiae Dei, 261 A, 296 A.

ISAIAS prænuntiavit Christi passionem, 437 D et seq., excæcationem Judæorum, 463 D, 218 C' et seq., et gentilium illuminationem, 463 A.

ISIDORUS (S.), Hispalensis episcopus, allegatur, 369 C', 380. (Migne *Patrol. lat.* tom. 82, col. 570, et 83, col. 679.)

ISRAEL. Regnum Israel spiritualiter intellectum, quomodo restituendum sit, 87 A et seq.

ISSACHAR, qui merces interpretatur, quosnam figuret, 282 B'.

J

JACOBUS (S.) Major in Hispania prædicavit, 88 A, et ab Herode Agrippa occisus est, 453 C.

JACOBUS (S.) Minor, filius Alphæi, 89 B, primus Jerosolymitarum antistes, erat frater S. Judæ, 67 B, 89 C. — Quare dictus sit frater Christi, 89 B. — Quomodo episcopus ordinatus fuerit, 434 B. — In concilio Jerusalem quantam habuerit auctoritatem, 469 D', et quid locutus sit, 470 A et seq. — An et quatenus in Apocalypsi figuretur, 273 C.

JASPIS, viridem habens colorem, quid designet, 260B', 365D', 369C. — Cur illi Christus assimiletur, 369A.

JEJUNIUM quanta polleat virtute, 156A'.

JERUSALEM interpretatur visio pacis, 439C.

— Tempore Salomonis vallata est triplici muro, 438A'. — Christiani qui illam habitabant quomodo ante ejus obsidionem recesserint, 275D. — Quando huc venerit S. Paulus, 441D', 467D', 498B et seq., et quæ ultima vice ibidem passus sit, 499B et seq. — Ibi concilium de legalium observatione qualiter celebratum fuerit, 468D et seq., et quid decreverit, 471D'. — Jerosolymitana Ecclesia an et quatenus in Apocalypsi designetur, 264C'. — Jerusalem figurat Ecclesiam tam militantem quam triumphantem, 449A'. — Per muros ejus, intelliguntur virtutes vel prælati, 438C'. — Sub ejus nomine describitur Ecclesia triumphans, 362A' et seq. — Jerusalem cœlestem nullus ingredi valet nisi ab omni labe sit immunis, 373A'. — *Cf.* Ecclesia.

JESUS, in lege Moysis et Prophetis promissus, 48D', 178B', in veritate est Christus Dei Patris Filius, 25A', 50B', naturalis, non adoptivus, 404D', 441B, et Deus æternus, 69A'. — Quid sit in illum credere, 477A. — *Cf.* Christus.

JEZABEL. Mulier sic vocata in Apocalypsi, 245A', quid docuerit, se prophetissam fingens, 245B'. — Punio ejus prænuntiatur, 246B.

JOANNES (S.) apostolus, evangelicæ legis propheta, 81, summus Asiæ præsul, 62A', per aquilam figuratus, 264B', 273D, 277C, 289B', præ ceteris de Christi divinitate profundius scripsit, 3A. — Quantis donis a Deo auctus sit, 223. Quanta ejus constantia, 409C, humilitas, 226B, 231C', 236C, caritas, 11D, 45D'. Noverat se esse in caritate, 9B', imo in caritate perfecta, 57B'. Sæpissime repetit fraternæ dilectionis præceptum, 48C'. Quosnam specialiter filios suos nominet, 48C. Quare obtrectatoris sui linguam redarguerit, 62D'. — Sancto Petro familiariter utebatur, 103B. — Scripta ejus qua auctoritate vigeant, 63D. — Auctor est epistolarum ad Electam, 57A, et ad Caium, 61A. — Cur se seniore vocet, 57B. — Totius Asiæ minoris fundavit rexitque Ecclesias, 223. — Romæ in ferventis olei dolium missus, 223, nec læsus, in Patmos insulam relegatus est, 232B,

ubi Apocalypsim composuit, 224, ante evangelium suum, 226B', 299B'. Revelatio illi tunc facta, congruentiam habuit ex parte loci et temporis, 232C. Omnes visiones in Apocalypsi descriptas vidit eodem die, 258C', non tamen simul et semel, 259A. — Quo sensu testimonium perhibuerit verbo Dei, 226C, in spiritu fuerit, 232B, 260B, visionem simul imaginariam et intellectualem adspexerit, 258D'. — Vir desideriorum vocari potest, 268C'. Usque ad Trajani tempora vixit, 299C'. — *Cf.* Apocalypsis.

JOANNES (S.) Baptista quomodo Christum prædicaverit, 460A, quem dignus fuit baptizare, qua ratione, 460B. — Venit solum in aqua, quo sensu, 51A. — Qualis fuerit ejus baptismus, 86A, 459D', 488B', et sub qua forma ministratus, 488C'.

JOANNES (S.) Marcus, consobrinus S. Barnabæ, 454B', illum prædicantem cum Doctore gentium comitatus est, 457B'. — Cur a S. Paulo discesserit, 472A'.

JOANNES presbyter, quem Papias allegat, non fuit auctor epistolarum ad Electam, 57A, et ad Caium, 61A.

JOB quanta passus sit, 396A. — Non ex impatientia maledixit diei nativitatis suæ, 445A, nec intendit se a venialibus penitus excusare, 44A'. — Verba trium cum illo disputantium quatenus sint a Deo approbata, 40D'.

JOEL adventum Spiritus Sancti prænuntiavit, 96D' et seq.

JOPPE civitas. Ibi S. Petrus orans, 445A', qualem visionem habuerit, 445C'.

JORDANIS fluvius ubi oriatur, 443C'.

JOSEPH, filius Jacob, qui interpretatur augmentum, quosnam exprimat, 282B'. — Figura Christi fuit, 45B'. — Quo sensu Deus fuerit cum illo, 425B.

JOSEPH (S.) qui vocabatur Barsabas, cur cognominatus sit Justus, 91C. — Fuit de numero septuaginta duorum discipulorum, et consanguineus Christi, 92B'. — Non idem est ac S. Barnabas, 92C', 412C'.

JOSEPHUS (Flavius) historiographus allegatur, 418B', 426C, 453B, etc.

JOSUE dictus est etiam Osee et Jesus, 430C.

JUDÆI, qui interpretantur confitentes, 244D', 252D', per terram designantur, 333C. — Tres eorum sectæ indicantur, 205A. — Solebant gentiles pro nihilo reputare, 450B, defunctos suos vehementer deplangere, 434A, viros et conjuges in eodem tumultu ponere,

- 114A'. — Quoties in die adoraverint, 103B. — Quosnam interfecerint Prophetas, 131C. — Pro majori parte Christum audire spreverunt, 106B', illumque per ignorantiam occiderunt, quo sensu, 110C', quanta cæcitate percussi, 105B'. Propter hoc scelus a Romanis vastati sunt, 110D'. — Illorum infidelitas fuit occasio illuminationis gentium, 162D'. — Judæi ad Christum conversi, paulatim legalia dimiserunt, 171B, 173B', 187C, nec in illis spem salutis posuerunt, 198D. — In fine mundi, per prædicationem Eliæ veritatem agnoscent Judæi, 281D'.
- JUDAS. Per tribum Juda intelliguntur qui Christum veraciter confitentur, 282B.
- JUDAS (S.) apostolus, alias Taddæus, frater Jacobi et Simonis Zelotis, quare vocatus sit Corculus, 67A. — Quanta ejus humilitas, 67B, 75C.
- JUDAS (S.), qui cognominabatur Barsabas, laudatur, 171C. — Quomodo Antiochenos consolatus sit Christianos, 172B.
- JUDAS Galilæus erravit de tributo, 118D'.
- JUDAS Iscariotes fuit apostolus, prædicans ac baptizans, 90A. — Quo sensu possederit agrum de mercede iniquitatis, 90B.
- JUDEX furem suspendens, an reddat malum pro malo, 423A'. — An reus graviter peccet, peccatum suum judici non propalando, 422B'. — Indignus est alium judicare, qui in eodem aut majori est peccato, 422D'.
- JUDICIUM quotuplex sit, 456D'. — Quomodo in judicando procedendum, 209A'. — Judicium discretionis distinguitur a judicio particulari et universali, 322D', 447A. — Judicium disceptationis divinæ justitiæ, qualiter evadatur, 457D. — Contra terrorem judicii caritas confidentiam donat, 46B'. — Tempus judicii cur præsciri nolit Deus, 87A. — Judicium generale, quo sensu triplex sit, 331D, et de quibus in illo reddenda sit ratio, 74C. Zelo justitiæ a sanctis desiderabitur, 326B'. — In die judicii, quidquid inordinatum fuit per culpam, ordinabitur per pœnam, 106C, conscientiæ singulorum singulis innotescant, 360B, liber vitæ aperietur, 360C, electisque præstabitur plenaria requies, 106B.
- JULIUS (Cæsar) inter gentiles eminenter bonos computatur, 211C'.
- JULIUS centurio quomodo S. Paulum tractaverit, 212C, 215B'.
- JURAMENTUM quando non sit servandum, 205C'.
- JUSTINUS imperator, « vir christianissimus », contra Arianos pugnavit, 295B'. — Utrum in Apocalypsi designetur cum filio suo, 298A'.
- JUSTITIA, præclarissima virtus, per topazium figuratur, 370C', et interdum sumitur prout est virtus communis, 31C', 408D', seu omnis virtus, 131B. — Quisnam justitiam faciat, 27B'. — Justitia hominum in vita præsentis est plurimum imperfecta, 27C'. — Quo sensu viri perfecti aliquando justitias suas coram Deo enarraverint, 457A'. — In Beatis qualis sit justitia, 27D', 370D'. — Quid sit veritas justitiæ, 64B'. — Justi qua ratione dicantur recti corde, 414A.

L

- LABIA spiritualia, quomodo a Deo aperiantur, 436C'.
- LACRIMA. Quam felix lacrima quam Creatoris manus absterget, 284D'. — Quantum valeant sanctæ lacrimæ, 401C'.
- LACUS miseriæ, est consuetudo iniqua, carnalis vita, 459D'. — Lacus iræ Dei magnus, infernum significat, 327B'.
- LÆTITIA ordinata, quæ est in Deo, secundum Deum, et propter Deum, 413B', tam grandis esse debet ut redundet in corpore per exultationem, 413C'.
- LAODICIA. Hujus civitatis episcopus in Apocalypsi increpatur, 254D' et seq., et deinde consolationem accipit, 256C.
- LAPIS pretiosus caritatem insinuat, 339B. — Per lapidem mundum et candidum, intelligitur Christus, 331C', vel quælibet virtus, 332A. — Lapides Ecclesiæ dicuntur homines ex quibus est constructa, 447C.
- LATRIA est virtus Deo cultum cærimoniamque impendens, 352D. — Soli Deo debetur honor latriæ, 283C'. — Actibus latriæ dulcissime reficiuntur Beati, 371C.
- LAURENTIUS (S.) quomodo assaretur, dabant militus Christiani Romani, 418C'.
- LAURENTIUS Romanus, antipapa, S. Symmacho oppositus, 295A'. (Apud Anastasium biblioth. c. 53. Migne *Patrol. lat.* tom. 128, col. 451.)
- LECTUS conscientiam designare potest, 401A'.
- LEO quosnam figuret, 264D et seq., 268D', 273C.
- LEO (S.) Papa. Illi adolescenti apparuit B. V. Maria, 417C'.

LEVI, additus dicitur, et per eum exprimuntur qui consilia observant, 282A'.

LEX divina est aquitas ipsa, 30C'. Qualiter recolenda et adimplenda sit, 454B. Ejus duae partes sunt testimonia et mandata, 48D. — Quænam sint duo præcepta legis naturalis quantum ad proximum, 428D. — Lex Moysis angelorum ministerio data est, 431D. Jugum ejus quam grave, 50A, 169B. — Lex evangelica est omnium legum perfectissima, 454C, gratiam continens et conferens, 461A', 494C'. — Lex Christi est lex pietatis, 68A', et amoris, 396D'; lex Moysis, lex rigoris, 68A', et timoris, 396D'. — De observatione legis veteris post Christum quænam quæstio orta sit Antiochiæ, 467C, et quomodo soluta in concilio Jerusalem, 468C' et seq. — *Cf.* Decalogus, Præcepta.

LIBELLUS apertus significat evangelicam doctrinam, 296A'.

LIBER vitæ quid sit, et quo sensu aliquis de illo deleri dicatur, 251B. Aperiendus est in judicio, 360C, in quo patefient etiam libri conscientiarum, 360B. — Liber apertus designat Scripturarum novæ legis intelligentiam, 298B'. — Quid sit liber sigillis septem signatus, 267C et seq.

LIGNUM thynum, ut dicitur, est imputribile, crescens in Ophir, 346C'. — Lignum vitæ figurat Christum, 374C; ejusque fructus duodecim, sunt universa quæ ad electorum felicitatem concurrunt, quo sensu, 374D et seq.

LIMBUS. Ad illum descenderunt omnes electi V. T., 461B', qui beatifica visione caruerunt, donec Christus eos visitavit, 99B. — In limbo puerorum erunt infantes non baptizati, 361A.

LINGUÆ, per superbiam divisæ, per humilitatem unitæ sunt, 94D', quanto miraculo, 94C', 96A. — In linguis igneis exterius apparentibus, 94D, advenit Spiritus Sanctus, 93B et seq.

LOCUSTÆ hæreticos designant, 291A.

LORICÆ quid figurent, 292D, 294B.

LUCAS (S.) evangelista in Bithynia prædicavit, 474C. — Librum Actuum Apostolorum conscripsit, 83A, lingua græca, 442B'. — Quomodo in Apocalypsi designetur, 264A', 273D, 332C. — *Cf.* Actus.

LUCIFER, princeps omnium dæmonum, 405C', dicitur tentasse primos parentes et Christum; necnon Antichristum possessurus, 404A'. *Cf.* Dæmon, Satanas.

LUNA qualiter, tempore Passionis, soli se supposuerit, 97B', et in sanguinem conversa sit, 98B. — Quomodo in fine mundi mutanda, 361B'. — Quid figuret, 289C, 307A.

LUX. In illa quo sensu ambulemus, 7D et seq. — Deus lux est, 6A' et seq. — Per tenebras designatur superabundans et invisibilis abundantia lucis divinæ, 47C'.

LUXURIA quantum noceat, 447D'. — Luxuriosi quænam supplicia in inferno perpesuri sint, 345C.

LYCIA, provincia Asiæ, 496D', 212D.

LYDIA, provincia Asiæ, 493B'.

LYDIA, de urbe Thyatira oriunda, Philippis manens, 474D', a S. Paulo baptizata est, 475A. — Opulenta fuit, grata et multum devota, 475B.

LYRA (Nicolaus de), Ord. Min. notissimus postillator, in aliquo non approbatur, 240A, et sub nomine « quidam » refellitur, 40B', 305A'.

LYSTRA, civitas Lyciæ, 212D.

M

MACEDONIA virtutibus Alexandri Magni nobilior facta est, 474A'.

MACEDONIUS hæresiarcha quomodo erraverit et condemnatus sit, 295C.

MAGI. Stella illis apparens, qua ratione ceteris stellis fuerit micantior, 240A'.

MAGISTER discipulum dyscolum cædens, an reddat malum pro malo, 423A'.

MAGISTER Sententiarum (Petrus Lombardus) allegatur, 388. — In aliquo non approbatur, 42D'. — (*Migne Patrol. lat. tom. 192.*)

MAGOG interpretatur, de tecto, et pluribus modis intelligitur, 359A.

MAHOMETUS, legislator Sarracenorum, 348B', qui finxit se esse prophetam, 245C', non per signa mundum seduxit, sed armis prævaluit, 348D'. — Quid de Christo dicat in Alcorano, 49A, 56B. — Utrum in Apocalypsi designetur, 348B', 328A'.

MALI in præsentī vita bonis miscentur, 24D. — Quinam sint non sustinendi, 239A. — *Cf.* Impii, Reprobi.

MALUM culpæ, deterius est malo pœnæ, 397B. — Mala pure pœnalia sub conditione tantum a nobis auferri postulemus, 441D. — Qui male facit, non videt Deum, quo sensu, 63C.

MANAHEN erat Herodis Antipæ collactaneus, 456C.

MANASSES, qui oblitio interpretatur, quosnam significet, 282 D.

MANASSES, rex Juda, fuit « peccator gravissimus, sed profundissime pœnitens », 399 C.

MANDATUM caritatis, est vetus et novum, quo sensu, 45 C'. — Mandata Dei gravia non sunt, 49 A' et seq.; qui illa servat, in Deo manet, 39 C', et Deus in eo, 39 D'. — Cf. Lex, Præcepta.

MANICHÆUS (id est Manes) hæresiarcha, 276 C, confutatur, 4 C, 41 B. — Manichæi vetus Testamentum negabant, 415 D'.

MANNA absconditum, quid sit, 244 C et seq.

MANUS spirituales, sunt bonæ operationes, 458 D'. — Expansio manuum qua intentione facienda sit, 458 B'.

MARCION hæresiarcha, filius diaboli, 246 D', adhuc vivente S. Joanne evangelista, surrexit in Asia, 24 A, 239 A'. — Docuit legalia cum Evangelio servanda, 246 D'. — Refellitur, 3 A, 4 C, 41 B.

MARCUS (S.) evangelista quomodo in Apocalypsi figuretur, 264 B', 273 C, 332 C.

MARE an et quatenus innovandum sit in fine mundi, 362 B. — Quid designet, 313 C, 347 A'. — Mare vitreum mixtum igne significat Baptismum, 329 D et seq. — Mystice quid sit mare æneum, 263 A', mare vitreum simile crystallo, 263 B et seq. — Fluctibus feri maris cur assimilentur hæretici, 73 A'.

MARGARITÆ virtutes exprimunt, 339 B.

MARIA Christifera, 306 C, Deifera, 434 D', incomparabilis, 449 C, 448 B', est singularis Christi sponsa, 351 B. — Quo sensu turbata fuerit Archangelo illam salutante, 449 C. — Ejus adjutorio indigemus, 460 D'. — Utrum intelligatur per templum Dei, 306 C, et per mulierem quæ in capite habet coronam stellarum duodecim, 307 A'. — Apparuit S. Leoni Papæ, quum ipse adolescens esset, 417 C'.

MARTINUS (S.) quare securus fuerit in periculo mortis, 441 A.

MARTYRES ex caritatis fervore Creatori se obtulerunt, 439 D', qui eos miraculis honoravit, 52 B'. — Quo sensu in cœlo precentur ut Deus sanguinem eorum vindicet, 277 D', 278 C. — Aliqui confessorum longum in mundo duxerunt martyrium, 284 B.

MATTHÆUS (S.), qui primus Evangelium scripsit, quomodo in Apocalypsi figuretur, 264 B et seq., 273 C, 276 C, 332 C.

MATTHIAS (S.), qui erat de numero septuaginta duorum discipulorum, 92 B', ascen-

sioni Christi adfuit, 84 B'. — Qualiter electus sit in apostolum, 91 C et seq.

MELIGINA insula ubi sita, 245 D'.

MELITA insula. Utrum in illam post naufragium evaserit S. Paulus, 245 D'.

MEMORIALE vocatur notabilis effectus jugi memoria dignus, 446 D. — Memoriale Dei interdum appellatur nomen ejus a gratioso effectu impositum, 446 A'.

MENDACIUM ex veritate non est, 25 B, sed ejus origo est diabolus, 25 C. — Mendacium perniciosum ab officioso et jocoso distinguitur, 321 D'.

MENSES quinque, significant omne tempus vitæ præsentis, 291 D.

MENSURA arundinea aurea, indicat justam Christi sapientiam, 367 C.

MERCATORES designant avaros, 343 C', qui spiritualia pro terrenis dederunt, 348 C'.

MERETRIX magna, est civitas diaboli, seu collectio impiorum, 338 C, 349 B'. — Quid significant ejus ornamenta, 339 A, et nomen in fronte ipsius scriptum, 339 D. — Denuntiantur ejus scelera, 338 C et seq. — Quo sensu cum illa fornicati sint reges terræ, 338 A'.

MERITA nostra sunt Dei dona, 443 C.

MESOPOTAMIA regio quare sic dicta, 423 D.

MICHAEL (S.), de ordine Principatuum, 71 D, 309 C', princeps olim Synagogæ, 71 A, 428 B', nunc Ecclesiæ militantis, 71 D, 286 D', cur archangelus vocetur, 71 A'. — Quando et quomodo contentionem cum diabolo habuerit de Moysis corpore, 70 C' et seq. — Præliatur cum angelis suis pro Ecclesia, 309 C'. — An et quatenus in Apocalypsi designetur, 286 D'.

MILETUS, civitas Asiæ maritima, 493 B'. — Explanantur quæ ibi locutus est S. Paulus, 493 D'.

MIRACULA, quæ per fulgura signantur, 262 C', fidem consequuntur, 405 A', et legem evangelicam confirmant, 52 A', etiam in præsentī tempore, 52 D'. — Quo sensu Deo soli competat vera operari miracula, 349 A'. — Innumera fuerunt miracula Christi, 83 C, et Apostolorum, 445 C'. — Mundi ad fidem conversio maximum est miraculum, 437 C', 344 A. — Quanto miraculo donum linguarum in Apostolis splenderit, 94 C', 95 C, 96 A. — Injustis quandoque potius quam justis miracula impenduntur, quare, 246 D'. — An vera miracula factururus sit Antichristus, 319 A et seq.

- MISERATIO in Deo significatur per modum actus, 426 D'.
- MISERICORDIA quid sit, 397 A. et quo sensu Deo conveniat, 397 C. — Motivum miserendi aliud est ex parte miserentis, 397 A', 399 D', aliud ex parte miseri, 397 B'. — Quanam sit vis verbi istius: Miserere, 426 D. — Misericordia Dei quanta sit, 426 C, et qualiter exoranda, 440 D'. Pluraliter designatur per diversitatem suorum effectuum, 426 C'.
- MISSA prima in cœnaculo a Christo celebrata est, 89 A. — In missa quare sacerdos manus expandat, 458 B'.
- MITYLENE insula. Utrum huc post naufragium evaserit S. Paulus, 215 D.
- MONACHI in desertis cur cingulis usi sint, 454 A. Cf. Cœnobitæ, Religiosi.
- MONS magnus et altus Christum figurat, 365 B. — Mons magnus igne ardens denotat diabolum, 288 D. — Quosnam designent montes, 278 D', 279 C. — Mons Oliveti, de quo Christus in cœlum ascendit, ubi situs sit, 88 B'.
- MONTANISTÆ vetus Testamentum negabant, 415 D'.
- MORS. Illam appetere quatenus liceat, 291 C'. — Ejus diem cur Deus præsciri nolit, 87 A, saltem ordinarie, 87 C. — Explanantur hæc: Beati mortui qui in Domino moriuntur, 324 C' et seq. — In ea mentis dispositione qua moritur homo, permanet ejus anima, 325 C. Nihil periculosius homini quam in eo vivere statu, in quo mori non audet, 405 D'. — Quo sensu opera mortuorum sequantur illos, 325 D'. — Vera suscitatio mortuorum non fit nisi Dei potestate, 443 B. — Mors designat ignem conflagrationis, vel diabolum, 360 A'. — Prima mors est mors culpæ seu ipsum peccatum, 360 D'. — Mors secunda est damnatio ultima, 358 A', 360 D', 364 B'.
- MOTUS primi mobilis et cœlestium corporum cessabit post finale iudicium, 298 C. — Motus terræ supernaturalis factus est post orationem discipulorum contra persecutores, 411 B', et in carcere ubi detinebantur S. Paulus et S. Silas, 476 A'.
- MOYSES, Judæorum legislator, 406 D, et magister, 43 C', unde nomen acceperit, 51 B. — Quo sensu eruditus sit in omni sapientia Ægyptiorum, 426 C', et gratus Deo fuerit, 426 A'. — Utrum peccaverit Ægyptium occidendo, 427 A. — Angelus illi in persona Dei apparuit, 427 B', cur in igne, 427 C'. — Quo modo Deum viderit, 43 C', et de Christo prophetaverit, 406 D. — De ejus corpore quando et quatenus S. Michael cum diabolo contentionem habuerit, 70 C' et seq.
- MOYSES (Rabbi). Juxta illum, tot erant in lege præcepta, quot dies in anno et ossa in homine, 50 A, 469 C.
- MULIER amicta sole, Ecclesiam militantem designat, 306 C'. — An etiam B. V. Mariam figuret, 307 A'.
- MULUS est brutum gulosum, 412 D.
- MUNDUS quotuplici modo accipitur, 49 C, 181 D'. — Mundus transibit, quo sensu, 22 A'. Ultima ejus ætas qualis sit, 23 C, et quare præcedentibus protractor, 23 A'. Ejus decursus durabit quousque electorum numerus compleatur, 278 B. — Mundus designatur per Babylonem, Ægyptum et Tyrum, 343 C. — Totus in maligno positus, 55 C', Deum non novit, 29 A, et justos odio habet, 35 A. Qua ratione non sit diligendus, 49 A et seq., 20 A. — Quis illum vincat, 50 B et seq. — Mundi conversio ad fidem, maximum est miraculum, 437 C', 314 A. — Antichristo occiso totus pene mundus ad Christum convertetur, 304 C. — Mundani perverse judicant de devotis hominibus, 28 C'.
- MURUS magnus et altus, 365 D', figurat Dei protectionem, vel ipsum Christum, 366 A.
- MUTATIO non fit sine quadam corruptione, quo sensu, 452 B.
- MYSIA, provincia Asiæ, 474 B.
- MYSTERIUM quid sit, 339 A'.

N

- NASUS discretionem indicat, 292 C.
- NAUTÆ. Per illos intelligi possunt qui navem Ecclesiæ regere habent, 347 A'.
- NAVES mystice sunt rectores Ecclesiæ, 288 B'.
- NAZARÆI ex voto comam nutriebant, ac deinde radebant, 487 C.
- NAZARENI quinam vocati sint, 207 B.
- NEAPOLIS, civitas Cariæ, 474 B'.
- NEBULA, secundum quosdam, gratiosam Dei præsentiam significat, 332 C'.
- NECESSarii amici quinam sint, 447 C.
- NECESSITAS conditionata a necessitate absoluta distinguitur, 225 B'.
- NEOPHYTI vocantur qui ex infidelitate ad evangelicam legem nuper conversi sunt, 95 C'.
- NEPHTHALI, qui latitudo interpretatur, quosnam designet, 282 D.

NEQUITIA. Quodnam peccatum ita sit appellandum, 107D.

NERO, nondum in imperio confirmatus, S. Paulum non reclusit, 218A, 219D', sed postea illum interfecit, 220A. — An et quatenus in Apocalypsi figuretur, 274D' et seq.

NESTORIUS hæresiarcha confutatur, 4C, 41C.

NICÆNA synodus Arium condemnavit, 295B.

NICOLAUS diaconus quomodo occasionem præbuerit errori Nicolaitarum, 121A', 240B', qui doctrinam Balaam tenuerunt, quo sensu, 243B'.

NOX designat activos et in pœnitentiæ actibus constitutos, 289D.

NUBES. Qualiter per nubem assumptus sit in cœlum Christus, 84D', 88B, qui dicitur amictus nube, quare, 296A. — Per nubem candidam intelligi potest caro Christi, 326D. — Nubes mystice sunt angeli, Apostoli, 230C, et prædicatores, 73B.

NUMERUS senarius est perfectus, 265B. — Numerus quinquagesimus remissionem et quietem indicat, 94B. — Quibus numeris designetur universitas, 227D, 262C, 285B', 308D, 329C. — Frequenter per numerum determinatum exprimitur indeterminatus, 242C, 262B, 281D', 293D'. — Numerus bestię quid sit, 317D' et seq.

NUPTIÆ Agni, significant plenam Christi conjunctionem cum Ecclesia, 350D'.

NYCTICORAX signat mediocriter bonos et proficientes, 443D'.

O

OBSECRATIO, efficacissima orationis species, in quo sistat, 456C.

OCULI sapientiam et mansuetudinem designant, 292C. — Quid sit concupiscentia oculorum, 20B'. — Per oculos septem intelliguntur dona Spiritus Sancti, 269C'.

ODIUM est mortale peccatum, 16D'. — Omnis qui odit fratrem suum, homicida est, quo sensu, 35D'. — Qui carnali amore se diligunt, vere se odiunt, 311B'. — Quale odium sit bonum, 311A'.

OLEUM quosnam figuret, 277A.

ONUS in Prophetis exprimit pœnam culpæ debitam, 416C.

OPERATIO arguit formam, 38C.

OPUS unum et idem quomodo sit meritorium et satisfactorium, 401D. — Per opera intelliguntur etiam interiores actus, 377A. —

Qui sine operibus virtutum sperat salvari, inaniter sperat, 413A. — Opera mortuorum sequuntur illos, quo sensu, 325D'. — Deus dabit unicuique secundum opera sua, 246A'.

ORATIO quid sit, 12D', 75D', et quinam sint ejus effectus, 456A. Per orationum merita Deus multa facere decrevit, 440C. — Oratio qualis exaudiatur, 39A, 53D' et seq., 456A, et cur interdum post dilationem, 39B, 441B'. Quomodo orans possit cognoscere se exauditum esse, 404B. — Quinam in Spiritu Sancto orent, 75C'. Humiliter orandum est, 448D. Qui ex affectu non petit, non orat, 456A. — Frustra oratur pro illo qui impœnitens mortuus est, 55A. — Qua compunctione oporteat pœnitentem orare, 391; cui orandi forma proponitur, 392. — Oratio est mysticum thymiam, 439D'. Efficacissima perhibetur, quæ laudibus Dei miscetur, 446B, nam majus est talibus laudibus quam orationibus esse intentum, 102B. — Aliqui solent in loco altiori devotius orare, 145B'. — Ante comestionem orandum est, quare, 145B'. — Obsecratio, quæ est orationis species, in quo sistat, 456C.

ORIGENES allegatur, 126C', 158A, 404D, etc. — Quid de illo sentiendum, 254D. — Aliqua ejus interpretatio a S. Hieronymo damnatur, 219A'. — (*Migne Patrol. gr.* tom. 11-17.)

OS eloquentiam designat, 292C.

OSSA quomodo per contritionem conturbentur, 398A. — Illis assimilantur virtutes, 398B, et superiores animæ vires, 415D', 433D, 442B.

OSTIUM multiplici sensu accipitur, 252C et seq. — Ostium cordis, est liberum arbitrium, 256B'. — Ostium apertum in cœlo, est Christus, 259B.

P

PAMPHYLIA, provincia Asiæ, 167A.

PANIS designat fletum salubrem, 442A', panem sacramentalem, 442B', contemplationem et bonam operationem, 442C'. — Quo sensu panem suum non comedant crapulose epulantes, 443B. — Cinerem tanquam panem manducat pœnitens, 444B'.

PAPA, summus Prælatus, sponsus ac hierarcha totius Ecclesiæ, 455C, necnon Pontifex summus populi christiani, Imperatore et regibus valde est sublimior, 428C'.

PAPHUS, civitas Cypri maritima, fuit quon-

dam carminibus poetarum famosa, 157B'. — Ibi Sergius Paulus a S. Paulo conversus est, 157C', 158A'.

PAPIAS, Hieropolitanus episcopus, fuit S. Joannis apostoli discipulus, 61A.

PARDUS est animal variis respersum coloribus, 313C'.

PASSER figurat eos qui pœnitentiam inchoant, 444A.

PASSIONES animæ, nisi refrenentur, a medio virtutis oculum cordis abducunt, 403D.

PASTOR quænam habeat officia, 244B. *Cf.* Prælati, Prædicator.

PATARA, civitas Lyciæ, 496D'.

PATER æternus, quale testimonium Filio dederit, 52C, et quo sensu sit salvator noster, 76D'. — Qui negat Filium Dei, negat et Patrem ipsius, quare, 25B'. — Pater et Filius sunt unus spirator et dator Spiritus Sancti, 97A. — *Cf.* Christus, Filius, Spiritus, Trinitas.

PATIENTIA quid sit, 238C', et qualiter servanda, 399A. — Ejus est in adversis inordinatam auferre tristitiam, 316D. — Ex consideratione pœnarum æternarum firmatur, 324A'. — Quanta fuerit justorum patientia, 457C'.

PATMOS insula. Ibi relegatus S. Joannes Apocalypsis librum composuit, 224.

PATRESFAMILIAS quasi episcopale officium in suis domibus exercere debent, 444C.

PAULUS (S.), oriundus a Tarso, 140A', urbe Ciliciæ, 171A', 200B, civis Romanus quomodo fuerit, 177A', 202C'. — Unde parentes ejus venerint, 201A. — Saulus primo dictus, 133A, a Gamaliele instructus est, 201B, et ante conversionem suam zelum legis indiscretum habuit, 201B. — Consensit neci S. Stephani, 133B', cujus orationis virtute creditur illustratus, 133A'. — Juxta Damascus illuminatus, 139A, 201D, 210A', vocem Christi audivit, 139B, et ad illum conversus est, 139B'. A tempore illo non fuit conscius de aliquo mortali peccato, 203B. — Quid postea egerit, 140A et seq. — Quando raptus sit ad tertium cœlum, 140C, et quomodo Deum viderit, 43C', 44D.

Damasco fugiens, 441D, an statim venerit Jerusalem, 441D', 467D'; quales visiones ibidem habuerit, 201D', 205C. — Impositionem manuum accepit, quo sensu, a quibus, 456B' et seq., et quo anno post Domini passionem, 157C. — In dono sapientiæ privilegiatus, 115D, omne consilium Dei annunti-

avit, quomodo, 194D'. De legalium observatione quid docuerit, 198A'. — Quantus ejus zelus, 193D, quanta fortitudo, 198A, et caritas erga Judæos, 179A'. — Utrum majora miracula fecerit quam Christus, 189B'. — Labori manuum insistens, 196A, erat sceno-factoriæ artis, 185C'. — Leonii quid cum S. Barnaba operatus sit, 164B. — Lystræ claudum curavit, 164D' et seq., et pro Mercurio reputatus, 165C, gentilium recusavit adorationem, 165A'; deinde lapidatus, 166B, divina potestate mortem evasit, 166C. — Qualis facta sit dissensio inter illum et S. Barnabam, 172B'. — Philippis pythonissam a dæmone liberavit, 175B', et virgis cæsus in carcerem missus est cum S. Sila, 176D; sed interveniente terræ motu, 176A', liberatus fuit, 177B et seq. — Qualiter conversatus sit Thessalonicæ, 178C, Berœæ, 179A', apud Corinthios, 185C et seq., et Ephesios, 187D, 188B et seq. — In Cenchris caput sibi totondit, 187B, votum habens, quo sensu et quare, 187C. — Cur Jerosolymam redierit, 190C', et quomodo illi revelata sint quæ ibidem passurus esset, 194D. — Troade juvenem mortuum suscitavit, 193B. — In templo Jerusalem captus est a Judæis, 199B. Quare se civem Romanum allegaverit, 202C'. Illum instantius persecuti sunt Pharisei quam Sadducæi, 207B'. — Ante tribunal Festi Cæsarem appellavit, quare, 209A. — Quomodo a Cæsarea in Italiam iter fecerit, 212B. — Multa pericula in mari expertus, 213D et seq., sed ab angelo confortatus, 214C, ipse comites navigationis confortavit, 214B, cum quibus omnibus, ut prædixerat, ad terram evasit, 215C'. A vipera deinde tactus, 216C, nihil mali passus est, 216D, et multa prodigia patravit, 216C'. — Quomodo Dei fuerit, 214C, quem Deum suum appellavit, quo sensu, 214D. — Non reclusus est a Nerone, qui nondum in imperio confirmatus erat, 219D'. Vincit tamen incessit, 218D. — Quando martyrium passus sit, 168A, 220A. — Elucidantur ea quæ locutus est ad Judæos Anti-ochiæ Pisidiæ, 159A, ad Athenienses in Areopago, 181B', ad Ephesinæ Ecclesiæ seniores Mileti congregatos, 193D', ad Judæos in Jerusalem, 201A, ad Ananiam pontificem, 203D, ad Felicem præsidem, 207D, ad Agrippam regem, 209D, ad Judæos Romæ, 218B.

PAX quid sit, 227B', et quotuplex, 58C. — Quam desiderabilis, 227C'.

PECCATUM infelicissima est ruina, 387. Quo sensu mors dicatur, 27B', 242C', 249A. — Gravissimum est ejus onus, 416B. — Omne peccatum est quædam injustitia, 431B, et quoddam mendacium, 377B'. — Quanta diligentia vitandum sit peccatum, 41C, cujus prima origo est voluntas creata, 22C. — Quinam sint peccati effectus, 406B, 416C', 419B', 427C'. — Peccata diverso respectu distinguuntur, 21B et seq. Quomodo illa ponderentur incipientes, proficicientes, 398B', et perfecti, 398C'. — Septem peccata mortalia quæ aliorum vitiorum radices vocantur, quænam sint, 21A' et seq. — Originale peccatum, quod formaliter unum, materialiter plura dicitur, 429D', contrahitur non a parentibus proximis, 430A, sed a primis parentibus, 430B. — Vulnere quatuor ex originali peccato derivant, 397C', 415A', 429D'. — Omnis peccans fertur ignorans, quare, 48B. Omnis qui facit peccatum, et iniquitatem facit, 30B', omnisque iniquitas peccatum est, 55D. Inter peccata et iniquitates qualis sit distinctio, 427C. Qui facit peccatum, ex diabolo est, 31C' et seq. — Peccati quanta sit gravitas, si consideretur ex parte Dei offensi, 425A, 428D', et ex parte peccantis, 426A. — Peccatum mortale, quod per tenebras designatur, 7C, quænam pariat mala, 59B, 449C, 342B. — Qui peccat mortaliter, meretur corporaliter mori, 445C. — Utrum aliqui in peccato mortali defuncti salvi facti sint, 400D'. — Multi Sanctorum ex revelatione agnoverunt se mortali peccato non subiacere, 9A'. — Aliquem esse in peccato mortali, sæpe tam ab eo quam ab aliis certo cognosci potest, 33D'. — Quodnam peccatum dicatur nequitia, 407D. — Qui natus est ex Deo, peccatum non facit, quo sensu, 32A', 55A'. — Utrum aliquis adultæ ætatis rationisque compos valeat in hac vita esse sine peccato, 409B', 432A'. Quo sensu omnes peccatum habeant, 9C, 40D. — Venialia singula, non omnia, vitare possumus, 44C. — In remissione peccati simul intelligitur infusio gratiæ, 406D, quo sensu, 407B. — Quanto quis peccata sua diligentius pensat et exsecratur, tanto majorem veniam meretur, 428B. — Unum peccatum mortale non dimittitur sine aliis, quare, 40A, 427D. — Peccata in Spiritum Sanctum cur asserantur irremissibilia, 55A. — Peccata venialia quomodo dimittantur, 54C'. — Post per-

ceptam peccatorum remissionem rursus excedere est enormius, 406C'. — Utrum semper de peccatis dolendum sit, 402B' et seq. — Excusatio et negatio propriæ culpæ, valde gravia sunt peccata, 407B'. — Quænam sint reliquiæ peccati, 397D'. — Peccata pacem peccatoris impediunt, 415D'. — Peccatores quomodo de igne rapiendi, 76C, et qualiter a Deo puniti sint, 458C.

PEDES mystice sunt affectiones, 296B, et actus, 422A. — Pedes Christi, sunt prædicatores virtuosos, 296D.

PELAGIA (S.) quantum per pœnitentiam extenuata fuerit, 443C.

PELAGIUS hæresiarcha « valde litteratus » an et quatenus in Apocalypsi figuretur, 288C'. — Qualiter de gratia erraverit, 295C.

PELECANUS pœnitentes perfectos exprimit, 443D'.

PENTECOSTE unde nomen acceperit, 93A. — In illo die quomodo advenerit Spiritus Sanctus, 93B et seq.

PERFECTI quomodo peccata ponderent, 398C'. — Aliquando malunt suas culpas puniri, quam Dei offensam manere inultam, 47C. — Non sua dumtaxat, sed et proximorum, potissime subditorum, delicta lugent, 401D'. — Aliqui ita perfecti sunt, ut statim post hanc vitam intrent beatitudinem, 44B. — Quo sensu viri perfecti interdum coram Deo de suis justitiis locuti sint, 457A'. — Qui perfectus est, amore boni perseverat in bono, 242B'. — Cf. Sancti.

PERGAMUS. Hujus civitatis episcopus qualiter in Apocalypsi laudetur, 243D, et admo- neatur, 243B' et seq. — Illum esse S. Carpum quidam asserunt, 245C.

PERGE, maritima civitas Pamphyliæ, 458C', 467A.

PERSECUTIONES. Illis fides non est minorata, sed aucta, 433C'.

PETRÆ Sanctos in patria confirmatos designant, 279C.

PETRUS (S.), princeps Apostolorum, 89B', 468C', et Ecclesiæ, 448A, quam perfecte legem Moysis impleverit, 446B. — Omnia propter Christum reliquit, 403B'. — Quantum mutatus sit gratia Spiritus Sancti, 96D, 405A'. — Omni nocte a primo gallorum cantu uberrime flebat, 401C'. — Laudatur ejus caritas, 447A', et constantia, 405A', 109C. — S. Joanne evangelista familiariter utebatur, 403B. An designetur in Apocaly-

- psi. 283D'. — In miraculis privilegiatus, 115D, utrum majora fecerit signa quam Christus, 115A'. — Claudum curavit, 103C', Æneam paralyticum sanavit, 142A', et suscitavit Tabitham, 142D'. — In Joppe orans, 145A', cœlesti visione præmonitus est, 145C' et seq., et ad Cornelium centurionem venit, 147B. — Ab Herode Agrippa in carcerem missus, 153D, per angelum liberatus est, 153D' et seq. Ejus custodibus quid acciderit, 155B. — Antiochiæ Missam celebravit, 157B. — Viginti quinque annis Romæ sedit, 168B. — Quando martyrium passus sit, 168A, 269C. — Explanantur ea quæ locutus est ad discipulos ante electionem S. Matthiæ, 89D', ad Judæos die Pentecostes, 96A', ad populum post claudi curationem, 104D, ad principes populi occasione eadem, 108B', et postquam educti sunt e carcere Apostoli, 117D; ad Simonem magum, 135C', ad Cornelium centurionem ejusque socios, 147B', ad Apostolos senioresque in Jerusalem, 168C'. — Quo stilo utatur, 154A'. — Romam nominat « Babylonem », 303B. — Quid de triplici homicidio dixerit, 35D'.
- PETRUS de Tarentasia (B. Innocentius V) allegatur, 391.
- PHARISÆI, quorum secta notissima fuit, 210A, susceperunt non tantum Moysis, sed et Prophetarum libros, 205A; resurrectionem mortuorum et angelos admiserunt, 205A. — S. Paulum instantius persecuti sunt quam Sadducæi, 207B'. — Per illorum hæresim quid intelligatur, 168A'.
- PHIALÆ aureæ mystice sunt mentes devotæ, 270D, seu corda sapientiæ splendore ornata, 332B. — Phialæ iræ Dei quid sint, 333B, et quomodo effundantur, 333A'.
- PHILADELPHIA. Hujus civitatis episcopus laudatur, 252C et seq.
- PHILIPPI civitas, ubi sita, et a quo nomen sortita, 174B'.
- PHILIPPUS (S.) diaconus, cur dicatur evangelista, 197A'. — Per angelum monitus, 136A', eunuchum Æthiopem adiit, 137B, quem allocutus est, qua lingua, 137B. Ipsum baptizavit, 138B, et deinde a Spiritu Domini raptus est, quo sensu, 138C. — Ejus quatuor filiae virgines quid S. Paulo prædixerint, 197B'.
- PHILOSOPHIA. Ejus studium primo vixit in Ægypto, 126C'.
- PHOTINUS hæresiarcha. 276C, confutatur, 4C, 41C.
- PHRYGIA, provincia Asiæ, 173D'.
- PISIDIA, provincia Asiæ, 158C'.
- PLAGÆ novissimæ innuunt consummationem supplicii reproborum, 329B.
- PLATEÆ cœlestis Jerusalem quosnam figurent, 371C'.
- PLATO. Ejus Phædo et Timæus allegantur, 181B, 413D'.
- PLATONICI quid nomine dæmonis intellexerint, 181A, et quosnam distinxerint dæmonum ordinēs, 180D'.
- POCULUM aureum delectabilia mundi denotat, 339C.
- PODERIS quid sit et quid figuret, 233C'.
- POENA. Ex illa attenditur culpa pro qua infligitur pœna, 408A'.
- POENITENS, qui nullatenus desperare debet, 399C, ad fiduciam excitatur, præsertim si religionem ingressus sit, 438C. — Qua compunctione oporteat illum orare, 391, et qua uti forma orandi, 392. — Quo sensu in flagella paratus, 422D, cinerem tanquam panem manducans, 444B', et poculum suum cum fletu miscens, 444C', memor sit dierum antiquorum, 458C. — Quomodo confugiat ad auxilium Dei, 460B', qui semper pœnitentibus propitius exstitit, 458D. — Illi adversantur carnales amici, 419D', malitiosi homines, 444C, et invisibiles hostes, 420B. — Ipsi solitudo convenit, quo sensu, 443D et seq. — Pœnitens solet esse specialiter aptus ad instruendum alios, 435C'.
- POENITENTIA est alter Baptismus, 427B'. — Per illam ad Deum revertimur, 387, et virtutes vocantur in domum luctus, 398C, 433D. — Quam laudabilis sit, 389. — Describitur cum suis actibus et proprietatibus, 388. Quænam sint digna ejus opera, 211A. — Est pœnitentia non vera, quæ ex solo servili procedit timore, 438D. — Sacramentum Pœnitentiæ, quod est secunda post naufragium tabula, 10A, quantæ sit efficaciæ, 55B'. Sacramentalis pœnitentia tres habet partes, 10B. — Utrum iteranda sit pœnitentia in peccato mortali peracta, 402C et seq.
- POLLUX et Castor a gentilibus in periculo maris invocabantur, 217C.
- POLYCARPUS (S.), episcopus Smyrnensis, quo martyrio coronatus sit, 243A. — An de illo sermo sit in Apocalypsi, 243A.
- POMA mystice dici possunt quæque vilia, 347B.
- PONTIFEX cur vocetur angelus, 238A. Cf. Papa.

- PONTUS, Asiæ regio, quas provincias complectatur, 485 C.
- PORPHYRIUS Platonius allegatur, 484 C, 425 D.
— Ejus insania denuntiatur, 409 B', 414 A.
- PORTA templi quæ dicitur Speciosa, qualis fuerit, 403 D. — Portæ designant observantiam præceptorum, 377 D. — Portæ duodecim insinuant duodecim Patriarchas et Apostolos, 366 B.
- PORTICUS Salomonis in qua parte templi sita fuerit, 404 D. — Ibi prædicabant Apostoli, 415 A.
- PRÆCEPTA cetera ad præceptum caritatis ordinantur, 45 D, 34 B. Utrum qui præcepta implet, perfectam habeat caritatem, 43 D' et seq. — Præcepta veteris legis erant moralia, cærimonialia, et judicialia, 200 A' et seq. Moralia manent in lege evangelica, non vero cærimonialia, 200 C', quæ figurativa erant, 423 A, et in melius mutata sunt a Christo, 422 D', in cujus passione cessaverunt, 446 D. Judicialia autem servari nunc possent, quo sensu, 200 D'. — Præcepta Decalogi an impleri possint sine gratia gratificante, 43 D et seq. — Præcepta quædam nova a Christo ejusque Apostolis data sunt, 45 D. — Cf. Decalogus, Lex, Mandatum.
- PRÆDESTINATUS, ad tempus quidem errare potest, sed non finaliter perire, 33 B', 253 D'. — Prædestinatis quomodo provideat Deus, 463 B'. — Electi ex Deo sunt, quantum ad prædestinationem æternam, 63 B. — Liber vitæ est ipsa prædestinatio, 251 B. — Cf. Electi, Sancti.
- PRÆDICATOR, cujus commendatur officium, 435 A', ad quid teneatur, 436 C. — In vanum ejus lingua laborat, si intus non radiet illustratio Creatoris, 435 B'. — Prædicatores Ecclesiæ designantur per septem angelos, 329 B, per tonitrua, 297 A', nubes, 73 B, ventos terræ, 280 A'. — Pedes Christi, sunt prædicatores virtuosi, 296 D. — Quibus ornamentis prædicatores præcingi debeant, 332 A. Pro fide mori sint parati, 472 B'. — Prædicatores boni quomodo ad officium exsequendum se aptaverint, 287 C. — Increpantur qui ea quæ prædicant, facto non confirmant, 84 A, et qui temporalia spiritualibus præferunt, 496 A. — Prædicatio simplex figuratur per voces, 262 C'; sublimis, per tonitrua, 262 D'. — Prædicatores Evangelii quinam in Apocalypsi exprimentur, 322 A', 323 A et seq.
- PRÆLATUS omnem torporem abjiciat, 249 A. — Prælati, qui muris assimilantur, 438 D', et navibus, 288 B', ad quid teneantur, 36 C', 62 A, 84 B, 195 B, 307 D', et quænam sit eorum præcipua consolatio, 58 B'. — Qualiter pestiferos subditos tractare debeant, 248 B. — Verbis asperæ increpationis dulcia jungant caritatis eloquia, 256 D. Illos decet mansuetudo, ira dedecet, 494 A. — Ad priorem fervorem revertantur, 241 D. — Illorum peccata quare graviora, 428 D'. — Reprehenduntur prælati circa temporalia nimis occupati, 421 A, et palpantes subditorum peccata, 494 B. — Cf. Prædicator.
- PRÆMIUM actui virtutis correspondet et redditur, 34 B'. — Præmium Beatorum aliud est essentielle, quod aurea dicitur, 242 D, aliud accidentale, 6 A'. — Ex illius consideratione minuitur labor vitæ præsentis, 49 D'. — Cf. Beati.
- PRÆSCITI utrum aliquando dicantur ex Deo nati, 27 C', 32 A. Cf. Reprobi.
- PRÆSIDENS quænam habeat officia, 206 C'. Cf. Prælati.
- PRÆTORIUM quid sit, 206 B'.
- PRESBYTERI primitivæ Ecclesiæ an distincti fuerint ab episcopis, 466 D'.
- PRISCILLA (S.), uxor Aquilæ, erat scenofactoriæ artis, 485 C'.
- PROPHETÆ visione imaginaria Deum viderunt, 43 D'. — Incerta et occulta sapientiæ divinæ illis manifestata sunt, 431 D et seq. — Quomodo de Christo locuti sint, 406 D', 450 A, 478 D. — Multi conversionem gentilium vaticinati sunt, 470 A. — Visis mirabilibus Dei, communiter se corruisse fatentur, 236 C. — Quinam ex illis a Judæis interfecti sint, 431 C. — In eorum libris, temporis ordo non stricte servatur, eademque sæpe tractantur, 275 B. — In primitiva Ecclesia multi spiritu fulserunt prophetico, 452 D.
- PROPHETIA est gratia gratis data, 352 D, quæ communiter non conceditur nisi virtuosis, 352 A'. — Prophetiæ revelationes per angelos factæ sunt, 260 A.
- PROPOSITIO. Ejus veritas est adæquatio intellectus ad rem intellectam, 64 B. — Propositiones quædam penes sensum compositum et divisum distinguuntur, 33 A.
- PROSELYTI quinam in veteri Testamento dicti sint, 95 C', 178 D'.
- PROVIDENTIA Dei non imponit rebus absolutam necessitatem, 214 C', nec hominibus libertatem tollit, 225 C'.

PROXIMUS diligendus est, 34A, 39B', 43A', 48B', non verbo neque lingua, 37B', sed opere et veritate, 37C'. — Naturalis ratio dicitur ut homo proximum diligat, 45B'. Quænam sint duo præcepta legis naturalis quantum ad proximum, 428D. — Caritas Dei et dilectio proximi inseparabiliter sunt connexæ, 34D, 49D, ita ut posterior ad priorem ordinetur, 45A'. — Pro salute proximi quando corporalis vita exponenda sit, 36C. — *Cf.* Caritas, Dilectio.

PRUDENTIA, per chrysoprasum designata, ad ultimum finem dirigit humanos actus, 371A.

PSALMI pœnitentiales quomodo meditandi, 463A, qua compunctione pronuntiandi, 391, et ad quid obtinendum, 463B et seq.

PSEUDOPROPHETA, in Apocalypsi, significat cœtum prædicatorum Antichristi, 333D', vel aliquem ex illis præcipuum, 355A'. — Pseudoprophetae sunt hæretici et seductores, 40C'.

PTOLEMAIS, civitas Terræ sanctæ in tribu Aser, 497D. — Altera Ptolemais in Pentapoli provincia Africæ sita est, 497A'.

PUBLIUS, princeps cujus pater a S. Paulo curatus est, ad sanctitatem postea pervenit, 216C'.

PURGATORIUM. Quanta sint ejus supplicia, 395B'.

PURPURA simulatam perfectionem denotat, 339B.

PUTEOLI civitas, ubi sita, 217A'.

PUTEUS abyssi quid sit, 290B'.

PYTHONES nomen acceperunt a Pythone Apolline, 475C, qui inventor fuit cujusdam divinationis, 475B. — Pythonissa qualis, 475C et seq., per S. Paulum a dæmone liberata sit, 475B'.

R

RABANUS (Maurus), Moguntinus episcopus, allegatur, 420B', 421C', 424B', etc. (Migne *Patrol. lat.* tom. 407-412.)

RANÆ. Cur sub illarum specie visi sint spiritus immundi, 336A.

RATIO, affectu corrupto, prorsus inficitur, 499D.

RECHABITÆ conversationem Ecclesiæ primitivæ præfiguraverunt, 412D.

RECTUM quid sit corporaliter et spiritualiter, 414A.

REDARGUTIONES quando sint vitandæ, 420A'.

REFECTIO patriæ beatifica vocatur cœna, quare, 351A'.

REGNUM Dei quid sit, 218B', 219C', 310D', et quomodo a Sanctis magnificetur, 350D et seq.

RELIGIO quid sit, 94D', 444A. — Ejus principales actus sunt interiores, 482B.

RELIGIOSI quinam dicantur, 95A. — Religiosi, per oleum et vinum designati, 277A, apostolicæ perfectionis vestigia sectari profitentur, 412D'. — Quantum in illis detestandum vitium proprietatis, 414D'. — Religiosi remissi increpantur, 258A'. — *Cf.* Cœnobitæ, Monachi.

REMPHAM, id est stella matutina, a multis idololatriis adoratur, 429C'.

REPROBI unde corrigi deberent deteriorantur, 415C', 489C, 337C'. — Quantum sit eorum numerus, 337C. — In illorum damnatione elucebit sapientia Dei, 355C. — Ipsorum tormenta, quæ describuntur, 324A et seq., 327D' et seq., qua mente a Beatis conspiciantur, 324B. — Collectio reproborum dicitur vinea terræ seu vinea diaboli, 327A'. — *Cf.* Damnati, Infernus.

RESPECTUS Dei, alius est per approbationem, alius per reprobationem, 448B'.

RESURRECTIO prima, est vita animarum sanctarum in patria, 358C. — Resurrectio corporum qualiter peragenda, 360A', et post illam quantum futurum sit Beatorum gaudium, 6D.

REUS utrum graviter peccet peccatum suum iudici non propalando, 422B'.

REX summo pontifice superior fuit apud Judæos et gentiles, 428B', inferior autem a Christianis reputatur, 428C'. — Regum peccata cur graviora, 428D'. — An regem enormiter « tyrannizantem » deponere liceat communitati, 428C'. — Reges terræ, mystice sunt prælati idonei, vel qui bene se ipsos rexerunt, 372B'. — Quinam in Apocalypsi designentur per reges septem, 340A' et seq., et decem, 341C.

RHEGIUM oppidum, ubi situm, et quomodo S. Brunonis nomen revocans, 217D.

RHODOS, insula clara in Carpathio mari, 496D'.

RHOMPHÆA ex utraque parte acuta, designat rigorem divini iudicii, 243B, vel Scripturam, 243C.

RICHARDUS de Mediavilla, Ord. Min. theologus, allegatur, 391.

ROMA a S. Petro Babylonis nomine designatur, 303B. — Latius præsidet religione divina quam dominatione terrena, 448A.

ROMANI ordinaverunt ne sine approbatione senatus, aliquis de novo deus coleretur, 176C, nec ullus reus damnaretur nisi locum excusationis acciperet, 177C', 209C. — Ab illis vastati sunt Judæi quoniam Filium Dei crucifixerunt, 110D', ita ut Christi potestate, ab iisdem destructa fuerint urbs et templum Jerusalem, 122D'. — Magnis privilegiis gaudebant ubique cives Romani, 202A'. — Romanus imperator, qui vocabatur Augustus, quare, 209B', sine licentia sua nolebat aliquem vocari regem, 179C. — An et quatenus in Apocalypsi figurentur Romani imperatores qui Ecclesiam persecuti sunt, 274D' et seq., 275B', abutentes monarchia quæ illis desuper data erat, 276B.

RUBEN qualiter interpretetur et quosnam exprimat, 282C.

S

SABBATUM. Quid sit iter sabbati, 88C'.

SACERDOS cur vocetur angelus, 238A. — Sacerdotes Judæorum ad Christum conversi, ejus misericordiam quantum manifestent, 122A. — Sacerdotibus N. L. competit corpus Domini consecrare, 229D'. Utrum devotus sacerdos sit dignus Eucharistiam conficere, 160C. — Omnes fideles « sacerdotes » dicuntur, quo sensu, 229D'. — Beati sunt sacerdotes Dei et Christi, 358A'.

SACRAMENTA et sacrificia V. L. gratiam figurabant, sed non continebant, 437B; ab impiis oblata, Deo displicebant, 437D. Quando cessaverint et mortifera evaserint, 437C. — Sacramenta N. L. conferunt charismata gratiæ, 7C', cujus sunt significativa, contentiva et effectiva, 161A', 437A. — Dicuntur fluxisse de latere Christi, 51A, cujus passionis meritum nobis applicant, 7C', 50D', 169A', 229B'. Ex eodem Salvatoris merito virtutem sortiuntur, 18D, 50D'. — Sacramentum altaris per sacrificium justitiæ designatur, 439A'.

SACRIFICIUM spirituale est actio virtuosa ad Dei honorem exhibita, 439D'. — Sacrificium Deo spiritus contribulatus, quo sensu, 437C'. — Sacrificia legis naturæ et veteris Testamenti, qua ratione Deo fuerint accepta, 34D', 437B. — Recensentur diversa sacrificia legalia, 437B'. — Sacrificium a Christo institutum, qua prophetia prænuntiatum fuerit, 437B'.

SADDUCÆI, qui libros Moysis tantum recepe-

runt, 205A, unde nomen acceperint, 116A, qualiter erraverint, 108A, 116B, 204D', et quare dicantur hæretici, 115D'.

SALAMINA, urbs Cypri, in qua natus et passus fertur S. Barnabas, 157A'.

SALMONE, civitas Cretæ, 212B'.

SALOMON docuit modos exorcismi, 189D'. — Porticus Salomonis in qua parte templi sita fuerit, 104D.

SALUS. Quinam sint hostes nostræ salutis, 460C'. — Quam gloriosum sit homini alios secum salvare, 372C', 373A.

SAMARIA significat regionem decem tribuum, 133D, vel ejusdem metropolim, 134D.

SAMOS, insula Ægæi maris. Ibi, ut fertur, vasa fictilia primo inventa sunt, 193B'.

SAMOTHRACIA, Ægæi maris insula in Pagasæo sinu, 174B'.

SANCTI quinam in hac vita dicantur, 409A'.

— Quomodo peccata sua deplangant, 398D'.

Licet quotidie venialiter peccent, tamen pro eisdem quotidie satisfaciunt, 11A', et ad horulam possunt omni culpa carere, 11B', 409C'. Multi eorum ex revelatione agnoverunt se mortali peccato non subjacere, 9A'.

— Quanta sit illorum fides, 324A'. Quo sensu ipsis manifestaverit Deus incerta et occulta sapientiæ suæ, 431D et seq. Per miracula doctrina illorum approbata est, 52C'.

— Patientiam suam fundant considerantes æternam pravorum damnationem, 324A'.

Quo spiritu aliquando maledictionis sententiam proferant, 135C'.

— In quolibet eorum aliqua specialis emicat virtus, 371B'. — Obedierunt etiam in his quæ vel irrationabilia vel inutilia videbantur, 136B'.

— Alæ eorum sunt virtutes, 265B. — Simul cum Christo judicabunt, 247B, 357A'. — In cælo et in terra regnum Dei magnificant, 350D et seq.

— In patria possunt viatoribus subvenire, 247C. Eorum auxilia sunt imploranda, 460D'.

— Quo sensu dicantur in cælo stare coram Deo, et ante eum, 282D', amicti stolis albis, 283A. — Allegantur eorum legendæ et chronica, 276A. — Cf. Beati, Electi, Perfecti, Prædestinatus.

SANGUIS quum ex latere Christi fluxit, duo mirabilia contigerunt, 97D'. — De sanguinibus, id est de carnalibus et cruentis operibus, liberamur a Deo, 436B. — Quid designet sanguis, 287D et seq., 333C'.

SAPHIRA, uxor Ananiæ, ab angelo percussa est, 114A'.

SAPIENTIA est aurum ignitum probatum, quo sensu, 255B'. — Naturalis sapientia suam habet delectationem, 413D'. — Dono sapientiae, per quod in Deo immediate delectamur, 413A', contrariatur vitium puerilitatis, 347B. — Quid sit sapientia Dei, 29B.

SAPPHIRUS donum sapientiae designat, quare, 369C.

SARABAITHE, ficti monachi, unde exorti sint, 114C.

SARDIS. Hujus civitatis episcopus increpatur, 248C' et seq.

SARDIUS, rubeum habens colorem, varia figurat, 260B', speciatim donum scientiae, 370B.

SARDONYX cur donum fortitudinis exprimat, 370A.

SARRACENI nudis pedibus loca sancta ingredi dicuntur, 128B.

SATANAS, qui interpretatur adversans, 310A', de inferno egredietur tempore Antichristi, quo sensu, 338C'. Cf. Dæmon, Lucifer.

SATISFACTIO. Ejus opera qualia sint, 401D, 418D; an iteranda, si in peccato mortali peragantur, 402C et seq.

SAULUS, qui postea dictus est Paulus, 133A, 158A, consensit neci S. Stephani, 133B', cujus orationis virtute creditur illustratus, 133A'. Cf. Paulus.

SCANDALUM quid sit, 17A. — Quando veniale vel mortale fiat scandalum passivum, 17C, aut activum, 17D.

SCAPHA, levis navicula, unde nomen accipiat, 213B'.

SCHISMATICI quomodo Christum solvant, 41C.

SCORPIO vultu blanditur, et percutit cauda, 291B.

SCRIPTURA, per arcum designata, 273D', est quasi epistola nobis divinitus missa, 432D'. — Ejus studium commendatur, 379, 380. — Quomodo scrutanda sit, 179D'. Utrum multiplicem habeat sensum, etiam litteralem, 287D'. — Agendum est secundum ejus doctrinam, 38D, cui non miscetur mendacium, 27A. — Qualiter ejus libri dividantur, 81, 224, 541. — Ejus sensum magis quam verba interdum allegant Christus et Apostoli, 90B', 97B. — In illa quinam vocentur pueri vel viri, 108D. — In ipsa frequenter numerus singularis ponitur pro plurali, et e converso, 374B, verbum unius temporis pro verbo alterius temporis sumitur, 325A, et non semper servatur ordo rerum gestarum seu gerendarum, 360B'.

SEBASTIANUS (S.) cur ab omnibus amatus fuerit, 102D'.

SEDES posita in cælo, significat congregationem devotam, 260C, vel mentes Deo beatifice perfruentes, 260D. — Per sedes intelliguntur mansiones cælestes, 357A', vel auctoritates Ecclesiae, 357B'.

SEDUCTORES quinam sint, 26A', 58D'.

SELEUCIA, civitas Syriæ, a quo constructa sit, 157D.

SEMEN Dei, est gratia ipsius seu caritas, 32C'.

SENECA (Annæus) philosophus docet, cum modestia et mediocri voce esse loquendum, 407D'. — Juxta illum, ab impiis vituperari est commendari, 444A'.

SENIORES viginti quatuor, de quibus loquitur Apocalypsis, quinam sint, 261D et seq., 270C, 271C, 283D, 304D, 350A. — Illorum verba explanantur, 304A' et seq.

SEPTUAGINTA interpretes. Illorum translatio allegatur, 161B, 408A'. — Eadem usus est S. Lucas, 125A', 137A', 170B, 219C, cum Ecclesia primitiva, 162A.

SERPENS æneus, cui Israelitæ incensum adolebant, ab Ezechia confractus est, 71A.

SICARII viri, cur sic vocati, 200A.

SIDERA errantia, septem planetas significant, eisque assimilantur hæretici, 73C'.

SIDON, olim urbs insignis Phœniciæ, 212C.

SIGILLA libri septem, quid figurent, 272D' et seq.

SILAS (S.) Antiochenos consolatus est Christianos, 172B. — Quomodo civis Romanus fuerit, 177B'. — Quando in adiutorem a S. Paulo electus sit, 172D'. — Philippis cum eodem virgis cæsus et in carcerem missus, 176D, interveniente terræ motu, 176A', et converso carceris custode, 176D', liberatus est, 177B et seq.

SILVERIUS (S.) Papa utrum in Apocalypsi designetur, 305B'.

SIMEON, qui audiens mœrorem interpretatur, quosnam figuret, 282A'.

SIMILA est delicatissima farina, 346D'.

SIMILITUDO est causa unionis ac amoris, 35A, 423A. — Unumquodque applaudit simili sibi, 41D'.

SIMON magus, quam superbus fuerit, 134C', et quomodo Samaritanos seduxerit, 134B'. — An vere crediderit S. Philippo diacono, 134D'. — Utrum fecte resurrexerit, 314C, 317C. — Ab illo simoniaci nominantur, 135B'.

SIMON Niger, cur sic vocatus, 156B.

- SIMULACRA** sunt idola, avaritia, hæreticorum figmenta, et vana phantasmata, 56 A'.
- SINAI** mons, quare vocetur Horeb, 427 B', et terra sancta, 428 B.
- SINGULARITAS.** Vitium singularitatis reprobatur, 75 A'.
- SION**, quæ interpretatur speculatio, designat Ecclesiam militantem ac triumphantem, 319 C', 438 A', necnon Synagogam, 446 C'. *Cf.* Jerusalem.
- SMARAGDUS**, lapis gratissimæ viriditatis, 264 B, donum consilii figurat, 369 B'. — Quid narretur de terra in qua inveniuntur nobiliores smaragdi, 369 D'.
- SMYRNA.** Hujus civitatis episcopus, de quo agit Apocalypsis, 241 A' et seq., an fuerit S. Polycarpus, 243 A.
- SOBRIETAS** seu abstinencia, alia est virtus infusa, 445 A, alia virtus naturalis et acquisita, 445 B.
- SOCIETAS.** Qualem societatem habeamus cum Deo, 7 D' et seq., et ad invicem, 7 A'. — Socii quinam dicantur, 8 B.
- SODOMA** interpretatur muta vel cæcitas, 303 B. — Ejus punitio ignem æternum inferni figuravit, 70 D.
- SOL**, a quo cuncta sidera clarificantur, 236 B, qualiter in fine mundi mutandus sit, 361 B'. — Designat Christum, doctores Ecclesiæ, 278 A', prælatos, 289 C, et fervorem persecutionis, 284 A'.
- SOLITUDO** est locus paratus a Deo, quo sensu, 309 D.
- SOMNUS.** Ejus tempore aptior est anima ad illuminationes supernas, 97 C. — Quisnam spiritualiter dormiat, 249 C'.
- SORS.** Qua sorte electus sit S. Matthias, 94 B'. — Utrum sortibus liceat uti, 91 C' et seq.
- SPES** quomodo definiatur, 30 B', et quantæ sit efficacix, 421 A'. — Magis inniti debet divinæ benignitati quam meritis nostris, 413 C. — Quid sit spes formata, 39 A, 412 D', et perfecta, 413 D, 454 A'. — De nullo est penitus desperandum, 55 C.
- SPIRITUS** veritatis et spiritus erroris quid sit, 42 D. — Non est omni spiritui credendum, quare, 40 C. — Sacrificium Deo spiritus contribulatus, quo sensu, 437 C'. — Spiritualia quantum temporalibus præponenda sint, 120 A'. — Per septem spiritus quid intelligatur, 228 B, 263 A. — Spiritus immundi sunt diaboli, 335 D'.
- SPIRITUS** Sanctus procedit, tanquam ab uno principio, a Patre et Filio, 373 D', 435 A, qui sunt ejus unus spirator et dator, 97 A. — Est donum Dei, 87 B', amor et nexus Patris et Filii, ipsisque consubstantialis, 5 A, 26 B, 56 B. — Quo sensu appelletur Spiritus Jesu, 174 C. Christum ut hominem unxit et misit, 149 A. Testatus est quoniam Christus est veritas, 51 B. — Illi appropriantur caritas, 46 C, bonitas, 84 B', pietas, liberalitas, 435 B. — Quomodo ejus divinitas probetur, 113 D', 219 D. — Infallibilis est magister, 171 C'. Ejus illustratio, unctio appellatur, 86 D, cujus recensentur effectus, 24 B', 27 A. — Qualiter cognoscamus an illum habeamus, 44 D', cujus indesinenter indigemus actuali directione, 460 C, et motione, 461 D. Ab illo confirmamur, quo sensu, 435 B. — Quicumque habet caritatem, habet septem dona Spiritus Sancti, 42 C'. — Qui frangit votum, eidem Spiritui mentitur, 113 C. — Peccata in Spiritum Sanctum quare irremissibilia asserantur, 55 A. — Ejus missio alia est invisibilis, alia visibilis, 93 B'. Per ipsum factæ sunt prophetiæ revelationes, 325 C'. Cur in specie columbæ descenderit, 136 B. — Quo sensu illo baptizati sint Apostoli, 86 B et seq., atque repleti, die Pentecostes, 93 B et seq., 94 D et seq., seu quinquagesimo die a Pascha, 94 A, hora tertia, 96 B'. — *Cf.* Dona, Trinitas.
- STADIUM** quid sit, quoad nomen et quoad rem, 328 B.
- STELLA** minima visibilis, juxta astronomos, major est toto mundo, 49 B'. — Stella Magis apparens, quo sensu fuerit ceteris stellis micantior, 210 A'. — Quid intelligatur per stellam matutinam, 247 C', per septem stellas in Christi dextera, 235 D, 237 B, per coronam stellarum duodecim, 307 D, per stellas cæli, 278 B'. — Stella magna de cælo cadens, figurat hæresiarcham vel hæresiarcharum cattervam, 288 C', 290 D. — Stellæ mystice sunt religiosi et inferiores prædicatores, 289 C.
- STEPHANUS** (S.) quibus virtutibus floruerit, 124 D, 122 C, 131 C, 133 B. — Elucidantur ea quæ pro defensione sua locutus est, 123 C et seq. — Qualiter ejus facies splenduerit, 123 B. — Vidit gloriam Dei, 131 C' et seq., et Jesum stantem a dextris virtutis Dei, quo sensu, 132 C et seq. — Quomodo ante oculos ejus aperti sint cæli, 132 A'. — Quantam caritatem moriens exhibuerit, 133 A, et a quibus sepultus sit, 133 C'.

STOICI in sola animi virtute felicitatem posuerunt, 180B'.
 STOLÆ mystice sunt virtutes, 377C. — Per stolas albas quid exprimatur, 262A', 277D'.
 STRATUM. Per illud intelligi potest corpus, 401B'.
 STULTITIA appellatur vitium puerilitatis, 347B. — Quare « stulti » vocentur iniqui, 29C.
 SUBDITI in doctrina pastorum suorum debent stabiles permanere, 102A, et superioribus statim obedire, 136B'. *Cf.* Prælatus.
 SULFUR designat blasphemiae fœtorem, 294A'.
 SUPERBIA vitæ quid sit, 20B' et seq. — Superbi nomina quæ æqualitatem prætendunt, abominantur, 203D. Quanta in inferno illorum supplicia, 345C.
 SUPERSTITIO quid sit, 181B'.
 SYNAGOGA per Sion designatur, 446C'. — In Christi adventu maxime impletum fuit tempus miserendi ejus, 446D'. — Multo magis quam Synagoga a Deo exaltata est Ecclesia, 447D'.
 SYNODI quatuor celebratæ sunt in Jerusalem, tempore Ecclesiæ primitivæ, 200C.
 SYRACUSÆ, urbs Siciliæ, S. Luciae martyrio famosissima, 217D.
 SYRIA, quæ ab Hebræis Aram dicitur, ubi sita sit, 171A'.
 SYRTES quid sint, 213D'.

T

TABERNACULUM Ecclesiam figurat, 331B'. — Tabernaculum Moysis cur dicatur tabernaculum testimonii, 130A. — Tabernaculum Dei significat Christi humanitatem, 363A, vel Ecclesiam, 363B.
 TABERNÆ tres ab Appio consule ubi constitutæ sint, 217C'.
 TABITHA interpretatur Dorcas, id est damula vel caprea, 142B'. — Quomodo hanc devotam mulierem suscitaverit S. Petrus, 142D', hujusque facti quis detur sensus mysticus, 143A'.
 TEMPLUM est locus orationis et sacrificiorum, 371D'. — Templi Jerusalem porta quæ dicitur Speciosa, qualis fuerit, 103D. — Deus est templum cœlestis Jerusalem, 372A. — Templum Dei est Christus ut homo, 305C', B. V. Maria, 306C, et Ecclesia militans, 300D, 306A.
 TEMPUS præsens, futuro sæculo comparatum, est velut momentum, 226A. — Tempori adscribitur quod hominibus in tempore existentibus contingit, 184A. — Tempus amplius non erit, quo sensu, 298C, et tamen in inferno manebit, qua ratione, 298D. — Æternitas Dei cur per temporum differentias designetur, 227D'.
 TENEBRÆ quid figurent, 6C', 7C, 17A' et seq.
 TENTATIO ex præcedentibus peccatis frequenter oritur, 113C. — Contemnendæ sunt tentationes blasphemiae, 420D'. — Tentatio dici potest quælibet persecutio ac tribulatio, 253A'.
 TEPIDI quam Deo detestabiles, 255B.
 TERRA complanabitur in novissima hora, 337B', et in melius mutabitur, 359D', 361B et seq. — Designat Judæos, 333C, vel omnes homines, 334C. — Quid exprimat terræ motus, 278D, 286D', 337C. *Cf.* Motus.
 TESTAMENTUM. In veteri Testamento omnes electi justificabantur per fidem Christi futuri, 161B'. — Quadripartitum est genus librorum V. et N. Testamenti, 81, 224. — Arca testamenti quid sit, 306B.
 TESTIMONIUM. Qui credit in Filium Dei, habet testimonium Dei in se, quo sensu, 52D.
 THALASSA, urbs Cretæ, utrum et Asson dicatur, 213C.
 THEODAS, qui magus fuit, 118C', multos seduxit Judæos, 118B'.
 THEODOTION. Ejus translatio allegatur, 34D'.
 THEOPHILUS, cui evangelium et librum Actuum Apostolorum conscripsit S. Lucas, quis fuerit, 84C.
 THESSALONICA, urbs Macedoniæ, 178B. — Quomodo ibi prædicaverit S. Paulus, 178C et seq.
 THOMAS (S.) apostolus in India prædicavit, 88A.
 THOMAS (S.) Aquinas allegatur, 17C, 32C, 91D', etc. — Quanta fuerit ejus devotio, 459A'. — Ejus Summa contra gentiles correspondet libro S. Augustini de Civitate Dei, 438B'. — Citatur ejus tractatus de Regimine principum, 428B'.
 THRONUS designat Ecclesiam triumphantem ac militantem, 350B, 359C'. — Thronus Dei quid sit, 228D, 257D', 261B, 282D'.
 THURIBULUM aureum quid significet, 286A.
 THYATIRA. Hujus civitatis episcopus laudatur, 245D. — An etiam reprehendatur, 245D'.
 THYPHONICUS ventus quam terribilis sit, et quomodo generetur, 213D.
 TICHONIUS (Afer) allegatur, 322B. (De Septem

- regulis, c. 2. Migne *Patrol. lat.* tom. 18, col. 21.)
- TIMOR** pure naturalis, est in se indifferens, 47A'. — Timor servilis, in quantum servilis, non est caritati conjunctus, 47A, nec meritorius, 144B, et condemnationem meretur, 47D. — Duplex est timor laudabilis, puta initialis et filialis, 47B', 144B, 248B, 322B'. — Filialis timor quantum prosit in spiritali pugna, 370B'. — Timor retrahit a peccato, 144B'. — Sine timore Domini non est manducandum, 72C'.
- TIMOTHEUS** (S), in Lystris natus, 173B, cur a S. Paulo circumcisis fuerit, 173D.
- TITUS** Justus, fuit de gentilitate ad Judaismum conversus, 186C.
- TITUS** imperator, non Ecclesiae, sed infidelium Judæorum persecutor exstitit, 275D. — An et quatenus in Apocalypsi figuretur, 275A et seq.
- TONITRUA** appellantur prædicatores sancti, 297A'. — Per illa intelligitur etiam prædicatio sublimis, 262D', 286C', 306A'.
- TOPAZIUS** justitiam designat, 370C'.
- TOPHETH** significat gehennam impiis præparatam, 327C'.
- TORCULAR** tripliciter intelligitur, 354B et seq.
- TRAJANUS** imperator, an et quatenus in Apocalypsi exprimitur, 275A et seq.
- TRANSMUTATIO** elementorum, peracto finali judicio, cessabit, 298C.
- TRIBULATIO** magna per tenebras designatur, 17B'. — Raro aut nunquam deest justis tribulatio in hac vita, 462A. — Tribulationes qualiter electis prosint, 226A, 408C. — Quomodo in tribulatione gaudeat justus, 119A'. — Non consurget duplex tribulatio, quo sensu, 69B'. — Per multas tribulationes oportet nos intrare in regnum cælorum, 166A' et seq.
- TRIBUS** Israel omnes ad prædicationem Eliæ convertentur, 281D'. — Inter illas cur a S. Joanne prima nominetur tribus Juda, 281D', omittantur autem tribus Dan et Ephraim, 282A.
- TRINITAS** est unus Deus, 12A, 51C', 58A', unus Creator, 97A, una natura, 435B, essentia, potestas, 228B', caritas, sapientia, 46C, scientia, 87B, veritas, 63D'; unum summum bonum, 51C', unum objectum fidei, 39A', et beatitudinis, 109B; unum Ecclesiae militantis ac triumphantis fundamentum, 367B, unum primum principium et unus ultimus finis, 236B'. — In illa nihil est prius aut posterius, 236A', nihil majus aut minus, 377B. — Ejus operatio ad extra est indivisa, 28D, 84D', 225A, 325C', etc. — Una Persona divina sine alia diligi nequit, 49B; qui unam colit, tres colit, 26C; qui contra unam agit, contra alias peccat, 111A. — Trinitas quomodo in Psalmo L exprimitur, 435C, et in nomine Christi intelligatur, 25B', 101D. — Quale testimonium Christo præstet, 51A', et ab ipso recipiat, 51D'. — *Cf.* Deus, Filius, Pater, Spiritus.
- TRISTITIA** bona qualis sit, 417C.
- TRITICUM** prælatos perfectos figurat, 276B'.
- TROAS**, civitas Asiæ maritima, Antigoniam etiam vocata est, 174D.
- TUBA**. Cur illi assimiletur vox a S. Joanne audita, 232B', 259D'. — Tubæ septem quid significant, 285B'.
- TUNICA** maculata, est conversatio prava, vel corpus mortale, 76A'.
- TURBATIO** accipitur vel in bono sensu, 419B, vel sæpius in malo, 419C.
- TYRANNUS**. An communitas illum deponendi jus habeat, 428C'.

U

- ULTIO** Dei, per manum ejus exprimitur, 408B.
- UNCTIO** Spiritus Sancti quosnam producat effectus, 24B', 27A.

V

- VÆ** quare ter dicatur, 289B'.
- VALENS** imperator, conjugis suæ consilio in Arianam lapsus est hæresim, 295A'.
- VALENTINUS** hæresiarcha confutatur, 4C.
- VANITAS** quo sensu sit in creatura, 7B.
- VENTER** mentem sive memoriam designat, 307B'.
- VENTI** terræ, mystice sunt prædicatores, 280A'.
- VERBUM** quotuplici sensu accipiat, 117D', 195D'. — Verbum Dei cibus est animæ, 299A, quam efficax, 299D'.
- Verbum æternum a Patre generatum, 3B, personaliter ab illo distinctum, 4C', et ipsi consubstantiale, 3C, est genita sapientia Patris, 3A', Verbum vitæ, 4B, essentialiter vivens et vita, 4B'. — Quomodo illud audierint homines, 3A'. — Veraciter incarnatum, 41A, se manifestavit, 4D, illudque tractaverunt Apostoli, quo sensu, 4B. — *Cf.* Christus.

- VERITAS** quotuplex sit, 58A, 61B', 63B' et seq., 377B', 430C'. — Veritas propositionis, est adaequatio intellectus ad rem intellectam, 64B. — Veritas vitæ, 7C, 64C, distinguitur a veritate entis seu naturæ, 13C', 64A, et a veritate doctrinæ, 64A'. — Quid sit veritas justitiæ, 64B'. — Interdum veritas sumitur pro virtute morali per quam homo in verbis et factis correspondentem se habet, 64C'. — Veritatis consideratio ex sua natura dulcis est, 299C. — Veritatem sapienter celare licet, ut mala majora vitentur, 204D'. —
- VESTIMENTA** animæ, sunt virtutes ac dona Sancti Spiritus, 249D', 336D, vel opera, 250B. Quisnam illa non fœdet, 250A et seq. — Per vestimenta alba, intelliguntur munda opera, 255D'. —
- VLÆ** Dei, sunt ejus præcepta, consilia, documenta, 436A. —
- VINDICTA** an et quatenus licita, 344B'. —
- VINEA** Dei, est Ecclesia electorum; vinea terræ, collectio reprobatorum, 327A'. —
- VINUM** religiosos quomodo designet, 277A, vel errorem ac idololatriam, 323D. — Cur per calicem vini intelligatur pœna malorum, 337B'. — Vinum iræ Dei mixtum est mero, quo sensu, 323C'. —
- VIRGA** ferrea rigorosam justitiam denotat, 247B, 354A. —
- VIRGINES** sequuntur Agnum quocumque ierit, quo sensu, 321C. — Quare dicantur primitiæ Deo et Agno, 321B'. — Utrum majoris sint meriti et præmii quam ceteri electi, 320D', 322B. — Canticum virginum quid sit, 320C' et seq. — Virginitas sola cogitatione amissa, per pœnitentiam recuperatur, 321B. —
- VIRIDE** mediocres et proficientes designat, 291B. —
- VIRTUS** quælibet habet proprium gaudium sibi annexum, 419A'; et signum virtutis perfecte inexistens, est delectatio operationi conjuncta, 164A. — Omnis virtus est quædam justitia, 409A. — Virtus divina quomodo sit infinita, agit in instanti, 104A. — Virtutes, quæ figurantur per alas, 265B, et per stolas, 377C, ossibusque assimilantur, 398B, 433D, sunt ex sua natura suaves, 49B'. Illas pœnitentia vocat in domum luctus, 398C; caritas, in domum gaudii, 433D. — Per virtutes theologicas, immediate in Deo gaudemus, 413A', illisque succedunt tres animæ glorificatæ dotes, 368D. — Quo sensu in Beatis permaneant virtutes cardinales, 367B'. —
- VISCERA** animæ spiritualia, sunt caritatis et pietatis affectus, 37B. —
- VISIO** quotuplex sit, 43C'. —
- VISUS** pro omni sensu accipi solet, 233B. —
- VITA** æterna quo sensu nobis data sit, 53A. Quomodo illam de condigno mereri possit homo, 250D'. — Vitæ humanæ brevis in Psalmis sæpe inculcatur, 445D'. — Per menses quinque, designatur omne tempus vitæ præsentis, 291D. — In præsentī vita non proficere est deficere, 376D'. — Post hanc vitam non est tempus merendi, 400C. — Quid sit veritas vitæ, 64C, et corona vitæ, 242D. — Vita beata in patria, per denarium diurnum significatur, 276C'. —
- VITIA**. Illis admiscuntur multæ afflictiones, 408A, 412B'. — Qui vitiis spiritualibus involvuntur, diabolici dicendi sunt, 412A'. —
- VITULUS** quem figuret, 264D et seq. —
- VOLUCRES** immundæ et odibiles sunt dæmones, 343D. —
- VOLUNTAS** creata, est prima peccati origo, quo sensu, 22C. — Qualis voluntas sufficiat ad obtinendam peccatorum remissionem, 409B. — Voluntas justi quomodo voluntati Dei conformetur, 414A. — Qui facit voluntatem Dei, manet in æternum, 23A. —
- VOTUM** quando non sit servandum, 205C'. — Omnis qui illud frangit, Spiritui Sancto mentitur, 413C. —
- VULNERA** quatuor ex originali peccato derivant, 397C', 415A', 429D'. —

Z

- ZABULON**, qui habitaculum fortitudinis interpretatur, quosnam designet, 282B'. —
- ZACHARIAS** propheta qualiter cum Apocalypsi concordet, 275A'. —
- ZONA** aurea caritatem figurat, 234B. — Zonæ aureæ sunt sapientiæ fulgor, caritatis vincula, et castimonia mentis, 332A. —

INDEX GENERALIS

ENARRATIO IN EPISTOLAM PRIMAM BEATI JOANNIS.

Articulus I. Enarratio primi capituli : Quod fuit ab initio, etc.	3
Articulus II. Expositio capituli secundi : Filioli mei, hæc scribo vobis	41
Articulus III. Prosecutio elucidationis hujus capituli secundi, ab illo loco : Nolite diligere mundum.	49
Articulus IV. Elucidatio capituli tertii : Videte qualem caritatem, etc.	28
Articulus V. Prosecutio expositionis hujus capituli tertii, ab illo loco : In hoc cognovimus caritatem Dei.	36
Articulus VI. Expositio capituli quarti : Carissimi, nolite omni spiritui credere.	40
Articulus VII. Declaratio quinti capituli : Omnis qui credit	48

ENARRATIO IN EPISTOLAM SECUNDAM BEATI JOANNIS.

Articulus unicus. Expositio unici capituli : Senior Electæ dominæ	57
---	----

ENARRATIO IN EPISTOLAM TERTIAM BEATI JOANNIS.

Articulus unicus. Expositio unici capituli : Senior Caio carissimo.	61
---	----

ENARRATIO IN EPISTOLAM BEATI JUDÆ.

Articulus I. Enarratio primi capituli : Judas, Jesu Christi servus	67
Articulus II. Elucidatio capituli secundi : Væ illis qui in via Cain abierunt.	72

ENARRATIO IN ACTUS APOSTOLORUM.

Proœmium	81
Articulus I. Enarratio primi capituli : Pri-	

mum quidem sermonem feci de omnibus, o Theophile	83
Articulus II. Expositio capituli secundi : Et dum complerentur dies Pentecostes.	93
Articulus III. Expositio capituli tertii : Petrus autem et Joannes ascendebant in templum	103
Articulus IV. Elucidatio capituli quarti : Loquentibus autem illis ad populum	108
Articulus V. Elucidatio capituli quinti : Vir autem quidam nomine Ananias.	113
Articulus VI. Explanatio capituli sexti : In diebus autem illis	120
Articulus VII. Elucidatio capituli septimi : Dixit autem princeps sacerdotum.	123
Articulus VIII. Explanatio capituli octavi : Facta est autem in illa die persecutio magna in Ecclesia	133
Articulus IX. Elucidatio capituli noni : Saulus adhuc spirans minarum et cædis	138
Articulus X. Elucidatio capituli decimi : Vir autem quidam erat in Cæsarea, etc.	143
Articulus XI. Declaratio capituli undecimi : Audierunt autem Apostoli	150
Articulus XII. Expositio capituli duodecimi : Eodem tempore misit Herodes, etc.	153
Articulus XIII. Elucidatio capituli tertii-decimi : Erant autem in Ecclesia quæ erat Antiochiæ, Prophetæ et doctores	156
Articulus XIV. Expositio capituli quarti-decimi : Factum est autem in Iconio	164
Articulus XV. Expositio capituli quinti-decimi : Et quidam descendentes de Judæa.	167
Articulus XVI. Expositio capituli sexti-decimi : Pervenit autem in Derben et Lystram	173
Articulus XVII. Expositio capituli septimi-decimi : Quum autem perambulassent Amphipolim	178
Articulus XVIII. Expositio capituli octavi-decimi : Post hæc egressus ab Athenis.	183
Articulus XIX. Explanatio capituli nonide-	

cimi : Factum est autem, quum Apollo esset Corinthi.	188
Articulus XX. Expositio capituli vicesi- mi : Postquam autem cessavit tumultus, etc.	192
Articulus XXI. Expositio capituli vicesimi primi : Quum autem factum esset ut navigaremus.	196
Articulus XXII. Expositio capituli vicesimi secundi : Viri fratres et patres.	201
Articulus XXIII. Elucidatio capituli vicesi- mi tertii : Intendens autem in concilium Paulus.	203
Articulus XXIV. Expositio capituli vicesi- mi quarti : Post quinque autem dies	206
Articulus XXV. Expositio capituli vicesi- mi quinti : Festus ergo quum venisset in provinciam	208
Articulus XXVI. Explanatio capituli vice- simi sexti : Agrippa vero ad Paulum ait	209
Articulus XXVII. Expositio capituli vicesi- mi septimi : Ut autem adjudicatum est.	212
Articulus XXVIII. Expositio capituli vice- simi octavi : Et quum evasissemus	215

ENARRATIO IN APOCALYPSIM
BEATI JOANNIS.

Proœmium	223
Articulus I. Elucidatio primi capituli : Apocalypsis Jesu Christi, quam dedit illi Deus	225
Articulus II. Prosecutio explanationis hu- jus capituli primi, ab eo loco quo ait : Ego Joannes frater vester	231
Articulus III. Elucidatio capituli secundi : Et angelo Ephesi Ecclesiæ scribe	237
Articulus IV. Explanatio capituli tertii : Et angelo Ecclesiæ Sardis scribe	248
Articulus V. Elucidatio capituli quarti : Post hæc vidi : et ecce ostium apertum in cœlo.	258
Articulus VI. Expositio capituli quinti : Et vidi in dextera sedentis super thro- num.	267
Articulus VII. Explanatio capituli sexti : Et vidi quod aperuisset Agnus unum de septem sigillis	272
Articulus VIII. Expositio capituli septimi : Post hæc vidi quatuor angelos stantes.	280
Articulus IX. Explanatio capituli octavi : Et quum aperuisset sigillum septimum.	285

Articulus X. Explanatio capituli noni : Et quintus angelus tuba cecinit	290
Articulus XI. Expositio capituli decimi : Et vidi alium angelum fortem, etc.	295
Articulus XII. Explanatio capituli undeci- mi : Et datus est mihi calamus similis virgæ	300
Articulus XIII. Expositio capituli duode- cimi : Et apertum est templum Dei in cœlo.	305
Articulus XIV. Expositio capituli tertiideci- mi : Et vidi de mari bestiam ascenden- tem	313
Articulus XV. Explanatio capituli quar- tidecimi : Et vidi, et ecce Agnus sta- bat	319
Articulus XVI. Expositio capituli quinti- decimi : Et vidi aliud signum in cœlo magnum	329
Articulus XVII. Expositio capituli sextide- cimi : Et audivi vocem magnam de templo.	333
Articulus XVIII. Explanatio capituli septi- midecimi : Et venit ad me unus de sep- tem angelis	338
Articulus XIX. Explanatio capituli octavi- decimi : Et post hæc vidi alium ange- lum descendentem.	342
Articulus XX. Expositio capituli nonideci- mi : Post hæc audivi, etc.	349
Articulus XXI. Expositio capituli vicesi- mi : Et vidi angelum descendentem de cœlo.	356
Articulus XXII. Expositio capituli vicesimi primi : Et vidi cœlum novum	361
Articulus XXIII. Expositio capituli vicesi- mi secundi : Et ostendit mihi flumen aquæ vivæ	373
Parænesis D. Dionysii Cartusiani ad stu- diosum sacræ Scripturæ.	379

ENARRATIO IN SEPTEM PSALMOS
POENITENTIALES.

Epistola nuncupatoria	385
Proœmium	387
Enarratio in Psalmum I.	395
Enarratio in Psalmum II	406
Enarratio in Psalmum III.	414
Enarratio in Psalmum IV.	424
Enarratio in Psalmum V	440
Enarratio in Psalmum VI.	453
Enarratio in Psalmum VII.	456

MONOPANTON.

- Epistola nuncupatoria 467
- Capitulum I. De verbis contentis in forma salutationum Epistolarum B. Pauli . . 469
- Capitulum II. Gratiarum actio Pauli apostoli pro donis gratiæ collatis a Deo fidelibus 469
- Capitulum III. De orationibus Pauli pro suis discipulis 470
- Capitulum IV. De fide 471
- Capitulum V. De definitione atque effectibus fidei 472
- Capitulum VI. De spe 473
- Capitulum VII. De caritate. 474
- Capitulum VIII. De timore. 475
- Capitulum IX. De humilitate et contra superbiam 476
- Capitulum X. De patientia et tribulationibus justorum ac electorum. 476
- Capitulum XI. De justitia 478
- Capitulum XII. De prudentia, et vitio imprudentiæ. 480
- Capitulum XIII. De sapientia, et insipientiæ culpa 481
- Capitulum XIV. De obedientia 483
- Capitulum XV. De pietate et misericordia. 484
- Capitulum XVI. De temperantia et sobrietate, et corporis castigatione 487
- Capitulum XVII. Contra vitia carnis. . . 487
- Capitulum XVIII. De fortitudine, stabilitate, atque constantia cordis 488
- Capitulum XIX. Contra avaritiam, et de liberalitate 489
- Capitulum XX. De exemplaritate servanda, et scandalis evitandis 490
- Capitulum XXI. Exhortatio ad pacem atque concordiam, et contra dissensionem et contentionem. 491
- Capitulum XXII. Contra temeraria et inordinata judicia 492
- Capitulum XXIII. De spirituali profectu et perfectione 493
- Capitulum XXIV. De correptione caritativa et justa. 495
- Capitulum XXV. De tentatione 495
- Capitulum XXVI. De oratione. 496
- Capitulum XXVII. De spirituali gloriatione seu gaudio et consolatione, et contra inanem gloriam 496
- Capitulum XXVIII. Contra loquacitatem, otium ac curiositatem 498
- Capitulum XXIX. De reformatione interna et gratiarum actione, et quibusdam spiritualibus exercitiis, atque de ordinatione omnium ad ultimum finem . . 498
- Capitulum XXX. De originali peccato et ejus transfusione, et de comparatione gratiæ Christi ad culpam Adæ . . . 499
- Capitulum XXXI. De triplici tristitia, laudabili, vituperabili, et indifferenti. . . 500
- Capitulum XXXII. Exhortatio ad laborem pro felicitate et beatitudine ipsa. . . 500
- Capitulum XXXIII. De desiderio dissolutionis, ut sit cum Christo 502
- Capitulum XXXIV. Contra idololatriam . 502
- Capitulum XXXV. Contra diversa vitia hominum. 503
- Capitulum XXXVI. Exhortatio ad diversas virtutes et actus earum 504
- Capitulum XXXVII. De Synagoga et variis gratiæ donis olim illi collatis, et circumcissione duplici. 505
- Capitulum XXXVIII. De Ecclesia. 506
- Capitulum XXXIX. De efficacia et argumentis prædicationis evangelicæ legis, et de miraculis beati Pauli apostoli . . 507
- Capitulum XL. De gentium vocatione, et Judæorum excæcatione; de finali quoque conversione eorum ad Christum. . 509
- Capitulum XLI. De diversis gratiæ donis Ecclesiæ collatis tempore gratiæ sub evangelica lege 510
- Capitulum XLII. Adhuc de eadem materia, et comparatione gratiarum ad invicem, atque de modo utendi, et de profectu in ipsis 511
- Capitulum XLIII. De excellentia supernorum charismatum Christifidelibus concessorum, præsertim in primitiva Ecclesia 512
- Capitulum XLIV. De prædestinatione et præscientia Dei. 514
- Capitulum XLV. De justitia Dei, et rigore divini judicii contra iniquos 515
- Capitulum XLVI. De ineffabili misericordia Dei super genus humanum, et de pia hominum redemptione per Christum. 516
- Capitulum XLVII. De variis Christi mysteriis, utpote incarnatione, nativitate, humiliatione, paupertate, passione, resurrectione, apparitione, ascensione, et glorificatione ipsius; atque de suæ saluiferæ passionis effectibus. 517
- Capitulum XLVIII. Quod Christus est caput Ecclesiæ, non solum militantis, sed

etiam triumphantis; et de mystica Ecclesiae unitate; atque de excellentia et præconiis Christi	518	diversitate resurrectionis futuræ, ac dotibus corporum glorificandorum	531
Capitulum XLIX. De divinitate et eminentia unigeniti Filii Dei.	519	Capitulum LXVI. De fervida caritate B. Pauli apostoli.	532
Capitulum L. De insufficientia et impotentia legis Mosaicæ ad salvandum sine fide et gratia Christi	520	Capitulum LXVII. De humilitate, patientia, ac persecutionibus B. Pauli apostoli.	533
Capitulum LI. De perfectione et eminentia evangelicæ legis supra legem scriptam.	521	Capitulum LXVIII. De excellentia rectitudinis et sinceritate Pauli apostoli.	534
Capitulum LII. De insufficientia et reprobatione sacrificiorum legalium, et efficacia sacrificii novæ legis	522	Capitulum LXIX. De raptu et visionibus B. Pauli apostoli, et perfectione ejus in omni virtute.	535
Capitulum LIII. Adhuc de insufficientia imperfectioneque legis, et cessatione legalium tempore novæ legis.	522	Capitulum LXX. De multitudine misericordiarum Dei super Apostolum, et actibus exordii suæ conversionis.	535
Capitulum LIV. De cessatione circumcisionis, aliarumque observantiarum legalium, tempore Evangelii promulgati.	523	Capitulum LXXI. Quam humiliter pro se orari poposcerit Apostolus, suisque discipulis; et de aliis quibusdam actibus ejus.	536
Capitulum LV. De sacerdotio et pontificio Christi; et de eminentia Melchisedech, qui fuit ejus figura; et qualiter per Abraham decimatus est Levi	524	Capitulum LXXII. De personis salutantibus et salutatis in Epistolis ejus	536
Capitulum LVI. Quibus virtutibus debeant esse ornati in sacris Ordinibus constituti, episcopi, sacerdotes, diaconi.	525	Capitulum LXXIII. Laudatio et glorificatio Domini Dei omnipotentis	537
Capitulum LVII. De institutione et communione sacramenti Eucharistiæ; et quam damnable sit illud indigne accipere	526	EPITOME.	
Capitulum LVIII. Qualiter conjugati debeant se habere, et de consilio continentiae virginalis et vidualis	526		
Capitulum LIX. De quibusdam documentis pertinentibus generaliter ad viros, atque mulieres, et viduas	527	Prologus	541
Capitulum LX. Qualiter parentes habere se debeant ad sobolem suam, et e converso; qualiter etiam domini ad servos, et vice versa.	528	Liber Genesis	543
Capitulum LXI. Qualiter superiores habere se debeant ad subditos, et e contra; et de quibusdam documentis ad prælatos spectantibus; et qualiter diversos diversimode instruere debeant	529	— Exodi.	547
Capitulum LXII. De spirituali regeneratione Baptismi; et cur debeamus de cetero recedere a peccatis	530	— Leviticus.	550
Capitulum LXIII. De adventu impiissimi et falsissimi Antichristi, ac die judicii.	530	— Numeri	551
Capitulum LXIV. De generali resurrectione futura.	530	— Deuteronomii	553
Capitulum LXV. De fidei probatione ac		— Josue	556
		— Judicum.	557
		— Ruth	559
		— Regum primus.	559
		— Regum secundus.	561
		— Regum tertius.	563
		— Regum quartus	564
		— Paralipomenon primus.	565
		— Paralipomenon secundus	566
		— Esdræ primus	567
		— Esdræ secundus	568
		— Tobiae.	568
		— Judith.	570
		— Esther.	571
		— Job.	571
		— Proverbiorum	578
		— Ecclesiastæ	586
		Canticum Canticorum	588
		Liber Sapientiæ	589
		— Ecclesiastici.	593
		Prophetia Isaïæ	604
		— Jeremiæ	616

Threni.	622	Epistola secunda ad Corinthios.	674
Prophetia Baruch.	623	— ad Galatas	676
— Ezechielis	624	— ad Ephesios	677
— Danielis	626	— ad Philippenses	679
— Osee.	629	— ad Colossenses.	680
— Joel	631	— prima ad Thessalonicenses	681
— Amos	631	— secunda ad Thessalonicenses.	682
— Abdiæ	632	— prima ad Timotheum	683
— Jonæ	633	— secunda ad Timotheum	684
— Michææ	633	— ad Titum	685
— Nahum.	635	— ad Philemonem	686
— Habacuc	635	— ad Hebræos.	686
— Sophoniæ.	636	Liber Actuum Apostolorum	690
— Aggæi	636	Canonica Jacobi apostoli	696
— Zachariæ	637	— Petri apostoli prima	697
— Malachiæ	639	— Petri apostoli secunda	699
Liber Machabæorum primus.	640	— Joannis apostoli prima	700
— Machabæorum secundus	642	— Joannis secunda.	702
Evangelium Matthæi.	644	— Joannis tertia.	702
— Marci.	651	— Judæ apostoli	702
— Lucæ.	653	Apocalypsis Joannis apostoli	703
— Joannis	658		
Epistola ad Romanos	665	Index locorum S. Scripturæ	711
— prima ad Corinthios	670	Index analyticus.	717

EMENDANDA. Pag. 157 D, lin. 2 : historia, *lege* Historia; — 227 A', lin. 1 : evolvitur,... evol-
vatur; — 296 B', lin. 6, *dele* est; — 373 A', lin. 10 : ea, *lege* eo; — 428 C', lin. 5 : Imperatori,...
Imperatore; — 463 B, lin. 3 : posito,... positos.

DUBIA. Pag. 11 C, lin. 9 : singularia, *forasan* singula.


Tom. II, pag. 744, et tom. VII, pag. 595 : Guillelmus Antisiodorensis episcopus, *dele* episcopus.


Tom. VI, pag. 767 in fine, *dele* « Dubia ». (Gregor. Turon. Histor. Franc. lib. II, c. 1.)

Tom. X, pag. 733, col. 1 in medio, *lege* Assur, fundator urbis Ninive.



Typis Cartusiæ Sanctæ Mariæ de Pratis. Monstrolii.
J. ARNAUNÉ typographus.





pera

THE INSTITUTE OF MEDIAEVAL STUDIES
10 ELMSLEY PLACE
TORONTO 5, CANADA,

3924,

